

**INATSIARTUT  
OMBUDSMANDIATA  
UKIUMOORTUMIK  
NALUNAARUTAA  
2003**

**INATSIARTUT  
OMBUDSMANDIATA  
UKIUMOORTUMIK  
NALUNAARUTAA  
2003**



# IMAI

<b>Siulequt</b> .....	7
<b>1. Atorfeqarfimmi pissutsit nalinginnaasut</b> .....	8
1. Sulisut.....	8
2. Angalanerit tikeraarnerillu nunanillu allanik suleqateqarneq.....	8
3. Ombudsmandip pisinnaatitaanera .....	9
4. Allanik suleqateqarneq.....	16
5. Missingersuutit, naatsorsuutit kukkunersuinerlu .....	16
<b>2. Kisitsisit atorlugit nassuiaatit</b> .....	18
Suliat amerlassusii. Suliat aalajangersimasumik suliarineqarsimanngitsut. Suliat aalajangersimasumik suliarineqarsimasut. Suliat allatigut agguataagaanerat. Suliat titartaganngorlugit takussutissianut agguataagaanerat.	
<b>3. Apeqqutit ingerlatsinermi inatsiseqartitsinermut tunngasut pillugit ataatsimoortumik oqaaseqaatit</b> .....	37
<b>4. Suliat suliniutillu nammineerluni misissugassannhortitat kommuninullu tikeraarnerit</b> .....	57
<b>5. Suliat nalinginnaasumik soqutiginaatillit, inatsiseqartitsiffiusunut agguataakkat</b> .....	69
<b>11.01-11.09 - Namminersornerullutik Oqartussat</b>	
<i>20. Sulineq pillugu inatsiseqartitsineq</i>	
1. Sulisup pisortaqarfimmit allameersup qinnuteqaatigalugu soaraanera pillugu suliamik Aqutsinermut Pisortaqarfiup suliarinnissimanera.....	69
2. Tjenestemandip atorfimmi appariartinneqarneranut nuutsitaaneranullu atatillugu suliap amigaatilimmik paasissutissartalersorneqarsimanera.....	102
<i>30. Attartorneq pillugu inatsiseqartitsineq</i>	
1. Suliani nunaminertat atorneqarnerat pilersaarusiernerlu pillugit inatsisartut peqqussutaannut ilaatinneqartuni oqartussaasup quilliunerusutut naammagittaalliorfiusussap suliarinninnissaanik piumasaqarneq.....	128

<i>56. Aalisarneq, piniarneq, aallaaniarneq nunalerinerlu</i>	
1. Suliami allagaatinik paasitinneqarsinnaatitaanissaq pillugu qinnuteqaammik suliarinninnermut atatillugu piffissamik suliap suliarineqarneranut atorneqartumik sivisunaarsineq .....	159
2. Immikkut Ikiorsiisarnermi Aningaasaateqarfimmit ikiorserneqarnissaq pillugu qinnuteqaammik itigartitsineq .....	163
<i>85. Ataatsimiititaliaq inuit aqqinik akuersisartoq</i>	
1. Inuit aqqi kalaallit aqqinik nagguillit pillugit akuersisarneq .....	172
<i>99. Allat</i>	
1. Meeqqanut inuusuttunullu paaqqinniffimmut imminut pigisumut tapiissuteqarnissamik aalajangiinnermut atatillugu pisinnaatitaanermik killiliineq .....	190

## **11.10 Kommunit**

<i>01. Isumaginninneq pillugu inatsiseqartitsineq</i>	
1. Ineqarnermut tapiissutinik qinnuteqaammik kommunip suliaqarnera .....	201
2. Siusinaartumik soraarnerussutisianik qinnuteqaateqarnermut atatillugu piffissaq suliamik suliarinninnermut atorneqartoq. Allagaatip kingumoortumik ullulerneqarnera .....	211
3. Meeqqanut akilersuutit tunniunneqarallarsimasut akilersinniarneqarnerannut atatillugu kommunip suliamik uppersaaser-suina .....	223
<i>20. Sulineq pillugu inatsiseqartitineq</i>	
1. Kommunip nuunnermut aningaasartuutininik akilerneqarallarsimasunik inatsisunik unioqqutitsisumik akileeqqusinera .....	234
2. Isumaqtigiissutit malillugit atorfeqartitamik qinnuteqarnikkut soraarsitsinermi suliap suliarineqarnissaanut piunasaqaatit .....	247
<i>49. Akiliisitsiniarneq pillugu suliaqarneq</i>	
1. Taxacentralimik ingerlatsinermut akiliummik kommunip akileeqqusinera .....	254

## **11.20 - A/S Inissiatileqatigiiffik INI**

<i>24. Sulisunut inissiat</i>	
1. Attartortup attartukkaminik atorunnaarsitsinera .....	274

<i>26. Inissiamik innersuussineq</i>	
1. Inigisamik paarlaateqatigiinneq. Attartukkap siumoortumik akilerneqarnissaanik apeqqt .....	285
<i>27. Attartukkamik atorunnaarsitsineq</i>	
1. Attartukkamik atorunnaarsitsineq atorunnaarsitsinermillu nalunaaruteqarnerup iluserisaa pillugu apeqqt .....	295
<i>28. Ineqarnermut akiligassat akilingitsuukkat</i>	
1. Attartukkamik atorunnaarsitsinermut piumasagaatit. Nuunnermi aningaasartuutunik akiliisitsisarneq attartukkamillu atorunnaarsitsinerup kingornatigut attartorneq. Akiliummik akiliisitsineq inatsisitigut tunngavissaqartinneqanngitsoq .....	307
<i>30. Allamut attartortitsigallarneq</i>	
1. Nalunaarutip Inatsisartullu peqqussutaata akornanni naapertuunneqannginneq. Attartukkamik allamut attartorallartitsisinaaneq pillugu apeqqt .....	340
<b>11.73 Suliat nammineerluni misissugassanngortitat</b>	
<i>12. Meeqqanik inuusuttunillu ikiorsiisarneq</i>	
1. Kommuniq niviarisaaqqamik aqqanilinnik ukiulimmik meeqqanut angerlarsimaffimmut inissiinera .....	350
<i>26. Attartorneq pillugu inatsiseqartitsineq</i>	
1. Ineqarnermut akiliutit qaffanneqarnissaannik ilimasaarut .....	376
2. Nuunnermut atatillugu akiligassiisutit .....	383
<i>49. Akiliisitsiniarnermik suliaqarneq</i>	
1. Suliassat suliarineqartarnerat pillugu inatsimmi ingerlatsinermi oqartussaasunut ilaangitsunut akileraarutitigut utertoortisiasat pillugit paasissutissanik tunniussisarneq. Pinngitsaaliissummik akiliisitsiniartoqareersinnagu akileraarutitigut utertoortisiasanit ilanngaassinissamik qinnuteqarneq .....	391
<i>70. Allat</i>	
1. Umiarsualivimmut oqartussaaneermik isumaginnittussanngortitsineq .....	406
<i>88. Kommuninut tikeraarnerit</i>	
1. Sulianik akiliisitsiniarnermut tunngasunik misissuineq .....	435

*94. Pisortat pillugit inatsiseqartitsineq*

- |  |            |
|--|------------|
| 1. Inuusuttut atugarisaat pillugit apersuinermi immersugassat atorlugit misissuineq .....  | 455        |
| <b>6. Sulianik ukiunut siusinnerusunut nalunaarutini eqqartorneqartunik malitseqartitsineq. Naammagittaalliutit. ....</b>                          | <b>466</b> |
| <b>7. Sulianik ukiunut siusinnerusunut nalunaarutini eqqartorneqartunik malitseqartitsineq. Suliat nammineerluni misissugas-sanngortitat. ....</b> | <b>519</b> |
| <b>8. Oqaatsinik ujarliutit .....</b>  | <b>561</b> |

## Inatsisartunut

Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 10, imm. 2 naapertorlugu Ombudsmandi sulini- ni pillugu Inatsisartunut ukiumoortumik nalunaaruteqartassaaq. Nalunaa- rut taanna naqinneqassaaq tamanullu nalunaarutigineqarluni, Ombudsman- dillu sulinera pillugu Aalajangersakkat Nalinginnaasut, Inatsisartunit 14. juni 1995-imi aalajangersarneqarsimasut, malillugit Inatsisartut aappas- saanik ileqquusumik ataatsimiinneranni tunniunneqartussaalluni. Nalunaa- rut taanna qaammatsiutit ukiuanni qaangiuttumi Ombudsmandip suliarisi- masaanik imaqtussaavoq.

Inatsisartut Ombudsmandiat pillugu Inatsisartut inatsisaanni § 10, imm. 3, naapertorlugu suliati ukiumoortumik nalunaarummi saqqummiunneqar- tut oqartussaaffiit pissutsinut isornartorsiorneqartunut nassuiaataannik ila- qartinneqartussaapput. Tamanna tunngavigalugu ukiut ombudsmandeqar- fiup nalunaarusiorfigisaasa qulingiluaannut nalunaarusiaq imaattunik ima- qarpoq:

1. Atorfeqarfimmi pissutsit nalinginnaasut:
  - 1.1. Sulisut
  - 1.2. Angalanerit tikeraarnerillu nunanillu allanik suleqateqarneq
  - 1.3. Ombudsmandip pisinnaatitaanera
  - 1.4. Allanik suleqateqarneq
  - 1.5. Missingersuutit, naatsorsuutit kukkunersiuinerlu
2. Kisitsisit atorlugit nassuiaasiat
3. Apeqqutit ingerlatsinermi inatsiseqartitsinermit tunngasut pillugit ataatsimoortumik oqaaseqaatit
4. Suliati suliniutillu nammineerluni misissugassanngortitat kommuni- nullu tikeraarnerit
5. Suliati nalinginnaasumik soqutiginaatillit, inatsiseqartitsiffiusunut ag- guataakkat
6. Sulianut ukiunut siusinnerusunut nalunaarutini eqqartorneqartunut malitseqartitsineq - naammagittaalliuutit
7. Sulianut ukiunut siusinnerusunut nalunaarutini eqqartorneqartunut malitseqartitsineq – suliati nammineerluni misissugassanngortitat
8. Oqaatsinik ujarliutit

Immikkoortumik nutaamik, immikkoortoq 7-imik, pilersitsivunga, sulia- ni namminerluni misissugassanngortitani, ukiunut siusinnerusunut nalu- naarutini ilanngunneqarsimasuni, oqaaseqaatigisannut malitseqartitsiner- nik tassani eqqartuillunga.

Nuuk, august 2004

Vera Leth



## **1. Atorfeqarfimmi pissutsit nalinginnaasut.**

### **1.1. Sulisut.**

Allaffimmi fuldmægtig Sofie Josefsen Atorfeqarfimmi atorfimminit 2003-mi julip qaammataata naanerani tunuarpoq. Atorfimmi inuttaqanngitsumi Pia Marie Kleist 15. august 2003-mi atorfinitsippara.

Ukiup 2003-p naanerani sulisut uku sulisorineqarput:

Inatsisilerinermi pisortaq Michael Mikkelsen  
 Oqalutsit/nutserisut pisortaat Amalie Skøtt  
 Fuldmægtig Malene Kleist  
 Oqalutsi/nutserisoq Peter Mathiassen  
 Oqalutsi/nutserisoq Jørgen Hansen  
 Fuldmægtig Allan Schmidt  
 Fuldmægtig Jakob Dideriksen  
 Fuldmægtig Ane Marie Wegerslev Hansen  
 Allaffimmi fuldmægtig Pia Marie Kleist

### **1.2. Angalanerit tikeraarnerillu nunanillu allanik suleqateqarneq.**

2003-mi majip aamma decemberip qaammataanni Nunat Avannarliit Killiit ombudsmandiisa Savalimmiuni kiisalu Qallunaat Nunaanni ataatsimiinneranni peqataavunga.

Fuldmægtig Allan Schmidt aamma fuldmægtig Jakob Dideriksen Nunat Avannarliit ombudsmandiisa 2003-mi septemberip qaammataani Helsinkimi ataatsimiinneranni Atorfeqarfik sinnerlugu peqataapput.

Nordisk Administrativ Forbundip 27-ssaanik Islandimi ataatsimeersuarnerani peqataanissaq pilersaarutigineqartoq sila pissutigalugu peqataaffigineqarsinnaasimangilaq.

Kommuninut tikeraarnerit uku 2003-mi naammassivakka:

Martsip qaammataani: Aasiaat Kommuniat.

Junip qaammataani: Qeqertarsuup Kommunia.

Periarfissani marluusuni taakkunani Kangaatsiap Kommuniata tikeraarfiginiarnera iluatsissimangilaq, ilaatigut sila pissutigalugu ilaatigullu kommunip oqartussanik allanik tikeraarteqarnera pissutigalugu.

Oktoberip qaammataani: Narsap Kommunia Paamiullu Kommuniat.

### **1.3. Ombudsmandip pisinnaatitaanera.**

#### **Aalisarnermik nakkutilliisup akissarsiaanut atorfinitsitaaneranilu atugassarititaasunut tunngasut pillugit naammagittaalliuut. (J.nr. 11-04.20.01/102-02)**

Aalisarnermik nakkutilliisup Kalaallit Nunaanni Namminersornerullutik Oqartussat ataanni Kalaallit Nunaanni Aalisarnermik Nakkutilliisoqarfimmi atorfeqartinneqartup aki550ssarsiaanut atorfinitsitaaneranilu atugassarititaasunut tunngasut pillugit pissutsit, Kalaallit Nunaanni Naalakkersuisut aamma Aalisarnermik Nakkutilliisut Peqatigiiffiata (Aa.N.P.) akornanni isumaqatigiissummit 1. april 2002-meersumit aalajangersaavigineqartut pillugit naammagittaalliuutip suliarinissaa itigartitsissutigisimavara.

Itigartitsinera pissuteqarpoq isumaqatigiissummi illua'tungiusup aappaanut, Kalaallit Nunaanni Namminersornerullutik Oqartussanut, tunngasumik taamaallaat pisinnaatitaagama isumaqatigiissut unioqqutinneqarsimanersoq isummerfigisinnaannginnakku.

#### **Den Sociale Ankestyrelse pillugu nammagittaalliuut. (J.nr. 11.43.23-01/102-03)**

Aalisarnermut piniarnermullu kattuffiup KNAPK-p kattuffiup ilaasortai sinnerlugit naammagittaalliuutaanik 20. juni 2003-mi tigusaqarpunga. Naammagittaalliuut sulisilluni ajoquserneq pillugu suliamut, kingullermik Den Sociale Ankestyrelsimut naammagittaalliuutigineqarsimasumut suliamilu 28. marts 2003-mi aalajangiisimasumut, tunngavoq. Den Sociale Ankestyrelsimut tunngasumik pisinnaatitaannginnama suliaq Folketingip Ombudsmandianut nassiussimavara.

#### **Periaaseq inatsisinut akerliusoq pillugu Inatsisartunut Naalakkersuisunullu nalunaarutiginninneq.**

Pisuni ataasiakkaani, oqartussap periaatsimik allannguinnessaanik inassuteqaateqarfigisimasanni, paasisimavara oqartussap, naak inassuteqaateqarsimagaluartunga, periaaseq inatsisinut naapertuutinngitsoq atuutitiinnarniaraa.

Aalajangerpunga suliani taamaattuni, tamatumani allaffissornikkut periaaseq inatsisinut naapertuutinngitsoq taamaatitinneqarnani, naak tamanna pillugu inassuteqaateqarsimagaluartunga, Inatsisartut Naalakkersuisullu tamatuminnnga nalunaaruteqarfigisarniarlugit, tak. ombudsmandi pillugu inatsimmi § 11, taannami malillugu inatsisini allaffissornikkullu aalajangersakkani atuuttuni amigaataasut pillugit nalunaaruteqarnissannut pissaaffeqarama.

Periaaseq inatsisinut akerliusoq § 11-p oqaasertaanut toqqartumik ilaangikkaluarpoq, kisiannili Inatsisartut Ombudsmandiat pillugu Inatsisartut inatsisaat pillugu oqaaseqaatit, inatsisip qallunaat najoqqutassiaat najoqqutatalugu suliarineqarsimaneranut innersuussisut, nalinginnaasut naaper-

torlugit qallunaat ombudsmandi pillugu inatsisaanni sionatigut atuussima-sumi aalajangersakkamut (§ 11) tassunga assingusumut, qallunaat ombudsmandi pillugu inatsisaanni atuuttumi § 12-imut, naapertuuttut paasineqartariaqarluni.

Qallunaat Ombudsmandiata periaaserisaa malillugu maleruagassaq taas-sumunnga assingusooq Folketingip Ombudsmandianuttaaq periaatsimik inatsisinut akerliusumik nalunaarutiginnittussaataaerimik imaqarpoq.

Tamatuma assinganik norskit ombudsmandi pillugu inatsisaanni (anner-tunerusutigut Kalaallit Nunaanni aamma Qallunaat Nunaanni Ombudsmandit pillugit inatsisinut naapertuuttuusumi) § 11 periarfissiivoq inatsisit, allaffissornikkut aalajangersakkat imaluunniit allaffissornikkut periaaseq pillugu amigaatit pillugit ombudsmandi allaffissornikkut aqutsisunut nalunaarutiginnissinnaasoq.

### **A/S Inissiaatileqatigiiffik INI pillugu naammagittaalliuutit.**

Attartorneq pillugu peqqussummi allannguut imaattoq 1. juni 2003-mi atuutilerpoq:

"Kapitali 10a.

Nakkutillineq

§ 60a. Namminersorerullutik Oqartussat kommuniluunniit avataaneersumik sanaartormik aqutsisoqarpata Naalakkersuisut kommunalbestyrelsiluunniit inatsisartut peqqussutaat manna kiisalu peqqussut naapertorlugu aalajangersakkat malil-lugit sanaartormik aqutsisup sulinini ingerlanneraa nakkutigissavaat tamannalu pillugu ukiumoortumik nalunaaruteqartassallutik.

Imm. 2. Kommune inissiaatiminik nammineq aqutsiguni inatsisartut peqqussu-taat manna peqqussullu naapertorlugu aalajangersakkat malillugit tamanna ingerla-tissavaa.

Imm. 3. Inissiaatillip nakkutilliusaataaerimik nammassiniarlugu inissianik aqutsisup kukkunerisuisua inissianik aqutsisup inatsisartut peqqussutaat manna peq-quussullu naapertorlugu aalajangersakkat malillugit suliaminik ingerlatsinera pillugu nalunaaruteqartissinnaavaa.

Imm. 4. Kommune inissiaatiminik nammineq aqutsisoq inissianik aqutsinerup i-natsisartut peqqussutaat manna peqqussullu naapertorlugu aalajangersakkat malillu-git ingerlatsineq pillugu nammineq kukkunerisuisuni nalunaaruteqartissinnaavaa.

Imm. 5. Inissiaatilik tunngavissaqanngitsumik kinguarsaanani imm. 1, 3 imaluun-niit 4-mi nalunaarummik taaneqartumik ukiut tamaasa Naalakkersuisunut nassius-sassaaq.

Imm. 6. Namminersorerullutik Oqartussat kommunillu inissiaataannik attartor-tittakkanik najugaqatigiiffinnillu, taakkununga ilanngullugit inissiaatillip aqutsi-sulluunniit aningaasaliissutinik ingerlatsineranik, missingersuusiorneranik, naatsor-suusiorneranik kukkunerisuiuneranillu nakkutilliinermut Naalakkersuisut malit-tarisassiorsinnaapput."

Inatsisissatut siunnersuummi aalajangersagaq pillugu imaattunik oqaa-seqaateqartoqarpoq:

”§ 1, nr. 11-mut

Aalajangersakkap nassataraa inissiamik piginnittumut avataanit inissiamik aqut-sisulersimasumut nakkutilliisussaataitanermik malittarisassaqaalersitsineq. Nammi-nersornerullutik Oqartussat kommuniluunniit avataanit inissiamik aqut-sisulersima-gunik nakkutilliisussaataitanerminnik naammassinnissinnaapput aqut-sisup kukku-nersiuisua inissiamik aqut-sisup sulinerminik inatsisartut peqqussutaat manna peq-qussulluunniit naapertorlugu aalajangersakkat malillugit ingerlatsinera pillugu nalu-naaruteqartitsinermikkut. Tamatumani Namminersornerullutik Oqartussat kom-muniluunniit avataanit aqut-sisup kukkunerinut naammassinninngitsuinerinulluun-niit pinngitsuutinneqarsinnaanngillat.

Inissiamik piginnittup inissiaatinimik nammineq aqut-sisup sulinermi inatsisartut peqqussutaat manna peqqussulluunniit naapertorlugu aalajangersakkat malillugit i-ngerlanneqarnera pillugu kukkunerisuiisuminut nalunaarutigittissavaa. Naatsorsuu-tigineqarpoq aqut-sisup naatsorsuusiorneminut atatillugu Naalakkersuisunut tama-tuminnga nalunaaruteqartassaq.

Aammattaq aalajangersakkap nassataraa nakkutilliineq pillugu, tassunga ilan-gullugu paasissutissat nakkutilliinissamut atugassat pillugit Naalakkersuisut ersa-rinnerusunik malittarisassiorsinnaanerat.”

Tamanna tunngavigalugu aalajangerpunga pissutsit inissianik attartor-neq pillugu Inatsisartut peqqussutaannut ilaatinneqartut pillugit A/S Inis-siaatileqatigiiffik INI pillugu siunissami naammagittaalliutit, suliarinis-saat itigartitsissutigereersimanngisama, tungaasigut tusarniartassagiga naammagittaalliutit Attaveqarnermut Ineqarnermullu Pisortaqarfik qanoq iliuuseqarnissamut pissutissaqaalersinneraat.

Naammagittaalliutit sisamat, inissiaatileqatigiiffik pillugu juni 2003-p kingornagut tigusimasakka, pillugit Attaveqarnermut Ineqarnermullu Pi-sortaqarfik allakkani 20. oktober 2003-meersuni qinnuigisimavara pisor-taqarfik, tak. peqqussummi § 60a, pissutsinik naammagittaalliutini taak-kunani tigusimasanni ilaatinneqartunik misissuiumanersoq nassuiaateqaaq-qullugu.

Pisortaqarfiup allakkani 3. november 2003-meersuni ima akissuteqarfi-gaanga:

”Naammagittaalliutininut Ombudsmandip tigusimasaanut atatillugu inissiaatile-qatigiiffiup suliamik suliarinnissimanagera Ombudsmandip misissuiffisariaqarneraa Ombudsmandip eqqarsaatersuutigaa. Tamatuma pilinnginnerani inissianik attartor-neq pillugu peqqussummi § 60a naapertorlugu pisortaqarfiup nakkutilliisussaataita-aasutut suliat pineqartut imarisaat pissutsit, tak. Ombudsmandip allagaa, misissuiffi-gineqarnissaat pisortaqarfiup pissutissaqarsorinerlugu nassuiaateqarfigissagaa Om-budsmandip piumasaqaatigaa.

Ineqarnermut Attaveqarnermullu Pisortaqarfiup Ombudsmandi ilisimatissinaavaa inissianik attartorneq pillugu peqqussummi § 60a naapertorlugu Namminer-sornerullutik Oqartussat nakkutilliisussaataitanertik eqquutsikkaat inissianik attar-torneq pillugu peqqussut aalajangersakkallu peqqussut naapertorlugu atuutsinneqar-tut naapertorlugit inissiaatileqatigiiffiup suliasaminik suliarinnittarnera pillugu inissiaatileqatigiiffiup kukkunerisuiisuaata uppenarsaammik ukiumoortumik sulia-qartittarneratigut.

Inissianik attartorneq pillugu peqqussummi § 60a erseqqissorujussuarmik oqaa-sertaligaavoq, taamaatumillu uppenarsaatip ukiumoortumik suliarineqarneranut

atatillugu sulianik ataasiakkaanik inissiaatileqatigiiffiup kukkunersuiisuata Namminersorerullutik Oqartussanit misissueqqunissaa pissutissaqarani.

Suliat pineqartut sisamat pillugit Ombudsmandip apeqquaqataai pisorta qarfiimmut saaffiginnissutaanngitsut pisorta qarfik isumaqarpoq, taamaattumik pissutsit taaneqartut misissuiffiginissaat pisorta qarfiup pissutissaqarsorinngilaa.

Naammagittaalliuqartut ataasiakkaat kingorna suliassiissutitik pisorta qarfiimmut toqqaannartumik saaffiginnissutigissagaluarpatigit, soorunami pisorta qarfiup eqqarsaatersuutigissavaa naammagittaalliuutit suliarineqarnissaannut tunngavissanik saqqummersoqarsimanersoq.”

### Taava 13. november 2003-mi pisorta qarfiimmut allappunga:

”Pisorta qarfiup akissutaa imatut paasivara pisorta qarfik isumaqartoq pisorta qarfiup attartorneq pillugu peqqussummi § 60a malillugu nakkutilliinissamut pisisaaffia inissiaatileqatigiiffiup kukkunersuiisuanut pisorta qarfiup oqaaseqaasioqqusi-sarneratigit malinneqartoq, tak. attartorneq pillugu peqqussummi § 60a, imm. 3.

Inissiaatileqatigiiffiup kukkunersuiisuata sulianik ataasiakkaanik misissueqqullugu pisorta qarfiimmut peqquneqarnissaanut attartorneq pillugu peqqussummi § 60a, imm. 3-p inatsisitigit tunngavigneqarsinnaannginneranik pisorta qarfiup oqarnera isumaqatigigaluarpara.

Pineqartorli tassaavoq pisortat inissiaataannik aqutsinerup, tamatumunnga malit-tarisassat immikkut ittut atuuppata, ingerlatsinermi aalajangiinerunera, tak. tamatu-munnga tunngaviusoq A/S Inissiaatileqatigiiffik INI-mi suliassat suliarineqartarne-rat paasitinneqarsinnaatitaanerlu pillugit Namminersorerullutik Oqartussat nalu-naarutaat nr. 37, 19. december 1996-imeersoq, ingerlatsinerullu taassuma aqut-sisumut namminersortumut, tassalu A/S Inissiaatileqatigiiffik INI-mut, inissiaatile-qatigiiffimmik pilersitsinissaq pillugu Inatsisartut peqqussutaat tunngavigalugu isumagisassanngortinneqarsimanera.

Ingerlatsinermi pisinnaatitaanerup, matumani innuttaasut eqqarsaatigalugit aala-angiisarnissamut pisinnaatitaaneq ilanngullugu eqqarsaatigalugu, suliffeqarfiimmut namminersortumut isumagisassanngortinneqarnerani immiiniippoq innuttaasut i-ngerlatsinermi inatsiseqartitsinermi malittarisassat malillugit pisinnaatitaaffiisa in-narlerneqannginnissaannik aqutsisup namminersortup ilumut malinninneranik i-ngerlatsinermi oqartussaasutut pisinnaatitaasorpiaap nakkutiginninnissamut immik-kut pisisaaffeqarnera.

Tamanna aqutsisup namminersortup ingerlatsinermi oqartussaasoq eqqarsaatiga-lugu tassunga nalinginnaasumik alliunerusutut inissisimanninneranik, taamaattu-millu ingerlatsinermi inatsiseqartitsinermi aqutsineq pillugu malittarisassanut oqar-tussaasunut qullersariaarlutik ingerlatsisunut atuuttunut ataaniinnginneranik pissu-teqarpoq, ingerlatsiviulli aqutsisumik namminersortumik aqutsinera aningaasaliis-suteqartarnikkut isumaqatigiissutitigullu aqutsinermit kiisalu ingerlatseqatigiiffin-nut tunngasumik inatsiseqartitsinermi aqutsinermit periarfissanik killilersugaalluni.

Aamma oqaatigaara umiarsualivinnut oqartussaassutsip Royal Arctic Line A/S-imut isumagisassanngortinneqarnera pillugu ajornartorsiut tassunga assingusoq su-liarisimagiga, oqaaseqaatinnilu tassani, pisorta qarfiimmut 10. november 2003-mi<sup>1</sup> nassiussimasanni, ingerlatsinermi aalajangiisartuusut inuit ataasiakkaat pillugit inat-siseqartitsineq tunngavigalugu pilersinneqarsimasut eqqarsaatigalugit ingerlatsiviup aqutsinissamut periarfissai erseqqinnerusumik pulaffigaakka.

---

1. Takuuk immikkoortoq 5, suliaq 11.73.70-1

Ingerlatsiviup ingerlatsinermi aalajangiisartup namminersortup inatsiseqartitsinikkut aqutsinissaanut periarfissaasa killeqarnerat isiginiarlugu paasininnera uaa-voq, ingerlatsivik kukkunerit ingerlatsitsinermi aalajangiisartup namminersortup kukkunerisa aqqinnissaannut immikkut pisussaaffeqartoq.

Tamannalumi attartorneq pillugu peqqussutip allannguutissaatut, § 60a-p oqaasertalersorneqarnerani, siunnersuut pillugu Naalakkersuisut oqaaseqaataannut tungaviusimasorinarpoq.

Oqaaseqaatini imaattunik allassimasoqarpoq:

”Aalajangersakkap nassataraa inissiamik piginnittumut avataanit inissiamik aqutsisuulersimasumut nakkutilliisussaataitanermik malittarisassaqaalersitsineq. Namminersornerullutik Oqartussat kommuniluunniit avataanit inissiamik aqutsisulersimagunik nakkutilliisussaataitanerminnik naammassinnissinnaapput aqutsisup kukkunerisuisua inissiamik aqutsisup sulinerminik Inatsisartut peqqussutaat manna peqqussulluunniit naapertorlugu aalajangersakkat malillugit ingerlatsinera pillugu nalunaaruteqartitsinerimikkut. Tamatumani Namminersornerullutik Oqartussat kommuniluunniit avataanit aqutsisup kukkunerinut naammassinngitsuuinerinulluunniit pinngitsuutinneqarsinnaanngillat.”

Tassani kukkunerisuiusup ingerlatsinermi oqartussaasuunnginnera kukkunerisuiusullu inissiaatileqatigiiffiup ingerlatsinera pillugu oqaaseqaataata kukkunerisuiusup kukkunerisuiunermik suliaqarnermini attartortitsineq pillugu peqqussutip ingerlatsinermilu malittarisassat taanna tungavigalugu aalajangersarneqarsimasat malinneqarsimanerannik eqqumaffiginnissimanera pillugu oqaaseqaatitut paasineqartariaqarnera aamma ilaavoq. Taamaattumik § 60a, imm. 3 imatut paasineqartariaqarpoq, inissiaatileqatigiiffiup kukkunerisuiusua peqqussummi aalajangersakkami oqaatigineqartutut oqaaseqaateqaquneratigut pisortaarfik inissiaatileqatigiiffiup aningaasaqarnikkut ingerlatsineranik ingerlaavartumik nammineq nakkutilliinissamat pisussaaffimmint kaanngartinneqartoq.

Taamatulli oqaaseqaatikku pisortaarfip inissiaatileqatigiiffimmut ingerlatsinermi inatsiseqartitsineq tungavigalugu pisussaaffii atorunnaarsinneqanngillat.

§ 60a-mi nakkutilliinissamik aalajangersagaq tamanna naapertorlugu taamaatut paasisariaqarpara, taamaattumillu imm. 3 apeqputaatinagu inissiaatileqatigiiffiup ingerlatsinera pillugu naammagittaalliutinik pisortaarfip tigusaqarfigisai, imaluunniit pissutsit inissiaatileqatigiiffiup ingerlatsinermini kukkuffigisimasinnaasatut misissornissaannut pissutissaqartut, misissussallugit pisortaarfip pisussaaffeqarnera aalajangersakkap taassuma nassataraa.

Aammattaq pisortaarfik suliap misissorneqarnerata kingornatigut isumaqarpat inissiaatileqatigiiffik kukkussuteqarsimasoq, aqutsinermi piginnaatitsissutit pigineqartut atorlugit kukkunerup aqqitsinniarneqarnissaa pisortaarfip isumagisariaqarparaa.

Taamatut pisussaaffeqarneq uanga isumaga malillugu, pisortaarfip ineqarnermut qitiusumik allaffissornikkut oqartussaasutut inissisimanera pissutigalugu, pisortaarfimmeereerpoq.

Tamatuma kingorna uannut aamma paasiuminaappoq naammagittaalliutit naammagittaalliortunit pisortaarfimmut saaffiginnissuteqarnera pillugu ilisimatisimasannit uanga aqqutigalunga toqqaannartumilluunniit saqummiunneqarnerat pisortaarfip sulianik misissuinissamat pisussaaffeqarneranut sunniteqarsinnaanerat pisortaarfip uannut akissummini sooq oqaatiginneraa.

Taamaattumik pisorta qarfik qinnuigeqqipara saaffiginnissutit tigusimasakka pisorta qarfiup suliamik misissuinissaanut pissutissaqalersitsinersut uannut nalunaarutigeqqullugu.

...

Naggataatigut oqaatigaara ...-mit, inissiaatileqatigiiffiup uffarfinnik nutarterinermini periaaserisaa pillugu pisorta qarfimmu naammagittaalliorsimasumit, oqarasuaatikkut 11. november 2003-mi saaffigineqarsimasunga. Pisorta qarfiup allakkani 7. november 2003-meersuni tunngavilersuuteqarnani suliap suliarinissaa itigartitsisutigaa, naammagittaalliullu inissiaatileqatigiiffimmu akineqartussanngorlugu ingerlateqqissimallugu.

Taamaattumik aamma pisorta qarfik qinnuigaara, matuma siuliini oqaaserisama sutigut qanoq iliuseqarnissamik pissutissaqalersitsinerat ilanngullugu, ...-p naammagittaalliutaana pisorta qarfimmu suliarineqassanersoq isummerfigeqqullugu, tamatumunngalu atatillugu pisorta qarfik apeqqummu tassunga isummernerminik uannut nalunaaruteqaqqullugu qinnuigaara.”

Pisorta qarfiup akissutaanik imaattumik 9. december 2003-mi tigusaqarpunga:

”Ineqarnermu Attaveqarnermullu Pisorta qarfik Ombudsmandip allagaanik 13. november 2003-meersunik tigusaqarpoq ...

A/S Inissiaatileqatigiiffik INI pillugu naammagittaalliutit sisamat, Ombudsmandip tigusimasaana, suliarinissaannik pisorta qarfiup itigartitsinera Ombudsmandip apeqquserpa. Ombudsmandi isumaqarpoq pisorta qarfik suliassanik misissuinissaminut pisussaaffeqarnerani allaassuteqartinneqartariaqanngitsoq suliassat naammagittaalliortunit pisorta qarfimmu toqqartumik saqqummiunneqassanersut imaluunniit suliassat Ombudsmandimut pisorta qarfimmu saqqummiunneqassanersut.

Taamaattumik Ombudsmandip pisorta qarfik qinnuigaana saaffiginnissutit Ombudsmandip tigusimasaana pisorta qarfik misissornissaannut pissutissaqalersinneraat nalunaarutigeqqullugu.

Pisorta qarfiup tamatumunnga nalunaarutigissavaa pisorta qarfiup pissutsit taaneqartut taakku misissornissaannut pissutissaqarsorinninnginnerminik aalajangerini aalajangiusimagaana, tassami suliassat aalajangersimasut sisamat taakku pisorta qarfimmu toqqartumik sammitinneqarnatik Ombudsmandimut sammitinneqarnata.

Paatsoornermik pisoqaqqunagu pisorta qarfiup oqaatigeqqissavaa naammagittaalliortut ataasiakkaat matuma kingornagut suliassaatik pisorta qarfimmu toqqartumik suliassanngortissagaluarpatigit, pisorta qarfiup A/S Inissiaatileqatigiiffik INI-mu oqartussaasutut qullinerusutut naammagittaalliorfissaasutut naammagittaalliutinut tunngaviusumik naliliumasooq.

A/S Inissiaatileqatigiiffik INI pillugu ...-mit naammagittaalliut, pisorta qarfiup tigusimasaana, pisarnertut periaaseq malillugu suliarineqarsimavoq. A/S Inissiaatileqatigiiffik INI pillugu innuttaasumit naammagittaalliummik pisorta qarfik tigusaqaraangami, pisorta qarfiup siullertut naammagittaalliutit assilineranik A/S Inissiaatileqatigiiffik INI-mu nassiussarpoq, taanna allakkanik, inissiaatileqatigiiffiup suliama oqaaseqaateqarnissaanik pisorta qarfiup qinnuteqarneranik kiisalu suliap naammagittaalliummik pisorta qarfimmu suliassanngortitsineq tikillugu ingerlasimaneranut nassuiaateqarnissamik qinnuteqarneranik imalinnik, ingiaqateqartillugu.

Pisorta qarfiup isumarivaa A/S Inissiaatileqatigiiffik INI naammagittaalliuteqarneq pillugu suliama nammineq imminut pilluni oqaaseqaateqarnissamut periarfissaqarnerminik kiisalu, inissiaatileqatigiiffiup taamaaliornissamut pissutissaqarsoris-

sappagu, suliap naammagittaalliuutigineqartup suliareqqissinnaanissaanut akornu-serneqartariaqanngitsoq.

Pisortaqarfiup paaserusuppaa Ombudsmandi eqqarsaatiginninnermut tassunga isumaqataannginnersoq, tassalu innuttaasoq A/S Inissiaatileqatigiiffik INI pillugu pisortaqarfimmut naammagittaalliorpat, inissiaatileqatigiiffik siullertut suliasamik suliarinnissinnaatitaasoq imaluunniit suliareqqiisnaatitaassasoq, pisortaqarfiup oqartussaasutut qulliunerusutut naammagittaalliorfusinnaasutut naammagittaalliuummik aalajangersimasumik suliarinnilinnginnerani.” (Atorfeqarfimmi nutsigaa-voq.)

Ulloq 18. december 2003-mi pisortaqarfimmut ima allappunga:

”Allakkannut 20. oktober 2003-meersunut inissiaatileqatigiiffiup akissutaa 9. december 2003-mi tiguara, allakkannilu taakkunani naammagittaalliuutit arlallit tigusimasakka pisortaqarfiup attartorneq pillugu peqqussummi § 60a aallaavigalugu imaluunniit pisortat inissiaataasa attartortittakkat aqunneqarnerannut akisussaasuu-nini aallaavigalugu suliarinissaannut pisortaqarfik pissutissaqarsimanersoq apeqqut pillugu ilassutaasumik oqaaseqaateqaqqullugu pisortaqarfik qinnuigaara.

Pisortaqarfik akivoq suliat pineqartut suliarinissaannut pissutissaqarnani suli isumaqarluni, tamannalu tusaatissatut tiguara.

Tamanna tunngavigalugu aalajangerpunga A/S Inissiaatileqatigiiffik INI-p ineqarnermut akiliutit 1. januar 2004-mit qaffanneqarnissaannik ilimasaarinnermut tunngavilersuutaa aamma inissiaatileqatigiiffiup iluarsaassinernik aaqqissuussinernilu aallartitsinerni periaasia ...-p saaffiginnissutaa tunngavigalugu nammineerluni misissuineramik aallartitsiviginiarlugit, tak. ombudsmandi pillugu inatsimmi § 6, imm. 5.

...  
Pisortaqarfiup akissutaata uuma oqaatiginissaanut aamma pissutissaqalersippaanga:

Isumaliutersuutit oqaatigisakka suliat pineqartut suliarinissaannut pisortaqarfiup pisussaaffeqarlerneranik nassataqarsinnaasut pisortaqarfiup isummerfigisimanngilai.

Taamaattumik suliama matumani pissutsit inissianik aqutsinnermut tunngasut pil-lugit naammagittaalliuutit A/S Inissiaatileqatigiiffik INI-p aqutsineranik aallaave-qartut suliarineqarneranni pisortaqarfiup periaasianik ataatsimut missisuineq<sup>2</sup> aal-lartinniarlugu aalajangerpunga.

Taamaattumillu pisortaqarfik qinnuigaara misissuininni piffissaq eqqarsaatiga-lugu piffissamit 1. juni 2003-mit, attartorneq pillugu peqqussummi § 60a-p atuutiler-neranik aallartittussatut killilissallugu aalajangikkanni atugassatut pissutsit makku pillugit nassuiaateqaqqullugu:

- Piffissami 1. juni 2003-mit A/S Inissiaatileqatigiiffik INI pillugu naammagit-taalliuutit qassit pisortaqarfiup tigusimavai, naammagittaalliuutinillu taakkunannga qassit pisortaqarfiup aalajangersimasumik suliarisimavai?

- Piffissami 1. juni 2003-mit naammagittaalliuutit suliarineqarnissaannik itigar-titsinnermut atatilugu tunngavilersuutit suut inissiaatileqatigiiffiup atorsimavai?

- Pisortaqarfiup akissutaa 8. december 2003-meersoq imatut paasineqassava inis-siaatileqatigiiffik pillugu naammagittaalliuutit suliarineqarnissaat pisortaqarfiup iti-gartitsissutigisarai, inissiaatileqatigiiffiup suliap suliareqqinneqartariaqarnera pil-lugu isummernissaminut periarfissaqartariaqarnera tunngavilersuutigalugu?”

2. Suliaq immikkoortumi 4-mi allaaserineqarpoq.



Ukiup nalunaarusiuunneqartup naanerani pisorta qarfiup akissutaanik tigusaqarsimanngilanga.

**Innuttaasup isumaginninnermi inissiamik inissaqartinneqalernissami-  
nik qinnuteqaateqarneranut atatillugu kommunip suliamik suliarin-  
ninnera. (J.nr. 11.73.20.9/043-01)**

Suliami, nammineerlunga misissukkanni, 2001-imi aallartissimasanni, tak. ukiumut 2001-imut nalunaarummi immikkoortoq 4, qupperneq 30, K Kommunit 2003-mi allakkani oqaaseqaateqarsimavunga isumaginninnermi pissutsit tunngaviusut malillugit inissamik tunniussisarnermik apeqqummut tunngasut misissuininni ilaatinniarnagit aalajangersimasunga. Taamatut aalajangerneq, Kalaallit Nunaanni utoqqarnut naleqquttunik aamma isumaginninnermi pissutsit tunngavigalugit inissanik tunniussisarnermut aqutsisuusunik inatsisitigut malittarisassaqaannginnera, uangalu paasinninnera malillugu inissianik taamaattunik tunniussisarnerup nalaatsornikkut pisarsinnaanera, siusinnerusukkut 1998-imi 1999-imilu oqaaseqaatigisimasanni ajornartorsiuteqarfiusumik tamatuminnga suliaqartarsimanera tunuliaqataralugu isigineqartussaavoq.

Tamatumunnga peqatigitillugu oqaaseqaatinni ilisimatitsissutigisarsimavara suliaqarfiusumi, suliaasaqarfiusumut pineqartumut naleqqussaataasunik, inatsisitigut malittarisassaqaarnissaanik qanoq annertutigisumik pisariaqartitsisoqarneranik naliliinissaq uanga pisinnaatitaaffimma avataaniittoq. 1998-imi julip qaammataani Inatsisartut Inatsisit Atortinneqarnerannut Ataatsimiititaliaat, Naalakkersuisut Allattoqarfiat, K Kommuni aammalu Isumaginninnermut Pisorta qarfik ajornartorsiuteqarfiusoq pillugu ilisimatitsissuteqarfigisimavakka.

Tamatuma kingornagut taamaallaat naliliiffigisassavara isumaginninnermi pissutsit tunngavigineqartut malillugit inissamik tunniussinnermut tunngasumik aalajangiinerit pillugit suliani suliamik suliarinninnermi kukkultortortoqarsimansoq.

**1.4. Allamik suleqateqarneq.**

Ukiumut 2003-mut nalunaarummut ilanngussassaqaanngilaaq.

**1.5. Missingersuutit, naatsorsuutit kukkunersuinerlu**

Ukiumut 2003-mut tunngasumik Atorfeqarfimmut aningaasaliissutitut akuersissutigineqartut 6.953.000 koruuniusimapput.

Naatsorsukkat kukkunersiorneqarsimasut malillugit Atorfeqarfiup aningaasaliissutinit 2003-mi atugai 6.488.730 koruuniusimapput, imaluunniit aningaasaliissutitut akuersissutigineqartunit 464.270 koruuninik ikinnerulutik.

Aningaasanik aningaasaliissutinik akuersissuteqarnermi naatsorsuutigineqarsimasunit ikinnerusunik atuisimanermut pissutaasoq siullermik pingaarnermillu ukiumi missingersuusiorfiusumi sulisut taarseraannerannut

atatillugu annertunerusunik aningaasartuuteqartussaanninnermik pissuteqarpoq.

Atorfeqarfimmi naatsorsuutitut allattuisarneq Inatsisartut Allattoqarfiannit piginnaatinneqarneq malillugu suli ingerlanneqarpoq, pisinnaatitaanermillu tiguisinnaanissap, ombudsmandip sulinera pillugu inatsimmik nutarterisoqassappat, nutarterinermut atatillugu paasinarsisinneqarumaarnissaa ilimagineqarluni.

Ukiumut 2004-mut aningaasaliissutitut akuersissutigineqartunut killiliussat 6.946.000 koruunit immikkoortinneqarsimapput.

## 2. Kisitsisit atorlugit nassuiaasiat

Ukiumi nalunaarusiunneqartumi 2003-mi (1. januar – 31. december 2003) naammagittaalliuutit tiguneqarsimasut tunuliaqutaralugit sulianik ataasiakkaanik aalajangersimasumik suliarineqartunik 148-nik aallarniisoqarpoq. Taakkua saniatigut sulianik nammineeerluni misissugassanngortitanik 39-nik aallarniisoqarpoq.

Martsip qaammataani naammagittaalliuutinik amerlanerpaanik tigusaqartoqarpoq, tassani naammagittaalliuutit tiguneqartut 21-ullutik. Naammagittaalliuutit ukiup qaammataasa sinnerini tiguneqarsimasut amerlassut-simikkut qaammammut 9-nit 16-inut nikerarsimapput.

2003-mi 135-riarluni ilitersuisoqarsimavoq. Novemberip qaammataani amerlanerpaanik ilitersuisoqarsimavoq, ikinnerpaanillu decemberip qaammataani ilitersuisoqarsimalluni, tassanilu sisamaannarnik ilitersuisoqarsimavoq, qaammatillu sinnerini ilitersuinerit arfineq marluk 15-illu akornanniittut ingerlanneqartarsimallutik.

Suliat 2003-mi inarneqarsimasut matuma ataani immikkoortunut pingaarnernut marlunnut avinneqarsimapput:

### -Suliat aalajangersimasumik suliarineqarsimanngitsut.

Suliat inissisimaffimmut taassumunnga ilanngunneqassapput, suliat ataani taaneqartunik pissuteqarlunga suliarisinnaasimanngikkaangakkat. Oqartussaaffik, suliap uannit suliarineqalereernerata kingorna, suliamik suliarinneqqileraangat, tamatumalu kingornagut tamakkiisumik ilaanna-kortumilluunniit naammagittaalliortumut tapersiilluni suliat, misissuininik inaarsilersinnanga, naammagittaalliuutinut aalajangersimasumik suliarineqarsimanngitsunut ilaasutut, naammagittaalliortumit tunuartinneqarsimasutut naatsorsuunneqartarput.

### - Suliat aalajangersimasumik suliarisat.

Suliat inissisimaffimmut taassumunnga ilanngunneqassapput naammagittaalliuut pillugu suliamik suliarinninnissaq imaluunniit suliap aalajangiivigineqarnissaa isummerfigineqarsimagaangat. Suliat nammineeerluni misissuiffigisat ilanngunneqanngillat. Taakku kinguliini immikkoortumi 4-mi eqqartorneqarput.

Kisitsisit, suliat itigartitsissutigineqarsimasut inarneqarsimasullu amerlassusaannik ersersitsisut, matuma ataani nalunaarneqarput. Immikkoortiteriffinni ataasiakkaani aamma kisitsisinut 2001-imeersunut 2002-meersunullu innersuussisoqarpoq. Sulianut 2001-imi 2002-milu tiguneqartunut tunngasumik kisitsiseqarsinnaavoq kisitsisinut 2001-imut 2002-mullu nalunaarummi taaneqartunut naapertuutinngitsunik. Tamanna pissuteqarsinnaavoq suliat 2001-imeersut 2002-meersulluunniit ilaat 2002-mi (2003-mi) nangingneqarsimanerannik imaluunniit suliat 2001-imeersut (2002-meersut)

ilaat naammagittaalliortumit, akissuteqarsimanngitsumilli, paasissutissanik amerlanerusunik tigusaqarnissap utaqqineqarneranik. Taamatut pisoqartil-lugu suliaq naammagittaalliortumit tunuartinneqartutut itigartitsissutigisar-para. Itigartitsissuteqarnermut ulluliussaq tamatumani ulluusarpoq paasis-sutissanik amerlanerusunik nassinneqarnissaq qinnutigalugu naammagit-taalliortumut allakkanni ulluliussara.

*Suliat aalajangersimasumik suliarineqarsimanngitsut.*

Ukiumi nalunaarusiuunneqartumi 2003-mi naammagittaalliuutit katillu-git 93-it itigartitsissutigineqarput. Paasissutissatut nalunaarsukkani ma-tuma ataaniittuni itigartitsinermut pissutaasut ukiunullu 2003-mut, 2002-mut aamma 2001-imut tunngasumik amerlassutsit taaneqarput. Itigartitsi-nermut pissutaasut ataasiakkaat ukiunut 2003-mut, 2002-mut aamma 2001-imut sanileriissinneqarnerat assiliartami 2-mi takutinneqarpoq.

	2003	2002	2001
Naammagittaalliuut kingusinaartumik tunniunneqarsimavoq	10	1	5
Naammagittaalliuut eqqartuussutitut eqqartuussisulluunniit atorfirminnik ingerlatsine-rannut tunngavoq	1	1	3
Naammagittaalliuut Naalagaaffiup oqartus-saaffiitut tunngavoq	3	0	1
Naammagittaalliuut namminersortunut/ inuinnarnut tunngavoq	6	5	0
Naammagittaalliuut oqartussaasunut qulliu-nerusunut suliaasiissutigineqarsinnaavoq	16	16	21
Naammagittaalliuut Namminersornerullutik Oqartussat ingerlatseqatigiiffiutaannut tun-ngavoq	1	0	0
Naammagittaalliuut tunuartinneqarpoq	10	5	3
Apeqquilliissutit	1	2	0
*Allat	45	23	20
<b>Katillugit</b>	<b>93</b>	<b>53</b>	<b>53</b>

\* Taaguut "allat" naammagittaalliuutigineqartunut, immikkoortiteriffin-nut allanut imaannaq ilanngunneqarsinnaanngitsunut tunngavoq. Taanna pingaartumik naammagittaalliuutinut, tamatumani aalajangiinerup upper-narsaatissanik naliliinermik eqqartuussisuni misilinneqarnissamut piuk-kunnarnerpaasorisannik piumasaqarfiusussaasunut, Inatsisartut inatsisaat Inatsisartullu peqqussutaat pillugit naammagittaalliuutinut taamatullu naammagittaalliuutinut, oqartussaasup suliami allagaatinut mappiutaannik misissuereernerma kingornagut sukumiinerusumik misissuiffiginissaat naammattumik pissutissarsiffigisimanngisannut atuuppoq.

Assiliartaq 2-mit erserpoq naammagittaalliuutit, “allat” pissutigalugit itigartitsissutigineqartut, ukiunut nalunaarusiuunneqartunut pingasunut tamanut tunngasumik qaffasingaatsiartuusut. Taamaattumik itigartitsinermut tunngaviusut amerlanerusut ilanngussimavakka. Naammagittaalliuutip oqartussaasumut qullinerusumut suliassanngortinneqarsinnaanera pissutigalugu itigartitsissutigineqarsimasut 2001-imi 40%-imeeriarlutik 2003-mi itigartitsissutigineqarsimasut 17%-erilerlugit appariarsimapput

*Suliat aalajangersimasumik suliarineqarsimasut.*

Ukiumi nalunaarusiuunneqartumi 2003-mi naammagittaalliuutit katillugit 38-t aalajangersimasumik suliarineqareernermik kingorna inarneqarsimapput.

Innuttaasunik oqaluussilluni ilitersuisarnerit tunuliaqutaralugit imaqarnilianik 2003-mi 135-eriarluni allattuisoqarsimavoq. Ukioq 2003-mi ilitersuisarnerit amerlassutsimikkut ukioq 2002-mut, 76-eriarlunga ilitersuiffigisimasannut, naleqqiussilluni qaffariarsimapput.

Ilitsersuinerit taakku immikkoortunut marlunnut immikkoortinneqarsinnaapput, tassalu saaffiginnissutitut, tamatumani uannut naammagittaalliuuteqarneq itigartitsinermit kinguneqartussaasimagaluartoq - ilitersuinerit taamaattut naggaserneqarajuttarsimapput innuttaasut oqartussaaffinut allanut saaffiginninnissaannik innersuussivigineqarnerannik - kiisalu saaffiginnissutitut suliassaanermikkut imatut pissusilinnut, innuttaasup saaffiginnissutaa tunuliaqutaralugu naammagittaalliummik suliaqarneq aallartissinnaasarsimallugu (takuuk assiliartaq 1).

*Suliat allatigut agguataagaanerit.*

Kisitsisit matuma ataani allassimasut suliat oqartussaasumut, inatsisinik atuutsisiffiusumut naammagittaalliuutigisamullu agguataagaanerannik takutitsipput. Naatsorsuinerit naammagittaalliuutinik, aalajangersimasumik suliarineqareerlutik ukiuni 2003-mi aamma 2002-mi inarneqarsimasunik, aallaaveqartinnissaat toqqarsimavara. Aammattaaq sanilliusassatut suliat 2003-mi inaarlugit suliarineqartut tamarmiullutik (itigartitsissutigineqartut inaarlugillu suliarineqartut) amerlassusiat nalunaarneqarpoq. Kisitsisit naammagittaalliuutit inaarlugit suliarineqartut procentiisut assiliartani 3-mit 5a-mut takutinneqarput.

Naammagittaalliuutit aalajangersimasumik suliarineqareerlutik inarneqarsimasut oqartussaasumik sorlermik naammagittaalliuutigisaqarneq mallillugu agguataagaasut imatut amerlassuseqarlutik agguataagaapput. Sanilliusissutitut 2002-mi amerlassusit kiisalu suliat 2003-mi inaarlugit suliarineqarsimasut itigartinneqarsimasulluunniit tamarmiusut takutinneqarput. (Assiliartat 3 aamma 3a aamma takukkit):

	2003	2002*	tamarmik2003
Namm. Oqartussani oqartussaasoq	2	11	8
- Pisortaqarfii	8	0	17
- Namm. Oq. suliffeqarfii	3	0	7
- Akileraartarnermut Siun-suisoqatigiit	0	0	2
- Allat	0	0	1
Kommuni	18	23	62
Pisortat ingerlatseqatigiiffiat	0	0	2
A/S Inissiaatileqatigiiffik INI	7	5	26
Namminersortut/inuinnaat	0	0	3
Naalagaaffimmi oqartussaasoq	0	0	3
<b>Katillugit</b>	<b>38</b>	<b>39</b>	<b>131</b>

\*,tamarmik 2003“-p suliat immikkoortunut suussutsip pineqartup iluani 2003-mi inaarlugit suliarineqarsimanertik imaluunniit 2003-mi itigartitsis-sutigineqarsimanertik pissutigalugu matuneqarsimasut takutippai.

Kisitsisit procentikkuutaarlugit naatsorsorneqarnerisa takutippaat, ukiuni siulliunerusuni kisitsisit assigalugit, aalajangersimasumik suliarinne-reernerup kingorna kommunit pillugit naammagittaalliuutit amerlanerpaat inaarneqarsimasut. Taamaalilluni 2002-mi naammagittaalliuutigineqartut 59%-ii kommuni pillugu naammagittaalliuutaapput, taakkulu pillugit kisitsisit 2003-mi 45%-iullutik. Taamaalilluni kommunit pillugit naammagittaalliuutit aalajangersimasumik suliarineqareerlutik inaarlugit suliarineqarsimasut procentinngortinneqarnerat 14%-inik appariarsimavoq. Tassunga sanilliussissutitut Namminersorerullutik Oqartussani oqartussaasut pillugit naammagittaalliuutit inaarlugit suliarineqarsimasut 2002-mi 28%-iullutik 2003%-mi 34%-inngorsimapput. Taamaattorli eqqaamasariaqarpoq kommunit innuttaasunut tunngasumik suliat amerlanersaannik suliaqartarmata, taamaattumillu kommunit pillugit naammagittaalliuutit amerlanerpaatut suliarineqartarnerat pissusissamisoortuuvoq.

Naammagittaalliuutit 2003-mi inaarlugit suliarineqarsimasut itigartinneqarsimasulluunniit procentinngorlugit agguataarneri eqqarsaatigalugit naammagittaalliuutit 47%-ii kommunit pillugit naammagittaalliuutaapput, 27%-ii Namminersorerullutik Oqartussat pillugit naammagittaalliuutaallutik, 20%-iilu A/S Inissiaatileqatigiiffik INI pillugu naammagittaalliuutaallutik (assiliartaq 3a takuuk).

Naammagittaalliuutit aalajangersimasumik suliarineqareerlutik inaarneqarsimasut inatsisinik atuutsitsiffiusup sorliup naammagittaalliuutigineqarnera malillugu agguataagaasut ima amerlatigisunut agguataarsimapput (assiliartaq 4 takuuk). Kisitsisit taakkununga assingusut 2002-mut tunngasut

kiisalu naammagittaalliuutit 2003-mi inaarlugit suliarineqartut itigartin-  
neqartullu tamarmik ilanngullugit nalunaarneqarputtaaq.

	2003	2002 *tarmarmik	2003
<b>Isumaginninn. inatsiseqar- titsineq</b>	<b>6</b>	<b>5</b>	<b>25</b>
Taakkunannga:			
- Isumaginninn. inissiat	1	0	2
- Ineqarnermut tapiissutit	1	0	2
- Isumaginninnermi soraarne- russutisiat	2	2	6
- Inummut tapit	0	0	1
- Utertitassanngorlugit ikior- siissutit	0	0	2
- Pisortanit allatigut ikior- siissutit	0	1	1
- Meeqqanut akilersuutit il.il.	2	2	4
- Meeqqanut inuusuttunullu ikiorsiissutit	0	0	1
- Ulluunerani paaqqinniffiit	0	0	1
- Allat	0	0	5
<b>Atorfinititsinermut inatsi- seqartitsineq/Suliner mut inatsiseqartitsineq</b>	<b>15</b>	<b>18</b>	<b>43</b>
Taakkunannga:			
- Atorfinititsineq atorfinitit- sinermilu atugassarititaa- sut/pisinnaatitaaffiit	6	7	18
- Atorfinititsineq, pisussaaffiit, pineqaatissiissutit soraarsiti- nerlu	8	8	18
- Sulisilluni ajoqusernerit	0	1	1
- Sulisunut inissiat	1	0	3
- Allat	0	2	3
<b>Attartornermut inatsiseqar- titsineq</b>	<b>8</b>	<b>6</b>	<b>26</b>
Taakkunannga:			
- Attartugasssamik inner- suussineq	1	0	3
- Attartornermik atorun- naarsitsineq	1	1	2
Ineqarnermut akiliutinik naatsorsuineq	0	0	2
- Attartukkamik allamat			

attartortitsigallarneq	1	1	1
- Illuliornermut ikiorsiissutit	0	3	5
- Ineqarnermut akiliutinut			
akiitsut	1	0	2
- Kiassarnermut naatsorsuutit	1	1	1
- BSU-p illuutaanik tiguserit	0	0	1
- Qularnaveeqqutitut siumut			
akiliutit	1	0	1
- Utaqqisut allattorsimaffiat	1	0	3
- Allat	1	0	5
<b>Akileraarutit, akitsuutit, aki-</b>			
<b>liisitsiniarnermik sulia-</b>			
<b>qarneq</b>	<b>0</b>	<b>1</b>	<b>4</b>
Taakkunangga:			
- Naatsorsuineq	0	0	2
- Akileraarutitigut utertoortit	0	1	1
- Akileraarutaqqittussat	0	0	1
<b>Akiliisitsiniarnermik sulia-</b>			
<b>qarneq</b>	<b>4</b>	<b>2</b>	<b>10</b>
<b>Peqqinnissaq</b>	<b>0</b>	<b>1</b>	<b>4</b>
Taakkunangga:			
- Peqqissaanikkut suliat			
pillugit naammagittaalliuutit	0	0	2
- Aqutsineq pillugu naamma-			
gittaalliuutit	0	0	1
- Allat	0	1	1
<b>Aalisarneq, piniarneq</b>			
<b>nunalerinerlu</b>	<b>3</b>	<b>3</b>	<b>6</b>
Taakkunangga:			
- Aalisarneq	1	0	1
- Piniarneq	0	2	0
- Aallaaniarneq	0	0	1
- Eqqissisimatitsineq	0	0	1
- Inuussutissarsiornermut			
tapersiissutit	0	1	1
- Allat	2	0	2
<b>Inuussutissarsiornermut</b>			
<b>tungasut allat</b>	<b>0</b>	<b>0</b>	<b>2</b>
<b>Atuartitsineq</b>	<b>1</b>	<b>3</b>	<b>2</b>
Taakkunangga:			
- Suliffimmi sungiusarneq	1	0	2
- Allat	0	3	0
<b>Ilageeqarneq</b>	<b>1</b>	<b>0</b>	<b>1</b>
<b>Pisortat pillugit inatsise-</b>			



<b>qartitsineq</b>	<b>0</b>	<b>0</b>	<b>2</b>
<b>Allat</b>	<b>0</b>	<b>0</b>	<b>6</b>
<b>Katillugit</b>	<b>38</b>	<b>39</b>	<b>131</b>

\*„tamarmik 2003“-p suliat immikkoortunut suussutsip pineqartup iluani 2003-mi inaarlugit suliarineqarsimanertik imaluunniit 2003-mi itigartitsis-sutigineqarsimanertik pissutigalugu matuneqarsimasut takutippai.

Suliat suliffissaqarnermut tunngassuteqartut tassaapput inatsiseqartitsif-fiusup taassuma iluani ukioq 2003-mi naammagittaalliutinik amerlaner-paanik inaagaqarfigisimasakka. Tulliullutik malinnaapput ineqarneq pillu-gu inatsiseqartitsineq aamma isumaginnineq pillugu inatsiseqartitsineq. Suliat inaarlugit suliarineqartut itigartinneqartulluunniit tamarmiusut ag-guataarnerat eqqarsaatigalugu 2002-mi agguataarsimaneq 2003-mi taama-tulli aamma atuuppoq. Suliassa qarfiit taakku kisitsisit atorlugit takussutis-siani malunnarnerpaanerat pissusissamisoortorujussuuvoq, tassami ilaati-gut pineqartut tassaammata suliassa qarfiit Kalaallit Nunaanni innuttaasut amerlanerpaartaannik attuisut, tamatumunngalu peqatigitillugu suliassa-qarfiit pineqartut tassaallutik ataasiakkaanut sakkortuumik attuisartuusut.

Atorfinitsitsisarneq pillugu inatsiseqartitsineq suliffeqarnerlu pillugu i-natsiseqartitsineq eqqarsaatigalugit atorfeqartitaaneq, atorfeqartitaanermi atugassarititaasut kiisalu atorfeqartitaasup pisussaaffii, pineqaatissiisar-nerit soraarsitsinerillu pillugit naammagittaalliutaaneruset suliarisarsima-vakka.

Aammattaaq assiliartap 4-p aamma assiliartap 4a-p takutippaat 2003-mi 2002-milu suliffeqarnermut tunngasut pillugit naammagittaalliuitit inaar-lugit suliarisat 2002-mit 2003-mut ikileriarsimasut, attartornerli pillugu i-natsiseqartitsineq aamma isumaginnineq pillugu inatsiseqartitsineq pillu-git naammagittaalliuitit amerleriarsimallutik.

Taamaattorli suliffeqarneq pillugu inatsiseqartitsineq pillugu naamma-gittaalliuitit suli tassaapput ukiumi 2003-mi naammagittaalliuitit inaarlu-git suliarineqartut itigartinneqartullu naammagittaalliuitit ilaattut suli amerlanerpaasut.

Naammagittaalliuitit aalajangersimasumik suliarinninnerup kingornati-gut inaarlugit suliarineqarsimasut inatsiseqartitsiffiit sorliit naammagittaal-liutigineqarnerannut agguataarsimasut amerlassutsimikkut imatut aggua-taarsimapput (assiliartaq 5 takuuk). Taamatutaaq amerlassutsit taakkunun-ga assingusut ukiumut 2002-mut tunngasut aamma 2003-mi naammagit-taalliuitit inaarlugit suliarineqartut itigartinneqartullu tamarmiusut amer-lassusii takutinneqarput.

	<b>2003</b>	<b>2002</b>	<b>*tamarmik 2003</b>
Aalajangiinerit	26	14	69
Tunngavilersuineq	1	0	3
Suliami illua'tungiusup			

isumaanik tusarniaaneq	0	1	0
Piffissaq sulianik suliarinnin- nermut atorneqartoq	7	5	21
Ingerlatsinermi ileqqoris- saarneq	0	0	1
Paasitinneqarsinnaati- taaneq	1	4	3
Suliamik uppersarsaa- sersuineq	0	0	2
Ingerlatsinermik suliaqarnivik	1	5	7
Inatsisini tunngavissaqarner- mik apeqquq	0	3	0
Paasissutissanik ingerlatit- seqqinneq	0	0	2
Nipangiussisussaataitaaneq	0	1	0
Ilitsersuineq	0	1	1
Allat	2	5	22
<b>Katillugit</b>	<b>38</b>	<b>39</b>	<b>131</b>

\*,tamarmik 2003“-p suliat immikkoortunut suussutsip pineqartup iluani 2003-mi inaarlugit suliarineqarsimanertik imaluunniit 2003-mi itigartitsis-  
sutigineqarsimanertik pissutigalugu matuneqarsimasut takutippai.

Naammagittaalliuutit aalajangersimasumik suliarereerlugit inaarlugit su-  
liarisama amerlanerpaartaat aalajangiinerit pillugit naammagittaalliuutaap-  
put, katillugit 67%-it. Taamatuttaaq piffissaq oqartussaasut suliamik sulia-  
rinninnermut atugaat pillugu naammagittaalliuuterpaaluit 2003-mi inaar-  
lugit suliarisimavakka. Suliassa qarfiillu taakku marluk aamma tassaapput  
naammagittaalliuutinik 2002-mi inaarlugit amerlanerpaanik suliarinnif-  
figisimasakka, taamatuttaarlu naammagittaalliuutit tamarmiusut 2003-mi  
inaarlugit suliarisimassakka suliassa qarfinni taakkunani marlunni amerla-  
nerpaajusimapput (assiliartaq 5 aamma 5a takukkit).

Naammagittaalliuutit 2003-mi inaarneqarsimasut, misissuinerma iner-  
neranut agguataakkat (assiliartaq 6 takuuk). Sanilliussassatut amerlassutsit  
2002-mut 2001-imullu tunngasut taakkununga assingusut nalunaarneqar-  
put:

	2003	2002	2001
Isornartorsiuneq	14	8	6
Inassuteqaateqarneq kisimiitillugu	2	5	1
Isornartorsiuneq inassuteqaate- qarnerlu	14	20	12
Inassuteqaammut malitseqartitsineq	0	0	0
Oqaaseqarfigineqanngitsut	8	6	2
<b>Katillugit</b>	<b>38</b>	<b>39</b>	<b>21</b>

Suliat inaarneqarsimasut assiliartaq 6-imi takutinneqartut inernerini allanngoriartorneq paasisinnaajumallugu naammagittaalliuutit ukiuni 2003-mi, 2002-mi aamma 2001-imi aalajangersimasumik suliarineqareerlutik inaarneqarsimasut ineneri procentinngorlugit takutippakka.


Assiliartap 6-ip takutippaa suliat isornartorsiullunga oqaaseqaateqarfigisimasakka 2002-mit 2003-mut 17%-inik amerleriarsimasut. Aammattaaq suliat isornartorsiullungalu inassuteqaateqarfigisakka 15%-inik amerleriarsimapput. Taamatuttaaq suliat oqaaseqaateqarnissamut pissutissaqalersitsinngitsut amerleriarsimapput.

Naammagittaalliuutit 2003-mi tiguneqarsimasut ukiup 2003-p naalernerani suliani killiffiusunut agguataagaasut amerlassusiat taamatullu naammagittaalliuutit tiguneqarsimasut tamakkerlutik amerlassusiat taakkununga assingusut matuma ataani takutinneqarput (assiliartaq 7 takuuk):


	<b>2003</b>	<b>Suliat tamakkerlutik</b>
Aalajangersimasumik suliarineqareerlutik inaakkat	13	311
Itigartitsissutigisat	92	680
Inaarneqanngitsut	43	50
<b>Katillugit</b>	<b>148</b>	<b>1041</b>

Assiliartaq 7-ip takutippaa naammagittaalliuutit tiguneqartut amerlanersaasa suliarinissaat suli itigartitsissutigisarikka. 2003-mi naammagittaalliuutinit tiguneqartunit 62%-it suliarineqarnissaat itigartitsissutigineqarsimapput, kisitsillu suliat tamarmiusut eqqarsatigalugit 65%-iuvoq. Taamatuttaaq assiliartaq 7-ip takutippaa suliat inaarlugit suli suliarineqanngitsut amerlanersaat tassaasut suliat 2003-mi tiguneqarsimasut.


### Assiliartaq 1 - 2003-mi naammagitaalliuutit iitstersuinerillu




**Assiliartaq 2 - Naammagittaalluutit 2003-mi, 2002-mi 2001-imilu itigartissutigisat - Itigartisinermut pissutaasoq**




**Assiliartaq 3 - Naammagittaalliuutit 2003-mi, 2002-mi 2001-imilu  
inaarneqartut - Qartussasaasq**






**Assiliartaq 4 - Naammagittaalliuit 2003-mi 2002-milu inaarnegartut -  
Inatsiseqartitsivik**







**Assiliartaq 4 a - Naammagitaalluutit 2003-mi inaarnegartut tamarmik - Inatsiseqartitsivik**




**Assiliartaq 5 - Naammagittaalliuutit 2003-mi 2002-milu  
inaarneqartut - Naammagittaalliuutigineqartoq**




**Assiliartaq 5a - Naammagittaalliuitit 2003-mi Inaarneqartut tamarmik -  
Naammagittaalliuitigineqartoq**



**Assiliartaq 6- Naammagittaalluutit 2003-mi, 2002-mi 2001-imiilu  
inaarneqartut - Inermeri**



Assiliartaq 7 - 2003-mi suliat suliallu tamarmik suliarineranni killiffik



### **3. Apeqqutit ingerlatsinermi inatsiseqartitsinermut tunngasut pillugit ataatsimoortumik oqaaseqaatit.**

Ataatsimoortumik ajornartorsiuteqarfiusut, sulianik arlaqartunik suliaqarninnut atatillugu isummerfigisimasama, qassiit immikkoortumi matumani ersersinnerunissaat toqqarsimavara, suliat immikkoortuni 4-mi aamma 5-imi ilanngunnissaat pissutissaqarsorisimanngisakka aamma ilanngulugit.

#### 3-1 Pisuni, sulinnigiffeqartarney pillugu inatsimmit aalajangersaavigineqarsimanngitsuni, sulinnigiffeqarneriutisiassanik tunniussisarney. (J.nr. 11.04.73.01/048-98)

Suliami nalunaarusianni ilanngunnissaa pissutissaqarsorinngisanni pisuni, sulinnigiffeqartarney pillugu inatsimmit aalajangersaavigineqarsimanngitsuni, sulinnigiffeqarneriutisiassanik tunniussisarney pillugu tamanut tunnganerumik oqaaseqaateqarsimavunga:

”... innuttaasut sulinnigiffeqarneriutisiassamik tunniunneqarnissaannik qinnuteqaataat sulisitsisut inatsisinik unioqquitsinatik aallaavittut akuersaarsinnaavaat, taamaaliorney sulinnigiffeqartarney pillugu inatsimmi malittarisassanut saneqquneqarsinnaanngitsunut assortuuttuunngippat.

Taamaattorli sulinnigiffeqarneriutisiassat katersorneqarsimasut tunniunneqarnissaannik innuttaasut qinnuteqaataannut inatsit imaluunniit ataatsimoortumik isumaqatigiissutit malilugit sulisitsisut pisussaaffigisaannit annertunerumik akuersaarnissaannut ataatsimut pisussaaffeqarnerisa piunerat ilimagineqarsinnaanngilaq.

Tassa allatut oqaatigalugu pineqartoq tassaavoq pisuni sulinnigiffeqartarney pillugu inatsimmit aalajangersaavigineqarsimanngitsuni sulinnigiffeqarneriutisiassanik tunniussineq sulisitsisup atorfeqartitaasullu akornanni isumaqatigiissuteqarnermik tunngaveqartoq.”

#### 3-2 Oqartussat innuttaasunit naammagittaalliuutit akissuteqarfiginissaannut pisussaaffeqarnerat. (J.nr. 11.73.25.07/097-00)

Suliami, nalunaarusianni ilanngunnissaa pissutissaqarsorinngisanni, oqaaseqaateqarsimavunga pisortat oqartussaasui innuttaasunit naammagittaalliuutit akissuteqarfiginissaannut pisussaaffeqartut, aammattaaq naammagittaalliuutit pissutsinut oqartussaasup pisinnaatitaaffigisaata avataaniit-tunut tunngagaangat taamaalillunilu naammagittaalliuutit itigartitsissutigineqartussaagaangat.

Suliami taannaasumi oqaaseqaateqarsimavunga oqartussaasut innuttaasooq naammagittaalliortoq akuersiteqqaarnagu naammagittaalliuutit suliffeqarfimmuut pisortat ingerlatsinerisa avataaniittumut suliarineqartussanngorlugu ingerlateqqissinnaanngikkaa.

3-3 Aalajangiinerup kalaallisunnigortillugu nutserneqarneranut atatillugu piffissaq suliap suliarineqarneranut atorneqarsimasoq. (J.nr. 11.73.52.04/016-01)

Suliami, nalunaarummi allatigut ilanngunnissaa pissutissaqarsorisimanngisanni, oqaaseqaateqarsimavunga piumasaaqatit suut piffissap suliamik suliaqarnermut atorneqartup, allakkanik nutserinermut tunngasup, ilaanut piumasaaqatigineqarsinnaanersut.

Aalajangiinerni oqaatsitigut piumasaaqatit pillugit aallaqqaasiullugu oqaaseqaateqarsimavunga ataatsimut piumasaaqatit atuuttusoq pisortani oqartussaasut aalajangiineri aalajangererillu allat atuussinnassuseqalissagunik aalajangiinermik imaluunniit aalajangerermik tiguisissamut nalunaarutigineqassasut.

Nalunaarutiginnissamik piumasaaqatip eqqortinneqarnissaanut tungaviuvoq nalunaarutigineqartoq oqaatsit aalajangiinermik tiguisissap paasisinnaasai atorlugit pissasoq.

Tamatumunnga atatillugu oqaatigisimavara Namminersornerullutik Oqartussat pillugit inatsimmi § 9, imm. 2-mi kalaallisut qallunaatullu oqaatsit innuttaasunut tunngasuni atorneqarsinnaanerannik aalajangersakkap oqartussaasut innuttaasunik attaveqarfiginninnerminni oqaatsinik sornernik atuiumanerminnik namminneq toqqaanissaat inatsisitigut tunngavissinngikkaa.

Pisortaqarfimmi, suliamik pineqartumik suliaqarfiusumi, suliamik suliaqarsimaneq pillugu oqaaseqaateqarsimavunga suliat piffissap naammagi-nartumik sivisussusillip iluani ingerlateqqinneqarsinnaanerat pisortaqarfiup akisussaaffigigaa, suliap suliarineqarnerani pisortaqarfiup oqartussaasunik allanik ikiortissarsiornera apeqqutaatinnagu.

Taamaattumik piffissaq suliap nutserisoqarfimmi (atorneqarnani) uninngaannarfigisimasaa piffissamut pisortaqarfiup suliamik suliarinninnermut atugaanut ilanngullugu naatsorsuunneqartariaqarpoq.

Pisortaqarfik misissuininni pineqartoq uannut oqaaseqarsimavoq pisortaqarfiit Nutserisoqarfiullu akornanni suliat agguataarneqarnerat aalajangersarneqarsimasoq aalajangersimasuusooq.

Sulisoqarnermut Pisortaqarfiup Namminersornerullutik Oqartussat Nutserisoqarfiannut tunaartarisassiat pillugit allakkiaa 7. november 1995-i-meersoq pisortaqarfiup akissuminut ilanngullugu nassiussimavaa.

Allakkiamit tassannga imaluunniit Namminersornerullutik Oqartussani suliat agguataarneqarnerat pillugu paasisutissanit pissarsiarineqarsinnaasunit allanit takuneqarsinnaanngilaq pisortaqarfik allakkaminik nammineq nutserinissaminut imaluunniit nutserisoqarfimmiunngitsoq nutserisitsinisaminut mattunneqarsimasussaansooq.

Tamatumunnga atatillugu oqaatigisimavara Namminersornerullutik Oqartussat iluanni pisinnaatitaanermik agguataarinerup Namminersornerullutik Oqartussani ataasiakkaani oqartussat, suliani oqartussaasup inatsi-

sit atuuttut tunngavigalugit akisussaaffigisaani sulianik suliarinninnerit pisariaqartut, killilersuiffigissapatigit inatsisitigut tunngavissap immikkut erseqqissusillip pigineqarnissaa piumasaqaataasoq.

Tamatunnga atatillugu isumaqarpunga pisortaqarfiit pisussaaffeqartut suliani ataasiakkaani naliliissallutik pisortaqarfiup allagaasa nutserisoqarfimmi nutserneqarnerat suliame pissutsit qanoq pilertortigisumik pinissaannik piumasaqaammumt naapertuuttumik pinissaanersoq.

Aamma oqaaseqaatigisimavara suliap suliarineqarnerata sukkaasuumik pinissaanik soqutiginninneq suliallu qanoq ingerlanerani oqartussaasut ilitsersuinissamut pisussaaffeqarnerat suliap inaarlugu qaqugu suliarineqarnissaata naatsorsuutigineqartariaqarnerani oqartussaasut tamakkiisumik paasinnaannissaannut pisariaqartuusoq.

Taamaattumik inassuteqaatigisimavara pisortaqarfik nutsigassanik nutserisoqarfimmut suliakkiinermi suliap qaqugu inaarlugu suliarineqarnissaanut piffissamik aalajangersaasassasoq, imaluunniit pisortaqarfiup nutserisoqarfik akissuteqaqqullugu nukingisaaraangamiuk suliap inaarlugu suliarineqarnissaa qaqugu naatsorsuutigineqarnersoq ilisimatitsissutigeqqu-sassagaa.

Ukiup nalunaarusiorfiusup naanerani pisortaqarfimmit akissummik tigusaqarsimanngilanga.

3-4 Innuttaasup isumaginninnermi inissamik ineqalersinneqarnissani pillugu qinnuteqaateqarneranut atatillugu kommunip suliamik suliarinnissimanagera. (J.nr. 11.73.20.9/043-01)

Suliami, nammineerlunga misissugassanngortitanni, 2001-imi aallartissimasanni, tak. ukiumut 2001-imut nalunaarummi immikkoortoq 4, qupperneq 30, aammattaaq immikkoortup 1.3-p ataani eqqartorneqartumi, aalajangersimavunga suliami ajornartorsiuteqarfiusut, uppersaatissatigit naliliinernik peqarfiusut, ilaattinniarnagit. Aalajangenera manna tunuliaqutaralugu isigineqartussaavoq, apeqqutit isumaqatigiinnigissutaasut isummerfiginissaat malittarisassat periaatsillu, sulininni susassarissannut atuuttuusut, avataanniinnerat aammalu ilisimannittunik misissuininnut ilagitillugu killisiuigajuttannginnera.

Suliami matumani ajornartorsiuteqarfiusoq tassaavoq kommunimi sulisup nillialluni appisaluussisutullu pissuseqarluni A siunissami uannut saaffiginneqqeqqunagu qinnuigisimanagera, kiisalu kommunimi sulisup A neriorsorsimanagera A inissamik isumaginninnermi tunngavigissassat malillugit inissaqartinneqarumaartoq.

Suliaq ataatsimut isigalugu kommunip suliamik suliaqarsimanagera isornartorsiornissaanut naammattumik pissutissarsisimanngilanga, matumali ataatsimoortumik erseqqissarnissaanut pissutissaqarsorisimallugu, pisuni innuttaasup soorlu assersuutigalugu illusimatinneqarallarnermut aningaa-sartuutit matussutissinneqarnissaannik kommunimut qinnuteqaateqarfigi-



saani, qinnuteqaallu suussutsini malillugu erngerluni isummertoqarnisaanik piumasaqarfiuppat, taava innuttaasut pisartagaqartinneqarnerinut aningaasatigut killiliussat pillugit suliffiup iluani piginnaatitsinernut malittarisassat kommuni suliap sularinissaanut erngerlunilu aalajangiinissaanut pisussaajunnaarsinngilaat. Suliffiup iluani piginnaatitsinernut malittarisassat taamaattut pissutigalugit suliassap erngerluni sularineqarsinnaannginera uanga paasinninera malillugu qinnuteqaammik ilumut itigartitsineruvoq, tunngavimmik inatsisinut erseqqissumik akerliusumik tunngavilik.

3-5 Meeqqanut akilersuutinik akiliinissap kinguartinneqarnissaanik akuersissuteqartarneq pillugu qinnuteqaatillu sularineqartarneri pillugit malittarisassanik Naalakkersuisut aalajangersaasimannginnerannik nalunaarutiginninneq. (J.nr. 11.10.10.04/056-01)

Suliami, tamakkerlugu nalunaarusianni ilanngunnissaa pissutissaqarso-ringisanni, meeqqanut akilersuutinut kinguaattoorutit akilernissaasa kinguartinneqarnissaannik imaluunniit isumakkeerneqarnissaannik qinnuteqaateqarnermut tunngasumi, oqaaseqaateqarsimavunga:

”Kiisalu maluginiarsimavara meeqqanut akilersuutit il.il. kiisalu meeravissiar-taarnermi tapiissutit tunniunneqartarneri pillugit Inatsisartut pequssutaanni nr. 2-mi, 3. marts 1994-imi § 20, imm. 3-mi tunngavigineqartut akiliinissap kinguartinneqarnissaanik qinnuteqaatit taakkulu sularineqartarnerat pillugu malittarisassanik erseqqinnerusunik Naalakkersuisut aalajangersaasimanngitsut.

Tamanna Inatsisartunut Naalakkersuisunullu nalunaarutiginiarlugu aalajanger-punga, tak. Ombudsmandi pillugu inatsimmi § 11.”

Ilaqutariinnermut Pisortaqarfimmit akissummik imaattumik 12. august 2003-mi tigusaqarpunga:

”Meeqqanut akilersuutit il.il. kiisalu meeravissiar-taarnermi tapiissutit tunniunneqartarneri pillugit Inatsartut pequssutaanni nr. 2-mi, 3. marts 1994-imeersumi § 20, imm. 3-mi naatsorsuutigineqartut akiliinissap kinguartinneqarnera pillugu akiliinissamillu kinguartsiniarluni qinnuteqaatit akuerineqartarnerat pillugu malittarisassanik siusinnerusukkat aalajangersaasoqarsimannginnera ajuusaarnarpoq.

Kukkuneq Pisortaqarfiup periarfissaq siulleq atorlugu iluarsissavaa.”

Ilaqutariinnermut Pisortaqarfimmut allakkani 19. august 2003-meersuni nalunaarutigaa pisortaqarfiup akissutaa tusaatissatut tigugiga matumalu kingornagut suliami annertunerusumik iliuuseqaqqissanngitsunga.

3-6 Qaammatikkaartumik naatsorsuutit nassiunneqarnerinut atatillugu kommunip ilitsersuina. (J.nr. 11.73.20.07/075-01)

Naammagittaalliummik suliaqarninnut atatillugu maluginiarsimavara oqaasertaliussat assigiisaartut, K Kommunip qaammatikkaartumik naat-

sorsuutit kommunip nammineq piumassutsiminik innuttaasunut nassiuugaasa tunuanni atortagai arlalitsigut isornartorsiuinermut pissutissaqalersit-sisinnaassasut. Taamaattumik aalajangerpunga kommunip qaammatikkaartumik naatsorsuutini assigiissaartumik oqaasertaliuttagaani immikkoortoq imaattoq pillugu nammineerluni misissuinermik aallartitsiniarlunga, tak. Ombudsmandi pillugu inatsimmi § 6, imm. 5.:

”...  
 ”Akiliinissamat piumasaqaatit, akiliisitsiniartarneq ilaalu ilanngullugit:  
 Akiligassanik akileeqqusinerit ataasiakkaat tamarmik ullormik akiliiffissamik kingullermik imaluunniit piffissamik akiliiffissatut kingullertut nalunaakkamik paa-sissutissartaqartinneqartarput.

(...)  
 Akiligassat akilerneqarfissartik eqqorlugu akilerneqarsimannigtsut, aamma Kalaallit Nunaanni Eqqartuussisarnermik Inatsit naapertorlugu allallu aqqutigalugit qularnaveeqqusiussisinnaatitaanermik piumasaqaatitallit piffissap akiliiffissaritaasup qaangiunneratigut ullut arfineq pingasut qaangerneranni allamik ilimasaarutitalernagit, akissarsianit ilanngaateqarnikkut/tunisanilluunniit isertitanit ilanngaavigineqarnikkut, imaluunniit qularnaveeqqutitut pigisamik arsaarinninnikkut, akiliisitsiniartartup allaffiatigoortumik suliamik aallartitsineq, aamma akiligassalik takkutinngitsoorpat tamatuma kinguinnguatigut najugaanut, suliffianut imaluunniit niuerfianut ornigulluni suliamik ingerlatseqqinnikkut, pinngitsaaliissummik akilersin-niarneqassapput.

Kommuni imminut pisinnaatippoq piffissaq eqqorlugu akilerneqarsimannig-tsunik sapinngisamik annertunerpaamik unerartitsiffigineqarnissaminut, taamatut-taaq eqqartuussisutigoorlugit akilersinniarneqaraluarpata allatulluunniit akilersin-niarneqaraluarpata.”

Oqaaseqaateqarsimavunga ”qularnaveeqqutitut pigisanik arsaarinnin-neq” Kalaallit Nunaanni eqqartuussisarnermi atorneqanngimmat kommu-nip qaammammoortumik naatsorsuusianaani kommunip taassuminnga atui-nera pitsaannigtsutut isigigiga, tassami taaguut taanna pinngitsaaliinikkut akiliisitsiniarnerup inatsisiseqartitsinikkut tunngavigisaa pillugu nalorni-lersitsisinnaammat.

Aammattaaq oqaaseqaateqarsimavunga kommunip qaammammoortu-mik naatsorsuusiaminut oqaasertaliussaani pisassarisat pinngitsaaliinikkut akilersinniarneqarsinnaasut ilimasaaruteqaqqinnani akilersinniarneqassa-nerannik ilanngussisimanagera pitsaannigtsutut isigigiga.

Taamaattumik inassuteqaatigisimavara kommunip qaammammoortu-mik naatsorsuusiai ima ilusilersorneqassasut malittarisassanik kommunip akiliisitsiniartarnermik ingerlatsineranut atuuttunik kommunip malinnin-nera nalornisoorutigineqarsinnaajunnaarsillugu.

Malitseqartitsinerma inernera immikkoortoq 7-imi allaaserineqarpoq.

3-7 *Sulianik soraarnerussutisianik tunniussisarnermut tunngasunik kommunip tulleriissaarisarnera. (J.nr. 11.73.03.12/111-01)*

Paasissutissat, innuttaasumik ilitsersuussininnut atatillugu kommunip oqarasuaatikkut uannut nalunaarutigisai, tunuliaqutaralugit inunnik isumaginninnermut ingerlatsiviup suliassaasa ima tulleriissaarnissaannik, tassalu suliat siusinaartumik soraarnerussutisiaqalernissamut tunngasut assersuutigalugu meeqqanut inuusuttuaqqanullu ikiorsiisarneq pillugu sulianinngarnit salliutinneqannginnerulissallutik, kommunip tamanut tunngasumik aalajangerneranik nammineerlunga misissuineq taanna aallartinniarlugu aalajangerpunga.

Tamatuma kingorna kommunip nalunaarfigaanga kommunip tulleriissaarineq siusinaartumik soraarnerussutisianik tunniussisarnermik suliat kinguartinneqarnissaannik nassataqartussa q isumaliutersuutigisimagaa atulersissimanaguli, suliallu tamarmik takkuneri malillugit tulleriiaarlugit suliarineqartartut, imaasilluguli suliat meeqqanut inuusutissanillu ikiorsiinnernut tunngasut nukinginnartut sapinngisamik piaartumik suliarineqartartut.

Tamatuma kommunip suliassanik taamaattunik suliassanit allanit siulliutillugit suliarinnittarnera pillugu oqaaseqaateqarnissannut tunngavissinngikkaluarpaanga. Taamaakkaluartoq isumaqarpunga oqartussaasup suliassat ilaannik salliutitsinerata suliassat allat suliarineqaratik sivisunerusumik uninngaannarnerannik kinguneqannginnissaata ilisimatitsissutiginnissanut pissutissaqartoq.

3-8 *Isumaqatigiinniarnert inernerinik tunniussiniartarnerup arriippalaarnera pillugu naammagittaalliut. (J.nr. 11.01.20.04/021-02)*

Isumaqatigiissummik nutaamik isumaqatigiissutiginninnerup kingorna akissarsiatigut iluarsiiutinik tunniussisarneq pillugu suliame ilaatigut imaattunik oqaaseqaateqarsimavunga, pisortani oqartussaasut naluneqanngitsutut suliamek suliarinninnermi iliuutsit pingaaruteqartut suliani allatut iliorluni uppersaasarsorneqarsimannngitsut pillugit allakkiornissamut pissusaaffeqartut.

Aammattaq paasinninnera unaavoq allanut allakkat assilinerisa pigineqarnissaat oqartussaasut aamma isumagisariaqaraat, allakkat taakku mailikkut telefaxikkulluunniit imaluunniit allakkatut nalinginnaasutut nassiu-neqarsimanagerat apeqqutaatinngu.

Suliap aalajangersimasup taassuma uannut paasissutissiissutigineqarsimaneratut tunngaviutittariaqarpara oqartussaasup suliap ingerlanneqarnerani piffissat aalajangersimasut ilaannut, sivikinnerunngitsunut, suliamek suliaqarnermi iliuuseqarsimanagerit takussutissanik uppersaataissaqartissimannngikkai. Suliame uppersaasarsuisimannnginneq taanna isornartorsiortariaqarluinnartuusoraara.

Aammattaaq isumaqarpunga suliap sumut killissimanera Isumaqatigiinniarnernut Immikkoortortaqarfiup isumaqatigiinniarnermi illua'tungiusunut nammineq suliniuteqarnermigut nalunaarutigisimasariaqaraluaraa, tamannalu pillugu suliame allakkiorluni.

Suliassanik sularinninnermi ileqqorissaarnissaq pillugu oqartussap allakkiaa sulisunik suliffimmi ataatsimiititsinnermi misissorneqarsimallunilu oqaloqatigiissutigineqarsimasoq oqartussap tamatuma kingornagut paasisutissiissutitut uannut nassiuppa.

3-9 Isumaqatigiissutit malillugit atorfeqartitamik qinnuteqaateqarnikkut soraarsitsinnermi suliap sularineqarnissaanut piumasagaatit. (J.nr. 11.10.21.30/048-02)

Suliame, nalunaarusiami immikkoortoq 5-imi tamakkerlugu ilanngussimasanni, innuttaasoq naammagittaalliorpoq sulisitsisumi pinngitsaalilluni soraarniuteqaqqusimagaani.

Oqaaseqaateqarsimavunga pineqartup soraarniuteqarluni qinnuteqaataanik sularinninnermut atatillugu naammagittaalliummik isummerfiginninnissaminut oqartussaasoq pineqartoq tunngavissaqarsimanngitsoq, tassami pineqartup aatsaat uannut naammagittaalliornermini oqaatigimmagu pinngitsaalineqarnikkut soraarniuteqarsimalluni.

Kisiannili ima inassuteqaateqarnissannut pissutissaqarsorisimavara, oqartussaasup suliap innuttaasup pinngitsaalineqarluni soraarniuteqaqquneqarsimanerminik oqaaserisai ilanngullugit suliareqqissagaa.

Tamatumunnga atatillugu oqaaseqaateqarsimavunga oqartussaasoq oqartussaasup sularinik sularinnissimanera pillugu naammagittaalliuutit sularinissaannut pisariaqarneratut annertussusilimmik pisussaaffeqartoq, aammalu atorfeqartitaasut atorfeqartitaanerup taamaatinneqarneranut atatillugu naammagittaalliorsinnaatitaanertik annaassanngikkaat.

Suliap suliareqqinneqarnissaa pillugu inassuteqaatinnut malitseqartitsinera ukiup nalunaarusiuunneqartup naanerani naammassisimanngilara.

3-10 Atorfimmit peersitsinnermut atatillugu periaaserineqartoq. (J.nr. 11.-03.21.01/060-02)

Suliame, nalunaarusianni tamakkerlugu ilanngunnissaa pissutissaqarsorinnngisanni, suliame peersitsinnermut tunngasumi Aqutsinnermut Pisortaqarfiup periaaserisaa pillugu oqaaseqaateqarsimavunga inuup suliame illua'tungiusutut isumaanik tusarniaanermut akissuteqarnissaa ullunik pingasuinnarnik piffissalerlugu peersinneqarnera ajuusaarnartuusorigiga.

Aammattaaq oqaaseqaateqarsimavunga soraarsitsineq pillugu aalajangiinnermut tunngavilersuut naammaginartoq nalinginnaasumik ima piumasaqarfiussasoq, oqartussaq tunngavilersuummini akerliliissutaasinnaasu-

nut, atorfeqartitaasimasup allakkani suliami illua'tungiusup isumaanik tusarniaassutaasuni saqqummiussimasaanut, isummaminik ersersitsissasoq.

Taamaattumik oqartussap suliami illua'tungiusup isumaanik tusarniaalluni allagaani tunngavilersuutigineqartumut innersuussinerinnaq naammattussaavoq, allakkat suliami illua'tungiusup isumaanik tusarniaassutit iminni aalajangiinnermut naammaginartumik nassuiaataappata.

Taamaattumik isornartorsiortariaqartutut naammangitsutullu isigaara Aqutsinnermut Pisortaqarfip soraarsitsinnermut tunngavilersuummini pisortaqarfik suliami allakkanut suliami illua'tungiusup isumaanik tusarniaassutaasunut, allakkani soraarsitsissutini immikkut tunngavilersuuteqarnermut taarsiullugu, innersuussiinnarsimammat.

3-11 Suliami peqataalluni illua'tungiusup suliami allagaatinik paasitinneqarnissamik qinnuteqarnerani suliap aalajangiiviginissaata kinguar-tinneqarnissaanut pisussaaffeqarnej. (J.nr. 11.10.21.01/073-02)

Suliami, nalunaarusianni allatigut eqqartorsimanngisanni, kommunip suliami allagaatinik paasitinneqarsinnaatitaanermik qinnuteqarnej pillugu suliasat suliarineqartarnerat pillugu inatsisip § 11-anni malittarisassamik atuinnermini periaaserisaanik isornartorsiullunga oqaaseqaateqarsimavunga:

”Kommuni naliliisimavoq A paasissutissanik suliamut pingaaruteqartunik tamanik ilisimasaqareersoq. Kommunip allakkani, 17. december 2002-mi tigusimasanni, taavaa kommunip pingaartikkaa A tusarniaanermut akissutigisinnaasamini paasissutissanik nutaanik, kommunalbestyrelsip pedelitut suliaqarnerup atorunnaarsineqarnissaa pillugu aalajangernerminik allannortitsiومانeramik nassataqarsinnaasunik, saqqummiussiumasussatut isumaqarfigineqarsinnaanngitsaq.

Suliasat suliarineqartarnerat pillugu inatsimmi § 11, imm. 1 pillugu isumaliuter-suutigisat taamaassorinninnerusut matuma siuliini oqaatigineqartut pisumilu pisutsit imaannerat, aalajangersagaq inatsisitigut innarlitsaalisaanermut qularnaveeqqutitut tamanut tunngasumik pingaarutilittut isumaqarfigineqarluni, tunngavigalugit isumaqarpunga, naak suliami illua'tungiulluni peqataasup isumaanik tusarniaanermut malittarisassat tamakkiisumik eqqumaffigineqarsimasutut isumaqarfigisariaqaraluartut atorussanullu pineqartup misissoreersimasaanut aamma/imaluunniit ilisimariigaanut naleqqiussilluni nutaanik saqqummersoqarsimanngikkaluartoq aallaavusooq unaassasoq, tamatuma oqartussaasoq § 11, imm. 1 naapertorlugu paasissutissanik paasitinneqarsinnaanissaq pillugu qinnuteqaateqartoqassagaluarpat suliap kinguartinnissaanut pisussaajunnaarsinngimmagu.

Isumaqarama allaasuteqartitsisinnaanermik aalajangersagaq § 11, imm. 2-miit-toq suliami matumani atorneqarsinnaanngitsooq, taamaammat kommuni isumaga malillugu suliami aalajangersimasumi tassani aalajangiisinnaanngilaq, A paasissutissanik paasitinneqarsinnaatitaanermik nalunaarfigineqarnej tunngavigalugu oqaaseqaatigiumasaminik saqqummiussinissaminut periarfissinneqareersimatinnagu.

Matuma kingornagut isumaqarpunga K Kommunip oqaaseqaatigisakka tunngavigalugit suliaq suliareqqittariaqaraa, tamatumunngalu ilanngullugu A paasissutissanik paasitinneqarsinnaatinneqassasoq matumalu kingornagut oqaaseqaatinik saqqummiussinissaminut periarfissinneqassasoq, tamatumalu kingornagut suliaq tama-

tuma kingornagut tunngavissat pigineqartut tunngavigalugit isummerfigeqqinneqasasooq.”

3-12 Inissianik attartortut qularnaveeqqusiissutaannik ernialersuineq.  
(J.nr. 11.20.31.70/084-02)

A/S Inissiaatileqatigiiffik INI-p qularnaveeqqusiissutinik, pisortat illuutaanni attartortittakkani attartortut akiliutigisimasaannik, 1995-imiilli aqut-sinera, taamaaliornikkut attartortut ataasiakkaat qularnaveeqqusiussamik erniaannik pissarsisimanatik, A-p naammagittaalliuutigaa.

Isumaqsarimavunga attartortut ataasiakkaat qularnaveeqqusiissutigisamik ernialersortinnissaannik piunasaqaateqarsinnaanerannut inatsisitigut tunngavissaqanngitsoq, taamaallunilu naammagittaalliuut isornartorsiuinissamut inassuteqaateqarnissamulluunniit pissutissaqalersitsisimannigilaq.

Isumaqsarimavungali manna isummerfigineqarsimannigitsoq missinger-suutini naatsorsuutinilu najugaqatigiiffinnut suliarineqartartuni erniat najugaqatigiiffimmuut iluaqutissanngortinneqartussaannersut, attartortut ingerlaavartumik akiliutaat (matumunnga ilanngullugit qularnaveeqqusiissutit akilerneqarsimasut) aningaasartuutitut aningaasaliissutaasimasunillu iluanaarutitut matussutissanik tunniussinernut naleqqiussilluni pitsaasumik akiliisinnaassuseqartitsinermut pissutissaqalersitsippata. Aammattaq erseqqissumik isummerfigineqarsimannigilaq najugaqatigiiffik najugaqatigiiffiup avataani kontomik ingerlatsinissaminut pininnaatitaanersoq pisussaaffeqarnerorlu. Matuma kingornagut aalajangerpunga pisortat inissiaataanni attartortittakkani attartornermut akiliummik naatsorsuinermut tunngaviusooq pillugu apeqqut – matumunnga ilanngullugu aamma kikkut attartortut akiliutaannik pisussaanerannik kiisalu attartortitsisut aserfallat-saaliinissamut pisussaaffeqarnerisa annertussusiat pillugu apeqqut – nammineerluni misissuinermi ingerlanneqartumi ilanngutitinniarlugu.

3-13 Aningaasat eqqunngitsumik akilersinneqarsimasut utertillugit tunniunneqarnissaat pillugu aalajangernermik naammassinninngitsoorneq.  
(J.nr. 11.10.10.04/096-02)

Innuttaasooq uannut naammagittaalliorsimavoq kommunip akilersuutini, kommunip paasinninnera malillugu kukkunikkut innuttaasumut tunniunneqarsimasunik, akiliisissimagaani.

Suliassap suliarinissaa itigartitsissutigisimavara, tassami utertitsilluni akiliinissamik piunasaqaatip inatsisinut naapertuuttuussusianik imaluunniit tunngavissaqarneranik apeqqut Isumaginninnermi Naammagittaalliuuteqartarfimmuut naammagittaalliuutigineqarsinnaammat. Naammagittaalliornissamulli piffissarititaq qaangiutereersimavoq, taamaammallu Isumaginninnermut Suliffeqarnermullu Pisortaarfik isumaginninnikkut immikkoortortanik nakkutilliisuusutut suliamik nalileeqqullugu qinnuigisimavara.

Pisortaqarfik naliliivoq eqqunngitsumik akiliisitsisoqarsimasoq, taamaattumillu kommuni aalajangerpoq aningaasat eqqunngitsumik akilersinneqarsimasut utertinniarlugit.

Tamatuma kingornagut innuttaasoq uannut naammagittaallioqqippoq, tassami kommunip aningaasat akilersinneqarsimasut utertillugit tunniunissaannik aalajangernini malissimannngimmagu.

Matuma kingornagut kommuni kukkusoqarsimanagera pillugu innuttaasumut utoqqatsissuteqarpoq, aningaasallu kukkusumik akilersinneqarsimasut utertillugit tunniullugit, tamatumalu kingorna suliami allatigut iliuuseqaq-qinnngilanga.

3-14 Tjenestemandimik misiligummik atorfinitsitaasimasumik qinnuteqaataannngitsumik soraarsitsineq. (J.nr. 11.03.21.01/105-02)

Oqaaseqaateqarsimavunga pisortani atorfeqartitaasumik soraarsitsinisaq pillugu aalajangiineq tassaasoq suliaasat suliarineqartarnerat pillugu inatsit tunngavigalugu aalajangiineq. Taamaattumik ingerlatsinermik inatsiseqartitsinermi inatsisitigut aalajangersagaanngikkaluamik misissuisusaanermik tunngavik atuuppoq, taannalu malillugu oqartussaasoq pissaaffeqarpoq aalajangiinnermut pissusiviusunik inatsiseqartitsinikkullu tunngavissanik pissarsiniarnissaminut.

Qinnuteqaataannngitsumik soraarsitsinisaq pillugu aalajangiinerit atorfeqartitaasumut nalinginnaasumik akuliunnerupput sakkortoorujussuit. Taamaattumik atorfeqartitaasup inatsisitigut innarlitsaalineqarnissaanik mianerinninnerup nassataraa suliap peqqissaarluinnartumik paasissutissartalersorneqarnissaa, paasissutissat suliamut attuumassuteqartut tamarmik pissarsiarineqarnissaat siunertaralugu.

Misiligummik atorfinitsitaanerup nassataraa atorfeqartitaasup piukkunnassusianik aalajangiineq atorfinitsitsinermi pinngitsoq, aatsaalli piffissap misilinneqarfiup kingorna periaaserlu aalajangersimasoq malillugu pissaasoq. Misiligummik atorfeqartitaanerup nalaani misiligummik atorfeqartitaasoq aalajangersimasumik atorfeqartitaanngilaq, taamaalinissanilumi inatsiseqartitsinikkulluunniit tunngaveqartumik piumasaqaatigisinnaanagu.

Atorfeqartitaasup inatsisitigut innarlitsaalineqarnera aamma qinnuteqaataannngitsumik soraarsitsinerup sakkortuumik sunniuteqarnera pillugit isumaliutersuuteqartoqassappat atorfeqartitaasup aalajangersimasumik atorfeqartitaasutut inatsiseqartitsinikkut inissisimanissaa, imaluunniit tunngavisaqartumik taamatut isigineqarnissamik piumasaqaateqarsinnaasuunera piumasaqaataapput.

Tamanna misiligummik atorfinitsinneqarnermi atuuttanngilaq, suliallu suliarineqarnera pillugu piumasaqaatit aalajangersarneqassagaangata inatsisitigut innarlitsaalineqarnissamik mianerinninneq suliap taamaattuunera pissutigalugu annikitsuinnaasarluni.

Taamaalilluni paasissutissat misiligummik atorfeqartitaasup ilanngutis-sallugit pisariaqartutut isigisai tamaasa suliami ilanngutissallugit pisaria-qannqilaq. Aammattaaq piukkunnassutsimik ilimaginninnissaq piffissami sivikitsuinnarmi atorfeqarsimaneq pissutigalugu tunngavissaqarneq ajor-poq, taamaattumillu pissutsit naliliinerillu qaninnerpaatut qullersarisap i-nassuteqaataani ilaatinneqartut aallaavittut tassaasariaqarput tunngaviutin-neqartut, misiligummik atorfeqartitaasup tamatuminnga isumaqatiginnin-ngilluinnarnera apeqqutaatinnagu.

3-15 Nalunaarummi piffissap tungaatigut piumasaqaammik sanioqqutit-sisinnaatitaanermi assigiissuseqartitsinissamik tunngaveqarneq.  
(J.nr. 11.73.22.01/016-03)

A, siornatigut borgmesteriusimasoq, borgmesteritut soraarnerussutisia-qartinneqarnissaq sivikinnerpaamik ukiunik arfineq pingasunik sulisima-nissamik piumasaqarfiusoq pillugu malittarisassamik sanioqqutitsisinnaa-nissaq pillugu qinnuteqaamminut Naalakkersuisut itigartitsisimanerat tun-ngavigalugu uannut naammagittaalliorpoq.

Naak naammagittaallioornissamut piffissarititaq nalinginnaasoq ukiumik ataatsimik sivisussusilik suliami matumani qaangerneqarsimagaluartoq, suliap nammineerluni misissuiffiginissaa toqqarsimavara, ilaatigut paasi-narsisikkumallugu immikkut akuersissuteqarfigineqarnissamik itigartinne-qarneq aningaasaqarnikkut mianerisassanik inatsisinut naapertuutinnngitsu-nik tunngaveqarnersoq, ilaatigullu assigiissuseqartitsinissamik tunngave-qarneq unioqqutinneqarsimanersooq paasinarsisikkumallugu.

Suliaq misissoreerlugu oqartussaasullu tusarniaanernut akissutaat misis-soreerlugit oqaaseqaateqarsimavunga Naalakkersuisut A-p immikkut a-kuersissuteqarfigineqarnissamik qinnutigisaanik suliaqarnermi aningaasa-qarneq pillugu aammalu ukiunik arfineq pingasunik aalajangersimasumik piffissaliinerup sinnerani atorfimmik ingerlatsineq pillugu piumasarisat pingaartissimasariaqannqikkaluaaraat, tassami tamatumunnga peqatigitillu-gu oqaatigisimagakku, Naalakkersuisut pisumi allami, pisimasumi tassani siornatigut borgmesteriusimasup piffissami aalajangersimasumi sulisima-nera ukiunik arfineq pingasunik sivisussuseqarsimananittaaq, piffissap si-visussuseqarneranut naleqqiussilluni naatsorsuinissaq ajornartissiman-ngimmassuk.

Taamaattumik inassuteqaatigisimavara Naalakkersuisut ilaatigut A-p immikkut akuersissuteqarfigineqarnissamik qinnuteqaataa suliareqqissa-gaat, kiisalu isumaliutersuutigissagaat immikkut akuersissuteqarfigine-qarsinnaatitaaneq nalunaarummi pineqartumi toqqartumik iluarsiivigine-qartariaqannqinnersoq.

Naalakkersuisut Allattoqarfiaata allakkani 15. oktober 2003-meersuni nalunaarfigaanga suliaasaq sapinngisamik piaarnerpaamik suliarineqar-niarumaartoq, taamaaliornissamullu suliap Naalakkersuisut Allattoqarfian-



ni namminermi suliarineqarnera pissutigalugu piffissangaatsiaq ingerlajumaartoq.

Suliap inaarlugu suliarineqarsimanera pillugu paasisutissiissummik kiuip nalunaarusiuunneqartup naanerani tigusaqarsimangilanga.

3-16 Utertitassanngorlugit ikiorsiissutit. (J.nr. 11.10.49.01/024-03)

Suliami utertitassanngorlugit ikiorsiissutinik kommuniq soraarnerussutisialimmut ikiorsiissuteqarsimasinnaagaluarnera pillugu utertitsilluni akilersuinermik aqqissuussinerup inatsisinik eqqortitsisuusimanera pillugu naammagittaalliummut tunngasumi naammagittaalliuut suliarisinnaasorisimangilara.

Kommuniq suliamik allatigut suliarinnissimanera pillugu oqaaseqaateqarsimavunga isornartorsiortariaqartoq kommuniq aalajangiinera inatsisitigut maleruqqussanut suliamut tunngassutilinnut innersuussinernik imaqarsimangimmat, taamatuttaarlu aamma aalajangiinerup naliliineq tunngavigalugu aalajangiinerunera ersernanittaaq.

Aammataaq oqaaseqaatigisimavara kommuniq pisussaaffigigaa – soraarnerussutisiaqartup peqqussummi § 12 tunngavigalugu nalunaaruteqartussaataitanera apeqputaatinnagu – soraarnerussutisiaqartut isiginiagassat erseqqinnerusumik taaneqartut malillugit kiisalu suliat ataasiakkaarlugit naliliisarneq, ikinnerpaamik ukiumut ataasiarluni pisartusaaq, malillugu aningaasanik tigorianaannarnik naleqquttunik amerlassuseqartitanik peqarnissaat qulakkiissallugu, tak. peqqussummi § 21, imm. 1-imi oqaaseqatigiit siullit. Tamatuma saniatigut suut pisariaqartuunerat suliat ataasiakkaarlugit aalajangersimasumik naliliinikkut aalajangiiffigisariaqarput. Tamanna isornartorsiortariaqartutut isigaara.

Kiisalu matuma oqaatiginissaanut pissutissaqarpunga, kommuniq uanut akissummini naafferartumik akilersuinissamik nammineq piumassuseq tunngavigalugu aqqissuussinerit soraarnerussutisiaqartunit allannortinneqarsinnaappata utertitsilluni akiliisarneq pillugu malittarisassat piviusorsiortuunnginnerannik oqarnera isumaqatiginngikkiga. Matumani Isumaginninnermut Suliffeqarnermullu Pisorta qarfiup uannut allagai innersuussutigaaakka, allakkanilu taakkunani pisorta qarfiup ilaatigut oqaatigaa akiit-sut soraarnerussutisianit ilanngaatigineqarnissaannik soraarnerussutisialik isumaqatigiissuteqarnissaminik kissaateqarpat pisoq taanna nammineq piumassuseq malillugu inuttut oqartussaassuseqarluni isumaqatigiissuteqarsinnaanernit allatut ilusilinnit tamanit tunngavimmigut allaanerunngitsoq. Pisorta qarfiup aamma oqaatigaa pissutsit imaannerisa kisimi, tassalu akilersuutissatut isumaqatigiissutigineqarsimasut soraarnerussutisianit ilanngaatigineqarsinnaanerisa pisorta qarfiup isumaa malillugu isumaqatigiissut atortussaannigitsuutinngikkaat, soraarnerussutisiallip piumassutsini malillugu isumaqatigiissuteqarsimanera naatsorsuutigineqarpat, tassannga-

lu tunuarsinnaalluni taamaaliornissaq kissaatigineqarpat kissaatigineqas-sappallu.

Taamaattumik oqaaseqaateqarsimavunga pisut pensionisiat pillugit peqqussummi § 27 tunngavigalugu ilanngaassiviusinnaasut avataatigut kommunip pisassarisami tigonissaasa qulakkeernissaat kissaatigiguniuk peqqussummi § 24 malillugu tamanna naliliiffigisariaqaraa. Kommunili akiliisitsiniarnermi tunngavissamik inatsisini tunngavigineqartuminngar-nit pitsaanerusumik inissinniarsinnaanngilaq.

3-17 Attartukkamik atorunnaarsitsineq pillugu aalajangiinernik nalunaa-  
ruteqarnermi periaasiusoq. (J.nr. 11.20.27.01/047-03)

Suliami, nalunaarummi allatigut eqqartunngisanni, A/S Inissiaatileqa-tigiiffik INI-mut, attartukkap atorunnaarsinneqarnera pillugu nalunaarum-mik attartortup suliffianut tunniussisimasumut, imaattunik oqaaseqaateqar-simavunga:

”Suliasat suliarineqartarnerat pillugu inatsisit ingerlatsinermut inatsiseqartit-sineq malillugu aalajangiinernik nalunaaruteqarnermi ilusissat pillugit malittarisas-sanik imaqaanngilaq.

Aalajangiinerilli ingerlatsiviup nipangiussisussaataitanera pillugu malittarisas-sanik unioqqutitsinermik (imaluunniit unioqqutitsisoqarnissaanik aarlerinaateqar-tunik) nassataqartumik periaaseqarluni nalunaarutigeqqusaanngillat, tak. suliasat suliarineqartarnerat pillugu inatsimmi § 27, imm. 1, tassani ima allassimasoqarluni:

”§ 27. Pisortat ingerlatsiviini suliffilik allanut tusarliussisussaataitaanngilaq, tak. pinerluttuliorneq pillugu inatsimmi § 29, suna ilisimasaq inatsisitigut imaluunniit aalajangersakkakut atortuusukkut allakut tassaaneragaappat allanut oqaatigeq-qunngisaq, imaluunniit aamma pisariaqarpat isertuutissallugu pisortat inuinnaal-luunniit soqutigisaat pingaaruteqartut pissutigalugit, aamma pingaartumik makku pissutigalugit ...

6) inuit ataasiakkaat imaluunniit ingerlatsiviit namminersortut imaluunniit peqa-tigiiffiit imminnut tunngasut, tamakkununga ilanngullugit aningaasarsiornermut tunngasut, pillugit paasisutissanik illersuiumallutik soqutigisaat, ...”

Aammattaq inissiaatileqatigiiffik ingerlatsinermi ileqqorissaarnermik eqqortit-sisussaavoq, tamatumunnga aamma innuttaasunik inussiarnersumik ataqqinnittu-millu sullissineq ilaalluni.

Eqqartuussutinik naammassitsiniaasartut sulinerat pillugu innuttaasunut nalu-naaruteqartarnermut atatillugu ajornartorsiuteqarfiusoq pillugu sionratigut oqaase-qaateqarsimavunga, tak. ukiumut 1999-imut tunngasumik nalunaarutinni, suliaq 04-1, tassungalu aamma innersuussivunga.

Inissiaatileqatigiiffiup uannut 1. juli 2003-mi akissummini uppenarsarpaa illo-qarfimmi K-mi ileqqusoq attartukkanik attartorunnaarsitsinernik nalunaarutit attar-tortut suliffianut inissiaatileqatigiiffiup allaffimmiuinut aanneqartartut.

Aammattaq maluginiarpara ajornartorsiuteqarfiusoq pillugu inissiaatileqatigiif-fiup illoqarfimmi K-mi immikkoortortaqarfianit ingerlatseqatigiiffiup ...-mi nunap immikkoortortaani allaffianut, tusarniaaninnut akissuteqartumut, allakkiaanit imaat-tut ersertut:

”Attartukkamik attartortuujunnaarsitsinermik inissiaatileqatigiiffiup A-mut nalunaaruteqarnerani periaaseq allaaserineqartoq pissutsinut naleqqulluinnarpoq. Nukingisaarutit attartorunnaarsitsinerillu inissiat allaffiini sulisunit aanneqartarput, tamannalumi aamma sulinerup nalaani pisarpoq, maanilu illoqarfimmi tamatta immitsinnut ilisarismagatta inissiat allaffiini sulisut allakkanik attartortut suliffiunut aatsisarput, pineqartorlu soorunalimi attartortuujunnaarsitsinermik allakkat tunniusinnaajumallugit taassuma suliffianut saaffiginissimavoq.” (Atorfeqarfimmi nutsigaavoq.)

Oqaatigineqartut siullermik matuminnga malugeqqusinissannut pissutissaqalersippaannga, tassalu peqqusissutit pillugit allakkanik nalunaarutiginninnermi periaasiusoq allaaserineqartoq inatsimmi tunngavissaqanngitsoq, tak. Namminersornerulutik Oqartussat kommunillu inissiaataanni attartortittakkani attartortuujunnaarsitsisarneq pillugu Namminersornerullutik Oqartussat nalunaarutaanni nr. 8-mi, 2. april 2002-meersumi § 4, imm. 3, tassani ima allassimasoqarluni:

”Imm. 3. § 1, imm. 1. § 2, imm. 2 aamma 3 aammalu § 7, imm. 3 naapertorlugit allaganngorlugu peqqusissutit attartortumut nassiuuneqassapput allakkatut tammarnaviikkatut imaluunniit inissiap sumiiffianut allakkisartukoorlugit tunniunneqassapput. Allakkat tammarnaviikkat imaluunniit allakkat tunniunneqarnerinut allakkisartup allaganngorlugu nalunaarutaanik tigusaqarnermut attartortup uppersaaneera tassaavoq allaganngorlugu peqqusissutit apuunneqarsimaneranut attartortitsisup uppersaataa. § 2, imm. 2 naapertorlugit allaganngorlugu peqqusissut anngussimassaaq taanna allakkisartumit inissiap sumiiffianut tunniunneqarsimagaangat.“ (Oqaaseqatigiit kingulliit marluk kalaallisunngortinneqarsimangimmata Atorfeqarfimmi nutsigaavoq.)

Nalunaarummit ersinngilaq nalunaaruteqariaaseq taassuma assinga attartukkamik atorunnaarsitsineq pillugu aalajangiinernik nalunaaruteqarnermi atorineqartussaanesoq.

Inissiaatileqatigiiffiup nipangiussisussaataitanermik ingerlatsinermilu ileqqoris-saarnissamik malittarisassanik tamanut tunngasunik eqquutitsisussaaneera uanga isumaga malillugu nassataara atorunnaarsitsinermik allakkat allakkisartumut aatsineqarnerat, tamatumani allakkanik tiguisusaaq, allakkanik tiguisusap suliffiani, allakkat tiguneru uppersarsarlugit atsiortussaalluni, pinngitsoorani inatsisunik unioqquutitsinerussasoq.

Pisup ima pissuseqarnerata, inissiaatileqatigiiffiup allaffimmiuisa namminneq allakkanik tiguisusatt ilisarismasussaallugit, taamatut periaaseqarneq tunngavissis-sinnaanngilaa. Paarlattuanilli tamanna ingerlatseqatigiiffiup sulinerata ingerlanneqarneranut atatillugu immikkut mianersortuunissamut kaammattuutaasariaqarluni.

Taamaattumik isornartorsiortariaqarsoraara inissiaatileqatigiiffiup A-p attartugaanik atorunnaarsitsineq pillugu aalajangiinermik nalunaarut A-p suliffianut aatsis-simammagu.

Tamanna ilutigalugu isumaqarpunga inassuteqaatigisariaqarlugu inissiaatileqatigiiffiup attartukkamik atorunnaarsitsineq pillugu aalajangiinernik nalunaaruteqarnermi periaatsimik, peqqusissummik nalunaaruteqarnermut malittarisassanut naapertuuttumik, siunissami atuisassasoq.“

### 3-18 Nammineq kissaatigisamik nuunnermut atatillugu inik amerlassusis-saannik killiliineq. (J.nr. 11.20.34.01/053-03)

Suliami, tamakkerlugu nalunaarusiannut ilanngunnissaa pissutissaqarso-ringisanni, oqaaseqaateqarsimavunga inissiaatileqatigiiffiup inissamik pi-ngasunik initalimmik innuttaasumut tunniussinissamik akuerinnissinnaan-

nginnerata isornartorsiornissaanut naammattumik tunngavissaqarsorisi-mannngitsunga.

Innuttaasup pineqartup, nammineq kissaatigisamik nuunnissamut A/S Inissiaatileqatigiiffik INI pilersinneqanngikkallarmalli allatsissimasup, naammagittaalliuutigaa inissiaatileqatigiiffiup siullermik inissamik pingasunik initalimmik inissarsisimanerariarluni tamatuma kingornagut inigisamini kisimiittuunera innersuussutigalugu taamaammallu inoqutigiit amerlassusissaat pillugit malittarisassanik atuuttunik, inissanik innersuussisarneq pillugu nalunaarummi nr. 24-mi, 10. oktober 2000-imeersumi nas-saassaasunik, inissallu innersuunneqarsinnaasup nutaap angissusissaanut aalajangiisuussunik eqqortitsinnginnerarlugu inissamik innersuussuteqar-nini tunuartissimagaa.

Isumaqarpunga inissiaatileqatigiiffiup inissamik pingasunik initalimmik tunniussinissaq pillugu aalajangiisimanagera tunngaviutinneqarsinnaanngit-soq, tassami innuttaasooq qinnuteqaateqartut allat 23-t assigalugit inissamik pineqartumik neqeroorfigineqarsimammat aammalu inoqutigiit ineqatigiisut tamatuma nalaani amerlassusaa pillugu innuttaasut nalunaaruteqarne-rat inissamik neqeroorutigineqartumik tunniussinissamut tunngaviusimam-mat.

Matuma kingornagut inissamik tunniussineq utaqqisut allattorsimaf-fianni inissisimaneq malillugu pisassaaq.

Taamaattorli suliap inissiaatileqatigiiffimmut matuminnga apeqqutilliis-suteqarnissannut pissutissaqalersippaanga, paasissutissiissutitut naqitikkat neqeroorutitullu allakkat, inissarsiortunut utaqqisut allattorsimaffianniit-tunut nassiussuunneqartartut, allanngortinnissaat inissiaatileqatigiiffiup isumaliutersuutigumaneraa, taamaaliornikkut inissanik innersuussisarneq pillugu malittarisassat atuuttut – matumani pingaartumik inoqutigiit amerlassusissaat pillugu malittarisassat ilanngullugit - inissarsiortunut erseqqis-sarneqassallutik.

Inissiaatileqatigiiffik uannut nalunaaruteqarpoq paasissutissiissutitut na-qitikkat neqeroorutitullu allakkat taaneqartut allanngortinnissaat isumaliu-tersuutigineqarumaartoq.

Inissiaatileqatigiiffik qinnuigisimavara allannguutissatut eqqarsaatigine-qartut allannguutigitinneqarpata paasissutisseqqullunga.

*3-19 Atorfimmut qinnuteqaammik itigartitsinermut atatillugu tunngaviler-suineq. (J.nr. 11.03.02.01/073-03)*

Suliami, nalunaarummi matumani ilanngunneqanngitsumi, oqaaseqaate-qarsimavunga suliaasat suliarineqartarnerat pillugu inatsimmi § 22-p nassa-tarigaa pisuni aalajangersimasuni allakkatigut aalajangiinerit tunngaviler-sorneqassasut. Tunngavilersuinissamut piumasaqaatit pisup qanoq ittuunera apeqqutaatillugu aalajangerneqartarput.

Nalinginnaasoq unaavoq suliani atorfirmut qinnuteqaateqartoq atorfinitsinneqarnissamut itigartinneqarpat naammassasoq oqaatigissallugu atorfeqartitaasup piukkunnaatai suut pingaartillugit isiginiarneqarsimasut.

Tamatuma nassataraa qinnuteqartut sinnerisa taakkorpiaallutik soq namminnerpiaq atorfinitsinneqarsimannginnerminnut sukumiisumik tunngavilersuiffigineqarnissartik tamarmiullutik ataasiakkaarlutillu piumasaqaatigisinnaassanngikkaat.

Oqartussaasulli itigartitsineq ataasiakkaanut tunngavilersussallugu toqqarpagu tunngavilersuut piumasaqaatinik taakkuninnga eqqortitsisuusaaq.

Taamaalilluni tunngavilersuut aalajangiinerup imarisaminik pineqartumik imaqarnera pillugu nassuiaatit saqqummissaaq. Tunngavilersuut eqqortuusaaq, imatut paasillugu aalajangiinermi pissutsinik oqartussaasup pingaartillugit isiginiarsimasaanik takutitsisuusaaq, pissutsillu taakku eqqortumik tamakkiisumillu allaaserineqassallutik.

Pissutsilli taakku namminneq oqartussaasup pingaartillugit isiginiarta-riaqagai tunngavilersuisarneq pillugu malittarisassanit ersinngillat, inatsisnili malittarisassatigut, inatsiseqartitsinermi tunngavigineqartutigut, suliamut attuumassuteqartitsinissamik tunngavinni, suliamut attuumassuteqanngitsumik assigiinngisitsinissamik inerteqqutini il.il. aalajangersarneqarsimallutik. Pissutsit taakku atorfinitsitsinernut atatillugu oqartussaasup aalajangiinerini aamma taamatut atorineqassapput.

Tunngavilersuisarneq pillugu malittarisassat matuma kingorna sakkutut, oqartussaasut inatsisinik aalajangersakkanillu eqqortitsinerannik innuttaasut nakkutilliinerminni atorsinnaasaattut, taamaattuunerminni inatsimmi aalajangersarneqarsimanngitsutut isigineqarsinnaapput.

Aamma oqaaseqaateqarsimavunga ”Suleqatigiinneq ingerlasinnaassanngitsoq nalunanngereerpat qinnuteqartup atorfinitsinneqannginnissaanik oqartussaasup aalajangiisinnaatitaaneraniq” oqartussaasup pineqartup uanut oqarnera isumaqatigaara. Oqartussaasup suleqatigiinnermi ajornartorsiuteqarnissaaq (erseqqissumik) tunngavissaqarluni annilaangagippagu oqartussaasup qinnuteqaammut itigartitsineq tamanna innersuussutigalugu tunngavilersuineri pillugu oqaaseqaatissaqanngilanga.

Taamaattorli oqartussaasup atorfirmut qinnutigineqartumut itigartitsinermi itisilerisumik tunngavilersuinissaaq toqqarpagu tunngavilersuineq pillugu piumasaqaataasutut qulaani taaneqartut nassataraat suleqatigiinnermi ajornartorsiutinut innersuussineq – pisut qanoq ittuunerat apeqqutaatillugu – pissutsinik oqartussaasup tamatumunnga naliliinermini ilanngussimasaanik nalinginnaasumik ikorfartorneqartariaqartoq. Itisilerisumik tunngavilersuinissamik piumasaataasup taamaalilluni nassataraa suleqatigiinnermi ajornartorsiutitut taaneqartut erseqqissarneqartariaqarnerat.

Paasinninnera malillugu taakkua allaaserineqarnerat aatsaat ilanngutinngitsoorneqarsinnaavoq pissutsit ”suleqatigiinnermi ajornartorsiutitut” isigineqartut naliliinermi tunngavigineqartut nalornissutigineqanngippata,

imaluunniit pisuni ikittuinnaasuni taakku allaaserineqarnerat suliami il-lua'tungiusoq nammineq eqqarsaatigalugu ilaatinneqartariaqanngippat.

Aamma pisortani atorfeqartitaasut inunnut oqartussaasunulluunniit atorfeqartitaasup nammineq suliffimmi avataanniittunut saaffiginninnissamin-nut periarfissaat pillugit oqaaseqaateqarnissara pisariaqartutut isigisima-vara.

Paasininnera unaavoq ingerlatsinermi oqartussaasuni qaffakkiartuaar-tumik inissimasunik aqutsinermi oqartussaasut aqutissanik aalajanger-saanermikkut namminikanneq aalajangersinnaagaat atorfeqartitaasut pisor-tallu akornanni saaffiginnissutit qanoq ingerlaartassasut. Aqutsinermi pi-sinnaatitaaffik taanna atorfeqartitaasut nalinginnaasumik ilumoorfiginnit-tusaaanermik pisussaaffeqarnerannit ikorfartorneqarpoq.

Tassanili aamma ilaavoq qulaani taaneqartut killilersuutit aalajangersi-masut ilaanerat, tassami Tunngaviusumik Inatsimmi killilersugaanngitsu-mik oqalussinnaatitaaneq pillugu § 77-ip tunngavigisaata nassatarimmagu aamma pisortani atorfeqartitaasut oqaaseqaatinik, matumani suliffeqarfit-sik pillugu isornartorsiutit ilanngullugit eqqarsaatigalugit, inuinnartut oqaaseqaateqarnissamut periarfissaqarnerat.

Aammattaaq suliassat suliarineqartarnerat pillugu inatsimmi § 27, imm. 2-p nassataraa pisortat ingerlatsiviata iluani paasissutissaq pillugu aatsaat nipangiussissusaaatitsisoqarsinnaasoq, pisortat inuinnaallu soqutigisaasa aalajangersimasut § 27, imm. 1-imi taaneqartut annertuumik mianerineqar-nissaat eqqarsaatigalugit paasissutissaq taanna isertuutissallugu pisariaqar-pat. Imm. 1-imi aalajangersagaq paasissutissanut isertuussassanut paasis-sutissanullu allanut pisortat inuinnaallu soqutigisaat annertuumik eqqar-saatigalugit isertuunneqarnissaat pisariaqartunut tunngasuvoq.

Naak § 27, imm. 2-mit erseraluartoq pisariaqassutsimik naliliineq ilaa-tigut "pisortat soqutigisaat aalajangersimasut" eqqarsaatigalugit ingerlan-neqassasoq, § 27, imm. 1-imi innersuussineq isumaqarpoq tamanna suku-miisumik aalajangersarneqarsinnaanngitsoq.

Kiisalu pisortat ingerlatsivianni pisuni immikkut ittuni alliunerullutik atorfeqartitaasut pisussaaffeqarluinnarsinnaapput naalakkiinerit iliuseri-neqartulluunniit inatsisinik unioqutitsinertut isigisariaqartut qullersari-saminnut nalunaarutigissallugit aamma/imaluunniit peqataaffigiumanagit qullersarisaminnut oqaatigissallugit. Pisussaaffiup taassuma pisut qanoq it-tuunerat apeqqutaatillugu saaffiginninnermi aqutissatut aalajangersar-neqarsimasut malinneqannginnissaat pisariaqartunngortissinnaavaa kiisalu maleruagassanik saneqqutsinissamut inatsisinik unioqutitsinani pisinnaa-sunngortissinnaallugu.

Atorfeqartitaasoq apeqqutinik sulisunut tunngasunik qanimut qullersari-sani saneqqullugit nakkutilliinermi oqartussaasumut nalunaaruteqarsinnaa-titaanersoq pillugu apeqqut suliani ataasiakkaani naliliineq aallaavigalugu akineqartariaqarpoq.

Taamaattumik nalunaaruteqartarnerit suliffeqarfiup pisortaqatigiivi aq-  
qutigalugit pisimasariaqaraluarneranik oqartussaasup paasinninnera ilaler-  
luinnarsinnaanngilara.

Taamaattorli atorfeqartitaasup suleqatini nalunaarutigippagu oqartus-  
saaffiup pisortaasa tamatumingga ilisimatinneqarnissartik kissaatigippas-  
suk, tassalu atorfeqartitaasunut siumut erseqqissarneqareersimappat taama-  
tut nalunaarutiginninnerit pisortaasunut aamma saqqummiunneqassasut,  
tamanna isornartorsiorsinnaasussaannngilara.

Ataatsimut eqikkaallunga qulaanilu taaneqartut eqqarsaatigalugit isu-  
maqarpunga oqartussaasup suliami matumani suleqatigiinnermi ajornartor-  
siutinut innersuussinera erseqqarluttunik tunngavilersuinerup saqqummer-  
nerigaa, tamatumalu atorneqarnera isorisarialittut isigaara.

Kiisalu oqaaseqaateqarsimavunga ingerlatsinermi ileqqorissaarnerup  
nassatarimmagu innuttaasut saaffiginnissutaat oqartussaasut qisuariarfigi-  
sassagaat – aamma saaffiginnissut oqartussaasup suliamik suliarinninner-  
mini annertunerusunik iliuuseqarnissaanut pissutissaqalersitsinnikkaluar-  
palluunniit.

Taamaalilluni itisilerisumik tunngavilersueqqusineq oqartussaasup aki-  
simasinnaagaluarpaat tunngavilersuutaareersoq naammattutut isigineqar-  
toq. Oqartussaasulli taamatut paasinninnerata oqartussaasup saaffiginnis-  
summut akissuteqarsimannnginnera taamatut isigalugu tunngavilersorsin-  
naanngilaa.

Taamaattumik suliami itigartitsinermut itisilerisumik tunngavilersuiffi-  
gineqarnissamik qinnuteqarnermut oqartussaasup akissuteqarsimannnginne-  
ra isorisarialittut isigaara.

3-20 Sulinnigiffeqarsimanermut uppernarsaatissaqarnissaq. (J.nr. 11.10.-  
21.01/085-03)

Suliami kommunip qatserisartut pisortaannut allakkat imatut oqaasilior-  
lugit, tassalu qatserisartut pisortaata allakkat ima paasisariaqarsimallugit,  
nammineq soraarsinneqarluni imaluunniit soraarsinneqarumaarluni, alla-  
gaqarsimanera pitsaanngitsutut isumaqarfigisanni aammattaaq pitsaanngit-  
suusorisimavara kommunip suliami allagaatinut mappiutaani qatserisartut  
pisortaata sulinnigiffeqarneq pillugu inatsit naapertorlugu sulinnigiffeqarne-  
rata kommunip, sulisitsisutut, qatserisartullu pisortaata, akissarsialittut,  
akornanni isumaqatigiinniareernikkut aalajangersarneqarsimaneranut up-  
pernarsaatissamik piusoqanngimmat.

3-21 Timmissat illersorneqarnerat pillugu Namminersornerullutik Oqar-  
tussat nalunaarutaat tunngavigalugu Naalakkersuisut immikkut a-  
kuersissuteqarsinnaanerat. (J.nr. 11.01.60.01/089-03)

Suliaq, Ombudsmandi pillugu inatsimmi § 6, imm. 4 innersuussutigalugu misissuiffiginissaa pissutissaqarsorisimanngisara, pillugu naammagittaalliortumut nalunaarummik imaattumik allagaqarsimavunga:

”Inatsisitigut tunngaveqarnissamik apeqqut pillugu oqaatigaara suliami pineqartumi Naalakkersuisut malittarisassanik timmissanik aallaaniarneq pillugu aalajangersaasuusunik piniarneq aallaaniarnerlu pillugit Inatsisartut inatsisaanni nr. 12-imi, 29. oktober 1999-imeersumi § 8 malillugu aalajangersaanissaminnut piginnaatitaanerit qularutissaanngitsoq. Piginnaatitaaneq taanna tassaavoq timmissat illersorneqarnerat pillugu nalunaarummi nr. 38-mi, 6. december 2001-imeersumi piffissanik timmiarniarfiusinnaasunik killilersuinermi inatsisinik unioqquitsinani tunngavigineqartoq. Aammattaaq Naalakkersuisut piginnaatitsissutip taassuma nassatarisaanik aallaaniarnermik killilersuinerup sakkukillineqarnissaa malittarisassat atuutisneqannginnissaannik suliami aalajangiinermikkut nalunaarutigisinnaavaat.

(...)

Suliami illua'tungiusut tusarniaavigineqartussat tusarniaavigineqarsimannginnerat eqqarsaatigalugu paasissutissanit pigineqartunit ersepoq Piniarnermut Siunnersuisoqatigiit aamma Tulugaq immikkut akuersissuteqarnissaa sioqqullugu tusarniaavigineqarsimasut. Taamaalilluni naammagittaalliutinnut tunngaviususaaq tassaavoq suliami illua'tungiusunik allanik tusarniaavigineqartussanik peqartoq.

Kisianni inatsisit malillugit tusarniaaneq piniarneq aallaaniarnerlu pillugu Inatsisartut inatsisaat nr. 12, 29. oktober 1999-imeersumi § 16 malillugu nalunaarummik aalajangersaanermi ingerlanneqartussaq Piniarnermut Siunnersuisoqatigiinnik tusarniaanermut killeqartinneqarpoq. Ingerlatsinermik inatsiseqartitsineq tunngavigalugu amerlanerusut tusarniaavigineqarnissaat piumasaqaatigineqassappat pissutsit immikkut ittut atuutissapput, taakkunanngalu takuneqarsinnaassalluni paasissutissat aalajangersimasut suliap paasissutissartalersorneqarneranut atorneqartussat pisariqartinneqartut.

Suliami matumani piffissap timmissanik assigiinngitsunik aalajangersimasumik amerlassusilinnik aallaaniarfiusussap erseqqissumik aalajangersaavigineqarfiani pasingartoqanngilaq inatsisit malillugit tusarniaanerup ingerlanneqarsimasup tusarniaannissamik suliamillu paasissutissartalersuinissamik piumasaqaataasut eqqortinneqarsimannginnissaannik.

(...)

Ingerlatsinermik inatsiseqartitsinermi malittarisassat malillugit aalajangiineq naliliinermik inatsit malillugu ingerlatsivimmut isumagisassanngortinneqartumik tunngaveqartoq aatsaat misissorumasinnaavara pissutsit immikkut ittut atuuppata, taakkulu ilimanansisippassuk naliliineq tunngavinnik allaasunik inatsisinillu unioqqutsisuusunik tunngaveqarsinnaasoq. Immikkut akuersissummi nalunaarutigineqartumi taamaattoqanngitsoq isumaqarpunga.

Immikkut akuersissut nalunaarutigineqartoq naalakkersuinikkut oqallinnermut pissutissaqalersitsimasooq qularutissaanngilaq, tassanilu suliami ilisimatuussutsikkut pissusiviusut Naalakkersuisullu iliuseqarnissaminnut naalakkersuinikkut tunngavigisaat isumaqatigiinngissutaasimapput.

Isumaqatigiinngissutilli taassuma qulaajaaffigeqataanissaanut periarfissaqanngilanga, naalakkersuinikkut suliatigulluunniit taamaaliornissamut pisinnaatitaannginama. Taamaallaat oqaatigisinnaavara Naalakkersuisut immikkut akuersissuteqarnermik nalunaaruteqarsinnaanerannut inatsisitigut tunngavissaqartoq, inatsit malillugu tusarniaasussaaneq pereersimasooq kiisalu pisumi matumani Naalakkersuisut naliliinerat piniarneq aallaaniarnerlu pillugit inatsimmi § 2, imm. 2-p iluaniinnersooq



imaluunniit immikkut akuersissuteqarneq uumasut pineqartut ikileriaatigissagaat misilissinnaanngikkiga.”

3-22 Sulianik suliarinninnermi kukkuluttuuteqarsimanerit pillugit ingerlatsinnermi oqartussaasunut qulliunerusunut naammagittaalliornerit. (J. nr. 11.10.05.01/154-03)

Suliami, nalunaarutinni allatigut eqqartunngisanni, ilaatigut imaattunik oqaaseqaateqarsimavunga:

”Suliamik suliarinninneq pillugu apeqqutit immikkoortut pillugit naammagittaalliutit oqartussaasumut suliami siullertut aalajangiisimasumut sanilliulluni qullersaasutut oqartussaasuunngitsumut aqutsinnermi naammagittaalliorfissamut atuutsiniarneqarsinnaanngillat.”

#### **4. Suliat suliniutillu nammineerluni misissugassanngortitat kommuniullu tikeraarnerit.**

Inatsisartut Ombudsmandiat pillugu inatsimmi nr. 7-imi, 13. juni 1994-imeersumi § 6, imm. 5, naapertorlugu suliassanik nammineerlunga misissugassanngortitsisinnaavunga.

Periarfissaq taanna 2003-mi suliiani suliniutinilu matuma ataani allaaserineqartuni atorsimavara.

##### 4-1 Piffissap tungaatigut piumasagaammik nalunaarummi allassimasumik sanioqqutitsisinnaatitaanermi assigiissuseqartitsinissamik tungaveqarneq. (J.nr. 11.73.22.01/016-03)

A-p pissutsit soraarnerussutisiaqartinneqarnerminut tunngasut, ilaatigut aamma sivikinnerpaamik ukiunik arfineq-pingasunik sulisimanissamik piumasagarnermi malittarisassamik sanioqqutitsisinnaatinneqarnissaq pillugu qinnuteqaamminut Naalakkersuisut itigartitsisimanerat, uannut naammagittaalliutigai.

Naammagittaalliut Ombudsmandi pillugu inatsimmi § 6, imm. 2-mut naleqqiussilluni pisoqalisimavoq. Matuma kingornagut nammineerluni misissuineramik aallartitsinissaq toqqarsimavara, ilaatigut paasinarsisikkumallugu immikkut akuersissuteqarfigineqarnissamik itigartinneqarneq aningaasaqarnikkut mianerisassanik inatsisinut naapertuutinngitsunik tungaveqarnerneq, ilaatigullu aamma assigiissuseqartitsinissamik tungaveqarneq unioqqutinneqarsimanersoq paasinarsisikkumallugu. Taakku inatsisitigut isumannaatsuutinneqarnermut qularnaveeqqutaapput pingaarutillit, eqqortinneqarnissaat nakkutigisakka.

Misissuinerama ukiumi nalunaarusiorffiusumi inaarneqarpoq, misissuinermalu inernerama tigulaariffiqineqarluni nalunaarutip matuma immikkoortuisa 3-anni issuarneqarpoq, suliatut nr. 3-15-itut.

##### 4-2 Qallunaat Nunaanni napparsimasut kaasarfimmiussaannik tunniussisarneq. (J.nr. 11.73.09.30/037-03)

Kalaallit napparsimasut arlallit tarnikkut nappaatillit napparsimmavianni Qallunaat Nunaanniittumi uninngasut sumiiffimmiit sumiiffimmut allamut nuutinneqarnermik kingornagut kaasarfimmiussaminnik tigusaqartarsimannginerat pillugu paasissutissanik tigusaqarnerma kingorna aalajangerpunga tamatuma nammineerluni misissuiffiqineqarneranik aallartitsiniarlunga.

Siullermik Peqqissutsimut Pisortaqarfiup nalunaaruteqarfigaanga napparsimasut kaasarfimmiussaannik tunniussisarnissaq pillugu erseqqisumik isumaqatigiissuteqarfiginninnissaq pisortaqarfiup pisariaqartuorisimangikkaa. Aammattaq Qallunaat Nunaanni Naalagaaffimmi pis-

sutsinut Peqqinnissamullu Ministereqarfik tusarniaavigisimavara. Ministereqarfik oqaaseqaateqarpoq kalaallinut napparsimasunut, katsorsarneqar-nissamik isumaqatigiissut tunngavigalugu katsorsarneqartussanngortin-neqarsimasunut, kaasarfimmiussanik tunniussisarneq tamanna pillugu isumaqatigiissummik aalajangersimasumik tunngaveqartariaqartoq.

Taava Peqqissutsimut PIsorta qarfiup nalunaarfigaanga pisorta qarfiup maanna siunertarisamut naleqquttuunerpaasorigaa napparsimasut kaasarfimmiussinneqarsinnaatitaanerat Qallunaat Nunaanni nunap aggorne-rani pineqartumi oqartussat suleqatiginissaannik isumaqatigiissummit er-seqqissumik ersepat.

Napparsimasut kaasarfimmiussinneqarsinnaatitaanerat isumaqatigiissu-tip nutarterneqarnissaani ilanngullugu naleqqussarniarneqarnera pillugu pisorta qarfiup nalunaaruteqarnera tunuliaqutaralugu misissuinerma unit-sinnissaa toqqarsimavara.

4-3 Akileraarutinut akiliutit amerlanaarutaat pillugit paasisstissanik o-qartussanut suliaasat suliarineqartarnerat pillugu inatsisip atuuffiata avataaniittunut tunniussineq. Akileraarutinut akiliutit amerlanaaru-taasa eqqartuussummik naammassisitsiniaasartup sulinera avaqqul-lugu unerartinnissaannik qinnuteqarneq. (J.nr. 11.73.49.12/044-03)

Kommunit akileraarutinut akiliutit amerlanaarutaat pillugit paasisstis-sanik politiinut tunniussinerisa malittarisassat sorliit malillugit pisussaane-ranik apeqqut kiisalu kommunit akileraarutinut akiliutit amerlanaarutaan-nik tunngaveqarnatik unerartitsinissaminut pisussaaffeqarnerat pillugu apeqqut. Misissuinerma inerneru suliamit immikkoortoq 5-imi, suliatut nr. 11.73-49-1-itut taaneqartumi eqqartorneqartumit ersepoq.

4-4 Inissanik sulisunut innersuussisarneq. (J.nr. 11.73.26.12/063-03)

Inissianik attartorneq pillugu Inatsisartut peqqussutaannik nr. 5-imik, 31. maj 2001-imeersumik allannguneq tunngavigalugu inissianik sulisunut in-nersuussisarneq pillugu misissuineq, matumunnga aamma attartorneq pil-lugu peqqussummi §§-it 4-ata 5-atalu sulisitsisup sulisitamut inissaqartitsi-nissaminut pisussaaffeqarneranut sutigut sunniuteqarnera pillugu apeqqut ilanngullugu misissuiffigilennissaa toqqarsimavara. Suliaq ukiup nalunaa-rusiunneqartup naanerani inaarneqarsimangilaq.

4-5 Ineqarnermut akiliutinut kinguaattoorutinik akilersuineq. (J.nr. 11.73.39.01/091-03)

A/S Inissiaatileqatigiiffik INI pillugu naammagittaalliumminik A-p tu-nuartsineranut atatillugu aalajangerpunga apeqqutinik arlalinnik nam-mineerluni misissuinermik aallartitsiniarlunga, matumani aamma A-p inis-

siaatileqatigiiffiullu, inissiaatileqatigiiffiup allagassiaataatigut, naammagittaalliutitp tunuartinneqarneranik uannut nalunaaruteqarnerat ilanngullugu.

Misissuininni aammattaaq inissiaatileqatigiiffiup aningaasanik A-p sior-natigut inooqatigisimasaanut tunniusseqqissimanera ilaatinneqarpoq, aningaasat tassaallutik sior-natigut inooqatigisimasaata taassuma A-p ineqarnermut akiliutaanut aningaasaleeqataassutitut inissiaatileqatigiiffimmut akiliutigisimasai.

Kingulliullugit pissutsit imaattut ilaatinneqarput, A ineqarnermut akiliutinut kinguaattoorutit pillugit akilersuinissamik isumaqatigiissutitp, A-p inissiaatileqatigiiffimmit isumaqatigiissutigisimasaata, allannngortinnissaa pillugu inissiaatileqatigiiffimmut februaari 2003-mi saaffiginnissimasoq. Inissiaatileqatigiiffiulli A ilisimatitsissuteqarfigaa inissiaatileqatigiiffiup akilersuinissamik isumaqatigiissut isumaqatigiissutigineqarsimasoq allannngortissinnaasorinngikkaa, tassami ulluinnarni ingerlatsisoq sulinngiffeqarmat.

Matuma kingornagut A inissiaatileqatigiiffimmit allakkanik ulluinnarni ingerlatsisumit atsiorneqarsimasunik tigusaqarpoq, A-p attartugaata atorunnaarsinneqarneranik imalinnik. Apeqqutilliissuteqarnikkut A ilisimatineqarpoq ulluinnarni ingerlatsisoq sulinngiffeqarnermi nalaani unnukkut sulisarsimasoq.

Misissuina ukiup nalunaarusiuunneqartup naanerani naammassisimanngilaq.

#### 4-6 Misissuisussaataanerup annertussusaa. (J.nr. 11.73.02.12/095-03)

Ineqarnermut tapiissutit amerlanaarlugit tunniunneqarsimasut utertillugit akilerneqarnissaannik kommunip piunasaqarneranik misissuiner-mut atatillugu malugilersimavara A/S Inissiaatileqatigiiffik INI suliamik suliarinninnermini kukkuluttorsimasinnaasoq.

Taamaattumik aalajangerpunga ineqarnermut tapiissutit amerlanaarlugit tunniunneqarsimasut pillugit kommunip inissiaatileqatigiiffik akiitsunik isumannaareqatiginiarlugu saaffiginnissutaanik inissiaatileqatigiiffiup qanoq iliorluni suliarinnissimaneranik misissuiner-mik aallartitsiniarlunga.

Misissuina ukiup nalunaarusiuunneqartup naanerani inaarsimanngilara.

#### 4.7 A/S Inissiaatileqatigiiffik INI-mit akileeqqusinermik kommunip suliarinninnera. (J.nr. 11.73.28.01/100-03)

Suliamik misissuiffigalugu aallartissimasannik, tak. ukiumut 1999-imut nalunaarusiara, suliaq 4-10, suliaqartillunga aalajangerpunga kommunip A/S Inissiaatileqatigiiffik INI-p kissarsuummik uuliatortumik iluarsaanermut

aningaasartuutunik akileeqqusineranik misissuinaera immikkut sulianggorlugu avissaartinniarlugu.

Suliamik suliaqarnera ukiup nalunaarusiuunneqartup naanerani naammassisimangilara.

4-8 *Atuakkanik atorniartarfiup akiliutinik akiliisitsiniarneranut inatsisigit tunngaveqarnissamik piumasaqaat. (J.nr. 11.73.80.12/116-03)*

Malugisimavara Nunatta Atuagaateqarfiata - ilaatigut aamma atuakkanik atorniartarfiup nittartagaanit ersersutut - piffissaq atuakkanik atorfiusoq qaangerneqarsimagaangat akiliutinik assigiinngitsunik qaffasissusilinnik akiliisitsisartoq. Tamanna tunngavigalugu toqqarsimavara matumunga inatsisitigut tunngavigisamik nammineerluni misissuineramik aallartitsiniarlunga.

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik (KIIP) tusarniaanermut uannut akissummini ilaatigut imaattunik oqaaseqateqarsimavoq:

”Taamaalilluni KIIP-ip paasinninnera unaavoq, Nunatta Atuagaateqarfiata atuakkanik il.il. kingusinaarluni tunniussinernut akiliutinik akiliisitsisarnera inatsisit naapertorlugit ileqqusumik nalinginnaasumik, ingerlajuartumik sivisuumillu malinneqarsimasumik aallaaveqartoq, akiliutinillu isertitat atuakkanik atorniartarfiup atuakkanik uterteqqusisarneranut aningaasartuutit qaanginnikkaat.

Taamatuttaaq KIIP-ip paasinninnera unaavoq, akiliutit Nunatta Atuagaateqarfiata atuakkanik il.il. atorniartunut (tamanut) akeqanngitsumik atukkiussisinaanissaq pillugu peqqussummi § 1-imik naammassinninnissaanut pisariaqarluni piumasaqaataasoq naleqquttoq.

Taamaattorli KIIP-ip arajutsisimangilaa inatsisinut naapertuuttumik tunngaveqarnermik ingerlaavartumik ineriartortitsinerup nassatarigaa Inatsisartut peqqusutaannut allannguutissatut siunnersuummik suliarinnittoqartariaqartoq imatut, atuagaateqarfiup atuakkanik il.il. kingusinaarluni tunniussinernut akiliutinik akiliisitsisarneranut inatsisitigut tunngavissavimmik pilersitsisoqassasq”. (Atorfeqarfimmi nutsigaavoq.)

Akissut taanna tunngavigalugu pisortaqarfik nalunaarfigisimavara paasissutissat pigineqartut tunngavigalugit annertunerusumik iliuuseqaqqinnissannut pissutissaqarsorinnikkiga. Tamanna ilutigalugu pisortaqarfik qinnuigisimavara atugagaateqarfeqarneq pillugu Inatsisartut peqqusutaannik allannguinnissaq taaneqartoq pillugu ilisimatittaqqullunga.

Ukiup nalunaarusiuunneqartup naanerani peqqusutit taaneqartup allannguutaanik pisortaqarfimmit ilisimatitsissummik tigusaqarsimangilanga.

4-9 Inuusuttut atugarisaannik immersugassat atorlugit misissuineq. (J.nr. 11.73.94.30/119-03)

Tusagassiuutitigut paasisimavara Peqqissutsimut Pisortaqarfik illoqarfinni arlaqartuni atuarfinni 11. klasseni atuartut atuaqatigiit akornanni inuusuttut atugarisaat pillugit apersuinermi immersugassanik immersuinkut misissuinermik piareersaasoq.

Tamanna tunngavigalugu aalajangerpunga misissuinerup innuttaasut inatsisitigut innarlitsaalineqarnissaannut piumasarisat atuuttut ataqquimanagerai nammineerlunga misissuiffiginiarlugu.

Misissuinera ukiumi nalunaarusiuunneqartumi naammassivoq, suliamilu oqaaseqaatiga tamakkerlugu matuma kinguliini immikkoortoq 5-imi suliaut 11.73.94-01-itut ilanngunneqarpoq.

4-10 Inunnik isumaginninnermut inatsiseqartitsinerup suliassaqarfiunerani naammagittaalliorsinnaanermik killiliineq. (J.nr. 11.73.15.18/125-03)

Akiligassanut kinguaattoorutit pissutigalugit innuttaasup meeraata kommunip paaqqinnittarfiutaanit paaqqinnittarfimmiigunnaarnissaanik nalunaarfigneqarsimanera pillugu innuttaasumit naammagittaalliummik suliaqarninnut atatillugu paasilersimavara naammagittaalliorsinnaanermik killiliinnermut malittarisassaq, Inatsisartut peqqussutaanni § 8-miittoq, kommunit aalajangiinerinik qaqugukkut Isumaginninnermi Naammagittaalliuuteqartarfimmuut naammagittaalliuutiginnissinnaaneq imaannaq nalornissuteqalersitsinnaasoq.

Suliassaqarfiusumi naammagittaalliornissamut malittarisassanik eqqortumik atuneq sulininni susassarisannt annertuumik pingaaruteqartuuvoq, tassami Ombudsmandi pillugu inatsimmi § 6, imm. 3 malillugu allaffissornikkut aalajangiinerit allaffissornikkut oqartussaasumut allamut naammagittaalliuutigineqarsinnaasut suliarisinnaannginnakkit oqartussaasoq alla suliame aalajangeereersimatinnagu.

Aammattaq aalajangiinerup oqartussaasumit allamit misilinneqartinnaasanut innuttaasut pisinnaatitaanerannik qularutiginninningsaqq inatsisitigut isumannaatsuutinneqarnissap tungaatigut innuttaasunut annertuumik pingaaruteqartuuvoq.

Taamaattumik aalajangerpunga naammagittaalliornissamik killiliinerup qanoq iliorluni ingerlanniarneqarnera nammineerlunga misissuiffiginiarlugu, tak. Ombudsmandi pillugu inatsimmi § 6, imm. 5.

Misissuinera ukiup nalunaarusiuunneqartup naanerani naammassineqarsimanngilaq.

4-11 A/S Inissiaatileqatigiiffik INI-p sulianik suliarinnissimanera pillugu naammagittaalliutit. (J.nr. 11.73.39.02/136-03, 11.73.29.02/180-03 aamma 11.73.39.30/181-03)

A/S Inissiaatileqatigiiffiup INI-p pisortat inissiaataannik attartortittakkanik aqutsinera pillugu naammagittaalliutinik, sukumiinerusumik misissuinnissamut imaannaq pissutissaqalersitsisinnaasunik, sisamanik ukiup 2003-p affaani kingullermi tigusaqarsimavunga.

Naammagittaalliutit pingasut inissiat immikkoortorta qarfiisa kattunneqarsimanerat pissutigalugu ineqarnermut akiliutit qaffannissaannik ilima-saaruteqarnermik inissiaatileqatigiiffiup tunngavilersuuteqarneranut tunngapput, suliallu sisamaat inigisami iluarsaasoqarsimaneranut atatillugu inissiaatileqatigiiffiup suliamik suliaqarsimaneranut tunngalluni.

Suliat Ineqarnermut Attaveqarnermullu Pisorta qarfiup ima apeqquteqarfiginissaanut pissutissaqalersippaanga pisorta qarfiup taassuma, tak. attartorneq pillugu peqqussummi § 60a aamma tak. pisorta qarfiup pisortat inissiaataannik attartortittakkanik aqutsinermut oqartussatut qulliuinerusut naammagittaalliorfusinnaasutut inissisimanera pissutigalugu, suliat misissuiffiginissaat pissutissaqarsorineraa.

Ineqarnermut Attaveqarnermullu Pisorta qarfimmik allaffigeqatiginnitarnera matuma siuliini pisinnaatitaanera pillugu immikkoortup 3-p ataani eqqartorneqarpoq, tassani aamma inissiaatileqatigiiffik pillugu naammagittaalliutit pillugit pisorta qarfiup sulinermini periaasiata nammineerlunga misissuiffiginissaanik aalajangernera eqqartorneqarluni.

Tamatuma saniatigut, pisorta qarfiup naammagittaalliutit pineqartut misissornissaannut pissutissaqarsorinninnginnerata kingunerisaanik, inissiaatileqatigiiffiup sulianik suliaqartarnera nammineerlunga misissuiffiginiarlugu aalajangerpunga. Taamatut misissuineq ukiup nalunaarusiuunneqartup naanerani naammassisimangilaq.

4-12 Akileraarutinut kinguaattoorutinik akiliisitsiniartarneq. (J.nr. 11.73.-50.30/164-03)

Kommunip akileraarutinut kinguaattoorutinik akiliisitsiniarnera pillugu A-p naammagittaalliutaanik tigusaqarsimavunga.

Kommunip akiliisitsiniarnermut immikkoortorta qarfiata naammagittaalliortup akileraarutinut kinguaattoorutaanut akiliussigallarnissaq pillugu aalajangiisimanginnerata suliamit ersernera eqqarsaatigalugu naammagittaalliortoq nalunaarfigaara naammagittaalliutip suliarinninnissaa eqqortuunerpaasorigiga.

Suliamilli misissuinermi paasilersimavara kommunip akileraarnermut allaffia naammagittaalliortup aningaasat kontumi uninngasuutai, Akileraarnermi Pisorta qarfiup aningaasarsianit akileraarutit pillugit inatsimmi § 94-imut innersuussilluni aningaaserivimmut inniminnersimasai, pillugit

paasissutissanik Akileraartarnermi Pisortaqarfimmit nassiussivigineqarsimasoq.

Aalajangerpunga apeqquut taanna nammineerlunga misissuiffigilerniarlugu.

Misissuina ukiup nalunaarusiuunneqartup naanerani naammassisimanngilaq.

4-13 Sulisunut inissianik innersuussisarneq. (J.nr. 11.73.24.30/183-03)

Sulisunut inissianik inniminniisarneq pillugu inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 3-mi, 15. april 2003-meersumi § 5, imm. 2 malillugu A/S Inissiaatileqatigiiffik INI-p periaasia pillugu naammagittaalliuutit pingasut imminnut attuumassateqanngitsut 2003-mi tigusimavakka.

Paasinninnera unaavoq aalajangersakkap taassuma oqaasertalersorneqarnera malillugu malittarisassap qanoq periaaseqarluni atortinneqarnissaa eqqarsaatigalugu erseqqarluttortaartoq.

Aammattaaq paasinninnera unaavoq Ineqarnermut Attaveqarnermullu Pisortaqarfik ineqarnermut tunngasunik qitiusumik aqutsinermi oqartusaasutut sulisunut inissianik inniminniisarneq innersuussisarnerlu pillugit malittarisassat ineqarnermut tunngasunik avataanit aqutsisuusumit, tassalu A/S Inissiaatileqatigiiffik INI-mit, Namminersorerullutik Oqartussat inissiaataannik aqutsinissamut piginnaatinneqarsimasumit, qanoq aqunneqarnerannut pingaarnerusutigut akisussaasuusoq.

Tamanna tunngavigalugu attartorneq pillugu peqqussummi § 5, imm. 2 malillugu periaatsimik nammineerluni misissuineq aallartinniarlugu aalajangerpunga.

Misissuina ukiup nalunaarusiuunneqartup naanerani naammassisimanngilaq.



## **Kommuninut tikeraarnerit.**

Ombudsmandip sulinera pillugu Aalajangersakkani Nalinginnaasuni § 2, imm. 3-mik tunngaveqartumik kommuninillu tikeraarsimasakka paaseqatigalugit sulianik kommunit ingerlatsiviinit ataasiakkaaneersunit siumut aalajangeriigaanngitsumik toqqakkanik aalajangersimasumik amerlassusilinnik misissuisimavunga. Sulianik misissuineq kommunit ingerlatsiviisa ataaniillutik suliaqarfiusuni sulianik tigulaarinertigut ingerlanneqarsimavoq, piffissallu tungaatigut 1994-imi apriliip aallaqqaataanut killeqartinneqarluni. Inatsisartut Ombudsmandiat pillugu Inatsisartut inatsisaanni § 16, imm. 2, naapertorlugu suliart 1994-imi apriliip aallaqqaataa sioqqullugu pisimasut suliarisinnaanngilakka.

Sulianik misissuinerup oqaaseriumasanik oqaaseqaatinillu, ukiumoorumik nalunaarummut ilanngunnissaat pingaaruteqarsorisannik, imaattunik saqqummiussinissamut pissutissaqalersippaanga.

*Sulianik sulisoqarnermut tunngasunik misissuineq.*

*J.nr. 11.73.88.72/022-03.*

Kommunimut tikeraarninni paasisimavara suliani kommunip teknikkikut ingerlatsiviani atorfinitsitsinerumut tunngasuni sulisunik teknikkimut tunngasunik suliaqartussanik atorfinitsitsinerumi kommunip assigiimmik piumasaqaatit atortarai, sulisut namminersorlutik teknikkimut tunngasunik siunnersuinerumik suliffimminni sulinermik saniatigut imaluunniit sunngiffimmi suliaqarnermik sammisaqarnissaasa inerteqqutiginnissaanik siunertaqartumik.

Kommuni paasitissimavara pisortani sulisitsisup sulisut nalinginnaasumik ilumoorfiginninnissamut pisussaaffeqarnerat nalinginnaasumik erseqqissassallugu pisinnaatitaaffigigaa, matumani aamma tamatuma atorfinitsitsinerumi allakkatigut erseqqissarneqarnera ilanngullugu eqqarsaatigalugu.

Aammattaq kommuni suliassat suliarineqartarnerat pillugu inatsisip § 33-ani malittarisassanik, inunnit pisortat ingerlatsinerata iluani sulisunit atorneqartunik kiisalu nipangiussisussaataaneq pillugu aalajangersakkanik suliassat suliarineqartarnerat pillugu inatsimmiittunik, pinerluttulinerumik inatsimmiittunik il.il. paasitissimavara.

Isumaqaarpunga piumasaqaatit sakkortuallaamik oqaasertalernerqarsimasut, piumasaqaatit suliffiup saniatigut allamik suliaqarnissamut nalinginnaasumik inerteqqutitut paasineqartussaappata, kommunilu qinnuigisimalugu taakku atorneqaannassanersut isumaliutersuutigissagaa.

Kommunip matuma kingornagut nalunaarfigaanga kommunip assigiimmik piumasaqaatit taakku siunissami teknikkimut tunngasunik suliaqartussanik atorfinitsitsinerumi atortarnianngikkai.

Kommuni nalunaarfigaara kommunip akissutaa tusaatissatut tigugiga suliamilu annertunerusumik iliuuseqaqqissanngitsunga.

J.nr. 11.73.88.72/077-03.

K Kommunimi sulianik sulisoqarnermut tunngasunik misissuinerup ilaatigut aamma imaattunik oqaaseqaateqarnissannut pissutissaqalersippaanga:

”...

A, inuttut normua ... .

A kommunip isumaginninnermik ingerlatsiviata ataani kommunip najugaqarfiutaanut pisortatut 13. marts 2001-imi atorfinitsinneqarsimavoq.

Kommunip aqutsisoqarfianik arfininngorneq 31. maj 2003-mi inaarutaasumik ataatsimeeqateqarninni kommunip oqaatigaa A-p kommunip isumaginninnermik ingerlatsiviani pisorta q uigigaa.

Suliami A-mut tunngasumi kommunip isumaginninnermik ingerlatsivianit kommunip aningaasaqarnermut ataatsimiititaliaanut A-p akissarsiaqarnani sulinnigifeqarnissaanik qinnuteqaat pillugu allakkiat marluk ilaapput.

Allakkiat taakku marluk isumaginninnermik ingerlatsiviup pisortaanit atsiorneqarsimapput.

Suliassat suliarineqartarnerat pillugu inatsimmi § 3-mit erserpoq:

”Kinaluunniit pisortatigut ingerlatsinermi suliaqartoq suliassami aalajangersimsumi peqataasinnaangilaq,

...

2) taassuma aapparisa, ... imminut eqqarsaatigaluni aningaasalluunniit eqqarsaatigalugit suliap qanoq inerneqarnissaanik soqutiginnittuuppat, imaluunniit kimut taamatut soqutiginnittumut sinniisuuppat,

...

Imm. 3. Suliassami pissuteqartumik peqataasinnaangitsoq suliassap suliarineqarnerani aalajangiissanngilaq, aalajangiinermi peqataassanngilaq allatulluunniit peqataassanngilaq.”

Aammattaq § 6, imm. 1-imit imm. 2-millu erserpoq:

”Kialuunniit pissutsinik § 3, imm. 1-imi taaneqartunik pissuteqartumik ilisimanittup oqartussaaffimmi qullersarisani piaartumik tamatumingna nalunaarfigissavaa, erseqqilluinnanngippat pissuserisat pingaruteqaanngitsuusut. Ingerlatsinermut oqartussaaqatigiinnut ilaasortat taamaattumik ilisimasaqarfigineqarpata tamakku oqartussaasunut nalunaarutigineqassapput.

Imm. 2. Inuup suliami peqataasussaasorinnginnera taamaassorinannnginneraluunniit oqartussaasunit imm. 1-imi taaneqartunit aalajangiiffigineqassaaq.”

Paasissutissat suliami sulisumut tassunga tunngasumiittut malillugit pineqartoq tassaavoq A-p sulinnigifeqarnissamik qinnuteqaataata suliarineqarnerani isumaginninnermik ingerlatsiviup pisortaa peqataasinnaassuseqarsimannngitsoq.

Isumaginninnermik ingerlatsiviup pisortaata suliap suliarineqarnerani peqataasi-manera paasinninnera malillugu kukkuneruvoq.

Suliami peqataasinnaassuseqannginneq pillugu malittarisassat ilaatigut siunertaraat inatsisit malillugit eqqortunillu aalajangiisoqartarnissaanik qulakkeerinninnissaq, ilaatigullu ingerlatsiviup tatigiunnaarneqarsinnaanerani pakkersimaarinninnissaq.

Taamaattumik aallaavittut pineqartoq tassaavoq ingerlatsivimmi sulisut suliap suliarineqarnerani peqataasinnaatitaangitsut aalajangiineri atuussinnaassuseqanngitsuusut, aamma aalajangiineq aalajangiinermi pineqartoq eqqarsaatigalugu akuersaartuugaluarpalluunniit.

Tamatumunnga peqatigitillugu isumaginninnermik ingerlatsiviup pisortaata peqataasinnaassuseqannginnini borgmesterimut (kommunik aqutsineq pillugu inatsimmi § 33, imm. 2 malillugu kommunip aqutsisoqarfiaata tamarmiusup qullersarisaanut) malugeqqullugu oqaatigisimangimmagu tamanna kukkunertut isigaara.

Tamatuma saniatigut suliassat suliarineqartarnerat pillugu inatsimmi § 6-mut ilaavoq suliap suliarineqarnerani peqataasinnaassuseqannginneq atuussorineqarpat tamatigut aalajangiisoqartassasoq.

Tamatuma kingorna pissutissaqarpunga inassuteqaatigissallugu siunissami suliani tamani suliap suliarineqarnerani peqataasinnaassuseqannginneq pineqarsinnaatilugu kommuni suliap suliarineqarnerani peqataasinnaassuseqannginneq pillugu aalajangiisassasoq, aamma peqataasinnaassuseqanngitsoq tamatumunnga nalunaaruteqanngikkaluarpalluunniit, tak. suliassat suliarineqartarnerat pillugu inatsimmi § 6, imm. 1, aalajangiinerlu taanna suliamut peqataasinnaassuseqannginneq pillugu apeqqusiiffiusumut allaganngorlugu ilineqartassasoq.”

Kommunik akissutaanik ukiup nalunaarusiuunneqartup naanerani tigu-saqarsimangilanga.

*Sulianik isumaginninnermut tunngasunik misissuineq.*

*J.nr. 11.73.88.71/021-03.*

Suliami, isornartorsiullunga oqaaseqaateqarnissannut pissutissaqalersitsinngitsumi, taamaakkaluartoq kommunip oqartussaasut allattuisussaati-taanerannik uparuaaviginissaanut pissutissaqarsorisimavara, tassami imaattunik oqaaseqaateqarsimagama:

”...

Paasitineqarsinnaatitaaneq pillugu inatsimmi § 6, imm. 1 allattuisussaati-taaneq pillugu imaattunik oqaasertaqarpoq:

”Suliassani ingerlatsinermut oqartussaasunit aalajangiiffiqineqartussani oqartussa-q paasissutissanik suliassamut tunngassuteqarlunnartunik suliassap aalajangiiffiqineqarnissaanut pingaaruteqarlunnartunik allatut iliorluni paasisaqartoq paasissutissat taakku imaat pillugit allakkiussaaq. Taamaattorli paasissutissat taakku suliassap allakkiartaasa ilaanni takuneqarsinnaappata tamanna atuutinnilaq:”

Allattuisussaati-taaneq suliami pineqartumi pissusiviusut pillugit paasissutissanut tamanut, suliami allagaatini ilaariinngitsunut atuuppoq, paasissutissap suliamut qanoq ililluni ilanngunneqarnera apeqquaatinnagu.

Taamaattumik allattuisussaati-taanermi paasissutissat oqartussaasup taannaasup iluani, ass. sulisut akornanni, oqaasiinnartigut paarlaateqatigiinneqartut, imaluunniit

paasissutissat kommunalbestyrelsip kommunilluunniit ataatsimiititaliaanni ataatsimiinnerni saqqummertut aamma ilaasinnaapput.

Paasissutissap allattuisussaataitanermi pineqartunut ilaatinneqarnissaanut aalajangiisusooq tassaavoq paasissutissaq suussutsimigut suliap uppersarsaasorsorneqarnermini tunngavigisaanut ilassuseeqataasuunersoq, imaluunniit suliami pissusiviusut eqqarsaatigalugit erseqqissuutitsinissaq anguniarlugu pissarsiarineqarsimanersoq. Taamaallitulluk allattuisussaataitanermi siullertut misissuinerit paasisallu pillugit paasissutissat aalajangersaanerillu pillugit paasissutissat, assersuutigalugu akileraaruteqaataasussatut isertitat amerlassusii taakkulu assigisaat pillugit paasissutissat ilaatinneqarput.

Tamatumali paarlattuanik suliap aalajangiivigineqarnera eqqarsaatigalugu isumernerit, tunngavilersuutit naliliinerilluunniit allattuisussaataitanermi pineqartunut ilaatinneqassanngillat. Tamanna inatsiseqartitsineq atuuttoq pillugu paasissutissanut aamma atuuppoq.

Suliami ingerlatsiviup suliarisaani illua'tungeriit suliami paasissutissanik pissarsinnaanerit allattuisussaataitanermik eqqortitsinerup qulakkeerpaa. Tamannattaq ingerlatsivimmi oqartussaasumut namminerit pingaaruteqarpoq, tassami taassuma kingusinnerusukkat takusinnaassammagu paasissutissat sorpiaat aalajangiinnermut tunngaviusunut ilaasimanersut, assersuutigalugu suliaq naammagittaalliutiginerqarpat, imaluunniit suliaq eqqortumik suliarineqarsimanersoq isumaliutersuutiginerqarpat. ...”

J.nr. 11.73.88.73/146-03.

K Kommunimi sulianik isumaginninnermut tunngasunik misissuinnermut atatillugu ilaatigut imaattunik oqaaseqaateqarsimavunga:

”...

Ataatsimut.

...

Qarasaasiakkut allattukkat naqitanngortinneqarnerat.

Suliat misissugassatut tigooqqakkama amerlanersaanni taakku takuinnaarlugit sullitat ukiuni arlalinni attaveqarfigineqartarsimannngitsutut isikkoqarput, tassami allattukkat kingullit ukiut arlallit qaangiuttulli allatorneqarsimammata.

Isumaginninnermik ingerlatsivimmi sulisut oqaloqatigineqarneranni tamatuma aperisariaqalersissimavaanga suliat taakku toqqorsivimmut toqqorneqartussaannnginnerisut.

Sulianik suliarinnittut tamatuma kingornatigut oqaatigaat suliat qarasaasiakkut allattuiffigineqartarnerat kommunip ukiuni arlalinni atorsimagaa, allattukkallu taakku nalinginnaasumik naqitanngortinneqartannngitsut, sulianullu ilineqartannngitsut.

Isumaqarpunga suliaq paasiuminartuullunilu iseriartigiuminartuusariaqartoq, assersuutigalugu nakkutilliisunut avataaneersunut suliap ingerlanerata iseriartigiuminartuunissaatalu oqinnerunissaat eqqarsaatigiinnarnagu, aammali suliamik suliarinnittup nutaap suliamut pisariitsumik pilertortumillu iseriarsinnaanissaa annertuumik eqqarsaatigalugu, tamannalu ingerlatsivinni sulisut taarseraatikulaffianni pingaaruteqartorujussuuvoq.

Isumaqarpunga suliami allagaatit ilaat amigaataappata suliaq iseriartigiuminartuusinnaannngitsooq.

Sulianik suliarinnittut oqaloqatigiinnermi oqaatigaat suliat isumaginninnermut tunngasut tamarmik sukumiisumik torersaavigineqarnissaat pilersaarutigineqartoq,

tamatumunngalu atatillugu qarasaasiakktut allakkiat naqitanngortinneqarnissaat sulianullu iliorarneqarnissaat isumaliutersuutigineqarsinnaasoq.

Tamatumunnga atatillugu isumaginninnermi suliani qarasaasiakktut allakkiat naqitanngortinneqartarnissaat sulianullu iliorarneqartarnissaat inassuteqaatigissallugu pissutissaqarpunga.

Kommuni qinnuigaara oqaaseqaatikka kommunip qanoq iliuseqarnissaanut pissutissaqalersitsisnersut nalunaarutigeqqullugu.”

Kommunip akissutaanik ukiup nalunaarusiuunneqartup naanerani tigu-saqarsimangilanga.

*Sulianik akiliisitsiniarnermut tunngasunik misissuineq.*

*J.nr. 11.73.88.73/078-03.*

K Kommunimi sulianik akiliisitsiniarnermut tunngasunik misissuineq pillugu oqaaseqaatiga tamarmiusoq, immikkoortumi 5-imi, suliaq nr. 11.73.88.1-itut ilanngutissallugu toqqarsimavara.

## 5. Suliat nalinginnaasumik soqutiginaatillit, inatsiseqartitsiffiusunut agguataakkat

### 11.01 – 11.09 Namminersornerullutik Oqartussat

#### 20. Sulinermut inatsiseqartitsineq.

##### 1. Sulisup pisorta qarfirmitt allameersup qinnuteqaatigalugu soraarnera pillugu suliamik Aqutsinermut Pisorta qarfiup suliarinnissimanagera.

*A-p Namminersornerullutik Oqartussani pisorta qarfirmi allami allaffimmut pisortatut atorfirmitt soraarniuteqarluni qinnuteqaammunik Aqutsinermut Pisorta qarfiup suliarinninnerani pisutsit arlaqartut naammagittaalliuutigai.*

*Ombudsmandip qularnartoqartippaa Aqutsinermut Pisorta qarfik Namminersornerullutik Oqartussani oqartussaasunut allanut naleqqiussilluni aqutsinermi piginnaatinneqarnernik immikkut ittunik piginnaatitaanersoq. Ombudsmandi oqaaseqaateqarsimavoq immikkut ittunik piginnaatinneqarsimasinnaanerit imminermi ingerlatsinermut oqartussaasumit qinnuteqaateqartumut akuersaartumik, Namminersornerullutik Oqartussat oqartussaasunit allanit aalajangiivigineqarsimasunik, tumuartsisinnaatitsineq oqartussaasup aalajangiisup taamaaliortussaaneranninngarnit annertunerusumik (inatsisitigut) tunngavissinngitsut.*

*Aammattaaq Ombudsmandip aalajangiinerit pisorta qarfiup sulinnigiffeqarnissap inissinneqarnissaa pillugu, sulinnigiffeqarluni angalanermut tapimik pisinnaatitaaneq pillugu aamma erninermut atatillugu sulinnigikkallarnissap kinguartinneqarnissaanik qinnuteqaat pillugu aalajangiinerisimasai pillugit Aqutsinermut Pisorta qarfik isornartorsiorpaa. Kiisalu Ombudsmandi isumaqarpoq pisorta qarfik pisumi ataatsimi ingerlatsinermi ileqgorissaarnissamik sumiginnaasimasoq.*

*(J.nr. 11.03.20.01/043-02)*

A-p D-mi atorfinitsinneqarnerminut, 2001-imi aprilip qaammataani atorrunnaartumut, atatillugu Namminersornerullutik Oqartussat apequtini aalajangiinera pillugu naammagittaalliuutaa 1. maj 2002-mi tiguvara.

Kingorna Aqutsinermut Pisorta qarfirmut allakkani 11. juni 2002-meersuni nalunaarpunga suliaq suliarilerniarlugu aalajangertunga:

”...

Tamatuma kingunerisaanik misissuininni naammagittaalliummi pissutsit makku ilaatinneqassapput:

- Aqutsinermut Pisortaqarfiup aalajangersimagaa A 2001-imi aprili tamaat sulinngiffeqassasoq.

Paasissutissat pigineqartut tunngavigalugit paasivara, 2001-imi aprilimi sulinngiffeqarfiusinnaassaangippat A qaangiuttoornerit sulinngiffeqaatigineri allamiluunniit tunngaveqartumik akissarsiassanik pisassaqaarnerata isummerfiginissaa Ombudsmandip suliassaasa avataaniittoq.

A akissarsiassaqaarnerisooq isummerfigisagaanni allaffissornikkut nutaamik sularineqaqqittariaqarpoq, 2001-imi aprili sulinngiffeqarfiusinnaannginnera aallaavigalugu.

- Aqutsinermut Pisortaqarfiup A piffissami 1. april 2000-imiit 31. marts 2001-ip tungaanit sulinngiffeqarnermi angalanermut tapimik itigartissimagaa.

- Aqutsinermut Pisortaqarfiup A sapaatip akunnerani angajoqqaatut sulinngiffeqartinnissa 2000-imi piffissami junimiit julimut itigartissutigisimagaa.

Peqatigitillugulu pisortaqarfiup 15. august 2001-imi aalajangiinerata immikkoortuani uani isornartorsiorneqarsinnaanersoq misissuiffigissallugu pissutissaqartoq isumaqarpunga:

“Aammalu eqqumiiginarpoq, illit...”

Misissuininnut pissutsit imaatut<sup>3</sup> ilaatinneqarput:

A-p 2001-imi aprilip qaammataani sulinngiffeqarsimanerani Namminersornerullutik Oqartussat aalajangiinerat.

Namminersornerullutik Oqartussani Sulisoqarnermut Pisortaqarfiup allakkani 5. juli 1995-imeersuni A fuldmægtigitut atorfimmi 1. oktober 1995 aallarnerfigalugu atuutilersumik atorfinitippaa.

...

Namminersornerullutik Oqartussani Sulisoqarnermut Pisortaqarfiup allakkani 6. januar 1999-imeersuni A allaffimmi pisortatut atorfimmi 1. februar 1999 aallarnerfigalugu atuutilersumik D-mi atorfinitippaa DJØF-mut isumaqatigiissut malillugu.

...

A 12. februar 2001-imi sulinngikkallarnissamik, soraarnissaq illua'tungiliullugu, D-mut qinnuteqaateqarpoq.

D qinnuteqaat pillugu imaattumik 19. februar 2001-imi akissuteqarpoq:

“Asasara A

Allakkavit 12. februar 2001-imeersut tiganerat matumuuna uppernarsarpara, allakkanilu taakkunani atorfinnit 1. april 2001-imit akuerisaallutit sulinngikkallarnissat, tamannalu pisinnaangippat soraarnissat qinnutigaat.

3. Oqaaseqaammi suliap saqqummiunneqarnerata ilai aalajangiinernut, misissuininnut ilaatinneqarsimasunut tunnganngitsut imaluunniit Aqutsinermut Pisortaqarfiup aalajangiinernik taakkuninnga paasinninneranut inner-suussinngitsut, matumani ilanngunneqanngillat.

Tamanna pillugu oqaloqatigiinnerput innersuussutigalugu akuerisaallutit sulingikkallarnissamik qinnuteqaatit akuerisinnaanngilara.

Sulinggiffeqarfissavit, qaangiuttoormersiutisinissamut taarsiullugu sulinggiffeqarnissavit il.il. kiisalu suliassavit naammassisarnissaasa/inaarsarnissaasa pitsaanerpaamik naammassineqarnissaat eqqarsaatigalugu sulinggiffeqarfissat il.il. kiisalu suliassat pillugit takussutissiaq suliareqqullugu qinnuiginiarpakkrit, taannalu piaarnerpaamik oqaloqatigiissutigiumaarparput.

Sulinerit pillugu oqaaseqaatit il.il. eqqarsaatigalugit tamanna kissaatigigukku atermo oqarasuaatikkut normuata taanissaanut tikilluaqqusaavutit.” (Atorfeqarfimmi nutsigaavoq)

D-p e-mail una A-mut pisortaqarfimmilu atorfeqartitaasumut allamut 9. marts 2001-imi nassiuppaa:

“Asasakka A aamma ...

A-p oqaatigaa soraarnissani aprilip naanissaanut kinguartikkusukkini, tamannalu akuerisimavara, tamatumunngalu peqatigitillugu qinnuigisimallugu tamanna allaganngorlugu ...-mut tunniuteqqullugu. Suliassat, taakku imaat, suliassat naammassillugit inerpeqannginnermini qanoq annertutiginissaannik naatsorsuutiginninneq il.il. pillugit takussutissiaq (A-lu oqaloqatigiissutigisimasarput) A-p uannut tunniunniariarpagu A-p piffissaq soraarfissarpiaa taamalu qaangiuttoormersiutisinissamut taarsiullugu qanoq sivisutigisumik sulinggiffeqarnissaa aalajangiiffigineqassaaq. Tassalu kingornussanut uppersaatit taaneqartoq.” (Atorfeqarfimmi nutsigaavoq)

D-p pisortaata e-mail imaattoq D-mi sulisunut tamanut 13. marts 2001-imi nassiuppaa:

“Asasakka tamassi

Soorlu nalunngikkissi A aprilip qaammataata ingerlanerani soraartussaavoq. Taa-maattumik pineqartumut aamma/imaluunniit immikkoortortaqarfimmut atatillugu suliat naammassineqanngitsut pineqartullu arlaannik pissuteqarluni peqataatinneqarnissaanik pisariaqalersitsisut pillugit takussutisiamik naatsumik perusuppunga. Allattukkat taakku sapaatip akunnerani tulliuuttumi – 12-imi – tiginissaat naatsorsuutigaara.” (Atorfeqarfimmi nutsigaavoq.)

D-p A 15. marts 2001-imi imatut akivaa:

“Ippassaq mailinnut akissutitut tikkuarlugu oqaatigissavara allakkanni 19. februar 2001-imeersuni allattunga piffissaq aallarfiissat uanga oqaloqatigereerlunga suliassanillu ingerlatsineq/inaarsaaneq eqqarsaatigalugit pissasoq.

Oqaasiinnartigut uannut oqaatigisimavat soraarnissat aprilimut kinguartikkumagit, tamannalu uanga oqaasiinnartigut aamma akuersaarsimavara.

28. marts Kalaallit Nunaannit aallarfigerusutattut ilumut eqqaasimavat. Uanga aamma taamatut oqaatigaara, ilaatigut soorlu allakkanni 19. februarimeersuni oqaatigineqartutut, ilaatigullu oqaasiinnartigut arlaleriarluni kingullermillu mailimi 13. martsimeersumi oqaatigineqartutut, piffissaq aallarfiissat suliassat, tulleriiaarineq, qaangiuttoorninnik sulinggiffeqarfiginninnissavit sivisussusissaa il.il. pillugit oqaloqatigereernerup kingorna aalajangersarneqarsinnaasoq.



Taamaattumik uanga tunginnit nalunaarummi allangortitsisoqanngilaq. Piffissaq atorfirmmit soraarfissaq isumaqatigiissutigineqarsimasutut tassaavoq aprilip naanera. Piffissaq aallarfassat isumaqatigiissutigineqarsimasutut pissaq, suliassat, qaangiuttoornersiutisiaqarnissamut taarsiullugu sulinngiffeqarnissap sivisussusia il.il. uangalu oqaloqatigiissutigereerutsigit.” (Atorfeqarfimmi nutsigaavoq.)

D 18. marts 2001-imi Aqutsinermut Pisortaqarfimmut imatut allappoq:

”Oqarasuaatikkut oqaloqatigiinnerup kingorna pisut ingerlasimani pillugit naatsumik nassuiaat matumuuna nassiunneqarpoq.

A-p soraarniutini 15. februarimi tunniuppaa, allakkannilu 19. februarimeersuni akuerisaalluni sulinngikkallarnermut, qaangiuttoornersiutisiaqarnissamut taarsiullugu sulinngiffeqarnermut il.il. isummernera nalunaarutigaa.

Tamatuma kingorna A ataatigut atsiortumut saaffiginnippoq apeqqutigalugulu piffissaq soraarfissaq aprilip naaneranut kinguartinneqarsinnaanersoq, tassami qaangiuttoornini aprilip qaammataani annertunerpaamik sulinngikkallarfigissallugit kissaatigigamiuk.

Oqaatigaara piffissap soraarfissaata aprilip naaneranut kinguartinneqarnissaa akuerisinnaagiga. Oqarpunga ilaatigut piffissap soraarfissap isumaqatigiissutigineqarnera pillugu suliama allagaqassasoq, suliassaqarfimmini suliassat ”kingornussassat pillugit allakkiaq” kissaatigineqartoq suliareerpagu, piffissarlu aallarfassaq pillugu inaarutaasumik oqaaseqaateqannginninni suliassat oqaloqatigiissutigeqqaasagigit - soorlu 19. februarimi allassimasunga.

Massakkut apeqqutaalerpoq A-p allakkakka 19. februarimeersut tunngavigalugit martsip naanerani aallarnissani aprilillu naanerani (qaammat ataaseq sulinngiffeqarluni) soraavinnissani piumasaqaatigisinnaaneraa, taamaalilluni sulisinnaassusia pisortaqarfimmit atorfeqarsinnaajunnaarluni.

A tunngavissaqartumik taamatut piumasaqarsinnaanngippat qaqugu soraarsinnaanersoq aallarsinnaanersorlu uanga tamakkiisumik aalajangersinnaavara, taamaanngippat martsip naanerani tamanna pissaq.” (Atorfeqarfimmi nutsigaavoq.)

Aqutsinermut Pisortaqarfik A-mut 13. juli 2001-imi imatut allappoq, asilineri D-mut nassiullugit:

”Allakkavit 12. februar 2001-meersut D-mi allaffiup pisortaatut atorfinnit 2001-imi martsip qaammataata naanerani soraarniutigisavit tiguneqarnerat Namminersornerullutik Oqartussat Aqutsinermut Pisortaqarfiup allagaasigut 27. februar 2001-meersutigut uppernarsarsimavaat.

D-p atorfeqartitaanerperit sivitsorneqarnissaa kingusinnerusukkut inassuteqaatigisimavaa, taamaalillutit allaffimmi pisortatut atorfirmmit 2001-imi aprilip naanerani soraartussanngorlutit.

D-p tamatumunnga peqatigitillugu oqaatigaa piffissaq K-p illoqarfianit aallarninut ullup soraarfiup tungaanut ingerlasoq, tassalu 29. marts 2001-imit 30. april 2001-ip tungaanut, ullut taaneqartut ilanngullugit, akissarsiaqarluni sulinngiffeqarnerut isigineqartoq.

Tamatuma kingorna, tak. D-p allakkiaa ilanngullugu nassiunneqartoq, soraarnerpit nalaani ukiumi katersiviusumi 2000-imi ullut sulinngiffeqarfissat 12½-it ukiumi katersiviusumi matumani ullut sulinngiffeqarfissat qulit sulinngiffigineqarfineqarsimannigillat, taakkulu sulinngiffeqarnerisutisiassartaat Akissarsialeriffiup naatsorsorlugillu akileraaruserniarpai.

Akissarsialeriffik tamatumunnga peqatigitillugu qinnuigineqarsimavoq piffissami 1. april 2001-imit 31. april 2001-imut sulinngiffeqarluni angalanermi tapit tunniuteqqullugit.

Akissarsialeriffik allakkat uku pillugit nalunaarutikkut qinnuigineqarsimavoq aningaasat naatsorsorneqartut siumut tunniuteqqullugit. 2001-imi julip qaammataata naanerani akissarsisitsinermut atatillugu akissarsiat allagartaat tigurjumaarpat.” (Atorfeqarfimmi nutsigaavoq.)

Aqutsinermut Pisortaqarfik A-mut 15. august 2001-imi allappoq, allakamilu assilineri D-mut nassiullugit, matumanilu A-p piffissaq soraarfia aamma april 2001-imi sulinngiffeqarsinnaanera pillugit apeqqutinut tunngassuteqartut issuarpakka:

”Kiisalu atorfeqartitaanerpit maanngaanniit 2001-imi martsip naaneranut naanisaatut uppersaqaarneqarsimagaluartutut 2001-imi aprilip naaneranut naanissaanik apeqqut piuvoq, piffissap Kalaallit Nunaanniit aallarninnit aprilip naanerata tungaanut sulinngiffeqarnerut isigineqarsinnaannginneranut oqarninnik ilaqartillugu.

Aqutsinermut Pisortaqarfiup oqaatigissavaa allakkanni siullerni 12. februar 2001-imeersuni akissarsiaqarnak atorfinnit 1. april 2001-imit 31. marts 2002-mut akuerisaallutit sulinngikkallarnissat qinnuteqaatigisimagit, tamannalu akuerineqanngippat 2001-imi martsip qaammataata naaneraniit soraarniuteqarsimallutit.

Kissaatigineqartut akuerineqarlutit sulinngikkallarnissat D-p akuerisinnaanngimmagu allakkatit 2001-imi martsip qaammataata naaneraniit soraarniuteqarnerpit akuerineqarnissaanik inassuteqaatitalerlugit soraarnissat uppersaqaqullugu nas-siunneqarput, tamannalu pisimavoq.

Tamatuma kingorna illit D-imilu pisortaq ... allaffigeqatigiittarsimavusi, ilaatigullu taakkunangga erserluni illit ilaqtavillu Danmarkimut 2001-imi martsip naanerani aallarnissarsi pilersaarusiorsimagissi, illilli ilaatigut siunnersuutigisimagit pisortaqarfiup suliassaataanik arlalinnik Namminersornerullutik Oqartussat Danmarkimi allaffeqarfianni suliaqarsinnaasutit, pisortamullu aamma oqaatigisimavat 2001-imi kvartalimi siullermi qaangiuttoorneqangaatsiartutit sulinngiffeqaatigisinaasannik.

Saqummiussanni nalunaaquttap akunneri sulinngiffeqarfigisinnaasattut isigisatit naatsorsorsimavatit, kvartalimi siullermi nal. akunnerisa qaangiuttoorfiusimasut 50%-iinik ilallugit. Tamatuma saniatigut ulluni 3,5-imi sulinngiffeqarnissat ilaavoq.

Allaffimmi pisortatut atorfinnut atorfinitsinneqarninni isumaqatigiissummit erserpoq akissarsiaanni ukiumut nal. akunnerini 400-ni qaangiuttoornerit matussutis-saqartinneqarnerat akueralugu atsiornikkut uppersarsimagit. Taakku saniatigut qaangiuttoornerit eqqarsaatigalugit malittarisassat sukkulluunniit atuuttut malillugit ataasiaannartumik aningaasarsinnaatitaavutit. Qaangiuttoornerit sinneruttut sulinngiffeqaataasinnaanngillat, kisiannili suliassat tamanna periarfissaqartippassuk tamannalu pisortaqarfimmi pisortaqatigitiit akuerippassuk ”piffissap katersiviusup iluani” piffissanik nikerartitsilluni sulisoqarsinnaalluni. Tjenestemandinut tunngasuni piffissaq suliffiusartoq pillugu isumaqatigiissutit nutaat isumaqatigiissutigineqarnerisa kingorna Aqutsinermut Pisortaqarfiup Aningaasaqarnermut Pisortaqarfimmi Isumaqatigiinniarnernut Immikkoortortaqarfik paaseqatigalugu allaffinni pisortat taamatut sulinissamut pisussaaffeqartut tjenestemandit siviruspaammik suliffissaligaanngitsut allat pineqarnerisa assinganik pisimavaat, tassalu imaappoq qaangiuttoornerit kvartalikkaartumik naatsorsorneqartassasut, taamaaliornikkut nal. akunneri 100-t sinnerlugit qaangiuttoornerit ataasiaannartumik aningaasarsissutaasalersillugit. Tamanna ilaatigut illit eqqarsaatigalutit 1999-imi kvartalit sisamaanni pisi-

mavoq. Sulisut taakku nal. akunneri qaangiuttoorfigisimasaaat kvartalit naaneri tamaasa 0-inngortinneqartarput, ataasiaannartumik aningaasarsisitsisoqarnersoq aningaasarsisitsisoqannginnersorluunnit apeqqutaatinnagu.

2001-imi kvartalimi siullermi, piffissanik nikerartitsilluni sulisarneq eqqarsaatigalugu 20. marts 2001-imi naasumi qaangiuttoornitit nal. akunnerinik 88-inik minutsinillu 57-inik amerlassuseqarput. Taamaalilluni kvartalimi tassani ataasiaannartumik aningaasarsisitsinissamat tunngavissaqarsimanngilaq, tamannalu apeqqutaatinnagu, tak. qulaani taaneqartut, qaangiuttoornernik aprilip qaammataani sulinngiffeqarfigninnissamat piffissamilluunniit nikerartitsillutit sulinissamat periarfissaqanngilatit.

Soraarnerit 2001-imi aprilip qaammataata naaneranit aatsaat atuutilissasoq illit DJØF-illu aalajangiusimagassiuk, aprilillu qaammataata ingerlanerani Danmarkimi sulianik ingerlatsinissaq pillugu isumaqatigiissuteqarsimannginnassi D taamaallaat periarfissaqarpoq ulloq soraarfissatut taasaq siulleq aalajangiusiumassallugu imaluunniit ulloq soraarfissat aprilip qaammataata naaneranut kinguartissallugu, tamatumunngalu peqatigitillugu piffissaq aallarninnit ingerlasimasooq sulinngiffeqarfittut isigalugu.

Sulinngiffeqarnissaq siumut kalerriutigineqarsimanngitsoq Aqutsinermut Pisortaqarfimmi Sulisoqarnermut Aqutsisoqarfiup tamatuminnaga akuerinnissimaneranut akerliliinnut atatillugu oqaatigineqassaaq soraarnermut atatillugu sulinngiffeqarnerup akuerineqartarnera nalinginnaalluinnartumik periaasiusooq, sulinngiffeqarnissaq siumut isumaqatigiissutigineqanngikkaluartoq kalerriutigineqanngikkaluartorluunniit. Aqutsinermut Pisortaqarfiup D taamatut periarfissaq pillugu aamma ilitser-sorsimavaa, pingaartumik ukiuni katersiviusuni siusinnerusuni ullunik sulinngiffeqarfissanik sulinngiffeqarfigneqarsimanngitsunik arlalissuarnik peqarnerit isiginiarlugu.” (Atorfeqarfimmi nutsigaavoq.)

Aqutsinermut Pisortaqarfiup DJØF 12. december 2001-imi imatut akivaa, akissutip assilinera D-mut nassiullugu:

”Piffissaq A-p soraarfia pillugu DJØF-ip allagaasa 25. juni 2001-imeersut akineqannginnerat pillugu DJØF-ip D-mut nukingisaarutitut allagaasa 10. oktober 2001-imeersut tiguneqarnerat Aqutsinermut Pisortaqarfiup matumuuna uppersarpaa.

Suliaq tamatuma kingorna ataatigut atsiortup aamma ...-p oqarasuaatikkut oqaloqatigiissutigisimavaat.

Meerartaarnermut atatillugu sapaatip akunnerani ataatsimi sulinngiffeqarneq A-p nammineq kinguartinniarlugu aalajangiussimassaa pillugu apeqqut eqqarsaatigalugu meerartaarnermut atatillugu sulinngiffeqartarneq pillugu peqqussummik paasinnineq Aqutsinermut Pisortaqarfiup Isumaginninnermut Suliffeqarnermullu Pisortaqarfimmut saqqummiuteqqissimavaa.

Aqutsinermut Pisortaqarfiup namminerlu siusinnerusukkut paasinninnertik imaattoq ISP-ip uppersarpaa, tassalu atorfeqartitaasup meerartaarnermut atatillugu sulinngiffeqarfissatut pilersaarutaagaluartumi sulinini aallarteqqippagu meerartaarnermut atatillugu sulinngiffeqarfissap sinnera atorunnaartartoq, kingusinnerusukkullu nanginneqarsinnaanani. Tamatuma saniatigut angajoqqaat piffissami taanaasumi marluullutik ataatsikkut sulinngiffeqarsinnaanngilat.

ISP-p oqaatigaa peqqussummi § 2 imatut paasineqartoq ataatsimoortumik isumaqatigiissut malillugu imaluunniit qullersarisap suliniuteqarneratigut pissutsit peqqusuttip aalajangersagaanit pitsaanerusemumik atugassaqartitsisut isumaqatigiissutigineqarsinnaasut.

A-mut tunngasumi suliamik nangitsineq taassuma nammineq suliniuteqarneratigut pisimavoq, taamani pisortaagallartup kissaateqarnera naalakkiineraluunniit malillugu pinnani.

Aqutsinermut Pisortaqrarfiup tamanna tunngavigalugu aalajangiusimasariaqarpaa sapaatip akunnera A-p juni/juli 2000-imi nuliama nammineq angajoqqaatut sulinnigiffeqarnerminik ingerlatsineranut peqatigitillugu sulinnigiffeqarsimanera sulinnigiffeqarnivittut isigisariaqartoq.

A-p kissaateqarnera DJØF-illu tamanna pillugu inassuteqaateqartuarnera tunngavigalugu D-p inassuteqaateqarnera malillugu A-p kissaatigeqqaagaatut soraarfissaanik 31. marts 2001-imit Aqutsinermut Pisortaqrarfiup 30. april 2001-imut allannngortitsinera eqqarsaatigalugu oqaatigineqassaaq ulloq aallarfiisaaq D-p pisortaata akuerisimannngikkaa. Suliaq pillugu allaffigeqatigiittarnermi allakkanit ersepoq ulloq aallarfiisaaq ilaatigut suliassat tulleriiarinerlu oqaloqatigiissutigineqareersimattinnagit pisortap akuerisinnaasimannngikkaa. Tassani ilaatigut ilaavoq A piffissaaq aalajangersimasooq nallertinnagu suliassat naammassineqarsimannngitsut pillugit takussutissiamik pisortamut tunniussisussaasimagaluartoq. Takussutissiaq taanna piffissaagallartillugu tunniunneqannngilaq, ullorlu aallarfiisaaq allannngortinneqarsinnaannngitsooq A-p aalajangiusimavaa.

Qaangiuttoornernik sulinnigiffeqarfiginninnissamik A-p atuutsinniakkatut oqaatigisaa eqqarsaatigalugu A-p atorfeqartitaanerani qaangiuttoornernik sulinnigiffeqarfiginninnissamut periarfissaqannnginnera ...-p oqarasuaatikkut oqaloqatigiinnitsinni nassuerutigisimavaa. Tamanna A-p aallannnginnerani D-p pisortaanut maannaaniit aamma oqaatigineqarsimavoq. Taamaatumik tamanna pillugu isumaqatigiissuteqarnissaaq pisortap siunniussimannngikkaa Aqutsinermut Pisortaqrarfiup naatsorsuutigaa.

A-p aprilip qaammataani sulinnigiffeqarnera tamatumalu siumut ilimasaarutigineqarsinnaannnginnera eqqarsaatigalugit A-p nuliata ...-p ilaatigut 31. martsimit 7. aprilimut pikkorissarnissamut angalanermut akiliunneqarnissaminik qinnuteqaateqarsimanera akuerineqarsimaneralu, ilaatigullu 13. april 2001-imit 23. april 2001-imut sulinnigiffeqarluni angalanermut akiliunneqarnissamik qinnuteqaateqarsimanera akuerineqarsimaneralu Aqutsinermut Pisortaqrarfiup innersuussutigissavai.

Sulinnigiffeqarluni angalanermi akiliunneqarneq pillugu paasisutissat pigineqartut malillugit ilaqutariit akuerisaallutik sulinnigikkallarnissamik tamannalu akuerineqannngippat atorfimminnit soraarnissaminik qinnuteqarnissartik ilisimaqqajannngikkaalli sulinnigiffeqarnissaaq pilersaarusiorneqarsimavoq, kisiannili A-p aprilip qaammataani sulinnigiffeqarsinnaanini siusinnerusukktu taamatut akueritissimaneeraa paasisutissaatigineqannngilaq (matumani akuerisaalluni sulinnigikkallarnissaaq/atorfimminnit soraarnissaaq kissaatigisimannngikkaa tunngavigineqarpoq).

Piffissap akiliunneqarluni sulinnigiffeqarfissap ullualunnguaannarnik sivissussuseqarnera eqqaassannngikkaanni A-p ulloq soraarfissami aamma 2001-imi aprilip qaammataani pisortaqrarfiup suliassaataanik sulisinnaanini oqallisigineqalinnngitsorli qaammattip taassuma ilaani sulinnigiffeqarnissani nammineq pilersaarusiorsimavaa, qaangiuttoornersiutisiaqarnissamullu taarsiullugu aprilip qaammataani sulinnigiffeqarnissap ullunik sulinnigiffeqarfissanik ilaneqarnissaa nammineq siunnersuutigisimallugu.

Taamatut oqareernermi aprilip qaammataani tamarmi sulinnigiffeqarnissaaq tamatumalu kingorna ullut sulinnigiffeqarfiunngitsoorlut ajunngitsorsiaqaatiginissaaq 2001-imi martsip qaammataata naanerani soraarnermit A-mut aningaasaqarnikkut aamma iluaqutaanerpaasussaavoq.

Aqutsinermut Pisortaqrarfik isumaqarpoq 2001-imi aprilip qaammataani suliffiuisimannngitsumi akissarsiat tunniunneqarnissaaq A-llu siunnersuutigisaatut qaangiuttoornersiutisiaqarnissamut taarsiullugu sulinnigiffeqarnissamut tunngavissaqannngitsooq.

DJØF-ip allakkamini oqaatigaa A-p aprilip qaammataani akissarsiassani suli tiguisimangikkai. Aqutsinermut Pisortaqarfiup naatsorsuutigaa taamatut oqarneq kukkunermik tunngaveqartoq, immaqa A-p paasissutissiinnnginneranik, tassami 2001-imi aprilip qaammataani akissarsiat ukiuni katersiviusuni 2000-imi aamma 2001-imi sulinngiffeqarnersiutisiassanik ilallugit 17. juli 2001-imi tunniukkallarneqarsimmata, 2001-imilu julip qaammataata naanerani akissarsisitsinermi akissarsiat allagartaanni takuneqarsinnaallutik. Aqutsinermut Pisortaqarfiup A-mut allagaasigut 15. august 2001-imeersutigut akissarsiat allagartaasa assilinerat nassiunneqarsimavoq, allakkalli taakku Danmarkimi adressimut ajuusaarnartumik nassiunneqarsimanatik.

Tamatuma kingorna, tassalu 2001-imi septemberip qaammataani iluarsiissutit tunniunneqarsimapput, pisortat akissarsiaat pillugit DJØF-ip nutaamik isumaqatigiissuteqarnerata kingunerisaanik tamatumalu nassatarisaanik sulinngiffeqarner-siutit aamma tunniunneqarsimallutik.

Suliaq pillugu oqarasuaatikkut oqaloqatigiinnermi ...-p piumasaqaatigisimavaa suliaq aningaasatigut aaqqiissuteqarfigineqassasoq, qaammammi ilivitsumi akissarsiaannikkaluartunilluunniit. Aqutsinermut Pisortaqarfik isumaqarpoq tunniunneqareersimasut saniatigut A-mut akissarsianik taarsiissutinilluunniit tunniussinissamat tunngavissaqanngitsoq.” (Atorfeqarfimmi nutsigaavoq.)

Tusarniaaninnut 11. juni 2002-meersumut oqaaseqaatima aallartinnerani issuakkannut Aqutsinermut Pisortaqarfik 9. december 2002-mi imatut akissuteqarpoq:

”Aqutsinermut Pisortaqarfiup Inatsisartut Ombudsmandiata allagai ..., 11. juni 2002-imeersut, ..., tiguisimallugit uppersarparaa, taakkunatigut nalunaarutigineqarluni Ombudsmandi aalajangiisimasoq A-p saaffiginnissutaa Aqutsinermut Pisortaqarfiup apeqqutini ukunani aalajangiisimanerini naammagittaalliuutaasoq suliarin-larlugu, takukkit allakkavut 15. august 2001-imeersut:

1. Aqutsinermut Pisortaqarfik aalajangiisimavoq A 2001-imi apriliip qaammataa tamakkerlugu sulinngiffeqarsimasoq.

2. ...

3. ...

4. ...

Ombudsmandi pissutsit qulaani taaneqartut pillugit nassuiaasoqarnissaanik kisaateqarpoq A-llu sulisutut suliaassartaanik allattaaviit misissugassanngorlugit immi-nut nassiuteqqullugit.

1-imut)

Suliami takuneqarsinnaasutut A-p soraarnerani piffissaq pillugu apeqqut D-mi pisortap ...-p A-llu akornanni oqallinnermut pissutigineqarsimavoq.

Taamaalliluni A aallaqqaammut allakkatigut 12. februar 2001-imeersutigut pif-fissami 1. april 2001-imiit 31. marts 2002-imut atorfimminiit akissarsiaqarani sulinngiffeqarnissaminik qinnuteqarpoq, taamaattoqarsinnaanngippalluunniit atorfimm-iit soraarnissaminik 2001-imi martsip qaammataata naanerani soraartussanngorluni.

D-p A kissaatigisaatut sulinngiffeqartissinnaanngimmagu allagaq Aqutsinermut Pisortaqarfimmut nassiunneqarpoq 2001-imi martsip qaammataata naanerani so-raartussaanerata uppersararneqarnissaa inassuteqaatigalugu.

Tamatuma kingornatigut A-p aamma pisortaq ...-p akornanni allaffigisaqattaat-toqarsimavoq, taakkunani ilaatigut takuneqarsinnaalluni ilaqutariit A-kut 2001-imi martsip naanerani aallarnissartik pilersaarutigisimagaat aamma aallarnissamat pif-fissaliussa q ilaqutariit pilersaarutaannik allanik pissuteqartumik allanngortinne-

qarsinnaangitsoq. Ilaatigut A-p siunnersuutigisimavaa pisortaqarfiup suliassaataanik suliqaarsinnaalluni, ajornanngippat Namminersornerullutik Oqartussat Danmarkimi allaffianni sularisinnaasaminik. Tamatuma saniatigut A-p taasimavaa 2001-imi qaammatini siullerni pingasuni qaangiuttoornerpaaloqarluni sulinngiffeqaatigisinnaasaminik. Taakkununga ilanngunneqassaaq ullut sisamaat avillugu feriarfissaq.

A atorfinitsitaanermini atugassarititaasut malillugit qaammatini pingasuni nalunaquttap akunnerinik 100-nik qaangiuttoortussaataitavoq. 2001-imi qaammatini pingasukkaani siullerni taamaallaat nalunaquttap akunnerini 89-imi qaangiuttoortoqarsimammat qaangiuttoornerit 2001-imi qaammatini pingasukkaani tulliuuttuni nalunaquttap akunneri qaangiuttoorfusut "sulinngiffeqaatiginissaannut" imaluunniit nalunaquttap akunnerisa aalajangersimasut iluanni nammineq piffissamik suliffissamik atuinnissamut nuussinissamut tunngavissaqaangilaq.

A-p aallannginnerani isumaqatigiissutigineqarsimannngimmat ullut sisamaat avillugu feriarfissat pilersaarutigineqartut saniatigut 2001-imi apriliip qaammataani ulluni suliffiusussani pisortaqarfimmu suliassanik sullississasoq D-p A-p DJØF-illu atorfeqartitaaneq aammattaaq 2001-imi apriliip qaammataanut atuutissasoq piunasaqaataannut tunngatillugu qinigassaraa aalajangiusimassallugu A 2001-imi martsip qaammataata naanerani atorfimmunit soraarsimasoq, tassa aallaqqaammut uppersarsarneqartut imaluunniit apriliip qaammataanut akissarsiasanik akiliissalluni piffissarlu A-p K-p illoqarfianit aallarnerata kingornatigut feriarnerut isigissallugu tamannami allakkatsinni 15. august 2001-imeersuni annertuumik atugaasutut allassimammat, feriarmissap isumaqatigiissutaarenera imaluunniit soraannginnermi ilimasaarutigineqareersimanera apeqquataatinnagu. Tamakkununggattaaq ilanngullugu isiginiarneqassaaq A 2001-imi apriliip qaammataata ilaani D-mut sullissinissaminut piareersimasimannngimmat, tassami piffissap feriarfiusussatut pilersaarutaasup avataatigut nuliani nunani allani pikkorissariartorluni akuerisaasumik angalasoq ingjalloramiuk, naak nuliasup pikkorissariartorluni akiliunneqarluni angalaneranut akuersissummi ilaqutariit ilaannikkaluartut.

Kiisalu Aqutsinermut Pisortaqarfik isumaqarpoq aningaasaqarnermut tunngatillugu A-mut 2001-imi apriliip qaammataani akissarsiaqarluni feriarfissaneq iluaqutaasooq, tassami qaammammimi tassani påskerneranik pissuteqartumik ullut suliffiusussat feriarfiusussallu ikittuinnaammata.

...

A-p suliame illua'tungiusunik tusarniaaninnut akissummini 26. maj 2003-meersumi nalunaarfigaanga Aqutsinermut Pisortaqarfiup suliame illua'tungiusunik tusarniaanermut akissutaa pillugu imaattunik oqaaseqaattissaqarluni:

”Aqutsinermut Pisortaqarfiup (AP-p) allakkamini 9. december 2002-meersuni oqaatigisai naatsumik oqaaseqaateqarfigissavakka.

1-imut: A 2001-imi aprilip qaammataa tamaat sulinngiffeqarsimaneranik Aqutsinermut Pisortaqarfiup aalajangiisimanera.

D-mit soraarnissara sioqqullugu Danmarkimi suliassat suut sularisinnaanerikka ...-lu oqaloqatigiissutigisimavarput. Naalasseriitsuliornermut atatillugu iliuuseqarnerit, matumani soraarsitsinerit ilanngullugit eqqarsaatigalugit, pillugit ilitersuusiortoqarnissaa pisariaqartoq oqaloqatigiissutigisimavarput. Ingerlitsinermik inatsiseqartitsinermi tunngavinnik, matumani soraarsitsinermut atatillugu tusarniaasannnginneq ilanngullugu eqqarsaatigalugu, eqqortitsisarsimannginnini pillugu D siusinnerusukkut isornartorsiorneqartarsimavoq.

D-mit soraarninnut atatillugu qaangiuttoornerit naatsorsorneqarnerisa kingorna oqaatigaara taamaaliorniarnanga, tassami qaangiuttoornerit ulluni pingasuni affarmilu sulinnigiffeqarnissamik ilallutik aprilip qaammataa tamaat matusussaammassuk. Aprilip qaammataa aallartinnerani D-mut saaffiginninninnut atatillugu qaangiuttoornerit sulinnigiffineqarnissaannik isumaqatigiissut pisortaqarfiup eqqortissinnaanngikkaa paasitinneqarsimasuuguma naalasseriitsulionernut atatillugu, matumani soraarsitsinerit ilanngullugit eqqarsaatigalugit, periaatsit pillugit ilitsersuut ajornartorsiutitaqanngitsumik suliarisimasinnaagaluarpara. Tamanna ...-p saaffiginninneranik piumasaaqatitaqaannarsimasinnaagaluarpoq. Taamaattumik AP oqarami ilumuunngilaq aprilimi atorfeqartitaannginnera (isumaqatigiissutaasup paarlattorluinnaanik) imaluunniit pinngitsaaliissummik siumullu nalunaarutigeriigaanngitsumik kingumoortumillu atuutilersumik sulinnigiffeqartitaaneq toqqarneqartussaasimasoq.

...-mi taamani ... sulisimanera aqcutigalugu isumaqarluinnarpunga sulinnigiffeqartarnej pillugu inatsimmi ilisimatitsinissamut malittarisassat malinneqarsimanngilluinnartut, sulisoq sulisitsisorlu tamanna pillugu isumaqatigiissuteqarsimanngippata. Sulinnigiffeqarnissap kingumoortumik sulinnigiffeqarfigineqarnissaanik kalerriisarnej AP-p periaatsitut malissimappagu tamatuma piaaraluneerluni sulinnigiffeqartarnerlu pillugu inatsit unioqqustillugu pisimassasoq ilimagisariaqarpoq.

... isumaqatigiissutertik malillugu ukioq allortarlugu ilaqquttatik ilagalugit akiliunneqarlutik sulinnigiffeqarsinnaatitaapput, taamaattorli siullermik ukioq ataaseq sulereernerimikkut. Aammattaaq ukiut tamaasa akiliunneqarlutik pikkorissariarsinnaatitaapput, ukioq siulleq ilaqquttatik ilagalugit, aappaanilu ilaqquttatik ilaginagit. Tamatuma nassataraa ... ukiut tamaasa ilaqquttatik ilagalugit akiliunneqarlutik angalasinnaatitaanerat, ukiullu ilaanni ataatsimi ilaqquttatik ilaginagit nammineq pikkorissariarnissamut angalasinnaatitaallutik. Taamaattumik isumaqatigiissummumut naapertuuttuunngilaq AP oqarmat marts 2001-imi akiliunneqarluni angalanermi ilaqqutariit tamakkerlutik ilaatinneqanngitsut. Tamanna isumaqatigiissummik paasisimasaqannginnermik pissuteqarnerisooq matumani oqaatigineqassanngilaq. Illua'tungaanut saatsikkaanni isumaqarpunga akiliunneqarluni angalanermi ilaqqutariit tamarmik ilaatinneqannginnerannik AP-p oqarnera ajuallannartuusooq. Tamannami uagut eqqarsaatigaluta marts 1997-imiilli atuussimavoq, isumaqatigiissullu aqcutigalugu pisinnaatitaaffittut erserluni.

AP oqarpoq 2001-imi aprilip qaammataani sulinnigiffeqarnissara uannut aningaasaqarnikkut iluaqutaasimasooq. Tamanna pillugu oqaatigiinnassavara D-mit nalunaaruteqarnerup nassatarisimagaa ...-mut isumaqatigiissutip eqqortinneqarnissaa tatigalugu piareersarsimanera, tamatumalu kingorna qaangiuttoornikka sulinnigiffeqarfissakkalu ullut pingasut affarlu aprilimi sulinnigiffeqarfigisimallugit. D-mi sulii atorfeqartitaagama suliffissarsiortutut Suliffissarsiuussisarfirmut nalunaarsimanngilanga. Qaammammi ataatsimi kingumoortumik atuutilersumik sulinnigiffeqarnissannik aalajangiinerup nassataraa isumaqatigiissutaasimasunit 22.000 kr.-t (ilangaatissat ilanngaatigereerlugit) missaannik ikinnerusunik tunineqarnera. Sanilliussinissamut tunngaviusooq tassaannilaq aprilip qaammataa sulinnigiffeqarnerisutitalik imaluunniit naamik. Sanilliussinissamut tunngaviusooq tassaavoq aprilip qaammataa nalinginnaasumik akissarsiaqaataasooq + qaammammi ataatsimi sulinnigiffeqarnerisutisiasat.

Aamma aprilip qaammataa naallugu atorfeqartitaasunga ...-p allakkatigut e-mailikkoortutigit nalunaarutigisaa innersuussutigissavara. Qaangiuttoornikkut aprilip qaammataani D-mi (pisortaqarfiup soqutigisaa malillugu) suliat sapinngisamik amerlanerpaat inaarsarneqarnissaat siunertarlugu sulinnigiffeqarfiginninnissara pillugu isumaqatigiissutaasimasooq (februarip naaneraneersooq) eqqortissinnaanagu ... oqarsimasuuppat ilitsersuut suliarisinnaasimagaluarpara, tak. qulaani taaneqartut.

Aatsaalli aprilip qaammataani akissarsiassakka takkutinngitsoormata attaveqarfigaara, paasiniarlugu atorfeqartitaanngitsunga sooq oqarsimanersoq, tak. naammagit-taalliutinni taanna pillugu immikkoortoq.

Illua'tungaanut saatsikkaanni sulisitsisoq atorfeqartitaasup sulisinnaassusiata atunnginnissaanut pisinnaatitaavoq. Siunissaq ungasinnerusoq eqqarsaatigalugu atorfeqartitaasup sulisinnaassusianik atuinnginneq sulisitsisup tungaanit sumiginnaanertut assersuunneqarsinnaavoq, atorfeqartitaasorlu suliffimminit soraarsitaasimasutut imminut isigisinnaalersillugu. Kisianni atorfeqartitaaneq atuuttuartillugu atorfeqartitaasoq akissarsiaqartinneqartussaavoq. Sulisitsisup inuk siulionnaarallarsippagu, sulisinnaassuseqarneralu atorumanngippagu suliunnaarallartinneqarnerup sivilissusia isiginiarlugu kalerriisarneq pillugu malittarisassat eqqarsaatigalugit sulinnigifeqarneq ingerlanneqarsimasutut isigineqarsinnaavoq.

...” (Atorfeqarfimmi nutsigaavoq.)

A-p 1. april 2000-imit 31. marts 2001-imut sulinnigifeqarluni angalanermi tapisiaqartinneqarnissaata itigartinneqarnissaanik Aqutsinermut Pisortaqarfiup aalajangiinera.

Sulisogarnermut Pisortaqarfik A-mut 10. marts 1997-imi imatut allappoq:

”Allakkatigut 3. marts 1997-imeersutigut Danmarks Jurist- og Økonomforbundip aamma Kalaallit Nunaanni Naalakkersuisut isumaqatigiissutaanni 10. februar 1997-imeersumi § 14, imm. 11 innersuussutigalugu isumaqatigiissummi tassani § 15-imi, feriarluni angalanermi tapit, pineqartunut ilaatinneqarnissat qinnutigisimavat.

Ullormit atorfinitsitaaffinnit 29. september 1995-imit aallartittumik § 15-imi qu-laani taaneqartumi pineqartunut ilaasutit, taamatullu toqqaaneq Kalaallit Nunaanni Namminersornerullutik Oqartussani siunissami atorfeqartitaaninni qilersuisumut atuuttoq Sulisoqarnermut Pisortaqarfiup matumuuna uppernarsassavaa.

Sulisogarnermut Pisortaqarfiup kaajallaasitaata nr. 5/92-imeersup, sulinnigifeqarluni angalanermi tapeqartitsinermik aalajangersaasuusup assilineri kiisalu qinnuteqarnermi immersugassaq siunissami atugassatut assilineqarsinnaasoq ilisimatit-sissutitut ilanngullugit nassiunneqarput.

Piffissat 29. september 1995-imit 31. marts 1996-imut aamma 1. april 1996-imit 31. marts 1997-imut tamaasa immikkut qinnuteqarnermi immersugassamik immer-suiffigeqqullugit immersukkallu taakku maanga nassiuteqqullugit inussiarnersumik qinnuigineqarputit.

Malugeqqullugu oqaatigineqassaaq piffissat katersiviusut tamaasa immikkut qinnuteqaatit nassiunneqartassammata.” (Atorfeqarfimmi nutsigaavoq.)

Kaajallaasitaq nr. 5/92 pineqartoq imaattunik oqaasertaqarpoq:

”Isumaqatigiissutit 1991-imi nutarterneqarnerisa kingorna isumaqatigiissutini ar-lalinni sulinnigifeqarluni angalanermi tapinik tunniussisarneq pillugu aalajangersa-gaq ilanngunneqarsimavoq. Sulisut ataasiakkaat sulinnigifeqarluni angalanermi ta-peqarsinnaatitaanerit sulinnigifeqarlunilu angalanermi tapit qanoq amerlatiginissaat isumaqatigiissutini ataasiakkaani aalajangersarneqarsimapput.

Piffissaq sulinnigifeqarluni angalanermi tapinik katersivik tassaavoq 1. aprilimit 31. martsimut.



Katersineq qaammatikkaartumik pisarpoq, ullorlu atorfinitsitaaffik aallarnerfigalugu ullut qanoq amerlatigisut tunngavigineqassallutik, taamaattorli siusinnerpaamik 1. april 1991 aallarnerfigalugu.

Sulinnigiffeqarluni angalanermi tapisiaqartitsisoqassaaq sulisunut 31. marts 1991- ip kingorna kiisalu sulisunut 1. april 1991-imi najugaqavissutut atugassaqartitaallutik atorfinitsitaasunut. Taamaattorli sulisut katissimallugu aapparisp/inooqatip atorfeqartitaanera tunngavigalugu piffissap katersiviusup kingorna qaammatini tulliu-tuni 12-imi akiliunneqarlutik sulinnigiffeqarsinnaatitaalersut tapisiaqartinneqassanngillat.

Sulinnigiffeqarluni angalanermi tapisiaqartitsisoqassaaq sulisunut, atorfinni sa-paatip akunneranut sivikinnerpaamik nalunaaquttap akunnerini 30-ni suliffigineqar-tussaataasuni atorfeqartunut.

Tapit qinnuteqarnikkut aprilip qaammataani akissarsianut ilanngullugit tunniun-neqartassapput.

Sulinnigiffeqarluni angalanermi tapit tunniunneqarnissaannik qinnuteqarnissamut piffissaq kingulleq tassa 1. februar. Qinnuteqarnissamut piffissaliussaq malinneqan-gippat tapit tunniunneqarnerat tamatuma sivisoqataanik kinguartinneqassaaq. Pi-suni immikkut ittuni qinnuteqarnissamut piffissarititaasup atuutinninnissaa ator-finititsinermi oqartussaasup immikkut akuersissutigisinnaavaa.

Sulinnigiffeqarluni angalanermi tapit sulisut qinnuteqarneratigut tunniunneqartas-sapput. Immersugassaq PD 5/92 atorlugu qinnuteqartoqartassaaq, taannalu sulisoq pillugu paasissutissanik kiisalu sulisoq katissimallugu aappaqarpat/inooqateqarpat taanna pillugu paasissutissanik taassumalu akiliunneqarluni sulinnigiffeqarsinnaati-taanera pillugu paasissutissanik imaqarpoq.

Paasissutissat tunniunneqartut eqqortuunerat sulisup atsiormermigut uppersarsas-savaa. Immersugassap eqqortumik immersorneqarsimanera atorfinitsitsinermi oqar-tussaasup atsiormermigut uppersarsassavaa, sulinnigiffeqarlunilu angalanermi tapit tunniunneqarnissaat aallartissallugu.

Sulisoq piffissami katersiviusumi soraarpat sulinnigiffeqarluni angalanermi tapit katersorneqarsimasut piffissap katersiviusup sivirususianut naapertuuttunngorlugit atorfeqartitaanerup naanerani tunniunneqassapput, sulisoq ataatsimut atorfeqarti-taaffiusup iluani atorfinitseqqinneqarnera apeqqutaatinnagu.

...

Atorfinitsitsinermi oqartussaasup paasissutissat tunniunneqartut katissimallugu aapparisp/inooqatip atorfinitsinneqarnerani oqartussaasumut uppersarsiniarlugit paasiniarsinnaavai.

Kaajallaasitaq manna 1. april 1991-imi atuutilerpoq, Sulisoqarnermullu Pisor-taqarfiup kaajallaasitaa nr. 1/92 matumuuna atorunnaartoq taarserlugu.” (Atorfe-qarfimmi nutsigaavoq.)

A sulinnigiffeqarluni angalanermi tapit tunniunneqarnissaannik 2. feb-ruar 2001-imi qinnuteqarpoq, qinnuteqaammunilu immersugassami assi-giissaartumik oqaasertalersugaasumi atukkamini immikkut krydsiliiffissa-mi uppersarsaalluni oqaatigalugu ”katissimallugu aapparisp/inooqatip atorfeqartitaanera tunngavigalugu piffissap katersiviusup kingorna qaam-matini tulliuuttuni 12-imi akiliunneqarluni feriansinnaatitaalersimanani”.

Immersugassap taassuma uppersarsarlugi 6. februar 2001-imi atsiorne-ratigut D-p Aqutsinermut Pisortaqarfik qinnuigaa sulinnigiffeqarluni anga-lanermi tapit 2001-imi aprilimi akissarsianut ilanngullugit tunniuteqqullu-git.

Allakkiakkut 1. marts 2001-imeersukkut, assiliner A-mut nassiunneqartukkut Aqutsinermut Pisortaqarfiup akissarsialleriffini qinnuigaa tapit oqaatigineqartutut tunniuteqqullugit.

Aqutsinermut Pisortaqarfiup akissarsialeriffimmut allakkiaa 1. marts 2001-imeersoq, allaqqaarneqarnera D-p suliaataani allagaatinik (pissutaa taaneqarsimannigsumik) imalimmiittoq sulisoqarnermik aqutsisoqarfimmi sulisup 19. april 2001-imi atsiornertigut imaattumik allaffigineqarsimavoq: ”Atorunnaarpoq”.

Aqutsinermut Pisortaqarfiup aalajangiinerani 15. august 2001-imeersumi sulinnigiffeqarluni angalanermi tapit pillugit imaattunik allassimasoqarpoq:

”Ataani atsiortumut e-mailikkut 26. juli 2001-imeersukkut sulinnigiffeqarluni angalanermi tapeqarsinnaatitaanerit aamma meerartaarnermut atatillugu 2000-imi aasakkut sulinnigiffeqarnerit pillugit apeqqutit saqqummiuteqqippatit, taamatuttaarlu oqaatigalugu Aqutsinermut Pisortaqarfiup allagaani 13. juli 2001-imeersuni allaffimmi pisortatut atorfeqartitaanerpit 2001-imi aprilip naaneranut sivitsorneqar-fisigut, piffissap 20. marts 2001-imit 30. aprilip 2001-ip tungaanut ullut taaneqartut ilanngullugit akissarsiaqarluni sulinnigiffeqarfittut isigineqarneranik oqarneq tungavissaqanngitsoq. E-mailimi tulluuttumi 10. august 2001-imeersumi apeqquserpat Sulisoqarnermut Aqutsiviup aprilip qaammataani sulinnigiffeqarmissat qanoq ililluni akuerisinnaaneraa, tamanna D-mit akuerineqanngikkaluartoq siumulluunniit kalerriunneqanngikkaluartoq.

Sulinnigiffeqarluni angalanermi tapitit eqqarsaatigalugit ilumoorpoq 1997-imi ukiut allortarlugit taakku ilinnut tunniunneqartarsimagaluartut, tassalu 1997-imi aprilimi piffissamut katersiviusumut 1. april 1996-imit 31. marts 1997-imut aamma 1999-imi piffissamut katersiviusumut 1. april 1998-imit 31. marts 1999-imut, tassami piffissaq taanna atorfeqartitaaneq eqqarsaatigalugu Sulisoqarnermut Pisortaqarfimmut aamma D-mut avinneqarsimammat.

Aamma ilumoorpoq piffissamut katersiviusumut 1. april 2000-imit 31. marts 2001-imut sulinnigiffeqarluni angalanermi tapeqarsinnaasussaagavit, atorfeqartitaanerit ukioq kaajallallugu atuussimasuuppat, nuliavillu atorfeqartitaanera aqutigalugu nuliavit aprilip qaammataata naanerani soraarneranut atatillugu angalasinnaatitaalersimannigitsuguit. Taamaalilluni illit nammineq soraarninnut atatillugu angalasinnaatitaanerit atorunnaarsimavoq, nuliavit soraarnerani tunniunneqarsimammat, DJØF-illu isumaqatigiissutaani aalajangersakkat malillugit qaammatisiutit ukiuanni taannaasumi soraarnermut atatillugu akiliunneqarluni angalasinnaatitaaneq sulinnigiffeqarlunilu angalanermi tapit ataatsikkoorlutik tunniunneqarsinnaanatik. Taamaattorli Sulisoqarnermut Pisortaqarfiup sulinnigiffeqarluni angalanermut atatillugu tapit pillugit kaajallaasitaani aalajangersarneqarsimavoq ukiumi soraarnermut atatillugu angalatitsisoqarfiusumi 1. aprilip piffissallu soraarfiusup akornanniittumi sulinnigiffeqarluni angalanermut tapit tunniunneqarsinnaasut. Taamaalillutik 2001-imi aprilip qaammataani sulinnigiffeqarluni angalanermi tapeqarsinnaatitaavutit, taak-kulu 2001-imi julip naanerani ilinnut tunniunneqarsimallutik, julillu qaammataani akissarsiat allagartaannit assilinerannit ilanngullugit nassiunneqartumit erserluni 38.301,66 kr.-t kontonnut 17. juli 2001-imi tunniunneqarallarsimasut.” (Atorfeqarfimmi nutsigaavoq.)

Aqutsinermut Pisortaqarfiup suliami illua'tungiusunut tusarniaanermut akissummini 9. december 2002-meersumi sulinngiffeqarluni angalanermi tapit tunniunneqarsimanninnerannik naammagittaalliut pillugu makku oqaatigai:

”Aqutsinermut Pisortaqarfik isumaqarpoq piffissamut katersiviusumut 1. april 2000-imiit 31. marts 2001-imut A-mut feriarluni angalanermi tapisiaqartitsisoqarsinnaanngitsoq, tassami taanna nuliame atorfeqartitaanerani pissutsinik pissuteqartumik ukiumut qaammatisiuteqarfiusumut 2001-imut soraarnermi akiliunneqarluni angalasinnaatitaasimammat.

Aqutsinermut Pisortaqarfiup A-p nammineq nuliame atorfeqartitaanerani atugasarititaasut aqutugalugit ilaqutariit feriarlutik akiliunneqarlutik angalatitaasimanninneraanera akerliuffigalugu taamaanninnerartariaqarpaa. Eqqortuuvoq ilaqutariinnut feriarluni akiliunneqarluni angalanissaq akuersissutaagaluarimat, tamannali pisimavoq suli paasineqanngitsoq aammattaaq ... atorfimminit soraarsimasoq. ... 2001-imi martsip qaammataata naalernerani ilaqutariit aallarnerata kingornatigut suliffimminut utinngimmat taava tamanna soraarluni akiliunneqarluni angalanertut isigisariaqarpoq.

A-p taamaaliorfigineqarnini pissarsiaraa nuliame atorfeqartitaanerani atugasarititaasut tunngavigalugit namminerlu atorfeqartitaanermini pissutsinut imaattunut taputartuunneqarsinnaanngimmat ...-p ...-mi atorfeqartitaaneranut atatillugu isumaqatigiissutigineqarsimammat ...-p pisussaaffigissagaa inissiamik innersuussinissaq tassungalu atatillugu aningaasartuutunik akiliisarnissaq, tassalu aammattaaq pigisat nuunneqarnerannut soraarnermilu angalanermut atatillugu.

Tamatumali A-p feriarluni angalanermi tapinik akiliuteqarfigineqarnissaanut pinsinnaatitaaffii sunniuteqarfigissanngilai aamma DJØF-imut isumaqatigiissummi 9. september 1999-imeersumi § 13 naapertorlugu soraarnermi akiliunneqarluni angalasinnaassagaanni piumasaqaataavoq siusinnerusukkat piffissamut katersiviusumut ukiumi qaammatisiuteqarfiusumi tassani feriarluni angalanermut tapisianik akiliuteqartoqarsimanninnissaa.

2001-imi apriliip qaammataanut feriarluni angalanermi tapit akiliutigineqarnerat Sulisoqarnermut Pisortaqarfiup kaajallaasitaani nr. 5/92-imi 3. august 1992-imeersumi tunaartarisassanut Isumagatigiinniartarnermut Immikkoortortaqarfimmit, maannakkut Aningaasaqarnermut Pisortaqarfiup Isumagatigiinniartarnermut Immikkoortortaqarfianit, isumaqatigiissutini, taakkunani feriarluni angalanermi tapisiaqarneq pillugu aalajangersakkat nassaassaallutik, aalajangersakkanik tamakkii-sunnngortitsiniarluni suliarineqartunut naapertuupput.

A sulisorineqarnermi nalaani Sulisoqarnermut Pisortaqarfiup ukioq suna feriarluni angalanermi tapisiasanik akiliuteqarfigineqarsinnaanerminik nassuiaaneranut akerliusimannigilaq eqqortuuvorlu kingullermik taakkuninnga akiliuteqarfigineqar-mat piffissamut katersiviusumut 1. april 1998-imiit 31. marts 1999-imut 1999-imi apriliip qaammataani. A-p Isumagatigiinniartarnermut Immikkoortortaqarfimmi siusinnerusukkat atorfeqarsimanerminit aalajangersakkat taakkulu qanoq paasineqarnissaat nassuiarneqarnissaallu ilisimaarai, tassaniinnerminimi isumaqatigiissuteqarnermut peqataasarsimavoq aalajangersakkanillu taakkuninnga imalinnik nassuiaasarsimalluni.”

A suliami illua'tungiusunut isumaanik tusarniaanermut akissummini 26. maj 2003-meersumi ajornartorsiut taanna pillugu pisortaqarfiup suliami illua'tungiusunut tusarniaanermut akissutaa pillugu oqarsimavoq:

”Sulinnigiffeqarnermi akiliunneqarluni angalanissamut katersat 2001-imi martsimi naammatsissimapput, tak. ... isumaqatigiissutaat. Marluulluta sulisisitsutsinni 2001-imi aprilip qaammataata naanissaata tungaanut atorfeqaannarpugut. Sulinnigiffeqarnermi akiliunneqarluni angalaneq 28. marts 2001-imi aallarnerpoq. Tassami nuliama sulinnigiffeqarnermi akiliunneqarluni angalanissamut pisinnaatitaaffini naammassillugit marts 2001-imi katersorsimmaggit soraarnermut atatillugu akiliunneqarluni angalanissamik piunasaqaateqarsinnaatitaanngilagut.

Qinnuteqaatigineqartoq akuersissutigineqartorlu tassaavoq sulinnigiffeqarnermi akiliunneqarluni angalaneq, atorfeqartitaanerup sivisussusia tunngavigalugu, tak. ... isumaqatigiissutaat. Atorfeqartitaasup atorfeqarnermini sinneruttumi qaangiuttoornerminik sulinnigiffeqarfignikkumalluni aalajangernera pissutigalugu sulinnigiffeqarnermi akiliunneqarluni angalanerup soraarnermut atatillugu akiliunneqarluni angalanerup allannngortinneqarsinnaanera ilimagissallugu inatsisitigut tunngavissaqanngilaq. Sulinnigiffeqarnermi akiliunneqarluni angalanerup kingorna K-p illoqarfianut uternissarput toqqarsimasinnaagaluarparput, piffissap sinnera qaangiuttoornerit K-p illoqarfiani sulinnigiffeqarfialugit, K-p Kangerluani pinngortitarsuaq alianaatsoq najorlugu.

Atorfeqartitaanerup naanerani – 2001-imi aprilip qaammataata naanerani - soraarnermut atatillugu akiliunneqarluni angalanissamut taassumaanngilagut, tassami ukioq taanna (2001-imi martsip qaammataani) (sulinnigiffeqartinnitsinni) akiliunneqarluni angalasinngilagut. Paaserusussagaluarpara Sulisoqarnermut Pisortaqaarfiup sulinnigiffeqarnermi akiliunneqarluni angalanerit pillugit kaajallaasitaani sumi allasimasoqarnerisooq atorfeqartitaasup atorfeqartitaanerini sinnerani qaangiuttoornerit atorlugit Danmarkimi sulinnigiffeqarnerisooq toqqarpagu sulinnigiffeqarnermi akiliunneqarluni angalaneq allannngortinneqarsasoq soraarnermut atatillugu akiliunneqarluni angalaninnngortillugu, atorfeqartitaasorli sulinnigiffeqarnermi akiliunneqarluni angalanerup kingorna qaangiuttoornermik K illoqarfiani sulinnigiffeqarfignippat sulinnigiffeqarnermi akiliunneqarluni angalaneq allannngortinneqarneri taannaaginassasoq. Sulinnigiffeqarnermi akiliunneqarluni angalanissap akuerineqartup kingunerisussaannngilaa angalanerup taassuma soraarnermut atatillugu angalaninnngortillugu allannngortinneqarnerisaa, kingunerisaali tassaalluni atorfeqartitaasup qaammatisiutit malillugit ukiumi taannaasumi akiliunneqarluni angalaqqinnissamut akuerineqarsinnaannginnera, uagullu eqqarsaatigaluta 2001-imi aprilip qaammataani soraarnermut atatillugu angalanissap akuerineqarsinnaannginnera.

Sulinnigiffeqarnermi akiliunneqarluni angalanerup soraarnermut atatillugu angalaninnngortillugu tassanngannaq oqaatigineqartutut ”allannngortinneqarnerni” siunertaasoq tassaasimagunarluinnarpoq uagut sulinnigiffeqarnermi akiliunneqarluni angalanitta Djøfip isumaqatigiissutaani § 13-imut ilaatinneqalernissaa, taamaalilunga sulinnigiffeqarlunga angalaninni tapisassama, 1995-imi, 1997-imi aamma 1999-imi tiguserisassama tigunissaannut pisinnaatitaannginnissara.

Nassuerutigisariaqarparali ukiumut siusinnerusunut sanilliullugu 2001-ip allaasuteqarnera takujuminaatsikkakku. Siusinnerusukkut taakkunani pingasuni sulinnigiffeqarlunga angalaninnut tapima aprilip qaammataani akissarsiasannut ilanngullugit tunniunneqarnerisaa AP-p akuerisarsimavai, taamaakkaluartorlu nuliama atorfeqartitaanera naapertorlugu ukiumi pingasuni taakkunani martsip qaammataani ilaqutariit tamarmik sulinnigiffeqarnermi akiliunneqarluni angalanissamut katersat naammatsittarsimallugit.

Illua tungaanut saatsikkaanni sulinnigiffeqarnermut assingusumik peqarpoq, tasalu kingumut sunniuteqartumik ”sulinnigiffeqarnermik”. Soraarnermut atatillugu marts 2001-mi angalanissama siuarinneqarnerisaa qinnuteqaatigisimannngilara. Tamanna atorfeqartitaasup piffissaq soraarfissani sioqqullugu Danmarkimut aallarnis-

sani kissaatigippagu nalinginnaasumik periaasiusimasussaassagaluarpoq.” (Atofeqarfimmi nutsigaavoq.)

A-p angajoqqaatut sapaatip akunnerani ataatsimi sulinngiffeqarsinnaatitaanerata itigartitsissutigineqarnissaanik Aqutsinermut Pisortaqarfiup aalajangiinera.

A-p uannut naammagittaalliummini tamanna imatut eqqaasimavaa:

”Taamani (februar 2000-imi) angajoqqaatut sulinngiffeqartussanngorama D-mi pissutsit imaapput pisortaagallartumik pisortaqarluta, Inatsisartut ataatsimiinnissaat piareersarfigalugu Sulisoqarnermut, Inatsisilerinermut Aqutsinermullu Immikkoortortaqarfimmi ulapittorujussuulluta. Fuldmægtiginin pingasuusunit marluk atorfinerlaajupput/ilinniakkaminnik naammassinnerlaajupput. Taamaattumik pisortaagallartoq aperaara angajoqqaatut sulinngiffeqarfissama aappata junimi aasaanerani sulinngiffeqarnissannut kinguartissagukku D-p soqutigineraa. Pisortaagallartoq tamatumunga akilluni oqarpoq pisortaqarfiup tamanna soqutigigaa. Tamanna sioqqullugu DJØF attaveqarfigisimavara, taannalu oqarpoq taamaaliornissaq ajornartorsiutitaqarnavianngitsoq. Angajoqqaatummi sulinngiffeqarnissanni sapaatip akunnerata aappaata kinguartinneqarnissaa uanga soqutigisarinnikkaluarpara, kisiannili takusinnaallugu piffissap taamaaliner sapaatit akunnerini marlunni peqannginnissara pisortaqarfimmut immikkoortortaqarfimmilu ajornartorsiutaassasoq, taamaattumillu sapaatit akunnerisa aappaata kinguartinissaa piareersimaffigaara, sulisitsisuma tamanna kissaatigippagu. Junimi julimilu sulinngiffeqarninnit uterninnut atatillugu suliffigisimasanik nalunaarsuutit naqqissorneqarnissaannut immersugassaq sulinngiffeqarsimanera pillugu immersorpara, matumani sapaatit akunnerisa arlaat sorleq angajoqqaatut sulinngiffeqarnerunersoq nalunaarlugu. Isumaqatigiissut ...-mut ilisimatitsissutigaa, naqqiissutitullu immersukkakka ...-p uppersarlugit atsiorpai.

Tamatuma kingorna D-p sapaatip akunnera ataaseq sulinngiffeqarfigisannit ilanngaatigaa, oqaatigalugu angajoqqaatut sulinngiffeqarfinni sapaatit akunnerisa aappaat inatsisunik unioqutitsinanga kinguartsivigisimasannut kinguartsinnaanngikkiga. Angajoqqaatut sulinngiffimmi sapaatit akunnerisa aappaata kinguartinneqarnissaa pillugu isumaqatigiissuteqarsinnaaneq tamatuma sulisitsisup kisimi soqutigisarinninneranut ilanngullugu ajornaquteqannginnersoq DJØF-imut misissortikkaku taamatuttaq Ombudsmandi matumuuna qinnuigissavara isumaqatigiissutigineqarsimasup il.il. imarisaat isummerfigeqqullugit.

Kingusinnerusukktu paasivara D ISP-mut tunaartarisassat pillugit apeqquteqaateqarsimasoq, tamatumunngali tunuliaqutaasoq pillugu nassuiaateqarnani. Pissusissamisoorsinnaanngilaq pisumi tassani uanga atorfeqartitaasutut sulisitsisuma soqutigisaa pillugu sulisitsisunnt isumaqatigiissutigineqartoq atuussinnaasoq naatsorsuutigisinnaanngikkukku.” (Atofeqarfimmi nutsigaavoq.)

Aqutsinermut Pisortaqarfiup aalajangiinerani 15. august 2001-imeersumi piffissaq sulinngiffiusoq assortuussutaasoq taanna pillugu imaattunik allassimasoqarpoq:

”Isumaginninnermut Suliffeqarnermullu Pisortaqarfiup erninnermut atatillugu sulinngiffeqartarneq pillugu peqqussummi aalajangersakkat qanoq paasineqarnissaanik nassuiaanerani D-p malinninneranut akerliliissutitit Aqutsinermut Pisortaqarfiup tusaatissatut tigusinnaanngilai.

Apequt taanna D-p Aqutsinermut Pisortaqarfimmi Sulisoqarnermik Aqutsisoqarfimmut oqaaseqaateqarfisassanngortillugu saqqummiussimavaa. Oqaaseqaattitta Isumaginninnermut Suliffeqarnermullu Pisortaqarfiup oqaaseqaataa assigilluinnarpaa, nalunngisattulli Sulisoqarnermut/Aqutsinermut Pisortaqarfimmi Sulisoqarnermut Aqutsisoqarfiup pisortaqarfiit allat tamatigut Isumaginninnermut Suliffeqarnermullu Pisortaqarfimmut peqqussutip taassuma qanoq paasineqarnissaanik nassuiaaneq pillugu oqartussaasumut innersuuttarpai.

Aamma D-mi allaffimmi pisortatut sulisoqarnermut tunngasunut akisussaasutut ataataasutut sulinngiffeqarnerup nuliavit erninermut atatillugu sulinngiffeqarnerani sapaatit akunnerisa 14-it siulliit iluanniittup kinguartinneqarnissaa D-mi taamani pisortaaqallartumut siunnersuutigittinnagu siunnersuutivit inatsisinik unioqqutitsi-suunnginnera misissorsimanninnakku eqqumiiginarpoq. Peqqussut Isumaginninnermut Suliffeqarnermullu Pisortaqarfiup suliassaqaafiata iluaniittoq eqqarsaatigalugu DJØF Aqutsinermut Pisortaqarfiup paasinninnera malillugu peqqussutip qanoq paasineqarnissaanik nassuiaasusinnaanngilaq.” (Atorfeqarfimmi nutsigaavoq.)

Aqutsinermut Pisortaqarfik Isumaginninnermut Suliffeqarnermullu Pisortaqarfimmut 9. december 2001-imi e-mailikkut imatut allappoq:

”Suliaateqarpugut anaanaasup sulinngiffeqarnerani sapaatit akunnerisa 14-it siulliit iluanni ataataasup sapaatit akunnerini marlunni sulinngiffeqarnissamik siusiun-nerusukkut atorfeqartitaasup pilersaaruteqarfisimasaaanik.

Sapaatip akunnera ataaseq sulinngiffeqarfigereerlugu taamanikkut pisortarigal-lakkaminut nammineq ornigussimavoq, oqarlunilu suliassani pissutigalugit sapaatip akunnerani kingullermi sulinngiffeqarnissani ingerlassinnaanagu isumaqarluni. Taa-maattumik sulinngiffeqarnissani kingusinnerusukkut ingerlakkusussimavaa.

Pisortaaqallartup kingusinnerusukkut uannut oqaatigaa malittarisassat ilisiman-gikkini, ”sulisorlu pineqartuunngitsoq alla taamatut saaffiginnissimasuuppat apeq-qut taanna pineqartumut saqqummiussimassagaluarpara, taamaattumillu taamaaliorn-nessaq ajornaquteqanngitsoq naatsorsuutigigakku akuerisimavara.”

Ilimagilluinnarpara pisortaaqallartup atorfeqartitaasoq pineqartoq piffissami tas-sani meerartaarnermut atatillugu sulinngiffeqarnerminik unitsitseqqullugu qinnuigi-simanaviannikkaluaraa naalakkersimanaviannikkaluaraluunniit.

Taava atorfeqartitaasoq nuliama sapaatit akunnerini arfinilinni ataatsimut sulin-ngiffeqarfisaa pineqartoq sulinerminut atatillugu angalavoq il.il. Uterami nalu-naarpoq ataataasutut sulinngiffeqarfissami sapaatit akunnerisa aappaat sulin-ngiffeqarfisimallugu, tamannalu pisortaqarfiup akuerimasimannigilaq.

Suliaq pisortaqarfiup ISP-mut saqqummiuppaa, tassanilu ... imatut akissuteqarsi-mavoq, apeqquteqaat ...-mut ingerlatinneqarsimasoq innersuusutitigalugu:

”Meeqqap erniunerata kingorna ataataasoq sapaatit akunnerisa 14-it siulliit ilu-anni sapaatit akunnerini marlunni sulinngiffeqarsinnaatitaavoq. Saaffiginnissummi pineqartumi oqaatigineqarpoq ataataasup siullermik sapaatip akunnera ataaseq sulinngiffeqarfisimaga, kiisalu sapaatitit akunnerisa 14-it siulliit kingorna sapaatip akunnera ataaseq sulinngiffeqarfigeqqissimallugu, peqqussullu tunngavigalugu taamaaliortoqarsinnaanngilaq.

Ilisimatitsissutitut oqaatigineqarsinnaavoq sapaatit akunnerisa 14-it taakku naa-nerisa kingorna angajoqqaat sapaatit akunnerini arfinilinni angajoqqaatut sulinngif-feqarsinnaasut, angajoqqaallu namminneq aalajangissallugu kina arlartik tassani su-linngiffeqassanersoq, taamaattorli ataatsikkoorlutik sulinngiffeqarsinnaanatik.”

Tamanna Aqutsinermut Pisortaqarfiup peqqussummik paasinninnerminik pisor-taqarfimmut saqqummiussineranut naapertuuttuavoq. AP aamma isumaqarpoq ator-

feqartitaasup meerartaarnermut atatillugu sulinngiffeqarnini nammineq kipitikkuniuk sulinngiffeqarnerup sinnera pineqartup taamaaliornermigut atorunnaarsikkaa, sulinngiffeqarfigeqqissinnaajunnaassallugulu, kisiannili ilissi tamatuma qanoq paasineqarnissaanik nassuiaatersi tusarumallugu qinnuigisimavassi.

Tamatuma kingorna pisortaqarfiup atorfeqartitaasooq taanna nalunaarfigaa sapaatip akunnera kingulleq pineqartoq sulinngiffeqarfigineqarsimasutut isigineqartoq.

Erninermut atatillugu peqqussummi § 2 DJØF-ip malugeqqullugu massakkut oqaatigaa, taannami DJØF-ip oqaatigimmagu ”illersuutaasooq”, tassami peqqusut illua’tungeriit isumaqatigiissuteqarnerisigut saneqqunneqarsinnaammat, taamaattorli aalajangersakkat atorfeqartitaasumut ajoqusiisumik saneqqunneqarsinnaanatik.

Taamaattumik DJØF-ip paasinninnera unaavoq pisortaataitaasup peqqussummi aalajangersakkat saneqqusinnaajuannarai, atorfeqartitaasorlu peqqussummi aalajangersakkat taamaaqqusinerannit pitsaanerusumik inissisimalersissinnaallugu.

1) ISP-p DJØF isumaqatigineraa paaserusuppara.

2) Taamaappat imaattussaassanngila aalajangersagaq pisortaataitaasup naalakkii-neratigut atorfeqartitaasumut iluaqutaasumik saneqqunneqassoq, imaanngitsoq atorfeqartitaasup nammineq suliniuteqarneratigut?

Peqqussummi § 2 sulinngiffeqartarneq pillugu inatsimmi paragrafiip taassuma assingaturanneq uanga paasivara, tassanimi inatsisip taamaaqqusineranik pitsaanerusumik inissiinissamut periarfissaqarmat, tamannalu assersuutigalugu SIK-p soaraarnermi sulinngiffeqarnerisutisiassat 12½ %-inut isumaqatigiissuteqarnermini atorsimavaa, inatsisitigut tunngavissaqartunut 12 %-iusunut taarsiullugu, tassa imaappoq taanna taamaallaat isumaqatigiissummi illua’tungeriinnit saneqqunneqarsinnaasooq, imaanngitsoq atorfeqartitaasut ataasiakaat sulisitsisullu isumaqatigiissuteqarnerisigut?” (Atorfeqarfimmi nutsigaavoq.)

Isumaginninnermut Suliffeqarnermullu Pisortaqarfiup Aqutsinermut Pisortaqarfik e-mailkkut 10. december 2001-imeersukkut imatut akivaa:

”1) Naagga – illit uagullu isumaqatigiippugut

2) Isumaqatigaara taamaattoqassappat ilaatigut tassaasariaqartoq ataatsimoortumik isumaqatigiissut, ilaatigullu tassaasariaqarluni sulisitsisup suliniuteqarneratigut pisussaq.

A pineqanngikkaluarnerpoq?

Atorfissaqartikkukku allakkanik pisortatigoorpalaarnerusunik nassissavakkit.” (Atorfeqarfimmi nutsigaavoq.)

Aqutsinermut Pisortaqarfik tusarniaanermut akissummini 9. december 2002-meersumi A-p sulinngiffeqarnissamik qinnuteqaataa pillugu imaattunik oqaaseqaateqarpoq:

”Suliami takuneqarsinnaasutut Aqutsinermut Pisortaqarfik isumaqarpoq Isumaginninnermut Suliffeqarnermullu Pisortaqarfimmit naartunermi erninermilu sulinngiffeqartarneq pillugu peqqussummik nassuiaasartuusumit uppersararneqartutulli naartunermi erninermilu sulinngiffeqarnissaq atorneqanngitsoortoq atortussaajunnaartartoq. Tassa imaappoq sulisup naartunermi erninermilu sulinngiffeqarnissaq tamakkerlugu suli atorsimanagu sulinini aallarteqqippagu naartunermi erninermilu sulinngiffeqarnissap sinnera kingusinnerusukkut pineqarsinnaajunnaartartoq. Tamanna anaanaasumut ataataasumullu atuuppoq. Tamatuma saniatigut peqqusut mallillugu taamaallaat periarfissaqarpoq angajoqqaat marluullutik sapaatit akunnerisa

14-it iluanni ataatsikkut sulinngiffeqarsinnaanerata, anaanaasoq ukioq 2000-mi erninerup kingornatigut pisinnaatitaalluni.

A taamaalilluni naartunermi erninermilu sulinngiffeqartarneq pillugu peqqussut tunngavigalugu nuliarni sapaatit akunnerini 14-ini naartunermi erninermilu sulinngiffeqarnerata nalaani sapaatit akunnerini marlunni naartunermi erninermilu sulinngiffeqarnissamini sapaatit akunnerat ataaseq kinguartissinnaanngilaa, nuliatalumi paasissutissiissutigereermagu naartunermi erninermilu sulinngiffeqarnissani sapaatit akunnerisa 14-it iluanni sulinngiffeqarnermi kingornaniittoq atorniarlugu kissaatigigini periarfissaqassanngilaq A-p tamatuma peqatigisaanik sapaatip akunnerani ataatsimi sulinngiffeqarnissaanut.

Aqutsinermut Pisortaqarfik Isumaginninnermut Suliffeqarnermullu Pisortaqarfimmit DJØF-imut allakkap 28. februar 2002-meersup assilinqarneranik tigusaqarpoq, tassani takuneqarsinnaalluni DJØF paasissutissanik pissarsiniarsimasooq naartunermi erninermilu sulinngiffeqartarneq pillugu peqqussummi aalajangersakkat sulineramik inuussutissarsiuteqartumut iluaqutaasumik saneqqunneqarsinnaanersut. Aqutsinermut Pisortaqarfiup akissut imatut atuarpaa inummut peqqussummi aalajangersakkat naapertorlugit ullormusianik akiliuteqarfigineqartussamut periarfissaqarnaviannitsoq naartunermi erninermilu sulinngiffeqarnissaq kinguartissallugu imaluunniit angajoqqaajusunut marluusunut ataatsikkut naartunermi erninermilu/angajoqqaatut sulinngiffeqassalluni tamannalu ullormusiaqaatigalugu taamaammallu periarfissaq taanna inunnut isumaqatigiissut malillugu naartunermi erninermilu/angajoqqaatut sulinngiffeqarnermi akissarsiaqaannartunut atorneqarsinnaassanngitsoq.”

DJØF-imut allakkat pineqartut 28. februar 2002-meersut imaattunik oqaasertaqarput:

”Naartunermi, erninermi meeravissiaartaarnermilu sulinngiffeqartarneq il.il. aamma ullormusiaqartarneq pillugu Inatsisartut peqqussutaata piareersarlugu suliarineqarnerani suliat.

E-mailit 27. februar 2002-meersooq innersuussutigalugu peqqussutip qulaani taaneqartup piareersarlugu suliarineqarnerani suliat matumuuna nassiuppakka.

§ 2 akissarsiaqarluni sulisartumut iluaqutaasussamik saneqqunneqarsinnaanersooq oqaaseqaatini imaluunniit Inatsisartut oqaluuserinninneranni isummerfigineqanngilaq, aalajangersagarlu qanoq isumaqartinneqarnerisooq aamma oqaatigineqarani.

§ 2 taamaallaat paragrafinut akissarsiaqarlutik sulisartunik immikkut pisinnaati-taaffiliisunut attuumassuteqarpoq, tassa imaappoo §§-inut 3-mit 8-mut.

§ 3-p akissarsiaqarluni sulisartumut iluaqusiisumik saneqqunneqarnissaanik oqalunnissaq isumassaqaanngilaq – taava pineqartoq erninermut atatillugu sulinngiffeqarnerani sulinerminut sanilliullugu sivisunerusumik sulisimasutut naatsorsuunneqassava?

§ 4 akissarsiaqartumut iluaqusiisumik aamma saneqqunneqarsinnaagunangilaq, tassami soraarsitsinermik inerteqquteqarluinnaarneq aamma taarsiissutissat ikinnerpaaffissaat tassani aalajangersarneqarmata.

Nalunaaruteqartussaaitaaneq pillugu §§-it 5-imit 8-mut eqqarsaatigalugit arnap akissarsiaqarluni sulisartup ernivissatut naatsorsuutigineqartoq qaammatinik arfinilinnik sioqqullugu nalunaartussaaitaaneq atuuutilernissaa isumaqatigiissutigissallugu peqqussummi § 2-mut assortuuttuusussaavoq. Tamatuma paarlattuanik qaammatinit pingasunit sivikinnerusumik piffissaqarluni kalerriisarnissaq pillugu isumaqatigiissuteqarneq peqqussummut immaqqa assortuuttuusussaannngilaq. Taamaattoqassappat tamanna akissarsiaqarluni sulisartumut iluaqusiisusussaaneq uanga



nalilersinnaangilara. Taamaattorli suliani aalajangersimasuni qaammatinit pingasunit sivikinnerusumik nalunaartoqartarsimavoq, assersuutigalugu arnaq naartunerminik sianigisaqarsimangippat (taamaattoqartarmammi).

Peqqussummi aalajangersakkat sinneri anaanaasut ataataasullu pisinnaatitaaffiit tunngasuupput, pisinnaatitaaffiillu taakku pineqartup akissarsiaqarluni sulisartunera, namminersortuunera atuartuuneraluunniit apeqqutaatillugu assigiinngissuteqassappata tamanna peqqussutit anguniagaanut erseqqissumik assortuuttuusussaavoq. Tassami akissarsiaqarluni sulisartut pisinnaatitaaffiit pineqanngimmata, kisiannili anaanatut ataatatulluunniit pisinnaatitaaffiit pineqarlutik.

Qulaani taaneqartut akissutitut naammangippata apeqqutit erseqqissaqqullugu qinnuigissavakkat.” (Atorfeqarfimmi nutsigaavoq.)

A-p suliami illua'tungiusutut tusarniaanermut akissummini 26. maj 2003-meersumi oqaatigaa:

”Erninermtu atatillugu sulinnigiffeqarnermi sap. akunnerata aappaata (eqqaamasakka malillugit sap. ak. 16-imut) kinguartinneqarnissaanik isumaqatigiissut pisortaqrifiup soqutigisai tunngavigalugit pivoq. Sap. akunnerisa aappaata junip qaamataanut kinguartinneqarnissaa pisortaqrifiup soqutigineraa apeqquteqaatigaara, tassami Inatsisartut ataatsimiinnerat, fuldmægtigit nutaat pisortanngortikkallar-neqartorlu pissutigalugit isumaqarama piffissap ulapaarfiunerpaasup nalaani peqannginnissara akisussaassuseqaanngitsuliornerusoq. Taanna sioqqullugu DJØF-imut paasiniaasimavunga, taassumalu oqaatigalugu ataatatut sulinnigiffeqarnissama sak. akunnerisa aappataa kinguartinneqarnissaa sulisitsisup uangalu isumaqatigiissutigigutsigu tamanna akornutissaqanngitsoq.

Pissutsit nalinginnaatillugit isumaqatigiissut taamaattoq ajornartorsiutissartaqar-tussaanngikkaluarpog, kisiannili isumaqatigiissuteqarnermi illua'tungiusog allamik taarserneqarpat tamanna ajornartorsiutissaqalersitsisinnaavoq. Innersuussutigii-narusuppara ... isumaqatigiissut taanna pillugu kingusinnerusukku ilisimatinneqar-simasimammat, sulinermilu piffissat suliffigisatut atorneqarsimasut aaqqiivigine-qartarneranni immersugassaq uppernarsarlugu atsiorsimagaa. Taamaattorli isuma-qatigiissut pisortaqrifiup soqutigisai pingaarnerutillugit isumaqatigiissutaasimasog pisortaqrifiup sulisitsisutut kinguartitsinissaq inatsisitigit tunngavissaqanngitsoq tunngavilersuutigalugu tunuartertissinnaappagu eqqarsarnartoqartoq isumaqarpunga.

Uanga aamma isumaqarpunga ISP qanoq ataqatigiinneqarneq ilisimasaqarfigi-nagu oqaaseqaateqarsimasog. Atorfeqartitaasog pisinnaatitaanngilaq ataatatut sulin-giffeqarfissami sak. akunnerisa aappaat kinguartissallugu, kisianni suliamut tunngasut/sulisitsisup soqutigisai kinguartitsinissamut tunngaviusinnaapput.” (Ator-feqarfimmi nutsigaavoq.)

Aqutsinermut Pisortaqrifiup aalajangiinermini 15. august 2001-imeersumi oqaasertaliinera:

Qulaani aamma issuakkattut Aqutsinermut Pisortaqrifik A-mut allakka-mini 15. august 2001-imeersuni ilaatigut oqarpoq:

”Aamma D-mi allaffimmi pisortartut sulisoqarnermut tunngasunut akisussaasutut ataataasutut sulinnigiffeqarnerup nuliavit erninermtu atatillugu sulinnigiffeqarnerani sapaatik akunnerisa 14-it siulliit iluanniittup kinguartinneqarnissaa D-mi taamani pisortaagallartumut siunnersuutigittinnaguli siunnersuutivit inatsisinik unioqutitsi-

suunninnera misissorsimanginnakku eqqumiiginarpoq. Peqqussut Isumaginninnermut Suliffeqarnermullu Pisortaqarfiup suliassaqaarfiata iluaniittoq eqqarsaatigalugu DJØF Aqutsinnermut Pisortaqarfiup paasinninnera malillugu peqqussutip qanoq paasineqarnissaanik nassuiaasuusinnaangilaq.” (Atorfeqarfimmi nutsigaavoq.)

Aqutsinnermut Pisortaqarfiup tusarniaanermut akissummini 9. december 2002-meersumi makku oqaatigai:

”Aqutsinnermut Pisortaqarfik isumaqarpoq Namminersorerullutik Oqartussani allaffiup pisortaanut pisortaqarfimmini sulisoqarnermut tunngasunut akisussaalluni allaffimmut pisortaanermi saniatigut aammattaq inatsisilerituujusumut pissusissamisuuginnassasoq Kalaallit Nunaanni inatsisit pillugit qanoq paasinninnissamik nassuiaanissamillu nalornissutit oqartussaasunut Namminersorerullutik Oqartussani sulisunik allaffissornikkut aqutsinnermi qullersaalluni oqartussaallutik inatsisinik ulluinnarni atuinerup qanoq paasineqarnissaanik nassuiaasartumut tassalu Aqutsinnermut Pisortaqarfiup Sulisunik Allaffissornikkut Aqutsisoqarfianut imaluunniit pisortaqarfimmut inatsisinik atoritsinnermut akisussaasumut tassalu Isumaginninnermut Suliffeqarnermullu Pisortaqarfimmut paasiniaassutigisimassagaluarai suliner-mullu atatillugu kattuffimmuunngitsaq Kalaallit Nunaanni inatsisinik pisortatigoortumik nassuiaasussatut isigineqarsinnaanngitsumuunngitsaq.

Inatsisartut Ombudsmandiata Aqutsinnermut Pisortaqarfiup allagaani 15. august 2001-imeersumi immikkoortumi pineqartumi oqaasertaliunneqarsimasut isornartorsiornissaat tunngavissaqartissappagu tamanna pisortaqarfiup tusaatissatut tigussavaa.”

A suliami illua'tungiusumut tusarniaanermut akissummini 26. maj 2003-meersumi tamanna pillugu imatut oqarpoq:

”Suliami matumani AP-p aalajangiinera uannut eqqumiiginartorujussuuvoq, tak. naammagittaalliutiga allakkallu uku.” (Atorfeqarfimmi nutsigaavoq.)

*Tamaku tunngavigalugit imaattunik oqaaseqaateqarpunga:*

”D-p aamma Aqutsinnermut Pisortaqarfiup suliamik sularinninnerat pillugu aallarnisaataasumik oqaaseqaatit.

*Suliamik misissuinnerma takutippaa pissutsit A-p uannut naammagittaalliutigisimasai ilaatigut D-mi ilaatigullu Aqutsinnermut Pisortaqarfimmi sularineqarsimasut.*

*Pingaarnerusut eqqarsaatigalugit isumaqarpunga suliap pisortaqarfinni marlunni taakkunani ingerlasimanera tamakkiisumik ataqatigiissaarneqarsimannngitsaq, tassami D-p pisuni arlalinni A (kattufillu taassuma ilaasortaaffigisaa DJØF) suliamik paasinninnerminik nalunaarfigisarsimammagu, D-p pisuni allani Aqutsinnermut Pisortaqarfik aalajangeeqqullugu qinnuigisarsimallugu.*

*Pisumi ataatsimi DJØF-ip D-mut allagai Aqutsinnermut Pisortaqarfiup akisimavai.*

*Pisuni arlalinni Namminersornerullutik Oqartussani oqartussaasup sorliup suliamik suliarinnittuunneranik imaluunniit oqartussaasup sorliup tusarniaavigineqarsimaneranik A immikkut nalunaarfigineqartarsimannngilaq.*

*Aqutsinermut Pisortaqarfiup imaluunniit D-p suliame allagaataannit er-sinnngilaq oqartussaasut taakku marluk suliap ilaani ataasiakkaani oqartussaasut taakku marluk arlaata sorliup isummertuusimaneranut oqaaseqaateqartuusimaneranulluunniit isumaliutersuutit suut aqutsisuusimanersut.*

*Aamma Inatsisartut aningaasanut inatsisaata (2001-imi suliap matuma suliarineqarnerani pisortaqarfiup peqataaneranut tunngaviusup) "akis-sarsialeriviullu akissarsianut sulisoqarnermullu tunngasunik oqartussaaf-figalugit suliassat" pisortaqarfimmit isumagineqarnerannik takutitsisup saniatigut Aqutsinermut Pisortaqarfiup pisortaqarfiullu allat akornanni suliassat agguataarneqarnerannik (tamanut saqqummiunneqarsimasumik) piusoqarnerseq ilisimasaqarfiginngilara.*

*Paasinninnera unaavoq innuttaasup suliame soqutigisani aallussinnaas-sappagit oqartussaasup sorliup suliamik suliarinnittuunera nalornissutigineqassanngitseq annertuumik pingaaruteqartoq.*

*Paasinninnera malillugu ingerlatsinermi pissuserissaarnermut ilaavoq oqartussaasup oqartussaasumut allamat tusarniaasimaneq, oqartussaasup oqartussaasooq alla akeqqusimagaa imaluunniit oqartussaasumit allamat akeqquneqarsimanani oqartussaasup innuttaasumut ilisimatitsissutigissagaa.*

*Ilisimavara Inatsisartut 2003-mi aningaasanut inatsisissaattut siunner-suummi konto pingaarneq 14.01.01, Aqutsinermut Pisortaqarfik, aningaa-saliissuteqarnermi tunngavigisanit naqitanngortinneqartunit ersertoq pi-sortaqarfik tassaasooq Namminersornerullutik Oqartussani "sulisoqarner-mik aqutsinermi allaffissornermi aqutsisuusooq".*

*Allaaserinninneq taanna Aqutsinermut Pisortaqarfiup suliame sulisoqar-nermut tunngasuni aalajangersimasuni Namminersornerullutik Oqartus-sani oqartussaasut allat eqqarsaatigalugit aqutsinermi immikkut piginnaa-tinneqarneratut eqqarsaatigineqarnerseq paasinninnera malillugu erseq-qinngilaq.*

*Taamaattumik Aqutsinermut Pisortaqarfik qinnuigaara apeqqut taanna pillugu nassuiaateqaqqullugu, pisariaqarpallu Aqutsinermut Pisortaqar-fiup pisortaqarfiullu sinnerisa akornanni suliassat agguataarneqarnerat pillugu tunaartarisassanik (amerlanerusunik) inatsisikkut nalunaarutikkul-luunniit aalajangersaasoqarnissaa suliniutigineqartariaqarnerseq isuma-liutersuutigeqqullugu.*

*Inassuteqaatigaarattaaq tamanna oqartussaasumit allamat isumagine-qarsimanngippat, suliap suliarineqarnerani pisortaqarfiup peqataanera-nik Aqutsinermut Pisortaqarfiup innuttaasut ilisimatittassagai.*

*”Piffissaq nikerartillugu sulisarnermi sinneruttut” sulinngiffeqarfigisinnaagini angajoqqaatullu sulinngiffeqarnissani kinguartissinnaagini pisortaminit neriorsorneqarsimanini A-p saqqummiussimagaa erseqqissassallugu aamma pissutissaqarpunga.*

*Atorfeqartitaasoq (akissarsiaqarluni) sulinngiffeqarsinnaasoq pisortaqarfimmi aqutsinermi qullersaatut pisortaaasoq neriorsuisimappat, neriorsuullu taanna pisariaqarneratut erseqqissuseqarpat pineqartoq tassaasusaaavoq ingerlatsinermi akuersaartumik aalajangiineq.*

*Neriorsuut kukkunikkut neriorsuutigineqarsimasoq Aqutsinermut Pisortaqarfik isumaqaruni tamanna ingerlatsinermi akuersaartumik aalajangiisoqarsimaneranut atatillugu naliliiffigisariaqarpar, A-p sulinngiffeqarluni angalanermi tapisiaqartinneqarnissaanik aalajangiinerminik Aqutsinermut Pisortaqarfiup utertitsineranut atatillugu apeqqut pillugu ataani oqaa-seqaatikka takukkit.*

*Tamatuma assinga akissarsianut tapit pillugit neriorsuutitut atuuppoq, assersuutigalugu qaangiuttoornerit akilerneqarnerat eqqarsaatigalugu.*

*Tamatumunnga atatillugu aamma eqqaasitsissutigaaara suliami 32-1-imi 2000 pillugu nalunaarutinni issuarneqartumi oqaatigigiga taamanikkut Sulisoqarnermut Pisortaqarfiusup Namminersornerullutillu Oqartussani oqartussaasut sinnerisa akornanni suliassat agguataarneqarnerisa Namminersornerullutik Oqartussani sulisoqarnermik qitiusumik aqutsivik atorfeqartitaasut eqqarsaatigalugit aalajangiisarnissaanut inatsisitigut immikkut tunngavissinngikkaat.*

*Taamaattumik pisortaqarfiit suliaasa aningaasanut inatsimmi allaaserineqartutut suliaqarineqarneranni tunngaviuvoq innuttaasut eqqarsaatigalugit Namminersornerullutik Oqartussat inatsisitigut pisariaqarneratut tunngavissaqassasut.*

*Aqutsinermut Pisortaqarfiup Namminersornerullutik Oqartussani ingerlatsinermi oqartussaasut allat eqqarsaatigalugit qulliunerusutut inis-simasimasinnaanerata, imaluunniit pisortaqarfiup taassuma immikkut allatigut piginnaatitaaffeqarsimasinnaanerata immiini Namminersornerullutik Oqartussani ingerlatsinermi oqartussaasut allat ingerlatsinermi akuersaartunik aalajangiinerisa utertinneqarnissaannut oqartussaasup al-lap aalajangiisimasup utertitsinissamut periarfissaanut annertunerusumik utertitsinissaanut immiini inatsisitigut tunngavissaqalersinngilaa.*

*A-p 2001-imi aprilimi sulinngiffeqarsimaneranik Namminersornerullutik Oqartussat aalajangiinerat.*

*Suliami paasissutissiissutigineqartut malillugit A Kalaallit Nunaannit 28. marts 2001-imi aallarsimavoq.*

*D taamani aalajangiisimavoq A pisortaqarfimmi tassani 2001-imi aprilip naanerani atorfeqartitaajunnaartoq, tak. pisortaqarfiup allagai qu-*

laani issuarneqartut 9. marts 2001-imeersut, 13. marts 2001-imeersut aamma 15. marts 2001-imeersut.

Aammattaaq A-p aprilimi piffissaq suliffiusimasoq pillugu naatsorsuutit qaangiuttoorfinnik sulinngiffeqarfiginninnermik ullunilu marlunni affarmilu sulinngiffeqarnermik imallit 27. marts 2001-imi tunniuppai. Piffissaq suliffiusimasoq pillugu naatsorsuutit paasivakka tassaasut qaangiuttoornernik sulinngiffeqarfiginninnissamut sulinngiffeqarnissamullu qanoq anertutigisumik pisinnaatitaanerminik A-p paasinninnerminik takutitsineri, pisortaqarfiup isumaqatiginngikkunigit qisuariarfigisariaqagai, A-p qinnuteqaataa pisortaqarfimmit tiguneqarsimasuuppat qisuariarnissap pisuseqataanik.

Suliap paasissutissiissutigineqarnera aallaavigalugu aamma tunngaviutittariaqarpara piffissaq suliffiusoq pillugu naatsorsuutit A-mut aatsaat 13. juli 2001-imi qisuariaatigineqartut.

Tamatumunnga peqatigitillugu tunngaviutittariaqarpara piffissami A-p Danmarkimut aallarnerata nalaani 2001-imi aprilip qaammataa qaangiuttoornernik sulinngiffeqarfiginninnermut, sulinermut sulinngiffeqarnermullu atorneqassasoq D-p naatsorsuutigisimagaa, piffissalli erseqqinnerusumik agguataarneqarnissaa aalajangerneqarsimanngitsoq, tak. pisortaqarfiup allagai 19. februar 2001-imeersut, 9. marts 2001-imeersut, 13. marts 2001-imeersut, 15. marts 2001-imeersut aamma 18. marst 2001-imeersut.

Tamaalilluni pineqartoq tassaavoq A-p Kalaallit Nunaannit 28. marts 2001-imi aallarnerata nalaani A-p 2001-imi aprilip qaammataani akissarsiaqarsinnaatitaanera imaluunniit sulinngiffeqarnerisutisiassaqaarsinnaatitaanera aalajangiivigineqarsimanngitsoq.

Tamatumunnga atatillugu aamma tunngaviutippara A-p piffissamik suliffiusimasumik naatsorsuutaasa itigartinneqarnissaannik 2001-imi aprilip qaammataata naanerani aalajangiisooqarsimanngitsoq.

A-p Namminersornerullutik Oqartussani atorfeqartitaanerani 2001-imi aprilip qaammataata sulinngiffeqarfiusimasutut isigineqarsinnaanerani apequt Aqutsinermut Pisortaqarfiup D-mut allakkiaani 27. maj 2001-imeersumi siullermeertumik eqqaaneqarpoq.

Aqutsinermut Pisortaqarfiup allakkiamini tassani oqaatigaa pissutsit atuuttut atuunneranni A-p isumaqatigissutaa qaangiuttoornernut ajunngit-sorsiaqartitsinissamut tunngavissaqartitsinngimmat 2001-imi aprilip qaammataa ulluni 24-ni (arfininngornerit sisamat ilanngullugit) sulinngiffeqarnertut isigineqassasoq.

Tamatuma kingorna maluginiarpara A 2001-imi aprilip qaammataani sulinngiffeqarsimasoq Aqutsinermut Pisortaqarfik D-p inassuteqaateqarnera malillugu 13. juli 2001-imi aalajangiisimasoq.

Aalajangiineq taanna pisortaqarfiup 15. august 2001-imi qalleqqissarpaa.

Pisortaqarfiup aalajangiinnermi 15. august 2001-imeersumi (tusarniaaninnullu akissummini) atorussaattippaa piffissami soraarfissamut pif-

*fissaritaasumi ingerlasumi sulinngiffeqartarnej nalinginnaasumik periaatsitut isigineqartoq.*

*Kiisalu oqaatigaara Aqutsinermut Pisortaqarfiup DJØF-imut akissummini 12. december 2001-imeersumi oqaatigisimagaa A-p 2001-imi aprilip qaammataani sulinngiffeqarsimaneranik aalajangiinnermini pisortaqarfiup tunngaviutikkaa A-p aprilip qaammataata ilaani sulinngiffeqarnissani nammineq pilersaarusiorsimagaa, piffissarlu taanna akuerineqanngitsoq 28. marts 2001-imi aallarsimasoq.*

*A-p allaffimmi pisortatut atorfinitsinneqarnerani allakkiamit issuarneqartoq malillugu A sulinngiffeqartarnej eqqarsaatigalugu Kalaallit Nunaanni Naalakkersuisut aamma Danmarks Jurist- og Økonomforbundip Kalaallit Nunaanni Namminersornerullutik Oqartussani kommuninilu inatsisilerituum aningaasaqarnermillu ilisimasalittut ilisimatusarfinni ilinniagaqarsimasut pillugit isumaqatigiissutaat 19. november 1997-imeersoq malillugu atorfinitsinneqarsimasoq.*

*Isumaqatigiissummi tassani sulinngiffeqarnej pillugu imaattunik allassimasoqarpoq:*

”§ 27

*Sulinngiffeqarnej sulinngiffeqarnerisutillu*

*Atorfeqartitaasoq sulinngiffeqarnerisuteqarnej sulinngiffeqarnerlu pillugit Inatsisartut inatsisaanni nr. 22-mi, 25. oktober 1990-imeersumi Inatsisartut inatsisaatigut nr. 12-ikkut, 30. oktober 1992-imeersukkut allannortinneqarsimasumi malit-tarisassat malillugit ukiumoortumik sulinngiffeqarsinnaatitaavoq, ...” (Atorfeqar-fimmi nutsigaavoq)*

*Inatsisartut inatsisaanni tassani, tulliuttuni sulinngiffeqartarnej pillugu inatsimmik taaneqartartussami ilaatigut imaattunik allassimasoqarpoq:*

”§ 8. Sulisoq sivikinnerpaamik ataannartumik ulluni 18-*ini* feriarinnaatitaavoq piffissami feriarfissap nalaani. Feriarfissaq tassaavoq 1. februarimiiit 30. septem-berimut. Sinneruttuni sivikinnerpaamik ataannartumik ulluni 9-*ni* feriarfissaq piu-masarineqarsinnaavoq piffissap feriarfissap avataani. Feriarfissat sinneruttut kit-tarneqarsinnaapput.

*Imm. 2. Ataatsimoortumik isumaqatigiissut<sup>4</sup> aqqu<sup>4</sup>tigalugu allamik isumaqatigiis-suteqartoqarsimangippat, imaluunniit inatsit isumaqatigiissulluunniit malillugu soraarnissamat soraarsitsinissamulluunniit piffissaritaasoq qaammatinit pin-gasunit sivisuneruppat, sulisitsisup sulisoq akuersiseqqaartinnagu, tak. imm. 1, sulinngiffeqarnissap ilaani ulluni tulleriiginnarni 18-*ini* sulinngiffeqarsinnaati-taaneq sulisitsisup nalunaarneraniit soraarnissap tungaanut inissinneqarsinnaan-gilaaq. Sulisitsisup soraarsitsiniarnermini sulinngiffeqarfissat sinneri sulisup piffis-*

---

4. DJØF-imut isumaqatigiissut malillugu allaffimmi atorfillit pillugit inat-sisip malittarisassartai malillugit soraarniuteqartoqarsinnaavoq, tamannalu tak. inatsimmi § 2, imm. 6, atorfeqartup tungaanit qaammammik ataatsimik sioqqutsilluni qaammatip naaneranut soraarnissamik ilimasaaruteqarner-mik nassataqarpoq.

sami soraarnissami tungaanut sulinnigiffeqarfimmisut atugassai tamatigut piumasarisinnaavai.”

§ 10. Sulisitsisup sapinngisamik piaarnerpaamik, aammalu feriarnissaq kingusinnerpaamik qaammatinik marlunnik sioqqullugu, sulinermik inuutissarsiuteqartoq nalunaarfigissavaa feriarnissami ataannartumik feriarnissartaa qaqugu pisaneraa. Feriassat sinneruttut atornissaat kingusinnerpaamik qaammat ataaseq sioqqullugu nalunaarutigineqassaaq.

Imm. 2. Immikkoortoq 1-imi taaneqartunik piffissaliinerit aatsaat saneqqunneqarsinnaapput, tamanna suliffeqarfiup ingerlanerata pisariaqavissumik pisariaqartippagu. Tamatuma assinganik sulisitsisup feriarnissamik pilersaarut aalajangeriigaq allannortissavaa.

§ 23. Isumaqatigiissut sunaluunniit, feriarnissamik atorunnaarsitsiffiusoq, atorsinnaanngilaq.”

*Inatsisissatut siunnersuutip Inatsisartunut saqqummiunneqarnerani siunnersuut ilaatigut oqaaseqaatinik makkuninnga ilaqartinneqarpoq:*

”Nalinginnaasumik oqaaseqaatit

Siunnersuummi tunngavigineqarput Danmarkimi, Savalimmiuni Islandimilu feriernermut inatsisit atuuttut, aammalu feriernermut inatsisiliornermut tunngasumik suleqatigiissitat Kalaallit Nunaanni feriernermut inatsisissamut missiliuutit marlusuit, kiisalu Danmarkimi feriernermut inatsisit atuuttut pillugit aalajangersakkanut isumaliutersuutinullu ataasiakkaanut tunngasut naliliiffigalugit.

Feriernermut inatsisiliornermi pissutsinut tunngatillugu, nunat ilaat qangaanit periuseqarput tamanna inatsisit aqqutigalugit iluarsaattarlugu, numanili allani tamatumani aamma Kalaallit Nunaanni feriertarnermut tunngasut sulinermik inuutissarsiuteqartut aammalu sulisitsisut isumaqatiginninniarinnaatitaasut akornanni isumaqatigiissutigut maannamut iluarsineqartarlutik. Taamaattoq feriersinnaatitaaneq pisinnaatitaaffittut pingaaruteqaqimmat inatsisitigut iluarsaanneqartariaqartinneqarpoq, peqataanik minnerpaamik pisinnaatitaaffiit isumannaariffigalugit.

### KAPITALI 3

#### PIFFIISAQ FERIERFISSAQ AAMMA FERARFISSAQ

Ukiup ferierfissap feriessanik katersiffiup ukiuata kinguliani qaammatisiutit ukiuat tulliuttoq malittaraa.

Piffissaq ferierfissaq tassaavoq 1. februar - 30. september, taanna aallaavigalugu feriernivissaq inissinneqartassalluni. Sulisitsisup feriernissaq allannortippagu, taava sulinermik inuutissarsiuteqartoq pisassaqartinneqassaaq feriet amerlissutaannik aammalu feriernersiutit amerlissutaannik. Sulinermik inuutissarsiuteqartup nammineerluni piffissap ferierfissap avataani feriessani inissippagu immikkut pissarsiassaqartinneqassanngilaq.

Erseqqissarneqassaaq feriernissaq piffissap ferierfissap avataani inissinni-arneqartillugu ilisimatissisuteqarnissamut aalajangersagaqarmat, sulinermik inuutissarsiuteqartup feriernissamut pilersaarusiornissaanut periarfissaqartisisumik.

Oqaatigineqassaaq, sulisitsisoq sulinermik inuutissarsiuteqartoq akuersiteqqaarnagu ataannartumik feriernissap ilaa, tassalu ullut 18-it, sulisitsisumit soraarsitsinermik nalunaaruteqarnerup piffissallu soraarfissap akornanni inissiisin-

naanngimmat. Akerlianik "ullut ferieessat ataasiakkaat" piffissami soraarnissap tungaamut inissinneqarsinnaapput.

Pinngitsoorani feriertarnissap inassutigineqannginneranut pissutaavoq suliffeqarfuit ikittuinnarnik sulisoqartut ajornartorsiulersinnaammata."

§ 8, imm. 2 inatsisip 1992-imi allanngortinneqarnerani allanngortinneqarpoq. Allannguummi tassani sulisitsisup suliniuteqarneratigut atorfeqartitsinermik unitsitsineq kisimi pineqarpoq.

Tamatuma kingorna paasinninnera unaavoq Kalaallit Nunaanni feriertarneq pillugu inatsimmi aalajangersakkat Danmarkimi feriertarneq pillugu inatsimmi aalajangersakkat assigisaat taanna (qallunaat inatsisaat) naapertorlugu paasineqartariaqartut.

Tamatuma kingorna feriertarneq pillugu inatsisip inatsisitut akissarsiaqarlutik sulisartut minnerpaaffiatigut pisinnaatitaaffiinik arlalinnik qulakkeerisutut inissisimanerata kinguneraa akissarsiaqarluni sulisartog taamatut qinnuteqanngikkaluartog inatsisip saneqqunneqarnissaa aatsaat aalajangerneqarsinnaasoq inatsimmi tunngavigineqartog eqqortinneqarpat.

Taamaattumik pineqartog tassaavoq soraarnissamut piffissaliussami sulinngiffeqarnerup annertunersaata (sivikinnerpaamik ullut 18-it) sulinngiffeqartarneq pillugu inatsimmi § 8, imm. 2 malillugu inissinneqarnissaani akissarsiaqarluni sulisartup akuersisimanissaa piumasaqaataasoq.

A eqqarsaatigalugu tamanna malinneqarsimannigilaq, tamannalu pisutigalugu Aqutsinermut Pisortaqarfik aalajangiinermisut 13. juli 2001-imeersutut A 2001-imi aprilip qaammataani tamarmi sulinngiffeqarsimnaraalluni aalajangiisinnaasimannigilaq.

Paasinninnerali malillugu tassani siumullu kalerriisarneq pillugu malit-tarisassani ilaannigilaq sulisitsisoq soraarnissamut piffissaliussap ilaani suliffiunngitsumi sulinngiffiup ilaanik inissiiinissamut mattunneqarsimasoq.

Taamaalilluni naatsorsuutigineqarpoq, tak. Ugeskrift for Retsvæsen 1979-imi qupperneq 1032-mi tulliuttunilu Imarsiornermi Niuernermilu Eqqartuussiviup eqqartuussutaa naqinneqarsimasoq, sulisoq soraarniuteqarsimappat, sulisullu sulinngiffeqarnissaata siumut kalerriunnissaa sulisitsisup angumerisinnaasimanngippagu atorfeqartitaasup soraarnissamut piffissarititaasumi sulisussaataajunnaarneranik sulisitsisup nalunaarutaa sulinngiffeqarnerup soraarnissamut piffissarititaasumi sapinngisamik ingerlanniarneqarnissaanik sulisitsisup nalunaarutaanut naligitillugu isigineqassasoq.

Taamaattorli eqqartuussutip taassuma nassatarisaanik inatsisitigut atuuttumi piumasaqaataavoq soraarnissamut piffissarititaasup suliffiunnginnera taamatullu sulinnginnerup qaangiuttoornernik sulinngiffeqarfigininnerunnginnera nalornissutigineqassanngitsog.

Aammattaaq pineqartog tassaavoq pisortani atorfeqartitaasut eqqarsaatigalugit soraarnissamut piffissarititaasup iluani sulinngiffeqartogar-



*simaneraniq aalajangiineq tassaasoq ingerlatsinermik inatsiseqartitsiner-  
mi malittarisassat malillugit aalajangiineq, sulinninnissamik aalajangi-  
ineq aamma sulinnigiffeqarnermik aalajangiineq eqqarsaatigalugit.*

*Tamatuma saniatigut akissarsiaqarluni sulisartup sulinninnissaanik  
akuersinerimi immiippoq sulisitsisup akissarsiaqarluni sulisartoq sulin-  
nginnermi atugassarititaasutut piumasaqaataasunik akuersinissaanut pi-  
sussaaffilissappagu sulisitsisup tamanna sioqqullugu sulinninneq akis-  
sarsiaqaataansoq akissarsiaqaataanningersorluunniit, sulinnigiffeqar-  
nerunersoq qaangiuttoornernilluunniit sulinnigiffeqarfiginninnerunersoq  
imaluunniit sulinninneq allanik atugassaqaartitsilluni akuerineqarner-  
soq akissarsiaqarluni sulisartumut nalunaarutigisimassagaa.*

*Pingaartumik pisortani atorfeqartitaasut eqqarsaatigalugit tamanna  
tassaavoq sulisoqarnermik inatsiseqartitsinerimi malittarisassat tunngavi-  
galugit aalajangiinerit pineqartumut inatsisitigut sunniuteqarsinnaassap-  
pata taakku atorfeqartitaasumut nalunaarutigineqartarnissaasa nassatari-  
saat.*

*Taamaattumik atorfeqartitaasoq sulinninnissamut akuerineqarsin-  
naannigilaq, atorfeqartitaasoq sulinninnerup sulinnigiffeqarnertut isigine-  
qarneranik akuersinissaanut tamatuma kingorna pisussaaffilerneqassap-  
pat.*

*A-p 2001-imi aprilip qaammataani sulinnigiffeqarsimaneraniq Aqutsi-  
nermut Pisortaqarfiup aalajangiinera 13. juli 2001-imeersoq tamatumun-  
ga peqatigitillugu 2001-imi aprilip qaammataata qaangiuttoornernut a-  
ningaasarsiaqarfiusussaanninneranik Aqutsinermut Pisortaqarfiup aala-  
jangiinerata kingunerisaatut pisimasoq taamaallaat takuneqarsinnaavoq.*

*A-p qaangiuttoornerit sulinnigiffeqarfiginissaannik qinnuteqaataata iti-  
gartinneqarneranik kingullermik aprilip qaammataani aalajangiinermik  
nalunaarfigineqarsimanagera Aqutsinermut Pisortaqarfiup aalajangiiner-  
mini isummerfigisimannigikkaa takuneqarsinnaavoq.*

*Aammattaaq isumaqarpunga sulisup sulinnigiffeqarsimaneraniq aalaja-  
ngiineq pissutsit feriartarneq pillugu inatsimmut tunngassuteqaannigisut  
kingunerisaattut pisinnaannigisoq. Taamatut aalajangiineq feriartarneq  
pillugu inatsit naapertorlugu pisariaqarpoq.*

*A-p 2001-imi aprilip qaammataani sulinnigiffeqarsimaneraniq pisor-  
taqarfiup aalajangiisimanagera isorisariaqartutut isigaara, tassami pisor-  
taqarfiup taamaattut aalajangiinermini aalajangiinerup taassuma sulin-  
ngiffeqartarneq pillugu inatsimmut naapertuuttuunera isummerfigisiman-  
ngimmagu, kiisalu A-p qaangiuttoornerminik aprilip qaammataani sulin-  
ngiffeqarfiginninnissaminik qinnuteqaataata 2001-imi aprilip qaamma-  
taata naanerani aalajangiivigineqarsimanninnera isiginiarsimannigim-  
magu.*

*Pisortaqarfik aalajangiisimanermisut inatsisinik unioqqutitsinani aala-  
jangiisinnaasimanninnera isiginiarlugu suliap tassunga tunngasortaa  
pisortaqarfiup suliareqqissagaa inassuteqaatigaara.*

*Aamma oqaatigaara periaaseq Aqutsinermut Pisortaqarfiup tusarniaanermut akissummini 9. december 2002-meersumi oqaatigisaa imatut paasigiga periaaseq taanna tassaasoq atorfeqartitaasup Kalaallit Nunaannit aallarnerata kingorna piffissami atorfeqartitaaffiusumi sulinnigiffeqarneq ingerlanneqassasoq aalajangerneqartartooq.*

*Qulaani oqaatigineqartutut periaaseq taamaattoq inatsisitigut unioqutitsisuunngitsutut aatsaat isigineqarsinnaavoq atorfeqartitaasup soraarnissamut piffissarititaasumi sulinnigiffeqaqqullugu peqquneqarnissaa sulinnigiffeqartarneq pillugu inatsimmut naapertuuttuunersoq erseqqissumik misissorneqarsimappat, taamatuttaarlu tamanna pillugu aalajangiineq atuussinnaassuseqassaguni atorfeqartitaasup sulinnigiffeqalinniginnerani tassunga nalunaarutigineqarsimasussaalluni.*

*Taamaattumik atorfeqartitaasup nuna qimareerlugu sulinnigiffeqarsimasutut isigineqarnera oqaatigissallugu naammanngilaq.*

*Taamaattumik Aqutsinermut Pisortaqarfiup periaatsini tamatumunnga naapertuuttunngorlugu naleqqussassagaa inassuteqaatigaara.*

*A-p sulinnigiffeqarluni angalanermi tapisiaasa 1. april 2000-imit 31. marts 2001-imit katersorsimasaasa tunniunneqannginnissaannik Namminersornerullutik Oqartussat aalajangiinerat.*

*Tunngaviutippara A-p sulinnigiffeqarluni angalanermi tapisiaqarsinnaatitaaneranut inatsisitigut tunngaviusoq tassaasoq DJØF-ip isumaqatigiissutaa taamani atuuttoq, 9. september 1999-imeersoq isumaqatigiissummit nutaamit taarserneqartooq, taamaattorli sulinnigiffeqarluni angalanermi tapisiat katersorneqartarnerat tunniunneqartarnerallu pillugit malittarisassat imarisaannik allanngortitsinngitsoq tunngavigalugu A-p sulinnigiffeqarluni angalanermi tapisiaqarsinnaatitaaneramik Sulisoqarnermut Pisortaqarfiup aalajangiinera 10. marts 1997-imeersoq.*

*DJØF-ip isumaqatigiissutaa 9. september 1999-imeersumi aalajangersagaq pineqartooq imaappooq:*

*”§ 14. Sulinnigiffeqarluni angalanermi tapisiat.*

*Inatsisilerituut aningaasaqarnermillu ilisimasallit ilisimatusarfimmi soraarummeersimasut isumaqatigiissut manna tunngavigalugu atorfinitsinneqartut eqqarsaatigalugit sulinnigiffeqarluni angalanermi tapisiat pillugit malittarisassat ataani taaneqartut atorneqassapput.*

*Imm. 2. Atorfeqartitaasooq § 36 imaluunniit § 37, katissimallugu aapparisani imaluunniit tassunga naligitinneqartumik aapparisani aqqutigalugu sulinnigiffeqarluni angalanermi tapisiaqarsinnaatitaanngippat qimmuteqartorneqarneratigut sulinnigiffeqarluni angalanermi ukiumut tapisiat 11.108,00 kr.-nit tunniunneqassapput. Taamaattorli sulinnigiffeqarluni angalanermi tapisiat piffissami katersiviusumi 1. april 1999-imit 31. marts 2000-imit katersat 2000-imi aprilip qaammataani tunniunneqartussat aallarnerfigalugut 14.500 kr.-nut qaffanneqassapput.*

*Imm. 3. Sulinnigiffeqarluni angalanermi tapisiat katersorneqarnerat qaammammoortumik pisarpoq, ullorlu atorfinitsiviusoq aallarnerfigalugu naleqqussarne-*

qassallutik. Piffissaq katersiviusup 1. aprilimit 31. martsimut ingerlasarpoq. Sulinngiffeqarluni angalanermi tapisiat aprilip qaammataani akissarsianut ilanngullugit tunniunneqassapput.” (Atorfeqarfimmi nutsigaavoq.)

Aamma tunngaviutippara aalajangiinermi 10. marts 1997-imeersumi Sulisoqarnermut Pisortaqarfiup kaajallaasitaa nr. 5/92 sulinngiffeqarluni angalanermi tapisiaqartitsinermut piumasaqaatitut aalajangersarneqartoq.

Tamanna erseqqissarlugu oqaatigaara, tassami kaajallaasitaq tamanut saqqummiunneqarsimangitsoq immi innuttaasoq eqqarsaatigalugu aalajangiinermut tunngaviusinnaanngimmat.

Kaajallaasitami immikkoortoq una maluginiarpara:

”Sulinngiffeqarluni angalanermi tapisiat sulisunut 31. marts 1991-ip kingorna atorfinitsinneqarsimasunut kiisalu sulisunut najugaqavissutut atugassaqartitaallutik 1. april 1991-imi atorfinitsinneqarsimasunut tunniunneqassapput. Taamaattorli sulinngiffeqarluni angalanermi tapisiat sulisunut katissimallugu apparisami/inooqatimi atorfeqartitaanera aqutitigalugu piffissap katersiviusup kingorna qaammatit tulliuuttut 12-it iluanni akiliunneqarluni sulinngiffeqarsinnaatitaalersumut tunniunneqassanngillat.” (Atorfeqarfimmi nutsigaavoq.)

Paasissutissiissutigineqarsimavoq Aqutsinermut Pisortaqarfiup A-mut assilineranik ilisimatitsissuteqarluni akissarsialerivik 1. marts 2001-imi qinnuigisimagaa piffissami 1. april 2000-imit 31. marts 2001-imut tapisiat 14.500 kr.-t tunniuteqqullugit.

Aammattaq paasissutissiissutigineqarsimavoq aalajangiineq taanna 19. april 2001-imi atorunnaarsinneqarsimasorinartoq.

Tapisiat tunniunneqarnissaat A-p piffissami tulliuuttumi arlaleriarluni nukingisaarutigisarsimavaa.

Tamatuma kingorna sulinngiffeqarluni angalanermi tapisiaqartitsinisap itigartitsissutigineqarnissaa Aqutsinermut Pisortaqarfimmit 15. august 2001-imi aalajangerneqarsimavoq.

Aalajangiinerup kingulliup taassuma pisortaqarfiup tusarniaaninmut akissuteqarnerata kingorna tunngaviutippara pisortaqarfik isumaqartoq A sulinngiffeqarluni angalanermi tapisiaqarsinnaatitaanngitsoq, tassami marts 2001-imi soraarnermut atatillugu akiliunneqarluni angalasinnaatitaanini nuliama pisinnaatitaaffii aqutitigalugit atorsimagamiuk. Pisortaqarfiup taamaaliornermini DJØF-ip isumaqatigiissutaani § 13 inner-suussutigisimavaa, tassanilu imm. 2-mi ilaatigut imaattunik allassimasoqarpoq:

”Imatut pisoqarnerani najukkamit suliffigisamit akiliunneqarluni angalasoqarsinnaavoq:

a) Soraarnermi, atorfinitsitaanermit sivikinnerpaamik ukiut pingasut ingerla-reersappata, kiisalu qaammatisiutit ukiuanni pineqartumi akiliunneqarluni angalasoqarsimangippat imaluunniit sulinngiffeqarluni angalanermi tapisiaqartitsisoqarsimangippat.” (Atorfeqarfimmi nutsigaavoq.)

*Tamatuma kingorna suliap uannut paasissutissartalersorneqarnera mallillugu ajornartorsiutit arlallit qulaajarneqartussaapput, pisortaqarfiup aalajangiinerata 15. august 2001-imeersup pissutissaqarnerata aalajangiivigineqarsinnaalinnginnerani.*

*Siullertut pineqartoq tassaavoq pisortaqarfiup allakkiaata 1. marts 2001-imeersup A-mut allaqqitanngorlugu nassiunneqarsimasup sulinngiffeqarluni angalanermi tapisiaqartinneqarnissamik qinnuteqaataata akuersaarneqarneratut ingerlatsinermi akuersaartumik aalajangiinertut isigisariaqarnera.*

*Ingerlatsinermi akuersaartumik aalajangiinerup utertinneqarsinnaanerani isummerfiginninnermi pissutsit ataatsimut tunngasut arlallit pingaartillugit isiginiarneqartariaqarput, siullertut utertitsinermut pissutaa-soq, aappaattut taassuma suliame illua tungiusumut sunniutaa pingajuatullu aalajangeeqqaarnerup qanoq imaqarnera.*

*Utertitsinermut pissutaa-sumut atatillugu isumaqarpunga una erseqqis-sassallugu tunngavissaqarlunga, tassalu pisortat karsiisa mianerineqar-nissaat aamma suliassaqaarfiup aqunneqarnerani naligiinnerup kingune-qartitsisarnerullu mianerineqarnissaat imminni utertitsinermut naamat-tumik oqimaassuseqarlutik tunngaviusutut nalinnnginnaasumik isigineqar-neq qjortut.*

*Utertitsinerup suliame illua tungiusumut kingunerisaanut atatillugu na-linginnaasumik pingaaruteqartinneqarsinnaavoq utertitsinermut pissutaa-soq aalajangeeqqaarneq sioqqullugu kingoqqulluguluunniit pisimanersoq.*

*Aalajangeeqqaarnerup qanoq imaqarnerani apeqqummut atatillugu oqaatigaara naliliinikut aalajangiinerit utertinnissaannut periarfissaq ma-littarisassat tunngavigalugit aalajangiinerit utertinnissaannut periarfissa-mit nalinginnaasumik annertunerusartoq.*

*Aappaattut pineqartoq tassaavoq aalajangerneqartariaqartoq ilaatigut A-p 28. marts 2001-imi angalanera (sulinngiffeqarnermi akiliunneqarluni angalanera imaluunniit soraarnermut atatillugu angalanera) A-p DJØF-ip isumaqatigiisutaani § 14 malillugu pisinnaatitaaffiinum sunniuteqarner-soq, taamaattoqarpallu ilaatigut angalaneq pineqartoq taanna sulinngiffe-qarnermi akiliunneqarluni angalanerunersoq imaluunniit soraarnermut atatillugu angalanerunersoq.*

*Kiisalu pingajuatut pineqartoq tassaavoq Sulisoqarnermut Pisortaqar-fiup kaajallaasitaa qulaani issuarneqartoq, A-llu sulinngiffeqarluni anga-lanermi tapisiaqartinneqarnissaanik aalajangiinerup ilaatut ersertoq aa-lajangersaammatt sulinngiffeqarluni angalanermi tapisiat atorfeqartitaa-soq piffissap katersiviusup kingorna qaammatini tulliuttuni 12-imi sulin-ngiffeqarnermi akiliunneqarluni angalasinnaatitaalerpatt tunniunneqarsin-naannngitsut tamanna qanoq sunniuteqarner-soq qulaajarneqartariaqartoq.*

*Matumani oqaatigaara A-p akiliunneqarluni angalasinnaatitaaneq pif-fissap katersiviusup suli naannginnerani atorsimagaa.*

*DJØF-ip isumaqatigiissutaata qanoq paasineqarnissaanik ajornartorsiut eqqarsaatigalugu oqaatigaara isumaqatigiissutip qanoq paasineqarnissaanik taamatut nassuiaanissamut pisinnaatitaanngitsunga, tassami isumaqatigiissummi illua tungiusut aappaannaat (Naalakkersuisut) eqqarsaatigalugit pisinnaatitaagama.*

*Akiliunneqarluni angalanerup qaammatisiutit ukiuat imaluunniit ukioq katersiviusoq eqqarsaatigalugu qaqugu pinissaanik aalajangersaanissamik ajornartorsiut pillugu oqaatigaara tamanna DJØF-ip isumaqatigiissutaata saneqqunneqarnissaanik Sulisoqarnermut Pisortaqarfik kaajallaasitakkut 5/92-ikkut siunertaqarsimanersoq imaluunniit tamanna Aqutsinermut Pisortaqarfiup isumaqatigiissummik qanoq paasinninneranik tunngaveqarnersoq apeqqutaasariaqartoq, tassami kaajallaasitaq isumaqatigiissullu imminnut naapertuuttuunersut erseqqarlummat.*

*Taamaalilluni isumaqatigiissummi § 14, imm. 2-mi oqaatigineqartoq "ukioq pineqartoq" tassaannersoq kaajallaasitam oqaatigineqartoq "piffissami katersiviusumi qaammatit 12-it tulliuuttu iluat" erseqqarluppoq.*

*Tamatuminnga erseqqinnerusumik naliliineq oqaatigineqartutut qanoq paasinninnissamik nassuiaanermik uanga suliarisinnaanngisannik tunngaveqarpoq.*

*Taamaattorli isumaqarpunga erseqqissumik oqaatigisinnaallugu Aqutsinermut Pisortaqarfiup aalajangiinermi 15. august 2001-imeersumi ingerlatsinermi akuersaartumik aalajangiinermik pisortaqarfiup utertitsinera aallaavigisimangikkaa, tamannalu ajuusaarnartutut isigaara.*

*Tamanna tunngavigalugu inassuteqaatigaara suliaq Aqutsinermut Pisortaqarfiup suliareqqissagaa, A-lu eqqarsaatigalugu nutaamik aalajangiilluni, tassanilu aalajangiineq 1. marts 2001-imeersoq utertinneqarsinnaannersoq isummerfigalugu, kiisalu kaajallaasitap isumaqatigiissummi § 14, imm. 2-mut sanilliullugu qanoq paasineqarnissaa pisariaqarneratut annertutigisumik isummerfigalugu.*

*A-p angajoqqaatut sapaatip akunnerani ataatsimi sulinnigiffeqarsinnaatitaanerata kinguartinneqarnissaata itigartinneqarnissaanik Aqutsinermut Pisortaqarfiup aalajangiinera.*

*Paasissutissiissutigineqartut malillugit, pingaartumik A-p pissutsit pillugit saqqummiussaasa Aqutsinermut Pisortaqarfiup Isumagininnermut Suliffeqarnermullu Pisortaqarfimmu allagaani 9. december 2001-imeersuni pisut ingerlanerannik allaaserinninnermut naapertuunera eqqarsaatigalugu, tunngaviutissinnaavara D-p pisortaata A neriorsorsimagaa sapaatip akunnerani ataatsimi ataataasutut sulinnigiffeqarnissani piffissamut kingusinnerusumut (2001-imit 3. julimit 7. julimut) kinguartissinnaagaa.*

*Neriorsuut ingerlatsinermi akuersaartumik aalajangiinertut paasineqarnissaminut naammattumik erseqqarissuseqarpoq, tak. aallaqqaasiutitut oqaaseqaatikka.*

*Aamma oqaatigineqarpoq aalajangiineq taanna D-p 26. marts 2001-imi utertissimagaa, tamatumunngalu peqatigitillugu aalajangiisimalluni sapaatip akunnera pineqartoq taanna sulinnigiffeqarfiussasoq.*

*Aqutsinermut Pisortaqarfiup allakkamini 15. august 2001-imeersuni aalajangiineq taanna qalleqqissarpaa, taamaattorli A sapaatip akunnerani tassani sulinnigiffeqaqquneqarsinnaanersoq pisortaqarfiup erseqqivissumik isummerfiginagu. Tamannali Aqutsinermut Pisortaqarfiup paasininnerisimagaa naatsorsuutigineqartariaqarpoq, tak. pisortaqarfiup DJØF-imut allagai 12. december 2001-imeersut.*

*Sulinnigiffeqarluni angalanermi tapisiaqartitsinermik apeqqut pillugu oqaaseqaatinni nassuiaanittut ingerlatsinermi akuersaartumik aalajangiinermik ingerlatsivik utertitsisinnaassappat immikkut ittunik piumasqaateqartoqartariaqarpoq.*

*Aqutsinermut Pisortaqarfiup aalajangiinermini 15. august 2001-imeersumi piumasqaatit taakku eqqortinneqarsimanersut isummerfigisimanngimmagu ajuusaarnartutut isigaara.*

*Aammattaaq feriartarneq pillugu inatsimmi malittarisassat isummerfiginagit sapaatip akunnerani pineqartumi sulinnigiffeqarnerup sulinnigiffeqarnertut isigineqarnissaanik D-p isummerneranut pisortaqarfiup ilaliisimanera ajuusaarnartutut isigaara.*

*Tamatumunnga peqatigitillugu inassuteqaatigaara Aqutsinermut Pisortaqarfiup aalajangiineq 15. august 2001-imeersoq qulaani oqaatigineqartut isiginiarlugit suliareqqissagaa, aalajangiinerlu atuutiinnartussanngor-tinneqanngippat D qinnuigissagaa nutaamik aalajangeeqqullugu.*

*Aqutsinermut Pisortaqarfiup aalajangiinerminik 15. august 2001-imeersumik oqaasertalersuina.*

*Immikkoortoq issuarneqartoq Aqutsinermut Pisortaqarfiup aalajangiinermini A-p atorfimmil ilinniagaqarnermilu nassatarisaanik sulisut ajungitsorsiasaannik inatsisitigut tunngavissaqanngitsunik qinnuteqannginnissaminut immikkut akisussaaffeqarneranik ilanngussisimaneratut isigineqartariaqarpoq.*

*Qitiusumik allaffeqarfissuarmi pisortaasut eqqarsaatigalugit taaneqartutut imaqartunik pisortani atorfimmuut atatillugu ileqqorissaarnissamik piumasqaatip immikkut ittup atuuttariaqarneranik Aqutsinermut Pisortaqarfiup paasininnera ilalersinnaavara, pisortaqarfiullu suliamik naliliinermini tamatumunnga ilanngussisimanerata oqaaseqaateqarnissannut pissutissaqalersissinnaanngilaanga.*

*Tamatumunnga peqatigitillugu pineqartoq tassaavoq oqaasertaliussat "Aammalu eqqumiiginarpoq, illit..." A-p pissusilersornera pillugu tassunga inuttut avoqqaarinninnertut ersertut.*

*Aqutsinermut Pisortaqarfik isumaqaruni A pineqartumik qinnuteqaateqarnermigut sulinerminut atatillugu pisussaaffimminik sumiginnaasima-*

*soq, taava pisortaqarfik naalasseriitsorliornernik malersuineq pillugu malittarisassat atuuttut malillugit iliuuseqartariaqarpoq.*

*Atorfeqartitaasut pissusilersornerisa kinaassusersiortumik naliliineq aallaavigalugu avoqqaarinissaat Pisortaqarfiup suliassaasa avataanniippoq, innuttaasunullu allakkat kinaassusersiortumik avoqqaarinnittumillu oqaasertalersorneqartarnerat ingerlatsinermi ileqqorissaarnermik tunngaveqarnermut assortortuuvoq.*

*Taamaattumik pisortaqarfiup allagaani immikkoortup issuarneqartup ilaanera pitsaanngitsutut isigaara.”*

Aqutsinermut Pisortaqarfiup akissutaanik ukiup nalunaarusiuunneqartup naanerani tigusaqarsimanngilanga.

## **2. Tjenestemandip atorfimmini appariartinneqarneranut nuutsitaaneranullu atatillugu suliap amigaatilimmik paasissutis-sartalersorneqarsimanera.**

*A-p naammagittaalliuutigaa Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup atorfimmini appariartillunilu nuutsissimagaani.*

*Ombudsmandip pisortaqarfik isornartorsiorpaa pissutsit aalajangernermut tunngaviusut atorfimmi unioqqutitsinertut, atorfimmi naalasseriitsuliornerup misissuiffigineqalersimasussaagaluarneranik sunniutilittut, oqaatigineqarsinnaanersut isummerfigeqqaarnagu atorfimmi allannguinernik pineqartunik naammassinnissimasutut.*

*Pisortaqarfiup aalajangernera siunnersortip nalunaarusiaanik tunngaveqarsimavoq, Ombudsmandillu aamma pisortaqarfik nalunaarusiami, A pillugu aalajangiinermut tunngaviutinneqartumi, nalilersuinernut tunngaviusumut uppersaatissanik pisariaqartunik (atorfeqartitat siunnersortip oqaloqatigisarsimsaasa aqqinik) qulakkeerinnissimanngitsutut aammattaaq isornartorsiorpaa. (J.nr: 11.04.21.01/047-02)*

Aqutsinermut Pisortaqarfiup allagaasigut 14. september 2000-imeersutigut A<sup>5</sup> pisortatut atorfimmi Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup ataniittumi tjenestemanditut ataavartumik atorfinitsinneqarpoq.

Pisortaqarfik A-p suliffianut, A-mut ingerlatitanik, 21. september 2001-imi allagaqarpoq:

”Pineqartoq: Siunnersortimik ikiorteqarneq

5. Oqaaseqaammi suliamik saqqummiussinerup ilai inissaqartitsiniarneq pissutigalugu tulliuuttuni ilanngutinngitsoorneqarput.

Naluneqanngitsutut pisorta qarfik, ilaatigut A oqaloqatigereerlugu, siunnersortimik avataaneersumik piffissami aalajangersimasumi ...-mi inissiisoqassasoq aalajangersimavoq.

Massakkut nalunaarutigineqassaaq pisorta qarfiup siusinnerusukkut pisortamut tullersortaasimasoq/immikkoortorta qarfimmi pisortaasimasoq ... isumaqatigiissute qarfigisimagaa qaammagini pingasuni affarmilu, 1. oktober 2001-imit 15. januar 2002-mut, ...-mi sulinissaa pillugu.

Pisorta qarfiup oqaatigisariaqarpaa ...-p aningaasaqarnermik aqutsinerani pissut-sit arlallit naammaginangitsuusut.

Pingaartumik oqaatigineqartariaqarpoq ...-p aningaasaqarnikkut aqutsinera naammaginangitsumik ingerlasoq, naak ajornartorsiutit aaqinniarlugit pisorta qarfiup tungaanit qasseeriarluni misiliisoqartarsimagaluartoq.

Aamma oqaatigineqartariaqarpoq ...-mi pisorta qatigiit akornanni suleqatigiinneq naammaginangitsumik ingerlasoq, tamatumunngalu atatillugu A-p [A-llu suleqatai appasinnerusumiittut] akornanni pininnaatitaanermik akisussaaffimmillu agguataar-ineq nalornissutigineqartutut ittoq paasinarluni.

Taamaattumik siunnersortimik inissiinerup siunertarisariaqarpaa ajornartorsiuti-nut pissutaasut qulaajarneqarnissaat, pisariaqarfiisigut nukittorsaanissaq, ...-p aaq-qissuussaanerata aamma pisortat suliassaasa aningaasaqarnermillu aqutsinerup nu-kittorsarneqarnissaat, ...-p sulinerani anguniakkanik erseqqissunik pilersitsinissaq kiisalu ...-p ...-llu suliffeqarfittut sulisut suliffigissallugit kajungerisaattut aallartin-neqarnissaat siunertaralugit.

Siunnersortip suliassaasa allaaserineqarnerat ilanngullugu nassinneqarpoq.

A qinnuigineqarpoq [A-p suleqatai appasinnerusumiittut] allakkat uku assiline-rikin tunillugit ilisimateqqullugit." (Atorfeqarfimmi nutsigaavoq.)

...

Pisorta qarfiup A e-mailikkut 31. januar 2002-meersukkut nalunaarfigaa siunnersortip nalunaarusiaa massakkut naammassisimasoq, pisorta qarfiul-lu A tamatumunnga atatillugu ataatsimeeqatigiumagaa.

Nalunaarusiami immikkoortoq aqutsisoqarfiup pisorta qatigiivinut nalu-naarusiallu uppersaasarsorneqarnerani tunngaviusumut attuumassute-qartoq una tulluittuni issuarsimavara:

”1. Siulequt.

1. Nalunaarusiaq manna siunnersortip misissuineranik misissueqqissaanermik paasisanillu imaqarpoq, misissuinerlu taanna ... -mi pisariitsumik ingerlatsinerup, isumatusaartumik suleqatigiinnerup kiisalu aningaasaqarnikkut toqqissisimanartu-mik aqutsinerup ukiuni kingullerni ineriartortinneqarnissaat siunertaralugu aallartin-neqarsimalluni, taaneqartummi ukiuni kingullerni isiginiarneqalersimmammata.

...

2. Eqikkaaneq.

...

8. Nalunaarusiap takutippaa ...-mi tunngaviusumik ajornartorsiutit aqutsinermi pininnaasaqannginnermut kiisalu aqutsinermut aningaasaqarnermillu paasisimasa-qannginnermut tutsinneqarsinnaasut.

Ajornartorsiutinik immikkoortunit akisussaasunut ingerlaavartumik aaqqiiniasi-magaluarnerit inerititaqarfiusimangitsut.

9. Nalunaarusiap takutippaa peqqussutit, ilitsersuutit immersugassallu pitsaasu-mik aqutsinermi pisariaqartinneqartut suliarineqarsimangitsut. Aammattaq paasi-neqarpoq ...-p aqutsinermut allaffia iluamik aaqqissuussiviusimangitsaq. Tamak-



ku suliffeqarfiup nammineerluni suliarisinnaasimanngisai siunnersortip ineriartortit-tariaqarsimavai.

\* Paasineqarpoq naatsorsuuserinermi, oqimaaqatigiissitsinermi kiisalu pilersui-suusut akiligassiissutaannik akuerisaasunik akilersuineq taakkuninnga suliaqarneq pillugu iltersuummut sanilliullugit pitsaasumik ingerlanneqarsimanningsut.

\* Nalunaarusiamit erserpoq pisortaqtigiit ...-p atugassiissutigineqartunik atuine-ranur toqqannartumik akisussaaqataasussanngortinneqarsimanningsut. Aammataaq missingersuutit aqunneqarsimannigillat, taamalu atuinermit takussutissiat paasiumi-nartut suliarineqarsinnaasimagaluartik. ... atugassiissutigineqartunik atuinermit a-kisussaaqataanermik misigisimannigillat, tamarmilli immikkut namminneq suliffigi-saminnut aningaasanik sapinngisamik amerlanerpaanik pissarsinissartik eqqarsaati-gisimallugu.

\* Aammattaaq tunaartarisassat pisortaqtarfiup 12. juni 2000-imi aalajangersarsi-masai immikkoortortaqtarfinit malinneqarsimanningsut paasineqarpoq, tunaartari-sassanillu taakkunanga erserpoq immikkoortortaqtarfiit ininut attartukkanut inisi-ssiappata tamanna KIIP-imut/...-mut qinnuteqaatigineqassasoq. Taamaaliorto-qartussaavoq missingersuutit uppersassuseqartut suliarineqarnissaat siunertaralugu. ... pisortaqtarfimmit peqquneqarpoq akiligassiissutit taamaattut akuerineqarsiman-ngippatta siunissami akilerneqartassanningsut. Tamannattaaq malinneqarsimanni-gilaq.

\* Missingersuutit malinnaaffigineqarnissaannut missingersuutinut naammattu-mik malinnaaffiusinnaasumik suliarinnittoqarsimanningsut aamma paasineqarpoq, matumani ... ataasiakkaat aamma ilanngullugit eqqarsaatigalugit. Periaaseq taa-maattoq ...-p nammineq suliarisinnaasimanngisaa siunnersortip massakkut ineriartortissimavaa.

\* Aammattaaq ...-p inatsiseqartitsinikkut tunngavigisaa kiisalu ...-p, inissiinar-tartoqtigiit KIIP-illu akornanni suleqatigiinneq sukumiisumik naliliiffigineqarsi-mapput.

...

3. Aallaqqaasiut

3.1. Aallaqqaasiut

...

12. ...-mi ingerlatsinermik, suleqatigiinnermik kiisalu aningaasaqarnikkut aqut-sinermik misissuisoqarnissaanik pisortaqtarfiup qinnuteqartoqarnera kukkunersiui-nermi nalunaarusianik ilungersunartunik arlalinnik kiisalu aningaasanut inatsimmi aningaasaliissutit atuinerlu ukiuni arlalinni annertuumik nikingassuteqartarsimane-rannik pissuteqarpoq. Pisortaqtarfiuttaaq ...-mi suleqatigiikkuutaat akornanni sule-qatigiinnikkut ajornartorsiutit arlallit pillugit paasissutissat pissarsiarisimavai.

13. Siunnersortip avataanersup nalunaarusiaq 2002-mi januarip qaammataani saqqummiuppa. KIIP aalajangersimavoq nalunaarusiaq eqikkarlugu allaqqinne-qassasoq, nalunaarusiarmi ...-mi pisortaattit pissutsillu suleqatigiinnermut tunnga-sut pillugit paasissutissanik inunntu ataasiakkaanut tunngasunik imaqarmat.

...

3.2

15. KIIP-ip september 2000 qinnuteqarnera malillugu siunnersortip avataaneer-sup suliassaa tassaavoq ...-p ataatsimut aqqissuussaananeramik naliliineq, tassani pi-sariinnerusumik ingerlatsilernissaq, pitsaanagerusumik suleqatigiilernissaq kiisalu a-ningaasaqarnikkut toqqissisimanarnerusumik aqutsilernissaq siunertaralugit.

16. Misissuinerup siunertaa taassaasimavoq:

- aqqissuussaanerup naleqquttup suliassamullu naleqqussagaasup naliliiffiginis-saa,

- aaqqissuussaannermut pilersaarusiap qulakkeerneqarnissaa, pilersaarusiartu taanna ...-p perorsaanikkut, aqutsinikkut siulersuinikkut, pisinnaatitaanermut tunngasutigut, ...-p iluani avammullu attaveqarnermut tunngasutigut suleriaasissanillu allaaserisanik imaqtartussaavoq. Sulisut atorfeqartitaasut atorfiisa imaat tamarmik allaaserineqassapput. Periaatsit suliassanullu malitseqartitsineq periaatsinik allaaserinninnikkut nukittorsarneqassapput,

- naatsorsuuserinerup pitsaassusiata aningaasaqarnermillu aqutsinerup naliliiffiginissaa, periaatsinik aningaasaliissutit immikkoortunullu aningaasaliissutit qaammammoortumik missingersuutitigut malitseqartitsivigineqartarnissaannik pinngitsooratik qulakkeerisunik atulersitsinissaq. Tamatumunnga atatillugu aningaasanut inatsimi aningaasaliissutit aningaasaqarnermi qarasaasiakkut aqutseriaatsimi NØS-imi immikkoortartaqarfinnut (...) agguataarneqassapput, pisariaqarpat ukiup ingerlanerani agguataartumik aningaasaliissutinut,

- aalajangersimasumik periaatsinik atulersitsissalluni kontot katersuiffiit killiffiiniq tamanik ingerlaavartumik oqimaaqatigiissitsisarnermik malitseqartitsinermillu qulakkeerisussanik, matumani "...-mi akiligassanut malitseqartitsisarneq akiligassanillu NØS-imi aaqqiissuteqartarneq pillugu iliuusissanut pilersaarusiap" tunngavigalugu akiligassanut malitseqartitsisarneq ilanngullugu eqqarsaatigalugu,

- ...-nik aqutsinerup pitsaasup qulakkeerneqarnissaa, ... ineqarnermut akiliutinik ilanngaavigineqartarnerat kiisalu ... attartortuusinnaasullu allat akiliisinniarneqartarnerat eqqarsaatigalugu.

### 3.3 Periaaseq

17. Siunnersortip avataaneersup allagaatit suliamut tunngasut suleriaatsillu allaaserineqarneri misissorsimavai, kiisalu ...-mi sulisoqatigiikkuutaat assigiinnigitsut tamaasa apersorsimallugit. Aammattaaq suliariumannittussarsiuussisartoqatigiinnit ilaasortat kiisalu KIIP-ip immikkoortuini susassaqarfiusuni atorfeqartitaasut apersorneqarsimapput. Siunnersorti avataaneersaq KIIP-imi immikkoortunut suliami akuusunut misissuinerup ingerlanera pillugu ingerlaavartumik nalunaarusiortarsimavoq.

18. Siunnersorti avataaneersaq KIIP-imi pisortaqatigiinnut nalunaarusiorsimavoq, nalunaarusiarlu taanna paasisutissanik suleqatigiinnermi inunntu ataasiakkaanut, sulianut kiisalu aningaasaqarnermut tunngasunik imaqarpoq. Siunnersortip nalunaarusiaata allaqqinneqarnissaa KIIP-imi pisortaqatigiit toqqarsimavaat, taamaallillutik inuit pineqartut nalunaarusiap avammut saqqummiunneqarnerani ilisarineqarsinnaaqqunagit. Nalunaarusiaq aaqqissuussaq taanna siunnersortimut avataaneersumut saqqummiunneqarsimavoq, taassumalu oqaaseqaatai ilanngunneqarsimapput.

...

## 5. Aqutsinermut tunngasut

### 5.1 Aaqqissuussaaneq

30. Paasineqarpoq aaqqissuussaaneq pillugu pilersaarusiap naleqquttoq ...-p pingaarnertut perorsaanikkut, aqutsinikkut, siulersuinikkut, pisinnaatitaanermut tunngasutigut, ...-p iluani avataanilu attaveqarnermut tunngasutigut suleriaaseqarnikkullu suliassaanik imaqartoq suliarineqarsimanngitsoq.

...

32. Siunnersortip avataaneersup sulianeranut atatillugu makku suliarineqarsimapput:

\* Pingaarnertut siulersueriaatsimi suliassanut takussutissiaq (ilanngussaq 1) suliarineqarsimavoq.

\* Aaqqissuussaaneq pillugu takussutissiaq nutaaq (ilanngussaq 2) suliarineqarsimavoq, ...-i pingaarnertut perorsaanikkut, aqutsinikkut, siulersuinikkut, pisinnaati-

taanermut tunngasutigut, ...-p iluani avataanilu attaveqarnermut tunngasutigut suleriaaseqarnikkullu suliassaaniq imaqartoq.

\* Sulisut aalajangersimasumik atorfeqartitaasut suliffiisa tamarmik allaaserineqarnerat aallartinneqarsimavoq.

\* Periaatsit il.il. allaaserineqarnerisigut periaatsit suliassanullu malitseqartitsisarneq nukittorsarneqarsimapput.

...

37. ...-imi pisortaqaatigiit ukuupput:

- A

- pisortap tullia

- allaffiup pisortaa

- ... 5

- meeqqeriviup pisortaa.

38. Paasineqarpoq:

\* Qullersaasutut pisortap suliassanik tunniussuineq ajornakusoortikkaa, kiisalu sulisunut qanoq naatsorsuutiginninnermi erseqqissarnissaa ajornakusoortillugu.

\* Qullersaasutut pisortap pisunut malinnaaneq, naliliisinnaaneq siulersuisinnaanerlu amigaatigai.

39. Kaammattuutigineqarpoq:

\* Pisortaqaatigiit ullut tamaasa "periusissanik aalajangersaaniarlutik" ataatsimiittassasut.

40. Naliliisinnaanermik amigateqarnermut assersuutaavoq ... tamarmik merkonomit pikkorissartinneqarnerini ilaatinneqartarnissaannik isumassarsiaq. Tamanna iluatsinngitsoorluinnarpoq, tassami peqataasut tamarmik pikkorissarnerni peqataa- nertik taamaatimmassuk, tunngavissaqaannginnertik pissutigalugu. Ilinniaqqitsisiner- mut piareersarneq eqqarsaatigilluagaanngilaq imaluunniit atorfeqartitaasut sule- qatigalugit pisimanani, tassanimi piumasaaqatigineqartariaqarmat ilinniaqqitsisi- neq isumaliutersuutigilluagaassasoq, sulisullu pineqartut tunngavii aallaavigineqas- sallutik, sulisut "pinngitsaaliinnarnagit".

41. Pisortatut qullersaasoq allaffissornermi aqutsinermik ilinniagaqarsimasuun- ngilaq, aqutsinerli pillugu pikkorissartitsinerlut arlalinnut peqataasimalluni. Taamaattumik pineqartoq allaffissornermi pisariaqartumik ulluinnarni aqutsinermik misilittagaqaanngikkuni allaffiup pisortaaniq pingaartumik Namminersornerullutik Oqartussat aqutsinerannik ilisimasaqarluartumik allaffissornermilu aqutsinermut nalinginnaasunik ilisimasaqartumik pisariaqartitsisorujussuussaaq.

42. Paasineqarpoq A-p allaffiullu pisortaata suleqatigiinnerat piffissami sivisu- nerusumi pitsaasimanngitsoq, tassami pisinnaatitaanerit pillugit assortuunerit akut- tunngitsumik pilersarmata. A-p (pisortap) pissutsit taamaannerat pitsaanerulersissin- naasimanngilaa.

43. Qullersaasutut pisortaasup suleqatiminik, pingaartumik pisortaqaatiminut nali- nginnaasumik peqateqarsinnaannginnerata, tatiginninnginnerata, ataqqinninnginne- rata ilu Moorfiginninnginneratalu suleqatigiinnermi pissutsit ulluinnarni suliassat pillugit naleqquttumik suleqatigiissinnaannginnermik nassataqarput aalajangiiner- nullu malitseqartitsinissat akornuserneqartarnerat nassataralugu.

44. Qullersaasutut pisortaq avataani suleqatinik suleqateqarnermini aamma ajor- nartorsiuteqartarsimavoq. Tamanna assersuutigalugu ersersimavoq pisortaqaarfimmi inunnik nikassaasumik oqaaseqarnikkut kiisalu ... malittarisassat malinneqartarnis- saannik pisortaqaarfimmut ...-llu siulittaasuanut isumaqatigiissutaasunik eqqortitsi- sanninngikkut.

45. Siunnersorti isumaqarpoq pineqartup sulisunik aqutsinermut pisinnaasaqaan- ginnera paasinissinnaannginneralu, aqutsinnaannginnera aningaasaqarnikkullu ingerlatsisinnaannginnera taamatuttaaq allaffiup pisortaata suliatigut siulersuinik-

kullu pisinnaasaqannginneranik ilaqlarluni ...-mi aningaasatigut atugassiisutaasunik naammaginangitsumik ingerlatsinermik aqutsinermillu kinguneqarsimasoq.

46. Nalunaarusiap inernilerneqarnerani takutinneqarpoq tunngaviusumik ajornartorsiutit siulersuisinnaassuseqannginnermut tutsinneqarsinnaasut.

47. Misissuinerup ingerlanerani siunnersortip imatut erseqqissumik siunnersuinnissani pisariaqartoq isumaqarsimavoq:

”Tusarnaarit, piffissaanngikkallartillugu kipititsinak”, taamaaliornikkut suleqatigiiinneq pitsaanerulersinniarlugu.

48. Allaffiup pisortaa februarip qaammataata naaneranut soraarniuteqarsimavoq.

49. ... misissuinerup ingerlanerani oqarput ...-mi pissutsit sulinermilu atukkat siunnersortip sulinerata nalaani assut pitsanngoriarsimasut. Tamatumunngali peqatigitilligu oqaatigineqarpoq siunnersortip sulinera qaangiuppat pissutsit ileqqutoq-qaminnut uternissaat annilaangagineqartoq.

50. Kaammattuutigineqarpoq:

\* ...-p aqunneqarnerani ilorraap tungaanut ineriartorneq massakkut ingerlasoq atatiinnarniarlugu pitsaanerulersinniarlugulu ... inuttut ineriartorneq pillugu pisortanik pikkorissartitsinermik, aqutsinermi sakkussanik il.il. pisissasoq.

\* Pissutsit siunnersuukkut pissuserisimasaminnut uteqqiattut siunissami qaninnerpaami paasinarsippat tamatuma ...-mi ”qullersaasunut” kinguneqartinneqarnissaa KIIP-imut inassuteqaatigineqarpoq.

51. Kaammattuutigineqarpoq:

\* Pisortap tullianik atorfinitsitsisoqassappat aqutsinermik – ajornanngippallu perorsaanermik – paasisimasaqarneq misilittagaqarnerlu annertuumik pingaartillugit isiginiarneqartariaqartut, tassami pisortap tulliaata A-p massakkut pisortaa sup aqutsinermut tunngasumik ilinniagaqartuunnginneranut illua’ tungaatigut ikorfartusammagu.

\* Allaffimmi pisortap atorfiata inuttaleqqinneqarnerani tamanna KIIP-ip aqutsinermut immikkoortortaarfia suleqatigalugu pissasoq. Tamatumani pisortat ingerlatsineranni aqutsinermi misilittagaqarneq, aqqissuussaaneermik paasisimasaqarneq, torersuutitsisinnaaneq, sulisunik siulersuineq, inersimarpalaassuseq suleqatiginnissinnaassuseqarnerlu assut annertuumik pingaartillugit isiginiarneqassapput.

52. ...

53. Kaammattuutigineqarpoq:

- ...-ip suliassaqarfiani malitseqartitsisarneq KIIP-ip nakkutilliisuuffigissagaa, tassami ...-mi pisortaqatigiit suliata nalinginnaasumik suliarineqarneranni ilusilersugaasutut innginnerat malunnarmat.

5.2 Aqutsinermut tunngasut

54. Siunnersortip paasivaa pitsaasunik aqutsinissamut peqqusissutit, ilitersuut immersugassallu pisariaqartut suliarineqarsimannngitsut.

Pisortaqatigiit ... najugaqartunik, sulisunik, illuutunik il.il. aqutsinerat pitsaanerulersinniarlugu assigiissaarniarlugulu peqqusissuterpasuit, ilitersuut immersugasallu suliarineqarsimapput, matumani makku ass. ilanngullugit:

- sulisunut inissami oqarasuaateqarneq, angallattakkamik oqarasuaateqarneq aamma pigaartuunerami angallattakkamik oqarasuaateqarneq pillugit kaajallaasitaq (sulinermut atatillugu oqarasuaatit tunniunneqarsimasut aqqissuussivigineqarnerat ingerlavoq)

- ...-ni pigaartuusarneq kiisalu tamatumunnga akissarsiaqartitsineq pillugu malit-tarisassat assigiissaartut

- ...-ni ikiortunik nalunaaquttap akunnermusiaqartunik atorfinitsitsinermi allak-kiamut missingiuut suliarineqarpoq

- sulisoqarnermik ingerlatsinermi anguniagaq

- nioqqutissanik pisiniarnermi allattuiffiit akiliutitut atorneqartartut atorneqarnerat pillugu ilitersuut
- allakkanik takkuttunik nassiussanillu nalunaarsueriaaseq aamma taanna pillugu ilitersuut

- suliar tunngitsoortunik nalunaarsuineq pillugu ilitersuut – aamma immersugas-saq

55. Aqutsinikkut suliniutit qulaani taaneqartut tamarmik ...-imi pisortaqatigiinnut oqaloqatiginnissutigineqarsimapput, akuerineqarsimallutillu.

56. ...-mi ... najugaqarlunilu allaffeqarpoq.

Tamanna naleqquttuunngilaq, tassami ... -llu avataanit ataasiinnaasutut isigineqartarmata. Sulilu ajorneruvoq ...-mi sulisut atortussaatiillu ...-p nammineq pigisaa-tut atorneqartarmata, tamannalu ”teqeqquni” kamaatigineqartarpoq massuaatigine-qartarlunilu.

57. Kaammattuutigineqarpoq:

- ... ininut nammineq pigisaminut sapinngisamik piaarnerpaamik nuussasoq.

...

6.2 Aqutsinermut tunngasut

62. Siunnersortip sulinerata aqunnissaanut atugassatut aqutsinermi suliassat pillu-git takussutissiaq ilanngunneqartoq sularineqarpoq (ilanngussaq 3).

63. Siunnersortip paasivaa ...- p allaffeqarfia aqqissuussaannngitsumik ingerlan-neqartoq.

64. Kaammattuutigineqarpoq:

- sukumiisumik torersaasoqassasoq

- allakkanik takkuttunik nassiunneqartunillu allagaatinillu allanik normulersuineq atorneqalersimavoq, kisianni pappialaatitoqqat immikkoortiterneqarmissaat amigaa-taavoq

- ullut tamaasa allakkat pillugit nal. 08.30 ataatsimiittarneq atorneqalissasoq, tas-sanilu allakkat takkuttut nassiunneqartullu oqaloqatigiissutigineqarnerisa saniatigut ataatsimiinnerit, suliar tunngitsoornerit, misigisallu il.il. ataatsimut soqutiginar-tut pillugit ilisimatitsisoqartassasoq.

6.3 Aningaasaqarnermik aqutsineq

65. Siunnersortip paasivaa:

- pisortaqatigiit ...-mut atugassiissutigineqartunik atuiner-mi akisussaaqataanissa-mik toqqaannartumik pisussaaffiligaasimanngitsut. Tamanna A-p allaffiillu pisor-taata akornanni suliassaasimavoq.

- missingersuutimik aqutsineq atuisunut takussutissianik paasiuminartunik sulia-qarfiusinnaannngitsumik aqqinneqarsimavoq.

- ... atugassiissutigineqartunik atuiner-mi akisussaaqataasutut misigisimanngitsut, tamarmillu immikkut namminneq suliassaqarfimminnut aningaasanik sapinngisa-mik amerlanerpaanik pissarsiniartarlutik.

- tunaartarisassat pisortaqarfiup 12. juni 2000-imi nassiussimasai immikkoortor-taqarfinit malinneqarsimanngitsut. Tassannga erserpoq immikkoortortaqarfiit inini attartugaasuni ineqartitsissappata tamanna pillugu qinnuteqaat KIIP-imut/...-mut nassiunneqassasoq. ... pisortaqarfimmit peqquneqarpoq akiligassiissutit taamaattut akuersissutitaqannngippata siunissami akilertaqqunagit.

- pisortaqarfiup allagai 12. juni 2000-imeersut ...-p malitseqartitsivigisimanngik-kai, tassa imaappoq immikkoortortaqarfinnut atatillugit aningaasartuutit akuerisaan-ngitsut ...-p naatsorsuutaasigut akilerneqartarsimasut, aammattaarlu akilikkat inger-lannartumik akilerseqqitassannngorlugit ingerlateqqinneqartarsimanngitsut, ukiulli naanerani aatsaat taamaaliortoqarajuttarsimalluni. Tamatuma nassatarisaanik ani-ngaasartuutit atuinerullu akornanni ukiumoortumik nikingasoortoqartarsimavoq. Taamaalillutik aningaasaliissutinut sanilliullugit ukiumoortumik anigaasartuutaane-

rusut eqqarsaatigalugit pisortaqarfiup allagai 12. juni 2000-imeersut malinniarlugit iliuseqarniartoqartarsimangilaq.

66. Kaammattuutigineqarpoq:

- pisortaqarfiup allagaasa 12. juni 2000-imeersut immikkoortortaqarfinit malineqarnissaat siunertaralugu iliuseqartoqassasoq,

- ... missingersuutit akisussaaffeqarnerat erseqqissarniarlugu suliniuteqartoqassasoq,

- akiligassiissutit 2001-imi suliffeqarfinit ...-mut qinnuteqaataanngitsumik taamalu akuersissutitaqanngitsumik akilersinneqarsimasut 2001-imi ...-p naatsorsuutaasigut akilerneqassasut, siunissamili taamatut pisoqartillugu aningaasartuutit taamaattut immikkoortortap pineqartup naatsorsuutaasigut akilerneqartassasut,

- namminersort inissiaataannut aningaasartuutit suliffeqarfiit namminneq akilertalissagaat isumaliutersuutigineqassasoq.

...” (Atorfeqarfimmi nutsigaavoq.)

A Pisortaqarfiup 4., 7. aamma 12. februar 2002-mi ataatsimeeqatigaa.

...

Pisortaqarfik A-mut 15. februar 2002-mi imatut allappoq:

”Ullumikkut allakkatigut qinnutigisimavat soraarsinneqarnissannik inassuteqaateqalersarneq pillugu sap. akunnerani 6-mi oqaasiinnartigut pisortaqarfiup nalunaarutaa allakkatigut uppersarneqassasoq.

Pisortaqarfik taamaaliulersaanngilaq, tassami 12. februar 2002-mi ilinnik oqaloqatiginninnsinni siunnersortip nalunaarusaata sukumiinerusumik atuarnissaanut allakkatigullu oqaaseqaatinik pisoqartarfiup pisortaqatigiivnut tunniussinissannut periarfissaqaremissavit tungaanut suliap unitsikkallarnerqarnera akuerigatsigu.

Isumaqatigiissutigineqarpoq nalunaarusaq pillugu oqaaseqaatit pingasunnorgoneq 20. februar 2002-mi nal. 13.00 tunniutissagitit. Oqaaseqaatit pisortaqarfiup pisortaqatigiivisa oqaloqatigiissutigereerpatigit suliaq aallarteqqinneqassaaq.” (Atorfeqarfimmi nutsigaavoq.)

...

Pisortaqarfik A-mut 26. marts 2002-mi allappoq:

”... pisortaattut massakkut atorfinnit .....-mi atorfimmi atorfinitsinneqarnissat pisortaqarfiup matumuuna ilinnut neqeroorutigissavaa, taamaalillutit ... atorfeqartitaanermut ingerlaannaq nuullutit, piffissamili 1. august 2002-p tungaanut massakkut akissarsiatit piginnarlugit.

Pisortaqarfiup neqeroorutaa pissutsinik makkuninnga tunngavilersorneqarpoq:

Siunnersortip ...-mik misissuinerata takutippaa ”...-mi tunngaviusumik ajornartorsiuutit aqutsinnaanngissuseqarnermik kiisalu aqutsinermut aningaasaqarnermillu tunngasuni suliatigut pisinnaassaqaanngissuseqarnermik pissuteqartinneqarsinnaasut”.

Aqutsinnaassuseqaannginnerit sulisunnik qiimmassaasinnaassuseqaannginnikkut toqqissimatitsinnaassuseqaannginnikkullu saqqummersimavoq. ...-mi pissutsit minnerunngitsumik pisortaqatigiit akornanni aporaattarnernit sunnerneqarsimavallaqaat, tamatumalu sulisuni toqqissisimanginneq, pasillerneq ingerlanerliornerlu pilersissimavai.

Illit allaffiullu pisortaata suleqatigiinnissamut piomassuseqaannginneri illit aqutsinermik aningaasaqarnermillu paasisimasaqaannginninnik ilallutik atugassiissutigineqartunik ataqatigiissaarinnginneq aqutsinnginnerlu kiisalu aqutsinermi aaqqis-

suussisimanninneq nassatarisimavaat. Taamatuttaaq ... akornanni atugassiissutigineqartunik atuinermi ataatsimoortumik akisussaaffeqarsimanninneq ajornartorsiutit nassatarisimavaat.

Akunnessinni ajornartorsiutit saniatigut avataanik suleqatinik, ass. ...-mik pisorta-qarfimmillu isumatusaartumik suleqatigiinnermik pilersitsisinnaasimannigilatit.

Pisorta-qarfup ilinnik ataatsimeeqateqarneri, pingaartumik 4. aamma 7. februar 2002-mi ataatsimiinnerit aamma innersuussutigineqarput, taakkunanimi pissutsit qulaani taaneqartut itisilerneqarmata.

Illit kissaatigisattut siunnersortip misissuina pillugu oqaaseqaatit pisorta-qarfimmi pisorta-qatigiinnut saqqummiunneqarsimapput. Oqaaseqaatit pisorta-qatigiinnit oqaloqatigiissutigineqarsimapput, taakkulu inerniliillutik oqarput pissutsit ...-tut tunuarnissannik kissateqarnermut pissutaasut pisorta-qarfimmit saqqummiunneqartut isummerfigisimannigikkikit. Isummerfiginninnermut taarsiullugu ajornartorsiutit arlallit isummat malillugu pisorta-qarfup tungaanit peqataanniginnerup kingunerisaatut isigisatit tikkuarsimavatit, tamannalu pisortatut akisussaaffinnik ingerlatsivimmu ajattaanerusoq pisorta-qatigiit isumaqarput.

...-p ataani ...-tut atorfimmik ilinnut neqerooruteqarnermut tun-ngaviusoq makku ilanngullugit isiginarneqassaaq: Atorfik taamaattoq 1. april 1992-imit 20. september 1999-imit ...-p pisorta-qarfiullu iluarisimaagaanik ingerlassimagit. Pisorta-qarfup naatsorsuutigaa atorfik taamaattoq taamatut iluarisimaarnartumik ingerlassinnaassagit.

Qinnuigineqarputit neqeroorut qulaani taaneqartoq akueriumanerlugu 4. april 2002 nallertinnagu pisorta-qarfimmu nalunaarutigeqqullugu.

Akuersiguit pisariaqartut suliareqqullugit inassuteqaat pisorta-qarfup Aqutsiner-mut Pisorta-qarfimmu nassiunniarpaa.

...-tut atorfimmu qulaani taaneqartutut nuutsinneqarnissamik neqeroorut akue-riumannikkukku atorfimmik ingerlatsisinnaanninneq, tak. pissutsit qulaani taane-qartut, pissutigalugu ...-mi ...-tut atorfimmit qinnuteqaataannigitsumik soraarsinne-qassasutit pisorta-qarfup Aqutsiner-mut Pisorta-qarfimmu inassuteqaatiginiarpaa.” (Atorfeqarfimmi nutsigaavoq.)

A pisorta-qarfimmu 27. marts 2002-imi allappoq:

”Tallimanngormat ulloq 22. marts 2002 qulit kingorna aggersarneqarpunga ilin-nut kiisalu ...-imik una peqqutigalugu, rapportip naammassineqarnera kiisalu KIIP-ip ledergruppemeereerneru pillugu.

Oqaluttuunneqarpunga allamut atorfimmu inissinneqassallunga. ...-lli ataaniigin-nassallunga ...-tut.

Aamma oqarputi ...-mi allaffissornikkut ... aqulissagaa ...-ip ingerlanneqarnera.

Taakkartuivusilu rapportiliaq tunngavigineqannigitsooq peersitaannut.

Oqaaserineqartunullu tunngatillugu qanoq isumaqarnerunga ingerlaannaq ilis-sinnik tusarniaavigineqarluni, tassanilu oqarlunga oqaaserineqartut allaganngorlugit aatsaat takoreerukkit oqaaseqarniarlunga.

Ippassaq allakkat tiguakka, ...-milu oqaaserineqartut ilaat allakkatigut ilaanngim-mata, paaserusuppara ...-p ilumut ... aquttusaaaneraa.

Aappasaanik paaserusuppara lederuddannelse maanna ingerlatara ingerlatiinnar-sinnaaneranut allaganngorlugu ilissinnit tigujumallugu.

Pingajussaanik oqaaseqaammik ilinnik perusuppunga maannamut aqutsisimanin-nut tunngatillugu.”

Pisorta-qarfup A ulloq taanna allakkatigut imaattutigut akivaa:

”Allakkatigut ullumikkumeersutigut ...-mik ataatigullu atsiortumik tallimanngorneq 22. marts 2002-mi ataatsimeeqateqarninni pissutsit ilaat taaneqarsimasut uppersaqqullugit qinnutigisimavat. Pissutsit pisortaqrifiup ilinnut allagaani 26. marts 2002-meersuni taaneqarsimannngitsut.

Allakkanni oqaaseq rapport atorsimavat. Tassani siunnersortip nalunaarusiaa imaluunniit illit taanna pillugu oqaaseqaatit pineqarnersut erseqqarluppoq. Paatsoortoqaqqunagu uppersarneqassaaq siunnersortip nalunaarusiaa illillu taanna pillugu oqaaseqaatit KIIP-ip pisortaqtigiivnut saqqummiunneqarsimmata oqaluuserineqarsimmatalu.

Atorfimmit peersinneqarnissannut nalunaarusiaq tunngavimusimannngitsoq ataatsimiinnermi oqaatigineqarsimasoq allakkavit tamanna eqqunngilaq. Paatsoornerit tassani pineqarsimassapput. Siunnersortip nalunaarusiaa tassarpiaavoq tunngaviusoq. Oqaaseqaatit eqqarsaatigalugit taakku pisortaqrifiup pisortaqtigiilluunniit ...-tut atorfimmit nuutsinneqartariaqarninnik paasinninnerannik allannngortitsisimannngitsoq oqaatigineqarpoq.

Apeqqutit siulleg eqqarsaatigalugu uppersarneqaannarsinnaavoq ...-p ... ataanut inissinneqarnissaa isumaliutersuutigineqartoq, tassami tamanna nalunaarusiami kaammattuutitut ilaammat.

Apeqqutivit aappaat eqqarsaatigalugu uppersarneqarsinnaavoq pisortatut ilinriarneq nangeqqissinnaagit inaarlugulu ingerlassinnaagit. Tamatumani soorunalimi pisortaqrifiup allakkatigut 26. marts 002-meersutigut saqqummiussimasaatut ...mi ...-tut atorfeqartitaaginnarnissamik neqeroorummik akuersinissat tunngaviuvoq.

Pingajuattut ...-mi pisortatut sulisimanagerit pillugu oqaaseqaateqartoqarnissaa qinnutigisimavat. ...mi atorfeqarallartillutit atorfeqartitaanerit pisortaqrifiup uppersarniarpa. Aammattaaq siusinnerusukku ataatsimiinnermi saqqummiussanut atattillugu ... imaluunniit immikkoortortaqrifimmi pisortaqaq ... attaveqarfigisartakkatut atorsinnaavatit.” (Atorfeqarfimmi nutsigaavoq.)

A pisortaqrifimmut 3. april 2002-mi allappoq:

”Allagaqaat pillugu ullulerneqarsimasoq 26. marts 2002, ... kiisalu uannut neqeroortigineqartoq atorfik ... uannut tunniunneqartussaq pillugu.

Neqeroorut pillugu ...-tut uannut tunniunneqarniarloq nalunaassaanga, ...-tut atorfik tigujuumallugu, kiisalu Atorfimmit Kattuffianiit ulloq 02. april 2002, nal. 10.00 ataatsimeeqatiginerani allakkat pillugit aammalu KIIP-imut qinnutigisakka maana ingerlasut sulilu akineqannngitsut ingerlaannarnissannut lederuddannelsemut qulakkeerniakkat pillugit nalunaarpunga.

Rapporti pillugu konsulentip allagaa kiisalu uanga tunngavilersuutikka rapporti pillugu innersuuppakka ilissinnut.”

Pisortaqrifik Aqutsinermut Pisortaqrifimmut 9. april 2002-mi allappoq:

**”Pineqartoq: ... A-p atorfeqartitaanerani atugassaritaasut allannngortitat**

KIIP-ip A ...-tut massakut atorfimminut ...-p ataani ...-tut atorfeqartitaanerimut nuunnissaanik allakkatigut 26. marts 2002-meersutigut neqeroorteqarfigisimavaa.

Taamatut iliornermut tunngavilersuutit allakkat qulaani taaneqartut assilinerinit erseput.

...-imi pisortaqtigiit suleqatigiinnikkut piffissami siviisunerusumi ajornartorsuutaat kiisalu aningaasaqarnermik aqutsinerliorneq naleqqutinnngitsoq tamatumalu kingunerisaanik atuivallaarneq tunngavigalugit KIIP-ip siunnersorti avataaneersoq



2001-imi oktoberip qaammataani atorfinitsippaa, ajornartorsiutit qulaajarneqarnissaat aaqqinniarnissaallu siunertaralugit.

...-mi qaammatit pingasut affarlu sulereerluni siunnersortip nalunaarusiaq sakkortuumik isornartorsiuisoq ”...-mi tunngaviusumik ajornartorsiutit aqutsisinnaangisuseqarnermik kiisalu aqutsinermut aningaasaqarnermullu tunngasuni suliatigut pisinnaassaqaangisuseqarnermik pissuteqartinneqarsinnaasut”-mik aallarnerneqartoq tunniuppaa.

...-mi pissutsit nalinginnaasunngortinneqarnissaannut ineriartortinneqarnissaannullu periarfissiiniarluni KIIIP isumaqarsimavoq A-p ...-tut atorfimminik qimatsinissaa pisariaqartoq.

A-p ...-p ataani ...-tut atorfimmuut nuunnissani allakkatigut/e-mailikkut 3. april 2002-meersukkut akuerisimavaa, taamaalilluni ...-tut atorfimmuut ingerlaannartumik nuulluni, kisianni piffissami 1. august 2002-ip tungaanut massakkut akissarsiani pigiinnarlugit.

Aqutsinermut Pisortaqaarfimmuut inassuteqaatigineqarpoq A-p atorfeqartitaaneranut tunngasut allanngortinneqarnissaat eqqarsaatigalugu pisariaqartut isumageqqullugit.

Suliffimmi eqqissinissamut pisortaqaatigiit periarfissaat ...-milu pissutsit aaqqinniarnissaat eqqarsaatigalugit A sulinnigiffeqarfissani sulinnigiffeqarfigeqqullugit KIIP-ip pequssamaarpaa, 17. april 2002-lu aallarnerfigalugu 2002-mi julip qaammataata naanissaanut pineqartoq suliunnaarsikkallarniarlugu.” (Atorfeqarfimmi nut-sigaavoq.)

...

Pisortaqaarfik aamma A suliamut atatillugu imatut allaffigeqatigisarsimavakka:

Pisortaqaarfimmuut 4. juni 2002-mi allappunga:

”Atorfimmi naalasseriitsuliorneq imaluunniit atorfimmuut naleqqutinnginneq pistutagalugu pisortaqaarfiup atorfimminit nuutsinniarluni appartinniarlunilu aalajangersimaneranik A-p naammagittaalliuutaa tiguara.

...

Naammagittaalliuutip assilineri nassiuppara ilanngussartai naammagittaalliummi innersuussutigineqartut ilanngunnagit, tassami isumaqarama ilanngussat taakku ilarpassui pisortaqaarfiup suliaataani ilaareersut, taamatuttaarlu ilanngussat ilaat naliliinera malillugu naammagittaalliummik suliarinninninnut sunniteqarsinnaasusasaanatik.

Tamatumunnga peqatigitillugu naammagittaalliuutip qallunaatuumut Atorfeqarfimmi nutserneqarnera ilanngullugu nassiuppara.

Tamatumunnga atatillugu pisortaqaarfik qinnuigaara suliaq allagaatinik A-mut (sulisutut) tunngasunik imalik misissugassanngorlugu uannut nassiuteqqullugu.

Pisortaqaarfik tamatumunnga peqatigitillugu qinnuigaara naammagittaalliuut pillugu oqaaseqaatissaqarpat taakku uannut nassiuteqqullugit.

Uannut immikkut pingaaruteqassaaq tjestemandit pillugit inatsimmi kapitali 5 malillugu killisiuisoqarsimannginnera pillugu nassuiaat tusassallugu.

Ajornartorsiutinik, siunnersortip avataaneersup nalunaarutaanit (pingaartumik nalunaarusiami immikkoortoq 5.2 eqqarsaatigalugu) ersertunik, paasisutissiissutigineqartullu malillugit pisortaqaarfiup aalajangiinnermini tunngavigisimasaanik ...-mi pisortaqaatigiinnut allanut pinnani A-mut pisortaqaarfiup suna tunngavigalugu tutsit-sissimaneraa pillugu nassuiaat tusassallugu aamma soqutigaara.

Tamatumunnga atatillugu pisorta qarfik qinnuigaara paasisutissat siunnersortip paasisimasai suut A-p atorfirmut allamut nuutsinneqarneranut appartinneqarneranullu tunngaviusimanersut kiisalu paasisutissanut siunnersortip paasisaminut tunngavilersuutigisimasai pillugit A suliami illua'tungiusutut isumaanik tusarniaavigineqarsimanersoq nassuiaqqullugu.

Aammattaq pisorta qarfik qinnuigaara A-p nalunaarusiaq pillugu oqaaseqaammini pisorta qarfiup ajornartorsiutinut nalunaarummi saqqummiunneqartunut akissusaasuneranik tikkuaanera pisorta qarfiup aalajangiiniarnerani tunngavinnut ilaatinneqarsimanersoq, tamaassimappallu qanoq pingaaruteqartitsigalugu ilaatinneqarsimanera pillugu nassuiaateqaqqullugu.

Matumunnga peqatigitillugu Aqutsinermut Pisorta qarfik qinnuigaara suliaq allagaatinik A-mut (sulisutut) tunngasunik imalik atukkiuteqqullugu.

Pisorta qarfiup oqaaseqaataa A-mut suliami illua'tungiusutut isumaanik tusarniaatigalugu saqqummiunneqarsinnaavoq.”

Pisorta qarfiup 24. juni 2002-mi imatut akivaanga:

”Inatsisartut Ombudsmandiata A-mut maalaarut tunngavigalugu kissaatigaa allagaatit pineqartup atorfeqarneranut tunngassuteqartut misissuataarusullugit kiisalu aammattaq qinnutigisimallugu assigiinngitsunik maalaarummut attuumassuteqartunik pisorta qarfiup nassuiaateqarnissaa.

Allagaatit A-p atorfeqarneranut tunngassuteqartut nuutinneqarnerat ilanngullugit nassiuunneqarput. Oqaluttaatikku isumaqatigiissut naapertorlugu piffissaliunneqarpoq 20. september 1999-ip kingorna, tassa piffissamiit A-p ...-tut atorfinitsitaaffianit.

...

Maalaarummut oqaaseqaatit:

Sulisumut suliaasaatip ilaatigut imarai allakkiat pingasut. Allakkiat 28.2.02-meersoq KIIP-ip pisorta qatigiivinit ingerlatinneqarsimasoq, allakkiat 6.3.02-meersoq suliaasaammut ikineqartussannortitaasimasoq kiisalu allakkiat anngigisassaq 12.0.02-meersoq ...-mut aamma ...-mut ingerlatitaasoq. Allakkiat taakkua A-p maalaarutaanut pisorta qarfiup oqaaseqaatigisassaanut naammattumik naammaginartumik matussutissiipput.

Siunnersorti atorlugu misissuinissap aallartinneqarsimaneranut tunngaviusoq pillugu ilisimatitsissutigineqarsinnaavoq A-p pisorta anerata nalaani ...-imi pissutsit tassaanerusiasut suliffeqarfiup iluani isumaqatigiinngissuteqartarnerit, aningaasatigut aqutsilluarsinnaannginnerit aammalu ataqatigiissaarinerlunnerit.

Naak ajornartorsiutit ikiorsiiviginiarlugit pisorta qarfiup tungaanit annertuumik suliniartoqarsimagaluartoq, tassa aningaasanik aqutsinermut, pisorta affiginninnermut kiisalu aaqqissugaanermut tunngatillugit, pissutsit pissusissamisoortunngortinneqarnissaat iluatitsivigineqarsimangilaq.

Taamaattumik 2001-ip aallartinnerani pisorta qarfik aalajangersimavoq siunnersortimik ...-mut tunngasumik suliaqartitsiniarluni ajornartorsiutit qulaajavigineqarlutillu iluarsivigineqarniassammata. ... 2001-ip aallartinnerani soraaminngorluni pisorta qarfirmik qimatsisimasoq suliaqartitaalersimavoq. Pineqartoq sivisoorsuarmik pisorta qarfirmi atorfeqarnikuusimavoq ...-ilu paasisimasaqarfigilluaqalugu pingaartumik allaffissornikkut ingerlanneqarnera aammalu ajornartorsiutit tassungaa attuumassuteqartut.

...-ip tunuliaqataa isiginiarlugu miserratigineqassanngilaq oqarnerliornerusoq ”siunnersortimik nakerisarsiunngitsumik” taaneqarnera. Pisorta qarfiulli tatigisimavaa pineqartup suliaassani piginnaaneqarfigilluarlugu naammassiniarumaaraa, inun-

nik ...-mi pisortaqarfimmiluuniiit puttarsisaqarfeqanngitsoq, aammalu pingaarteqi-gaa ...-p pitsaanerpaamik ingerlalnerrissaa.

Pilersaarutaasimagaluarpoq 2002-mi marsip qaammataata aallartinnerani ... u-teqqissasoq maajillu naanissataa tungaanut aqqissugaanikkut pissutsit aqqivigi-niarneqanerannut ikiuulluni, matuma ataani iluarsaassivigeqataaffigissallugit sule-riaatsit, suliat atorfiillu suunerisa allaaserineqarnissaat suliarissallugu, allaffissor-nikkut ingerlatsineq aningaasanillu aqutsineq ataqatigiissaagaasumik perrassaaviga-lugu. Ajoraluartumilli 2002-mi jannuaarip qiteqqunnerani aallarnermi kingornagut imaannaanngitsumik napparsimalersimavoq aprilillu qaammataani toqulluni.

Soorlu siunnersortip nalunaarusiaanit sulisumullu suliassaammi takuneqarsinnaa-soq A-p ...-mi pisortatut suliassani artorsaatigisimavaa. Pisortaqarfiup sullissiviup pisortaanut naatsorsuutigisai eqqortissinnaasimangilai.

Atukkat isumaliutigilluagaanngitsunik pinasuarpallaamillu aalajangiivigigajun-neqartarsimapput, tamatumunngalu pissutaatinneqarsinnaallutik allaffissornermik ingerlatsinissamut aningaasanillu aqutsinissamut paasisimasakippallaarneq, aam-malu nalaanneqarajuttarlutik avatangiisinut isumaqatigiinngissuteqartarnerit isuma-tusaartumik aqqiinnissaagaluamut akornusiisut, ataatsimoortumillu isiginnissinnaa-junnaarnermik kinguneqartut.

A-p suleqatiminut suleqatigisassanullu allanut ataqqinninnginnera tatiginnin-ginneralu, nammineq kukkusarnerminik amigaatigisaminillu takunnissinnaanngin-nera, kiisalu pisortaqarfiup aalajangiisartuuneranik sullissiviillu ingerlanneqarneri-nut suliarinnittuuneranik takunnissinnaannginnera ...-imi pitsaasumik ineriartornis-saagaluamut pissutsillu pissusissamisuuilersikkiartorneqarnissaagaluamut akornutaa-sarsimavoq.

Taamaattumik pissutsit taamatut innerisa pisariaqalersissimavaa pineqartup ...-tut atorfimmi ingerlaqqissinnaannginneranik pisortaqarfiup aalajangertariaqalersi-manera.

Pisortaqarfiup ajunngitsumik anersaaqarluni misilissimagaluarppaa A paaseqatigi-niarsaralugu atorfeqarnerminit kusanartumik pissuserissumillu qimatsiniassamat. Pineqartulli eqqortuusorisani sorsuutigissallugu aalajangersimavaa taamaalillunilu paaseqatigiinniarnissamut misiliigaluarnerit tamarmik akimmiffissaqalernerqarlutik.

Siunnersortip nalunaarusiaanut oqaaseqaammimi maalaarumminilu A-p pisuussut tamaat pisortaqarfimmu, -p siulittaasuanut ...-illu pisortaqatigiivini sinniisunut tut-sippaa.

Pisortaqarfiup paasinninnera naapertorlugu pineqartup pisortatut akisussaaffini qulliuernerusunut ajappaa taamaalillunilu nalaatamut akisussaaffini imminit igillugu.

Ombudsmandip apeqqutaanut akissuteqaatit:

Tjenestemandinut inatsisip kapitali 5-ia mallillugu killisiuineqarsimangilaq, tassa pisortaqarfik isumaqarmat A-p ...-tut atorfimmut nuunneqarnissaminut aku-er-sineratigut taamatut alloriaateqarnissaq pissutissaqarfingineeruttoq.

Nalaatat A-p soraarsitaanissaa pissutissaqartissimagaluarpassuk tamatumunnga inassuteqaateqarnissaq Aqutsinermut Pisortaqarfimmu ingerlatinneqarsimassagalu-arpoq. Taamaassimagaluarpallu Aqutsinermut Pisortaqarfik tassaasimassagaluarpoq sulinerup immaq killisiuiffingineqarnissaata aalajangiivigineqarnissaanut isummer-tussaq.

Nalunaarusiamut pisortaqarfiup isummernissaa suli piariinngitsoq allaffissorner-mut pisortaq nammineq kissaatigisaminik soraarniuteqarpoq. Tamanna pisiman-ngikkaluarpat ilimanarsinnaasimagaluarpoq ...-mut nutaamik aqutsisuulersunut isumaliutiginissaa pineqartup nuunneqarnissaata soraarsinneqarnissaatalu inassuti-gineqarnissaa, pissutigalugu pineqartup pisortaanut pisortaqarfimmullu suleqati-ginnikkusussuseqannginnera aammalu aningaasanut aqutsinissamut piginnaasaqan-ginnera.

Allaffissornermulli pisortaasup suleqatiginnikkusussuseqannginera piginnaasakinneralu pillugit ajornartorsiu pingaartumik A-miippoq. Siusinnerusukkut pineqartumut erseqqissarneqarsimavoq ...-mi pisortaanertut akisussaaffigigaa suleqatiginneq ilorrisimaarnartunngortinniassallugu peqatigitillugulu pisariaqartikkuniuk alloriaateqarsinnaasoq isumaqaruni allaffissornermut pisortaasup atorfirmi ingerlannissaanut piukkunnaateqanngitsoq.

A-mut erseqqissarneqarsimavoq allaffissornermi pisortaasumut pisortaarfimmit toqqaannartumik iliuuseqarneq imatut paasineqarsinnaassasoq pisortatut nammineerluni apparsaavigineratut.

Pisortaqatigiinni allat apeqqusiivigissallugit pisortaarfik pissutissaqarsimanngilaq. Pineqartunik A-p naliliisarnera illuatungerluinnaaniit illuatungerluinnaanut nikerartarsimavoq, pisortaarfipuullu nalilersuinnissamut tunngavissaviinik tunniussaqarfigisinnaanagu.

Siunnersortilli nalunaarusiaata pisortaarfipu naliliisimanera uppersarsapaa, tassa pisortaarfipu nalilersimammagu ...-rit ataasiakkaat akisussaaffimmik iluanni tamarmik immikkut sulilluartsut.

Apeqqummut uunga ”paasissutissat suut allaavigalugit siunnersortip pissutsit A-p nuunneqarnissaanut appartinneqarnissaanullu tunngavissaasut uppersarviivigisimavai, aammalu A illuatungiliututut tusarniaavigineqarsimanersoq paasissutissat siunnersortip uppersarsaminut tunngavigisimasai pillugit”, ilisimatitsissutigineqarsinnaavoq pisortaarfimmi attuumassuteqartut A-luunniit akerialnik isumaqartitsiniaraluarpat ...-p allaffianut ...-nullu ataasiakkaanut orniguttartut aammalu uluinnarni A, ...-p allaffeqarfia ...-llu ataasiakkaat attaveqarfigisarilarlugit.

Allatut oqaatigalugu ...-mi pissutsit siunnersortip suliassaata allaaserineqarneranut tunngavissaasut pisortaarfimmi sukumiisumik ilisimaqarfigineqarluarput.

Tamatuma saniatigut siunnersorti qaammatini 3½-ni ...-imiissimavoq, taamaalliluni nalunaarusiornissaq tunngavissaqarfigillualersimallugu. ...-miinnerup nalaani siunnersorti A-lu imminnut ullut tamaasa qanittumillu attaveqatigiittarsimapput. Pisortaarfipu paasinninnera naapertorlugu siunnersorti A-mut ammalluarsimavoq, taamaalliluni pineqartoq taanna piareersaaviginiarsarisimallugu nalunaarusiap qanoq imaqarumaarnissaanik.

Nalunaarusiap pisortaarfimmit misissuataarneqareerneratigut A pisortaarfipu avataani kisiartaalluni nalunaarusiamik tunineqarsimavoq, qinnuigineqarsimallunilu oqaaseqarfigeqqullugu. Tamatuma kingornagut pisortaarfipu A-mik ataatsimeeqateqartarnerani paaseqatigiinnissaq anguniarneqartarsimagaluarpoq, pingaartumik oqaluseriniarneqartarlutik nalunaarutip imarisai, eqikkaassutai tamatumunngalu tunngaviusut. Pineqartorli akuersaarsimanngeqaaq kissaatigiinnarsimalluguli alakkatigut paaseqatigiinniarnissaq.

Nalunaarusiamut A-p oqaaseqaatai ilanngunneqarput.

...-imi ajornartorsiuinut pisortaarfipu annertuumik akisussaasuuneranik A-p paasinninnera pisortaarfimmut sunniuteqanngilaq.

Qitiusumik aqutsivittut maleruagassanik sullissiviillu sulinerminni sinaakkutissaannik aalajangersaasartutut pinngitsoorneqarsinnaagunangilaq pisortaarfipu ”uumasorsuartut saqqummersinneqartarnissaa”, tassa ajornartorsiuut aqqiivigiuminnaassinnaasut saqqummertillugit.

A-p ...-tut atorfanit peersinnissaa pisortaarfipu pisariaqartissimammagu nalilinnermut aallaaviusimasooq tassaavoq pineqartup pissusilersortarnermigut suleqatiminnullu ataqqinninnginnermigut ...-mi kajungertumik ineriartortitsisumillu sinaakkusersuiartornissaat akimmifilersortarsimammagut.”

Allakkatigut 4. september 2002-meersutigut A pisortaqarfiup tusarniaanermut akissutaa pillugu oqaaseqaateqarnissaanut periarfissippara.

A-p oqaaseqaatai 8. oktober 2002-mi tiguakka.

Pissutsit pisortaqarfiup aalajangiinnerminut tunngavigisai A-p akissumini ilumuunnginnerarpari. Ilanngussat arlalit suliambut atatillugu katersorsimasani A-p tamatumunnga atatillugu innersuussutigai.

Allakkatigut 18. februar 2003-meersutigut pisortaqarfik paasissutissanik amerlanerusunik imatut qinnuigaara:

”Suliaq pisortaqarfiup suliambi allagaataanik tusarniaanermullu akissutaanik 24. juni 2002-meersumik misissuinissannut periarfissaqarfignissamasara massakkut uterfigaara.

Aammattaaq Aqutsinnermut Pisortaqarfiup A pillugu suliaataani allagaatit misissorsimavakka.

Taakkua saniatigut A-p suliaq pillugu oqaaseqaataa 8. oktober 2002-meersoq misissorlugu atuarsimavara.

Matuma kingorna isumaqarpunga suliamik inaarsaallunga suliarininnnginninni pisortaqarfiup makku pillugit ilassutaasumik nassuiaateqaqqunissaa pisariaqartoq:

Tunngaviutippara pisortaqarfiup A-mut allagai 735-mik normoqartut 26. marts 2002-meersut A eqqarsaatigalugu aalajangiinnermik imaqartut, tassalu ...-tut atorfirmiiginnarsinnaanngitsoq.

Aamma tunngaviutippara pisortaqarfiup aalajangiinera nalunaarusiamik (ullulereqarsimannngitsumik), siunnersortip misissuina pisortaqarfiup aallartissimasaa tunngavigalugu pisortaqarfiup suliarisimasaaanik, A-llu misissorsimallugulu oqaaseqaateqarfignissamasaaanik tunngaveqartoq.

Nalunaarusiami qupperneq 7, imm. 3.3, immikkoortoq 18-imit erserpoq:

”Siunnersorti avataaneersoq nalunaarummik KIIP-imi pisortaqatigiinnut tunniussaqaqsimavoq, taannalu pissutsit suleqatigiinnermut, suliambut aningaasaqarnermullu tunngasut pillugit paasissutissanik innunnt ataasiakkaanut tunngasunik ima-qarpoq. Siunnersortip nalunaarusiaata aqqissorlugu allaqqinneqarnissaa KIIP-imi pisortaqatigiit toqqarsimavaat, taamaalilluni nalunaarusiaq avammut saqqummius-sinnermut atatillugu innunnt ataasiakkaanut tutsinneqarsinnaajunaarsillugu. Nalunaarusiaq aqqissorlugu allaqqitaq taanna siunnersortimut avataaneersumut saqqummiunneqarsimavoq, taassumalu oqaaseqaatai ilanngunneqarsimalutik.” (Atorfeqarfimmi nutsigaavoq.)

KIIP-ip pisortaqatigiivnut nalunaarusiaq taaneqartoq taanna suliambi allagaatinut pisortaqarfimmit tigusannut ilaanngilaq.

Taamaattumik pisortaqarfik qinnuigaara nalunaarusiaq taanna - aqqissorlugu allaqqitaanngitsoq - uannut nassiuteqqullugu.

Nalunaarusiaq aqqissorlugu allaqqitaanngitsoq taanna A-mut taamaalilluni suli-sut kikkut siunnersortimut nammineq pilluni oqaaseqaateqarsimanersut isummerfi-gineqarsinnaanngorlugu saqqummiunneqarsimanersoq nassuiaqqullugu pisortaqarfik qinnuigaara.

Nalunaarusiaq aqqissorlugu allaqqitaanngitsoq taanna A-mut saqqummiunne-qarsimanngippat tamatumunnga pissutaasoq nassuiaqquneqarpoq, matumani sulisut naliliineri pisortaqarfiup aalajangiinerani tunngaviusunut ilaasimasut ataasiakkaat pillugit oqaaseqaateqarnissaminut A periarfissinneqarsimanersoq ilanngullugu eqqarsaatigalugu.”

Pisortaqarfiup allakkatigut 10. marts 2003-meersutigut imatut akivaanga:

”Inatsisartut Ombudsmandiata pisortaqarfik allakkatigut 18.2.2003-meersutigut paasisutissanik amerlanerusunik kiisalu siunnersortip pisortaqarfimmi pisortaqati-giinnut nalunaarusiaa suliami allagaatini Ombudmandip pisortaqarfimmit tigusima-saani ilaanngitsoq pillugu nassuiaateqaqqullugu qinnuigaa. Nalunaarusiaq allan-gortitigaanngitsoq A-mut saqqummiunneqarsimanersoq nassuiaqquneqarpoq.

Oqaatigineqarsinnaavoq nalunaarusiaq siunnersortip suliarisimasaa missingiuti-tut pisortaqarfimmut saqqummiunneqartoq, pineqartorlu peqatigalugu 2002-mi ja-nuarip aallartisimalernerani misissorneqarsimasoq.

...-sut ataasiakkaat ...-pisortaannik suleqatiginninneq pillugu isumaannik kiisalu pisunik erseqqissunik allaaserinninneq pissutigalugu siunnersorti qinnuigineqarpoq imarisaa allanngorteqqullugu sakkukinnerulerseqqullugulu, pineqartorlu paasinnil-luinnarluni taamaaliorpoq.

Missingiut saqqummiunneqartoq pigineqarunnaarsimavoq, tassami missingiut taanna ataani atsiortup oqaaseqaataanik imalik siunnersortip aallarussimammagu allannguuatissatut isumaqatigiissutigineqartut ilanngussinnaajumallugit. Missingiutip kingusinnerusukkt suujunnaarsinneqarsimanissaa naatsorsuutigineqarpoq.

Nalunaarusiaq pisortaqarfiup avataani susassaqartunut, Naalakkersuisunut, Inat-sisartut Aningaasaqarnermut Ataatsimiititaliaannut, Kukkunersiuinermut Ataatsi-miititaliamut Aningaasaqarnermullu Pisortaqarfimmut saqqummiunneqartussaam-mat aalajangerneqarpoq nalunaarusiaq pisortaqarfiup eqikkarlugu allaqqissagaa, im-mikkoortumillu aallaqqaasiutaasumik ilassagaa. Taamatut aalajangiineq siunnersor-tip tamakkiisumik akuersaarpaa, nalunaarusiarlu oqartussaasunut qulaani taaneqar-tunut nassiunneqartoq akueralugu.

Nalunaarusiap eqikkarneqarnissaanik ilassuteqarfigineqarnissaanillu aalajangi-nerup kingorna siunnersortip avataaneersup nalunaarusiaa suliami allagaatitup up-pernarsaataasutut inissisimajunnaarpoq.

Oqaatigineqarsinnaavoq siunnersortip avataaneersup nalunaarusiaa A-mut saq-qummiunneqarsimanngitsoq.

...-mi suleqatigiinnermi pissutsit pillugit siunnersortip avataaneersup ...-mi pisortaqatigiinni ataasiakkaanik oqaloqateqartarneri pineqartumut siunnersortip avataa-neersup oqaloqatiginnittarneratigut ilisimatitsissutigineqartarsimasut pisortaqarfiup ilisimavaa. Taamaattorli ilisimatitsisarneq qanoq immikkualuttulersugaatigisarsi-manersoq pisortaqarfiup ilisimasaqarfinginngilaa.

Siunnersortip avataaneersup nalunaarusiaata aaqqissuussap assilineru ilanngullu-gu nassiunneqarpoq.” (Atorfeqarfimmi nutsigaavoq.)

...

*Tamatuma kingorna imaattunik oqaaseqaateqarsimavunga:*

“A-p atorfeqartitaanerata allanngortinneqarsinnaaneramik apeqqu.

*Suliami paasisutissiissutigineqarpoq pisortaqarfik aamma pisortaqar-fiup siunnersortaa avataaneersoq A-p ...-tut atorfimminik ingerlatsinera pillugu isornartorsiuinermik sakkortuumik saqqummiussaqaarsimasut.*

*Pissutsit taamatut isornartorsiuinermik saqqummiussinermik kingune-qarsimasut A-p atorfimmini appartinnissaanut atorfimmullu allamut nuut-*

sinnissaanut pisortaqarfiup pisinnaatitaaneraniq naliliineq allaffissornermi aqutsinermi naliliinermik uanga misilissanngisannik tunngaveqarpoq.

Taamaattumik misissuininni A-p ...-tut atorfimminik ingerlatsinerata pisortaqarfik pisimasutut aalajangiineranut pisinnaatissimaneraa isummerfiginngilara.

Taamaattumillu tulliuuttuni oqaaseqaatikka pisortaqarfiup suliami periaasianik naliliininnik takutitsisuupput.

Atorfimmik allanngortitsinerup A-p naammagittaalliutigisaata pissusia.

A-p ...-tut atorfeqartitaanermi ...-tut atorfeqartitaanermut nuutsinngarnera A-p pisortaqarfiullu akornanni isumaqatigiissutigineqarsimasutut suliamit erserpoq.

Tamatununga peqatigitillugu pineqartoq tassaavoq pisortaqarfiup allagai qulaani issuarneqartut 26. marts 2002-meersut pissutigalugit atorfirmut allamut nuunnissamik A-p akuersinera.

Taamaattumik qularnaatsumik paasinninnera unaavoq atorfiup allanngortinneqarnera ...-p aqunneqarneraniq isornartorsiuneq siunnersortip nalunaarusaanit januar 2002-meersumit ersertoq A-llu isumaqatigisimanngisaa pissutigalugu A-p ...-tut atorfirmik qimatsinissaaniq pisortaqarfiup aalajangiisimaneranik tunngaveqartoq.

Taamaattumillu pineqarpoq pisortaqarfiup A-mut allagai 10. april 2002-meersut tassaasut A-mik atorfirmi qinnuteqaataannngitsumik appar-titsineq suliamullu allamut nuutsitsineq.

Atorfiit qinnuteqaataannngitsumik nanertuutaasumillu allanngortinneqarnerannik suliat suliasat suliarineqartarnerat pillugu inatsit tunngavigalugu aalajangiinermut ilaapput, atorfeqartitaasup sulisisisullu akornanni isumaqatigiissuteqarnikkut ingerlanneqaralarunilluunniit. Tamatumaa nassatarisaaniq A-p atorfeqartitaaneranut tunngasunik allanngortitsineq isumaqatigiissuteqartarnermik inatsiseqartitsineq tunngavigalugu iliuusaasutut isigineqarsinnaanngilaq, tassaallunili aalajangiineq suliasat suliarineqartarnerat pillugu inatsit tunngavigalugu aalajangiisarnermut ilaatinneqartoq.

Tamatununga uiggiullugu maluginiarsimavara pisortaqarfik A-mut allakkamini 26. marts 2002-meersuni oqartoq atorfirmi appartinneqarnissaminik atorfirmullu allamut nuutsinneqarnissaminik "neqeroorut" akuerinngippagu qinnuteqaataannngitsumik soraarsinneqarnissaa inassuteqaatigineqarniartoq.

Ingerlatsinermik inatsiseqartitsinermi ingerlatsiviup innuttaasunut pisariaqarneranit annertunerusumik sunniuteqartunik qisuariaateqartannnginissaa tunngaviulluinnartuuvoq.

Pisortaqarfik suliami matumani A-p atorfirmi appartinneqarnissaa atorfirmullu allamut nuutsinneqarnissaa naammattoq naliliigami soraar-

*sinneqarnissaata inassuteqaatigineqarniarnera oqaatigissallugu pisinnaatitaasimangilaq, tassami atorfiup allanngortinniarneqarneri pineqartup nammineq akuersaarsimangereermagit.*

*Taamatut oqarnissaq aatsaat pisinnaasimagaluarpoq pisortaqarfik tamanna sioqqullugu apeqqummik immikkut misiliisimasuuppat ima inerniliiffiusumik, A-p atorfimmu allamut nuutsinneqarnissaminut akuersaanginnerata atorfiit allanngortinniarneqarneri taakku ajornarsisikkai.*

*Aamma oqaatigaara pisortaqarfiup A-mut allagaanik 10. april 2002-meersunik aalajangiinertut nanertuutaasutut naliliininnut pisortaqarfiup suliamik suliarinneqqusilluni Aqutsinermut Pisortaqarfimmu inassuteqaateqarsimanera sunniuteqartut isigisinnaanngikkiga. Allakkat taakku pisortaqarfiup allagaanik 26. marts 2002-meersunik ilaqarlutik atorfimmik allanngortitsinerit taaneqartut naammaassineqarnissaat pisortaqarfiup aalajangiussimagaa erseqqissumik saqqummiussinermik imaqarput.*

*Tjenestemandit pillugit inatsit tamatumunnga peqatigitillugu naalasseriitsuliornermut pineqaatissiissutitut atorfimi appartitsisarneq atorfimnullu allamut nuutsitsisarneq pillugit malittarisassanik imaqarpoq.*

*Atorfimmik allanngortitsinerit naammassineqarnissaat sioqqullugu tjenestemandit pillugit inatsimmi naalasseriitsuliornermik malersuineq pillugu malittarisassat atorneqassanersut isummerfiggissallugit pisortaqarfiup pisussaaffeqarnera tamatuma nassataraa.*

*Tjenestemandit pillugit inatsimmi malittarisassat isumaqatigiissuteqarnikkut saneqqunneqarsinnaanngilaat, tassami aalajangiinerup ilusaa aamma naalasseriitsuliornermut pineqaatissiissutit naammassiniarneqarneranni periaaseq inatsisip aalaja-ngersarmagit, aamma tak. tjenestemandit pillugit inatsimmi § 49, imm. 2.*

*Taamaattumik pisortaqarfik isumaqatiginngilara oqarmat atorfimmik allanngortitsinerinik pisortaqarfiup aalajangigaanik A-p akuerinninnerata naalasseriitsuliorqarneranik misissuinerup ingerlanneqartariaqarneranik pisortaqarfik naliliisariaarutsikkaa.*

*Tamatatumunnga uiggiullugu oqaatigaara pisortaqarfiup allagaanit 26. marts 2002-meersunit pisortaqarfiullu innersuussutigisimasaanit ersertoq "atugassiissutigineqartunik ... aqutsinnginneq" A-p ...-tut atorfimmit peerinneqarnissaanut tunngaviit ilaattut innersuussutigisimagaa. Taamatutaaq sumiginnaanerit missingersuutinut tunngasut siunnersortip nalunaarusiaani imm. 44-mi, 45-mi 65-imilu eqqaaneqarsimapput.*

*Missingersuutinik sippuilluni atuinermut imaluunniit tunngavissaligaanngitsumik aningaasartuuteqarnermut akisussaaffik sulinermi unioq-qutitsinertut nalinginnaassumik isigineqassapput.*

*Aamma taamatut allakkani 26. marts 2002-meersuni A-p "suleqatigiinnissamut piumassuseqannginnera" eqqaaneqarpoq.*

*Ataatsimut isigalugu atuuppoq suleqatiginnissinnaannginnerup atorfeqartitaasumut avoqqaarliutigineqarsinnaannginnera, pissutsilli atuuttut tunngavigalugit pisariaqartumik suleqatiginninnissamut piumassuseqan-*



nginneq suleqatiginnikkumanginnerluunniit sulinermi unioqqutitsineru-sinnaalluni.

Aammattaaq ...-p pisortaqarfimmut inissiiniartartoqatigiinnullu "suleqatiginninngera" ataatsimut suleqatigiinnermi ajornartorsiutitut isigineqassasoq takuinnarlugu erseqqarluppoq. Tassani isumaqarpunga illua'tungaaani pisortaqarfiup (inissiiniartartoqatigiillu) sulinerata ilaa tassunga tunngasoq ...-mut sulinermi peqqusissutinik tunngaveqarnera illua'tungaanilu pissutsinik allanik tunngaveqarnerat immikkoortisimasariaqarpai.

Taamaalilluni pisortaqarfiup imaluunniit inissiiniartartoqatigiit sulinermi peqqusissutaannut ...-p naalannissamik pisussaaffeqarnera pineqarpoq.

Naalattussaataaneramik sumiginnaanerit sulinermi unioqqutitsinertut aallaavittut isigineqartariaqarput, taamaattumillu imminni atorfiit allanngortinneqarnerinik naliliinermik tunngaveqartumik aalajangiisinnaalersitsisuunatik.

Suliani pissutsit sulinermi unioqqutitsinernik pissutsinillu allanik tunngaveqarluni tjenestemandip atorfimmit peersinneqarnissaanik kissaateqarfiusuni sulinermi unioqqutitsinerit tjenestemandip atorfeqartitaaneramik atorunnaarsitsinissamik aalajangiinnermi pingaarnertut tunngaviunersut immikkoortillugit oqartussaasup naliliiffigisariaqarpai. Taamaattoqarpai atorfimmik naliliinikkut allanngortitsinerup naammassineqarnera periaatsinik sangutitsinerussaaq inatsisinik unioqqutitsisuusoq.

Tamatumunnga peqatigitillugu pineqartoq tassaavoq suliap sukumiisumik toqqissisimanartumillu paasissutissartalersorneqarnissaata qulakkeerneqarnissaa suliambut atatillugu killisiuisarneq pillugu malittarisassat siunertarigaat, taamatuttaarlu pissusiviusunik taggissineq oqartussaasup aalajangiiniarnerni inatsiseqartitsinikkut tunngaviisa ilagalugu, tunngavillu taanna sulisut pillugit nanertuutaasumik aalajangiinissaq sioqqullugu suliama illua'tungiusup isumaanik annertusisamik tusarniaasarnermik pisussaaffeqarneq malillugu atorfeqartitaasumut tusarniaatigineqartussaalluni.

Suliani oqartussaasup suliassat suliarineqartarnerat pillugu inatsit tunngavigalugu aalajangiiffigisaani suliassat suliarineqartarnerat pillugu inatsimmi malittarisassat ingerlatsinermillu inatsiseqartitsinermi tunngaviit inatsisitigut aalajangersagaanngitsut suliata aalajangiiffigissat pillugit atuuttut oqartussaasup malittussaavai.

Taamaattumik pingaartumik tjenestemandit eqqarsaatigalugit suleqatigiinnermi ajornartorsiutitut taallugit sulisumut nanertuutaasumik aalajangiinertut isigineqassappata tamatumunnga piumasaqaatit tulluuttuni allaaserinissaat pissusissamisussasoq isumaqarpunga.

Suleqatigiinnermi ajornartorsiutit suussusilersorneqarnerat.

Tjenestemandi tjenestemandit pillugit inatsimmi § 30 malillugu qinnuteqaataannngitsumik soraarsinneqarsinnaavoq, qaammatinik pingasunik piffissaqartitaalluni, qaammatip naaneranut.

Tjenestemandit pillugit inatsit naliliinikkut aalajangiinerit annertunerusumik sunniuteqartut allat atorfeqartitaasumut atorneqartarnissaannik malittarisassanik imaqaanngilaq.

Tjenestemandit pillugit inatsimmi § 27, imm. 1-imi atorfimmi appartitaaneq atorfimmullu allamut nuutsinneqarneq naalasseriitsuliornermut pillaatitut taaneqarput.

Tjenestemandit pillugit inatsimmi §§-it 27 aamma 30 oqaaseqaatitaqartinneqanngillat.

Taamaalilluni aalajangersakkanit qulaani taaneqartunit atorfimmi appartitaaneq atorfimmullu allamut nuutsitaaneq inatsisip naalasseriitsuliornermut atuussinnaaffiata avataani atorneqarsinnaanersut takuneqarsinnaanngilaq.

Inatsisissatulli siunnersuut pillugu nalinginnaasumik oqaaseqaatimut aallarniutaasunit erserpoq:

”Aalajangersakkat maleruagassanit maannamut atuuttunit allaassuteqartut salliutillugit oqaaseqaateqarfigineqarput. Aalajangersakkalli allannguuteqaanngitsut imaluunniit Danmarkimi maleruagassanut atuuttunut naapertuuttut oqaaseqaater-taat innersuussutigineqarput.”

Kalaallit Nunaanni tjenestemandit pillugit inatsimmi § 30 tjenestemandit pillugit qallunaat inatsisaanni § 28-mut naapertuuppoq, taamatuttaarlu Kalaallit Nunaanni inatsimmi § 27 qallunaat inatsisaanni § 24-mut naapertuulluni.

Naalasseriitsuliornermut pillaatinik naliliilluni atuneq pillugu ajornartorsiut Forvaltningspersonellet, 2. udgave, 2000, Jurist og Økonomiforbundets Forlag, qupperneq 228-mi Jørgen Mathiasenimit imatut allaaserineqarpoq:

”Akerlianilli naalasseriitsuliornermik malersuineq pillugu malittarisassat nassarinnngilaat pissutsit sulinerimi unioqqutitsinertut tagginneqarsinnaasut naalasseriitsuliornermut pillaaammik taamaallaat atuinikkut qisuariarfigineqarsinnaasut. Taamatut killililneq tungavigineqarsimanngeqqooqaaq Lønningskommissioni 1917-imeersoq naalasseriitsuliornermik malersuineq pillugu malittarisassat nalinginnaasut atulersinneqarneranni oqarmat: „Pillaaneq atunngikkaluarlugu tjenestemandip atorsinnaanngitsup soraarsinnissaanut imaluunniit tjenestemandit atorfinnut suliap aallunneqartariaqarneranut naapertuuttumut atorneqarnissaannut aqutsisoqarfiup pisinnaatitaaffia soorumani matumani attorneqanngilaq.“” (Atorfeqarfimmi nutsigaavoq.)

Taamaattumik atorfimmi appartitsinermik atorfimmullu allamut nuutsitsinermik naliliinikkut qisuariaatitut pisorta qarfiup atuisimanera isornartorsiuinissannut pissutissaqalersitsinngilaq.

Aalajangiinermut tunngavigisatut pisorta qarfiup A-mut allakkamini 26. marts 2002-meersuni ilaatigut pisorta qatigiinni aporaattarnerit A-llu pisorta qarfimmu inissiisartoqatigiillu siulittaasuannut pisariaqartumik suleqatigiinnermik pilersisinnaannginnera innersuussutigisimavai.

Siunnersortip nalunaarusiaani immikkoortut ...-mi suleqatigiinnermut tunngasut siunnersortip nalunaarusiaani imm. 38-mi, 42-mi 43-milu erseqqissumik allaaserineqarsimapput.

Allaffiup pisortaata ... pisortaata akornanni suleqatigiinneq kisiat eqqarsaatigalugu suleqatigiinnermi ajornartorsiutit A-p inuttaanut tutsineqarsimapput.

Tamatuma saniatigut suleqatigiinnermi ajornartorsiutit "qullersaasutut pisortaasumut"-nut tutsinneqarsimapput, tamatumanili suna pineqarner-soq nalunaarusiami sukkulluunniit allaaserineqarsimanani.

Suleqatigiinnermili ajornartorsiutit allaaserineqartut pisorta qarfiup A-mut tutsissimavai.

Suleqatigiinnermi ajornartorsiutit erseqqinnerusumik suussusilernagit atorfeqartitaasup atorfimmini appartinneqarnissaanik imaluunniit pineqartup atorfimmu allamut nuutsinneqarnissaanik aalajangiinermut tunngaviutinarneqarsinnaanngillat. Taamaattumik suleqatigiinnermi ajornartorsiutit iliuuseqarnermut tunngavittut atorneqarsinaassappata piumasaqaatit arlallit tamarmik eqqortinneqarsimasussat piumasaqaatigineqartariaqarput:

Taamaalilluni ilaatigut piumasaqaatigineqartariaqarpoq suleqatigiinnermi ajornartorsiutit inuullu iliuuseqarfiginiarneqartup akornanni erseqqissumik ataqatigiinneqarnerat takutinneqarsinnaassasoq. Aamma taamatut ajornartorsiutinut pissutaanerpaasut pineqartumit allaasumut tutsiniarneqarsinnaasuusanngillat.

Suliami matumani paasinninnera unaavoq siunnersortip nalunaarusiaanit ersertumit suliaq erseqqinnerusumik misissuiffigeqqaarnagu A-p ... pisortaattut atorfianit peersinnissannut suleqatigiinnermi ajornartorsiutit pisorta qarfiup tunngavigisinnaasimannikkai.

Tassani aamma ilaavoq siunnersortip namminersortup nalunaarusiaa misileqqaarnagu oqartussaasup tunngaviutissinnaanngikkaa.

Taamaalilluni siunnersortip inerniliinerisa attassisinnaassuseqarnerat, matumani inerniliinerit taakku uppernarsaasersuinikkut naammattumik tunngavissaqarnerat ilanngullugu eqqarsaatigalugu, sukumiisumik isummerfigissallugu pisorta qarfik pisussaaffeqarsimavoq, aamma tak. suliamik uppernarsaasersuineq pillugu qulaani oqaaseqaatikka.

Pisorta qarfiup tusarniaanermut akissummini 24. juni 2002-meersumi allassimanerat siunnersortip pikkorissuseqarneranik pisorta qarfiup siumut tatiginissuseqareernerata siunnersortip nalunaarusiaanik sukumiisu-

*mik isummerfiginneqqaarnani aalajangiinnerminut tunngaviutitsinissaanut pisortaqarfik pisinnaalersinnangilaa.*

*A-p atorfimmini appartinneqarnissaanik atorfimmullu allamut nuutsinneqarnissaanik aalajangiiniarnermini suleqatigiinnermi ajornartorsiutit tunngavittut ilaasinnaanerannut pisariaqartumik tunngaviup pigineqarne-rata qulakkeerneqarnissaa siunertaralugu pisortaqarfik erseqqinnerusu-mik misissuisimangimmat ajuusaarnartorujussuartut isigisariaqarpara.*

*Pisortaqarfiup suliamik paasissutissartalersuinera pillugu imaattunik oqaaseqaateqarnissannut suliap aamma pissutissaqalersippaanga:*

*Suliap paasissutissartalersorneqarnera.*

*Qulaani taaneqartutut pissutsinik sulinermi unioqqutitsinertut A-mut avoqqaarliutigineqartunik, naalasseriitsuliortnermillu misissuinnermut ingerlatsisariaqarsimagaluarnermut pissutaasinnaasunik peqarnersoq suliami paasissutissiissutigineqarsimangilaa.*

*Taamaattumik suliap paasissutissartalersorneqarnera pillugu tulliuuttuni oqaaseqaatikka tjenestemandinik naalasseriitsuliortunik malersuinnermut atatillugu suliap paasissutissartalersorneqartarnera pillugu malittarisas-sanut immikkut ittunut tunnganngillat, sulianili sulisunut inatsiseqartitsi-nikkut nanertuutaasumik aalajangiiffigineqartuni ingerlatsinermik inat-siseqartitsinermi nalinginnaasumik piumasaqaatinut tunngasuullutik.*

*Tjenestemandip soraarsinneqarnissaa, atorfimmi appartinneqarnissaa pineqartulluunniit atorfimmullu allamut nuutsinneqarnissaa pineqartillugu aalajangiinnermut uppernarsaasersuinikkut tunngaviusoq taassuma ilu-ngersunartuunera pissutigalugu qularnaalluinnartuusariaqarpoq.*

*A-p atorfimmi appartinneqarnissaa atorfimmullu allamut nuutsinneqar-nissaa pillugu aalajangiinnermut tunngaviusoq pisortaqarfiup allagaani 26. marts 2002-meersuni allaaserineqarpoq.*

*Taamaalilluni pissutsit A-p ...-tut atorfianit peersinneqarnissaanut tun-ngaviusut uku pisortaqarfiup taakkartorpai:*

- pissutsinik aqutsinermut aningaasaqarnermillu tunngasunik paasisi-masaqannginneq,*
- sulisunik qiimmassaasinnaannginneq toqqissisimanermillu pilersitsi-sinnaannginneq,*
- inissiiniartartoqatigiinnik pisortaqarfimmillu suleqatiginninnermik pi-lersitsisinnaannginneq, aamma*
- ...-imi allaffiup pisortaanik suleqatiginninnissamat piumassuseqan-nginneq.*

*Pisortaqarfiup allakkamini 26. marts 2002-meersuni pisortaqarfiup tu-sarniaaninnut akissutimini kingusinnerusukkat uppernarsarsimasamini oqaatigaa pissutsit taakku siunnersortip nalunaarusiaa qulaani issuarsi-masara tunngavigalugu paasineqarsimasut.*

*Paasissutissat nalunaarusiap inerniliinerinut tunngaviusut qanoq iliorluni pissarsiarineqarsimanerat siunnersortip nalunaarusiamini imm. 17-imi nassuiarpaa:*

*”17. Siunnersortip avataaneersup allagaatit suliamut tunngasut suleriaatsillu allaaserineqarneri misissorsimavai, kiisalu ...-imi sulisoqatigiikkuutaat assigiingitsut tamaasa apersorsimallugit. Aammattaq ...-qatigiinni ilaasortat kiisalu KIIIP-ip immikkoortuini susassaqarfiusuni atorfeqartitaasut apersorneqarsimapput. Siunnersorti avataaneersaq KIIIP-imi immikkoortunut suliami akuusunut misissuinerup ingerlanera pillugu ingerlaavartumik nalunaarusiortarsimavoq.” (Atorfeqarfimmi nutsigaavoq.)*

*...-p aqutsisoqarfiani amigaatinik aamma/imaluunniit ...-mi pisortaqati-giinnik isornartorsiuineq nalunaarusiami immikkoortunit issuarneqartunit ukunannga erserpoq: 8, 9, 30, 38, 40-47, 57, 63 aamma 65.*

*Immikkoortunili taakkunani pissutsit allaaserineqartut paasissutissat aalajangersimasut (atorfeqartitaasunit ataasiakkaanit paasissutissat al-lakkatigulluunniit paasissutissat) suut aallaavigalugit paasineqarsimaner-sut nalunaarusiamit ersinngilaq.*

*Suliap paasissutissartalersorneqarnerani siunnersortimit namminersor-tumik ikiorneqarnissani oqartussaasup toqqaruniuk paasissutissat pingaa-ruteqartut pissarsiarineqartut tamarmik oqartussaasumut ingerlateqqin-neqarnissaat oqartussaasup qulakkeertariaqarpaa, taamaalillutik paasis-sutissat taakku oqartussaasup aalajangiiniarneranut imaaliillaannaq i-laatinneqarsinnaalersillugit.*

*Paasissutissat siunnersortip pissarsiarisimasaasa oqartussaasumut i-ngerlateqqinneqarnissaat pisariaqarpoq, ilaatigut paasissutissat aalaja-ngiinnermut pisariaqartut pigineqarnerat oqartussaasup nammineq inger-latsinermik inatsiseqartitsinermi suliamik paasissutissartalersuinermi na-linginnaasumik tunngavigineqartutut misissorsinnaaniassammagu, ilaati-gullu suliami illua tungiusup isumaanik tusarninaanerup illua tungiusullu suliami allagaatinik paasitneqarnerata tamakku pillugit malittarisassat naapertorlugit ingerlanneqarnissaat oqartussaasup qulakkeersinnaanias-sammagu.*

*Pissutsip pingaaruteqartup attassinnaanera nalornissutigineqarpat na-lornissutigineqartup taassuma qulaajarniarneqarnissaa sulianik sukumii-sumik paasissutissartalersuinnermut ilaavoq, taamaaliornikkut paasissutis-saq pineqartoq oqartussaasup aalajangiineranut pineqartumut tunngaviu-tinneqarsinnaanersoq uppersarsaasiussanik ileqqusoq malillugu nalilii-nikkut aalajangerneqarsinnaaqqullugu.*

*Paasissutissat taamaallaat kimit pisuuneri ilisarnarunnaarlugit pigine-qartut imaluunniit oqartussaasup allamik pissuteqartumik misissorsin-naasaasa sulisumut nanertuutaasumik aalajangiissamaarnermi tunngavin-nut ilaatinneqarsinnaannginnerat tamatuma nassataraa.*

*Tamanna naliliinernut pissusiviusutigut tunngavii misissorneqarsinnaanngitsunut aamma atuuppoq.*

*Siunnersortip inaarutaasumik nalunaarutaa pisortaqarfiullu uannut akissutaa 10. marts 2003-meersoq innersuussutigalugit tunngaviutittariaqarpara sulisut kikkut siunnersortip inerniliinerinut tunngaviusunik oqaaseqaateqarsimanerat pillugu siunnersortip paasissutissiisutai pisortaqarfimmit tiguneqarsimasut.*

*Aamma tunngaviutittariaqarpara nalunaarusiaq allanngortillugu allaqqeqqullugu pisortaqarfiup siunnersorti peqqusimagaa, taamaalillutik paasissutissat ...-imi atorfeqartitaasunit ataasiakkaanit kikkunneersuuneri takuneqarsinnaajunnaarsillugit, uppernarsaasersuinermilu pigineqartut allaqqaarneqarneri tamatuma kingorna siunnersortimut utertillugit tunniunneqarsimasut, siunnersortilu taanna tamatuma kingorna toqukkut qimaguussimavoq.*

*Tamatumunnga peqatigitillugu tunngaviutittariaqarpara nalunaarusiaaqaartup utertinneqarneranut atatillugu taassuma assilinerata qulakkeerneqarnissaa pisortaqarfiup isumaginiarsimannigikkaa, paasissutissalluunniit ataasiakkaat atorfeqartitaasunit kikkunneersuunerat allassimangu.*

*Uppernarsaatit oqartussaasup allaffissornermi aqutsinikkut suliamik suliarinninnerani pigineqarnerat arlalinnik siunertaqarpoq:*

*Pineqartoq tassaavoq uppernarsaatit pigineqarnerat aalajangiinermut tunngaviusumik oqartussaasup uppernarsaasersuinissaanut tunngaviusooq, taamatuttaarlu uppernarsaatit pigineqarnerat suliami illua'tungiusup isumaanik eqqortumik tusarniaanerup ingerlanneqarnissaanut uppernarsaatitullu allagaatinik eqqortumik paasissutissiinissap qulakkeerneqarnissaanut tunngaviugajuttartussaasoq. Tamatuma saniatigut misissuisoqarsinnaanera eqqarsaatigalugu suliami uppernarsaatitut allagaatit ilaanna kuussanngillat.*

*Suliami paasissutissat aallaavigalugit aalajangersinnaanngilara siunnersortip nalunaarusiaaqaava paasissutissanik atorfeqartitaasut kikkus-susiannik imaqartoq pisortaqarfimmi tiguneqartutut nalunaarsorneqarsimanersoq, imaluunniit tiguneqartutut nalunaarsornagu siunnersortimut utertillugu tunniunneqarsimanersoq.*

*...-mili atorfeqartitaasut ataasiakkaat qanoq oqarsimanerannik siunnersortip nalunaarusiaaqaavani paasissutissat siunnersortip nalunaarusiaani naliliinernut uppernarsaatit qulakkeerneqarnissaannut pisortaqarfiup periarfissaanut annertuumik pingaaruteqarsimapput, aamma tak. sulisut kinaassusii ilisarnarunnaarsagaasimasut naliliineri A-llu suliami illua'tungiusutut isumaanik sukumiisumik tusarniaanissaq pillugu qulaani oqaaseqaatikka.*

*Taamaattumik pisortaqarfik paasissutissat taakku tiguneqarnerat suliap suliarineqarnerata ingerlaqqinnerani atugassatut nalunaarsussallugu pi-sussaaffeqarsimavoq.*

*Suliami allagaatit tiguneqarnerinik nalunaarsuisarneq eqqarsaatigalugu atuuttoq tassaavoq taakku taamaallaat allagaateqarfeqarneq pillugu Inatsisartut inatsisaanni nr. 22-mi, 30. oktober 1998-imeersumi § 14 tunngavigalugu atortussaajunnaarsinneqarsinnaasut, tassanimi aalajangersarneqarmat toqqortaatinik atortussaajunnaarsitsineq Nunatta Katersugaasiviata Allagaateqarfiatalu allakkatigut akuersineratigut aatsaat pisinnaasog, imaluunniit oqartussaasup taassuma ilitsersuutitut maleruagasiarisimasai naapertorlugit. Allagaatinik nutaajunerusunik atortussaajunnaarsitsisarneq pillugu tunaartarisassat Nunatta Katersugaasiviata Allagaateqarfiatalu aalajangersarsimangilai.*

*Pisut qanoq ikkaluarpataluunniit paasinninnera unaavoq siunnersortip pisortaqarfimmut paasissutissiisutaasa tamarmik qulakkeerneqarnissaannik isumaginninniarsimanginnermigut pisortaqarfik annertuumik isorisarialerujussuarmillu kukkussuteqarsimasog. Siunnersortip nalunaarusiaata pissutsinut A-p atorfimmimi appartinneqarnissaanut atorfimmullu allamat nuutsinneqarnissaanut tunngaviusunut naammattumik uppernarsaataasinnaanginnera kukkunerup taassuma nassataraa.*

*Nalunaarusiap uppernarsaatitut naleqassusia ataatsimut isigalugu suli sanngiillisinneqarneruvoq pissutsit ataasiakkaat siunnersortip paasisimasaa toqqartumik apersuinikkut, allakkatigut uppernarsaasiussatigut imaluunniit nammineq paasisatigut tunngavilersugaanerat siunnersortip nalunaarusiamini nassuiarsimangimmagu.*

*Naggasiullugu erseqqissassallugu pissutissaqarpunga suliap siunnersortimut namminersortumut tunniunneqarneratigut suliap sukumiisumik paasissutissartalersorneqarnissaanut pisortaqarfik akisussaaffiarneqanngitsoq.*

*Tamatuma kingunerisaanik paasinninnera unaavoq A-p ... atorfimminit peersinneqarnissaa pillugu suliap aallartinneqassanersoq isummertoqannginnerani erseqqissaaneq pisariaqartoq pisortaqarfiup qulakkeersimasariaqaraluaaraa, sulisut paasissutissiisutigisaat siunnersortip paasisaminut tunngavigisai eqqarsaatigiinnarnagit, aammali paasissutissat allat siunnersortip sulinermini atorsimasai eqqarsaatigalugit.*

#### *Naggataarutaasumik oqaaseqaatikka.*

- Paasinninnerma imaannera isiginiarlugu,*
- *A-mut qisuariaatissatut aalajangiunneqartup naalasseriitsuliorneq pillugu malersuineramik aallartitsinani aallartinneqarsinnaanera pisortaqarfiup nammattumik misissuiffigisimangikkaa,*
  - *A-mut qisuariaatiminut siunnersortip nalunaarusiaani naliliinerit tunngavigisinnaajumallugit uppernarsaasersuineq pisariaqartoq pisortaqarfiup qulakkeersimangikkaa,*
  - *suleqatigiinnermilu ajornartorsiutit pisortaqarfiup annertunerusunik misissueqqaarnani ilaatissinnaasimammagit,*

*inassuteqaatigaara A-p ...- tut atorfimminik ingerlatsinera pillugu suliamik suliarinninninni pisortaqarfiup suliareqqissagaa, taamaalilluni pisortaqarfik aalajangiiniarnermut tunngaviusuni amigaatit isummerfiginis-saannut periarfissaqalersillugu.*

*A paasinninnera pillugu allakkatigut allatigut allakkat uku assilinerinik ilaqartinneqartutigut ilisimatippara.*

*Tamatumunnga peqatigitillugu allakkat uku assilineri Aqutsinermut Pisortaqarfimmut oqaaseqaateqarfigisassanngorlugit nassiuppakka.”*

Pisortaqarfiup akissutaanik ukiup nalunaarusiuunneqartup naanerani tigusaqarsimanngilanga.



### 30. Attartorneq pillugu inatsiseqartitsineq

**1. Suliani nunaminertat atorneqarnerat pilersaarusionerlu pillugit Inatsisartut peqqussutaannut ilaatinneqartuni oqartussaasup qulliunerusutut naammagittaalliorfiusussap suliarinnissaanik piunasaqarneq.**

*A-p ilaatigut K Kommuniq sanaartorfigissaanermut akiliummik naatsorsuina akiliisitsiniarneralu Ineqarnermut Attaveqarnermullu Pisortaqarfimmu naammagittaalliuutigai.*

*Kommuniq tamanna pillugu aalajangiinerata misileqqinnissaa pisortaqarfiup itigartitsissutigaa. Itigartitsineq ilatigoortumik ima tunngavilersuuteqartinneqarpoq, sanaartorfigissaanermut akiliutit naatsorsorneqartarnerat Inatsisartut peqqussutaannit nalunaarummilu tassunga atatinneqartumi malittarisassiuunneqarsimangitsoq.*

*Matuma kingornagut A Ombudsmandimut, pisortaqarfiup naammagittaalliummut isummerfiginnissimanginneranik isornartorsiulluni oqaaseqaateqarsimasumut, naammagittaalliorpoq, tassami sanaartorfigissaanermut akiliutip naatsorsorneqartarnera inatsisinut atuuttunut, matumunnga ilanngullugu ingerlatsinermut inatsiseqartitsinermi tunngaviusunut, naapertuuttuunermigut K Kommuniq akiliummik taassuminnga akiliisitsisinaatitaanerata inatsisinut naapertuuttuussusianut imaluunniit eqqortuussusianut pingaaruteqartuusimammata, aammalu oqartussaasoq qulliunerusoq naammagittaalliorfiusinnaasoq naammagittaalliuutitut suliap tamakkiisumik misilinneqartinnissaanut pisussaaffeqarmat. Aammattaaq Ombudsmandip pisortaqarfik suliaasat suliarineqartarnerannut malittarisassanik tamanut tunngasumik paasinninnissamut isummerfiginnissimanginnera, K Kommuniq ersersissimasaa, pillugu isornartorsiopaa. (J.nr. 11.03.39.01/076-02)*

A-p naammagittaalliuutaa 16. august 2002-mi tiguara.

Pisortaqarfiup aalajangiinera 28. juni 2002-meersoq A-p naammagittaalliuutigaa, aalajangiinermilu tassani A-p K Kommuni pillugu naammagittaalliuutaa pisortaqarfiup oqartussaasutut qulliunerusutut aalajangiiffigaa.

Pisortaqarfimmu naammagittaalliummi paasissutissat ataani takuneqarsinnaasut malillugit pineqartut tassaapput nunaminertap A-mut tunniunneqartup sanaartorfigissaanermut akiliutissat akilernerqarsimanginnerat pissutigalugu atorunnaarsinneqarnissaanik kommunip aalajangiinera, aamma sanaartorfigissaanermut akiliutinik kommunip naatsorsuisimanera kati-terisimanageralu.

Uannut naammagittaalliummi pineqartoq tassaavoq sanaartorfigissaanermut akiliutit naatsorsorneqarnerat katitigaanerallu pillugit A-p naammagittaalliuutaanut pisortaqrarfiup isummersimannginnera.

Kommunip suliamik suliarinninnera A-p tamatumunnga peqatigitillugu naammagittaalliuutigaa.

Suliami paasissutissat imaattut pigineqarput:

A kommunimut 22. september 2000-imi imaattunik allagaqarpoq:

”Sanaartorfigissaanermut akiliutit pillugit allagaatinik paasitinneqarnissamik qinnuteqaat.

Sanaartorfigissamik immikkoortumi ...-imi, ...-ittumi B ...-mik piginnittut apequtininik ukuninnga matumuuna saqqummiussissaanga:

Allakkatigut 7.4.99-imeersutigut, ...-mik normoqartutigut oqaatigineqarpoq sanaartorfigissamik B...-mik sanaartorfigissaanermut akileeqaataassutit 320.000 kr.-iusut.

Oqaatigineqartut malillugit aningaasatigut taakkunuuna aqqusinniormut, biilnut uninngaartarfiliormut, aqqusernit qullilersorneqarnerannut, erngup aqquser-suinermit kuuffilersuinernullu, innaallagissap aqqusersuinermit il.il. aningaasartuutit matuneqassasut.

Allakkatigut 20.4.99-imeersutigut ...-mik normoqartutigut aamma oqaatigineqarpoq sanaartorfigissaanermut akileeqaataassutissavut massakkut 271.604 kr.-iusut, missingit A 10.040.917,00 kr.-nik aningaasartaqartoq innersuussutigalugu. Immikkoortumi pilersaaruserfigineqartumi inissiat 45-t sananeqassasut aalajangerneqarsimavoq.

Paasissutissat taakku aallaavigalugit paasissutissat makku inussiarnersumik qinnutigissavakka:

1) Immikkoortumi pilersaaruserfigineqartumi taaneqartumi sanaartorfigissaanermut aningaasartuuterpiaat suuppat?

2) Immikkoortumi tassani sanaartorfigissaanermut aningaasartuutit kommunip kisimiilluni aningaasalersorpai?

3) Imermut, innaallagissamut oqarasuaatinullu aningaasartuutit matuneqarneranni Nukissiorfiit Telelu peqataassannginnamik?

4) Sanaartorfigissaanermut aningaasartuutininut akileeqaataassutininik kommunip Namminersornerullutik Oqartussanit KANUKOKA-milluunniit pissarsineq ajorpa?

5) Sanaartorfigissaanermut aningaasartuutininut akileeqaataassutissavut kommunip qanoq ililluni 271.604 kr.-nngortippai?

6) Sanatitsisup sanaartorfigissaanermut akileeqaataassutissaasa naatsorsorneqarneranni tunaartarisassat, aalajangersakkat inatsilluunniit suut malinneqartarpat?

Apeqqutit nassiunneqartut taakku piaartumik akineqarsinnaanerit neriuutigaa.” (Atorfeqarfimmi nutsigaavoq.)

Kommunip qinnutigisat taanna allakkatigut ukunatigut 4. oktober 2000-imeersutigut akivaa:

”Allakkatit 22. september 2000-imeersut K Kommunip tiguai, allakkanilu taakunani immikkoortumi pilersaaruserfigineqartumi ...-mi ...-ittumi sanaartorfigissaanermut akileeqaataassutissat qanoq iliorluni naatsorsorneqarsimanerat pillugu paasitinneqarnissat qinnutigivat.

Ingerlatsiviup makku matumuuna oqaatigisinnaavai:

1 pillugu.

Sanaartorfigissaanermut inaarutaasumik aningaasartuutissat sanaartorfigissaanermut atatillugu suliat inaarlugit suliarineqareersimatinnagit naatsorsorneqarsinnaangillat.

2 aamma 3 pillugit.

...mut atatillugu sanaartorfigissaaneq tassaavoq pingaarnerusutigut sanaartorfigissaaneq aamma immikkuualuttulersugaasumik sanaartorfigissaaneq.

Pingaarnerusutigut sanaartorfigissaanermi immikkoortumut aqqusineq, immikkoortumut erngup aqqutaa, immikkortumit kuuffilersuineq kiisalu innaallagissamut oqarasuaatinullu aqqusersuineq pineqarput. Aqqusineq kuuffillu kommunimit aningaasalersorneqartarput, kiisalu innaallagissamut imermullu aqqusersuineq Nukissiorfinit oqarasuaatillu aqquataa Telemit aningaasalersorneqartarlutik.

Immikkuualuttulersugaasumik sanaartorfigissaaneq tassaavoq immikkoortumi aqqusinniorneq, biilinu uningaartarfiliorneq, kuuffilersuineq, kiisalu innaallagissamut oqarasuaatinullu aqqusersuineq. Aqqusernit, biilit uningaartarfii, kuuffiit erngullu aqqutai kommunimit aningaasalersorneqartarput, innaallagissap aqqutai Nukissiorfinit oqarasuaatillu aqqutai Telemit aningaasalersorneqartarlutik.

Immikkoortumi sanaartorfigissaanermut akileeqataassutissat tassaapput kommunip immikkuualuttulersugaasumik sanaartorfigissaaneranut aningaasartuutit, missingersuut A tunngavigalugu naatsorsorneqarsimasut. Pingaarnerusutigut sanaartorfigissaanermut aningaasartuutit immikkoortumi tassani sanaartortunut sanaartorfigissaanermut akileeqataassutitut akilersinniarneqanngillat.

4 pillugu.

Namminersornerullutik Oqartussat KANUKOKA-llu sanaartorfigissaanermut suliasat nammagassallu nutaamik agguataarneqarnerat pillugu isumaqatigiisutaat tunngavigalugu kommunit pingaarnerusutigut sanaartorfigissaanermut ataatsimoortumik tapiissutisisarput. Taamaalilluni K Kommuni annertusisanik 1999-imi 3.929.000 kr.-nik 2000-imilu 4.075.000 kr.-nik ataatsimoortumik tapiissutisimavoq. 2001-imi ataatsimoortumik tapiissutit ataatsimoortumik tapeeriaaseq nutaaq pisariillisarlu malillugu agguanneqassapput, taamaattumillu sanaartorfigissaanermut kisitsisinik immikkut taasaqartoqarsimanani.

Kommunip pingaarnerusutigut sanaartorfigissaanermut aningaasartuutit ataatsimoortumik tapiissutinit tiguneqarsimasunit amerlanerujussuupput.

5 aamma 6 pillugit.

Sanaartorfigissaanermut aningaasartuutit sanaartorfinnut ataasiakkaanut agguanneqarnerat sanaartorfiusut pineqartut annertussusiisa annerpaaffii tunngavigalugit aalajangersarneqarsimavoq, tak. Immikkoortumut Pilersaarusiaq ..., § 5.7., tassanilu ilaqutariinnut ataatsinut illu 160 m<sup>2</sup>-nut, inissiat pingasunik inissartallit 105 m<sup>2</sup>-nut illumilu marloqiusaasumi inissiaq ataaseq 95 m<sup>2</sup>-nut annerpaaffissalerneqarsimallutik.

Aammaattaq oqaatigineqarsinnaavoq ...-mi sanaartorfiusimasoq annertunerpaaffimmigut 5.915 m<sup>2</sup>-nut naatsorsuunneqarsimammat.

Tamanna pillugu amerlanerusunik apequtissaqaruit ingerlatsivimmu saaffigininnissannut tikilluaqquneqarputit.” (Atorfeqarfimmi nutsigaavoq.)

K Kommuni 4. december 2000 aalajangerpoq nunaminertaq ...-mik taaneqartoq, immikkoortup ilaani ...-imiittoq, sumiissutsimi X ...-mi aamma Y ...-mi inissisimasoq A-mut ilaqutariinnut ataatsinut illuliorfissatut tunniunniarlugu.

Nunaminertamik tunniussinermi erserpoq sanaartorfigissaanermut akileeqataassutit 271.604 kr.-iusut, nunaminertamik tunniussinermi piuma-

saqaatigineqartut naammassineqannginnerisa nunaminertamik tunniussi-  
nerup utertinneqarnera nassatarissagaa, kiisalu nunaminertamik tunniussi-  
nermi piumasaqaataasoq sanaartorfigissaanermut akileeqataassutissatut  
taaneqartut akilerneqassasut, tassami akileeqqusissut tulliuulluni nassiun-  
neqartussaammat.

Nunaminertamik tunniussinermut aamma erserpoq kommunip aalaja-  
ngiinera qaammatit marluk piffissaliunneqartut iluanni Naalakkersuisunut  
naammagittaalliuutigineqarsinnaasoq.

Kommunip sanaartorfigissaanermut akileeqataassutit akiligassiissuti-  
taat 271.604 kr.-nik aningaasartalik A-mut 9. januar 2001-imi nassiuppa,  
taannalu akilerneqassalluni ”tak. qaammammoortumik naatsorsuutit ilan-  
ngullugit nassiunneqartut” malillugit.

A kommunimut 2. juli 2001-imi allappoq:

”Immikkoortumi ...-mut ...-ittumi sanaartorfigissaanermut akileeqataassutit aki-  
lerneqarnissaannut qularnaveeqqut matumuuna nassiuppara, neriutugalugu taanna  
akileerusussuseqarnitsinnut takussutissatut isigineqassasoq.

Akileeqataassutininut akiliutit massakkut nuunneqannginnerininut taakku pillugit  
siusinnerusukktut allaffigeqatigiittarsimanigut innersuussutugalugit amerlanerusunik  
itisilerisunik apeqqtissaqarnera pissutaavoq.

Ingerlatsiviup taakku pillugit allakkakka 22. september 2000-imeersut kiisalu i-  
ngerlatsiviup akissutaa 4. oktober 2000-imeersoq innersuussutugalugit suliaq pillugu  
imaattunik itisilerisunik apeqqtissaqarpunga.

Paasissutissiissutigineqarsimasut tunngavigalugit sanaartorfigissaanermut akilee-  
qataassutissavut katillugit 271.604,00 kr.-iupput, sanaartorfiusumi 5.915 m<sup>2</sup>-nik an-  
nertussusilimmi pingaarnerusutigut kiisalu immikkuualuttulersugaasumik sanaar-  
torfigissaanermut 10.040.917,00 kr.-nik missingiut A aallaavigalugu.

Ingerlatsiviup naatsorsuinermit tunngaviusoq sanaartorfigineqartumik 5.915 m<sup>2</sup>-  
nik annertussususeqartumik tunngaveqarpoq, taakkulu immikkoortumi tassani  
nunaminertat annertunerpaaffimmikkut tunniunneqartut aallaavigalugit nalilimmik  
agguaanneqartussaallutik. Kisianni apeqqutaavoq taanna naatsorsuinermit ilumut  
tunngaviunersoq, tassami nunaminertat illunut ataasiakkaanut sanaartorfiusorpiat  
assigiinngitsuunissaat naatsorsuutigineqarsinnaammat, nunaminertamik pigisaqar-  
tut ataasiakkaat illumik qanoq angitigisumik sananiarnerat apeqqutaatillugu.

Taamaattumik naatsorsuinermit tunngaviusoq immiini apeqquserneqarsinnaavoq,  
taassumani sanaartukkat ataasiakkaat sanaartukkanut tamarmiusunut sanilliullutik  
aningaasalersorneqarnissaannut tunngaviumut sunniuteqarsinnaammata. Taa-  
maattoqarpat tassani kommunalbestyrelsiup aalajangiinerata assilineru piumallugu  
inussiarnersumik qinnutigissavara.

Tamatuma saniatigut inussiarnersumik apeqqtigissavara pingaarnersumik im-  
mikkuualuttortalersugaasumillu sanaartorfigissaanernerup tamarmi aningaasalersugaa-  
nera inoqtigiiinnut ataasiakkaanut, Nukissiorfinnut, Tele A/S-imut Namminersor-  
nerullutillu Oqartussanut qanoq iliorluni agguaanneqarsimanersoq, immikkoortu-  
mullu tassunga tamarmut sanaartorfigissaanermut aningaasartuutit tamarmiusut  
qanoq amerlatiginersut.

”Malittarisassat Immikkoortumut pilersaarusiimi ...-mi ...-miittumut atuutsin-  
neqannginnissaannik ...-p aamma A-p qinnuteqaataata K Kommunimit itigartinne-  
qarnera pillugu naammagittaalliuut” pillugu Attaveqatigiinnermut Ineqarner-

mullu Pisortaqarfiup aalajangiinera 3.10.2000-imeersaq tunngavigalugu amerlanerusunik apeqqutissaqarpunga.

./ Naammagittaalliut pillugu aalajangiinerup assiliner ilanngullugu nassiunneqarpoq.

Allakkani taaneqartuni kingullerni allaaserisaq ilaavoq, tassalu kommunit nunaminertanik immikkut akuersissuteqarnerisa ilaanni illup tungaanut toqqaannartumik aqqussinniornissaq akuersissutigineqarsimasoq.

Allaaserisat taakku innersuussutigalugit inussiarnersumik uppernarsaqqussavara uagut akileeqataassutissavut sanaartorfigissaanermut akileeqataassutissat ataasiakkaat naatsorsorneqarnissaannut aningaasanut tamarmiusunut ilaatinneqarnersut. Taamaattoqarpat kommunalbestyrelsip tamanna pillugu aalajangiinerata assiliner piumallugu qinnutigissavara.

Naggataatigut K-mi sanaartorfigissaanermut akileeqataassutit naatsorsorneqarnerinut naatsorsuinermit tunngavissat tunaartarisassalluunniit suut pigineqarnersut tusassallugu soqutiginnassaaq.

Apeqqutit qulaani taaneqartut pillugit erseqqinnerusumik tusagaqarnissara qilanaaraara.” (Atorfeqarfimmi nutsigaavoq.)

### Kommunip A 1. oktober 2001-imi imatut akivaa:

”Pineqartoq: Nunaminertamik A-...-mik ilaqutariit illuannut ataatsimut atugassamik ...-miittumik tunniussineq.

2. juli 2001-imeersut allakkat nassiussimavatit, taakkunanilu sanaartorfigissaanermut akileeqataassutit naatsorsorneqarnerat pillugu amerlanerusunik apeqquteqarputit, kiisalu nunaminertamik A-...-mik ...-miittumik tunniussinermut atatillugu akiliuteqarnissamat qularnaveeqquusiussaq ilanngullugu nassiullugu.

./ Allakkat 4. oktober 2000-imeersut siusinnerusukkut nassiunneqarsimapput, taakkunanilu sanaartorfigissaanermut akileeqataassutit naatsorsorneqarnerat ingerlatsiviup nassuarlugu.

Allakkani 4. oktober 2000-imeersuni oqaatigineqartutut immikkuualuttulersugaasumik sanaartorfigissaanermut aningaasartuutit kisimik akiligassanngortinneqarput. Pingaarnersutigit sanaartorfigissaanermut aningaasartuutit immikkut sanaartortitsisunut akiligassanngortinneqarneq ajorput.

Sanaartorfigissaanermut akileeqataassutit missingiut A aallaavigalugu naatsorsorneqarsimapput, taannaalu suliasat suliariumannitussarsiuunneqarnerisa aningaasartuutissallu naammaginnartumik erseqqissusilimmik aalajangersarneqarsinnaalernerisa kingorna naatsorsorneqarsinnaalersarpoq. Sanaartorfigissaanermut akileeqataassutit missingiut A-p immikkoortumi sanaartorfissanut ataasiakkaanut agguanneqarneratigit saqqummertarpoq. Agguassineq sanaartorfissanut ataasiakkaanut kvadratmeterit amerlanerpaaffissaattut akuerineqarsinnaasut tunngavigalugit pisarpoq.

./ Missingiummit A-mit ilanngullugu nassiunneqartumit qupperneq 4-mi erserpoq ...- immikkoortup aappaani immikkuualuttortalersugaasumik sanaartorfigissaanermut aningaasartutit tamarmiusut 10.578.014 kr.-iusut. Aningaasanit taakkunannga 537.097 kr.-t tassapput pingaarnersutigit sanaartorfigissaanermut atorneqartut, taamaattumillu aningaasat taakku sanaartorfigissaanermut akileeqataassutissat naatsorsorneqarneranni ilanngunneqassanatik. Taamaalluni immikkuualuttortalersugaasumik sanaartorfigissaanermut missingiut A 10.040,917 kr.-nik aningaasartaqalerpoq.

...-mi sanaartorfigineqartoq tamarmiusoq 5.915 m<sup>2</sup>-nik annertussuseqarpoq. ...-mi ilaqutariinnut ataasiakkaanut sanaartorfik annertunerpaaffimmigit 160 m<sup>2</sup>-iu-

voq. Sanaartorfigissaanermut akileeqataassutissat tamanna tunngavigalugu imatut naatsorsorneqarsinnaalerput:

$$(10.040.917/5.915)*160=271.605 \text{ kr.}$$

Naatsorsuinermi tunngaviusoq, sanaartorfiit ataasiakkaat nunaminertaasa anner-tunerpaamik sanaartorfigineqarnerannik aallaaveqartoq apeqcutigaat. Sanaartorfi-gissaanermut akileeqataassutit kommuniq aningaasartuutigisimasarpiaanik immik-koortumi sanaartortitsisunut assigiinngitsunut akilersinneqartussanik tunngaveqar-put. Sanaartortitsisoq illumik mikinerusumik sanappat illu immikkoortumut pilersaarusiame illup anginerpaaffissaatut aalajangersarneqartutut angitigilersillugu al-lineqarsinnaavoq, sanaartorfigissaanermut amerlanerusunik aningaasartuutigeqqin-nagu.

Ilisimatitsissutitut oqaatigineqarsinnaavoq ...-mi immikkoortoq 1-imi pingaarne-rusutigut sanaartorfigissaanermut missingiut A 5.625.627 + 537.097 = katillugit 6.162.724 kr.-nik aningaasartaqartoq.

Sanaartornermi inaarutaasumik naatsorsuutit aatsaat suliat inaarlugit suliarineqa-reerpata saqqummissapput.

...-mi illut ataasiakkaat ilaannut namminerisamik aqqusinniornermut immikkut akuersissutit apeqcutigaatit. Aqqusinernut taakkununga aningaasartuutit kommu-nip susassarinnilai, sanaartorfigissaanermullu naatsorsuutitun sunniuteqarnatik.

Teknikkimut Avatangiisinullu Ataatsimiititaliap 3. maj 1999-imi ataatsimiinne-rani imaqarniliami imm. 5-ip naqitanngortinnera ilanngullugu nassiunneqarpoq, ataatsimiinnermilu tassani ...- sanaartorfigissaanermut akileeqataassutit naatsor-sorneqarnerannik ataatsimiititaliaq kommunalbestyrelsi sinnerlugu ilisimatinneqar-poq. ...-mi tunngaviusoq K-mi nunaminertani inissialiorfiterfusuni periaatsip atuut-tup assigaa.

Sanaartorfigissaanermut akileeqataassutissat Namminersornerullutik Oqartussat september 1992-imi saqqummersitaanni "Nunaminertat atorveqartarnerat pilersaarusiorneqartarnerallu pillugit ilitsersuut"-mi kapitali III, Nunaminertanik tun-niussinermi piumasaqaatit, naapertorlugu akilersinniarneqartarput.

Nunaminertamik tunniussinermit erserpoq sanaartorfigissaanermut akileeqataas-sutit 271.604 kr.-t akilerneqassasut. Akiligassiissut 9. januar 2001-imi nassiunneqar-poq.

K Kommuniq paasisimavaa sanaartorfigissaanermut akileeqataassutit akilerne-qartussat suli akilersimangikkinit. Akiliinissamat piffissaritaasoq tassaavoq ullu-mikkumiit ullut 14-it qaangiutsinnagit.

Taakku akilerneqanngippata nunaminertamik tunniussineq atorunnaarsinneqas-saaq.

Qularnaveeqqusiussaq allakkanut ukununga ilanngullugu nassiunneqarpoq, tas-sami sanaartorfigissaanermut akileeqataassutinik akiliineq aningaaseriviup qular-naveeqqusiussaamik taarserneqarsinnaanngimmat.

...

Assilineru ukununga nassiunneqarpoq: Borgmester..., maani  
Akiliisitsiniartarfik, maani" (Atorfeqarfimmi nutsigaavoq.)

A K Kommunimut, borgmesterimut ingerlatitaasumik, 20. december 2001-imi allagaqarpoq:

"Asasara ...,

Suli ataasiarlunga ilinnut allaqqittariaqarpunga. Qulaani taaneqartoq pillugu ilin-nut kingullermik oktoberimi allagaqarpunga, taakkunungalugu akissutitut ataatsimi-iitaliap aamma teknikkimut tunngasunut pisortap allaagaat 6. december 2001-imi

tiguakka. Aammattaq taakku akissutitut allagaat tunngavigalugit taakku 14. decemberi sivikitsumik ataatsimeeqatigaakka. Ataatsimiinnermi tassani suut ujarternelugit saqqummiussinissannut periarfissaqarsimavunga, isumaqatigiissutigineqarporlu ilinnut/ilissinnut suli ataasiarlunga allaqqittariaqartunga.

Naak sanaartorfigissaanermut akileeqaataassutissakka suli akilinngikkaluarikka uagut illussatta sananeqarnera ingerlavoq, tassungalu 1.3.2002-mi iserternissarput naatsorsuutigaarput.

Akileerusussuserput uppernarsarniarlugu uagut akileeqaataassutissatsinnut qularnaveeqquusiussaq suli ataasiarlunga nassiuppara.

Ataatsimiititaliap siulittaasuanik ataatsimeeqateqarnermi ...-mi sanaartorfigissaanermut akileeqaataassutissama akilerneqarnissaat eqqarsaatigalugu kommunimit suut ujarternelugit oqaasiinnartigut nassuiarpara. Apeqqutit uku apeqqutigeqqinniarpakka:

Kommunimi sanaartorfigissaanermut ataatsimoortumillu sanaartukkanut akileeqaataassutit naatsorsorneqartarneranni tunngaviit kommunalbestyrelsip akuerisimavai?

Ataatsimiinnermi sivikitsumi tassani ataatsimiititaliap siulittaasuata apeqqut taanna teknikkimut tunngasunut pisortamut apeqqutigaa, naaggamillu akineqarluni.

Akissut taanna innersuussutigalugu tamatumunnga tulliuullugu amerlanerusunik apeqquteqassaanga, naatsorsuinnermi tunngavinnik kommunalbestyrelsimit akuerineqartunik peqarnissaa sooq pingaartutut isigineriga.

K Kommunimut pilersaarussiaq 1993-2005

Kommunimut pilersaarussiaq qulaani taaneqartoq – illoqarfiup iluani illoqarfiullu killeqarfiata iluani ilusilersuinnermi pingaarnertut sinaakkutassat - K Kommunip januar 1995-imi tamanut saqqummiuppara.

Pilersaarusiame tassani qupperneq 243-mi uku innersussutigaaakka:

”Imm. D. Sanaartorfigissaanermut ataatsimoortumillu sanaartukkanut aningaasartuutit”

”Sanaartorfigissaanermut ataatsimoortumillu sanaartukkanut akileeqaataassutit naatsorsorneqartarneranni tunngaviit kommunimut pilersaarusiame tullermi aalajangersarneqarniarput.”

Illoqarfimmi K-tut ittumi nunap sinneranut sanilliuullugu annertungaatsiartorsuar-mik sanaartorfiusumi ilaatigut sanaartorfigissaanermut akileeqaataassutissat naatsorsorneqartarneranni tunngavissanik akuerineqarsimasunik kommunalbestyrelsip peqarnera pissusissamisuuksaaq, pingaartumik namminersorluni inissialortiterneq siuarsarneqassappat. Tunngavinnik peqanngippat assersuutigalugu imatut aperisqarsinnaavoq:

Illoqarfimmi erngup aqqutai kommunip qaqugukkut akilertassavai, qaqugukkullu Namminersorerullutik Oqartussat tassaassappat aningaasartuutininik taakkuninnga matusisussat? Aningaasartuutit sooq assigiinngitsumik agguataarneqassappat, illoqarfiup suani najugaqarneq apeqquatainnagu?

Imaassinnaavoq allaqartoq allanik apeqqutissaqartunik.

Kisianni apeqqut siulleq taannarpiq soqutiginarpuvoq. Tassami teknikkimut avatangiisinullu ingerlatsiviup akissutitut allagaanit 6. december 2001-imeersunit ilaatigut erserpoq K Kommuni tassaasoq immikkoortumi tassani erngup aqquuser-suinnermut aningaasartuutininik akiliisimasoq.

Takusinnaasakka malillugit tamanna Namminersorerullutik Oqartussat KANU-KOKA-llu suliassanik nammagassanillu agguataarineq nutaaq pillugu isumaqatigiissutaannut 1. januar 1998-imeersumut assortuuttuavoq, tassani erseqqissumik allassimammat Namminersorerullutik Oqartussani Nukissiorfiit suli tassaasut illoqarfimmi erngup aqqutaanut aningaasartuutininik matusisussat.

Imaluunniit K Kommuni illoqarfimmi erngup aqquataa sanaartorneqarnerat pil-lugu Nukissiorfinnut immikkut ittumik isumaqatigiissuteqarsimava – taamaassi-mappallu qanga qanorlu annertutigisumik?

Aammattaq ingerlatsiviup akissutitut allagaanit 1. oktober 2001-imeersunit er-serpoq ...- sanaartorfígissaanermut akileeqataassutit naatsorsorneqarnerannik ataat-simiititaliaq kommunalbestyrelsi sinnerlugu ilisimatinneqarsimasoq, ...-lu tunngaviusoq K-mi nunaminertani inissialiortiterfusuni periaatsip atuuttup assigaa.

Uannut paasiuminaappoq tunngaviit suut ataatsimiititaliap kisimi kommunalbe-styrelsi sinnerlugu ilisimatinneqarnissaanut tunngaviusimanersut, periaaserlu a-tuuttoq suna ...-mi malinneqarnersoq. Sukumiinerusumik nassuiaasoqarnissaa kis-saatiginarpoq.

Nunaminertat atorneqartarnerat pilersaarusiortorfígineqartarnerallu pillugit Nam-minersorerullutik Oqartussat nalunaarutaat nr. 23, 18. november 1992-imeersoq.

Nalunaarummi qulaani taaneqartumi § 38-mi ilaatigut oqaatigineqarpoq nuna-minertamik tunniussinermut atatillugu kommunalbestyrelsi ilaatigut sanaartorfígis-saanermi aningaasartuutit akilerneqarnissaannut iluarsartuussinernut tunngasunik piumasaqaateqassasoq.

Erseqqilluinnarpoq kommunalbestyrelsi assersuutigalugu sanaartorfígissaaner-mut aningaasartuutit akilerneqarnissaannik iluarsartuussinernik piumasaqaateqar-nissaminut piginnaatitaasoq.

Taannaannarluunniit aallaavigalugu illoqarfimmi sanaartorfígissaanermut akilee-qataassutissat naatsorsorneqartarnerat pillugu assigiinnik oqaasertalersugaasunik aalajangersagaqarnissaa naatsorsuutigissallugu pissusissamisussaaq. Taamaat-toqannginnerali erseqqippoq, tassami Namminersorerullutik Oqartussat ...-mi illo-qarfiup nutaartaata aningaasalersorneqarneranut peqataasussaammata. Matumani Namminersorerullutik Oqartussat illoqarfiup iluani aningaasaleeqataanissamut qaqugukkut qanorlu annertutigisumik peqataassasut paasissallugu soqutiginassaaq.

Ingerlatsiviup allakkamini 1. okt. 2001-imeersuni nalunaarut taanna ilaatigut oqaatigaa. Allakkani ilaatigut allassimavoq: ... ” Sanaartorfígissaanermut akilee-qataassutissat Namminersorerullutik Oqartussat september 1992-imi saqqummer-sitaani ”Nunaminertat atorneqartarnerat pilersaarusiortorneqartarnerallu pillugit ilit-sersuut”-mi kapitali III, Nunaminertanik tunniussinermi piumasaqaatit, naaper-torlugu akilersinniarneqartarput.”

Matumani nal. nr. 23, 18. nov. 1992-imeersoq pineqartoq naatsorsuutigaara. Al-lakkani taakkunani ingerlatsivik allappoq sanaartorfígissaanermut akileeqataassutit 271.604,00 kr.-t akilerneqassasut.

Ingerlatsiqatigiiffik ukioq manna siusinnerusukkut 4. okt. 2000-imi allappoq sa-naartorfígissaanermut aningaasartuutit sanaartorfinnut ataasiakkaanut agguanne-qarnerat sanaartorfiit taakku annertunerpaamik sanaartorfígineqarnerat tunngaviga-lugu aalajangersarneqarsimasoq, tak. Immikkoortumut pilersaarusiaq ..., § 5.7, tas-sanilu ilaqutariinnut ataatsinut illu 160 m<sup>2</sup>-nut, inissiat pingasunik inissiertallit 105 m<sup>2</sup>-nut illumilu marloqiusaasumi inissiat ataaseq 95 m<sup>2</sup>-nut annerpaaffissaler-neqarsimallutik.

Immikkortumut pilersaarusiame ...-mi 30/9-98-imi tamanut saqqummiunneqarsi-masumi § 8.1 malillugu aalajangerneqarsimavoq sanaartorfígissaaneq sanaartorfigi-neqartunut naligiimmik agguataarneqassasoq.

Matumani uannut paasissallugu soqutiginarpoq kommunalbestyrelsi qanga aala-jangiisimanersoq annertunerpaamik sanaartorfíusoq, imaangitsoq sanaartorfimmi sanaartukkap annertussuserpiaa, tassaasoq sanaartorfígissaanermik naatsorsuiner-mi tunngaviusussaq. Taakku assigiinngissuteqarput. Uagut eqqarsaatigaluta sanaartor-fissamik 160 m<sup>2</sup>-nik tunineqarluta, illumik 126 m<sup>2</sup>-nik annertutigisumik illulior-



figisassatsinnik. Tassa imaappoq 34 m<sup>2</sup>-t atorneqanngitsut, kommunalbestyrelsip immikkut isertitaqaatigalugit akilersinniarunarai.

...-mi sanaartorfigissaanermut akileeqataassutit akilersinniarneqarnerannut saniliussassatut paasissallugu soqutigaara taakku illoqarfiup iluani allani qanoq naatsorsorneqarsimanersut. Tassani pineqarput sanaartorfigissaanermut aningaasartuutit (pingaarnerusutigut aamma immikkuualuttortalersugaasumik) agguataarneqarnerat kiisalu taakku aningaasalersugaanerat, immikkoortunilu ukunani taakku naatsorsorneqarneranut tunngaviit suut tunngavigineqartut:

1. ...?
2. ...?
3. ...?
4. ...?

Taamaattumik uannut nalorninarpoq sanaartorfigissaanermut aningaasartuutit ilaasa erngup aqquataanut tunngasut, Namminersornerullutik Oqartussat KANUKO-KA-llu sanaartorfigissaanermi suliassat nammagassallu nutaamik agguataarneqarnerat pillugu isumaqatigissutaat 1. januar 1998-imeersoq tunngavigalugu Namminersornerullutik Oqartussani Nukissiorfimmit suli akilerneqartartussat matuniarlugit kommunalbestyrelsi aalajangiisimanersoq. Taamaattumik ...-mi erngup aqquersuinerneq ataatillugu aningaasartuuteqassasugut K Kommunip Namminersornerullutillu Oqartussat isumaqatigiissutigisimagaat kommunip uppersarsinnaanngippagu misigisimavunga aningaasartuutit taakku kommunimut akilissallugit suli pisutissaqarnanga.

Aammattaq uannut nalorninartuuvoq kommunalbestyrelsi immikkoortunut pilersaarusiortiusunut aalajangersakkanik aalajangiinnermini sanaartorfigissaanermut akileeqataassutissat agguataarneqarnerannik naatsorsuinerneq tunngavissanik akuerisaasunik peqarnersoq. Naatsorsuinerneq tunngavissat ujartroneqartut aamma pingaartumik nassuiaatit sukumiinerusut ujartroneqartut kiisalu apeqquutigineqartunut sisamanut akissutit ujartroneqartut innersuussutigalugit manna tikillugu annerpaamik 271.604,00 kr.-nik akiliinissamat qularnaveeqqusiussaq kisiat nassiunnarpara.

Naggataatigut eqqumiigisattut apeqquutigissavara immikkoortumut ...-mut pilersaarussiaq kommunalbestyrelsip qaqugu allanngortissamaarneraa, tassami tamanna immikkoortumi tassani quleriisulimmik illuliornissamat pilersaarusiatta sananegarnissaanut akuerineqarnissamat tunngaviusimammat.

Piaartumik akissuuteqarnissarni qilanaaraa, juullimi ukiortaassamilu pilluaq-qullusi.” (Atorfeqarfimmi nutsigaavoq.)

Kommuni 18. februar 2002-mi akivoq:

”Allakkatit 20. december 2001-imeersut K Kommunip tiguai, taakkunanilu ilaatigut immikkoortumi ...-mi ...-miittumi sanaartorfigissaanermut akileeqataassutissat akilersinniarneqarneranni uppersaasarsuisimannginneq naammagittaalliutigaat.

Ingerlatsiviup suliameq tassani paasissutissat siusinersukku, 4. oktober 2000-imi, 1. oktober 2001-imi aamma 6. december 2001-imi nassiussimavai.

Naammagittaalliutit 10. oktober 2001-imeersoq Teknikkimut Avatangiisinullu Ataatsimiititaliap 9. november 2001-imi ataatsimiinnermini imm. ...-itut oqaluuse-risimavaa. Ataatsimiititaliap allakkatigut 6. december 2001-imeersutigut nalunaa-rutigaa sanaartorfigissaanermut akileeqataassutissat tamarmiusut ullunik 14-inik piffissaqartitsinerup naannginnerani akilerneqassasut. Akiliisoqanngippat nunami-nertamik tunniussineq ilimasaaruteqaqqinnani atorunnaarsinneqartussaavoq.

Sanaartorfigissaanermut akileeqaataassutit sinneri 264.041,- kr.-it akilernerqarsimannngillat, taamaattumillu sanaartorfigissaanermut akileeqaataassutissat tamarmiut piffissaliunneqartup iluani akilernerqarsimanatik.

Nunaminertamik tunniussineq 4. december 2001-imeersoq matumuuna atorunnaarsinneqarpoq, tak. nunaminertamik tunniussinermi piumasaqataasoq 5, eqqortinneqarsimannngitsoq.

Nunaminertap atornissaanut pisinnaatitaajunnaarputit, sanaartornerlu ingerlasoq unitsinneqassalluni. Nunaminertap utertinneqarnerata erseqqinnerusumik oqaloqatigiissutigiginissaa siunertaralugu K Kommunimut saaffiginnequllutit qinnuigineqassatit.

Aalajangiineq Kalaallit Nunaanni Naalackersuisunut suliassanngortinneqarsinnaavoq. Naammagittalliornissamut piffissaliunneqartoq tassaavoq aalajangiinerup matuma tiguneqarneranit qaammatit marluk. Naammagittaalliut uunga nassiunneqassaaq: K Kommuni.

Apeqqutit amerlanerusut allakkani 20. december 2001-imeersuni saqqummius-satit eqqarsaatigalugit taakku K Kommunip sanaartorfigissaanermut akileeqaataassutininik ataatsimut aqutsineranut tunngasuupput, taakkulu kingusinnerusukkut akineqarumaarput, oqaatigineqassaarlu taakku akineqarnerat suliame matumani sanaartorfigissaanermut akileeqaataassutininik akiliisussaaitaanermut sunniuteqanngimmata, aammattaarlu ilisimatinneqarsimavutit akiliisoqannginnera nunaminertamik tunniussinerep atorunnaarsinneqarneranik nassataqassasoq.

Akiliinissamut qularnaveeqqusiusaq 25. juni 2001-imeersoq matumuuna utertinneqarpoq.

...

Assilinera ukununnga nassiunneqarpoq:

Borgmester ..., maani

Akiliisitsiniartarfik, maani.” (Atorfeqarfimmi nutsigaavoq.)

Kommunip aalajangiinera pillugu naammagittaalliunni imaattoq A-p pisortaqarfimmut 25. februar 2002-mi nassiuppaa:

”Ilaqtariinnut ataatsimut nunaminertap tunniunneqartup ...-miittup atorunnaarsinneqarinnissaanik aalajangiinermut atatillugu K Kommunimut siunnersorneqarsimavunga naammagittaalliut Kalaallit Nunaanni Naalackersuisunut nassiussinnaagiga.

Tamanna tassaavoq K-mi ... immikkoortumut pilersaaruserfimmi ...-mi sanaartorfigissaanermut akileeqaataassutissatta akilersinniarneqarnerat pillugu piffissami sivirusunerusumi allaffigeqatigiittarsimanerata inernerigallagaa. Sanaartorfissamik B ...-mi nunaminertamik tunniunneqartumik piginnittutut sanaartorfigissaanermut akileeqaataassutissatta akilersinniarneqarnerat pissusissamisoornersoq apeqqusersimavara.

K Kommunimut pilersaaruseriami 1993-2005-imi januar 1995-imeersumi qupperneq 243 aamma sanaartorfigissaanermi suliassat nammagassallu nutaamik agguataarneqarnerat pillugu isumaqatigiissut 1. januar 1998-imeersoq innersuussutigalugu sanaartorfigissaanermut ataatsimoortumillu sanaartukkanut akileeqaataassutissat naatsorsorneqartarneranni tunngavissat pigineqarnerusut K Kommuni angusaqarfiunngitsumik apeqquteqaateqarfisimagaluarpara.

Namminersornerullutik Oqartussat aamma Kalaallit Nunani Kommunit Kattuffiata sanaartorfigissaaneq pillugu isumaqatigissutaata paarlartorluinnaanik illoqarfimmi erngup aqcutai, ... ilanngullugu, K Kommunip akilissagai K Kommunip Namminersornerullutillu Oqartussat immikkut isumaqatigiissutigisimaneraat aamma angusaqarfiunngitsumik apeqqutigisimagaluarpara.

Apeqqutit qulaani taaneqartut K Kommunip uannut naammaginartumik akisi-manngilai, taamaattumillu isumaqarpunga akiliutit tamarmiusut 271.604 kr.-t akilernissaannut pisussaataitananga. Aamma oqaatigineqassaaq kommunip aningaasat taakku akilersinniarai, naak immikkoortoq tamakkerluni naammassillugu suliarineqarsimannikkaluartoq, tassa imaappoq aqqusineq tamakkerluni asfalterneqarsimanngitsoq, kussernit inaarlugit suliarineqarsimanngitsut il.il. Taamaakkaluartoq aningaaseriviup aningaasanut qularnaveqqusiussaa manna tikillugu nassiuttarsimavara, taamaalilluni aningaasartuutit ilaannik apeqqutini naammaginartumik akineqarnerat tunngavigalugu kommunip akilersinniarsinnaasai akilerumagigut qularutigineqaaqqunagu.

Aammattaaq partiit kommunalbestyrelsimi ilaasortaaitaqaarlutik suleqatigiissut immikkut 22.02.02-mi ataatsimeeqatiginiarsimagaluarpakka. Tassani isummama saqqummiunnissaannut periarfissaqarumasimagaluarpunga.

Arlalinnik apeqquteqarumasimagaluarpunga. Assersutigalugu ...-mi immikkut akuerineqarsinnaannginnersunga paasissallugu soqutigaara, allammi arlallit immikkut akuerineqarsinnaasimmamata. Tamatuma soorumalimi kingunerisimavaa illu suli iserterfigisimanngisarpulluunniit taarsigassarsissutigisimasarput naafferartumik ullumikkut akilersulereersimagatsigu! Allat pisariaqartunik immikkut akuersissutitaqanngitsumik nunaminertanik inatsisinik unioqquutitsilluni tunineqarsimane-rannut suna nassuiaatissaanersoq aamma apeqqutigerussimagaluarpara.

Apeqqut soqutiginartoq alla tassaavoq kommunip nunaminertamik uatsinnut tunniunneqartumik arsaarinninniarnermi K Kommunip inatsisitigut suna tunngaviginiarnera. Nunaminertat atorqeartarnerat pilersaarusiortfigineqartarnerallu pillugit Namminersornerullutik Oqartussat nalunaarutaat nr. 23, 18. november 1992-imeersoq innersuussutigalugu nunaminertanik tunniussineq atorunnaarsinneqarsinnaasoq tassani sumilluunniit toqqaannartumik aalajangersarneqarsimanngilaaq. Illua tungaa-tigullu nalunaarummi tassani § 6 innersuussutigisinnaavara, tassanimi ilaatigut allassimammat malittarisassat nunaminertamik atuiumalluni qinnuteqaatit assigiiaar-tumik suliarineqartarnissaat qulakkeerniarlugu aalajangersarneqassasut.

Uannut aamma erseqqarluppoq kommunip 18. februar 2002-mi oqaatigimmagu nunaminertanik tunniussineq 4. december 2001-imeersoq matumuuna atorunnaarsinneqartoq, nunaminertamik tunniussinermi piumasaaqaataasup 5-ip eqqortinneqarsimannginnaera innersuussutigalugu. Pineqartoq tassaavoq nunaminertamik tunniussineq 4.12.00-imeersoq, tassani piumasaaqaataasuni § 3, imm. 5-imi sanaartorfingissaanermut akileeqataassutissat akileeqarneqarnissaannut piffissaq aalajangersarneqarsimanani!

Suliami tassani naammagittaalliuut pillugu 3.10.2001-imi aalajangiisoqarmalli immikkoortumi tassani immikkoortunik pilersaarusiortarnermi aalajangersakkat K Kommunip allannortissimanngilai, naak ...-mi sanaartornerup inatsisinik eqqortit-sisunngortinneqarnissaa Namminersornerullutik Oqartussat peqqussutigisimagalua-araat, tassa imaappoq aalajangersakkat allannorteqqusimagaluarai, taamaaliornik-kut nunaminertanut inatsisinik unioqquutitsinikkut tunniunneqareersimasunut naleq-qussarlugit.

Qulaani taaneqartut innersuussutigalugit Namminersornerullutik Oqartussat inusi-arnersumik qinnuigissavakka K Kommunip suliami sanaartornitsinnut tunngasuni suliamik suliarinninnerani pissutsit nalorninartullit qulaajarniarnerini ikioqqullunga.

Sanaartorfingissaanermut ataatsimoortumillu sanaartukkanut akileeqataassutissat naatsorsorneqartarneranni tunngavissanik kommunalbestyrelsi aalajangersaasimanngitsooq malunnarpoq, taamaattumillu kikkut immikkut akuerineqarsinnaanersut kikkullu immikkut akuerineqarsinnaannginnersut nalaatsornerinnakkut aalajangiif-figineqartartutut isikkoqaluni.” (Atorfeqarfimmi nutsigaavoq.)

Kommuni pisortaqarfimmum suliaq pillugu 14. marts 2002-mi imaat-tumik oqaaseqateqarpoq:

”Suliaq ingerlasimanera imaappoq:

A nunaminertamik inniminniissunneqartoq 7. februar 1999-imi nalunaarfigi-neqarpoq, tassanngalu ersepoq sanaartorfigissaanermum akileeqataassutit 320.000,-kr.-iusut, aningaasallu qasserpiaanissaat tamanna paasineqarniariarpat nalunaaruti-gineqassasoq. Sanaartorfigissaanermum akileeqataassutissat nunaminertamik tun-niussisoqarnerani akilerneqartussanngortarput. Aningaasat amerlassusissarpiaat i-ngerlatsiviup allakkatigut 20. april 1999-imeersutigut nalunaarutigaa.

Sanaartorfigissaanermum akileeqataassutissat pillugit paasissutissanik paasitin-neqarnissani A-p 22. september 2000-imi qinnutigaa. Suliami tassani paasissutissat ingerlatsiviup 4. oktober 2000-imi nassiuppai.

Akilgassiissut 9. januar 2001-imi nassiunneqarpoq.

Uppernarsaasersuisimanninneq A-p allakkatigut 20. december 2001-imeersu-tigut naammagittaalliutigaa. Suliami tassani paasissutissat ingerlatsiviup allakka-tigut 1. oktober 2001-imeersutigut A-mut nassiuppai. Uppernarsaasersuisimannin-neq A-p allakkatigut 10. oktober 2001-imeersutigut naammagittaalliutigaa.

Naammagittaalliut 10. oktober 2001-imeersoq Teknikkimut Avatangiisinillu Ataatsimiititaliap 9. november 2001-imi ataatsimiinnermini imm. ...-itut suliaraa. Ataatsimiititaliap allakkatigut 6. december 2001-imeersutigut nalunaarutigaa sa-naartortitsinermum akileeqataassutissat tamarmiusut ullut 14-it qaangiutinnginne-ranni akilerneqassasut. Akiliisoqanngippat nunaminertamik tunniussineq annertu-nerusumik piffissaleeqqinnani atorunnaarsinneqarniarpoq.

Ataatsimiititaliap aaljangienera allakkatigut 6. december 2001-imeersutigut na-lunaarutigineqarpoq, tassanilu nalunaarutigineqarluni naammagittaalliut aalaja-ngiineq sanaartorfigissaanermum akileeqataassutissat akilerneqarnissaasa kinguartin-neqarnissaannut pissutissaqalersitsinngitsoq, sanaartorfigissaanermullu akileeqa-taassutissat akilerneqarnissaannut ullut 14-it piffissaliunneqarlutik, akiliisoqanngip-pallu nunaminertamik tunniussineq 4. december 2000-imeersoq annertunerusumik piffissaleeqqinnani atorunnaarsinneqassasoq.

Nunaminertamik tunniussineq 18. februar 2002-mi atorunnaarsinneqarpoq, tassa-nilu K Kommunip nalunaarutigalugu nunaminertaq A-p atorsinnaajunnaaraa, sa-naartornerlu ingerlasoq unitsinneqassasoq.

Atorunnaarsitsineq 18. februar 2002-imeersoq A-p Namminersornerullutik Oqar-tussanut allakkatigut 27. februar 2002-meersutigut naammagittaalliutigaa.

... eqqarsaatigalugu immikkortumut pilersaarusiap nutaap suliarineqarnissaa eqqarsaatigalugu pisortaqarfimmum siusinnerusukkut isumaqatigiissutigineqarsi-mavoq immikkortumut pilersaarusiap taassuma suliarineqarnissaani immikkoortup pilersaarusiortiusup tamakkiisumik sanaartorfigineqareernissaa utaqqimaarneqassa-soq, immikkortumullu pilersaarusiap atuuttoq K Kommunip immikkut akuersissutit immikkoortumi tassani tunniunneqareersimasut aallaavigalugit aqussagaa.

Oqaatigineqarsinnaavoq ...-mi sanaartorfigissaanermum akileeqataassutissat aki-lerneqarnissaat eqqarsaatigalugu arlaannaalluunniit immikkut akuersissuteqarfigi-neqarsimannitsoq.

Pisortaqarfik qinnuigineqarpoq naammagittaalliut sanaartornerup unitsinneqar-nerata atorunnaarsinneqarnissaanik kinguneqartinneqassanersoq nalunaarutigeqqul-lugu, oqaatigineqarsinnaavoq A-p akileraarutitigut utertoortisiassaanit sanaartor-figissaanermum akileeqataassutissat ilaasa 7.563,- kr.-t matusissutissaattut kommu-nip ilanngaatisisimasaralui K Kommunip utertillugit akilersimagai.

Naggasiullugu K Kommunip oqaatigissavaa suliaq kommunimut tunngaviusu-  
mik pingaaruteqartoq, tassami innuttaasoq sanaartorfigissaanermut akileeqataassu-  
tissanik aningaasanilluunniit akilertariaqakkamisut isigisaminik akiliinngitsoorner-  
minut peqatigitillugu suliami paasissutissanik paasitinneqarnissamik qinnuteqaqat-  
taarnermigut imaluunniit nutaanik apeqquteqaqattaarnermigut imminnut piffissaler-  
niarsinnaasussaangimmat, akiituminillu akiliinissaminik kinguartitsiniarsinnaa-  
nani. Tamatumunnga atatillugu oqaatigineqassaaq kommunip arlaleriarluni allakka-  
tigut A-llu ataatsimeeqatigineqarneranut atatillugu akileeqqullugu kajumissaartar-  
simagaa, nalunaarfigisimallugulu naammagittaalliutaa kinguartitsinissamik nassa-  
taqanngitsoq.

Tamatuma kingunerisaanik K Kommuni naligiimmik isiginninnissaq aallaaviga-  
lugu isumaqarpoq sanaartorfigissaanermut akileeqataassutissat akilersinniarneqar-  
neranni akiliinissaminut A pisussaaffeqarsimasooq, naatsorsuinerlu pillugu apeqqu-  
taasinnaasut kingusinnerusukkut qulaajarneqartariaqartut.

Pisortaqarfik paasissutissanik amerlanerusunik pisariaqartitsippat K Kommuni  
taakkuninnga tunnuissinissaminut piareersimajumavoq.

Suliami allagaatit allakkiallu tassunga attuumassuteqartut tamarmik assilineri i-  
langgullugit nassiunneqarput.” (Atorfeqarfimmi nutsigaavoq.)

#### Ulloq 29. marts 2002-mi pisortaqarfik A-mut ima allappoq:

”Ineqarnermut Attaveqarnermullu Pisortaqarfik naammagittaalliutinnik 25.  
februar 2002-mik ullulikkamik tigusaqarpoq.

K Kommunip suliap ingerlasimaneramik eqqartuina, 14. marts 2002-mik ulluli-  
gaq, pisortaqarfiup 22. marts 2002-mi faxerutigalugu ilinnut nassiuppaa.

Pisortaqarfiup naammagittaalliummik suliaqarnerup unitsinneqarallarnernik  
sunniuteqartitsilersaarnernik apeqqut pillugu pisortaqarfik imatut aalajangiilersaar-  
poq:

”Pisortaqarfiup naammagittaalliut suliap suliarinerata unitsinneqarallarnernik  
sunniuteqartilersaarpaa. Matumunnga tunuliaqutaapput ajoqutissanit kingunerisas-  
sat, qularnanngitsumik sanaartugassanik suliassinneqartartup tungaanit taarsiivigi-  
neqarnissamik piunasaqaatitut iluseqarlutik pilerumaartut kiisalu Realkreditimit  
taarsigassarsiaritineqartut akilerneqartussanngoriataarsinnaanerat. Unitsitsigallar-  
nermik sunniuteqartitsinikkut ajoqutissanit kingunerissat illua’tungeraat – illup i-  
naarlugu sananeqarsinnaagunarnera – tamatumalu illup A sinnerlugu tunineqarnis-  
saa ajornannginnerulersissavaa, kommunip aalajangiinera pisortaqarfiup aalajanger-  
sassappagu.

Matuma siuliini eqqartorneqartunut oqaaseriumasinnaasat ima nassiunneqarnis-  
saat qinnutigineqarpoq, taakku kingusinnerpaamik ataasinngornermi 08. april 2002-  
mi pisortaqarfimmeeriissallutik.”

Pisortaqarfiup aalajangiineq imaattoq A-mut 28. juni 2002-mi nalunaa-  
rutigaa:

”K Kommunip 18. februar 2002-mi allakkatigut ...-mi ilaqutariinnut illumik ...-  
mik 04. december 2000-imeersumik atortussaajunnaartitsinera A-p allakkatigut 25.  
februar 2002-meersutigut maalaarutigaa.

...

### Maalaaruteqarsinnaatitaaneq

Pineqartoq Nunaminertat atorneqarnerat pilersaaruserfigineqartarnerallu pillugit Namminersornerullutik Oqartussat nalunaarutaanni nr. 23-mi, 18. november 1992-imeersumi ilaavoq. Kommunalbestyrelsip aalajangiinera nalunaarummi kap. 5, § 48 naapertorlugu naalakkersuisunut maalaarutigineqarsinnaavoq, kommunalbestyrelsip aalajangernerminik nalunaaruteqarneraniit kingusinnerpaamik qaammatit marluk qaangiunneranni maalaarut tunniunnegareersimappat. Taamaattumik K Kommunip aalajangiinera naalakkersuisunut maalaarutigineqarsinnaavoq.

### Suliap saqqummiunneqarnera

Maalaarut makkuninnga tunngaveqartinneqarpoq:

Sanaartorfigissaanermut aningaasartuutissanik agguataarisarnissamut tunngaviussanik Kommunimut pilersaarummi K 1993 - 2005-imut takussutissaqanngitsoq, taamaattumik nunaminertamik atugassanngortitsinermin tamatumunnga piumasaqaateqartoqarsinnaanngilaq. Namminersornerullutik Oqartussat nalunaarutaanni nr. 23-imi, § 6 innersuussutigineqarpoq tassani takuneqarsinnaalluni kommunimut pilersaaruseriami nunaminertanik atuiumalluni qinnuteqaatit assigiiaartumik sularineqartarnissaannut matumani sanaartorfigissaanermut aningaasartuutissanik agguataarisarnermi malittarisassat aalajangersarneqartassasut.

Nammatassanik suliassanillu Namminersornerullutik Oqartussat Kalaallit Nu-naannilu Kommunit Kattuffiata akornanni agguataarisarneq naapertorlugu Nunatta Karsia erngup aqputaanik ikkussuinermit atatillugu aningaasartuutininik akiliissusaavoq. Taamaattumik naammagittaalliuuteqartoq isumaqarpoq illumut atatillugu sanaartorfigissaanermut aningaasartuutit tamarmiusut 271.604 kr.-it appartinneqartariaqartut, imermut aqqummut sanaartorfigissaanermut atatillugu aningaasartuutit amerlaqataannik.

Kommunalbestyrelsi nunaminertamik atugassanngortitamini utertitsinissaminut inatsisitigut tunngavissaqanngilaq.

Kommunip allakkatigut 18. februar 2002-meersutigut 04. december 2001-imi nunaminertamik atugassanngortitsinini atortussaajunnaarsippaa, tassani piumasaqaatip nr. 5-ip eqqortinneqarsimannginnera innersuussutigineqarpoq. Naammagittaalliummi taaneqarpoq nunaminertamik atugassanngortitsineq 04. december 2000-imeersuusooq aamma piumasaqaatini 3-mi allassimasooq, sanaartorfigissaanermut aningaasartuutit ilaannik 271.604 kr.-inik akiliisoqassasooq. Sanaartorfigissaanermut akiligassaq tamatuma kingorna nassiunneqassaaq. Taamaalluni nunaminertamik atugassanngortitsinermit atatillugu sanaartorfigissaanerup ilaata akilerneqarnissaanut kingusinnerpaamik akiliinissamut piffissaliussamik aalajangiisoqarsimanngilaq.

K Kommuni allakkatigut 08. maj 2002-meersutigut oqaaseqaatinik imaattunik nassiussivoq:

1. Kommunimut pilersaarut K 1993-2005 sanaartorfigissaanermut akiligassat ilaasa aalajangersarneqartarnissaannut malittarisassanik imaqanngilaq. Kommunimut pilersaarutip K 1992-ip naalakkersuisunit akuerineqarneranut atatillugu naalakkersuisut kommunimut pilersaarut akueraat, naak sanaartorfigissaanermut aningaasartuutissanik agguataarisarnermit malittarisassanik ilaqanngikkaluartooq. Naalakkersuisunit nalunaarutigineqarpoq, pissutsit pillugit KANUKOKA-mik oqaloqateqareernerup kingorna sanaartorfigissaanermut akiliutip agguataarneqartarnissaanut malittarisassanik naalakkersuisut kingusinnerusukkat nassitsissasut. Tamatuma kingorna naalakkersuisut nalunaarnissaat kommunip utaqqisimavaa ukiunilu kingullerni 20-imi pissutsit atuuttut naapertorlugit aqutsisimalluni.

2. K-mi inissialiorfinni nutaajunerusuni sanaartorfigissaanermut akileeqaataassutissat sanaartorfissani pineqartuni nunaminertap sanaartorfigineqarsinnaasup annerpaaffia akuerisaasooq malillugu agguataarneqartarput.

3. K Kommuni K-mi inissialiorfinni nutaajunerusuni naafferartumik akiliisarnisamat imaluunniit akiliuteqartarnissamik aaqqissuussinermik imaluunniit tamatumunga assingusumik aaqqiissuteqarnissamat aalajangersagaqanngilaq.

Pisortaqarfiup 10. juni 2002-mi suliap saqqummiunneqarnera illuatungeriinnut nassiuppaa tassungalu tungassunik oqaaseqaateqarnissaat qinnutigalugu.

K Kommunip allakkatigut 20. juni 2002-meersutigut oqaatigaa sanaartorfigissaanermut akileeqataassutissaq akilernerqartussaasimasoq, A-lu sanaartorfigissaanermut akileeqataassutissamik akiliinnginnermigut nunaminertamik atugassanngortitsinermut atatillugu piumasaqaammik ilaginnaasimasoq, taamaattumik K Kommuni pissutissaqarluarsimasoq nunaminertamik atugassanngortitamik atorunnaarsitsinissaminut.

Naammagittaalliuuteqartup allakkani 25. juni 2002-meersuni ilaatigut oqaatigaa K Kommunimi kommunalbestyrelsip nunaminertamut oqartussaasutut sanaartorfigissaanermut akiligassamik akileeqqusinerminut tunngavissanik akuerisaasunik pigisaqarnissani pisussaaffigigaa. Sanaartorfigissaanermut aningaasartuutissanik agguataarisarnermi nunaminertap sanaartorfigineqarsinnaasup annerpaaffiata aallaavigineqarnissaanut, sanaartorfiusumut toqqavissatut nunaminertaanngitsumut imaluunniit illumut namminermtu atatillugu nunaminertarpiaanngitsumut tunngasuni aalajangersaanermi isumaliutersuutit suut tunngaviunersut ujtortorneqarpoq.

Nukissiorfiit akiligassaannit 10 mio. kr.-init ...-mi najugaqartut 3 mio. kr.-inik sooq akiliisariaqarnerannut uppersaatissaqannginnera aalajangiusimaneqarpoq, tassami nammatassat suliassallu agguataarneqarnerat pillugu agguataarisarneq naapertorlugu taakku Nukissiorfinnit akilernerqartussaagaluar mata.

Malittarisassamik atuutilersitsisarnermi oqartussaasutut sanaartorfigissaanermut akiligassat angissusiinut katitigaasarnerannullu tunngasunik naalakkersuisut isumertariagarnerat kissaatigineqarpoq.

Pisortaqarfiup oqaatigissavaa:

Nalunaarummi nr. 23-imi kap. 4, § 38-imi takuneqarsinnaavoq, nunaminertamik atuissamat akuersissuteqarnermi nunaminertap qanoq atorneqarnissaanut, akuersissutit iluaqutigilernissaanut periarfissiinissamat sanaartorfigissaanermilu aningaasartuutissat akilernerqarnissaannut iluarsartuussinerit pillugit piumasaqaateqartoqassasoq. Nunaminertat atorneqarnerat pilersaarusernerlu pillugit Inatsisartut peqqussutaanni nr. 6-imi, 19. december 1986-imeersumi kap. 3, § 6 naapertorlugu, -pisinnaatitaasup akiliinissamat pisussaaffigisaanik unioqqutitsinertut isigineqassaaq piumasaqaatinik tamakkuninnga naammassinngitsuuineq, tamatum kingorna atuisinnaatitaaneq inatsisinut akerliusermik atorneqaruni atorunnaarsinneqarsinnaavoq. Taamaattumik nunaminertamik atugassanngortitsineq atorunnaarsinneqarsinnaavoq kommunalbestyrelsip aalajangernissaanut tunngavissat eqqortuuppata.

#### Aalajangiineq

Nunaminertat atorneqarnerat pilersaaruserfigineqartarnerallu pillugit Namminersornerullutik Oqartussat nalunaarutaanni, kap. 2, § 2, imm. 5 aamma § 6, imm. 3 naapertorlugit kommunini pilersaarusernermi, illoqarfiit nunaqarfiillu iluini kommunalbestyrelsit nunaminertamik atugassanngortitsisarnerinut malittarisassat ilanngunneqartassapput. Kommunimi illoqarfiit nunaqarfiillu iluini malittarisassat ataatsimoorullugit aalajangersaavigineqartassapput. Sanaartorfigissaanermut aningaasartuutinik agguataarisarneq kiisalu illoqarfimmik ineriartortitsinermi aningaasqarnikkut pissutsit allat pingaaruteqartut eqqarsaatigalugit malittarisassat mianerinnilluni aalajangersaavigineqartassapput. K Kommunimi nunaminertamik atugassanngortitsisarnermi malittarisassat Kommunimut pilersaarummi K 1993-2005-imi takuneqarsinnaapput. Immikkoortoq 4-mi "Akuersissuteqarnermi patsisissaatat" imm. d.-mi "Sanaartorfigissaanermut ataatsimoorussamillu antenneqarfimmu (sanaartornermut) aningaasartuutit"-ni oqaatigineqarpoq: "Sanaartorfigissaanermut

ataatsimoorussanillu antenneqarfimmumt (sanaartornermut) akileeqataassutissat naatsorsortarnissaanni periusissat kommunimi pilersaarummut tapiliussassatut ilanngunneqassapput." Tamatuma kingorna Kommunimut pilersaarummi K 1993-2005-mut tapiliussaq taamaattoq akuerineqanngilaq. Tamanna pillugu pisorta qarfulup naleqquttuusoraa, K-mi sanaartorfigissaanermumt aningaasartuutiniq agguataarisarneq pillugu inatsisitigitunngavissaqarnersoq naammagittaalliuuteqartup saqummiussimasuuppagu.

Pisorta qarfulik isumaqarpoq K Kommuni sanaartorfigissaanermumt aningaasartuutiniq akileeqqusisinnaanermumt pisussaaffeqartoq naak kommunimi pilersaarusi amut tapiliussami malittarisassat ilanngunneqarsimannikkaluartut. Pisorta qarfulup matumani pingaartutut isigaa, kommunimi pilersaarummi tapiliussap suliarineqarsimanninnera pissutiginnarlugu, nunaminertamik atuisinnaanermumt piginnittut sanaartorfigissaanerpup akeqanngitsumik pissarsiarinissaanik piumasaaqateqarsinnaangerat.

Aammattaq pisorta qarfulik isumaqarpoq nunaminertat ataasiakkaat akornanni atugassannortitsisarnerni sanaartorfigissaanermumt aningaasartuutiniq agguataarisarneq pillugu.

K Kommunip periutiniq toqqarsimasaanik ilaginnaanissamut naammattunim tunngavissaqanngitsoq.

Taamaattoq pisorta qarfulik isumaqarpoq, naammagittaalliuuteqartup apeqquiti saqummiussai ima pissuseqartut, nunaminertamik atugassannortitamik atorunnaarsitsinissaminut K Kommuni erseqqissunim naammattunim tunngavissaqarsimannngitsoq.

Pisorta qarfulik isumaqarpoq suliamut atatillugu pingaaruteqarsimassagaluartoq Namminersornerullutik Oqartussat KANUKOKA-llu akornanni nammatassat suliassallu pillugit agguataarisarnernim isumaqatigiissutip pingaaruteqarneranik apeqquut naammagittaalliuuteqartup saqummiussimasuuppagu. Suliamut atatillugu inaarutaasumim eqqartuussutissaq sioqqullugu inaarutaasumim aalajangiissusaasoqanngikkaluartoq pisorta qarfulik isumaqarpoq, naammagittaalliuuteqartoq nunaminertamik atuisussaanernim piginnittut toqqaannartumim isumaqatigiissut taanna atorlugu naapertuilluarnernim iluaquteqarniarsinnaanngitsoq. Takuneqarsinnaavoq naammagittaalliuuteqartoq sanaartorfigissaanernim suliarineqarsimasumut K Kommunimut akiliinissaminut pisussaaffeqartoq.

Tamanna pillugu pisorta qarfulik isumaqarpoq sanaartorfigissaanermumt atatillugu akiliutissap ilaa nunaminertamut atugassannortitaasumut A-...-mut piumasaaqaat pinsinnaatitsissumim piginnittumit naammassineqartariaqartoq, tassami nunaminertami tamaani K Kommuni sanaartorfigissaanermumt aningaasartuutiniq akiliisimavoq. Taamaalluni sanaartorfigissaanermumt aningaasartuutit kommunip naammattumim piffissaliussatut aalajangigaata iluani akiligassaapput.

Pisorta qarfulup sanaartorfigissaanermumt aningaasartuutit amerlassusiat qanorlu katitigaanerat isummerfigisimannilai. Apeqquiti taakku naammagittaalliuuteqartup eqqartuussivinnut suliassannortissinnaavai."

A tamatuma kingorna uannut naammagittaalliorpoq.

Pisorta qarfulimmut 22. august 2002-mi allappunga:

"A-mit assiliner a ilanngunneqartumim, ilaatigit pisorta qarfulup 28. juni 2002-mi aalajangiinera, j.nr. ... pillugu naammagittaalliuut tigusimavara.

Pisorta qarfulup sanaartuiffissiuussinermumt akiliutip naatsorsorneqarnera pillugu aalajangiisimanninnera pillugu naammagittaalliuut misissuiffiginarlugu aalajangerallarsimavunga.



Naammagittaalliuutip immikkoortuinut allanut tunngatillugu oqaatigissavara, Ombudsmandip taakkuninnga naliliinissaanut, tamatumani sanaartuiffissiornermut akiliutit suut kommunip akileqqusissutigisinnaanerai allaffissornikkut inaarutaa-sumik aalajangiiffigisimanissaat apeqqutaasoq.

Matumuuna Ombudsmandi pillugu inatsimmi § 6, imm. 3 innersuussutigaara, taanna malillugu Ombudsmandip aalajangiinerit oqartussaasumut qulliunerusumit allangortinneqarsinnaasut pillugit naammagittaalliuutit suliarisinnaanngimmagit oqartussaasoq qulliunerusoq taanna suliami aalajangeereersimatinnagu.

Taamaamat A-p naammagittaalliuutaanik immikkoortut, K Kommunip suliamik suliarinninneranut tunngasut Ombudsmandip suliarisinnaanngilai, pisortaqarfiup A-p qinnuteqarneratigut sanaartuiffissiornermut akileqquneqartut naatsorsorneqarnerat pillugu aalajangiissanersoq paasineqaqqaartinnagu.

Tamanna tunngavigalugu pisortaqarfik qinnuigaara suliaq taanna, A-p naammagittaalliuutaanik pisortaqarfiup suliarinninneranut tunngasoq, misissugassanngorlugu nassiateqqullugu.

Tamatumunnga peqatigitilugu pisortaqarfik qinnuigaara sanaartuiffissiornermut akiliutit naatsorsorneqarneranut tunngasumik suliami pisortaqarfiup suut aalajangiivigisimannginnerai nassuiaateqarfigeqqullugu.

Oqaatigissavara pisortaqarfiup akissutaa A-mut suliami peqataasutut tusarniaavigalugu saqqummiunneqarsinnaassamat.”

Akissut imaattoq pisortaqarfimmit 6. september 2002-mi tiguara:

”22. august 2002-mi allakkatigut Inatsisartut Ombudsmandiata Ineqarnermut, Attaveqarnermut Pilersuinernullu Pisortaqarfik qinnuigaa, K Kommunip nunaminertamik namminerminut atugassanngortitamik utertitsineranik aalajangiinera pillugu pisortaqarfiup aalajangiineranut tunngatillugu A-p naammagittaalliuutaanik suliaq taanna misissorneqassamat nassiateqqullugu.

Naammagittaalliummut tunngatillugu suliaq misissugassanngorlugu ilanngunneqarpoq.

Tamatumunnga ilanngullugu Ombudsmandip Ineqarnermut, Attaveqarnermut Pilersuinernullu Pisortaqarfik qinnuigaa nassuiaateqaqqullugu, isummat suut aallaavigalugit pisortaqarfik sanaartorfigissaanermut aningaasartuutissanik agguataarisarnissamut naatsorsuisarnermi tunngavissanik aalajangersaasoqarsimannginnersoq.

Kommunimi sumiiffinnullu ataasiakkaanut pilersaarutinut naleqqiullugu sumiiffinnut ataasiakkaanut sanaartorfigissaanerit pillugit qulliunerusunik malittarisassaqanngilaq. Tamanna isumaqarpoq kommunimit pisinnaatitsineq aqquutigalugu kommunit sanaartorfigissaasinnaasut, tamatumunngali malittarisassanik aalajangersaannissamut pisussaaffeqaratik. Taamaattumik sumiiffinni ataasiakkaani sanaartorfigissaaneq innuttaasunut sullissineruvoq, pisut ataasiakkaat eqqarsaatigalugit inunnet iluaqutaasoq. Sullissinermut taamaattumut annerpaamik aningaasartuuterpiaat amerlaqataannik akiliuteqartitsinissaminut kommunit pisinnaatitaapput. Tassa isumaqatigiissuteqarsimanermi nunaminertamut atuisinnaatitaanermik nalunaarfigineqartup kommunip akiliutigisimasaanik akiliisusasaanera pineqarpoq.

Sanaartorfigissaanermut atatillugu aningaasartuuterpiaasut katitigaanerinut amerlassusiinullu tunngatillugu pisortaqarfik isumaqarpoq, sanaartorfigissaanermut atatillugu ingerlatap annertussusia ilusiligaanera suliap ingerlanneqarmissaanik sulisitsisunik isumaqatigiissuteqarsimaneq kommunip susassaarfiga, soorunami suliap pilersaarummi aalajangersakkanik atuuttunik akerliunngitsumik aammattaq

suliarineqassalluni teknikikkut innersuussutigineqartut malittareqquneqartullu malillugit.

Suliami pineqartumi sanaartorfigissaanermi suliaq sumiiffimmut pilersaarusiaq ..., ...-mut tunngatitaaq naapertorlugu ilusiligaavoq aamma pisortaqarfiup qularutiginnigilluinnarpaa, sanaartorfigissaanerup ilaa aningaasartuuterpiaasut tunngavigalugit naatsorsorneqarsimasoq.

Tamanna tunngavigalugu pisortaqarfiup sanaartorfigissaanermut aningaasartuutiviusut amerlassusiisa katitigaanerisalu isummerfiginissaat suliassamisut isiginngilaa.

Nammatassat suliassallu agguataarsimanerat pillugu naammagittaalliutitut saqqummiunneqartunut tunngatillugu pisortaqarfiup aalajangiinermini oqaatigaa: "Pisortaqarfik isumaqarpoq suliamut atatillugu pingaaruteqarsimassagaluartoq Namminersorerullutik Oqartussat KANUKOKA-llu akornanni nammatassat suliassallu pillugit agguataarisarnermik isumaqatigiissutip pingaaruteqarneranik apeqqut naammagittaalliuteqartup saqqummiussimasuuppagu. Suliamut atatillugu inaarutaasumik eqqartuussutissaq sioqqullugu inaarutaasumik aalajangiisussaasoqanngikkaluartoq pisortaqarfik isumaqarpoq, naammagittaalliuteqartoq nunaminertamik atuisussaaneermik piginnittut toqqaannartumik isumaqatigiissut taanna atorlugu naapertuilluarnermik iluaquteqarniarsinnaanngitsoq". Maani pineqarpoq naalakkersuinnikkut isumaqatigiissut pissusiviusut naapertorlugit tamatuma malitsigisaanik aningaasanut inatsisinut pituttorsimannitsoq soorluttaaq isumaqatigiissut piumasaqaatitaqarpoq sumiiffimmut malittarisassanik suli suliarineqanngitsunik. Taamaattumik sanaartorfigissaanermut aningaasartuutit ilaannik kommunit akilgas-siisarnerat tamatuma malitsigisaanik suleriaatsimik allannguiffiusimannigilaq tassanilu aqqusinernut, sumiiffimmi eqqaaviit kuuffiit aamma sumiiffimmi imermik pilersorneqarnermut aningaasartuutit ilanngunneqarput.

Pisortaqarfiup aalajangiinermini inaarutaasumik oqaatigaa: "Pisortaqarfik isumaqarpoq nunaminertat ataasiakkaat akornanni atugassanngortitsisarnermi sanaartorfigissaanermut aningaasartuutit agguataarisarneq pillugu K Kommunip periut-sinik toqqarsimasaanik ilaginnaanissamut naammattunik tunngavissaqanngitsoq". Taamaattumik pisortaqarfik isumaqarpoq, kommunip sanaartorfigissaanermut akileeqataassutissat sanaartorfissani akuerisaasuni nunaminertap sanaartorfigineqarsinnaasup annerpaaffia akuerisaasoq malillugu agguataarisarnera assigiisumik pineqarnissamik tunngaveqartoq naapertuuttusoq.

Taamaattumik pisortaqarfik ataatsimut isumaqarpoq, sanaartorfigissaanermut akileeqataassutissat amerlassusiat katitigaanerallu pillugit illuatungeriit akornanni isumaqatigiinngittoqaannassappat tamanna eqqartuussivinnit aalajangerneqartariaqartoq.

Aammattaq pisortaqarfiup aalajangiinermini suliami qitiutillugu apeqqut pingaaruteqartut isumaqarfigisaa tassaavoq A-mut nunaminertamik atugassiissutaasumik K Kommunip utertitsinnaanerata tunngavigisaa."

Pisortaqarfiup tusarniaanermut akissutaa tunngavigalugu pisortaqarfik allakkatigut 22. december 2002-meersutigut ilassutaasumik oqaaseqaateqaqqugu imatut qinnuigaara:

"Pisortaqarfiup oqaaseqaataa 6. september 2002-meersoq pisortaqarfiullu map-piutaa allagaatinik imalik massakkut misissoreerpara.

Tamanna tunngavigalgu isumaqarpunga suliamik misissuina pisortaqarfiup suliamik suliarinninneranut atatillugu pissutsinik makkuninnga ilallugu annertusisariaqarlugu:

- Pisortaqarfiup uannut oqaaseqaatanit erserpoq sanaartorfigissaanermut akilee-gataassutip annertussusianik katitigaanerani illu isummerfiginninnissaq pisortaqar-fiup suliassamisut isiginngikkaa.

Tamatumunnga peqatigitillugu pisortaqarfiup suliami allagaataanit erserpoq kommunip allakkamini 6. december 2001-imeersuni kommunip A-p allagaanut 10. oktober 2001-imeersunut akissuteqarfigisaani oqaatigigaa kommuni A-p pisortaqar-fimmumt naammagittaalliuutigisinnaasaanik aalajangiisimanngitsoq.

Tamanna tunngavigalugu pisortaqarfik qinnuigineqarpoq nunaminertamik tun-niussinermit 4. december 2000-imeersumut atatillugu sanaartorfigissaanermut ani-ngaasartuutit ilaannik akileeqaatanissamik piumasaqaat immi pisortaqarfimmumt naammagittaalliuutigineqarsinnaasimasutut pisortaqarfiup nalilerneraa nassuiaq-quillugu.

- Pisortaqarfiup aalajangiineranit ersinngilaq nunaminertamik tunniussinerup ato-runnaarsinneqarnissaanik kommunip aalajangiinera pisortaqarfiup atortussanngor-tissimanera, aalajangiineq allanngortinneqarsimanersoq, imaluunniit aalajangiineq atorunnaarsinneqarsimanersoq suliarlukommunimut suliareqqitassanngortillugu utertinneqarsimanersoq.

Pisortaqarfiup aalajangiinerata inatsiseqartitsinikkut malitsigisai nassuiaqqullugit pisortaqarfik qinnuigineqarpoq.

- Pisortaqarfiup mappiutaanit allagaatinik imalimmit erserpoq pisortaqarfiup aalajangiinera eqqartuussissuserisup siunnersuineramalikannerlugu oqaasertaler-sorneqarsimasoq.

Siunnersuinermit tassannga erserpoq nunaminertamik tunniussinermit piumasa-qaatit malinneqarsimannginnerat pissutigalugu nunaminertamik tunniunneqartumik utertitsinissamut periarfissaq pillugu Østre Landsret-ip eqqartuussutaa eqqartuussis-suserisup innersuussutigisimagaa.

Eqqartuussivikkut suliami tassani pisortaqarfiup eqqartuussissuserisuata K Kom-muni, tassalu oqartussaasoq naammagittaalliummi pisortaqarfiup suliamaani naam-magittaalliuutigineqartoq sinniisuuffigaa.

Pisortaqarfik qinnuigineqarpoq eqqartuussissuserisup siunnersuineram pisortaqar-fiup immikkut naliliiffigisimanerama, aamma pisortaqarfiup siunnersortaata suliami apeqqummut matumunnga assingusumi oqartussaasumut naammagittaalliuutigine-qartumut siunnersortaasimanera pisortaqarfiup isumaliutersuuteqarnissaanut pissu-tissaqalersitsisimanersoq nassuiaqqullugit.

Pisortaqarfiup ilassutaasumik oqaaseqaataa A-mut suliami illua'tungiusumut tusarniaatitut saqqummiunneqarsinnaavoq.

A aamma K Kommuni allakkat uku assilinerinik nassippakka.”

Pisortaqarfiup allakkatigut 20. januar 2003-meersutigut imatut akivaanga:

”Allakkatigut 20. december 2002-imeersutigut Ombudsmandip Attaveqatigiin-nermut Ineqarnermullu Pisortaqarfik qinnuigaa suliama qulaani taaneqartumut tun-ngatillugu ilassutaasumik oqaaseqaateqaqqullugu, matumani Ombudsmandimit apeqqutit allat soorlu ataani uingasunik<sup>6</sup> allatanik taaneqartut akineqarnissaannik.

”Pisortaqarfiup oqaaseqaataanit erserpoq sanaartorfigissaanermut akileeqaataas-utip annertussusianik katitigaanerani illu isummerfiginninnissaq pisortaqarfiup su-liassamisut isiginngikkaa. Pisortaqarfik qinnuigineqarpoq nunaminertamik tun-

---

6. Uani isaasalerlugit issuarneqarput.

niussinnermut 4. december 2000-imeersumut atatillugu sanaartorfigissaanermut aningaasartuutit ilaannik akileeqataanisamak piumasaqaat immini pisortaqarfimmuut naammagittaalliutigineqarsinnaasimasutut pisortaqarfiup nalilerneraa nassuiaqqullugu".

Pisortaqarfiup 28. juni 2002-mi aalajangiinerani takuneqarsinnaavoq, pisortaqarfiup isumaa naapertorlugu naammagittaalliuteqartoq Naalakkersuisut KANU-KOKA-llu akornanni 1998-imi isumaqatigiissutaasumik iluaquteqarniarsinnaanngitsoq. Aammattaaq takuneqarsinnaavoq naammagittaalliuteqartoq sanaartorfigissaanermut nunaminertamut pineqartumut kommunip ingerlassimasaanut atatillugu akileeqataassummik akiliinissaminut pisussaaffeqartoq kiisalu pisortaqarfik isumaqartoq sanaartorfigissaanermut atatillugu aningaasartuutit agguataarneqartarnerannut periusissamik kommunip qanoq aalajangersaasimaneranut apeqqusiinissamut pissutissaqanngitsoq.

Pisortaqarfiup nunaminertami sanaartorfigissaanermut aningaasartuutit tarmiusut naleqquttuunersut isummerfiginngilaa, matumani suliap piareersarneqarnera ingerlanneqarneralu suliarineqartussat ataasiakkaat iluini naleqquttuusimanersok nunaminertap sanaartorfigissarneqarnerata ingerlanneqarneranut suliallu ataatsimut ingerlanneqarneranut naleqqiullugu naapertuuttuusimanersok. Taamaattumik pisortaqarfik isumaqarpoq pissutsit tamakku peqqussummi nalunaarummilu ilaanngitsut. Taamaattumik aamma pisortaqarfik isumaqarpoq pissutsit tamakku naammagittaalliuteqartumut naammagittaalliutigineqarsimannngitsut.

Pisortaqarfik aalajangiinerami immikkoortuani siullermi isumaqarpoq, K Kommunip aalajangiinera Naalakkersuisunut naammagittaalliutigineqarsinnaasoq. Tamatumunnga tunngavigineqarpoq Nunaminertat atorineqartarnerat pilersaarusiortigineqartarnerallu pillugit nalunaarummi nr. 23-imi, 18. november 1992-imeersumi § 48, imm. 1, taanna naapertorlugu: "Kommunalbestyrelsen aalajangerneru pissutsinut nunaminertat atorineqartarnerat pilersaarusiorternerlu pillugit Inatsisartut peqqussutaanni aammalu nalunaarummi matumani ilanngunneqartunut attuumassuteqartut Naalakkersuisunut ingerlateqqinneqarsinnaapput".

Nalunaarummi tassani § 38, imm. 1 nr. 3), naapertorlugu nunaminertamik atuinissamut akuersissuteqarnermut atatillugu kommunalbestyrelsi sanaartorfigissaanermi aningaasartuutit akilerneqarnissaannut iluarsiiissutissamik piumasaqaateqarsinnaavoq. Tamanna tunngavigalugu pisortaqarfik isumaqarpoq, kommunalbestyrelsen nunaminertamik atugassanngortitsinermini sanaartorfigissaanermut atatillugu akileeqataassutissamik akiliinissamut piumasaqaammut ilaasut naammagittaalliutigineqarsinnaasut, tassami piumasaqaat nalunaarummi ilaammat.

"Pisortaqarfiup aalajangiineranit ersinngilaq nunaminertamik tunniussinerup atorunnaarsinneqarnissaanik kommunip aalajangiinera pisortaqarfiup atorunnaarsinneqarsimanneqarsimanersok, imaluunniit aalajangiineq atorunnaarsinneqarsimanneqarsimanersok suliarlu kommunimi suliareqqitassanngortillugu utertinneqarsimanneqarsimanersok. Pisortaqarfiup aalajangiinerata inatsiseqartitsinikkut malitigisai nassuiaqqullugit pisortaqarfik qinnuigineqarpoq.

Pisortaqarfiup 28. juni 2002-mi aalajangiinermini makku aalajangiuppai:

a) sanaartorfigissaanermut akileeqataassutissap akilerneqarnissaanut apeqqut pillugu:

"Pisortaqarfik isumaqarpoq K Kommuni sanaartorfigissaanermut aningaasartuutini akileeqquisinnaanermut pisussaaffeqartoq naak kommunimi pilersaarusiarmut tapiliussami malittarisassat ilanngunneqarsimannngikkaluartut. Pisortaqarfiup matumani pingaartutut isigaa, kommunimi pilersaarummi tapiliussap suliarineqarsimanneqarnera pissutiginnarlugu, nunaminertamik atuisinnaanermut piginnittut sanaartorfigissaanerup akeqanngitsumik pissarsiarinissaanik piumasaqaateqarsinnaannginnerat. Aammattaaq pisortaqarfik isumaqarpoq nunaminertat ataasiakkaat akor-

nanni atugassanngortitsisarnermi sanaartorfigissaanermut aningaasartuutiniq agguataarisaneq pillugu K Kommunip periutsinik toqqarsimasaanik ilaginnanissamat naammattunik tunngavissaqanngitsoq. ... Takuneqarsinnaavoq naammagittaalliuuteqartoq sanaartorfigissaanermik suliarineqarsimasumut K Kommunimut akiliinissaminut pisussaaffeqartoq. Tamanna pillugu pisortaarfik isumaqarpoq sanaartorfigissaanermut atatillugu akiliutissap ilaa nunaminertamut atugassanngortitaasumut A...-mut piunnaasaqat pisinnaatitsissummik piginnittumit naammassineqartariaqartoq, tassami nunaminertami tamaani K Kommuni sanaartorfigissaanermut aningaasartuutiniq akiliisimavoq. Taamaalilluni sanaartorfigissaanermut aningaasartuutit kommunip naammattumik piffissaliussatut aalajangigaata iluani akiligassaapput."

b) nunaminertamik atugassanngortitamik atorunnaarsitsineq pillugu apeqqut pillugu:

"Taamaattoq pisortaarfik isumaqarpoq, naammagittaalliuuteqartup apeqqutit saqqummiussai ima pissuseqartut, nunaminertamik atugassanngortitamik atorunnaarsitsinissaminut K Kommuni erseqqissunik naammattunik tunngavissaqanngitsoq."

Tamatuma kinguneraa, kommunalbestyrelsip A-mut nunaminertamik atugassanngortitsinerminik utertitsinissamik aalajangiineraa atuuttussaajunaanera. Taamaattumik kommunalbestyrelsip aalajangiinera allanngunngilaq aamma suliaq kommunimi nutaamik suliarineqartussanngorlugu utertinneqanngilaq. Taamaalilluni pisortaarfip aalajangiinera ima isumaqarpoq, A-p nunaminertamik atuisinnaanera suli atuuttoq tamatumunngalu ilagitillugu atuisinnaanermut pisussaaffimmut atatillugu sanaartorfigissaanermut akileeqataanissamat piunnaasaqatit ilanngullugit. Taamaattoq pisortaarfip nassuerutiga, pisortaarfip aalajangiineraani tamanna erseqqinnerusumik oqaatigineqarsimasariaqaraluartoq.

Pisortaarfik qinnuigineqarpoq eqqartuussissuserisup siunnersuina pisortaarfip immikkut naliliiffigisimaneraa, aamma pisortaarfip siunnersortaata suliami apeqqummut matumunnga assingusumi oqartussaasumut naammagittaalliuutigineqartumut siunnersortaasimanera pisortaarfip isumaliutersuuteqarnissaanut pissutissaqalersitsisimanersoq nassuiaqullugit.

Pisortaarfik piaraaluni K Kommunip pilersaaruserisunermut immikkortortaarfiaata eqqartuussissuserisuanik atuinngilaq, kisianni eqqorpoq pisortaarfip eqqartuussissuserisua siusinnerusukkut suliami apeqqummut pineqartumut atatillugu nunaminertamik atugassanngortinneqarsimasumik utertitsinissamat atatillugu kommunalbestyrelsimut siunnersortaasimammat.

Taamaattorli pisortaarfik tamanna tunngavigalugu allamik siunnersortissarsior-simannngilaq, tassami eqqartuussissuserisup siunnersuina taamaallaat suliaq imarisata oqallisigineqarnissaanut paasissutissiissutigineqarnissaanullu taamalu pisortaarfip nammineq naliliineraata suliamillu suliarinninnerata pitsaasuunissaa siunertaavoq.

Siusinnerusukkut suliaq eqqartorneqartoq Østre Landsretimi suliarineqarpoq, tassani aalajangerneqarpoq, nunaminertamik atugassanngortitsineq utertinneqarsinnaasoq, nunaminertamik atugassanngortitsinermi piunnaasaqatinik eqqortitsinngineq tunngavigalugu. Suliamilu pineqartumi Østre Landsretip eqqartuussutaa taamaalilluni paasissutissiissutigineqarpoq, nunaminertamik atugassanngortitsineq utertinneqarsinnaanersoq piunnaasaqataasoq ataaseq eqqortinneqanngippat, tassami naammagittaalliuuteqartup ilaatigut oqaatigimmagu, kommunalbestyrelsi nunaminertamik atugassanngortitamik utertitsinissaminut inatsisitigut tunngavissaqanngitsoq. Østre Landsretip eqqartuussutaani oqaatigineqarpoq, eqqartuussivik isumaqarpoq tamatumunnga inatsisitigut tunngavissaqartoq.

Nunaminertamik atugassanngortitamik utertitsinissaq pillugu apeqqutip taassuma pingaarnersup qulaajarneqarnera eqqaassanngikkaanni, taamaattoq Østre Lands-

ret-ip eqqartuussutaani kommunip suliami pineqartumi aalajangiineranut pisorta qarfiup nammineq naliliinera ilaanngilaq.

Taamaattorli akerlianik pisorta qarfik isumaqarpoq, K Kommuni – Kommunimut pilersaarummi K 1993-2005-imi sanaartorfigissaanermut aningaasartuutininik agguaqatigiissitsinermi malittarisassanik amigaateqarneq tunngavigalugu - suliami pineqartumi nunaminertamik A-mut atugassanngortitamik utertitsinissamut naam-mattumik tunngavissaqanngitsoq.”

A oqarasuaatikkut 25. juni 2003-mi attaveqarfigaara, kommunip sanaartorfigissaanermut akiliutinik akiligassanngortinneqarsimasunik naatsorsuinerana agguataarineralu suli naammagittaalliuutigiumanera paasiniaarlugu.

Tamanna A-p uppernarsarparaa, oqaatigalugulu pisorta qarfiup aalajangiinerata kinguninnguatigut akileeqqusissut nutaaq tigusimagini, tassanilu oqaatigineqarsimasoq akiliinngikkuni nunaminertamik tunniussineq uter-teqqinniarneqartoq.

Sanaartorfigissaanermut akileeqataassutit A-p tamatuma kingorna akilersimavai, utertillugit akilersinniarneqaratarsinnaanerat nalunaarutigalugu.

*Tamatuma kingorna inaattunik oqaaseqaateqarsimavunga:*

*”Pisorta qarfiup aalajangiineranut tunngaviusoq:*

*Suliani nunaminertanik tunniussinernut tunngasuni pisorta qarfiup oqartussaasutut qulliunerusutut kommunip aalajangiinerinik naammagittaal-liorfigineqarsinnaasutut suliassai nunaminertat atorneqarnerat pilersaarusi-ornerlu pillugit Inatsisartut peqqussutaanni § 24-kkut aalajangersar-neqarput, tassanilu allassimavoq:*

*”Pissutsinut peqqussummi uani pineqartunut tunngatillugu kommunalbestyrelsip aalajangiinera naalakkersuisunut suliassanngortinneqarsinnaavoq. Maalaarut kingusinnerpaamik kommunalbestyrelsip aalajangiinerata tiguneqarneraniit qaam-matit 2 qaangiunneranni tunniunneqassaaq.”*

*Pisorta qarfiup aalajangiineranit 28. juni 2002-meersumit erserpoq nu-naminertamik tunniunneqartumik sanaartorfigissaanermut akileeqataas-sutissanik akiliinngitsoornerup kingunerisaanik arsaarinnissagaanni nu-naminertat atorneqartarnerat pilersaarusi-orneqartarnerallu pillugit Nam-minersornerullutik Oqartussat nalunaarutaanni nr. 23-mi, 18. november 1992-imeersumi § 38, tak. Inatsisartut peqqussutaanni § 6, inatsisitigut tunngaviusutut pisorta qarfiup isigigaa.*

*Nalunaarut taaneqartoq taanna nunaminertanik atuineq pilersaarusi-ornerlu pillugit Inatsisartut peqqussutaanni § 3-mik inatsisitigut tunngaveqarpoq, tassanillu allassimavoq:*

*”Naalakkersuisut nunaminertat atorneqarnissaat, tamatumunngalu ilanngullugu pilersaarusiorterup tamarmiusup imarisassai, ilusissaa taassumalu qanoq iliorluni pissarsiarineqarnissaa pillugit erseqqinnerusunik maleruagassiussapput.”*

*Inatsisartut peqqussutaanni § 6 imaattunik oqaasertaqarpoq:*

*”Nunaminertanik atuinissamut akuersissuteqarnermi siunertap § 1-imi taaneqartup anguneqarnissaa siunertaralugu piumasaqartoqarsinnaavoq naammassiniagassanngortitsisoqarsinnaallunilu. Piumasatut naammassiniagassatullu aalajangersarneqartut ima imaqaassapput, sanaartukkat kommunip pilersaarusiaata tunngavigisaanut imarisaanullu naapertuuttumik suliarineqarnissaat qulakkeerneqartussanngorlugu.*

*Imm. 2. Atuisinnaaneq piffissamut killilerneqarsinnaavoq.*

*Imm. 3. Atuisinnaatitaaneq inatsisinut akerliusunik atorneqarumi atorunnaarsinneqarsinnaavoq.”*

*Aalajangersagassatut siunnersuut taanna pillugu oqaaseqaatinit erserpog:*

*”Aalajangersakkami imm. 1-ikkut erseqqissarneqarpoq nunaminertamik atuinissamut akuersissuteqarnermi piumasaqartoqarsinnaasoq naammassiniagassaqartit-sisoqarsinnaasorlu, peqqussutissatut siunnersuummi siunertarineqartumut naapertuuttunik. Aammattaaq aalajangersakkami imm. 2-kkut erseqqissarneqarpoq piumasaqaatit naammassiniagassallu aalajangersarneqartut pilersaarutinut § 14-imi suliareqquneqartumut (tak. kapitali 5), naapertuuttuussasut, tamatumalu nunaminertamik atuinissamik akuersissummi piumasaqaatit naammassiniagassatullu aalajangersarneqartuni pilersaarutit taakku aalajangersakkatigut immikkuualuttortalersugaanerusutigut itisilerneqarsinnaanerat akornusinnigilaa. Assersuutit suliffeqarfinnik sanaartornermut ingerlatsinermullu kiisalu atorunnaarsitsisinnaanermut atatillugu piumasaqaatit taaneqarsinnaapput, piumasaqaatillu taakku piumasaqaatigineqarnissaat pisariaqartutut isigineqarsimavoq, nunaminertap piffissap naammaginartumik sivisussusullip iluani atorneqalernissaa qulakkeerniarlugu, taamalu inniminnersimaneqaannarsimalluni allat atuinissaannut mattusimaneqarnissaa pinngitsoortinniarlugu. Suliffeqarfimmik sanaartornerup aqqusernit, eqqakkat imerpalasut kuuffiisa eqqakkanillu imerpalasunik salisarfiiit piorsarneqarnissaat pisariaqalersissinnaavaa. Suliffeqarfik pisortat tamatumunnga aningaasartuutaannut akileeqataassasoq piumasaqaatit aalajangersarneqarsinnaavoq.*

*Piumasaqaatit naammassiniagassatullu aalajangersarneqartussatut isumaliutersuutigineqartut ataatsimut ilusilersugaagajuttartussaapput, innuttaasunullu sunniuteqartartussaallutik, taamaattumillu piumasaqaatit naammassiniagassallu aalajangersarneqartussatut isumaliutersuutigineqartut paasisaqarfiginissaannut taakkulu ilumut pisariaqartuunerisa naliliiffiginissaannut innuttaasut periarfissaqartinneqassallutik. Pisuni taamaattuni piumasaqaatit naammassiniagassallu taamaattut immikkoortumut pilersaarusiaq peqqussutissatut siunnersuummi kapitali 6 tunngavigalugu suliarineqareerpata aatsaat aalajangersarneqarsinnaapput.*

*Imm. 2 nunaminertamik atuinissamut akuersissutip piffissamut aalajangersimasumut killeqartinneqarnissaanut inatsisitigut tunngavissaliivoq, taamaalillutik oqartussaasut aalajangiinermikkut pisunik nikeriarsinnaajunnaarsitsinissaat, taamalu ineriartortitsinerup tamanna kissaatiginartuutippagu isiginiagassat allat tul-*

lertiaarinermi salliutinneqarsinnaanerannik akornusiinissaat pinngitsoortinneqarsinnaaqqullugu.

*Imm. 3-mi erseqqissarneqarpoq atuisinnaatitaanermut tunngaviusut atuikkunnaarpata atuisinnaatitaaneq atorunnaarsinnaasoq; assersuutigalugu illup atornerqarnerpiaa allanngorsimappat illuluunniit atorneqarunnaarsimappat atuisinnaatitaaneq atorunnaarsinneqarsinnaavoq.*” (Aalajangersakkat taakku pillugit oqaaseqaatit kalaallisuisa Kalaallit Nunaanni Inatsisartut upernaakkut 1985-imi ataatsimiinneranni ataatsimiussutigineqartunut ilanngunneqarsimannginerat pissutigalugu oqaaseqaatit taakku Atorfeqarfimmi nutsigaapput.)

*Inatsisartut peqqussutaanni § 6-ip oqaasertai aalajangersagaq pillugu oqaaseqaatinut ataneqartikkaanni nunaminertanik tunniussinerni aatsaat piunasaqaateqartoqarsinnaavoq piunasaqaatasut taakku nunaminertanik atuneq pillugu peqqussummi siunertaq eqqortippasuk, siunertarlu taanna § 1-imi imatut allaaserineqarpoq:*

*”Peqqussutip siunertaraa nunap nunaminertaasa inuiaqatigiit eqqarsaatigalugit ataatsimut naliliineq tunngavigalugu atorneqarnissaat isumannaallisassallugu.*

*Siunertaq taanna makkunuuna anguneqassaaq,*

- 1) pinngortitap illersorneqarneranik,*
- 2) inuiaqatigiit tungaanniit isigalugu tulluurtumik nunap inuillu pilersitaasa akornanni immikkoortiterineq,*
- 3) nunap nunaminertai atorneqassasut pilersaarusionerq inuussutissarsiutitigut pinngortitamillu illersuinerup tungaasigut ajunngitsumik ineriartornissamut iluaqutaasusaaq tunngavigalugu,*
- 4) najukkani pisortat innuttaasullu nunaminertat atorneqarnissaannik pilersaarusionermi peqataatinneqarnerannik,*
- 5) nr. 1-imiit 4 ilanngullugu allassimasut naapertorlugit atunerit suliassanut aningaasalersuinerumullu tunngasumik pilersaarusionerq ataqatigiissinneqarnerisigut.”*

*Nalunaarummi § 38, imm. 1 imaattunik oqaasertaqarpoq:*

*”Nunaminertamik atuinissamut akuersissuteqarnermut atatillugu kommunalbestyrelsi pissutsinut makkununga tunngasunik piunasaqaateqassaaq:*

- 1) ...*
- 2) ...*
- 3) sanaartuiffissionermi aningaasartuutissat akilerneqarnissaannut iluarsartuussinerit,*
- 4) ...*
- 5) atuinissamut pisinnaatitaanerup atorunnaarsinneqarsinnaanera.”*

*Nalunaarummi § 38-mi nunaminertamik tunniussinermut atatillugu sanaartorfigissaanermut akileeqataassutit akilerneqarnissaannik piunasaqaateqarnissamut periarfissaq matuma kingorna imatut paasisariaqarpoq kommunip sanaartorfigissaanermut aningaasartuutininik naatsorsuinermini isiginiagassat nunaminertat pillugit peqqussummut, nunaminertat pillugit nalunaarummut aamma kommunip peqqussut tunngavigalugu nunaminertat*



*tat pillugit pilersaarusiaanut akuerineqartunut assortuuttut ilanngutissanngikkai.*

*Taamaattumik sanaartorfigissaanermut aningaasartuutit kommunimit aalajangersarneqartut piumasaqaataasutut kommunip aalajangersarsinnaasaasa iluaniinersut nakkutigissallugit peqqussummi § 24 malillugu pisortaqarfiup oqartussaasutut qulliunerusutut naammagittaalliorfigineqarsinnaasutut suliassaasa iluanniippoq.*

*Tamatumunnga peqatigitillugu nunaminertanik atuineq pillugu peqqusut taannalu tunngavigalugu aqutsinermi malittarisassat aalajangersarneqarsimasut tunngavigalugit aalajangiinerit ingerlatsinermik inatsiseqartitsineq tunngavigalugu aalajangiinerupput.*

*Tassa imaappoq kommunip suliama nunaminertanik atuineq pillugu peqqussummi pineqartunut ilaatinneqartuni peqqussummik, nalunaarummi malittarisassanik pilersaarusanillu pigineqartunik malinninnermi saniatigut ingerlatsinermik inatsiseqartitsinermi malittarisassat inatsisitigut aalajangersagaanngitsut nalinginnaasut malittussaagai, malittarisassat taakku saneqqunneqarnissaat inatsisini malittarisassatigut erseqqilluinnartumik aalajangersarneqarsimanngippat.*

*Inatsisini malittarisassatigut allanik aalajangersaasoqarsimanngippat oqartussaasup qulliunerusutut naammagittaalliorfigineqarsinnaasup oqartussap allersarisami aalajangiineranik misiliinerani sinaakkutaasooq tassaavoq suliama eqqortumik aalajangiisoqarnissaa siunertaralugu misiliineq. Tamatumunnga atatillugu oqartussaasooq qulliunerusutut naammagittaalliorfigineqarsinnaasooq oqaatigineqartunit atuutsinniarnaqartunillu oqartussaasumut saqqummiunneqartunit killilersugaanngilaq.*

*Aammattaaq oqartussaasup qulliunerusutut naammagittaalliorfigineqarsinnaasup oqartussatut allersarisami aalajangiineranik misiliinera tamakkiisuusussaavoq, misiliinermi killilersuutit inatsisini malittarisassatigut aalajangersarneqarsimanngippata.*

*Taamaalilluni misiliinermi suliama pissusiviusut tamarmik, suliamilu inatsiseqartitsinermut tunngatillugu apeqquutit tamarmik ilaatinneqassapput, matumani oqartussatut allersarisap ingerlatsinermik inatsiseqartitsinermi malittarisassanik eqqortitsisimanera pillugu apeqquut ilanngullugu eqqarsaatigalugu, misiliinermullu uiggiullugu misiliinermi paasisat isummerfigineqassallutik.*

*Isummernermi tassani aalajangiinerup naapertuuttuunera naleqquttuuneralu aamma ilaatinneqassapput.*

*Tamatumunnga peqatigitillugu tamatuma nassataraa suliamik sularinninnermi kukkusoqarsimanera oqartussap qulliunerusutut naammagittaalliorfigineqarsinnaasup paasiguniuk tamanna isummerfigissagaa, kukkunerlu oqartussap qulliunerusutut naammagittaalliorfigineqarsinnaasup oqartussamut alliunerusumut uparuassagaa, naammagittaalliorfigineqarsinnaasup pissutsit taamanneranik ilanngussisimanera ilanngussisimanngineraluunniit apeqquutaatinnagu.*

*Pisortaqarfiup allagai 20. januar 2003-meersut imatut paasivakka pi-sortaqarfiup sanaartorfigissaanermut aningaasartuutit amerlassusiinut katitigaanerannullu (naatsorsugaanerannullu) naammagittaalliuutigine-qartunut isumminnginneranut tunngavilersuutaasoq tassaasoq pissutsit taakku Inatsisisartut peqqussutaatigut nalunaarutikkullu aalajangersaavi-gineqarsimannginnerat, taamatuttaarlu pisortaqarfiup paasinninnera u-naalluni apeqqutit taakku A-p naammagittaalliuutaani ilaatinneqanngit-sut.*

*Oqartussaasup qulliuernerusutut naammagittaalliorfigineqarsinnaasup suliamik misiliinerani sinaakkutassaq oqartussaasullu qulliuernerusutut naammagittalliorfigineqarsinnaasup misiliinissamut pisussaaffeqarnera pillugit qulaani oqaaseqaatikka innersuussutigalugit A-p naammagittaal-liuutaanik pisortaqarfiup nammineq paasinninnini tunngavigalugu sa-naartorfigissaanermut akileeqataassutit naatsorsorneqarnerat katitigaa-nerallu pillugu apeqqummut isummersimannginnera uanga paasinninera malillugu kukkuneruvoq.*

*A nunaminertamik tunniussinermik kommunip atortuujunnaarsitsinera aamma sanaartorfigissaanermut akileeqataassutit naatsorsorneqarnerat katitigaanerallu pillugit naammagittaalliornersaq pisortaqarfimmut erseq-qilluinnanngippat tamanna pisortaqarfiup A-mut suliami illua tungiusu-mut taassuma isumaanik tusarniaanikkut qulaajarsimasariaqaraluarpa.*

*Tamanna naammagittaalliuut pillugu suliap iluaniissimappat, pissutsi-nik sanaartorfigissanermut akileeqataassutissat naatsorsorneqarnerat katitigaanerallu pillugit aalajangiinerup naammagittaalliuutigineqartup inatsisinik unioqqutitsisuuneranik eqqunngitsuuneranilluunniit kingune-qartut atuussimanersut pisortaqarfiup isummerfigissallugu pisussaaffigisi-mavaa.*

*Tamatumunnga peqatigitillugu oqaatigaara, taamatuttaaq oqartussaa-sup qulliuernerusutut naammagittaalliorfigineqarsinnaasup misiliinissamut pisussaaffeqarneranik oqaaseqaatikka innersuussutigalugit, nunaminertat pillugit peqqussummi imaluunniit nunaminertat pillugit nalunaarummi sanaartorfigissaanermut akileeqataassutissat naatsorsorneqartarnerat katitigaasarnerallu pillugit malittarisassaqaannginnera pissutsit taakku mi-sissornissaannut pisortaqarfik pisussaaffeqarsimanersaq eqqarsaatiga-lugu aalajangiisuunngitsoq. Taamaattumik pisortaqarfiup misiliinera ta-makkiisuusussaavoq, taamalu aamma ingerlatsinermik inatsiseqartitsi-nermi malittarisassat pillugit apeqqutit tassunga attuumassuteqartut ta-marmik ilaatinneqartussaallutik.*

*Isumaqarpunga pisortaqarfiup misissuisussaataitanerminik paasinnin-nera eqqortuunngitsoq, suliamillu pisortaqarfiup naammaginartumik misi-liisimannginnera ajuusaarnartuusooq.*

*A nunaminertamik tunniussinermi 4. december 2000-imeersumi Naalak-kersuisunut naammagittaalliornissamut periarfissaq nunaminertallu pillu-git peqqussumi § 24-mi naammagittaalliornissamut qaammatinik marlun-*

nik periarfissaqarneq pillugu ilitsersorneqarsimammat taamaakkaluartoq suliamik suliarinninnermi kukkunerit taaneqartut nassatarisaannik pisortaqarfik suliap suliareqqinnissaanut pisussaaffeqarsimanersoq immikkut isumaliutersuutigissallugu pissutissaqarsimavunga.

Suliami paasissutissat pigineqartut malillugit nunaminertamik tunnius-sinermut atatillugu piumasaqaatigineqartut naammagittaalliuutigineqar-nissaannut piffissatut aalajangersarneqartoq 4. februar 2001-imi naasi-mavoq.

A-p sanaartorfigissaanermut akileeqataassutissat pillugit apeqqutit kommunimut 2. juli 2001-imi saaffiginnissutigai, pisortaqarfimmullu aat-saat 25. februar 2002-mi naammagittaalliorluni.

Piffissaliussap qaangerneqarsimanagera pillugu apeqqut pisortaqarfiup aalajangiinnermini toqqaannartumik isummerfigisimanngilaa.

Oqartussaasup qulliuernerusutut naammagittaalliorfigineqarsinnaasup naammagittaallior-nissamut piffissaliussaq inatsisitigut aalajangersarne-qartoq atuutissanngitsoq inatsisitigut immikkut tunngavissanngikkaluar-luni immikkut akuersissutigisinnaagaa ingerlatsinermik inatsiseqartitsi-nermi naatsorsuutigineqartarpoq, pissutsit suliamut tunngasut tamanna ajornartinnngippassuk.

Suliami matumani oqaatigineqartut pineqartoq tassaavoq nunaminert-amik tunniussinermi sanaartorfigissaanermut akileeqataassutissat aki-lerneqarnissaat pillugu aalajangersagaq eqqarsaatigalugu naammagit-taallior-nissamut piffissaliussap naasimaneramik pisortaqarfiup toqqaan-nartumik isummerfiginnissimanninnera.

Pineqartorli tassaavoq pisortaqarfiup aalajangiinnermini sanaartorfigis-saanermut akileeqataassutissat pillugit inatsisitigut tunngavigineqartoq pillugu isummerfiginnissimanagera.

Aqutsinermi oqartussaassumut qulliuernerusumut inatsiseqartitsinermi tunngaviit qulaani allaaserisakka malillugit naammagittaallior-nissamut periarfissaqarnerup innuttaasunut inatsiseqartitsinikkut innarliisoqan-nginnissaanik qularnaveeqqutaanera isiginiarlugu isumaqarpunga sanaartorfigissaanermut akileeqataassutissat pillugit A-p naammagittaal-liutaanik pisortaqarfiup ilaannakortumik misissuinerata nassatarigaa sanaartorfigissaanermut akileeqataassutissat pillugit A-p naammagittaal-liutaanik pisortaqarfiup tamakkiisumik suliarinninnissamut pisussaaf-feqarnera, naak naammagittaalliuuteqarnissamut piffissaliussap atuutsin-neqannginnissaanik aalajangiinissaq pisortaqarfiup immikkut isummer-figisimanngikkaluaraa.

Taamaalilluni pissutsit naammagittaalliuutigineqartut ilaannik ataa-siakkaaginnarnik suliarinnikkumaneq toqqarlugu pissutsinik suliamut at-tuumassuteqartunik allanik pisortaqarfiup oqartussaasutut qulliuernerusutut naammagittaalliorfigineqarsinnaasutut suliarinninnginnera A-p inatsisiti-gut innarlitsaalineqarneramik mianerinninnermut assortuuttuusussaavoq.

*Taamaattumik naammagittaalliuutit tassunga tunngasortaa pisortaqarfiup suliareeqqissagaa, tamatumunngalu atatillugu suliami pissusiviusut inatsiseqartitsinermilu apeqqutit tamaasa pisortaqarfiup misilissagai inasuteqaatigaara, tak. qulaani oqaaseqaatikka.*

*Pisortaqarfiup misiliinerata inernera.*

*Nunaminertamik tunniunneqartunik sanaartorfigissaanermut akileeqa-taassutit akilerneqarsimanninnerat pissutigalugu kommunip atorunnaarsitsinera pillugu aalajangiinnermini pisortaqarfik oqarpoq:*

*”... pisortaqarfik isumaqarpoq, naammagittaalliuuteqartup apeqqutit saqqummiussai ima pissuseqartut, nunaminertamik atugassanngortitamik atorunnaarsitsinissaminut K Kommuni erseqqissunik naammattunik tunngavissaqarsimannitsoq.”*

*aamma*

*”Takuneqarsinnaavoq naammagittaalliuuteqartoq sanaartorfigissaanermik suliarineqarsimasunut K Kommunimut akiliinissaminut pisussaaffeqartoq.*

*Tamanna pillugu pisortaqarfik isumaqarpoq sanaartorfigissaanermut atatillugu akiliutissap ilaa nunaminertamut atugassanngortitaasumut A-...-mut piumasaaqat pisinnaatitsissummik piginnittumit naammassineqartariaqartoq, tassami nunaminertami tamaani K Kommuni sanaartorfigissaanermut aningaasartuutinik akiliisimavoq. Taamaalilluni sanaartorfigissaanermut aningaasartuutit kommunip naammattumik piffissaliussatut aalajangigaata iluani akiligassaapput.”*

*Oqaatigineqartutut oqartussaasup suliami pissusiviusunik inatsiseqartitsinermullu tunngasunik misissuineru aalajangiineq naammagittaalliuutigineqartoq eqqarsaatigalugu qanoq sunniuteqassanersoq oqartussaasup qulliinerusutut naammagittaalliorfigineqarsinnaasup isummerfigissavaa.*

*Inatsisini malittarisassat allanik aalajangersaasimannippata oqartussaasooq qulliinerusutut naammagittaalliorfigineqarsinnaasooq qisuariar-nissamat imaattunik periarfissaqarpoq:*

*Atortussanngortitsineq, allannngortitsineq, atortussaajunnaarsitsineq suliallu suliareeqqitassanngortillugu utertinneqarnera.*

*Atortussanngortitsineq matumani imatut paasineqassaaq suliap ingerlanerani tunngavigineqartussat eqqortinneqarsimasut, oqartussaasorlu qulliinerusutut naammagittaalliorfigineqarsinnaasooq naammagittaalliuummik aalajangersimasumik suliarinninnermini aalajangiinerup allannngortinnissaanut atorunnaarsinnissaanulluunniit pissutissaqarnani isumaqartoq.*

*Allannngortitsineq matumani imatut paasineqarpoq oqartussaasooq qulliinerusutut naammagittaalliorfigineqarsinnaasooq suliaq aalajangersimasumik suliarereerlugu isumaqartoq oqartussap alliuinerusup aalajangiine-*

ra allannortinneqassasoq, oqartussaasorlu tamatuma kingorna tassunga taarsiullugu suliami nammineq aalajangiisoq.

Atortussaajunnaarsitsineq matumani imatut paasineqarpoq oqartussaa-sup alliuernerusup aalajangiisimaneranut inatsisitigut tunngavissaqanngit-soq, oqartussaasorlu qulliuernerusutut naammagittaalliorfigineqarsinnaa-soq tassunga taarsiullugu nammineq (imaatigut allannortitamik) aalaja-ngiinissamat inatsisitigut tunngavissaqanngitsoq, imaluunniit taamaalior-nissani kissaatiginngikkaa. Atorunnaarsitsineq taamatuttaaq pisarpoq o-qartussaa-sup alliuernerusup suliamik suliarinninnera ima amigaateqarsima-tigippat oqartussaa-sup qulliuernerusutut naammagittaalliorfigineqarsinnaa-sup – pissusiviusut naapertorlugit – suliami siullertut aalajangiinissaa il-lersorneqarsinnaanani. Tamanna tamatigut atuuttarpoq oqartussaa-soq al-liuernerusup suliamik suliarinninnermini kukkusimappat, aalajangiinerup atuussinnaassuseqannginneranik nassataqartumik, matumani oqartussaa-sup alliuernerusup kukkuneru oqartussaa-sup qulliuernerusutut naammagittaal-liorfigineqarsinnaasup aaqqissinnaanngisai ilanngullugit eqqarsaatigalu-git.

Suliap suliareqqitassanngorlugi utertinneqarnerata oqartussaa-sup su-liami siullertut aalajangiisup suliami nutaamik aalajangiisussanngortinne-garnera nassataraa. Suliamik suliareqqitassanngorlugi utertitsisoqarsin-naavoq aalajangiineq suliamik suliarinninnermi kukkusoqarsimanera pis-sutigalugu atorunnaarsinneqarpat, imaluunniit paasissutissat nutaat pis-sutigalugit suliaq annertuumik allannguuteqarsimappat, tamatumunngalu peqatigitillugu – ilaatigut suliami illua tungiusup oqartussaa-sumut qulliu-nerusumut naammagittaalliorsinnaanera pissutigalugu – paasissutissat nutaat tunngavigalugit suliami aalajangiinissaq suliami siullertut aalaja-ngiisimasumut suliassanngortinneqartariaqarpat.

Periarfissat taakku arlaat sorleq pisortaqarfiup atorsimaneraa pisorta-qarfiup aalajangiineranit ersinngilaq.

Pisortaqarfiulli uannut akissummuni 20. januar 2003-meersumi oqaati-gaa kommunip atorunnaarsitsinissamik aalajangiinera pisortaqarfiup atortussaajunnaarsissimagaa.

Tamatuma pisortaqarfiup aalajangiineranit ersinnginnera ajuusaarnar-tutut isigaara.

Pisortaqarfiup suliamik allatigut suliarinninnera pillugu oqaatigaara:

Maluginiarpara K Kommunip oqaaseqaatimini 14. marts 2002-meersu-ni oqaatigigaa A-mut nunaminertamik tunniussinerup atorunnaarsinne-qarnissaanik aalajangiinermi ataatsimut isiginninnerusut makku ilaatin-neqarsimasut:

”Naggasiullugu K Kommunip oqaatigissavaa suliaq kommunimut tunngaviu-sumik pingaaruteqartoq, tassami innuttaasoq sanaartorfigissaanermut akilee-gataassutissanik aningaasanilluunniit akilertariaqakkamisut isigisaminik akiilin-

*ngitsoornerminut peqatigitillugu suliame paasissutissanik paasitinneqarnissamik qinnuteqaqattaarnermigut imaluunniit nutaanik apeqqueteqaqattaarnermigut imminnut piffissalerniarsinnaasussaangimmat, akiitsuminillu akiliinissaminik kinguartitsiniarsinnaanani. Tamatumunnga atatillugu oqaatigineqassaaq kommunip arlaleriarluni allakkatigut A-llu ataatsimeeqatigineqarneranut atatillugu akileeqqullugu kajumissaartarsimagaa, nalunaarfigisimallugulu naammagittaalliuutaa kinguartitsinissamik nassataqanngitsoq.”*

*Nunaminertanik tunniussinerit pillugit suliame suliap matuma kommunimit aalajangiivigineqarneranut pingaaruteqarsimasuni suliassat suliari-neqartarnerat pillugit malittarisassat pillugit tunngaviusumik isummerneq kommunip tassani ersersippaa.*

*Pisortaqarfiup oqartussaasutut qulliunerusutut naammagittaalliorfigi-neqarsinnaasutut suliame inatsiseqartitsinikkut pissutsinik tamanik isummerfiginninnissaminut pisussaaffeqarnera isiginiarlugu isumaqarpunga paasinnineq issuarneqartoq taanna pisortaqarfiup aalajangiinnermini isummerfigisimasariaqaraluaraa, pisortaqarfiullu suliamek suliarinneq-qinnerminut atatillugu kommunip taamatut atortussaatisiniarnerata inatsisunik unioqquitsisuunera unioqquitsisuunnginneraluunniit isummerfigissagaa aamma inassuteqaatigaara.*

*Pisortaqarfiup siunnersuisumik namminersortumik ikiorteqarsimanera pillugu apeqquummut atatillugu oqaatigaara:*

*Pisortaqarfiup akissutaa 20. januar 2003-meersoq imatut paasivara pi-sortaqarfik isumaqartoq pisortaqarfiup siunnersortimik (eqqartuussissuse-risumik) pineqartumik atuineranut peqatigitillugu eqqartuussissuserisup taassuma oqartussaasumut suliame naammagittaalliuutigineqartumut sin-niisuunnginnera pisortaqarfiup misissorsimagaa, pisortaqarfillu isuma-qartoq eqqartuussissuserisup pineqartup ator-neqarnissaa nangaanartor-taqarsimanngitsoq, tak. suliassat suliari-neqartarnerat pillugu inatsimmi § 3.*

*Taamaattumik apeqquut taanna pillugu annertunerusumik iliuuseqaqqis-sanngilanga.*

### *Kommunip suliamek suliarininnera.*

*Pisortaqarfiup qulaani nassuiarsimasattut sanaartorfigissaanermut aki-leeqataassutissat naatsorsorneqarnerat katitigaanerallu pillugit A-p naammagittaalliuutaa tamakkiisumik suliarisimangimmagu pissutsit sa-naartornermut akileeqataassutit naatsorsorneqarnerannut katitigaaner-anullu attuumassuteqartut pillugit A-p naammagittaalliuutaa suliarisin-naanngilara, tak. Ombudsmandi pillugu inatsimmi § 6, imm. 3.*

*Taamaattumik K Kommunip suliamek suliarininnera eqqarsaatigalugu paasissutissat pigineqartut tunngavigalugit annertunerusumik iliuuseqaq-qissanngilanga.”*

Pisortaqarfiup allakkani 21. november 2003-meersuni nalunaarfigaanga pisortaqarfiup suliap suliarineqarnera nangeqqissimaga.

Suliap suliareqqinneqarnerata inernerata pillugu pisortaqarfiup paasissutissiisutaanik ukiup nalunaarusiuunneqartup naanerani tigusaqarsimanngilanga.

## 56. Aalisarneq, piniarneq, aallaaniarneq nunalerinerlu

### 1. Suliami allagaatinik paasitinneqarsinnaatitaanissaq pillugu qinnuteqaammik suliarinninnermut atatillugu piffissamik suliap suliarineqarneranut atorneqartumik sivisunaarsineq.

*Eqqartuussissuserisoqarfiup A-p allagaatinik paasitinneqarnissamik 12. juli 2002-mi qinnuteqarnera, qinnuteqarnerup saq-qummiunneqarnerata kingornagut qaammatit arfineq-marlunnik amerlanerusut qaangiuttut aatsaat pisortaqarfiup allakkatigut 4. marts 2003-meersutigut akissuteqarfisimammagu Ombudsmandip tamanna isornartorsiortariaqarluinnartutut isumaqarfiga.*

*Aammattaaq Ombudsmandip isornartorsiortariaqarluinnartuusera pisortaqarfiup pisortat ingerlatsinerat pillugu Inatsisartut inatsisaanni § 16, imm. 2-mi aalajangersagaq malillugu Eqqartuussissuserisoqarfik A nalunaarfigisimannngimmagu. (J.nr. 11.-03.56.08/099-02)*

B sinnerlugu Eqqartuussissuserisoqarfiup A-p allagaatinik paasitinneqarnissamik qinnutigisami 12. juli 2002-mi ulluleneqarsimasup suliarineqarneranut piffissaq Aalisarnermut, Piniarnermut Nunaqarfinnullu Pisortaqarfiup atorsimasaa pillugu naammagittaalliuutaa Naalagaaffiup Kalaallit Nunaanni Sinniisaa aqqutigalugu 29. oktober 2002-mi tiguara.

Aalisarnermut, Piniarnermut Nunaqarfinnullu Pisortaqarfiup B-mut allagai 15. august 2002-meersut Eqqartuussissuserisoqarfiup ilanngullugit nassiupai. Allakkanit taakkunannga makku erserput:

”Allakkasi tulleriinneri malillugit 12. aamma 24. juli 2002-meersut Aalisarnermut, Piniarnermut Nunarfinnullu Pisortaqarfiup tiguai, taakkunanilu B-p K Kommunimut 2002-mi usingiarnissaanut akuersissummut atatillugu allagaasimasut tamarmik assilineri qinnutigaaasi.

Pisortaqarfiup inussiarnersumik nalunaarutigissavaa aasaanerani sulinngiffeqarnermut il.il. atatillugu ulapaarneq pissutigalugu aatsaat septemberip qiteqqunnerani akissuteqartoqarnissaa naatsorsuutigineqarsinnaasoq.” (Atorfeqarfimmi nutsigaavoq.)

Eqqartuussissuserisoqarfutaaq Aalisarnermut, Piniarnermut Nunaqarfinnullu Pisortaqarfimmut allagai 16. september 2002-meersut ilanngullugit nassiunneqarput. Taakkunannga makku erserput:

”Allakkat tulleriinneri malillugit 12. aamma 24. juli 2002-meersut ataqqinnitumik eqqaasitsissutigissavakka.

Allakkat il.il. tamarmik assilinerinik tunineqarnissara qinnutigissavara, erseqqis-sassallugulu saaffiginnissutiga 12. juli 2002-meersoq allakkanut B-mut nassiunneqarsimasunut tunngasuunngimmata, Inuussutissarsiornermulli Pisortaqarfimmut apeqqutit aamma ... pillugit allaffigeqatigiittarsimanermit allakkanni 12. juli 2002-



meersuni apeqqutitut taaneqartunut tunngasuullutik.” (Atorfeqarfimmi nutsigaavoq.)

Eqqartuussissuserisoqarfiup naammagittaalliuutaa pisortaqarfimmut tu-sarniaatigalugu 14. november 2002-mi nassiuppara. Eqqartuussissuseriso-qarfik tamatumunnga peqatigitillugu nalunaarfigaara Eqqartuussissuseriso-qarfiup naammagittaalliuutaa suliarilerniarlugu aalajangertunga.

Aatsaat 16. december 2002-p kingorna akissuteqartoqarnissaa naatsor-suutigineqarsinnaasoq Aalisarnermut, Piniarnermut Nunaqarfinnullu Pi-sortaqarfiup 5. december 2002-mi nalunaarutigaa. Tamanna pisassiissu-tinik paarlaateqatigiittarneq pillugu isumaqatigiissuteqarnermut atatillugu sulisut angalanerinek tunngavilersorneqarpoq.

Pisortaqarfiup akissutaanik tigusaqannginnama pisortaqarfik akissute-qaqqullugu 10. januar 2003-mi nukingisaarpara. Pisortaqarfiup oqarasuaa-tikkut 19. februar 2003-mi oqaloqatigineqarnerani pisortaqarfik nalunaar-poq sapaatip akunnera ataaseq qaangiutinngitsoq akissuteqartoqarnissaa naatsorsuutigineqarsinnaasoq.

Pisortaqarfiup akissutaa tamatuma kingorna, tassalu 4. marts 2003-mi, tiguara. Pisortaqarfik imatut akivoq:

”Aalisarnermut, Piniarnermut Nunalerinermullu Pisortaqarfiup suliami qulaani taaneqartumi pisortat ingerlatsinerat pillugu paasitineqarsinnaatitaaneq pillugu I-natsisartut inatsisaanni § 16, imm. 1 aamma 2 sumiginnarsimallugit nassuerutigaa.

Eqqartuussissuserisoqarfik A allagaatinik paasitineqarumalluni 12. juli 2002-mi siullermik qinnuteqarpoq. Tamatumunnga atatillugu allagaatit pineqartut paasissut-issiissutigineqarsinnaanersut Pisortaqarfiup piaarnerpaamik aalajangiivigisimasa-riaqaraluarpa, tak. inatsimmi § 16, imm. 1.

Allagaatinik paasitineqarnissamik qinnuteqaat akuersaarneqassanersoq itigar-tinneqassanersorluunniit qinnuteqaatip tiguneqarneranit ullut qulit qaangiutsinnagit pisortaqarfiup isummerfiginngilaa. Pisortaqarfiup tamatumunnga atatillugu Eqqar-tuussissuserisoqarfik A tamatumunnga pissutaasumik qaqugulu aalajangiisoqarnis-saa naatsorsuutigineqarsinnaanersoq nalunaarfigisimasussaagaluarpa, tak. § 16, imm. 2.

Pisortaqarfiup tamanna tunngavigalugu nalunaarutigissavaa Eqqartuussissuse-risoqarfiup A-p allagaatinik paasitineqarnissamik qinnutigisaa akuersaaripput.

Allagaatinik paasitineqarnissamik qinnuteqaammi allakkat amerlasoorpassuit pineqarput. Taamaattumik Pisortaqarfik isumaqarpoq allakkanik misissuinissamut Pisortaqarfimmi maani periarfissaqartitsisoqartariaqartoq.

...

Eqqartuussissuserisoqarfimmut allakkat Pisortaqarfiup ullummikkut nassiuppai, taakkunangalu erserpoq allagaatinik paasitineqarnissamik qulaani taaneqartutut qinnutigisaa akuersaaripput.

Suliami matumani pisut ingerlasimanerat Pisortaqarfiup ajuusaarutigissavaa.” (Atorfeqarfimmi nutsigaavoq.)

Pisortaqarfiup Eqqartuussissuserisoqarfimmut A-mut allagaanit 4. marts 2003-meersunit makku erserput:

”Pisortaqarfimmut allakkasi kingulliit 21. oktober 2002-meersut tunngavigalugit nalunaarutigissavarput allagaatinik paasitinneqarnissamik qinnutigisarsi akuersaarippit.

Allagaatinik paasitinneqarnissamik qinnuteqaammi allakkat amerlasoorpassuit pineqarput.

...

Allagaatinik paasitinneqarnissamik qinnutigisassinnut aatsaat massakkut isummerfiginninnerput aamma ajuusaarutigissavarput.

...”. (Atorfeqarfimmi nutsigaavoq.)

*Tamakku tunngavigalugit imaattunik oqaaseqaateqarsimavunga:*

”Eqqartuussissuserisoqarfiup A-p B sinnerlugu Aalisarnermut, Piniarnermut Nunaqarfinnullu Pisortaqarfik Aalisarnermut, Piniarnermut Nunaqarfinnullu Pisortaqarfiup, Inuussutissarsiornermut Pisortaqarfiup kiisalu ...-p usingiarnissamut akuersissummik tunineqarnissaq aamma ...-p umiarsuarmi tunisassiornissaanut akuersissuteqarneq pillugit allaffigeqatigiittarsimanerini allagaatinik paasitinneqarnissani 12. juli 2002-mi qinnutigaa.

Qinnutigisaa taanna Eqqartuussissuserisoqarfiup A-p 24. juli 2002-mi eqqaasitsissutigaa.

Aalisarnermut, Piniarnermut Nunaqarfinnullu Pisortaqarfik B-mut 15. august 2002-mi allappoq aasaanerani sulinnigiffeqarneq allallu pissutigalugit aatsaat septemberip qiteqqunnerani akissuteqartoqarnissaa naatsorsuutigineqarsinnaasoq. Allakkat taakku qulaani issuarneqarput.

Eqqartuussissuserisoqarfiup pisortaqarfimmit allagaatinik paasitinneqarnissamik qinnuteqaataanut akissut Eqqartuussissuserisoqarfiup A-p 4. marts 2003-mi tiguaa. Allakkat taakku qulaani issuarneqarput.

Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 16-imi imatut aalajangersaasoqarpoq:

”§ 16. Qinnuteqaat akuersarneqarsinnaanersoq oqartussap pineqartup piaarnerpaamik aalajangiivigissavaa, aammalu aalajangissallugu allakkiaat qinnuteqartumut saqqummiunneqarnerat allaffimmi taakkuninnga ammaassinikkut imaluunniit allakkiaat taakku allaqqinnerinik assilinerinilluunniit tunniussinikkut pissanersoq.

Imm. 2. Paasitinneqarnissamik qinnuteqaat oqartussamit pineqartumit tiguneqarnermi kingorna kingusinnerpaamik ullut qulit qaangiutsinnagit akuersarneqarsimananiluunniit itigartissutigineqarsimangippat oqartussap qinnuteqartoq taamaattoqarneranut pissutaasumik kiisalu aalajangiinerup qaqugu pinissaa naatsorsuutigineqarsinnaanersoq pillugu nalunaarfigissavaa.

Imm. 3. ...”

*Inatsisartut inatsisissaattut siunnersuummi § 16 pillugu oqaaseqaatinit makku erserput:*

*"Imm. 1-imi aalajangersagaq malillugu paasitinneqarnissaq pillugu suliassat "piaarnerpaamik" aalajangiivigineqartussaapput. Paasitinneqarsinnaatitaaneq pillugu inatsimmi atuuttumi § 8, imm. 2-mut sanilliullugu allannortitsinerup taassuma siunertaraa erseqqissassallugu paasitinneqarsinnaatitaaneq pillugu suliassat immikkut ittumik nukingiullugit suliarineqartassasut. Paasitinneqarsinnaatitaaneq pillugu inatsimmi atuuttumi aamma taamaappoq, tamannalu ilaatigut Folketingip Ombudsmandiata sulineratigut ersersinneqarpoq. Aalajangersakkap taannartaa inatsisissatut siunnersuummi § 16, imm. 2-mut atatillugu isigineqassaaq.*

*Paasissutissinneqarnissap qanoq iliorluni pinissaa pillugu aalajangersakkap immikkoortuata aappaata inatsimmi atuuttumi § 8, imm. 2 assigaa. Taamaalliluni naatsorsuutigineqarpoq allakkat allaqqinneqarnerinik assilinerinilluunniit piumasaqarnerit taamaallaat immikkut ittumik tunngavilersuutissaqartillugu itigartissuutigineqarsinnaasut, soorlu allakkat amerlassusiat ilusaalluunniit pissutigalugit.*

*Imm. 2-mi aalajangersagaq nutaajusoq paasitinneqarnissamik qinnuteqaatit suliarineqarnerisa pisariaqanngitsumik pissuteqarluni kinguarsarneqannginnissaannik qulakkeerinnissamik kissaateqarnermik pissuteqarpoq. Paasitinneqarnissaq pillugu suliassat suliarineqarnerisa qanoq sivikitsigisumik/sivisutigisumik suliarineqartarnissaat erseqqivissumik piffissaliiffigineqarsinnaanngillat, qinnuteqaatilli ullut qulit ingerlaneranni akineqarsinnaatinnagit qinnuteqartumut tunngavilersuutitalimmik ilisimatitsisarnissaq, kiisalu qaqugu aalajangiinissap naatsorsuutigineqarsinnaanerani ilisimatitsisarnissaq pillugu malittarisassap immi suliap suliarineqarnerata pisariaqanngitsumik sivitsulooruttannginnissaanut peqataamissaa ilimagineqarpoq.*

*...".*

*Eqqartuussissuserisoqarfiup allagaatinik paasitinneqarnissamik qinnutigisaanut pisortaqarfiup aatsaat 4. marts 2003-mi isummerfiginnissimanagera pisortaqarfiup Eqqartuussissuserisoqarfik A-mut allakkamini 4. marts 2003-meersuni ajuusaarutigalugu oqaatigisimagaa maluginiarpara. Pisortaqarfiuttaaq suliap ingerlasimanera uannut allakkamini 4. marts 2003-meersuni ajuusaarutigigaa maluginiarpara.*

*Tamatuumunga atatillugu oqaatigaara pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 16-ip oqaasertai kiisalu taanna pillugu oqaaseqaatini oqaatigineqartoq una "... allannortitsinerup taassuma siunertaraa erseqqissassallugu paasitinneqarsinnaaneq pillugu suliassat immikkut ittumik nukingiullugit suliarineqartassasut" eqqarsaatigalugit isumaqartunga paasitinneqarnissaq pillugu suliat sulianut allanut oqartussaasup suliarisaanut sanilliullugit sapinngissamik salliutinneqartarnissaat piumasaaqatigineqarsinnaasoq. Eqqartuussissuserisoqarfiup A-p allagaatinik paasitinneqarnissamik qinnutigisaata 12. juli 2002-meersup saqqummiunneqarneranit qaammatit arfineq marluk sinnerlugit qaangiunneranni pisortaqarfiup allagaasigut 4. marts 2003-meersutigut aatsaat akineqarnera isorisarialerujussuartut isigaara.*

*Eqqartuussissuserisoqarfik A allakkatigut 12. juli 2002-meersutigut allagaatinik paasitinneqarnissamik qinnuteqarpoq. Aalisarnermut, Piniarnermut Nunaqarfinnullu Pisortaqarfik allakkatigut 15. august 2002-meer-*

*sutigut akivoq septemberip qiteqqunnerani akissuteqartoqarnissaa naat-sorsuutigineqarsinnaasoq. Eqqartuussissuserisoqarfik A 16. september 2002-mi aamma 21. oktober 2002-mi allagaatinik paasitinneqarnissamik qinnuteqaanni akineqaqqullugu pisortaqarfimmut nukingisaarivoq. Nukingisaarutit taakku pisortaqarfiup akissuteqarfingngilai.*

*Pisortat ingerlatsinerat pillugu paasitinneqarsinnaatitaaneq pillugu inatsimmi § 16, imm. 2 pisortarfiup malissimanngilaa, tamannalu pisortaqarfiup uannut allakkamini 4. marts 2003-meersuni ajuusaarutigisimagaa maluginiarpara.*

*Inatsisissatut siunnersuut pillugu oqaaseqaatit malillugit § 16, imm. 2-p pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaannut ilanngunneqarsimanerata "... paasitinneqarnissamik qinnuteqaatit suliarineqarnerisa pisariaqanngitsumik pissuteqarluni kinguarsarneqannginnissaannik qulakkeerinninnissamik kissaateqarnermik ..." kiisalu "... suliap suliarineqarnerata pisariaqanngitsumik sivitsuloo-runneqartannginnissaannut peqataanissaa ilimagineqarpoq"-mik siunertaqarnera isiginiarlugu pisortaqarfiup Eqqartuussissuserisoqarfik A-mut pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 16, imm. 2 naapertorlugu nalunaaruteqarsimannginera isorisarialerujussuartut isigaara.*

*Eqqartuussissuserisoqarfiup A-p uannut naammagittaalliutaanut atattillugu annertunerusumik iliuuseqaqqissanngilanga.*

*Eqqartuussissuserisoqarfik A allakkat uku assilinerinik nassinneqarnermigut qulaani taaneqartunik ilisimatinneqarpoq."*

## **2. Immikkut Ikiorsiisarnermi Aningaasaateqarfimmit ikiorserneqarnissaq pillugu qinnuteqaammik itigartitsineq.**

*A-p naammagittaalliutigaa taamanikkut Aalisarnermut, Piniarnermut Nunaqarfinnullu Pisortaqarfiusimasoq A-p Immikkut Ikiorsiisarnermi Aningaasaateqarfimmit ikiorserneqarnissaq pillugu qinnuteqaataanut itigartitsisimasoq. Aalisarnermut, Piniarnermut Nunaqarfinnullu Pisortaqarfiup qinnuteqaammik itigartitsisimanera Ombudsmandip manna tunngavigalugu isornartorsiorsinnaasorinngilaa, aningaasaateqarfiup aningaasaatai qinnuteqaateqartup qinnuteqaateqarnerata nalaani nungussimasut. Oqaaseqaatigineqarsimavoq aningaasanut inatsimmi aningaasartuut aningaasanik akuersissuteqartarnikkut aqunneqartoq tassani pineqartoq, taamaammallu pisortaqarfik aningaasanik akuersissuteqartarnikkut killiliussanik 1, 5 mio. kr.-nik amerlasusilinnut Immikkut Ikiorsiisarnermi Aningaasaateqarfimmit, 2001-imi decembarip 31-anit atuutilersumik aningaasanik immikkoortitsivigineqartarunnaarsimasumit, aningaasatigut ikiorsiissuteqartarnernut immikkoortinneqarsimasunik qilersorsimaneqarsimasoq. (J.nr. 11.03.65.01/023-02)*

A-p naammagittaalliutaa 27. februar 2002-mi tiguara, tassanilu Immikkut Ikiorssiarnermi Aningaasaateqarfimmit ikiorserneqarnissamik qinnuteqaatimi Aalisarnermut, Piniarnermut Nunalerinermullu Pisortaqarfimmit itigartissutigineqarnera A-p naammagittaalliutiginarpaa.

Suliap ingerlasimanera:

A-p naammagittaalliutaa imaattoq K Kommuni aqutugalugu 27. februar 2002-mi tiguara:

”MAALAAARUT

Ukiq kingulleq tassa 2001 novemberi qaammat umiatsiaajarama ajunaarnersuaqarfimmut saaffiginnippunga taarsiifingitinnissannik qinnuteqarlunga. Aalisartuuvunga umiatsiaararsorlungalu inuussutissarsiortuuvunga ukiuni kingullerni pingasungajanni. Umiatsiaaraqpunga nungullugu aseruillugu aquuteralaanut allaat aalisarnermut atortut tamaasa piniarnermullu sakkut tamaasa allallu atortualuit ilanngullugit annaallugit, anorersuarnerani kiannamik iluliaq pulalluni umiatsiara poca 505 aquuteralattaa 75 HK Yamaha aserorfingamiuk. Suli taamaalisoqanngittoq umiatsiaaraq tallimanik ilalerlunga amuniarsarigaluarparput saperluguli, kisianni tassa ajoraluartumik pinngortitap nukingata pisaraa. Piaartumik annaasakka tamaasa allattoriarlugit ajunaarnersuaqarfimmut qinnuteqarpunga K illoqarfiani aalisartut piniartullu siunnersioqatigiiffia aquttingalugu K Kommunimiittoq.

Kisiannili itigartitaavunga ajunaarnersuaqarfip aningaasaateqarfia suutaarussimammangoq. Ungalu nammineq takullugu decemberi qaammat juullilersoq Qanoruukkut ajunaarnersuaqarfip aningaasaatai 700.000,- sinneqartut, taavalu piniartukkormiut isorliunerusuneersut 5.000,- agguaaffigineqareerpata sinnerutissasut 350.000,- missaani. Ungalu nammineq qinnuteqarama novemberi 2001 eqqunngitumik pineqarsimavunga. Aningaasaataarussimallutik oqarnerat upperinngilara. Annaasakka nalitoqaat akilingassakkalu amerlapput, soorlu umiatsiaaraq suli tamakkerlugu akilinnigilaq, meeqqanut pilersuinermut kinguariartuinnarpunga inigisaqarinnut kallerullu inneranut malinnaaniapiloornaqaaq.”

Aalisarnermut, Piniarnermut Nunaqarfinnullu Pisortaqarfimmut 12. marts 2002-mi imatut allappunga:

”./ Ombudsmandip assilineri ilanngunneqartumik naammagittaalliut A-mit tiguisimavaa.

Naammagittaalliut imatut paasivara, A-p Immikkut Ikiorssiarnermi Aningaasaateqarfimmit ikiorserneqarnissaminik qinnuteqaamminut itigartinneqarnini naammagittaalliutigerusukkaa.

A-p saaffiginnissutaa misissuinissamut naammattumik tunngavissaqartitsinersoq naliliiffigissallugu suli tunngavissaqanngilanga. Taamaattumik Aalisarnermut, Piniarnermut Nunaqarfinnullu Pisortaqarfik qinnuigaara naammagittaalliuteqartumut tunngasumik mappimik atukkiusseqqullugu.

Pisortaqarfik qinnuigineqarpoq nalinginnaasumik tunngavigisassat, Immikkut Ikiorssiarnermi Aningaasaateqarfimmit ikiorserneqarnissamik qinnuteqaatinik suliaraqarnermi atorneqartartut nassuiaateqarfigeqqullugit, tamatumani aamma pisortaqarfip isumaa malillugu, qinnuteqaatit aningaasaliissutit killigititaasa iluanni alaffissornikkut tulleriiaarneqarnissaat naatsorsuutigineqarnersoq.

Kiisalu pisortaqarfik qinnuigaara suliamik suliarinninnermi Immikkut Ikiorssiarnermi Aningaasaateqarfimmut aningaasaliissutit tamarmik atorneqareersimane-

rat kisiat tunngavigalugu qinnuteqaammik suliarinninninnissamut inatsisinut naapertuuttumik tunngavissaasutut isigineqarneranut suna tunngavigineqarnerasoq nasuiaateqarfigeqqullugu.

Ombudsmandip suliaq misissuiffiginarlugu aalajangissappat pisortaqarfik tamanna pillugu ilisimatinneqarumarpoq.”

Aalisarnermut, Piniarnermut Nunaqarfinnullu Pisortaqarfiup akissutaa imaattoq 21. marts 2002-mi tiguara:

”...

A-p qinnuteqaataa ullulernerqaranilu atsiorneqanngitsoq, qinnuteqaammullu siusinnerusumi atorneqartartumut allanneqarsimasoq, taamaattumik paasisutissanik tamakkiisunik paasisutissartaqanngitsoq Pisortaqarfimmu takuuppoq. Kingusinnerusukkullu qinnuteqaammik maanna atuuttumik nassiusseqqusisoqarmat takkuttoqarpoq, aammali taanna ullulernerqarsimananilu atsiorneqarsimanngilaq, nassitseqqusisoqaqqimmallu nassitsisoqarpoq 23/11-01-imik ullulernerqarsimasumik, atsiorneqarsimasumillu, allaffimmilu tigonera naqissuserneqarsimavoq 11. dec. 2001-imik.

A-mut allagarput, All.nr. 020094 12. januar 2002-meersoq, ukiumut 2001-imut Immikkut Ikiorsisarnermi Aningaasaateqarfimmu aningaasaliissutigineqartut tamakkerlutik atorneqareernerannik ilisimatitsissutaavoq. – Pineqarpoq Naalakkersuisut siunertanut aalajangersimasunut atuinissamik aalajangiisimanerat.

Allakkanilu pineqartuni ilanngunneqarpoq, Kommunenu tamanut 14. november 2001 nalunaarutigineqareersoq Inatsisartut ukiumut 2002-mut Aningaasaateqarfimmu aningaasanut inatsimmi aningaasaliinnngitsut. Taamaattumik nalunaarutigineqartoq qinnuteqaataa 23/11-01-imik ullulernerqarsimasoq suliarineqarsinnaanngitsoq.

Ilanngunneqassaarlulug qinnuteqaatit takkuttut tamarmik akineqartarmata. Ukiullu tullianut pisarnertut Aningaasaateqarfik aningaasalerneqarsimagaluarpat, ingerlaqqiinnartussaagaluarpallu, qinnuteqaatit suliarineqarsimasut ukiup tullianut ingerlaqqiinnarneqarsimassagaluararmata, ukiullu naannginnerani kingulliit takkuttut, taamatullu suliarineqarsimanngitsut, ukiup tulliaa aallartisimalernerani aalajangersaavigineqarsimassagaluarlutik.

Ilanngullugu erseqqissaatigissavara ukiumi 2001-imi tapiiffigineqartunut, tapiissutisiamik tunniunneqarnissaat pillugu piunasaqarfigineqartarmata, kingusinnerpaamik 31. december 2001 ullulernerqartussaanerat.

Aningaasaateqarfimmu qinnuteqarsimanagera, - qinnuteqaatigineqarsimasut umiatsiamitiinnarneqarsimasorpasuit amerlanerat ingasaginaraluartoq, ilaasalu kingullermik tikinnermi nunaliaanneqarsimannginnerat eqqarsaatiginagu - paasinaraluarpoq, maalaarutaani taaneqartoq, qinnuteqartartuni allani aamma atorneqarajuttoq, qinnuteqaatip immersornerani takuneqarsinnaasutut qinnuteqaatigisaminut sillimmasiinkuusimanani, taarsiiffigitinnissaq maalaarutimini taasimammagu, ilaatigut aningaasaateqarfik qinnuteqartut ilaannit sillimmasiisarfitut atorniarneqartarsimagunarmat, aammalu tapiisoqassatillugu qinnutigisaat tamakkerlugit tapiissuteqartanngikkaluarput.

./. Qinnuteqaatigisimasai ilanngullugit nassiunneqarput.”

Pisortaqarfiup allagai A-mut suliami illua'tungiusumut isumaanik tusarniaatit 15. maj 2002-mi nassiuppakka. Aalisarnermut, Piniarnermut Nunaqarfinnullu Pisortaqarfimmu ulloq taanna imatut allappunga:

”21. marts 2002-mi pisortaqarfiup suliami akissutaa tiguara. Isumaqarpungali allakkani issuaqarq erseqqissaatigeqqullugu pisortaqarfiup qinnuviginissaanut pissutissaqarlunga, imaattoq:

“A-mullu allagarput, All.nr. 020094 12. januar 2002-imeersoq, ukiumut 2001-imut Immikkut Ikiorisiernermi Aningaasaateqarfimmut aningaasaliissutigineqartut tamakkerlutik atorneqareernerannik ilisimatitsissutaavoq. – Pineqarpoq Naalakkersuisut siunertamut aalajangersimasumut atuinissamik aalajangiisimanerat.

Siunertat aalajangersimasut suut, Naalakkersuisut oqaatigisimaneraat paasisitsisutigeqqullugu kissaatigineqarpoq.

Ingerlaqqillunilu allassimavoq, “Taamaattumik nalunaarutigineqarpoq qinnuteqaataa 23/11-01-imik ullulernerqarsimasoq suliarineqarsinnaanngitsoq.”

----

“Ilanngullugulu erseqqissaatigissavara ukiumi 2001-imi tapiiffigineqartunut, tapiissutisiamik tunniunneqarnissaat pillugu piunasaqarfigineqarmata, kingusinnerpaamik 31. december 2001 ullulernerqartussaanerat.”

Kissaatigineqarpoq paasisitsisutigeqqullugu issuarneqartut imatut paasisariaqarnersut, pisortaqarfik isumaqartoq A-p qinnuteqaataa piffissaagallartillugu tunniunneqarsimanngitsoq.

Allakkani naggataatigut allassimavoq: “qinnuteqaatip immersornerani takuneqarsinnaasut qinnuteqaatigisaminut sillimmasiinikuusimanani, taarsiiffigitinnis-saq maalaarutimini taasimammaq, ilaatigut aningaasaateqarfik qinnuteqartut ilaanit sillimmasiisarfitlut atormiarneqartarsimagunarmat, aammalu tapiisoqassatillugu qinnutigisaat tamakkerlutik tapiissutigineqartanngikkaluarput.”

A-p umiatsiaaqqaminik piniutiminilu sillimmasersimasimannginnera pisortaqarfiup qinnuteqaataanik suliarinninnerani tunngavissaasunut ilaatinneqarsimnersoq paasisitsisutigeqqullugu qinnutigineqarpoq.

Aningaasaateqarfimmit taperneqarnissamik qinnuteqaatit suliarineqartarneranni nalinginnaasumik tunngavigineqartartut pillugit Pisortaqarfik nassuiaateqaqqullugu qinnuigaara. Tamatumani oqaatigeqquneqarpoq pissusissamisoortumik tunngavigisassatut qinnuteqaatit Aningaasaateqarfimmut aningaasaliissutigineqartut tamakkerlutik atorneqareersimanerat kisiat tunngavigalugu suliarineqannginnerat isigineqarsinnaanersoq.

Kiisalu Pisortaqarfik qinnuvigineqarpoq A-mut tunngasumik suliami mappi nas-siuteqqullugu.”

Aalisarnermut, Piniarnermut Nunaqarfinnullu Pisortaqarfiup akissutaa imaattoq 1. juli 2002-mi tiguara:

”All.nr.: 7644, Journal: 11.03.65.01/023-02 15-05-2002-mik ullulernerqarsima-sunik illoqarfimmi K-mi A-mit naammagittaalliut ...-mik qulequtaqartunik allap-pusi, matumuunalu allakkat pineqartut pillugit imatut akissuteqassaagut:

Allakkani ilaatigut pineqarpoq – ”Aningaasaateqarfimmut aningaasaliissutit tamarmik atorneqareersimanerat kisiat tunngavigalugu qinnuteqaammik suliarinninnginnissamut inatsisinut naapertuuttumik tunngavissaasutut isigineqarneranut suna tunngaviginiarneqarsimnersoq nassuiaateqarfigeqqullugu”:

Inatsisartut 2001-imi Aningaasanut Inatsisaat malillugu, 2001-imut Immikkut Ikiorisiernermi Aningaasaateqarfik-mut atorneqartussatut aningaasaliissutigineqarput kr. 1.500.000. Ukiullu 2001-ip naasimalernerani takuneqarsinnaavoq, qulaani taaneqartut aningaasat tamakkerlutik atorneqarsimasut, sinnilaarneqarsimallutillu.

Pisortaqarfilla pisussaavoq Immikkut Ikiorsiisarnermi Aningaasateqarfimmu, siunertaasoq, Kaajallaasitaq malillugu, qinnuteqarsimasut, ukiup ingerlanerani aningaasasaqartillugu, qinnuteqaatit malillugit qinnuteqarsimasut qinnuteqaataat aalajangiiffigissallugit.

Kaajallaasitaq, cirkulære, aammalu malitassat, retningslinier takussutissatut ilanngunneqarput.

Tassungalu tunngatillugu ilisimatitsissutigissavara INATSISARTUT ANINGAASANUT INATSISAAT 2002-mi Immikkut Ikiorsiisarnermi Aningaasaateqarfik ilanngunneqarsimannngimmat. Tassa siusinnerusukkuq allaaserineqareersutut ukiumut 2002-mut IMMIKKUT IKIORSIISARNERMI ANINGAASAATEQARFIK aningaasalerneqanngilaq, taamaalilluni tapiisarnertit unitsinneqarnikuullutik.

”Ilanngullugu erseqqissaatigissavara ukiumi 2001-imi tapiiiffigineqartunut, tapiissutisiamik tunniunneqarnissaat pillugu piunasaqarfineqarmata, kingusinnerpaamik 31. december 2001 ullulneqartussaanerit”-nut tunngasoq imatut nassuiartariaqarpoq: - tamanna nassuiaanerullunilu ersersitsiniaaneruvoq – kikkut 2001-imi tapiiiffigineqarnissamik kingusinnerpaamik 31. december 2001 ullulneqarsimasariaqarput, ukiumut 2001-imut aningaasaliissutinut ilaasinnaaniassagamik, kingusinnerusukkuq ullulneqarsimasunut aningaasasaqanngimmat, ukiummi tullianut, 2002-mut, takuneqarsinnaareersutut aningaasaliisoqanngimmat.

Aammalu ilanngunneqarsimavoq ”Kissaatigineqarpoq paasisutigeqqullugu isuarneqartut imatut paasariaqarnersut, pisortaqarfik isumaqartoq A-p qinnuteqaataa piffissaagallartillugu tunniunneqarsimannngitsoq.”

Imatullu paasineqassaaq A-p qinnuteqaataa 31/11-01-imik ullulneqarsimasooq atsiorneqarsimasorlu, Pisortaqarfimmu annguppoq 11. december 2001, qinnuteqaatillu suliarinerani takuneqarsinnaalereersimavoq aningaasat sinneruttut tamakkerlutik atorneqarsimalereersut.

Aammattaq allakkassinni ilanngunneqarpoq ”Siunertat aalajangersimasut suut, Naalakkersuisut oqaatigisimaneraat paasisitsissutigeqqullugu kissaatigineqarpoq.”

Paasisutissiissutigineqassaarlu Naalakkersuisut Finansudvalgulu aalajangiimmata Qaanaap, Upernaviup, Tasiilap Ittoqqortoormiullu Kommuneanni inuussutisarsutitigalugu allagartallit immikkut tapiiiffigineqassasut kr. 5.000,-inik.

Ilaatigullu paasinianeqarpoq allakkani allassimasooq: ”qinnuteqaatip immersornerani takuneqarsinnaasutut qinnuteqaatigisaminut sillimasiinikuusimanani, taarsiiffigitinnissaq maalaarutimini taasimammagu, ilaatigut aningaasaateqarfik qinnuteqartut ilaannit sillimasiisarfittut atorniarneqartarsimagunarmat, aammalu tapiisoqassatillugu qinnutigisat tamakkerlugit tapiissutigineqartanngikkaluarput.”

Tassani paasisutissiissutigeqqullugu qinnutigineqarpoq, ”- sillimasesimannginnera pisortaqarfiup qinnuteqaataani suliarinninnerani tunngavissaasunut ilaatinneqarnersoq paasisutissiissutigeqqullugu”: Tassanilu takoqquneqarpoq IMMIKKUT IKIORSIISARNERMI ANINGAASAATEQARFIMMUT QINNUTEQAATMI, ilanngunneqartumi akineqartussat ilaat: Qinnuteqaatigisannut sillimasiinikuuit? – akisassallu – aap: naagga:-lu, apeqqullu – Sillimasiisimannngikkuit tamatumunnga suna pequtaava?

Ilanngunneqassaarlu immersugassamut ilanngunneqartumut ilaatinneqartoq ”IMMIKKUT IKIORSIISARNERMI ANINGAASAATEQARFIMMUT QINNUTEQAATITUT IMMERSUGASSAP IMMERSORNISSAANUT ILITSERSUUT-mi 1. Qinnuteqaatimi immikkoortut tamarmik immersorneqassapput, taamaanngippat qinnuteqaatit suliarineqarsinnaanngimmat.” piunasaqarfiup naammassineqarsimannngilaq.

Suliami mappemiittut assilineri nassiunneqarput.”



Pisortaqarfiup akissutaa A-nut suliame illua'tungiusumut isumaanik tusarniaatit 8. august 2002-mi nassiuppara.

A tamatuma kingorna tusarfiginngilara.

*Tamatuma kingorna imaattunik oqaaseqaateqarpunga:*

"1. Immikkut Ikiorsiisarnermi Aningaasaateqarfik eqqarsaatigalugu pisinnaatitaanera.

*Siusinnerusukkut oqaatigisimavara Immikkut Ikiorsiisarnermi Aningaasaateqarfik pillugu suliat suliarinissaannut pisinnaatitaasunga, tak. Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 4, imm. 1, tassanilu aalajangersarneqarpoq Ombudsmandip sulinermini ingerlatsiviit Namminersornerullutik Oqartussanut kommuninullu atasut tamaasa susassarigai. Matumani Inatsisartut Ombudsmandiata 1998-imi ukiumoortumik nalunaarutata kalaallisuuani qupperneq 47 tulluulu, qallunaatuuanilu qupperneq 40 tulluulu innersuussutigineqarput.*

2. A-p naammagittaalliutaa.

*Naammagittaalliutit apeqqutit una saqqummersippaa:*

- *A-p Immikkut Ikiorsiisarnermi Aningaasaateqarfimmit ikiorserneqar-nissamik qinnuteqaataa Aalisarnermut, Piniarnermut Nunaqarfinnullu Pisortaqarfiup itigartissinnaavaa, Aningaasaateqarfimmut aningaasaliissutigineqartut nungullugit atorneqarsimanerat innersuussutigalugu?*

*Apeqqut taanna Aningaasanut Inatsimmi aningaasaliissutit assigiinngit-sut akornanni immikkoortiterinikkut tamatumalu kingorna 2001-imi Aningaasanut Inatsimmi kontop pingaarnertut ukiumi aningaasaliiffiusumi pineqartumi Immikkut Ikiorsiisarnermi Aningaasaateqarfimmut tunngasup imarisaanut ataqatigiissitsinikkut akiniarneqassaaq.*

*Aningaasanut Inatsit aalajangersakkanik aningaasartuutitut arlalinnut tunngasunik imaqarpoq, aningaasartuutillu taakku qanoq amerlatiginis-saanni inatsisip suliassaqarfimmut pineqartumut aalajangersaasusup imarisa ukiumilu aningaasaliiffiusumi pineqartumi suliassaqarfimmi tas-sani ineriartornerujumaartussaq aalajangiisuupput.*

*Aalajangersakkat taamaattut missingersuutitigit naliliinernik taaneqar-tarput, tassami kisitsisit taaneqartut Aningaasanut Inatsisip Namminersor-nerullutik Oqartussat isertitaannut aningaasartuutaannullu ataatsimut missingersuutit atuunnissaq pingaarnertut siunertarimmassuk. Ani-ngaasaliissutit taamaattut Aningaasani Inatsimmi inatsisit tunngavigalugit aningaasaliissutit taaneqarsimapput. Inatsisit tunngavigalugit aninga-*

sartuutit naliliinikkut amerlassusilerneqarsimasut aningaasaliissutit amerlassusiligaanerannit qilersugaanngillat.

Pingaarnertut aningaasaliissutit allat aningaasaliissutit akuersissutitigtut aqunneqartutut taaneqartarput. Aalajangersakkat taamaattut amerlassusiliinernut tunngasuupput, imatut paasillugu aningaasaliissutissatut akuersissutigineqartut aningaasartaat siunertanut pineqartunut aningaasartuutitnik sunik aningaasartuuteqartoqarsinnaaneranut aalajangiisusartut. Aningaasanut Inatsisikkut aningaasaliissutit pineqartut Naalackersuisunut ilaasorta q susassaartoq aningaasat erseqqinnerusumik immikkoortinneqarsimasut siunertanut erseqqinnerusumik aalajangersarneqarsimasunut atuinissaanut piginnaatippaat, aningaasallu immikkoortinneqarsimasut sinnerlugit atuisoqarsinnaatitaanani.

Taamaalilluni pisuni taamaattuni aningaasaliissutit aningaasaliissutit akuersissutitigtut aqunneqartut pineqarput, inatsisitigtut aalajangersagaasumik aningaasartuutinit allaasumik.

Aningaasanut Inatsimmi aalajangersagaq taakku arlaannut (inatsisitigtut aalajangersagaasunut akuersissutitigulluunniit aqunneqartunut) tunngasuunersoq nalornissutigineqarsinnaavoq.

Aningaasaliissuteqarnermi allaffissornermi aqutsinikkut oqartussaasup taanna tunngavigalugu suliaasaqarfimmi pineqartumi aqussallugu qilersorsimaffigisaanik siunertanut pineqartumut atatillugu imarisaatigtut inatsimmi aalajangersagaqarnersoq inatsilluunniit tunngavigalugu aalajangersagaqarnersoq aalajangiisuusussaavoq.

Uku innersuussutigineqarsinnaapput: Alf Ross, Dansk Statsforfatningsret 2, 1983, qupperneq 848 tulliilu aamma Henrik Zahle, Dansk forfatningsret 2, aappaasaanik naqiternera, qupperneq 55 tulliilu.

### Inatsisartut Aningaasanut Inatsisaat.

Inatsisartut 2001-imi Aningaasanut Inatsisaanni kontomi pingaarnermi 50.01.04-mi Immikkut Ikiorsiisarnermi Aningaasaateqarfimmut 1,5 million kr.-t immikkoortinneqarsimapput.

Kontomut missingersuutinit tunngaviusoq imaattunik oqaasertaqarpoq:

#### **”Tapiissutit aningaasaliissutit**

#### **Aningaasaliissutit siunertaat**

Inatsisartut UPA/85-imi aalajangiinerat naapertorlugu ukiut ingerlanerini aali-sartunut, piniartunut, savaatilinnut tuttuutilinnullu napparsimalersunut, silap pissusiinik pissuteqartumik ajornartorsiulersunut imaluunniit inuussutissarsiutiminnut tunngatillugu allanik ajornartorsiulersunut, imatut pissusilinnik pineqartup inuussutissarsiumminik ingerlatseqqiinnarniarluni aningaasarsiornernerani periarfissatigtut ulorianartorsiortinneqarlutik, isumannaariviginialrugit akuersissutitnik immikkoortitsisoqarpoq. [Aningaasaliissutinit ukunanga tapiissutit pisuni taamaattuni pineqartut inuussutissarsiutiminnik ingerlatseqqissinnaalernerannut peqataasapput.] Aaqqissuussineq Immikkut Ikiorsiisarnermut Aningaasaateqarfimmut maleruagassat, Naalackersuisunit aalajangersarneqartut malillugit aqunneqarpoq.

Taakku atuutsinneqarnerat 1999-imi Aningaasaqarnermut Ataatsimiititaliamit akuerineqarput. Inuussutissarsiornermut Naalakkersuisoq aalisartunut, piniartunut savaatilinnullu tapiissuteqarsinnaavoq, 1998-ip naanera tikillugu maleruagassat Immikkut Ikiorssiisarnermut Aningaasaateqarfimmit atorineqartut assingi naaper-torlugit.” ([ J-mik nalunaaqutsigaaq Atorfeqarfimmi nutsigaavoq, Aningaasanut Inatsisip kalaallisuuani ilanngunneqarsimanngimmat)

Aningaasanik taamaattunik Inatsisartut 2002-mi Aningaasanut Inatsi-saanni immikkoortitsisoqarsimanngilaq.

Immikkut Ikiorssiisarnermi Aningaasaateqarfiup tunaartarisassai.

Immikkut Ikiorssiisarnermi Aningaasaateqarfiup malittarisassaani kaa-jallaasitami nr. 4-mi Inatsisartunit 1988-imi akuerineqarsimasumi anin-gaasaateqarfimmut tunaartarisassaqaarpoq.

§ 1-imit erserpoq:

”Aningaasaateqarfiup siunertaraa piniartut, aalisartut savaatillit tuttuutilillu amigartoorutaat aningaasaajaataallu silamik, napparsimanermik allatigulluunniit inuussutissarsiornermi ajornartorsiulersimanermik peqquteqartumik pilersimasut ma-tussallugit imaluunniit pineqartup inuussarsiumminik ingerlatsiinnarnissaanut pe-riarfissanik akornusiisunik pisoqarsimappat.

Ikiorssiisutinik agguassineri tunngaviumik malitassat naalakkersuisut akuerissavaat.”

§ 8-mit erserpoq:

”Aningaasaateqarfiup aningaasaatai qinnuteqaatit ataasiakkaat tunngavigalugit agguanneqartussaapput. Qinnuteqaammi qinnuteqartup inuussarsiuutitigut ajor-nartorsiutai allaaserineqassapput, tassungalu tunngatillugu annaasat aningaasar-tuutillu annertussusii, uppersaatait erseqqissaanerillu pisariaqartut ilanngullu-git.”

§ 12-imit erserpoq:

”Ikiorssiisutinik aningaasaliiniarluni aalajangiiniarnermi qinnuteqartup ani-ngaasatigut annaasai aningaasartuutaalu, aningaasaateqarfiup aningaasaatai ta-marmiusut kiisalu ukiumi ikiorssiisuteqarfissami ikiorssiinissamik pisariaqartisi-nerit tamarmiusut tunngavigineqassapput.”

Aningaasaateqarfiup aningaasalersorneqarnera pillugu § 14-imit erser-poq:

”Aningaasaateqarfik Namminersornerullutik Oqartussat aningaasaqarnermut inatsisaanit ukiumoortumik aningaasalerneqartarpoq. Ukiup naanerani aningaasat atorineqarsimanngitsut ukiup tullissaanut atugassanngorlugit toqqorneqartassap-put.”

*Immikkut Ikiorsiisarnermi Aningaasaateqarfiup tamakku saniatigut aningaasaateqarfiup sulinerani tunaartarisassat Naalakkersuinit akuerineqarluni suliarisimavai, taakkulu 1. januar 1989-imit atuutilerput.*

*Taakkunannga makku ilaatigut erserput:*

*”QINNUTEQARTUMUT PIUMASAQAAT:*

*1. Aalisarnej, piniarnej savaateqarnej tuttuuteqarnerluunniit pingaarnerutilugu inuutissarsiutigineqassaaq, tassa imaappoq inuutissarsiutinit taakkunannga ukiumut isertitat aningaasartuutit ilanngaatigereernagit ikinnerpaamik 60%-ii isertinneqarsimassapput.*

*2. Qinnuteqarfiup ikiorserneqarsinnaanermut periarfissat allat misissoreersimasavai ikiorserneqarnissamik pisariaqartitsisunut ilanngunneqarsinnaaniassaguni.*

*...*

*IKIORSIISUTINIK AGGUAASSINEQ*

*1. Inuit namminneq pisuussutiginaq silamik napparsimanermilluunniit peqquteqarlutik ajornartorsiuteqalersimasut ikiorsiissummik tunineqartassapput.*

*...*

*4. Atortunut oqartussani namminersortuniluunniit sillimaserneqarsinnaasimagaluartunut aatsaat immikkorluinnaq ittumik ikiorsiissummik tunniussisoqarsinnaavoq.*

*Malittarisassat atortuulersinneqarput 1. januar 1989-imiit.”*

### *3. Egikkaaneq.*

*Aningaasanut inatsimmi aningaasaleeriaatsit pillugit oqaaseqaatit qulaani taaneqartut tunngavigalugit paasinninnera unaavoq Immikkut Ikiorsiisarnermi Aningaasaateqarfik pillugu Inatsisartut 2001-imi Aningaasanut Inatsisaat eqqarsaatigalugu pineqartut tassaasut aningaasartuutit aningaasaliissutissatut akuersissutitigut aqunneqartut.*

*Taamaalilluni aningaasaqarnermik inatsiseqartitsineri malittarisassat nalinginnaasut malillugit aningaasartuutit taamaattut taamanikkut Aalisarnermut, Piniarnermut Nunaqarfinnullu Pisorta qarfiusoq aningaasaliissutitigut sinaakkutassiissutigineqartunut 1,5 million kr.-nut qilersugaavoq, taakkulu Immikkut Ikiorsiisarnermi Aningaasaateqarfimmit tapersiissutitut agguassassatut immikkoortinneqarsimapput.*

*Taamaattumik A-p qinnuteqataata itigartinneqarnissaanik pisorta qarfiup nalunaaruteqarnera pisorta qarfimmik isornartorsuinissannut pissutis-saqalersitsinngilaq, tassami aningaasaateqarfiup aningaasaataasa qinnuteqarnerup nalaani nungullugit atorneqarsimanerat tunngaviutittariaqaraku.*

*Matuma kingorna suliami annertunerusumik iliuuseqaqqissanngilanga.”*

## 85. Ataatsimiititaliaq inuit aqqinik akuersisartooq

### 1. Inuit aqqi kalaallit aqqinik nagguillit pillugit akuersisarneq.

*A-p naammagittaalliuutigaa biskoppip inuit aqqi kalaallinit peqqaarfillit pillugit suliani Kalaallit Nunaanni Namminersornerullutik Oqartussat ataatsimiititaliaat immikkut paasisimasalinnik ilaasortalik sinnerlugu siuliaqutitut atip "Tuneq"-p, meeqqap Danmarkimi Ilagiit oqaluffianni kuisinneqarnermini ateriligaata, akuerinissaa itigartitsissutigisimagaa.*

*Ombudsmandi oqaaseqaateqarsimavoq biskoppip atinik siuliaqutunik kuisitsinermi atsiunneqarsimasunik akuersineq pillugu suliaq qallunaat inuit aqqi pillugit oqartussaasui, meeqqap kuisinnermini kalaallit aqqannik siuliaqummik akuerisaanngitsumik atserneqarsimanera pissutigalugu, allattaavissuarni allassimasup allanngortinneqassaneraniq isummerfiginnereersimatinnagit aallartissimasariaqanngikkaluaraa. Ombudsmandi aamma oqaaseqaateqarsimavoq siuliaqutitut atip "Tuneq"-p, ataatsimiititaliap ilaasortaasa inuit aqqinik akuersisartut amerlanerussuteqartut isummernerannut akerliusumik, akuerinissaata itigartitsissutigiginissaanut biskoppi pisussaasimanngitsoq, Ombudsmandillu inassuteqaatigisimavaa ataatsimiititaliap suliaq suliareqqissagaa. (J.nr. 11.01.85.01/026-01)*

A-p aamma B-p ernermik 1997-imi inunngortup Tuneq-mik siuliaqutitut ateqarnissaa Namminersornerullutik Oqartussani inuit aqqinik kalaallinit peqqaarfeqartunik akuersisartut itigartitsissutigisimammassuk A-p naammagittaalliuutaa 6. april 2001-imi tiguara.

Suliaq tunuliaqutaa imaappoq:

A-p erna Qallunaat Nunaanni 21. september 1997-imi kuisinnermini atserneqarpoq Puiaq Tuneq ....

Palaseqarfiup palasia ... oqarasuaatikkut 22. maj 2003-mi attaveqarfigaara, taassumalu oqaatigaa angajoqqaajusut taakku 1997-imi 19. septemberimit 22. septemberimut sapaatip akunnerata naanerani palaseqarfimminniinnerminnut atatillugu ernermik palaseqarfimmi palasimit kuineqarnissaa kissaatigisimagaat.

Angajoqqaat kissaatigisaat palaseqarfiup palasiata akuersaarsimavaa, piffissarititaasulli sivikippallaarnera pissutigalugu meeqqap Puiaq-mik aamma Tuneq-mik atserneqarnissaata inatsisinik unioqqutitsisuunnginnera misissorsinnaasimanagu, tamannalu angajoqqaajusunut malugeqqullugu oqaatigisimallugu.

Kuisitsineq palaseqarfiup inuit aqqinik nalunaarsuiffimmut 10. september 1998-imi nalunaarutigaa.

Biskoppi angajoqqaajusunut 29. september 1998-imi allappoq:

”Nukappiaraq inuusoq ...97 pillugu:

K-p palaseqarfianniit paasisimavarput ernersi Danmarkimi kuisissimasoq, atsiuneqarsimasulli PUIAQ TUNEQ inuit aqqisa allattorsimaffianni akuerisani ilaangimmata matumuuna qinnuigissavassi maanga Biskoppip Allaffianut tunngavilersorlugit qinnutigissagisi; Danmarkimi palasi pisussaagaluarpog aqqit qulaani taaneqartut akuerisaanersut misissussallugit, taamaaliorimannngimmalli aatsaat akuerineqarpata atsiuneqarsinnaapput, taamalu inunngornermut kuisinnermullu uppernarsaammut allanneqarlutik.

Palasi kuisisoq tamatumunnga ilisimatinneqareerpoq.

Ilanngullugu ilisimatitsissutigissavara palaseqarfiup allaffiani kalaallit inuit aqqisa allattorsimaffiat takusinnaagassiuk.

Neriullunga piaartumik tusarfigiumaarlusi.”

Biskoppip oqarasuaatikkut 21. maj 2003-mi apeqqutilliininnut akissutitut oqaatigaa kuisitsisimaneq paasigamiuk palaseqarfimmi palasi sianerfigisimallugu oqarfigisimallugulu aqqit Puiaq aamma Tuneq Kalaallit Nunaanni inuit aqqinik akuersisartut akuersiteqqaarnagit atorneqarsinnaanngitsut.

Palaseqarfimmi palasi tamatumunnga atatillugu qanoq iliuuseqarsimnersoq Biskoppip ilisimanngilaa.

Palaseqarfimmi palasip oqarasuaatikkut 22. maj 2003-mi oqaloqatigiinnermi oqaatigaa biskoppip saaffiginnissutaa pissutigalugu allattaavissuarni allatat allannortissimallugit, taamaalilluni meeraq tamatuma kingorna siuliaqutitut akunnequtitullu ...-mik taamaallaat ateqartutut nalunaarsorneqarluni.

Angajoqqaat ”Navnnævn/Biskoppip Allaffianut” qinnuteqaataat 10. september 2000-imi ullulerneqarsimasoq imaattoq allagaatinut ilaavoq:

”Ernerput Puiaq Tuneq ... cpr.nr. ... K-mi inunngorpoq. Ulloq ... ukioq 1997-mi ...p avataani ...-mi kuisippoq.

Kuisereermat sogneprest ... ..Præstegård-imeersoq nassuiaateqarpoq, kuisinnermut allagartaq K-mi palaseqarfimmit aaneqassasoq. Sognepræst-ip nammineerluni ernitta kuisinnera ...-mi palaseqarfimmut nalunaarutigissallugu oqaatigalugu.

...-mik kinguliaqarnera ...-mi palaseqarfimmut uppernarsarlugu eqqartuussivimmiit ataataasutut nalunaaruteqareernitsigut ernitta kuisinnermut allagartaa tiguju-maaripput oqaatigineqarlunittaaq.

...-mi palaseqarfimmiit ilisimatinneqarpugut ateq Puiaq, kuissutitut aterissallugu akuerineqanngitsoq, atit akuerisatut atorneqarsinnaasut akornaniinnginnera pissutigalugu, kisiannili ateq Puia kuissutitut akuerisatut atorneqarsinnaalluni.

Matumuuna navnnævni qinnuteqarfigaarput ernitta kuisereermigmigut aqqa PUIAQ TUNEQ akuerineqaqqullugu. Paasiniaanitta kingorna ”taaguut ateq” PUIAQ nassuiarneqartarpoq uumasut suullunniit puiaqarmata, soorlu aqisseq puiaqartoq. Tuneq nassuiarneqarpoq isumaqartoq, Qaanaami najugallit akilinermiut qangarsuaq taarsarsimavaat ”Tunernik”, tamannalugooq isumaqartippaat Indianerit.

Qaanaarmiut ukioq 1950-sikkut nalaani kingulialersorlutik pilernerisa nalaani kinguaami atiisa kingulialersutitut atortarsimavaat, taamaattumik ullumikkut kingulianut Duneq atorneqarneranut ataqqivarput, kisiannili uani ernitta Tuneq atiisa ilaatut akuerineqarmissaanut qinnuteqarpugut.

Naggataatigut qinnutigaarput atinut akuersisartunut ernitta atiisa Puiaq Tuneq akuerineqarnissaanut. Atit akuerineqaraluarpata kissaatigaarputtaaq, ernitta kuisiffiani oqaluffimmi atiisa tamaasa allattornerisa Sognepræst ..., ...-mi Præstegård-imeersoq kuisinnermut allagartassamik nutaamik nassinneqarnissarput ornigigatsigu.”

Biskoppeqarfiup allakkatigut 27. oktober 2000-imeersutigut inuit aqqinik akuersisartunut ilaasortat ... aamma ... kiisalu Oqaasileriffik suliap aalajangiivigineqarnissaani atugassamik oqaaseqaateqaqqullugit qinnuigai. ... biskoppeqarfimmut 6. november 2000-imi allappoq:

”Puiaq.

Misissuigama paasivara ateq akерleriffissaqartinnagu. Puiaq inoqarfinni tamani taaguutitut atorneqarpoq, soorlu aqissip puiaanut angerlarsimaffinni nivinngartakka-mut taaguutaasarluni. Canadamiut paasiniaaffigakkit qisuariatut tamarmik (tallimaasut) tusarsimangikkaluarpaat atiusoq, kisianni puiaq sunaanersoq nalunagu. Saaffigisat qisuariatut kinguliaat alutornalaavittarput; arnaq ataaseq kingulialik ima: Ohokak, ataaseq kingulialik ima: Keenainnaq ilaallu massa kinguliallit ima: Krimmerdjuar.

Alaskamiut tutsiutinnitsoorput, kisianni ordbogiisa ilaat alakkarakku ”Puviaq” uatsitut isumaqartillugu taaguutaatippaat aamma.

Kalaallit aqqisa akuerisat nalunaarsorneqarfianni arnaq qavappiaat atiat ataaseq siumorpara: Puia.

Taanna nalunaarsorneqarsimavoq kujataani qatanngutigiinni at akornanni Narsarmiini 1850-imi kuisittoqarmat. Ilimagaara ’puiaq’-p naggueqatigissagaa.

Tuneq.

Avanersuarmit kinguliarat d-mik allallugu ’Duneq’. Hans L. Larsen-ip paasitippaanga 1957-imi palasi Jukku Knudsen naggasersuisutut suliaqartuusimallutik. Avanersuarminngooq taamani siulersuamik atii ilaannikkut kinguliariumasarsimavaat, tassalu Duneq-mik kinguliallit tamakkununga ilaapput. Sooq d-mik allasimasuutinneraat aperiganni Hans Larsen oqarpoq taavani ileqqorisaraat d-mik naqinilersuisarlutik soorlu Oodaaq il.il. Taamaattoq aqqit akuerisat nalunaarsorsimaffiini ateq Tuneq ilaangilaq, kinguliaasutulluunniit nalunaarsorsimamani. Arnat kitaamit aqqatut nalunaarsorsimasoq taamaallaat takuara ’Tuneraq’

Gwen Ohokak, Iqaluktuutsiarmit (Cambridge Bay) paasitippaanga nunaqqateqarlutik Tunermik atilimmik, kisianni siulequtaanersoq kinguliaqutaanersorluunniit oqaatiginngilaa. Mittimattalimmiup (Pond Inlet) Pat Parksip paasissutigaa taamaallaat illoqarfimmik ungasinngisaani nuna ateqartoq Tuniiit, kisianni nammineq tusaa-magitsik avanersuarmit aterisaraat.

”Puiaq Tuneq” atitut atorneqarnissaa akерlerissallugu pissutissaqarsorinngilanga.”

M1 biskoppeqarfimmut allakkanik imaattunik 8. november 2000-imi nassiuuqarpoq:

”Haluukkut.

Paasitinniaannarlusi ateq Tuneq (Tunik) Utqiarsingmi (Point Barrow) Alaskami taaguutitut kinguliarinagu aterigaa paasivara. Taanagooq Tuneq (Tunig) Eqaluttuut-siamiittoq (Cambridge Bay) Canadami aamma taamaappoq inuup siulequtitut ateralugu.

Taamaattoq paasiniaaffigisat tamarmik Puiarmut nalornipput.  
 ... 7. september 2000 uannut mailerami paasissutigaa Tuneq (siornatigut allatta-  
 raluarpaat Duneq) naggataareersoq. Puiaq akornutissalittut isiginngilaa. Tassa  
 imaappoq kinguliaagami illersugaassasoq? Aqqit akuerisat akornanni allassimana-  
 nilu kinguliatut nalunaarsorsimannigilaq.”

Biskoppeqarfik ...-mut 8. november 2000-imi allappoq:

”Naluara qanoq aalajangiivittoqassanersoq – assut nalorninarami.  
 Utaqqissavara ataatsimut aalajangernersi.  
 ...-p mailigaa immaqa ilinnut ingerlateqqissimassavaa. ...-p naggueqatigut  
 (Alaska Canada) ilanngussuuttaramigit tupigikuluppara, uagummi taakku atii susas-  
 sariganannigilagit?”

M2 biskoppeqarfimmut ulloq taanna akivoq:

”Olaf, allallu akuerisaapput qallunaat nunanut avannarlermiunut qanittuummata.  
 Uagut akilinermiut kulturitsigut, oqaatsitsigut oqaluttuarisaanitsigullu qanitaraavut,  
 taamaammatt tupinnassannigilaq taakku aamma ilanngullugit isumaliutiginiarutsi-  
 git.”

Biskoppi A-mut 16. november 2000-imi allappoq:

”Puiaq aamma Tuneq pillugit.  
 Inuit aqqinik akuersisartut attavigereerlugit ernissinnut qulaani pineqartut atissa-  
 tut qinnutigineranni ima aalajangertoqarpoq:  
 Puiaq nukappiaqqat atiattut akuerineqarpoq.  
 Tuneq kinguliaammatt illersugaallunilu itigartitsissutigineqarpoq. Ilisimatitsissu-  
 titut nalunaarutigissavara kingulianut tunngasut atilerisut susinnaanngimmatigit  
 Rigsombudeqarfimmi suliarisarimmagit.”

A biskoppimut 23. november 2000-imi imaattumik saaffiginnissuteqar-  
 poq:

”Puiaq aamma Tuneq pillugu.  
 Siullermik allakkanut nassiussannut qujanaq. Allakkarpit atuarenerisa kingorna  
 oqaaseq maluginiagarput una apeqqutigerusupparput, (inuit aqqinik akuersisartut at-  
 tavigereerlugit), allakkat nassiussagut tunngavigalugit inuit aqqinik akuersisartut  
 tamarmik ataatsimut ataatsimiitinneqarsimanerlutik? Aammalu allakkat nassiussa-  
 gut ilaasortaqativit atuarsimanerlugit?  
 Taamannak aperinitsinnut pissutigaarput, allakkappit atuarnernani imannak paasi-  
 gatsigu, inuit aqqinik akuersisartut attavigereerlugit, tassalu oqarasuaatikkut atassu-  
 teqarfigeerlugit kingorna, tassa allakkat nassiussagut atuarsimannigilaat?”

Biskoppi 23. januar 2001-imi akivoq:

”Pillugu: Allakkassinnut 23. november 2000 ullulernerqarsimasumut Puiaq  
 Tuneq-mut tunngasoq.  
 Allakkassinnut qujanaq.



Ilisimatitsissutigissavara kinaluunniit atermik nutaamik inuit aqqini akuerisani allassimangitsumik aternaarniarloq allakkatigut qinnuteqaqquneqartarmat, qinnuteqaallu maani tiguneqaraangat inuit aqqinik akuersisartut ataatsimiititaliaannut tamanut assillillugu (kopeerlugu) imaluunniit qarasaasiaq atorlugu allagaq issuarlugu ingerlateqqinneqartarpoq – inuit aqqinik akuersisartut qinnutigineqartoq misissuiffigereeraangamikku aalajangertarpaat akuerineqarsinnaasoq akuerineqarsinnaangit-sorluunniit, aalajangiunneqartorlu maanngaanniit biskopip allaffianiit qinnuteqartu-mut akissutitut apuunneqartarluni. Tassa imaanngilaq oqarasuaat atorneqartartoq, pingaartinneqarpormi takussutissaasumik uppernarsaatitaqartarnissaat.

Puiaq Tuneq-mut tunngasut assillillugit (kopeerlugit) inuit aqqinik akuersisartut ataatsimiititaliaata ilaasortaanut allakkatigut nassiunneqarnikuusut ilisimatitsissu-tigissavara.”

Suliamik suliarinninninnut atatillugu inuit aqqinik akuersisartut aalaja-ngiinerat naalagaaffimmi oqartussaasumut naammagittaalliuutigineqarsin-naanersoq misissorsimavara.

Tamatumunnga atatillugu Folketingip Ombudsmandianut 20. april 2001-imi allappunga:

”A-p ernermi Tuneq-mik atserneqarsinnaanera Kalaallit Nunaanni Namminersor-nerullutik Oqartussani inuit aqqinik kalaallinit peqqaarfeqartunik akuersisartut iti-gartitsissutigisimammasuk innuttaasup A-p naammagittaalliuutaa tiguara. Paat-soortoqaqqunagu naammagittaalliuutip maani qallunaatumut nutserneqarnerata as-silineri ilanngullugu nassiuppara.

Inuit aqqi pillugit inatsit nr. 193, 29. april 1981-imeersoq Kalaallit Nunaanni a-tuuttuuvoq.

Inatsit taanna Kunngip peqqussutaatigut nr. 549-kkut, 21. august 1986-imeersuk-kut Kalaallit Nunaannut atortussanngortinneqarpoq, tassanngalu ilaatigut makku er-serput:

”§ 5. § 10-mi stk. 4-tut ilanngunneqarpoq:

”Stk. 4. Namminersornerullutik Oqartussat paasisimasagarluartunik ilaasortalim-mik udvalgiliussapput, taakkualu aalajangissavaat sujuliaquttap kalaallinik peq-qaarfeqartup stk. 1, 2. pkt.-imi piumasarineqartoq illuatungileraa.””

Tamatumunnga peqatigitillugu aqqit pillugit inatsisip Kalaallit Nunaannut atuut-tuulersinneqarnera pillugu peqqussutip assilineri ilanngullugu nassiuppara.

Taamaalilluni pineqartoq tassaavoq aqutsinikkut suliasap pineqartup Kalaallit Nunaanni Namminersornerullutik Oqartussanut tunniunneqarsimanera, Namminersornerullutik Oqartussat suliasaqarfimmik taassuminnga tigusisimanerat, tak. Namminersornerullutik Oqartussat pillugit inatsimmi §§-it 4, 5 aamma 6.

Isumaqarpunga aalajangiisimaneq taanna naammagittaalliuut suliarisinnaanerlu-gu isumminnginninni naalagaaffimmi oqartussaasumut naammagittaalliuutigineqar-sinnaanersoq qulaajarneqartariaqartoq.

Tamatumunnga atatillugu isumaqarpunga suliami annertunerusumik iliuuseqqaq-qinginninni naalagaaffiup apeqquumut isummernissaminut periarfissaqartinneqar-nissaa eqqornerpaajusoq.

Taamaattumik Folketingip Ombudsmandia qinnuigaara Kalaallit Nunaanni Namminersornerullutik Oqartussani inuit aqqinik akuersisartut aqqit siuliaqutaasut pillu-git aalajangiineri naalagaaffimmi oqartussaasumut naammagittaalliuutigineqarsin-naanerannik apeqqutip qulaajarneqarnerani ikioqqullunga.

A allakkatigut allatigut qulaani taaneqartunik ilisimatippara.”

Folketingip Ombudsmandiata akissutaa imaattoq 26. november 2001-imi tiguara:

”Kalaallit Nunaanni Namminersornerullutik Oqartussanik inuit aqqinik akuersisartut aqqit siuliaqutaasut pillugit aalajangiinerisa naalagaaffimmi oqartussaasumut naammagittaalliuutigineqarsinnaanerannik apeqqut pillugu Inatsisunik Atortitsinermut Ministerip oqaaseqaataa ilanngussartalik 2. november 2001-imeersaq 5. november 2001-imi tiguara.

Inatsisunik Atortitsinermut Ministereqarfiup oqaaseqaataanit erserpoq ”Inatsisunik Atortitsinermut Ministereqarfik isumaqarpoq siuliaqutitut aqqit kalaallinit peqqaarfartut aqqit pillugit inatsisip Kalaallit Nunaannut atuuttussanngortinneqarnerani Kalaallit Nunaanni inuit aqqinik akuersisartunut suliassaqarfiup taassuma immikkut ilisimasaqartunut aalajangiiffigisassanngortinneqarnerisigut suliani taakkunani Ilageeqarnermut Ministereqarfimmut inatsisitigut aalajangersagaanngitsumik naammagittaalliorsinnaaneranut periarfissaq nassatarinngikkaa. Taamaallilluni Inatsisunik Atortitsinermut Ministereqarfik isumaqarpoq Kalaallit Nunaanni inuit aqqinik akuersisartut aalajangiineri naalagaaffimmi oqartussaasumut naammagittaalliuutigineqarsinnaanngitsut.”

Inatsisunik Atortitsinermut Ministerip oqaaseqaataa 2. november 2001-imeersup ilanngussartallip assilinera ilanngullugu nassiuppara.” (Atorfeqarfimmi nutsigaavoq.)

Biskoppimut 17. december 2001-imi allappunga:

”6. april 2001-imi assilinera ilanngunneqartumik, inuit siuliaqutitut aqqi kalaallinit nagguillit pillugit suliani namminersorerusut immikkut paasisimasalinnik ataatsimiititaliaata A-mit, ernermi Tuneq-mik siuliaqutserneqarnissaanik qinnuteqarneranut itigartisisimanera pillugu, naammagittaalliuut tiguara.

Suliaq Folketingip Ombudsmandianut, immikkut paasisimasalittut ataatsimiititaliap aalajangiineri naalagaaffimmi oqartussaasumut naammagittaalliuutigineqarsinnaanersut paasinarlugu, suliaq saqqummiuppara.

26. november 2001-imi Folketingip Ombudsmandianit akissut takussutissanik ilaqartoq, ilisimatitsissutitut ilanngutara, tiguara.

Tassani atuarneqarsinnaavoq, Inatsiseqartitsinermut Ministereqarfik isumaqartoq, ataatsimiititaliap aalajangiineri naalagaaffimmi (allaffissornikkut) oqartussaasunut naammagittaalliuutigineqarsinnaanngitsut, siuliaqutitut aqqit kalaallinit nagguillit pillugit aalajangiinerit, aqqit pillugit qallunaat inatsisaata Kalaallit Nunaannut atortuulersinneqarnerani inuit aqqi pillugit kalaallit ataatsimiititaliaannut, suliaqarfiusumut immikkut paasisimasalimmut, suliassanngortinneqarmata.

Tamanna tunngavigalugu isumaqarpunga, A-p ataatsimiititaliap aalajangiineri pillugu naammagittaalliuutaata suliarinissaanut pisinnaatitaasunga.

Kisiannili paasisutissat, naammagittaalliummi oqaatigineqartut tunngavigalugit, misissuinissamik aallartitsinissamut naammattumik tunngavissaqarnerlunga naliliisnaanngilanga.

Taamaattumik biskoppi qinnuigaara suliamik taassuminnga, A-p qinnuteqaataata suliarineqarfianik, misissugassanngorlugu nasseqqullunga.

Suliami allagaatit pigineqartut misissoreerukkit, misissuineramik aallartitsissariqassanerlunga naliliiffigissavara.”

Suliami allagaatit 20. december 2001-imi tiguakka.

### Biskoppimut 30. januar 2002-mi allappunga:

”Suliami allagaatit, biskoppip uannut 19. december 2001-imi nassiussai, maanna misissorsimalerpacka.

A-mit naammagittaalliut aalajangersimasumik suliarilerniarlugu aalajangerpunga, tassami suliami allagaatinit erseqqissumik ersinngimmat Inuit Aqqinik Akuerisartut sumik tunngaveqarlutik aalajangiisimanersut.

Taamaammat imaannaq erseqqissuusorinangilaq atip “Tuneq”-p siuliaqutitut atornissaa pillugu ataatsimiititaliami ilaasortat qanoq siunnersuuteqarsimanersut.

Taamaatumik biskoppi qinnuigaara:

- Ataatsimiititaliap sulineranut malittarisassanik piusoqarnerseqq ilisimatitsissutigeqqullugu; taamaappallu malittarisassat taakkua nassiuteqquneqarput.

- Ilisimatitsissutigeqqullugu ataatsimiititaliap taasinikkut amerlanerussuteqarneq malillugu imaluunniit maleruagassat allat suut malillugit aalajangiisarnersaq.

- Nassuiaateqarfigeqqullugu ataatsimiititaliap ilaasortaanit siunnersuutit suut, immaqalu suliami paasissutissat allat suut atip “Tuneq”-p atertut siuliaqutitut akuerineqarnissaata itigartitsissutigineqarnissaanik aalajangiinermut 16. november 2000-imeersumut biskoppip tunngaviutissimanerai.

Paatsuungasoqaqqunagu ilisimatitsissutigissavara biskoppip akissutaa A-mut, suliami illua’tungiusumut tusarniaassutitut, saqqummiuneqarsinnaajumaartoq.”

### Biskoppip akissutaanik imaatumik 13. februar 2002-mi tigusaqarpunga:

”Siullermik ilisimatitsissutigissavara biskopi ataatsimiititaliap sinnerlugu allakkanik atsiortuusarmat suli Oqaasileriffiup "sekretariatsfunktion" tigunngimmagu; tamanna erseqqissarpara paatsuisoqartarmat isumaqartoqartarlunilu atsiineq atinilu allangortitsisarneq ilagiinnut ilaasortaanermut tunngassuteqartuusut.

Allakkanut 30-01-2002 ullulernerqarsimasunut akissutit makkuupput:

- Ataatsimiititaliap sulinermini malittarivaa "Kaajallaasitaq nr. 1/99" allassimasoq quppersakkami Oqaasileriffiup saqqummersitaani nr. 2 - 99 "Kalaallit aqqisa akuerisat nalunaarsorneqarnerat". Ilanngullugu nassiunneqarpoq. Soorunalumi aamma Inuit aqqi pillugit inatsit nr. 193 29. april 1981-imeersoq malittussaavarput.

- Qinnuteqaat maani biskoppip allaffiani tiguneqaraangat ataatsimiititaliap ilaasortaanut nassiunneqartarpoq isummorsorfigeqqullugu. Kingorna ataatsimiititaliami ilaasortat pingasuusut isumaat tunngavigalugit nalinginnaasumik amerlanerussuteqarneq malillugu aalajangiisogartarpoq.

Erseqqissaatigissavara biskopi ataatsimiititaliami ilaasortaqatimitulli peqataammat tassa immikkut annerusumilluunniit oqaasissaqartitaanngimmat, tamannalu tunngavigalugu oqartoqarsinnaagaluarpoq ikinnerussuteqarlunga 'Tuneq' akueriinnartariaqaraluariga, taamaattorli inatsisit atuuttuusut malittussaavagut, pineqartumilu kinguliaq pineqarmat inatsit nr. 193 29. april 1981-imeersoq qaangiinnarneqarsinnaanngilaq. Tamannalu ersarissumik allakkani 16. november 2000 ullulernerqarsimasuni oqaatigineqarpoq ima: "Tuneq kinguliaammat illersugaallunilu itigartitsissutigineqarpoq. Ilisimatitsissutitut nalunaarutigissavara kingulianut tunngasut atile-risut susinnaanngimmatigit Rigsombudeqarfiummi suliarisarimmagat." Aalajanger-sakkat inatsisillu atuuttuusut malissanngikkutsigit ataatsimiititaliap 'inuit aqqinik akuersisartut' pisariaqanngikkaluarpog, aqqit suqaluartulluunniit atorneqarsinnaasammata. Ilanngullugu takussutissatut nassiunneqarpoq quppernerit inuit aqqi kinguliaqutinngorsimasut allassimaffii, tassanmi takuneqarsinnaavoq 'Tuneq' imaluunniit 'Duneq' allassimasoq.”

Biskoppi allakkatigut 4. juli 2002-meersutigut amerlanerusunik paasisutisseequllugu qinnuigaara:

”Suliaq biskoppip Inuit Aqqinik Akuersisartut siulittaasuattut uannut allakkatigut 12. februar 2002-meersutigut akissuteqarfigisaa matumuuna uterfigaara.

Inuit Aqqinik Akuersisartut suliami allagaataat misissoreerlugit isumaqarpunga Inuit Aqqinik Akuersisartut ateq Tuneq siuliaqtitut akueriniarnagu 16. november 2000-imi aalajangiinermikkut ...-mi palasip aqqit pillugut inatsimmi § 13 malillugu meeqqamik 21. september 1997-imi kuisinermigut aalajangiinera allanngortikkaat.

Taamaattumik Inuit Aqqinik Akuersisartut aqqit pillugit inatsimmi § 13 tunngavigalugu qallunaat oqartussaasuata aalajangiineranik allanngortitsinissamut pisinnaatitaanersut misissorniarlugu aalajangerpunga, tamatumunngalu atatillugu Ilageeqarnermut Ministereqarfik apeqqt pillugu oqaaseqaateqaqullugu qinnuigaara, tak allakkat assilineri ilanngullugit nassiunneqartut.

Tamatumunnga peqatigitillugu Inuit Aqqinik Akuersisartut qinnuigaakka apeqqt taanna pillugu oqaaseqaateqaqullugit.

Allakkat uku assilineri A-mut ilisimatitsissutitut nassiuppakka.”

Ilageeqarnermut Ministereqarfimmut ulloq taanna allakkakka imaatunuk oqaasertaqarput:

”Suliaq ministereqarfiup pisinnaatitaanermik apeqqummut oqaaseqaateqarfigisimasaa pillugu Ilageeqarnermut Ministereqarfik matumuuna saaffigaara.

Ministereqarfiup suliaataa nr. ... Reg. NiB/Ig, dokument idnr. ..., 9. august 2001-imeersoq innersuussutigaa.

Suliaq pineqartup inaarlugu suliarisinnaalinnginnerani ministereqarfik ilassutaa-sunik oqaaseqaateqaqullugu qinnuigissallugu pissusissamisoorutut isigaara.

Suliami pineqartoq tassaavoq kalallit siuliaqtitut aqqinik akuersisarneq pillugu suliani Inuit Aqqinik Akuersisartut Namminersornerullutik Oqartussat ataanniittut meeqqap Tuneq-mik siuliaqtitut atserneqarsinnaannginneranik meeqqap angajoqqaavint nalunaaruteqarsimanerat.

Suliami allagaatitit Kalaallit Nunaata Biskoppeqarfianit Inuit Aqqinik Akuersisartunut siulittaasuuffiusumit massakkut tiguakka.

Suliami allagaatinit taakkunannga erserpoq ...-mi palasip 21. september 1997-imi kuisinermigut meeraq Tuneq-mik siuliaqutserlugu atsersimagaa.

Tamatuma kingorna Inuit Aqqinik Akuersisartut tamanna paasisimavaat, meeqqallu angajoqqaavi allakkatigut 29. september 1998-imeersutigut nalunaarfigisimal-lugit ateq taanna atorneqarsinnaalertinnani Inuit Aqqinik Akuersisartunit akuerineqassasoq, angajoqqaallu taakku tamanna Inatsisartut Ombudsmandiannut naamma-gittaalliuutigisimallugu.

Inuit Aqqinik Akuersisartut ateq Tuneq atertut siuliaqtitut akueriniarnagu allak-katigut 16. november 2000-imeersutigut aalajangiipput.

Inuit Aqqinik Akuersisartut allagaasa assilineri ilanngullugit nassiuppakka.

Isumaqarpunga Kalaallit Nunaanni Inuit Aqqinik Akuersisartut aalajangiinerata taassuma palasip aqqit pillugit inatsimmi § 13 malillugu meeqqamik kuisinermigut aalajangiinera allanngortikkaa.

Taamaattumik apeqqutaalerpoq Kalaallit Nunaanni Inuit Aqqinik Akuersisartut qallunaat oqartussaasuata kuisinermigut atsiinissamik aalajangiineranik allanngor-titsinissaminut pisinnaatitaanersut.

Tamatumunnga atatillugu Ilageeqarnermut Ministereqarfik qinnuigaara apeqqut taanna naliliiffigeqqullugu.

Kalaallit Nunaanni Inuit Aqqinik Akuersisartut allakkat uku assilinerisigut allakatigullu ullumikkut nassiunneqartutigit qinnuigaakka apeqqut taanna pillugu oqaaseqaateqaqqullugit.

Kiisalu allakkat uku assilineri A-mut ilisimatitsissutitut nassiuppakka.”

Biskoppip akissutaanik imaattumik 23. juli 2002-mi tigusaqarpunga:

”Inuit Aqqinik Akuersisartut pisinnaatitaanerit pillugu A-p naammagittaalliutaanik suliami Ombudsmandip allagai 7833-mik normoqartut qaammatip matuma sisamaaneersut tiguakka. Inuit Aqqinik Akuersisartut oqaaseqaateqaqqullugit qinnuigineqarput. Ataatsimiititaliap siulittaasuutut oqaaseqaatinik imaattunik matumuuna saqqummiussissaanga.

Kalaallit Nunaanni Inuit Aqqinik Akuersisartut kalaallit aqqinik siuliaqutitut atorneqartartunik akuersissuteqartarnermi pisinnaatitaasutut oqartussaasuvoq: Angajoqqaat meerartik atermik kalaallit aqqannik naggueqartumik akuerisaanngitsumik ateqalersinnissaa kissaatigigunikku kissaatigisartik Inuit Aqqinik Akuersisartutunut akuerisassanngortillugu nassiutissavaat.

Suliami aalajangersimasumi matumani ...-mi palasip nukappiaraq Tuneq-mik atserlugu 1997-imi septemberip qaammataani kuisimavaa. Ateq taanna kalaallit aqqannik naggueqarpoq, siulequtitulli akuerisaanani. Taamaattumik suliaq taanna Inuit Aqqinik Akuersisartutunut suliarisassanngorlugu nassiunneqarsimasariaqarluarpoq, taamaaliortoqarsimananili.

Ateq Duneq (ateq taanna naqinnermik T-mik aallaqqaasiinnarlugu) kinguliaqutitut atorneqartarsimavoq. Taamatut atorneqarnermini illersugaavoq, siuliaqutitullu atorneqarsinnaanani. Aqqit taakku Tuneq-p aamma Duneq-p taaneqartarnerat assigiingarmat naqinnerup aallaqqaasiunneqartup allannngortinneqarnerinnaatigit isumaa allannngortinneqarneq ajorpoq. Inuit Aqqinik Akuersisartut atsiisimaneq pillugu suliaq september 1997-imeersoq ilisimaleramikku malugeqqullugu oqaatigaat, takqulaani taaneqartut, Tuneq siuliaqutitut akuerineqarsinnaanngitsoq, tassami aqqit siuliaqutitut atorneqartut kalaallit aqqinik nagguillit pillugit apeqqutit inaarutaasumik aalajangiivigineqarnissaannut pisinnaatitaaneq Inuit Aqqinik Akuersisartunniimmat.” (Atorfeqarfimmi nutsigaavoq.)

Ilageeqarnermut Ministereqarfiup akissutaa imaattoq 28. april 2003-mi tiguara:

”Siuliaqutitut aqqit kalaallinik aallaavillit pillugit suliani qallunaat aqqit pillugit oqartussaasuisa pisinnaatitaanerannik apeqqut pillugu Inatsisartut Ombudsmandiata allagaanik 27. september 2002-meersunik Ilageeqarnermut Ministereqarfik tigusaqarsimavoq.

Allakkat Ilageeqarnermut Ministereqarfiup akissutaanut 12. september 2002-meersumut, Ombudsmandip allagaanut 4. juli aamma 19. august 2002-meersunut ministereqarfiup akissutaanik ilalimmut, innersuussipput.

Inatsisartut Ombudsmandiata allakkani 27. september 2002-meersuni ministereqarfik qinnuigeqqippaa Kalaallit Nunaanni inuit aqqinik akuersisartut (ataatsimiititaliaq) Ilageeqarnermut Ministereqarfiup paasininnerra malillugu atsiisarnermik inatsisitigit aalajangiikkamik, ilagiit oqaluffianni Qallunaat Nunaanniittumi

kuisitsinermi aalajangiunneqarsimasumik, tunuartsinissamut imaluunniit atorunnaarsitsinissamut pisinnaatitaanersut akissuteqarfigeqqullugu.

Kingorna Inatsisartut Ombudsmandiata allakkani 18. december 2002-meersuni aamma 26. februar 2003-meersuni taamatullu Folketingip Ombudsmandianut allakkat 7. april 2003-meersut assilineratigut Ilageeqarnermut Ministereqarfik eqqaasitsissuteqarfigisimavaa.

Aallarniutaasumik Ilageeqarnermut Ministereqarfiup piffissaq suliap suliarineqarneranut atorneqarsimasup sivisuallaarujussuarnera assorsuaq ajuusaarutigisavaa. Matumunnga pissutaasoq tassaavoq suliassat suli amerlasoorujussuit, matumunnga ilanngullugit suliassat salliutinneqarnerussat, ministereqarfimmi suliari-neqarnerat.

Aammattaq Ilageeqarnermut Ministereqarfiup assorsuaq ajuusaarutigisavaa Inatsisartut Ombudsmandiat suliap killiffia pillugu nammineq iliuuseqarnikkut ingerlaavartumik nalunaarfigineqartarsimanngimmat, taamatuttaarlu aamma suliarni akissuteqarnissap (inaarutaasumik) qaqugu ilimagineqarsinnaanerani Inatsisartut Ombudsmandiata tusarlerneqarnissaa nammineerluni iliuuseqarnikkut isumagineqarsimanngimmattaq.

Aamma akornusersuinerit, iliuuseqanngitsoornerit taakkua nassatarisimasinnaasaat, ajuusaarutigineqassapput.

Kalaallit Qallunaat Nunaanni najugaqarallartut meeqqaminnik atsiinerminni – qallunaat maleruagassaasa saniatigut – kalaallit inuit aqqi pillugit inatsisaat ataq-qisussaavaattaq, matumunnga ilanngullugu aamma ilagiit oqaluffianni kuisitsiner-mi atsiinerni. Tassani Niels Bjerregaardip atuakkiaani ”Oqaluffinni allattaavissuar-nut nalunaarsuineq”-mi immikkoortortamut 7.2.1.-imut innersuussisoqarpoq (Qal-lunaat Palasit Peqatigiiffiat, pingajussaanik saqqummersitaq, 1999). Atuakkap ka-laallisuunngorlugu nutsernera kingullermik Ilageeqarnermut Ministereqarfiup oqaluffinni allattaavissuit pillugit provstinut pikkorissartitsineranut atatillugu ka-laallit provstiinut tunniunneqarsimavoq. Pikkorissarneq 2002-mi oktobari qaammat Nuummi ingerlanneqarsimavoq.

Taamaallilluni kalaallisut ateq siuliaqut Qallunaat Nunaanni ilagiit oqaluffianni kuisitsinermi meeqqamut kalaallimut ateritinniarneqartoq aallaavittut kalaallit aq-qisa akuerisat allattorsimaffianni ilanngunneqarsimasussaavoq. Ateq aqqit akuerisat allattorsimaffianni ilaangippat, taava angajoqqaajusut oqaluffimmi allattaavissuar-nut allattuisumut qinnutigisaat Kalaallit Nunaanni inuit aqqinik akuersisartunut suliassanngorlugu nassiunneqassaaq.

Ilageeqarnermut Ministereqarfik qallunaat ilagiit oqaluffinni allattaavissui pillu-git suliani affissornikkut oqartussaalluni qullersaavoq. Ilagiit upperisaqatigiillu akuerisaasut oqaluffinni allattaavissui pillugit Ilageeqarnermut Ministereqarfiup kaajallaasitaani 14. august 1987-imeersumi (oqaluffinni allattaavissuit iluarsagaa-nissaannik kaajallaasitaq) § 12-imt imaattut erserput:

”Oqaluffiit allattaavissuini kukkunerit, allattuisilluni paasineqartut imaluunniit assersuussineq kingullermik § 11, imm. 1-imi eqqartorneqartoq imaluunniit misis-suineq § 11, imm. 2-mi eqqartorneqartoq, kukkunerup erseqqissumik uppernar-sarneqarsimanagera tunngavigalugu oqaluffimmi allattaavissuarnut allattuisumit naq-qinneqarsinnaapput. Pisuni allani tamani Ilageeqarnermut Ministereqarfimmit akuerineqarnikkut aatsaat naqqiisoqarsinnaavoq.”

Palaseqarfik Oqaluffimmi Allattaavissuarnut Nutaanut (OAN/DNK) elektro-niskiusumik/atororissaarutit atorlugit nalunaarsuinerimik atulerpat allattuiffiup pi-ngarnerisap allattuiffiullu illua’tungerititap akornanni assersuussisarneq atorun-naassaaq, tassami oqaluffimmi allattaavissuarnut illua’tungerititamat allattuisoqar-tarunnaassammat.

Tamatumunnga atatillugu oqaluffinni allattaavissuit iluarsagaanissaannik kaajallaasitami § 12 aalajangersakkamik tassunga assingusumik taarserneqarpoq, tak. Ilageeqarnermut Ministereqarfiup ilagiit oqaluffiini allattaavissuit (OAN/DNK) pillugit kaajallaasitaani 13. december 2001-imeersumi § 5, imm. 1:

”Oqaluffiit allattaavissuini (OAN/DNK) kukkuneq, kukkunerup erseqqissumik uppersarneqarsimanera tunngavigalugu oqaluffimmi allattaavissuarnut allattuisumit naqqinneqarsinnaapput. Pisuni allani tamani Ilageeqarnermut Ministereqarfimmit akuerineqarnikkut aatsaat naqqiisoqarsinnaavoq.”

Oqaatigineqassaaq OAN/DNK qallunaat palaseqarfiini tamani maannakkorpiaq atorpeqangajalermat. OAN/DNK-mik aallarnisaalluni atulersitsineq – piartuurtumik pisusaaq – ukiut 2003/2004 nikeranni pilersaarutigineqartut malillugit naammassineqarnissaa naatsorsuutigineqarpoq.

Ilageeqarnermut Ministereqarfik isumaqarpoq meeraq kalaaleq ilagiit qallunaat oqaluffianni kuisinneqartoq, tak. siuliiniittut, atermik siuliaqummik, kalaallit aqqisa akuerisat nalunaarsorneqarfianni ilaangitsumik atserneqarpat, taava tassani kukkuneq pineqassaaq, kalaallit inuit aqqinik akuersisartut ateq akueralugu nalunaaruteqarsimangippata.

Oqartoqareersutut Ilageeqarnermut Ministereqarfik qallunaat ilagiit oqaluffinni allattaavissui pillugit suliani allaffissornikkut oqartussaalluni qullersaavoq. Ilageeqarnermut Ministereqarfik isumaqarpoq kalaallit inuit aqqinik akuersisartut inuit aqqi pillugit inatsit naapertorlugu aalajangererup namminneerlutik tunuartinnissaanut atorunnaarsinnissaanulluunniit inatsisitigut tunngavissaqanngitsut.

Ilageeqarnermullu Ministereqarfik isumaqarpoq kalaallit inuit aqqinik akuersisartut ataatsimiititaliap isumaa malillugu suliami aalajangersimasumi kukkusoqarsimanera nalunaarutigisinnasimagaluaaraat.

Kukkuneq erseqqissumik uppersarneqarsimappat, taava matuma kingornagut oqaluffimmi allattaavissuarnut allattuisoq kukkunerup naqqinnissaanut pisussaavoq, tak. oqaluffinni allattaavissuit iluarsagaanissaannik kaajallaasitami § 12, imaluunniit Ilageeqarnermut Ministereqarfiup ilagiit oqaluffiini allattaavissuit (OAN/DNK) pillugit kaajallaasitaani § 5, imm. 1. Pisuni allani tamani Ilageeqarnermut Ministereqarfimmit akuerineqarnikkut aatsaat naqqiisoqarsinnaavoq, tak. aalajangersakkat matuma siuliini taaneqartut.

Kukkunerup erseqqissumik uppersarneqarsimanera uppersarneqarsimanginneraluunniit suliap paasisutissartai tunngavigalugit toqqartumik aalajangiivigineqartariaqarpoq.

Taamaattorli Ilageeqarnermut Ministereqarfik isumaqarpoq kukkuneq najoqqutassaanerusut malillugit erseqqissumik uppersarneqarsimasutut isumaqarfigisariaqartoq, kalaallit inuit aqqinik akuersisartut Qallunaat Nunaanni oqaluffimmi allattaavissuarnut allattuisartumut uppersarsinnaagaluarpassuk Qallunaat Nunaanni ilagiit oqaluffianni kuisitsinermi meeraq (kalaallinik Danmarkimi najugaqarallartunik angajoqqaalik) atermik siuliaqummik, ataatsimiititaliap akuerisimangisaanik, inuit aqqinik akuersisartut kalaallit aqqisa akuerisat nalunaarsorneqarfianni ilaangitsumik, atsersimagaat.

Ilageeqarnermut Ministereqarfiup oqaluffinni allattaavissuarnut allattuisunut nalunaarutigilersarpaa ministereqarfiup kukkuneq erseqqissumik uppersarneqarsimasutut nalinginnaasumik isumaqarfigisassagaa, suliami pissutsit aalajangersimasut taamaaliornermut akerliunngikkaangata. Aammattaaq ministereqarfiup inner-suussutigiumavaa oqaluffinni allattaavissuarnut allattuisoq pisuni taama ittuni oqaluffiup allattaavissuani kukkunerup paasisaqaaruni, taava pineqartoq kukkunerup imaannaq naqqinnissaanut pisussaavoq, aalajangersakkat matuma siuliini eqqartorneqartut naapertorlugit.

Taamaattorli oqaluffinni allattaavissuarnut allattuisoq toqqartumik nalileereernerup kingornagut isumaqarpat kukkuneq erseqqissumik uppersarsarneqarsimasutut isumaqarfigineqarsinnaanngitsoq, naqqiineq Ilageeqarnermut Ministereqarfimmit akuersissuteqarnikkut aatsaat pisinnaavoq.

Siunissami kukkusarnissat taamatut pissusillit pinaveersaartinnissaat siunertaralugu Ilageeqarnermut Ministereqarfiup (kalaallit Qallunaat Nunaanni najugaqarallartut meeraasa kalaallit siuliaqutitut aqqinik atserneqartarnerat pillugu) ajornartorsiuteqarfiusup inunnik nalunaarsuinermi atuakkami OAN/DNK pillugu qinerlerfissiami, ilagiit oqaluffinni allattaavissuarnut nalunaarsuisarneq (OAN/DNK) pillugu ministereqarfiup kaajallaasitaanut ilanngunneqarsimasumi, eqqartorneqarnissaa sulissutigiumavaa.

Aammattaq Ilageeqarnermut Ministereqarfiup, ministereqarfiup qarasaasiami nittartagaata kalaallit aqqisa akuersiat nalunaarsorsimaffiannut elektroniskiusumut attavililersaarpaa, taamaaliornikkut oqaluffinni allattaavissuarnut allattuisut taamatullu angajoqqaat kalaallit Qallunaat Nunaanni najugaqarallartut kalaallit siuliaqutitut aqqisa sorliit Kalaallit Nunaanni inuit aqqinik akuersisartunit akuerineqarsimanerannik ajornannginnerusumik paasinissinnaaqullugit, taamaaliornikkullu ajornartorsiutitaqanngitsumik qallunaat ilagiit oqaluffianni kuisitsisoqarsinnaaqullugu.” (Atorfeqarfimmi nutsigaavoq.)

*Tamatuma kingorna imaattunik oqaaseqaateqarsimavunga:*

”Suliami pisinnaatitaanera pillugu.

*Inatsisartut Ombudsmandiat pillugu inatsimmi § 6, imm. 3-mi aalajangersarneqarpoq pissutsit aqutsinermi oqartussaasumut qulliunerusumut naammagittaalliutigineqarsinnaasut pillugit naammagittaalliutit suliarisinnaanngikkikka.*

*Tamaaattumik inuit aqqinik akuersisartut aalajangiinerat 16. november 2000-imeersoq aqutsinermi oqartussaasumut allamat naammagittaalliutigineqarsinnaanersoq misissussallugu uannut pisariaqarsimavoq.*

*Inatsisunik Atortitsinermit Ministereqarfiup allakkamini 2. november 2001-imeersuni Folketingip Ombudsmandia nalunaarfigaa Ministereqarfik taanna isumaqartoq Kalaallit Nunaanni inuit aqqinik akuersisartut aalajangiineri akuersisartuni taakkunani immikkut ilisimasaqarneq tungavigalugu pisartut, taamaattumillu Ilageeqarnermut Ministereqarfimmut inatsisitigut aalajangersagaanngitsumik naammagittaalliornissamut periarfissaqanngitsoq.*

*Tamanna aamma pissutigalugu, inuillu aqqinik akuersisartut pisinnaatitaanerat inuit aqqi pillugit inatsisip Kalaallit Nunaannut atortuulersineqarnera pillugu Kunngip peqqussutaata nr. 549-p, 21. august 1986-imeersup nassatarimmagu uanga tamatuma pissuseqataanik isumaqarpunga inuit aqqinik akuersisartut aalajangiineri Namminersornerullutik Oqartussani oqartussaasumut naammagittaalliutigineqarsinnaanngitsut.*

*Taamaattumik naammagittaalliutit pineqartup suliarinissaanut pisinnaatitaavunga.*



1997-imi kuisitsinerup inatsisitigut sunniutai pillugit.

*Inuit aqqi pillugit inatsimmi § 10, imm. 2-kkut aalajangersarneqarpoq siuliaqutitut ateq meeqqap inunngornerata kingorna qaammatit arfinillit qaangiutsinnagit allattaavissuarmut (inuit aqqinik nalunaarsuiffimmu) meeqqap angajoqqaavinit angajoqqaatulluunniit oqartussaassusermik tiggumiaqartumit nalunaarutigineqassasoq, imaluunniit meeqqap kuisinneratigut atsiunneqassasoq.*

*Inatsimmi tassani § 13-imi aalajangersarneqarpoq Sønderjyllandip imikkooortuisa avataanni kuisinikkut atsiineq ilagiit oqaluffianni imaluunniit upperisarsioqatigiinni akuerisaasuni pissasoq.*

*Inatsisissatut siunnersuummi § 13 pillugu oqaaseqaatinit makku erserput:*

*”Aalajangersakkat malillugit Sønderjyllandip avataani kuisinikkut atsiineq ilagiit oqaluffianni imaluunniit upperisarsioqatigiinni akuerisaasuni innuttaasunut atuussinnaassuseqartumik pisinnaavoq.*

*Malittarisassap taassuma aalajangersakkat atuuttut assigai, taakkulu kuisitsisarneq pillugu peqqussummi Sønderjyllandip avataani atuutinngitsumi 30. maj 1828-mi aalajangersarneqarsimapput. Peqqussut taanna atsiisarneq pillugu malittarisassanik erseqqivissunik imaqaanngilaq, kuisinikkullu atsiineq innuttaasunut atuussinnaassuseqartuq tunngavigalugu, tassami atsiisarneq peqqussummi 1828-meersumi allannguutit pillugit inatsisip 4. marts 1857-imeersup atuutilerinissaata tungaanut kuisinnerinnakkut pisinnaasimammat.*

*Inatsisinik Atortitsinermut Ministereqarfik isumaqarpoq peqqussummi 1828-meersumi aamma inatsimmi 4. marts 1857-imeersumi siuliaqutitut aqqit pillugit malittarisassat aqqit pillugit inatsimmut nuunneqarnerannut peqatigitillugu kuisutit aqqit pillugit inatsiseqartitsinikkut sunniuteqalernissaa pillugu aalajangersakkamik aqqit pillugit inatsimmi ilanngussisoqarpat pissusissamisoortuussasoq, tak. imm. 4 e-mi nalinginnaasumik oqaaseqaatit.*

*...” (Atorfeqarfimmi nutsigaavoq.)*

*Kuissutikkut atsiineq aqqit pillugit inatsiseqartitsineq eqqarsaatigalugu atermik allattaavissuarnut ilanngussinikkut atsiinermut, ingerlatsinermi pineqartumik akuersaartumik aalajangiinerusumut naligitinneqarpoq.*

*Inuit aqqinik akuersisartut meeqqap kuisinnerata kingorna siuliaqutitut aqqit Puiaq-p aamma Tuneq-p akuerineqarnissaat pillugu suliamik aallartitsinissamut pisinnaatitaasimappat?*

*Inuit aqqinik akuersisartut pisinnaatitaanerat inuit aqqi pillugit inatsisip Kalaallit Nunaannut atortuulersinneqarnera pillugu Kunngip peqqusutaani nr. 549-mi, 21. august 1986-imeersumi § 5-imi imatut allaasrineqarpoq:*

*”§ 10-mi stk. 4-tut ilanngunneqarpoq:*

”Stk. 4. Namminersornerullutik Oqartussat paasisimasaqarluartunik ilaasortallimmik udvalgiliussapput, taakkualu aalajangissavaat sujuliaquttap kalaallinik peqqaarfegartup stk. 1, 2. pkt.-mi piumasarineqartoq illuatungileraa.””

*Inuit aqqi pillugit inatsimmi § 10, imm. 1 imaattunik oqaasertaqarpoq:*

”Qitornaq siuliaqummik ataatsimik qassinilluunniit atertaartinneqassaaq. Siuliaqutitut qinerneqassanngilaq ateq siuliaqutitut atiumngitsoq imaluunniit qitornamut ituukuluutaasinnaasoq.”

*Ilageeqarnermut Ministereqarfiup ima naliliinera isumaqatigaara, tassalu meeqqanik Kalaallit Nunaanni aalajangersimasumik najuqartunik Danmarkimi atsiinermi aqqit pillugit oqartussaasup meeqqap kalaallit atiannik peqqussummi § 5 (inuit aqqi pillugit inatsimmi § 10, imm. 4) unioqqutillugu atserneqannginnissaa qulakkiissallugu pisussaaffigigaa.*

*Tamatumunnga peqatigitillugu paasinninnera unaavoq aqqit pillugit oqartussaasup meeraq kalaallit siuliaqutitut atiannik akuerisaanngitsumik atsissallugu inatsisitigut tunngavissaqanngitsoq.*

*Taamaattumik Ministereqarfik aamma isumaqatigaara oqarmat qallunaat aqqit pillugu oqartussaasuat qulaani taaneqartut unioqqutillugit kalaallit siuliaqutaannik atsiisimappat tamanna suliamik suliarinninnermi kukkunerusoq.*

*Taamaattorli Ministereqarfiup uannut akissummini erseqqissarsimasaatut tamatumunnga peqatigitillugu pineqartoq tassaavoq Kalaallit Nunaanni inuit aqqinik akuersisartut atsiisimanermik namminneq utertitsinissamut atorunnaarsitsinissamulluunniit pisinnaatitaannginnerat.*

*Tamanna allattaavissuarnik allattuisup imaluunniit Ilageeqarnermut Ministereqarfiup kisimi suliarisinnaavaa.*

*Taamaattumik inuit aqqinik akuersisartut kalaallit siuliaqutitut atiannik ilagiit oqaluffianni kuissutikkut meeqqamut atsiunneqarsimasumik itigartitsinissaminnik aatsaat aalajangiisinaapput, aqqit pillugit inatsiseqartitsinikkut aalajangiineq atorunnaarsinneqarsimappat utertinneqarsimapalluunniit.*

*Suliami matumani biskoppip suliamik suliarinninnera pillugu paasisstissiissutigineqartunit allaavigisariaqarpara kukkuneq biskoppip allattaavissuarnik ingerlatsisumut malugeqqusimagaa, tamatumalu kingorna meeqqap angajoqqaavi qinnuigisimagai aqqit akuerineqarnissaannik qinmuteqaat nassiuteqqullugu.*

*Aammattaaq atsiinissamik aalajangiineq utertinneqarsimanersoq atorunnaarsinneqarsimanersorluunniit biskoppip tamatuma kingorna missorsimanngilaa.*

*Atuussinnaassuseqannginneqarsimappat tamanna piffissaq allattaavisuit allanngortinneqarfiat aallarnerfigalugu aatsaat atuutilissaaq.*

*Aammattaaq pineqartoq tassaavoq pisut aalajangersimasut ilaannaanni allattaavissuarni kukkunerit ilagiit upperisarsioqatigiillu akuerisaasut pil-*

lugit Ilageeqarnermut Ministereqarfiup kaajallaasitaa 14. august 1987-i meersoq malillugu allattaavissuarnik ingerlatsisumit naqqinneqarsinnaanerat. Pisuni allani naqqiisoqassappat Ilageeqarnermut Ministereqarfiup akuersissuteqarnissaa piumasqaataavoq.

Ingerlatsinermi aalajangiinerit akuersaartuusut inatsisitigut tunngaveqanngitsut atorunnaarsinneqarsinnaanerat (atorunnaarsinneqartussaaneerat) aallaaviugaluartoq atorunnaarsitsinissamik ingerlatsinermi pineqartumut nanertuutaasumik aalajangiisoqassappat isiginiagassanik pingaarteqartunik atorunnaarsitsinissamut assortuisunik peqannginnissaa piumasqaataasariaqarpoq, tak. Folketingip Ombudsmandiata 1996-imi ukiumoortumik nalunaarutaani qupperneq 173 tulluilu.

Taamaattumik paasininnera unaavoq aalajangiinerup inatsisitigut tunngaveqannginneranik paasisaqarnerinnaq tunngavigalugu suliami matumani atsiinerup atuussinnaassuseqannginnera aallaavigissallugu biskoppi naammattumik tunngavissaqarsimanngitsoq, aamma tak. "Ugeskrift for Retsvæsen 1973"-imi Vestre Landsretip eqqartuussutaa qupperneq 755-imi naqqinneqarsimasoq.

Taamaalilluni aqqit Puiaq-p aamma Tuneq-p akuerineqarnissaat pillugu suliap aallartinneqannginnerani allattaavissuarni allassimasup allanngortinneqarnissaanik aalajangiineq biskoppip utaqqimaarsimasariaqaraluar-paa.

Ilageeqarnermut Ministereqarfiup uannut allakkamini 12. september 2002-meersumi nalunaarutigaa meeqqap allattaavissuarni aqqit Puiaq aamma Tuneq atorlugit nalunaarsorneqarnera peerneqarsimasoq.

Taamaattumik inuit aqqinik akuersisartut pisinnaatitaanerat pillugu apeqqummut atatillugu annertunerusumik iliuuseqaaqqissanngilanga.

#### Atsiinissamik aalajangiinerup allanngortinneqarnera pissutissaqarpa?

Allattaavissuarnik ingerlatsisup sulineranik nakkutilliineq Ilageeqarnermut Ministereqarfiup kingullertullu Folketingip Ombudsmandiata ataaniippoq.

Taamaalilluni atsiinerup atorunnaarsinneqarneranik naliliinissaq uanga sulinerma avataaniippoq.

Taamaattumik A allakkatigut allatigut nalunaarfigaara meeqqap kuisinerani siuliaqutitut atsiunneqarsimasut allattaavissuarnit peerneqarnerat naammagittaalliutiginaruniuk naammagittaalliutini Ilageeqarnermut Ministereqarfimmuut tunniutissagaat.

#### Inuit aqqinik akuersisartut suliamik suliarinninnerat.

Misissuininnut atatillugu maluginiarsimavara biskoppi inuit aqqinik akuersisartut sinnerlugit aalajangiisimasoq, naak biskoppi isumaqaraluar-

toq inuit aqqinik akuersisartuni amerlanerussuteqartut ateq Tuneq akuersaalersaaraat.

*Paasissutissiissutigineqartut malillugit inuit aqqinik akuersisartut sulinerat pillugu immikkut malittarisassaqaanngilaq.*

*Taamaattorli akisummut Folketingip Ombudsmandianut 26. november 2001-imi tigusannut ilanngussami oqaatigineqarpoq ilagiit kalaallit siulersuisuisa allakkiami 19. august 1985-imeersumi nassuiaatigisimagaat inuit aqqi pillugu inatsisip atortuulersinneqarnera sioqqullugu kalaallit siuliaqutitut aqqisa akuerineqartarnerat pillugu apeqqutit ataatsimiititaliamit suliamik immikkut ilisimasaqartumit, oqaasiliortunit vicebiskoppimillu ilaasortaaffigineqartumit 1979-imiilli suliarineqartarsimasut.*

*Allakkiamit tassannga aamma erserpoq ataatsimiititaliaq pineqartog pillugu malittarisassat inuit aqqi pillugit inatsisip atortuulersinneqarneranut atatillugu tassunga ilanngunneqassasut siunnersuutigineqarsimasoq.*

*Tamaattumik ataatsimiititaliaq taanna (inuit aqqinik akuersisartut) paasinninnera malillugu ingerlatsinermi ataatsimoortumik ingerlatsiveqarfitut, aalajangiinnermini oqaatsinut tunngasunik aqqillu pillugit inatsiseqartitsinermi malittarisassanik allattaavissuarnik ingerlatsisut pillugit atuutunik pingaartitsillutik isiginninniartussatut, sulianut immikkut ilisimasalittut isigisariaqarpoq.*

*Inuit aqqinik akuersisartut eqqarsaatigalugit inatsimmi allanik allasimasoqaanngippat ingerlatsinermi ataatsimoorlutik oqartussaasut sulineranni ingerlatsinermik inatsiseqartitsineq pillugu malittarisassat nalinginnaasut atorneqartussaassapput.*

*Suliamit erserpoq inuit aqqinik akuersisartut allakkatigut isumaqatigiinniareerlutik aalajangiinnerat biskoppip A-mut nalunaarutigisimaga.*

*Naak ataatsimoorluni ingerlatsiviit eqqarsaatigalugit ataatsimiinnerni isumaqatigiinniarnertit taasinerillu aallaaviusariaqaraluartut isumaqatigiinniarnerep allakkatigut ingerlanneqarnissaanut akornutissaqaanngilaq, ataatsimoorluni ingerlatsiviup taassuma ilaasortaasa tamanna isumaqatigiissutigisimappassuk.*

*Aammattaaq inuit aqqinik akuersisartut siulittaasuat inuit aqqinik akuersisartut periaaseq taanna assortunngippassuk aalajangiineq aalajangersimasoq eqqarsaatigalugu taakku tamarmik isumaqatigiinnerat amerlanerussuteqartulluunniit isumaqatigiissuteqarnerat paaseriarlugu suliap aalajangiiffigineqarneranik inerniliippat tamanna inatsisunik unioqqutitsinertut isigineqarsinnaanngilartaaq, tak. "Ugeskrift for Retsvæsen 1916"-imi Københavnimi eqqartuussiviit qullersaata eqqartuussutaa qupperneq 193-imi naqinneqartoq.*

*Biskoppip periaasiata assortorneqarsimanera suliamik suliarinninnermi takuneqarsinnaanngimmat biskoppip allakkatigut isumaqatigiinniarnermik toqqaasimanera, inuillu aqqinik akuersisartut ilaasortaasa inasuteqaataat takkuttut tunngavigalugit biskoppip aalajangiisimanera isornartorsiussalugit tunngavissaqaanngilanga.*

*Kisianni inuit aqqinik akuersisartut ilaasortaasa allat tunngaviler-suutaat kiisalu biskoppip nammineq naliliinera malillugit tunngaviutittariaaqarpara atip Tuneq-p siuliaqutit akuerineqarnissaa inuit aqqinik akuersisartuni amerlanerussuteqartut akueriumasimagaat.*

*Biskoppip aalajangiinini illersorlugu oqaatigaa siuliaqutit atip taassuma akuerineqarnissaa inatsisinik unioqquitsisuusussaasoq.*

*Tamanna pillugu oqaatigaara aqqit kinguliaqutit atorineqartussat atertut siuliaqutit akuerinissaat inuit aqqi pillugit akuersisartut pisinnaatitaanerata avataaniinneranik biskoppip oqarnera isumaqatigalugu.*

*Suliamilu matumani pineqartoq tassaavoq atip akueritinniarneqartup allanneqartarnera tassaasoq Tuneq, paasissutissiissutigineqartulli malillugit ateq kinguliaqutit atorineqartussanngortitaasoq allanneqartarluni Duneq.*

*Taamaattumik atip kinguliaqutit atorineqartussiaasup akuerineqarnissaa qinnutigineqanngilaq, qinnutigineqartorli tassaalluni suliaqutit ateq, kinguliaqutit atermut paarlaattoorneqarsinnaasoq, tassani aqqit taakku assigiimmik nipilerlugit oqaatigineqartarmata.*

*Atip Tuneq-p siuliaqutit akuerineqarneratigut paarlaassisoorsinnaanerup atip taassuma akuerineqarsinnaannginneranik nassataqarsinnaanera naliliinermik inuit aqqinik akuersisartut suliarisariaqagaannik tunngaveqartariaaqarpoq.*

*Siuliaqutit aqqit nutaat atorineqarnissaannik aalajangiinnermut pisinnaatitaanerup biskoppimiinnani inuit aqqinik akuersisartuniinnera isiginiarlugu paasinninnera unaavoq biskoppi inuit aqqinik akuersisartunut ilaasortatut inatsisitigut erseqqissumik tunngavissaqarnani amerlanerussuteqartut naliliinerat sumiginnarsinnaanngikkaa, amerlanerussuteqartut paasinninnerat kukkusuuvoq biskoppi isumaqaraluarpalluunniit. Pisumi tassani biskoppip isummami allaassuteqarneranik isumaqatigiinniarnermi saqqummiinissaminut innersuunneqartariaaqarpoq.*

*Taamaattumik isumaqarpunga biskoppi inuit aqqinik akuersisartunut ilaasortat amerlanerussuteqartut paasinninnerannik sumiginnaanissaminut pisinnaatitaasimanngitsoq.*

*Biskoppi matumani pisimasutut aalajangiinissaminut pisinnaatitaasimannngimmat suliamik suliarinninneq inuit aqqinik akuersisartut aallarteqqissagaat inassuteqaatigaara, inuit aqqinik akuersisartut ataatsimiititaliaasutut aalajangiinissaat siunertarlugu.*

*Aamma isumaqarpunga ataatsimoorluni ingerlatsiveqarfimmi suliamik suliarinninneq nalornisoortitsilersinnaappat tamanna pitsaanngitsuusoq.*

*Taamaattumik Naalackersuisut Allattoqarfiat allakkatigut allatigut allakkat uku assilinerinik ilaqartinneqartutigut ilisimatippara, Allattoqarfillu qinnuigalugu inuit aqqinik akuersisartut sulianik suliarinnittarnerat, matumani isumaqatigiinniartarnerat taasisarnerallu pillugit malittarisas-sanik, suleriaaseq pillugu aalajangersakkatut kaajallaasitatulluunnit iluse-*

*qarsinnaasumik, aalajangersaanissaq Naalakkersuisut isumaliutersuutiginiarneraat nalunaarfigeqqullunga.*

*Tamakku saniatigut suliami annertunerusumik iliuseqaqqissanngilanga.*

*A allakkatigut allatigut allakkat uku assilinerinik ilaqartinneqartutigut paasinninnera pillugu ilisimatippakka.*

*Tamatumunnga peqatigitillugu Folketingip Ombudsmandia aamma Ilageeqarnermut Ministereqarfik allakkat uku assilinerinik nassippakka.”*

Naalakkersuisut Allattoqarfiat allakkani 19. august 2003-meersuni ima akissuteqarpoq:

”Inatsisartut Ombudsmandiata Naalakkersuisut Allattoqarfiannut allagaanut 23. juni 2003-meersunut innersuussilluni Inatsisileriffiup ilisimatitsissutigisinnaavaa Inatsisileriffiup ullumi ulloq allakkatigut Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik inuit aqqi kalaallit aqqinik nagguillit pillugit suliani ataatsimiititaliap immikkut ilisimasalinnik ilaasortallip suliasanik suliaqarneranut malittarisassanik aalajangersaaqqullugu qinnuigisimagaa.

Tamanna pereerpat Inatsisartut Ombudsmandiat iluamik paasissutissinneqarumaarpoq.” (Atorfeqarfimmi nutsigaavoq.)

Allakkani 25. april 2003-meersuni Naalakkersuisut Allattoqarfiat nalunaarfigaara allattoqarfiup akissutaa tusaatissatut tigugiga aammalu maluginiariga malittarisassatut aalajangersakkat imarisaannik paasissutissinneqarumaartunga.

Inassuteqaatigisannut malitseqartitsinissaq Biskoppip Allaffianut allakkani 17. november 2003-meersuni eqqaasitsissutigaa.

Inuit aqqi kalaallit aqqinik nagguillit pillugit suliani ataatsimiititaliap immikkut ilisimasalinnik ilaasortallip suliasanik suliaqarneranut malittarisassanik aalajangersaaneq pillugu Naalakkersuisut Allattoqarfiata paasissutissiissutaanik taamatuttaarlu aamma Biskoppip Allaffiata inassuteqaatigisannut akissutaanik ukiup nalunaarusiuunneqartup naanerani tigusaqarsimanngilanga.

## 99. Allat

### 1. **Meeqqanut inuusuttunullu paaqqinniffimmut imminut pigisumut tapiissuteqarnissamik aalajangiinernut atatillugu pisinnaatitaanermik killiliineq.**

*Ukiumut 2003-mut Inatsisartut Aningaasanut Inatsisaannit erserpoq meeqqanut inuusuttunullu paaqqinniffik imminut pigisoq 354.000 kr.-nik tapiissuteqarfigineqassasoq. Tamanna peqatigalugu aningaasanut inatsisissatut siunnersuutip aningaasaliinermi tunngavigisaanit erserpoq Namminersornerullutik Oqartussat ingerlatsineranut tapiissutinik, paaqqinniffiup aningaasartuutaasa pingajorarterutaattut (1/3-iisut) amerlatigisunik tapiissuteqarsimasut. Matuma saniatigut meeqqanut inuusuttunullu ikiorsiisarneq pillugu Inatsisartut peqqussutaannit erserpoq Naalakkersuisut paaqqinniffiit ingerlannerinut tapiissuteqarsinnaasut.*

*Paaqqinniffiup Ombudsmandimut naammagittaalliuutigaa tapiissutigineqartut 354.000 kr.-nik amerlassusillit aningaasartuutit pingajorarterutaannit, paaqqinniffiup pisussaallugit isumaqarfigisaanit, ikinnerusut.*

*Ombudsmandip naammagittaalliuutip suliarinissaa itigartitsisutigaa, tassami Inatsisartut aningaasanut inatsisaat tassani pineqarmat, tamatumunngali peqatigitillugu Ombudsmandi isumaqarpoq paaqqinniffiup tapiissuteqarfigineqarneranut inatsisitigut tunngaviusoq erseqqarluttoqartoq, Ombudsmandilu pillugu inatsimmi § 11 naapertorlugu Inatsisartunut Naalakkersuisunullu tamanna pillugu nalunaarutiginnilluni. (J.nr. 11.01.99.04/050-03)*

Ingerlatsineranut tapiissutinik 569.000 kr.-nik qinnuteqaatimi 3. september 2002-meersup Namminersornerullutik Oqartussanit suliarineqarnera paaqqinniffiup allakkatigut 21. marts 2003-meersutigut naammagittaalliutigaa.

Naammagittaalliuut imatut paasivara paaqqinniffiup ilaatigut 354.000 kr.-nik aningaasaliissutit 2003-mi Inatsisartut aningaasanut inatsisissaattut siunnersuummit Inatsisartut 2003-mi upernaakkut ataatsimiinneranni suliarineqartumit takuneqarsinnaasut naammaginngikkai, ilaatigullu paaqqinniffiup qinnuteqaamminut Ilaqutariinnermut Pisortaqarfiup aatsaat 11. marts 2003-mi akissuteqarsimanera naammaginngikkaa, kiisalu paaqqinniffiup Ilaqutariinnermut Pisortaqarfimmut nutaamik saaffiginnissutaa 12. marts 2003-meersoq suli akineqarsimanngimmat naammaginngikkaa.

Tamanna pillugu paaqqinniffimmut allakkani 31. marts 2003-meersuni ima oqaaseqaateqarsimavunga:

”354.000 kr.-nik aningaasaliisoqarnissaanik siunnersuut pillugu naam-  
magittaalliuut eqqarsaatigalugu oqaatigaara:

*Ilaqutariinnermut Pisortaqarfiup aalajangiineranit 11. marts 2003-  
meersumit erserpoq:*

*”Pineqartoq: Qinnuteqaammumt akissut.*

*Ilaqutariinnermut Pisortaqarfik ilassutissatut aningaasaliisoqartinnagu 2002-mi  
aningaasanut inatsimmi aningaasaliissutigineqartunit amerlanerusunik tunnius-  
sisinnaanngilaq.*

*2003-mi aningaasanut inatsit 15. april 2003-mi akuerineqarpat Ilaqutariinner-  
mut Pisortaqarfik aningaasanut inatsit nutaaq malillugu tunniusisinnaalissaaq.  
Oqaatigineqarsinnaavoq aningaasanut inatsisissatut siunnersuummi konto  
30.14.15-imi paaqqinniffimmut 354.000 kr.-t immikkoortinneqarsimasut. Siusin-  
nerusumut sanilliullugu ikilisitsineq pisariaqartumik sipaarniuteqartoqarneranik  
pissuteqarpoq.” (Atorfeqarfimmi nutsigaavoq.)*

*Oqaatigineqartutut 2003-imi Inatsisartut aningaasanut inatsisissaattut  
siunnersuummit erserpoq paaqqinniffimmut 354.000 kr.-nik tapiissuteqar-  
toqarnissaa siunnersuutigineqarsimasoq.*

*Aammattaaq aningaasanut inatsisissatut siunnersuummi oqaatigineqar-  
poq tapiissutit taakku inersimasunut paaqqinniffiit immikkut siunertallit  
pillugit Inatsisartut peqqussutaat nr. 6, 28. april 1988-imeersoq aamma i-  
nersimasunut paaqqinniffiit immikkut ittut pillugit Namminersornerullutik  
Oqartussat nalunaarutaat nr. 10, 1. april 1995-imeersoq tunngavigalugit  
tapiissutigineqassasut.*

*Aningaasanut inatsisissatut siunnersuummi aningaasaliinermut tunnga-  
vinnit aamma erserpoq paaqqinniffik tassaasoq paaqqinniffik imminut  
pigisoq, Namminersornerullutik Oqartussat ingerlatsinermut aningaasar-  
tuutit pingajorarterutaannik tapiissuteqarfigisartagaat.*

*Taamaattumik aningaasanut inatsisissatut siunnersuummi konto  
30.14.15 imatut paasivara paaqqinniffimmut tapiissutit suut tunniunne-  
qassanersut Inatsisartut aalajangeeqqullugit Naalakkersuisunit qinnuigi-  
neqarsimasut.*

*Naalakkersuisut inatsisissatut siunnersuutininik saqqummiussisarnerat,  
matumani aningaasaliissutinut inatsisissatut siunnersuutit ilanngullugit  
eqqarsaatigalugit, Naalakkersuisut aqutsinermi sulinerisa ilaginngilaat.  
Naalakkersuisulli Tunngaviusumik Inatsimmi § 21 inatsisitigut immikkut  
tunngavigalugu inatsisissatut siunnersuutininik saqqummiussisarput.*

*Uanga sulinera Naalakkersuisut aqutsinermi sulinerannut sammiti-  
taavoq, tak. Inatsisartut Ombudsmandiat pillugu Inatsisartut inatsisaanni  
§ 4, imm. 1 aamma § 5.*

*Kisianni Naalakkersuisut Tunngaviusumik Inatsimmik immikkut tunnga-  
veqarlutik sulinerat pillugu naamagittaalliuutit suliarinissaannut pisin-  
naatitaanngilanga.*



*Aammattaaq pineqartoq tassaavoq Inatsisartut aningaasanik inatsisisatut siunnersuummik suliarinninnerat pillugu naammagittaalliut suliarisinnaanngikkiga, tassami pisinnaatitaaninni Inatsisartut sulinerat ilaatinneqanngimmat.*

*Ilaqutariinnermut Pisortaqarfiup aalajangiineranik uanga tunginnit suliarinninnerup Naalackersuisut aningaasaliissutissatut siunnersuuttaannik imaluunniit Inatsisartut taassuminnga suliarinninneranut oqarnittut suliarissallugu pisinnaatitaaffiginngisannut isummerfiginnittariaqarnissara nassatarissavaa.*

*Taamaattumik Ilaqutariinnermut Pisortaqarfiup aalajangiinera 11. marts 2003-meersoq pillugu naammagittaalliutip suliarineqarnissaa itigartitsissutigaa.*

*Tamatunngali peqatigitillugu isumaqarpunga paaqqinniffimmut tapiissuteqartarnermut inatsisitigut tunngavigisaq nalorniartoqarsinnaasoq.*

*Aningaasanut inatsisisatut siunnersuummit Inatsisartut peqqussutaanni innersuussutigineqartumit, Inatsisartullu peqqussutaatigut nr. 5-ikkut, 11. maj 1993-imeersukkut allannqortinneqarsimasumit ilaatigut makku er-serput:*

*”§ 3. Inatsisartut peqqussutaat manna malillugu paaqqinniffiit imminut pigisut pilersinneqarsinnaapput, Isumaginninnermi Naalackersuisoq kommunalbestyrelseluunniit atavigineqartoq ingerlatsinissamut isumaqatigiissuteqarfigisimagaanni.*

*§ 4. Isumaginninnermi Naalackersuisup pisariaqartiisineq naapertorlugu paaqqinniffiup pilersinneqarnissaanut, atorneqarnissaanut, aaqqissuuneqarnissaanut, aqunneqarneranut ingerlanneqarneranullu malittarisassat aalajangersartassavai, matumani ilanngullugit akiliuteqartarnissamut aalajangersakkat kiisalu paaqqinniffimmi perorsaanikkut malittarisassat.*

...

§ 6. ...

*Imm. 2. Isumaginninnermi Naalackersuisup aalajangersagai erseqqinnerusut malillugit paaqqinniffiit nuna tamakkerlugu paaqqinniffiunngikkaluartut landskar-simit tapiiffigineqarsinnaapput, takuuk § 4, imm. 1.”*

*Peqqussutissatut siunnersuut 1988-imeersoq pillugu ataatsimoortumik oqaaseqaatinit ilaatigut makku er-serput:*

*”Inersimasunik paaqqinniffiit immikkut siunertallit pillugit Inatsisartut peqqus-sutissaattut siunnersuummi saqqummersuni Namminersornerullutik Oqartussat kommunilluunniit inersimasumut paaqqinniffinnik assigiinngitsunik immikkut ittunik pilersitsillutillu ingerlatsinnaanissaat pisortatigulluunniit tapiissuteqarsinnaanis-saat inatsisitigut tunngavissinneqarpoq.*

...

*Inatsisartut peqqussutissaattut siunnersuut manna pingaartumik ullumikkut paaq-qinniffinni suliniutaasartut ilisimaneqartut saniatigut pilersitsisinnaanermut neqe-roorutitut isigineqassaaq. Taamaattumik aqutsinikkut aningaasatigullu kinguneri-sassai eqqarsaatigalugit apequtaasussaavoq periarfissatut siunnersuutip qanoq annertutigisumik atorniarneqarumaarnissaa. Oqaatigineqassaarli pisortat sanaar-tornikkut sipaaruteqarsinnaanerannut aqutissiuisuusinnaammat, tassani paaqqin-*

*niffiup imminut pigisup nammineerluni ininik siunertamut atugassanik pissarsisinnaanera aalajangiisuussalluni.*”

*Peqqussutip 1993-imi allanngortinneqarnerani § 6-ip massakkut ilutsimik ilusilerneqarfiani peqqussutissatut siunnersuut ataatsimoortumik oqaaseqaatinik ilaatigut imaattunik ilaqqartinneqarpoq:*

*”... paaqqinniffinnut assigiinngitsunut ingerlatsinermut aningaasartuutit eqqarsaatigalugit aningaasaliissuteqartarnermut assigiinngitsunik malittarisassaliorsinnaanermut inatsisitigut erseqqissumik tunngavissaliisoqarnissaa kissaatigineqarpoq – landskarsimit 100%-imi aningaasaliisarnermiit kommunit 100%-imik aningaasaliisarnerat taakkulu akornanni landskarsimit ilaannakortumik aningaasaliisinaanerit ilanngullugit.”*

*Inersimasunut paaqqinniffiit immikkut ittut pillugit Namminersornerullutik Oqartussat nalunaarutaanni nr. 10-mi 1. april 1995-imeersumi, inersimasunut paaqqinniffiit immikkut siunertallit pillugit Inatsisartut peqqussutaanni nr. 6-imi 28. april 1988-imeersumi § 4, imm. 1-imik aamma § 6-imik inatsisitigut tunngaveqartutut oqaatigineqartumi kapitali 7-imi ingerlatsineq pillugu aalajangersakkat makku ilaatigut aalajangersarneqarsimapput:*

*”§ 23. Paaqqinniffiit tamarmik immikkoorlutik naatsorsuusiortinneqartassapput. Naatsorsuutit kukkunersiorneqarsimallutillu akuerisat ukiup naatsorsuusiortiusup naanerani sapinngisamik piaarnerpaamik, kingusinnerpaamillu qaammatit arfinililit qaangiutsinnagit Isumaginninnermut Pisortaqarfimmu akuerisassanngorlugit nassiunneqartassapput.*

*Imm. 2. ...*

*§ 24. Isumaginninnermut Pisortaqarfik kommunit paaqqinniffiisa imaluunniit paaqqinniffiit imminnut pigisut ingerlanneqanerinut tapiissuteqarsinnaavoq.*

*§ 25. Paaqqinniffiup ingerlanneqarneranut Isumaginninnermut Pisortaqarfik tapiissuteqartarpat tapiissutit qaammatisiutit ukiuannut ataatsimut akuersissutigineqartassapput. Taamaattorli tapiissutit piffissamut 1. julip kingornaniittumut tunngasut § 23-mi naatsorsuutit kukkunersiorneqarsimallutillu akuerineqarsimasut taaneqartut Isumaginninnermut Pisortaqarfimmitt tiguneqarpata aatsaat tunniunneqarsinnaapput.*

*Imm. 2. ...”*

*Ilaqtariinnermut Pisortaqarfik oqarasuaatikkut 24. marts 2003-mi qinnuigaara ingerlatsinermut isumaqatigiissut 1. juli 1996-imeersoq, paaqqinniffiup uannut naammagittaaliuummini innersuussutigisimasaa misisugassanngorlugu nassiuteqqullugu, taannami malillugu Namminersornerullutik Oqartussat ingerlatsinermut aningaasartuutit pingajorarterutaannik tapiissuteqarnissaminnut pisussaaffeqartussaasimmata.*

*Pisortaqarfiup oqarasuaatikkut 26. marts 2003-mi akivaanga isumaqatigiissut taanna pisortaqarfiup tigumminngikkaa.*

*K Kommuni taamatuttaaq oqarasuaatikkut 26. marts 2003-mi attaveqarfigaara, taassumalu ingerlatsinermut isumaqatigiissut kalaallisut al-*

lanneqarsimasoq, kommunimit aamma paaqqinniffimillu 13. juni 1996-imi atsiorneqarsimasoq nassiuppaa, taamatuttaarlu ingerlatsineranut isumaqatigiissut qallunaatut allanneqarsimasoq (atsiorneqanngitsaq) kommunip nassiullugu.

Isumaqatigiissummi § 4, imm. 2-mit erserpoq:

”Ingerlatsineranut missingersuutit annertussusaasa 50%-iat<sup>7</sup> K Kommunip matussusertarpaa.

Namminersornerusut ukiumoortumik qinnuteqaateqarnikkut tapiissuteqartarput. ...”

Tamanna tunngavigalugu isumaqarpunga Namminersorerullutik Oqartussat tapiissutaat akuersissuteqarnikkut tapiissutaanersut, inatsisit tunngavigalugu tapiissutaanersut imaluunniit isumaqatigiissut tunngavigalugu tapiissutaanersut nalornissutigineqarsinnaasoq.

Taamaalilluni pineqartoq tassaavoq Ilaqutariinnermut Pisortaqarfiup aalajangiinermini 11. marts 2003-meersumi oqaatigigaa paaqqinniffimmut tapiissuteqartoqarnissaani aningaasaqarnermut inatsimmi aningaasa-liis-sutit aalajangiisuusut.

Tamatumunnga peqatigitillugu pineqartoq tassaavoq aningaasanut inatsisissatut siunnersuummit aamma inersimasunut paaqqinniffiit imikkut siunertallit pillugit Inatsisartut peqqussutaata allanngortinneqarneranik Inatsisartut peqqussutaat nr. 5, 11. maj 1993-imeersoq pillugu oqaaseqaatiniit ersertoq Inatsisartut peqqussutaat taanna tassaasoq tapiissuteqarnissamut inatsisitigut tunngaviusoq.

Tamatuma saniatigut Namminersorerullutik Oqartussat paaqqinniffimmut ingerlatsineranut aningaasartuutit pingajorarterutaannik tapiissuteqartarnerat aningaasanut inatsisissatut siunnersuummi innersuussutigineqarpoq. Namminersorerullutilli Oqartussat pingajorarterutinik taamatut suna tunngavigalugu tapiissuteqartarnerat paasissutissanik peqanngilaq. Tamatumunnga atatillugu oqaatigaara uannut paasissutissiissutigineqartut malillugit Namminersorerullutik Oqartussat ingerlatsineranut isumaqatigiissummik Namminersorerullutik Oqartussanik akuereqarsimasumik Namminersorerullutillu Oqartussat tapiissuteqarnissamut pisussaaffeqarfigissaminnik tigungmiaqanngitsut.

Isumaqarpunga paaqqinniffiup suna tunngavigalugu tapiissutisisinnaanera nalaalornissutigineqannginnissaa pingaartuusooq.

Taamaalilluni pineqartoq tassaavoq tapiissutit inatsimmik tunngaveqarluni tapiissutigineqartarpata tapiiffigineqarnissamik qinnuteqaatit ingerlatsineramik inatsiseqartitsinermi malittarisassat malillugit aalajangiiffigineqassasut, matumani suliassat suliarineqartarnerat pillugu inatsit ilanngullugu eqqarsaatigalugu, taamatuttaarlu Inatsisartut pisumi matumani, tak. Tunngaviusumik Inatsimmi § 3-mi oqaaseqatigiit pingajui,

7. Qallunaatuani 60%-it taaneqarsimapput.

*paaqqinniffiup tapiissutinik sunik pisinnaatitaanera pillugu aalajangiisinnaanersut nalorninartoqartussaalluni.*

*Tamatuma paarlattuanik isumaqatigiissut tunngavigalugu pisussaaffik Namminersornerullutik Oqartussat tigusimasaat pineqarpat paaqqinniffiup aningaasanut inatsimmi aningaasaliissutaasut apequtaatinnagit tapiissutit tunniunneqarnissaat piumasaaqatigisinnaasussaavaa.*

*Aningaasartuutit akuersissuteqarnikkut tunniunneqartartut aatsaat pineqarpata tapiiffigineqarnissamik qinnuteqaatip aalajangiiffigineqarnesani aningaasaliissuteqarnermut tunngaviusooq aalajangiisuusussaavoq.*

*Taamaattumik Ilaqutariinnermut Pisortaqarfik allakkatigut allatigut allakkat uku assilinerinik ilaqartinneqartutigut ajornartorsiummik taasuminnga ilisimatippara, pisortaqarfilla qinnuigalugu oqaaseqaatikka qanoq iliuseqarnissamut pissutissaqalersitsinersut nalunaarfigeqqullunga.*

*Paaqqinniffiup qinnuteqaataata 3. september 2002-meersup Ilaqutariinnermut Pisortaqarfimmit aatsaat 11. marts 2003 akineqarnera pillugu oqaatigaara:*

*Naammagittaalliummik matuminnga misissuinerup aningaasanut inatsisissatut Naalakkersuisut siunnersuutaannik Inatsisartut suliarinninnerannik utaqqimaarinninnissap Ilaqutariinnermut Pisortaqarfimmut pisariaqarneranik isummerfiginnittariaqarnera kingunerissavaa.*

*Taamaaliornikkut akuersissuteqarnikkut aningaasaliissutit imaluunniit inatsit tunngavigalugu aningaasaliissutit pineqarnersut taamalu Inatsisartut pisinnaatitaanerat toqqaannangikkaluamik isummerfigisariaqalissavara.*

*Qulaani oqaatigineqartutut Inatsisartut sulinerannik misissuineq uanga pisinnaatitaanerma avataaniippoq.*

*Tamatuma kingorna paaqqinniffiup naammagittaalliuutaata tassunga tunngasortaata suliarineqarnissaa aamma itigartitsissutigisariaqarpara.*

*Paaqqinniffiup allagaanut 12. marts 2003-meersunut Ilaqutariinnermut Pisortaqarfip akissuteqarsimanninneranut naammagittaalliuut pillugu oqaaseqaatikka.*

*Paaqqinniffiup naammagittaalliuutaa suliap pisortaqarfimmi suliarineqarnerata nukingisaarutigineqarneratut paasivara.*

*Taamaattumik pisortaqarfimmut ilisimatitsissuteqarninnut atatillugu paaqqinniffiup kisaatigisaa taanna piaartumik akissuteqaqqusineramik kissaatigisatut ingerlateqqissimavara.*

*Taamaattumillu paaqqinniffiup saaffiginnissutaa Ilaqutariinnermut Pisortaqarfip piffissap sivikinnerusup iluani akissagaa naatsorsuutigaara.*

Naggasiutaasumik oqaaseqaatika.

*Paaqqinniffimmut tapiissuteqarnissamut inatsisitigut tunngavigisaaq pil-lugu oqaaseqaatinmut pisortaqarfiup akissutaa utaaqqimaarpara, ajornar-torsiummullu atatillugu iliuseqartariaqarnerlunga isummerfigereeruklut paaqqinniffik ilisimatinniirpara.*

*Allakkat uku assilineri K Kommunimut matumunnga peqatigitillugu nas-siuppakka.”*

Ilaqutariinnermut Pisortaqarfiup allakkani 25. juli 2003-mik ullulikkani, 8. september 2003-mi tigusimasanni, ima akissuteqarfigaanga:

“...

Pisortaqarfiup ajuusaarutigaa paaqqinniffimmut tapiissutit aningaasaliissutitigut pisussaaffittut aningaasartuutaassanersut, inatsisitigut pisussaaffittut aningaasartuu-taassanersut imaluunniit isumaqatigiissuteqarnikkut inatsisitigut pisussaaffiunersut aningaasanut inatsisissatut siunnersuummi erseqqissumik allassimangimmat.

Ombudsmandip nassuiaataani allassimavoq Ilaqutariinnermut pisortaqarfiup at-siugaanik ingerlatsinnermut isumaqatigiissummik ersitsoqanngitsoq taamaattumillu isumaqatigiissuteqarnikkut inatsisitigut pisussaaffeqarneq pineqarsimanavianngit-soq.

Inatsisitigut tunngavittut aningaasanut inatsisissatut siunnersuummi oqaatigine-qartoq kukkuneruvoq, inersimasanut paaqqinnittarfinnut immikkut ittunut inatsisit taamaallaat innersuussutigineqarmata tassami paaqqinniffik meeqqanut inuusuttu-nullu orniguttarfiummat.

1. juli 2003 tikillugu inatsisitigut tunngaviusoq eqqortoq tassaassaaq meeqqanik inuusuttunillu ikiorsiisarneq pillugu Inatsisartut peqqussutaanni nr. 9-mi, 30. okto-ber 1992-imeersumi kingusinnerusuklut allannguuteqartinneqartumi misiligutaa-sumik aaqqiussusseq pillugu § 47 aamma aningaasalersuineq pillugu § 48, imm. 2, tassani allassimavoq Naalakkersuisut paaqqinnittarfiit ingerlanneqarnerannut tapiis-suteqarsinnaasut.

1. juli 2003-p kingorna inatsisitigut tunngaviususaaq eqqortoq tassaassaaq mee-qqanik inuusuttunillu ikiorsiisarneq pillugu Inatsisartut peqqussutaanni nr. 1-imi, 15. april 2003-meersumi § 22, imm. 4 paaqqinnittarfinnut imminnut ingerlattunut inat-sisitigut tunngavissaqartitsisoq aamma § 37, imm. 3 malillugu Naalakkersuisut paaqqinnittarfiit ingerlanneqarnerannut tapiissuteqarsinnaammata.

Taamaattumik Naalakkersuisut paaqqinniffimmut tapiissuteqarnissaminnut pi-sussaaffeqanngillat taamaattumillu inatsisitigut pisussaaffigineqartumik aningaasar-tuutit pineqaratik.

Paaqqinniffimmut ukiumoortumik aningaasanut inatsisikkut tapiissuteqartoqar-tarpoq taamattumillu aningaasaliissutitigut pisussaaffiusumik aningaasartuutitut isi-gineqartariaqartoq.”

Inatsisartut Inatsisit Atortinneqarnerannut Ataatsimiititaliaannut 26. sep-tember 2003-mi allappunga, Naalakkersuisut Allattoqarfiannut Ilaqutariin-nermullu Pisortaqarfimmut nuutinnilerlugit:

”Allakkanut 31. marts 2003-meersunut, Ilaqutariinnermut Pisortaqarfimmut nas-siussimasannut, ilanngullugit nassiunneqartunut, aamma pisortaqarfiup akissutaanut

25. juli 2003-meersumut, taamatutaaq assilinera ilanngullugu nassiussannut, inner-suussillunga Inatsisartut Naalakkersuisullu, tak. Ombudsmandi pillugu inatsimmi § 11, nalunaarfigaakka meeqqanut inuusuttunullu ulloq unnuarlu paaqqinniffinnut aningaasaliissutissatut akuersissutigineqartunut inatsisitigut tunngaviusoq nalornis-suteqalersitsisinnaasoq.

Taamaalilluni meeqqanik inuusuttunillu ikiorsiisarneq pillugu Inatsisartut peqqussutaanni nr. 1-imi, 15. april 2003-meersumi, 1. juli 2003-mi atuutilersumi, § 37, imm. 3-mit erseperpoq paaqqinnittarfiit sananerinut ingerlatinnerinullu aningaasartuutitut Naalakkersuisut tapiissuteqarsinnaasut.

Naalakkersuisut inatsisissatut siunnersuummi aalajangersakkamut oqaaseqaatigisaannit erseperpoq:

”Inatsisartut paaqqinnittarfiit sananerinut ingerlatinnerinullu aningaasartuutitut tapiissuteqarsinnaaneranut periarfissaq peqqussummut atuuttumut naapertorlugu allanngortinneqanngilaq.”

Meeqqanik inuusuttunillu ikiorsiisarneq pillugu Inatsisartut peqqussutaanni, siornatigut atuuttumi, nr. 9-mi, 30. oktober 1992-meersumi ima allasimasoqarpoq, ”Kalaallit Nunaanni Inatsisartut paaqqinnittarfiit sananerinut ingerlatinnerinullu aningaasartuutitut tapiissuteqarsinnaapput.” Aalajangersagaq taanna Inatsisartut peqqussutissaannut piareersaataallutik suliani sukumiinerusumik itisilerneqarsimanngilaq.

Matuma saniatigut tassani pineqarpoq ulloq unnuarlu paaqqinniffinnut tapiissutit aningaasanut inatsimmi aningaasaliissutitut tunniunneqartarsimasut, tak. 2003-mut Inatsisartut aningaasanut inatsisaat, konto 13.14.15 aamma konto 13.14.16.

Isumaqarpunga meeqqanut inuusuttunullu paaqqinniffinnut tapiissuteqartarnermi malittarisassanut tunngaviusoq atuuttoq imaannaq nalornissuteqalersitsisinnaasunik imaattunik apeqqusiisoq:

- Naalakkersuisut aningaasaliissuteqarnissaminnut pisinnaatitaappat, tassami Inatsisartut peqqussutaata atuuttup oqaasertaasa taassumalu piareersarneqarnerani suliat akornanni naapertuutinnngitsaqarmat ?

- Naalakkersuisut meeqqanik inuusuttunillu ikiorsiisarneq pillugu Inatsisartut peqqussutaat tunngavigalugu taamatut pisinnaatinneqarpata, aalajangiinermi tunngaviusussat suut malillugit tapiissuteqartoqarsinnaanissaa, matumani aamma ilanngullugu Naalakkersuisut tapiissutitut aningaasaliissutissatigut tamatuma nalaani matussutissaqarnersoq pingaartissinnaajumaarneraat, erseqqarluppoq.

- Naalakkersuisut Inatsisartut peqqussutaanni tunngaveqarlutik tapiissuteqarsinnaasussaassappata, tamatuma imaannaq kingunerissavaa Naalakkersuisut aningaasaliissutissaqannginnermut inner-suussiinnarlutik tapiissuteqarfiginninnissamik itigartitsisinnaassanngitsut, tassami aningaasanut inatsimmi aningaasaliissuteqarneq tassaammat Naalakkersuisut tapiissutiginiagaannut taakkununga Inatsisartut aningaasartuutigisassatut ilimagisaat pillugit nalilersuinnermut ersiutaasoq.

- Aammattaq tassani pineqarpoq Naalakkersuisut tapiissuteqarnissaminnut pisinnaatitaappata, taava suliffeqarfiit/paaqqinniffiit sorliit tapiissuteqarfigineqartussaanerannik (imaluunniit tapiissuteqarfigineqarsinnaanerannik) aningaasanillu qanoq amerlatigisunik tapiissuteqarfigineqassanerannik Inatsisartut tungaanniit (aningaasanut inatsit aqutigalugu aningaasaliissuteqarneq) isummerfiginninneq ima kinguneqaassaq, suliffeqarfiit tapiissuteqarfigineqarumallutik meeqqanik inuusuttunillu ikiorsiisarneq pillugu Inatsisartut peqqussutaat malillugu piumasarisasaasunik naammassinnittutut imminnut isumaqarfigisut, aningaasanulli inatsit malillugu tapiissuteqarfigineqarsinnaanngitsut imaluunniit akuersissutigineqartuninngarnit amerlanerusumik tapiissuteqarfigineqarsinnaanngitsut, suliap innuttaasunut inatsisi-

tigut qularnaveeqqutaasunik tassaneereersunik ilaqartillugu eqqartuussisuni misilin-neqartinnissaanut akornuserneqarsimassasut.

Aammattaaq tapiissuteqarfiginninnginneq pillugu taamatut aalajangiineq pillugu naammagittaalliummik suliaqarsinnaanngilanga, aammattaaq tak. paaqqinnittar-fimmit naammagittaalliummik, tapiissutit suliffeqarfiup pisinnaasaasa angissusis-saat pillugu suliffeqarfiup aamma Ilaqutariinnermut Pisortaqarfiup akornanni isu-maqatigiinnngissuteqarnermut tunngasumik, itigartissuteqarnera.

Eqqartuussiviit qullersaata atuagassiami Ugeskrift for Retsvæsenimi 1999-imeer-sumi, quppernermi 841-mi tulliinilu issuaavigaa eqqartuussut (suliaq Tvind-imut tunngasoq), inatsisitigut akuliunnikkut aalajangiivigineqartoq ima siunertalik, sulif-feqarfik tapiissutinik inatsisinik tunngavilinnik piumasaqarsinnaanersoq ima kingu-nilimmik, suliffeqarfik tapiissuteqarfigineqarsinnaatitaaneq pillugu ingerlatsiviup suliffeqarfiullu akornanni isumaqatigiinnngissuteqarneq pissutigalugu eqqartuus-sisuni misilinneqartitsisinaanani, Inatsisini Tunngaviusuni § 3, oqaaseqatigiit pi-ngajuinut akerliusutut atorsinnaassuseqanngitsoq, tassami taamatut aalajangiineq i-natsisisartut suliassaasa ataanniinnani eqqartuussiviit suliassaasa ataanniimmat.

Allakkat uku assilinerisigut immikkullu allakkatigut Naalakkersuisut qinnui-gaakka nalunaarfigeqqullunga matuma siuliini allaaserineqartut qanoq iluuseqarnis-samut pissutissaqartitsileresut.

Tamanna ilutigalugu Ilaqutariinnermut Pisortaqarfik allakkat uku assilinerannik nassippara.

Inatsisit Atortinneqarnerannut Ataatsimiititaliaq qinnuigaara ataatsimiititaliaq suliassaq suliariniarlugu pilersaarpat, tamatuminnnga nalunaarfigeqqullunga.”

Naalakkersuisut Allattoqarfiannit akissummik imaattumik 20. oktober 2003-mi tigusaqarpunga:

”Inatsisartut Ombudsmandiat allakkani 26. september 2003-meersuni Naalakker-suisunut nalunaaruteqarpoq, tak. Ombudsmandi pillugu inatsimmi § 11, meeqqanut inuusuttunullu ulloq unnuarlu paaqqinniffinnut tapiissuteqarnermut inatsisitigut tunngaviusoq nalornissuteqalersitsisnaasoq. Inatsisartut Ombudsmandiata Naa-lakkersuisut qinnuigai tamanna sutigut qanoq iluuseqarnissamut pissutissaqalersit-sineranik nalunaarfigeqqulluni.

Allakkani 6. oktober 2003-meersuni Naalakkersuisut Allattoqarfiata Ilaqutariin-nermut Pisortaqarfik matumunnga oqaaseqaqqullugu qinnuigisimavaa.

Allakkani 14. oktober 2003-meersuni, tak. assilinerat ilanngunneqartoq, Ilaquta-riinnermut Pisortaqarfik ilisimatitsissuteqarpoq meeqqanut inuusuttunullu ikiorsii-sarneq pillugu Inatsisartut peqqussutissaata nutsaap suliarineqarnerani ajoraluar-tumik kukkusoqarsimasoq, taamaalilluni § 37, imm. 3-mi Naalakkersuisut Inatsisar-tunut taarsiullugit allanneqarsimallutik, kukkunerlu sapinngisamik piaarnerpaamik naqqinneqarumaartoq. Naalakkersuisut Allattoqarfiat tamanna tunngavigalugu suliami annertunerusumik iliuuseqaaqqissanngilaq.” (Atorfeqarfimmi nutsigaavoq.)

Ilaqutariinnermut Pisortaqarfimmit imaattunik 10. november 2003-mi ti-gusaqarpunga:

”Aallaqqaammut Pisortaqarfiup ajuusaarutigaa Ombudsmandimut allakkatigut 25. juli 2003-meersutigut paragrafi kukkusoq innersuussutigineqarsimammat, tassa paaqqinniffik kukkusumik ulloq unnuarlu paaqqinnittarfittut isigineqarsimammat.

Meeqqanik inuusuttunillu ikiorsiisarneq pillugu inatsisartut peqqussutaanni § 22, imm. 4, 1. juli 2003-p kingorna inatsisitigut tunngavigineqalissasoq allakkatigut innersuussutigineqarpoq, innersuussissut taanna eqqunngilaq. Meeqqanik inuusuttunillu ikiorsiisarneq pillugu inatsisartut peqqussutaat nutaaq malillugu paaqqinniffiup tapiiffigineqartarnissaanut inatsisitigut tunngavissaqanngilaq.

Meeqqanik inuusuttunillu ikiorsiisarneq pillugu inatsisartut peqqussutaanni § 37, imm. 3-mut Naalakkersuisut oqaaseqaataanni atuarneqarsinnaavoq inatsisartut peqqussutaata nutaap akuersissutigineratigut periutsimik allanngortitsinissaq siunertaanngitsoq. Periusaareersup atatiinnarnissaa Naalakkersuisut kissaatigaat, taamaallilluni paaqqinnittarfinnik ingerlatsinermut pilersitsinermullu tapiissuteqartarneq eqqarsaatigalugu Inatsisartut aningaasaliinissamat pisinnaatitaanerat ingerlaannartussanngorlugu. Meeqqanik inuusuttunillu ikiorsiisarneq pillugu inatsisartut peqqussutaata nutaap suliarinerani ajoraluurtumik kukkusoqarsimavoq, tassa § 37, imm. 3-mi Inatsisartunik allassimasussaagaluartoq Naalakkersuisunik allassimammat.

Kukkuneq piaarnerpaamik iluarsineqassaaq.”

### Ulloq 11. november 2003-mi Naalakkersuisunut allappunga:

”Meeqqanik inuusuttunillu ikiorsiisarneq pillugu Inatsisartut peqqussutaanni nr. 1-imi, 15. april 2003-meersumi § 37, imm. 3-mik Ombudsmandi pillugu inatsimmi § 11 tunngavigalugu nalunaarutiginninninnut Naalakkersuisut akissutaat 20. oktober 2003-mi tiguara.

Naalakkersuisut Allattoqarfiata akissummini oqaaseqaat Allattoqarfiup Ilaqutariinnermut Pisortaqarfimmit pissarsiarisimasani innersuussutigaa.

Ilaqutariinnermut Pisortaqarfiup oqaatigisimavaa inatsisit oqaasertaat kukkuner-taqartut, tassami allassimasussaagaluar-mat paaqqinniffiit ingerlanneqarnerannut Inatsisartut tapiissuteqarsinnaasut, imaanngitsoq Naalakkersuisut.

Ilaqutariinnermut Pisortaqarfiup aamma oqaatigisimavaa pisortaqarfiup allakkani 25. juli 2003-meersuni paaqqinnittarfimmik ulloq unnuarlu paaqqinniffittut allaaserinnissimanagera aamma kukkunerusoq.

Kiisalu Ilaqutariinnermut Pisortaqarfiup oqaatigisimavaa Inatsisartut peqqussutaanni § 37, imm. 3- p kukkuneqarsimanagera piaarnerpaamik aqqinneqarniar-toq.

Ilaqutariinnermut Pisortaqarfiup akissutaata kingulliup imatut oqarnissannut pisutissaqalersippaanga, tassalu paaqqinniffimmut (paaqqinniffinnullu taassuma assigisaanut) tapiissuteqarnissami meeqqanik inuusuttunillu ikiorsiisarneq pillugu Inatsisartut peqqussutaat inatsisitigut tunngavigisatut atussallugu ilumut eqqortuunersoq nalorninar-toqartoq, paaqqinniffik pineqartoq ulloq unnuarlu paaqqinniffiunngippat peqqussummi pineqartunut ilaatinneqartoq.

Inatsisartut peqqussutaanni aalajangersagaq alla ”paaqqinniffinnik” taasaqartoq tassatuaavoq § 37, imm. 3. Taaguut taanna peqqussutit oqaasertaani peqqussutil-luunniit suliarineqarnerani suliani erseqqinnerusumik nassuiarneqarsimanngilaq.

Aammattaq suliassaarfinni tapiissutit ingerlatsinermi inatsiseqartitsineq pil-lugu malittarisassat malillugit tamatumunnga peqatigitillugu tapiissuteqarfiusartutut (-sinnaasutut) aalajangersaavigineqarsimanngitsuni Inatsisartut tapiissuteqarnissamik aalajangiisinaanerat Inatsisartut peqqussutaanni immikkut malittarisassami aalajangersassallugu tunngavissaqarnersoq uannut erseqqarluppoq.

Taamaallilluni pineqartoq tassaavoq Inatsisartut taamaallaat Tunngaviusumik Inatsimmi § 46, imm. 2-mi aningaasaliinnermut inatsimmi inatsisitigut tunngaveqar-nissamik aallaavik Namminersorerullutik Oqartussat aningaasaliinnermut inatsi-saannut aamma atuuttusoq, inatsisitigut tunngavigalugu, aningaasanut inatsit aq-putigalugu tapiissuteqartoqarnissaanik aalajangiisinaanasut, Naalakkersuisut tapiif-



figineqartussamut tapiissuteqarnissaminnut pisussaaffeqarneranik sunniuteqartumik.

Taamaalilluni tapiissuteqartoqarnissaanik Inatsisartut aalajangiissappata suliasaqarfimmi tapiiffigineqartussami inatsisikkut immikkut malittarisassaqaarnissaa piumasaqataaangilaq.

Taamaattumik Naalakkersuisut qinnuigaakka Inatsisartut peqqussutaanni pineqartumi § 37, imm. 3 atatiinnartariaqarnerseq naliliiffigeqqullugu, Namminersorne-rullutik Oqartussat paaqqinniffimmut (paaqqinniffinnullu allanut Naalakkersuisut isumaat malillugu § 37, imm. 3-p ataaniittutut isigineqartunut) tapiissutaat taamaallaat Aningaasanut Inatsit inatsisitigut tunngavigalugu tapiissutigineqartarnissaat eqqarsaataappat.

Naalakkersuisut qinnuigaakka qulaani taaneqartut pillugit oqaaseqaatik uannut nalunaarutigeqqullugit.

Allakkat uku assilineri Inatsisartut Inatsisit Atortinneqarnerannut Ataatsimiititaliaannut, matumunnga peqatigitillugu Allattoqarfiup allagaasa aamma Ilaqutariinnermut Pisortaqarfiup Allattoqarfimmut akissutaata assilinerinik tunineqartunut, nassiuppakka.”

Ilaqutariinnermut Pisortaqarfiup akissutaanik imaattumik 17. december 2003-mi tigusaqarpunga:

”Paaqqinniffik isumaginninnermi perorsaanermik immikkut neqeroorutit isigineqarpoq taamaattumillu inatsisitigut tunngavissaq eqqortoq tassaassalluni meeqqanik inuusuttunillu ikiorsiisarneq pillugu Inatsisartut peqqussutaanni nr. 1-imi, 15. april 2003-meersumi § 35.

Naalakkersuisut siunertaraat paaqqinniffimmut allanullu isumaginninnermi perorsaanermik immikkut neqeroorutaasunut paaqqinnittarfiillu imminnut ingerlattut aningaasartuutiginnaasaannut Namminersorne-rullutik Oqartussat aningaasartuutaat aningaasanut inatsisit taamaallaat tunngavigalugu tunniunneqarsinnaassasut.

Qulaani taaneqartut Ombudsmandillu allakkatigut 11. november 2003-meersutigut oqaaseqaatai tunngavigalugit § 37, imm. 3-p atorunnaarnissaa Naalakkersuisut isumaliutigissavaat.”

Ilaqutariinnermut Pisortaqarfiup allagai kingulliit ukiup nalunaarusiunneqartup naanerani akissuteqarfigisimangilakka.

## 11.10 – Kommunit

### 01. Isumaginnineq pillugu inatsiseqartitsineq

#### 1. Ineqarnermut tapiissutinik qinnuteqaammik kommunip suliaqarnera.

*A, ineqarnermut tapiissutinik 2002-mi pisartagaqartinneqarsimasoq, K Kommunip paasinninnera malillugu ukiumut 2003-mut ineqarnermut tapiissutinik qinnuteqaammik 18. februar 2003-mi tunniussisimavoq, taamaattumillu 2003-mi qaammatinut januarimut februarimullu ineqarnermut tapiissutinik tunineqanngitsoorsimalluni.*

*Ombudsmandi isumaqarpoq A-p qinnuteqaataa ineqarnermut tapiissutit ingerlatiinnarneqarnissaannik qinnuteqaatitut suliarineqarsimasariaqaraluartoq siullermeertumillu qinnuteqaatitut pinnani, aammalu ineqarnermut tapiissutisinnissamik ukiup siuliani qinnuteqaat tunniunneqarsimasoq qaammatisiutit ukiuata naanerani atorunnaanngitsoq.*

*Suliaq pissutigalugu Ombudsmandi aamma Isumaginninnermut Suliffeqarnermullu Pisortaqarfiup ineqarnermut tapiissutit pillugit ilitsersuusiana 2001-imi novembarip qaammataani saqqummersimasumi kukkuneq pillugu aammalu innuttaasut paasissutisissussaatitaanerat pillugu ineqarnermut tapiissutit pillugit peqqussummi malittarisassap amigaateqarnera pillugu kiisalu naammagittaalliornissamik killiinermut peqqussummi malittarisassami amigaataasoq pillugu Inatsisartunut Naalackersuisunullu nalunaaruteqarpoq. (J.nr. 11.10.02.04/048-03)*

A-p akiitsut pissutigalugit inissiap attartukkami atorunnaarsinneqarnera pillugu naammagittaalliuutaa 14. marts 2003-mi tiguara, A-lu isumaqarpoq tamanna ineqarnermut tapiissutinik qinnuteqaammik kommunimit suliarineqarneranut atatillugu kukkuneramik pissuteqarsinnaasoq. Paasissutissaatini kommunip suliamik suliarinninnermut atatillugu atugassai kommunip tammaasimmagait A-p tamatumunnga atatillugu tamanna naammagittaalliutigaa.

Kommunimut 24. marts 2003-mi imatut allappunga:

”A-p, K-p illoqarfianeersup, naammagittaalliuutaa, assiliner ilanngullugu nasinneqartoq, Ombudsmandip tiguaa.

Suliaq misissuinissamat pissutissaqalersitsinersoq naliliiffigisinnaajumallugu A oqarasuaatikut 18. marts 2003-mi qinnuigaara ilassutaasunik paasissutisseeqqullugu.

A-p tamatumunnga atatillugu oqaatigaa piffissami sivisunerusumi ineqarnermut tapiiffigineqartarsimalluni, ineqarnermullu tapiissutisisaannarsinnaajumalluni ukiup 2002-ip naaneranut atatillugu kommunimut nutaamik qinnuteqaateqartussaasimalluni.

Ombudsmandi tamatumunnga atatillugu aalajangerpoq A-p ukiumi 2003-mi ineqarnermut tapiissutinik qinnuteqaataanik kommunip suliarinninnera isornartorsiuinissamut pissutissaqalersitsisinaanersoq misissorniarlugu.

Kommuni tamatumunnga atatillugu qinnuigaara isumaginninnermik ingerlatsiviup mappiutaa allagaatit A-mut tunngasut allaqqaarnerqarnerinik imaqartoq misissugassanngorlugu uannut nassiutequllugu.

Kommuni tamatumunnga peqatigitillugu qinnuigaara makku pillugit nassuiaateqaqullugu:

- Ineqarnermut tapiissutinik qinnuteqaqqinnermut atatillugu A-p attartornermut isumaqatigiissut takutissagaa kommunip qinnuigisimaneraa, taamaaliorsimagunilu sooq taamaaliorsimangersoq, tak. ineqarnermut tapiissutit pillugit Inatsisartut peq-qussutaanni § 9, imm. 2.
- A-p 2003-mi ineqarnermut tapiiffigineqarnissaminik qinnuteqaataa ataaseq arlalluunniit kommunimi tammaaneqarsimanagerat iluoornersoq, taamaassimapallu tamanna kommunip qanoq iliuseqarnissaanut pissutissaqalersitsimangersoq.
- A-p qinnuteqaataa (kingulleq) inaarlugu suliarineqarsimangersoq, taamaangippat kommuni qinnuigineqarpoq suliap inaarlugu suliarineqarsimannginneranut pissutaasoq nassuiaqullugu.
- 2003-p aallartinneranit A-p ineqarnermut tapiissutisisannginneranut atatillugu kommunip A/S Inissiaatileqatigiiffik INI attaveqarfigisimaneraa.
- Piffissaq suna aallartiffigalugu kommunip A 2003-mi ineqarnermut tapiissutisqaalersissimaneraa, tamanna suliami allagaatinit takuneqarsinnaangippat. Matumani ineqarnermut tapiissutit pillugit Inatsisartut peqqussutaanni § 8, imm. 1-imi ineqarnermut tapiissutit siullermik qinnutigineqarnerat pillugu malittarisasaq malillugu 1. januar 2003-mit kingusinnerusukku atuutilersussatut taakku akuersissutigineqarsimangersut nalunaarutigeqqara.
- 1. januarimi ineqarnermut tapiissutit ukiumoortumik aqqiivigineqarnissaanni atugassatut ilassutaasumik paasisutissanik kommunip innuttaasunit pissarsiniarnerani periaaseq suna malinneqartarnersoq, tak. ineqarnermut tapiissutit pillugit Inatsisartut peqqussutaanni § 9. Matumani ukiumoortumik aqqiissuteqarnermi atugassatut ineqarnermut tapiissutisisartut paasisutissanik kommunip nammineq qinnuigisarnerai, imaluunniit innuttaasut ineqarnermut tapiissutisisaannassaganik namminneq kommunimut saaffiginnittarnissaat kommunip tunngavigineeraa nalunaarutigeqqara.”

Kommunip akissutaa imaattoq 29. april 2003-mi tiguara:

”Paasisutissanik piumasaqarsimangersi tunngavigalugu imatut nassuiaateqarniar-punga.

Ajoraluartumik qinnuteqaammik pappiaramik takussutissaateqaqngilagut, pissutigalugu takusinnaasattit qinnuteqaammik tunniussisoqarsimanngilaq naak inut-taa oqaraluartoq tunniussisimalluni maanili allaffimmi takussutissaqanngilaq.

Sulisuusugut tamatta immikkut tiggummaiqartaratta suliassanik agguataarneri tunngavigalugit tamattali taakkununnga tunngasumik tiggumiaqarata, eqqaamasagulli malillugit meeqqat tapiinut immersuina eqqaamavarput taakkulu aamma pissusisamittut suliarineqarput qinnuteqaatip tigusimanera tunngavigalugu.

Maami tapiissutunik qinnuteqartoqarnialeraangat novemberi aallartilaaginnartooq qinnuteqaateqaqqusilluta innuttaasunut nalunaaruteqartarpugut allagartaliinikkut kiisalu Radiokkut taamaattumik innuttaasup nammineq akissussaaffigaa qinnuteqarsimanini qinnuteqarsimanginniniluunniit.

Kiisalu eqqumiiginartippara sooq aatsaat martsimi tapeqannginnertik qisuariaatigisimammagu uffali januarimili tamanna paasereersimassagaluarlugu, qinnuteqareersimagaannimi januarimili atuutilersussaammat.

Kiisalu nalunaarutigissavara qinnuteqarnera tunngavigalugu 18. februar 2003 tapiisummik tunineqarsimmamata 1. marts 2003, inatsimmi § 8 tunngavigalugu.”

Kommunimut 15. juli 2003-mi imatut allappunga:

”Kommunip 24. marts 2003-mi allakkannut akissutaa 29. april 2003-mi tiguara.

Kommunilli A-mut tunngasumik isumaginninnermik ingerlatsivimmi suliami mappimi allagaatit allaqqaarnerinik, qinnuteqarnittut nassissimangilaanga. Taamaattumik suliamik taassuminnga misissugassanngorlugu nasseqqullunga kommunimut qinnutigisara uteqqippara.

Kommunip aamma 24. marts 2003-mi allakkanni apeqqutit makkua akisimangilai:

”- Ineqarnermut tapiissutunik qinnuteqaqqinnermut atatillugu A-p attartornermut isumaqatigiissut takutissagaa kommunip qinnuigisimaneraa, taamaaliorsimagunilu sooq taamaaliorsimansoq, tak. ineqarnermut tapiissutit pillugit Inatsisartut peqqussutaanni § 9, imm. 2.

...

- 2003-p aallartinneranit A-p ineqarnermut tapiissutisisannginneranut atatillugu kommunip A/S Inissiaatileqatigiiffik INI attaveqarfisimaneraa.”

Taamaattumik kommuni aamma apeqqutinut taakkununga akissutissanik eqqaasitsissuteqarfigaara.”

Akissut imaattoq kommunimit 15. august 2003-mi tiguara.

”Apeqqut siulleg:

Ukiut tamaasa qinnuteqartitsinissatsinni piumasarineqartarpoq ineqarnermut paasissutissat ilanngullugit tunniunneqassasut tassanilu ilaatinneqartarpoq lejekontrakt, takuuk inatsimmi § 7-mi stk 2-mi allassimasoq.

Apeqqutip aappaa.

A/S Inissiaatileqatigiiffimmut nalunaarutitut ingerlanneqartartut Kommunimiit tassaapput qinnuteqarsimallutik akuerisaanikut, qinnuteqarsimangitsut nalunaarutigineqarneq ajorput, Kommuni pisussaaitaangimmat nalunaaruteqarmissamut.”

Suliami allagaatini kommunip uannut nassiusaani 2003-mi ineqarnermut tapiissutit pillugit allagaatit marluinnaat uku ilaapput:

Immersugassaqq assigiisaartunik oqaasertalersugaasoq 18. februar 2003-mi atsiorneqarsimasoq atorlugu qinnuteqaat, tassanilu ilaatigut oqaatigineqarsimalluni attartorneq 1. december 2000-imi aallartissimasoq, kiisalu kommunimit A-mut allakkat 19. februar 2003-meersut, taakkunanngalu erserluni kommunip ineqarnermut tapiissutit 1. marts 2003-mit 31. december 2003-mut akuersissutigisimagai.

Taakkua saniatigut suliami allagaatinit erserpoq A qaammammut 2.104 kr.-nik ineqarnermut tapiissutisarsimasoq.

Kommunip aalajangiinera Isumaginninnermi Naammagittaalliuuteqartarfimmu naammagittaalliuutigineqarsinnaanersoq paasinarlugu Naammagittaalliuuteqartarfimmu 24. november 2003-imi imatut allappunga:

”Inissiani attartortittakkani ineqarnermut tapiissutit pillugit Inatsisartut peqqussutaanni § 9, imm. 2 malillugu paasissutissanik aatsaat februaari 2003-mi nalunaaruteqarsimaneranut innersuussuteqarluni innuttaasup 2003-mi qaammatinut januarimut februarimullu ineqarnermut tapiissuteqarfiginissaanik kommunip itigartitsisimanagera pillugu suliamik innuttaasup naammagittaalliuutaanut tunngasumik maannakkorpiaq suliaqarpunga. Kommunip suliaq Inatsisartut peqqussutaanni § 8 malillugu aalajangiivigisimavaa, innuttaasorlu Isumaginninnermi Naammagittaalliuuteqartarfimmu naammagittaalliorsinnaatitaaneq pillugu ilitersuuteqarfigisimanagu.

Tamatumunnga atatillugu imaannaq erseqqarluttuusoraara kommunip aalajangiinera Isumaginninnermi Naammagittaalliuuteqartarfimmu naammagittaalliuutigineqarsinnaanersoq.

Taamaalliluni tassani pineqartoq tassaavoq inissiani attartortittakkani ineqarnermut tapiissutit pillugit Inatsisartut peqqussutaanni § 14, imm. 2-mi taaneqarmat aalajangiinerit, ilaatigut aamma Inatsisartut peqqussutaanni § 8 malillugu aalajangiinernerusut, Isumaginninnermi Naammagittaalliuuteqartarfimmu naammagittaalliuutigineqarsinnaanngitsut.

Tamanna ilutigalugu isumaginnitoqarfiup aqunneqarnera aqqissuussaanelalu pillugit Inatsisartut peqqussutaanni nr. 11-mi, 12. november 2001-imeersumi § 8-mit erserpoq isumaginninnermi malittarisassat naapertorlugit kommunimi aalajangiinerit Isumaginninnermi Naammagittaalliuuteqartarfimmu naammagittaalliuutigineqarsinnaasut.

Aqutsineq pillugu peqqussummit taassumunngaluunniit piareersaataallutik sulianit ersinngilaq Inatsisartut peqqussutaata atortuulersinneqarnera sioqqullugu isumaginninnermi malittarisassat naapertorlugit suliareqqiinnissanik killiliisarsimanagerit taakku, matumunnga ilanngullugu aamma inissiani attartortittakkani ineqarnermut tapiissutit pillugit Inatsisartut peqqussutaat, aqunneqarneq pillugu peqqussummik nutaamik atortuulersitsinikkut atorunnaarsinnissaat naatsorsuutigineqarsimanagerersoq.

Naammagittaalliuutip pineqartup suliarinerata inaarsinnaanissaanik isummerfiginnitsinnanga, tak. Ombudsmandi pillugu inatsimmi § 6, imm. 3, naammagittaalliuuteqartarfik qinnuigaara nalunaarfigeqqullunga naammagittaalliuuteqartarfik kommunip aalajangiinera pillugu naammagittaalliuutip suliarinissaanut pisinnaatiitaasutut imminut isigiumanersoq.”

Naammagittaalliuuteqartarfiup allakkatigut 10. december 2003-meersutigit imatut akivaanga:

”Naammagittaalliuuteqartarfiup paasivaa ineqarnermut tapiissutit pillugit peqqussut pillugu suliaq eqqarsaatigalugu naammagittaallioinnissamut killiliisoqarsimasoq, tassami ajornartorsiut suliami saqqummiunneqartoq ineqarnermut tapiissutit pillugit peqqussummi § 14 eqqarsaatigalugu Naammagittaalliuuteqartarfimmu naammagittaallioinnissamut periarfissaq pillugu malittarisassani ilaatinneqanngimat.

Naammagittaalliuuteqartarfiup aamma paasivaa aqutsineq pillugu peqqussutikkut kingullikkut suliani isumaginninnermi malittarisassani ilaatinneqartuni Naammagittaalliuuteqarnissamut ataatsimut periarfissaqartoq aalajangersarneqarsimasoq.

Taamaattorli tassannga ersinngilaq aqutsineq pillugu peqqussutikkut nutaakkut naammagittaalliornissamut killiliinerit Naammagittaalliuuteqartarfiup suliakkersorneqarnerata killilersimaarneqarnissaanik tunngavilersorneqartut siusinersukkut aalajangersarneqarsimasut allanngortinneqarsimanersut.

Aqutsineq pillugu peqqussummi nutaami imaluunniit taassuma piareersarlugu suliarineqarnerani suliani naammagittaalliornissamut killilersuutitut aalajangersarneqarsimasut tunngavigalugit isiginiagassat Inatsisartut naliliiffigisimaneraat takuneqarsinnaanngilaq.

Taamaattumik Naammagittaalliuuteqartarfiup pissutsit qulaani taaneqartut pissutigalugit paasinninnera unaavoq naammagittaalliornissamut killiliinerit atuutsineqalereersimasut suli atuuttuusut, aqutsineq pillugu peqqussutit nutaap oqaasertalersugaanera apeqqutaatinnagu.” (Atorfeqarfimmi nutsigaavoq.)

*Tamatuma kingornatigut imaattunik oqaaseqaateqarsimavunga:*

*”A 1. marts 2003-mit ineqarnermut tapiissutisiaqalersinneqassasoq kommuni aalajangiisimavoq, tassami A-p qinuteqaataa kommunip 18. februar 2003-mi tigusimammagu. Kommunip aalajangiinera taanna inissiani attartortittakkani ineqarnermut tapiissutit pillugit Inatsisartut peqqusutaanni nr. 3-mi, 31. maj 2001-imeersumi § 8, tak. Inatsisartut peqqusutaanni tassani § 14, tunngavigalugu pisimasoq aqutsinikkut oqartussasumut allamut naammagittaalliuutigineqarsinnaanngilaq.*

*Tamatumunngali peqatigitillugu pineqartoq tassaavoq isumaginnittoqarfiup aqunneqarnera aaqqissuussaanelu pillugit Inatsisartut peqqusutaanni § 8, imm. 1-imi aalajangersarneqarsimasoq kommunalbestyrelsi isumaginninnermi malittarisassat tunngavigalugit aalajangiimatillugu suliami illua tungiusup aalajangiineq taanna Isumaginninnermi Naammagittaalliuuteqartarfimmut naammagittaalliuutigisinnaagaa.*

*Isumaginninnermut Naammagittaalliuuteqartarfiup akissutaa 10. december 2003-meersoq tunngavigalugu isumaqarpunga naammagittaalliuutip suliarineqarnissaata Ombudsmandi pillugu inatsimmi § 6, imm. 3 malillugu itigartinnissaanut naammattumik tunngavissaqarnanga, taannami malillugu aalajangiinerit oqartussaasumut qulliuernerusumut naammagittaalliuutigineqarsinnaasut pillugit naammagittaalliuutit suliarisinnaannginnakkit. Tamatumunnga atatillugu oqaatigaara naammagittaalliuuteqarnissamut periarfissaq atuuttoq apeqqutaatinnagu suliani isumaginninnermut tunngasuni kommunit aalajangiineri nammineerluni misissuinermik aallartitsivigissallugit pisinnaatitaasunga, tamatumani tak. Ombudsmandi pillugu inatsimmi § 6, imm. 5.*

*Taamaattorli isumaqarpunga isumaginnittoqarfiup aqunneqarnera aaqqissuussaanelu pillugit Inatsisartut peqqusutaata nr. 11-p, 12. november 2001-imeersup atuutilernerata kingornatigut suliani ineqarnermut tapiissutinut tunngasuni naammagittaalliornissamut periarfissap erseq-qarlutt-*

*uunera malittarisassani atuuttuni amigaataasoq Inatsisartunut Naalakkersuisunullu nalunaarutigisariaqariga, allakkatigullu allatigut oqaaseqaatip matuma assilineqarneranik ilaqartinneqartutigit taamaa- liorpunga.*

*Tamatuma kingornatigut suliap imaattunik oqaaseqaateqarnissanmut pissutissaqalersippaanga:*

*Suliap uannut saqqummiunneqarnera naapertorlugu ineqarnermut tapiissutit paasisutissat pigineqartut tunngavigalugit Inatsisartut peqqussutaanni § 9 malillugu 1. januar 2003-mit atuutilersumik akuersissutigineqartariaqarsimanerat kisiat oqaaseqaateqarfigisinnaavara, tassami A 2002-mi ineqarnermut tapiissutisisarsimammatt, isertitallu tunngavigineqartut pillugit paasisutissiissutigineqartut malillugit 1. januar 2003-mit ineqarnermut tapiissutisisaannarnissaminut piumasaqaataasut eqqortissimammagit.*

*Kommuni oqaatigineqartut ineqarnermut tapiissutit pillugit peqqussumi § 8, ataani issuarneqartoq tunngavigalugu aalajangiisimavoq.*

*A-p ineqarnermut tapiissutinik siusinnerusukkut qinnuteqarsimagaluar-nini, qinnuteqaammili kommunimit tammaaneqarsimanera pillugu naammagittaalliuta isummerfigisinnaanngilara, tassami kommunip uannut oqaatigimmagu siusinnerusukkut qinnuteqaateqartoqarsimanera kommunip ilisimasaqarfiginngikkaa. Apeqqummik taassuminnga qulaajaaneq uppernarsaatinik naliliinermik taamaallaat eqqartuussivimmit suliarineqarsinnaasumik tunngaveqartariaqarpoq.*

*Ineqarnermut tapiissutisiaqartitsinermik aqqissuussineq oqaatigineqartut inissiani attartortittakkani ineqarnermut tapiissutit pillugit Inatsisartut peqqussutaanni nr. 3-mi, 31. maj 2001-imeersumi aalajangersaavigineqarsimavoq.*

*Peqqussutissatut siunnersuutip Inatsisartunut saqqummiunneqarnerani Naalakkersuisut oqaaseqaataannit erserpoq siunnersuut taanna ilaatigut Isumaginninnermik Iluarsaaqqinneq pillugu Ataatsimiititaliarsuup isumaliutissiissutaanik 1997-imeersumik tunngaveqartoq.*

*Isumaliutissiissummi tassani ineqarnermut tapiissutit isumaginninnermi isumannaallisaalluni tunniunneqartartut taaneqarsimapput.*

*Aammattaaq Inatsisartut peqqussutaanni tassani § 7-mit erserpoq ineqarnermut tapiissutit qinnuteqaateqarnikkut tunniunneqartassasut.*

*Matuma kingornatigut aallaavigisariaqarpara innuttaasut ineqarnermut tapiissutisisarnissamut piumasaqaatinik eqqortitsisut qinnuteqaateqarnermikkut taamatut tapiiffigineqarnissartik inatsisit tunngavigalugit piumasaqaatigisinnaagaat.*

*Inatsisartut peqqussutaanni §§-ni 8-mi aamma 9-mi ineqarnermut tapiissutinik tunniussisarneq ineqarnermullu tapisisaannarnissaq pillugu malittarisassat makku aalajangersarneqarsimapput:*

*”§ 8. Ineqarnermut tapiissutit qinnuteqaatip tunniunneqarnerata kingorna qaammatip aallaqqaataaniit atuutilersumik tunniunneqassapput.*

*Imm. 2. Inissiamut allamut nuunnermi ineqarnermut tapiissutit nutaamik qinnuteqaatigineqassapput.*

*§ 9. Inissiami attartortittakkami ineqarnermut tapiissutit januarip aallaqqaatai tamaasa iluarsiivigineqartassapput. Taamaattumik ineqarnermut tapiissutit ukiuata qaammatisiutit ukiuat malippaa.*

*Imm. 2. Ineqarnermut tapiissutisisartut ukiumoortumik iluarsiiernermit atatillugu nutaamik qinnuteqartassapput nutaamik inoqutigii amerlassusii, katitigaaneri isertitanullu tunngasut pillugit paasissutissiillutik.”*

*Peqqussutissatut siunnersuut pillugu oqaaseqaatini oqaaseqaatit uku aalajangersakkanut marlunnut taakkununga atatinneqarput:*

*”§ 8-mut*

*Peqqussut atuuttoq malillugu inigisamut allamut nuunnermi ineqarnermut tapiissutit kingumoortumik tunniunneqarsinnaapput. Aalajangersagaq taanna peerneqarpoq, attartortut nuunnginnerminni inissiaq nuuffissartik nalunngereertarmasuk, taamaalillutillu siumoortumik ineqarnermut tapiissutinik qinnuteqarsinnaallutik. Qaammatip aallaqqaataaniunngitsaq inissiamut nuuttoqartillugu qaammatip tulluup aallaqqaataaniit ineqarnermut tapiissutit tunniunneqassapput.*

*§ 9-mut*

*Siunissami ineqarnermut tapiissutit ukiuata qaammatisiutit ukiuat malissavaat. Aalajangersakkat qularnaarpaat ineqarnermut tapiissutisisinnaanissamut piumasaaqaatit eqquutsinneqarnerisa ukiut tamaasa nalilersuiiffigineqarsinnaanerat aammalu ineqarnermut tapiissutit ukioq akileraarfusoq ilisimaneqartoq kingulleq tunngavigalugu naatsorsorneqartarnissaat.”*

*Inissiani attartortittakkani ineqarnermut tapiissutinik qinnuteqaatit suliarinissaannut malittarisassiaq Isumaginninnermut Suliffeqarnermullu Pisortaqarfiup 2001-imi novemberimi suliarisimavaa:*

*Malittarisassiaq taanna aalajangersakkanut marlunnut taakkununga atatillugu paasissutissanik imaattunik imaqarpoq:*

*”3. Qinnuteqarneq*

*...*

*Ineqarnermut tapiissutisisartut ukiumoortumik aaqqiinnermit atatillugu nutaamik qinnuteqaateqassapput.*

*...*

*7. Ineqarnermut tapiissutit atorunnaarneri*

*...*

*Aallaviatigut ineqarnermut tapiissutit 31. december unitsinneqassapput nutaamillu ineqarnermut tapiissutit ukiuanut tulluuttumut qinnuteqartoqarluni.”*

*Malittarisassiami tassani ineqarnermut tapiissutisisinnaatitaaneq ukiup ineqarnermut tapiissuteqarfusup (qaammatisiutit ukiuata) naanerani atorunnaartassasutut isikkoqarpoq, tapiissutisisartoq tamanna nallertinnagu nutaamik qinnuteqaqqingippat.*

*Tassa allatut oqaatigalugu pineqartoq tassaavoq ineqarnermut tapiissutisisinnaatitaaneq qaammatisiutit ukiuata sivisussusianut killeqartinneqartoq malittarisassiami naatsorsuutigineqartoq.*



*Tamatuma kingunerisaanik innuttaasut 1. januarip kingorna qinnuteqartut ineqarnermut tapiissutisisinnaatitaanertik 1. januarimit qaammatip ineqarnermut tapiissutinik qinnuteqarfiusup tulliaata aallaqqaataata tungaanut annaasarpaat, qinnuteqartut 1. januarimit tapiissutisisinnaatitaanermut aningaasaqarnikkut piumasaqaatit eqqortinneraat apeqqutaatinagu.*

*Tamanna Inatsisartut peqqussutaanni § 9, imm. 1-imut naapertuuttuungilaq, tassanimit ineqarnermut tapiissutit 1. januarimi aaqqiissuteqarfignissaannut pisussaaffik aalajangersarneqarmat, taamatuttaarlu tamanna ineqarnermut tapiissutit isumaginninnikkut isumannaallisaatit ilusili-gaanerannut naapertuuttuunani.*

*Tassani aamma ilaavoq § 9, imm. 2 malillugu ineqarnermut tapiissutisartut qinnuteqaatit tunniussassaanni, aalajangersakkap oqaasertai malillugit, pineqartut tassaammata paasissutissat ineqarnermut tapiissutit amerlassusissaannik aaqqiissuteqarnermi atugassat nalunaarutigineqarnerat, imaanngitsoq ineqarnermut tapisisinnaatitaanermik namminermik qinnuteqarneq.*

*Paasissutissat § 9, imm. 2 malillugu innuttaasunit piumasarineqartut suussusiisa imminni innuttaasut paasissutissanik taakkunninnga tunniussinngippata inatsisitigut sunniutigisassaata aamma nalorninartoqalersippaat, taakkulu tulliuuttuni erseqqinnerusumik iserfigaakka.*

*§ 9-p § 8-mut sanilliulluni § 9-mullu ataneqartillugu ineqarnermut tapiissutinik siullermeertumik qinnuteqarnermut taamaallaat tunngassuteqartup qanoq paasineqarnissaanik naliliiniarninni atugassatut aalajangersakkat taakku marluk ineqarnermut tapiiffigineqartarneq pillugu Inatsisartut peqqussutaanni nr. 1-imi, 17. oktober 1983-imeersuni, Inatsisartut peqqussutaata massakkut atuuttup (2001-imeersup) taarsersimasaani aalajangersakkanut taakku assinginut sanilliussimavakka.*

*Pineqartut tassaapput ineqarnermut tapiiffigineqartarneq pillugu Inatsisartut peqqussutaanni nr. 1-imi, 17. oktober 1983-imeersumi aalajangersakkat uku:*

*”§ 9. Ineqarnermut tapiissuteqartoqartassaaq qinnuteqaatip tunniunneraniit qaammatip tulluup aallaqqaataaniit qaammatip inissiamit nuuffiup naaneranut.*

*Imm. 2. Inissianut allanut nuunnermut atatillugu ineqarnermut tapiissutissamik qinnuteqartoqarsimappat kommunalbestyrelsi ulloq inissiamut nuuffik aallarnerfigalugu tapiissutisiassanik tunniussisitsisinnaavoq.*

*...*

*§ 11. Ineqarnermut tapiissutit oktoberip aallaqqaatai tamaasa naatsorsuinermit tunngaviusut allanngorneri malillugit iluarsivigineqartassapput. Tassa ineqarnermut tapiissuteqartarnermut ukioritinneqarpoq oktoberip aallaqqaataaniit septemberip 30-anut.*

*Imm. 2. Kommunalbestyrelsi ukiumoortumik iluarsisuteqarnermut atatillugu piumasaqarsinnaavoq ineqarnermut tapiissutisartut amerlassusertik, katitigaa-nertik isertitaminnullu tunngasut pillugit nutaanik paasissutisseeqqullugit.*

*Imm. 3. Inoqutigii atugarisaat tunngavigalugit ineqarnermut tapiissutisisarnerata ingerlaannarnissaanut tunngavissaqarpat kommunalbestyrelsi tapiissutit anner-tussusissaannik nutaamik naatsorsuissaaq ineqarnermut aningaasartuutit annertus-susii, isertitaasa ilanngaasikkat iluarsuissusikkallu ukiumoortumik inaarutaasumik akileraarusinerup kinguneranik allannguutaat kiisalu Inatsisartut aningaasanik §§-ini 6-imi 7-milu taaneqartumik aalajangiinerisa kingunerinik allannguutit najoq-qataralugit.”*

*Inatsisartut peqqussutaanni taaneqartumi kingulleq pillugu §§-itut 9-tut aamma 11-tut siunnersuutit pillugit oqaaseqaatit imaapput:*

*”§ 9-mut;*

*Aalajangersakkami erseqqissarneqarpoq ineqarnermut tapiissutip tunniuttalin-ginnerani qinnuteqartoqareersimasariaqarmat. Kisiannili tassa akuerineqaraanni tapiissutit qaammatip nuuffiup naanissaata tungaanut ingerlassapput, imaluunniit ukiumoortumik naatsorsueqqinneratigut pissusiusut ima allannqortigisimappata tapiissutip tunniunneqartarnissaa pissutissaarussimappat, takuuk § 11.*

*...*

*§ 11-mut:*

*Immikk. 1-ip aalajangersakkap ineqarnermut tapiissutip ukiua nassuiarppaa. Aammattaq aalajangersakkap landsrådip ileqqoreqqusaani qanga § 5, immikk. 2 assigaa, piffissarli taamaallaat assigiinngissutigalugu.*

*Kommunalbestyrelsi paasissutissanik nutaanik pissarsiniartoqartillugu aalaja-ngersimasumik piffissaliisinnaavoq. Paasissutissat piffissaq eqqorlugu pissar-siarineqarsimannqippata tapiissut peerneqassaaq. Ukiumoortumik iluarsuissusi-sarnikkut pinngitsoortinniarneqarpoq inuit pisortat allaffiunut saaffiginninnissamin-ik nakerisaqanngitsut saaffiginninngitsoornerisigut qinnuteqaqqinngitsoorne-risigullu tapiissutisiaajagaasarnissaat. Ukiumoortumik iluarsuissusiarnerup sa-niatigut allamik iluarsuissusiisooqartassanngilaq, taamaattoarli takuuk § 12.”*

*Aaqqissuussineq siusinnerusukkut atuuttoq malillugu pineqartoq tas-saavoq ineqarnermut tapiissutisisinnaatitaanerup pigiinnarneqartarnera, ineqarnermut tapiisarnerup ukiua apeqqutaatinnagu, kommunalbestyrel-silli erseqqissumik piumasaqaatigisinnaallugu ineqarmut tapiissutisisar-toq suliap paasissutissartalersorneqarneranut peqataassasoq, innuttaa-sullu paasiissutissiisussaataaneq taanna eqqortinngikkuniuk tamanna imminut suliamik ingerlatsinermi nanertuutaasumik sunniuteqartumik ki-nguneqartissinnaagaa.*

*Tamanna tunngavigalugu, Inatsisartullu peqqussutaata ullumikkut a-tuuttup piareersarlugu suliarineqarnerani ineqarnermut tapiissuteqartar-nermi tunngaviit siusinnerusukkut atuuttut allannguuteqartinneqassanngit-sut oqaatigineqanngimmata paasinninnera unaavoq ineqarnermut tapiis-sutinik pinngitsoorani qinnuteqaqqinnissaq malittarisassatut imaattutut paasineqarsinnaanngitsoq, tassalu ineqarnermut tapiissutisisinnaatitaa-neq piffissamut killilimmut pisinnaatitaaffiusoq. Tamatuma paarlattuanik paasinninnera malillugu § 9, imm. 2-mi malittarisassaq imatut paasissal-lugu qaninnerpaavoq, tassalu innuttaasut suliap paasissutissartalers-orneqarnerani peqataassasut.*

*Tamatuma nassataraa ineqarnermut tapiissutisisaannarnissamik qinnuteqaatit paasissutissiisussaatitaanermik peqqussutikkut aalajangersagaq qinnuteqartunit eqqortinneqarsimatinnagu akuerineqarsinnaannginnerat.*

*Tamatumali paarlattuanik suliamik ingerlatsinermi malittarisassap pineqarnerata, tassalu suliami pisumut tigussaasumut malittarisassap pineqannginnerata nassataraa ineqarnermut tapiissutinik qinnuteqaat ukiup ineqarnermut tapiissuteqarfiusup naanerani piuinnarnera, innuttaasullu 1. januarimit qaammatip ineqarnermut tapisisaannarnissamik qinnuteqarfiusup (paasissutissiisussaatitaanermik eqqortitsiviusup) tulliaata allaqqaataata tungaanut ineqarnermut tapiissutisisinnaatitaanermut tigussaasumik pisinnaatitaaffimminik annaasaqannginnera.*

*Tamatuma kingornatigut isumaqarpunga malittarisassiami immikkoortoq 7-imi inatsiseqartitsinermik paasininneq eqqortuunngitsoq, Inatsisartullu peqqussutaat amigaateqartoq, taamaattumillu pissutsit taamaanerat Inatsisartunut Naalakkersuisunullu nalunaarutigisariaqariga, tak. Ombudsmandi pillugu inatsimmi § 11.*

*Tamatumunnga peqatigitillugu maluginiarpara Inatsisartut peqqussutaanni § 9, imm. 2-mit ersertoq innuttaasut ineqarnermut tapiissutit aaqqiivigineqarnerannut atatillugu paasissutissiisussaatitaanerat paasissutissanut ingerlatsiviup nammineq pigeriigaanut tunngasuusoq.*

*Tamanna ingerlatsinermik inatsiseqartitsinermi aallaavimmut unaa-sumut assortuuttuovoq, tassalu paasissutissat taamaattut innuttaasunut piumasaaqatigineqarsinnaanngitsut.*

*Taamaattumik aalajangersagaq imatut paaseqqajaanarpoq paasissutissiisussaatitaaneq taamaallaat paasissutissanut kommunip pigisaanit allaa-sunut tunngassuteqartoq.*

*Aalajangersagaq taassumalu piareersarneqarnerani suliaasut apeqqut taanna pillugu erseqqinnerusumik isummerfiginnissimangimata tamanna Inatsisartunut Naalakkersuisunullu nalunaarutiginiarlugu aalajangerpunga, tak. Ombudsmandi pillugu inatsimmi § 11.*

*Tamanna tunngavigalugu isumaqarpunga A-p aatsaat 1. marts 2003-mit atuutilersumik ineqarnermut tapiissutisitinneqartalernissaanik kommunip Inatsisartut peqqussutaanni § 8 innersuussutigalugu aalajangiinera eqqortuunngitsoq, tassami A 2002-mi ineqarnermut tapiissutisisarsimammat, taamaattumillu qinnuteqaataa 18. februar 2003-meersoq ineqarnermut tapiissutisisaannarnissamik qinnuteqaatit suliarineqarsimasariaqaraluortoq, tak. Inatsisartut peqqussutaanni § 9.*

*Taamaattorli kommunip aalajangiinera isornartorsiussallugu pissutisaaqanngilanga, tassami suliat ineqarnermut tapiissutinut tunngasut suliarineqartarnerat pillugu malittarisassiami imm. 7-mit ikorfartorneqarmat, Inatsisartullu peqqussutaanni ineqarnermut tapiissutisisinnaatitaanerup tigussaasup § 9, imm. 2-mi innuttaasup paasissutissiisussaatitaanera*

*eqqortinneqanngikkaluartorlunniit piginnarneqartarnera erseqqissumik atuarneqarsinnaanngimmat.*

*A allakkatigut allatigut allakkat uku assilinerinik ilaqartinneqartutigut paasinninnera pillugu ilisimatippara taamatuttaarlu Ombudsmandi pillugu inatsimmi § 11 malillugu nalunaaruteqarninnut atatillugu Inatsisartut Inatsisit Atortinneqarnerannut Ataatsimiititaliaat aamma Kalaallit Nunaanni Naalakkersuisut oqaaseqaatip assilineranik nassinneqarlutik.”*

Ombudsmandi pillugu inatsimmi § 11 naapertorlugu nalunaarutiginninninnut Naalakkersuisut akissutaannik ukiup nalunaarusiuunneqartup naanerani tigusaqarsimangilanga.

**2. Siusinaartumik soraarnerussutisianik qinnuteqaateqarnermut atatillugu piffissaq suliamik suliarinninnermut atorneqartoq. Allagaatip kingumoortumik ullulerneqarnera.**

*A Ombudsmandip allaffianut nammineq ornigulluni saaffiginnippoq siusinaartumik soraarnerussutisianik qinnuteqaammi kommunimit suliarineqarnera pillugu. Suliaq misissoreerlugu Ombudsmandi isornartorsiuilluni oqaaseqaateqarpoq, kommunip suliaq suliami suliarinninnernik iliuuseqarfiginagu piffissani arlalinni uninngatittarsimammagu. Aammattaaq kommunip suliamik uppernarsaasersuinerata tamakkiisuunnginnera, pisumilu ataatsimi piaaraluni eqqortuunnginnera Ombudsmandip isoriarialerujussuartut isigaa. Taamaattumik Ombudsmandip inasuteqaatigaa suliamik suliarinninnermi iliuutsit allattorneqartarnerat kommunip siunissami peqqissaarunnerulissagaa, suliarlu suliamik sularinnittumit allamit tiguneqarpat – imaluunniit pisuni allani suliap qanoq inaarneqarneranut piffissamulluunniit suliap qanoq siviisutigisumik atorneqarnissaanik naatsorsuutigineqarsinnaasumut sunniuteqarsinnaasuni – suliami illuaʻtunngiusup tamatuminna ilisimatinneqartarnissaa isumagisassagaa. (J.nr. 11.10.03.04/059-02)*

A 17. juli 2002-mi allaffinnut ornigulluni saaffiginnippoq, siusinaartumillu soraarnerussutisiaqalernissaminik qinnuteqaammi suliarineqarneranut piffissaq K Kommunip atugaa naammagittaalliutigalugu.

A uannut saaffiginnimmat ulloq taanna kingusinnerusukkut K Kommunimut allakkatigut saaffiginnippunga, suliarlu pillugu oqaaseqaateqaq-qusillunga, kiisalu suliami A-mut tunngasumi allagaatit atukkiunneqarnissaat qinnutigalugu.

Suliami allagaatit assilineri tamaasa kommunip 2. august 2002-mi nas-iuppai, ajuusaarutigalugulu A-p siusinaartumik soraarnerussutisiaqaleru-malluni qinnuteqaataa inaarlugu aatsaat 2002-mi augustimi suliarineqarsimammatt. Piffissap ingerlanerani suliamik suliarinninnermi iliuutsit arlallit

ingerlanneqarsimasut kommunip oqaatigaa, tamannalu suliap ingerlanerani sivitsorsaaqataasimalluni.

Paatsoortoqaqqunagu kommuni tamatuma kingorna qinnuigaara suliami mappi allagaatit allaqqaarnerinik imaqartoq suliamik sularinninnermi atu-gassaq tigujuumallugu, taannalu misissoreerakku kommuni 24. oktober 2002-mi nalunaarfigaara naammagittaalliut sularilerniarlugu aalajanger-tunga.

Kommuni allakkatigut taakkunatigut qinnuigaara siusinaartumik soraar-nerussuteqalerniarlutik qinnuteqaatit pillugit suliap piffissap sularinik su-liarinninnermut atorneqartup pisariaqanngitsumik sivitsorsarneqannginnis-saat siunertarlugu kommunimi ataatsimiititaliani assigiinngitsuni sulari-neqarnerat kommunip qanoq ataatsimut ataqatigiissaarivigisarnerai nas-suiaqqullugu. Aammattaaq kommuni qinnuigaara A-p siusinaartumik so-raarnerussuteqalerniarluni qinnuteqaataata pilertortunik sularineqarnissaa qulakkeerniarlugu kommuni suliami qanoq iliuuseqarsimanersoq nalunaa-rutigeqqullugu.

K Kommunip allakkatigut 3. december 2002-meersutigut akivaanga. Kommuni ilaatigut imatut allappoq:

”Tamatumunnga atatillugu K Kommunip oqaatigisinnaavaa siusinaartumik pen-sionisiaqalernissamik qinnuteqaat pillugu suliami nalinginnaasumi suliaq allaffik-koortumik sularineqareerluni oqartussat assigiinngitsut suleqatigiiffianni Revami siullermik sularineqartussaasoq. Qinnuteqaat oqartussat assigiinngitsut suleqatigiif-fiannit ilalernerqaruni Isumaginninnermut Ataatsimiititaliamut sularisassanngorlugu toqqaannartumik nassiunneqassaaq, amerlanertigut sap. akunnerisa marluk qaa-ngiunneranni.

K Kommuni isumaqarpoq ataatsimiititaliat marluk taakku ataqatigiissaarivigine-qarnerat ajornartorsiutissaqartitsinngitsooq. Suliaq nalinginnaasoq ataatsimiititaliani marlunni taakkunani pilertortumik sularineqartarpoq, taamaalilluni pisariaqanngit-sumik sivitsorsaaqassanani.

Aammattaaq allakkanni K Kommuni qinnuigaat suliami A-p siusinaartumik so-raarnerussutisiaqalerniarluni qinnuteqaataanut atatillugu pilertortumik sularinnin-nissaaq qulakkeerniarlugu qanorpiq iliortoqarsimanersoq nalunaarutigeqqullugu. A-p qinnuteqaataa sulari taamaattuni periaaseq nalinginnaasoq malillugu sularine-qarsimavoq, tassami A-p qinnuteqaateqarnerpiannguata allanit pilertornerusumik sularineqarnissaanik naliliisoqarsimanngimmat. K Kommuni isumaqarpoq soraar-nerussutisiaqalernissamik qinnuteqaat, peqqissutsikkut atukkat pillugit paasisstis-sartai erseqqarluppata, sukumiisumik sularineqarnera qulakkiissallugu pingaartuu-soq.” (Atofeqarfimmi nutsigaavoq.)

Suliami allagaatit suliamilu allattuiffimmik misissuineq tunngavigalugu makku A-p siusinaartumik soraarnerussutisiaqalerniarluni qinnuteqaataa kommunillu qinnuteqaammik taassuminnga sularinninnera pillugit oqaati-gineqarsinnaalerput:

26. januar 2001-imi A K Kommunip Isumaginninnermi Ingerlatsivianut ornigulluni saaffiginninnerminut atatillugu siusinaartumik soraarnerussuti-siaqalerumalluni qinnuteqaateqarpoq.

Tamanna suliami allattuiffimmi ulloq taanna tamanna pillugu allanneqarsimasunit erserpoq.

Siusinaartumik soraarnerussutisiaqalerumalluni qinnuteqaqqaatip uppernarsaatitaa suliami allagaatinut ilaanngilaq.

A-p siusinaartumik soraarnerussutisiaqalerumalluni qinnuteqarnerminut kilisaammi 1997-imi aalisartillutik ajutoornikkut ajoqusersimanini tunngavilersuutigaa. Ajutoornermi taaliमित niaqqumigut eqqorneqarsimavoq, taamanimiillu sakkortuumik niaqorluttualersimalluni, nalinginnaasumik sulisinnaajunnaarsitsisumik.

Kommunimi suliamik suliarinnittoq suliami allattuiffimmi aqqit aallaqqaataannik S1-mik ilisarnaateqarpoq.

22. maj 2001-imi A-p siusinaartumik soraarnerussutisiaqalerumalluni qinnuteqaataa Isumaginninnermik Ingerlatsivimmi siunnersuinnermut immikkoortortaarfimmut tunniunneqarpoq.

Tamanna suliami allattuiffimmi ulloq taanna tamanna pillugu allanneqarsimasunit erserpoq.

Kommunimi suliamik suliarinnittoq suliami allattuiffimmi aqqit aallaqqaataannik S2-imik ilisarnaateqarpoq.

Ingerlatsivik piffissami 26. januar 2001-imit 22. maj 2001-imut suliamik suliarinninnermi iliuuseqarsimanersoq suliami allattuiffimmit, suliami uppernarsaasersuutinit allatigulluunniit takuneqarsinnaanngilaq.

11. juni 2001-imi A-p allakkatigut attaveqarfiginiarnera ajornakusoortoq suliami allattuiffimmi allanneqarsimavoq. Najukkatut adressit marluk allanneqarsimapput.

Kommunip suliamik suliarinnittua atit aallaqqaataannik S3-mik ilisarnaateqarpoq.

19. juni 2001-imi A Isumaginninnermik Ingerlatsivimmut saaffiginnip-poq, siusinaartumik soraarnerussutisiaqalernissamik qinnuteqaat paasiniarlugu.

Tamanna suliami allattuiffimmi ulloq taanna tamanna pillugu allanneqarsimasunit erserpoq.

Suliami allagaatinut ilaavoq akuersissuteqarnermut uppernarsaat 19. juni 2001-imeersoq, A-mit atsiorneqarsimasoq, tassanillu paasissutissanik qinnuteqaatip suliarineqarneranut atugassanik kommunip pissarsiniarnissaa akuerineqarpoq.

Kommunip suliamik suliarinnittua atit aallaqqaataannik S3-mik ilisarnaateqarpoq.

4. juli 2001-imi ...-mi Nakorsiartarfik kommunip qinnuigaa A misissoq-qullugu, siusinaartumik soraarnerussutisiaqalernissamik qinnuteqaatip suliarineqarnerata ingerlaqqinnerani atugassamik.

Suliamik suliarinninnermi iliuuserisaq taanna suliami allattuiffimmi allanneqarsimannngilaq.

Kommunip allagaasa 4. juli 2001-imeersut assilineri suliami allagaatinut ilaapput.

Allakkat taakku isumaginninnermi siunnersortimit S4-mit aamma isumaginninnermi siunnersortip pisortaannit ...-mit atsiorneqarsimapput.

7. september 2001-imi A Nakorsiartarfimmi misissorneqarpoq.

(Tamanna taamaallaat paasineqarsinnaavoq nakorsap oqaaseqaataata 13. september 2001-imi allanneqarsimasup assilineranit, kommuni 13. december 2001-imi nakorsamit misissuisoqarnissaanik qinnuteqaqqinnerata kingorna Nakorsiartarfiup allagaasa 9. januar 2002-meersut kommunimit tiguneqarsimasumit.)

Oqaaseqaammi oqaatigineqarpoq A-p sulisinnaassuseqarnera annertuumik annikillisimasutut nalilernerqartoq. Nakorsap oqaaseqaataani nakorsamit misissuisimasumit L-imit aamma oqaatigineqarpoq: "Sulisinnaassuseqarnera misilinneqassasoq siunnersuutiginiarpara, kisianni inerneru soraarnerussutisiaqalersitsinerussasoq takorloorpara." (Atorfeqarfimmi nut-sigaavoq.)

13. december 2001-imi kommuni Nakorsiartarfik nakorsap paasissutisiissutaanik isumaginninnermi siusinaartumik soraarnerussutisiaqalernissamik qinnuteqaatip suliarineqarnerani atugassanik qinnuigeqqippaa.

Qinnutigisaaq taanna suliami allattuiffimmi allanneqarsimannigilaq.

Kommuni allagaasa assilinerat suliami allagaatinut ilaangigilaq.

Qinnutigisaaq taanna kingusinnerusukkut allagaasut imaannit takuneqarsinnaavoq. (Nakorsiartarfiup allagaasa 9. januar 2002-meersut allaqqaarnerinut suliami allagaatinut ilaasunut K Kommuni allakkatigut 13. december 2001 nakorsap misissuinissaanik qinnutigisaa allakkiallu isumaginninnermi siunnersortip S5-p Aningaasaqarnermut Allattoqarfimmi ...-mut ulloq taanna ullulerlugu suliarisimasaa ilannguneqarsimapput.)

Suliami allattuiffimmit, mappimi suliani allagaatinik imalimmi uppernarsaatinit allatigulluunniit piffissami 4. juli 2001-imit 13. december 2001-imit kommuni suliamik suliarinninnermi sumilluunniit iliuuseqartoqarsimanersoq ersinngilaq, suliamillu suliarinninneq ulloq taaneqartoq kingulleq nakorsap misissuinissaanik isumagineqareersimasumik qinnuteqarnikut aallarteqqinneqarpoq.

9. januar 2002-imi Nakorsiartarfik kommunimut allappoq nakorsap misissuinissaanik qinnutigisaaq ingerlanneqarnianngitsoq, tassami A misissuinissamut marloriarluni takkutinngitsoorsimammat. Aammattaaq siusinaartumik soraarnerussutisiaqalernissamik qinnuteqaatip suliarineqarnerani atugassamik nakorsap misissuereersimanera Nakorsiartarfiup innersuussutigaa, nakorsallu oqaaseqaataata taassuma assilineru ilanngullugu nassiullugu.

Nakorsiartarfiup allagaqaavisa 9. januar 2002-meersut aamma nakorsap oqaaseqaataata 13. september 2001-meersup assilineri suliami allagaatinut ilaapput.

11. januar 2001-imi kommuni A ataatsimeeqatiginiarlugu Isumaginninnermi Ingerlatsivimmut aggersarpaat, immersugassaaq tungujortoq immer-sorneqassammat (immersugassaaq taanna tassaavoq isumaginninnermi siu-

sinaartumik soraarnerussutisiat pillugit suliame nalinginnaasumik siullertut uppersaataasoq.)

Tamanna suliame allattuiffimmi ulloq taanna tamanna pillugu allanneqarsimasunit ersepoq.

Kommunip allagaasa assilinerat suliame allagaatinut ilaanngilaq.

Kommunip suliamek suliarinnittua aqqit aallaqqaataannik S6-mik nalunaarsorneqarsimavoq.

25. januar 2002mi ataatsimiigiaqqusissut tunngavigalugu A takkupperoq, oqarfigineqarlunilu suliamek suliarinnittoq S6 sulinnigisoq.

Tamanna suliame allattuiffimmi ulloq taanna tamanna pillugu allanneqarsimasunit ersepoq.

Suliame allattuiffimmi suliamek suliarinnittoq S7-iusoq nalunaarsorneqarsimavoq.

28. januar 2002-mi A Isumaginninnermik Ingerlatsivimmut takkuteq-qippooq, siusinaartumik soraarnerussutisiaqalernissamik qinnuteqaat immersoriartorlugu.

Tamanna suliame allattuiffimmi ulloq taanna tamanna pillugu allanneqarsimasunit ersepoq.

Suliame allattuiffimmi oqaatigineqarpoq:

”suliamek siusinnerusukkat suliarinnittup suliame naammassillugu suliarisimangimmagu ataani atsiortup suliame tunniuppaa, paasillugulu immersugassaq immersorneqarsimangitsorluunniit.” (Atorfeqarfimmi nutsigaavoq.)

Aammattaaq suliame allattuiffimmi allakkiamit ersepoq immersugassaq immersorneqartoq, nakorsallu oqaaseqaataanik ilaqartillugu suliffissar-siuussisarfimmi siunnersortimut nassiunneqartoq.

Suliame allagaatinut ilaavoq qinnuteqarnermi immersugassaq 28. januar 2002-mi immersorneqarsimasoq, tassanngalu erserluni immersugassaq taanna 26. januar 2001-imik ullulernerqartoq, tassa suliame allattuiffimmi oqaatigineqartut A-p siusinaartumik soraarnerussutisianik qinnuteqarfiani.

Kommunip suliamek suliarinnittoq aqqit aallaqqaataannik S6-mik nalunaarsorneqarsimavoq.

29. januar 2002mi A-p aamma Suliffissarsiuussisarfimmi siunnersortip ...-p immersugassami tungujortumi naliliineq atsiortaat. Naliliinnermit tassannga ersepoq: ”Qinnuteqartup suliffeqarnermut tunngasuni siunissani piviusorsiorpallaanngitsutut isigaa, tamannalu Suliffissarsiuussisarfimit akuerineqarsinnaavoq.” (Atorfeqarfimmi nutsigaavoq.)

Siusinaartumik soraarnerussutisiaqalernissamik qinnuteqaat Suliffissarsiuussisarfiup qanga utertissimaneera takuneqarsinnaanngilaq, tamanna piffissami 29. januar 2002-mit 14. februar 2002-mut ingerlasumi pisimasaaq.

14. januar 2002-mi qinnuteqaat isumaginninnermik ingerlatsiviup nasillugu ingerlateqqippaa.



Tamanna suliami allattuiffimmi ulloq taanna tamanna pillugu allanneqarsimasunit erserpoq. Allataq taanna assaannarmik allanneqarsimavoq. Qinnuteqaat sumut nassiunneqarsimansoq allatamit takuneqarsinnaanngilaq.

Kommunip suliamik suliarinnittua aqqit aallaqqaataannik S6-mik nalunaarsorneqarsimavoq.

21. februar 2002-mi suliaq oqartussaasut assigiinngitsut suleqatigiiffianit (TFU-revavit) suliarineqarpoq, A-llu siusinaartumik soraarnerussutisiaqalerniarluni qinnuteqaataa taassuma itigartippaa.

Tamanna suliamik allattuiffimmit takuneqarsinnaanngilaq.

Mappimi suliami allagaatinik imalimmi TFU-revap ataatsimiinnerani imaqarniliap assilineri ilaavoq.

Imaqarniliamit erserpoq Ataatsimiititaliaq isumaqartoq A ”sulineramik misiliisinneqaqqaartariaqartoq, sulisinnaassusia pitsaanerusumik nalilersinnaaniassagatsigu.” (Atorfeqarfimmi nutsigaavoq.)

Aamma imaqarnialiamit erserpoq suliaq suliamik suliarinnittumut S5-mut utertinneqartoq.

2. maj 2002-mi qinnuteqaat Isumaginninnermik Ingerlatsiviup tigoqqippaa, A-lu ulloq taanna sulineramik misiliisinneqarsinnaanera pillugu oqaloqatiginiarlugu aggersarlugu.

Tamanna suliami allattuiffimmi ulloq taanna tamanna pillugu allanneqarsimasunit erserpoq.

Suliami allagaatit tamatumunnga uppersaammik ilaqanngillat.

Kommunip suliamik suliarinnittua aqqit aallaqqaataannik S7-nik nalunaarsorneqarsimavoq.

Suliamit allattuiffimmit, mappimi suliani allagaatinik imalimmi uppersaatinik allatigulluunniit ersinngilaq suliami qanoq pisoqarsimansoq, suliarlu oqartussaasut assigiinngitsut suleqatigiiffianni 231. februar 2002-mi naliliiffigineqarnermi kingorna suliamik suliarinnittumut utertinneqarnerata kingorna 2. maj 2002-p tungaanut suliamik suliarinnittumit tigoqqinneqarsimasutut allattukkat malillugit nalunaarsorneqarnermi tungaanut sumiissimansoq.

7. maj 2002-mi suliaq Isumaginninnermi Ingerlatsivimmi A-mut oqaloqatigiissutigineqarpoq.

Tamanna suliami allattuiffimmi ulloq taanna tamanna pillugu allanneqarsimasunit erserpoq.

Sulineramik misiliisitseqqaarnani siusinaartumik soraarnerussutisiaqalernissamik qinnuteqartoqassasoq inerniliisoqarpoq, A-llu nakorsap oqaaseqaataa 13. marts 2002-meersoq nakorsaanerup OL-ip suliarisimasaa isumamik taassuminnga tapersersuisoq nassarpaa.

Nakorsap oqaaseqaataasa assilinerat suliami allagaatinut ilaavoq.

Nakorsap oqaaseqaataani tassani allassimavoq Sulisilluni Ajoqusersinnaanermut Sillimmasiisarnermi Ataatsimiititaliap qinnuteqarneratigut na-

korsap OL-ip nakorsaasersuineramik, puakkut nappaatinik aamma assigiinngitsunik sapigaqartunik immikkut ilisimasallip A misissorsimagaa.

Nakorsap oqaaseqaataani imatut inerniliisoqarpoq:

”Pineqartog qaamigut 1997-imi sakortuumik anaatissimavoq, postcommotionelt syndromemillu taaneqartumik ajoquteqartutut nalilerneqarluni. Niaqorluttuarnerarlunilu qiterminik anniartuarnerarpoq. Eqqarsartaatsikkut sanngiitsutut nalilerneqartariaqarpoq, annerisanilu qaangeruminaatsissimallugit – sianiuilerisuttalu katsorsaansissamat periarfissat killeqartutut nalilerpai. Piginnaanngorsaaqqinniarnert iluatsinngitsumik misilinneqarsimapput. Pukutsumi tuilinilu sukattooqqanerit sania-tigut allanik nassaassaqaanngilaq, eqqarsartaatsikkullu sanngiitsuunerata pissusia ataavartunngortissimavaa. Sulisinnaassuseqarnera 1997-imi annernerata kingorna annertuumik annikilleriarsimavoq, siusinnerusukkutullu sulisinnaanermisut sulinis-saminut periarfissai annertoorsuartut nalilersinnaanngilakka. Atuarfimmi annikit-suinnarmik atuarsimanera pissutaalluni inissisimanera ajoraluartumik nikeriaq-qissinnaagunannngilaq.” (Atorfeqarfimmi nutsigaavoq.)

Kommunimi suliarinnittoq aqqit aallaqqataannik S7-imik nalunaarsor-neqarsimavoq.

16. maj 2002-mi suliaq Oqartussaasut Assigiinngitsut Suleqatigiiffian-nut nassiteqqinneqarpoq.

Tamanna suliami allattuiffimmi ulloq taanna tamanna pillugu allanne-qarsimasunit erserpoq.

Naatsorsuutigineqartariaqarpoq inassuteqaat tassaasimassasoq qinnute-qaat sulisinnaassusermik misiliinertaqaanngitsumik akuerineqassasoq, sul-ierni ajoquserneq pillugu suliamut atatillugu nakorsap oqaaseqaataa nu-taaq innersuussutigalugu, kisianni tamanna suliami uppernarsaasersuutinit ersinngilaq.

5. september 2002-mi suliaq oqartussaasut assigiinngitsut suleqatigiiff-iani (TFU-revami) suliareqqinneqarpoq.

Suliap Oqartussaasut Assigiinngitsut Suleqatigiiffianni suliareqqinne-qarsimanera suliami allattuiffimmut allanneqarsimannngilaq.

Mappi suliami allagaatinik imalik ataatsimiititaliap ataatsimiinnerani suliap suliarineqarfiani imaqaarniliamik imaqaanngilaq.

Kisianni Isumaginninnermi Ataatsimiititaliap 12. september 2002-mi ataatsimiinnerani imaqaarniliamik erserpoq Oqartussaasut Assigiinngitsut Suleqatigiiffiata 5. september ataatsimiinnermi A-p siusinaartumik so-raarnerussutisiaqalersinneqarnissaa kaammattuutigisimagaa.

12. september 2002mi suliaq Isumaginninnermi Ataatsimiititaliamit su-liarineqarpoq.

Tamanna suliami allattuiffimmi allatamik 17. september 2002-meer-sumit erserpoq.

Mappi allagaatinik imalik Isumaginninnermi Ataatsimiititaliap 12. sep-tember 2002-mi ataatsimiinnerani imaqaarniliap assilineranik kiisalu Isuma-ginninnermut Ataatsimiititaliap A-mut ulloq taanna allagaasa assilineran-ik imaqaarpoq.

Inassuteqaatigineqarpoq A-p siusinaartumik soraarnerussutisiaqalernisamik qinnuteqaataa pisortanit pensionisiat pillugit Inatsisartut peqqusutaanni nr. 10-mi, 30. oktober 1998-imeersumi § 15 tunngavigalugu 1. februar 2001 aallarnerfigalugu atuutilersumik akuerineqassasoq.

Suliami allattuiffimmi allataq assaannarmik allanneqarsimavoq, suliamillu suliarinnittumit nutaamit atsiorneqarsimagunarluni. Naqinnerit aqqit aallaqqaataat atuarneqarsinnaanngillat.

Suliami allattuiffimmit, mappimi suliani allagaatinik imalimmi uppernarsaatinit allatigulluunniit suliami 16. maj 2002-mit 5. september 2002-mut qanoq pisoqarsimanagera ersinngilaq.

7. oktober 2002-mi siusinaartumik soraarnerussutisiaqalersitsinermi periaasiusartoq pillugu paasissutissat kiisalu suliamik suliarinnittup kinaanera pillugu paasissutissat A-p tiguai.

Tamanna suliami allattuiffimmi ulloq taanna tamanna pillugu allanneqarsimasunit erserpoq.

Mappi suliami allagaatinik imalik tamatumunnga atatillugu uppernarsaammik imaqanngilaq.

Suliami allattuiffimmi allataq assaannarmik allanneqarsimavoq, suliamillu suliarinnittumit 17. september 2002-mi allattuisimasumit allanneqarsimalluni. Naqinnerit aqqit aallaqqaataat atuarneqarsinnaanngillat.

9. oktober 2002-mi Isumaginninnermik Ingerlatsivik suliami allattuiffimmut allappoq A 1. februar 2001-mi aallartittumik siusinaartumik soraarnerussutisiaqalersinneqarsimasoq.

*Tamatuma kingorna imaattunik oqaaseqaateqarpunga:*

*“Inatsisitigut tunngavigisaq:*

*Siusinaartumik soraarnerussutisiat pillugit malittarisassat pisortanit pensionisiat pillugit Inatsisartut peqqusutaanni nr. 10-mi, 30. oktober 1998-imeersumiipput.*

*Siusinaartumik soraarnerussutisiaqalersitsinissami piumasaqaataasut peqqussummi kapitali 2-mit erserput, § 15-imilu siusinaartumik soraarnerussutisiaqalersitsinermi tunngaviusumik aalajangersarneqarluni ”Siusinaartumik pensionisiat pisartagaritinneqalersinnaapput inunnut timimik-kut, eqqarsartaatsimikkut aamma/imaluunniit atukkat pissutigalugit atavartumik inuussutissarsiorsinnaajunaarsimasunut.”*

*Kommunalbestyrelsi aamma Isumaginninnermut Pisortaqarfik siusinaartumik soraarnerussutisiaqalersitsinissaq pillugu suliat aalajangiiviginissaannut pisinnaatitaapput, tak. peqqussummi § 9.*

*Siusinaartumik soraarnerussutisiat pillugit malittarisassat taamani atuuttut Namminersornerullutik Oqartussat nalunaarutaanni nr. 34-mi 22. december 1997-imeersumi aalajangersarneqarsimapput.*

*Nalunaarut taanna ilaatigut makkuninnga imaqarpoq:*

”§ 3. Oqartussaqaarfiit assigiinngitsunik suliallit isumaginninnermi suliassat pillugit suleqatigiinnissamut inatsisartut peqqussutaat malillugu isumaginninnermik ingerlatsiviup siusinaartumik pensionisiaqalernissaq pillugu inassutigisaa oqartussaasoqarfiit assigiinngitsunik suliallit suleqatigiiffianni suliarineqartassaaq, isumaginninnermut ataatsimiititaliaq aalajangiitinnagu.

Imm. 2. Isumaginninnikkut siusinaartumik pensionisiaqalerninnermut atatillugu suliassat suliarineqarneranni peqqinnissaqarfik suliffissarsiuussisarfillu ilaati-taqassapput. Oqartussaasoqarfiit allat suliassat attuumassuteqartut, soorlu atuarfik, ilinniarfiit, politiit imaluunniit pinerluuteqarsimasunik isumaginnittoqarfik pisariaqartitsineq naapertorlugu eqqartukkap oqaluserineranut peqataaqquneqarsinnaapput.

§ 4. Isumaginninnermut ataatsimiititaliap isumaginninnikkut siusinaartumik pensionisiaqalernissamut qinnutigisamik ataatsimiissuteqarneranni pigineqassapput:

1) nakorsamit uppernarsaat, isumaginninnermut ataatsimiititaliamit akilerneqartussaq,

2) suliffissarsiuussisarfimmit allagartaq,

3) inuuniarnermi atukkat pillugit nalunaarut, aamma

4) suleqatigiissitap oqartussaqaarfinit assigiinngitsunit peqataaffigineqartup inassutaa.

Imm. 2. Suliani ataasiakkaani oqartussaasoqarfiit allat peqataaffigisinnaasaanni taakku oqaaseqaateqarsimassapput.”

Namminersornerullutik Oqartussani Inatsisileriffiup suliassat suliarineqartarnerat pillugu inatsit pillugu ilitsersuusiamit december 1994-i-meersumit suliat suliarineqartarnerat pillugu isumaliutersuut imaattoq er-serpoq:

”199. Suliassat tamarmik pisortat ingerlatsiviinit suliarineqartut soorunami sapinngisamik pisariitsumik, sukkasuumik aningaasartuutaavallaanngitsumillu suliarineqartarnissaannik piimasaqaat pingaartumik atuuppoq suliassanut inuit ataasiakkaat imaluunniit namminersorlutik ingerlatseqatigiiffiit, suliffeqarfiit, peqatigiiffiit il.il. attuumassuteqarfigisaanni.”

Aammattaaq ingerlatsinnermi oqartussaasumut piimasaqaataavoq suliat oqartussaasup aalajangiiffigisassatut suliarisassai illersorneqarsinnaasumik paasissutissartalersorneqassasut. Tamatuma ilaatigut nassataraa suliani suliarisimasamini paasissutissat pisariaqartut pissarsiarisimallugit oqartussaasup uppernarsarsinnaassagaa.

Suliap uppernarsaasorsorneqarnissaanik tunngavik arlalinnik siunertaqarpoq. Suliap eqqortumik suliarineqarneranut aalajangiivigineqarneranullu uppernarsaatit pingaarnersutut uppernarsaataanissaanut siunertat taaneqartut saniatigut tunngavik taanna aamma pingaaruteqarpoq, suliap uppernarsaasorsorneqarneranut tunngasut pillugit saqitsaanneq pilissagaluarpas. Aammattaaq suliap erseqqissumik uppernarsaasorsorneqarnerata qulakiissava suliap sumut killissimaneranik oqartussaasup sukkulluunniit takunnissinnaanera, kiisalu suliap sulianik suliarinnittut ataasiakkaat apeqqutaatinnagit suliarineqarsinnaanera.

*Tunngavik taanna allagaateqarneq pillugu Inatsisartut inatsisaannut nr. 22-mut, 30. oktober 1998-imeersumut ataneqartinneqarsinnaavoq. Makku inatsimmi tassannga erserput:*

*”§ 6. Suulluunniit paasissutissartallit pisortat sullissiveqarfiini sulinikkut pilersinneqartut taakkuluunniit aqquitalugit pilersinneqartut toqqorneqassapput.*

*§ 7. Pisortat sullissiveqarfiutaasa toqqortaatinik qaqugukkulluunniit isuman-naatsumik suliarineqarnissaat toqqortarineqarnissaallu isumagissavaat.”*

*Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 7 oqartussaasut ilit-sersuisussaatitaanerat pillugu aalajangersakkamik imaqarpoq.*

*Ilitersuisussaatitaaneq taanna Namminersornerullutik Oqartussani Inatsisileriffiup suliassat suliarineqartarnerat pillugu inatsit pillugu ilitser-suusiaani december 1994-imeersumi itisilerlugu allaaserineqarsimavoq.*

*Ilitersuummi immikkoortoq 29 imaattunik oqaasertaqarpoq:*

*”Ingerlatsineranut oqartussaaffiit tamarmik suliassani oqartussaaffigisaminni ingerlanneqartuni innuttaasunut ilitersuinissamut nalinginnaasumik pisussaaffe-qarput. ...”*

*Aammattaaq ilitersuut taanna immikkoortumi 204-miit 207-imut oqar-tussaasut akissuteqarnissamut piffissaliussamut piffissamullu suliap sulia-rineqarneranut atorineqartumut il.il. atatillugu qanoq iliuuseqartariaqar-nerannik allaaserisamik imaqarpoq.*

*Ilitersuummi immikkoortoq 206-imi imaattoq ilanngunneqarsimavoq:*

*”Oqartussaaffiup aammattaaq suliassamut tunngassuteqartoq ilisimatittariaqar-paa suliassaq sivikinnerusumik suliarineqartussaagaluaq immikkut pissuteqartumik pisarnermit sivilisunerusumik suliarineqartariaqalerpat.”*

*Suliaq pineqartoq:*

*1. Piffissaq suliap suliarineqarneranut atorineqartoq.*

*Suliamit erserpoq A-p soraarnerussutisiaqalernissamik qinnuteqaataa eqqarsaatigalugu piffissani arlalinni suliamik suliarinninnermi iliuuseqar-toqartarsimangitsoq.*

*Taamaalilluni piffissamit qinnuteqarfiusumit 26. januar 2001-imit su-liap isumaginninnermik ingerlatsivimmi siunnersuineranut immikkoortor-taqarfimmut tunniunneqarnissata tungaanut qaammatit sisamat ingerlasi-mapput.*

*Suliami uppernarsaasiissutinit takuneqarsinnaanngilaq piffissami tas-sani suliami tassani suut suliarineqarsimanersut.*

*Suliami allattuiffimmit, mappimi suliami allagaatinik imalimmi uppernarsaatinit allatigulluunniit juli 2001-imit ingerlatsiviup nakorsap misissuinissaanik qinnuteqarfiusumit 13. december 2001-ip tungaanut nakorsaq 4. juli 2001-imi misissueqqullugu qinnuigineqareersimasoq misissuisoqarnissaanik qinnuteqaqqinnerup tungaanut qaammatini tallimani suliamik suliarinninermik sumilluunniit ingerlatsisoqarsimanersoq ersinngilaq.*

*Suliami allattuiffimmit, mappimi suliami allagaatinik imalimmi uppernarsaatinit allatigulluunniit suliap oqartussaasut assigiinngitsut suleqatigiiffianni 21. februar 2002-mi naliliiffigineqarnerata kingorna 2. maj 2002-p tungaanut suliami qanoq pisoqarsimanersoq ersinngilaq. Tamatumunnga atatillugu erseqqissarneqassaaq suliap uppernarsaasersugaanera malillugu imaammat suliaq isumaginninnermik ingerlatsivimmu 21. februar 2002-mi nassiunneqarsimasoq, tiguneqartutulli aatsaat 2. maj 2002-mi allanneqarsimalluni.*

*Kiisalu suliami allattuiffimmit, mappimi suliami allagaatinik imalimmi uppernarsaatinit allatigulluunniit suliami 16. maj 2002-mi isumaginninnermik ingerlatsiviup siusinaartumik soraarnerussutisiaqalernissamik qinnuteqaammik oqartussaasut assigiinngitsut suleqatigiiffiannut nassiussineranit (qinnuteqaatip akuerineqarnissaanik inassuteqaammik ilaqartineqarsimagunartumik) suliap oqartussaasut assigiinngitsut suleqatigiiffianni 5. september 2002-mi suliarineqarnissaata tungaanut suliami qanoq pisoqarsimanersoq ersinngilaq.*

*Ataatsimut eqikkaallunga oqaatigisariaqarpara A-p siusinaartumik soraarnerussutisiaqalerniarluni qinnuteqarneranit tamanna pillugu aalajangiisooqarnissaata tungaanut qaammatit 20-t ingerlasimasut. Suliamik suliarinninneq piffissani arlalinni uninngatinneqartarsimavoq. Taakku ataatsimoorlutik katillutik qaammatinik 14-inik sivissuseqarput, tamanalu isoriarsariaqartutut isigaara.*

## 2. Uppernarsaasersuineq.

*Aallaqqaasiullugu oqaatigisariaqarpara uppernarsaasersuutit assilineri, matumani ingerlatsivimmi oqartussaasup suliami allagarisimasai ilanngullugit eqqarsaatigalugit, ingerlatsivimmi oqartussaasup toqqortarisussaagai. Oqaatigaara mappi suliami allagaatinik imalik tigusimasara tasunga tunngasut eqqarsaatigalugit amigaatilerujussuummat, allagaatillu tigusimasakka tunngavigalugit uppernarsaasersuuteqannginnera uppernarsaasersuutit tammarsimanerannik imaluunniit uppernarsaasersuisoqarsimannginneranik pissuteqarnersoq arlaleriarlunga nalornissutigarsimallugu.*

*Taamaalilluni suliami A-p siusinaartumik soraarnerussutisiaqalernissamik 26. januar 2001-imi qinnuteqarsimanera uppernarsaatitaqanngilaq.*

*Pingaartumik tamanna pillugu oqaatigaara tunngaviutittariaqariga siusinaartumik soraarnerussutisiaqalerniarluni qinnuteqarnermi immersugas-*

saq nalinginnaasumik atorneqatartuq A-p 26. januar 2001-imi saaffigininnerani immersorneqarsimannigitsuq, imaluunniit immersorneqarsimagaluarluni kingusinnerusukkut tammarsimasuq. Siusinaartumik soraarnerussutisiaqalernissamik qinnuteqaatip 26. januar 2001-imi aallarnertumik atortuulernerata naatsorsuunneqarnissaa isumaqatigigaluarukkulluunniit immersugassap amigaatigineqarnera ingerlatsivimmit immersugassamik 28. januar 2001-imi 26. januar 2001-imik ulluliineratigut aaqqiivigineqarnera isorisarialerujussuuartut isigaara.

Ajornartorsiut taanna suliamik suliarinnittup suliaq misissoreerlugu tamanna pillugu allakkiorneratigut aaqqinneqarsimasariaqaraluarpoq, allakkiamilu tassani pisut ingerlasimanerat nassuiarlugu. Tamatuma sanitatigut immersugassap atorneqarnissaa suliamik ingerlatsisup naleqqututut isigippagu atsiornepur ullulerneqarnera soorunami eqqortuusariaqarpoq, imatut paasillugu oqartussaasut assigiinngitsunik suliaqartut aamma isumaginninnermut ataatsimiititaliap suliamik suliarinninnermi pisut ataqatiginneqarnerat eqqortoq erseqqivissumik paasissagaat.

Aammattaaq suliap kommunimi siunnersuinnermut immikkoortotaqarfimmuq tunniunneqarneranut atatillugu imaqarniliap suliarineqarsimagunartup assilineri, immersugassap tungujortup immersorneqarnissaanut A-mik aggeqqusilluni 11. januar 2001-imi allakkat assilineri, suliap isumaginninnermik ingerlatsivimmit oqartussaasut assigiinngitsut suleqatigiiffiannut 14. februar 2002-mi nassiunneqarneranut atatillugu uppernarsaasersuutip/allakkat assilineri, siusinaartumik soraarnerussutisiaqalernissamik qinnuteqaatip isumaginninnermik ingerlatsivimmit oqartussaasut assigiinngitsut suleqatigiiffiannut 16. maj 2002-mi nassiuteqqinneqarnera pillugu uppernarsaasersuutit assilineri kiisalu suliap oqartussaasut assigiinngitsut suleqatigiiffiannit 5. september 2002-mi suliarineqarsimaneranut uppernarsaasersuutit assilineri amigaataapput.

Uppernarsaasersuutit amigaataanerit uppernarsaasersuutillu amigaateqarnerat isorisarialerujussuuartut isigaara.

### 3. Allattuisussaatitaaneq.

Pisortani oqartussaasut suliamik suliarinninnermi iliuusaasut pingaaruteqartut suliani allatut iliorhuni uppernarsaasersorneqarsimannigitsut pillugit allakkiorneqarnissamut pisussaaffeqarput. Aammattaaq suliat paasiuminartuutinniarlugit suliamik suliarinninnerit uppernarsaasersorneqarnissaat pisussaaffiuvoq, taamaalilluni oqartussaasoq suliami imaaliillaanarluni iliuuseqarnissaminut periarfissaqarsinnaaqqullugu. Tamanna pisuni suliap suliamik suliarinnittunit assigiinngitsorpassuarnit suliarineqarsinnaanerit oqartussaasut ilisimasaqarfiini pingaartumik atuuppoq.

Oqaatigisariaqarpara A pillugu suliami allattuiffimmi allattukkat sukkut tamaanaartutut isikkoqartut.

*Immikkut erseqqissarlugu oqaatigaara ... Nakorsiartarfimmi nakorsamit misissuisoqarnissanik kommunip 4. juli 2001-imi qinnuteqarnera suliami allattuiffimmut allanneqarsimanngitsoq, tamannalu kommunip suliamik suliarinninnermi atugassatut paasissutissanik Nakorsiartarfimmut 13. december 2001-imi kukkunikkut qinnuteqaqqinneranut pissutaasimagunarluinnartog.*

*Inassuteqaatigaara kommuni suliami allattuiffimmi allattuisarnermini peqqissaarnerussasog, taamaalilluni suliamik suliarinninnermi iliuuserisat suut iliuuserineqarsimanerannik sukkulluunniit pilertortumik aamma paasiniaasogarsinnaasaqullugu.*

#### 4. Ilitsersuineq.

*A-p 7. oktober 2002 sioqqullugu suliamik imminent tunngasumik kia suliarinnittuuneranik kommunip suliniuteqarneratigut paasissutissinneqarsimanagera suliami uppersaasersorneqarsimanngiliq allanneqarsimananiluunniit. Tamanna suliap A-mut tunngasup suliamik suliarinnittorisaminut suliarineqarnermi isumaginninnermik ingerlatsivimmi aallarnisaa-taasumik suliarineqareerluni isumaginninnermik ingerlatsivimmi suliamik suliarinnittumut nutaamut soraarnerussutisiaqalernissamik qinnuteqaatip suliarineqarnissaa siunertaralugu tunniunneqarsimaneranut atatillugu isiginiarneqassaaq.*

*Suliap ingerlasimanerani tassani suliap suliamik suliarinnittunit sisamanit suliarineqartarsimavoq. (Soraarnerussutisiaqalernissamik suliami allattuiffimmi inuit assigiinngitsut arfineq marluk allattuisarsimapput.)*

*Suliap suliarineqartup suliamik suliarinnittumit allamit tiguneqartariaqarnera soorunami pisinnaasarpoq.*

*Suliamik suliarinnittut taama taarseraatsigisimanerat pisariaqarsimangersog misissorsimanngilara. Taamaattorli isumaqarpunga suliamik suliarinnittup allamik taarserneqarnerata aatsaat tamanna pinngitsoorsinnaattinnagu pisarnissaa kommunip ataatsimut anguniartariaqaraa. Inassuteqaatigisariaqarparali suliamik suliarinnittup allatut ajornartumik aamma taarsertariaqalerfiani siusinaartumik soraarnerussusiaqalernissamik suliami suliamik suliarinnittup kinaanera, suliap soog sivitsuloorunneqarnera kiisalu tamatuma piffissamut suliamik suliarinninnermut atorneqartumut tamarmiusumut kingunerisassaa kommunip suliniuteqarnermigut suliami illua tungiusumut ingerlaavartumik ilisimatitsissutigisassagai.”*

### **3. Meeqqanut akilersuutit tunniunneqarallarsimasut akilersin- niarneqarnerannut atatillugu kommunip suliamik uppersaasarsuina.**

*Aningaasat ilaqutariinnut marlunnet meeqqaminik paarsaqartunut kommunip tunniussimasaasa matussutissaannik kommuni akiliisitsiniarsimammat innuttaasog naammagittaalliorpoq.*



*Suliami allagaatit Ombudsmandimut nassiuteqqullugit Ombudsmandi arlaleriarluni kommunimut qinnuiginnittareersoq kommunip allagaatit pigingikkai kommunip oqaatigisariaqarsimavaa. Kommunip amigartumik uppernarsaasersuina isorisarialerujussuartut Ombudsmandip isigaa, inassuteqaatigalugulu periaatsit suliami allagaatit tammaaneqartanninnissaannik imaluunniit nassaareqqinneqarsinnaajunnaartanninnissaannik qulakkeerisut kommunip atulersissagai.*

*Ombudsmandi oqaaseqaateqarpoq suliap amigartumik uppernarsaasersorneqarsimanerata nassatarisaanik Ombudsmandi isumaqartoq aningaasat kommunip meeqqanut akilersuutitut akilerallarsimasai kommunip akilersinniaqqissinnaanngikkai, aningaasat sorliit kommunip siumoortumik tunniussimanerai kommunip uppernarsarsinnaanngimmagu. (J.nr. 11.10.10.01/041-01)*

A-p meeqqami oqartussaasut avaqqullugit paarisassanngorlugit inissinneqarnerinut atatillugu imminut akiligassiissutigineqartut pillugit naammagittaalliuutaa 7. maj 2001-imi tiguara.

A-p allakkatigut 6. juni 2001-imeersutigut itisilerpai. Ilaatigut makku oqaatigai:

”Meeqqat paaritiinnarput, kisianni nalusannik eqqartuussivikkut aalajangiisoqarsimavoq. Taava akilersuilerpunga iluitsunik, meeqqamut ataatsimut ukiumut 9.096,00 kr., aamma angutaat taamannak. Kingorna paasilerpara erneru, ..., atisa-kuinnarnik atisalersorneqartoq. Akilersuutigisimasakka taarserneqarnianngippata qanoq arlaatigut ikiorneqarusukkaluarpunga.

(...)

Paasiuminaatsippara akilersuutikka taama amerlatinginersut, tassami 30.000 kr. angumammagit.

Neriuppunga paasilluarneqassallunga!”

K1 Kommuni allakkatigut 8. august 2001-imeersutigut qinnuigaara suliaq pillugu oqaaseqaateqaqqullugu.

K1 Kommunip allakkatigut 17. august 2001-imeersutigut akivaanga kommuni A pillugu suliaateqanngitsaq, A-llu komunitut siusinnerusuk-kut najugarisimasaanut K2 Kommunimut innersuullunga.

Taamaattumik K2 Kommunimut 7. september 2001-imi allappunga, kommuni qinnuigalugu suliaq pillugu oqaaseqaateqaqqullugu, kiisalu A-p meeraasa paarisassanngortillugit inissinneqarnerat pillugu kommunip suliaataa uannut nassiuteqqullugu.

K2 Kommunip uannut allakkamini 19. november 2001-imeersuni makku oqaatigai:

”Siullertut K2 Kommuni A-mik naammagittaalliummik tingusaqarsimanngilangut meeqqanut akilersuineranut tunngatillugu.

Inunnik Isumaginnittoqarfik avaqqullugu meeqqat pineqartut inissinneqarsimapput B-mut, taamanikkullu angajoqqaarsiaasut Isumaginnittoqarfimmut kalerriuteqarput tassaasut: ... ilisimatitsillutik meeqqanik, tamarmik ataatsimik paarsaqalersimallutik.

Tamannalu Isumaginnittoqarfimmiik ilisimaneqalermat A allakkatingut aggersarneqarpoq angajoqqaarsiaasut paarsinissamik allangartamik peqannginnerat tunngaviulluni. Inatsisartut peqqussutaat nr. 9 meeqqanut inuusuttuaqqanullu ikiorsiisarnannut peqqussut naapertorlugu § 36 tunngavingalungu A aggersarneqaraluarpoq ataasiarani kinguneqanngittumillu.

Tamannalu kinguneqartannginnera utaqqiinnarsinnaannginnakku A allakkanik nassippara ima nipilinnik; Inunnik Isumaginnittoqarfiup Ataatsimiititaliaanut allanqaassallunga angajoqqaarsiaasut paarsinissaminut (plejetilladelse)-mik qinnuteqaanniarlugit tamannalu ilutigalugu meeqqami pilersorneqarnissaannut akilersuinis-saa immikkut qinnuteqaatigissallugu Børnelovens § 13 tunngaviliullugu angajoqqaat meeqqaminut pilersuisussaataanerat naapertorlugu. Akilersuitinneqarporlu takst-it nalinginnaasut naapertorlugit.

(...)

Erseqqissaatigissavara A K1 Kommunimut nuunnerata kingorna sagsmappe K1 Kommunimut massiunneqarsimammat. K1 Kommunimullu piniartariaqassangissi.”

Tamatuma kingorna, 29. november 2001-imi, A qinnuigaara K2 Kommunip akissutaa pillugu oqaaseqaateqaqqullugu. Tamatumunnga akissumik A-mit tigusaqarsimanngilanga.

Tamatuma kingorna K1 Kommunimut allakkatigut 22. april 2002-meersutigut saaffiginneqippunga.

K1 Kommunip oqarasuaatikkut uannut 14. maj 2002-mi saaffiginnilluni nalunaarutigaa ilumoorloq A kommunimi massakkut najugaqartoq, meeraasali paarsassanngorlugit inissinneqarnerat pillugu suliaq A K2 Kommunimi najugaqarallarmat ingerlanneqarsimasoq. Taamaattumik K1 Kommunip paarsassanngortitsilluni inissiineq pillugu suliami allagaatinik tigungmiaqanngilaq.

Taamaattumik K2 Kommuni allakkatigut 9. august 2002-meersutigut qinnuigaara mappi imaluunniit mappit A-p meeraasa inissinneqarnerat pillugu suliap ingerlanneqarfia ingerlanneqarfiiluunniit uannut nassiuteqqullugit. Tamatumunnga peqatigitillugu K2 Kommuni qinnuigaara aalajangersakkat kommunip akiliuteqartitsinerminut tunngavigisimasai nalunaarutigeqqullugit, kiisalu A-p aningaasaqarnikkut atugaasa isiginiarneqarnerat kommunip ilanngussimaneraa akeqqullugu, matumani ilaqutariit meeqqanik paarsaqalersimasut paarsaqarnersiuteqartinneqarnissaat kommunip nammineerluni isumaliutersuutigisimaneraa ilanngullugu eqqarsaatigalugu.

K2 Kommunip tamatuma kingorna oqarasuaatikkut uannut 10. oktober 2002-mi saaffiginninnermini oqaatigaa suliami allagaatit kommunip nani-sinnaasimannikkai, suliali K1 Kommunimut nassiunneqarsimasinnaaner-at massakkut misissorlugu.

Piffissaq taanna iluatsillugu kommunimi isumaginninnermik ingerlatsivimmi pisortamut isumaqatigiissutigaaara kommunip tusarniaanermut akis-sutaa suliarineqareersimasooq nassiutissagaa.

K2 Kommunip allagai 4. oktober 2002-meersut 21. oktober 2002-mi tiguakka. Kommunip makku oqaatigai:

”Pineqartoq: Meeraanik pilersuinnermut atatillugu akiligassamik K2 Kommunimit nassinneqarsimanini pillugu A-p naammagittaalliutaa.

Qulaani taaneqartoq pillugu allakkatit 27. september 2002-meersut innersuusutigalugit ataatigut atsiortoq nassuiaammut isumaginninnermi siunnersortip Om-budsmandimut nassiussimasaaq matumuunakkut innersuussissaaq.

Tamatumunnga atatillugu suli ataasiarlunga ilisimatitsissutigissavara qulaani taaneqartoq nammineerluni inunnik, isumaginninnermut ingerlatsivimmit ilisimaneqanngitsunik, isumaqatigiissuteqarfiginnilluni meeqqani nunaqarfimmi B-mi ilisarisimasamini namminersuutamik ilaqutariinni paarisassanngortissimagai.

Kingorna Isumaginninnermut ingerlatsivik angajoqqaarsianit taakkunanga at-taveqarfigineqarsimavoq, taakkua meeqqanik paarisqaalersimanerminnik nalunaaruteqarnermik saniatigut aammattaaq meeqqanut pilersuisutut akilersuutit apeq-qutilliissuteqarsimallutik.

Tamatumunnga atatillugu isumaginninnermut ingerlatsiviup meeqqanik inuusut-tunillu ikiorsiisarneq pillugu Inatsisartut peqqussutaanni nr. 9-mi, 30. oktober 1992-imeersumi kapitali 10, § 36 tunngavigalugu arlaleriarluni A aggeqqusarsimavaa, kinguneqanngitsumilli.

Angajoqqaarsiat meeqqanut pilersuinnermut akilersuutininik pisariaqartitsinertik pillugu nunaqarfimmi kommunip allaffianut saaffiginnissimmammata akuersissutigi-neqarpoq pilersuinnermut akilersuutininik angajoqqaarsianut tunniussisoqassasoq, pisortanit ikiorsiissutit pillugit Inatsisartut peqqussutaanni nr. 10-mi, 1. november 1982-imeersumi kapitali 1, § 3 taamatullu meeqqat inatsiseqartitaanerannik Kalaallit Nunaanni 16. juni 1962-imi inatsimmi kapitali 2, § 13 tunngavigalugit. Taamaaliornissaq isumaginninnermut ataatsimiititaliamit akuerineqarsimavoq.

Allakkanni 9. auguat 2002-meersuni K2 Kommuni qinnuigisimavat ilaqutariin-nut, meeqqanik paarinnilersimasunut, taartisisitsinissaq kommunip nammineq isu-maliutigisimaneraa akissuteqarfigeqqullugu.

Tamatumunnga atatillugu nalunaarutigisinnaavarput meeqqat angajoqqaarsiaasa pineqartut akissarsisinneqarnissaat K2 Kommunimi qularutigineqarsimanngitsoq, tassami meeqqat arnaat paaqqinninnissamik isumaqatigiissuteqarnermi neriorsuisi-mammamat meeqqat najugaqarnerannut akiliumalluni, taamaattoarli tamaaliorniarnini eqqortinnagu, ilaqutariillu paaqqinnittut taamaalillutik meeqqat paarisassatut tigu-gamikkat ajortumik siunertaqaratik iliorsimasut.

A K2 Kommunimi inunnik isumaginninnermut ingerlatsivimmit ilisarisimaneqarpoq, tassami ingerlatsivik siornatigut pisimasuni, ilaqutariinni pisumut taassu-munnga assingusuni, akulititinneqartarsimmamat, taamatut pisoqarnerani ingerlat-sivik ilaqutariit ikiorlugit iluarsisinniarnierini suliassaqartitaangaatsiartarsimaqaluni. Taamaattumik ingerlatsiviup meeqqat arnaannit suli ataasiarluni akisussaassuseqan-ngitsumik iliuserisaq taanna ilungersunartorujussuurtut isigaa, taamatuttaarlu soorlu aamma meeqqat arnaata pisortat suli ataasiarlutik meeqqaninik pilersuisus-saasariaqarnerannik isumaqarfiginnilluinnarnera aammalu aggeqqusisarnerit assi-giunngitsut taassuma tungaaniit sumiginnaannarneqartarnerat taamaaliornermi-gullu pisumi tamatumani piaaraluni ingerlatsivimmik suleqateqanngitsoornera i-lungersunartutut isigineqarsimasooq.

Ilinnut paasissutissiissutitut ilisimatitsissutigineqarsinnaavoq A ukioq 2000-imi aningaasarsianik akileraaruteqaataasussanik 73.320,00 kr.-nik isertitaqarsimasoq, siornatigullu uigisimasaa aningaasarsianik akileraaruteqaataasussanik 219.227,00 kr.-nik isertitaqarsimasoq.

Naggataatigut ajuusaarutigalugu nalunaarfigissavakkit meeqqat pillugit suliani allagaatit maani ingerlatsivitsinni ajoraluartumik nassaarisinnaasimannikkivut. Suna tamaat ujarlerfigisimagaluarparput, taaneqareersutulli nanisinnaasimanngilavut, taamaattumillu saaffiginnissutigisat aatsaat massakkut akissuteqarfigisinnaasimavarput.

Isumaqarpugut taakkua K1 Kommunimut, meeqqat arnaatalu ullumikkut najugaqarfigisaannut, nassiunneqarsimasut. K1 Kommunimi inunnik isumaginninnermut ingerlatsivik qinnuigisimavarput suliami allagaatit taakkua nassaariniaqqullugit.” (Atorfeqarfimmi nutsigaavoq.)

K2 Kommuni 11. december 2002-mi allaffigaara, kommunilu qinnuigalugu suliami allagaatit uppernarsaatillu aalajangiinnermut taaneqartumut tunngaviusimasut uannut nassiuteqqullugit. Tamatumunnga peqatigitillugu K2 Kommuni qinnuigaara suliami allagaatit uppernarsaatillu allakkani 4. oktober 2002-meersuni uannut akissutip suliarineqarneranut tunngaviusimasut, kommunip qarasaasiaani toqqortanit allaqqiinerusinnaasut, uannut nassiuteqqullugit.

K2 Kommunip allakkatigut 14. februar 2003-meersutigut ilaatigut imatut akivaanga:

”Allakkannut 11. december 2002-meersunut akissutitut siullermik aatsaat massakkut akissuteqaratta ajuusaarutigissavara. Tamatumunnga atatillugu ilinnut nalunaarutigisinnaavarput meeqqat ...-ikkut pillugit suliami allagaatit manna tikillugu suli nanisinnaasimannikkigut.

Tamatuma saniatigut ajuusaarutigissavara allakkanni 4. oktober 2002-meersuni kukkullunga allassimagama meeqqat inuuniutissaannut ikiorsiissutit Isumaginninnermut Ataatsimiititaliap akuerisimagai. Tamanna ataatigut atsiortup suliamillu suliarinnittup paatsooqatigiissimanerannik pissuteqarpoq, tassami meeqqat anaanaat pisariaqartitsineq taamani pilermat eqqartuussivikkoortumik akilersuisussannorgotitsinerit tunngavigalugit akilersuisinneqalersimammat, tassalu meeqqat angajoqqaarsiaannut tunniunneqarsimasut tassaapput meeqqanut akilersuutit. Tamatumunnga atatillugu meeqqat inatsiseqartitaanerannik Kalaallit Nunaanni inatsimmi 16. juni 1962-imeersumi kap. 2 § 13 imm. 1 aamma 2 innersuusutigeqqippagut.

Uppernarsaasersuutit ilanngullugit nassiunneqartut kommunip piumasaqaataanut sanilliullugit naammannippata suliaq aningaasaqarnermut ataatsimiititaliamut saqqummiuttariaqassavarput, akilersuutit tunniunneqarsimasut utertinneqqarnissaannik piumasaqaatip tunuartinneqarnissaanut K2 Kommuni inatsisitigut tunngavissaqarnerasoq apeqquteqaatigalugu, tassa isumaginninnermik ingerlatsivik periaatsimini kukkussuteqarsimappat.

Ilinnut ilisimatitsissutitut oqaatigisinnaavara A-p meeqqanut akilersuutininut akiit-suni naafferartumik akilersormagit, ullumikkullu akiitsunit taakkunanga 12.267,27 kr.-t sinnerussimallutik.” (Atorfeqarfimmi nutsigaavoq.)

Meeqqat taakku marluk pillugit akilersuutissanik aalajangersakkat september 1997-imeersut K2 Kommunip allakkaminut ilanngullugit nassiup-

pai. Akilersuutissanik aalajangersakkanit taakkunangga marlunnit ilaatigut makku erseput:

”Meeqqat inatsiseqartitaaneranni § 13, imm. 2, inatsit nr. 197, 1962-imi juunip uluisa 16-anneersoq, Kalaallit Nunaanni meeqqat inatsisitigut inissisimanerannut tunngasoq, naapertorlugu (...), inatsisiliornermi pinngitsaaliilluni pisinnaatitaaffiit atorlugit meeqqamut (meeqqap aqqa inuuialu) (...) akilersuisussanngortinneqarpoq.

Akilersuutit taakkua, pissutsit qanoq ittueneri naapertorlugit amerlisinneqarsinnaallutillu ikilisinneqarsinnaasut, nalinginnaasumik akilersuutit sukkulluunniit meeqqap najugaqarfiani atuutsinneqartut naapertorlugit aalajangersarneqassapput.”

*Tamakku tunngavigalugu imaattunik oqaaseqaateqarpunga:*

*„Pilersuinermut akilersuutinut inatsisitigut tunngaviusoq.*

*Pilersuinermut akilersuutit pillugit malittarisassat meeqqat inatsiseqartitaanerannik inatsimmi 197-mi, 16. juni 1962-imeersumiipput.*

*Aalajangersakkat suliamut matumunnga attuumassuteqartut imaattunik oqaasertaqarput:*

*”§ 13. Angajoqqaat tamarmik immikkut meeqqamut pilersuisussaapput.  
(...)*

*Imm. 2. Angajoqqaat arlaata meeqqamut pilersuisussaanini naammassinngip-pagu taanna naalakkerneqarsinnaavoq meeqqap pilersorneqarneranut akilersuisussanngorlugu.*

*Imm. 3. Meeqqamut angajoqqaaviit qitornaannut akilersuutissat aalajangersarnissaannut akilersuutissat aalajangersarnissaannut pissusiusussamut Kalaallit Nunaanni aappariilernissamik aappariikkunnaarnissamillu inatsisini §§ 70-imi, 71-imi 77 a-milu maleruuaqqusat atorneqassapput. Meeqqamut uersakkamut akilersuutissat ataataarsuinermut atatillugu aalajangerneqarnissaat kissaatigineqarpat tamatuminnga apeqqu tamanna peqatigalugu eqqartuussisunit aalajangerneqassaaq. Pisimasussani allani piumasarisaq nunaqarfimmi akilersuiffigisassaasup najugaani eqqartuussisunut saqqummiunneqassaaq.*

*§ 14. Akilersuutissat meeqqap iluaqutissaa angajoqqaasullu aningaasatigut atorqarnerat, tamatumunngalu ilanngullugu inuutissarsiorsinnaassusiat, isumagalugit aalajangerneqartassapput. Angajoqqaasut tamagimmik ajorsartuuppata akilersuutissat pisarnertut akilersuutaasartunut meeqqap najugarisaani qanoq ilisukkulluunniit atortuusunut aalajangerneqartassapput.*

*(...)*

*§ 16. Akilersuutissat tunngaveqartumik tamanna piumasarineqaraangat qanoq ilisukkulluunniit allanngortinneqartarsinnaapput.*

*(...)*

*§ 18. Kapitali manna naapertorlugu akilersuutissat meeqqap pisassarai.*

*(...)*

*Imm. 2. Meeqqap pilersorneqarnerani aningaasartuutaasunik akiliisartuq akilersuutissanik aalajangeeqqusisinnaatitaallunilu akilersuutissanik akileeqqusisinnaatitaavoq pineqartup taassuma angajoqqaatut oqartussaataanerup atorunnaarne-*

rani meeraq taanna angajoqqaatut oqartussaaffigippagu oqartussaaffigisimap-paguluunniit imaluunniit meeraq eqqortumik tigummarippagu. Naalakkersuisut meeqqap pilersorneqarneranut aningaasartuuteqartarnerattut annertutigisumik naalakkersuisuini pisortaq institutioniluunniit pineqartut taamatut pisinnaatitaap-put.”

K2 Kommuni aningaasannorlugit piumasai.

*Suliap ingerlasimanerani K2 Kommuni allaaserinninnera A-mullu aningaasat akileqqusai tassani taaneqartut tunngaviutittariaqarpakka, tassami suliap taanna pillugu suliami allagaatitup uppernarsaatit kommunip pigiunnaarsimagunarmagit.*

*Suliap ingerlasimanerani uannut allaaserinnineq malillugu, tak. kommunip allagai 4. oktober 2002-meersut aamma 14. februar 2003-meersut, suliap ingerlasimani imatut paasisariaqarpara K2 Kommuni meeqqat marluk ilaqutariinnut paarsaqarnissamut akuersissummik tunineqarsimanngitsunut inissinneqarsimanerannik piffissami suliap ingerlanerani erseqqinnerusumik taaneqarsimanngitsumi nalunaarfigineqarsimasoq. Tamatuma kingorna K2 Kommuni apeqquq taanna K2-p Eqqartuussivianut suliassannortissimavaa, tassanillu meeqqat inatsiseqartitaanerannik inatsimmi § 13, imm. 2 tunngavigalugu akilersuinissamik aalajangersakkat marluk qulaani taaneqartut aalajangersarneqarsimallutik.*

*Tamatuma kingorna K2 Kommuni uannut nassuiaatai imatut paasisariaqarpakka meeqqanut akilersuutit nalinginnaasumik amerlassusillit meeqqat angajoqqaarsiaannut kommunip nammineq tunniussimagai, aningaasallu tunniunneqartut tamatuma kingorna A-mut akilersinniarsimal-lugit.*

*Taamaattumik K2 Kommuni isumaqarpoq A allakkani 14. februar 2003-meersuni nassuiaatip sularineqarnerata nalaani 12.267,27 kr.-nik akiitso-qartog, ”meeqqanut akilersuutitut akiitsut”-nik taasaaneersunik.*

*Meeqqanut akilersuutiniq siumoortumik tunniussisarnermi inatsisitigut tunngavisoq meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaanni nr. 2-mi, 3. marts 1994-imeersumiippoq.*

*Peqqussummi § 4-mit makku erserput:*

*”Meeqqap pilersorneqarnissaanut akilersuutiniq pisinnaatitaasup meeqqat inatsisitigut illersugaanerat imaluunniit aappariinneq pillugu inatsit tunngavigalugu akilersuisussannortitsineq naapertorlugu qinnuteqaateqarneratigut meeqqap pilersorneqarnissaanut akilersuutit pisortanit siumoortumik tunniunneqarsinnaapput, akilersuutit akilernerqarsimaffissaasa aqaguani, akilersuutit kingusinnerpaamik ul-lormi akilernerqarfissaanni akilersuisussaataitaasoq akiliisimangippat.”*

*Aalajangersakkami tassani imm. 2 meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut*

peqqussutaata allanngortinneqarneranik Inatsisartut peqqussutaatigut nr. 3-kkut, 12. juni 1995-imeersukkut allanngortinneqarpoq:

”Imm. 2. Akilersuutit pisortanit siumoortumik tunniunneqarsinnaasussat tas-saapput nalinginnaasumik akilersuutit ataani taaneqarsimasut, amerlanerusunik akilersuisussaataitaaneq aalajangersarneqarsimagaluarpalluunniit:

- 1) Nalinginnaasumik akilersuutit ingerlaavartut.
- 2) Anaanap erninera qaammatinik marlunnik sioqqullugu aamma qaammammik ataatsimik kingoqqullugu akilersuutit.
- 3) Erninermut atatillugu aningaasartuutitut akilersuutit.
- 4) Meeqqap kuisinneranut atatillugu akilersuutit.
- 5) Meeqqap apersortinneranut tassungaluunniit assingusumik pisoqarneranut akilersuutit.”

Akiliutit nalinginnaasut suut pisortanit siumoortumik tunniunneqarsinnaasussaanut kiisalu tunniussisoqassappat tamatuminnaga qinnuteqartoqarsimanissaanik piumasaqaat, tak. § 4, imm. 1, Inatsisartut peqqussutaanni tassani sukumiisumik aalajangersarneqarpoq.

Tunngavissatut pigineqartut tunngavigalugit oqaatigisariaqarpara akilersuutinik tiguisinnaatitaasumit tunniussisoqarnissaanik qinnuteqaateqartoqarsimaneranut uppersaasatit K2 Kommunip piginnikkai.

#### Suliap uppersaasorsorneqarnera.

Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 7, imm. 1-ip, tak. § 4, imm. 1, nassataraa oqartussaasut Ombudsmandi paasissutissanik nalunaarfigissallugu aamma uppersaasatissanik allattaavinnillu atorfini naapertorlugu piumasarisaanik saqqummiussiffigissallugu pisussaanut.

Aammattaaq ingerlatsivinni oqartussaasunut piumasaqaatigineqarpoq suliap aalajangiiffigisassat oqartussaasup sularisassai illersorneqarsinnaasumik paasissutissartalersorneqassasut. Tamatuma ilaatigut nassataraa sulari sularisamini paasissutissat pisariaqartut pissarsiarisimallugit oqartussaasup uppersarsinnaassagaa.

Suliami uppersaasarsuinermit tunngavigisaq arlalinnik siunertaqarpoq. Suliap eqortumik sularineqarneranut aalajangiivigineqarneranullu uppersaasarsuinermit pingaarnersutigit siunertaqartut taaneqarnermi saniatigut tunngavik taanna aamma pingaaruteqarpoq, suliap uppersaasarsugaanera pillugu assortuuttoqalissagaluarpat. Aammattaaq suliap erseqqissumik uppersaasarsugaanerata suliap killiffia pillugu oqartussaasup sukkulluunniit malinnaaffiginninnera, suliallu sularimik sularinnitut ataasiakkaat apeqqutaatinnagit sularineqarsinnaanera qulakkeertarpaa.

Tunngavik taanna allagaateqarnek pillugu Inatsisartut inatsisaannut nr. 22-mut, 30. oktober 1998-imeersumut ataqatigiissinneqarsinnaavoq. Inatsimmit tassanna makku erserput:

”§ 6. Suulluunniit paasissutissartallit pisortat sullissiveqarfini sulinikkut pilersinneqartut taakkuluunniit aqputigalugit pilersinneqartut toqqortarineqassapput.

§ 7. Pisortat sullissiveqarfiutaasa toqqortaatimik qaqugukkuluunniit isuman-naatumik suliarineqarnissaat toqqortarineqarnissaallu isumagissavaat.”

*Oqaatigissallugu pissutissaqarpunga taaguutip 'suliaq'-p kommunimi taannaasumi ingerlatsiviit arlallit pillugit uppernarsaatit imarisinnaam-magit, taamaattumillu Ombudsmandi pillugu inatsit tunngavigalugu apeq-quteqaatip nassatarisinnaallugu pissutsit qanoq ittuunerat apeqqutaatil-lugu oqartussaasut pisussaaffeqarnerat kommunimi ingerlatsiviit tamaasa misissuiffigissallugit, suliami uppernarsaatit suliamut attuumassuteqartut nassaarinialrugit.*

*Suliami matumani amigartumik uppernarsaasersuinerup apeqqutit na-lornisoorutaasut arlallit pilersissimavai, matumani meeqqanut akilersuu-tinik aalajangersaaneq pillugu apeqqutip eqqartuussivimmu kimit sulias-sannngortinneqarsimanagera ilanngullugu eqqarsaatigalugu.*

*Tamatuma erseqqinnerusumik misissuiffiginissaanut naammattumik pis-sutissaqarsimannngilanga, tassami tamanna A-p meeqqami ilaqutariinnut oqartussaasut avaqqullugit paarsassannngortillugit inissinneqarsimane-rannut atatillugu akiliuteqartinneqarnini pillugu naammagittaalliuutaata misissuiffigineranut annertunerusumik sunniuteqarsimannngimmat.*

*Tunngaviit qulaani taaneqartut isiginialrugit K2 Kommunip suliami ma-tumani suliap illersorneqarsinnaasumik uppernarsaasersorneqartarnis-saanik tunngavimmik eqqortitsisimannnginnera isorisarialerujussuartut isi-gaara.*

*Taamaattumik K2 Kommuni suleriaatsinik suliat tammartannnginnis-saannik imaluunniit nanineqarsinnaajunnaartannnginnissaannik qulakkee-risunik atulissaasoq inassuteqaatigaara.*

*Aningaasanik akileqquneqartunik akiliineq inaarutaasumillu naatsorsui-neq.*

*Suliap uannut paasissutissartalersorneqarnera pissutigalugu erseqqin-nerusumik misissuinissannut periarfissaqannngilanga. Taamaattumik A piu-masaqaatiminik eqqartuussivimmu saqqummiusseqqullugu innersuutta-riaqarpara, isumaqaruni kommuni imminut utertitassanik akiligassaqar-toq.*

*Kommunip pisassarisai eqqarsaatigalugit suliami Inatsisartut Ombuds-mandiata 1997 pillugu ukiumoortumik nalunaarutaani, 04-2-mi oqaatigisi-mavara naammagittaalliortup akiitsuisa eqqortumik naatsorsorneqarsi-manerat kommunip akisussaaffigaa. Nangillungalugu imaattunik oqaase-qaateqarpunga:*



*”Akiitsut allattorsimaffiisa naatsorsorneqarnerat pillugu nalorninartoqarpat pissutsit misissorneqareertinnagit kommunip aningaasat taakku akileqqusinnaas-sanngilai.”*

*Suliami pineqartumi akiligassat pineqartut inatsisitigut tunngavigisaasa suliami allagaatinit pigineqartunit imaaliillaannaq suussusersineqarsinnaannginnerat isorisarialerujussuartut isigisimavara, aammattaarlu suliap uppernarsaasersorneqarnerani nalorninartutut paasisat isiginiarlugit inassuteqaatigisimallugu kommunip akiitsunik naatsorsuisimaneranut uppernarsaatitut tunngavigineqartut kommunip misissussagai, akiitsullu ilaai uppernarsaaserneqarsinnaanngitsut isumakkeerneqarnissaannik kommuni aalajangiissaasoq.*

*Taamaattumittaaq isumaqarpunga K2 Kommunip aningaasat kommunip meeqqanut akilersuutitut tunniussimasai A-mut akilersortiinnarsinnaanngikkai, aningaasat suut siumoortumik tunniunneqartarsimanerat kommunip uppernarsarsinnaanngimmagu.*

*Taamaattumik inassuteqaatigaara aningaasat naatsorsorneqarnerannut uppernarsaat pissarsiarineqareertinnagu kommuni A-mut akiliisitsiniaq-qissanngitsaq.*

*Aammattaaq K2 Kommuni qinnuigaara meeqqanut akilersuutit kommunip akilersimasorisai aallaavigalugit pisassarisat eqqarsaatigalugit oqaaseqaatika qanoq iliuuseqarnissamat pissutissaqalersitsinersut nalunaarfigeqqullunga.”*

Allakkatigut 19. juni 2003-meersutigut kiisalu 11. august 2003-meersutigut oqaaseqaatiga pillugu kommunip isummernissaa K2 Kommunimut eqqaasitsissutigaa.

Oqaaseqaatiga tunngavigalugu kommunip akissutaa 25. august 2003-mi tiguara. Kommunip makku oqaatigai:

“Pisortat akuliuissimanerannut A-p meeqqaminut pilersuisussaataitanerminik meeqqat angajoqqaarsiaannut pineqartunut meeqqami marluk pilersorneqarnerinut aningaasanik nassiussisarnissaminik neriorsuumminik eqquutsitsinneginermigut sumiginnaasimanagera pissutaavoq.

A-p B-mi ilisarimasani isumaqatigiissuteqarfigisimavai meeqqani piffissami siviussusia aalajangiannngitsumi taakku paarissagaat.

Taamatutaaq allapputit aningaasat sorliit siumoortumik tunniukkallarneqarsimasut kommunip uppernarsarsinnaanngikkaa. Tamatumunnga atatillugu akilersuutit meeqqat angajoqqaarsiaannut pineqartunut siumoortumik tunniunneqarallarsimasut kontoi pillugit takussutissiat ilanngullugit nassiunneqarput, taamatutaaq nalunaarutigisinnaavara akilersuisussaataitaneq pillugu aalajangersakkat assilineri ilinnut siusinnerusukkat nassiunneqarsimammata.

Taamatutaaq nalunaarutigineqarsinnaavoq meeqqat qulaani taaneqartut angajoqqaarsiaasa meeqqat taakku marluk 28. juni 1999-imit 12. oktober 2000-ip tungaanut paarsarisimammattigit, meeqqallu angajoqqaarsiamik B-mi najugaanni najugaqartut nalunaarutigineqarlutik nalunaarsorneqarsimammata.

Matuma kingornatigut sukkulluunniit takusinnaangilara meeqqanut akilersuutit piffissami qulaani taaneqartumi kommunip kukkulluni tunniussimanerai, tamatumalu kingornatigut akilersuisussaatitaasumut akilersinniarlugit, tassami akilersuisussaatitaaneq pillugu aalajangersakkat pisariaqartut tamatuma nalaani tiguneqa-reersimammata.

Meeqqat inatsiseqartitaanerannik Kalaallit Nunaanni inatsimmi kap. 2, § 13, imm. 1-ip aamma 2-p assilineri ilanngullugit nassiuppakka.

Ombudsmandip suliami matumani oqaaseqaataa K2-p Kommuniata matuma kingornatigut tusaatissatut tiguaa.” (Atofeqarfimmi nutsigaavoq.)

Tamatuma kingornatigut K2 Kommunimut 1. oktober 2003-mi ilaatigut imatut allappunga:

“K2 Kommunip uannut allagai 19. august 2003-meersut matumuuna uterfigaakka, oqaaseqaallu A-p naammagittaalliuutaanut atatillugu K2 Kommunimut 6. marts 2003-mi oqaaseqaatigisara pillugu kommunip allakkani taakkunani oqaaseqaateqarpoq.

Meeqqanut akilersuutininik nalinginnaasunik angajoqqaarsiaasunut pineqartunut kommunip tunniussisimaneranut K2 Kommunip uppernarsaasiisimannginnera oqaaseqaatinni isornartorsiorpara. Tamatumunnga akissutitut kommunip konto pillugu takussutissiaq 15. august 2003-meersaq nassiuppaa, tassanilu aningaasartuutaasimasut arlallit, ilaat 1999-imeersut aamma 2000-imeersut, takuneqarsinnaallutik.

Aningaasat taaneqartut suminganeersuunerat konto pillugu takussutissiami tassani takuneqarsinnaangilaq. Tamatumunnga atatillugu aammattaq oqaatigaara konto pillugu takussutissiaq immi pisassarisanut uppernarsaatitut nalinginnaasumik naammannaviangitsoq.

Taamaattumik kommunip uppernarsaasersuineri eqqarsaatigalugu oqaaseqaatima allannortinnissaannut pissutissaqanngilanga.

(...)

Kiisalu oqaaseqaatima kommunimit tusaatissatut tiguneqarsimaneranik kommunip uannut akissutaa imatut paasivara K2 Kommunip A aningaasanik amerlaneruninik akiliisinniaqqilersaangikkaa.

Taamaattumik suliami annertunerusumik iliuseqaqqissanngilanga.”

## 20. Sulineq pillugu inatsiseqartitsineq

### 1. **Kommunip nuunnermut aningaasartuutini akilerneqarallarsimasunik inatsisinik unioqutitsisumik akileeqqusinera.**

*A-p kommunimi sulilernerminut atatillugu kommunip aningaasartuutaasa matusissutissaannik K Kommunimit siusinnerusukut sulisitsisorisimasaminit akiliisinniarneqarsimanini naammagittaalliuutigaa. Aningaasat A-mut akilersinniarneqarsimanagerannut pissutaasoq tassaavoq A-p pequtaasa nuunneqarnerannut aningaasartuutit nuunnermullu aningaasartuutit kommunip akilissappagit sivikinnerpaamik ukiuni pingasuni atorfeqarnissamik K Kommunip atorfinitsitsineq pillugu isumaqatigiisummi piumasagaateqarsimanera.*

*Ombudsmandip suliamik misissuineranut atatillugu kommuni nalunaarpoq aningaasat taakku utertillugit akilerneqarnissaat kommunip piumasagaatigiunnaaraa.*

*Aningaasaqarnermut Pisortaqarfup Isumaqatigiinniarnernut Immikkoortortaqarfiata nassuiaanera Ombudsmandip tunngaviginiarpaa, taannami malillugu atorfinitsitsinermi piumasagaat taamaattoq inatsisinik unioqutitsisuummat, taamaattumillu tamatumma immikkut misissuiffiginissaa itigartitsissutigalugu. Taamaattorli Ombudsmandip kommuni isornartorsiorpaa, K Kommunip Isumaqatigiinniarnernut Immikkoortortaqarfimmit atorfinitsitsinermi piumasagaammik inatsisinik unioqutitsisumik uparuunneqarneranit kommunip suliamik suliarinninnissaata tungaanut piffissaq sivisunerusoq ingerlasimammat. (J.nr. 11.10.-20.01/033-00)*

A-p kommunimi sulinerminut tunuarneranut atatillugu nuunnermut aningaasartuutini kommunimit akilerneqarallarsimasunik K Kommunip akileeqqusinera pillugu A-p naammagittaalliuutaanik 14. april 2000-imi tigusaqarpunga.

A takussutissanik assigiingitsunik naammagittaalliumminut ilanngussisimavoq, taakkunangalu K Kommunip A-mut allagai 9. november 1999-imeersut aamma 6. marts 2000-imeersut issuarnissaat toqqarsimavara:

Kommunip A-mut allagaanik 9. november 1999-imeersunit imaattut er-serput:

”Atorfinitsinneqarninnut atatillugu kommunip aningaasartuutai pillugit

Kommunip allagaanik 998202-mik normulinnut 22. okt. 1999-imeersunut nagnissutitut ilisimatitsissutigineqarsinnaavoq atorfinitsinneqarninnut atatillugu nuunnermi aningaasartuutini aningaasartuutit kommunimit akilerallarneqarsimasut akileqquneqartussaannerannik apeqqut Aningaasaqarnermut Ataatsimiititaliap 3. november 1999-imi ataatsimiinnerani aalajangiivigineqartussanngorlugu saqqummiunneqarsimasoq.

Aningaasaqarnermut Ataatsimiititaliaq aalajangerpoq aningaasartuutit kommunip ilinnik akiliussigallarnermini atorsimasai akilersinniarlugit, tak. atorfinitsitsiner-mi allakkani 998086-imik normulinni, 26. april 1999-imeersuni, illit atsiorsimasanni akuerisimasannilu, immikkoortoq, tassani kommuni pequtinik nuussinermut/assar-tuinnermut K-minngaanniillu nuunnermut aningaasartuutit akilernissaannut sivikin-nerpaamik ukiuni pingasuni atorfeqarsimanissamik piumasaqaateqarluni.

Akiligassaq 27.487,50 kr.-nik aningaasartalik sapinngisamik piaarnerpaamik nas-siunneqarumaarpoq.” (Atorfeqarfimmi nutsigaavoq.)

Kommunip A-mut allagaani 6. marts 2000-imeersuni ima allassimaso-qarpoq:

”Aningaasaqarnermut Ataatsimiititaliap aalajangernera pillugu naammagittaal-liuutit pillugu.

Kommunalbestyrelsi 27. januar 2000-mi ataatsimiinnermini aalajangerpoq anin-gaasaqarnermut ataatsimiititaliap atorfinitsineqarninnut atatillugu nuunnermut anin-gaasartuutitut aningaasartuutit akilernerqarallarsimasat taakku akilersinnissaannik aalajangernera aalajangiusimaannarniarlugu.” (Atorfeqarfimmi nutsigaavoq.)

K Kommunimut 27. juli 2000-imi allagaqarpunga kommunillu suliami A-mut tunngasumi allagaatinut mappiutaata atukkiunneqarnissaa qinnuti-galugu.

Suliami allagaatinut mappi 2. januar 2001-imi tiguara.

Suliami allagaatinit imaattut issuarnissaat toqqarsimavara:

A-p soraarniuteqarluni allagaa 14. oktober 1999-imeersoq ilaatigut oqaaseqatigiit ilaannik imaattunik imaqarpoq:

”Tamatumunnga peqatigitillugu pisumi pissutsit naapertorlugit nuunnermi taarti-siaqartitsisoqarnissap naatsorsuutigineqannginnissaa qinnutiginiarpara, tamannalu pillugu kommunaldirektøri oqaloqatigisimavara.” (Atorfeqarfimmi nutsigaavoq.)

Immikkoortortap taassuma nalaagut assammik ima allattoqarsimavoq:

”Ilalerlugu akuersaarpara/ [atsionera erserluppog]”

Sulisoqarnermut pisortap aamma kommunaldirektørip akornanni e-mail-ikkut 15. oktober 1999-imi allaffigeqatigiinnermi allakkat imaattunik imaqarput:

Sulisoqarnermut pisortamit kommunaldirektørimut mailerut, nal. 15.44:

”A atorfimmini 15. oktober 1999-imi soraarniuteqarpoq. Naatsorsuutigaa ulloq suliffissaa kingulleq ...-mik isumaqatigiissutigineqarsimasoq:

Nuunnermi aningaasartuutit akilernissaasa naatsorsuutiginninnissaannik qinnute-qarnera, akuersaarlugu allassimasat, pillugu paasiumagaluarpara aningaasartuutit, K-minngaanniit maanga nuunneranut atatillugu kommunip aningaasartuutigisima-sai, akilersinngitsuussanerigut.

Inigisaami qanoq pissava, qimallugu nuussava? Atorfinititsinermi allakkani allassimavoq kommunimi atorfeqarunnaarnermi inigisaq qimallugu nuuttoqassasoq. inuull.  
Sulisogarnermut pisortaq” (Atorfeqarfimmi nutsigaavoq.)

Kommunaldirektørimut sulisogarnermut pisortamut akissut, nal. 15.57:

”Paasisinnaavara borgmesteri sumik nalunaaruteqarsimanngitsoq, tassalu taamaammatt maanna tassunga ingerlateqqippara inaarutaasumik aalajangiivigisassanngorlugu.

Inuulluaqqusillunga.

Kommunaldirektøri.” (Atorfeqarfimmi nutsigaavoq.)

Tulliullugu pigineqarpoq allaqqitaq ullulerneqarsimanngitsoq journalnormuligaq 03.18:

”A-miit soraarniuteqarnej.

A sagsbehandleritut atorfimminiit soraarniuteqarpoq 15.11.1999-imiit atuutilersumik, tamatumungalu peqatigitillugu atorfininnerminut atatillugu nuunnermut aningaasartuutit nammineq akilinnginnissaanik qinnuteqarpoq.

Kommunaldirektørip inassutigaa akuerineqassasoq sulisunut politikki isumaqatigiissutillu innersuussutigalugit.

AA 03.11.99: Aningaasat utertinneqarnissaat piumasarineqarpoq.”

Aammattaq ataatsimiinnermit imaqarniliaq 14. januar 2000-imik ulluligaq pigineqarpoq:

”Nuunnermi aningaasartuutitik akiliineq.

Kommunip atorfinitsinneqarnerminut atatillugu aningaasartuutigisimasaanik utertitsilluni akiliisinneqannginnissaminik A-p qinnuteqaataa aningaasaqarnermut ataatsimiititaliap 3. november 1999-imi itigartitsissutigaa, tassami ukiut pingasut sulii ingerlanngitsut nuummat.

Aalajangiineq taanna A-p maanna naammagittaalliutigaa, tassami oqarami kommunaldirektøri neriorsuisimasoq: ”pissutsit taama akuersaaruminaatsigippata, taava sulisitsisup angalanermut aningaasartuutitik akiliinissaa ajornartorsiuteqarfiusussaangitsoq”.

Kommunaldirektøri ilisimatitsivoq tamanna oqaaserisimasaminik ingasattumik paasinninnerusoq, tassami taamaallaat ima siunertaqarmat, pisumi pisimasut malilugit taassuma nuunnermut aningaasartuutitik akiliinissaminut pinngitsoortitaansaata inassutiginissaa siunnersuutigiumassagini, aammattaarmi tamanna suliaq eqqartorneqarmat ullormut oqaluuserisassanut najoqqutarineqartumit erserpoq.

Tamatumunnga atatillugu eqqaasitsissutigineqartariaqarpoq akiliummik akiliisitsinermut inatsisitigut tunngavissaqarnersoq ataatsimiinnermi aammattaq nangaanartoqartinneqartutut oqaatigineqarmat.

AA 20.01.00: Kommunalborgbestyrelsimut nassiunneqassaaq siusinnerusukkut aalajangererup aalajangiusimaneqaannarnissaa siunnersuutigalugu.

KB 27.01.00: Aningaasaqarnermut Ataatsimiititaliap siunnersuutaa akuerineqarpoq.

Ulloq 1. februar 2000. Allaffeqarfimmut t. v. f./hm.” (Atorfeqarfimmi nutsigaavoq.)

Suliami allagaatinut mappi misissoreerlugu K Kommunimut 19. januar 2001-imi allagaqarpunga kommunilu A-p atorfinitsinneqarnerani allakkani immikkoortortamat matuma ataaniittumut isummeqqullugu qinnuigalugu:

“...

K Kommunip pequtissi K-miit maanngaannissaat ilissilu maanga angalanissarsi akilissavai, piumasalaruguli suliffimmi pineqartumi sivikinnerpaamik ukiuni pingasuni sulinissat. Inissaqarnissarsi kommunep isumagissavaa, taannalu malittarisassat nalinginnaasut malillugit akilersorneqassaaq. Inissatut tunniunneqartoq kommune-miit soraarnermi qimanneqassaaq.

...”

Tamatumunnga atatillugu makku malugeqqakka:

- ”- suliami A-mut tunngasunit allagaatinut ataasiinnarmik paasineqarsinnaasumik ersingilaq pineqartoq malittarisassat suut malillugit K Kommunimi atorfinitsinneqarsimanersoq, tassami atorfirmik inuttassarsiuussinermi allagarsiussaq aamma atorfinitsitsinermi allakkiaq tamarmik immikkut malittarisassanut assigiingitsunut innersuussimmata, tulleriinneri malillugit tjenestemandinut atugassarisaatitaasunut assingusunik atugassaqartitsineq aamma Kalaallit Nunaanni hktut sulisorineqartut pillugit SIK-p isumaqatigiissutaa 1. august 1997-imeersoq,
- inunnet tjenestemandinut atugassaritaasunut assingusunik atugassaqartitaallutik atorfinitsinneqartunut sulinngiffeqarnermi akiliunneqarluni angalasarnerit pillugit malittarisassanik immikkut itunik atuuttoqanngitsoq,
- atorfirmik inuttassarsiuussinermi allagarsiussaq malillugu sulisunut inissiamik inissaqartitsisoqartoq, malittarisassat sukkulluunniit atuuttut malillugit akilersorneqartussamik,
- inuit Inatsisartut inatsisaat tunngavigalugu tjenestemanditut atorfinitsinneqartut Danmarkimi imaluunniit Kalaallit Nunaanni najugarisaminnit Kalaallit Nunaanni suliffigisassaminnut akiliunneqarlutik angalatinneqartarmata, atorfirmik inuttassarsiuussinermi allagarsiussami oqaatigineqarpat inissaqartitsisoqartoq, imaluunniit sulisunut inissiami innersuussutigineqartumi najugaqarnissaq pisussaaffiusoq, tak. Akiliunneqarluni angalanerit pillugit Isumaqatigiissummi 20. april 1998-imeersumi Kapitali I, Sulilernermit soraarnermullu atatillugu akiliunneqarluni angalanerit, § 1, imm. 1, litra a. Isumaqatigiissut taanna uani naqiterneqartunut ilaavoq: Nalunaarutit Serie C-I, Afsnit 4, Gruppe 1, Lb.nr. 48.
- inuit Kalaallit Nunaanni Naalakkersuisut aamma Sulinermit Inuussutissarsiuteqartut Kattuffiata Isumaqatigiissutaat 1. august 1997-imeersoq tunngavigalugu niuernermit allaffissornermilu qaammammusiaqarlutik sulisut atorfinitsinneqartut Danmarkimi imaluunniit Kalaallit Nunaanni najugarisaminnit Kalaallit Nunaanni suliffigisassaminnut akiliunneqarlutik angalatinneqartarmata, atorfirmik inuttassarsiuussinermi allagarsiussami oqaatigineqarpat inissaqartitsisoqartoq, imaluunniit sulisunut inissiami innersuussutigineqartumi najugaqarnissaq pisussaaffiusoq, tak. § 25, imm. 1, litra a aamma litra c. Isumaqatigiissut taanna uani naqiterneqartunut ilaavoq: Nalunaarutit, Serie C-II, Afsnit H, aamma
- atorfinitsitsinermit inatsiseqartitsinermit nalinginnaasumik malittarisassaappat suliaq akissarsiaqartumut immikkut aningaasartuuteqarfiuppat akissarsiaqartup aningaasartuutimi utertillugit akilersinneqarnissaat pisinnaatitaaffigigaa, inatsimmi imaluunniit ataatsimoortumik isumaqatigiissummi allamik aalajangersaa-soqarsimangippat.”

Tamatumunnga peqatigitillugu K Kommuni qinnuigaara kommunip suliamik paasinninneranut nassuiaateqaqqullugu tamatumunngalu atatillugu aalajangiinnermi inatsisitigut tunngaviusoq ilisimatitsissutigalugu.

K Kommunip allakkani 26. februar 2001-imi ima akissuteqarfigaanga:

”Atorfinititsinermermi allakkani ...-mik normulinni 26. april 1999-imeersuni paat-suugassaanngitsumik allassimavoq A hk-mi ilinniarsimasunit sulisorisanut SIK-mik isumaqatigiissut tunngavigalugu atorfinititsinneqarsimasoq.

Kommunip inuk, isumaginninnermi siunnersortitut ilinniarsimanngitsoq, tjenestemanditut atorfinititsinermermi assingusunik atugassaqartitsilluni isumaginninnermi siunnersortitut akissaasersorsinnaanngilaa. HK-tut ilinniarsimammat SIK/HK-mik isumaqatigiissut tunngavigalugu overassistentitut akissaasersorneqarpoq.

Eqqorpoq inunnut, tjenestemanditut assingusunik atugassaqartitsilluni atorfinititsinneqarsimasunut, immikkut itunik maleruagassaqaanngimmat, tjenestemandinut soraarnerussutisiaqarsinnaatitsineq eqqaassanngikkaanni.

Kommuni atorfinnik inuttassarsiuussinermini, aviisini nuna tamakkerlugu saq-qummersartuni, tamani sulisunut inissiamik ineqartitsinissaq neqeroorutigisarpaa. Taamaaliunngikkaannimi avataaneersut namminneq inissarsiorassappata qinnuteqaateqaanngitsoortoqarsinnaammat.

Eqqorpoq tjenestemandinut tunngasumik atorfinnermermi tunuarnermilu akeqanngitsumik angalanissat pillugit isumaqatigiissuteqarmat.

Aamma eqqorpoq inunnut, SIK-imik isumaqatigiissut tunngavigalugu atorfeqartinneqartunut, akiliussilluni angalatitsisoqartarmat. Taamaattorli kommunip piimasaqaateqarsinnaannginneranik allassimasoqaanngilaa.

Aamma eqqorpoq atorfinititsisarneq pillugu inatsiseqartitsinermermi nalinginnaasumik malittarisassaqaarmat ima oqariartuutilimmik, sulineq akissarsiaqartinneqartumut aningaasartuutunik immikkut itunik nassataqarpat, taava pineqartoq taakkuninnga utertitsivigineqarnissaminut pisinnaatitaasoq.

K Kommunip innuttaasut aningaasaataasa sapinngisamik akisussaassuseqartumik isumaginissaat anguniagarisaraa, sulianilu atorfinititsinermermut tunngasuni taamaattuni kommunip, soorlumi aamma kommunit allat taamaaliortartut, inunnut avataanit aggersinneqarlutik atorfinitinneqartunut kommunillu inissaqartitaanut aammalu atorfinneranani akiliunneqarlutik angalaneranut pequtaannillu nuussinermut aningaasartuutivigineqartunik akiliuttagaannut piimasaqaateqartarpoq. Kommunip aningaasartuutunik akiliinissaminut pinngitsoornani naammassisassatut piimasarisarpaa atorfinitinneqartoq nutaaq sivikinnerpaamik ukiuni pingasuni atorfimmiinissa-soq, tamatuma kingornagut kommunip aningaasartuutai matussutissinneqarsimasutut isigineqartarlutik. Aningaasartuutit kommunip allaffissornikkut aningaasartuutaasa ilaannut annertooujussuarnut ilaapput.

Ajoraluartumik malunnaatillimmik pisartoq ilisimaneqarluortoq tassaavoq inuit ilaasa kommunini sulisussaaleqineq sivikitsuararsuarmik atorfeqareerlutik kommunimit kommunimut allamut nuunnissaminut atorerluttarmassuk. Tassalu kommunip tamanna avataanit atorfinitinneqartunut nutaanut piimasaqaateqarnikkut sillimaffiginiartarpaa.

Kommunip nalunaarutigissavaa oqaaseqaatigisatit suliap isumaliutigeqqinneqarsinnaanut pissutissaqalersinngitsut, taamaattumik suliaq inaarneqartutut isumaqarfigineqarpoq.” (Atorfeqarfimmi nutsigaavoq.)

Aningaasaqarnermut Pisortaqarfiup Isumaqatigiinniarnernut Immikkoortotaqarfiata ilaatigut aamma K Kommunimut allagaasa 29. oktober

2001-imeersut assilinerannik 7. november 2001-imi tigusaqarpunga, taakkunanga imaattut erserlutik:

”Nuunnermi angalanermilu aningaasartuutininik akiliisarneq pillugu.

Aningaasaqarnermut Pisorta qarfiup Isuma qatigiinniarnernut Immikkoortorta qarfi allakkanik qaammatip siuliata 10-ani<sup>8</sup> tiguneqarsimasunik ilanngullugit nassiunneqartunik, assilineri kommunimit tiguneqarsimasunik, Inatsisartut Ombudsmandiannit tigusaqarsimavoq.

Isumaginninnermi siunnersortimik tjenestemandinut atugassarititaasunut assingusunik atugassa qartitsilluni HK-milu ilinniarsimasumik overassistentitut S.I.K.-mik isumaqatigiissut tunngavigalugu atorfinitsitsinermut atatillugu Ombudsmandip tusarsimavaa atorfinitsitsinermik isumaqatigiissutini atorfeqartitamut toqqartumik toqqartuunngitsumilluunniit piumasarineqartartoq kommunip atorfinikkiartorluni angalanermut/pequtinik nuussinermut aningaasartuutai, atorfeqartitaq pisumi siullermi ukiut marluk qaangiutsinnagit pisullu aappaani ukiut pingasut qaangiutsinnagit atorfimmittit tunuarluni soraarpat, utertillugit akilissagai. Ombudsmandi imaannaq isumaqarpoq tassani periaaseq inatsisinut naapertuutinnngitsoq pineqartoq.

Aningaasaqarnermut Pisorta qarfiup pisumi matumani oqaatigaa tamanna sammissat taakku pillugit tjenestemandit aqqissuisoqarfiinik isumaqatigiissuteqarnissani piumasarisaa sunut isumaqatigiissutinilu aalajangersakkanut – tjenestemanditut atorfeqartitanut assingusumik atorfeqartitanit malinneqartunut – taamatullu isumaqatigiissutini immikkut ilinniagallit kattuffiinit isumaqatigiissutigineqarsimasuni aalajangersakkanut isumaqatigiissuteqarnissanullu piumasaqaataasunut, kommunimit piumasaqaatigineqarpat atorfeqartitaq sivikitsuinnarmik atorfeqartinneqareermermi kingorna nammineq soraarniuteqaruni atorfinikkiartorluni angalanermut pequtinillu nuussinermut aningaasartuutit kommunimut taarsertussaagai, akertilusutut isumaqarfigisariaqartoq.

Nutaanik sulisussarsinerup sulisunillu tigungminniinnarnissap tunngaatigut ajornartorsiutit qularutissaanngitsumik piusut Aningaasaqarnermut Pisorta qarfiup paasinninnera malillugu sulisunik aningaasatigut pituttuinerut ilusilimmik malittarisasanut atuuttunut akertilusumik aqqiissuteqarfiginiarneqartariaqanngillat.

Aningaasaqarnermut Pisorta qarfiup suliani Ombudsmandip innersuussutigisaani atorfinnik inuttassarsiunerini allagarsiussat assilinerinik tunineqarnissani kiisalu suliaq kommunip oqaaseqaateqarnissaanut pissutissaqalersitsineratigut oqaaseqaataasinnaasut qinnutigai.” (Atorfeqarfimmi nutsigaavoq.)

Aningaasaqarnermut Pisorta qarfiup Isuma qatigiinniarnernut Immikkoortorta qarfiata K Kommunimut allagaasa 28. januar 2002-meersut assilinerannik 28. januar 2002-mi paasissutissinneqarpunga, taakkunanga imaattut erserlutik:

”Nuunnermi angalanermilu aningaasartuutininik akiliisarneq pillugu.

Aningaasaqarnermut Pisorta qarfiup Isuma qatigiinniarnernut Immikkoortorta qarfi allakkanut 30. november 2001-imeersunut taamatullu K Kommunimit Inatsisar-

---

8. Tassani pineqarput allakkat 10. september 2001-imeersut kommunip atorfinitsitsinermi atugassarititai pillugit suliamut allamut atatillugu nassiunneqarsimasut, j.nr. 11.32.20.0/104-00





”Inatsisartut Ombudsmandiata K Kommunimit paasissutissanik kinguneqanngitsumik qinnutigisaqartarsimani pillugit.

Naalakkersuisut Allattoqarfiat Inatsisartut Ombudsmandiannit saaffiginnissumik tigusaqarsimavoq, taakkunani nalunaarutigineqarluni K Kommuni suliani ukunani paasissutissanik saqqummiussisimangitsoq:

\*A-mit, inuup-nr. (...) naammagittaalliut

(...)

- Nakkutilliisoqarfiup allaffeqarfia K Kommunimut 24. august 2002-mi tikeraarnermi Ombudsmandip nukingisaarutaanik marlussunnik nassataqarpoq.

- Allattoqarfik allakkanik eqqaasitsissutinik e-mailikkut 22. oktober 2002-mi nassiusivoq, tamatumani kommuni 26. oktober 2002-mi akissuteqarnermigut paasissutissilluni suliani pineqartuni suliami atorussat Ombudsmandimut nassiunneqarsimasut.

Ombudsmandip Allattoqarfik 4. december 2002-mi nalunaarfigaa suliami atorussat pisariaqartinneqartut kommunimit suli tigusimangikkitik.

Paasissutissat Ombudsmandip sulianik suliaqarnerani tunngavissaammata Allattoqarfiup inassuteqaatigissavaa kommunip suliami atorussat inniminnerneqartut pissarsiarissagai, Inatsisartullu Ombudsmandiannut piaarnerpaamik taamaattorli kingusinnerpaamik 12. december 2002-mi nassiullugit.

Kommuni inassuteqaammik matuminnga maleruaanngippat Allattoqarfik K Kommunimik Kommuninik Nakkutilliisoqarfimmuut nalunaarutiginnittariaqarsorivoq.” (Atorfeqarfimmi nutsigaavoq.)

K Kommuni 10. december 2002-mi uannut imaattunik allagaqarpoq:

”Matumuuna nalunaarutigissavara sulisoqarnermut pisortarisarput K-miimmat nappaateqarnerminut atatillugu suliariteqqikkiartorluni. Tamatumunnga atatillugu suliami atorussat paasissaasumik katersornissaat uannut ajornarpoq.

Ilisimatissutigineqassaaq uannut nalunaarutigineqarsimasoq suli at marluk taakku pillugit suliami atorussat suli at 2000-imi aamma 2001-imi aallartinneqarnerisa kingunitsianguisigut nassiunneqarsimasut. Inatsisartut Ombudsmandiat ukiumi atuuttumi matumani allakkanut akissuteqarnissaq nukingisaarutigisimavaa, taakulu Inatsisartut Ombudsmandiannut juni 2002-mi nassiunneqarsimapput. Taamatuttaaq taakku assilineri Nakkutilliisoqarfiup allaffeqarfianut tunniunneqarsimapput.

K Kommunip suliami atorussat napparsimasoqarnera pissutigalugu Nakkutilliisoqarfiup allaffeqarfianit piffissaliunneqartup iluani misissorsinnaanngilai, taamaatumik suli at taakku ullumi ulloq allakkatigut tammatsaalisaat nassiussatigut nassiuteqqinneqassapput.

Taamaattorli oqaatigineqassaaq Inatsisartut Ombudsmandiata A pillugu suliami allagaatinut mappi 8. februar 2002-mi utertissimasaa taanna taamatuttaaq nassiuteqqinneqassasoq.” (Atorfeqarfimmi nutsigaavoq.)

Maluginiarpara A pillugu kommunip suliami allagaatinut mappiutaani allakkamik, uannut allakkiassamat missingiutitut paasisariaqakkannik, nassaassaqarmat. Allagaq, 5. juni 2002-mik ulluligaq, allakkatut normulernerqarsimangilaq, naallu kommunaldirektørip taamatullu sulisoqarnermut pisortaagallartup atsiorfissaannik inissaliisoqarsimagaluortoq, taamaallaat kommunaldirektørimut atsiorneqarsimavoq.

Allakkanik tigusisussaq tasaanerarneqarpoq Inatsisartut Ombudsmandiat, kisiannili sulianik aqutsinermut atortorissaarutitsinni piffissap tama-

tuma nalaani K Kommunimit allakkanik takkuttunik nalunaarsuisoqarsimangilaq.

Taamaattumik tunngaviutittariaqarpara allagaq taanna uannut akissutisamat missingiutaannaasoq. Taamaattorli allagaq kommunimit nassiuqqarsimasorineqarnaniluunniit uannit tiguneqarsimasorinangimmat isumaqarpunga qularnaatsumik naatsorsuutigisinnaanngikkiga imarisai kommunip suliamik paasinninneranut tamakkiisumik matussutissiisut, tak. matuma kinguliini oqaaserisakka allat.

Allagaq 5. juni 2002-mik ulluligaq imaattunik imaqarpoq:

”A, j. nr. ..., pillugu.

Allakkanut 7. maj 2002-meersunut innersuussilluni K Kommuni imaattunik oqaaseqaateqassaaq:

Kalaallit Nunaanni Namminersornerullutik Oqartussat Isumaqatigiinniarnernut Immikkoortortaarfianit allakkanik 28. januar 2002-meersunik K Kommuni tigusaqarsimavoq.

K Kommuni isumaqatigiinniarnernut immikkoortortaarfimmu oqaaseqaateqar-nissamat pissutissaqarsorinngilaq, tassami K Kommunip nassuiaatigineqartoq siu-nissami atorfinitsitsisarnissanut tunngasumik tusaatissatut tiggummagu. Taamaattorli K Kommunip Namminersornerullutik Oqartussat nassuiaatigisaata tunngaviatigut isumaqatiginngilaa, tassami atorfinitsitseriaatsit tamarmik, tamatumani atorfeqarti-tamut tunngasumik sulinngiffeqarluni angalanerit, tunuarnermut atatillugu ajunngit-sorsiasat, pequtinik nuussinerit il.il. pillugit atugassarititaasunut ilaatinneqartut, atorfinitsinneqarnermi piumasaaqatigineqarsimasut tamatumuunakkut taamaallaat sulisitsisumik pisussaaffiliimmata.

K Kommuni isumaqarpoq allaganngorlugu isumaqatigiissuteqarneq atorfeqartita-mit sulisitsisumillu pisussaaffigeqatigiiffiusoq, taamaattumik allaganngorlugu isu-maqatigiissummik unioqutitsineq illua'tungeriinnut marluusunut pisussaaffinnik nassataqarpoq.”

Taamaattumik K Kommunip suliami siornatigut allagarineqartarsimasut aalaja-ngiusimavai.” (Atorfeqarfimmi nutsigaavoq.)

Taava 12. december 2002-mi ima allappunga:

”Matuma qulaani pineqartoq pillugu K Kommunip Kalaallit Nunaanni Nammi-nersornerullutik Oqartussanut, Nunami Namminermi Pissutsinut Allaffimmut, alla-gaasa 10. december 2002-meersut assilinerinik tigusaqarsimavunga.

K Kommunip oqaatigaa suliat taakku marluk pillugit suliami pappiaqqat atortus-sat Ombudsmandimut nassiuqqarsimasut. Malugeqqussavara nalunaarutiginnin-nera suliami pappiaraatinik atortussanik nassiussisimannginnermut tunnganngim-mat, soorlu aamma tamanna K Kommunimut taamatullu Kalaallit Nunaanni Naalak-kersuisunut nalunaarutiginninnera pillugu allakkannit ersersoq.

K Kommuni nalunaarutigisimavara, tassami naak 2002-mi martsip 19-iani, majip 7-ni junillu 25-ni nukingisaaruteqarsimagaluartunga qinnutigisannut, K Kommuni-mut allakkanni 31. januar 2002-meersuni saqqummiussimasannut, matuma kingulii-ni oqaatigineqartunut akissummik tigusaqannginnama.

K Kommunimut 31. januar 2002-mi ima allagaqarpunga:

”Aningaasaqarnermut Pisortaqarfiup Isumaqatigiinniarnermut Immikkoortortaata, pisortaqarfiup 28. januar 2001-imi allagaasa assilinerisigut ilisimatitsissuteqarfigisimavaanga.

K Kommuni qinnuigineqarpoq, kommunip Aningaasaqarnermut Pisortaqarfiup Isumaqatigiinniarnermut Immikkoortortaata allagaanut oqaaseqaatigiumasinnaasaminik nalunaarfigeqqullunga.”

Taamaammat qinnutigisannut 31. januar 2002-meersunut akissutissaq suli utaqqi-maarpara.

Naatsorsuutigaara K Kommuni qinnutigisannut matuma siuliini eqqartorneqartumut piaarnerpaamik akissuteqassasoq.”

Ulloq 21. maj 2003-mi K Kommunimut imaattunik allagaqarpunga:

”A, inuttut normua (...) kiisalu (...) pillugit K Kommunimut allaffigeqatiginnit-tarnera matumuuna uterfigaara.

Aningaasaqarnermut Pisortaqarfiup Isumaqatigiinniarnernut Immikkoortoqartarfiata atorfeqartitaasut sulilernerminnut atatillugu akiliunneqarlutik angalanerminnut akiliisinniarneqartarnerisa inatsisinik eqqortitsisuuneranik apeqqut pillugu K Kommunimut allagaanut 28. januar 2002-meersunut K Kommuni isummertinniarlugu kommuni kingullermik 10. marts 2003-mi allaffigaara.

Aammattaq apeqqut taanna Atorfeqarfimmeersut kommunimut martsip naanerani tikeraarnerisa nalaani kommunip borgmesteriata kiisalu kommunaldirektøriata inaarutaasumik ataatsimeeqatigineqarneranni eqqaaneqarpoq.

Ataatsimiinnermi qulaani taaneqartumi kommunaldirektørip sulianut taakkununnga isumaa imatut paasivara pisortaqarfiup malittarisassanik paasinninneranut K Kommuni arlalitsigut tunngaviusumik akerliugaluartoq – inuit qulaani taaneqartut pillugit suliami matumani pineqartuni – tamatumunnga atatillugu aningaasatigut aaqqiagiinngissutaasinnaasut aaqqinneqarnissaannut K Kommuni piareersimasoq.

Aammattaq kommunaldirektørip oqarnera imatut paasivara suliat tamanna naapertorlugu inaarlugit suliarineqarnerat K Kommunip uannut ilisimatitsissutiginiaraa.

K Kommunimit tusagaqannginnama kommuni qinnuigaara suliat qulaani taaneqartut inaarsarlugit suliarineqarnerat anguneqarsimanersoq ilisimateqqullunga.”

K Kommunip allagaanik 5. august 2003-meersunik aamma 6. august 2003-meersunik 11. august 2003-mi tigusaqarpunga.

K Kommunip allakkani 5. august 2003-meersuni oqaatigai:

”A aamma (...) pillugit

Inuit pineqartut pillugit suliat imatut inaarneqassapput, atorfininnermut atatillugu akiliunneqarluni angalanermut akiliisitsisoqassanani.” (Atorfeqarfimmi nutsigaa-voq.)

K Kommunip allakkani 6. august 2003-meersuni oqaatigai:

”A aamma (...) pillugit

Siusinnerusukkut allakkatigut saaffiginnissuterput ulloq 5. august 2003 naapertorlugu nalunaarutigissavarput suliat qulaani taanerneqartunut tunngasut matuneqarmata, siornatigut akilingassanngortinneqarsimangaluartut utertinneqarneri pissutigalugit.”

*Matuma kingornagut ima oqaaseqaateqarsimavunga:*

“Pissutsit pisinnaatitaanermut tunngasut

Aallarniutigalugu oqaatigaara suliamik matuminnga naliliininni Aningaasaqarnermut Pisortaqarfiup Isumaqatigiinniarnernut Immikkoortortaqarfiata atorfinitsitsinermi atugassarititaasut inatsisinut naapertuuttuunerannik paasinninnera tunngavigigakku. Taamaammatt suliami matumani isumaqatigiissutit qanoq paasineqarnissaannik apeqqut isummerfigisimangilara.

Pisortat Isumaqatiginninniartartui il.il. pillugit Kalaallit Nunaannut inatsisip atorunnaarsinneqarneranik inatsisikkut nr. 193-ikkut, 26. marts 1991-imeersukkut, § 2, imm. 1, oqaaseqatigiit siulliit, Namminersornerullutik Oqartussat aamma Kalaallit Nunaanni Kommunit Kattuffiat Namminersornerullutik Oqartussani Kommuninilu sulisut piginnaatitaaffii pisisaaffiilu, inatsisip atortuulersinneqarneratigut (1991-imi apriliip aallaqqaataani) Pisortat Isumaqatiginninniartartuisa isumaqatigiissutit ataatsimoorussat isumaqatigiissutillu il.il. tunngavigalugit illua tungiusutut pisassarisimallugillu pisisaaffigisimasaat, suliaassarilerpaat.

Matumuuna tamakkiisumik suliami 32-1-imi oqaaseqaatiga ukiumut 2001-imut nalunaarutinni naqinneqarsimasoq innersuussutigaa.

Namminersornerullutik Oqartussat manna naapertorlugu illua tungiusutut isumaqatigiissutit pillugit apeqqut pillugu pisinnaatitaaneq Aningaasaqarnermut Pisortaqarfiup Isumaqatigiinniarnernut Immikkoortortaqarfianut inississimavaat, matumani aamma qanoq paasinninnissamik apeqqut pillugu pisinnaatitaaneq ilanngullugu.

Taamaalilluni Isumaqatiginninniarnernut Immikkoortortaqarfik isumaqatigiissutinik il.il. illua tungiulluni isumaqatiginninniartartuinnaanngilaq, aammattaarli oqartussaalluni qulliunerusoq naammagittaalliorfiusinnaasoq, taamaalillunilu suliaasaqarfiusumi ilisimaarinnittutut oqaaseqarsimaailluni.

Taamaattumik maannakkut aalajangiinermik immikkut naliliisimangilanga. Sulialli suliarineqarsimanerata arlallit tungaatigut oqaaseriومانanik arlalinnik saqqummiussinissannut pissutissaqalersippaanga.

Kommunip suliamik suliaqarsimanera.

K Kommuni ima isumaqarsimavoq atorfininnermut atatillugu aningaasartuutiit akilernerqarsimasut assigiinngitsut atorfeqartitamit utertillugit akilersissinnaallugit, atorfeqartitaq taanna kommunimi atorfimminit piffisap aalajangersimasup sivikitsuinnaap kingornagut tunuarpat.

Aningaasaqarnermut Pisortaqarfiup Isumaqatigiinniarnernut Immikkoortortaqarfiata K Kommuni 28. januar 2002-mi nalunaaruteqarfigaa Isumaqatigiinniarnernut Immikkoortortaqarfiup 30. november 2001-imeersoq tunngavigigaa, taanna malillugu atorfeqartitap matuma tungaa-

*tigut isumaqatigiissuteqarfiginissaanut tunngavissaqarnani, tassalu atorfeqartitap atorfininnermut atatillugu akiliunneqarluni angalanermut kommunip aningaasartuutai akilertussaagai, pineqartoq taanna ukiut marluk pingasulluunniit qaangiutinnigitsut tunuarpat, kiisalu pissutsit imaannerisa, atorfeqartitaq atorfinitsitsinermi allakkanik atugassarititaasumik taasuminninga imalinnik atsiuisimassalluni, pissutsit inatsisinut naapertuuttunngortissinnaanngikkaat. Taamatuttaaq ippoq nuunnermi aningaasartuutit (pigisanik nuussineq) tungaat.*

*Matuma kingornagut kommunip A-mit piumasarisaminik taamaatitsinnginnerani piffissaq august 2003 tikillugu ingerlasimavoq. Isumaqaqpunga pissutsit taakku imminni isornartorsiortariaqartuusut, tak. matuma kinguliini allaaserineqartut erseqqinnerusut.*

*Oqaatigineqartutut kommunip missingiutitut allagaata 5. juni 2002-meersup kommunip suliamik matuminninga paasinninneranut ersiutitut tunngaviutinnissaa eqqortuusorisimanngilara.*

*Taamaattorli tamatuma suliap ingerlasimaneranik naliliinera allanngortinnigilaa, tassami isumaqarama pissutsit, K Kommuni paasinninnermut Aningaasaqarnermut Pisortaqarfiup Isumaqatigiinniarnernut Immikkoortortaqarfiata ersersissimasaanut tassunga isumaqataasimanngippat isumaqataagaluarpalluunniit, suliap naliliiffigeqqinneqarnissaanik pisussaaffeqarnermik pinngitsoortitsinngimmata.*

*Ingerlatsinermi ileqqorissaarnissap malitsigaa oqartussaasup kukkulut-torsimanera aamma/imaluunniit paatsoornivimmik imaluunniit inatsisinik paatsuuinermik piusoqarnera atortuutinneqaraangat oqartussaasooq pisariaqanngitsumik unikaallannani qisuariaateqassasooq.*

*Piffissap naleqquttup iluani qisuariaateqarnissamut pisussaaffeqarneq isumaga malillugu matuminninga sakkortusisinneqartarpoq, oqartussaasooq suliassaqarfiusumi nakkutilliisussaatinneqartoq (pisumi tassani Aningaasaqarnermut Pisortaqarfiup Isumaqatigiinniarnernut Immikkoortortaqarfia) oqartussaasup qanoq paasinninnissamik ilisimaarinnittup paasinninneranik oqartussaasooq ilisimatikkaangagu.*

*Oqartussaasooq matuma kingornagut paasinninnermut pineqartumut isumaqataanngiinnaraangat, isumaqataannginneq inatsisinut tunngagaluarpat suliamiluunniit pisumi isumaqataannginneruppat, pissutsit paasinarsisinniarnissaannut pisussaaffeqartoqarpoq.*

*Suliaq aalajangersimasooq pillugu isumaqatigiinngissuteqarneq suliap sularinngitsoornissaanut pisinnaatitaanermik nassataqarneq ajorpoq.*

*Matuma malitsigaa K Kommunip siusinnerujussuakkut pinngitsoornani nalunaarutigisimasariaqaraluaraa Isumaqatigiinniarnernut Immikkoortortaqarfiup allagai tunuliaqutaralugit nalileeqqinnerup kingornagut kommunip isummani aalajangiusimagaa imaluunniit maanna pisimasutut nalunaarutigalugu kommunip aningaasanik akileeqqusinini taamaatikkaa.*

*Ataatsimut isiginnilluni tamatuma pisimannginnera isornartorsiortariaqarlunnarsoraara.*

Atorfinitsitsinermi atugassarititaasut pillugit kommunip oqaaserisai.

Oqaatigineqartutut kommunip missingiutitut allagaata 5. juni 2002-meersup kommunip suliamik paasinninneranut ersiutitut tunngaviutinnginnissaa toqqarsimavara.

Taamaattorli Ombudsmandi pillugu inatsimmi § 9, imm. 2 naapertorlugu oqartussaasunut oqaaseqaatinik nalinginnaasumik saqqummiussisinaatitaavunga.

Taamaattumik matumunnga oqaaseqaatinik ataasiakkaanik saqqummiussinissara pisariaqartuusoraara – aammattaaq utertitsilluni akileeqquisinnaatitsineq, kommunip ataatsimiinnerani oqaatigineqartoq, pillugu nalornissuteqarneq eqqarsaatigalugu, tak. ataatsimiinnermit imaqarniliaq 14. januar 2000-imeersoq matuma siuliini issuarneqartoq, pingaartumik oqaaseqatigiit ilaat imaattut:

”Tamatumunnga atatillugu eqqaasitsissutigineqartariaqarpoq akiliummik akiliisitsinermut inatsisitigut tunngavissaqarnersoq ataatsimiinnermi aammattaaq nangaanartoqartinneqartutut oqaatigineqarmat.”

Tamanut tunngasumik oqaatigineqarsinnaavog pisortat sulisoqarnermik aqutsinerat ingerlatsinermik suliaqarnerusoq, taamattumillu atorfe-qartitanik isumaqatiginnissinnaatitaanerni ingerlatsinermi inatsiseqartit-sinikkut killissarititaasut ataanniilluni.

Kommunip ima isumaqarsimasinnaanera, tassalu atorfinitsitsinerit isumaqatigiissuteqarfiginninnernut sanilliunneqarsinnaasut, pillugu oqaatigaara atorfinitsitsinerni pissusiusut isumaqatigiissutinit, inatsisitigut aalajangersakkanik saneqqunneqarsinnaanngitsunit imaluunniit inatsisitigut isumanit najoqqutarisassanit aqunneqarnerisut annertutigisumik oqartussaasut taakkuninnga saneqqutsinissaannut inatsisitigut tunngavissaqanngilaq. Atugassarititaasut pillugit isumaqatigiissutit matumunnga akerliusut atorsinnaassuseqassanngillat.

Taamaalillunga Isumaqatigiinniarnernut Immikkoortortaqaqarfiup oqaaserisai imaattut isumaqatigaakka, pisut imaannerisa, tassalu atorfinitsitsinermi allakkat pineqartup pisussaaffinnik allanik – annertunerusunik – pisussaaffeqarneranik ersersitsut atorfeqartitap atsiortugit, pissutsit inatsisinut naapertuuttunngortissinnaanngikkaat.

Suliassarqarfinni inatsisitigut, isumaqatigiissutitigut il.il. malittarisasiunneqarsimanngitsuni pisortat sulisitsisui atugassarititaasunik immikkut ittunik isumaqatigiissuteqarfiginninnissaminnut ilaatigut kiffaanngisuseqarnerannik piusoqarpoq. Pisortani atorfeqartitap pisussaaffiinik isumaqatigiissuteqarfiginninnerit allatigullu aalajangersaanerit tamakkii-sumik kiffaanngisuseqarfiunngillat, killissarititaasulli pisortat oqartussaasuinut nalinginnaalluinnartumik atuuttut – matumunnga ilanngullugu aamma oqartussaasog sulisitsisutut inissisimagaangat – ataaqqisariaqarlu-

git. Taamaalilluni oqartussaasoq isumaqatigiissutitut imaluunniit atsior-nikkut isumaqatigiissutitut ilusilimmik atuinikkut inatsisitigut pitsaaneru-sumik nammineq inissisimatissinnaasussaannigilaq.

Oqaaserisakka allat:

*Suliami matumani K Kommuni suliami atortussat pillugit taamatullu kommuni atortussatigut ajornartorsiuteqarfiusunut isummertinniarlugu arlaleriarlunga nukingisaartariaqartarsimavara.*

*Ombudsmandi pillugu inatsimmi § 7, imm. 1-ip malitsigaa oqartussat pisussaasut paasissutissanik nalunaarfigissallunga aammalu uppernar-saatissanik allattaavinnillu atorfiga naapertorlugu piumasarisannik saq-qummiussiffigissallunga.*

*Naatsorsuutigaara kommunip siunissami saaffiginnittarnissakka matu-munnga naapertuuttumik akissuteqarfigisassagai.*

*A-p naammagittaalliuutaa pillugu suliami allatigut annertunerusumik iliuuseqaqqissanngilanga.”*

**2. Isumaqatigiissutit malillugit atorfeqartitamik qinnuteqaate-qarnikkut soraarsitsinermi suliap suliarineqarnissaanut piu-masaqaatit.**

*A-p, S.I.K.-p sulisartut akunnermusiallit akissarsiaannik Naalak-kersuisunik isumaqatigiissutaa malillugu atorfeqartitap, naam-magittaalliuutigaa K Kommunip pinngitsaalilluni kommunip qat-serisartoqarfianit soraarnissaminut qinnuteqaqqusimagaani.*

*Ombudsmandi isumaqarpoq K Kommuni A-p soraarnissaminik qinnuteqaataata aalajangiiviginissaanut pisussaaffeqarsimasoq, naak isumaqatigiissut atorfeqartitap tungaaniit soraarniarnissa-mik eqqartuigaluartoq.*

*Ombudsmandip inassuteqaatigaa kommuni, kommunip soraar-niuteqaqqulluni pinngitsaaliisimanera pillugu A-p naammagit-taalliummik Ombudsmandimut saqqummiussisimanerata ki-ngornagut, suliami aalajangiissasoq.*

*Aammattaq Ombudsmandip kommuni A-p atorfeqartitaanera-nut uppernarsaatissanik pigisaqannginnerarlugu isornartorsior-paa. (J.nr. 11.10.21.01/048-02)*

A-p suleqatigiinnermi ajornartorsiutit nammineq pisuussutiginngisani/a-kisussaaffiginngisani pissutigalugit kommunimi qatserisartoqarfimmit so-raarnissaminut 8. februar 2002-mi pinngitsaalineqarsimanini allakkatigut 2. maj 2002-meersutigut naammagittaalliuutigaa.

A kommunip qatserisartoqarfiani 8. oktober 1980-imi atorfinitsinneqar-poq.



Kommunimi qatserisartut pisortaata A-mut 21. januar 2002-mi imatut allappoq:

”Soraarninngorneq pillugu.

67-inik ukioqalernissat qanillartormat, maannga qatserisartoqarfimmit inassutigissavarpup 22. februar 2002-miit K-p illoqarfiani Qatserisartuniit ikiortitup atorfinnit soraassasutit.

Piffissaq iluatsillugu ukiorpassuarni qatserisartoqarfimmi sulisimanerit pillugu qutsavigissavakkit.

Neriutigaarpup soraarnerunerit ukiorpassuarni atorluarumaarit, nalunngilallu qatserisarfirmmut tamatigut tikilluaqqusaasutit oqaloqateqarnissamut allatigulluunniit kissaatigisinnaasakktut.

Suli qutsavigeqqippakkit qatserisartuni sulisimanerit pillugu.” (Atorfeqarfimmi nutsigaavoq.)

A allakkatigut 20. januar 2002-meersutigut imaattunik oqaasertaqartutigut borgmesterimut naammagittaalliorpoq:

”Soraarninngornera pillugu.

Nalunaarutip 21. jan. 2002-meersup, Qatserisartut pisortarigallagaannit atsiorneqarsimasup, assilinera matumuuna ilisimatitsissutitut nassiuppara.

Nalunngilara allakkat taakku qatserisartup ...-mik ateqartup oqaasertalersorsimagai. Taamani, erseqqinnerusumik oqaatigalugu 8. okt. 1980-imi, qatserisartoqarfimmi atorfinitsinneqarama K Kommuni, taamanikkut Qatserisartoqarfik atorfinitsitsisunani. Taamaattumik isumaqarpunga Qatserisartut pisortarigallagaat taamatut inassuteqaateqarnissamut pisinnaatitaanngitsoq, tassami qatserisartut atorfeqartitaannginna.” (Atorfeqarfimmi nutsigaavoq.)

Qatserisartut pisortaata allagai 21. januar 2002-meersut borgmesterip imatut utertippai:

”A -mut januaarip 21-ni 2002-mi allakkatit.

Januaarip 21-ni 2002-mi A-mut allagaqarnikkut pineqartup qatserisartoqarfimmiit soraarsinneqarnissaa K-p illoqarfiata Qatserisartuiniit innersuussutigineqassasoq, nalunaarutigisimagit paasitinneqarpunga. A-mut allakkanni soraarsitsinissamut 67-inik ukioqalernissaa patsisiginiarpat.

Tamatumunnga atatillugu K Kommunimi sulisut 67-inik ukioqalerunik suliunaarnissaannik isumalimmik aalajangersagaqanngimmat oqaatigissavara.

A Namminersorerullutik Oqartussat S.I.K.-llu isumaqatigiissutaat naapertorlugu atorfeqartitaavoq. Isumaqatigiissullu taanna 67-inik ukioqalernermi suliunaarnissamik isumalimmik aalajangersagaqanngilartaaq.

Isumaga naapertorlugu Qatserisartoqarfimmiit A-mik soraarsitsineq tunngavissaqanngitsumik soraarsitsineruvoq. Soraarsitsineq soraarsitaasumut suliffeqarfimmulunniit tunngasutigut patsisaasinnaasunik tunngaveqanngilaq. Aammattaaq paasitinneqarnera tunngavigalugu soraarsitsiniarnermi A-p soraarsitaanissaa pillugu isumasioqatigineqarsimannigilaq/tusarniaaffigineqarsimannigilaq.

Tamakku tunngavigalugit Qatserisartoqarfik K Kommunillu sinnerlugit januarip 21-ni 2002-mi A-mut allakkatit matumuuna utertipakka soraarsitsiniarnerlu atortussaajunnaarsilllugu.

A allakkat uku assilinerannik nassillugu paasitippara.”

Tamatuma kingorna oqaatigineqarpoq A kommunip teknikkimut avatangiisinullu ingerlatsiveqarfianut allakkanik imaattunik 8. februar 2002-mi nassiussisimasoq:

”K Kommunimi qatserisartoqarfimmi atorfinnit soraarniuteqarnera pillugu.

Qatserisartoqarfimmi atorfinnit 31. marts 2002 aallarnerfigalugu matumuuna soraarniuteqarpunga. Teknikkeqarfimmi pisortamut ...-mut isumaqatigiissut malillugu piffissami soraarnissama tungaanut qatserisaqartoqarfimmut suliaartussanngilanga.” (Atorfeqarfimmi nutsigaavoq.)

Allakkat imaattumik naqqissusigaapput:

”8. februar 2002-mi tiguneqarput.  
(ats.)

...

Teknikkeqarfimmi pisortaq” (Atorfeqarfimmi nutsigaavoq.)

A-p uannut naammagittaalliutaa imaappoq:

”Ullumi oqarasuaatikku isumaqatigiissut tunngavigalugu matumuuna suliami piomassuserinngisannik pinngitsaaliinikkut ukiorpassuarni K Kommunimi Qatserisartuni atorfinnit soraarniuteqartitaannut tunngasumik assilisat matumuuna nassiuppakka.

Assilisani oqaatigineqartuni takuneqarsinnaasutut, unioqqutitsinikkut qatserisartunit pingasunit 21. januar 2002-imi allakkatigut soraarsitaavunga. Tamatuma kingornatigut borgmesterimut ...-mut 29. januar 2002 saaffiginnippunga.

Matuma qulaani pisimasup oqaatigineqartup kingornatigut malersugaanermik misigisaqartitaasimavunga, atorfinni ingerlaannarnissara atasinnaanngitsutut misigisimallugu. Kingornatigut kommuneingeniørimut ...-mut, K-p illoqarfiani Qatserisartuni qullersaalluni pisortasumut saaffiginnippunga pisimasunillu ilisimatillugu. Tupigusuutigisannilli suliffigisanni ajornartorsiutit iluarsiiviginarlunit qanoq iliuuseqartoqanngilaq siusinnerusukkulli pissutsit piffissami sivisuumi ingerlareersimasut nalunnikkaluarlugit.

Borgmesterimut saaffiginnissummi takuneqarsinnaasutut, 8. oktober 1980-imi atorfinnitsinneqarpunga oqaatigisinnaallugulu suliaassakka ingerlassimallugit piffissallu ingerlanerani qaninnerpaamik pisortarisannut tamakkiisumik naammaginartumik. Toqoriataarneratali kingornatigut ajornartorsiutit assigiinngitsut, ajoraluartumik ajorsartorsimasut, pinngorsimapput, misigisimalerlunga piomassuserinngisannik soraarniuteqarnissannut pinngitsaalineqartutut, suli sulisinnaalluarualarlunga nalunagulu ukiuni marlussunni suliffik suli naammassisinnaallugu K-llu Kommunimit suliffinnut takkutinngitsoorneq pissutigalugu soraarsitaanissara kissaatiginagu.

Paaserusutara tassaavoq, sulinermi akissarsiassanik annaasaqarnermut taarsiissutiniq piomasaqarnissamut periarfissaqarnerisunga. 67-iliinikuugama, uannut ajornakusoortuuvoq allamik suliffissamik nassaarnissara pisortanillu qaammammut taamaallaat 2.291,- kr. pinnaallugit. Suliaq misissorususinnaagassiuk qujareerpunga.” (Atorfeqarfimmi nutsigaavoq.)

### Kommunimut 4. juni 2002-mi imatut allappunga:

”A-p naammagittaalliutaa, assilineri ilanngullugu nassiunneqartoq, tiguara. Tamatumunnga peqatigitillugu naammagittaalliutip kalaallisuumut nutserneqarnera ilanngullugu nassiuppara.

A allaffinnut ornigulluni 28. maj 2002-imi saaffiginnippoq, naammagittaalliuti-nilu itisilerlugu.

A ornigulluni saaffiginninnermini oqarpoq allakkat suliunnaarumalluni qinnuteqarnerminik imaqtartut 8. februar 2002-meersut teknikkeqarnermut pisortamit ...-mit tiguneqartutut uppersarlugit atsiorneqarsimasut ...-mit allanneqarsimasut, ...-llu atsiortinniarluni tatisimasimagaani.

A aamma oqarpoq qatserisartoqarfimmi suleqqiinnarnissani suleqatimi suleqati-giinnikkut ajornartorsiuteqarfiginerisigut ajornakusuulersinneqartoq isumaqarluni kommunimut arlaleriarluni oqaatigisarsimallugu.

Tamatumunnga atatillugu kommuni qinnuigaara A-p suliffimniti suliunnaarnis-samik qinnuteqaataanut 8. februar 2002-meersumut atatillugu kommunip suliamik suliarinninneq qanoq ittoq ingerlassimaneraa nassuiaqqullugu.

Tamatumunnga peqatigitillugu kommuni qinnuigaara A-p qatserisartoqarfimmi suleqatigiinneq pillugu saaffiginnissutigisartagaasa qanoq suliarineqartarsimanagerat pillugu nassuiaateqqaqqullugu.

Kiisalu kommuni qinnuigaara suliaq allagaatinik A-mut (sulisutut) tunngasunik imalik misissugassanngorlugu uannut nassiuteqqullugu.

Paatsoortoqaqqunagu oqaatigaara kommunip oqaaseqaataa A-mut taassuma suliama illua'tungiusutut isumaanik tusarniaatigalugu nassiunneqarsinnaammat.

Allakkat uku assilineri A-mut nassiuppakka.”

### Kommunip 4. juli 2002-mi imatut akivaanga:

”A-p naammagittaalliutaa pillugu Ombudsmandip allagai 4. juni 2002-meersut innersuussutigalugit K Kommuni imaattunik oqaaseqaatissaqarpoq:

Ilu Moorpoq A-p suliunnaarniarnera pillugu qinnuteqaat 8. februar 2002-meersaq ataani atsiortumit oqaasertalersugaammat. Ilumuunngilluinnarporli A soraarnium-mik atsiqqullugu pinngitsaalisimaga.

Atorfimniti soraarnissani A-p nammineq kissaatigaa.

A-p soraarniuteqarnera pillugu suliamik suliarinnittoqarsimannigilaq, A-p akissarsiaasa 31. marts 2002-imi unitsinneqarnissaannik akissarsialeriffiup nalunaarfigineqarnerata saniatigut. A suliama illua'tungiusutut isumaanik soorunalimi tusarniaavigineqarsimannigilaq, tassami A atorffimniti nammineq soraarniuteqar-mat.

Suliama A-mut tunngasumi allagaatit assilineri ilanngullugit nassiunneqarput.” (Atorfeqarfimmi nutsigaavoq.)

### Kommunimut 3. september 2002-mi imatut allappunga:

”Kommunip 4. juli 2002-mi akissutaa, allakkap normua ..., j.nr. ..., 8. juli 2002-mi tiguara.

Paasivara suliama takuneqarsinnaasoq A Naalakkersuisut S.I.K.-llu isumaqati-giissutaat naapertorlugu 8. oktober 1980-imi atorffinitinneqarsimasoq.

Tamatumunnga atatillugu kommuni qinnuigaara ilassutaasumik A-p atorffinitis-taanerani allakkiap assilineranik nasseqqullunga.

Tamatumunnga peqatigitillugu kommuni qinnuigaara, kommuni isumaqarnersoq, A-p isumaqatigiissut malillugu atorfeqarnerata, ikuallannaveersaartitsineq qatserinerlu pillugit Inatsisartut peqqussutaanni nr. 6-imi, 30. oktober 1992-imeersumi qatserisartuni sulisunik atorfinitsitsisarnermi soraarsitsisarnermilu malittarisassat, A-p kommunip qatserisartoqarfiani atorfinitsitaanerani, atorneqannginnerat kingunerigaa, paasisitsissuteqarfigeqqullunga.

Allakkat ukua assilinerannik A nassippara.”

Kommuni 1. oktober 2002-mi imatut akivoq:

”Ombudsmandip allagai 03.09.2002-meersut tunngavigalugit nalunaarutigineqarsinnaavoq K Kommuni A-p atorfinitsinneqarnerani allakkiamik pigisaqanngitsoq.

Aammattaaq ilumoorpoq K Kommuni isumaqarmat A Inatsisartut peqqussutaanni nr. 6-imi, 30. oktober 1992-imeersumi qatserisartunik atorfinitsitsisarneq soraarsitsisarnerlu pillugit malittarisassat malillugit atorfeqartitaanngitsoq.” (Atorfeqarfimmi nutsigaavoq.)

Oqarasuaatikkut 18. februar 2003-mi apeqquteqaateqarninni kommunip oqaatigaa A soraarnermi nalaani Naalakkersuisut aamma S.I.K.-p ilinnia-gaqarsimallutik ilinniagaqarsimanatillu akunnermusiaqarlutik sulisartut pillugit isumaqatigiissutaat malillugu atorfeqartitaasimasoq.

*Tamatuma kingorna imaattunik oqaaseqaateqarpunga:*

*”Kommunimi atorfeqartitaanermi pissutsit kommunip akisussaaffigisai pissutigalugit unitsinneqarnera A-p naammagittaalliuutigaa. A-p tamatumunnga atatillugu sulinermi unitsinneqarnerani taarsiissuteqarfigneqar-nissani kissaatigaa.*

*Kommunip suliami allagaatai suleqatigiinnermi ajornartorsiutit A-p uannut naammagittaalliuutimini innersuussutigisai pillugit uppernarsaat-inik ilaqanngillat.*

*Aammattaaq A soraarniuteqaqqullugu kommunip pinngitsaaliisimane-ragaanera kommunip uannut akissummini ilumuunnginnerarppaa.*

*Pissutsinik taaneqartunik A-p taamaanneraanera eqqortuunersoq paa-sissutissiissutigineqartut aallaavigalugit nalilersinnaanngilara.*

*Tamatuma inaarutaasumik qulaajaneqarnera uppernarsaasersuiner-mik eqqartuussiviit ataanni ingerlanneqartunik tunngaveqartussaavoq.*

*Taamaattumik oqaaseqaatinnik A-mut ilisimatitsissuteqarninnut atatil-lugu oqaatigaara taarsiivigineqarnissamik piumasaqaataa taamaallaat eqqartuussivinnit aalajangiivigineqarsinnaasoq, kommunip taarsiissute-qarnissamut pissutissaqalersitsisumik iliuuseqarsimanini nassuerutigin-ngippagu.*

*Kommunip suliamik suliarinninnerata arlalinnik oqaaseqaateqarnissannut aamma pissutissaqalersippaanga.*

Taamaalillunga siullermik maluginiarsimavara A-p akissarsiaasa 31. marts 2002 aallarnerfigalugu unitsinneqarnissaannik kommunip akissarsialeriffiata peqquneqarnerata saniatigut kommuni A-p soraarniarluni qinnuteqaataanut 8. februar 2002-meersumut atatillugu suliamik suliarinnissimanngitsoq.

A Kalaallit Nunaanni Naalakkersuisut aamma S.I.K.-p ilinniagaqarsimallutik ilinniagaqarsimanatillu sulisartut nalunaaquttap akunnermusiallit pillugit isumaqatigiissutaat malillugu kommunimi atorfeqartitaavoq.

Isumaqatigiissummi tassani akissarsiallit soraarsinneqarnissaasa siumut nalunaarutigineqartarnerat pillugu malittarisassat aalajangersarneqarsimapput.

Pisortani atorfeqartitaasut pillugit isumaqatigiissummi atorfeqartitaasup tungaanit soraarniuteqarnissamik siumut nalunaarutiginninnissaq pillugu malittarisassaqaarnerata nalinginnaasumik nassataraa atorfeqartitaasup atorfeqartitaanermik unitsitsisinnaanera. Taamaattumik qinnuteqaat isumaqatigiissummi tamanna pillugu malittarisassanut naapertuuppat qinnuteqaat oqartussaasup akuerissagaa atorfeqartitaasup piumasaqaatigisallugu pisinnaatitaaffigaa.

Taamaattorli atorfeqartitaasup tungaanit soraarniuteqarneq soraarniutit qinnutigineqartoq oqartussaasumit akuerineqarpat aatsaat atuusinnaassuseqalissaaq.

Atorfeqartitaasup soraarniuteqarnerani suliamik suliarinninnissaq ingerlatsinermik inatsiseqartitsinermi malittarisassat malillugit pisussaa-voq, matumani suliassat suliarineqartarnerat pillugu inatsimmi malittarisassat ilanngullugit eqqarsaatigalugit.

Kisianni atorfeqartitaasup piumasaqaatitaqanngitsumik soraarniuteqarnera pineqarpat, aamma aalajangiisoqannginnerani paasissutissanik atorfeqartitaasumit allanilluunniit amerlanerusunik saqqummertoqanngippat suliamik suliarinninneq soraarniuteqarneq pillugu isumaqatigiissummi malittarisassat malinneqarsimanerannik misissuinermut killeqartinneqassaaq.

Soraarniuteqarneq tamatuma kingorna akuerineqarpat atorfeqartitaasooq tusarniaavigineqassanngilaq, tunngivilersuinermilu atorfeqartitaasup nammineq soraarnissaminik kissaateqarnera kisiat innersuussutigineqarsinnaalluni.

A-p soraarniuteqarnera qulaani taaneqartut naapertorlugit suliarissallugu aalajangiiffigisallugulu kommuni pisussaafeqarsimavoq.

Kisianni A-p qinnuteqaataanut atatillugu kommuni aalajangiisimanngilaaq, tamannalu ajuusaarnartutut isigaara.

Taamaattumik inassuteqaatigaara kommuni A-p qinnuteqaataa 8. februar 2002-meersoq pillugu aalajangiissasoq, tamatumunngalu atatillugu A-p uannut naammagittaalliutimini oqaatigisaatut kommunip tungaanit pissusissaanngitsumik tatineqarnermigut soraarniuteqarsimanera isiginiassagaa.

*Taamaalilluni A-p tungaanit piumasagaatitaqanngitsumik soraarniuteqarneq suliami matumani pineqarunnaarpoq.*

*Tamatumunnga atatillugu oqaatigaara pisortani atorfeqartitaasoq oqarpat pineqartup soraarsinneqarnera atorfeqartitaanermut tunngasuni kukkunermik sumiginnaanermilluunniit pisortani oqartussaasup akisussaaffigisaanik pissuteqartoq, taava soraarniuteqarluni qinnuteqaatip akuerineqannginnerani pissutsit taamaannerat oqartussaasup qulaajartariaqarpaa.*

*Oqartussaasup tamatumunnga atatillugu kukkunernik sumiginnaanernilluunniit aaqinneqarunik atorfeqartitap soraarniuteqarumajunnaarneranik nassataqarsinnaasunik, imaluunniit pissutsinik oqartussaasup taarsisussanngortinneqaatigisinnaasaanik peqarnersoq misissortariaqarpaa.*

*Tamakku saniatigut maluginiarpara kommuni A-p atorfinitsitaanerani allakkiamik peqanngitsoq.*

*Suliani siusinersukkut suliarisimasanni oqaatigisarpara pisortani atorfeqartitaanernut tunngasut tamarmik allakkatigut uppersaatitaqartariaqartut. Tamatumunnga atatillugu 2001-imut ukiumoortumik nalunaarusiama kalaallisuuani qupperneq 25, qallunaatuuaanilu qupperneq 20 innersuussutigaa.*

*A-p kommunimi atorfeqartitaanera pillugu uppersaat pisariaqartoq kommunip piginnimmagu pitsaanngitsutut isigaara.*

*A allakkatigut allatigut allakkallu uku assilinerisigut paasinninninnik ilisimatippara.”*

## 49. Akiliisitsiniarneq pillugu suliaqarneq

### 1. Taxacentralimik ingerlatsinermut akiliummik kommunip akileeqqusinera.

*Kommunip centralimik inniminniiffiusartumik tigusigallarnernanut ingerlatsigallarnernanullu atatillugu kommunip aningaasartuutaanut K Kommunip akiligassiissutaanik tigusaqarsimanini A-p taxaatillit peqatigiiffiannut siulittaasutut naammagittaalliuutigaa.*

*K Kommunip piffissami aalajangersimasumi centralimik inniminniiffiusartumik ingerlatsisimanera Ombudsmandip isornartorsiunngilaa.*

*Taamaattorli Ombudsmandip qularnartoqartuusoraa kommunip taxaatillit peqatigiiffiat nutaaq aningaasanik pineqartunik akileeqqusinnaammagu, kommunillu centralip ingerlannernanik tigusinermut atatillugu akiliinissaq pillugu apeqqummik paasinarsisitsisimanginnera isornartorsiortariaqartutut isumaqarfialugu. (J.nr. 11.10.49.01/035-03)*

A-p saaffiginnissutaa 4. marts 2003-mi tiguara, tassanilu ”centralimut akiliutit ikinaarlugit akilersinneqartut”-nut atatillugu K Kommunip akiligassiissummik 216.000 kr.-nik aningaasartalimmik nassitsisimanera A-p naammagittaalliuutiginiarpaa. Aningaasat taakku kommunip K Kommunimi taxacentralimik tigungminnikkallarnernani aningaasartuutunut tunnga-suupput.

K Kommunimut 21. marts 2003-mi allappunga, kommunilu qinnuigalugu mappi suliami allagaatinik akiliisitsiniarnermut uppernarsaatitut tunngaviusoq atukkiuteqqullugu. Aammattaaq imatut allappunga:

”A Ombudsmandip allaffianut 4. marts 2003-mi nammineq ornigulluni saaffigin-nippoq, tassami K Kommunip 216.000 kr.-nik akiliisitsiniarnera pillugu ilitser-sorneqarnissani naammagittaalliornissanilu kissaatigiamiuk.

A nassuiaalluni oqarpoq K Kommunimi taxaatiliulluni, illoqarfimmilu taxaatillit peqatigiiffianni pilersinneqaqqammersumi siulittaasuugallarluni. ...-iikkallarnerni nalaani nuliament oqarasuaatikku ilisimatinneqarsimavoq K Kommunip akiligas-saq 216.000 kr.-nik aningaasartalik imminut nassiussimagaa.

A-p oqarnera malillugu akiligassaat taakku tassaapput taxacentralip siusinneru-sukku namminersortumit pigineqartup, massakkulli piffissap ingerlanerani K Kom-munimit ingerlanneqarsimasup amigartoorutai.

Akileeqqusissutip assilnera nassiuteqqullugu qinnutigaara, tamatumalu kingorna kommunip akiligassiissutaata katillugit 216.000 kr.-nik aningaasartallip nr. ...-p 3. marts 2003-meersup A aqutigalugu Taxaatillit Peqatigiiffiannut nassiunneqarsima-sup assilnera faxikkut nassiunneqartoq tigullugu. Akileeqqusissut taanna pillugu al-lassimavoq ”Centralimut akileraarutitut akiliinikinaarutit”. Pisariillisaanarlunga taassuma assilnera ilanngullugu nassiuppara.

Naammagittaalliuut imatut paasivara kommunip akiliisitsiniarnera A-p naam-  
magittaalliuutiginiaraa, akiliisitsiniarnermi taanna naammagittaalliuortup paasinnin-  
nera malillugu inatsisitigut imaluunniit illua'tungeriit isumaqatigiissutaannik tun-  
ngavissaqanngimmat.”

### K Kommunip 1. april 2003-mi imatut akivaanga:

”Taxaatillit peqatigiiffiannut v/A-mut siulittaasuugallartumut akiligassamik nas-  
sitsinerup tunuliaqutarai makku:

26.10.2001-imi kommunelu ataatsimiinneranni taxaatililit qaammammut taxacentralip ingerlanneranut akiliutaasa qaffannissaannik kiisalu taxanut nutaamik ileqqoreqqusamik sananeq pillugu, taxaatililit K Kommuni qinnuigaat taxacentralip ingerlannera tigugallaqqullugu, taamani ingerlatsisoq suliffeqarfik ...-p centrali ingerlakkusukkunnaarmagu. Aammattaaq kissaatigineqarpoq centrali taxaatilinnit nalunaarutigineqarsimasunit ataatsimoorluni akisussaaffigineqassasoq, taamaaliornikkut kommunep ileqqoreqqusaliaa maleruarniarlugu, tassami ileqqoreqqusaq ataatsimoorluni ingerlatsinermut akisussaaffeqartoqarnissaanik, kiisalu taxaatilittut nalunaarsukkat pinngitsooratik centralimut nalunaarsimanissaannik peqqusimmat. Aammattaaq kissaatigineqarpoq K Kommunimi taxartarnermut kommune ileqqoreqqusaliussasoq, kiisalu ileqqoreqqusaliortoqassasoq ingerlatsinermullu malittarisassaliortoqassasoq centralimut taxaatililit ataatsimoorlutik pigisaannut.

13.12.2001 kommunalbestyrelsip akueraa kommunep ingerlatsineq tigussagaa, tassani piumasagaatigineqarluni ingerlatsineq kommunemut aningaasartuutaassanngitsaq, siunertarlu imaassalluni kommune tigungminnikkallaannassasoq centralimullu piumasagaatinik sanallutik, taanna piginneqatigiiffittut ingerlaqqissalluni. Kiisalu kissaatigineqarpoq siullermik ingerlatsisuusimasoq allakkatigut ingerlatsiunnaarnerminik nalunaassasoq.

Kommunep centrali qaammagini 3-4 missaanni aningaasartuutaanngitsumik ingerlatereeraalu taxaatililit arlallit unerarput, aasallu ingerlanerani taxat ingerlaartut ikilipput siullermik nalunaarutigineqarsimasut affaannaasa 2/3-iisalu akornanniiginalerlutik, taamaalilluni aningaasartuutaanngitsumik ingerlatsineq periarfissaaruppoq.

Soorunami kommunep tamanna taxaatilinnut sinneruttunut nalunaarutigaa.

Tamatuma kingorna taxaatililit peqatigiiffiliorput, taassumalu taxacentralip ingerlanera isumagissuaa, taamaattumik K Kommuni 13.12.2001-imi kommunalbestyrelsip aalajangernera tunuliaqutaralugu, aasap ingerlanerani ukiakkullu taxat ikippallaarnerisa kingunerisaannik ingerlatsinermut amigartoorutit pilersinneqarsimasunut akiligassaliorpoq, akiligassarlu peqatigiiffimmut nassiunneqarpoq, tassani A siulittaasuugallarmat. Tamannalu akiligassami nassiunneqarsimasumi ersippoq.

Aammattaaq kommune taxaatililit kissaatigisaat malillugu taxacentralip ataatsimoorluni piginneqatigiilernissamat tunngaviusumik atortussamik suliarinninnermi ikiuussimavoq, kisianni soorlu qulaani taaneqareersoq piffissami tassani, kommunep taxaatililit sinnerlugit ingerlatsineq ingerlannerani, kommunalbestyrelsip aalajangernerani aningaasatigut akisussaaffimmik tigusinissaa ilaanngilaq.”

Akiliisitsiniarneq naammagittaalliuutigineqartoq pillugu mappimi alla-  
gaatinik imalimmi kommunip misissugassanngorlugu nassiuusaani makku  
issuarneqarnissaat toqqarsimavara:

K Kommunimi suliffissarsiuussisarfimmit uunga allakkat 17. oktober  
2001-imeersut: Taxacentralen:



”Taxaatilinnut tamanut taxacentralimullu

Taxaatillip sap. akunneranumoortumik taxacentralimut akiliisarneq pillugu saaf-figinnissutaa tunuliaqutaralugu, makku ilisimatitsissutigineqassapput, takuuk § 3 kommunemut ileqqoreqqusani K Kommunimi taxanik ingerlatsisarneq pillugu, tasanilu ilaatigut erserpoq, issuaaneq:

”Kinaluunniit qamutinik ilaasartaatinik ingerlataqarsinnaanermut akuersissummik pigisaqartoq, sanilliullugu § 4, pinngitsoorani ataatsimoorullugu bestiliisarfirmut attaveqassaaq, taassuma aallartinniarnanumut ingerlanneqarneranullu aningaasartuutaasussanut akileeqataasassalluni.”

Tassa imaappoq, taxaatillit tamarmik centralimut nalunaarsimasut, aningaasartuutitut akileeqataasassapput centralimut taxat qanoq amerlatigisut nalunaarsimane- rat aallaavigalugu aammalu centralip ileqqoreqqusai, taxacentralimut missingersuut akuerisaq aammali ingerlatsinermut naatsorsuutit tunuliaqutaralugit. Tassa centra- limut akiliut taxat amerlassusai qaffasilliartortillugit akiliutaasartoq appariartussaaq. Akiliutit, takuuk kommunep ileqqoreqqusai, centralip ingerlatsinermut aningaasar- tuutai matussusersinnaassuai.

Taamaattumik massakkut sap. akunneranut akiliutip aalajangiussap eqqortuune- ranut apequtaapput, missingersuut suna isumaqatigiissutigineqarsimanersoq, qa- mutit qanoq amerlatigisut nalunaarsimanersut, kiisalu ulluinnarni ingerlatsinermut aningaasartuutit, tamakkulu taxaatillit nammineq eqqortuunersut isumannaartaria- qarpaat.”

K Kommunimi suliffissarsiuussisarfiup taxaatilinnut tamanut allagai 2001-imeersut ulloq erseqqinnerusumik taanagu:

”Piffissami kingullelmi taxaatillit taxacentralimut sapaatip akunneranoortumik akiliutigisartagaasa allannngortinneqarsimaneerat aammalu suliffissaqartitsiniarnermi ataatsimiititaliap kissaatigisimammasuk, kommunimi taxat pillugit ileqqoreqqusap misissorneqarnissaa pissutigalugit taxaatillit tamarmik ataatsimiigiaqquneqarput ul- loq tallimangorneq 26. oktober 2001 nal. 14.00 kommunip ataatsimiittarfanut.”

Suliap ungalua 9. november 2001-imi ullulernerqarsimasoq:

”Suliaq SA-mi suliarisassaq 15. november 2001.

Taxacentralip ingerlanneqarneranik tigusineq

26.10.01-imi ataatsimiinnermi taxacentralimik ingerlatsinermut akisussaaffik taxacentralip kommunimit 1.1.02 aallarnerfigalugu tiguneqarnera tunuliaqutaralugu ...-p tigungmiujunnaarpaa.

Nal. 07.00-imit 02.00-imut ammasarfik kommunalbestyrelsimit akuerisaasoq aallaavigalugu ullup unnuallu ingerlaneranni nal. akunnerini 19-imi inunnik 2½-inik pisariaqartitsisoqartussaaq.

Ingerlatsinermik tigusinermi tamanna aaqinneqareersimassaaq, imatut

**Sumiiffik**, kommunip ileqqoreqqusaa atuuttoq malillugu akuersissummik pigisaqartoq tassaavoq taxacentralimik pilersitsinissamat pisussaasoq.

**Atortut** kommunip ileqqoreqqusaa atuuttoq malillugu akuersissummik pigisaqartoq tassaavoq taxacentralimik pilersitsinissamat pisussaasoq.

**Sulisut** ingerlatsivigineqarnerat kommunip isumagissavaa, akissarsiat sapaatip akunneranoortumik akiliutinit matuneqartassapput.

Centralip inoqartarnissaa kommunip isumagissavaa.

Taxacentralip ingerlanneqarneranik tigusineq Suliffissarsiuussisarfimmit masakkut misissorneqarnissaa SA-p akuerissagaa kaammattuutigineqarpoq.

SA 21.11.2001: Utaqqiisaasumik akuerineqarnissaa kaammattuutigineqarpoq, ingerlatseqatigiiffivimmik aallartisaaneq ikiorserniarlugu, AA-mut ingerlateqqinneqarpoq.” (Atorfeqarfimmi nutsigaavoq.)

Ataatsimiinnerup imaqarniliornerata naqitanngortinneqarnera, j. nr. ..., ataatsimiinneq nr. ..., 13. december 2001-imi ullulerneqarsimasoq:

”J.nr. ... Taxacentralip ingerlanneqarnerata tiguineqarnissaanik siunnersuut.

26. oktober 2001-imi akuersissutinik pigisaqartut kommunillu ataatsimiinneranni tamanit isumaqatigiissutaalluni aalajangerneqarpoq taxacentrali kommunimit tiguineqassasoq. Aalajangiisoqarpoq taxacentralip ingerlanneqarnera kommunip 1. januar 2002-mit tigussagaa. Tamatumunnga atatillugu nalunaarutigineqassaaq sinerissami taxacentralinik ingerlatsineq suliffissarsiuussisarfiup masakkut misissormagu.

Ingerlatsinerup tunggavisutut ilaatut ileqqoreqqusat atuuttut malillugit piumasaqaatigineqarpoq ingerlatsineq taanna taxaatilinnit nalunaarsorsimasunit aningaasalersorneqassasoq, taamaattumillu ingerlatsineq kommunimut aningaasartuutaasusnaanani.

Siunnersuutigineqarpoq SA-p suliap ingerlanneqarnerata ingerlatiinnarneqarnissaa akuerissagaa.

SA 15.11.01: Akuerineqarpoq. Selskabimik aallarnisaanissaq ikiorserniarlugu utaqqiisaasumik akuerineqarnissaa AA-mut inassutigalugu ingerlateqqinneqarpoq.

AA 10.12.01: Inassutigineqarpoq Kommuuni piareersarnermi ikiutissasoq, ingerlatsinerlu allanit akisussaaffigineqassasoq.

KB 13.12.01: Inassutigineqartoq akuerineqarpoq. Inassutigalugu centralimik ingerlatsisoq unitsitsinissamik allakkatigut nalunaassasoq.”

Ataatsimiinnermi tassani imaqarniliap naqitanngortinneqarnera:

“J. nr. .../ K Kommunimi taxanik ingerlatsisarnermut kommunip ileqqoreqqusasaanut nutaamut siunnersuut.

Ileqqoreqqusaliamut nutaamut siunnersuummut pissutaavoq, paasineqarsimammat taxaatillit arlallit piffissani sivilisunerusuni akuersissutit tunniunneqarsimasut siunertaannut atortarsimangimmatigit, kiisalu K Kommunimut taxartarneq pillugu akuttunngittumik naammagittaalliuutinik tigusaqartarsimammat.

Maannamut ileqqoreqqusaliami atuuttumi taxaatillit akuersissutit siunertaanik naammassinissinnaanginnerat eqqumaffigineqarsimangilaq.

Siunnersuutip akuerineqarnissaa inassutigineqarpoq.

SA 15.11.01: Akuerineqarpoq. AA-mut inassutigalugu ingerlatinneqarpoq.

AA 10.12.01: Akuerineqarpoq. Kom. best.-imut inassutigalugu ingerlatinneqarpoq.

KB 13.12.01: Akuerineqarpoq.”

K Kommunimi borgmesterip allagai 18. december 2001-imeersut, K Kommunimi taxaatilinnut ingerlatitat:

”K Kommunimi Taxacentrali.

Taxaatillit taxacentralimik aallartitsinissamut kommunep ikiuunnissaanik qinnuiginnerat tunuliaqutaralugu, illoqarfimmi K-mi kommunabestyrrelse 13.12.2001-imi ataatsimiinnermini ima aalajangerput:

- K Kommuni aallartitsinermi ikiuutissaaq, ingerlatsinerlu allanit isumagineqas-saaq.

Akuerineranut piumasaqaataavoq maannakkut centralimik piginnittuusup allak-katigut unitsitsinini nalunaarutiginiissaa.

Tamatuma kingorna K Kommuni ingerlatsineq isumannaarallarsinnaavaa, ukior-taareeripallu siunissami ingerlatsinissaq aamma isumaqatigiissutit najoqqutas-siallu pisariaqartitat sananeqarumaarput.

Tamatumunnga atatillugu taxaatillit ingerlaavartumik ilisimatinneqartarumaar-put.”

...-p kommunimut allagai 18. december 2001-imeersut:

”Matumuuna nalunaarutigineqarsinnaavoq taxacentrali 31.12.01 aallarnerfiga-lugu atorunnaarsikkiga. Kommunip ineqarnermut akiliutinut 3.000,00 kr.-nik akilii-sarneq ingerlateqqissavaa. Aammattaaq innaallagissamat imermullu aningaasartuu-tit assigiinngitsut.” (Atofteqarfimmi nutsigaavoq.)

Illoqarfimmi K-mi taxaatileqatigiit 11. april 2002-mi ataatsimiinnerata imaqarniliornera:

”Najuuttut: ... .

Najuutinngitsut: (...)

Suliffissarsiuussisarfirmmit ... aamma ... kiisalu taxacentralimit ... takkupput.

...: Aallarniilluni tikilluaqqusivoq kommunillu taxacentralip kommunimit mas-sakkut aqunneqarneranut tunuliaqutaasoq naatumik nassuiarlugu, kiisalu taxacen-tralip ingerlanneqarnera pillugu kommunalbestyrelsimit piginnaatitsissut aamma kommunip ileqqoreqqusaliaata nutaap Politimesterimut inaarutaasumik akuerisas-sanngorlugu nassiuunneqarsimasup akuerineqarnera innersuussutigalugit.

(...)

Apeqquteqartoqarneratigut oqaatigineqarpoq taxacentralip aqunneqarneranit kommunalbestyrelsi qaqugu tunuarumaarnersoq aalajangersimasumik ullulerneqar-simanngitsoq, taamaallaallu kommunalbestyrelsip piginnaatitsissutaa utaqqiisaan-naagallartoq, taamaattumillu kommunip peqataanera unitsinneqartussaasoq.

...-ip oqaatigisinnaavaa centrali piffissami kommunip peqataanerata nalaani ilua-naarutaannngitsumik amigartoorutaannngitsumillu ingerlanniarneqarsimagaluartoq, massakkulli 2.900,- kr.-t missaannik amigartooruteqartoq, kisianni biilerpassuit ataatsikkut sullivimmi suliarineqalissagaluarpata tamatuma amigartoorutit kingusin-nerusukkat matussuttissaqartinniarneqartussat amerliartornerat nassatarisinnaagaa.

Tamatuma saniatigut taxanik ingerlatsinermi pissutsit taxaatillit kaaviiartitaan-nut sunniuteqartut arlallit paasineqarsimapput, taakkulu kingusinnerusukkat nalu-naarutigineqarniarput.

Naggataatigut missingersuutit ilisimatitsissutigineqarput, missingersuutillu taak-ku ukiup qaammataani pingasuni siullerni kommunimit atorneqarsimapput, taxacen-tralillu peqatigiiffittut tunngaviumik ingerlanneqarnissaa pillugu kommunip siun-nersuutaanik tunngaveqartumik missingersuutit nutaatut siunnersuut aamma ilisi-matitsissutigineqarluni. Missingersuutini taakkunani tunngaviusut tassaapput:

Ulluinnarni ingerlatsisumik atorfinitsitsineq

Centralip nutarterneqarnera

Ingerlatsineranut aningaasartuutit sapinngisamik ikinnerpaat, taamaalilluni sapaap-tip akunnikkaartumik akileraarutit ikinnerpaatinneqarsinnaaqqullugit.

(...)

Oqallinnerup inerneraa taxacentralip ingerlanneqarneranut peqatigiiffimmik aalartitsinissamik siunnersuut saqqummiunneqartoq aallaavigalugu tunngaviatigut akuerineqassasoq, taxaatillit allat siunnersuummik akuersinissaat apeqquaatillugu, taamaattumillu oqaluuserineqartup imaqarniliorneqarnera nassiuunneqassanersoq kissaatigineqarpoq, aprilip qaammataani kingusinnerusukkut aalajangiiffiusumik ataatsimiigjaqqusissummik nutaamik ilaqartillugu.

...-p siusinnerusukkut oqaatigineqartutut oqaatigaa kommunip ingerlatsinerata nalaani pissutsit arlallit paasineqarsimasut, ilaatigut pigaartuusussat pilersaarusiorneqartarneranni ullup ingerlanerani qaammatillu naanerani piffissat ilaanni siarnгут-торpassuaqarnera sillimmaanneqarsimanngilluinnartoq, tamatumalu taxaatillit isertitaqarnissaminnut periarfissaasa ajorseriarnerat nassataralugu.

Taamaattumik taxaatillit imaluunniit suliffissarsiuussisarfik peqatigalugu pigartuusartussanut pilersaarusiaq pitsaanerpaanik periarfissalik suliarineqartariaqarpoq.

Aammattaq centralip ingerlanneqarnerani qaammatit pingasut kingulliit tunngavigalugit ...-p naatsorsorsimaavaa biilit suliarineqartarneri ingerlaarfissanullu takkutinngitsoortarnerit centralip taxaatillillu isertitaqarnissamut periarfissaannut annertuumik sunnuteqartartut. Taamaalilluni imatut isikkoqarpoq centrali massakut ingerlanermisut ingerlaguni ukiumut 175.000 kr.-nik missaannik annaasaqartassasoq, qulaani oqaatigineqartutut takkutinngitsoortoqartarneratigut, tamannalu taxaatilinnut tamanut agguaqatigiissillu taxaatillip ataatsip kaaviiartitamigut 150.000 kr.-nik annaasaqaatigisassagaa.

(...)” (Atorfeqarfimmi nutsigaavoq.)

K Kommunimi suliffissarsiuussisarfiup K-p illoqarfianni taxaatilinnut allagai 17. april 2002-meersut:

”Taxacentrali.

11.4.2002-mi ataatsimiittoqarpoq taxacentralimik aqutsisussamik peqatigiiffimmik pilersitsinissaq pillugu, tassani vagtiunissamut aaqqissugaanermut malittarisassat assigiinngitsut saqqummiunneqarput, kiisalu ileqqoreqqusaliat. Taxaatillit takkuttut illoqarfimmi biiliutillit affaannarai, taamaattumik aalajangerneqarpoq ataatsimiigjaqquseqittoqassasoq, taxaatillit takkuttut siunnersuutaat tunuliaqutaralugu, tassani pineqarlutik siunnersuutit nassiuunneqartut malinnissaat. Tamanna peqatigalugu kissaatigineqarpoq 11.4.2002-mi ataatsimiinnerup imaqarniliornera taxaatilinnut tamanut nassiuusorneqassasoq, taamaalilluni ataatsimiinnermi tullermi aalajangiivittoqassammat taxacentralip siunissami qanoq ingerlanneqarnissaa.

Tamanna tunuliaqutaralugu matumuuna aalajangiiffiusumik ataatsimiinnissamut aggersaasoqarpoq

ULLOQ 24. APRIL NAL. 13.00 KOMMUNEP ATAATSIMIITTIARFIANI.

Makku aalajangiiffiginissaat siunertaralugu:

Siunissami ingerlatsinissap qanoq ittuunissaanik aalajangiineq.

Pilersitsiniarluni ataatsimeersuarnissap qaqugu pinissaanik aalajangiineq.

Taxacentralip ingerlannerata kommunemiit qaqugu peqatigiiffimmut nutaamut tunniussinissaata aalajangernera.

Qulaani taaneqartup ataatsimiinnissap pingaaruteqarnera pillugu taxaatillit qinuigineqassapput tamarmik takkunnissaannik imaluunniit sinniisussatut pisussaaffilikkamik takkutsitsinissaat.

11.4.2002-mi ataatsimiinnerup imaqarniliornera ilanngunneqarpoq.”

K Kommunimi suliffissarsiuussisarfiup allagai 19. juni 2002-meersut, K Kommunimi taxaatilinnut kiisalu taxacentralimut ingerlatitat:

”Taxat takkutinnngitsoortarneri værkstedimiittarnerilu.

Sap. akunnerini 21-24-mi agguaqatigiissillugu taxat 12,5-it ullormut ingerlaartarsimapput, K Kommunimiit akuersissutin 22-iusunit. Tassa assigiinnarpaa akuersissutit 56%-iisa missaat atorneqartarsimapput.

Pissutaasoq: Ullut peqanngiffiusut 30, taakkunanngaanniit arfininngornerni/sapaatini peqanngittarnerit 21-t. Værstedimiittarnerit 159-it.

Tamatuma soorunami kinguneraa ajornartorsiuqartarneq, taxat affaasa missaat ingerlaartannnginneri pissutigalugit, ingammik taxat ilai sulinnngiffeqartillugit takuuk piareersimasuunissaq, tassa ilaannikkut taamaallaat taxat 3-4 illoqarfik sullitarmasuk. Taamaattumik K Kommunip taxacentrali naalakkertariaqarsimavaa ulapiffiup nalaani taxat atorsinnaasut aggerarnissaannik, naak taakku piareersimaffissaasa avataanniikkarluartoq.

Takkutinngittoortarnerit amerlanerpaamik værkstedimiinnermik peqquteqartarput, tamatumalu kinguneraa maannakkumut piginnittoq sap. akunneranoortumik taxacentralip ingerlanneranut akiliut akilertariaqartannngimmagu. Qaammatit kinnullit marlussuit eqqarsaatigalugit tamatuma kingunerisimavaa centralip isertitagaasa affaannangornerninik, centralimullu aningaasartuutit taakkuujuarmata, taxat ingerlasut imaluunniit værkstedimiittut amerlassusaat apeqqutaatinnagit (akissarsiat ingerlatsinermullu aningaasartuutit), centralimik ingerlatsinermi amigartooruteqalersimavoq, tassa taamaallaat taxaniit 12-14-it missaanniit akiliisoqartarmat.

Ullut tamangajaasa ulapiffiusarpoq takkutinnngitsoornerit, værkstedimiinnerit pissutigalugit, centralillu isertitai appariartuaarmata K Kommuni taamaattumik allatut ajornartumik ingerlaartarnissamut pisussaaffiit sukannerulerussittariaqarallarpai, atuisartut kissaataat piumasagaataallu naammassiniarlugit, takukkit ileqqoreqqusaliat.

Taamaalluni siunissami pigaartuusarnermi unioqquitsilluni takkuttoqanngikkaangat mianersoqqussummik tunniussisoqartalissaq, arlaleriartoqartillugulu suliaasaq kommunep politikkeriinut saqqummiunneqartassaaq akuersissummik arsairinninnissaq eqqarsaatigalugu.

Tassunga atatillugu kingusinnerusukkut sap. akunneranut akiliutaasartup qaffannissaanik piumasagaateqartoqarsinnaavoq, maannakkutut taxat taama ikitsigisut ingerlaannassappata (taxat 12-14-it).

K Kommunip ajuusaarutigaa qulaani taaneqartoq sukannerulerunnissaq pillugu, peqatigalugu taxaatillit kajumissaarusuppai massakkut akiliisarnermut aqqissugaq pioreersoq naliliiffigeqqullugu, tunngaviatigut imaammat taxat ingerlaartut taxanut værkstedimiittunut akisussaaqataammata, tamanna eqqortuunerpa?”

K Kommunimi suliffissarsiuussisarfiup allagai, taamatutaaq 19. juni 2002-meersut, K Kommunimi taxaatilinnut ingerlatitat:

”Taxacentralimik imminut pigisumik pilersitsinissaq.

Kommunelsbesyrelse december 2001-imi aalajangerpoq akuerissallugu K Kommuni, piginneqatigiiffimmik aallartitsinissamut ikiuunniarluni, taxacentralip ingerlannerata tigugallarnissa.

Peqatigalugu K Kommunimi taxanik ingerlatsinermut kommunep ileqqoreqqussasaanut nutaamut siunnersuummik suliarinnissimavoq akueralugulu. Siunnersuut

taanna massakkt KANUKOKA-miippoq Politimesterimullu inaarutaasumik akuerineqarnissaa eqqarsaatigalugu.

(...)

Paasissutissat taakku siusinnerusukkt taxaatilinnut aggiaanneqarsimapput ataatsimiinnermi imaluunniit allakkatigut nassiussuullugit, kisianni matumuunakkut nassiussunneqaqqipput, taxaatillilu qinnuigineqarlutik 22.7.2002 nallertinnagu taakkununga allannguutissanik nassitseqqullugit, tamanna kissaatigineqarpat.

Tamatumunga tunuliaqutaavoq, atortussat nassiunneqassammata politikkikkut akuerisassanngorlugit augustip aallartinnerani, piginneqatigiiffik imminut pigisup aallartinnissaa siunertaralugu, takuuk kommunalbestyrelsip tunngaviusumik aalajangerana.

Allannguutissatut siunnersuuteqartoqarpat taakku ilanngunneqassapput, siunnersuutit tamakku nalunaarutit ileqqoreqqusaliallu akuerisat siunertaannut anersaavannullu akerliunngippata, politikkikkut akuerisassanngorlugit saqqummiutinnginnerani.”

K Kommunip ataatsimiinnermi imaqarniliaa nr. ..., 20. august 2002-meersoq:

”Taxacentralimik pilersitsineq.

Taxaatillit tamarmik allakkatigut 19.6.2002-meersutigut ilisima-tinneqarput taxacentralimik namminersortumik pilersitsinissaq pillugu suliaq SA-p 7.8.-2002-mi ataatsimiinnerani suliarineqarniarloq, taxacentralip ingerlatseqatigiiffivimmik ataatsimut pigineqartumik pilersitsinissaq siunertaralugu kommunimit ingerlanneqarallarnissaanik kommunalbestyrelsip siusinnerusukkt aalajangerana tunngavigalugu.

Taamaattumik inassuteqaatigineqarpoq taxacentrali ataatsimoorullugu pigineqartoq (taxaatillit nalunaarsimasut tamarmik piginneqataaffiat) pilersinneqassasoq, ingerlatsinerlu peqatigiiffittut siulersuisulittut, ulluinnarni ingerlatsinermik ingerlatsinerlu pillugu maleruaqqusat makku, taxaatilinnit tamanit oqaaseqaateqarfigisasannngorlugit nassiunneqarsimasut oqaaseqaateqarfigineqarsimannngitsullu malillugit ingerlatsinermik isumaginnittussamik ulluinnarni ingerlatsisulittut pissasoq:

(...)

Radiomik ingerlatsinerup ilaannakortumik nammineq akisartunngortinneqarnissaa siunertaavoq, taamaalilluni centralip aningaasaqarnera eqqarsaatigalugu siunissami sulisut taama amerlatigisut pisariaarutsinniarlugit.

(...)

Suliat massakkt suliarineqarnissaanik kissaateqarnermut tunuliaqutaasoq tasavaoq akuersissutit arfineq marluk kommunimut utertinneqarsimammata suliffeqarfiiit marluk ingerlatsinerup aqunneqarneranik ajornartorsiuteqarnerat kiisalu biilit arlallit sullivimmi suliarineqartarnerisa sivisuallaarnerat pissutigalugu, tamatumalu nassatarisimallugu kommunip ingerlatsinerata sinneqartoofuunngitsumik amigartooruteqarfuunngitsumilluunniit ingerlaannarsinnaajunnaarnera, ingerlatsineq akuersissutit 22-t atorneqarnerannik tunngaveqarsimagaluarmat.

Siunnersuut akuerineqassasoq inassuteqaatigineqarpoq, akuersinerullu kingorna-tigut peqatigiiffimmik piaarnerpaamik pilersitsisoqassalluni.

SA 07.08.02: ... suliat suliarineqarnerani peqataasinnaangilaq. Akuerineqarnissaa inassuteqaatigineqarpoq, Aningaasaqarnermut Ataatsimiititaliamut Kommun-albestyrelsimullu ingerlateqqinneqassaaq.

AA 20.08.02: ... suliat suliarineqarnerani peqataasinnaangilaq. Akuerineqarpoq. Kom. best.-mut ingerlaqqippoq.” (Atorfeqarfimmi nutsigaavoq.)

Taxaatillinnik ataatsimeeqateqarnerup kommunip ataatsimiittarfiani 13. november 2002-mi ingerlanneqartup imaqarniliorneqarnera:

”Taxaatillit najuuttut:

..., ...sinnerlugu

..., ..., ..., A, ...

K Kommunimit:

....

Oqalutsi: (...)

Taxaatillit najuutinningsut: (...)

... tikilluaqqusivoq, oqaatigalugulu assigiinngitsut tunngavigalugit ataatsimii-gjaqqusisoqarsimasoq, ilaatigut kommunalbestyrelsip ingerlatsinermik tigusinermi-ni piimasaqaatigisimammagu kommunip ingerlatsinera utaqqiisaannaagallartoq, -radioqarnikkut ajornartorsiuteqartoqartoq, biilerpassuit unissimanerat allallu piffis-sani sivisuuni biilileriffimmiittarnerat pissutigalugu 160.000 kr.-t missaannik ami-gartooruteqartoq, ukioq nutaaq nallertinnagu 200.000 kr.-t missaanniilersimasus-sanik. (...)

Aasalerneraniilli centralip ingerlanneqarnerani amigartooruteqaleriartornermut pissutaasimavoq piffissap ilaani biilit ikittuaraannaassimanerat, piffissap ilaani 10-12-iinnaasimanerat, imaluunniit piginnittuminnit unitsikkallarneqarsimanerat. Pi-ginnittoq ataaseq aprilimili unippoq, aatsaalli augustip naanerani akuersissut pigin-nittumit tiguneqarsinnaasimalluni. Ingerlatsinermik kommunip tigusineraluni missi-ngersuutit taamani biilit amerlassusiannik, tassalu 18-inik tunngaveqarsimavoq, ki-sianni biilit ukiup ingerlanerani ingerlaartut ikiliartortillugit centralip ingerlan-neqarneranut akiliisinnaasut ikiliartorsimapput. Manna tikillugu isumaqartoqarsi-mavoq taamani taxaatillit amigartoorinissaq pinngitsoorniarlugu 100%-i tikillugu ak-iliutit qaaffaataannik akileeqquneqarsinnaanngitsut, tassami piginnittut ingerlatsisut taakkuunngimmata isertitat ikileriarnernannut pisiusut.

Tassunga taarsiullugu ...-p siunnersuutigaa akiitsut peqatigiiffissamut nuunne-qassasut, ingerlatsinermillu aningaasartuutikillisaanikkut kommunimut naafferartu-mik akilersuinissamut periarfissamik pilersitsisoqassasoq.

(...)

Taxaatillit isumaqarput kommuni taxacentralimut akisussaasuugallarsimagami amigartoorutaasussanut akisussaasariaqartoq.

Tamatuma kingornatigut pissutaasut periarfissallu sivisunerusumik oqallissutigi-neqarput, ilaatigut radiokkut ingerlatsinermut taarsiullugu oqarasuaatit angallattak-kat atorneqalernerat, naammagittaalliutaasunut pissutaasut, centralimi sulisut i-ngerlatsinerlu il.il.

Amigartooruteqartoqarnera taxaatillit naammagittaalliutigaat, isumaqarlutillu taxacentrali aasarli matuneqarsimasariaqaraluartoq, ingerlanneqarnerata akilernis-saanut biilit naammakkunnaarmata. Oqallinnerup taassuma inerneraa isumaqatigiis-utigineqarmat angutit marluk toqqarneqassasut, peqatigiiffimmik pilersitsiniarluni ataatsimeersuarnermik piareersaasussat. Peqatigiiffiullu taassuma centralip siunis-sami ingerlannissaanut periarfissat misissussavai. (...)” (Atorfeqarfimmi nutsig-aaavoq.)

Taxaatillit Peqatigiiffianit, v/A, K Kommunimut allakkat 15. januar 2003-meersut:

”Ataatsimiinnermi december 2002-mi pisumi taxaatillit aalajangerput taxacentralip ingerlanneqarnera tiguniarlugu, taamaattorli piumasaqaatigalugu K Kommunip taxacentralimik ingerlatsigallarnerata nalaani ingerlatsinnermi amigartoorutaalersimasut taxaatillit tigussanngikkaat.

(...)” (Atorfeqarfimmi nutsigaavoq.)

K Kommunip ataatsimiinnermi imaqarniliaa nr. ..., 27. februar 2003-meersaq:

”Taxacentralimik tunniussineq.

Taxaatillit peqatigiiffilorsimapput, taxacentralilu kommunimit 1.1.2002-mili centralimut tunaartarisassiornissaq taxaatilinnillu ataatsimut pigineqarluni ingerlanneqalernissaa siunertarlugu ingerlakkallarneqarsimasoq piaarnerpaamik tiguniarlugu aalajangersimallutik.

Taxaatillit tigusinissaminnut atatillugu piumasaqaatigisimavaat amigartoorutit kommunip centralimik ingerlatsinerata nalaani pilertiartaarsimasut katillugit 202.000 kr.-t missaat akilerumanagit.

Amigartooruteqarnermut pissutaavoq biilerpaaluit unissimanerat imaluunniit 2002-mi april/majimili biilileriffinni suliarineqartutut nalunaarsorneqarsimanerat, taamaattumillu taxacentralip isertitai ikileriarujussuarsimallutik, taamaalillutillu ukiup sinneranut taamaallaat taxat 12-it 15-illu akornanniittut aningaasartuutininik akiliisussanngorsimallutik. Centralip missingersuutai kommunip januar 2002-mi suliarimmagit taxanut akuersissutit 22-it atuussimagaluarput, missingersuusiordermilu taxat ikinnerpaamik 18-it atorneqarnissaat tunngavigineqarsimalluni.

Taamaalilluni pineqartoq tassaavoq taxat 2002-mi ingerlaarsimasut amigartoorutitut tunngaviatigut pisuussuteqannginnerat, kisiannili kommunip aprilimi nalunaarutigaa taxat arlallit biilileriffimmiinnerat aamma/imaluunniit unissimanerat pisutigalugu amigartooruteqartoqarnissaa naatsorsuutigineqarsinnaasoq, tamannalu taxaatilinnut ataasiakkaanut allakkatigut junip qaammataani nangeqqinneqarpoq, allakkatigullu taakkunuuna qanoq iliuseqartoqarnissaa ujarlorlugu, tamannali taxaatilinnit qisuariarfigineqarnani. Tamatuma kingornatigut peqatigiiffimmik pilersitsisoqarnissaa anguniarlugu ukiakkut arlaleriarluni ataatsimiittoqarpoq, taakkunanilu nalunaarutigineqarluni amigartoorutit amerliartortut, ukiullu naanerani 200.000 kr.-t missaanniinnissaat naatsorsuutigineqartoq.

Taxat 2002-mi ingerlaartut centralimit kiffartuunneqarsimammata, biilit nalunaarsorneqarsimasut ikittuunerat amerlasuujuneralluunniit apeqqutaatinnagu, kommuni isumaqarpoq amigartoorutit centralip/taxaatillit tigusiinnermi akilertariaqaraat.

Tamanna tunngavigalugu inassuteqaatigineqarpoq taxacentralip ingerlanneqarnera taxaatillit peqatigiiffiannut tunniunneqassasoq, tamatumunngalu peqatigitillugu centrali peqquneqassasoq amigartoorutit pilertiartaarsimasut akileqqullugit, pisariaqarpat naafferartumik akilersuinissamik kommunimut isumaqatigiissuteqarnikkut. Tamatumunnga peqatigitillugu inassuteqaatigineqarpoq taxaatillit peqatigiiffiat centralip ingerlanneqarnera pigaartoqartitsisarnerlu pillugit ileqqoreqqusaliqquneqassasoq akuerisassanngortitassanik, tak. K Kommunimi taxanik ingerlaartarneq pillugu kommunip ileqqoreqqusaa.

SA: 06.02.03: Inassuteqaat ataatsimiititaliap akueraa, centralip kommunimut aningaasartuutaanerunngitsunik nammeneq ingerlalernissaanik kommunip siusinnerusukkut aalajangiisimanagera tunngavigalugu. Tapersersorlugu kom. best.-imut ingerlateqqinneqarpoq.

KB 27.02.03: Inassuteqaat akuerineqarpoq. ... suliap suliarineqarnerani peqataasinnaanngilaq.” (Atorfeqarfimmi nutsigaavoq.)



K Kommunimut 17. juli 2003-mi allappunga, kommunilu qinnuigalugu pissutsit assigiinngitsut eqqarsaatigalugit oqaaseqaateqaqqullugit, ilaatigut imatut allappunga:

”K Kommuni tamatumunnga atatillugu qinnuigaara piffissami inniminniisarfittut centralip ingerlatinniarlugu akuersaarsimasaani taxaatillit peqataasut aningaasqarnikkut qanoq iliortoqarnissaanik ilisimatinniarlugit kommunu qanoq iliuseqarsimanersaq uannut nalunaarutigeqqullugu.

Tamatumunnga ilanngullugu kommunu aamma qinnuigaara taxaatillit ilaasa piffissami assigiinngitsunik pissuteqarlutik ataatsimut inniminniisarfittut centralimik atuinerminnut akiliisinnegarsimanngiffianni qanoq iliortoqarnissaa kommunip taxaatillillu akornanni erseqqinnerusumik isumaqatigiissutigineqarsimanersaq nasuiaqqullugu.

Kommuni aamma qinnuigaara centralimik atuneq pillugu malittarisassanik kommunu aalajangersaasimanersaq nasuiaqqullugu, matumani K Kommunip centralimik ingerlatsiumaluni akuersaanneginnerani taxaatillit inniminniisarfittut centralimut atasut allakkatigut isumaqatigiissuseqarfigineqarsimanersut ilanngullugu nasuiarlugu.

Aammattaq suliamit erserpoq K Kommuni taxaatillit peqatigiiffiannut nutaamut 216.000 kr.-nik akileeqqusilluni piumasaqaateqarsimasooq.

Tamanna pissutsit assigiinngit suut kiisalu taxaatillit kommunip ingerlatsinerata nalaani centralimut atasut taxaatillillu peqatigiiffimmut massakkut ilaasortassut assigiissuteqarnerannik isumaliutersuuteqarneq aallaavigalugu pisimassasooq naatsorsuutigaara.

K Kommuni qinnuigaara tamanna pillugu oqaaseqaateqaqqullugu.”

Kommunip 14. oktober 2003-mi imatut akivaanga:

”K Kommuni 11.4.2002-mi ataatsimiinnermi, tassa kommunip ingerlatsinermik tigusineraniit qaammatit pingasut missigisaat qaangiuttoq, taxat ingerlasussatut nalunaarsimasut takkutinngitsoortarnerisa, kingusinnerusukkut matuneqartussanik, amigartoorutit amerliartornerannik kinguneqarsinnaanerannik, siullerpaamik biiliutillit ilisimatippai (takuuk bilag 1). Ilaatigut oqaatigineqarpoq centralimut isertitat ukiumut 175.000 missingi, peqanngittarnerpassuit ingerlaqqissappata, amigaataannissaat biiliutillit ilimagisariaqassagaat – ukiumut angusaqaataasuni naluneqanngitsut isertitanit katillugit kr. 216.000 amigaataapput.

Tamatuma kingornatigut K Kommuni allakkat 19.6.2002-mik ulloqartut biiliutillinnut tamanut nassiuppai, biilini takkutinngitsoortoqartarneranik taamaasillunilu taxacentralimut isertitassanik amigaateqarneq erseqqissaatigineqarluni, kommunillu biiliutillit qinnuigalugit pisunik naliliiffiginneqqullugit. Kommuni tamatumunnga qisuariaatinik tigusaqanngilaq (takuuk bilag 2).

Kiisalu aningaasqarniarnikkut pissutsit atuuttut 2002-mi ukiakkut ataatsimiinnermi oqalliserineqarput, assersuutigalugu 13.11.02-mi ataatsimiinnermi. (takuuk bilag 3).

K Kommunimi taxat pillugit kommunip ileqqoreqqusai atuuttuusut naapertorlugit qamutiniq ilaasartaatinik ingerlataqarsinnaanermut akuersissutiniq pigisaqartut nalunaarsimasut pinngitsooratik bestiiliisarfiup aallartinneqarneranut ingerlanneqarneranullu aningaasartuutaasunut akileeqataasussaapput. Biiliutillit tamarmik akuersissummik tunineqarnerminni (K Kommunimi politiinit piumasaqaat) ileq-

qoreqqusat taakkua tigusarpaat, taamaattumillu bestiiliisarfiup ingerlanneqarneranut atatillugu aningaasartuutininut tamanut akileeqataanissaq tamanit arajutsisimaneqar-naviannigilaq (bilag 4 takuuk).

Kiisalu aamma kommunalbestyrelsip suliamik 13.12.01-imi suliaqarnermi matuma qulaani taaneqartumik ileqqoreqqusat naapertorlugit, ingerlatsinermik tigusigallernerup kommunimut aningaasartuutaannginnissaa piumasaqaatigaa. Tassalu kommunip paasinninnera malillugu kimilluunniit nalornineqarnaviannigilaq, ilaasartaatinik biiliuteqartut tamarmik, qassiuneri apeqqutaatinnagu, bestiiliisarfirmmut ingerlatsinermi aningaasartuutininut akiliinissamut pisussaanerat.

Centralimut attaveqarnermut malittarisassat kommunip ileqqoreqqusaani matuma qulaani taaneqartumi allassimapput (bilag 4 takuuk).

K Kommuni ukiumut 2002-mut naatsorsuutit naammassinerisa kingornatigut taxaatillit peqatigiiffiannut nutaamut pisariinnerunera pissutigalugu akiligassiisut nassiuppaa, siusinnerusukkut taxaatillit centralimut nalunaarsimasut aammalu taxaatillit peqatigiiffiannut ilaasortaasut annertuumik assigiissuseqarmata, aammalu taxaatilinnut aallarterlaanut aningaasartuutit namminneq pilersitseqataaffigisimanngisaannut akiliisitsiniarnissaq piviusorsiorlutut isigineqannginnera pissutigalugu. Tamatumunnga peqatigitillugu K Kommuni akiligassat erseqqinnerusumik isumaqatigiissuteqarnikkut kommunimut akilernerqarsinnaanerit neqeroortugaa, asser-suutigalugu centralip ingerlanneqarnerani aningaasartuutininut ilanngunneqarsinnaatillugit tamatumuuna biiliutilinnut peqataasunut immikkut aningaasartuutaajunnaarlugit (centralip ingerlanneqarneranut ullormut aningaasartuutit annikillinerisigut).” (Atorfeqarfimmi nutsigaavoq.)

Ilanngussat allakkani taaneqartut makkuupput:

1. Ataatsimiinnermit imaqarniliaq 11. april 2002-meersaq
2. Kommunip allagai 19. juni 2002-meersut
3. Ataatsimiinnermit imaqarniliaq 13. november 2002-meersaq
4. K Kommunimi taxanik ingerlassineq pillugu kommunip ileqqoreqqusaa, Kalaallit Nunaanni Politimesterimit 14. juli 1983-imi atortussanngortinneqarsimasoq.

Ilanngussat 1-3 qulaani issuarneqareerput. Ilanngussap 4-p ilai suliamut tunggassuteqartut tulliuuttuni oqaaseqaatinni ilanngunneqarput.

*Tamatuma kingornatigut imaattunik oqaaseqaateqarsimavunga:*

*“Kommunip taxacentralimik ingerlatsigallarnera*

*K Kommunip taxaatillit peqatigiiffiannut akilersinniagai 216.000 kr.-nik aningaasartaqartut ingerlatsinermi amigartoorutit taakku amerlaqataanik aningaasartaqartut matusissutissaannut tunngasuupput, amigartoorutillu taakku piffissami taxacentralip namminersortunit kingusinnerusukkut ingerlateqqinneqarsinnaanera siunertaralugu kommunip ingerlatsinerni pileriartuaarsimapput. Taamaalilluni centrali taxaatillit peqatigiiffiannut nutaamut tunniunneqartussaasimavoq.*

*Tamatuma kingornatigut inatsiseqartitsinermut tunngasut pillugit apeqqutaalerpoq taxaatillit peqatigiiffitoqaata ingerlatsiunnaarneranit peqa-*

tigiiffiup nutaap ingerlatseqqilernissaata tungaanut kommuni taxaatillit centraliutaannik inniminniisarfiusumik inatsisunik unioqquitsinani ingerlatsisinnaasimanersoq.

Tamatuminnga naliliiniarninni illoqarfimmi taxanik ingerlatsisoqarnissaa illoqarfiup innuttaasullu soqutigisarigaat, taamaattumillu centralip inniminniisarfiusup ingerlaannarnissaa kommunip isumagisariaqaraa kommuni isumaqarsimasoq taamanilu taxacentralimik ingerlatserusuttunik namminersortunik suliffeqarsimanngitsoq peqatigiiffeqarsimanngitsorluunniit aallaavigaara.

Kommunip centralimik ingerlatsinerata taxaatilinnut piffissami pineqartumi centralimut atasunut (allaat inerniliinermi iluanaarutaasumik) sipaarutaasimanissaa isumaqarpunga isornartorsiuinissamut pissutissaqalersitsinnngitsoq.

Tamanna pillugu oqaatigaara ingerlatsinermik tigusigallarnissamik kommunip aalajangiinera kommunit inuussutissarsiutini aningaasaleeqataasinnaanissaat pillugu Inatsisartut inatsisaanni nr. 22-mi, 3. november 1994-imeersumi pineqartunut ilaanngitsoq.

Oqartussaasut ataatsimut isigalugu oqartussaasut aningaasaataannik pitsaanerpaamik illersuiniartussaapput, tak. aningaasaqarnikkut illersorneqarsinnaasumik aqutsinermik tunngaveqarneq.

Tamatuma immini ingerlatanik sunik kommunip aallussaqaarsinnaanera killilerpaa. Pisumi erseqqissumi matumani soqutigisaqaqatigiinnik unamillertoqanngiffiusumi paasinninnera unaavoq kommunit imminnut aqutuunerisa kommunit suliassanik ileqquusumik suliarinnittarnerisa avataasigut aningaasanik atuisinnaanerat annertungaatsiartumik kiffaanngisufeqarfiulersikkaa.

Taamaattumik isumaqarpunga taxaatillit kommunip ingerlatsinerata naalani centralimut inniminniiffiusartumut atasut akiliuteqartittarlugit centralimik inniminniiffiusartumik ingerlatseqqinnissamut kommuni mattussaasimasoq kommuninut piginnaasitsissut pillugu isumaliutersuutit tunngavigalugit oqaatigissallugu naammattunik tunngavissaqanngitsoq.

Taamatuttaaq isiginnilluni kommuni centralimik atuinermut akiliutinik kommuni akiliisitsiniarnissaminut pisinnaatitaavoq, taamaattorli tulliuuttut takukkit.

### Kommunip akiliisitsiniarnera.

Suliap uannut paasissutissiissutigineqarnera malillugu paasinninnera unaavoq akiliisitsiniarneq akileeqqeqqusinissamik piumasaaqatitut isigisariaqartoq. Tassami uannut naammagittaalliut K Kommunip akiligasissisutaanik 3. marts 2003-meersumik qulaani allaaserineqartutut aallaaveqarmat.

*Centralimik atuinnermut ikinaarlugit akilersinneqarsimasunik akileeq-qeqqusinissaminut K Kommuni piumasaqaateqarsinnaanerani, taamaaliormigullu taxacentralimik taxaatillit peqatigiiffiannut tunniussinermi aningaasanik (amigartoorutinik) kommunip centralimik ingerlatsigallannerata nalaani pileriartuaarsimasunik taxaatillit peqatigiiffiata akiliisinnissaanik piumasaqaateqarsinnaanerani apeqquut pissutsinik arlalinnik tunngaveqartariaqarpoq.*

*Qulaani taaneqartunit ersertutut kommunip taxacentralimik ingerlatsinera inatsisikkut aalajangersagaannigilaq, kommunilli taamaaliornissamik aalajangiinnerani tunngaveqarluni.*

*Kommuni aningaasaqarnikkut iliuuseqarpat tamatumunnga aalajangersimasunik piumasaqaateqartoqartariaqarpoq.*

*Siullertut suliassatut eqqarsaatigineqartup pisinnaatitaaffiit pisussaafiillu suut nassatarigai kommunip qulaajartariaqarjaa.*

*Tamanna kommunalbestyrelsit nunaqarfinnillu aqutsisut il.il. pillugit Inatsisartut inatsisaat nr. 20-mi, 3. november 1994-imeersoq tunngavigalugu piumasaqaatigineqartunit ersereerpoq.*

*Inatsimmi tassani § 42, imm. 2-mit makku erserput:*

*”(...) Iliuutsit aningaasartuutininik imaluunniit isertitanik nassatallit ukiumoortumik aningaasanut missingersuusiat akuerineqarnerannut ilanngullugit akuersissutigineqareersimangitsut aallartinneqassanngillat kommunalbestyrelsimit akuersissutigineqareersimatinnagit. Taamaattorli iliuutsit inatsisitigut, peqqussutitigut imaluunniit maleruagassatigut allatigut iliuusereqquneqartut pisariaqarpat aallartinneqarsinnaapput kommunalbestyrelsi akuersiseqqaanngikkaluarlugu, kisianni sapinngisamik piaarnerpaamik akuersissummik piniartoqassaaq. (...)”*

*Aamma kommunip – suliassaq aallartinneqartinnagu – inuit peqataasussat sapinngisamik annertunerpaamik kikkussusilereersimassavai.*

*Aammattaaq ingerlanniakkami kommunip avataatigut peqataasunut piumasaqaatit suut piumasaqaatigineqassasut qulaajarneqartariaqarpoq.*

*Oqaatigineqartutut suliaq manna kommunip akileeqqusisinnaatitaanera pillugu apeqquutinngorsimavoq, apeqqulli taanna pineqartorpiamik uuminnga aallaaveqarpoq, taamaattumillu taanna ilanngullugu naliliiffigineqartariaqarluni: Centralimik inniminniisarfinnik ingerlatsineq.*

*Taamatut isiginnilluni kommuni kingumoortumik akiliisitsiniarsinnaasappat – pigisanik inatsisiseqartitsinermi malittarisassat nalinginnaasut saniatigut – kommunip ingerlatamik aallartitsinnginnerani peqataanerup annertussusianik qulaajaasimanera apeqqutaangaatsiartussaavoq.*

*K Kommunip suliami tassani akiliisitsiniarnissamut pisinnaatitaanera isumaqatigiissutit centralip inniminniisarfiup ingerlanneqarneranut tunngaviusut pingaarnerpaamik aallaavigalugit naliliiffigineqartariaqarpoq. Tamanna immikkoortumi tulliuuttumi allaaserineqarpoq.*

*Centralip atorneqarnera pillugu malittarisassat.*

*Ingerlatsinermik inatsisiseqartitsineq tunngavigalugu nalinginnaasumik isiginninnerit centralip atorneqarnera pillugu malittarisassanik aalajangersaanissamut pisussaaffimmik nassataqarput.*

*Tamanna pillugu malittarisassat K Kommunimi taxat pillugit kommunip ileqqoreqqusaani 14. juli 1983-imeersumiipput.*

*Ileqqoreqqusami tassani makku § 3-mi oqaaseqatigiinnit siullernit erserput:*

*”Kinaluunniit qamutitik ilaasartaatinik ingerlataqarsinnaanermut akuersissummik pigisaqartoq, sanilliullugu § 4, pinngitsoorani ataatsimoorullugu bestiiliisarfimmuut attaveqassaaq, taassuma aallartinneranumut ingerlanneqarneranullu aningaasartuutaasussamut akileeqataasassalluni.”*

*Annertoqatigiissaartumik akileeqataasarnissamik tunngaviup taassuma isumaqatigiissutikkut imaluunniit illuinnaasiortumik aalajangiinertigut allannngortinneqarsinnaanera pillugu apeqquut tulluuttuni uterfigaara.*

*Makku § 4-mut erserput:*

*”Kommunalbestyrelsip qamutitik ilaasartaatinik ingerlataqarsinnaanermut akuersissummik pigisaqartoq bestiiliinermut centralimut ilaasortaasariaqarneranit pinngitsaalisaajunnaarsissinnaavaa tamanna ilaasartut sullinneqarnerannut iluaqutaasussatut isigineqarpat. Akuersissut taamaattoq [kommunalbestyrelsimit] utertinneqarsinnaavoq qaammatit pingasut piffissaritinnerisigut, isumaqartoqarpat akuersisimanermut tunngaviusut atorunnaarsimasut.”*

*Makku ileqqoreqqusaliami § 5-imi oqaaseqatigiinnit kingullernit erserput:*

*”Pineqartup bestiiliisarnermut centralimut attaveqarnera allanngorpat tamanna erniinnaq kommunemut nalunaarutigineqassaaq.”*

*Kiisalu makku ileqqoreqqusami § 8-mit erserput:*

*”Maleruaqqusanik aalajangersarneqarsimasunik unioqquitsinerup nassatarsinnaavaa qamutitik angallassissutitik kommunalbestyrelsimit akuersissutip arsaarinnissutigineqarnera.”*

*Kommunip ileqqoreqqusaani § 3-mi oqaaseqatigiit siulliit malillugit taxanik ingerlatsinissamik akuersissummik pigisaqartoq kinaluunniit (§ 4 malillugu pisussaaffeerutsinneqarsimanngikkuni) centralip ingerlanneqarneranut aningaasartuutit ilaannik annertoqatigiissaartumik akileeqataasussavaoq. Matumani ileqqoreqqusami pilersitsinermut aningaasartuutit aamma taaneqarnerat isiginiarsimanngilara.*

§ 5 malillugu akuersissummik pigisaqartoq centralimut inniminniisar-fimmumt allannnguutit suulluunniit kommunimut nalunaarutigissallugit pi-sussaaffeqarpoq.

Pisumi taxanik ingerlatsinissamut akuersissummik pigisaqartup taassu-minnga atuumajunnaarnera pillugu malittarisassanik ileqqoreqqusami peqanngilaq.

Akuersissummik pigisaqarallartilluni aallaavik tassaavoq centralip i-ngerlanneqarneranut aningaasartuutinut akisussaaneq atuuttoq.

Ileqqoreqqusaaq malillugu ingerlatsineq ataatsimut akiligassaasinnaa-sunik annaasaqaataasinnaasunillu atuinerup annertussusia tunngaviga-lugu annertoqatigiissaartumik akileeqataasussaaneermik tunngaveqara-luortoq tassannga kikkut amigartoorutaasinnaasunut akisussaaneersut ta-kuneqarsinnaanngilaq. Aamma nammaqatigiilluni imaluunniit atuinerup annertussusia aallaavigalugu akisussaaneq pineqarnersoq erseqqivissu-mik takuneqarsinnaanngilaq.

Taamaattumik kommunip ileqqoreqqusaa taamaallaat tasaanerarne-qaannarsinnaavoq akiliinissamut tunngasunik K Kommunip suliami matu-mani akiliisitsiniarnerani tunngavigineqartunik aalajangersaanermi aal-laavik.

K Kommunilumi "illoqarfimmi K-mi taxaatilinnut" kikkussusii erseq-qinnerusumik oqaatigineqanngitsunut allakkani 18. december 2001-imeer-suni allappoq "siunissami ingerlatsinissaaq aamma isumaqatigiissutit na-joqqutassiallu pisariaqartitat sananeqarumaarput".

Taamaattorli K Kommunip tamanna taxaatilinnut peqataasunut erseq-qissumik paatsoorneqarsinnaanngitsumillu sukkulluunniit malitseqartitsi-vigisimannikkkaa takuneqarsinnaavoq.

Isumaqarpunga kommuni tamatumani pisussaaffinnik kommunip ani-ngaasaqarnikkut iliuuseqarneratigut pilersimasunik eqqortitsisimanngit-soq.

Taamaattumik isumaqarpunga K Kommuni taxacentralimik tigusiner-mut atatillugu taxaatillit akiliinissamut pisussaaffeqarnerat paatsoorne-qarsinnaanngitsumik erseqqissumillu aalajangersarsimasariaqaraluaraa, matumani taxaatillit akuersissummik pigisaqartut pisut ilaannik akiliin-ngitsoorsinnaaneersut, akiliutit siumut akiliutaagallarnersut, taamaassi-mappallu inaarutaasumik akiligassat qaqugu qanorlu iliorluni akilerne-qassaneersut, kiisalu taxaatillit nammaqatigiillutik akiliinissamut akisus-saneersut ilanngullugit eqqarsaatigalugit, tassa imaappoq taxaatilik ataaseq arlallilluunniit akiliisinnaanngippata allat akiliisariaqartut.

Aammattaaq isumaqarpunga piumasaqaatit qulaani taaneqartut, matu-mani akiliisarneq pillugu piumasaqaatit il.il., taxaatillit peqataasut paasi-simassagaat K Kommunip qulakkeersimasariaqaraluaraa.

Isumaqarpunga kommuni uannut allakkani 14. oktober 2003-meersuni oqaatigineqartut isumaqarsinnaanngitsooq taxaatillit kikkussusii aalaja-

ngersimannigtsut nipangiinnarnerat pissutigalugu taxaatillit tamarmik kommunip tunngavittut piumasaqaataanik paasinnissimasut.

Taamaattumik K Kommunip kommunip allagai 18. december 2001-i-meersut malitseqartitsivigisimasariaqaralarai. Centralimut inniminnii-sarfimmuq attaveqassagaanni akiliisarnerit pillugit kommunip ileqqoreq-gussaaani aalajangersakkanik malinninnermik tunngaveqartoq isumaqa-tigiissutinngorlugu akuerineqarsinnaanngippat kommuni tamanna pillugu aalajangiinissaminut pisinnaatitaasussaavoq.

Kommunip centralimik tigusinnginnerani kommunip peqataanera kiisa-lu aningaasaqarnermut tunngasut kommunip erseqqissumik paatsoorne-qarsinnaanngitsumillu qulaajarsimannimmagit isorisarialittut isigaara.

Aammattaaq isumaqarpunga tamanna kommunip akileeqqeqqusiniar-nissamut periarfissaanut sunniuteqartoq. Taamaalilluni illua tungeriit aalajangersimannigtsunik isumaqatigiissutaasunik eqqortitsiniarlutik aal-lartinneranni annaasaqaataasinnaasut kia nammassanera apeqqutaaler-poq.

Ataatsimut isiginnillunga isumaqarpunga taxaatillit peqatigiiffiata na-lorninartorsionera pisortani oqartussaasup innuttaasunut tatiginartumik mianerinnittumillu ataatsimut pissusilersornissaanut kiisalu sulianik suku-miisumik suliarinnittarnissamik tunngaveqarnermut naapertuuttuunngit-soq.

### Kommunip tunngavia.

K Kommuni taxaatilinnut 18. december 2001-imi allappoq kommunal-bestyrelsi 13. december 2001-imi ataatsimiinnermini aalajangiisimasoq ”ingerlatsineq isumannaarallarsinnaallugu”, taxaatillillu ingerlaavartu-mik ilisimatinneqartarumaartut.

Taxaatilinnik sisamanik 11. april 2002-mi ataatsimeeqateqarnermi K Kommunip centralip ”sinneqartooruteqarfiunngitsunik amigartoorute-qarfiunngitsumilluunniit ingerlanneqarnissaa” ilisimatitsissutigaa.

Allakkani 19. juni 2002-meersuni kommuni illoqarfimmi K-mi taxaati-linnut aamma taxacentralimut allappoq centralip isertitai qaammatini kingullerni affaannangajannorsimasut, centralillu ingerlanneqarnera amigartooruteqalersoq ”tassa taamaallaat taxaniit 12-14-it missaanniit akiliisoqartarmat”.

Kommuni tamanna tunngavigalugu inerniliivoq pigaartuunermet takku-tinngitsoortut mianersoqqussummik tunineqarnissaat kiisalu tamatuma naggataatigut akuersissummik arsaarinnineq nassatarisinnaagaa pisa-riaqalersinnaasoq.

Kommunip naggataatigut oqaatigaa:

”Tassunga atatillugu kingusinnerusukkut sap. akunneranut akiliutaasartup qaf-fanissaanik piumasaqaateqartoqarsinnaavoq, maannakkutut taxat taama ikitsigisut ingerlaannassappata (taxat 12-14-it).

*K Kommuniip ajuusaarutigaa qulaani taaneqartoq sukannernerulernissaq pil-lugu, peqatigalugulu taxaatillit kajumissaarusuppai massakkt akiliisarnermut aaq-qissugaq pioreersoq naliliiffigeqqullugu, tunngaviatigut imaamat taxat ingerlaar-tut taxanut værkstedimiittunut akisussaaqataammata, tamanna aaqqiissut eqgor-tuunerpa?"*

*Aammattaaq kommunip 20. august 2002-mi ataatsimiinnermit imaqar-nialiaanit erserpoq akuersissutit arfineq marluk utertinneqarsimasut, ajor-nartorsiutit assigiinngitsut pissutigalugit, kiisalu ingerlatsineq akuersissu-tinik 22-nik tunngaveqartoq tamatuma kingornatigut "sinneqartoorfui-nngitsumik amigaartooruteqarfiunngitsumilluunniit ingerlaannarsinnaa-junnaartoq".*

*Kommuniip uannut allakkamini 1. april 2003-meersuni oqaatigaa taxa-centralip ingerlanneqarneranik kommunip tigusigallarnissaanik kommunalbestyrelsip 13. december 2001-imi aalajangiinera ingerlatsinerup kom-munimut aningaasartuutaannginnissaanik tunngaveqartoq.*

*K Kommuni nangilluni allappoq: "... soorlu qulaani taaneqareersoq piffissami tassani, kommunip taxaatillit sinnerlugit ingerlatsinerani, kom-munalbestyrelsip aalajangernerani aningaasatigut akisussaaftimmik ti-gusinissaa ilaanngilaq."*

*Isumaqarpunga tamanna assortuussutigineqarsinnaasoq. Centralimik inniminniisarfiusumik ingerlatsigallarneq aningaasaqarnikkut pisussaaftimmik nassatanngitsoq isumaqaruni ingerlatsinermik tigusinnginnermini tamanna pillugu apeqqumik qulaajaassalluni kommuni pisussaaftigarpoq. Tamanna taamaalilluni tassaaginnarpoq peqataaneq pillugu naliliinissa-mut pisussaaftigarnermik qulaani allaaserisannik erseqqissaaneq.*

*Kommunimi taxanik angallassineq pillugu kommunip ileqqoreqqusaani centralip inniminniisarfiusup taxanik angallassinermut akuersissummik pigisaqartut ataatsimoorussaattut naatsorsuutigineqartup ingerlanneqar-nera kimit isumagineqassasoq oqaatigineqanngilaq.*

*§ 3-mi oqaaseqaatigiinni siullerni taamaallaat aalajangersarneqarpoq taxanik ingerlatsinissamut akuersissummik pigisaqartut centralip pilersin-neqarneranut ingerlanneqarneranullu annertoqatigiissaatumik akileeqa-taassasut.*

*Taamaattumik ilaatigut apeqqutaavoq aningaasartuutaanngitsumik imaluunniit iluanaarutaananilu amigartoorutaanngitsumik ingerlatsinis-samik kommuni inatsisunik unioqqutitsinani tunngaveqarnersoq, tassami kommunip ileqqoreqqusaa aamma ingerlatsinermut akisussaaftik tassani killilersuutinik imaqartussaamat. Ilaatigut apeqqutaavoq tunngavigisag taxaatilinnut susassaqartunut nalunaarutigineqarsimanersoq aningaasat assortuussutaasut kommunip massakkt akilersinniarlugit kissaatigisai taakkununnga qilersuisunngorlugit.*

*Tamatununga atatillugu kommunip uannut allagaani 14. oktober 2003-meersuni immikkoortoq una maluginiarsimavara:*



*”K Kommuni ukiumut 2002-mut naatsorsuutit naammassinerisa kingornatigut taxaatillit peqatigiiffiannut nutaamut pisariinnerunera pissutigalugu akiligassiissut nassiuppa, siusinnerusukkut taxaatillit centralimut nalunaarsimasut aammalu taxaatillit peqatigiiffiannut ilaasortaasut annertuumik assigiissuseqarmata, aammalu taxaatilinnut aallararterlaanut aningaasartuutit namminneq pilersitseqataaffigisimangisaannut akiliisitsiniarnissaq piviusorsioertutut isigineqannginnera pissutigalugu.”*

*Tamatuma uannit isigalugu erseqqarluttoq tamannarpiaq takutippaa, erseqqarluttorlu taanna kommunip peqataalinnginnerani peqataanerup kommunimut ingerlatsinermut akisussaasumut aningaasanillu ingerlatsinermesunik pisassarisaqartutut sunik nassataqarneranik K Kommunip qulaajaaniarsimanginneratigut pilersinneqarsimavoq.*

*Aamma akiligassaqtut kikkuneriisa erseqqarlunna kommunip aningaasartuutiminik matusiniarnissaanut sunniuteqarpoq, siuliini oqaatigineqareersut takukkit.*

*Kiisalu tassani aamma ilaavoq centralip inniminniisarfiusup ingerlanerqarneranik tigusinerup kingorna kommunip periaasiata immiini nalornissutigineqarsinnaasunik qulaani taaneqartunik ilaqarluni kommunip pisassarisaanut sunniuteqarnera. Apeqqut taanna immikkoortumi tulliuutumi allaaserineqarpoq.*

#### *Kommunip ingerlatsinermik tigusinerata kingorna periaaseq.*

*Mappimi allagaatinik imalimmi allagaatit qulaani issuarneqartut ilimarnarsisippaat taxa biilileriffimmiippat piffissami tassani centralimik ingerlatsinermut aningaasartuutininut akisussaaqataannginneq periaasiusimasoq.*

*Periaaseq taanna kommunip ileqqoreqqusaanut naapertuuttuunersoq uannut nalorninarorujussuavoq.*

*Taamaattorli piffissami kommunip centralimik ingerlatsivigisaani periaaseq taanna kommunip ileqqoreqqusaani naatsorsutigineqartumit anikinnerusunik aningaasarsiorfiusarsimanersoq kommunip akuerisimane-raa isumaliutersuutigineqassaaq.*

*Aamma apeqqutaavoq K Kommuni inatsisunik unioqqutitsinani piginnit-tunut ingerlatsinermut aningaasartuutininik centralimut atasunut tamanut atuinerup annertoqatigiissaartumik akiliisitsiniarsinnaanersoq – aamma piginnittut taakku taxanik biilileriffimmiititsisimanerat imaluunniit arlaa-tigut pigaartuunissamut pilersaarusiarmut ilaasimanginnerat apeqqutaatinnagu.*

#### *Inerniliineq.*

*Pingaartumik taxaatillit ingerlaartitsisutut atuisut kommunillu akornanni kommunip, ingammik taxaatilinnut taxanik ingerlatsitsisunik akiliu-*

*teqartitsilluni centralimik ingerlatsinissaanik isumaqatigiissuteqarsimane-  
rup erseqqissuunerata saniatigut isumaqarpunga kommunip amerlane-  
rusunik akiluteqartitsinissamat periarfissaanik naliliisoqassappat upper-  
narsaasersuinikkut naliliineq taamaallaat eqqartuussivinni ingerlanne-  
qarsinnaasoq, tassami isumaqatigiissuteqarnikkut inatsisitigut taamatut  
inissisimasoqalereersimammata, kommuni taxaatilinnik kiffartuussisimam-  
mat taxaatillillu pineqartut atuinerminnut akiliisimammata.*

*Kommunip peqataanerani erseqqarluttutut oqaatigineqartut nassatari-  
saannik aningaasat pineqartut kommunip taxaatillit peqatitigiiffiannut  
nutaamut tassunga akilersinniarsinnaaneraí nalorninartuusooq isumaqar-  
punga.*

*Taamaalilluni kommuni amerlanerusunik pisassaqaarnersoq, tamaassi-  
mappallu kimit, pisassarissallu taakku akiligassaqaarfiusup akileeqqeq-  
qusinissaanik killilersuutit pillugit malittarisassat nassatarisaannik ato-  
runnaarsimasinnaanersut aalajangersaavigineqassappata peqataasut ili-  
simannittutut nalinginnaasumik akisussaaffeqarlutik tamanna pillugu er-  
seqqinnerusumik nassuiaateqarnissaat piumasaqaataavoq.*

*Taamaattumik paasinninnera malillugu pisassarissat aalajangiusimane-  
qassappata tamanna eqqartuussutikkut aalajangersartissallugu kommuni  
innersuunneqartariaqarpoq.*

*Taxaatillit peqatigiiffiata saaffiginnissutaanut atatillugu annertuneru-  
sumik iliuuseqaqqissanngilanga.”*

## 11.20 A/S Inissiaatileqatigiiffik INI

### 24. Sulisunut inissiat

#### 1. Attartortup attartukkaminik atorunnaarsitsinera.

*Ombudsmandi oqaaseqaateqarsimavoq attartortup inatsisitigut inissisimanera nutaaq atorunnaarsitsinerup aalajangersarmagu, pisullu tigussaasutigut kingunerisassaasa allatut inerniliinisaq piumasaaqatiginngimmassuk paasinninnera unaavoq attartornerup attartortup atorunnaarsitsinerani suliasat suliarineqartarnerat pillugu inatsit atorneqartariaqartoq.*

*Atorunnaarsitsineq attartortumik inatsisitigut nutaamik inissisimalersitsimmat pisullu tigussaasutigut kingunerisai allamik inerneqartitsinngimmata Ombudsmandi isumaqartoq attartukkaminik atorunnaarsitsinermi attartortup attartukkaminik atorunnaarsitsinerani suliasat suliarineqartarnerat pillugu inatsimmi mallittarisassat atorneqartariaqartut.*

*Ombudsmandilli A/S Inissiaatileqatigiiffik INI-p A-p attartukkaminik atorunnaarsitsineranik pisimasutut iliorluni suliarinnissimanerata isornartorsiornissaanut pissutissaqarsorisimangilaa. Taamaattorli Ombudsmandip inassuteqaatigaa A/S Inissiaatileqatigiiffik INI A-p attartukkaminik atorunnaarsitsinera pillugu aalajangiissasoq, tamatumunngalu atatillugu allakkatigut atorunnaarsitsinerup tunniunneqarnerata kingorna ullualunnguit qaangiunneranni taassuma tunuartinneqarnera ilanngullugu isiginiassagaa. (J.nr. 11.20.24.01/098-02)*

Sulisunut inissiap, K Kommuniti atorfinitsinneqarnermini imminut tunniunneqartup, attartornerata atorunnaarsinneqarneranik atorunnaarsitsinermi kingorna ullualuinnaanguit qaangiuttut tunuartissimagaluakkami A/S Inissiaatileqatigiiffik INI-mit aalajangiusimaneqarnera pillugu A-p naammagittaalliuutaa 28. oktober 2002-mi tiguara.

...

K-p illoqarfiani inissiap ... attartornera A-p A/S Inissiaatileqatigiiffik INI-mut 21. februar 2002-mi isumaqatigiissutigaa. Qinnuteqarneq, inniminniineq tamatumalu kingorna inissiamik tunniussineq A-p K Kommuniti sulisunut inissiamik ineqarsinnaatitaalluni atorfinitsinneqarneranut atatillugu nalinginnaasumik periaaseqarluni ingerlanneqarput.

Inissiamik attartorneq pillugu isumaqatigiissummi attartortup attartukkaminik atorunnaarsitsinennaatitaanera pillugu imaattunik § 2-mi allassimasoqarpoq:

”Attartortup attartorunnaarniarnini qaammatip naaneratigut pisussaq allakkatigut ilisimatitissutigissavaa sivikinnerpaamik qaammammik ataatsimik sioqutsilluni.”

Attartukkamik atorunnaarsitsissut 1. november 2002 aallarnerfigalugu atuutilersussaq A-p A/S Inissiaatileqatigiiffik INI-mut 30. september 2002-mi nassiuppaa.

A-p naammagittaalliummini oqaatigaa atorunnaarsitsineq kommunimi allami atorfinitsinneqarnissamik qinnuteqarniarnerminut atatillugu pisimasoq.

Attartugaq taanna pillugu neqeroorutitut allakkat inunnut nammineq kisaatigalugu nuukkusuttut allattorsimaffianni nalunaarsorsimasunut A/S Inissiaatileqatigiiffik INI-p 3. oktober 2002-mi nassiussuuppai.

A 3. imaluunniit 4. oktober 2002-mi B-mut A/S Inissiaatileqatigiiffik INI-mi sulisumut oqarasuaatikkut saaffiginnippoq, atorunnaarsitsininilu utertillugu.

A-p naammagittaalliummini oqarasuaatikkut oqaloqatigiinneq taanna pillugu oqaatigaa B-p oqarfigisimagaani atorunnaarsitsineq tunuartissinnaanngikkini, tassami taanna A/S Inissiaatileqatigiiffik INI-p tigoreersimammagu, kisianni inissiaq pigiinnarsinnaassagunarini, allanut tunniunneqareersimanngippat.

B-p A/S Inissiaatileqatigiiffik INI-meersup A e-mailikkut 4. oktober 2002-mi imatut nalunaarfigaa:

”Hej A

Ajoraluartumik kukkorujussuarsimavunga, inigisatut attartugaq atorunnaarsinneqaraangat ingerlaannartumik neqeroorutigineqartarpoq, akissutisinissat utaqqisinnaasimannngilarput.

Inissiaq ippassaq 3/10-02-mi neqeroorutigaarput, neqeroorfigisatsinnillu pingasuusunit tusarnissarput utaqqillugu. Tamarmik qujaannarlutik naaggaarpata inissiaq tigungmiinnarsinnaavat.

Atortunnaarsitsininikk tunuartitsinerpit allakkatigut uppernarsarneqarnissaa aamma pisariaqartipparput.

Inuulluarit B” (Atorfeqarfimmi nutsigaavoq.)

A-p naammagittaalliummini oqaatigaa A/S Inissiaatileqatigiiffik INI-p Qullersaqarfianut sap. akunneranni 41-mi oqarasuaatikkut saaffiginmissimalluni. Tamatuma kingunerisimavaa pisortap tulliata C-p sianertera, nalunaarutigalugulu K Kommuni faximik nassiussipallassasoq, nalunaarutigalugulu inissiaq sulisunut inissiatut tigungmiinnarneqassasoq.

K Kommunimi allattoqarfimmi pisortamut D-mut A e-mailikkut saaffiginnippoq. E-mail taanna imaattunik oqaasertaqarpoq:

”Pineqartoq: Sulisunut inissiaq

Hej D

A/S INI-mi C oqaloqatigereeriga illoqarfimmi K-mi A/S INI-mut allakkatigut nalunaartussaasimavutit sulisunut inissiaq inigisara tigungmiinnassagiga, inissiaq taanna kommunimi allami atorfimmik qinnuteqarnerma kingorna utertikkaluarpara.

Allattussaavutit sulisunut inissiaq utertinneqassanngitsoq, tassami atorfiga tigungmiinnartussaagakku.” (Atorfeqarfimmi nutsigaavoq.)

A/S Inissiaatileqatigiiffik INI-mut telefaxikkut 16. oktober 2002-mi D arlalinnik apequteqaateqarpoq. Telefaximi A pillugu makku oqaatigineqarput:

”A-p sulisunut inissiamiiginnarnissani uppernarsaqqaa. Attartornini atorunnaarsissimaneraa qulakkeerluinnarsimangilara, mannalun nalunartut pillugit nassiuppaa.” (Atorfeqarfimmi nutsigaavoq.)

A/S Inissiaatileqatigiiffik INI-p K Kommunimut allakkamini 21. oktober 2002-meersuni kommunip A pillugu telefaxikkut nassiussaa 16. oktober 2002-meersaq A/S Inissiaatileqatigiiffik INI-p imatut akivaa:

”A-p inissiaq attartukkani ...-imiittoq 30.09.02-mi atorunnaarsippaa, kingusinnerpaamik 31.10.02-imi qimassallugu. Inissiaq attartuqaq taanna attartortumut allamut neqeroorutigineqarsimavoq akuerineqarsimallunilu, taamaatumillu A-p atorunnaarsitsinini tunuartsinnaanngilaa. A sulisunut inissiamik tunineqassappat A sulisunut inissiamik initaarniarlutik utaqqisut allattorsimaffiannut ilannguttariaqarparsi. A inigisaminiiginnarsinnaanngitsaq siusinnerusukkut ilisimatinneqarsimavoq.” (Atorfeqarfimmi nutsigaavoq.)

K Kommunimi D-mut e-mailikkut 25. oktober 2002-mi A saaffiginnip-poq. E-mail taanna imaattunik imaqarpoq:

”Hej D

Qanoq iliussaanga, inissiamit 31.10.02 anereersimasussaavunga. Aamma 29.10.-02-mi ...-mukartussaavunga ilinniaqqikkiartorlunga, 05.11.02-mi utissaanga, utaqqisuniillungali, kingusinnerpaamik 6. nov. Oqarasuaatikkut pissarsiarineq ajornaravit.” (Atorfeqarfimmi nutsigaavoq.)

A 25. oktober 2002-mi ulluligaasumik uannut e-mailikkut naammagittaalliorpoq.

A-p e-mailia 25. oktober 2002-meersaq D-p e-mailikkut 26. oktober 2002-mi akivaa. E-mail taanna imaattunik imaqarpoq:

”A mut

Pineqartoq: Sulisunut inissiaq

Iliuserisinnaasatuat tassaavoq ...-mi INI-mit uppernarsaammik pissarsinissat. Illoqarfimmi immikkoortortaqarfiat misilikkaluarpara, inissiarli allamut tunniunneqareersimammat annertunerusumik iliuuseqarsinnaanngillat. Uppernarsaat oqaasiinnartigut pisimagukku allaganngorlugu pisariaqarpat.” (Atorfeqarfimmi nutsigaavoq.)

Uanut naammagittaalliut 25. oktober 2002-meersaq imaattunik oqaasertaqarpoq:

”Pineqartoq: Illoqarfimmi K-mi A/S INI

Aluu.

Paaserusullugu eqqortumik A/S Ini-miik sullinneqarsimanerlunga. Siullermik kommunimut allamat atorfirmik qinnuteqarama sep. 30-ni A/S INI-mut faxe-kut nassitsivunga inissiaq atorfinnut atatillugu iniigisara qimanniarlugu 1. nov. kingornali siarnerpunga 1. okt. nassiussaralu peqqissimillunga unitseqqullugu, A/S INI-mi sulisoq B oqaloqatigaara, taassumaq nassuiaappaanga peersinnaanagu tigoreersamikku, periarfissaqartungali ini qimatassara allanut tunniutereersimassanngippat uvanga pigiinnarsinnaagiga, toqqissisimajunnaassutigivarali akissutaa, taamaattumik qullersaqarfianut siarnerpunga uge 41-mi Direktørilu pisumik oqaluttuullugu, kinguninnga Souchef C siarnerpoq nalunaarlunilu sulisitsisora tassalu Kommunal-direktøri tuaviortumik faxeqquvaa inissiaq tjenestebolig-tut tigungmiinnarniarlugu nalunaaqqullugu, taamaaliorpungalu erngerlunga Kommunaldirektørimut emailerpunga taannali nalunaaruteqarsimavoq aatsaat sap. ak. qaangiunnerata missaani.

Paasisara pillugu, tassalu qullersaqarfimmiik, siarnerpunga A/S INI-mut B oqaloqatigalugu, tassalu taassuma nalunaarfigaanga attaveqqulluni, paasitippaangalu Kom. dir. suli tuttaqarsimanngitsoq, Kom. dir. sianerfigaara nalunaaruteqareerluni nalunaarfigaanga.

Pingasunngorneq 23. okt. ningiorma E sianerfigaanga allagarsisimallutik iniigisara qaammatip naaneranut qimattariaqarigagooq, taamaariarmat A/S INI-p qullersaanut siarnerpunga C oqaloqatigaara sianeqquvaanga F-imut, illoqarfimmi K-mi A/S INI, taamaaliorpungalu, ipparsarlu aatsaat oqaloqatigisinnaagakku, taassuma paasitippaanga, at sagen er så langt nede at der er for mange folk involveret, allamunngooq tunniutereeramikku, taamaattumik anisariaqartunga 31. okt.

Nalunaarutigilaassavara ulloq 15. okt.-miik 29. okt. tungaanut nakorsamik suleqqusaanngikkallarama, taavalu ...-mukartussaallunga 29.okt. 5/6 nov uteruma ilinniaqqinnera ingerlatara nangikiartortussaagakku.”

A/S Inissiaatileqatigiiffik INI-mut 31. december 2002-mi allappunga, nalunaarutigalugulu suliaq misissorniarlugu aalajangertunga.

K Kommuni ulloq taanna qinnuigaara kommunip mappiutaa sulisumut A-mut allagaatinik imalik misissugassanngorlugu uannut nassiateqqullugu.

Kommunip 9. januar 2003-mi imatut akivaanga:

”Allakkatit tiguakka, taakkunanilu qinnuigaarma mappi allagaatinik qulaani taaneqartumut tunngasunik imalik misissugassanngorlugu nassiateqqullugu. Ilinnut ilisimatitsissutigalugu nalunaarutigineqassaaq mappi allagaatinik pineqartumut tunngasunik imaqartoq allagaatinik suliap suliarineqarnerani atorneqarsinnaasunik imaqqanngitsoq.

Sulisunik avataaneersunik atorfinitsisinerlut atatillugu qinnuteqarneq, inniminneq tamatumalu kingorna tunniussineq periaaseq nalinginnaasoq malillugu pisi-mavoq.

A-p kommunimi allami allamik suliffeqalernissaminik kissaateqarnerminut atatillugu sulisunut inissiap atorunnaarnissaanik toqqaanera toqqaaneruvoq pineqartup nammeneq aalajangigaa. Kommuni inissiamit anisitsisimannigilaq, taamalu uagut paasinninnerput malillugu annertunerusumik iliuuseqarmissamat pisussaaffeqarnani. Atorunnaarsitsinini A-p kingusinnerusukkut peqqissimissutigilerpaa, kommunimilu suliffini suliffigiinnarusulerlugu, tamannalu aamma akuersaerneqarpoq. Attartornerminik atorunnaarsitsinini peqqissimissutigalugu INI-mut attaveqarfiginnikkami, paasitinneqarnerput malillugu, oqarfigineqarsimavoq inissiaq taanna allamat tunniunneqareersimasoq. Tamatuma kingorna INI-p qullersaqarfia attaveqarfigisimavaa. Paasissutissanik sunik tunineqarsimanersoq uanga naluara, taamaallaalli kom-

munimut oqaatigaa INI-p maani immikkoortorta qarfia attaveqarfīgissagippūt, oqaatigalugulu sulisunūt inissiap pigiinnarnissaa kissaatigigaa.

INI-mut 16. oktoberimi saaffiginnippunga, oqaasiinnartigut paasissutissat pigisakka tunngavigalugit, inigisanilu pigiinnassagaa qinnutigalugu. INI tamatuma kingorna oqarpoq inissiaq qinnuteqartumut allamut tunniunneqareersimasoq, taamaatumillu inissiaq taanna A-p atorsinnaajunnaaraa. Tamatuma kingorna pineqartoq utaqqiisaasumik inissiamut inissipparput, initaarniarlutillu utaqqisut allattorsimafiannut ikkuteqqillugu.

Paasinninnera paasissutissiisutillu pigisavut malillugit kommuni eqqortumik pilertortumillu qisuariarsimavoq. Oqaatigineqassaaq neriorsuut A-p INI-mit ...-mit pisimaneragaa kommunimut apuussimanggisannartoq, oqaasiinnartigut allakkatigulluunniit, taamaatumillu uppernarsaasiinissaq A-miilluni/INI-miilluni.

Naggataatigut oqaatigineqassaaq INI-p malittarisassaminik aqutsinera kommunip sunniuteqarfīgisinnaanngimmagu, naatsorsuutigaaralu atorunnaarsitsineq tunniusserlu pillugit malittarisassat malinneqarsimassasut.

Inuulluaqqusillunga

D

Kommunaldirektør” (Atorfeqarfimmi nutsigaavoq.)

Kommunip allagai A-mut oqaaseqaateqarfigeqqullugit 14. januar 2003-mi nassiunneqarput.

Mappi allagaatinik A-mut tunngasunik imalik nassiuteqqullugu kommuni ulloq taanna qinnuigeqqippara.

A/S Inissiaatileqatigiiffik INI-p 14. januar 2003-mi imatut akivaanga:

”Inatsisartut Ombudsmandiata qulaani taaneqartup sulisunūt inissiamik attartornera atorunnaarsissimasaminiiginnaarsinnaannginnerminik naammagittaalliutaa pillugu allagaasa 30. december 2002-meersut tigueqarnerat Inissiaatileqatigiiffiup matumuuna uppernarsassavaa.

Inissiaatileqatigiiffiup matumuuna nalunaarutigissavaa naammagittaallioortup sulisunūt inissiat najuinnarsinnaasimangikkaa iluoommat. Pineqartup attartornini allakkatigut 30. september 2002-mi atorunnaarsippaa, kingornatigullu naammagittaallioortoq 04. oktober 2002-mi nalunaarpoq atorunnaarsitsinini utertikkini.

Inissiaatileqatigiiffiup pineqartoq nalunaarfigaa inissiami attartornera atorunnaarsissimasamini najugaqaannarsinnaanngitsoq, tassami attartugaq taanna 03. oktober 2002-mi allamut neqeroorutigineqareersimammat.

Inissiaatileqatigiiffiup suliassaqarfimmi tassani periaasia imaappoq inissiap allamut neqeroorutigineqarnissaata tunngaanut attartortup attartukkaminik atorunnaarsitsisimasup atorunnaarsitsinini utertissinnaagaa. Inissiaq allamut neqeroorutigineqarsimappat atorunnaarsitsineq tunuartinneqarsinnaanngilaq.

Suliap attartortumut tunngasup assilineri ilanngullugu nassiunneqarpoq.

Inuulluaqqusillunga.

C, Ingerlatsinermi pisortaq” (Atorfeqarfimmi nutsigaavoq.)

Kommunip mappiutaa suliame allagaatinik imalik, allagaatinik suliamat pingaaruteqartunik ilaqanngitsoq 23. januar 2003-mi tiguara.

A-p tusarniaasimanermut oqaaseqaatini 27. januar 2003-mi nalunaarutigai, matumani ilanngullugu oqaatigalugu ilumuunngitsoq kommuni oqar-mat massakkut utaqqiisaagallartumik ineqartinneqarluni, inissiarli A/S

Inissiaatileqatigiiffik INI-p qimaqqusimasaa suli ineqarfigigini. Aammataaq oqaatigaa e-mailini kommunaldirektørip akisimanngisaannarai. Ulloq taanna kingusinnerusukkt A-p e-mailikkut nalunaarutigaa paasissutissaq kingulleq eqqortuunngitsoq, kommunillu e-mailiata 26. oktober 2002-meersup kingusinnerusukkt nassaarisimasami assilineri ilanngullugu nassiullugu.

*Tamatuma kingorna imaattunik oqaaseqaateqarpunga.*

“K Kommuni pillugu.

*A-p attartugaa kommunip atorunnaarsissimanngilaa, A-llu atorunnaarsitsinerata tunuartinnissaanut inatsisilerinikkut periarfissaqarnani. Taa-maattumik kommuni A-mut inatsisilerinikkut pisussaaffiligaanngilaq, atorfeqartitsinerup nassatarisaanik ataatsimut isiginnilluni pisussaaffigisai eqqaassanngikkaanni. Pisussaaffik taanna A-p 9. oktober 2002-mi qinnuteqarneratigut kommunip A/S Inissiaatileqatigiiffik INI-mut allakkatigut 16. oktober 2002-meersutigut saaffiginnissuteqarneratigut tassuunakkullu A-p atorfeqartitaaneraniq uppernarsaaneratigut qularnaatsumik naammassineqarsimavoq.*

A/S Inissiaatileqatigiiffik INI pillugu.

*Attartortup attartukkaminik atorunnaarsitsinera peqqusissutaavoq piffissamit attartortitsisumut apuuffimmunit attartortitsisumut pisussaaffiliisoq. Attartortitsisup atorunnaarsitsinermut tamatumalu nalunaarutigineqarneranut isummenera inatsiseqartitsinikkut sunniuteqanngilaq.*

*Taamaalilluni A/S Inissiaatileqatigiiffik INI A-p atorunnaarsitsineraniq isummerfiginninnginnermigut isumaqatigiissutit pillugit inatsiseqartitsinermi malittarisassanut assortuuttumik iliuuseqarsimanngilaq, naak inis-sinneq taanna A-mut nalunaarutigineqarsimanngikkaluartoq.*

*Atorunnaarsitsinerup attartortitsisumit ilisimaneqalernerata iliuuseqarnermullu tunngaviulersimanerata kingorna attartortullu tamatuminnga nalunaarutisisimasut arlaannaalluunniit attartukkamik tigusumanngissimasuuppat A/S Inissiaatileqatigiiffik INI-p atorunnaarsitsinermik A-p tunuartitsinissaanut periarfissiiniarluni aalajangernera A-p isumaqatigiissutit pillugit inatsiseqartitsinermi malittarisassat malillugit utertitsinissamut periarfissaanut killegartumut naapertuuttuuvog.*

*Isumaqatigiissutit pillugit inatsiseqartitsinerup ilisarnaatigaa pissutsit inatsiseqartitsinermut tunngasut illua ’tungeriit pisinnaatitaaffiinik pisussaaffiinillu aalajangersaasuusut tassaanerat illua ’tungeriit pisussaaffeqarnissaminnik suaarutiginninninnerisa inernerat, aammattaarlu illua ’tungeriinnut nanertueqatigiittuunerat unioqqutinneqarsinnaanerallu.*



*Pisortani oqartussaasup isumaqatigiisummi illua'tungiunerata, taamaalillunilu aalajangiinermigut killilersuutinit arlalinnit qulangersima-neqarnera tamatuma allanngortinngilaa.*

*Ineqarnermut tunngasuni pisortat inissiaataanni inissiamik attartortit-takkamik attartortitsineq pisortat ingerlatsinerannik inatsiseqartitsinermut attuumassuteqartutut aallaavittut isikkoqarniaviannngilaa.*

*Kalaallit Nunaanni inissianik attartortittakkanik sanaartorneq inger-latsinerlu inissiat attartortittakkat suilliit 1950-ikkunni sananeqarnerisa kingornali siullermik Naalagaaffiup kingusinnerusukkullu kommunit aama Namminersornerullutik Oqartussat suliassarismavaat.*

*Kalaallit Nunaanni inissiat attartortittakkat amerlanersaat A/S Inissiaa-tilaqatigiiffik INI aqutigalugu pisortanit ingerlanneqarput. Pisortat inis-siaataat attartortittakkat 2000-imi 12.000-init amerlanerupput.*

*Pisortat inissiaataanni ineqarnermut akiliutinik aalajangersaaneq i-ngerlatsinermik inatsiseqartitsinermut tunngasuvoq. Inissiamik qinnute-qarneq, inniminniineq tamatumalu kingorna tunniussineq pingaarnerusu-tigut ingerlatsinermut inatsiseqartitsinermi malittarisassanut tunngasutut pisarpoq.*

*Naalakkersuisut nalunaarutikkut nr. 37-kkut, 19. december 1996-imeer-sukkut aalajangiipput pisortat ingerlatsineranni suliassat sularineqartar-nerat pillugu Inatsisartut inatsisaanni aalajangersakkat A/S Inissiaatile-qatigiiffik INI-mut atuutissasut, Inissiaatileqatigiiffik inissiaatileqatigiif-fimmik pilersitsinissaq pillugu Inatsisartut peqqussutaat nr. 12, 28. oktober 1993-imeersoq tunngavigalugu Namminersornerullutik Oqartussat kom-munilluunniit sinnerlugit aalajangiinissamut piginnaatitaaffiligaappat, tak. nalunaarummi § 1.*

*Naalakkersuisut Allattoqarfiata nalunaarutissatut missingiutip saqqum-miunnerani ilaatigut pissutsit suliamut pingaaruteqartut marluk Naalak-kersuisunut oqaatigai:*

*1. Inissianik aqutsineq aamma suliassat sularineqartarnerat pillugu inat-sisip inatsisitigut innarlitsaalineqarnissamik qularnaveeqqusiussai pil-lugit:*

*”Suliassat sularineqartarnerat pillugu inatsimmik aamma paasitinneqarsin-naatitaaneq pillugu inatsimmik inissiaatileqatigiiffimmut ”atortuulersitsinikkut” i-natsisit innuttaasut inatsisit naapertorlugit innarlitsaalineqarnissaannik qulak-keerussinerat inissiat aqunneqarnerisa suliassaqarfiunerata tamakkerluni ilaatin-neqalerneranik annertusineqarpoq (Atorfeqarfimmi nutsigaavoq.)*

*2. Nalunaarutip A/S Inissiaatileqatigiiffik INI-mut sunik nassataqassane-ranik A/S Inissiaatileqatigiiffik INI-p paasinninnera:*

*”A/S Inissiaatileqatigiiffik INI-p, ..., pisortat ingerlatsineranni suliassat sulari-neqartarnerat pillugu Inatsisartut inatsisaannik nr. 8-mik, 13. juni 1994-imeersumik*

*aamma pisortat ingerlatsinerat pillugu paasitineqarsinnaatitaaneq pillugu Inatsisartut inatsisaannik nr. 9-mik, 13. juni 1994-imeersumik akuersissuteqarnermut atatillugu, Naalakkersuisut Allattoqarfiat nalunaarfigisimavaa, inissiaatileqatigiiffiup pissusissamisoorsorigaa ingerlatseqatigiiffik pisortat ingerlatsineranni paasitineqarsinnaatitaaneq pillugu aamma suliaassat suliarineqartarnerat pillugu inatsisimut ilagitinneqalissasoq, tamatumalu nassatarisaanik aammattaq ombudsmandip sulineranut ilagitinneqalissalluni.” (Atorfeqarfimmi nutsigaavoq.)*

*Pisortat ingerlatsineranni suliaassat suliarineqartarnerat pillugu inatsit nr. 8, 13. juni 1994-imeersoq malillugu ingerlatsinerami ingerlatseriaatsit pillugit ataatsimut malittarisassat arlallit ingerlatsiviup suliamik suliarinninneranut atatillugu innuttaasunut assigiinngitsunik pisinnaatitaaffiliisut piginnaatitsisullu atuupput.*

*Inatsisip atortuuffia § 2-mi aalajangersarneqarpoq.*

*Paragrafimi tassani makku taaneqarput:*

*”§ 2. Inatsit una suliaassanik, ingerlatsineranut oqartussaasunit aalajangiiffigineqarsimasunik aalajangiiffigineqarumaartunilluunniit, suliarinninnermut atortuuvoq.*

*Imm. 2. Suliami peqataasinnaannginneq pillugu kapitali 2-mi aalajangersakkat atortuupputtaaq suliaassanik isumaqatigiissuteqarnissamut namminerluunniit piluni aalajangigassanut tunngasunik tamatumunnga assingusunik suliaqarnermut.*

*...”*

*Taamaalilluni suliaassat suliarineqartarnerat pillugu inatsimmi § 2-p aalajangersarpaa ingerlatsinerami ingerlatseriaatsit pillugit malittarisassat ingerlatsiviup suliamik suliarinninneranut atatillugu innuttaasunut assigiinngitsunik pisinnaatitaaffiliisut piginnaatitsisullu taamaallaat suliani aalajangiiffigineqartuni aalajangiiffigineqartussanulluunniit atuutissasut.*

*Qulaani taaneqartut tunngavigalugit inerniliisoqartariaqarpoq A/S Inissiaatileqatigiiffik INI-p pisortat inissiaataannik attartortittakkanik aqutsinera pisortat pillugit inatsiseqartitsineranut tunngasuusoq, aqutsinerlu taanna ingerlatsineramik inatsiseqartitsineq tunngavigalugu aalajangiisarnertigut pisassasoq.*

*Suliaq aalajangiiffigineqartoq aalajangiiffigineqartussarluunniit qaqugukut pineqassanersoq ataatsimut erseqqivissumillu ingerlatsineramik inatsiseqartitsinik aalajangersassallugu ajornakusoorsinnaavoq. Sulinerami tassani killissaqarfii akornanniittunik pisortaqarpoq.*

*Ingerlatsineq pillugu inatsiseqartitsinerup allaaserineqarnerani aalajangiinerup qaqugukut pineqartarnera pillugu assigiinngitsunik arlalinik isumaliutersuuteqartoqartarsimavoq.*

*Tunngavippiaasorli assortuussutaanngitsoq unaavoq aalajangiineq tassaasoq oqaaseqaateqarneq, pisumi pineqartumi innuttaasumut suup inatsisitigut atuuttuuneranik atuuttuusussaananerilluunniit pineqartumullu anertuumik pingaaruteqartuuneranik aalajangersaasuusoq.*

*Ingerlatsinermi inatsiseqartitsineq tunngavigalugu aalajangiinermi tunngavigineqarpoq innuttaasup pisinnaatitaaffia tassaassasoq ingerlatsiviup oqaaseqaataata inernerá, taamaalillunilu inatsiseqartitsinikkut illua tungeriinnut nanertuutaasumik aallaaveqanngitsoq.*

*Taamaalilluni aalajangiinermik oqartarnerup nalinginnaasup atornerarata nassatarissavaa A/S Inissiaatileqatigiiffik INI-p inissianik aqutsinerata annertuutigtut ingerlatsinermik inatsiseqartitsineq tunngavigalugu aalajangiisarnertigtut pisanninnera, taamaattumillu innuttaasut A/S Inissiaatileqatigiiffik INI-p inissianik aqutsineranut atatillugu suliassat suliarineqartarnerat pillugu inatsisip nassatarisaanik pisinnaatitaaffeqalertannginnerat piginnaatitaaffeqalertannginnerallu, naak innuttaasut pisinnaatitaaffeqalertarnerat piginnaatitaaffeqalertarnerallu inatsisip taassuma siunertarigaluaráa.*

*Taamaalilluni pisortat inissiaataannik attartortittakkanik attartortitsinermi pissutsit kiisalu suliassat suliarineqartarnerat pillugu Kalaallit Nunaanni inatsisip qallunaat ingerlatsineq pillugu inatsisaannik tunngaveqarnerata nassataraat aalajangiinermik ileqquusut malillugit oqartarneq aallaavigalugu A/S Inissiaatileqatigiiffik INI-p inissianik aqutsinerani aalajangiisarnerata kisimi pingaartillugu isiginiarneqarsinnaannginnera.*

*Pisuni ataasiakkaani tamani suliassat suliarineqartarnerat pillugu inatsimmik pisumi pineqartumi attuutsitsinikkut inatsisitigtut inissisimaneq ajornanngitsumik naammassineqarsinnaasooq, paasiuminartooq pingaarnarpaatigullu kissaatiginartooq nassatarineqarnerasooq isiginiarneqartariaqarpoq.*

*Attartortup atorunnaarsitsinerata ingerlatsinermik inatsiseqartitsineq tunngavigalugu suliarineqarnerata inaarlugulu aalajangiivigineqarnerata suliatigtut kingunerisai killeqartuusussaapput. Aalajangiisooqassaaq, aalajangiinerlu taanna nalunaarutigineqassalluni.*

*Attartortup attartukkaminik attartorneq pillugu isumaqatigiissut malillugu atorunnaarsitsisinnaanermik inatsisit tunngavigalugit atorunnaarsitsinissamik piunasaqarsinnaanera isiginiarlugu suliamik suliarinninneq suliap taamaattuussusia pissutigalugu killilerujussuusassaavoq. Aalajangiineq pillugu nalunaaruteqarneq attartukkap qimanneqarnera pillugu pissutsit assigiinngitsut pillugit ilisimatitsissuteqarnermut atatillugu nalinginnaalluinnartumik pisinnaavoq. Torersumik pissusilersornissamik isumaliutersuutit aallaavigalugit nalunaaruteqarneq pinngitsoorani nalequttuusussaavoq.*

*Aalajangiineq pillugu tusarniaasoqassanngilaq, annertunerusumillu tunngavilersuinissaq pisariaqartuunani, tassami aalajangiineq akuersartumik aalajangiinerusutut iluseqarmat, tassami aalajangiineq attartortup qinnutigisaanik malinnittuummat.*

*Atorunnaarsitsinissamat piffissaliussaq eqqarsaatigalugu sunniutigisaa tassaassaaq piffissaliunneqartup atorunnaarsitsinissamik nalunaarutip ti-guneqarneranit naatsorsorneqarnissaa, suliap kingusinnerusukut suliar-*

*neqarnera apeqqutaatinnagu, tassami attartortup attartorneq pillugu isumaqatigiissut malillugu inatsisit tunngavigalugit piumasaaqatigisinnaammagu atorunnaarsitsinermut piffissaliussa q piffissaq taanna aallannerfigalugu naatsorsorneqassasoq.*

*Attartortup inatsisitigut inissisimanera nutaaq atorunnaarsitsinerup aalajangersarmagu, pisullu tigussaasutigut kingunerisassaasa allatut inerniliinissaq piumasaaqatiginngimmassuk paasinninnera unaavoq attartortup atorunnaarsitsinerani suliaassat suliarineqartarnerat pillugu inatsit atorneqartariaqartoq.*

*Pissutsilli immikkut itut oqaaseqaatinnut tunngavilersuutaasut isiginiarlugit A-p atorunnaarsitsineranik A/S Inissiaatileqatigiiffik INI-p suliami matumani pisimasutut suliarinnissimaneranik isornartorsiuinissannut pissutissaqanngilanga.*

*Taamaattorli inassuteqaatigaara A/S Inissiaatileqatigiiffik INI A-p atorunnaarsitsinera pillugu aalajangiissasoq, tamatumunngalu atatillugu allakkatigut atorunnaarsitsinerup tunniunneqarnerata kingorna ullualunnguit qaangiunneranni taassuma tunuartinneqarnera ilanngullugu isiginiassagaa.*

*A/S Inissiaatileqatigiiffik INI-p pisortat inissiaataannik attartortittakanik aqutsinerata pisortat ingerlatsineranni suliaassat suliarineqartarnerat pillugu Inatsisartut inatsisaanni § 1, imm. 2 aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 1, imm. 2 inatsisitigut tunngavigalugit ingerlatsinermik inatsiseqartitsinermi malittarisassani pineqartunut ilaatinneqarnera isiginiarlugu, naak inissianik attartortitsineq pillugu Inatsisartut inatsisaat inuinnarnut inatsiseqartitsinerugaluartoq, qulaani nassuiarsimasattut, malittarisassat taakku marluk imminnut ataqatigiinneqarnerannik nassuiaaniarnermi ajornartorsiutit pilersinnaasarpur.*

*Taamaattumik oqaaseqaatip matuma assilinera allakkat uku nassiunneqarnerannut peqatigitillugu Attaveqaatigiinnermut Ineqarnermullu Pisortaqarfimmu nassiuppara, oqaaseqaat qanoq iliuseqarnissamut pissutissaqalersitsinersoq pisortaqarfiup naliliiffigisinnaaniassammagu.*

*Oqaaseqaatip qallunaatuua suliami illua tungeriit isumaqatigiissuteqarfigalugit siulliullugu nassiunneqarsimavoq.”*

Attaveqaatigiinnermut Ineqarnermullu Pisortaqarfik 12. juni 2003-mi imatut allappoq:

”...

A-mit naammagittaalliummut Ombudsmandip oqaaseqaataa atuareerlugu Pisortaqarfimmu Ombudsmandip ernumassutigisai paasilluarneqarpur.

Piviusulli imaapput Inissiaatileqatigiiffik A/S INI aamma aalajangersakkat killisaanni aalajangi[i]sariaqartartoq malittarisassat s(o)rlit malinnerlugit. Suliani Naamminersornerullutik Oqartussat aamma kommunit sinnerlugit INI oqartussaafilerneqarsimavoq, Nalunaarut nr. 37, 19. december 1996-imeersoq naapertorlugu aalajangiisarnissamut, sulianik suliarinnittarnermi inatsimmi aamma tamanut saqqummiussisarnermik inatsimmi malittarisassat malinneqartarput, pisunili allani

INI-p inuinnaat eqqartuussivikkut illersorneqarsinnaanerini tunngavissat malittarpai assersuutigalugu inissianik attartorneq pillugu Inatsisartut peqqussutaat naapertorlugu allaffissornikkut ingerlatsinermi.

Ullumikkut malittarisassat ilusilersorneqarsimanerisa nassatarisaanik, pisuni tamani ataasiakkaani INI-p nammineq tunngavissaqarluartumik nalileereernermini aalajangertarpaa, sulianik suliarinnittarnermi inatsimmi aamma tamanut saqqumiuussisarnermik inatsimmi malittarisassat malinneqassanersut imaluunniit pisuni aalajangersimasuni INI-mit inuinnaat eqqartuussivikkut illersorneqarnissaannik malittarisassat malinneqassasut.

Pisortaqarfiup naliliinera naapertorlugu ajornartorsiorneq allaaserineqartoq tunngavissaqartitsilerpoq eqqarsaatersuuteqarfigissallugu, nalunaarut nr. 37, 19. december 1996-imersoq atortuujunnaarsinneqartariaqarnersoq.”

A/S Inissiaatileqatigiiffik INI allakkatigut 14. oktober 2003-meersutigut oqaaseqaatinnut akissuteqarnissamik nukingisaarpara. A/S Inissiaatileqatigiiffik INI-p 3. november 2003-mi imatut allaffigaanga:

“Annertunerusumik iliuseqartoqaqqinngitsoq A-p inissiaq attartugaq qimappaa.”

Ukiup nalunaarusiuunneqartup naanerani A/S Inissiaatileqatigiiffik INI-p allagai isummerfigisimanngilakka.

## 26. Inissiamik innersuussineq

### 1. Inigisanik paarlaateqatigiinneq. Attartukkap siumoortumik akilerneqarnissaanik apeqqut.

*A-p naammagittaalliuutigaa A/S Inissiaatileqatigiiffik INI-p inigisanik paarlaateqatigiinnissamik qinnuteqaatip akuerinissaanut attartukkap siumoortumik akilerneqarnissaa pillugu atugasarititaasunik aalajangersaasimasoq, tak. attartorneq pillugu peqqussummi § 17.*

*Ombudsmandi oqaaseqaateqarsimavoq A/S Inissiaatileqatigiiffik INI inigisanik paarlaateqatigiinnermut atatillugu siumoortumik akiliinissamik, attartukkamut ingerlaavartumik akiliisarnermi pi-umasarineqarsinnaasuminngarnit annertunerusumik pi-umasagarnissaminut inatsisitigut tunngavissaqanngitsoq, inassuteqaatigisimallugulu inissiaatileqatigiiffiup periaatsini allanngortissaga. (J.nr. 11.20.26.01/055-02)*

Akiliinissamut atugasarititaasut, inissiaatileqatigiiffiup A-p innuttaasullu allap inigisanik paarlaateqatigiinnerannik akuersinermut kattutitai, pillugit A-p naammagittaalliuutaanik 30. maj 2002-mi tigusaqarpunga.

Suliami makku pineqarput:

Inissiaatileqatigiiffik 13. maj 2002-mi A-mut allappoq:

”Inissianik paarlaanneq pillugu.

A/S Inissiaatileqatigiiffiup INI-p matumuuna nalunaarutigissavaa, Namminersornerullutik Oqartussat kommunillu inissiaataannik innersuussisarneq, attartortitsisameq, attartortut allanut attartortitsisinnaanerit il.il. pillugit Namminersornerullutik Oqartussat nalunaarutaanni nr. 24-mi, 10. oktober 2000-imeersumi § 17 naapertorlugu inissianik paarlaanniarlusi qinnuteqaatersi akuerineqarmat.

Inissiannik paarlaanneq 01.07.2002 atuutilersillugu pissaq, erseqqissaatigineqassalluni kissaatigalugu nuunniartumut pi-umasagaataasooq, attartornermut peqqusut qaqugukkulluunniit atuuttoq naapertorlugu attartornermik isumaqatigiissut nutaq pilersinneqassammatt, qaammatini pingasuni ineqarnermut akiliutit nalingannut qularnaveeqqusiinissaq ilanngullugu.

Inissianik paarlaateqatigiinnermut atatillugu ilissi inigisasi nalinginnaasuusumik iluarsaanneqassapput imaluunniit nalinginnaasumik iluarsaanneqarsimasutut isikkoqassallutik. Nalinginnaasumik iluarsaassinermi ilanngunneqassapput qaqorsaaneq, qalipaaneq aammalu iikkanik qilaanillu ungalitsersuineq, inissiap naqqi nutaamik lakkersimasutut isikkoqassallutik, takuuk inissianik attartorneq pillugu Inatsisartut peqqussutaat nr. 3, 13. juni 1994-imeersooq.

Inissiap nalinginnaasumik iluarsaanneqarnissaa A/S Inissiaatileqatigiiffiup INI-p suliaritissappagu, aningaasartuutit ilissinnit akilerneqassapput, takuuk inissianik attartorneq pillugu Inatsisartut peqqussutaat nr. 3, 13, juni 1994-imeersooq.

Najukkassi nalinginnaasumik iluarsaanneqarnissaa 8.866,00 kr. miss. naleqarpoq, qularnaveeqqutit akiliutissinnit ilanngaatigineqartussat. Inissiap iluarsaanneqarnerani najorneqartillugu, nalinginnaasumik iluarsaassinermut atatillugu immikkut ittumik aningaasartuuteqarmat, immikkut ittumik aningaasartuutit naleqartut

1.400,00 kr. ilissinnit akilerneqassapput taakkulu B ...-imik attartornermik isumaqatigiissutit pi-lersinnerinut atatillugu A/S Inissiaatileqatigiiffik INI-mut aningaasanngorlugit akilerneqassallutik.

Immikkut ittumik aningaasartuutit 1.400,00 kr.-usut á contomik akiligassaapput, inissianik paarlaasseqatigiinnerup kingorna iluarsiiissutigineqartussat.

Inissiamik B ...-mik attartornermik isumaqatigiissutit pilersinneri kiisalu inissiamik B ...-mik attartornermik atorunnaarsitsineq ulloq 31-05-2002 sioqqullugu pissapput, taamaattumillu qinnuigineqassaait piaarnerpaamik A/S Inissiaatileqatigiiffik INI-mut kingusinnerpaamik ulloq 31-05-2002 saaffiginneqqullutit.

Ineqarnermut kiassarnermullu akiligassaq 4.940,00 qularnaveeqqusiissullu 12.720,00 akilerneqassapput, attartornermut isumaqatigiissutit atsioreranni attartugaq B ... kingusinnerpaamik ulloq 31-05-2002.

Ilutigitillugu erseqqissaatigineqassaaq, inissianik iluarsaassinerup ingerlaneranerani, pequtit ineeqqamut ineeqqamut allamut nussoqqullugit sanasup inner-suussutai malittussaagakkit.

Tamanna malinneqassanngippat, tamassumunnga immikkut aningaasartuuserneqassaait, aammalu tamatuma kingunerisinnaallugu, inissianik paarlaateqatigiinnerup kinguartinneranik. Tamaattoq eqqumaffigissavat, nutaamik attartulikkavit akilernissaa, attartornermik isumaqatigiissutit atsiorneqartoq naapertorlugu, inatsisitigut pisussaaffigakku, 31-05-2002-p kingorna nuussimaguit nuussimanngik-kaluaruilluunniit.” (Oqaaseqatigiit uniffiup kingornerniittut nutserneqarsimannngimata Atorfeqarfimmi nutsigaapput.)

A (uia) inissiap ... attartornissaanik isumaqatigiissummik 30. maj 2002-mi atsiornikkut isumaqatigiissuteqarput.

Tassannga erserpoq attartorneq 1. juli 2002-mi aallartissimasoq, aammalu attartukkamik il.il. akiliinissaq attartornermik atsiuinikkut isumaqatigiissummit ersersoq:

” § 3.

...

Isumagatigiissutit atsiorneqarnerani akilerneqarput: Kr. 4.940,00. Ullormiit 01-07-2002 ullormut 31-07-2002 atuuttussat.

§ 4.

Attartornermut akiliut, immaqalu kiassarnermut akiliut qularnaveeqqusiinermullu naafferartumik akilersuutaasinnaasut siumut akilerneqartassapput qaammatillu aallaqqaataani akilerneqassallutik. Akiliinissaq pissaaq kingusinnerpaamik akiliiffissap kingorna ulluinaat pingajuanni. Piffissarititaasoq eqqorlugu akileqquneqartoq akilerneqanngippat, attartortitsisup piginnaatitaaffigaa attartukkap atorunnaarsinneqarmissaanut anisitsinissamullu takuuk imm. 7 aamma 13 nalinginnaasumik aalajangersakkat. Attartornermut akiliut kiassarnermut akiliut immaqalu qularnaveeqqusiilluni akiliutip akilersorneqarnera FI-kort imaluunniit PBS aqutugalugu bankimi imaluunniit allakkerivinni akilerneqartassapput.”

Ulloq taanna, 30. maj 2002-mi, A-p naammagittaalliutaanik tigusaqarpunga:

”Inissiaatileqatigiiffimmi INI-mi attartortoq alla peqatigalugu 01.07.2002 aal-larnerfigalugu inigisanik paarlaateqatigiinnissatsinnik akueritissimavunga. Kisian-nili, isumaqarpunga akuerineqarsinnaanngitsaq, uanga attartortutut ineqarnermut

akiliutit marluk ataatsikkut akilissagikka. Imatut paasillugu maannakkut inigisannut juunip qaammataanut akiliissasunga aammalu juulip qaammataanut ineqarnermut akiliutigisassara akilissagiga, aningaasartuutit assigiinngitsut nutaamik initaarnerup nassatarisaasa saniatigut, kingusinnerpaamik 31.05.2002-mi. Oqaatigineqassaaq inissiamik paarlaateqatigisassarput aammattaaq taamatut atugassaqartinneqarmat.

Taamaattumik Ombudsmandi tusarniaaviginiarpara uagut attartortuusut ineqarnermut akiliutinik marlunnik ataatsikkut akiliinissarput tulluurtuunersoq imaluunniit eqqortuunersoq. Uanga kisima imminut eqqarsaatiginnilanga, kisiannili aamma inuit isertitakinnerusut, kisimiillutik pilersuisut soraarnerussutisiallilluunniit. Inissaqartinneqaleraangamik/inissanik paarlaateqatigiikkaangamik aningaasaqarnertik qaornimita iliorlutik naammattusaarniartarpaat?

Inissianik attartornermut malittarisassat assigiinngitsut misissorsimavakka, naammattuugatuvaralu tassaavoq qaammatinut pingasunut qularnaveeqqusiussineq nutaamik atsiornikkut isumaqatigiissuteqarnermut atatillugu attartortumut akilersinneqartartoq.

Nuannaarutigissagaluarpara Illit allakkakka tunngavigalugit misissorsinnaagaluarukku atugassarititaasut suut attartortumit piumasarineqartarnerusut.

A/S Inissiaatileqatigiiffik INI-p allagai 13. maj 2002-meersut ilanngullugit nassiuppakka.” (Atorfeqarfimmi nutsigaavoq.)

Taava inissiaatileqatigiiffimmut 25. juni 2002-mi allappunga:

”A-p naammagittaalliutaa tiguara, taassumalu assilineru ilanngullugu nassiunneqarpoq.

Naammagittaalliut imatut paasivara A isumaqartoq attartortut inigisaminnik paarlaateqatigiittut qaammammim taannaasumi inissiamut qimataminnut inissiamullu iserterfigisaminnut tamarmik immikkut ineqarnermut akiliutinik akiliinissaannik piumasaqaammik inissiaatileqatigiiffiup aalajangersaasimanera pissutissaqanngitsosq, taamaaliornikkummi inissiaatileqatigiiffiup attartukkanut pineqartunut qaammammut akiliutit marluk akilertimmagit.

Tamatununga atatillugu inissiaatileqatigiiffik qinnuigaara naammagittaalliut pillugu oqaaseqaateqaqqullugu, inigisanillu paarlaateqatigiittoqarnerani attartukkanut paarlaateqatigiinneqartunut qaammammut taannaasumut ineqarnermut akiliutinik marlunnik akiliisitsisarneq ilumoorpat inissiaatileqatigiiffik qinnuigaara taamaaliornissamat suna inatsisitigut tunngavigineqarnerosq nassuiaqqullugu.

Inissiaatileqatigiiffiup nassuiaataa A-mut suliami illua’tungiusutut isumaanik tusarniaatit nassiunneqarumaarpoq.”

Inissiaatileqatigiiffiup 1. juli 2002-mi akissuteqarfigaanga:

”Ombudsmandip allagaanut tunngasumik oqaatigineqarsinnaapput inigisanik paarlaateqatigiinnermi naammagittaalliortup maannamut inigisani tunniutussaamagu, tamatumunngalu peqatigitillugu naammagittaalliortuq inigiligassani pillugu atsiuinikkut isumaqatigiissuteqartussaavoq. Naammagittaalliortup ilaatigut aamma attartuligassaminik attartornermik isumaqatigiissuteqarnerminut atatillugu qaammammut siullermut ineqarnermut akiliut akilertussaavaa, tak. inissiaatileqatigiiffimmit naammagittaalliortumut allakkat. Inuk, inigisamik tunniussisoq pisussaavoq tunniussinerup kingornagut piffissamat aalajangersimasumut ineqarnermut akiliummik akiliissalluni. Taamaattumik matumani pineqanngilaq attartortoq attartugaqalersussaq attartortorlu attartukkani qimallugu nuuttoq attartukkamut taannaasumut



piffissamut aalajangersimasumut taannaasumut ineqarnermut akiliummik akiliissa-soq.”

Allakkani 25. september 2002-meersuni A inissiaatileqatigiiffiup tusarniaanermut akissutaanut oqaaseqarsinnaatippara.

A-p suliaq oqaaseqarfigisimangilaa.

Aammattaaq inissiaatileqatigiiffimmut 25. september 2002-mi allagaqarpunga:

”Inissiaatileqatigiiffiup 1. juli 2002-mi akissutaa, j.nr. ... misissorsimavara.

Tamatumunnga atatillugu inissiaatileqatigiiffik nassuiaammik erseqqissaataasumik qinnuigaara.

Tassalu inissiaatileqatigiiffiup attartortup siumoortumik piffissamut ininik paarlaateqatigiinnerup imaluunniit aniserup kingornanut akileereersimasup siumut akilereersimasaminik utertitsinissaa isumagisarneraa nassuiaateqarfiginissaa kisaatigaara.

Allakkat ukua inissiaatileqatigiiffiullu uannut akissutaata assilinerinik A nassippara, tamatumunngalu peqatigitillugu A ingerlatsiviup uannut akissutaanut oqaaseqaateqarnissaanut periarfissillugu.”

Inissiaatileqatigiiffik allakkani 3. oktober 2002-meersuni akissuteqarpoq:

”Ombudsmandip allagaanik 25. september 2002-meersunik naammagittaalliut pillugu apeqqutininik ilassutaasunik ilalimmik inissiaatileqatigiiffik tigusaqarpoq ... Ullumi ulloq oqarasuaatikkuq oqaloqatigiinnermi nassuiaateqarfigineqarpoq Ombudsmandi pisumik imaattumik eqqarsaateqarsimasoq, inigisanik paarlaateqatigiinneq qaammatip aallartinnera aallarnerfigalugu pisimangitsoq, attartortulli qaammammut ilivitsumut ineqarnermut akiliummik akiliisinneqarsimasut.

Matumuuna uppersarpara inissiaatileqatigiiffiup sulisuni nalunaarfimmagat inissianik paarlaateqatigiinnerit tamatigut qaammatip aallartinnera aallarnerfigalugu pisassasut.” (Atorfeqarfimmi nutsigaavoq.)

Ulloq 29. april 2003-mi inissiaatileqatigiiffimmut allagaqarpunga:

”Attartukkamut taannaasumut Inissiaatileqatigiiffiup ineqarnermut akiliutinik arlalinnik piffissamut taannaasumut akiliisitsiniartanninnera pillugu suliaq Inissiaatileqatigiiffiup kingullermik allakkatigut 3. oktober 2002-meersutigut nassuiaateqarfigisaa massakkuq uterfigaara.

Ingerlatseqatigiiffiup akissutaa suliamik kingusinnerusukkuq suliarinninninni tunngaviutissavara.

Sulialli allamik ajornartorsutissartaqarsinnaanera maluginiarsimavara:

A-p inigisamik paarlaateqatigiissinnaaneranut Inissiaatileqatigiiffiup akuersissutaanit 13. maj 2002-meersumit erserpoq A-p attartornermut isumaqatigiissuteqarnermut atatillugu attartukkamut nutaamut julip qaammataani ineqarnermut akiliutit kingusinnerpaamik 31. maj 2002-mi akilissagai Inissiaatileqatigiiffiup piumasaqaatigisimagaa.

Taamaattumik Inissiaatileqatigiiffik qinnuigaara ineqarnermut akiliutit aatsaat 1. juli 2002-mi akilernerqartussanngortussat siumoortumik 31. maj 2002-mi akileqqul-

lugit piumasaqaateqarnermini Inissiaatileqatigiiffiup suna inatsisitigut tunngavigisi-maneraa nassuiaqqullugu.”

Inissiaatileqatigiiffiup allakkani 2. juni 2003-meersuni akissuteqarfi-gaanga:

”A-p Ombudsmandimut 29. maj 2002-mi naammagittaalliutigisimavaa 31.05.02 nallertinnagu attartugarisimasaminut tunngasumik juunip qaammataani ineqarnermut akiliut akilertussaagini taamatullu inigisamut paarlaateqatigiinnikkut pissarsiarisaminut 1. juli 2002-mi iserterfigisassaminut, juulip qaammataani ineqarnermut akiliut siumoortumik akilertussaallugu.

Ombudsmandip naammagittaalliut paatsoorsimavaa isumaqarsimallunilu inissiaatileqatigiiffiup piumasarigaa ”attartortut marluusut, inissianik inigisaminnik paarlaateqatigiissut, taakku inissiamut qimataminnut taamatullu inissiamut nuuffigisassaminnut tunngasumik qaammammut taannaasumut ineqarnermut akiliummik akiliisussaasut ima kingunilimmik, inissiaatileqatigiiffik attartukkanut pineqartunut taakkununga qaammammut taannaasumut ineqarnermut akiliutinik marlunnik akiliisitsissalluni.”

Attartukkamut taannaasumut piffissami aalajangersimasumi taannaasumi ineqarnermut akiliutinik marlunnik tigusaqartarneq inissiaatileqatigiiffiup 1. juli 2002-mi taamaanginnerarpaa, naammagittaalliummullu oqaaseqaatit sukumiinerusumik nassuiaasimalluni attartorneqalersussamut tunngasumik atsiuinikkut isumaqatigiissummik nutaamik isumaqatigiissuteqarnermi qaammammi siullermi ineqarnermut akiliut siumoortumik akilerneqartussaasoq.

Qaammammi siullermi ineqarnermut akiliutip siumoortumik akilersinneqarnissaanut inatsisitigut tunngavissap suup tunngavigineqarnerata nalunaarutigineqarnissaa Ombudsmandip maanna qinnutigimmagu ilisimatitsissutigineqarsinnaavoq attartornermik atsiuinikkut isumaqatigiissuteqartoqartillugu qaammammi siullermi ineqarnermut akiliummik akiliisitsisarneq aalajangersimasumik periaasiummat. Tamanna innersuussisarneq pillugu nalunaarutip §-iisa 17-ianni allassimavoq, inigisanik paarlaateqatigiinnerni attartornermik atsiuinikkut isumaqatigiissutinik nutaanik isumaqatigiissuteqartoqartassasoq.” (Atorfeqarfimmi nutsigaavoq.)

Ulloq 25. august 2003-mi inissiaatileqatigiiffimmut allappunga:

”Inissiaatileqatigiiffiup 2. juni 2003-mi akissutaa tiguara, tassani inissiaatileqatigiiffiup oqaatigaa attartornerup pilersinneqarnerani attartornermut akiliutit siumoortumik akileqquneqartarnerat aalajangersimasumik periusaasoq, aammalu akissut imatut paasivara, siumoortumik akiliinissamut tunngasut attartornermut isumaqatigiissummi erseqqissumik aalajangerneqartartut.

Tamatuma kingorna inissiaatileqatigiiffik siumoortumik akiliisarnermi siunertaq suna anguniarneqarnerisooq annertunerusumik nassuiaateqarfigeqqullugu qinnuigaa-ra, aammalu attartornerup taamaatinnerani imaluunniit taamaatinnissaanik nalunaarnermi siumut akileriiqqat attartornermut akiliutissanit akilerneqanngitsunit attartortup ilanngaatisinnaanerai.”

Inissiaatileqatigiiffiup 19. september 2003-mi akissuteqarfigaanga:

”Ombudsmandip allagaanut kingullernut akissutitut ilisimatitsissutigineqarsinnaapput qaammammi siullermi ineqarnermut akiliummik siumoortumik akiliisitsi-

nikkut attartulersussap attartornissani kissaatigiunnaassagaluarpagu, attartortitseq-qinnissallu attartornerup aallartinnerani pinissaa angumerineqarsinnaanngikkaangat ineqarnermut akiliutip akilerneqarsimanissaa qulakkeerneqartarmat. Saniatigut iluanaarutigineqartoq tassaavoq attartornissamut ilumut soqutiginnittoqarnerata qulakkeerneqarnera.

Tulliullugu Ombudsmandi aperivoq, "... attartornerup taamaatinnerani imaluunniit taamaatinnissaanik nalunaarnermi siumut akileriikkat attartornermut akiliutis-sanit akilerneqanngitsunit attartortup ilanngaatigisinnaanera". Attartornerup qaammataani siullermi attartorneq atorunnaarsinneqarpat imaluunniit taamaatinneqarpat ineqarnermut akiliummik akiitsoqartoqanngilaq, tassami qaammammi siullermi ineqarnermut akiliut siumoortumik akilerneqarsimammat, attartorerullu qaammataani siullermi attartorneq atorunnaarsinneqarpat imaluunniit taamaatinneqarpat, siumoortumik akiliuteqartoqassanngilaq." (Atorfeqarfimmi nutsigaavoq.)

*Matuma kingornagut ima oqaaseqaateqarsimavunga:*

*"Suliap uannut paasisutissiissutigineqarsimanera malillugu isumaqar-punga inissiaatileqatigiiffiup A-p 1. juli 2002 aallarnerfigalugu inigisamik paarlaateqateqarnissaanut atugassarititatut A-p kingusinnerpaamik 31. maj 2002-mi attartornermik isumaqatigiisummik nutaamik atsiuinikkut isumaqatigiisuteqarnissaanik tamatumunngalu atatillugu attartukkamut nutaamut 2002-mi juulip qaammataani ineqarnermut akiliummik siumoortumik akiliinissaanik piumasaqaateqarnerata inatsisinut naapertuussuseqarneranik isummerfiginninnissannut taamaallaat tunngavissaqartoq.*

*Attartornermik isumaqatigiisummit erserpoq taassuma atsiornertigut juulip qaammataanut attartorneq akilerneqarsimasoq, tamatumunngali peqatigitillugu isumaqatigiisummit erserpoq attartorneq siumoortumik akilerneqassasoq, qaammatillu ulluisa aallaqqaataanni akilerneqartus-sannvorsimasoq.*

*Taamaalilluni atsiuinikkut isumaqatigiisuteqartoqarneratigut juulip qaammataani attartornerup siumoortumik akilerneqarnissaanik inissiaatileqatigiiffiup piumasaqaaterpiaata attartornermik isumaqatigiisutip malitsiginngilaa, tassaallunili inissiaatileqatigiiffiup A-p inigisanik paarlaateqatigiinnissaq pillugu qinnuteqaataanik aalajangiinerata 13. maj 2002-meersup malitsigisaa.*

*Attartorneq pillugu peqqussut (inissianik attartorneq pillugu Inatsisar-tut peqqussutaat nr. 5, 31. maj 2001-imeersoq) Namminersornerullutik Oqartussat kommunillu attartornermik isumaqatigiisuteqartoqarnerani attartornerup siumoortumik akilerneqarnissaanik piumasaqarsinnaati-taanagerat pillugu malittarisassanik imaqanngilaq.*

*Pisortani inissianik attartortitsisup attartornerup isumaqatigiisutigi-neqannginnerani (siumoortumik akiliinissamik piumasaqarsinnaati-taaneq) qanoq akiliisoqarnissaanik piumasaqarsinnaanera pillugu malit-tarisassat attartorneq pillugu peqqussutip §-iisa 17-ianni allassimapput, 1. juni 2003 tikillugu ima oqaasertaqartut:*

”§ 17. Attartornissaq isumaqatigiissutigineqartinnagu Namminersornerullutik Oqartussat kommunillu illuutaanni attartortittakkani inissianik attartortussat attartortitsisumut qularnaveeqqusiissutit qaammatinut pingasunut ineqarnermut akiliutit annertussusillit akiliutigissavaat, takuulli imm. 2.

Imm. 2. Attartortup attartornerup isumaqatigiissutigineqarnerani qularnaveeqqusiissutit aningaasanngorlugit akiliutigisinnaanngikkunigit attartortup taakku qaammatikkaartumik akiligassanut angeqqatigiiaanut aqqaneq marlunnut aguarlugit akilersorsinnaavai.

Imm. 3. Akilersuinissamik aqqissuussineq attartortumit malinneqanngippat, tamanna attartornermut isumaqatigiissummik naammassinninnginnertut isigineqassaaq ineqarnermut akiliutit piffissaq eqqorlugu akilerneqannginnerattut naat-sorsuullugu, tak. § 18, imm. 1.

Imm. 4. Attartortitsisup inissiamik qimatsilluni nuuttoqarneranut atatillugu qularnaveeqqusiissutit attartortup attartornermut isumaqatigiissut naapertorlugu pisussaaffiisa matussuserneqarnerannut atorsinnaavai, taamatuttaaq attartortup iluarsaassinermut aningaasartuutininik akileeqataassutissaanut, tak. § 58.

Imm. 5. Qularnaveeqqusiissutit pillugit maleruagassat Naalakkersuisunit aalajangersarneqassapput.”

Attartorneq pillugu peqqussut inissiani pisortanit pigineqartuni attartornerup aamma inissiani namminersortunit pigineqartuni attartornerup akornanni immikkoortitsivoq.

Taamaalilluni attartorneq pillugu peqqussutip §-iisa 20-anni aalajangersagaavoq namminersortut inissianik attartortitsineranni qularnaveeqqusiussat, aallarniutit attartornermullu siumoortumik akiliutit aningaasat qaammatini arfinilinni attartornermut naapertuuttut sinnersimassanngikkaat.

Aalajangersagaq allanngortinneqarnani attartorneq pillugu peqqussummit siullermiit, inissianik attartortitsineq pillugu Inatsisartut peqqussutaat nr. 3, 20. juni 1989-imeersoq, § 31, ingerlateqqitaavoq, inatsisitigullu aalajangersakkamut kingulliullugu taaneqartumut Naalakkersuisut siunnersuutaannut oqaaseqaatigisani ima allassimasoqarpoq:

”Tulluarnerpaassaaq namminersorlutik ininik attartugaateqartartut sillimmatisanik unerartittagassaasa annertussusissaat attartortitsisup attartortullu akunnerminni isumagatigiissutiginiartassappatigik. Tamakkunanimi attartortinneqartartut tassaagajuttarmata inissiat ikittuinnaat imaluunniit illut ataasiakkaaginnaat. Taamaakkaluartorli sillimmattissat imaluunniit isertertigani siumut akileriigassat killeqartariaqarmata naleqqussorinarpoq aalajangissallugu namminersortut attartortitsinerminni siumut akileereertaqqusassaasa nalinginnaasumik qaammatini arfinilinni ineqarnermut akiliutissat annertussusii sinnersimasassanngikkaat.”

Tassunga ilanngunneqassaaq pisortat inissianik attartortitsinerat attartortitsineq pillugu peqqussutip 1. januar 1990-imi atortuulersinneqarnerani pisortat ingerlatsineramik suliaqarnerimassuk, Namminersornerullutik Oqartussat allaffissornerannit kommuninilu ingerlanneqartoq, aamalu ingerlatsinermut inatsiseqartitsinermi malittarisassat taakku A/S INI-mut, inissiaatileqatigiiffiup Namminersornerullutik Oqartussat kommu-

nillu ineqarnermik aqutsineranni 1. januar 1997-imi atortuulersinneqarsimasut.

Inatsisitigut maleruaqqusani, Namminersornerullutik Oqartussat kommunillu inissiaataannut attartortittakkanut atuuttuni, qularnaveeqqusiisutit saniatigut siumoortumik akiliuteqarnissamik piumasaqarsinnaatitaaneq tunngavissinneqarsimannngimmat, uanga isumaga malillugu namminersortut inissianik attartortitsisarnerat pillugu attartorneq pillugu peqqussutip atuuttup §-iisa 20-ata, namminersortut inissianik attartortitsisartut qularnaveeqqusiussanut peqatigitillugu siumoortumik akiliinissamik piumasaqarsinnaanerannik erseqqilluinnartumik isummerfiginnittup, tamatumaa akerlianik nassuiarnissaa qaninnerpaavoq.

Taamaattumik Namminersornerullutik Oqartussat kommunillu siumoortumik akiliinissamik piumasaqarsinnaatitaanerattartortitsisarnermi il-lua tungeriit akunnerminni isumaqatigiissutaannit aqunneqanngilaq.

Innuttaasup, inissiamik paarlaassinissaminik kissaateqartup tamatumunngalu atatillugu attartornermik isumaqatigiissummik nutaamik isumaqatigiissuteqartussap attartornermut akiliummik, attartornermik isumaqatigiissut malillugu akilerneqartussanngorsimannngitsumik, siumoortumik akiliinissaa inissianik paarlaateqatigiinnissamik akuersinermut atugas-sarititaasunik nammakkersuutaasunik aalajangersaanertut matuma kingornagut isumaqarfigineqartariaqarpoq.

Atugassarititat aalajangersarneqarsimasut inatsisinut naapertuussuseqarnerannik naliliininni pingaartumik maluginiarsimavara inissiaatileqatigiiffik tusarniaanermut akisummini 19. september 2003-meersumi oqaaseqarmat, siumoortumik akiliinissamik piumasaqarneq attartortitsisup ineqarnermut akiliutip akilerneqarnissaata qulakkeernissaanik kissaateqarneranik pissuteqartoq, attartortup attartornissani kissaatigiunnaassagaluarpatu tamannalu ilutigalugu qulakkeerneqassasoq attartortuulersussaq attartornissamut soqutiginnilissasoq.

Attartortitsisup attartorneq pillugu peqqussummi § 50, imm. 2 malillugu piumasarisinnaavaa attartortup attartornini sivikinnerpaamik qaammamik ataatsimik siumut ilimasaaruteqarnikkut atorunnaarsissagaa, qaamatip naanerani pisussanngorlugu.

Paasinninnera unaavoq, Inatsisartut matumuunakkut isummerfigisima-gaat aningaasatigut qulakkeerineramik sutigut (pisortani) inissianik attartortitsisoq, attartortoq attartornermik isumaqatigiissummit kaanngartinneqarnissaminik kissaateqassagaluarpat, piumasaqarsinnaanersoq.

Aammattaaq tassani pineqartoq tassaavoq Namminersornerullutik Oqartussat kommunillu inissiaataannik innersuussisarneq, attartortitsisarneq, attartortut allanut attartorallartitsisarnerat il.il. pillugit Namminersornerullutik Oqartussat nalunaarutaanni nr. 24-mi, 10. oktober 2000-imeersumi § 17, imm. 1-imi, aammattaaq inissiaatileqatigiiffiup A-mut akuersissummini 13. maj 2002-mi innersuussutigisimasaani, imaattunik aalajangersaasoqarsimasoq:

”§ 17. Nammineq kissaatigalugu nuunniartut allattorsimaffianni qinnuteqaateqartut inigisaminnik paarlaanniarlutik isumaqatigiissuteqarpata tamanna pisinnaavoq, pineqartut nammineq kissaatigalugu nuunniarlutik utaaqisut allattorsimaffianni inissisimanagerat apeqqutaatinnagu.

Imm. 2. Inissianik paarlaateqatigiinnissami piumasaqaataavoq inissiat paarlaateqatigiinneqartut pillugit attartornermut nutaamik isumaqatigiissuteqartoqasasog, attartortitsinermit peqqussut sukkulluunniit atuuttoq tunngavigalugu, matumani qularnaveeqqutitut akiliutaasartut akilerneqarnissaat ilanngullugit.”

Nalunaarut ima paasineqartariaqarpoq attartortut, piumasarisaniq nalunaarummi aalajangersarneqartunik naammassinnittut, inissianik paarlaateqatigiinnissaq pillugu qinnuteqaatimik akuerineqarnissaannik piumasaqarsinnaasut.

Ingerlatsinermit inatsiseqatitsineq naapertorlugu taamaassorinninnermi isumaqartoqarpoq inatsimmi (imaluunniit nalunaarummi), aalajangiisogarnissaanut piumasaqaataasunik aalajangiussiffiusumi, aalajangiinerit piumasarisaniq suli amerlanerusunik ilallugit ataasiakkaanut naleqqusarnissaannut ingerlatsinermi inissaqartitsisoqanngitsoq. Assersuutissat innersuussutigaaara Hans Gammeltoft-Hansenip il.il. atuakkianni, Forvaltningsret (Ingerlatsinermi inatsiseqartitsineq), aappasaanik naqiternera, Inatsisilerituut Aningaasaqarnermillu ilinniagaqarsimasut Kattuffiata naqiterisitsisarfia (Jurist- og Økonomiforbundets forlag) 2002, qupperneq 368 tulliilu, pingaartumik qupperneq 369.

Uanga paasinninera malillugu taassuma assinga atuuttussaavoq inatsisiliorloq pissutsinik, atugassarititaasumut ilapittuutaasussanik, iluarsiviginninnermit malittarisassanik immikkoortunik sukumiisunillu aalajangersaasimappat.

Inatsisartut attartorneq pillugu inatsisip § 50, imm. 2-ni attartortup attartornermik isumaqatigiissummik atorunnaarsitsinerani attartortitsisup atorunnaarsitsinerup siumut ilimasaarutiginnissaanik piumasaqarsinnaanera pillugu aamma attartortut, attartornermik isumaqatigiissummik isumaqatigiinnissinnaanissaminnut piumasarisaniq aalajangersarneqarsimasunik naammassinnittut, inissianik paarlaateqatigiinnissamik qinnuteqaatimik akuerineqarnissaannut inatsisit naapertorlugit piumasaqarsinnaatitaanerit pillugu malittarisassanik aalajangersaasimanagerat eqqarsaatigalugu isumaqarpunga inissiatileqatigiiffik inissianik paarlaateqatigiinnernik akuersinerit, attartorneq pillugu peqqussutip matumalu nassatarisaanik nalunaarummi malittarisassanik Namminersornerullutik Oqartusar kommuunillu inissianik attartortitsinerannut aalajangersakkat malitsigisaanninngarnit attartortitsisup inatsisitigut pitsaannerusumik inissisimalersinnissaanik siunertaqartunut atugassaritaasunik aalajangersaasinnaanngitsoq.

Taamaattumik isumaqarpunga inissiatileqatigiiffik, A-p inissianik paarlaateqatigiinnissamik akuerineranut atugassarititatut, attartukkamut siumoortumik akiliinissaq, attartukkamik ingerlaavartumik akiliinissamut

*pisussaaffeqarnerup malitsigisaaninngarnit annertunerusoq, pillugu malittarisassanik aalajangersaasinnaanissap piumasarinissaanut inatsisitigut tunngavissaqarsimangitsoq.*

*Inassuteqaatigaara inissiatileqatigiiffiup periaatsini matumunnga naapertuuttunngortillugu allanngortissagaa.*

*Immikkut allakkatigut allakkallu uku assilinerisigut A paasinninninnik ilisimatippara.”*

Inissiatileqatigiiffiup 8. december 2003-mi ima akissuteqarfigaanga:

”Matuma siuliini taaneqartup naammagittaalliutaa pillugu Ombudsmandip oqaaseqaataanut inissiatileqatigiiffik isumaqataangilaq. Ombudsmandip imaassorisimavaa attartortoq attartormik isumaqatigiissut malillugu qaammammi siullermi ineqarnermut akiliutip siumoortumik akilernissaanut pisussaaffeqanngitsoq. Kisiannili attartormik isumaqatigiissutip §-iisa 3-anni attartortup ineqarnermut akiliutip qularnaveequsiissutillu akilernissaannut pisussaaffii, matumunnga ilanngullugu qaammammi siullermi ineqarnermut akiliutip attartormik isumaqatigiissutip atsiorneqarnerani akilerneqartussaana, aalajangersagaapput.

Innersuussisarneq pillugu nalunaarummi § 17, imm. 2 malillugu inigisanik paarlaasseqatigiinnermi attartormik isumaqatigiissutinik nutaanik pilersitsisoqartussaavoq, inissanik attartorneq pillugu Inatsisartut peqqussutaanni § 18 malillugu ineqarnermut akiliut piffissat, attartormik isumaqatigiissummi aalajangersagaasut eqqorlugit akilerneqartussaavoq, aammalu naammagittaallioqartup attartormik isumaqatigiissutaa malillugu qaammammi siullermi ineqarnermut akiliut isumaqatigiissutip atsiorneqarnerani akilerneqartussaavoq. Taamaattumik inissiatileqatigiiffik inigisanik paarlaasseqatigiinnermi qaammammi siullermi ineqarnermut akiliutip siumoortumik akilerneqarnissaanik piumasaqarsinnaavoq.” (Atorfeqarfimmi nutsigaavoq.)

Ukioq nalunaarusiuunneqartoq qaangiutereersoq aatsaat inissiatileqatigiiffimmut akissuteqarsimagama, taanna ukiumut 2004-mut nalunaarutinni ilanngullugu naqinneqarumaarpoq.

## 27. Attartukkamik atorunnaarsitsineq

### 1. **Attartukkamik atorunnaarsitsineq atorunnaarsitsinermillu nalunaaruteqarnerup iluserisaa pillugu apeqqut.**

*A-p naammagittaalliuutigaa A/S Inissiaatileqatigiiffik INI-p A-p attartornera atorunnaarsissimagaa, tassami A-p atortuutinniar-magu A attartukkap akilernissaanut tunngavissaqarsimangit-soq, tassami kommunip A-p najugarivitaata A-p ineqarnermut tapiissuteqarfigineqarnissamik qinnuteqaataa piffissaq eqqorlu-gu suliarisimangimmagu.*

*Inissiaatileqatigiiffiup isornartorsiornissaa Ombudsmandip pis-sutissaqarsorisimangilaa, tassami inissiaatileqatigiiffik ineqar-nermut akiliutinit kinguaattoorutit ineqarnermut tapiissutinik tapiissuteqarfigineqarsimanginnermut atatinneqarsinnaaneri-sa naatsorsuutiginissaannut immikkut tunngavissaqarsiman-ngimmat.*

*Tamanna ilutigalugu Ombudsmandip attartukkamik atorunnaar-sitsinermik nalunaarutip A-p suliffianut inissiaatileqatigiiffiup aatsisartuanit A-mut aanneqarsimanagera isornartorsiortariaqar-soraa. (J.nr. 11.20.27.01/047-03)*

Inissiap, nammineq ilaquuttamilu inigisamik, attartorneranik inissiaatile-qatigiiffiup atorunnaarsitsinera pillugu A-p naammagittaalliuutaanik 14. marts 2003-mi tigusaqarpunga. Tamanna ilutigalugu A-p naammagittaal-li-uutigaa inissiaatileqatigiiffiup atorunnaarsitsinermik nalunaarut nammi-neq suliffimminut aggiussimagaa.

Suliami makku pineqarput:

Attartornermik isumaqatigiissut ullulerneqarsimangitsoq malillugu A attartukkamik ...-mik, ukioq 2000-imi decembarip aallaqqaataani attartor-tuulerpoq.

A 1. juli 2001 aallarnerfigalugu ilanngullugulu ineqarnermut tapiissuti-nik qaammammut 1.317 kr.-nik, K Kommunip inissiaatileqatigiiffimmut tunniuttagaanik, pisartagaqarpoq.

Ukioq 2002-mi A ineqarnermut tapiissutinik qaammammut 2.104 kr.-nik, kommunip inissiaatileqatigiiffimmut tunniuttagaanik, pisartagaqarpoq.

Ukiut 2002/2003 nikinneranni A-mit pisassarisatut 61 kr.-t inissiaatile-qatigiiffimmi naatsorsuutininut allanneqarsimapput.

Ukioq 2003 januaarip aallaqqaataani ineqarnermut akiliutinit kiassarner-mullu akileraarutinit katillugit 4.055 kr.-t pisassarisatut naatsorsuutininut al-lanneqarsimapput.

Taamatutaaq 4.055 kr.-t 1. februar 2003-mi naatsorsuutininut allanneqar-simapput.

Inissiaatileqatigiiffiup suliami allagaatinut mappiutaani allassimasunit erserpoq ingerlatseqatigiiffik A-p 2003-mi martsip aallaqqaataa aallarnerfi-



galugu ilanngullugulu ineqarnermut tapiissutinik qaammammut 1.160 kr.-nik pisartagaqartussatut akuerineqarnera pillugu K Kommuni aalajangiinerata assilineranik 24. februar 2003-mi tigusaqarsimasoq.

Ulloq 26. februar 2003-mi, akiligassanut kinguaattoorutit 8.171 kr.-t naatsorsuutitut allanneqarmata, inissiaatileqatigiiffik aningaasat taakku akilerneqarnissaannik piumasaqaammik nukingisaarinnermullu akiliummik 193 kr.-mik A-mut nassiussivoq.

Ulloq 1. marts 2003-mi ineqarnermut akiliut ilaalu ilanngullugit 4.104 kr.-t aamma ineqarnermut tapiissutit 1.160 kr.-t naatsorsuutitut allanneqarsimapput.

Allakkani 13. marts 2003-meersuni inissiaatileqatigiiffiup A attartuganik attartortuujunnaarsippaa.

A-p 2003-mi januaarimut februaarimullu ineqarnermut tapiissutinik qinnuteqaateqarsimaneranik inissiaatileqatigiiffiup 13. marts 2003 sioqqullugu paasissutissinneqarsimanera pillugu paasissutissanik inissiaatileqatigiiffiup suliami allagaataasiviani pigisaqartoqarsorinangilaq.

A-p attartukkamik attartortuujunnaarsitsineq pillugu aalajangiineq suliareqqeqqullugu inissiaatileqatigiiffik e-mailikkut 13. marts 2003-meersukkut qinnuigaa.

Inissiaatileqatigiiffiup allakkani 5. juni 2003-meersuni taamatut qinnuteqarneq itigartitsissutigaa.

Suliaq pillugu inissiaatileqatigiiffimmik A-millu allaffigeqatiginnittarsimanikka imaapput:

A-p naammagittaalliutaanik ima oqaasertalimmik 14. marts 2003-mi tigusaqarpunga:

”Ineqarnermut tapiissutinik qinnuteqaateqarnermi immersugassaq, ukioq 2003 nallinngitsoq, taamani meeqqat sisamat kisimeeqatigigallarakkitt (maanna meeqqat angutaallu katinnikuuvugut) atsiorsimasara, tassa massakkut pingajusaanik atsiorpara, taannalu attartornermik isumaqatigiisummik tamatuma nalaani piginngisanik ingiaqateqartinneqartussaammatt kommunip allaffiata saaffiginnittarfiani atsiorpara, ineqarnermut tapiissutinik qinnuteqaat atsiorpara oqarlungalu attartornermik isumaqatigiisut kingusinnerusukkut tunniukkumaarlugu. Takuara sulisup ... imaluunniit ...-p taanna nerriviusap ataanut iligaa, taavalu taamatut isumaqatigiippugut. Kisiannili piffissaaleqineq puigornerlu pissutigalugit aatsaat februaarip qaamataani tunniuppara, taavalu oqarput atsiuisimanngisannarama ikiorsinnaananga. Tassalu INI A/S-imut akiliisimanngilanga, nalugakkumi qanoq atsigisumik akiliisallunga, tassami akiligassaq 4000,- miss. angissusilik ineqarnermut tapiissutitaqanngitsoq takkummat kommunimilu qanoq iliuuseqarsinnaannginnamik ikiorumanngimmanga akiliinngitsoorpunga ineqarnermut tapiissutisinnissama tungaanut.

Eqqartuussivik attaveqarfigaara pissutigalugu nukingisaarummik allagarsisimagama akiliinngikkuma attartukkannik 12. marts 2003-mi attartortuujunnarsissagannga. Oqarput kommunimut saaffiginneqqaassasunga, taamaaliorpungalu inunnik isumaginninnermi pisortamut, tassalu uiga taamaaliorpoq, uangami suligama. Taasuma uiga orniguteqqunngilaa, uanga nammineq orniguttussaanerarlunga. Taava inunnik isumaginninnermi ataatsimiititaliap siulittaasuanut saaffiginnippugut, taasumali suliaasaq inunnik isumaginninnermi pisortamut ingerlateqqippaa oqarlunilu

sulianik suliarinnittunut saaffiginnissasugut, naak nalunngikkaluarlugu martsip 12-ianut piffissaqartinneqartugut. Suliamilli suliarinnittumut saaffiginnikkatta ullumi nal. 10.45 aggettussanngortinneqarpugut, taannali napparsimavoq uangalu mailikut allakkanik ...-mut, INI A/S, nassitsigaluarpunga suliaq ingerlanersoq paasi-niarlugu. Mail-erulli akigakku taanna ...-mut pinnani kisiannili INI A/S ...-mut ingerlatinneqarpoq.

Maanna inissiap atorunnaarsinneqarnissaanik nalunaarutisisimavugut 31. marts qimanneqartussanngorlugu, ajornartorsiorluinnalerpugullu. Meeqqakka ataatsimik, pingasunik, tallimanik aqqaneq-pingasunillu ukioqarput, qanorlu iliorniassaanga. Isumatsassimaannavippunga.” (Atorfeqarfimmi nutsigaavoq.)

Inissiaatileqatigiiffik allakkani imaattuni 24. marts 2003-meersuni nas-suaateqaqqullugu qinnuigaara:

”A-p saaffiginnissutaa, assiliner ilanngullugu nassiunneqartoq, Ombudsmandip tiguaa.

Suliaq misissuinissamut pissutissaqalersitsinersoq naliliiffigisinnaajumallugu A oqarasuaatikku 18. marts 2003-mi qinnuigaara ilassutaasunik paasissutisseeqqullugu.

A-p tamatumunnga atatillugu oqaatigaa piffissami sivisunerusumi ineqarnermut tapiiffigineqartarsimalluni, ineqarnermullu tapiissutisisaannarsinnaajumalluni ukiup 2002-ip naaneranut atatillugu kommunimut nutaamik qinnuteqaateqartussaasimalluni.

A-p nangilluni oqaatigaa ineqarnermut tapiissutinik qinnuteqaqqinnini inissiaatileqatigiiffiup nalunngikkaa.

Aammattaq A-p oqaatigaa suliaq pillugu mailini 13. marts 2003-meersoq Inissiaatileqatigiiffiup akisimannikkaa.

Kiisalu A-p oqaatigaa attartukkap atorunnaarsinneqarneranik nalunaarutip tunniunneqarnerani periaaseq atorneqartoq naammaginnikkini.

Nassuiaalluni oqarpoq inissiaatileqatigiiffiup viceværtia suliffimminut, illoqarfiup atuarfianut, takkussimasoq atuartitsinermilu nalaani ornessimagaani, atorunnaarsitsinerlu pillugu allakkat tiguneqarnerat uppenarsarlugu atsiqqullugu qinnuigisimagaani.

Suliap ingerlasimaneranik allaaserinninnerup inissiaatileqatigiiffik eqqarsaatigalugu pissutsit makku misissornissaannut Ombudsmandi pissutissaqalersissimavaa, inissiaatileqatigiiffillu qinnuigaara makku pillugit oqaaseqaateqaqqullugu:

- A-p attartugaata atorunnaarsinneqannginnerani ineqarnermut akiliutit A-p attartugaata atorunnaarsinneqarneranut tunngaviusut ullormi akilerneqarsimaffissaanni ineqarnermut tapiissutit kommunimit takkussimannginnerat inissiaatileqatigiiffiup eqqumaffiginneraa.
- Tamatumunnga peqatigitillugu Ombudsmandip misissorpaa A-p attartugaata atorunnaarsinneqannginnerani ineqarnermut tapiissutinik kommunip inissiaatileqatigiiffimmut akiliisarunnaarneranut pissutaasoq inissiaatileqatigiiffiup misissorsimaneraa.
- Attartukkap atorunnaarsinneqannginnerani ineqarnermut tapiissutit naatsorsuutigisamisut kommunip akilertarsimasuuppagit aningaasat suut akilertartussaasimalugit A-p nalugaa inissiaatileqatigiiffiup eqqumaffigisimaneraa.
- Attartukkamik atorunnaarsitsinermik inissiaatileqatigiiffiup A-mut nalunaaruteqarnermini periaaseq atugaa A-mit oqaluttuarineqartoq.

Taakku saniatigut inissiaatileqatigiiffik qinnuigaara A-p allakkatigut saaffiginissutaa (e-mail) 13. marts 2003-meersoq inissiaatileqatigiiffiup qanoq akissamaar-

neraa nalunaarfigeqqullunga. Tamanna Ombudsmandip misissuinerani immikkut ilaanngilaq, kisiannili inissiaatileqatigiiffiup A-mut akissutaa apeqqutaatillugu Ombudsmandip suliami annertunerusumik iliuseqaqqittariaqarneranik apeqqummut sunnuteqarsinnaalluni.

Inissiaatileqatigiiffik qinnuigaara Ombudsmandip misissuinerana pillugu oqaaseqaateqaqqullugu, inissiaatileqatigiiffiullu mappiutaa A-p attartornera pillugu allaqaatinik imalik misissugassanngorlugu uannut nassiuteqaqqullugu.

Inissiaatileqatigiiffiup akissutaa suliami illua'tungiusup isumaanik tusarniaatitut A-mut nassiunneqarsinnaavoq.

Allakkat uku assilineri A-mut nassiuppakka.”

## Inissiaatileqatigiiffiup 2. juli 2003-mi ima akissuteqarfigaanga:

”Inissiaatileqatigiiffiup allakkasi ... 24.03.2003-meersut tiguai, tamannalu pillugu imaattut ilisimatitsissutigissallugit:

Attartukkamik attartortuujunnaarsitsineq 13.03.03-mi pivoq. Akiligassanut kinguaattooruteqartoqaraangat ineqarnermut tapiissutinik qinnuteqaateqartoqarsimanagera qinnuteqaateqartoqarsimannginneraluunniit imaluunniit ineqarnermut tapiissutinik takkuttoqarsimanagera takkuttoqarsimannginneraluunniit qissimigaarnagu nukingisaarutitut attartorunnaarsitsinermillu allakkanik nassiussuisoqartarpoq.

Kommunip ukiup aningaasaliissutissanik akuersissuteqarfiusup naanerani ineqarnermut tapiissutinik attartortunut tunniussisarunnaarneranut pissutaasut misissornissaat inissiaatileqatigiiffiup suliaasinngilaa. Attartortut namminneq itigartitsinermut tunngavilersuummik kommuninit tigusaqartarput.

Attartukkamik attartorunnaarsitaanerup ulluani A martsip qaammataanut ineqarnermut tapiissutinik akuersissuteqarfineqarsimavoq, taamaattumillu qanoq akiliisussaani nalusimanagu. Inissiaatileqatigiiffiup ilisimasimasinnaanngilaa A-p ineqarnermut akiliutip ineqarnermut tapiissutit ilanngaatilugit qanoq atsiginissaa nalusimagaa. Kisiannili akiligassanut kinguaattooruteqarni ilisimanngissinnaanavianngilaa. Tamanna nukingisaarutitut allakkani 26.02.03-meersuni taassumunnga ilisimatitsissutigineqarsimavoq. Ineqarnermut tapiissutit attartortumut 1.03.03-mi akuersissutigineqarsimapput. Tamatuma nalaani A-p akiligassanut kinguaattoorutai 12.468,00 kr.-upput.

Ineqarnermut tapiissutit martsip qaammataanit ilanngaatigisat akiligassanut kinguaattoorutit 11.308,00 kr.-nut ikilisippaat. Qaammatinut januarimut februarimullu ineqarnermut tapiissuteqartoqassagaluarpas, taakku akiligassanut kinguaattoorutinik matussutissiinnaassanngillat.

Nukingisaarutitut attartorunnaarsitsinermillu allakkat illuutip allaffiini atorfilininit suliffiup nalaani aanneqartarput. Inissiaatileqatigiiffiup ...-mi sullissinermut allaffimmi pisortaatitaa ilisimatitsivoq nalunaarutit taamaattut pineqartup suliffianut aanneqartarnerat kommunimi ileqqusoq. Ajuusaarnartuuvoq pisumi tassami aatsineq nalinginnaanngitsumik naleqqutinngitsumillu ili-uuseqarluni pisimappat.

Inissiaatileqatigiiffik nalilivoq A-p mailerutaa 13.03.03-meersoq, attartukkamik attartortuujunnaarsitsineq pillugu nalunaarutit attartortumut tuniunneqareernerata kingornagut nassiunneqarsimasoq, nassiunneqarnerminiilli piviusumit qaangerneqarsimasoq. Ineqarnermut tapiissutinik qinnuteqaatip kommunip ingerlatsiviani tammarsimanagera pissutigalugu attartukkap atorunnaarsinneqarnerata kinguartineqarnissaata qinnutigineranik mailerut imaqarpoq. Kisiannili januarip februarillu qaammataanut ineqarnermut tapiissutinik akuersissutigineqartut taaneqareersutut A-p akiligassanut kinguaattoorutaasa matussutissinnissaannut naammassimassanngillat. Naak ineqarnermut tapiissutinik januarimut, februarimut martsimullu akuers-

sissuteqarfingineqarsimagaluaruniluunniit akiligassanut kinguaattoorutai atorunnaarsitsinerup ulluani 8.988,00 kr.-usimassagaluarput.” (Atorfeqarfimmi nutsigaavoq.)

Inissiaatileqatigiiffiup akissutaata oqaaseqarfiginissaanut A allakkani 15. juli 2003-meersuni periarfissippara.

A allakkani 27. august 2003-meersuni ilaatigut ima akissuteqarpoq:

”...

Allakkat 1.07.2003-meersut, j.nr. ... aamma ... A/S INI-meersut, pillugit oqaatigineqassaaq allakkani allassimammat: ”Ineqarnermut tapiissutit 1.03.03-mit akuersissutigineqarsimapput”. ... Eqqaamasakka malillugit uiga aatsaat marts 2003-mi (tamatumaa nalaani qimannikuusimavugut) massakkut najugarput tunngavigalugu inunnik nalunaarsuisarfimmut allatsinnikuuvoq, paasillaarsinnaanngilaralu ineqarnermut tapiissutit ¼-2003-mi 1784,00 kr.-nut iluarsiivigineqarsimanerat, tassami ineqarnermut tapiissutit januaarimit martsimut annerusussaagaluarput, tamatumami nalaani kisimiillunga pilersuisugama, tamatumaa nalaani katissimananga, meeqqanik sisamanik 18-it inorlugit ukiulinnik suli uanniittunik qitornaqarlunga. ...

Tamanna ilutigalugu nunap ilaani immikkoortortaqarfimmut pisortap ...-p oqaaseqaataa imaattoq, ineqarnermut tapiissutinik pisimagaluarumaluunniit akiligassanut kinguaattoorutima matussutissinnissaannut naammangitsut, naammagittaalliuutiginiarpara, tassami taassuma akiligassanut kinguaattoorutinik, januarimut, februarimut martsimullu ineqarnermut tapiissutit, taamani kisimiillunga pilersuisuunerma nalaani ineqarnermut tapiissutinit 1.160,- kr.-nit annerusussaasimasariaqaraluartut kingornagut akiliisinnaassuseqannginnera nalilersortussaannngilaa. ...

Oqaatigitsiarneqassaaq atuartsinerma nalaani viceværti attartukkamik atorunnaarsitsineq pillugu allakkanik aggiussimmat aamma tuparujussuarama, naggataatigullu annilaarsimaqalunga sivisoqisumik perusuersartarfimmi issiasariaqarsimalunga, ullullu atuartsiffigisama sinnerani isumatsassimaannavillunga. Allakkat agiuppai nal. 9.30!” (Atorfeqarfimmi nutsigaavoq.)

*Matuma kingornagut ima oqaaseqaateqarsimavunga:*

*”Attartukkamik atorunnaarsitsineq pillugu.*

*Inissianik attartorneq pillugu Inatsisartut peqqussutanni § 53, imm. 1, nr. 1 malillugu ineqarnermut, kiassanermut qularnaveeqqusiissutinulluunniit akiligassat akilerneqanngippata attartortitsisup attartornermik isumaqatigiissut atorunnaarsissinnaavaa.*

*Peqqussummi § 56, imm. 3 malillugu Naalakkersuisut Namminersorne-rullutik Oqartussat kommunillu inissiaataanni attartortittakkani attartortitsineramik atorunnaarsitsinerma maleruagassanik aalajangersaassapput.*

*Aalajangersakkamik kingulliullugu taaneqartumik tunngaveqarlutik Naalakkersuisut Namminersorne-rullutik Oqartussat kommunillu inissiaataanni attartortuujunnaarsitsisarneq pillugu nalunaarummi nr. 8-mi, 2. april 2002-meersumi ilaatigut imaattunik aalajangersaapput:*

*”§ 1. Attartortitsisup attartornermik isumaqatigiissut atorunnaarsissavaa ineqarnermut akiliutissaq, kiassarnermut akiliutissaq imaluunniit qularnaveeqqusiis-*

sutitut akilersuut akileriigassaagaluaq isumaqatigiissulluunniit malillugu akiliutis-saq akileqqullugu allaganngorlugu peqqusissutip tigungneraniit ulluinnaat pingasut qaangiunneranni akilerneqarsimangippat.

Imm. 2. Attartornerup atorunnaarsinneqarnera pitinnagu pissutsip ihuarsineqar-nissaanik attartortoq allaganngorlugu peqqusissuteqarfigineqassaaq, tak. § 4.

...

§ 5. Allaganngorlugu peqqusissut piffissaliussap, tak. §§ 1, 2 aamma 7, nal-linnginnerani malinneqangippat attartortitsisup attartornermik isumaqatigiissut utaqqisitsinani atorunnaarsissavaa."

Tamatumunnga peqatigitillugu inissiaatileqatigiiffiup Namminersorne-rullutik Oqartussat kommunillu sinnerlugit ineqarnermik aqutsinera inger-latsinermi oqartussaannermik suliaqarnertut isigisariaqarpoq, tak. A/S Inis-siaatileqatigiiffik INI-mi suliaassat suliarineqartarnerat paasitinneqarsin-naatitaanerlu pillugit Namminersornerullutik Oqartussat nalunaarutaat nr. 37, 19. december 1996-imeersoq.

Inissiaatileqatigiiffimmut oqaaseqaatinni 26. maj 2003-meersumi (jour-nalnormuliussara 11.20.24.01/098-02) inissiaatileqatigiiffiup ingerlatsi-nermi oqartussaasutut sulineranut inatsisitigut tunngaviusoq immikkut it-tumik nassuiaateqarfigisimavara.

Tassani pineqartoq tassaavoq inissiaatileqatigiiffiup ineqarnermik aqut-sinera Namminersornerullutik Oqartussat kommunillu inissiaataannik at-tartortittakkanik aqutsinermut malittarisassanik immikkut ittunik aalaja-ngersaasoqarsimanageratut annertutigisumik inatsisitigut immikkut ittumik tunngaveqarnissamik piumasaqaateqarfiusoq. Piumasaqaatip taassuma imarisai suliamut pineqartumut tunngasumik matuma kinguliini nassuias-savakka.

Inissianik attartorneq pillugu Inatsisartut peqqussutaanni malittarisas-sat, pisortat taamatullu namminersortut inissiaataannut attartortittakkanut tunngasumik atorineqartartut, malittarisassaapput inuit ataasiakkaat akor-nanni inatsiseqartitsinermi malittarisassatut pissusillit.

Malittarisassanut taakkununnga ilaavoq attartortitsineq pillugu peqqus-sutip §-iisa 53-iat, attartornermut akiliummik akiliinnginnermi atorun-naarsitsisinnaatitaaneq pillugu imarisamigut Namminersornerullutik Oqartussat ineqarnerup suliaasaqarfiunerani oqartussaaffimmik malittari-sassanik aalajangersaasartumik naalagaaffimmit 1987-imi januaarip aal-laqqaataani tigusinerisa kingornagut Kalaallit Nunaanni attartorneq pil-lugu peqqussutip siulliup kingorna allanngorsimangilaq. Naalagaaffiup attartortitsinermi periaatsimini qallunaat attartornermut inatsiseqartitsi-neranni tunngavigisassat malissimavai, tak. inissanik pilersuineq, bolig-støtte, inissanik attartortitsineq il.il. pillugit inatsisissamut, kingusi-nerusukkut Kalaallit Nunaannut inatsisinnngortumut nr. 944-mut, siunner-suummi § 2-mut oqaaseqaatit.

Attartornermik peqqussutip §-iisa 53-iat imarisamigut attartortitsisup atorunnaarsitsisinnaatitaanera pillugu qallunaat attartornermik inatsi-saata malittarisassartaanut naapertuuppoq.

*Tamatumunnga peqatigitillugu inissianik attartortitsineq pillugu Inatsisartut peqqussutaannut nr. 3-mut, 20. juni 1989-imeersumut siunnersuummut oqaaseqaatinin nalinginnaasunit imaattut erserput:*

*”Aalajangersakkani ataasiakkaani taaguutit ilaatigut atorneqarput, soorlu ”illu inillu taassumaniittut”, imaluunniit ”attartortoq” imaluunniit ”attartukkamik allamut attartortitsineq” sordiaanerili annertunerusumik nassuiaasersornagit, taamaaliordermi pissutaavoq oqariartaatsit taakkununga tunngasut assigiinngitsut inatsisunik oqaasertalersueriaatsimi eqqartuusseriaatsimilu taagueraatsinut assigiinngitsunut arlalissuanngorlugit atugaatinneqartanngimmata.”*

*Aammattaaq kalaallit attartorneq pillugu peqqussutaat siulleq attartorneq pillugu peqqussummik suliarinninnermut atatillugu ajornartorsiuteqarfiusunut nassuiaammik Naalakkersuisunit 17. oktober 1987-imi suliarineqarsimasumik 1987-imilu ukiakkut ataatsimiinnermi Inatsisartunut saqqummiunneqarsimasumik tunngaveqarpoq, nassuiaatillu attartukkamik atorunnaarsitsineq pillugu immikkoortortaanit imaattut erserput:*

*”Naalakkersuisut pilersaarutigaaq isumaqatigiissummik eqquutitsinngitsoornermut tunngatillugu maleruaqqusat atuutsiinnarnissaat, tassa attartortitsisoq pisinnaatinneqarmat attartornermi isumaqatigiissut atorunnaarsissinnaallugu piaarnerpaamik, assersuutiginnarlugu attartortup illumut akiliutissani akilersimannngip-pagu, naak akileeqquneqarluni nalunaarfigineqartarsimagaluarluni. ...”*

*Attartorneq pillugu peqqussutip §-iisa 53-iannut tunuliaqutaasoq allaaserineqartoq eqqarsaatigalugu isumaqarpunga Inatsisartut siunertarisimagaat inatsisitigut isumasiuinerit attartorneq pillugu peqqussummi atorneqartut taakku qallunaat attartorneq pillugu inatsisaanni isumasiuinerit taakkuusut assingannik periaaseqarluni nassuiarneqassasut, attartorneq pillugu peqqussummut oqaaseqaatigineqartut allamik taasaqannginnerattut annertutigisumik.*

*Attartornermik atorunnaarsitsineq pillugu malittarisassanut tunngasumik nassuiaammi 1987-imeersumi, attartorneq pillugu peqqussummut siullermut (1989) tunngavissiiisumi, toqqartumik oqaaseqaatigineqarpoq naalagaaffiup suliassaqarfiusumik ingerlatsineranit inatsisitigut pissutsit maannamut atuuttut ingerlateqqinneqartussaasimasut.*

*Taamaammat isumaqarpunga attartorneq pillugu peqqussutip atuuttup attartukkamik atorunnaarsitsineq pillugu malittarisassartai qallunaat attartornermut inatsiseqartitsinerat naapertorlugu paasineqartariaqartut.*

*Qallunaat inatsisaat malillugu akiliinissamik sumiginnaaneq suugaluar-torluunniit attartorneq pillugu inatsimmut aallaavittut ilaavoq pingaaruteqartoq atorunnaarsitsinissamullu tunngavilersuutissaasoq, pissutsinik immikkut ittunik piousoqanngikkaangat. Paasinninneq taanna aammattaaq At-taveqarnermut Ineqarnermullu Pisortaqarfiup suliame allami tunngavigisimavaa, tak. pisortaqarfiup uannut allagai, j.nr. ..., 5. februar 2003-meersut, assilineri pisortaqarfiup inissiaatileqatigiiffimmut nassiuissimasai.*

*Suliami pineqartumi matumani 2003-mi januarip aamma februarip qaammataannut attartornermut akiliutissat akilerneqartussanngorsimasut piffissaliussap naanerani akilerneqarsimanngillat, taamaattumillu inuit ataasiakkaat akornanni inatsiseqartitsinermi piumasarisat attartorneq pillugu peqqussutip §-iisa 53-ianniittut attartukkap atorunnaarsinnissaanut pioreerlutik.*

*Oqaatigineqartutulli Namminersornerullutik Oqartussat kommunillu inissiaataanni attartortittakkani attartukkamik attartortuujunnaarsitsiner-mut malittarisassanik immikkut ittunik aalajangersaasoqarsimavoq.*

*Malittarisassat taakku nassataarat illuutini/inissiaatini taakkunani at-tartornermik atorunnaarsitsineq ingerlatsiner-mut inatsiseqartitsineq naa-pertorlugu aalajangiinerusoq.*

*Taamaattumik inissiaatileqatigiiffiup inuit ataasiakkaat akornanni inat-siseqartitsineq naapertorlugu atorunnaarsitsissamut piumasarisasaasut naammassineqarsimanerannut innersuussiinnarluni attartorneq atorun-naarsissinnaanngilaa.*

*Taamaammat inissiaatileqatigiiffik ilaatigut nalunaarutip maleruagas-sartai aalajangersakkat ilaatigullu suliaasat suliarineqartarnerat pillugu inatsisip aammalu ingerlatsiner-mut inatsiseqartitsinermi tunngaviullutik najoqqutassat, suliaasat suliarineqartarnerat pillugu inatsisip saniatigut atuuttut eqqortinnissaannut pisussaaffeqarpoq.*

*Taamaattumik pissutsit nalunaarummit ersersut imaannerat, attartortup attartornermut akiliutip ilaalu ilanngullugit akiitsukkami akilernissaanik sumiginnaanerani attartortitsisup attartornermik isumaqatigiissut "ato-runnaarsissagaa", matumanna naleqqussarneqartariaqarpoq inissiaati-leqatigiiffik attartornermik isumaqatigiissutip atorunnaarsinnissaa pillugu atorsinnaassusilimmik aalajangiisinnaanngitsoq, ingerlatsiner-mut inatsi-seqartitsiner-mi malittarisassat eqquutitinneqarsimanngippata.*

*Ingerlatsiner-mut inatsiseqartitsiner-mi tunngavissaq taamaattoq tassaavoq inissiaatileqatigiiffiup isumagissagaa ingerlatseqatigiiffiup aalaja-ngiilinnginnerani suliaq naammaginartumik annertussusilimmik qulaajar-neqarsimassasoq.*

*Suliaq naammangitsumik paasissutissartalersorneqarnera aallaavittut aalajangiinerup (atorunnaarsitsinerup) atorsinnaassuseqannginneranik nassataqartussaavoq.*

*Tamatumunga atatillugu apeqqutaalerpoq inissiaatileqatigiiffik attar-tukkamik atorunnaarsitsinnginner-mi attartortup ineqarner-mut tapiissu-tinik eqqortunik tigusaqarsimanerata misissornissaanut pisussaaffeqar-nersoq.*

*Uanga isumaga malillugu tassani pineqartoq tassaavoq pissutsit imaammata, inissiani attartortittakkani ineqarner-mut tapiissutit pillugit Inatsisartut peqqussutaat nr. 3, 31. maj 2001-imeersoq malillugu ineqar-ner-mut tapiissutinik aqutsinerup nassatarigaa, attartortoq ineqarner-mut*

tapiissutininik pisussaatitaanersoq inissiaatileqatigiiffiup misissortussaangikkaa.

Paarlattuanilli tassani pineqarpat attartortup ineqarnermut tapiissutininik pisartagaqartinneqarnera inissiaatileqatigiiffiup ilisimagaa, kommunilli ineqarnermut tapiissutit inissiaatileqatigiiffimmut tunniussimanngekai, taava uanga isumaga malillugu inissiaatileqatigiiffik attartornerup atorunnaarsinneqannginnerani pisussaavoq misissussallugu akiliinngitsoorneq kommunip tungaanit kukkunermik tunngaveqarnersoq, taamaassimappat kukkunermik naqqiinerup nassatarissappagu, attartortup sumiginnaanera pingaaruteqanngitsoq tamatumuunakkullu atorunnaarsitsinissamut tunngavissinani.

Taamatut misissuineq kommunip tusarniaaviginissaanut imaluunniit attartortup suliami illua tungiusutut tusarniaaviginissaanut pisussaaffeqarnermik nassataqarsinnaassaaq, tak. suliaasat suliarineqartarnerat pillugu inatsisip tamanna pillugu malittarisassartai.

Suliami pineqartumi matumani pineqartoq tassaavoq inissiaatileqatigiiffik ingerlaavartumik, 1. juli 2001-imiilli A-p ineqarnermut akiliutaanut ineqarnermut tapiissutininik K Kommunimit tigusaqartarsimasoq, kommunilli ineqarnermut tapiissutininik akiliisarneri 2003-mi januarimit taamaattissimasut.

Aammattaaq tassani pineqarpoq A matuma kingornagut attartukkap 13. marts 2003-mi atorunnaarsinneqarnera sioqqullugu ineqarnermut akiliummik qaammammoortumik 4.055 kr.-nik akiliisimanngitsoq.

Inissiaatileqatigiiffik peqqusissutit nassiunneqannginneranni A-p ineqarnermut tapiissutininik qaammammumut 1.160 kr.-nik amerlassusilinnik 2003-mi martsip aallaqqaataanit decembarip 31-anut pisartagaqarnissaminik akuerineqarnera pillugu nalunaarummik 24. februar 2003-mi tigusaqarsimavoq.

Ilisimatitsissutigineqartut malillugit A attartukkap atorunnaarsinnissaa sioqqullugu attartukkamut akiliutinut kinguaattoorutit kommunip ineqarnermut tapiissutininik kukkusumik akiliisimannginneranik tunngaveqarnerat pillugu inissiaatileqatigiiffimmut saaffiginnissuteqarsimanngilaq.

Pisumi pissutsit taamaattut innersuussutigalugit inissiaatileqatigiiffiup allakkani 13. marts 2003-meersuni A-p attartugaanik attartorunnaarsitsinerata isornartorsuinissamut pissutissaqalersissinnaanngilaannga.

Kisimiilluni apeqquतालerpoq A-p e-mailerutaata 13. marts 2003-meersup atorunnaarsitsineq pillugu suliap nangeqqinnissaanut inissiaatileqatigiiffik pissutissaqalersittariaqannginneraa.

E-mailerummi tassani, issuaaffiginiarnagu toqqarsimasanni, A-p inissiaatileqatigiiffik ilisimatippaa siusinnerusukkat kommuni ineqarnermut tapiissutininik qinnuteqaateqarfigisimallugu inissiaatileqatigiiffillu qinnuigalugu kommuni kukkussuteqarsimanersoq misissorneqareerserlugu suliaq unitsikkallanneqassasoq.



*Qaammamoortumik ineqarnermut tapiissutit appasippallaarnerat A-p e-mailerutimini eqqaanngilaa.*

*A-p saaffiginnissutaa inissiaatileqatigiiffiup allakkani 5. juni 2003-meersuni akissuteqarfignaa kommunillu ineqarnermut tapiissutinik akuersissuteqartarneranut innersuussilluni inissiaatileqatigiiffiullu ineqarnermut tapiissutinik akuersissuteqannginnermik eqqarsaatiginnittariaqannginnera innersuussutigalugu suliap nangeqqinneqarnissaa itigartitsissutigalugu.*

*Aningaasat 1. marts 2003-mi akuersissutigineqartut qaavisigut ineqarnermut tapiissutinik 2003-mi januarimut februarimullu kingumoortumik akuersissuteqarsinnaanissaata akiligassanut kinguaattoorutininik pineqartunik matussutissiisinnaassannginnerat, soorlumi aamma inissiaatileqatigiiffiup akissutaanit tamanna ersersoq, eqqarsaatigalugu isumaqarpunga A-p e-mailerutaa 13. marts 2003-meersoq pissutigalugu inissiaatileqatigiiffiup suliap nangeqqinnissaanut pisussaaffeqarsimasorinissaanut naammattumik tunngavissaqanngitsaq.*

*Taamaattorli tassani pineqarpoq inissiaatileqatigiiffiup akissutaa 5. juni 2003-meersoq ingerlatsinerimut inatsiseqartitsineq naapertorlugu aalajangiinerusoq, tassami inissiaatileqatigiiffik suliap nangeqqinneqarsinnaanerani isummerfiginnimmat.*

*Taamaattumik inissiaatileqatigiiffiup A-mut akissummini suliassat suliarineqartarnerat pillugu inatsisit tunngavilersuinissamut malittarisassartai eqquutittussaavai.*

*Suliassat suliarineqartarnerat pillugu inatsimmi § 24, imm. 2 malillugu tunngavilersuut paasissutissat suliame pissusiviusunut tunngasut aalajangiinerimi annertuumik pingaartinneqartut pisariaqarpat tunngaviusumik nalunaarummi naatsumik erseqqissarneqarnerannik imaqaassaaq.*

*Taamaattumik uanga paasinninnera malillugu eqqortuunerpaajusimasagaluarpoq inissiaatileqatigiiffiup suliap nangeqqinneqarnissaanik itigartitsissummini innersuussuteqarsimagaluarpat, ineqarnermut tapiissutinik 2003-mi januarimut februarimullu akuersissuteqaaqqinneq attartukkap atorunnaarsinneqarnera pillugu aalajangiinerimut sunnuteqartussaannngitsut.*

#### *Attartukkamik atorunnaarsitsinerimik nalunaarut pillugu.*

*Suliassat suliarineqartarnerat pillugu inatsisit ingerlatsinerimut inatsiseqartitsineq malillugu aalajangiinerimik nalunaaruteqarnermi ilusissat pillugit malittarisassanik imaqaanngilaq.*

*Aalajangiinerilli ingerlatsiviup nipangiussisussaataanerani pillugu malittarisassanik unioqqutitsinerimik (imaluunniit unioqqutitsisoqarnissaanik aarlerinaateqartut) nassataqartumik periaaseqarluni nalunaarutigeqqusaanngillat, tak. suliassat suliarineqartarnerat pillugu inatsimmi § 27, imm. 1, tassani ima allassimasoqarluni:*

”§ 27. Pisortat ingerlatsiviini suliffilik allanut tusarliussisussaataaangilaq, tak pinerluttuliorneq pillugu inatsisini § 29, suna ilisimasaq inatsisitigut imaluunniit aalajangersakkakut atortuusukkut allakkut tassaaneragaappat allanut oqaatigeqqunngisaaq, imaluunniit aamma pisariaqarpat isertuutissallugu pisortat inuinaalluunniit soqutigisaat pingaaruteqartut pissutigalugit, aamma pingaartumik makku pissutigalugit ...

6) inuit ataasiakkaat imaluunniit ingerlatsiviit namminersortut imaluunniit peqatigiiffiit imminnut tunngasut, tamakkununga ilanngullugit aningaasarsiornermut tunngasut, pillugit paasisutissanik illersuimallutik soqutigisaat,

...”

Aammattaaq inissiaatileqatigiiffik ingerlatsinermi ileqqorissaarnermik eqqortitsisussaavoq, tamatumunnga aamma innuttaasunik inussiarnersumik ataqinnittumillu sullissineq ilaalluni.

Eqqartuussutinik naammassisitsiniaasartut sulinerat pillugu innuttaasunut nalunaaruteqartarnernut atatillugu ajornartorsiuteqarfusoq pillugu siornatigut oqaaseqaateqarsimavunga, tak. ukiumut 1999-imut tunngasumik nalunaarutinni, suliaq 04-1, tassungalu aamma innersuussivunga.

Inissiaatileqatigiiffiup uannut 1. juli 2003-mi akissummini uppersarparaa K-mi ileqqusoq attartukkanik attartorunnaarsitsinernik nalunaarutit attartortut suliffiitut inissiaatileqatigiiffiup allaffimmiuinit aanneqartartut.

Aammattaaq maluginiarpara ajornartorsiuteqarfusoq pillugu inissiaatileqatigiiffiup K-mi immikkoortortaarfianit ingerlatseqatigiiffiup K-mi nunap immikkoortortaani allaffianut, tusarniaaninnut akissuteqartumut, allakkiaanit imaattut ersertut:

”... attartukkamik attartortuujunnaarsitsinermik inissiaatileqatigiiffiup A-mut nalunaaruteqarnerani periaaseq allaaserineqartoq pissutsinut naleqqulluinnarpoq. Nukingisaarutit attartorunnaarsitsinerillu inissiat allaffiini sulisunit aanneqartarput, tamannalumi aamma sulinerup nalaani pisarpoq, maanilu illoqarfimmi tamatta immitsinnut ilisarismagatta inissiat allaffiini sulisut allakkanik attartortut suliffiitut aatsisarput, pineqartorlu soorunalimi attartortuujunnaarsitsinermik allakkat tunniussinnaajumallugit taassuma suliffianut saaffiginnissimavoq.” (Atorfeqarfimmi nutsigaavoq.)

Oqaatigineqartut siullermik matuminnga malugeqqusinissannut pissutissaqalersippaangga, tassalu peqqusissutit pillugit allakkanik nalunaarutiginninnermi periaasiusoq allaaserineqartoq inatsimmi tunngavissaqanngitsoq, tak. Namminersornerullutik Oqartussat kommunillu inissiaataanni attartortittakkani attartortuujunnaarsitsisarneq pillugu Namminersornerullutik Oqartussat nalunaarutaanni nr. 8-mi, 2. april 2002-meersumi § 4, imm. 3, tassani ima allassimasoqarluni:

”Imm. 3. § 1, imm. 1. § 2, imm. 2 aamma 3 aammalu § 7, imm. 3 naapertorlugit allaganngorlugu peqqusissutit attartortumut nassiunneqassapput allakkatut tam-

*marnaviikkatut imaluunniit inissiap sumiiffianut allakkisartukoorlugit tunniunneqassapput. Allakkat tammarnaviikkat imaluunniit allakkat tunniunneqarnerinut allakkisartup allaganngorlugu nalunaarutaanik tigusaqarnermut attartortup uppernarsaanera tassaavoq allaganngorlugu peqqusissutip apuunneqarsimaneranut attartortitsisup uppernarsaataa. § 2, imm. 2 naapertorlugu allaganngorlugu peqqusissut amngussimassaaq taanna allakkisartumit inissiap sumiiffianut tunniunneqarsimagaangat. (Oqaaseqatigiit kingulliit marluk kalaallisuumngortinneqarsimanngimmata Atorfeqarfimmi nutsigaapput.)*

*Nalunaarummit ersinngilaq nalunaaruteqariaaseq taassuma assinga attartukkamik atorunnaarsitsineq pillugu aalajangiinernik nalunaaruteqarnerni atorineqartussaannersoq.*

*Inissiaatileqatigiiffiup nipangiussisussaataitanermik ingerlatsinermilu ileqqorissaarnissamik malittarisassanik tamanut tunngasunik eqqutitsisussaanerata uanga isumaga malillugu nassataraa atorunnaarsitsinermik allakkat allakkisartumut aatsinneqarnerat, tamatumani allakkanik tigusi-sussaq, allakkanik tiguisussap suliffiani, allakkat tiguneri uppernarsarlugit atsiortussaalluni, pinngitsoornani inatsisinik unioqutitsinerussasoq.*

*Pisup ima pissuseqarnerata, inissiaatileqatigiiffiup allaffimmiuisa namminneq allakkanik tiguisussat ilisarimasussaallugit, taamatut periaaseqarneq tunngavississinnaanngilaa. Paarlattuanilli tamanna ingerlatseqatigiiffiup sulinerata ingerlanneqarneranut atatillugu immikkut mianersortuunissamat kaammattuutaasariaqarluni.*

*Taamaattumik isornartorsiortariaqarsoraara inissiaatileqatigiiffiup A-p attartugaanik atorunnaarsitsineq pillugu aalajangiinermik nalunaarut A-p suliffianut aatsissimammagu.*

*Tamanna ilutigalugu isumaqarpunga inassuteqaatigisariaqarlugu inissiaatileqatigiiffiup attartukkamik atorunnaarsitsineq pillugu aalajangiinernik nalunaaruteqarnerni periaatsimik, peqqusissummik nalunaaruteqarnermut malittarisassanut naapertuuttumik, siunissami atuisassasoq.*

*Allakkat uku assilinerannik immikkullu allagaqarnikkut A suliamik paasinninnera pillugu paasissutissippara.”*

*Inassuteqaateqarninnut akisummik ukiup nalunaarusiuunneqartup naanerani inissiaatileqatigiiffimmit tigusaqarsimanngilanga.*

## 28. Ineqarnermut akiligassat akilinngitsuukkat.

1. **Attartukkamik atorunnaarsitsinermit piumasaqaatit. Nuunnermi aningaasartuutunik akiliisitsineq attartukkamillu atorunnaarsitsinerup kingornagut attartorneq. Akiliummik akiliisitsineq inatsisitigut tunngavissaqartinneqanngitsoq.**

*Suliami, inuttaasup A-p attartukkamik atorunnaarsitsinermit atatillugu A/S Inissiaatileqatigiiffik INI-p suliamik suliaqarsimanagera pillugu Ombudsmandimut naammagittaalliuuteqarfigisaani, inissiaatileqatigiiffiup A-p attartugaanik atorunnaarsitsisimaneranik isornartorsiussalluni Ombudsmandip pissutissaqarsorisimavaa, tassami atorunnaarsitsinissamut piumasaqaatit Namminersornerullutik Oqartussat kommunillu inissiaataannit attartortittakkanit anisitsisarneq pillugu nalunaarummi nr. 60-imi, 29. december 1994-imeersumi § 3-miittut naammassineqarsimannngimmata.*

*Matuma saniatigut Ombudsmandi isumaqarpoq inissiaatileqatigiiffiup inissianik attartorneq pillugu inatsisartut peqqussutaanni (1994-imeersumi) § 33, imm. 5, attartukkap taamaatinneqarnerani attartortup ineqarnermut akiliummik akiliinissaminut pisussaaffeqarneranut tunngasoq, kukkusumik paasisimaga.*

*Aammattaq inissiaatileqatigiiffiup nuunnermut tunngasumik naatsorsuusiata akilerneqarnissaat pillugu aalajangernermini tunngavilersuutigisaa amigaateqartut Ombudsmandip isumaqarfigaa, taamatuttaarlu soorlu aamma Ombudsmandi isumaqartoq inissiaatileqatigiiffiup nuunnermi aningaasartuutunik 15.901 kr.-nik, aningaasartuutit taama annertussusillit A-mit akilersinnissaasa naleqquttuunerannik nalileeqaarnani, A-mut akileeqqusisimanagera kukkunerusoq.*

*Kiisalu inissiaatileqatigiiffiup inatsisitigut tunngavissaqarnani akiliummik akiliisitsisimanagera Ombudsmandip isornartorsiorpaa. (J.nr. 11.22.28.01/120-01)*

Attartukkap atorunnaarsinneqarneranut atatillugu inissiaatileqatigiiffiup suliamik suliaqarsimanagera A-p 9. november 2001-imi allaffinnut nammineq ornigulluni naammagittaalliuutigaa.

A-p attartukkamit anisinneqarnerata ingerlasimanageranik misissuinissara itigartitsissutigissallugu aalajangerpunga, taamaattorli tamatumunnga peqatigitillugu attartukkap atorunnaarsinneqarnera pissutissaqarsimanagerasoq, kiisalu attartukkap atorunnaarsinneqarnerata kingorna A-p inissiaatileqatigiiffimmut akiligassaasa naatsorsorneqarnerat eqqortuussimanagerasoq misissorniarlugit aalajangerlunga.

Misissuina apeqquutit makku ilanngullugit annertusineqassasoq allak-  
katigut 8. april 2003-meersutigut aalajangerpunga:

- 2001-imi decemberip qaammataani ineqarnermut akiliutit A-mut akileqquneqarsimanerat,
- attartorneq pillugu peqqussummi (1994-imeersumi) § 33, imm. 5-imi annaasassat killilersimaarneqarnissaannik pisussaaffeqarneq inissiaatileqatigiiffiup qanoq iliorluni malissimaneraa,
- Inissiaatileqatigiiffiup pisassarissassaa naatsorsorneqarnerannik inissiaatileqatigiiffiup A-mut ilisimatitsinera, aamma
- pequtinik poortuinnermut aningaasartuutunik 15.901 kr.-nik inissiaatileqatigiiffiup akileqqusinera.

Allakkani 6. august 2003-imeersuni makku misissorniarlugit aamma aalajangerpunga:

- Inissiaatileqatigiiffiup attartukkamik atorunnaarsitsinermini Namminersornerullutik Oqartussat kommunillu inissiaataannit attartortittakanit anisitsisarneq pillugu Namminersornerullutik Oqartussat nalunaarutaanni nr. 60-imi, 29. december 1994-imeersumi § 3, imm. 1, nr. 1 malissimaneraa, aamma
- A-mut allakkanut nukingisaarutitut 20. juli 2001-imeersunut atatilugu nukingisaarinnermi akiliutit akileqqunissaannut pissutissaqarsimanersoq.

Suliap ingerlanera imaappoq:

A-p ineqarnermut akiliutit 4.576,96 kr.-t 28. juni 2001-imi akilerpai, inissiaatileqatigiiffimmullu akiitsuereulluni.

Inissiaatileqatigiiffiup ineqarnermut akiliutinik kiassarnermullu akiliutinik akileeqqusissutai naatsorsuutitut 1. juli 2001-imi nalunaarsorneqarput, katillugit 2.877 kr.-nik aningaasartallit, taamaalilluni attartortup kontoani takuneqarsinnaalerluni aningaasat taakku inissiaatileqatigiiffiup A-mit pissarigai.

Aningaasat, nukingisaarinnermut akiliutinik 87 kr.-nik ilallugit, akilernerneqarnissaat inissiaatileqatigiiffiup 20. juli 2001-imi imatut nukingisaarutigaa:

”Pineqartoq: Attartugaq ... .

Attartornermut akiliutit misissorneranni paasineqarpoq, qulaani taaneqartumi attartorinnermut akiliutinik nalunaarsuisoqarsimanngitsaq, taamaalilluni attartornermut il.il. akiitsoqalersimavutit amerlassuseqartunik kr. 2.877,00.

Akiititut nukingisaarinnermullu akiliut ilanngullugu kr. 87,00 inissiaatileqatigiiffimmu akileqquneqarput kingusinnerpaamik 03.08.2001.

Ineqarnermut akiligassaq akileereersimagukku allagaq una eqqarsaatigissannigilat.”

Inissiaatileqatigiiffiup ineqarnermut akiliutinik kiassarnermullu akiliutinik akileeqqusissutai naatsorsuutitut 1. august 2001-imi nalunaarsorneqarput, katillugit 2.877 kr.-nik aningaasartallit, taamaalilluni attartortup kon-

toani takuneqarsinnaalerluni aningaasat 5.841 kr.-t inissiaatileqatigiiffiup A-mit pisassarigai.

2.877 kr.-t attartukkamut 10. august 2001-imi akilerneqarput. Akiliutit taakku inissiaatileqatigiiffiup attartortumut kontoani imatut nalunaarsorneqarsimapput: "...10/08".

Akiitsut naatsorsuutini nalunaarsorneqartut tamatuma kingorna 2.964 kr.-iulerput.

Inissiaatileqatigiiffiup attartornermut atatillugu piumasaqaat imaattoq A-mut 13. august 2001-imi nassiuppaa:

"Pineqartoq: Attartugaq ... .

Inissianik attartortitsineq attartornermillu isumaqatigiisummi akiliinissamut piffissaliussatut aalajangersakkat pillugit Inatsisartut peqqussutaanni § 5 aamma 22 naapertorlugit nukingisaarummik allagaqartoqareeraluartoq ineqarnermut akiitsut sulii akilerneqarsimanngimmata, matumuuna nalunaarutigineqassaaq, inissianik attartortitsineq pillugu Inatsisartut peqqussutaanni § 33 naapertorlugu attartornermut akiitsut 5.841,00 nukingisaarneqarnermut akiliut kr. 146,00 ilanngullugu akilerneqanngippata, attartorneq ingerlaannaq qimanneqartussanngorlugu atorunnaarsinneqassasoq.

Akiitsut akilerneqarnissaat siunertaralugu Inissiaatileqatigiiffiup immikkoortotaqarfianut saaffiginequllutit qinnuigineqarputit, kingusinnerpaamik 27.08.-2001."

Aammattaq allakkanit taakkunannga erserpoq allakkat assilineri kommunip isumaginninnermik ingerlatsivianut nassiunneqarsimasut.

A-p attartugaa inissiaatileqatigiiffiup allakkatigut 28. august 2001-i-meersutigut ukunatigut atorunnaarsippaa:

"Pineqartoq: Attartugaq ..., Inissiaq ... attartortitsinermik atorunnaarsitsineq:

13.08.2001-mik ullulerlugu inimik attartornermik, akiliinissamillu tuavisaaruteqarnermi ilassummik il.il. akiliinissamik peqqussut, katillugit kr. 3.110,00-iusut malinneqarsimanngimmata, aammalu akilersuinissamik isumaqatigiissusiortoqarsimanngimmat, attartornermut atatillugu inatsisartunit peqqussusiaasumi §§ 5, 22 aamma 33-imi allassimasut tunngavigalugit, matumuuna nalunaarutigineqassaaq attartortitsineq maannangaq atorunnaarsinneqarmat.

Ini attartugaasoq qimanneqarsimassaaq, pigisat annissorneqareersimassallutik, ini attartugaq eqqiareerneqarsimassalluni inigisamullu matuersaatit immikkoortotaqarfimmut tunniunneqareersimassallutik kingusinnerpaamik 06.09.-2001. Inissiamik misisuiartortoqassaaq ulloq 07.09.2001. Attartornermi akiliut 07.09.2001 tikillugu akilerneqassaaq."

Ineqarnermut akiliutit kiassarnermullu akiliutit akilerneqartussanngorsimasut 2.877 kr.-t naatsorsuutini 1. september 2001-imi nalunaarsorneqarput.

A-p anisinneqarnissaanik qinnuteqaat imaattoq inissiaatileqatigiiffiup politiinut 19. september 2001-imi nassiuppaa:

"Anisitsinissamik qinnuteqaat

A/S Inissiaatileqatigiiffik INI-p piginnittoq sinnerlugu eqqartuussisarneq pillugu inatsimmi kapitali 7 tunngavigalugu matumuuna qinnutigissavaa attartukkami ...-miittumi najugaqartoq A anisinneqassasoq, tassami attartukkamut qaammatit marluk sinnerlugit ineqarnermut akiliutinut akiitsoqarmat, attartugarlu atorunnaarsinneqartoq nammineq piumassutsi malillugu qimassimannimmagu.

Qinnuteqaammut uppersaaitut ilanngunneqarput:

Attartornermi isumaqatigiissutip 18. april 2000-imeersup assilinerat.

Piumasaqaateqarluni allakkat 13. august 2001-imeersut assilinerat.

Atorunnaarsitsinermi allakkat 28. august 2001-imeersut assilinerat.

Pequtit pisariaqarpat inini parnaarsimasuni illersorneqarsinnaasumik toqqortarineqassapput. Anisitsiniarnerup qaqugu ingerlanneqarniarnera piaarnerpaamik nalunaarutigeqquneqarpoq.” (Atorfeqarfimmi nutsigaavoq.)

A-p 2.877 kr.-t inissiaatileqatigiiffimmut 27. september 2001-imi akilerpai.

Ineqarnermut akiliutit kiassarermullu akiligassat allat akilerneqartusannngorsimasut 2.877 kr.-t naatsorsuutitut 1. oktober 2001-imi aammaataaq nalunaarsorneqarput.

Tamatuma kingorna anisitseqqusilluni qinnuteqaatip suliarineqarnera pillugu politiit allakkiaat 31. oktober 2001-imeersaq imaattoq allagaatinut ilaavoq:

”Illoqarfimmi K-mi/attartortup najugaani 31. oktober 2001-imi attartortitsisup qinnuteqarnera malillugu PINNGITSAALIILLUNI ANISITSINIARNEQ ingerlanneqarpoq.

Anisitsisoqarnissaanik qinnuteqaat 19.09.01-imeersaq kiisalu attartornermi isumaqatigiissut 180400-imeersaq tunngavittut atuussinnaassuseqartut saqqummiunneqarput. Ineqarnermut akiitsut 280801-imi naatsorsorneqarsimasut 3110,00 kr.-nik amerlassuseqarput.

Attartugaq akiitsoqarneq pissutigalugu atorunnaarsinneqarpoq.

Anisitseqqusisoq aggersarneqarsimannigilaq takussimananilu.

Attartortoq takkuppog.

Attartortoq ilisimatinneqarpoq attartugaq 311001-imit atorunnaartutut isigineqartoq, inissiarlu/illulu eqqiarneqarsimalluni kingusinnerpaamik 311001-imi nal. 1200 qimanneqarsimassasoq, kiisalu matuersaatit attartortitsisumut tunniunneqarsimassasut. Attartortoq ilisimatinneqarpoq pinngitsaaliilluni anisitsiniartoq attartortitsisoq peqatigalugu piffissaliunneqartup aqaguani attartukkamik misissuiartorniartut, attartugarlu piffissaq taanna nallertinnagu qimanneqarsimannigippat attartortoq taassuma akiligaanik anisinneqarniarpoq.

Eqqartuussisarneq pillugu inatsimmi kapitali 7, §§-it 18 aamma 22 malinneqarput.

Attartortoq oqaaseqaateqarnissaminut periarfissaqartinneqarpoq, nassuiaallunilu: Matuersaaserfik ullumikkut taarserneqarsimasoq. Inissiaq INI A/S-imut tunniunneqarsimasoq.

Attartortoq ilisimatinneqarpoq pequtinik toqqortarinnittoqarpat taakku INI A/S-ip toqqorsivianiissasut, taakkulu ullup anisitsiviup kingorna qaammatit pingasut qaangiutsinnagit aaneqareersimassasut, taamaaliortoqannigippat pequtit tuniniarneqassammata aserorterneqassallutilluunniit.

Pinngitsaaliilluni anisitsiniartoq tamatuma kingorna aalajangiivoq pinngitsaaliluniluni anisitsiniarneq tunngaviit qulaani taaneqartut tunngavigalugit naammassineqas-

sasoq, taamaattorli ullormi anisitsiviusumi attartortitsisoq inissiigallarfissamik piareersimatitsissalluni, tamanna ATTARTORTUP PINNGITSAALIILLUNI AKILII-SITSINIARNERMI MATUMANI kissaatigippagu.” (Atorfeqarfimmi nutsigaavoq.)

Aallakkiq taanna tamatuma saniatigut attartortup politiillu atsiorfis-saannik imaqarpoq. Allakkiq politiinit atsiorneqarsimavoq, A-milli atsiorneqarsimanani.

Ineqarnermut kiassarnermullu akiligassat akilerneqartussanngorsimasut 2.877 kr.-t naatsorsuutitut 1. november 2001-imi nalunaarsorneqarput, taamaalillutik inissiaatileqatigiiffiup pisassarisai ulloq taanna 8.864 kr.-nut naatsorsorneqarlutik.

Inissiaatileqatigiiffiup naatsorsuutaani uppenarsaatit malillugit A-p ulloq taanna, 1. november 2001-imi, aningaasat naatsorsorneqarsimasut taaku akilerpai.

Inissiaatileqatigiiffiup iluani atugassatut allakkiq 10. november 2001-i-meersoq malillugu inissiamit nutserneq naatsorsuusiorneqartussaavoq, inissiallu misissorneqarnera pillugu nalunaarusiortoqassalluni.

Allakkiap ulloq taanna allattuiffigineqarsimaneranit erserpoq inissiaq i-maarneqarsimasoq misissorneqarnissamullu piareerneqarsimasoq, ”sana-sullu matuersaaserfiat” ikkunneqarsimasoq.

Pequtinik nutserisartoqarfiup inissiamik imaarseqqullugu inissiaatileqatigiiffiup inniminersimasaata akiligassat allagartaat imaattoq inissiaatileqatigiiffimmut 12. november 2001-imi nassiuppaa:

”PEQUTINIK POORTUINEQ, PEQUTIT ...-MUT A-MIK NALUNAAQUT-SERLUGIT INGERLANNEQARPUT (POORTUINERMI ALLATTUIFFIK I-LANGULLUGU NASSIUNNEQARPOQ).

401	5 TIIMIT BIILERNEQ	450,00	2.250,00
301	51,00 TIIMIT NUTSERINERMUT	215,00	10.965,00
106	1,00 STK MADRASPOSE 200X220 CM. 0,	34,25	34,25
107	1,00 STK BOBLEPLAST – 100 METER R	1.095,00	1.095,00
110	3,00 ISSIAVINNUT KARSI 1000X550X650 M	68,25	204,75
113	23,00 STK PAPPASSE 58X38X37 M	30,00	690,00
114	12,00 STK PAPPASSE 440X340X30	20,00	240,00
117	9,00 RL. TAPE 50/66 AKIMUT ERSITTOQ	18,00	162,00
119	13,00 KG. POORTUUSSIAQ 60X80 CM	20,00	260,00
	ANINGAASAT-KATILLUGIT		5.901,00
	(Atorfeqarfimmi nutsigaavoq.)”		

Akiligassiissut imaattoq pequtinik nutsiserisartoqarfiup inissiaatileqatigiiffimmut 16. november 2001-imi nassiuppaa:

	”A-P PEQUTAANIK ...-MIT AALLERNEQ.		
401	2,00 TIIMIT BIILERNEQ	450,00	900,00
301	14,00 TIIMIT PEQUTINIK NUTSERINEQ	215,00	3.010,00
	ANINGAASAT KATILLUGIT		3.910,00
	(Atorfeqarfimmi nutsigaavoq.)”		



Inissiap misissorneqarnera pillugu nalunaarussiaq 21. november 2001-imi suliarineqarpoq. Tassannga erserpoq inissiaq 9. november 2001-imi qimanneqarsimasoq, matuersaatillu 17. november 2001-imi tiguneqarsimasut, kiisalu inissiaq 14. december 2001-imi ”naammassillugu” suliarineqarsimasoq.

Inissiap eqqiarneqarneranut akiligassiissut 3.820 kr.-nik aningaasartalik suliffeqarfiup inissiaatileqatigiiffimmut 30. november 2001-imi nassiuppaa.

Ineqarnermut kiassarnermullu akiliutit akilerneqartussanngorsimasut 2.877 kr.-nik aningaasartallit naatsorsuutini 1. december 2001-imi nalunaarsorneqarput.

Pequtit poortorneqarnerannut biilimillu ingerlanneqarnerannut akiligassiissutit ilanngussaq ilanngullugu nassiunneqartoq tunngavigalugu 15.901 kr.-nik aningaasartalik inissiaatileqatigiiffiup A-mut 27. december 2001-imi nassiuppaa.

Akiliisitsiniut imaatooq ”nuunnermi akiligassaq”-mik taaneqartoq, imatullu nassuiaatitalik inissiaatileqatigiiffiup A-mut 18. januar 2002-mi nassiuppaa:

”Qularnaveeqqusiineq / Depositum	6.801,00	
Siumoortumik akiliut / Forudbetalt leje	0,00	
Katinneri / I alt	6.801,00	6.801,00
Naliginnaasumik aserfallatsaaliuineq/ Normal istandsættelse*	10.084,50	
Nalunaarut tunng. paarsinerlunneq / Misligholdelse i.h.t. synsrapport**	0	
Akiligassaq alla/Anden regning***	3.820,00	
Katinneri / I alt	13.904,55	-13.904,50
Aserfallatsaaliuineranut ilanngaas / Fradrag for istandsættelse	20,50 %	2.067,32
Ineqarnermut akiligassaq/ Skyldig husleje	18.778,00	
Iserternermi akiligassaq	0	
Skyldig indflyttersaldo		
Nutsernerup kingorna akiliineq imaluunniit utertoorneq/Ud-/indbetaling efter fraflytning	0	
Katinneri / I alt	18.778,00	-18.778,00
Utertuugassat (+) / Akiligassat (-)		-23.814,18

Suliamik suliarinninninnut atatillugu inissiaatileqatigiiffillu imatut allaffigeqatigiittarsimavugut:

Inissiaatileqatigiiffimmut 19. november 2001-imi imatut allappunga:

”A 9. november 2001-imi A, suliami A-mut sinniisuusussaq aapparalugu, allaffinnut nammineq takkulluni saaffiginnippoq.

A-p kissaatigaa, inissiaatileqatigiiffiup pinngitsaaliinikkut sulianik naammassin-ninniarartuusunut (Illoqarfimmi K-mi politiinut) inissiamit ...-miittumit, anisinne-qarnissaanik, inissiaatileqatigiiffiup attartormik taamaatitsineranik sioqutsisu-mik ilisimateqqaarnagu aammalu inissiaatileqatigiiffiup inissiamit pineqartumit ani-sitsiniarneranik sioorasarneqarsimangitsoq suliassiisimanerata, naammagittaal-liuutiginnissaa.

Paasissutissat pigineqartut tunngavigalugit suliaq suliarisariaqarnerlugu nalili-sinnaanngilanga.

Taamaammat inissiaatileqatigiiffik qinnuigaara ingerlatseqatigiiffiup ...-p attar-torneqarneranut tunngasumik suliami allagaataasa allaqqaarnerinik misissugassan-ngorlugit nasseqqullunga.

Inissiaatileqatigiiffiup suliami allagaatai misissoreerukkit suliami misissuiner-mik aallartitsissanerlunga isummerfigissavara.”

Inissiaatileqatigiiffiup 27. december 2001-imi imatut akivaanga:

”Allakkatit 19. december 2001-imeersut innersuussutigalugit matumuuna nalu-naarutigissavara A-p attartukkamit ...-miittumit anisinneqarnissaa Inissiaatileqati-giiffiup qinnutigisimangimmagu, attartukkamilli ...-mit anisinneqarnissaa qinnu-tigisimallugu. Taamaattumik naatsorsuutigaara attartukkap taassuma misissornissaa Ombudsmandip kissaatigigaa.

Siullermik allakkat A-mut nassiuunneqarsimasut assilineri ilanngullugit nassiup-pakka, suliarlu politiinut 19. december 2001-imi nassiuunneqarsimalluni. A piffissap attartorfiusup nalaani ...-mi najugaqartutut sukkulluunniit nalunaarsorneqarsiman-ngilaq, kisianni ...-mi najugaqartutut nalunaarsorneqarsimalluni.

Qulaani taaneqartut naatsorsuutigisamit annikinnerusumik paasissutissiissutaasi-mappata uatsinnut saaffiginneqqinnissannut tikilluaqqusaavutit.”

A-mut 4. januar 2002-mi imatut allappunga:

”Suliamut, 2. januar 2002-mi inissiaatileqatigiiffimmiit assilineri ilanngunneqar-tunik allagarsivigisannut, matumuuna uterfiginnippunga.

Ilasutaasumik inissiaatileqatigiiffik oqarasuaatikku 3. januar 2002-imi attave-qarfigisimavara, inissiaatileqatigiiffiup najukkami ...-miittumi, najugaqarnerit ilisi-maneraa annertunerusumik paasissutissarsiffigerusukkakku.

Tamatumunnga atatillugu inissiaatileqatigiiffiup oqaatigaa, allakkat ilanngunne-qartut nassiuunneqarneranni inissiaatileqatigiiffiup najukkami ...-miittumi najuga-qarnerit ilisimasimangikkaa, inissiaatileqatigiiffilli allakkat arlaannaannilluunniit allakkerisarfimmiit utertunik tigusaqarsimangitsoq.

Inissiaatileqatigiiffiup oqaatigaa, najugaq ...-miittoq, suliap politiinut tunniunne-qarnerani ingerlatseqatigiiffiup aatsaat ilisimasaqarfignersimaga.

Tamatumunnga atatillugu qinnuigaakkit, A/S Inissiaatileqatigiiffik INI-p sulia-mut paasinninneranut oqaasissaqassaguit, ajornanngippat allakkatigut aammalu sa-paatit akunneri sisamat qaangiutsinnagit, nalunaarfigeqqullunga.

Tusagaqarfignissanngikkukkit, naatsorsuutigisariaqassavat, Ombudsmandip sulia-mik suliarinninnini paasissutissat pigineqareersut tunngavigalugit inaassagaa.”

Tamatuma kingorna A allaffinnut nammineq ornigulluni 6. marts 2002-mi saaffiginnippoq, paasissutissanik nutaanik nassarluni.

A-mut 7. maj 2002-mi imatut allappunga:

”Suliaq matumuuna uterfigeqqippara, tamatumani kingullermik allakkakka 4. januar 2002-meersut pillugit 6. marts 2002-mi uannut nammineerlutit saaffiginnissu-teqarsimallutit.

Paasissutissat pigineqartut misissoreerlugit isumaqarpunga uanga tunginnit anertunerusumik misissuinissaq attartukkannit, ...-miittumit anisinneqarninnut atatil-lugu inissiatileqatigiiffiup suliamik suliaqarneranik isornartorsiuinermut pissutaa-sinnaassanngitsoq.

Taamaattumik suliami annertunerusumik iliuseqaqqissanngilanga.

Annermik pingaartippara inissiatileqatigiiffiup isumaga malillugu uppersarsar-simagaa anisitsinermut tunngasumik suliassamik ingerlatsinermi periaasiusoq inat-sisinut naapertuuttoq malinneqarsimasoq.

Kisiannili isumaqarpunga matuma misissuiffigilernissaanut tunngavissaqartoq, ilaatigut attartornermik atorunnaarsitsineq pissutissaqarsimanersoq, ilaatigullu attar-tornerup atorunnaarsinneqarnerata kingornagut ineqarnermut akiliutinut kinguaat-toorutit naatsorsorneqarnerat eqqortuunersoq.

Paasinninnera matuminnga tunngaveqarpoq, illit kingullermik uannut saaffigin-nikkavit ineqarnermut akiliutinut 4.577 kr.-nut, qaammatinut juni aamma julimut i-neqarnermut akiliutit 28. juni 2001-imi akilernerqarsimanerannut, uppersarsaatip as-silineri nassarsimagakku, uppersarsaammillu taassumanga ersermat akiliinerup kingornagut nikingassut 0-iusoq.

Aammattaaq akiliinermut uppersarsaat 1. november 2001-imeersoq saqqum-miuppat, tassanga erserluni illit ulloq taanna 8.864 kr.-it akilersimagitit, akiliine-rullu kingornagut nikingassut 0-iusoq.

Tamanna pissutigalugu A/S Inissiatileqatigiiffik suliamut nassuiaateqaqqullugu qinnuigisimavara, takuuk assilineri ilanngun-neqartoq.

Inissiatileqatigiiffik akissuteqaerepat suliaq uterfigeqqikkumaarpara.”

Tamatumunnga peqatigitillugu inissiatileqatigiiffimmut imatut allap-punga:

”Inissiatileqatigiiffiup allagaasa 27. december 2001-imeersut oqaaseqarfiginis-saat A-p maanna periarfissaqarfigisimalerpa.

A nammineerluni allaffinnut 6. marts 2002-mi saaffiginnissimavoq nalunaarfiga-lungalu attartukkamit anisinneqarneq pillugu oqaaseriomasanik allanik ilanngussas-saqarnani.

Taamaattumik ullumi ulloq allakkatigut A nalunaarfigaara inissiatileqatigiiffiup tamatuma tungaatigut suliamik suliaqarnerata annertunerusumik misissuiffiginissaa inissiatileqatigiiffimmik isornartorsiuinermik kingunerqarsinnaassanngitsoq nalile-riga, taamaattumillu naammagittaalliutip immikkoortua taanna pillugu annertune-rusumik iliuseqaqqissanngitsunga, tak. Ombudsmandi pillugu inatsimmi § 6, imm. 4.

Tamatumunnga peqatigitillugu A-p akiliinermut uppersarsaatit inissiatileqati-giiffimmeersut marluk assilinerinik ingerlatseqatigiiffiullu attartukkamik ...-miit-tumik atorunnaarsitsineranut atatilugu naatsorsuutitut naatsorsugaasa assilinerinik tunniussivigisimavaanga. Takussutissat taakkua assilineri ilannguppakka.

Taakkunannga erserpoq A junip julillu qaammataannut ineqarnermut akiliummik 28. juni 2001-imi akiliisimasoq, akiliinermullu uppersarsaammit erserpoq akilii-nerup kingornagut nikingassut 0-iusoq.

Aammattaaq A akiliinermut uppersarsaammik 1. november 2001-imeersumik saqqummiussivoq, tassanga erserluni A-p ulloq taanna 8.864 kr.-it akilersimagai, akiliinerullu kingornagut nikingassut 0-iusoq.

Matuma kingornagut isumaqarpunga nalornissutigineqarsinnaasoq akiligassanut kinguaattoorutininik, inissiaatileqatigiiffiup attartornermik allakkatigut 28. august 2001-imeersutigut atorunnaarsitsineranut pissutaasunik, akiligassaqaarsimanersoq.

Aammattaq isumaqarpunga nalornissutigineqarsinnaasoq ineqarnermut kinguaattoorutit 18.778 kr.-nut naatsorsorneqarsimasut eqqortuunersut.

Taamaattumik aalajangerpunga A-p naammagittaalliutaata immikkoortua taana aalajangersimasumik suliarilerniarlugu.

Tamanna pissutigalugu inissiaatileqatigiiffik qinnuigaara akiligassanut kinguaattoorutininik, inissiaatileqatigiiffiup attartornermik atorunnaarsitsineranut pissutaasunik, 28. august 2001-imi piosoqaarsimanersoq aammalu ineqarnermut akiliutinut kinguaattoorutit naatsorsukkani 18. januar 2002-mi nalunaarneqartut eqqortuunersut nassuiaateqarfigeqqullugit.

Tamanna ilutigalugu inissiaatileqatigiiffik qinnuigaara attartugaq ... pillugu allaqaatinut mappi misissugassanngorlugu uannut nassiateqqullugu.

Inissiaatileqatigiiffiup nassuiaataa A-mut saqqummiunneqarsinnaajumaarpoq, suliami illua'tungiusup isumaanik tusarniaassutitut."

Inissiaatileqatigiiffiup illoqarfimmi K-mi immikkoortortaqaarfiata tusarniaanerup issuarneqarneranik nassitsiffigisama, 28. maj 2002-mi imatut akivaanga:

"Suliaq qulaani taaneqartoq utertillugu nassiuunneqarpoq, tassami A/S Inissiaatileqatigiiffik INI pillugu suliat tamarmik Sisimiuni qullersaqarfitsinnut siunissami toqqaannartumik nassiuunneqartassammata." (Atorfeqarfimmi nutsigaavoq.)

Taava inissiaatileqatigiiffiup qullersaqarfianut 26. august 2002-mi imatut allappunga:

"7. maj 2002-mi inissiaatileqatigiiffiup illoqarfimmi K-mi immikkoortortaqaarfiata allaffia A-p, illoqarfimmi K-mi, naammagittaalliutaanut suliarisannut atatillugu paasissutissanik qinnuigaara.

Immikkoortortaqaarfiup allaffiata suliap qullersaqarfimmut nassiuunneqarnissaa innersuussutigalugu allakkakka 28. maj 2002-mi utertippai.

Tamatumunnga atatillugu suliaq qullersaqarfimmi suliassanngorlugu allakkakka bilagitaqartut nassiuppakka, aammalu K-mi immikkoortortaqaarfiup allagaasa tigusimasama assilinerat ilanngullugu.

Tamatuma kingorna 7. maj 2002-mi saaffiginnissutinnut qullersaqarfiup akissuteqarnissaa utaqqivara.

Kiisalu ilisimatitsissutigissavara naatsorsuutigigakku siunissami suliat qullersaqarfiup akisassai, qullersaqarfimmi suliassanngorlugit immikkoortortaqaarfiit allaffiisa namminneq ingerlateqqittassagaat."

Inissiaatileqatigiiffiup qullersaqarfiata 24. september 2002-mi imatut akivaanga:

"A-p naammagittaalliutaata pillugu Inatsisartut Ombudsmandiata allagaasa ...-mik normoqartut 26. august 2002-meersut tiguneqarnerat inissiaatileqatigiiffiup matumuuna uppersarpaa.

Ingerlatseqatigiiffiup illoqarfimmi K-mi immikkoortorta qarfia allakkat uku assilinerinik nassinneqarnermigut suliami akissuteqaqqullugu qinnuigineqarpoq.” (Atorfeqarfimmi nutsigaavoq.)

Inissiaatileqatigiiffiup illoqarfimmi K-mi immikkoortorta qarfia 8. oktober 2002-mi imatut akivoq, ingerlatseqatigiiffiullu suliami allagaataasa assilineri ilanngullugit nassiunneqarlutik:

”A, ..., pillugu

Suliap qulaani taaneqartup ingerlasimanera imatut isikkoqarpoq:

Nukingisaarut 1 20.07.2001-imi nassiunneqarpoq, 2.877,00 kr.

Nukingisaarut 2 13.08.2001-imi nassiunneqarpoq, 5.841,00 kr.

Allakkat atorunnaarsitsissutit 28.08.2001-imi nassiunneqarput, 3.110,00 kr.

Suliaq anisitsisoqarmissaa qinnutigalugu politiiunut 19.09.2001-imi nassiunneqarpoq.

Inissiap parnaarsaaserfia 31.10.2001-imi allamik taarserneqarpoq.

A 8.864,00 kr.-nik 01.11.2001-imi akilivoq, tamatumalu kingorna akiitsut 0,00 kr.-ngorlutik. Kisianni parnaarsaaserfik taarserneqareersimavoq, politiillu aqutigalugit 31.10.2001-imi anisitsisoqareersimalluni.

Nuunnermullu atatillugu akiitsut eqqarsaatigalugit taakku imatut isikkoqarput:

Ineqarnermut akiliutit, december	kr.	2.877,00
----------------------------------	-----	----------

Pequtinik poortuineq	kr.	15.901,00
----------------------	-----	-----------

Qularnaveeqqusiineq	kr.	-6.801,00
---------------------	-----	-----------

Pequtinik aallerneq	kr.	3.910,00
---------------------	-----	----------

Nalinginnaasumik iluarsaassineq	kr.	10.084,50
---------------------------------	-----	-----------

Eqqiaaneq	kr.	3.820,00
-----------	-----	----------

Nalinginnaasumik iluarsaassinermit ilanngaait	kr.	-2.067,32
---	-----	-----------

Kiassarnermut akiliutit	kr.	-438,50
-------------------------	-----	---------

Akiitsut katillugit	kr.	27.285,60
---------------------	-----	-----------

A pillugu suliap taama kingusitsigisumik suliarineqarnera A/S Inissiaatileqatigiiffik INI-p ajuusaarutigaa.” (Atorfeqarfimmi nutsigaavoq.)

Inissiaatileqatigiiffiup qullersaqarfia allakkatigut 8. april 2003-meersutigut ilassutaasumik nassuiaateqaqqullugu imatut qinnuigaara:

”Inissiaatileqatigiiffiup suliami allagaatai 4. november 2002-mi tigusakka masakkut misissoreersimalerpakka.

Suliaq inissiaatileqatigiiffimmut ilassutaasumik nassuiaateqaqqusinnannut pisutissaqalersitsivoq.

Nuunnermi akiligassiisummit inissiaatileqatigiiffiup 18. januar 2002-mi suliarisimasaanit erserpoq inissiaatileqatigiiffiup A 23.814, 18 kr.-nik akileeqqusimagaa, taakkunanngalu 18.778 kr.-t ineqarnermut akiliutinut akiitsuusut.

Tamanna suliami paasissutissanut allanut naapertuutinnigilaq, tassami inissiaatileqatigiiffiup tusarniaaninnut akissutaanit kontolu pillugu takussutissiamit decemberip qaammataanut tunngasumit suliamiittumit ersermat ineqarnermut akiliutinut akiitsut 2.347 kr.-iusut.

Tusarniaanermut akissummit kontolu pillugu takussutissiamit aamma erserpoq 18.778 kr.-t akiitsullu tamarmiusut naatsorsorneqartut 23.814,18 kr.-iusut nikingasutaat eqqiaanermut pequtinillu assartuinermit aningaasartuutinut annertunerusumik tunngatinneqarsinnaasut.

Aammattaq erserpoq pequtinik poortuinnermut inissiaatileqatigiiffiup aningaasartuutai 15.901 kr.-nut naatsorsorneqarsimasut.

Inissiaatileqatigiiffik tamatumunnga atatillugu qinnuigineqarpoq makku pillugit nassuiaateqaqqullugu:

- A-p 2002-mi decemberip qaammataani ineqarnermut akiliutinik akileqquneqarsimaneranut pissutaasoq.

- Inissiaq ...-miittoq A-p attartorneranik atorunnaarsitsinerup kingorna qanga allanut attartorteqqinneqalersimansoq. Inissiaatileqatigiiffik tamatumunnga atatil-lugu qinnuigineqarpoq attartorneq pillugu peqqussummi (1994-imeersumi) § 33, imm. 5-imi annaasaqarsinnaanerup killilersimaarneqarnissaanut pisussaaffik inis-siaatileqatigiiffiup qanoq iliorluni malissimaneraa nalunaarutigeqqullugu.

- Ineqarnermut akiliutinut akiitsut 18.778 kr.-iunnginnerannik A paasitinneqarsi-manersoq.

- Akiitsut inissiaatileqatigiiffiup naatsorsorsimasaa 18.778 kr.-nik sinnissutigisi-masaa ilaasa naatsorsorneqarnerat pillugu nassuiaammik A tunineqarsimanersoq.

- Pequtinik poortuinnermut inissiaatileqatigiiffiup aningaasartuutaasa naatsor-sorneqarnerat pillugu nassuiaat.

Inissiaatileqatigiiffiup akissutaa suliami illua'tungiusup isumaanik tusarniaatitit A-mut saqqummiunneqarsinnaavoq.”

Inissiaatileqatigiiffiup illoqarfimmi K-mi immikkoortortaqrarfiata 3. juni 2003-mi imatut akivaanga:

”Allakkat nr. ...-imik normoqartut 08.04.2003-meersut innersuussutigalugit nas-suiaat matumuunnga nassiunneqarpoq:

- A 2001-imi (allakkani ...-imik normoqartuni oqaatigineqartutut 2002-miunngit-soq) decemberip qaammataani ineqarnermut akiliutinik akileqquneqarpoq, tas-sami ...-mi attartugaq attartukkap 31.10.2001-imi atorunnaarsinneqarnerani eq-qiarneqarsimanngimmat pequtinillu imaarneqarsimanani. Attartugaq attartortit-sisup suliniuteqarneratigut 9.11.2001-mi pequtinik imaarneqarpoq tamatumalu kingorna misissorneqarluni, iluarsaanneqarluni eqqiarneqarlunilu. Taamaalilluni inissiamik qimatsineq aatsaat 9.11.01-imi pisimavoq, taamaattumillu novem-berip qaammataani ineqarnermut akiliutit attartortup akiligassarai. Tamatuma kingorna nalinginnaasumik piffissaqartitsilluni atorunnaarsitsineq aatsaat 31.12.2001-imi pisinnaasimavoq, taamaattumillu decemberimi ineqarnermut a-kiliutit attartortumut akilersinniarneqarlutik. Decemberip qaammataani ineqar-nermut akiliutit 2.347,- kr.-iupput kiassarnermullu akiliutaagallartut 530,- kr.-iul-lutik.

- Inissiaq 11.03.2002-mi attartorteqqinneqarpoq. Attartugaq tamanna sioqqullugu K Kommunitumut neqeroortigineqarpoq isumaginninnermi inissiatut – kommu-nillu itigartitsinerata kingorna – ...-mut aamma itigartitsumut neqeroortigi-neqaraluarluni. 1.01.02-mit 4.02.02-mut ineqarnermut akiliutit kommunimit ...-millu akilerneqarput. Attartugaq tamatuma kingorna inissiatut nalinginnaasutut marloriarluni ullunik qulinik piffissaqartitsisarluni neqeroortigineqarpoq, tama-tigut itigartitsinneqartartumik, 11.03.02-mi iserternissamut akuersissoqarnissaata tungaanut.

4.02.02-mit 11.03.02-p tungaanut ineqarnermut akiliutit inissiaqarfittut immik-koortortaqrarfimmit akilerneqarput.

Inissiaatileqatigiiffik isumaqarpoq taamatut ingerlasimanerup takutikkaa an-naasaqarnissamik killilersimaarinnittussaataaneq inissiaatileqatigiiffiup malis-simagaa.

- Inissiap qimanneqarnerani naatsorsuutit ilanngussartallit, assilineri (ilanngussat 1-8) ilanngullugit nassiunneqartut 23.814,18 kr.-nik akilerneqartussanngorsimasunik aningaasartallit 18.01.2002-mi nassiunneqarput. "Ineqarnermut akiliutit akilerneqartussanngorsimasut" 18.778,00 kr.-iupput. Aningaasani taakkunani 2001-imi decemberimi ineqarnermut akiliutit 2.877,- kr.-t pequtinillu poortuinnermut akiligassat 15.901,00 kr.-it ilaapput. Nassuiaat nuunnermi naatsorsuutininut ilanngussanit ilanngullugit nassiunneqartunit er-serpoq, kisianni aningaasat nuunnermi naatsorsuutini namminerni taamatut nassuarneqarsimasuuppata tamanna naleqquttuusimassagaluarpoq.
- Nuunnermi naatsorsuutit ilanngussartallit kontolu pillugu takussutissiarallit attartortumut najukkami uani najugaqartunut nassiunneqarput: ...
- Peqqutit poortorneqarnerannut assartorneqarnerannullu akileequsissutip 15.901,00 kr.-nik aningaasartaqartup akiligassallu nassuiaatitaata assilineri (ilanngussaq 6) ilanngullugit nassiunneqarput. Nuunnermullu naatsorsuutininik ilaqartillugit uunga ingerlatinneqarlutik: A, ... .

Tamatuma kingorna imatut pisoqarpoq:

Nuunnermi naatsorsuutit malillugit akiligassat	kr.	23.814,18
Peqqutit aaneqarnerat	kr.	3.910,00
Akilerneqartut	kr.	13.642,00
K Kommuni akiligai, ineqarnermut akiliutininut akiitsut	kr.	2.877,00
Kiassarnermut akilerneqartut	kr.	438,58
Tamatuma kingorna akiligassanngortut	kr.	16.957,58
(Atorfeqarfimmi nutsigaavoq.)		10.766,00

Inissiaatileqatigiiffiup akissutaata kingulliup paasissutissanik amerlanerusunik ingerlatseqatigiiffimmit imatut pissarsiniarnissannut 20. juni 2003-mi pissutissaqalersippaanga:

"Inissiaatileqatigiiffiup allakkannut 8. april 2003-meersunut akissutaa 3. juni 2003-mi tiguara.

Inissiaatileqatigiiffiup akissutaata ilanngussartallip inissiaatileqatigiiffimmit makku pillugit nassuiaasoqaqqinnissaanik qinnuteqartariaqalersippaanga:

Attartukkap atorunnaarsinneqarneranut atatillugu inissiaatileqatigiiffiup A-mut piumasaqaatai.

Inissiaatileqatigiiffiup uannut akissummini oqaatigaa attartugaq 31. oktober 2001-imi atorunnaarsinneqartoq.

Suliamili allagaatinit inissiaatileqatigiiffiup uannut 8. oktober 2002-mi nassiusaanit er-serpoq attartorneq 28. august 2001-imi atorunnaarsinneqartoq, inissiaatileqatigiiffiullu anisitseqqusinera naammassiniarlugu politiit 31. oktober 2001-imi aalajangersimasut, anisitsinerlu 9. november 2001-imi naammassineqartoq.

Inissiaatileqatigiiffiup akissutaa imatut paasivara attartukkap nalinginnaasumik piffissaqartitsinani atorunnaarsinneqarneratigut attartortitsisup annaasaanik attartortup attartorneq pillugu peqqussummi (1994-imeersumi) § 33, imm. 1-imi oqaaseqatigiit siulliit malillugit taarsiisuteqarnissamut pisussaaffeqarnera inissiaatileqatigiiffiup imatut paasigaa attartortup atorunnaarsitsinissamik ilimasaaruteqarnera piffissamit anisitsiviusumit aallarnertumik naatsorsorneqartartoq, imaangitsiq attartormik atorunnaarsitsineq aallarnertugalugu.

Inissiaatileqatigiiffik tamatumunnga atatillugu qinnuigaara paasininneq taanna isumaliutersuutit suut aallaavigalugit inissiaatileqatigiiffiup atortuutinneraa erseqqinnersumik nassuiaqqullugu.

Inissiaatileqatigiiffik tamatumunnga atatillugu qinnuigaara (aamma) nalileqqullugu attartukkap atorunnaarsitsinerata kingorna attartukkamik inatsisunik unioqqutitsilluni attartortup atuineranut inissiaatileqatigiiffiup akileeqqusilluni piumasaqaateqarnera taarsiisuteqaqqusinertut, attartorneq pillugu inatsimmik tunngaveqanngitsutut, isigisariaqarnera soq.

Pequtinik poortuineranut aningaasartuutit.

Akiligassiissummit 28041-mit 12. november 2001-imeersumit erserpoq pequtinik nutserisoqarfiup nalunaaquttap akunneri 51-it nutserineranut nalunaaquttallu akunneri tallimat biilerneranut atorneqarsimasut akileqqusimagai.

Nalunaaquttap akunnerinik taamatut atuineq inissiap marlunnik initallip 56 m2-nik inittususillip imaarneqarnerani suliaassamut sanilliullugu naapertuussorinannigilaq.

Tamatumunnga atatillugu inissiaatileqatigiiffik qinnuigaara ilaatigut suliami pineqartumi nalunaaquttap akunnerinik atuineq akiligassanngortinneqarsimasoq inissiaatileqatigiiffiup erseqqinnerusumik misissuiffigisimaneraa, ilaatigullu nutserineranut akiligassiissutit inissiaatileqatigiiffiup tigusani nalinginnaasumik misissortarne-  
rai nassuiaqqullugu.

Annaasanik killilersimaarinninnissamut pisussaaffik.

Paasissutissat pigineqartut malillugit inissiaq 9. november 2001-imi imaarneqarpoq.

Aammattaq inissiaatileqatigiiffiup misissuinermit nalunaarusiaanit erserpoq:

”Matuersaatit 17/11-01-imi tiguneqarput. Inissiaq inerlugu 14/12-01-imi suliarineqarpoq”

Inissiaatileqatigiiffimmit allamik tusagaqanngikkuma naatsorsuutigaa inissiaq iluarsaanneqarsimasoq, taamalu iserterfigineqarnissaminut 14. december 2001-imi piareersimalluni, iluarsaassinerlu sapaatit akunnerini sisamani ingerlanneqarsimasoq.

Inissiaatileqatigiiffiup akissummi aamma oqaatigaa ”04.02.02-mit 11.03.-02-  
imut ineqarnermut akiliutitigut annaasat inissiaqarfiup immikkoortoqarfianit akilerneqarput”.

Tamatumunnga atatillugu oqaatigaa inissiaatileqatigiiffiup attartorneq pillugu peqqussut malillugu annaasanik killilersimaarinninnissamut pisussaaffia attartukkap atorunnaarsinneqarnerata kingorna attartortup annaasaanut tunngasuusoq, inissiaatileqatigiiffiup annaasaasa killilersimaarneqarnissaat pineqarnani.”

Inissiaatileqatigiiffiup illoqarfimmi K-mi immikkoortortaqarfiata 25. juli 2003-imi imatut akivaanga:

”Ombudsmandip allagaanut ...-mik normulinnut 20.06.2003-meersunut akissutitut inissiaatileqatigiiffiup imaattut oqaatigissavai:

- attartorneq 31.08.2001-imi atorunnaarsinneqarpoq, inigisamit aninermit aqqissugassanik suliaqarneq 31.10.2001-imi naammassineqarluni attartugarlu attartortitsisup peqqusineratigut 9.11.2001-imi imaarneqarluni.
- attartortoq attartornerup atorunnaarsinneqarnerata kingunitsiannua attartugaq qimallugu nuunnissamut pisussaaffeqarnerminik naammassinninngikkaangat piffissamut inigisamit nuunnissap/anisinneqarnissap tungaanut tamatumalu kingorna piffissamut inigisap iluarsaanneqarneranut attartorteqqinneqarneranullu atorneqartumut attartornermut akiliisitsisoqartarpoq. Inissiaatileqatigiiffiup qaamatip aallartinnerani ajornanngikkaangallu siusinnerusukkut attartortitseqqinis-  
saq anguniartarpaa.



- tunniunneqartut allagartaani nr. ...-mi 12. november 2001-imeersumi ilaatinneqarput najukkami ...-miittumi pigisanik poortuineq, usilersuussineq, assartuineq ...-milu naqqup iluani initamut usingiaaneq. Inissiaatileqatigiiffik naliliivoq nalunaaquttap akunnerinik atukkat ilisimatitsissutigineqartut naleqquttuusut. Nuussuinnermut atatillugu akiligassiisutit tamarmik inissiaatileqatigiiffiup nakutilliisuanit, suliamik pineqartumik suliaqartunit, misissorneqarlutillu atsiorneqartarput.

Naggataatigut inissiaatileqatigiiffiup oqaatigiumagaluarppaa Ombudsmandip allagaanut akissuteqarniarneq makkuninnga ajornarnerulersinneqarmat, Ombudsmandi allakkani ataatsini taakkuusunilu

- suliap suliarineqarnera pillugu tapertamik apeqqutinik inissiaatileqatigiiffimmut apeqquteqarmat
- apeqqutip inatsisilerinnermut tunngasup, erseqqinnerusumik nassuiaateqarfigineqanngitsup, naliliivigineqarnissaa pillugu inissiaatileqatigiiffik qinnuigimmagu
- suliaq pillugu ilaatigoortumik oqaaseqaateqarmat.

Inissiaatileqatigiiffiup suliamik ingerlassineq imaattoq salliutippaa, tamatumani Ombudsmandi inissiaatileqatigiiffiup suliamik suliaqarneranik paasisimasaqalernissaq qinnutigalugu, ajornartorsuutit inatsisilerinnermut tunngasut, suliap kingunerisariaqagai, nammineq nalilerlugit tamatumalu kingornagut suliaq pillugu oqaaseqaateqarluni.” (Atorfeqarfimmi nutsigaavoq.)

Inissiaatileqatigiiffiup qullersaqarfianut 6. august 2003-mi imatut allapunga:

”Inissiaatileqatigiiffiup suliami akissutaa kingulleq 29. juli 2003-mi tiguara, taamaattumillu misissuinaera naammassisinnaangalerlugu.

Pineqartorli tassaavoq suliami allagaatinik misissuininna paasisimagakku attartukkamik atorunnaarsitsinnermut atatillugu inissiaatileqatigiiffiup suliamik suliarinninera suli erseqqarluttortaqartoq.

Taamaattumik inissiaatileqatigiiffik allakkatigut 7. maj 2002-meersutigut qinnuigaara attartukkup atorunnaarsinneqarneranut atatillugu suliap ingerlasimanera nassuiaaqullugu, ilaatigut A-p ineqarnermut akiliutinik katillugit 4.576,94 kr.-nik 28. juni 2001-imi akiliisimanera, tamatumalu kingorna inissiaatileqatigiiffiup paasisuttissiisutai malillugit ingerlatseqatigiiffimmut aningaasanik akiitsuerussimanera tunngavigalugu.

Inissiaatileqatigiiffik tamatuma inatsiseqartitsinikkut sunniutaanik isummerfiginnissimannilaq.

Taamaattumik inissiaatileqatigiiffik massakut qinnuigaara makku pillugit nassuiaateqaqqullugu:

Inissiaatileqatigiiffiup ineqarnermut akiliutit ilaalu ilanngullugit 1. juli 2001-imi akilersinniarneqarsimasut akileqqullugit A 20. juli 2001-imi nukingisaarsimavaa.

Ineqarnermut akiliutit suli allat ilaalu ilanngullugit 1. august 2001-imi akilersinniarneqarsimapput.

A qaammammi ataatsimi ineqarnermut akiliutinik 10. august 2001-imi akiliisimavoq.

Qaammardini marlunni ineqarnermut akiliutit ilaalu ilanngullugit akilerneqarnissaannik piunasaqaat, tak. attartorneq pillugu peqqussummi (1994-imeersumi) § 33, imm. 2, 13. august 2001-imi nassiuunneqarpoq.

Inissiaatileqatigiiffiup qaammammi ataatsimi ineqarnermut akiliutinut akiitsut nukingisaarinnermut akiliutinik ilasat innersuussutigalugit attartuqaq 28. august 2001-imi atorunaarsippaa.

Namminersornerullutik Oqartussat kommunillu inissiaataannit attartortittakkanit anisitsisarneq pillugu Namminersornerullutik Oqartussat nalunaarutaanni nr. 60-imi, 29. december 1994-imeersumi § 3, imm. 1-imi nr. 1 malillugu akiliinissamut anertuumik sumiginnaaneq – taamalu atorunnaarsitsineranut tunngaviusinnaasoq, tak. attartorneq pillugu peqqussummi § 33, imm. 3 – tassaatinneqarpoq attartorneq pillugu isumaqatigiissummi ullutut akiliiffissatut aalajangersarneqartup kingorna qaamatini marlunni ineqarnermut akiliutinik akiliinngitsoorneq.

Inissiaatileqatigiiffik qinnuigaara atorunnaarsitsisimaneq taanna nalunaarummi malittarisassamut qulaani taaneqartumut naapertuuttuunersoq isummerfigeqqullugu.

Aamma maluginiarsimavara inissiaatileqatigiiffiup nukingisaaraluni allakkamini 20. juli 2001-imeersuni nukingisaarineranut akiliutit 87 kr.-nut naatsorsorsimagai. Tamatumunnga peqatigitillugu inissiaatileqatigiiffik qinnuigaara akiliutinik taakkuninnga akiliisitsiniarnermut inatsisitigut tunngavigineqartoq nassuiaqqullugu.”

Inissiaatileqatigiiffiup illoqarfimmi K-mi immikkoortorta qarfiata 17. september 2003-imi imatut akivaanga:

”Michael Mikkelsenip allakkamigut 6. august 2003-meersutigut kiisalu aamma allakkamigut 11. september 2003-meersutigut inissiaatileqatigiiffik qinnuigisimavaa sulianik nammineq suliarinninnini nammineerluni nalilersoqqullugu.

Inissiaatileqatigiiffik isumaqarpoq Ombudsmandip sulisui tassaasariaqartut paasissutissat inissiaatileqatigiiffiup Ombudsmandimut paasissutissiissutigisai aallaavigalugit inissiaatileqatigiiffimmik nalilersuisussat. Ombudsmandillumi sulisui qinuteqaatinik taamaattunik aamma saqummiussisanngikkaluarput.

Inissiaatileqatigiiffiup allakkanik nukingisaarutinik akiliutitalinnik nassiussuinissamut inatsisitigut tunngavigisaa ilaatigut malittaarisassami Ombudsmandip eqqaasimasaaniippoq, ilaatigullu aqutsinermi periaatsimiilluni, malittarisassamit tassannga sunnerneqarsimasumi.

Suliami pineqartumi allakkanik nukingisaarutinik nassiussineranut atatillugu inissiaatileqatigiiffiup aningaasartuutaasa akiliutigitinneqartut 87 kr.-iusut sinnerujusuarsimavaat.” (Atorfeqarfimmi nutsigaavoq.)

*Tamatuma kingorna imaattunik oqaaseqaateqarsimavunga:*

”Attartukkap atorunnaarsinneqarnerata pissutissaqarsimanera pillugu apeqquut.

*Misissuinerma matumunnga tunngasortaani attartukkap atorunnaarsinneqarneranut inatsisitigut tunngavigisassap ilumut pigineqarsimaneranik apeqquut ilaavoq.*

*Tamatumunnga atatillugu Namminersornerullutik Oqartussat kommunillu inissiaataannit attartortittakkanit anisitsisarneq pillugu Namminersornerullutik Oqartussat nalunaarutaanni nr. 60-imi, 29. december 1994-imeersumi § 3, imm. 1, nr. 1-imik inissiaatileqatigiiffiup ilumut malinnissimaneranik apeqquut ilaavoq (soorlu allakkanni 6. august 2003-meersuni inissiaatileqatigiiffimmu tamanna nalunaarutigigiga).*

*A-p attartugaanik ...-mik atorunnaarsitsinerimi inatsisitigut tunngavigisaq tassaavoq inissianik attartorneq pillugu Inatsisartut peqqussutaat nr. 3, 13. juni 1994-imeersoq kingusinnerusukkut allannguuteqartinneqartarsimasoq.*

*Inatsisartut peqqussutaanni tassani § 33-mit erserpoq:*

*”§ 33. Imatut pisoqartillugu attartortitsisup attartornermik isumaqatigiissut atorunnaarsissinnaavaa:*

*1) Ineqarnermut, kiassarnermut qularnaveequsiissutilluunniit akilerneqanngippata, tak. § 22.*

*2) Inissiaq unioqqutitsinikkut atorneqarpat, aammattaaq pissuserissaarnissamut maleruagassat unioqqutinneqarpat, tak. §§ 24 aamma 25.*

*3) Piffissaliussaq sioqqullugu inissiaq qimanneqarpat, tak. § 26.*

*4) Attartortitsisup unioqqutitsisumik inissiamut iseqquneqanngippat, tak. § 27.*

*Imm. 2. Attartortitsisup attartornermik isumaqatigiissut taamaallaat atorunnaarsissinnaavaa kingusinaartumik akiliisoqartillugu, tak. imm. 1, nr. 1, allaganngorlugu akiitsunik akileeqquisssuttip attartortumit tiguneqarneranit kingusinnerpaamik ulluinnaat pingasut qaangiunnerini attartortup uppersarsarsimannngippagu. Attartortitsisup piunasaqaataa ullup piffissaagallartillugu akiliiffissap kingulluup kingornagut, erseqqissumillu oqaatigineqarsimassaaq akiitsut piffissaagallartillugu akilerneqanngippata attartortitsineq atorunnaarsinneqarsinnaasoq. Piunasaqaammut akiliutitut attartortitsisup 50 kr. akileqqusinnaavai akiitsullu sinnerinut 1.000 kr. sinneqartumut 2% ilanngullugu.*

*Imm. 3. Attartortitsineq attartortitsisup taamaallaat atorunnaarsissinnaavaa, pisoq attartortumut nammagassersuutaasoq pingaaruteqarluinnaraangat. Attartortitsineq atorunnaarsinneqartinnagu, attartortitsisup attartortoq pisumik iluarsiisuteqaqqullugu peqqussavaa, pissutsillu imm. 1-imi taaneqartut, attartornermut isumaqatigiissut attartortitsisumit atorunnaarsinneqartinnagu iluarsineqareersimappata, piunasaqaatigisinnaanngilai.*

*Imm. 4. Immikkoortoq 1-imi taaneqartut pissutigalugit attartortitsineq atorunnaarsinneqarpat, attartortoq pisussaavoq attartukkani ingerlaannaq qimassallugu ineqarnermullu akiliut attartornermullu atatillugu aningaasartuutit akilissallugit, attartukkap nalinginnaasumik qimannissaatut sivisutigisumik. Aammattaaq paari-nerluinikkut attartortitsisup annasaqaatai attartortup akilertussaavai, aammattaaq attartornerup kinguartinneqarneratigut aningaasartuutit.*

*Imm. 5. Attartortitsisup attartukkap allanut attartorteqqinnissaa anguniassavaa. Attartortitsisup attartortitseqqinnerminut akiliutigigitai akiliutigigitassavaluunniit piffissami imm. 4-mi taaneqartumi attartortumut akileqqusanit ilanngaatigineqasapput.*

*Imm. 6. Imm. 3-5-mut aalajangersakkat isumaqatigiissuteqarnikkut sanioqquteriarneqarsinnaanngillat attartortumut nammagassiissutitut.*

*Imm. 7. Namminersornerullutik Oqartussat kommunillu inissiaataanni attartortittakkani attartornermik atorunnaarsitsinerimi maleruagassat erseqqinnerusut Naalakkersuisunit aalajangersarneqassapput.”*

*Inatsisartut peqqussutaanni § 33, imm. 7 tunngavigalugu Naalakkersuisut Namminersornerullutik Oqartussat kommunillu inissiaataannit attartortittakkanit anisitsisarneq pillugu Namminersornerullutik Oqartussat nalunaarutaanni nr. 60-imi, 29. december 1994-imeersumi ilaatigut makku aalajangersarsimavaat:*

”§ 2. Attartortitsisup attartorneq annertuumik sumiginnarneqarpat atorunnaarsissavaa attartortullu allakkatigut aaqeeqqusissummik nalunaarfigineqarsimagaluarluni aaqqiisimangippat.

§ 3. Imatut pisoqartillugu attartorneq annertuumik sumiginnagaasimasutut isigineqassaaq:

1) § 2, imm. 1, naapertorlugu ineqarnermut kiassarnernullu akiliutissat immagaluunniit qularnaveequsiissutissamat akilersuutissat attartornissamik isumaqatigiissut malillugu piffissaq eqqorlugu kingusinnerpaamik akilerneqarfissaat qaammatinik marlunnik kingoqqullugu akilerneqanngippata,

2) ...

...

Imm. 2. Akiitsoqartoqarnera paasineqarpat qanoq iliuuseqannginnermi paasinarneqaaqqaarallassaaq attartortoq inigisaminut akiligassaminik il.il. isumaginninnermi inatsisit malillugit tamakkiisumik ilaannakortumilluunniit akiliunneqarsinnaanersoq. Taamaaliortoqarsinnaappat ineqarnermut akiliutip siunissami akilerneqartarnissaa pillugu allakkatigut kommuni isumaqatigiissuteqarfigineqassaaq attartornerlu atorunnaarsinneqassanani. Akiitsullu ikilisarneqarnissaat attartortumik taamatulli isumaqatigiissutigineqassaaq.”

Suliami oqaatigineqarpoq A 28. juni 2001-imi 4.756,94 kr.-nik akiliisimasoq, tamatumalu kingorna ineqarnermut akiliutinik inissiatileqatigiiffimmut akiitsuerulluni, inissiatileqatigiiffiup ineqarnermut akiliutit akilerneqartussanngorsimasut 2.877 kr.-t naatsorsuutininut 1. juli 2001-imi nalunaarsorsimagai, ineqarnermut akiliutit 2.877 kr.-t naatsorsuutininut 1. august 2001-imi nalunaarsorneqarnerisa kingorna ineqarnermut akiitsut 5.841 kr.-iusimasut (taakkunanilu nukingisaarinermut akiliutit 87 kr.-t ilaasut). Apeqqut taanna kingusinnerusukkut immikkut suliaaraa), akiliutit 2.877 kr.-t inissiatileqatigiiffiup 10. august 2001-imi tigusimagai akiitsullu tamatuma kingorna 2.964 kr.-iulersimasut, qaammammi ataatsimi ineqarnermut akiliutinut akiitsut nukingisaarinermi akiliutinik ilaneqartuunut naapertuuttut.

Taamaattoqaraluartoq inissiatileqatigiiffiup A 5.841 kr.-nik 13. august 2001-imi akileeqqusimavaa, akileeqqusinermut akiliutinik 146 kr.-nik ilaqartinneqartunik.

Tamatuma kingornatigut inissiatileqatigiiffiup attartornermik 28. august 2001-imi atorunnaarsitsinermini akiitsut 3.110 kr.-t akilerneqarsimanginnerat innersuussutigisimavaa.

Taamaalilluni pineqartoq tassaavoq aningaasat akileqquneqartut (matumani akileeqqusinermut akiliutit ilanngullugit eqqarsaatigalugit) qaammammi ataatsimi ineqarnermut akiliutit 10. august 2001-imi akilerneqarsimasut kukkunikkut aaqqiissutigineqarsimanginnerat.

Aammattaaq aningaasanit akileqquneqartunit takuneqarsinnaanngilaaq akiitsut piffissamat sumut tunngasuunersut.

Pissutsit taakku pingaaruteqarnerannik naliliininni isumaqarpunga qal-lunaat attartornermut inatsisaanni § 93-imi inatsiseqartitsinikkut atuuttup qanoq paasineqarnissaanik nassuiaat pingaartillugu isiginiartariaqariga, soorlu taamaattoqarnera tulliuuttuni nassuiarpara:

*Siullertut pineqartoq tassaavoq Kalaallit Nunaanni attartorneq pillugu peqqussutip 13. juni 1994-imeersup siunnersuutigineqarnerani oqaaseqaatit uku § 33, imm. 2-mut attuumatinneqarnerat:*

*”Aalajangersagaq nutaajuvoq attartornerullu atorunnaarsinneqarneranut ata-tillugu attartortitsisup pisinnaatitaaffiinik pisussaaffiinillu erseqqissaanerulluni. Aammattaaq qallunaat attartornermut inatsisaanni § 93, imm. 2-misulli, pi-masaqaatit akilersinniarneqarnerini akiliuteqartitsinissamut piginnaatitaanermik aalajangersagaq imaqarpoq.”*

*Taamaalilluni tunngaviutinneqartariaqarpoq Kalaallit Nunaanni attar-torneq pillugu inatsimmi 1994-imeersumi § 33, imm. 2-p oqaasertaler-sorneqarnerani qallunaat attartorneq pillugu inatsisaanni § 93, imm. 2 isu-massarsiorfittut atorneqarsimasoq.*

*Tamatuumunnga peqatigitillugu pineqartoq tassaavoq suliassa qarfiup naalagaaffimmit tiguneqarnerata kingorna Kalaallit Nunaanni attartorneq pillugu peqqussutissatut siullertut siunnersuut, inissianik attartorneq pil-lugu Inatsisartut peqqussutaat nr. 3, 20. juni 1989-imeersaq, oqaaser-tamigut allaassuteqaraluarluni iluatsiffiunngitsumik akiliisitsiniartoga-reeraluarnerata kingorna attartukkamik atorunnaarsitsineq pillugu malit-tarisassanik imaqartoq pillugu oqaaseqaatinit makku ersertut:*

*”Aalajangersakkani ataasiakkaani taaguutit ilaatigut atorneqarput, soorlu ”Illu inillu taassumaniit”, imaluunniit ”attartortoq” imaluunniit ”attartukkamik alla-mut attartortitsineq” sordiaanerili annertunerusumik nassuiaasersornagit, taa-maaliornermi pissutaavoq oqariartaatsit tamakkununga tunngasut assigiinngitsut inatsisinik oqaasertalersueriaatsimi eqqartuuseriaatsimilu taagueriaatsinut as-sigiinngitsunut arlalissuannngorlugit atugaatinneqartannngimmata.”*

*Kalaallit Nunaanni attartorneq pillugu peqqussut siulleg attartorneq pillugu peqqussutip Inatsisartut 1987-imi ukiakkut ataatsimiinneranni saqqumminneqartup suliarineqarneranut atatillugu ajornartorsiutit pillu-git nassuiaammik Naalakkersuisunit 17. oktober 1987-imi suliarineqarsi-masumik aamma tunngaveqarpoq, nassuiaammilu attartornermik atorun-naarsitsisarneq pillugu immikkoortumit makku erserput:*

*”Naalakkersuisut pilersaarutigaat isumaqatigiisummik eqquutitsinngitsoorner-mut tunngatillugu maleruaqqusat atuutsiinnarnissaat, tassa attartortitsisoq pisin-naatinneqarmat attartornermi isumaqatigiisut atorunnaarsissinnaallugu piaarner-paamik, assersuutiginnarlugu attartortup illumut akiliutissani akilersimannngippa-gu, naak akileeqquneqarluni nalunaarfigineqartarsimagaluarluni...”*

*Naalagaaffiup illuutaanik ingerlatsinermut akisussaaffik ineqarner-mullu tunngasunut malittarisassanik aalajangersaasarnermi oqartussaas-suseq inigisassaqaartitsineq, inigisaqarnermut ikiorsiissuteqarneq, inigisa-nik attartortitsineq il.il. pillugit Kalaallit Nunaannut inatsit nr. 944, 23. de-*

cember 1986-imeersoq tunngavigalugu 1. januar 1987-imi Namminersornerullutik Oqartussat tiguaat.

Inatsisissatut siunnersuummi § 2-p piareersarlugu suliarineqarnerani sulianit erserpoq naalagaaffiup attartortitsinermi periaatsimini qallunaat attartorneq pillugu inatsisaanni tunngaviusut malissimagai.

*Qallunaat attartorneq pillugu inatsisaanni § 93-imit makku erserput:*

”§ 93. Imatut pisoqartillugu attartortitsisup attartornermik isumaqatigiissut atorunnaarsissinnaavaa:

a) Akililutit aningaasalluunniit akilissallugit pisussaaffigisat allat piffissaagalartillugu akilerneqanngippata, tak. imm. 2.

...

Imm. 2. Attartortitsisup isumaqatigiissut taamaallaat atorunnaarsissinnaavaa kingusinaartumik akiliisoqartillugu, akiitsunik akileeqqusissutip allaganngorlugu attartortumit tiguneqarneranit kingusinnerpaamik ullut pingasut qaangiunneranni akiitsut akilerneqarsimangippata. Attartortitsisup piumasagaataa ullup piffissaa-gallartillugu akiliiffissap kingulliup kingornagut saqqummiunneqarsimassaaq, erseqqissummillu oqaatigineqarsimassalluni akiitsut piffissaliunneqartup naannginnerani akilerneqarsimangippata attartortitsineq atorunnaarsinneqarsinnaa-soq. § 33, imm. 3 tamatuma pissuseqataanik atorneqassaaq. Piumasagaammut aki-liutitut attartortitsisup 100 kr.-t akileqqusinnaavai akiitsullu sinnerinut 1.000 kr. sineqartunut 2%-it ilanngullugit.

§ 94. Pissutsit attartortumut nanertuutaasumik tutsinneqartut pingaaruteqanngitsut nalilerneqarpata attartortitsisup attartorneq pillugu isumaqatigiissut atorunnaarsissinnaanngilaa.

Imm. 2. Pissutsit § 93, imm. 1, ...-mi taaneqartut attartortitsisup atuutsinniarsinnaanngilai, pissutsit taakku attartortitsisup attartorneq pillugu isumaqatigiissu-mik atorunnaarsitsinnginnerani aaqqinneqarsimappata.” (Atorfeqarfimmi nutsigaavoq.)

Taamaalliluni pineqartoq aamma tassaavoq qallunaat kalaallilu inatsisaanni oqaasertaliussat pingaarnerpaatigut assigiit pineqarnerat.

Tamatuma saniatigut pineqartoq tassaavoq Kalaallit Nunaanni attartorneq pillugu peqqussut siulleq Inatsisartunut saqqummiunneqartoq pillugu oqaaseqaatinit qulaani issuarneqartunit ersertut Naalakkersuisut innersuussutigimmassuk inatsiseqartitsinikkut nassuiaatit atorneqartut ”taamaaliornermut pissutaavoq oqariartaatsit tamakkununnga tunngasut assigiinngitsut inatsisinik oqaasertalersueriaatsimi eqqartuuseriaatsimilu taagueraatsinut assigiinngitsunut arlalissuannngorlugit atugaatinneqartanngimmata.”, taamaattumillu inatsiseqartitsinermi taaguutit ilisimaneqareersut erserernalugu.

Attartorneq pillugu peqqussummi 1994-imeersumi § 33-p tunuliaqutaanik allaaserinninneq aallaavigalugu, peqqussutillu piareersarneqarneranni suliat peqqussutip qanoq paasineqarnissaanik nassuiaataasunik allamut angusaqarnissamut tunngaviusinnaasunik imaqanngimmata isumaqarpunga attartorneq pillugu peqqussummi inatsiseqartitsinikut nassuiaanerit qallunaat attartorneq pillugu inatsisaanni nassuiaanerisut paasineqassa-

sut, attartorneq pillugu peqqussut pillugu oqaaseqaatit allamik taasaqarsimangippata.

Pingaartumik attartukkamik atorunnaarsitsisarneq pillugu malittarisassanut atatillugu nassuiaammi 1987-imeersumi attartorneq pillugu peqqussummut (1989-imeersumut) tunngaviusumi oqaatigineqarpoq naalagaafiup suliassaqarfimmik ingerlatsinerani inatsiseqartitsinikkut atuuttut ingerlateqqinneqartussaasimasut.

Taamaattumik isumaqarpunga attartorneq pillugu peqqussummi 1994-imeersumi attartukkamik atorunnaarsitsisarneq pillugu malittarisassat qallunaat attartornermik inatsiseqartitsinerat naapertorlugu nassuiarlugillu paasineqartariaqartut.

Tamatuma kingorna oqaatigaara piumasaqaateqarluni allakkat attartukkap atorunnaarsinneqarneranut tunngaviusinnaassappata taakku imarisaat eqqarsaatigalugit arlalinnik piumasaqaateqartoqartariaqartoq.

Tamanna allakkat piumasaqaataasut ineqarnermut (imaluunniit kiasarnermut/qularnaveeqqusiissutinut) akiliuteqartoqarnissaanik nukingsaarutaannaannginnerannik, aammali akiliisoqanngiinnarpat attartukkap atorunnaarsinneqarumaarneranik ilimasaarutaallutik.

Tamatuma siullertut nassataraa aningaasat akileqquneqartut, tassalu attartugaq atorunnaarsinneqaqqunagu aningaasat attartortup akilertussaasai, eqqortumik naatsorsorneqarsimasussaasut.

Inatsisinik atuutsitsinermi periaatsip kingunerisaanik aningaasat akileqquneqartut annertuumik nikingassuteqarnerisa aningaasat akileqquneqartut attartukkap atorunnaarsinneqarneranut tunngaviusinnaannginnerat nassataraat.

Matumani uku innersuussutigaa: Finn Haargaard, Lejefogedsager, aappasaanik naqiterneqarnera, 2003, Jurist- og Økonomforbundets Forlag, qupperneq 16 tulliuuttullu, pingaartumik qupperneq 18 tullialu.

Aammattaaq pineqartoq tassaavoq akiitsut piffissamut sumut tungasuunerat piumasaqaammit takuneqarsinnaasariaqartoq. Taamaattumik "konto pillugu takussutissiap ullumikkumeersup inerneru" taassumaluunniit assigisai innersuussutigissallugit naammannaviarunannilaq, konto pillugu takussutissiaq immikkuualuttulersugaq ilanngullugu nassiuqqunngippat. Akiitsut akiligassanut assigiinngitsunut piffissami sivilisunerusumik pilieriaarsimasunut tunngasuuppata piumasaqaatit sakkortunerulissaput.

Finn Haargaardip atuakkiaani qulaani taaneqartumi qupperneq 34 innersuussutigaa.

Tamakku saniatigut Kalaallit Nunaanni inatsiseqartitsinermi siusinnerusukkut oqaatigineqartutut pineqarpoq Namminersornerullutik Oqartussat kommunillu inissiaataannit attartortittakkanit anisitsisarneq pillugu Namminersornerullutik Oqartussat nalunaarutaanni nr. 60-imi, 29. december 1994-imeersumi § 3, imm. 1 inissiaatileqatigiiffiup malittussaagaa, tassanimi aalajangersarneqarmat attartorneq annertuumik sumiginnagaasi-

masutut isigineqassasoq ineqarnermut kiassarnermullu akiliutissat imaqaluunniit qularnaveeqqusiissutissanut akilersuutissat attartornissamik isumaqatigiissut malillugu piffissaq eqqorlugu kingusinnerpaamik akilerneqarfissaat qaammatinik marlunnik kingoqqullugu akilerneqarsimanngippata.

Qaammammi ataasiinnarmi ineqarnermut akiliutinut akiitsoqarneq pisutigalugu piumasaqaateqartoqassappat tamatuminnga paasinnissinnaasoqassappat akiitsut piffissamut sumut tunngasuunerisa qulaajarneqarsimanissaat pinngitsoorani piumasaqaataasariaqarpoq.

Tamanna suliami matumani akileeqqusilluni piumasaqaateqarnermi oqaatigineqarsimanngilaq, taamatuttaarlu suliami paasisutissanit allanit tamanna ersinnani.

Aamma pineqartoq tassaavoq attartugaq atorunnaarsinneqarmat qaammatini marlunni ineqarnermut akiitsut pineqannginnerat, qaammammili ataatsimi ineqarnermut akiitsut kisimik pineqarnerat.

Tamanna tunngavigalugu isumaqarpunga akileeqqusilluni piumasaqaatigineqartoq ima amigaateqartigisoq attartukkamik 28. august 2001-imi pisimasutut atorunnaarsitsinermut tunngaviusinnaasimanani.

A-p attartugaanik inissiaatileqatigiiffiup 2001-imi atorunnaarsitsisimanera attartukkamik atorunnaarsitsinermut atatillugu inatsisitigut sunniutit ilungersunartut attartortumut tutsinneqartut, taamaattumillu attartukkamik atorunnaarsitsinerup pissutissaqarneranik inatsisinilluunniit unioqqutitsisuunnginneranik attartortitsisup immikkut eqqumaffiginnittariaqarnera isiginarlugit isorisarialerujussuartut isigisariaqarpara.

Attartukkamik pissutissaqarnani atorunnaarsitsineq qanoq iliuuseqar-nissamut pissutissaqalersitsinersoq inissiaatileqatigiiffiup isummerfigissaga inassuteqaatigaara.

Tamatumunnga atatillugu oqaatigissallugu pissutissaqarpunga inissiaatileqatigiiffiup politiinut allakkamini 19. september 2001-imeersuni A-mik taassuma attartugaanik inissiaatileqatigiiffiup anisitseqqusineranik imaqartuni oqaatigisimagaa A ”qaammatit marlunnuk sinnerlugit ineqarnermut akiliutinut akiitsoqarmat”.

Suliamik misissuininnit qulaanilu oqaatigisannit ersertutut pineqartoq tassaavoq qaammatini marlunni ineqarnermut akiitsut aatsaat 1. september 2001 aallarnerfigalugu pilersimasut.

Taamaattumik aamma isumaqarpunga inissiaatileqatigiiffiup politiinut paasisutissiisutaa eqqunngitsuusoq, tassami politiit isumaqalersissinnaagamigit attartugaq qaammatini marlunni ineqarnermut akiliutinut akiitsut pissutigalugit atorunnaarsinneqarsimasoq.

Suliamik suliarinninneq pillugu apeqqutit allat.



Tulliuttuni inissiaatileqatigiiffiup suliamik suliarinninnerani pissutsinik misissuina A-p attartugaata atorunnaarsinneqarnera pillugu oqaaseqaatinnut attuumassuteqanngilaq.

Pineqartoq tassaavoq A-p attartugaata atorunnaarsinneqarnerata kingornatigut inissiaatileqatigiiffiup suliamik suliarinninnera eqqarsaatigalugu immikkut misissuineq.

Aammattaaq inissiaatileqatigiiffiup A-mut nukingisaarinermut akiliutinik akiliisitsisimanerata inatsisunik eqqortitsisuunera eqqortitsisuunngineraluunniit isummerfigisimavara, taamatuttaaq attartukkap atorunnaarsinneqarneranut attuumassuteqanngitsumik.

2001-imi decemberip qaammataani ineqarnermut akiliutinik A-p akiliisinniarneqarnera.

A 2001-imi decemberip qaammataa ilanngullugu ineqarnermut akiliutinik akiliisinniarneqarsimasoq oqaatigineqarpoq.

A-p attartornera 28. august 2001-imi atorunnaarsinneqarpoq.

Attartorneq pillugu peqqussummi § 33, imm. 4-mi qulaani aamma isuarsimasanni attartukkap atorunnaarsinneqarnerani attartortitsisup attartortumut piumasaqaatai pillugit imaattunik aalajangersaasoqarsimavoq:

”Immikoortoq 1-imi taaneqartut pissutigalugit attartortitsineq atorunnaarsinneqarpat, attartortoq pisussaavoq attartukkani ingerlaannaq qimassallugu ineqarnermullu akiliut attartornermullu atatillugu aningaasartuutit akilissallugit, attartukkap nalinginnaasumik qimannissaatut sivisutigisumik. Aammattaaq paarinerluinikkut attartortitsisup annaasaqaatai attartortup akilertussaavai, aammattaaq attartornerup kinguartinneqarneratigut aningaasartuutit.”

Inissiaatileqatigiiffiup akissutaa 3. juni 2003-meersoq imatut paasivara inissiaatileqatigiiffiup attartorneq pillugu § 33, imm. 4-p nassatarisaanik pisassarisat piffissamit A-p attartukkamit anisitaanerani naatsorsorsimagai.

Attartorneq pillugu § 33, imm. 4 qallunaat attartorneq pillugu inatsisaanni § 95, imm. 1-imut imatut oqaasertaqartumut naapertuuttuuvog:

”Attartortitsisup attartorneq pillugu isumaqatigiissut atorunnaarsippagu attartortup attartukkani ingerlaannaq qimassavaa, piffissamilu nalinginnaasumik piffissaqartitaalluni nuussinnaanissami tunganut ingerlasumi ineqarnermut akiliutit il.il. akilissallugit. Aammattaaq annaasat suulluunniit attartortup akilissavai, matumani attartornerup kinguartinneqarneratigut aningaasartuutit ilanngullugit eqqarsaatigalugit.” (Atofeqarfimmi nutsigaavoq.)

Tunnngaviit qulaani nassuiarsimasakka pissutigalugit isumaqarpunga attartorneq pillugu peqqussummi § 33, imm. 4 qallunaat attartorneq pillugu inatsisaanni § 95, imm. 1 naapertorlugu paasineqartariaqartoq.

*Attartortitsisup pisassarisaanik attartorneq pillugu inatsimmi § 95, imm. 1, oqaaseqaatigiit siulliit malillugit naatsorsuinerup qanoq paasineqarnis-saa eqqarsaatigalugu Vestre Landsret-i eqqartuussutimini Ugeskrift for Retsvæsen 1990, qupperneq 125-mi tulliuttunilu naqinneqartumi oqarsimavoq attartortup atorunnaarsitsinissamut piffissaliussaa attartukkap atorunnaarsinneqarneranit naatsorsorneqassasoq, naak attartortoq atorunnaarsitsinerup kingorna ingerlaannaq qimatsinngikkaluartorluunniit.*

*Landsret-i eqqartuussummut tunngavilersuummini oqarpoq:*

*”Unnerluutigineqartup atorunnaarsitsinerup qaammatinik pingasunik piffissaqartitaanera attartorneq pillugu inatsimmi § 95, imm. 1-imi oqaaseqaatigiit siulliit malillugit unnerluutiginnittup attartukkamik 1987-imi decemberip qaammataani atorunnaarsitsineranit naatsorsorneqartussatut isigineqarpoq, pineqartoq ingerlaannaq qimatsinngikkaluartorluunniit, taamaalilluni unnerluutiginnittup tamanna tunngavigalugu attartornermut akiliutit taamaallaat 1. april 1988 tikillugu piumasaaqatigisinnaallugit.*

*Tamatuma kingorna, unnerluutiginnittorlu attartorneq pillugu inatsimmi § 95, imm. 1-mi oqaaseqaatigiit aappaat tunngavigalugit allanik taarsiivigineqarnissaminut piumasaaqateqarsinnaanersoq uppernarsaasersuinikkut uppernarsineqanngimmat, unnerluutinnittup unnerluutigineqartumit pisassarisai 1988-imi martsip qaammataani ineqarnermut akiliutinik 2.536,55 kr.-nik amerlineqassapput, imaluunniit katillugit 24.435,24 kr.-nngortinneqassallutik.” (Atorfeqarfimmi nutsigaavoq.)*

*Tamanna tunngavigalugu paasinninnera unaavoq attartortitsisup attartorneq pillugu peqqussummi § 33, imm. 4-mi oqaaseqaatigiit siulliit malillugit piumasaaqataa imatut paasineqartariaqartoq attartortitsisoq attartukkap atorunnaarsinneqarnerani attartortup nammineq nalinginnaasumik piffissaqartitsilluni atorunnaarsitsineranit ajornerusumik inissisimalersinneqassanngitsoq.*

*§ 33, imm. 4-mi oqaaseqaatigiit aappaani pineqartoq taamaallaat attartukkap paarineqarlunneqarnerata kingunerisaanik attartortitsisup taarsiivigineqarnissamik piumasaaqaataanut tunngavoq, matumani assersuutigalugu iluarsaassinermut aningaasartuutit eqqarsaatigalugit.*

*Attartortuusimasup attartugaq atorunnaarsinneqareeraluartoq najugaqaannarnera peqqussummi § 33, imm. 4-mi oqaaseqaatigiit aappaanni pineqartunut ilaatinneqanngilaq, tassami attartortuusimasup inissiamik atuinera attartornermik tunngaveqanngimmat.*

*Attartortuusimasulli attartukkap atorunnaarsinneqarnerata kingorna pisinnaatitaanani atuineranut atatillugu ineqarnermut akiliutinik annaasanik attartortitsisup matussuseeqquisinnaanerani apeqquut taarsiissuteqartarneq pillugu inatsisiseqartitsinermi malittarisassat malillugit aalajangiivigineqartariaqarpoq, attartorneq pillugu peqqussutip avataatigut, peqqussutimmi taassuma pisunut attartorneq pillugu isumaqatigiissummik taassumaluunniit sumiginnarneqarnerani tunngaveqanngitsunut inissia-*

mik piginnittup taarsiivigineqaqqusinnaanera aalajangersaaviginngimma-  
gu.

Taamaattumik paasinninnera unaavoq inissiaatileqatigiiffiup A-mit ineqarnermut akiliutitigut A-p attartukkamit anisitaanerani annaasaminik naatsorsuinaera eqqortuunngitsoq, tassami inissiaatileqatigiiffik attartorneq pillugu peqqussummi § 28, imm. 2-mi oqaaseqatigiit pingajui malillugit qaammattip naanerani qaammammik ataatsimik piffissaqartitsinissamik piumasaqarsinnaammatt, tassalu attartukkamik 28. august 2001-imi atorunnaarsitsinermi 2001-imi septemberip qaammataata naaneranut.

Inissiaatileqatigiiffiulli A-p inissiamit attartukkamit 31. oktober 2001-imi anisitaanera eqqarsaatigalugu piffissaliineq naatsorsorsimavaa.

Taamaattumik ajuusaarnartutut isigaara inissiaatileqatigiiffiup paasisutissat pigineqartut tunngavigalugit piffissamit 1. oktober 2001-imit 2001-imi decemberip naaneranut ineqarnermut akiliutit A-mut naatsorsorsimammagit, attartortup atorunnaarsitsinissaminut piffissaliussaralua innersuussutigalugu.

Isumaqatigiissutip avataatigut taarsiissuteqartarneq pillugu malittarisassat malillugit inissiaatileqatigiiffik attartukkap atorunnaarsinneqarnerata kingorna A-p inissiamik atuineratigut annaasaminik A-mut taarseeqqusissappat tamanna eqqartuussivinnit aalajangiivigineqartariaqarpoq.

Attartornermut akiliutitigut pisassarisat pisassarisallu allat immikkoortismaneqarnerat inissiaatileqatigiiffimmut pingaaruteqarpoq, tassami taarsiissutigeqqusat attartornermi pisassarisat pineqarsinnaanerisa paarlattuanik siumut eqqartuussuteqartoqariinngikkaluartoq pinngitsaaliinik-kut naammassinniffigineqarsinnaanngimmata, aamma tak. inissiaatileqatigiiffiup ineqarnermut akiliutitigut pisassarisai pillugit ataani oqaaseqaatikka.

Inissiaatileqatigiiffiup annaasaqarsinnaanermik attartorneq pillugu peqqussummi § 33, imm. 5 malillugu killilersimaarinnittussaataanera.

Inissiaatileqatigiiffiup allakkani 3. juni 2003-meersuni nassuiaataa malillugu inissiaatileqatigiiffiup annaasaqarsinnaanermik killilersimaarinnittussaataanermik malinninneranik isornartorsuiniannut tunngavis-saqarnanga isumaqarpunga.

Attartukkap atorunnaarsinneqarneranut atatillugu inissiaatileqatigiiffiup pisassarisaminik naatsorsuinnerminik A-mut ilisimatitsinera.

A inissiaatileqatigiiffiup pisassarisaanik allakkatigut 18. januar 2002-meersutigut nalunaarfigineqarpoq.

Inissiaatileqatigiiffiup tusarniaanermut akissummini 3. juni 2003-meersumi allakkat arlallit ilanngullugit nassiunneqartut innersuussutigai.

*Inissiaatileqatigiiffiup tusarniaanermut uannut akissutaata oqaasertalersorneqarnera malillugu tunngaviutittariaqarpara ingerlatseqatigiiffiup A-mut allagai 18. januar 2002-meersut konto pillugu takussutissiamik nuunnermullu akiligassiisummik 15.910 kr.-nik aningaasartaqartumik ilaqartinneqarsimasoq.*

*Siullertut apeqqut saqqummerpoq, inissiaatileqatigiiffiup allagai 18. januar 2001-imeersut ingerlatsineq pillugu inatsiseqartitsineq tunngavigalugu aalajangiinerunersut.*

*Iluarsaassinermit aningaasartuutinik akiliisitsiniarneq:*

*Inissiaatileqatigiiffik Namminersornerullutik Oqartussat kommunillu inissiaataannik aqutsineq pillugu malittarisassatut aalajangersarneqarsimasut tunngavigalugit aalajangiippat aalajangiineq taanna suliassat suliarineqartarnerat pillugu inatsimmi pineqartunut ilaassaaq, tak. inatsimmi tassani § 2, imm. 1.*

*Inissiaatileqatigiiffilli inatsiseqartitsinermi malittarisassat attartorneq pillugu peqqussut malillugu attartortitsisup pisortani oqartussaasuunernik apeqqutaatitsinngitsut malillugit aalajangiippat suliassat suliarineqarnerqartarnerat pillugu inatsisip atorneqannginnissaa aallaaviusariaqsaaq.*

*Pisassarisat naatsorsuutini "Nalinginnaasumik aserfallatsaaliuineq"-tut, "Nalunaarut tunng. paarsinerlunneq"-tut, "Akiligassaq alla"-tut aamma "Aserfallatsaaliuinermit ilanngaas"-itut taaneqartut inuinnarnik inatsiseqartitsineq tunngavigalugu pisassarisaammata isumaqarpunga pisassarisat taakku naatsorsorneqarneranni suliassat suliarineqartarnerat pillugu inatsimmi tunngavilersuinissamik piumasaqaat inissiaatileqatigiiffiup malissagaa piumasaqaatigineqarsinnaanngitsoq.*

*Ineqarnermut akiliutinik akiliisitsiniarneq:*

*Aappaattut pineqartoq tassaasinnaavoq malittarisassat immikkut ittut attartorneq pillugu peqqussutip avataaniittut nassatarigaat aalajangiinerit attartorneq pillugu peqqussut malillugu inuit ataasiakkaat pillugit inatsiseqartitsinermit tunngasuugaluartut ingerlatsinermit inatsiseqartitsinermi malittarisassat malillugit nalilerneqartariaqartut. (Ingerlatsinermit inatsiseqartitsinermi tunngaviulluinnartut, soorlu pisunik imminnut naapertuuttuutitsinermit tunngavik, inissiaatileqatigiiffiup inuinnarnik inatsiseqartitsineq tunngavigalugu sulineranut aamma atuutissapput, tak. tulliutuni tamatumunnga tunngasut).*

*Taamaalilluni paasinninnera malillugu pineqartoq tassaavoq ineqarnermut akiliutinik akilerneqartussanngorsimasunit inissiaatileqatigiiffiup pisassarisaanik naatsorsuineq ingerlatsinermit inatsiseqartitsineq tunngavigalugu aalajangiinerusoq, tassami Namminersornerullutik Oqartussat ineqarnermut akiliutitigut pisassarisai eqqartuussutikkut aalajangiisogaariinngikkaluartuq pinngitsaaliinikkut akiliisitsiniarnermi naammassinniffiusinnaammata, tak. eqqartuussisarneq pillugu inatsimmi kapitali 7, § 1, imm. 2, nr. 2, tamatumalu aalajangiinerni taamaattuni ingerlatsinermit i-*

natsiseqartitsinermi malittarisassat atorneqartarnissaat attartortut pisariaqartippaat.

Taamaattumik ineqarnermut akiliutinik akilerneqartussanngorsimasunik akiliisitsiniartoqarnissaanik aalajangiinermi suliassat suliarineqartarnerat pillugu inatsimmi tunngavilersuisarneq pillugu malittarisassat inissiaatileqatigiiffiup malittussaavai.

Suliassat suliarineqartarnerat pillugu inatsit § 24, imm. 2-mi paasissutissat suliame pissusiviusunut tunngasut aalajangiinermi annertuumik pingaartinneqartut pillugit nassuiaammik imaqarnissaannik piumasaqaammik imaqarpoq, taamatuttaarlu inatsimmi § 24, imm. 1-ip nassataralugu tunngavilersuineq inatsiseqartitsinermi malittarisassat suut tunngavigalugit aalajangiisoqarsimaneramik nassuiaammik imaqartussaallutik.

Taamaattumik inissiaatileqatigiiffik ingerlatseqatigiiffiup ineqarnermut akiliutitigut pisassarissat qanoq iliorluni naatsorsimallugit A-mut nassuiaateqarnissaminut pisussaaffeqarsimavoq, taamatuttaarlu inissiaatileqatigiiffiup ineqarnermut akiliutitigut pisassarisaminut attartorneq pillugu peqqussummi malittarisassat tunngavigisimasai pillugit erseqqinnerusumik innersuussinissaminut pisussaaffeqarsimalluni. Ingerlatseqatigiiffiup ineqarnermut akiliutitigut pisassarisaminik naatsorsuinerminut atatillugu suliassat suliarineqartarnerat pillugu inatsimmi sukumiisumik tunngavilersuisarnissamik piumasaqaat inissiaatileqatigiiffiup eqqortissimannngimagu ajuusaarnartutut isigaara.

Immikkut oqaatigaara inissiap imaarneqarneranut aningaasartuutit inissiaatileqatigiiffiup "Ineqarnermut akiligassaq"-nut taaneqartunut ilanngussimmagat isorisarialittut isigigiga, tassami aningaasartuutit taakku ineqarnermut akiliutitigut pisassarisatut sukkulluunniit taaneqarsinnaasussaannngimmata.

Qulaani aamma oqaatigisattut inissiaatileqatigiiffiup tunngavilersuinis-saq pillugu piumasaqaammik eqqortitsisimannginnera pillugu isornartorsi-uinera inissiaatileqatigiiffiup uanga paasinninnera malillugu piffissami 1. oktober 2001-imit ineqarnermut akiliutinut akiitsunik pisassarisamisut A-mut piumasaqaateqarsinnaanani piumasaqaateqarneramik isornartorsi-uninnut attuumassuteqanngilaq.

Inissiaatileqatigiiffiup pequtinik poortuinermit assartuiner Mullu pisassarisai 15.901 kr.-t.

Pisassarisat taakku tassaapput pequtinik nutserisartut suliffeqarfutaata inissiaatileqatigiiffimmut akiligassiissutaa 12. november 2001-imeersoq tunngavigalugu inissiaatileqatigiiffiup aningaasartuutigisimasai.

Akiligassiissummi aningaasartuutit annertuut tassaapput nalunaaquttap akunneri 51-it, katillugit 10.965 kr.-nik aningaasartallit kiisalu biilinik nal. akunnerini tallimani assartuineq katillugit 2.250 kr.-nik aningaasartalik.

*Aallaqqaasiullugu oqaatigaara akiligassiisutit pineqartup akilernissaanut inissiaatileqatigiiffiup inatsiseqartitsinermit malittarisassat malillugit akilernissaanut ilumut pisussaaffeqarsimaneramik naliliineq uanga sulinerma avataaniimmat.*

*Inissiaatileqatigiiffiulli aningaasartuutit akiliisimanerata ingerlatseqatigiiffiullu tamatuma kingorna A-mut taakkuninnga akiliisitsiniarsimanerata arlalinnik tunngaviusunik oqaaseqaateqarnissannut pissutissaqalersippaanga.*

*Siullertut pineqartoq tassaavoq inissiaatileqatigiiffiup pisortat inissiaataannik attartortittakkanik aqutsisuunermigut pisortani oqartussaasuunermigut suliassap sapinngisamik akikinnerpaamik naammassineqarnissaa isumagissagaa, taamatuttaarlu nukissanik asiutitsinaveersaartoqassalluni.*

*Attartukkanit atorunnaarsinneqartunit attartortunik anisitsinermut atattillugu pequtinik assartuineq inissiaatileqatigiiffiup nammineq isumagissaneraa imaluunniit inissiaatileqatigiiffiup suliassamut tassunga namminersortumik ikiortissarsiorumanera inissiaatileqatigiiffiup aallaavittut nammineq isummerfigisinnaavaa.*

*Inissiaatileqatigiiffiup suliffeqarfik namminersortoq ikiortiginiarlugu aalajangiuppagu suliassaq taamaaliornikkut inissiaatileqatigiiffiup nammineq isumagissimasuuppagu aningaasartuutaasussanit akisunerulinnginnissaa tunngaviusariaqarpoq.*

*Aammattaaq suliassap suliffeqarfimmut namminersortumut isumagissasannngortinneqarnerani akigitinneqartup naammaginartut naliliivigineqarnerani tamatuma kingorna pisassarisanik taakkuninnga attartortuusimasumut akiligassannngortitsinnaaneq inissiaatileqatigiiffiup inatsisinik unioqqutitsinani pingaartillugu isiginiarsinnaanngilaa. Pisut imminnut naapertuuttuusussaanerannik tunngaveqarnerup aningaasanik qanoq amerlatigisunik inissiaatileqatigiiffiup attartortuusimasumut akileeqqusinnaaneramik arlalitsigut killiliinera pillugu tulluuttuni oqaaseqaatikka aamma innersuussutigaa.*

*Suliassap sularineqarnissaa inissiaatileqatigiiffiup suliffeqarfimmut namminersortumut imissutiguniuk aki inissiaatileqatigiiffiup akiligassaa naapertuuttuunersoq inissiaatileqatigiiffiup qulakkeertussaavaa.*

*Inissiaatileqatigiiffik assersuutigalugu missingiutitut akimik neqerorummilluunniit pissarsiniarnissaminut periarfissaqarpoq, imaluunniit assartuineq pillugu isumaqatigiissuteqartoqannginnerani siumut neqerorutit marlunnik pissarsisinnaalluni.*

*Aammattaaq suliassap sulariumannittussarsiuunneqarnera assigiisaartumik piumasagaatit akinik aalajangersaanermik aaqqiisuusut malillugit pissanersoq isumaliutersuutigisussaavaa.*

*Pequtinik assartuinermit suliassaq aki inissiaatileqatigiiffiup assartuinnissamik aningaasatigut soqutigisaanit annertuneroqisoq kisiat atorlugu naammassineqarsinnaappat tamanna attartortuusimasumik pinngitsaaliil-*

*luni anitsineq ilumut naammassiniarneqartariaqarnersoq isumaliutersuutimini inissiaatileqatigiiffiup ilaatittariaqarpaa.*

*Inissiaatileqatigiiffiup tamatumunnga atatillugu assersuutigalugu attartornermut akiitsut ikinnerusut pinngitsaaliinikkut akilersinniarnissaat tamatumalu kingorna attartukkamik atorunnaarsitsinermik aalajangiinerup utertinneqarnissaanut periarfissaq isumaliutersuutigisariaqarpaa.*

*Suliassap inissiaatileqatigiiffimmut sapinngisamik akikinnerpaamik naammassineqarnissaanik pisussaaffiup saniatigut akiligassiissutit inissiaatileqatigiiffiup tigusani misissoqqissaarlugit naliliiffigisariaqarpai.*

*Akiligassiissut suliamut naammassineqarsimasumut naapertuuttuunngitsoq inissiaatileqatigiiffik naliliiguni akip appartinneqarnissaa piumasaqaatigisarisaqarpaa.*

*Assartuineq nakkutigissallugu inissiaatileqatigiiffik periarfissaqarpoq, akiligassiissutip nakkutiginnissaa siunertarerpiarlugu, inissiaatileqatigiiffillumi taamatut nakkutilliissalluni pisussaaffeqarpoq, inissiaatileqatigiiffiup inatsisitigut tunngavissaqanngitsumik aningaasartuuteqannginnissaata qulakkeerneqarnissaa siunertaralugu.*

*Inissiaatileqatigiiffik tamatumunnga atatillugu oqarsimavoq inissiaatileqatigiiffik naliliisoq nalunaaquttap akunnerinik atuineq suliap annertussusianut naapertuuttusoq, akiligassiissutillu tamarmik inissiaatileqatigiiffiup nakkutilliisuinit misissorneqartartut.*

*Suliami pineqartumi nalunaaquttap akunnerinik atuinerup suliamut naapertuuttuusimaneramik inissiaatileqatigiiffiup naliliineraata isummerfiginnissaa sulinerma avataaniippoq.*

*Paasinninnerali unaavoq nakkutiginninnermi inissiaatileqatigiiffiup ingerlassassaani nalunaaquttap akunnerinik atuinermik erseqqissumik naliineq aamma ilaatinneqartariaqartoq, nalunaaquttallu akunnerinik atuineq taanna pingaartumik suliassap annertussusianut atatillugu isiginiarneqartariaqartoq (matumani inissiamik marlunnik initalimmik imarsineq pineqarpoq).*

*Inissiaatileqatigiiffiup nutsernertut akiligassiissutit sunik tunngaveqarluni misissortarnerai ilisimanngilara.*

*Isumaqaarpungali suliassap suliarineqarnera inissiaatileqatigiiffiup suliffeqarfimmut namminersortumut nakkutilliinnngivilluni suliaritissinnaanngikkaa, tassani akiligassiissutinik tamatuma kingorna misissuiniarneq qaapiaannartuusussaamat.*

*Tamatumunnga peqatigitillugu naliliinera unaavoq inissiaatileqatigiiffiup Namminersornerullutik Oqartussat kommunillu sinnerlugit sulineranik nakkutilliinissamat periarfissaq eqqarsaatigalugu inissiaatileqatigiiffiup suliffeqarfinnik namminersortunik, matumani pequtinik nutserisartorqarfiit ilanngullugit eqqarsaatigalugit, atuinera pillugu periaasiusunik erseqqissunik peqarnissaq inissiaatileqatigiiffiup qulakkeertariaqaraa.*

*Taamaattumik inassuteqaatigaara periaatsit tunngavinnik qulaani taak-kartorneqartunik atuiffiusut, inissiaatileqatigiiffiullu suliassaataasa sapin-*

ngisamik akikinnerpaamik suliarineqartarnissaannik nukinnillu asiutitsisoqartannginnissaannik qulakkeerisut inissiaatileqatigiiffiup atulissagai.

Tamatuma saniatigut Namminersornerullutik Oqartussat kommunillu inissiaataannik attartortittakkanik inissiaatileqatigiiffiup aqutsinera oqartussaasup suliaanik suliarinninnerummat suliat suliarineqarnerinut innuttaasut akiliisinniarnissaannut inissiaatileqatigiiffiup periarfissai arlalitsigut killissalernerqarput.

Pineqartoq tassaavoq nutsernermut aningaasartuutit akilerneqarnissaannik piumasaqaateqarsinnaanermut attartortitsisup namminersortup periarfissaqarneratut annertutigisumik inissiaatileqatigiiffik attartorneq pillugu peqqussummi § 33, imm. 4-mi oqaaseqatigiit aappaat malillugit piumasaqaateqarsinnaanermut periarfissaqanngitsoq.

Ingerlatsinermik inatsiseqartitsinermi tunngaviit nalinginnaasut, matumani pisunik imminnut naapertuuttuutitsineq ilanngullugu eqqarsaatigalugu, suliassaqarfimmi inissiaatileqatigiiffiup tunngaviusutigut suliffeqarfinnut namminersortunut naligititaalluni iliuuseqarfigisartagaani inissiaatileqatigiiffiup innuttaasunut qilersorsimannigitsumik iliuuseqarsinnaanera arlalitsigut annertunerpaaffissaatigut killissalersopaa.

Matumani Jens Gardep allallu atuakkiaani "Forvaltningsret, Almindelige emner", Jurist- og Økonomforbundets Forlagimit 1987-imi pingajussaaniq naqiterneqartumi qupperneq 190 innersuussutigaa.

Pisunik imminnut naapertuuttuutitsinermik tunngaviup imarisaa tassaavoq angujumasatut kissaatigisaq anguniarlugu oqartussaasoq qisuariarnissamut arlalinnik periarfissaqarpat qisuariaat innuttaasunut annikinnerpaamik eqquisoq toqqarneqassasoq.

Attartorneq pillugu peqqussummi § 33, imm. 4-mi oqaaseqatigiit aappaat tunngavigalugit attartortitsisup taarseqqullugit piumasaqaataasa naatsorsorneqarneri eqqarsaatigalugit paasinninnera malillugu tunngaviusup taassuma nassataaraa taarseeqqusilluni piumasaqaatini inissiaatileqatigiiffiup (tamakkiisumik) atuuttussaajunnaarsittariaqaraa, piumasaqaateqarneq pissutsinut attartornermik atorunnaarsitsinermut tunngavilersuutaasunut naapertuuttuunngippat.

Isumaqarpunga nutsernermi aningaasartuutit 15.901 kr.-t suliami matumani ineqarnermut akiliutinut 3.110 kr.-nut attartukkap atorunnaarsineneqarneranut pissutaasunut naapertuuttuunngitsut, inissiaatileqatigiiffiullu A taakkuninnga akileeqqullugu piumasaqaateqannginnermini tamatumunnga isummersimannnginnera ajuusaarnartuusooq.

Taamaattorli tamatumunnga atatillugu annertunerusumik iliuuseqaqqisannngilanga, tassami qulaani oqaatigineqartutut isumaqarama attartukkamik atorunnaarsitsineq pissutissaqarsimanngitsoq.

Inissiaatileqatigiiffiup nukingisaaraluni allakkani nukingisaarinermut akiliutinik akiliitsitsiniarnera.



*Inissiaatileqatigiiffiup nukingisaarutitut allakkaminut 20. juli 2001-i-meersunut atatillugu nukingisaarinermut akiliutit 87 kr.-t akilersippai.*

*Nukingisaarutitut allakkat oqaasertalersorneqarnerat malillugu attartorneq pillugu peqqussummi § 33, imm. 2 qulaani issuagara malillugu piumasagaatitut nassuiarneqartoq pineqarsimannigilaq.*

*Aalajangersagaq taanna malillugu attartortitsisup piumasagaateqarluni allagaqarnermini nukingisaarinermut akiliutit akileqqusinnaavai.*

*Aalajangersagaq piareersarlugu sulianit erserpoq qallunaat attartornermut inatsisaanni § 93, imm. 2 akiliuteqartitseqqusisinnaanermut inatsisitigut tunngaviusup assingata pigineqarnissaa kissaatigineqartoq.*

*Qallunaat inatsisaanni § 93, imm. 2-mi taamatut akiliuteqartitsisarneq pillugu malittarisassaq massakkut iluseqarnermisut inatsisikkut nr. 237-ikkut, 8. juni 1979-imeersukkut iluseqalerpoq.*

*Inatsisissatut siunnersuummi aalajangersagaq taanna pillugu oqaaseqaatini imaattunik allassimasoqarpoq:*

*”Imm. 2-mi akiliuteqartitsisarneq pillugu malittarisassaq inatsimmi § 33, imm. 3-p assigaa. Oqaasertalersorneqarnerisa allannguutaasigut aalajangersarneqarpoq aatsaat akiliuteqartoqaqquusisinnaasooq attartortup piumasagaammik saqqummius-sinerata nalaani ineqarnermut akiliutit akilerneqarsimannigippata. Aammattaq siunnersuutigineqarpoq akiliutit taakku attartornermi akilissallugit pisussaaffe-qarfiussaasut.” (Atorfeqarfimmi nutsigaavoq.)*

*Attartorneq pillugu inatsimmi siusinnerusukkut atuuttumi § 33, imm. 3-mi aalajangersagaq attartorneq pillugu inatsisip allanngortinneqarnera pillugu inatsisikkut nr. 82-ikkut, 19. marts 1975-imeersukkut ikkunneqarpoq.*

*§ 33, imm. 3 piareersarlugu suliani oqaatigineqarpoq:*

*”Attartortoq attartornermut akiliutinik kingusinaartumik akiliinerup kingunerisaanik attartornerminut isumaqatigiissumminik imaaliillaannaq atorunnaarsitsivigineqarsinnaanngippat, tak. inatsisissatut siunnersuut nr. 38, malittarisassanik allanik akiliutit piffissaagallartillugu akilerneqartarnissaannik qulakkeerisunik pisariaqartitsisoqartussaavoq.*

*Taamaattumik siunnersuutigineqarpoq attartortitsisoq 50 kr.-nik + ineqarnermut akiliutit il.il. 1.000 kr.-t sinneqartut 2%-iinik akiliuteqaqquusisinnaanissaminut pisinnaatitaassasoq. Akiliutit taakku attartortumit ineqarnermut akiliutinut kingusinaartumik akilerneqartunut ilanngullugit akilerneqartassapput.” (Atorfeqarfimmi nutsigaavoq.)*

*Tamakku tunngavigalugit isumaqarpunga attartorneq pillugu peqqussummi akiliuteqartitsisarneq pillugu malittarisassaq ilanngunneqarsimasooq piumasagaateqarluni allagaqarnermi nukingisaarinermut atatillugu akiliutinik akiliisitsiniarnissamut taamaallaat inatsisitigut tunngavissalii-suusoq.*

*Taamaalluni ineqarnermut akiliutit akilerneqartussanngorsimasut akilersinniarneqarneranni inissiaatileqatigiiffik nalinginnaasumik attartor-*

*neq pillugu peqqussut malillugu immikkut akiliisitsiniarnissamut inatsisitigut tunngavissaqanngitsoq takuneqarsinnaavoq.*

*Inissiaatileqatigiiffiup tusarniaanermut akissummini 17. september 2003-meersumi inissiaatileqatigiiffiup akiliuteqartoqarnissaanik nukingisaarinermut aningaasartuutaasa akiliutit akilersinneqarsimasut sinner-simagaat ilaatigut innersuussutigaa.*

*Taamaattumillu inissiaatileqatigiiffik nukingisaarinermi akiliutinik ingerlatsinermik inatsiseqartitsineq tunngavigalugu akiliisitsiniarsinnaas-sanersoq aamma misissorneqartariaqarpoq.*

*Inigisaqartitsineq, inigisaqartitsinermut ikiorsiissuteqartarnej, inigisanik attartortitsineq il.il. pillugit Kalaallit Nunaannut inatsisissatut nr. 944-tut, 23. december 1986-imeersutut siunnersuut pillugu oqaaseqaatinit nalinginnaasunit erserpoq inatsisissatut siunnersuutip taassuma Kalaallit Nunaanni inissianik pilersuinerup tigusinnaanik Namminersornerullutik Oqartussat kissaatigisaat akuersaartussaagaa.*

*Aamma Inatsisartut 1987-imi ukiakkut ataatsimiinneranni attartorneq pillugu peqqussutip suliarineqarneranut atatillugu ajornartorsiutit pillugit nassuiaammit oqaluuserineqartumit erserpoq ineqarnermut tunngasunik tigusinerup kingorna attartortitsinerup sinnaakkutassaanic attartukkamik atornerluinerup pisannginnissaanic qulakkeerisunik pilersitsisoqarnissaa Naalakkersuisut kissaatigigaat. Attartorneq pillugu peqqussummi tamatum kingunerisaanic akuerineqartumi (peqqussutinilu kingusinnerusukkut atuuttuni) pisortat namminersortullu inissiaataat attartortittakkat ilaatin-neqarsimapput.*

*Inissiaatileqatigiiffimmik pilersitsinissaq pillugu Inatsisartut peqqus-sutaanni nr. 12-imi, 28. oktober 1993-imeersumi § 1, imm. 2 malillugu ineqarnermut tunngasunik aqutsinermi suliaasat il.il. tamanna tikillugu Namminersornerullutik Oqartussanit kommuninillu isumagineqarsimasut inissiaatileqatigiiffiup tiguai ingerlateqqillugillu.*

*Tamatuma kingornatigut paasinninnera unaavoq inissiaatileqatigiiffiup pisortat inissiaataannik attartortittakkanik aqutsinera tassaasoq ingerlatsinermi pisussaaffigalugu sulineq. Ingerlatsinermik inatsiseqartitsinermi tunngavigineqarpoq pisussaaffittut sulinermut akiliutinik akiliisitsiniar-toqartassappat tamanna inatsisitigut immikkut tunngaveqarnissamik piu-masaqaateqarfusoq, tak. Hans Gammeltoft-Hansen allallu, Forvaltningsret, aappasaanik naqiterneqarnera, Jurist- og Økonomforbundets Forlag 2002, qupperneq 308.*

*Tamanna tunngavigalugu ilimagisariaqarpara Inatsisartut attartorneq pillugu peqqussummi § 33, imm. 2-mi akiliuteqartitsisarnej pillugu malit-tarisassamik akuersinerminni pisuni suni pisortat inissiaataannik attartortitsisartup ineqarnermut akiliutinik akiliisitsiniarsinnaanera sukumiisumik oqaluuserisimassagaat.*

*Taamaattumik inissiaatileqatigiiffiup inatsisitigut tunngavissaqarnani akiliisitsiniarsimanera ajuusaarnartutut isigaara, inassuteqaatigaaralu*

*aningsaat A-p akilersimasai inissiatileqatigiiffiup utertillugit tunniutis-sagai.*

*Naggasiutaasumik oqaaseqaatika.*

*Suliamik paasinninnera allakkatigut allatigut allakkallu uku assilineri-sigut A-mut ilisimatitsissutigaaara.”*

Inissiatileqatigiiffiup qullersaqarfianit akissummik imaattumik 17. december 2003-mi tigusaqarpunga.

”Ombudsmandip allagai 11. november 2003-meersut inissiatileqatigiiffiup tiguai. Tunngavit makku tunngavigalugit inissiatileqatigiiffiup naammagittaallior-toq pillugu aalajangiinini imaluunniit periaatsini ilumut allangortissanerlugit uppi-lersinneqarsimannigilaq:

Akileeqqusilluni allakkat imaat pillugit oqaatigineqarpoq kommunip 10. augus-timi 67.518,64 kr.-it inissiatileqatigiiffimmut nuussimagai, taakkunanngalu 2.877 kr.-t naammagittaallior-tumeersuullutik. Aningsaat 2.877 kr.-t akileeqqusilluni al-lakkat 13. augustimi nassiunneqarnerisa kingornatigut naatsorsuutitut nalunaarsor-neqarsimapput. 10. august 2001 tallimangornerusimavoq, 13. august 2001-ilu ataasinngornerusimalluni. Taamaalilluni pineqartoq tassaavoq akiliutit akileeqqusis-sutillu imminnut paarlassimanerat. Allakkat akileeqqusissutit atuussinnaassuseqarn-erannut aalajangiisussoq tassaavoq naammagittaalliuuteqartup aningsaat suut al-lakkani akileeqqusissutini akileeqquneqartut ilisimasimassagai. Allakkallumi aki-le-qqusissutit imaat pineqartup naammagittaalliuutigisimannigilai.

Atorunnaarsitsinerup atuussinnaassuseqarnera pillugu oqaatigineqarpoq akiisut qaqugukkut annertuutut isigineqarnerat eqqarsaatigalugu atorunnaarsitsisarneq pil-lugu nalunaarutip taamani atuuttup aamma attartorneq pillugu peqqussumi taamani atuuttumi § 33, imm. 2-p akornanni assortuunneqartoq. Inatsimmi inatsisikkut inis-sisimanermik aalajangersagaq nalunaarutip attartortumut attartortitsisumulluunniit nanertuutissannortillugu allangortissinnaanngilaa. Ombudsmandip nammineq oqaatigaa attartortitsisup attartortullu akornanni inatsisitigut inissisimanerup qallu-naat attartorneq pillugu inatsisaanni inatsisitigut inissisimaneq assigissagaa siuner-taasoq.

Inissiatileqatigiiffiup allagai 3. juni 2003-meersut ineqarnermut akiliutinik ukiup naanerata tungaanut akiliisitsiniarnermik aalajangiineq pillugu Inissiatile-qatigiiffiup sulisuisa 2001-imi ukiakkut qanoq paasinninnerannik allaaserinninner-tut paasineqarsinnaanngilaq. Inissiatileqatigiiffik ineqarnermut akiliutinik 2001-i-mi decemberip naanerata tungaanut akiliisitsiniarpoq, tassani inissiap attartortin-neqaqqissinnaalernerata tungaanut ineqarnermut akiliutinik akiliisitsisarneq Inis-siatileqatigiiffiup periaaserimmagu, tamannalu allakkani 25. juli 2003-meersuni nassuiarneqarpoq. Taamaattumik inissianik attartorneq pillugu Inatsisartut peqqus-sutaanni malittarisassap kukkusumik Inissiatileqatigiiffimmit atornerarnera pillu-gu Ombudsmandip isornartorsiunera Inissiatileqatigiiffiup paasinngilaa. Qallunaat inatsisaanni malittarisassamik qallunaat inatsisiseqartitsinermi atuinerat Vestre Landsret-ip eqqartuussutaanik Ombudsmandip paasinninnerminik takutitaatut il-luinnaasiortiginngilaq. Assersuutigalugu Karnovip inatsisinik katersuiffiani qallu-naat attartorneq pillugu inatsisaanni § 95 pillugu allaaserisag takuuk.

”Ineqarnermut annikinnerusunik akiitsoqartoqartillugu” Inissiatileqatigiiffiup anisitseqqusisinnaannginneranik Ombudsmandip oqarnera Inissiatileqatigiiffiup

isumaqatiginngilaa, tassami attartortut ilaasa pequtitik tamaasa ilaannaalluunniit qi-maannartarmatigit.

Inissiaatileqatigiiffik ineqarnermut akiliutinut akiitsut amerlivallaannginneranni attartukkamik atorunnaarsitsisarpoq. Tassa Ombudsmandip isumaa atorunnaarsitsinernut tamanut atuuppoq. Inissiaatileqatigiiffik politiit peqatigalugit aggingnik-kuni inissianut isersinnaanngilaq. Taamaattumik inissiap imaarniarneqarnerani suliaasaq qanoq annertutigissanersoq Inissiaatileqatigiiffiup siumut ilisimareernej ajorpaa.

Atorunnaarsitsisoqarpat attartortoq inissiamit anissaq, matumani pequtit peerneqarnerat aamma ilanngullugu eqqarsaatigalugu. Piffissaq anisitsivissaq politiit aalajangersarpassuk attartortoq anisitsiartortoqannginnerani nammineq anereersimagajuttarpoq. Attartortorpassuit anigajuttarput pequtimik ilaat nassarlugit, sinnerilu qimaannartarlugit.

Ombudsmandip oqarnera inissiaatileqatigiiffiup malissappagu periaatsip matuma malinneqarnissaa tamatuma nassatarissavaa: Politiit inissiaatileqatigiiffillu adressimut ornigutissasut pequtillu qanoq amerlatigisut qimanneqarsimanersut takussallugu, taamaattoqarpallu Inissiaatileqatigiiffiup politiit nalunaarfingissallugit anisitsiniarneq naammassineqanngiinnassoq. Tamatuma kingornatigut Inissiaatileqatigiiffiup attartortoq nalunaarfingissavaa atorunnaarsitsineq atuuttussaajunnaarsinneqartoq, aamma – attartortoq anereersimappat – inissiamut tassunga uteq-qissinnaasoq.

Suleriaatsip taassuma naleqquttuunnginnerata saniatigut Ombudsmandip tunnga-vilersuina isumaqanngilaq. Inissiaatileqatigiiffiup attartorneq inatsisinik unioq-quititsinani atorunnaarsinnaassappagu anisitsiniaqqusinerup inatsisinik unioq-quititsinani aamma qinnutigineqarsinnaanera erseqqippoq. Anisitsiniarneq naammassiniarneqassanersoq politiit aalajangissavaat. Ombudsmandi tamatuma ingerlanneqarnissaanut piunasaqaatit pillugit isummaminik saqqummiussissaguni politiit sulinerat Ombudsmandip isummerfigisariaqarjaa, Inissiaatileqatigiiffiullu ilisimatinneqarnera malillugu tamanna qallunaat Ombudsmandiata suliaasaraa.

Ombudsmandip inassuteqaataa pillugu oqaatigineqassaaq Inissiaatileqatigiiffik akiligassiisutinut tiguneqartunut tamanut sukangasumik isummersortareersoq. Inissiaatileqatigiiffiup paasinninnera malillugu immikkut periaatsinik pilersitsinerup tamanna allannguuteqartinnaviannngilaa.

Nutsernermut aningaasartuutit 15.000 kr.-t misaanniittut pequtit qanoq amerlatigisut suullu qimaannarneqarsimanerannut sanilliullugit isiginiarneqassapput. Atorunnaarsitsinerup imaluunniit anisitsinerup nalaani ineqarnermut qanoq akiitsoqartigineq nutsernermut aningaasartuutitut sanilliullugu assigiinngisitaartorujussuuvog.

Nukingisaarinermut akiliutinik akiliisitsiniarneq pillugu inatsilerinikkut isumaliutersuut Ombudsmandip saqqummiussaataut illuinnarsiortuutiginngilaq. Inissiaatileqatigiiffiup ilaatigut Namminersornerullutik oqartussat aningaasaliisutinut iluanaaruteqarsinnaatitaanerat pillugu Ombudsmandip nammineq oqaaseqaataa ilaati-gullu Højsteret-ip eqqartuussutaa taaneqartoq innersuussutigisinnaavai.”

Inissiaatileqatigiiffiup akissutaa ukiup nalunaarusiuunneqartup naaneran isummerfigisimannngilara.

### 30. Allamut attartortitsigallarneq

**1. Nalunaarutip Inatsisartullu peqqussutaata akornanni naapertuunneqannginneq. Attartukkamik allamut attartorallartitsisinnaatitaaneq pillugu apeqquut.**

*A-p naammagittaalliutigaa A/S Inissiaatileqatigiiffik INI-p inisiap allamut attartortinnissaanik qinnuteqaatini itigartitsissutigisimagaa.*

*Ombudsmandip tunngaviutippaa inissiaatileqatigiiffiup inissianik attartorneq pillugu Inatsisartut peqqussutaanni nr. 5-imi, 31. maj 2001-imeersumi § 39, imm. 1-imut innersuussilluni qinnuteqaat itigartitsissutigisimagaa.*

*Ombudsmandi isumaqarpoq qinnuteqaatip Namminersornerullutik Oqartussat kommunillu inissiaataannik innersuussisarneq, attartortitsisarneq, attartortut allanut attartorallartitsisarnerat il. il. pillugit Namminersornerullutik Oqartussat nalunaarutaanni nr. 14-mi, 10. oktober 2000-imeersumi § 7, A-p qinnuteqaataata akuerinissaanut periarfissiilluni tungavissiisoq, naapertorlugu aalajangiivigineqartariaqarsimagaluannnginnersoq qularutigineqarsinnaasoq. Nalunaarut attartorneq pillugu peqqussummi 2001-imeersumi § 61, imm. 3-mit atatiinnarneqarsimavoq.*

*Ombudsmandi isumaqarpoq A-mut tunngasumik apeqquutip eqqartuussivinni aalajangiivigineqarnissaminut naleqqunnerpaa-soq, tamannalu pillugu Ombudsmandip A-p imminut aningaasartuutaanngitsumik eqqartuussisitsinissaata innersuussutiginissaa ilalersimavaa.*

*Tamatumunnga peqatigitillugu Ombudsmandip Inatsisartut Inatsisit Atortinneqarnerannut Ataatsimiititaliaat Naalakkersuisullu ajornartorsiuteqarfiusumik nalunaarfigai, tak. Ombudsmandi pillugu inatsimmi § 11.*

*Aammattaaq Ombudsmandip A/S Inissiaatileqatigiiffik INI-p A-mut itigartitsissummini naammaginangitsumik tunngavilersuuteqarsimanerarlugu isornartorsiorpaa. (J.nr. 11.20.30.01/074-02)*

A-p inigisami allamut attartortikkallarnissaanut akuersissummik qinnuteqaatimi inissiaatileqatigiiffimmit 10. juli 2002-mi itigartinneqarnera pillugu naammagittaalliutaa 30. juli 2002-mi tiguara.

Suliap tunuliaqutaa imaappoq:

A inissiaatileqatigiiffimmut 27. juni 2002-mi imatut allappoq:

”Neriullunga paasineqassallunga, ataani atsiortunga inigisara ... misiliummik ukiumi ataatsimi attartoortinniarpara inuttassaquartereerlugulu pequtai tamaasa atitillugit.

Makku peqqutigalugit:

Kisimiittuuvunga sisamanillu meeraqarlunga, avinnikuuvugut ukiut arlallit qaangiupput, nuliakora maaniikkaluarami siornali Danmarkimut nuuppoq, meeraasa soorunami ilaannikkut ilagisarpaat kisiannili aallaleramiluunniit inuulluaqquni-kuunngilai, taamaattumik angajulliup 12-inik ukiullip paariuminaanneranut peqqu- taasorujussuuvoq nalunangitsumik anaanaminut maqaasigaluortoq/-tut aammami nukarliit malunnartarput, Danmarkimut nuukkallarnissatsinni inissaqareerpugut u- kioq ataaseq.”

Inissiaatileqatigiiffiup qinnuteqaat allakkatigut 10. juni 2002-meersuti- gut imaattunik oqaasertaqartutigut itigartippaa:

”Allakkatigut 08-07-2002-imeersutigut, inigisassi ... inissiaq ... ukiumut ataatsimut atuuttussatut atukkiunnarlugu qinnuteqaatersi tiguvarput.

Tamatumunnga atatillugu nalunaarutigineqassaaq, qinnuteqaatersi akuerineqar- sinnaannngimmat, tassami inissianik attartorneq pillugu Inatsisartut peqqussutaat su- kannernerulernikuummata.

Aammattaaq nalunaarutigineqassaaq, inimik atukkiussiniarluni akueritinnissa- mut piumasaqaataammata attartortoq peqanngikkallassappat napparsimanermik soorlu napparsimavimmut uninnigalluni misissortinnermi, ilinniagaqarluni imaluun- niit allamiinnermik nuukkallarnermik, soorlu suliffimmuut atatillugu.”

Tamatuma kingorna A uannut naammagittaalliorpoq. Naammagittaal- liuutaa imaappoq:

”Ataani atsiortunga inigisara ... ukiumi ataatsimi attartortinniarlugu qinnuteqar- punga, imaluunniit boliggarantitut. Landstingip peqqussuta kapitel 7 § 39 stk. 2 aamma stk. 3 malillugit atuutilersoq kapitel 11 § 6 malillugu ulloq 1. januar 2002.

Peqqutigalugu ukioq ataaseq Danmarkimut nuukkallarniaratta, tappavani uanga qatanngutikka najorniarylugit, aamma meeqqama anaanaat tappavani najugaqarmat meeqqannut qanilliniarlugu, aammalu meeqqat qallunaatut atuartinniarlugit uangalu qallunaatut pikkorissarniarluna, namminerlu tappavunga pigutta nammineq pikko- rissarfissannik ujaasissallunga. Naluara allakkat siulliit ullulikkat 27.06.02 paa- siuminaannersut. INI A/S akivoq ullulerlugit 10.07.2002, tassani INI akivoq qin- nuteqaatersi akuerineqarsinnaannngimmat, tassami Inissianik attartorneq pillugu I- natsisartut peqqussutaat sukannernerulernikuummata.”

Inissiaatileqatigiiffimmuut 8. august 2002-mi imatut allappunga:

”A-mit naammagittaalliuut ilanngussartalik, assilinera ilanngunneqartoq, tigusi- mavara.

Itigartitsinnermut tunngavigisamik aamma inissiaatileqatigiiffiup tunngavigisaa- nik misissuiniarluna aalajangersimavunga.

Tamatumunnga atatillugu Inissiaatileqatigiiffik qinnuigaara naammagittaal- li- uummumut oqaaseqaateqaqullugu.

Inissiaatileqatigiiffik qinnuigaara akissuteqarnerminut atatillugu, Namminersor- nerullutik Oqartussat kommunillu inissiaataannik innersuussisarneq, attartortitsi- sarneq, attartortut allanut attartorallartitsisarnerat il.il. pillugit Namminersorerullu- tik Oqartussat nalunaarutaanni § 6, inissianik attartorneq pillugu Inatsisartut peqqus- sutaat nr. 5-imi, 31. maj 2001-imeersumi § 39, imm. 1-imut sanilliullugu inissiaatile-

qatigiiffiup paasinninneranik nassuiaateqaaqqullugu, nalunaarut pineqartooq attartorneq pillugu peqqussummi § 61, imm. 3-mi atuutitiinnarneqarmat.

Tamatumunnga peqatigitillugu Inissiaatileqatigiiffik qinnuigaara A-p ineqarneranut tunngasumik suliaq misissugassanngorlugu uannut nassiateqqullugu.

Inissiaatileqatigiiffiup akissutaa A-p suliami illua'tungiusutut tusarniaaviginerani saqqummiunneqarsinnaajumaarpoq."

Inissiaatileqatigiiffiup 21. august 2002-mi imatut akivaanga:

"Ombudsmandip sulinerani atugassatut naammagittaallioortup qulaani taaneqartup ineqarnera pillugu suliaq ilanngullugu nassiunneqarpoq. Suliamit ersertutut naammagittaallioortup inimik allamut attartortitsiniarnini ilaqutariinnermi ajornartorsiutunik tunngavilersorpaa. Naammagittaallioortooq inigisamik allamut attartortitsiarneq pillugu malittarisassat atuuttut naapertorlugit itigartinneqarsimavoq.

Innersuussisarneq pillugu nalunaarummi § 6-ip inissianik attartorneq pillugu Inatsisartut peqqussutaanni § 39, imm. 1-imut sanilliullugu qanoq nassuiarneqartarnersoq Ombudsmandip ataatsimut paaserusuppaa. Tamatumunnga atatillugu oqaatigineqarsinnaavoq Inissiaatileqatigiiffik isumaqartooq Inatsisartut peqqussutaanni § 39, imm. 1-ip inatsisitigut inissisimaneq alla aalajangersaavigimmagu § 6-imi aalajangersagaq pingaaruteqarunnaarpoq. § 6, imm. 1, oqaaseqatigiit siulliit kisimik pingaaruteqartutut isigineqarput." (Atorfeqarfimmi nutsigaavoq.)

Tamatuma kingorna A Inissiaatileqatigiiffiup akissutaa pillugu oqaaseqaateqarnissaanut periarfissippara.

A-p oqarasuaatikkut 19. februar 2003-mi nalunaarfigaanga suliaq pillugu annertunerusunik oqaaseqaatissaqarnani.

Inissiaatileqatigiiffiup inatsisilerinnermi siunnersortaata tamanna pillugu apeqquteqaatiga oqarasuaatikkut 20. februar 2003-mi akillugu oqaatigaa ingerlatseqatigiiffiup akissutaa nalunaarummi § 7 eqqarsaatigalugu aamma naammattoq.

*Tamatuma kingorna imaattunik oqaaseqaateqarsimavunga:*

*"Inissiaatileqatigiiffiup akissutaa imatut paasivara Inissiaatileqatigiiffik inissianik attartorneq pillugu Inatsisartut peqqussutaanni nr. 5-imi, 31. maj 2001-imeersumi § 39, imm. 1 malillugu aalajangiisimasooq, tassanilu imaattunik allassimasooqarpoq:*

*"Attartortup inissiamik attartornermut isumaqatigiissut eqqortissimappagu, attartortooq inissiamik allamut attartortitsinnaatitaavoq, attartortooq peqanngikkallassappat napparsimanermik, ilinniagaqarluni allamiinnermik, nuukkallarnermik imaluunniit assigisaanik pissuteqartumik."*

*Aammattaaq aalajangersakkami tassani imm. 4-mit erserpoq:*

*"Allamut attartortitsisarneq aamma inissaqartitsinissamik qularnaveeqqusiisarneq pillugit maleruagassat Naalakkersuisunit aalajangersarneqassapput."*

*A-p qinnuteqaataata inissianik attartorneq pillugu atuuttumi piumasaqaatit issuarneqartut malillugit akuerineqarsinnaannginneranik Inissiaatileqatigiiffiup naliliinerata isornartorsiornissaanut naammattumik tunngavissaqanngilanga.*

*Taamaattorli isumaqarpunga inissiaatileqatigiiffiup aalajangiineranut inatsisitigit tunngaviusoq qulaajarneqarsimanngitsoq.*

*Inissianik attartorneq pillugu peqqussummi § 61 atuutilersitsineq ikaarsaariarnerlu pillugit aalajangersakkanik imaattunik imaqarpoq:*

*”§ 61. Inatsisartut peqqussutaat manna 1. januar 2002-mi atuutilissaaq.*

*Imm. 2. Peqatigitillugu atorunnaassapput inissianik attartorneq pillugu Inatsisartut peqqussutaat nr. 3, 13. juni 1994-imeersoq kingullermik Inatsisartut peqqussutaatigut nr. 3-kkut 29. oktober 1999-imeersukkut allanngortinneqarsimasoq.*

*Imm. 3. Nalunaarutit allaffitsigoortumillu aalajangersakkat Inatsisartut peqqussutaanni taaneqartumi imm. 4 malillugu aalajangersagaasut atuutiinnassapput allanngortinneqarnissamik imaluunniit peqqussut manna malillugu aalajangersakkatigut atorunnaarsinneqarnissartik tikillugu.”*

*Inissianik attartorneq pillugu Inatsisartut peqqussutaanni nr. 3-mi, 13. juni 1994-imeersumi, Inatsisartut peqqussutaatigut nr. 3-kkut, 29. oktober 1999-imeersukkut allanngortinneqarsimasumi § 4, imm. 7 aamma § 21, imm. 3 tunngavigalugit nalunaarut una, suli allanngortinneqarsimanngitsoq atorunnaarsinneqarsimanngitsorluunniit, aalajangersarneqarsimavoq:*

*Namminersornerullutik Oqartussat kommunillu inissiaataannik inner-suussisarneq, attartortitsisarneq, attartortut allanut attartorallartitsisarnerat il.il. pillugit Namminersornerullutik Oqartussat nalunaarutaat nr. 24, 10. oktober 2000-imeersoq.*

*Nalunaarummi § 7, imm. 1 aamma imm. 2 malittarisassanik imaattunik imaqarput:*

*”§ 7. Attartortitsisup inissiap attartorneqartup ukioq ataaseq tikillugu allanut attartorallartinnissaa akuerisinnaavaa.*

*Imm. 2. Attartortitsisup attartortup allanut attartorallartitsinerata ukiut ataa-siakkaarlugit sivitsorneqartarnissaa akuersissutigisinnaavaa, attartortup inigisaminut peqanngikkallarnera makkuninnga pissuteqarpat:*

- 1) ilinniagaqarluni allami najugaqarneq,*
- 2) napparsimmavimmi sivilisuumik uninnganeq,*
- 3) pinerlututlerineq pillugu inatsit tunngavigalugu pinerluuteqarsimasunik isertitsivimmiinneq, aamma*
- 4) pissutsit taaneqartunut assingusut.”*

*Inissianik attartorneq pillugu Inatsisartut peqqussutaanni nr. 3-mi, 13. juni 1994-imeersumi Inatsisartut peqqussutaatigut nr. 3-kkut, 29. oktober*



1999-imeersukkut allangortinneqarsimasumi inatsisitigut tunngavittut aalajangersagaq § 21 imaattunik oqaasertaqarpoq:

”§ 21. Namminersornerullutik Oqartussat kommunillu inissiaataannik attartortittakkanik attartortoq immikkut pisoqartillugu imm. 3 naapertorlugu inigisaminik piffissami aalajangersimasumi allamut attartortitsisinnaavoq imaluunniit inisimasunut ineeqqamik attartortitsisinnaalluni.

...  
Imm. 3. Piffissami aalajangersimasumi allamut attartortitsinermut, inisimasunut ineeqqamik attartortitsinermut aammalu inissamik qularnaarinermut tassungalu ilanngullugu inuit kikkut pineqarnerimut, immikkulluunniit pisunit piffissami aalajangersimasumi allamut attartortitsisinnaanertut imaluunniit inissiamik qularnaarinermut tunngavilersorneqarsinnaasunut, tak. imm. 1 aamma 2, malittarisassat erseqinnerusut Naalakkersuisunit aalajangersarneqassapput.”

Inissianik attartorneq pillugu peqqussummi siusinnerusukkut atuussimasumi piginnaatitsissutitut aalajangersagaq issuarneqartoq pillugu siunnersuummut oqaaseqaatinit erserpoq:

”Siunnersuutip kingunerisaanik attartortup inigisani malittarisassat Naalakkersuisunit aalajangersarneqartut malillugit immikkut pisoqartillugu allanut piffissami aalajangersimasumi attartortikkallarsinnaaleraa. Immikkut pisoqartillugu imatut paasineqassaaq, assersuutigalugu ilinniarnermut, pinerluuteqarsimasunut inissisarfimmiittussanngortinneqarnermut imaluunniit Danmarkimi napparsimanermut katsorsarneqarnermut atatillugu ukioq ataaseq sinnerlugu sivisuumik peqanngikkallarnej.”

Tamanna pissutigalugu tunngaviuttippara attartorneq pillugu peqqussummit siusinnerusukkut atuuttumit imaluunniit Namminersornerullutik Oqartussat kommunillu inissiaataannik innersuussisarnej, attartortitsisarnej, attartortut allanut attartorallartitsisarnerat il.il. pillugit Namminersornerullutik Oqartussat nalunaarutaannit nr. 24-mit, 10. oktober 2000-i-meersumit imatut paasineqarsinnaanngitsoq inigisamik allamut ukioq ataaseq tikillugu attartortitsigallarsinnaatitaanerup ukuninnga pisuteqartinneqarneranut killilerneqarsimassaasoq: ”...ilinniarnermut, pinerluuteqarsimasunut inissisarfimmiittussanngortinneqarnermut imaluunniit Danmarkimi napparsimanermut katsorsarneqarnermut...”

Taamatulli killiliineq inissianik attartorneq pillugu peqqussummi atuuttumi § 39, imm. 1-ip oqaasertalersugaaneraniit erserpoq.

Taamaattorli § 39, imm. 1 atuuttoq pillugu oqaaseqaatinit imaluunniit § 61, imm. 3 atuuttoq pillugu oqaaseqaatinit ersinngilaq pisortat inissiaataannik attartortitsisoq attartortitsigallarnissamut § 39, imm. 1-ip oqaasertalersugaaneraniit annertunerusumik akuersissuteqarsinnaanersoq.

Tamatununga atatillugu oqaatigaara isumaqartunga attartorneq pillugu peqqussummit atuuttup allaffissornikkut aqutsinermi malittarisassaliat pisoqaanerisut peqqussummi § 61, imm. 3-kkut atuutsiinnarneqartut atorrunnaarsikkai imaaliiallaannaq tunngaviutinneqarsinnaanngitsoq.

*Pisumi matumani nalunaarummi malittarisassat pisoqqat atorunnaarsimasutut isigineqassappata tamanna malittarisassanik atuuttunik pineqartunik isumasiuinermik tunngaveqartariaqarpoq, pingaartumillu pingaartillugu isiginiarneqartariaqarluni malittarisassat imminnut assortuuttuunersut, malittarisassallu tamatumunnga atatillugu qanoq paasineqarnisaat Inatsisartut isummerfigisimaneraat.*

*Qulaani nassuiakkattut nalunaarummi § 7 aamma Inatsisartut peqqusutaanni massakkut atuuttumi § 39, imm. 1 imminnut naapertuutinngillat.*

*Naapertuunneqannginneq taanna qanoq aaqqiivigineqassanersoq Inatsisartut isummerfigisimaneraat peqqussutip piareersarlugu suliarineqarnerani allagaatinit ersinngilaq.*

*Tamatumunnga peqatigitillugu peqqussutissatut siunnersuummi § 61 pillugu oqaaseqaatinit erserpoq:*

*”Aalajangersakkakkut siunnersuutigineqarpoq peqqussut 1. januar 2002-mi atuutilissasoq, taamaalilluni atuutilinnginnerani itisilerutaasunik nalunaarusiortoqarnissaa piffissaqarfigineqarniassamat.”*

*Paasinninnera imaappoq § 39 aamma § 61 imminnut ataneqartillugit imatut isigineqartariaqartut Inatsisartut tunngavigisimagaat Inatsisartut peqqussutaata atuutilerneranut atatillugu Inatsisartut peqqussutaanni § 39-p aqunneqarnerani allaffissornermik aqutsinermi malittarisassatigut tunngavissaq pisariaqartoq Naalakkersuisut pilersissimassagaat.*

*Naalakkersuisunut peqqusissutip taamaattup nassataraa nalunaarummi malittarisassanik pisoqqanik atortiinnarneqartunik inatsisunik allanngortitsinerup kingunerisaanik allanngortittariaqartunik peqarnerasoq Naalakkersuisut isummerfigisariaqaraat.*

*Tamatumunnga peqatigitillugu paasinninnera imaappoq Inatsisartut peqqussutaanni § 61-imi ikaarsaariarnermi malittarisassamit imatut paasineqarsinnaanngitsoq nalunaarutininik allanngortiterineq naatsorsuutigineqartoq Inatsisartut peqqussutaata atuutilernerani naammassineqarsimanngippat inatsisitigut suut attuuttuussanersut Inatsisartut naatsorsuutigisimagaat.*

*Inatsisartulli peqqussutaata atuutilernerani nalunaarummi malittarisassanik allanngortiterineq naatsorsuutigineqartutut naammassineqarsimassusaagaluq suli naammassineqarsimannngilaq.*

*Malittarisassat assigiinngitsut marluk atuussinnaassuseqartut tamannullu saqqummiunneqarsimasut atuunnerat tamatuma nassataraa, tassalu nalunaarummi malittarisassaq 2000-imeersoq aamma Inatsisartut peqqusutaat 1. januar 2002-mi atuutilersoq.*

*Tamatumunnga atatillugu isumaqarpunga innuttaasut inatsisitigut malittarisassanik tamanut saqqummiunneqarsimasunik atuuttunillu piumasagaatiminnut tunngaveqarsinnaasariaqartut. Aamma innuttaasut pisinnaattitaaffitik pillugit isummerninnaassagunik inatsisit qanoq paasineqarnis-*

saannik inatsisilerinermi apequtit pillugit isummersorsinnaanissaat piumasaaqatigineqarsinnaanngilaq.

*Isumaqarpungali A-p qinnuteqaataata akuerinissaanut iniissiaatileqatigiiffiup pisussaaffeqarsimasinnaanera malittarisassatigut tunngavigisap erseqqarlunnerata nassatarineraa isummerfigisariaqanngikkiga.*

*Ingerlatsivimmi oqartussaasup aalajangiinernik sunik aalajangiissaneramik isummernissaq ingerlatsiviup nammineq suliassaraa, naggataatigullu eqqartuussivinniilluni.*

*Taamaattumik A-p qinnuteqaataanik inissiaatileqatigiiffiup suliarinninera eqqarsaatigalugu annertunerusumik iliuuseqaqqissanngilanga.*

*Suliamili tunngaviusumik ajornartorsiut isiginiarlugu, suliap nalunaarummi § 7 tunngavigalugu aalajangerneqartariaqaraluarneramik apeqqutip eqqartuussivitsigoortumik misilinneqarnissaa A-p kissaatigippagu pineqartup aningaasaqarnikkut piumasaaqaataasunik eqqortitsinera eqqortitsinnginneraluunniit apeqqutaatinnagu imminut aningaasartuutaanngitsumik eqqartuussivikkoortitsinnaanera sulianik taamaattunik akuersissuteqartartunut kaammattuutigissallugu piareersimaniarpunga.*

*Tamatumani saniatigut, naammagittaalliummut pineqartumut attuumasuteqanngitsumik, paasinninnera imaappoq malittarisassatigut tunngavigisat imaattunik amigaateqartut, tamanna Inatsisartunut Naalakkersuisunullu nalunaarutigisariaqarlugu, tak. Ombudsmandi pillugu inatsimmi § 11.*

*Taamaattumik Inatsisartut peqqussutaanni § 39-p aamma nalunaarummi § 7-ip, tak. Inatsisartut peqqussutaanni § 61, imminnut assortuuttunerat atuuttoq Inatsisartunut Naalakkersuisunullu allakkatigut allatigut oqaaseqaatillu uuma assilineratigut nalunaarutigaara.*

*Aamma suliap pissutissaqalersippaanga inissiaatileqatigiiffiup tunngavilersuutaa pillugu arlalinnik oqaaseqaateqarnissannut:*

*A-p qinnuteqaataanut inissiaatileqatigiiffiup aalajangiinera tassaavoq A inigisaminik allamat attartortitsigallarsinnaatitaanngitsaq.*

*Pineqartoq tassaavoq aalajangiineq A-p qinnuteqaataanut tapersiisuunngitsaq. Taamaattumik suliassat suliarineqartarnerat pillugu inatsimmi § 24 malillugu tunngavilersuisoqartussaavoq, § 24-lu imaattunik oqaasertaqarpoq:*

*”§ 24. Aalajangiinermut tunngaviusumik nalunaarummi innersuussutigineqasapput inatsisini maleruaqqusat aalajangiinermi tunngavigineqartut. Maleruaqqusat tamakku malillugit aalajangiineq oqartussaasuni sulisut isumaannik tunngaveqarpat tunngaviusumik nalunaarummi taaneqassapputtaaq pissutaasut pingaarnerusut isummat tamakku atornerannut aalajangiisuunerusut.*

*Imm. 2. Tunngaviusumik nalunaarummi pisariaqarpat naatsumik erseqqissarneqassapputtaaq paasissutissat suliami pissusiviusunut tunngasut aalajangiinermi annertuumik pingaartinneqartut.*

*Imm. 3. Tunngaviusumik nalunaarutip imarisai killiliiffigineqarsinnaapput suliami pegataasup tamakkununga ilisimasaqarnini nammineq iluaqutigiumallugu atuisinnaanerninik soqutiginninnera inuk taanna nammineq eqqarsaatigalugu*

*imaluunniit inuinnaat allat pisortalluunniit soqutigisaat pissutiginerullugit minnerutittariaqartutut isumaqarfiginarpait, tak. § 15.”*

*Inissiaatileqatigiiffiup aalajangiinera inatsimmi malittarisassanut aalajangiinermi tunngavigineqartunut innersuussummik imaluunniit suliami (pissusiviusut pillugit) paasissutissanik aalajangiinermi tunngavigineqar-simasunik naammattumik erseqqarissuseqartumik allaaserinninnermik imaqaanngilaq.*

*Tamatumunnga uiggiullugu oqaatigaara aalajangiineq suliami pineqartumi aalajangiinerup taamatorpiaq sooq imaqarnera pillugu erseqqis-sumik nassuiaatit tamatigit isikkoqartartussaasoq.*

*Inissiaatileqatigiiffiup A pillugu aalajangiinermut tunngavilersuutaata oqaatigineqartutut amigaateqarnera ajuusaarnartorujussuartut isigaara.*

*A suliamik paasinninnera pillugu allakkatigit allatigit oqaaseqaatip matuma assilineranik ilaqartinneqartutigit ilisimatippara.*

*Suliami matumani inissiaatileqatigiiffik eqqarsaatigalugu annertunerusumik iliuuseqaqqissanngilanga.”*

Ineqarnermut Attaveqarnermullu Pisorta qarfiup 19. marts 2003-mi akissuteqarfigaanga:

”...

Inatsisartut Ombudsmandiata siusinnerusukkut nalunaarummi § 7-ip kiisalu Inis-sianik attartorneq pillugu Inatsisartut peqqussutaanni § 39, imm. 1-imi assigiinngis-sut uparuarpa, journalnormorsi 11.01.30.12/051-02. Aammattaaq nalunaarutip i-natsisartut peqqussutaannut naapertuutitinneqalermisaa Ombudsmandip kaammattut-tigaa.

Tamatumani pisorta qarfik akissuteqarpoq isumaqarami nalunaarut nalornisoqar-tillugu inatsit qulliuernerusoq naapertorlugu inatsisartut peqqussutaat nalunaarummit pingaartinneqarnerusariagartoq. Tamanna tunuliaqutaralugu attartortitsinissamik qinnuteqaat Inissianik attartorneq pillugu Inatsisartut peqqussutaat nr. 5, 31. maj 2001-imeersoq naapertorlugu aalajangiiffigineqassaaq. Aammattaaq pisorta qarfiup oqaatigaa Ombudsmandip naapertuutsitsinissaq pillugu kaammattuutaa attartortitsineq pillugu peqqussummut atatillugu nalunaarutininik siunissami iluarsaanis-samut atatillugu malinneqarumaartoq.

Pisorta qarfiup nalunaarutit ataatsimut nutaamik allanneqarnerannut tunngatillugu Kommunernes Revision, Deloitte & Touche, Kanukoka kiisalu A/S Inissiaatilega-tigiiffik INI qanimut attaveqarfigiuarpai. Tamanna maannamut Nalunaarummik nr. 26-mik 27. september 2002-meersumik angusaqarfiuvoq. Nalunaarusianik misis-sueqqinnermut atatillugu Ombudsmandip kaammattuutaa malinneqarumaarpoq.”

Ulloq 27. marts 2003-mi pisorta qarfimmut allappunga:

”Pisorta qarfiup allagai 19. marts 2003-meersut tiguakka, taakkunanilu attartortit-sisarnermut tunngasunik aqutsinermi allaffissornikkut malittarisassat nutarterneqar-nerisa ingerlasimanerat pisorta qarfiup nassuiarlugu.

Suliaq taanna pisorta qarfimi suli ingerlanneqartoq paasivara.

Paasinninnerali malillugu suliaq tulleriarinermi sapinngisamik salliutinniarneqartariaqartoq oqaatigissallugu pissutissaqarpunga.

Matumani pingaartillugu isiginiarpara A/S Inissiaatileqatigiiffik INI-mut oqaaseqaatinni 10. marts 2003-meersumi aamma oqaatigisattut attartorneq pillugu Inatsisartut peqqussutaata piffissaq atuutilerfissaa Inatsisartut aalajangersarsimagaat, Inatsisartut peqqussutaata 1. januar 2002-mi atuutilinnginnerani nalunaarutit pisariaqartut suliarinissaannut Naalakkersuisut piffissaqartillugit.

Suliami matumani ajornartorsiutip suliami (uanga j. normora 11.01.30.12/051-02) Inissiaatileqatigiiffiup akisummi innersuussutigisaani ajornartorsiut assiginngikkaa oqaatigissallugu aamma pissutissaqarpunga.

Suliaq siusinnerusukkut suliarisara pillugu oqaaseqaatinni 7. oktober 2002-meersumi attartortup allamut attartortitsigallarnissaa Inissiaatileqatigiiffiup itigartissimavaa, allanut attartortitsigallartarnermik inatsiseqartitsinermi killiliissutit, nalunaarummi atuuttumi § 7-imiittut, attartornerli pillugu peqqussummi atuuttumi aalajangersaqinnekarsimangitsut innersuussutigalugit.

Suliami matumani pineqartoq tassaavoq inissiaatileqatigiiffiup qinnuteqaammik itigartitsisimanagera, attartorneq pillugu peqqussutip inissiamik ukioq ataaseq tikillugu allamut attartortitsigallarsinnaanermik killiliisimanagermik imaqarnera innersuussutigalugu, naak killiliissutit taakku nalunaarummit ersinngikkalluartut.

Taamaattorli suliani marlunni taakkunani ataatsimut aallaaviusoq tassaavoq paasinninnera imaattoq, innuttaasut inatsiseqartitsinermi malittarisassanik iluaquusiisunik (tamanullu saqqummiunnekarsimasunik), inatsisillu atuuttut tunngavigalugit atuuttuusunik inatsisitigut tungavissaqarsinnaasariaqartut.

Oqaaseqaatinni 10. marts 2003-meersumi aamma oqaatigisattut isumaqarpunga tamatumunnga atatillugu pingaaruteqartinneqartariaqartoq suliami matumani nalunaarummi malittarisassap aamma inatsimmi malittarisassap akornanni naapertuutinningitsoqarnerata pissutaa tassaasoq attartorneq pillugu peqqussutip nutaap atuutilernerani Naalakkersuisut nalunaarutininik nutaanik suliarinnissimanginnerat, naak Inatsisartut taamaaliortoqarnissaa tunngavigisimagaluaaraat.

Suliamili matumani malittarisassat arlallit akornanni naapertuutinningitoqarnera malittarisassap innuttaasunut iluaquusiinnginnerpaap atorneqarnissaanik aallaaveqarluni malittarisassat qanoq paasineqarnissaannik nassuiaasarnermi tunngavik aallaavigalugu aaqqinneqarsinnaanngilaq, aammalumi piumasaqaatigineqarsinnaanngilaq innuttaasut pisinnaatitaaffimminnik isummerfiginnissinnaassagunik inatsisilerinikkut isumasiuiniartassasut, soorlu tamanna oqaaseqaatinni kingullermi aamma oqaatigigiga.

Malittarisassatigut naapertuutinningitsoqarnera inatsisiliortut aqutsinermi allaffisornikkut aalajangersakkamik inatsimmi taannaasumi aalajangersakkamut allamut assortuuttuusumik attassiinnarsimanageratigut pilersimasoq inatsimmik qulliunerusumik tunngaveqarnerup pisorta qarfiup innersuussutigisaata paasinninnera malillugu aaqqissinnaanngilaa.

Allakkat uku assilineri Inatsisartut Inatsisit Atortinneqarnerannut Ataatsimiititaliannut nassiuppara.”

Ulloq 18. juli 2003-mik pisorta qarfimmu allappunga:

”Nalunaarummi qulaani taaneqartumi § 7-ip attartornerlu pillugu peqqussummi § 39, imm. 1-ip imminnut naapertuuttuunnginnerannik Ombudsmandi pillugu inatsimmi § 11 malillugu nalunaarutigaa malillugu nalunaarutip allanngortinneqarnerani naqqiissuteqartoqarumaartoq pisorta qarfiup uannut allakkatigut 19. marts 2003-meersutigut nalunaarutigaa.

Allakkatigut 27. marts 2003-meersutigut nalunaarutigaara attartornermut tunngasuni aqutsineq pillugu malittarisassat allannortiterneqarnerannik suliaq tullerriaarnermi sapinngisamik annertunerpaamik salliutinneqartariaqartoq.

Tamatuma kingorna pisorta qarfirmmit tusagaqarsimangilanga.

Taamaattumik pisorta qarfik qinnuigaara suliaq sumut killissimanersoq, nalunaarutissatullu missingiut nalunaarummi nr. 24-mi 10. oktober 2000-imeersumi attartortut allanut attartorallartitsisarnerat pillugu malittarisassanik taarsiisoq Naalakkersuisut qaqugu isummerfigissagaat naatsorsuutigineqarnerasoq nalunaarfigeqqullunnga.

Allakkat uku assilineri Inatsisartut Inatsisit Atortinneqarnerannut Ataatsimiititaliaannut nassiuppakka.”

Pisorta qarfiup 24. juli 2003-mi ima akissuteqarfigaanga:

”Ombudsmandip apeqqustillissutaanik 18. juli 2003-meersumik Ineqarnermut Attaveqarnermullu Pisorta qarfik tigusaqarpoq, tassani pisorta qarfik matuminnga ilisimatitsissuteqaqqullugu qinnuigineqarluni, attartornermut tunngasuni aqutsineq pillugu malittarisassat allannortiterneqarnerannik suliaq malinnaatinneqarnera sumut killinnersoq.

Pisorta qarfiup ilisimatitsissutigisinnaavaa Namminersornerullutik Oqartussat kommunillu illuutaannik attartortittakkanik attartortitsineq pillugu Namminersornerullutik Oqartussat nalunaarutaannut nr. xx-imut xx 2003-meersumut missingiut tusarniaassutigineqarsimasoq, tusarniaanermut piffissaliussaq 18. juli 2003-mut killilerlugu.

Tamatuma tungaata nutaamik ataatsimoortumillu nalunaarusiunneqarnerani pingaarnerpaalluni siunertaavoq nalunaarutit kaajallaasitallu arlaqaqisut atorunnaarsinneqarnissaat, matumunnga ilanngullugu ilaatigut aamma nalunaarut nr. 24, 10. oktober 2000-imeersoq.

Tusarniaanermut akissutit takkussimasut pisorta qarfiup maannakkut misissorpai. Missingiut pingaarutilinnik naqquitalik inatsisilioriaaseqarnermi misissugassanngorlugu augustip aallartinnerani nassiunneqassaaq, tamatuma kingornagut missingiut ilusissavimmisut iluseqartillugu Naalakkersuisunut akuerineqartussanngorlugu saqqummiunneqassalluni.” (Atorfeqarfirmi nutsigaavoq.)

Ulloq 29. august 2003-mi pisorta qarfirmut allappunga:

”Pisorta qarfik allakkani 24. juli 2003-meersuni ilisimatitsivoq nalunaarutissamat missingiut nutaaq inatsisilioriaaseqarnermi suliarineqartussanngorlugu 2003-mi augustip aallartinnerani nassiunneqarumaartoq, tamatumalu kingorna missingiut ilusivissaatut iluseqartillugu Naalakkersuisunut saqqummiunneqarumaartoq.

Matuma kingornagut naatsorsuutigaara nalunaarut nutaaq piffissap sivikitsup iluani saqqummersinneqarumaartoq, taamaattumik suliami annertunerusumik iluuseqaqqissanngilanga.

Inatsisartut Inatsisit Atortinneqarnerannut Ataatsimiititaliaat allakkat uku assilinerannik nassiussivigaara.”

## 11.73 – Suliat nammineerluni misissugassanngortitat

### 12. Meeqqanik inuusuttunillu ikiorsiisarneq

#### 1. **Kommunip nivarsiaqqamik aqqanilinnik ukiulimmik meeqqanuat angerlarsimaffimmut inissiinera.**

*Kommunip 1999-imi upernaakkut nivarsiaaraq 11-nik ukiulik, nivarsiaqqap arnaata akuersineratigut, meeqqanuat angerlarsimaffimmut inissippaa.*

*Arnaa kingusinnerusukkut arlaleriarluni nivarsiaqqap angerlartinnissaanik kissaateqarnerminik saqqummiussisarsimavoq, isumaqaramimi ikiorneqarnermik, kommunip taassumunnga neriulluarsaarutigisimasaanik ikiorneqanngitsaq. Nivarsiaaraq 2000-imi decemberip qaammataa tikillugu meeqqat angerlarsimaffianniitinneqarsimavoq.*

*Kommunip inissiinermik ukiup ataatsip qaangiunnerani naliliisimanninnera Ombudsmandip isornartorsiorpaa.*

*Tulliullugu Ombudsmandip isornartorsiorpaa kommunip, piffissap nivarsiaqqap inississimaannarnissaanik anaanaasup akerliliissuteqarfigisaata kingornagut, suliaq angajoqqaatut oqartussaasumit akuersisitsinani inissiineq pillugu malittarisassat malillugit, meeqqanik inuusuttunillu ikiorsiisarneq pillugu Inatsisartut peqqussutaanni malittarisassat aamma meeqqat pisinnaatitaaffii pillugit FN-p (Naalagaaffiit Peqatigiit) isumaqatigiissutaata aamma Inuit Pisinnaatitaaffii pillugit Europami Isumaqatigiissutip qanoq paasineqarnissaat tunngavigalugit suliarisimannngimagu.*

*Kommunip suliamik suliaqarsimaneranik ataatsimut nalileereerikkut Ombudsmandi isumaqarpoq kukkuluttornerit sumiginnaanerillu ima annertutigisut tassani pineqartut, tamanna pillugu Inatsisartunut Naalakkersuisunullu nalunaarutiginninnissamut tungavissaqarluni. (J.nr. 11.73.12.01/058-00)*

Nivarsiaqqap 11-nik ukiullip K2-mi børnehjemmimut inissinneqarnera pillugu allaaserisaq aviisimi ... 2000-imi saqqummiunneqarpoq. Allaaserisaq taanna nivarsiaaraq pillugu paasissutissanik ilaqutaasalu nivarsiaqqap børnehjemmimit angerlartinneqarnerani illoqarfimmut najugarisaminnut uternissaminnut kommunimit ikiorneqarnissaminnik ajornartorsiutaannik aamma imaqarpoq.

Allaaserisami paasissutissat malillugit inatsiseqartitsinikkut soqutigisat pingaaruteqartut innarlerneqarsimasinnaanerat matunneqarsinnaannngimmat, matumani pisinnaatitaaffiit Inuit Pisinnaatitaaffii pillugit Europami Isumaqatigiissut kiisalu meeqqap pisinnaatitaaffii pillugit Naalagaaffiit

Peqatigiit Isumaqatigiissutaat aqputigalugit qulakkeerneqarsimasut ilanngullugit eqqarsaatigalugit, suliaq nammineerlunga misissuiffiginiaarlugu aalajangerpunga, tak. Inatsisartut Ombudsmandiat pillugu Inatsisartut inatsisaanni § 6, imm. 5.

Tulliuttuni suliaq misissuininnilu paasisannut tunngavilersuutit allaaserineqarput.

Suliaq ingerlasimanera.

Aviisimi ... 2000-imi saqqummertuni allaaserisaq imaattoq atuarpara:

”Pinngitsaalisaaq ”angerlatsaaliugaaq”

Niviarsiaaraq 11-nik ukiulik katsorsarneqareerluni ilaqtaminut ikinngutiminullu angerlarsinnaangilaq.

Pinngitsaaliillunni arnerisimasooq ukiuni marlussunni pinerluuteqarsimasunut inissiisarfirmeeerluni qanittukkut iperarneqassaaq. Tamatuma nassataaraa niviarsiaqqap pinngitsaaliineqartup K2-mi katsorsartereerluni angerlarsinnaannginnera.

Niviarsiaaraq ullumikkut 11-nik ukiulik ukiut marluk matuma siorna ima peqqarniitsigisumik pinngitsaaliineqarpoq, allaat toqutigingajallugu. Arnaata qularutigingilaa toqqissimasumik asannineqarfiusumillu angerlarsimaffeqanngikkaluaruni toqusimassagaluatoq. Niviarsiaqqap inuunera sivisuumik navianartorsiorpoq, toq-qusassineqarnermilu kingorna isaasa aappillersimani pisimasup annilaarnartup kingunerujua sulii iluarsinngillat.

Qujanartumik niviarsiaaraq annappoq, illoqarfimmili tarnip nakorsaanngitsumi najugaqarpoq, tamaattumik ukiup ataatsip matuma siorna K2-mut nuuppoq misigisapillumik katsorsartinniarluni, børnehjemmimi najugaqartinneqarluni. Ukioq ataaseq qaangiutereersoq katsorsarneqarnera aatsaat aallartikkaluatoq niviarsiaaraq ullumikkut ima iluarsitigaaq angerlarsinnaanngorluni.

Ilaqtariinnguit, anaanaq qatanngutillu angajullit marluk, pinerlineqarnerup kingorna eqqissillutik inuusinnaanngulerput. Aporfissarli alla takkappoq.

Anaanaq meeqqani eqqarsaatigalugit kinaassutsiminik isertuuserusuttoq oqarpoq: - Børnehjemmimi junip tungaanut qanoq iliuusissatsinnik pilersaarusiopugut, naatsorsuutigalugu panimma katsorsarneqarnera naammassissasoq. Tamatuma kingorna illoqarfitsinnut angerlarsinnaalissaaq. April qaammat illoqarfitsinni isumaginninnikkut sullissisorput K2-mut tikippoq. Paniga pillugu sulianik paasissutissat nassarpai, oqaluttuarporlu kommunip kommunimit nuussimasutut naatsorsuutigaaqatigut. Ikioqqissinnaanngilaatigut.

Paasissutissaaq uissuumminartoq sullissisup oqaatigisaa tassaavoq, angut paninik qulinik ukiulimmik pinngitsaaliisoq qanittukkut iperagaaniartoq. Kommunit utertinneqarnissani qinnutigisimavaa – niviarsiaqqap illoqarfianut. Kommuniti sullissisup anaanaq nassuiaappaa, niviarsiaqqap inuunera eqqarsaatigalugu niviarsiaqqap illoqarfimmut uteqqinnissaa kommunip inassutigisinnaanngikkaa.

Paniga angerlatsaaliugaasutut nalilerusuppara, anaanaq tatitusaartoq oqarpoq, inuusutissalerinermut ilinniaqqinnini kipiinnarlugu nammineq akilikkamini K2-mukartoq, panimmi børnehjemmimiinnerata nalaani atugarliornerani qaninniassagaamiuk.

...

Anaanap panini siorna augustimi malikkamiuk suliffissaqarnanilu najugaqarfisaaqanngilaq. Kingornagulli suliffittarlunilu najugassaqaalerpoq.

...



Illoqarfitsinnili iniga piginnarpara. Ernera 19-inik ukiulik tassani najugaqarpoq. Taamaalillunga maani ineeqqamut illoqarfitsinnilu inissiatinnut akilersuivunga. Paniga najorniassagakku K2-mi suliffissaqarniarlunga najugara allanngortittariaqarpara.

Anaanap K2-mi najugaqarnissani ajorinnigikkaluarpa. Inissaqarniarnerli ajornartorsiutaavoq.

- Angerlarnissarput kissaatiginerugalarparput. Ilaquttanut, angerlarsimaffimmut ikinngutinullu angerlarluta. Aappaatigut uteqqinnissarput kissaatiginnigikkaluarpara, ilisimagakku pinngitsaaliinikoq illoqarfimmi tassani najugaqartussaammat. Eqqaatungitsinniluunniimmi aamma najugaqarami. Pisimasoq panimma suli sinnatupiluutigisarpaa, taamaattumik angerlarnissaq illersorneqarsinnaanngilaq, taanna angut naaperatarsinnaammagu. Pinngitsoorneqarsinnaanngilarlu.

- Taamaattumik maani illoqarfimmiinnissarput akuerisinnaagaluarpara. Maanili taamak inissaaleqisoqartigisoq initaarnissaq ajornakusooqaaq, tamannalu takorlooruminaatsippara.

...

Pineqartoq aviisip normuni tullerni sammeqqissavaa, ilaatigut eqqartuussiveqarnikkut ataatsimiititaliamik apersuilluta kiisalu isumaginninnermut naalackersuisumik oqaloqateqarluta.”

K1-mut 6. oktober 2000-imi imatut allappunga:

”Avisi ... 2000-imi assilinerá ilanngunneqartumik ilanngutassiamik imaqarpoq.

Tamatumunnga atatillugu ilanngutassiami allaaserineqartumik suliap ingerlanneqarsimanerani, meeqqap B-p anaanaataluunniit, A-p pingaaruteqartunik inatsiseqartitsinermi soqutigisaat unioqquatinneqarsimasinnaanerát misissuiviginiarlugu nammineerlunga aalajangerpara.

Tamatuma kingunerisaanik K2, K1-ip A aamma B-mut tunngasumik suliapi pigisaanik misissugassanngorlugit uannut nassitsisimasoq, attaveqarfigaara.

Maannalu suliama allagaatit, K2-mit tigusimasama, tamatumani K1-p suliama allagaatigisai ilanngullugit, misissornissaannut periarfissaqarsimavunga, tamatumunngalu atatillugu K1-ip suliama suliarinnessimanermut tunngasunik pissutsit makkua misissuiviginissaannik aalajangersimallunga.

1. B-p meeqqat angerlarsimaffiannut inissinnissaanik aalajangerneq.

Suliama allagaatini atuarneqarsinnaavoq, ingerlatsiviup 20. april 1999-imi aalajangersimagaa isumaginninnermi ataatsimiititaliamut imaattumik inassuteqarniarluni, “B børnehjemmimut, (tarnip pissusaanik ilisimasalimmit/tarnip nappaataanut nakorsamit), inissisimaneranni ingerlanneqarsimagaluartumik, nakorsartinnissaa siunertarlugu, angajoqqaatut oqartussaassuseqartup akuersineratigut, akuersinnigikkaluarpalluunniit, inissinneqassasoq, Namminersornerullutik Oqartussat Peqqussutaat nr. 9, 30.10.1992-imeersoq malillugu.”

Aammalu atuarneqarsinnaavoq, kommunip isumaginninnermut ataatsimiititaliaata inassutaasoq 22. april 1999-imi akuerisimagaa. Tamatuma kingorna kommuni meeqqat angerlarsimaffiannut 26. april 1999-imi K2-mi børnehjemmimut K1, meeqqat angerlarsimaffianni B-mut inissamik qinnuteqarluni, allagaqarpoq. Kommuni allakkani oqaatigaa “A-p aalajangerneq akuerisimagaa.”

Tamanna aallaavigalugu kommuni qinnuigaara makku nassuiaateqarfigeqqullugit:

- isumaginninnermi ataatsimiititaliap 22. april 1999-imi B-p angerlarsimaffiup avataanut inissinnissaanik aalajangernera, meeqqanik inuusuttunillu ikiorsiisarneq pillugu Inatsisartut peqqussutaanni § 13 (angajoqqaatut oqartussaassuseqartoq

akuersiseriarlugu inissiineq) tunngavigalugu imaluunniit § 14-imiit § 19-imut (anga-joqqaatut oqartussaassuseqartoq akuersiseqqaarnagu inissiineq) aalajangiineruner-soq.

Kommuni tamatumunnga atatillugu qinnuigineqarpoq ataatsimiinnerup allagan-gorneranik imaluunniit isumaginninnermi ataatsimiititaliap ataatsimiinerinut allat-taaviit assilineqarnerannik nasseqqullunga.

Inissiineq A akuersiseqqaarnagu pisimappat matumunnga peqatigitillugu kom-muni qinnuigineqarpoq, kommunip Inatsisartut peqqussutaanni taaneqartumi § 15, imm. 1, § 15, imm. 2, § 16, § 17, imm. 1, qanoq malissimanerai nassuiaateqar-figeqqullugu:

- Namminersornerullutik Oqartussanut atasumik nunap immikkoortortaani allaf-fik pineqartoq qanoq ililluni inissiinnermik ilisimatinneqarsimanersoq,

- meeqqamik angerlarsimaffiup avataanut inissiisimanermi ukiup ataatsip qaa-ngiunnerani, Inatsisartut peqqussutaanni § 23 malillugu, suliamik suliareqqiimissa-mik piumasqaat, malinneqarsimanersoq.

2. A-p paniatalu akornanni attaveqatigiisitsineq.

Kommuni 5. august 1999-imi allakkatigut, anaanaasup paniatalu akornanni atta-veqartarnerup meeqqat angerlarsimaffianni pisarmissaanik, aammalu meeqqat a-ngerlarsimaffiata avataani najoqatigiittarnerup ikiortimit najorteqartitsinikkut pisar-nissaanik, meeqqat angerlarsimaffiannut ilitseruussisimasoq paasissutissiisutigi-neqarsimavoq.

Kommunip aamma 20. december 1999-imi telefaxikkut, A-p paniatalu najoqa-tigiittarnerannut killilersuinerit, meeqqat angerlarsimaffianniit 2. december 1999-i-mi allakkat malillugit, akuersimavai imaattut:

“A-mut isumaqatigiisutigisimasavut ilissinnit akuerineqarnissaat kissaatigaar-put, makkunatigut: Decemberi tamaat A imm. 1-imut takkuttassaaq nereqataasarluni B-lu pingasunngornerit tamaasa innartittassallugu. Arfininngornerit tamaasa A-p B aasassavaa, anaanamini unnuisassaaq sapaatip tungaanut. 22.12.99-imiit 27.12.99-ip tungaanut A inissiami kisimiittussaavoq, attartortup juullimut sulin-giffeqarnerata nalaani. A-p kissaatigaa piffissap tamatuma nalaani B-p immiini na-jugaqarnissaa. Tamanna maanngaaniit inassutigisinnaavarput aatsaat, qanoq inger-lanerannik malinnaatinneqassagutta.”

Kommuni qinnuigineqarpoq aalajangiinernut taakkununnga inatsisitigut tunnga-vigisatut tunuliaqutaasoq, kiisalu kommunip A isumaginnittoqarfiup aqunneqarnera aaqquissuusaaneralu pillugit Inatsisartut peqqussutaat malillugu naammagittaallior-nissamat periarfissamik ilitserorsimaneraa nassuiaqqullugit.

3. Kommunip suliamik suliarinninnera ataatsimut isigalugu.

Kommuni qinnuigineqarpoq, suliap ingerlanneqarsimanera allaaserineqartoq aalajangersakkanut makkununnga naleqquttuusutut isigineqarnersoq nassuiaatigeq-qullugu:

- Meeqqanik inuusuttunillu ikiorsisarneq pillugu Inatsisartut peqqussutaanni § 22.

- Inuit piginnaatitaaffii pillugit Europami Isumaqatigiisummi artikel 8 malillugu, kialuunniit nammineq ilaqutariittullu inuunermi, angerlarsimaffimmi allakkatigullu ataveqarnermi ataqpineqarnissamut piginnaatitaaffeqarnera,

- Inuit Pisinnaatitaaffii pillugit Europami Isumaqatigiisummut ilassummi 4-mi 16. september 1963-imeersumi artikel 2, imm. 1, taannami malillugu kinaluunniit inatsisinik unioqutitsinani naalagaaffiup killeqarfiata iluani killilersugaanngit-sumik angalaarnissaminut sumilu uninngaarfeqarnissaminik akornusersorneqarne-rani toqqaanissaminut pisinnaatigaaffeqaromat,

- Meeqqap pisinnaatitaaffii pillugit Naalagaaffiit Peqatigiit isumaqatigiissutaat, pingaartumik artikel 19-imi, artikel 20, imm. 1-imi aamma imm. 2-mi, aamma artikel 39-mi imatut allassimasut:

“Artikel 19

1. Naalagaaffit peqataasut inatsisiliatigut, pisortaaffiginninnikkut, inunnik isumaginninnikkut ilinniartitaanikkullu iliuusissatut maleruagassanik naleqquttunik tamani aalajangiisassapput meeqqamut timikkut tarnikkulluunniit qanorluunniit iliornikkut pinerlineqatsaaliuutaasussanik, ajoqusitsaaliuutaasussanik imaluunniit atornerluitsaaliuutaasussanik, sumiginnatsaaliuutaasussanik, ilanngullugit naalliut-sitsinernut atornerluinernullu soorlu meeraq angajoqqaaminit, taakku sinnerlugit perorsaasiminit inunnilluunniit allanit paarsarineqartillugu kinguaassiuutitigut atornerlunneqarmissaanut illersuutinik.

2. Illersuiniutit taamaattut naleqquttumik annertussusilinnik ilaqartinneqartariaqarput sunniuteqarluartussatut najoqqutassianik, isumaginninnikkut sulissuteqarnissat ilusilersornissaannut, meeqqamut taassuminnga paarinnittuusunut pisariaqarne-ratut tapersersuutaasinnaasunik, taamatullu siuliini nassuarneqareersutut allatigut tamatigut pitsaaliuiniarnernut aammalu meeqqamik naalliutsitsisoqarsimatillugu iliuuseqartup nassaariniarnissaanut, nalunaarusiornissamat, innersuusnissamat, missiuisnissamat, katsorsaaniarnissamat aammalu qanoq iliuuseqarniarnissamat pisariaqarpallu eqqartuussisulersuusnissamat atugassanik.

Artikel 20

1. Meeraq ilaqquttamisut avatangiisiminit avissaartitaagallarsimasoq imaluunniit taakkunanga avissaartitaavissimasoq, imaluunniit meeqqamut pineqartumut pitsaanerpaasorisat tunngavigalugit taamaattunik avatangiiseqarnissaa akuersarneqarsinnaanngippat, taava meeraq taanna pisinnaatitaavooq naalagaaffiup tungaanit immikkut illersorneqarlunilu ikiorneqarnissamat.

2. Naalagaaffiit peqataasut naalagaaffittut piginnaatitaanertik naapertorlugu meeqqap taamaattup allatut iliornikkut isumassorneqarnissaa qularnaarniassavaat.

Artikel 39

Naalagaaffiit peqataasut sutigut tamatigut naleqquttumik iliuusissanut maleruagassiortassapput meeqqap qanoq iliornikkulluunniit sumiginnagaasimasup, iluaqutiginiaagaasimasup imaluunniit atornerlugaasimasup, naalliutsitaasimasup allatulluunniit peqqarniingartumik inuppalaanngitsumik nikanarsaataasumilluunniit pineqarsimasup imaluunniit pillagaasimasup sakkulersorluniluunniit eqqissiviilliornermi atornerqarsimasup timikkut tarnikkullu peqqissarneqarnissaanut siuarsaniutissanik. Taamatut peqqissaaneq inuiaqatigiinnullu inooqataaqqilersitsiniaaneq pisassapput meeqqap peqqissusianut, imminut tatigineranut inuttullu naleqassusianut siuarsaataasumik avatangiiseqartitsilluni.” (Atorfeqarfimmi nutsigaavooq.)

K1 akissuteqaqqullugu 12. december 2000-imi nukingisaarpara.

K1-ip akissutaa imaattoq 22. januar 2001-imi tiguara:

”K1-imi innuttaasunut ingerlatsiviup suliaq qulaani taaneqartoq pillugu allakkatigut 06.10.00-imeersutigut nassuiaateqaqqusissut matumuuna imaattumik akissuteqarfīgissavaa.

1)

B-p inissinneqarneranut atatillugu anaanaasooq nammineq tassaavooq B-p inissinneqarnissaanik qinnuteqarsimasooq, tassami tarnip pissusiinik ilisimasalimmit ikiorneqarnissani pisariaqateqimmagu, massakkullu akuersinini uppersarlugi ajorluartumik atsiortinneqanngitsoorsimavooq, allagaami B-p inissinneqarnissaanut akuersissutitut isigineqarmata. (Allakkat ilanngullugit nassinneqarput).

2)

B-p anaanaminiittarnissaani tapersersortimik ilaqartarnissaanik aalajangernermi siullermi tunngaviuvoq anaanaasup piffissami siullermi qatanngummini arnami imigassamik ajornartorsiutilerujussuarimi najugaqarnera. Ingerlatsivik ilisimatinnegarsimavoq kamaattoqarnera pissutigalugu A panini ilagalugu Qimarnuimmuut qimaasariaqarsimasut. Taanna ilaqutariit inissinneqarfianni siullermi pisimavoq. Kingusinnerusukkut aalajangerneqarpoq pania anaanaminiittarsinnaasooq, tassami anaanaasooq inissiamik attartorsimammat, tamannalu Inatsisartut peqqussutaanni nr. 9-mi, 30. okt. 1992-imeersumi kap. 5, § 22 tunngavigalugu pisimavoq.

Ingerlatsiviup aalajangiineri naammaginnikkunigit naammagittaalliorsinnaanera A-mut oqaasiinnartigut ilitsersuutigineqarsimavoq.

K1 isumaqarpoq suliamik suliarinnineq peqqussutit taaneqartut tunngavigalugit ingerlanneqarsimasooq, tassalu anaanaasup saaffiginninnera aallaavigalugu iliuuseqartoqarsimalluni, kiisalu najortigiisinneqarnerat tamatumalu kingorna meeraq katsorsarneqarsinnaaqullugu inissinneqarsimalluni. (Ataatsimiinnermit imaqarniliaq kingulleq ilanngullugu nassinneqarpoq). Paasissutissat amerlanerusut pissarsiare-rusukkussigit ingerlatsiviup attaveqarfiginissaanut tikilluaqquasaavusi. (Atorfeqarfimmi nutsigaavoq.)

K1-ip akissutitut allakkanut ilanngullugit suliami allagaatit assigiinngitsut nassiuppai, taakkunanilu A-p kommunimut allagai taaneqartut ilaapput. Allakkanit taakkunangga makku issuarnissaat toqqarsimavara:

”Pineqartoq:B, ... .

B saassutitippoq 29/6-1998 K1-imi, toqoriarneqarpoq pinngitsaalineqariarlunilu. Saassunneqarnermi kingorna oqimangertarpoq.

Ania B-lu ilaqutariinnut immikkoortortamukartinneqarput (børnehjem) augustip 28-ni 1998. Tassaniitsilluni B tarnip pissusaanik ilisimasalimmit ikiorserneqanngilaq.

...

B uangalu K2-miit angerlaleratta tarnip pissusaanik ilisimasalik meeqqanut nakorsaqaq ... oqarasuaatikkuq oqaloqatigaara B tarnip pissusaanik ilisimasalimmit sooq ikiorserneqannginnersooq. Sanami ataatsimiinnermi peqataavoq, K1-ip napparsimaviani uninnganitsinni. K1-imi Isumaginninnermik Ingerlatsiviup nakorsallu B isumagaat, K1-imi tarnip pissusaanik ilisimasalimmik peqanngilaq. Taamaammat K2-mut aallartinneqarpugut.

...

K1-imut uterluta tikikkatta unnuami iteqattaarsimavoq oqimangertarluni, ... Atuaqatiminit malersugaasimavoq qinnigasaarneqartarlunilu.

...

K1-imut 27. januar 1999-imi tikippugut. 15. feb. 1999-imi ...-mi ilinniarnera aallartippara.

...

Eqqarsaatigaara ilinniarnera unitsinniarlugu, K1-imillu aallarlunga nutaamik aallateqqinniarlunga. K1-imiinngikkaangama ajorneq ajorpunga. Suliffiga paarisarpara toqqissimasarlungalu. Ungami arfineq marlunnik ukioqarlunga aamma 15-inik ukioqarlunga K1-imi atornerlunneqartarsimavunga. Meeqqakka marluk aamma taamatut pineqarsimapput. B K2-mukartinniarsiuk. Tarnip pissusaanik ilisimasalimmit ikiorneqarsinnaaniassaaq.

...

Nukkama B K2-mukaateqqinniarppaa, toqqissisimaqqilerniassammat K2-mullu nuunniariarpat meeqqanut tarnip nakorsaata ... katsorsarniarppaa.” (Atorfeqarfimmi nutsigaavoq.)

K1-imut 30. januar 2002-mi imatut allappunga:

”Ombudsmandip suliami allagaatit misissoqqissaareerlugit K1-ip suliami immikkoortunut arlalinnut tapertamik nassuiaateqarnissaanik qinnuiginissaa suliap inaarlugu suliarineqarnissaanut pisariaqartuusoraa.

Ombudsmandip allakkatigut 6. oktober 2000-imeersutigut kommuni suliami immikkoortunut arlalinnut nassuiaateqaaqqullugu qinnuigisimavaa.

K1 allakkatigut 17. januar 2001-imeersutigut akissuteqarpoq. Taamaattorli kommunip allagai apeqqutigineqartunut tamanut akissutinik imaqqanngillat.

Ombudsmandip kommunimut allagai 6. oktober 2000-imeersut ilaannarsiorlugit imaattut matuma ataani issuarneqarput:

(Allakkat taaku issuarneqarneri matumani ilanngunneqanngillat, qulaani issuarneqareermata).

...

Immikk. 1 pillugu:

Suliami allagaatinit erserpoq A-p panimmi børnehjemmimut inissinneqarnissaanut akuersinera paniata tarnip pissusaanik ilisimasalimmit ikiorneqarnissaa pisariaqartinneqartoq tunngavigalugu pisimasoq, tamannalu aamma kommunip inissiiner-mi siunertarisimaga.

Tamatumunnga atatillugu toqqarsimavara K1-ip børnehjemmimut siunnersuutigisaanit 26. april 1999-imeersumit imaattut issuarneqarlugit:

”Innuttaasunik Sullissiviup børnehjemmi qinnuigissavaa B sapinngisamik piaarnerpaamik børnehjemmimut inisseqqeqqullugu.

Siunnersuuteqarneq B-p atuarunnaarneranik tunngavilersuuteqartinneqarpoq, tassami A-p taanna atuarunnaarsissimmamagu, taamatullu B siorna pinngitsaalineqarluni arneriffiqeqarsimanermi kingornagut tarnip nakorsaanit ikiorneqarnissaminik sulii atorfissaqartitsimmat.

...”

Tulliullugu børnehjemmip K1-mut allagaanit 2. december 1999-imeersunit imaattut issuarpakka:

”Ulloq 25.08.1999-imi børnehjemmimi sulisut pisortaa-sullu meeqqat tarnikkut nappaataannik ilisimatooq ..., Napparsimmavissuarmut Rigshospitalimeersooq aamma tarnip pissusiinik ilisimatooq/tarnip nakorsaa ...K2-mi napparsimmavimmi sulisoq isumasioqatigiippat. Isumasioqatigiinnermi tassani nalilerneqarpoq B peror-saanikkut immikkut ittumik børnehjemmimi katsorsartinnerminut tapertatut immi-niusumik tarnikkut katsorsartinnermik imaannaq atorfissaqartitsinngitsoq. Tamanna kingusinnerusukkut pisariaqalissagaluarpat, børnehjemmimi tarnip nakorsaa ..., Isumaginninnermut Pisorta-qarfimmeersooq, isumasioqatigalugu apeqqut saqqum-miuteqqikkumaarpaa.

...-p aamma ...-p sulisunut 24.09.1999-imi paasititsissutigisaat pillugit arnaa A ilisimatinneqarpoq, tamatumani A-p ”katsorsartikkallarnissamik” aalajangerneq naammaginnartinnagu, tassalu B meeqqatut peqqissutut katsorsarneqassasoq/pine-qassasoq pisimasorlu, B-p nalaassimasaa, B nammineerluni taamaaliornissamut pia-reertinnagu ”qaqilerlugu” aallartinneqassanngitsoq. B-p misigisani tarnimigut ajo-qutissarsiffigisimasani, K1-imi pisimasoq, ...-mi tammaarsimaarnermi nammineer-luni eqqartorsimavaa. Qiarujussuarsimavoq tamaasalu perorsaasumut, piffissat ar-laanni isersimaqatigisaminut, oqaluttuarisimallugit.

...  
 Marlunngornermi 30.11.1999-imi A-mik ataatsimeeqateqarneq. ... aamma ... – B-p attaveqarfignisartaga – ataatsimiinnermi peqataapput. Makku oqaloqatigiissuti-gineqarput:

B-p inissinneqarneranut pissutaasoq. B-p angerlartinneqarnissaanik A-p kissaa-taa. Naliliineq aamma panigiit ukiup sinnerani najortigeqatigiittarnissaannik isumaqatigiissuteqarnerit nutaat.

A uagutsinnut imaattunik ilisimatitsissuteqarpoq:

“B-p angerlartinneqarnissaanik A sakkortuumik kissaateqarsimavoq. K1-mut utinnngisaannarnissaq A-p sakkortuumik kissaatigaa: Tassami A aamma B K1-imut utermata, B atuarfimmi atuaqatiminit taamatullu K1-imi inunnit allanit imaannaan-gitsumik qinngasaarneqartarsimaqaaq nakuuserfigineqartarlunilu, B-p siornatigut pinngitsaaliinikkut arneriffiginiarneqarsimanera qiminniarneqarsimaneralu pissuti-galugit. Qinngasaarinerit ingasappallaalermata aammalu ilaatigut B-p kiinaani qit-suaanernik takussaasoqartalerat, B-p atuarunnaarsinnissaa A-p toqqarsimavaa.

A ilisimatitsivoq ikiorneqarumalluni K1-imi inunnik isumaginninnermik inger-latsivimmud nammineerluni saaffiginnissimalluni. Isumaginninnermik ingerlatsivik tassaannngilaq B-mik peersitsisimasooq, tassami nammineq tamanna pillugu kissaate-qarnermik saqqummiussisimagami.

A isumaqarsimavoq børnehjemmi B-p inissinneqarneranut pissutaasoq pillugu kukkusumik paasisutissinneqarsimasooq. A isumaqarpoq B-p perorsarnissaa, toq-qissisimanernik ulluinnarnilu inuunermik aqqissugaasumik tuninissaa sapinngik-kini. Atuarfimmi qinngasaarneqartarneq nuanninngitsumillu ineriartorneq, nam-mineq suliamillu ingerlatsisoq peqatigalugu, inissinneqarnissamut akuersinerminnut pissutaasimasut.

A isumaqarpoq B-p ..., napparsimmavik, aqqutigalugu imminiusumik tarnikkut katsorsarneqalernissaa B-mut pingaaruteqartuusoq. (...-p allagai takukkit).

...”

Aammattaq suliami allagaatinit ersepoq A-p panimmi angerlartinnissaa pillugu børnehjemmi aamma K Kommuni 30. november 1999-imi taamatullu 6. april 2000-imi qinnuigisimagai.

Inissii-nerli atatiinneqarmat kommuni qinnuigaara ilisimatitsissutigeqqullugu A-mit qinnutigisaqarnerit taakkua ima nassataqarsimanersut, kommuni suliamik su-liaqarnermini angajoqqaatut akisussaassuseqartumit akuersisitseqqaarmani inissii-neq pillugu suliamik kommuni suliaqalersimalluni.

Matuma kingornagut kommuni qinnuigaara inissii-nermi inatsisitigut tunngaviu-soq pillugu apeqqutinut, aallarniutaasumik Ombudsmandip kommunimut allagaani 6. oktober 2000-imeersuni apeqqutigineqartunut, isummeqqullugu.

Immikk. 3 pillugu:

Kommuni qinnuigineqarpoq børnehjemmimut inissii-nerneq sioqqullugu pe-riarfissat allat pillugit imaluunniit ilaqutariit ...-kkut qanoq iliorluni ikiorneqarnis-saannik isumaliutersuuteqartoqarsimansooq nassuiaateqarfigeqqullugu.

Tamatununga atatillugu kommuni qinnuigeqqinneqarpoq nunat tamalaat inatsi-seqartitsinerannik, Ombudsmandip allagaani 6. oktober 2000-imeersuni issuarne-qartunik, isummerfiginneqqullugu, tassami isumaqatigiissutitigut aalajangersakkat taakku meeqqanik inuusuttunillu ikiorsiisarneq pillugu Inatsisartut peqqussutaanni inatsisitigut aalajangersakkat pingaaruteqartut taakku qanoq paasisariaqarnerannut tapersiutaasinnaammata.”

K1 akissuteqaqqullugu allakkatigut 14. maj 2002-meersutigut nukingis-saarpara.

Kommuni allakkatigut 14. juni 2002-meersutigut imaattumik akissuteqarpoq:

”Inatsisartut Ombudsmandiata allakkatigut 14.05.02-mi ullulernerqarsimasutigut B-p inissinneqarnera pillugu nassuiaateqaqqullugu K 1 qinnuigisimavaa.

Panini inissinneqarmat A-p akuersinermut uppersaasat atsiorsimaneraa suliame takuneqarsinnaanngilaq, kisianni taamani suliamek ingerlatsisup kiisalu børnehjemmimi misissuinerat malillugu B pillugu iliuusissanut pilersarusiaq sularineqarmat anaanaata atsiornera pissarsiarineqarsinnaasimannngilaq, tassami B-p inissinneqarfissataa nalaani taanna K3-mut nuussimammat, taannalu anaanaasup akuersineranik pissarseqqullugu qinnuigineqarsimagaluarluni, kisianni tamatuma nalaani A K2-mut nuussimavoq, taamalu akuersinermut uppersaasatit atsiornera pissarsiarineqarsinnaasimanani.

Taamani suliamek ingerlatsisup oqarnera malillugu B-p børnehjemmimut inissinneqarnissaa suliniutigineqarsimavoq, A-mi nammineq saaffiginnimmat B qatanngumminut arnamut K2-miittumut inissinniarlugu, taannali tamatuma nalaani imigassamik assut ajornartorsiuteqarluni, taamaattumillu tassunga taarsiullugu A isumaqatigiissuteqarfigneqarluni B børnehjemmimut inissinneqarsinnaasooq, misigisani ilungersunartut sularisinnaaniassammagit, tamannalu B-p akuerisimallugu.

Taamani suliamek ingerlatsisooq oqarpoq inissiineq akuersisitseqqaarluni inissii- nertut pisimasooq.

Suliame takuneqarsinnaanngilaq B-p inissinneqarnera Nunap Immikkoortortaqarfiani allaffimmut qanoq ilisimatitsissutigineqarsimanersoq, kisianni Immikkoortortaqarfik inissiineq pillugu allakkanik taamani tigusaqarsimagaluarpoq, sulisussaaleqinerli pissutigalugu saaffiginnissut ingerlaannaq akineqarsinnaasimanani.

Ilaqutariit tamarmik Børnehjemmip ilaqutariinnut immikkoortortaqarfianiinnissaat ikiorsiiniutitut akuersissutigineqarsimagaluarpoq, taamaalilluni ilaqutariinni ataasiakkaat tamarmik misigisatik ilungersunartut sularisinnaaniassammagit, A-lli panimmilu tassangaanniit aninissartik sularisimavaa, K1-illu Kommuniat aalajangersimalluni angerlartinniarlugit.

B-p inissinneqannginnerani maani K1-imi meeqqanik tapersersuilluni oqaloqatiginnittarnerit ilaqutariillu ornittagaanniittarnissaaq akuersissutigineqarsimagaluarput, taakkuli oqaloqatiginnikkiartorlutik takkussimanatik.

Tapersersortitut ikiortimut nal. akunneri atugassat aamma akuersissutigineqarsimagaluarput, aammali atorneqarsimanatik, tassami tamatuma aalajangiunneqarnerata kingorna qaammat ataaseq qaangiuttoq B-p inissinneqarnissaa anaanaasup qinnutigisimammagu.

Meeqqap pisariaqartitai aallaavigalugit iliuuseqartoqarsimanersoq nassuiaqqullugu Inatsisartut Ombudsmandiata aamma qinnutigisimavaa, K1 Kommuniillu matumuuna nalunaarutigisavaa meeqqap pisariaqartitai atugarissaarnissaalu aallaavigalugit iliuuseqartoqarsimasooq, ikiorsiiniutinik assigiinnngitsunik taaneqareersunik ikiorsiiniuteqarnikkut.

Inissinerup nalaani K1 Kommuni B pillugu ukiup affakkaartumik nalunaarsiamik pissarsisimavoq, kisianni ukioq ataaseq suli naanngitsoq suliaq K2 Kommunimut nuunneqarpoq, anaanaa tassunga nuummat, K2-llu Kommuni kommunitut iliuuseqartussatut isigineqalermat, taamaattumillu K2 Kommuni inissiineq pillugu ukiumoortumik naliliisimanani.

...” (Atorfeqarfimmi nutsigaavoq.)

*Tamatuma kingorna imaattunik oqaaseqaateqarsimavunga:*

”1. Misissuinerup killissalernerqarnera (pissutsit suut misissussallugit toq-garsimagikka).

...

2. B-p meeqqat angerlarsimaffiannut inissinneqarnera

a) Inissiisoqarnissaanik aalajangiineq. Angajoqqaatut oqartussaassuse-qartup akuersissuteqarneratigut inissiineq.

*K1 Kommunip oqaatigaa inissiineq anaanaasup A-p suliniuteqarnera-tigut pisimasoq, taamalu Inatsisartut peqqussutaanni nr. 9-mi, 30. oktober 1992-imeersuni § 13-imi malittarisassanut naapertuuttuulluni, § 13-ilu imaattunik oqaasertaqarpoq:*

*”§ 13. Meeqqamut inuusuttumulluunniit pitsaanagerusussaq pisariaqartinne-qaraangat isumaginninnermut ataatsimiititaq angajoqqaatut oqartussaasoq akuersisieriarlugu aalajangiisinnaavoq meeraq inuusuttorluunniit angerlarsimaffiup avataanut inissinneqassasoq.*

*Imm. 2. Meeqqap angerlarsimaffiup avataanut inissinneqarnissaa angajoqqaatut oqartussaassuseqartup akuerinngippagu tamanna pillugu aalajangiinissaq taamaallaat pisinnaavoq §§ 14-19-imi aalajangersakkat malillugit.*

*Imm. 3. Angerlarsimaffiup avataanut inissiinissamik aalajangerneq ullut 8 qaa-ngiutinnginneranni Isumaginninnermut Pisortaqarfup nunap immikkoortuani allaf-fjanut nahunaarutigineqassaaq.”*

*Inatsisartut peqqussutaanni tassani § 12 imaattunik oqaasertaqarpoq:*

*”§ 12. Meeqqap inuusuttulluunniit angerlarsimaffimminiiginnarnissaa anguniarneqassaaq. Taamaallaat angerlarsimaffiup avataanut inissiinissaq aalajangerneqarsinnaavoq aatsaat nalorninaallisinneqarsimasorinarpat meeqqap inuusuttulluunniit angerlarsimaffimminiiginnarneratigut ajornartorsiutit iluarsineqarsinnaanngitsut.*

*Imm. 2. Kapitalimi uani aalajangersakkat malillugit meeqqap inuusuttulluunniit angerlarsimaffiup avataanut inissinneqarnissaa aalajangerneqarpat anguniarneqassaaq inissiineq sapinngisamik sivikitsuussasoq.”*

*Suliami allagaatit misissoreerlugit tunngaviutittariaqarpara 15. maj 1999-imi inissiineq anaanaasup A-p qinnuteqarneratigut pisimasoq, anaanaasullu akuersissutteqarnerani paniata B-p inissisimaneqarnermi nalaani tarnip pissusiinik ilisimasalimmit ikiorneqarnissaanik neqeroorfigineqarnissaa piumasaqaataasimasoq. Taamatuttaaq tunngaviutittariaqarpara inissiiniarnerup ingerlanera A qanimut suleqatigalugu pisimasoq, anaanaasullu kissaatigisaatut panianik inissiineq sioqqullugu tapersersuilluni oqaloqatiginnittarnerit kiisalu tapersersortitit ikiorteqartitsiner-*



mi nalunaaquttap akunneri atugassat K1 Kommunip akuersissutigisimagai. Taamatuttaaq ersepoq isumaginninnermi ataatsimiititaliap inissiisogarnissaanik inassuteqaataa atuarfik peqqissaasullu suleqatigalugit suliarineqarsimasoq.

Taamaattumik isumaqarpunga B-p børnehjemmimut inissinneqarnissaanik kommunip aallarnisaataasumik aalajangiinera meeqqanik inuusutunillu ikiorsiisarneq pillugu Inatsisartut peqqussutaanni aalajangersakanut qulaani taaneqartunut naapertuuttuusimasoq.

Paasivara aalajangiineq § 13, imm. 3-mi piumasarineqartutut Isumaginninnermut Pisortaqarfiup nunap immikkoortuani immikkoortortaqarfianut nalunaarutigineqarsimanngitsoq. Suliamik suliarinninnerup ilaa taanna K1 Kommunip eqqortissimanngimmagu ajuusaarnartuuvoq.

b) B-p inissinneqarnerata ingerlaqqinnissaanik aalajangiineq.

Suliassat suliarineqartarnerat pillugu malittarisassat nalinginnaasut (suliassat suliarineqartarnerat pillugu inatsit).

Immikkoortumik taassuminnga suliarinninninni børnehjemmip K1 Kommunimut allagai 2. december 1999-imeersut siulliullugit issuarpakka (børnehjemmip ataatsimiinnerit pillugit allattaavianit issuaaneq pineqarpoq):

”Ulloq 25.08.1999-imi børnehjemmimi sulisut pisortaaasullu meeqqat tarnikkut nappaataannik ilisimatoq ..., Napparsimmavissuarmut Rigshospitalimeersoq aamma tarnip pissusiinik ilisimatoq/tarnip nakorsaa ..., napparsimmavimmi K2-miitumi sulisoq isumasioqatigiippat. Isumasioqatigiinnermi tassani nalilerneqarpoq B perorsaanikkut immikkut itumik børnehjemmimi katsorsartinnerminut tapertatut imminiusumik tarnikkut katsorsartinnermik imaannaq atorfissaqartitsinngitsoq. Tamanna kingusinnerusukkat pisariaqalissagaluarpat, børnehjemmip tarnip nakorsaa ..., Isumaginninnermut Pisortaqarfimmeersoq, isumasioqatigalugu apeqqut saqqummiuteqikkumaarpaa.

...-p aamma ...-p sulisunut 24.09.1999-imi paasisitsissutigisaat pillugit arnaa A ilisimatinneqarpoq, tamatumani A-p ”katsorsartikkallarnissamik” aalajangerneq naammaginartinnagu, tassalu B meeqqatut peqqissutut katsorsarneqassasoq/pineqassasoq pisimasorlu, B-p nalaassimasaa, B nammineerluni taamaaliornissamut piareertinnagu ”qaqilerlugu” aallartinneqassanngitsoq. B-p misigisani tarnimigut ajoqutissarsiffigisimasani, K1-imi pisimasoq, ...-mi tammaarsimaarnermi nammineerluni eqqartorsimavaa. Qiarujussuarsimavoq tamaasalu perorsaaasumut, piffissat arlaanni isersimaqatigisaminut, oqaluttuarisimallugit.

...  
Marlungornermi 30.11.1999-imi A-mik ataatsimeeqateqarneq. ... aamma... –B-p attaveqarfigisartagaa – ataatsimiinnermi peqataapput. Imaattut oqaloqatigiissutigineqarput:

B-p inissinneqarneranut pissutaasoq. B-p angerlartinneqarnissaanik A-p kisaataa. Naliliineq aamma panigiit ukiup sinnerani najortigeqatigiittarnissaannik isumaqatigiissuteqarnerit nutaat.

A uagutsinnut imaattunik ilisimatitsissuteqarpoq:

*B-p angerlartinneqarnissaanik A sakkortuumik kissaateqarsimavoq. K1-mut utinnigisaannarnissaq A-p sakkortuumik kissaatigaa: tassami A aamma B K1-imut utermata, B atuarfimmi atuaqatiminit taamatullu K1-imi inunnit allanit imaannaanngitsumik qinngasaarneqartarsimaqaaq nakuuserfigineqartarlunilu, B-p siornatigut pinngitsaaliinikkut arneriffiginarneqarsimanera qiminriarneqarsimaneralu pissutigalugit. Qinngasaarinerit ingasappallaalermata aammalu ilaatigut B-p kiinaani qitsuaanernik takussaasoqartalerat, B-p atuarunnaarsinnissaa A-p toqqarsimavaa.*

*A ilisimatitsivoq ikiorneqarumalluni K1-imi inunnik isumaginninnermik ingerlatsivimmu nammineerluni saaffiginnissimalluni. Isumaginninnermik ingerlatsivik tassaanngilaq B-mik peersitsisimasoq, tassami nammineq tamanna pillugu kissaateqarnermik saqqummiussisimagami.*

*A isumaqarsimavoq børnehjemmi B-p inissinneqarneranut pissutaasoq pillugu kukkusumik paasisutissinneqarsimasoq. A isumaqarpoq B-p perorsarnissaa, toqqissisimanermik ulluinnarnilu inuunermik aqqissugaasumik tuninissaa sapinngikkini. Atuarfimmi qinngasaarneqartarneq nuanninngitsumillu ineriartorneq, nammineq suliamillu sullissisoq peqatigalugu, inissinneqarnissamut akuersinerminnut pissutaasimasut.*

*A isumaqarpoq B-p ..., napparsimmavimmi K2-miittumi sulisoq, aqqutigalugu imminiusumik tarnikkut katsorsarneqalernissaa B-mut pingaaruteqartuusooq. (...- p allagai takukkit).*

*... ” (Atorfeqarfimmi nutsigaavoq.)*

*Suliami allagaatinit aamma erserpoq A-p børnehjemmi aqqutigalugu K1 Kommuni panini angerlateqqullugu 6. april 2000-imi qinnuigeqqissimaga. Børnehjemmi K1 Kommunimut allagai 6. april 2000-imeersut tulluutuni issuarpakka:*

*”Pineqartoq: B, inuup. nr. ... , børnehjemmimi najugalik.*

*Arnaa A maani børnehjemmiippoq ataatsimiigiarluni, B pillugu suleqatigiinnissamik isumaqatigiissutit isumannaarniarlugit.*

*Arnaa kamalluni K1 Kommunimit eqqunngitsumik pineqarsimasutut misigisimavoq, oqaluttuarninilu nangillugu, kommuni taamani neriorsuisimasoq ukiup affaa qaangiuppat B børnehjemmiinneranut angerlatinniarlugu.*

*Aammattaaq oqaluttuarpoq B-p inissinneqarneranut pissutaasup tungaatigut periusaasoq K1 Kommunimit mumisinneqarsimasoq.*

*Taamaattumik B-p maannakkorpiaq angerlartinnissaa kissaatigaa.*

*Paasisutissarlu taanna maannga børnehjemmit ilissinnut ingerlateqqipparput.*

*Suliap sapinngisamik piaarnerpaamik suliarineqarnissaa matumuuna qinnuti-gaarput, taamatullu maannakkorpiaq pissusiusut pillugit qanoq iliuuseqassanersugut.” (Atorfeqarfimmi nutsigaavoq.)*

*K1 Kommunip allakkamini 17. januar 2001-imeersuni oqaatigaa ”A ingerlatsiviup aalajangiineri naammaginngikkunigit naammagittaalliorsinnaasoq oqaasiinnartigut ilitersorneqarsimavoq”. Allakkani taakkunani aamma oqaatigineqarpoq ”K1 Kommuni isumaqarpoq suliamik suliarin-ninneq peqqussutit taaneqartut tunngavigalugit ingerlanneqarsimasoq, tassalu anaanaasup saaffiginninnera aallaavigalugu iliuuseqartoqarsi-*

malluni, kiisalu najortigiisinneqarnerat tamatumalu kingorna meeraq katsorsarnejarsinnaaqullugu inissinneqarsimalluni.” (Atorfeqarfimmi nut-sigaavoq.)

Tamanna – kommunip suliami akissutitut allagaasa allat imaannut sannilliullugu – imatut paasisariaqarpara, kommuni isumaqartoq Inatsisartut peqqussutaanni nr. 9-mi, 30. oktober 1992-imeersumi malittarisassat meeqqanik inuusuttunillu angerlarsimaffiup avataanut tunngasut naaper-torlugit iliuseqarsimalluni. Aammattaaq kommunip akissutaa 14. juni 2002-meersoq imatut paasisariaqarpara suliap ingerlanerani tamarmi angajoqqaatut oqartussaassuseqartup akuersinera tunngavigalugu anger-larsimaffiup avataanut inissiineq suliamik suliarinninnermi tunngaviutin-neqarsimasoq.

Børnehjemmip K1 Kommunimut saaffiginnissutai qulaani issuarneqar-tut tunngavigalugit aallaqqaasiullugu oqaatigaara isumaqatigisinnaan-gikkiga 30. november 1999-ip kingorna anaanaasup A-p akuersinera tunngavigalugu inissiineq pineqartoq, tak. børnehjemmip ataatsimiinnernut allattaaviini oqaaseqaatigiit uku: ”B-p angerlartinneqarnissaanik A sakkortuumik kissaateqarsimavoq.” Taamatut kissaateqarnej børnehjem-mip K1 Kommunimut allagaanni 6. april 2000-imeersuni suli erseqqinne-rulerpoq: ”Taamaattumik B-p maannakkorpiaq angerlartinnissaa kissaati-gaa.”

Tamatununga peqatigitillugu apeqqutip taassuma ataatsimut naliliiffi-gineqarnerani A-p inissiinnermut akuersinerani paniata tarnip pissusiinik ilisimasalimmit ikiorniarneqarneranik tunngavik aamma ilaavoq, paniali taamatut ikiorneqarnani. Panimmi inissinneqarsimanerata ingerlaqqinne-ranik A-p naammaginninnginnera tarnip pissusiinik ilisimasalimmit ikiorneqannginneranik pingaarnerusutigut tunngavilersorneqarsimavoq.

Taamaattumik isumaqarpunga 30. november 1999-ip kingorna inissii-neq angajoqqaatut oqartussaassuseqartoq akuersitinnagu pisimasutut isi-gineqartariaqartoq, taamaattumillu kommuni inissiinerup ingerlaqqinne-rani suliassat suliarineqartarnerat pillugu inatsit tunngavigalugu nutaa-mik aalajangiisimasutut isigisariaqartoq.

Børnehjemmip ataatsimiinnernut allattaavianit erserpoq B-p katsorsar-neqarnera naammaginagu A-p 23. september 1999-imili oqaatigisimagaa. Taamaattumik isumaliutersuutigisimavara inissiineq piffissamit tassan-gaanniilli akersissutitaqanngitsumik inissiinertut suliarineqartariaqar-simagaluarnersutut isigissallugu tunngavissaqarnersoq. B-lli angerlartin-neqarnissaa kissaatigalugu B-p piffissami tassani kissaatigalugu oqaatigisimaneraa erseqqissumik takuneqarsinnaanngimmat, taamatut isuma-qarnissamut naammattumik tunngavissaqanngitsoq isumaqarsimavunga. (Suliassanik suliarinninnermi malittarisassat/periaatsit atornejartussat pillugit malittarisassat erseqqinnerusut meeqqanik inuusuttunillu ikiorsii-sarnej pillugu Inatsisartut peqqussutaanniittut immikkoortup 4-p ataani allaaserineqarput).

*Suliap uannut saqqummiunneqarnera aallaavigalugu tunngaviutittariaqarpara kommunip suliamik sularinninnerani A-mik suleqatiginninneq annertunerusutigut oqaasiinnartigut ingerlanneqarsimasoq. Taamatuttaarlu tunngaviutittariaqarpara kommunip aalajangiinnermini suliami illua'tungiusup pisinnaatitaaffii suliassat sularineqartarnerat pillugu inatsimmiittut malissimagai, matumani suliami illua'tungiusup isumaanik oqaasiinnartigut tusarniaaneq, tunngavilersuineq naammagittaalliornissamullu ilitersuineq ilanngullugit eqqarsaatigalugit. Taamaattumik immikkoortuni taakkunani kommunip suliamik sularinninnera misilissallugu periarfissaqanngilanga.*

*Kalaallit Nunaanni ingerlatsineq pillugu inatsiseqartitsinermi ingerlatsinermi aalajangiinerit allakkatigoortuussasut nalinginnaasumik malit-tarisassaqaanngilaq, taamatuttaarlu suliami illua'tungiusup isumaanik tusarniaanerup allakkatigut pinissaanik piumasaqaateqarnani. Taamaattorli pisut ilarpassuini inatsisini ingerlatsiveqarfiup suliassaqaarfiani pineqartumi allakkatigoortitsinissaq piumasaqaataasarpoq (meeqqanik inuusuttunillu ikiorsiisarneq pillugu Inatsisartut peqqussutaat pillugu immikkoortumi allakkatigoortitsinissamik piumasaqaat immikkut taaneqartoq takuuk), ingerlatsinermilu ileqqorissaarnerup pisuni arlalinni nassataralugu aalajangiinerit allakkatigut nalunaarutigineqartassasut. Tamanna aamma atuuttussaavoq aalajangiineq annertuumik akuliunnermik imaqartoq pineqarpat. Inatsisartut Ombudsmandiata 1995-mi nalunaarutaani qupperneq 27 innersuusutigineqarsinnaavoq.*

*Tamatumunnga atatillugu paasitinneqarsinnaatitaaneq pillugu inatsimmi oqartussaasup allakkiornissamut pisussaaffeqarnera pillugu malit-tarisassat malugeqqussallugit pissusissamisuussasoq isumaqarsimavunga. Tamanna pillugu oqaatigaara pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 6, imm. 1 malillugu makku atuuttut:*

*”Suliassani ingerlatsinermut oqartussaasunit aalajangiiffigineqartussani oqartussaqaq paasissutissanik suliassamut tunngassuteqarluinnartunik suliassap aalajangiiffigineqarnissaanut pingaaruteqartunik allatut iliorluni paasisaqartoq paasis-sutissat taakku imaat pillugit allakkiussaaq. Taamaattorli paasisutissat taakku suliassap allakkiartaasa ilaanni takuneqarsinnaappata tamanna atuutinngilaq.”*

*Allakkiortussaataanerup annertussusia ”Suliassat sularineqartarnerat pillugu inatsit pillugu ilitersuut”-mi december 1994-imeersumi immikkoortuni 58-imit 61-imut allaaserineqarsimavoq.*

*Aammattaaq suliami pingaaruteqartunik iliuuseqarnerit tamarmik allatorneqartarnerat ingerlatsinermi ileqqorissaarnerup nassataraa.*

*Pingaaruteqartut tungaannit isigalugu aalajangiisuusoq tassaavoq paasissutissat taakku suliap paasissutissartalersorneqarnerani siunertaqartumik iluaqutissaanersut. Allakkiortussaataaneq oqaatigineqartutut innuttaasut suliami allagaatinik paasitinneqarsinnaatitaanerisa atuutsinne-*

qarnerannut tunngaviuvoq, aammali oqartussaasup suliamik suliarinninnermini eqqortumik iliuseqarsimanerata pitsaasumik nakkutigineqarsinnaanerani annertuumik tunngaviulluni.

Suliamik suliarinninnermi piumasaqaatit meeqqanik inuusuttunillu ikiorsiisarneq pillugu Inatsisartut inatsisaannit ersertut allaaserilersinagit meeqqap angerlarsimaffiup avataani inissinneqarsimanerata ingerlaqqinnissaanut angajoqqaatut oqartussaassuseqartup akerliliiffigisaa tassaasoq inissiinissamik aalajangiineq aalajangiinertut immikkut annertuumik akiliunnertut isigisariaqartoq. Taamaattumik K1 Kommuni A eqqarsaatigalugu suliamik suliarinninnerata oqaasiinnartigut iliuutsit tunngavigalugit ingerlanneqarnera pitsaanngitsutut isigaara.

3. Inatsisartut peqqussutaanni meeqqanik inuusuttunillu inissiinerit ingerlaannarnissaat pillugit malittarisassat. Inissiinerup ingerlaannarnissaanut tunngavisoq (angerlartitsinissamik itigartitsineq).

Misissuinerma immikkoortuata taassuma B-p børnehjemmimi inissinneqarsimanerata ingerlaannarnissaanut inatsiseqartitsinikkut tunngavigisamik issuaallunga aallartinnissaa pisariaqartutut isigisimavara. Tassani pineqartoq tassaavoq meeqqanik inuusuttunillu ikiorsiisarneq pillugu Inatsisartut peqqussutaanni aalajangersagaq una:

”§ 25. Meeraq inuusuttorluunnit angajoqqaatut oqartussaassuseqartoq akuersiseqqaarlugu angerlarsimaffiup avataanut inissinneqarsimagaluarpalluunnit isumaginninnermut ataatsimiititaq aalajangiisinaavoq pineqartoq angerlatinneqassanngitsoq, isumaqaruni taamaaliorneq meeqqap atugarissaarnissaanut akerliusoq.

Imm. 2. Imm. 1 malillugu aalajangiinerit §§ 14-19-imi aalajangersakkat atorlugit ingerlanneqassapput.”

Aalajangersagaq piareersarlugu suliani imaattunik allassimasoqarpoq:

”Aalajangersakkap peqqussummi maanna atuuttumi § 8 imm. 2 assigaa. Taamaattorli angerlartitsinissamut itigartitsinnermut tunngavisoq sukanganerulersinneqarpoq, atugarissaarnissamik patsisissarititaq taamaallaat tunngavigineqarsinnaalertillugu, tassa qanoq iliuseq akuersisitseqqaarani angerlarsimaffiup avataanut inissinertut sakkortussusilimmik iliornerummat.”

Taamaalilluni malittarisassap taassuma inissiinerup angajoqqaatut oqartussaassuseqartup akuersineratigut pisimagaluartup meeqqalli inuusuttulluunnit angerlartinneqarnissamik kissaatigisap itigartinneqarnera pissutigalugu akuersisitseqqaarnani inissininngorluni allanngortinneqarnera aalajangersaavigaa. Aalajangersakkami imm. 2-p nassataraa pisumi taamaattumi malittarisassat taakkorpiaat akuersisitseqqaarnani inissineq pineqarsimasuuppat malinneqartussat isumaginninnermut ataatsimiititaliamit malinneqartussaanagerat.

*Peqqussummi §§-ni 14-imit 19-imit malittarisassatigut akuersissuti-taqanngitsumik inissiineq aalajangersaavigaat. Paragraf 14 piumasaqaatinik "meeqqap inuusuttulluunniit atugarissaarnissaa"-nik oqarnermi tunngaviusut pillugit sukumiisumik nassuiaasunik imaqarpoq. Aalajangersagaq taanna imaattunik oqaasertaqarpoq:*

*"§ 14. Meeqqap inuusuttulluunniit atugarissaarnissaa eqqarsaatigalugu pisariaqarpat isumaginninnermut ataatsimiititaq, angajoqqaatut oqartussaassuseqartoq, meeraq tassungaluunniit sinniisuutitaq akuersiseqqaarnagit, aalajangiisinnaavoq meeraq inuusuttorluunniit angerlarsimaffiup avataanut inissinneqassasoq:*

*1) meeraq inuusuttorluunniit ulluinnarni avatangiisiminut, atuarfimmut imaluunniit inuiaqatigiinnut naleqqussarniarnermigut annertuumik ajornartorsiornermik ersersitsigaangat, angajoqqaavisalu perorsarnissaa artorpassuk,*

*2) meeqqap inuusuttulluunniit inuunermini atugarisai pissutaallutik eqqarsartaatsimigut timimigulluunniit peqqissusia ineriartorneraluunniit annertuumik ajoqusigaasimappata, imaluunniit aarlerinartorsiortinneqarpat, imaluunniit*

*3) angajoqqaat meeqqap inuusuttulluunniit eqqarsartaatsimigut timimigulluunniit eqqarsartaatsimigut nappaataasa pisariaqartumik katsorsartittariaqartut nakorsartinnissaat isumaginnigpassuk."*

*Aalajangersakkami tassani piumasaqaatit pisumi aalajangersimasumi A-p akertiliiinerata paarlattuanik B-p angerlarsimaffiup avataanut inissinneqarnerata ingerlaqqinnissaanut tunngavittut atorneqarsinnaasut oqaatigineqarput.*

*Suliami piumasaqaatit sorphaat tunngavigalugit kommunip B-p inissinneqarnerani ingerlaqqitsitsinera pisimansoq allagaatinit takuneqarsinnaanngilaq. Tamanna immi isorisariaqartut isigaara, tak. oqartussasut allakkiorussaataa nerat, suliamik uppersaasarsuineq kiisalu suliap naammattumik paasissutissartalersorneqarneranik oqartussasut isumaginninnissaminut pisussaaffeqarnerat pillugit malittarisassat.*

*Tamatumunngali peqatigitillugu tunngaviutittariaqarpara taamatut aalajangiinnermi § 14-imi qulaani issuarneqartumi piumasaqaatit taaneqartut iluanni naliliinissaminut isumaginninnermut ataatsimiititaliaq periarfissaqartinneqartoq.*

*Taamaattorli suliamik suliarinninnerup ilaa B-p 30. november 1999-ip kingorna børnehjemmimi inissisimaneqaannarnissaata pisariaqartuuneranik kommunip immikkut naliliineranut tunngasoq erseqqinnerusumik naliliiffigissallugu paasissutissanik naammattunik tunngavissaqarnanga isumaqarpunga. Matumanili immikkoortup 4-p ataani suliamik paasissutissartalersuisarneq pillugu oqaaseqaatikka innersuusutigaakka, tak. Inatsisartut peqqussutaanni § 16, aamma ilaatigut oqartussasoq naliliisinaassappat suliap sukumiisumik paasissutissartalersorneqarnissaata pisariaqartuunera.*

*Tarnip pissusiinik ilisimasallip inissiisimanerup nalaani B-p tarnip pissusiinik ilisimasalimmit katsorsarneqarnissarpamik pisariaqartitsinngin-*

neranik suliatigut naliliinerata isornartorsiornissaanut tunngavissaqar-nanga isumaqarpunga, tamatuma tak. Inatsisartut peqqussutaanni § 20.

Tamanna aamma attuuppoq A-p paniatalu najoqatigiittarnissaannut pi-umasaaqatit børnehjemmimi sulisut isumasioqatigalugit aalajangersar-neqartut eqqarsaatigalugit, matumani najoqatigiittarnerup børnehjemmi-miunerusoq pisarnissaa ilanngullugu eqqarsaatigalugu. A-p K2-mi nam-minerisaminik ineqannginnera ilaatigut pingaartillugu isiginiarneqarsi-mavoq, naliliinerlu najoqatigiittarnermik aalajangersaanermut atatillugu pisimasoq ataatsimut isigalugu isornartorsiussallugu tunngavissaqaanngi-langa, matumani tak. Inatsisartut peqqussutaanni § 22.

Misissuinerma naggataata meeqqanik inuusuttunillu ikiorsiisarneq pil-lugu Inatsisartut peqqussutaanni periaatsit pillugit malittarisassanut meeqqanik inuusuttunillu angajoqqaatut oqartussaassuseqartoq akertilii-simatillugu angerlarsimaffiup avataanut inissiisarnermut tunngasunut, aammattaarlu meeqqap pisinnaatitaaffii pillugu Naalagaaffiit Peqatigiit isumaqatigiissutaanni malittarisassanut kiisalu Inuit Pisinnaatitaaffi pillu-git Europami Isumaqatigiissummut sammitinneqarnissaa pissusissami-soortutut isigisimavara. Matumani inissiinerup ingerlanerata tamarmi an-gajoqqaatut oqartussaassuseqartoq akuersisillugu inissiinertut K1 Kom-munip isiginnissimanagera isummerfiginiarpara. Taanna immikkoortup 4-p aamma immikkoortup 6-ip ataani allaaserineqarpoq.

4. Angajoqqaatut oqartussaassuseqartoq akuersiseqqaarnagu angerlarsi-maffiup avataanut inissiinermi periaatsit pillugit meeqqanik inuusuttunillu ikiorsiisarneq pillugu Inatsisartut peqqussutaanni malittarisassat.

Periaatsit pillugit malittarisassat/suliassat suliarineqartarnerat pillugu malittarisassat ataasiakkaarlugit oqaaseqaateqarfiginnginnerini peqqus-utip piareersarlugu suliarineqarnerani ataatsimoortumik oqaaseqaatinit tigulaakkat arlallit issuaaviginissaat pissusissamisoortutut isigaara:

”Siunnersuut saqqummiunneqartoq saqqummiunneqarpoq Inatsisartut 1992-imi upernaakkut ataatsiminnermimi Naalakkersuisut inassutaat, meeqqap pisinnaati-taaffii pillugit Naalagaaffiit Peqatigiit isumaqatigiissutaata 20. november 1989-i-meersup, Kalaallit Nunaata akuersisutigissagaa akuersisutigimassuk.

Taamaattumik siunnersuummi peqqussutip maanna atuuttup aalajangersagaanik annikinnerusutigit iluarsiuillatsiartoqartarpoq, taamaaliornikkut Kalaallit Nunaata inatsiseqarnikkut isumaqatigiissutip piumasai tamakkiisumik eqqortissinnaanias-sammagit.

Pinngitsaaliissummik qimagutitsisarnermi suliarnut attuumassuteqartut tamar-mik suliap ingerlanneqarneranut peqataasinnaaqullugit aamma isummaminnik oqaatiginnissinnaaqullugit § 16-imi pinngitsaaliissummik qimagutitsisarnermi kikkut tusarniarneqartarnissaat pillugu malittarisassat ilanngunneqarput.

§ 10-mi aalajangersagaq meeqqap qanoq isumaqarneranik pingaartitsisar-nissamik qulakkeerinnittoq, ikiorsiiniutit ingerlanneqalernissaannik eqqarsaateqarto-qarsimatillugu, ilanngunneqarpoq.

*Aammattaq § 24-mi aalajangersagaq, meeqqat inuusuttullu angerlarsimaffiup avataanut inissinneqarsimasut suliassaataat minnerpaamik ukiumut ataasiarlugit sularineqaqqittassasut, ilanngunneqarpoq.*

...

*Angajoqqaat inatsisitigit pisinnaatitaaffeqarnerat erseqqissarnerujumallugu (pitsaanerulersikkumallugu) isumaginninnermut ataatsimiititamat pisussaaffigitinneqalerpog akeqanngitsumik illersuisutut ikiorteqartarnissaq neqeroortigitissagaat kiisalu ilisimatitsissutigisassallugu angerlarsimaffiup avataanut akuersisitseqqaarani inissiinissaq isumaliutersuutaasimatillugu suliat paasissutisartaannik ilisimatinneqartarnissamik (nalunngisaqalertarnissamik)."*

*Peqqussummi § 15 imaattunik oqaasertaqarpoq:*

*"§ 15. Angajoqqaatut oqartussaassuseqartoq imaluunniit – taassuma najugaa ilisimaneqanngippat – meeqqamik inuusuttumilluunniit sulissusserpiartoq piffissalerrluarlugu nalunaarasuaatikkut imaluunniit allakkatigit tammarnaveeqqusikkatigit isumaginninnermut ataatsimiititamat oqaaseqaateqaqqullugu kajumissaareersimatinnagu § 14 naapertorlugu aalajangiisoqassanngilaq.*

*Imm. 2. Isumaginninnermut ataatsimiititap angajoqqaatut oqartussaassuseqartoq pisortatigoortumik aalajangiineqartillugu paasitinneqarsinnaatitaanermik inatsit malillugu suliassaq qanoq suliassartaqarneranik ilisimanninnissamat pisinnaatitaanermik ilisimatissavaa akeqanngitsumillu illersuisutut ikiorteqarsinnaaneranik neqeroorfigissallugu.*

*Imm. 3. Naalackersuisut illersuisoqarnissamik malittarisassanik aalajangersaasapput, matumani aamma akilerneqarnissaannut tunngasumik."*

*Illersuisutut ikiorteqarneq pillugu malittarisassat nalunaarummi nr. 2-mi, 18. januar 1993-imeersumi Naalackersuisut aalajangersarsimavaat. Nalunaarummi § 9 imaattunik oqaasertaqarpoq:*

*"Isumaginninnermut ataatsimiititap meeraq inuusuttorluunniit angerlarsimaffiup avataanut inissinneqassasoq isumaliutersuutigisimappagu, angajoqqaatullu oqartussaassuseqartup taamaaliornissaq akuersisutigiumanngippagu, isumaginninnermut allaffiup angajoqqaatut oqartussaassuseqartoq ilisimatissavaa siunnersorneqarnermut ilitsersorneqarnissamullu illersuisutut ikiorteqarnissamat pisinnaatitaasoq. Angajoqqaatut oqartussaasup nammineerluni illersuisussamisut ikiortissani, isumaginninnermut allaffimmeersuussanngitsog imaluunniit kommunalbestyrelsimut ilaasortaasuussanngitsog, toqqassavaa.*

*Imm. 2. Aamma tamanna atuuppoq angajoqqaatut oqartussaassuseqartup angerlartitsinissamik qinnuteqarnerata itigartitsissutigineqarnissaa isumaginninnermut ataatsimiititaliap eqqarsaatersuutigisimappagu, apeqqutaatinnagu inissiisimaneq akuersisitsinikkut imaluunniit akuersisitseqqaarani pisimanersoq, aamma isumaginninnermut ataatsimiititap namminersuutamik paaqqutarineqartup angerlartinneqarnissaata itigartitsissutiginissaa eqqarsaatersuutigisimappagu."*

*K1 Kommunip oqaatigaa suliap ingerlanera tamaat angajoqqaatut oqartussaassuseqartoq akuersisillugu inissiinertut isigigini, suliamilu allagaatinit ersinngilaq periaatsit pillugit malittarisassat qulaani taaneqartut K1 Kommunip malissimanerai. Taamatuttaaq K1 Kommunip allakkatigit uannut akissummini malittarisassat malinneqarsimanersut aamma nas-*



suiarsinnaasimangilaa. Tamaattumik tunngaviutittariaqarpara A isumaginninnermut ataatsimiititaliamut oqaaseqaateqaqqullugu kajumissaarneqarsimangitsoq, imaluunniit suliame allagaatinik paasitinneqarsinnaatitaanerminik illersuisumillu tapersersorteqarsinnaanerminik ilitersorneqarsimangitsoq.

A-p inissiinnermut akuersissuteqqaavata atorunnaarsimaneramik kommunip eqqumaffiginnissimanginnera isorisalerujussuuvoq. Tamatuma nassatarisimavaa inatsisitigit innarlitsaalineqarnissamik qularnaveeqqutitik taaneqartunik, suliani taamatut ittuni angajoqqaat inatsisitigit inissimanerannik inatsisiliortut siunertarisaannik aallaaveqartunik tunineqarsinnaannginnera.

Peqqussummi § 16 imaattunik oqaasertaqarpoq:

”§ 14 malillugu aalajangiinnginnermi pissutsit suliamut pingaaruteqartut tamarimik paasissutissarsiorfigineqarsimassapput. Atuarfik, ulluunerani – aammalu ulloq unnuarlu paaqqinniffik, peqqinnissamat isumaginnittoqarfik, siunnersuisarfik (pædagogisk-psykologisk rådgivning), Isumaginninnermut Pisortaqarfiup nunap immikkoortuanut allaffia, meeqqap qanittumik ilaqtai, angajoqqaarsiat ilaqtariit aamma allat suliamut soqutigisaqarsinnaasorisat kajumissaarneqassapput suliap paasiniarnerani peqataaqqullugit aamma isumaginninnermut ataatsimiititaliamut oqaaseqaateqaqqullugit. Aammattaaq inissiinissamat meeqqap qanoq isumaqarnera paasissutissarsiarineqassaaq, tak. § 10, imm. 3.”

K1 Kommunip inissiinerup ingerlaqqinnerani aalajangersakkami immikkoortoq siulleq eqqortissimaneraa naliliiffigissallugu naammattunik tunngavissaqanngilanga.

Kisianni inissiinerup ingerlaqqinnissaa pillugu isumaanik meeraq B tusarniaavigineqarsimanersoq suliame allagaatinik ersinngimmat tamanna isorisarialittut isigaara, tassami malittarisassat taakku inatsisiliortut akuersisimammatigit inatsisitigit innarlitsaalineqarnissamik qularnaveeqqutitut meeqqap pisinnaatitaaffii pillugit Naalagaaffiit Peqatigiit isumaqatigiissutaanni piumasarineqartunik Kalaallit Nunaat inatsisiliornikkut allaffissornermilu aqutsinikkut eqqortitsisinnaaqqullugu. Tamatumunnga atatillugu paasitinneqarsinnaatitaaneq pillugu inatsimmi § 6-imi oqartussaasup allakkiornissamat pisussaaffeqarnera pillugu malittarisassaq aamma innersuussutigaara.

Peqqussummi § 19 imaattunik oqaasertaqarpoq:

”Akuersissuteqqaarani inissiinnermik aalajangiinerit angajoqqaatut oqartussaassusilimmu nal. ak. 24-it qaangiutsinnagit nalunaarasuaatit imaluunniit allakkatigit tammarnaveeqqusikkatigit nalunaarutigineqassapput. Nalunaarutip aamma ilagissavaa § 18 imm. 3 aamma § 49 malillugu naammagittaalliorsinnaanermut paasissutissat.”

Matumani tunngaviutittariaqarpara aalajangersagaq taanna kommunip eqqortissimangikkaa, tamannalu isorisarialerujussuuartut isigaara, aam-

mattaaq tak. suliamik suliarinninnermi allakkatigoortitsinissaq pillugu quppernemi 22-mi 23-milu oqaaseqaatikka.

5. Angerlarsimaffiup avataani inissiisimanerup ukioq ataaseq sinnerlugu ingerlaqqinnera. Angerlarsimaffiup avataani inissiinerup ukiup ataatsip qaangiunnerani malitseqartitsigivinissaanut pisussaaffik.

Meeqqanik inuusuttunillu ikiorsiisarneq pillugu Inatsisartut peqqusutaanni § 23 imaattunik oqaasertaqarpoq:

”§ 23. §§ 13 imaluunniit 14 malillugu angerlarsimaffiup avataanut inissiineq isumaginninnermut ataatsimiitap aalajangerneraniit ukiumik ataatsimik sivi-suneruppat, isumaginninnermut ataatsimiitap nutaamik aalajangernissaa §§ 13-19-imi aalajangersakkat malillugit ingerlanneqassaaq. Suliap Isumaginninnermi sulianut Naammagittaalliuuteqartarfimmumut imaluunniit Kalaallit Nunaata Eqqartuussivianut suliarisassanngortinnerata aalajangiisimaneq atorunnaarsinneq ajor-paat, piffissarititaasorli naatsorsorneqassaaq suliap inaarutaasumik Isumaginninnermut Sulianut Naammagittaalliuuteqarfimmi imaluunniit Kalaallit Nunaata Eqqartuussiviani aalajangiiffigineqarneraniit.”

Aalajangersagaq piareersarlugu suliat matumani tigulaariffigalugit isuaavigaakka:

”§ 23 pillugu:

Aalajangersagaq ilanngunneqarpoq taamaaliornikkut Kalaallit Nunaata inat-siseqartitsinermigut meeqqap pisinnaatitaaffii pillugit FN-ip isumaqatigiissutai eqqortinniassammagit. FN-ip isumaqatigiissutaa malillugu qulakkeerneqartassaaq suliassani meeraq timimigut eqqarsartaatsimigulluunniit peqqinnissaa eqqarsaatigalugu paarisassanngorlugu, illersorneqartussanngorlugu katsorsarneqartussanngorluguluunniit inissinneqarsimatillugu suliassat piffissami aalajangersimasumi misissorneqartassasut. Piffissani aalajangersimasuni misissuisoqartassaaq katsorsarneqarneq inissiinermulluunniit tunngatillugu pissutsit allat tamaasa eqqarsaatigalugit. Taamaaliornikkut kommuni pisussaatinneqarpoq meerarsiannngortillugit inissinneqarsimasut kommunip ilaaffigisai tamarmik malittarineqartassasut minnerpaamik ukiumut ataasiarlugit naliliiffigeqqinneqartarnissaat eqqarsaatigalugu. ... ”

Aalajangersagaq piareersarlugu suliani meeqqap pisinnaatitaaffii pillugit Naalagaaffiit Peqatigiit isumaqatigiissutaanni artikel 25 pineqarpoq. Artikel 25 imaattunik oqaasertaqarpoq:

”Meeqqap timimigut eqqarsartaatsimigulluunniit peqqissusiata illersorneqarnissaa, paaqqutarineqarnissaa, illersorneqarnissaa katsorsarneqarnissaaluunniit siunertaralugu akisussaasutut oqartussaasunit inissinneqarsimasup katsorsarneqarnermi pissutsillu inissinneqarnerminut pissutaasut piffissakkaartumik misissorneqarnissaannut pisinnaatitaaffeqarnera naalagaaffiit peqataasut akueraat.” (Atorfeqarfimmi nutsigaavoq.)

*K1 Kommunip tusarniaanermut akissummini 14. juni 2002-meersuni oqaatigaa:*

*”Inissiinerup nalaani K1 Kommuni B pillugu ukiup affakkaartumik nalunaarusiamik pissarsisimavoq, kisianni ukioq ataaseq suli naanngitsoq suliaq K2 Kommunimut nuunneqarpoq, anaanaa tassunga nuummat, K2 Kommunillu komunitut iliuuseqartussatut isigineqalermat, taamaattumillu K1 Kommuni inissiineq pillugu ukiumoortumik naliliisimanani.”*

*a. Ukiup ataatsip qaangiunnerani malitseqartitsinissamut pisussaaffik ikiorsiiniutillu unitsinneqarnissaannik aalajangiinissamut pisinnaatitaneq.*

*Inatsisartut peqqussutaanni § 23-mi ukiup ataatsip qaangiunnerani malitseqartitsinissamut pisussaaffik pillugu aalajangersagaq oqaasertalersorneqarnini taannalu pillugu oqaaseqaatit malillugit imatut paasineqarnissaa nalorninartutut isigaara, tassalu inissiinerup isumaginninnermit ataatsimiititaliamit suliniutigineqartup ukiup ataatsip qaangiunnerani malitseqartitsiviginissaanut pisussaaffik kommunip meeqqanik inuusuttumilluunniit inissiinermi suliniuteqarsimasup pisussaaffigigaa, tassalu kommunip meeqqap inissinneqalernermi nalaani najugarisimasaata – inissiinerup nalaani meeqqap komunitut najugarivitaata.*

*Aalajangersagaq taanna Inatsisartut peqqussutaanni § 26, imm. 1-imut ataneqartillugu isigineqatariaqarpoq, taannalu imatut oqaasertaqarpoq:*

*”Angajoqqaatut oqartussaasup kommunimi najugarivitaani isumaginninnermut ataatsimiititap ikiorsiiniutit taamaatinneqarnissaat aalajangiivigissavai.”*

*Pineqartoq tassaasinnaavoq ukiup ataatsip qaangiunnerani malitseqartitsinissamut pisussaaffik meeqqap najugarivitatut kommuneqqaavaniittoq, inissiinerli taamaatinneqassappat tamanna pillugu aalajangiineq angajoqqaatut oqartussaasuseqartup najugarivitatut kommunianiilluni. Apeqqutaasoq tassaavoq najugarivitatut kommunimik oqartarnejq inunmut taakkununga marlunnet tamatigut assigiittassanersoq.*

*Erseqqissaatitut oqaatigaara K1 Kommunip K2 Kommunillu akornanni akiliiffiqegatigiinnissamut pisussaaffik pillugu apeqqut Isumaginninnermi Naammagittaalliuteqartarfimmu suliasanngortinneqarsimasoq. A aamma B eqqarsaatigalugit najugarivitatut kommunimik oqartarnejq komunit imminnut akiliiffiqegatigiinnissaannut aalajangiisuussumik pingaaruteqarmat najugarivitatut kommunimik oqartarnejq pillugu erseqqissumik naliliinissannut mattunneqarallarsimavunga. Taamaattumik taamatut oqartarnejq taamaallaat ataatsimut isiginnillunga naliliiffigisinnaavara.*

*Taaguut ”kommuni najugarivitaq” komunit akunnerminni akiliiffiqegatigiittarnissamut pisussaaffii pillugit Inatsisartut peqqussutaanni nr. 2-mi, 1995-imeersumi nassuiarneqarsimavoq.*

*Peqqussummi § 3, imm. 1 imaattunik oqaasertaqarpoq:*

*”Kommuni najugarivitaq tassaavoq pineqartup aalajangersimasumik ineqarfigalugulu najugaqarfia, taamaattorli tak. §§ 6-imi, 7-imi aamma 11-13-imi pineqartut ilaatinneqartutut taaneqartut.”*

*Meeraq angajoqqaatut oqartussaassuseqartup, inissiinerup nalaani meeqqap najugaata, najugarivatut kommunianik aallaavittut kommuneqartussaavoq. Angajoqqaatulli oqartussaassuseqartoq kommunimut allamut nuuppat kommuni taanna angajoqqaatut oqartussaassuseqartup kommunitut najugarivitaarissavaa. Tassalu pisumi qulaani allaaserineqartutut ittumi meeraq angajoqqaatullu oqartussaassuseqartoq eqqarsaatigalugit kommunit najugarivatut assigiinngissinnaagunarput.*

*Taamaattumik meeqqanik inuusuttunillu ikiorsiisarneq pillugu Inatsisartut peqqussutaanni malittarisassat massakkut ilusilersugaanerminni kommunit assigiinngitsut marluk ukiup ataatsip qaangiunnerani malitseqartitsisussaansut inissiinerullu taamaatinneqarnissaanik aalajangiisussaansut nalornilersitsipput.*

*Inatsisitigut tunngavigisami erseqqarluttoq taamaattoq paasinninnera malillugu pitsaasuunngilaq, tassami piffissakkaartumik misissuinissamut (ukiup ataatsip qaangiunnerani malitseqartitsinissamut) kommunit pisussaaffiat angerlarsimaffiup avataanut inissiinerup taamaatinneqarnissaanik aalajangiisoqassappat aalajangiinnermut taamaattumut attuumas-suteqarluinnartutut isigineqarajuttariaqartassamat. Inatsisitigut tunngavigisami erseqqarluttoq pisumi matumani ukiup ataatsip qaangiunnerani malitseqartitsinngitsoornermut pissutaaqataasimasinnaavoq.*

*Taamaattumik Inatsisartut Ombudsmandiat pillugu Inatsisartut inatsisaanni § 11 tunngavigalugu isumaqarsimavunga inatsisitigut tunngavigisami erseqqarluttup taassuma Inatsisartut Inatsisit Atortinneqarnerannut Ataatsimiititaliaannut nalunaarutigissallugu pissutissaqarlunga, tamanna-lu pillugu allakkatigut allatigut isumagineqarumaarpoq.*

*b. Ukiup ataatsip qaangiunnerami kommunip sorliup malitseqartitsinissata qulaajarnissaanut pisussaaffik.*

*Meeqqanik inuusuttunillu ikiorsiisarneq pillugu Inatsisartut peqqus-sutaat malittarisassanik meeqqamik inuusutumilluunniit angerlarsimaf-fiup avataanut kommunip suliniuteqarneratigut inissiinermit ukiup ataatsip qaangiunnerani kommunip sorliup malitseqartitsinissaa pillugu kommunit isumaqatigiissuteqarnissaannut periarfissiisunik imaqaanngilaq.*

*K2 Kommunip suliaq pillugu allattuiiffianit ilaatigut kommunit marluk taakku suleqatigiinnerat pillugu assersuutissat makku erserput:*

*”28.4.00 børnehjemmemi ataatsimiinneq. Peqataapput isumaginninnermi siunnersorti ..., immikk. pisortaq ..., sulisoq ... aamma ... K1-imi suliamik suliarinnit-*

toq. B pillugu allagaatit tamaasa ...-p tunniuppai. Suliap ingerlasimanera naalisarlugu oqaluttuaraa. ...”

”29.5.00 Kommuni najugarivitaq – kommuni akiliisusaaq, B-p atuannigiffimmi akiliunneqarluni angalanissaanut/pilersaarutit/ akuersissutit kiisalu A-p jan. 00-imi angerlamut billettimik qinnuteqaataa ajoraluartumik K1-mut nassiuunneqarsimanngitsaq pillugit K1 ullumikkut allaffigineqarput.”

”4.9.00 Børnehjemmemut sianeratta oqaatigaat B angerlartinneqarnissaminut piareersimanngitsaq, tassami perorsaanikkut tapersersorteqarnissani suli pisariaqartikkamiuk, A-lu angerlartitsinissamut aamma nukissaqanngitsaq nalunnginamikku, ...

...  
Børnehjemmep nalunaarusiaa pissarsiarineqartoq angerlartitsinissamillu kissaatigisaaq K1-imut ingerlateqqinneqassapput.” (Atofeqarfimmi nutsigaavoq.)

Suliami allattuiffimmeersut qulaani issuarneqartut paasinarsisippaat K2 Kommuni B-p atuannigiffeqarnermi akiliunneqarluni angalanissaa, angerlamut billettissaa anaanaasullu angerlartitsinissamik kissaatigisaa pillugit pingaaruteqartunik aalajangiinissamut pisussaasutut imminut isigisimanngitsaq, K1 Kommunilli taamaatut aalajangiinissamut pisussaaf-feqartutut isigisimallugu.

K1 Kommunimit oqaatigineqartoq una: ”kisianni ukioq ataaseq suli naanngitsaq suliaq K2 Kommunimut nuunneqarpoq, anaanaa tassunga nuummat, K2 Kommunillu kommunitut iliuuseqartussatut isigineqalermat” pissutigalugu tunngaviutittariaqarpara pissutsit B-mut tunngasut pillugit kommuni sorleq pingaaruteqartunik aalajangiisarneq eqqarsaatigalugu kommunit taakku akornanni ataqatigiissaarisooqarsimanngitsaq, matumani ukiup ataatsip qaangiunnerani inissiinermut malitseqartitsineq ilanngul-lugu eqqarsaatigalugu.

Ukiup ataatsip qaangiunnerani malitseqartitsinissamik piumasaqaatip meeqqap pisinnaatitaaffii pillugit Naalagaaffiit Peqatigiit isumaqatigiis-sutaanni malittarisassat Kalaallit Nunaannit malinneqarnissaannik inatsi-siliortut kissaatigissaannik aallaaveqartoq eqqortinneqarsimanngimmat ajuusaarnartorujussuartut isigaara.

Inatsisitigut tunngavigisami erseqqarluttoq qulaani taaneqartoq apeq-gutaatinnagu isumaqarpunga K1 Kommuni suliamut malitseqartitsisi-masariaqaraluartoq, paasiniarlugulu kommunit marluk taakku arlaat sor-leq ukiup ataatsip qaangiunnerani malitseqartitsinermik isumaginnittus-saasimanersaq.

Tamatumunnga atatillugu eqqaamassallugu pingaartuuvoq kommunit akunnerminni akiliiffigeqatigiittarnissamut pisussaaffii pillugit Inatsisartut peqqussutaata kommunit akornanni pissutsit kisiisa aalajangersaavigim-magit, kommunit innuttaasullu akornanni pissutsit aalajangersaaviginagit. Taamaattumik kommunit marluk assersuutigalugu akiliisussaataitaaneq

aamma iliuuseqartussaataaneq pillugit isumaqatigiinnngissuteqarnerat innuttaasumut ajoqusiisussaannngilaq.

6. Inuit Pisinnaatitaaffii pillugit Europamiut Isumaqatigiissutaat.

*Inuit Pisinnaatitaaffii pillugit Europamiut Isumaqatigiissutaat piffissap misissuininni pineqartup nalaani inatsisitut Kalaallit Nunaannut suli atuutilersimannngilaq.*

*Isumaqatigiissut taanna kunngip peqqussutaatigit nr. 814-ikkut, 18. september 2001-imeersukkut inatsisitut Kalaallit Nunaannut atortuulersinneqarpoq.*

*Tamatumunnga atatillugu oqaatigaara Inuit Pisinnaatitaaffii pillugit Europamiut Isumaqatigiissutaat qallunaat naalagaaffiata Danmarkimut 1953-imi atuuttussannngortillugu akuerigaa, Kalaallit Nunaannut atuutilertussaassannginna oqaatiginagu. Taamatuttaaq isumaqatigiissummumt ilassutitut isumaqatigiissutit nr. 1-imit nr. 7-imit Kalaallit Nunaannut atuutilertussaassannginna oqaatiginagu atuuttussannngortillugit akuerineqarsimapput.*

*Taamaalilluni Inuit Pisinnaatitaaffii pillugit Europamiut Isumaqatigiissutaat eqqarsaatigalugu Kalaallit Nunaanni 1. oktober 2001 sioqqullugu inatsiseqartitsinerup Danmarkip isumaqatigiissummik atuuttussannngortitsilluni 1953-imi akuersinera Danmarkillu isumaqatigiissummik 1992-imi inatsisiminut ilanngussinera sioqqullugu Danmarkimi inatsiseqartitsineq assigaa.*

*Taamaattumik isumaqatigiissut aamma piffissami misissuininni pineqartumi Kalaallit Nunaannut atuuppoq. Tassa imaappoq ilaatigit Kalaallit Nunaanni allaffissornikkut oqartussat aamma suliassaqarfimmi sulianiluunniit aalajangersimasuni kalaallit inatsisaannik atortussannngortitsiviusimasuni pisussaaffeqartut suliassaqarfimmi isumaqatigiissummi pineqartunut ilaatinneqartuni tamanna suliamik suliarinninnermut pingaarutilimik sunniuteqarpat isumaqatigiissut inatsisip qanoq paasineqarnissaanik nassuiaanerme ilanngutissallugu pisussaaffeqartut.*

*Angajoqaatut oqartussaassuseqarneq inuup tunngaviumik pisinnaatitaaffigaa, Inuit Pisinnaatitaaffii pillugit Europamiut Isumaqatigiissutaanni artikel 8-mi illersorneqartoq, artikel 8-lu imaattunik oqaasertaqarpoq:*

*”Imm. 1. Kialuunniit nammineq inuunermi ilaqutariittullu inuunermi, angerlarsimaffimmi allagaatimilu ataqqineqarnissaat pisinnaatitaaffigaa.*

*Imm. 2. Pisortani oqartussaasoq kinaluunniit pisinnaatitaaffiup taassuma atuut-sinneqarneranut akuliutissannngilaq, tamanna inatsit naapertorlugu pinngippat, taamaaliornerlu inuiaat isumannaallisaavigineqarnerat, inuiaqatigiit toqqissisinerat imaluunniit nunap aningaasaqarnikkut atugarissaarnissaa eqqarsaatigalugu, eqqissiviilliorneq pinerluttuliornerluunniit pinngitsoorinniarlugu, peqqisuseq ileqqorissaarnerluunniit illersorniarlugu imaluunniit allat pisinnaatitaaffii kiffaanngissuseqarnerilu illersorniarlugit inuiaqatigiinni tamat oqartussaaqataane-rannik atuutsitsiviusuni pisariaqatuunngippat.” (Atorfeqarfimmi nutsigaavoq.)*

*Meeqqamik angerlarsimaffiup avataanut inissiineq paasinninnera malillugu oqartussaasup iliuuseraa, artikel 8, imm. 2-mi "akuliunneq"-mik oqarnermi pineqartunut ilaatinneqartoq. Akuliunneq, periaatsit pillugit malittarisassat erseqqinnerusut, immikkoortut 3-p, 4-p 6-illu ataanni al-laaserisimassakka kisiisa malillugit oqartussaasut iliuuserisinnaasaat.*

*Pisuni meeqqanik angerlarsimaffiup avataanut inissiinermik iliuuse-qarfiusimasuni, taamaaliornikkullu angajoqqaat meeqqallu najoqatigiis-sinnaanerannik annikillisaaviusimasuni sulianik suliarinninnermi tunnga-viit arlallit Inuit Pisinnaatitaaffi pillugit Europami Eqqartuussiviup saq-qummiussimavai. Tunngaviit taakku meeqqanik inuusuttunillu ikiorsiisar-neq pillugu Inatsisartut peqqussutaanni tunngaviit inatsisiliortut akuerisi-masaasa assigaat.*

*Taamaattumik oqartussaasut periaasiata imatut piareersarneqarsima-nissaa pingaartuuvog, tassalu angajoqqaajusut isumaannik soqutigisaan-nillu oqartussaasut paasiniaasassasut, angajoqqaallu aalajangiiniarner-mik ingerlatsinermi pinngitsoornatik angajoqqaat meeqqallu illersorne-qarnissaannut, ilaqutariittut inuunerup illersorneqarnissaanik isumaqa-tigiissummi piumasaqaataasumiittumik eqqortitsisumik naammattumik an-nerussuseqartumik peqataatinneqartassasut, matumani angajoqqaatut oqartussaassuseqartut oqartussaassuseqarnermik taassuminnga atortitsi-nerat ilanngullugu eqqarsaatigalugu. Tamakku saniatigut pingaaruteqar-tumik aamma aalajangiisuuvog oqartussaasut, pissutsit meeqqap atugai isiginiarlugit, meeqqap angajoqqaaminut sapinngisamik piaarnerpaamik uternissaa suliniuteqartuarnermikkut peqataaffigissagaat.*

*Piffissami B-p inissinneqarnissaanik aalajangiinerup nalaani aamma piffissami B-p anaaminut angerlartinneqarsinnaaneraniq naliliinerup nalaani suliami suliarinninnermi tunngaviit taakku K1 Kommunip malit-tussaasimangikkai ilimaginninnissannut naammattumik tunngavissaqan-ngilanga.*

*Kisianni qulaani oqaatigineqartutut maluginiarsimavara anaanaasoq A B-p angerlartinneqarnissaanik kissaatigisaminik 30. september 1999-imi saqqummiussisimasog, kissaatigisaq A-p kissaatigisaminik 6. april 2000-i-mi saqqummiusseqqinneratigut sakkortusarneqartoq. Suliap angajoqqaat-ut oqartussaassuseqartup aklerliineranut assortuuttumik inissiineq pil-lugu malittarisassat malillugit kommunip suliarissagaa tamatuma paasin-ninnera malillugu nassatarisimasariaqaraluarpa.*

*Sulialli uannut saqqummiunneqarnera aallaavigalugu tunngaviutitta-riaqarpara kommunip suliaq suliap ingerlanerani tamarmi angajoqqaatut oqartussaassuseqartoq akuersitillugu inissiineq pillugu malittarisassat malillugit suliarisimaga.*

*Tamatuma paasinninnera malillugu nassatarisimavaa A-p angajoq-qaatut oqartussaassuseqartutut inatsisitigut innarlitsaalineqarnissamik qularnaveeqqutinik meeqqanik inuusuttunillu ikiorsiisarneq pillugu Inatsi-sartut peqqussutaanni aalajangersarneqartunik, Inuillu Pisinnaatitaaffi*

*pillugit Europami Isumaqatigiissummi artikel 8-mi pineqartutut paasineqarsinnaasunik pisinnaatitaaffilerneqarsimannginnera.*

*Tamanna isorisarialerujussuartut isigaara.*

*K1 Kommunip suliamik suliarinninneranik ataatsimoortumik nalilee-reerlunga isumaqarpunga kukkunerit sumiginnaanerillu annertuut pineqarmata tamanna pillugu Inatsisartunut Naalakkersuisunullu nalunaarutiginninnissannut tunngavissaqarlunga, tak. Inatsisartut Ombudsmandiat pillugu Inatsisartut inatsisaanni § 10.*

*Suliami annertunerusumik iliuuseqaaqqissanngilanga.”*



## 26. Attartorneq pillugu inatsiseqartitsineq

### 1. Ineqarnermut akiliutit qaffanneqarnissaannik ilimasaarut.

*Ombudsmandi innuttaasup ilaatigut aamma A/S Inissiaatileqatigiiffik INI-p ineqarnermut akiliutit qaffanneqarnissaannik, tamanalu naammaginartumik tunngavilersuutitaqartinnagu, ilimasaruteqarsimanera pillugu naammagittaalliuutaanik tigusaqarsimavoq.*

*Naammagittaalliuut ajornartorsiuteqarfinnik tunngaviusunik imaqarsinnaammatt, tassami allakkat inissiaatileqatigiiffiup ineqarnermut akiliutinik qaffaanissaq pillugu innuttaasut ilaannut amerlanerusunut nassiussimasai allagaammata assigiissaakkanik oqaasertallit, Ombudsmandi aalajangerpoq suliasap naammagittaalliuutitut aalajangersimasutut suliarinissaa itigartitsisutiginarlugu, taarsiullugulu inissiaatileqatigiiffiup tunngavilersuutigisaa ingerlatsinermit inatsiseqartitsinermi piumasarisaasunik naammassinnaanersoq nammineerluni misissuiffiginarlugu, tak. Ombudsmandi pillugu inatsimmi § 6, imm. 5.*

*Ombudsmandip oqaatigaa A/S Inissiaatileqatigiiffik INI-p ingerlatseriaatsimi malittarisassanik, attartornermut malittarisassat malillugit ineqarnermut akiliutinik qaffaanissamik ilimasaaruteqarnermi atuuttunik, malinninnissami saniatigut ingerlatsinermit inatsiseqartitsinermi malittarisassat, ineqarnermut akiliutit qaffannissaannik tunngavilersuinermit atuuttut, aammattaaq malittussaagai.*

*Kiisalu Ombudsmandip oqaatigaa inissiaatileqatigiiffiup ilimasaaruteqarnermini allagaanit ersertariaqartoq ineqarnermut akiliutinik qaffaassutip aggornerisa ilai sorliit aningaasartuutimut sorlernermit atatinneqarsinnaanersut naatsorsukkallu sorliit aningaasartuutininik inissianut ataasiakkaanut agguataarinermut tunngaviutinneqarnersut. (J.nr. 11.73.29.01/116-01)*

Ineqarnermut akiliutit qaffanneqarnissaat naammattumik tunngavilersuutitalernagu inissiaatileqatigiiffik INI-p ilimasaarutigisimammagu innuttaasup ilaatigut naammagittaalliuutaa 14. november 2001-imi tiguara.

Naammagittaalliuut tunngaviusumik ajornartorsiutinik imaqarsinnaammatt, ineqarnermullu akiliutit qaffanneqarnissaat pillugu allakkat inissiaatileqatigiiffiup nassiussorsimasai tassaammatta innuttaasorpasuarnut allakkat assigiissartumik oqaasertalersukkat, aalajangerpunga naammagittaalliuutitut aalajangersimasutut suliariniarnagu, suliarinninnissamullu taarsiullugu inissiaatileqatigiiffiup tunngavilersuutaa ingerlatsinermik inatsiseqartitsinermi piumasaqaatinik eqqortitsisuunersoq nammineerlunga misissuiffiginarlugu, tak. Ombudsmandi pillugu inatsimmi § 6, imm. 5.

Naammagittaalliummut atatillugu inissiaatileqatigiiffiup ilimasaarutitut allagaasa assilineri naammagittaalliorumit tiguakka.

Ilimasaarutitut allakkat taakku imaattunik assigiissartunik oqaasertalersugaapput:

”Matumuuna ineqarnermut akiliutaasartup 1. januar 2002 aallarnerfigalugu nalimmassarneqarnissaa nalunaarutigineqarpoq. Nalimmassaanerup siunertaraa, najugaqarfiup ingerlanneqarneranut aningaasartuutit matussuserneqartarnissaat, aammalu piginnittunut iluanaarutissat naatsorsorneqartarnerisa allannguiffigineqarnerisa kingunerisaanik pissuteqarluni nalimmassaasoqarneq. Innersuussutigineqarput Namminersornerullutik Oqartussat nalunaarutaat tamanut saqqummiusaaq nr. 32, 17. august 2001-imeersoq, §§ 5, 6 aamma 7 takoqqullugit, tassani pineqarmata ineqarnermut akiliutaasartut qanoq naatsorsorneqartarneri.

Aningaasaliissutaasimasunit illumik piginnittumut ukiumut iluanaarutissat illuutip sananeqarnerani aningaasartuutit 1,5%-erivai, minnerpaamilli kvm.-iterimut 7.000,00 kr. sanaartornermut aki aallaavigineqarluni. Najugaqarfiup ataatsimut ingerlanneqarnerani aningaasartuutit aggulunneqartarput, inissiat ataasiakkaat qanoq angitigineri aallaavigalugit.

Ineqarnermut akiliutaasartup allannguutai, takussutissiami takuneqarsinnaapput, ineqarnermullu tapiutaasarsinnaasut, kiassarnermullu akiliutaasartuq ilanngunneqanngillat. Ineqarnermut akiliutaasartumi meeqqanut tapiutaasartuq 01. januar 2002 aallarnerfigalugu atorunnaassaaq. 01. januar 2002 aallarnerfigalugu ineqarnermut tapinut apeqqutaatinneqalissapput, meeqqat qassit angerlarsimaffimmi najugaqartuunersut.

Maannakkut ineqarnermut tapiutaasartuq qaammat december 2001 tungaanut ingerlatiinnarneqassaaq.

Ineqarnermut tapimik nutaamik qinnuteqaat kommunimmuut tunniunneqassaaq.”

Aammattaaq ilimasaarutitut allakkat siunissami ineqarnermut akiliutaalersussat naatsorsorneqarnerannik imaqarput. Naatsorsuinerimi ineqarnermut akiliutaasartut, aningaasat ineqarnermut akiliutit qaffaatissaat ineqarnermullu akiliutit siunissami amerlassusissaat inerniliullugit taaneqarsimapput.

A/S Inissiaatileqatigiiffik INI-mut 6. december 2001-imi allappunga, inissiaatileqatigiiffillu qinnuigalugu ineqarnermut akiliutit qaffanneqarnissaannik ilimasaarutitut allakkani tunngavilersuutaasoq inatsisinik eqqortisisuusutut isigineqarnerseq nassuiaqqullugu.

Inissiaatileqatigiiffiup akissutaa imaattunik oqaasertaqartuq 3. januar 2002-mi tiguara:

”Ombudsmandip inissiaatileqatigiiffik qinnuigisimavaa, inigisamut akiliutit allanngortinnissaanik ilisimatitsissutitut allakkami inissiaatileqatigiiffiup paasinninera malillugu tunngavigisaq inatsisitigut tunngavissaqarnerseq nassuiaateqarfigeqqullugu.

Ilisimatitsissutitut allakkami attartornermut akiliutit allanngortinnissaanut naatsorsuinermut aqutsisuusunik inatsisitigut malittarisassat innersuussutigineqarput, taamatullu attartornermut akiliutit naatsorsorneqarneranut pissutsit ilaatinneqartut suut oqaatigineqarlutik. Aammalu aningaasaliissutaasimasunit iluanaarutit naatsor-

sorneqarnerat aamma ingerlatsinerlutit aningaasartuutit attartornernut ataasiakkaanut agguataarneri allaaserineqarput.

Ilisimatitsissummik allakkami uanga isumaga malillugu ineqarnermut akiliutit allanngortinneqarnerannut tamakkiisumik tunngavilersuineqarpoq taamaammallu inissiatileqatigiiffimmut piumasarineqarsinnaasunut naapertuulluni.” (Atorfeqarfimmi nutsigaavoq.)

Inissiatileqatigiiffimmut 4. februar 2002-mi imatut allappunga:

”Inissiatileqatigiiffiup namminersorerullutik oqartussat kommunillu attartortittakkatut illuutaanni ineqarnermut akiliutit 1. januar 2002-miit qaffanneqarnerannik ilisimatitsissuteqarnermut assigiiaagaasumik tunngavilersuutaa 3. januar 2002-mi tiguara.

Misissuinerma naammassinginnerani inissiatileqatigiiffik qinnuigaara makkua ilassutaasumik nassuiaateqarfigeqqullugit.

Assigiiaagaasumik tunngavilersuummi atuarneqarsinnaavoq ineqarnermut akit qaffaataat inissiatileqatigiiffiup ingerlatsinerlutit aningaasartuutaasa aningaasalersornissaat siunertaralugu pisoq.

Ingerlatsinerlutit aningaasartuutit taakkua inissianik attartorneq pillugu Inatsisartut peqqussutaanni nr. 3-mi, 13. juni 1994-imeersumi § 10, imm. 2, § 8, imm. 1 innersuussutigalugu, malillugu ingerlatsinerlutit missingiuusianut, immikkoortorta-qarfimmi siulersuisunut akuerisassanngorlugit saqqummiunneqartussanut, ilanngunneqartussaapput.

Tamatumunnga atillugu inissiatileqatigiiffik qinnutigaara, ingerlatsinerlutit missingiuusiat immikkoortorta-qarfimmi siulersuisut akuerisaat attartortunut ataasiakkaanut nassiuunneqartarnerisut, imaluunniit attartortut allatigut missingiuusiat ilisimalertarneraat nassuiaateqarfigeqqullugu.”

Inissiatileqatigiiffiup akissutaa imaattoq 13. februar 2002-mi tiguara:

”Ombudsmandip 4. februar 2002-mi allagaanut akissutitut Namminersorerullutik Oqartussat kommunillu inissiaataanni attartortittakkani najugaqarfimmi siulersuisunik qinersineq pillugu Namminersorerullutik Oqartussat nalunaarutaanni nr. 54-imi, 29. december 1994-imeersumi malittarisassat maluginiarnissaat innersuussutigaakka. Inissiatileqatigiiffiup attartortut ingerlatsinerlutit missingersuutinik ilisimatinneqartarnissaannik malittarisassat taakkua malippai.” (Atorfeqarfimmi nutsigaavoq.)

*Tamatuma kingorna imaattunik oqaaseqaateqarsimavunga:*

”Ineqarnermut akiliutit qaffanneqarnissaasa akuerineqartarnerat attartortunullu ilisimatitsissuteqartarneq pillugit malittarisassat.

*Ineqarnermut akiliutit qaffanneqarnissaannik ilimasaarummi A/S Inissiatileqatigiiffik INI-p nassiussimasaami assigiisaartumik oqaasertalersugaasumik tunngavilersuummit erserpoq ineqarnermut akiliutit qaffaataat ilatigut tassaasut aningaasaliissutaasimasunit iluanaarutit naatsorsorneqartarneri pillugit malittarisassat allannguutaasa kinguner, ilaa-*

*tigullu inissiat immikkoortortaqarfiisa ataasiakkaat ingerlatsinermut aningaasartuusaasa matuneqarnissaat siunertaralugu pisimasoq.*

*Inissianik attartorneq pillugu Inatsisartut peqqussutaanni nr. 3-mi, 13. juni 1994-imeersumi siusinnerusukkut atuussimasumi § 10, imm. 2 malillugu ineqarnermut akiliutit ukiumoortumik aalajangersarneqartarput immikkoortortaqarfiit ataasiakkaat ingerlatsinermut missingersuutaat tungavigalugit. Immikkoortortaqarfiup siulersuisui aalajangiisinnaapput pitsanngorsaanerit nutarterinerillu naammaginarlut suliarineqassasut, ineqarnermut akiliutit qaffaatissaat pisariaqartut siulersuisut tamatumunga atatillugu akuersaarpatigit, tak. § 10, imm. 3.*

*Immikkoortortaqarfiup siulersuisuisa aalajangiinerat immikkoortortaqarfiup ataatsimiinnerani akuerineqassapput, tak. § 10, imm. 3-mi oqaaseqatigiit aappaat. Immikkoortortaqarfiit ataasiakkaat ingerlatsinermut missingersuutaat inissiaatileqatigiiffimmit inaarutaasumik akuerineqannginnerminni immikkoortortaqarfimmi siulersuisunut akuerisassanngorlugit saqqummiunneqassapput, tak. peqqussummi tassani § 8, imm. 1.*

*Inissiaatileqatigiiffiup uannut allakkamini 13. februar 2002-meersuni Namminersornerullutik Oqartussat kommunillu inissiaataanni attartortit-takkani najugaqarfinni siulersuisunik qinersineq pillugu Namminersornerullutik Oqartussat nalunaarutaanni nr. 54-imi, 29. december 1994-imeersumi malittarisassat innersuussutigai.*

*Nalunaarummi § 7, imm. 1-imi aalajangersarneqarpoq immikkoortortani tamani nalinginnaasumik ukiumoortumik ataatsimiittoqartassasoq. Immikkoortortaqarfiup ataatsimiinnerani oqaluuserisassani ukiumoortumik missingersuutit ilisimatitsissutitut saqqummiunneqarnerat ilaassaaq, tak. § 7, imm. 2, nr. 3. Immikkoortortaqarfimmi pineqartumi ukiumoortumik naatsorsuutit missingersuutillu ataatsimiinneq kingusinnerpaamik sapaatip akunneranik ataatsimik sioqqullugu immikkoortortaqarfimmi inoqutigiinnit tamanit takuneqarsinnaassapput, tak. nalunaarummi § 8.*

*Suliap uannut paasissutissiisutiginerqarnera malillugu missingersuusiornermi ineqarnermullu akiliutinik qaffaanermi periaaseq pillugu inissianik attartorneq pillugu Inatsisartut peqqussutaanni nr. 3-mi, 13. juni 1994-imeersumi malittarisassat taamanikkut atuuttut inissiaatileqatigiiffiup malissimanerai naliliiffigisinnaanngilara. Taamaattumik apeqqut taanna isummerfiginngilara.*

*Oqaatigaara A/S Inissiaatileqatigiiffik INI-p periaatsit pillugit malittarisassat attartorneq pillugu malittarisassat malillugit ineqarnermut akiliutinik allangortitsinermut atuuttut malinnerisa saniatigit ingerlatsinermik inatsiseqartitsinermi malittarisassat ineqarnermut akiliutinik qaffaanermut tungavilersuinerlut atuuttut aamma malittussaagai.*

*Inissianik attartorneq pillugu Inatsisartut peqqussutaanni nr. 5-imi, 31. maj 2001-imeersumi massakkut attuttumi § 12, imm. 1-imi oqaaseqatigiinni siullerni allassimavoq ukiumi tullermi immikkoortortaqarfinnut ataasiakkaanut ingerlatsinermut missingersuutit attartortitsisumit suliarine-*

qarsimasut akuersissutigineqarsimasullu tunngavigalugit ineqarnermut akiliutit ukiukkaartumik aalajangersarneqartassasut. Immikkoortortaqarfiup siulersuisui aalajangiisinaapput immikkoortortaqarfimmi naammaginartumik pitsanngorsaaneramik nutarterinermillu suliassat suliarineqassasut, tamatumunnga peqatigitillugu immikkoortortaqarfiup siulersuisuisa pisariaqartinneqartumik ineqarnermut akiliutit qaffanneqarnissaat akuerisinaappassuk, tak. § 12, imm. 2. Immikkoortortaqarfiup siulersuisuisa aalajangiinerat immikkoortortaqarfiup ataatsimiinnerani akuersissutigineqassaaq, tak. § 12, imm. 2-mi oqaaseqatigiit aappaat. Immikkoortortaqarfimmi tamani ingerlatsinermut missingersuutitut siunnersuut attartortitsisumit inaarutaasumik akuerineqalersinnagu immikkoortortaqarfimmi siulersuisunut saqqummiuneqartassaaq, tak. peqqussummi § 9, imm. 1.

Taamaattumik naatsorsuutigaara siunissami missingersuutit akuerineqarneranni ineqarnermullu akiliutit qaffanneqarnissaannik aalajangiiner-mi malittarisassat taakku immikkoortortaqarfiit tamaasa ataasiakkaarlugit eqqarsaatigalugit A/S Inissiaatileqatigiiffik INI-p malittassagai, missingersuutit ineqarnermullu akiliutit qaffanneqassappata qaffaanissap inissiaatileqatigiiffimmit inaarutaasumik akuerineqannginneranni.

#### Aalajangiinernut tunngavilersuineq.

Suliassat suliarineqartarnerat pillugu inatsimmi § 22-mi aalajangersarneqarpoq aalajangiineq allakkatigut nalunaarutigineqartoq tunngavilersuummik ilaqartinneqassasoq, aalajangiineq suliami illua tungiusumut pineqartumut tapersiisuulluinnanngippat.

Suliassat suliarineqartarnerat pillugu inatsimmi § 24-mi aalajangersarneqarpoq aalajangiinermut tunngavilersuut inatsisini malittarisassanut aalajangiinermi tunngavigineqartunut innersuussummik imaqassasoq. Aammattaaq § 24, imm. 2-mi aalajangersarneqarpoq tunngavilersuummi pisariaqarpat paasisutissat suliami pissusiviusunut tunngasut aalajangiinermi annertuumik pingaartinneqartut naatsumik erseqqissarneqassasut.

Inissianik attartorneq pillugu Inatsisartut peqqussutaanni nr. 5-imi, 31. maj 2001-imeersumi § 12, imm. 3-mi aalajangersarneqarpoq ineqarnermut akiliutit qaffanneqarnissaannik piumasaqaat attartortunut ataasiakkaanut allakkatigut ilimasaarutineqassasoq. Ilimasaarut taanna qaffaatit naatsorsorneqarneri, qaffaanermut pissutaasoq qaffaatillu qaammammut koruuninngorlugit amerlassusii pillugit paasisutissanik imaqassaaq.

Isumaqarpunga ilimasaarutitut allakkat A/S Inissiaatileqatigiiffik INI-p attartortunut nassiussai ingerlatsinermik inatsiseqartitsineq tunngavigalugu aalajangiinerusoq, tassaagamimi ineqarnermut akiliutinik attartortut ataasiakkaat akilissallugit pisussaaffigisaannik inaarutaasumik aalajangersaaneq.

*Ilimasaarutitut allakkat inatsisini malittarisassanut ineqarnermut akiliutit naatsorsorneqarneri pillugit aalajangaasuusunut innersuussummik imaqarput.*

*Aammattaaq oqaatigineqarpoq ineqarnermut akiliutit aaqqiivigineqarnerat aningaasaliissutaasimasunit iluanaarutit naatsorsorneqartarneri pillugit malittarisassat allanngortinneqarnerisa kingunerigaat, kiisalu immikkoortorta qarfiup ingerlatsinermit aningaasartuutaasa inissiat ataasiakkaat initussusiat tunngavigalugu agguataarneqarsimasut aningaasalersorneqarnissaat siunerataralugu allanngortinneqarsimallutik.*

*Ilimasaarutitut allakkat naatsorsuinermit imaqarput, taakkunanilu ineqarnermut massakut akiliutit, ineqarnermut akiliutit qaffaatissaat kiisalu siunissami ineqarnermut akiliutaasalersussat takutinneqarlutik.*

*A/S Inissiaatileqatigiiffik INI-p uannut allakkamini 27. december 2001-imeersuni oqaatigaa inissiaatileqatigiiffik isumaqartoq ilimasaarutitut allakkat ineqarnermut akiliutit aaqqiissutaat pillugu tunngavilersuummik naammattumik imaqartoq, taamaattumillu ilisimasaarutitut allakkat piumasagaatimut inissiaatileqatigiiffimmu piumasagaataasinnaasunut naapertuuttuusut.*

*Suliassa qarfiup suliarnik assigiiaartorpassuarnik peqartup iluani tunngavilersuutiniq ilusilersuinermit tunngavilersuutit taassumaluunniit ilaasa assigiissaartumik oqaasertalersornissaannut akornutissaqanngilaq. Ingerlatsinermillu inatsiseqartitsinerup tunngavilersuutit piumasagaatai tunngavilersuutit assigiissaartumik oqaasertalersugaasunut aamma atuupput.*

*Isumaqarpunga ingerlatsinermik inatsiseqartitsinerup tunngavilersuutit piumasagaataasa nassatarigaat ilimasaarutitut allakkat ilusilerneqasasut aningaasartuutit inissiaatileqatigiiffiup ineqarnermut akiliutit qaffanneqarnissaannut tunngavilersuutaasut suuneri amerlassusiilu attartortunit ataasiakkaanik takuneqarsinnaasunngortillugit.*

*Ineqarnermut akiliutinik qaffaanissat ilimasaarutigineqarneranni ingerlatsinermik inatsiseqartitsinermit malittarisassat aalajangiineq pillugu tunngavilersuinermit atuuttut inissiaatileqatigiiffiup malittussaavai.*

*Tamatuma nassataraa ineqarnermut akiliutit qaffariaataasa ilaasa sorliit aningaasartuutit sorlernut tunngatinneqarnerat, naatsorsuinerillu suut inissiani ataasiakkaani agguataarneqarnerinut tunngaviusut takuneqarsinnaasariaqarnerat. Pisussaaffik taanna inissianik attartorneq pillugu Inatsisartut peqqussutaanni nr. 5-imi, 31. maj 2001-imeersumi § 12, imm. 3-p annikillisinngilaa.*

*A/S Inissiaatileqatigiiffik INI qinnuigaara tamanna inissiaatileqatigiiffiup qanoq iliuuseqarnissaanut pissutissaqalersitsinersoq uannut nalunaa rutigeqqullugu.*

*Matuma saniatigut suliarni annertunerusumik iliuuseqaaqqissanngilanga.”*

A/S Inissiaatileqatigiiffik INI-p 26. februar 2003-mi akissutaa imaattoq 3. marts 2003-mi tiguara:

“Ombudsmandip oqaaseqaataa pillugu oqaatigineqassaaq ineqarnermut akiliutit qaffanneqarnissaat ilimasaarutigineqanngimmat, ineqarnermulli akiliutit aaqqiivigineqarnissaat ilimasaarutigineqarluni. Attartortut arlallit akiliutaat naluneqanngitsutut appartinneqarput.

Aammattaaq Ombudsmandip eqqumaffinginngilaa inissianik attartorneq pillugu Inatsisartut peqqussutaat massakkut atuuttoq allanngortinneqarsimammat. Taamaatumik Ombudsmandip massakkut inatsisitigut inissisimanermik allaaserinninnermini Inatsisartut peqqussutaanni paragrafit eqqunngitsut innersuussutigai.

Ineqarnermut akiliutit pillugit ilimasaarutit 2001-imi nassiuuneqartut Inissiaatileqatigiiffiup paasinninnera malillugu tamanna pillugu inatsisitigut piumasaqaatigineqarsinnaasunut naapertuuttuupput, tak. inissiaatileqatigiiffiup allagai 27. december 2001-imeersut, matumani pissutsit suliasat suliarineqartarnerat pillugu inatsimmi § 24-kkut eqqartorneqartut ilanngullugit eqqarsaatigalugit.

Taamaattorli Ombudsmandi isumaqarpoq paasissutissat amerlanerusut tunngavilersuummit ”ersertariaqartut”, taamatullu oqaasertaliinerup ilimanarsisippaa Ombudsmandi isumaqartuq inissiaatileqatigiiffik inatsisinik unioqquitsinerunngitsumik iliuuseqarsimasoq. Taamatuttaaq inissiaatileqatigiiffik isumaqarpoq ineqarnermut akiliutit sunit sunnerneqartarnerat erseqqinnerusumik nassuiaallugu naleqqut-tuusinnaasoq, tassami taamaaliornikkut najugaqartut najugaqatigiiffiit aningaasartuutaannik paasinninnerat annertunerulersinneqarsinnaammat. Ineqarnermut akiliutit allanngortinneqarnissaannik ilimasaarummi kingullermi 2002-mi nassiuusuneqartumi naluneqanngitsutut nassuiaat taamaattoq ilanngunneqarpoq. Nassuiaatit suli immikkuualuttulersorneqarnerunissaat ineqarnermut akiliutit pillugit ilimasaarummut tullermut atatilugu inissiaatileqatigiiffiup isumaliutersuutigaa.”

Allakkatigut 10. marts 2003-meersutigut inissiaatileqatigiiffik imatut akissuteqarfigivara:

“A/S Inissiaatileqatigiiffik INI-p allagai 26. februar 2003-meersut tiguakka.

Inissianik attartorneq pillugu Inatsisartut peqqussutaata nr. 5-ip, 31. maj 2001-i-meersup inissianik attartorneq pillugu Inatsisartut peqqussutaatigut nr. 2-kkut, 21. maj 2002-meersukkut allanngortinneqarsimanagera eqqumaffigaara. Attartorneq pillugu peqqussummi § 12 pillugu oqaaseqaatikka peqqussummi allanngortinneqartumi § 10-mut atuupput.

Oqaaseqaammi paragrafiip normua eqqunngitsoq innersuussutigisimagakku ajuusaarutigagaara.

Suliami oqaaseqaateqarninni inissiaatileqatigiiffik ilimasaarutitit allakkamigut 2001-imeersutigut pineqartutigut inatsisinik unioqquitsisumik iliuuseqarsimanager-soq isummerfigisimanngilara. Inissiaatileqatigiiffiup ilimasaarutitit allagaasa paasinninnera malillugu ineqarnermut akiliutit qaffanneqarnissaannik ilimasaarinnermut atatilugu sunik imaqartariaqarnerannik taamaallaat oqaaseqaateqarpunga.

Paasinninnera imaappoq inissiaatileqatigiiffiup ilimasaarutitit allagaanin ersertariaqartuq ineqarnermut akiliutit qaffaataasa ilaat aningaasartuutininut sunut tunngatinneqarsinnaanersut, naatsorsuinerillu suut inissiani ataasiakkaani aningaasartuutit agguataarneqarnerininut tunngaviunersut. Inissiaatileqatigiiffiup allagai imatut paasivakka paasinninneq taanna inissiaatileqatigiiffiup isumaqatigigaa.

Tamanna tusaatissatut tiguara, suliamilu matuma kingorna annertunerusumik ili-uuseqaqqissananga.”

## 2. Nuunnermut atatillugu akiligassiisutit.

*Suliami naammagittaalliuutip sulisumalu ilaata sulisumut inissiamit innersuunneqartumit nuuttussap saaffiginnissutaata suliarinerinut uiggiullugu nammineerlunga misissuiffigisanni A/S Inissiaatileqatigiiffik INI-mut inassuteqaatigissallugu pissutissaqarsimavunga attartortup attartukkaminut nuuttup inissiap qimatap iluarsaanneqarneranut, matumani naqqit lakkerneqarneri ilanngullugit eqqarsaatigalugit, aningaasartuutunik akileeqquneqar-nissaanut apeqqut inissianik attartorneq pillugu Inatsisartut peqqussutaanni § 57, imm. 1 kisiat tunngavigalugu aalajangiivigineqartassasoq. Attartorneq pillugu Inatsisartut peqqussutaanni § 57, imm.2-imi nalinginnaasumik iluarsaassineq pillugu malit-tarisassaq inissiap iserterfigineqarnermini pissusaanit pitsaane-rulersillugu iluarsaanneqarnerani aningaasartuutunik attartor-tup akileeqqunissaanut inatsisitigut tunngavissaliinngilaq. (J.nr. 11.73.32.12/075-02)*

Naammagittaalliummik Atorfeqarfimmilu maani suliamik sulisumut tunngasumik suliarinninninnut atatillugu naqqit lakkerneqarnerinut aningaasartuutunik attartortut attartukkaminut nuuttut akileeqqunissaannut Inissiaatileqatigiiffiup inatsisitigut tunngavigisaa ajornartorsiutaasinnaasoq paasivara.

Suliami paasissutissat pigineqartut malillugit pisortat inissiaataat attar-tortittagaq qimanneqaraangat naqqit inissiaatileqatigiiffiup nutaamik lak-kertittarpai, aningaasartuutillu attartukkamik aserfallatsaaliinermut pisus-saaffik inissiaatileqatigiiffiup tigusimannngikkaangagu attartortumut inis-siamit nuuttumut akiligassannngortittarlugit.

Naammagittaalliummik suliarinninninnut atatillugu inissiaatileqatigiif-fik uannut ilaatigut imatut allappoq:

”Paragraffit qulaani taaneqartut innersuusutigalugit - inissiaatileqatigiiffiup isu-maa naapertorlugu - imatut paasisariaqarpoq qilaat qaqortumik qalipanneqarneri, iikkat qalipallugillu tapetilersorneqarneri natermillu lakkerineq eqqiaanerlu, attar-tornerup nalaani ingerlaavartumik pisimannngippata, taamaallilluni inissiap iserterfi-gineqarnermisulli isikkoqaqqullugu.

Soorunami allamut nuuttut ilaasa nuunngitsiarnerminni inigisaq iluarsaassima-sinnaasarpaat, allamut nuuttoqarnerani misissuataarinerminni, inissiap iserterfigineqar-nermisulli isikkoqarneranik naliliinermik kinguneqartumik, taamaattumillu iluar-saanneqar-nissaa pisariaqartinneqarani. Pisumili matumani inissiap iluarsaanneqar-neranut aningaasartuutit allamut nuuttup, attartornermi nalaani aserfallatsaaliuisus-saatitaanerminut ilanngullugu akilereersimavai.”



Inissiaatileqatigiiffik suliap sulisumut tunngasup sularineqarneranut atatillugu oqarpoq ingerlatseqatigiiffik isumaqartoq nalinginnaasumik periaasiusoq saneqqutissallugu tunngavissaqarnani.

Suliani taakkunani marlunni inissiaatileqatigiiffimmut oqaatigaara ingerlatseqatigiiffiup periaasiata inatsisunik eqqortitsisuunera nalorninartortaqtutut isigigiga.

Inissiaatileqatigiiffimmut 13. juni 2002-mi imatut allappunga:

”...mut tunngasumik suliamut malitseqartitsinertut Ineqarnermut, Attaveqarnermut Pilersuinernullu Pisortaqarfimmit tusarsimavara Naalackersuisut ukiup naannginnerani nalunaarummik, attartortut anisernerminnut atatillugu pisussaaffinik, tamatumani aamma aserfallatsaaliinermut pisussaaffeqarnermut tunngasumik apeqqumut, aqutsisumik pilersitsinissartik naatsorsuutigigaat.

....  
Eqqartuussisarnermi suliat assingusut misissorsimavakka paasillugulu Højesteret-ip eqqartuussimmi 1993-imi UfR-imi qupperneq 844-mi allaaserineqartumi aalajangersimagaa qallunaat attartortitsinermut inatsisaanni § 98-ip, § 99a attartukamik iserterfigineqarnerani pissusaatut itsillugu tunniussisussaatisoq malillugu, avaqunneqarsinnaanngitsup kingunerigaa nalinginnaanngitsumik aserfallatsaaliinermut pisussaaffiit attartortumut § 98-imut akerliusumik tutsinneqarsinnaanngitsut.

Kalaallit Nunaanni attartorneq pillugu peqqussummi § 57, imm. 1, qallunaat attartortitsineq pillugu inatsisaanni § 98, imm. 1-imut imarisamigut assingusooq, taamaallaat, § 2, imm. 2 malillugu, erseqqissumik isumaqatigiissuteqamikkut saneqqunneqarsinnaavoq.

Tamatuma kingorna isumaqarpunga – apeqqut nalunaarutikkut aquaasimaga- luarpalluunniit – inissiaatileqatigiiffiup tamanut atuuttumik attartortumit anisertumit naternik nutaanik lakkerinermut akiliisitsiniartarluni periaaseqarnerata inatsisitigut tunngavissaqarnera nalorninartoaarsinnaasoq.

Taamaammatt isumaqarpunga, attartortup akiliinissamut pisussaaffeqarneranut inissiap anisernermit aserfallatsaalineqarsimaneramik immikkut naliliiffigineqarnera aalajangiisuusoq.

Tamatuma kingunerisaanik aalajangerpunga apeqqut nammineerlunga, Ombudsmandi pillugu inatsimmi § 6, imm. 5 malillugu, misissugassanngortillugu.

Tamatumunnga atatillugu inissiaatileqatigiiffik qinnuigaara, inissiaatileqatigiiffiup periaatsini allannngortinniarsinnaanissaa eqqarsaatiginiarnerlugu nassuiaateqarfigeqqullugu.

Ineqarnermut, Attaveqarnermut Pilersuinernullu Pisortaqarfik allakkat ukua assilinerannik nassippara, taamatullu Inatsisartut Inatsisit Atortinneqarnerannut Ataatsimiititaliaa, ...-p naammagittaalliuutaanik sularinninninnut atatillugu, inatsisiti- gut tunngavissat pillugit nalorninnik, Ombudsmandi pillugu inatsimmi § 11 malil- lugu, ilisimatitsissuteqarfigalugu.”

Inissiaatileqatigiiffiup akissutaa imaattoq 26. august 2002-mi tiguara:

”Ombudsmandi naammagittaalliummik qulaani taaneqartumik sularinninner- mini isumaqalersimavoq Inissiaatileqatigiiffik ”inissiap qimanneqarnerani naternik tamatigut nutaamik lakkerisartoq ...”. Ombudsmandi isumaqarpoq ”attartortup aki- liinissamut pisussaaffeqarnerani pisut ataasiakkaarlugit naliliisarnerup aalajangi- suunera mattunneqarsinnaanngitsooq ...”. Ombudsmandip inissiaatileqatigiiffik qin- nuigaa suliamik paasinninnini pillugu nassuiaateqarfigallugu, Inissiaatileqatigiiffiul-

lu periaatsiminik allangortitsinissaq isumaliutersuutiginiarneraa nalunaarutigeq-qullugu.

Inissiaatileqatigiiffiup allakkani 22. marts 2001-imeersut kiisalu Ineqarnermut, Attaveqarnermut Pilersuiner Mullu Pisorta qarfimmu allakkani 9. november 2001-imeersut innersuussutigai, taakkunanimi attartukkap qimannerani pisussaaffinnik paasinninnini Inissiaatileqatigiiffiup nassuarmagu.

Ilumuungilaq inissiaatileqatigiiffik naternik tamatigut lakkerisarmat, ilumuungilarlu pisut ataasiakkaarlugit naliliisoqartanngitsoq. Inissiat qimanneqarnerini tamani Inissiaatileqatigiiffik misissuisarpoq, naqqillu nutaamik lakkerneqarsimasutut isikkoqarnersut naliliisaarluni. Attartortup naqqit nammeneq lakkersimappagit lakkerisoqassanngilaq – attartortup iikkat qilaallu nammeneq qalipassimappagit qalipaasoqaqqittannginneratorluinnaq. Tamanna aamma atuuppoq naqqit lakkerneqarlaatum sulii isikkoqarpata, assersuutigalugu attartortoq piffissami sivikitsuinnarmi najugaqarsimappat. Taamaattumik inissiaatileqatigiiffiup periaatsini pisut ataasiakkaarlugit naliliisarnermik imaqareersoq allangortinniannngilaq.

Suliaq Ombudsmandip suliareqqilersimavaa, qallunaat attartorneq pillugu inatsisaat pillugu Højsteret-ip eqqartuussutaa pisoqaanerusoq aallaavigalugu. Eqqartuussutip imarisaanik Ombudsmandip paasinninneranik Inissiaatileqatigiiffiup ilisarinissinnaannginnerata saniatigut inissiaatileqatigiiffik isumaqarpoq eqqartuussut taanna suliamut matumunnga attuumassuteqanngitsoq, tassami qallunaat attartorneq pillugu inatsisaat Kalaallit Nunaanni attartorneq pillugu Inatsisartut peqqussutaanni attartortup inissiamik qimatsinerani attartortup pisussaaffii pillugit malittarisassat assinginiq imaqanngimmat.

Inissiaatileqatigiiffik pisussaaffeqarpoq malittarisassat atuuttut malillugit aqutsis-salluni, taamaattumillu inissianik attartorneq pillugu Inatsisartut peqqussutaanni § 57, imm. 2-p malinneqarnissaa sulii piumasarisarniarlugu.” (Atorfeqarfimmi nutsigaavoq)

*Tamatuma kingorna imattunik oqaaseqaateqarpunga:*

*“Inatsisartut peqqussutaat nr. 5, 31. maj 2001-imeersoq attartukkat qimanneqarnerini inissianik iluarsaassisarneq pillugu malittarisassanik imattunik imaqarpoq:*

*”§ 57. Attartortup inissiamit nuunnermi attartukkani iserterfigineqarneratut pisuseqartillugu tunniutissavaa.*

*Imm. 2. Pisariaqassappat inissiamit nuuttoqarnerani inissiaq nalinginnaasumik iluarsaanneqassaaq qilaavi qalipallugit, iigai qalipallugit tapetilorsorlugillu kiisalu pisariaqartinneqartumik eqqiarlugu. Natii nutaanik lakkersimasutut isikkoqassapput.*

*Imm. 3. ...*

*Imm. 4. Attartortup nuunnermi nammineeirluni nalinginnaasumik iluarsaassisarneranut aamma attartortup tamatumunnga atatillugu aningaasartuutaasa akilernerqartarnerannut maleruagassiat erseqqinnerusut Naalakkersuisunit aalajangersarneqassapput.*

*§ 58. Attartortup inissiamik tigusineraniit qaammatit 100-t ingerlanerini § 57 malillugu nalinginnaasumik iluarsaassinerneq aningaasartuutit attartortitsisup tigujartuaassavai. Piffissaliussatut aalajangiunneqartup naannginnerani allamut nuuttoqartillugu attartortup taamaallaat aningaasat piffissami tassani attartor-*

*titsinerup atorunnaarfīgisaani attartortitsisumit akilerneqartussanngorsimangit-sut akilissavai.”*

*Inatsisissatut siunnersuummi § 57 pillugu imaattunik oqaaseqaateqarto-qarpoq:*

*”Aalajangersakkap nassataraa, attartukkamit nuunnermi attartukkap iserterfigi-neqaqqaarnermini pissusaatut isikkoqartillugu tunniunneqartussaanera. Attartuk-kamit nuunnermut atatillugu inissiaq nalinginnaasumik iluarsaanneqassaaq, tamanna pisariaqartinneqarpat, inissiarlu nalinginnaasumik iluarsarneqareersi-manngippat. Nalinginnaasumik iluarsaanermi pineqarput qilaanik qalipaaneq, iik-kanik qalipaaneq tapetilersuinerlu aammalu eqqiaaneq. Taamatuttaaq natit nutaamik lakkernikutut isikkoqassapput. Nalinginnaasumik iluarsaassinissamut at-tartortup assassorlutik sulisartut suliarisaattut isumannaatsumik pitsaassuseqartil-lugit suliarisinnaappagit, attartortoq atorunnaarsitsinissamik ilimasaarinerup naannginnerani nalinginnaasumik iluarsaassissaaq.”*

*Tamatuma saniatigut isumaqarpunga qallunaat attartorneq pillugu i-natsisaanni aalajangersakkat taakku assingi taakkulu pillugit nassuiaataa-sunik oqaaseqaatit nassuiaanerme ilanngullugit atorneqarsinnaasut.*

*Taamaattumik inissiaatileqatigiiffiup apeqquummik taassuminnga paa-sinninnera isumaqatiginngilara.*

*Tamanna makkuninnga tunngavilersorpara:*

*Malittarisassat issuarneqartut inissianik attartorneq pillugu Inatsisartut peqqussuttaanni nr. 3-mi, 13. juni 1994-imeersumi § 34 taarserpaat, taakkulu attartorneq pillugu peqqussummi § 57, imm. 1-imi imm. 2-milu aamma § 58-imi aalajangersakkat issuarneqartut assigaat.*

*Attartorneq pillugu peqqussutip 1994-imeersup inissianik attartortit-sineq pillugu Inatsisartut peqqussutaat nr. 3, 20. juni 1989-imeersoq taarserpaa. Attartortitsineq pillugu peqqussut 1989-imeersoq § 32, imm. 1-imi aalajangersakkamim imaattumik imaqarpoq:*

*”Attartortup inissiamit nuunnermi attartukkani tunniutissavaa iserterfigeq-qaaramiuk pissusaatut itsillugu, naatsorsuutigineqassanngillalli inissiap nammineq aserfallassimanera pisoqaliartornermik nungullariartornermillu pissuteqartut, kii-salu suut amigaatigineqartut attartortitsisup nammineerluni isumagisassai.”*

*Aalajangersagaq taanna pillugu oqaaseqaatinit erserpoq aalajangersa-gaq taanna ”pingaarnerusutigut” Namminersornerullutik Oqartussat inis-siaataanni attartortittakkani Namminersornerullutik Oqartussat naala-gaaffimmit tīgusaanni attartorneq pillugu malittarisassat atuuttut assigi-gaat, tak. inigisassaqaartitsineq, inigisaqarnermut ikiorsiissuteqarneq, inigisanik attartortitsineq il.il. pillugit Kalaallit Nunaannut inatsit nr. 944, 23. december 1986-imeersoq.*

*Taamaalilluni inatsit taanna pillugu oqaaseqaatinit nalinginnaasunit erserpoq naalagaaffiup inissiaatai attartortittakkat Namminersornerullu-tik Oqartussanut nuunneqartut.*

*Attartorneq pillugu peqqussutit allanngorartut Folketingip inatsisaa taaneqartoq inatsisitigut tunngavigaat, § 2-imilu imaattumik aalajangersagaqarpoq:*

*”Kalaallit Nunaanni Namminersornerullutik Oqartussat illumik inigisanillu attartortitsineq pillugu Inatsisartut peqqussusiaasigut maleruagassaliorsinnaapput.”*

*Aalajangersagaq kingulliullugu issuarneqartoq pillugu oqaaseqaatit imaapput:*

*”§ 2-mut. Attartorneq pillugu ataatsimut malittarisassanik aalajangersaanissamut Namminersornerullutik Oqartussat inatsisitigut tunngavissaqalernerat aalajangersakkap taassuma nassataara. Qallunaat attartorneq pillugu inatsisaat Kalaallit Nunaanni atuutinngilaq, kisianni naalagaaffiup attartortitsisarnermini, matumani attartorneq pillugu isumaqatigiissutit ilusilersorneqarnerat ilanngullugu eqqarsaatigalugu, taassuma tunngavii malissimavai.” (Atorfeqarfimmi nutsigaavoq.)*

*Qallunaat attartorneq pillugu inatsisaanni § 98, imm. 1 imaattunik oqaasertaqarpoq:*

*”§ 98. Attartugaq ullormi nuuffimmi kingusinnerpaanik nal. 12.00 qimanneqareersimassaaq. Attartortup attartukkani tunniutissavaa tigugamiuk pissusaatut itsil-lugu, naatsorsuutigineqassanngillalli inissiap nammineq aserfallassimanera pisoqaliartornermik nungullariartornermillu pissuteqartut, kiisalu suut amigaatigineqartut attartortitsisup nammineerluni isumagisassai. Attartugaq taassuma tigurana-nit pitsaanerusumik pissuseqalersillugu suliareqqullugu attartortoq peqquneqar-sinnaanngilaq.” (Atorfeqarfimmi nutsigaavoq.)*

*Qallunaat attartorneq pillugu malittarisassaasa kalaallillu attartorneq pillugu malittarisassaasa taamatut assigiissuteqarnerat tunngavigalugu isumaqarpunga attartorneq pillugu peqqussut atuuttoq qallunaat attar-torneq pillugu inatsisaanni § 98, imm. 1-imi malittarisassaqa taassuma assi-nga naapertorlugu paasineqartariaqartoq.*

*Tamatuma nassataara, tak. Højsteret-ip eqqartuussutaa inissiaatileqa-tigiiffimmu allakkanni 13. august 2002-meersuni innersuussutigisara, at-tartortup inissiamit nuuttup naqqit lakkerneqarnerinut akiluteqaqqunis-saanut attartorneq pillugu peqqussummi § 57, imm. 2-mi oqaaseqatigiit aappaat tunngavigalugu inatsisitigut tunngavissaqannginnera.*

*Allamik erseqqivissumik isumaqatigiissuteqartoqarsimanngippat attar-tortup inissiamit nuunnermini aserfallatsaaliinissamut iluarsaassinissa-mulluunniit akisussaanaera attartorneq pillugu peqqussummi § 57, imm. 1-imi aalajangersarneqarpoq, taannalu malillugu attartortup inissiamit nuunnermini attartukkani iserterfigeqqaarneratut pissuseqartillugu tun-niutissavaa.*

*Naqqit inissiamit nuunnermi iserternerup nalaanitut pissuseqarpata nutaamik lakkerisoqassappat tassunga aningaasartuutaasut attartortit-sisup akilertariaqarpai.*

*Paasivara inissiaatileqatigiiffik akissummini 22. august 2002-meersumi oqarsimasoq inissiamit nuunnermi inissiap aserfallatsaalineqarnermigut pissusaa eqqarsaatigalugu pisut ataasiakkaarlugit naliliisoqartartoq.*

*Inissiaatileqatigiiffiulli oqaatiginngilaa naqqit nutaamik lakkerneqas-sappata tamatumunnga aningaasartuutit attartortumut inissiamit nuuttu-mut akiligassanngortinneqartarnersut.*

*Taamaattumik inassuteqaatigaara inissiaatileqatigiiffiup periaatsini aaqqissagaa, taamaalilluni inissiamit nuunnermi naqqit nutaamik lak-kerneqarnissaannut attartortut akisussaaffiat taamaallaat attartorneq pil-lugu peqqussummi § 57, imm. 1 malillugu aalajangiiffigineqartalersillugu.*

*Taamaalilluni nalinginnaasumik ihuarsaassinnermut aningaasartuutininik attartortitsisup tigusiartuarnissaa pillugu attartorneq pillugu peqqus-summi § 58-imi malittarisassami pineqartoq tassaavoq iserternermi inis-siap aserfallatsaaliinikkut pissusaanut sanilliullugu nalinginnaasumik aserfallatsaaliineq.*

*Inissiaq iserterfigineqarnermini attartorneq pillugu peqqussummi § 28, imm. 1-imi aserfallatsaalineqarnermini piumasarineqartunut naapertuu-tinngippat attartortoq inissiamit tassannga nuunnermini inissiaq taamatut isikkoqalerseqqullugu peqquneqarsinnaanngilaaq.*

*Attartorneq pillugu peqqussummi § 28, imm. 1-imi imaattunik allassima-soqarpoq:*

*”§ 28. Attartortitsisup attartorneqartoq attartornerup aallartinnissaanut piffis-samiit isumaqatigiissutaasimasumiit pitsaasumik illersorneqarsinnaasumillu pit-saassuseqartillugu atugassanngortissavaa. Ikkat, qilaat natillu pissusissaatut i-huarsaanneqarsimassapput, tak. § 57, imm. 2. Attartorneqartoq eqqiarneqarsimas-saaq uumasuaraqassananilu, igalaavi, sikaaviit matui aamma matut tamarmiussap-put parnaarsaatillu atorsinnaassallutik. Tamakku saniatigut matut silarliit tamar-mik immikkut marlunnik matuersaateqassapput, teknikkikkullu atortulersuutit ajo-quteqassanatik.”*

*Aammattaaq tamatumunnga atatillugu isumaqarpunga pissusissami-soortoq oqaatigissallugu attartorneq pillugu peqqussummi § 59, imm. 2-mi misissuineq pillugu nalunaarusiami taaneqartumi amigaatit paarsinerlun-nerlu attartortitsisup isumaa malillugu attartortup akisussaaffigisai ilan-gunneqassasut.*

*Paasinninnera malillugu naternik lakkerineq allatulluunniit nalingin-naasumik aserfallatsaaliineq amigaatitut paarsinerlunnertullu attartortu-mut nanertuutissanngorlugit ilanngunneqarnissaat attartorneq pillugu peqqussummi § 57, imm. 1-imut naapertuuttuunaviannngilaaq, taakku iser-ternermut atatillugu nalunaarusiamut sanilliussinnermi paasineqarsiman-ngippata, tak. attartorneq pillugu peqqussummi § 28, imm. 2.*

*Taamaalilluni pineqartoq tassaasussaavoq attartortup nalinginnaasumik aserfallatsaaliinermut aningaasartuutinik akiliisussanngortinneqas-saneraniq naliliinermi iserternermut atatillugu nalunaarusiap tunngaviutinneqarnissaa.*

*Inissiaatileqatigiiffik qinnuigaara inassuteqaatiga qanoq iliuuseqarnisamat pissutissaqalersitsinersoq uannut nalunaarutigeqqullugu. Tamatumasaniatigut suliami annertunerusumik iliuuseqaqqissanngilanga.”*

Allakkatigut 17. februar 2003-meersutigut inissiaatileqatigiiffiup aki-vaanga:

”A-p naammagittaalliuutaa pillugu Ombudsmandip inassuteqaataa inissiaatileqatigiiffiup 22. marts 2001-imi akivaa. Suliap sumut killinneraniq inissiaatileqatigiiffiup apeqquteqarnerata kingorna Ombudsmandip allakkatigut 16. august 2001-meersutigut nalunaarutigaa inissiaatileqatigiiffik eqqarsaatigalugu suliaq inaarlugu suliarineqarsimasoq.

Tamatununga peqatigitillugu attartortup attartukkaminit nuunnerminut pissaaffii pillugit inatsimmi malittarisassat qanoq paasineqartarnerat Ombudsmandip Ineqarnermut Pisorta qarfirmut apeqqutigaa. Pisorta qarfiup Ombudsmandi allakkatigut 9. november 2001-meersutigut akivaa.

Suliaq Ombudsmandip allagaasigut 13. august 2002-meersutigut inissiaatileqatigiiffik eqqarsaatigalugu nammineerluni misissuinertut suliarineqqinnekalerpoq. Inissiaatileqatigiiffiup Ombudsmandi allakkatigut 22. august 2002-meersutigut akissuteqarfigaa.

Ombudsmandi nammineerluni misissuinini pillugu allakkatigut 27. januar 2003-meersutigut oqaaseqaateqarpoq.

Ombudsmandi suillermik inerniliilluni oqarpoq (...) Kalaallit Nunaanni inissianik attartorneq pillugu Inatsisartut peqqussutaat (§§-it 57-58) imatut paasisariaqartoq taanna qallunaat inissianik attartorneq pillugu inatsisaanni aalajangersakkap (§ 98) assigigaa, naak malittarisassat taakku tunngavimmikkut assigiinngikkaluartut.

Ombudsmandip innersuussutigalugu oqaatigaa inissianik attartorneq pillugu Inatsisartut peqqussutaata siullup 1989-imi akuerineqarnerani oqaaseqaatinit ersertot Inatsisartut peqqussutaanni attartukkamit nuunneq pillugu malittarisassat qallunaat malittarisasa assigisagaat. Inissianik attartorneq pillugu Inatsisartut peqqussutaat allat marluk kingusinnerusukkat akuerineqarsimanerat, attartukkamillu nuunnermit malittarisassat Inatsisartut peqqussutaat 1989-meersoq eqqarsaatigalugu allanngortinneqarsimanerat Ombudsmandip isiginiarsimangilaa.

Inissianik attartorneq pillugu Inatsisartut peqqussutaanni 1999-meersumi allannguutit, tassalu peqqussummi aalajangersakkap piareersarlugu suliarineqarnerani oqaaseqaatit ilanngunneqarnissaat pisariaqanngitsoq Ombudsmandi isumaqarsimavoq. Ombudsmandip taamatut inerniliinerata nassataraa Inatsisartut peqqussutaanni 1989-meersumi aalajangersakkap qallunaat attartorneq pillugu inatsisaanni aalajangersagaq assigimmagu taaneqartoq kingulleq inissianik attartorneq pillugu Inatsisartut peqqussutaata qanoq paasineqarnissaanik nassuiaanermi tamatigut aalajangiisusassasoq.

Ombudsmandi attartortup attartukkaminit nuunnermini pissaaffii pillugit malittarisassat qanoq atorneqartarnissaannik inassuteqaanni pillugu oqaaseqaateqaqqusisimammatt (...) ineqarnermut, Attaveqarnermut Pilersuiner Mullu Pisorta qarfiup alagai 9. november 2001-meersut inissiaatileqatigiiffiup innersuussutigai, tassani iserternermi inissiat pissusiata, inissiallu qimallugu tunniunneqarnerani aserfallat-

saaliineq pisussaaffiillu akornanni ataqatigiinneqarnera allaaserineqarmat, malit-tarisassat ilusilersugaanerat tunngavilersorneqarluni. Tassannga takuneqarsinnaasut-naq qit attartortup iserternerani nalinginnaasumik aqqissuunneqarsimasussaap-put.

Iserternermi nalunaarusiamit aamma attartortup amigaatit pillugit nalunaarusiaa-nit ersertussaavoq inissiaq pineqartoq iserterfigineqarnermini nalinginnaasumik ta-makkiisumillu aqqissuunneqarsimannginnersoq. Iserternermi amigaatit attartortup akisussaaffiginngilai, tamannalu nalunaarusiat pineqartut suliarineqartarnerannut pissutaavoq.

Allakkat uku Ombudsmandillu allagaasa kingulliit assilineri inissiaatileqatigiif-fiup Namminersornerullutik Oqartussanut nassiuppai.”

Inissiaatileqatigiiffimmut 30. april 2003-mi imatut allagaqarpunga:

„Suliami inassuteqaatiga inissiaatileqatigiiffiup allakkatigut 17. februar 2003-meersutigut akivaa.

Tamatumunnga atatillugu oqaatigaara qallunaat attartorneq pillugu inatsisaanni § 98 attartortut aserfallatsaaliinissamat pisussaaffiat eqqarsaatigalugu 1979-imiilli al-lannguuteqarsimanngitsoq, taamaalillunilu Kalaallit Nunaanni pisortat inissiaa-taanni attartortittakkani naalagaaffiup attartortitsineri piomasqaataanut aamma tunngaviusimasoq, Kalaallillumi Nunaanni attartorneq pillugu peqqussummut siul-lermut 1989-imeersumut aamma aallaaviusimasoq.

Tamatuma pissuseqataanik pineqarpoq Kalaallit Nunaanni 1989-ip kingorna at-tartornermut peqqusutini allanngorartuni attartukkap qimannerani tiguneqarneratut isikkoqartillugu tunniunneqarnissaanik malittarisassaq ilanngunneqartarsimavoq.

Taamaattumik attartukkap iserterfigineqarneratut isikkoqartillugu qimannerani tunniunnissaanut attartortup pisussaaffeqarnera pillugu ataatsimut malittarisassap aserfallatsaaliinissamat immikkut pisussaffinnit salliutinneqarnissaanik Danmarki-mi inatsisitigut atuuttup tunngaviutinissaa eqqarsarnartortaqtartinnngilara.

Aamma paasivara inissiaatileqatigiiffik tamanna naapertorlugu aqutsiniartoq, taamaattumillu suliami annertunerusumik iliiuseqaqqissanngilanga.“

## 49. Akiliisitsiniarnermik suliaqarneq

1. **Suliassat suliarineqartarnerat pillugu inatsimmi ingerlatsinermi oqartussaasunut ilaanngitsunut akileraarutitigut utertoortisiassat pillugit paasissutissanik tunniussisarneq. Pinngitsaaliissummik akiliisitsiniartoqareersinnagu akileraarutitigut utertoortisiassanit ilanngaassinissamik qinnuteqarneq.**

*Ombudsmandip oqaatigaa kommunip paasissutissanik politiinut tunniussisinnacaneramik apeqqut suliassat suliarineqartarnerat pillugu inatsimmi nipangiussisussaataaneq pillugu malittarisassat malillugit naliliiffigineqassasoq, paasissutissanik oqartussaasunut allanut tunniussisarneq pillugu malittarisassat malillugit naliliiffigineqarnani.*

*Aammattaq Ombudsmandip oqaatigaa Ombudsmandip paasininnera unaasoq qularnaveeqqutitut arsaarinninnissamik aalajangiinermik imaluunniit innuttaasumit pineqartumit pisassarisanik allamut tunniussinissamut akuersissummik tunngavisaqarnani kommuni akiliisitsissutit imaluunniit arsaarinnissutit politiit (qallunaat naalagaaffiata) pisassarisaasa matusissutisaannik akileraarutitigut utertoortisiassanit inatsisinik unioqutitsinani ilanngaassinnaassanngitsoq imaluunniit unerartitsinnaassanngitsoq. (J.nr.11.73.49.12/044-03)*

Kommunit paasissutissanik politiinut tunniussisinnacanerannik apeqqummut tunngatillugu Kalaallit Nunaanni akileraartarnermut oqartussaasut periaasiat, taamatullu aamma qularnaveeqqutitut arsaarinninnissaq pillugu aalajangiisoqarsimatinnagu innuttaasorluunniit pineqartoq pisassarisanik allamut tunniussisoqarnissaanik akuersissuteqarsimatinnagu politiit qinnuteqaateqarnerisigut kommunit akileraarutitigut utertoortisiassanik politiinut tunniussinnissamut pisussaaffeqarnerannut tunngasumik apeqqut, Ombudsmandi pillugu inatsimmi § 6, imm. 5 naapertorlugu, misissuineramik 14. marts 2003-mi nammineerlunga aallartitsivigaakka.

Misissuinaera allagaatinik illoqarfimmi K-mi pinngitsaaliilluni akiliisitsiniartartumit uannut faxikkut nassiunneqartunik ukuningga aallaaveqarpoq:

Kalaallit Nunaanni politiinit, illoqarfik K, K Kommunimut allakkat 15. august 2002-mi ullulerneqarsimasut, taakkunanngalu makku erseput:

”Illoqarfimmi K-mi politiit eqqartuussisarneq pillugu inatsimmi kapitali 7 § 25 tunngavigalugu qinnutigaat inuit akiliisitsissutinut Kalaallit Nunaanni Politimesterip akiliisitsissutinik allattuiffiani naqtanngortitami inuit normui malillugit tulleriinilersorneqarsimasut malillugit akileraarutitigut utertoortisiassaannit unerartitsisoqarnissaa.

Aningaasat unerartitat Kalaallit Nunaanni Politimesterimut konto ... atorlugu akileqquneqarput. Inuit aningaasallu allattorsimaffiat suliareqquneqarpoq, illoqar-



fimmi K-mi politiinut, ... kiisalu Kalaallit Nunaanni Politimesterimut ... nassiuteq-quneqarluni.” (Atorfeqarfimmi nutsigaavoq.)

K Kommuni illoqarfimmi K-mi politiinut allagai 3. september 2002-meersut, taakkunangalu makku erserlutik:

”Ilanngullugit utertillugit nassiunneqarput akiliisussanngortitaasut allattorsimaffiat, 2001-imi akileraarutitigut utertoortisiassanit unerartitsisoqarnani imaluunniit qularnaveeqqutitut arsaarinnittoqarnani.

Tamanna pillugu qinnuteqaatersi kommunip pinngitsaaliilluni akiliisitsiniartartuanit naammassineqarsinnaanngilaq, tassami Kalaallit Nunaanni eqqartuussutiniq naammassitsiniartartut pillugit nalunaarummi nr. 90-imi, 1. marts 1983-imeersumi § 1, imm. 1 oqarmat, issuaaneq: Piumasanik Kalaallit Nunaanni eqqartuussisarneq pillugu inatsimmi kapitali 7, § 1, stk. 2-mi taaneqartunik akiligassanik akiliisitsiniartartut (kommuni akilii-sitsiniartartui) pinngitsaaliinikkut naammassitsiniartassapput. Imm. 2. Piumasanik allanik politiit pinngitsaaliinikkut naammassitsiniartassapput. Pillaammik akiliisitsissutit eqqartuussisarneq pillugu inatsimmi kap. 7, § 1, imm. 2-mi taaneqarsimanngimmata tamatumunnga atatillugu 2001-imi akileraarutitigut utertoortisiassanit unerartitsisinnaanngilagut imaluunniit qularnaveeqqutitut arsaarinnissinnaanata.” (Atorfeqarfimmi nutsigaavoq.)

kiisalu Kalaallit Nunaanni Politimesterip K Kommunimut allagai 25. februar 2003-meersut, taakkunangalu makku erserlutik:

”Kommuni illoqarfimmi K-mi politiinut allakkatigut 9. september 2002-meersutigut nalunaarutigisimavaa akileraartartut akiliisitsissutit imaluunniit arsaarinninnerit tunngavigalugit akiitsuinut matusissutissanik akileraarutitigut utertoortisiassanit politiit unerartitsisoqarnissanik qularnaveeqqutitulluunniit arsaarinnittoqarnissanik qinnutigisaat kommunip malikkumannikkkaa. Kommuni tunngavilersuutitut oqaatigaa akiliisitsissutiniq arsaarinnissutinilluunniit akiliisitsiniarneq kommunimi pinngitsaaliilluni akiliisitsiniartartut suliasarinngikkaat, politiilli eqqartuussutiniq naammassitsiniartarnermi akiliisitsiniartartut suliasarigaat, tak. nalunaarummi nr. 90-imi, 1. marts 1983-imeersumi § 1, imm. 2, tak. imm. 1.

Tamatumunnga atatillugu oqaatigaara politiit unerartitseqqusillutik/ilanngaassequsillutik qinnutigisaat kommunimut pinngitsaaliilluni akiliisitsiniartartut akiliisitsiniaqqusilluni qinnuteqaataanngitsoq, tassaallunili kommunimut akileraartarnermi oqartussaasutut akiligassaqarfigineqartutullu unerartitseqqusilluni/ilanngaassequsilluni qinnuteqaat. Periaaseq tamatuma assinga Kalaallit Nunaanni illoqarfimmi allani atornerpoq, tassami inuit oqartussaasunit akileraarutitigut utertoortisiassaqartut aqqisa allattorsimaffiniq politiit akileraartarnermi oqartussaasunit tigusaqartarmata. Allattorsimaffiup taassuma inuit akiliisitsissutit arsaarinnissutillu tunngavigalugit akiitsullit politiini nalunaarsorsimaffiannut sanilliussinikkut akileraartartut kikkut unerartitsivigineqarnissaat/ilanngaassivigineqarnissaat eqqarsaatigalugu politiit tunngavissaqalersarput.

Inuit kikkut akileraarutit utertoortisiassaqarnerat pillugu paasisutissanik akileraartarnermi oqartussaasut politiinut ingerlatitseqqiinnaanerannut inatsisitigut tunngavigisassaq pisortat ingerlatsinerat pillugu inatsimmi § 28, imm. 2-mit 3-millu erserpoq, taakkulu imaapput:

”Imm. 2. Paasisutissanilli imm. 1-imi taaneqartunik ingerlatitseqqittoqarsinnaavoq,

- 1) kinaluunniit, paasissutissani pineqartoq, isumaqataareersimappat,
- 2) inatsisip imaluunniit inatsit naapertorlugu aalajangersakkat kingunerisussaap-passuk paasissutissat ingerlateqqinneqarnissaat,
- 3) ingerlatitseqqinneq pissappat inuinnaat pisortalluunniit soqutigisaat isertuussi-nissamiit, aamma paasissutissani pineqartup innimigineqarnissaaniit erseqqivis-sumik pingaarnerutillugit isumaginiarnerat, imaluunniit
- 4) ingerlatseqqinnissaq suliaassap suliarinerani pisariaqarsimappat imaluunniit pisortat nakkutiginnikkut misissuinikkulluunniit suliassaasa naammassineqarsin-naanerannut taamaasiornissaq pisariaqarpat.

Imm. 3. Paasissutissat allanut oqaatigeqqunngisat allat imm. 2-mi taaneqartunik pisoqartillugu ingerlatsineranut oqartussaasunut allanut ingerlateqqinneqarsinnaap-put taamaallaat paasissutissiinissaq oqartussaasut sulinerannut imaluunniit oqartus-saasut aalajangigassaannut annertuumik pingaaruteqarsorinarpat.”

Aningaasaqarnermut tunngasut pillugit paasissutissat ”paasissutissatut isertuus-sassatut allatut” isigineqarput, tak. pisortat ingerlatsinerat pillugu inatsimmi oqaase-qaatitalimmi § 28 pillugu oqaaseqaatit.

Taamaalilluni politiit paasissutissanik taakkuninnga tigusaqarnerat pillaammik akiliisitsineranut akiitsullit ataasiakkaat akileraarutitigut utertoortissaqarnerannik paasisaqarsinnaanerannut tunngaviuvoq, taamalu unerartitseqqusinissamut/ilan-gaasseqqusinissamut tunngavissamik pissarsisinnaaneranut tunngaviulluni, tak. § 28, imm. 3, tak. imm. 2, nr. 4. Tamatuma saniatigut oqaatigaara akiliisitsissutinik a-kiliisitsiniarnermut immikkut pinaveersaartitsinermi isiginiagassatut tunngaviusut paasinninnera malillugu akiliisitsissutinut akiitsullip imaluunniit akileraartartut al-lat akileraartarnermi oqartussaasunit aningaasanik pisassaqarnerminnik politiinut i-sertuussinissamik soqutigisaat erseqqissumik akimoraa, tamatumani tak. § 28, imm. 3, tak. imm. 2, nr. 3. Taamaalilluni inuit akileraarutinut akiitsullit pillugit paasissu-tissat politiinut pinngitsaaliinikkut akiliisitsiniartartuusunut paasissutissatut inger-lanneqarneq ajorput.

Kiisalu oqaatigaara inuit kikkut akileraarutitigut utertoortisiassaqarnerat pillugu paasissutissat tassaammata politiit eqqartuussisarneq pillugu inatsimmi kap. 7, § 25, imm. 2, tak. § 12, imm. 1, tunngavigalugu unerartitseqqusinissamik/ilanngaasseq-qusinissamik aalajangiiniarneranni tunngaviusut – aamma annertooujussuarmik pi-ngaaruteqartut.

Qinnutigisaq taamaattoq kommunip malikkumanngippagu politiit pinngitsaaliil-lutik akiliisitsiniartarnermi oqartussaasutut kommunimut taamatut peqqusinissa-minnut inatsisitigut tunngavissaqarput, tak. eqqartuussisarneq pillugu inatsimmi kap. 7, § 25, imm. 2, tak. § 12, imm. 1. Unerartitseqqusissummik tigusaqartoq kom-muni peqqusissummik malinninngippat taarssiisuteqartussaataivoq, tak. eqqar-tuussisarneq pillugu inatsimmi kap. 7, § 14, imm. 1. Tamanna pisassarisanik allanut tunniussisoqarnissaanik akuersissuteqartarneq pillugu pigisat pillugit inatsiseqar-titsinermi malittarisassat nalinginnaasut aamma nassataarat.

Manna tikillugu peqqusissuteqarnissaq pisariaqartarsimannilaq, tassami periaa-seq qulaani taaneqartoq naammaginatuumik ingerlasimammat.

Qinnuigaakkit kommunip nutaamik isumaliutersuuteqareerluni periaaseq manna tikillugu malinneqarsimasoq nangissallugu piareersimanersoq nalunaarutigeqqul-lugu.” (Atorfeqarfimmi nutsigaavoq.)

Tamatuma kingornatigut Akileraartarnermi Pisorta qarfinnut 14. marts 2003-mi imatut allappunga:

”K Kommunimi pinngitsaaliinikkut akiliisitsiniartartup saaffiginnissutaa, assilina ilanngullugu nassiunneqartoq, tiguara.

Isumaqarpunga Kalaallit Nunaanni Politimesterip K Kommunimut allakkamini 25. februar 2003-meersuni kommuni peqataaqullugu qinnutiginninneratut annertutigisumik kommunimit paasissutissanik politiiunut ingerlatitseqqinnissaannut inatsisitigut tunngaviusoq erseqqarluttusoq.

Aammattaq isumaqarpunga qularnaveeqqutitut arsaarinninnissaq pillugu aalajangiisoqarsimatinnagu innuttaasorluunniit pineqartoq pisassarisaminik allamut tunniussisoqarnissaanik akuersissuteqarsimatinnagu akileraarutinit utertoortisiassanit politiiit qinnuteqateqarnerisigut kommunit politiiunut tunniussarnissaat pillugu inatsisitigut tunngavigisaq nalorninartoqarsinnaasoq.

Tamanna tunngavigalugu aalajangerpunga, tak. Ombudsmandi pillugu inatsimmi § 6, imm. 5, Kalaallit Nunaanni akileraartarnermi oqartussaasut apeqqutitut taaneqartunut tunngatillugu periaasiat nammineerlunga misissuiffiginiarlugu.

Tamatumunnga atatillugu pisortaqarfik qinnuigaara makku nassuiaqqullugit:

- Innuttaasut aningaasarsianit akileraarutit pillugit inatsimmi § 50 imaluunniit inaarutaasumik naatsorsuineq tunngavigalugu akileraarutinit utertoortisiassaat pillugit paasissutissanik kommunit (amma Akileraartarnermi Pisortaqarfik innuttaasut kommunit agguataarsimanerisa avataanni najugaqartut eqqarsaatigalugit) politiiunut qanoq annertutigisumik ingerlatitseqqittarnersut.

- Innuttaasup pisassarisaminik allamut tunniussisoqarsinnaanissaanik akuersisimanera imaluunniit qularnaveeqqutitut arsaarinninnissamik aalajangiisoqarsimanera qulakkeeqqaarnagu akileraarutinit utertoortisiassanik taamaattunik kommunit (amma Akileraartarnermi Pisortaqarfik innuttaasut kommunit agguataarsimanerisa avataanni najugaqartut eqqarsaatigalugit) politiiunut qanoq annertutigisumik tunniussisarnersut.

Aammattaq pisortaqarfik qinnuigaara periaatsip atuuttup inatsisitigut tunngavigisaanik paasinninnini nassuiaqqullugu.”

Tamatumunnga peqatigitillugu Kalaallit Nunaanni Politimesterimut imatut allappunga:

”Politimesterip K Kommunimut allagai 25. februar 2003-meersut pillugit kommunimit attaveqarfigineqarninnut atatillugu vicepolitimester .... -imik 12. marts 2003-mi oqarasuaattikkut oqaloqateqarninnut uiggiullugu nalunaarutigisinnaavara apeqqutit uku pillugit nammineerlunga misissuina aallartissimagia:

- Akileraartarnermi oqartussaasut paasissutissanik politiiunut ingerlatitseqqittarnernut inatsisitigut tunngavigisaq, amma

- Innuttaasut akileraarutinit utertoortisiassaannit pinngitsaaliinikkut naammassinninniaqqusissutitut atatillugu akileraartarnermi oqartussaasut suliarinnittarnerannut inatsisitigut tunngavigisaq.

Matumunnga peqatigitillugu Akileraartarnermi Pisortaqarfimmut allakkama assilineri ilanngullugit nassiunneqartut innersuussutigaakka.

Aamma politiiit ataqinnittumik qinnuigaakka ajornartorsuutit misissuininna pineqartut pillugit politiiit massakkut amerlanerusunik oqaaseqaatissaqarnersut nalunaarfigeqqullunga.

Tamatumunnga atatillugu malugeqqullugu oqaatigaara Akileraartarnermi Pisortaqarfiup uannut akissutaata oqaaseqaateqarfiginissaanut politiiit periarfissinnissaat naatsorsuutigigiga.”

Akileraartarnermi Pisortaqarfiup allakkatigut 7. maj 2003-meersutigut akivaanga. Allakkanit taakkunnga makku erseput:

”Ombudsmandip allakkani 14. marts 2004-meersuni Akileraartarnermi Pisortaqarfik nalunaarfigaa K Kommunimi pinngitsaaliilluni akiliisitsiniartartup saaffiginnissutaa tunngavigalugu innuttaasut akileraarutitigut utertoortisiassaannit pinngitsaaliilluni akiliisitsiniartarnermi Kalaallit Nunaanni akileraartarnermi oqartussaasut periaasiat kiisalu akileraarutitigut utertoortisiassat pillugit paasissutissat oqartussaasunut allanut nalunaarutigineqartarnerat pillugit nammineerluni misissuineq aallartinniarlugu Ombudsmandi aalajangertoq.

Ombudsmandip oqaatigaa Ombudsmandi isumaqartoq Kalaallit Nunaanni Politimesterip K Kommunimut allakkamini 25. februar 2003-meersuni kommuni peqataaqqullugu qinnutiginninneratut annertutigisumik kommunimit paasissutissanik politiiut ingerlatitseqqinnissamat inatsisitigut tunngaviusoq erseqqarluttuusoq.

Aammattaq Ombudsmandip oqaatigaa qularnaveeqqutitut arsaarinninnissaq pillugu aalajangiisoqarsimatinnagu innuttaasorluunniit pisassarisanik allanut tunniussisoqarnissaanik akuersisimatinnagu akileraarutitigut utertoortisiassanik politiiit qinnuteqarnerisigut kommunit politiiut tunniussisarnissaat pillugu inatsisitigut tunngavigisaq nalorninartoqarsinnaasoq.

Ombudsmandip tamatumunnga atatillugu Akileraartarnermi Pisortaqarfik makku pillugit nassuiaateqaqqullugu qinnuigaa:

”Innuttaasut aningaasarsianik akileraarutit pillugit inatsimmi § 50 imaluunniit inaarutaasumik naatsorsuineq tunngavigalugu akileraarutinit uteroortisiassaataat pillugit paasissutissanik kommunit (aamma Akileraartarnermi Pisortaqarfik innuttaasut kommunit agguataarsimanerisa avataanni najugaqartut eqqarsaatigalugit) politiiut qanoq annertutigisumik ingerlatitseqqittarnersut.

Innuttaasup pisassarisaminik allanut tunniussisoqarsinnaanissaanik akuersisimanagera imaluunniit qularnaveeqqutitut arsaarinninnissamik aalajangiisoqarsimanera qulakkeeqqaarnagu akileraarutinit utertoortisiassanik taamaattunik kommunit (aamma Akileraartarnermi Pisortaqarfik innuttaasut kommunit agguataarsimanerisa avataanni najugaqartut eqqarsaatigalugit) politiiut qanoq annertutigisumik tunniussisarnersut.”

Kiisalu Ombudsmandip Akileraartarnermi Pisortaqarfik qinnuigaa periaatsip atuuttup inatsisitigut tunngavigisaanik paasinninnini nassuiaqqullugu.

Kommunini akileraaruseriffinnit akiliisitsiniartarfinnillu akissutinit tiguneqarsimasunit ilanngullugit nassiunneqartunit takuneqarsinnaasutut periaaseq kommunimit kommunimut assigiinngisitaartorujussuuvog, taamaattumillu Akileraartarnermi Pisortaqarfiup Politimesteri aamma KANUKOKA suleqatigalugit paasissutissanik politiiut ingerlatitseqqittarneq kiisalu innuttaasut akileraarutitigut utertoortisiassaannik politiiut tunniussisarneq pillugu ataatsimut tunaartarisassat suliariniarpai.

Akileraartarnermi Pisortaqarfik isumaqarpoq politiiit eqqartuussutininik pinngitsaaliinikkut naammassisitsiniartartut innuttaasut pilluammik akiliisitsissutininut arsaarinnissutinulluunniit akiitsui tunngavigalugit akiliisitsiniarsinnaajuannartut, qularnaveeqqutitut arsaarinninnissamik aalajangiinikkut imaluunniit innuttaasumit pineqartumit pisassarisanik allanut tunniussisoqarnissaanut akuersissummik tunngavik pigineqarpat. Taamatuttaaq Akileraartarnermi Pisortaqarfik isumaqarpoq innuttaasut pilluammik akiliisitsissutininut arsaarinnissutinulluunniit akiitsui tunngavigalugit innuttaasut akileraarutitigut utertoortisiassaannit akiliisitsiniarsinnaasut, eqqartuussisarneq pillugu inatsimmi § 25, imm. 2 innersuussutiginnarlugu, tassami ilmagisariaqarmat ”tunniunneqartussat allat”-ni akileraarutaagallartut inaarutaasumik

akileraarutinit amerlaneruppata aningaasat utertillugit akilernerqartussat aamma pineqartunut ilaatinneqartut.

Akileraartarnermi Pisorta qarfiup paasinninnera malillugu suliaasat suliarineqartarnerat pillugu inatsimmi § 28-mi inatsisitigut tunngavissaqarpoq akileraartarnermi oqartussaasut inuit kikkut akileraarutitigut utertoortutisinnissaannik paasissutissanik politiinut ingerlatitseqqinnissaannut. Paasissutissat taakku inuit kikkut akileraarutitigut utertoortutisissaqarnerat pillugu ataatsimut takussutissiatut imaluunniit paasissutissat taakku inuit aalajangersimasut pillugit politiinut aalajangersimasumik saaffiginninnermut akissutitut tunniunneqartassanersut Akileraartarnermi Pisorta qarfiup isumaliutersuutiginiarpaa.” (Atorfeqarfimmi nutsigaavoq.)

Kommunini akileraaruseriffinnit akiliisitsiniartarfinnillu akissutit Akileraartarnermi Pisorta qarfiup ilanngullugit nassiussaasa issuarneqannginnissaat toqqarsimavara.

Kalaallit Nunaanni Politimesteri 7. maj 2003-mi uannut allappoq taamani oqaaseqaateqarnissamut pissutissaqarnani, Akileraartarnermi Pisorta qarfiup akissutaa pillugu oqaaseqaateqarnissamut periarfissinneqarnissani naatsorsuutigalugu.

Akileraartarnermi Pisorta qarfiup allagai Kalaallit Nunaanni Politimesterimut 21. juli 2003-mi nassiuppakka, suliaq pillugu oqaaseqaateqartinnissaa siunertaralugu.

Kalaallit Nunaanni Politimesterip allakkatigut 13. august 2003-meersutigut imatut nalunaarfigaanga:

”Oqaatigineqassaaq inuit kikkut akileraarutitigut uteroortutisissaqarnerannik paasissutissat akileraartarnermi oqartussaasunit politiinut suliaasat suliarineqartarnerat pillugu inatsimmi § 28, imm. 3 inatsisitigut tunngavigalugu ingerlateqqinnegarsinnaanerannik Akileraartarnermi Pisorta qarfiup paasinninnera isumaqatigigiga.

Tamatumunnga atatillugu K Kommunimut allakkanni 25. februar 2003-meersuni oqaaseqaatikka aamma innersuussutigisinnaavakka.

Aammattaaq oqaatigineqassaaq atorfeqarfiup matuma – Akileraartarnermi Pisorta qarfik tamanna pillugu oqaloqatigereerlugu – inuit aalajangersimasut pillugit apeqquteqaatit aalajangersimasut tunngavigalugit akileraartarnermi oqartussaasut paasissutissanik politiinut ingerlatitseqqittarnerannik aaqqiissuussisoqarnissaa pia-reersimaffigigaa.” (Atorfeqarfimmi nutsigaavoq.)

*Tamakku tunngavigalugit imaattunik oqaaseqaateqarpunga:*

*“1. Paasissutissanik kommunimit politiinut ingerlatitseqqittarneq.*

*Aallaqqaasiutitut oqaatigaara Kalaallit Nunaanni akileraartarnermi oqartussaasut pisortat ingerlatsineranni suliaasat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi pineqartunut ilaatinneqarmata. Taamaattumik suliaasat suliarineqartarnerat pillugu inatsimmi malittarisassat tassaapput Kalaallit Nunaanni akileraartarnermi oqartussaasut paasissutissanik Kalaallit Nunaanni politiinut ingerlatitseqqinnissamut pissusaaffeqarnerannik naliliinermi atorneqartussat.*

*Immikkoortumi matumani kommuni (ingerlatsinermi oqartussaasoq) paasissutissanik politiinut ingerlatitseqqissimaanersoq misissorpara. Aallaqqaasiullugu oqartussaasut sorliit Kalaallit Nunaanni suliassat suliarineqartarnerat pillugu inatsimmi pineqartunut ilaatinneqarnersut misissorpara, ilaatigut suliassat suliarineqartarnerat pillugu inatsimmi paasissutissanik allanut ingerlatitseqqittarneq pillugu § 28-mi malittarisassaq paasissutissanik kommunimit (ingerlatsinermi oqartussaasumit) politiinut ingerlatitseqqinnissaannut atorneqarsinnaanersoq ilanngullugu.*

1.1 Oqartussaasut suliassat suliarineqartarnerat pillugu inatsimmi pineqartunut ilaatinneqartut.

*Pisortat ingerlatsineranni suliassat suliarineqartarnerat pillugu Inatsisartut inatsisaanni § 1, imm. 1 imaattumik aalajangersaavoq:*

*”§ 1. Inatsit una Namminersornerullutik Oqartussani kommuninilu pisortat ingerlatsinerisa ilaanut tamanut atortuuvog.”*

*Aalajangersagaq taanna pillugu oqaaseqaatini oqaatigineqarpoq:*

*”§ 1-imut*

*§ 1-imi aalajangerneqarpoq oqartussaasut kikkut suliarisartagaasa inatsimmi pineqarnerat. Killiunneqartut naapertuupput inunnut tamanut isertuussinnginnissamik inatsimmi malittarisassat malillugit atortuusut. Inatsimmi pineqarput Namminersornerullutik Oqartussanut atallutik ingerlatsinermut oqartussaasut tarmik, Namminersornerullutik Oqartussaniittuugunik kommuniniittuugunilluunniit aammalu apequtaatinnagu ingerlatsinermut oqartussaasuunersut nalinginnaasut imaluunniit immikkut ataatsimiititaliaanersut aalajangiisartut (nævn) siunnersuisartulluunniit (råd). Tassa inatsit naalagaaffiup Kalaallit Nunaanni ingerlatsinermut oqartussaataitaanut atortuunngilaq.*

*...”*

*Taamaalilluni Kalaallit Nunaanni politiit naalagaaffiup ingerlatsineranni oqartussaasuummata suliassat suliarineqartarnerat pillugu inatsit politiinut atuutinngilaq.*

1.2 Paasissutissanik ingerlatitseqqinneq – Suliassat suliarineqartarnerat pillugu inatsimmi § 28.

*Kalaallit Nunaanni ingerlatsinermi oqartussaasut paasissutissanik ingerlatitseqqittarnerat pillugu malittarisassat pisortat ingerlatsineranni suliassat suliarineqartarnerat pillugu Inatsisartut inatsisaanni § 28-miipput. § 28 imaattunik aalajangersaavoq:*

*”§ 28. Inuit ataasiakkaat allanit sunissaqaratik pissuserisaat, tamakkununga ilanngullugit naggueqatigiinnut sunut ilaanermut, upperisarsiornermut aamma am-*

*mip qalipaataanut, naalackersuinnermut, peqatigiiffeqarnermut, kinguaassiuutunik atuinermut, pinerluttarnermut tunngasut pillugit paasissutissat kiisalu peqqissusermut inooqatigiinnermi ajornartorsiutinut aamma inuulluarniutunik atuinermut tunngasut pillugit paasissutissat ingerlatsinermut oqartussaasunut allanut ingerlateqqinneqassanngillat.*

*Imm. 2. Taamaattorli paasissutissanik imm. 1-imi taaneqartunik ingerlatitseqqittoqarsinnaavoq,*

*1) inuk paasissutissiisutigineqartussaq akuersisimappat,*

*2) paasissutissanit pineqartoq paasissutissanik ingerlatseqqinneq pineqartup qularutissaanngitsumik soqutigisaanik aallunneqarnissaa siunertaralugu pippat akuersinissaminut mattunneqassaaq,*

*3) paasimalikkap ingerlateqqinnissaa inatsisitigut imaluunniit inatsit malillugu aalajangersakkatigut ajornartitaanngippat,*

*4) ingerlatitseqqinneq pissappat inuinnartut imaluunniit pisortaqarfittut soqutigisat, soqutigisanit isertuunnissaannut pissutaasunit, tamakkununga ilanngullugit soqutigisat paasissutissiisutigineqartussamut tunngasut, annertunerujussuit sulissutiginnissaannut, imaluunniit*

*5) ingerlatitseqqinneq suliassap sularinerani pisariaqarpat imaluunniit pisariaqarpat oqartussaasut nakkutilliinermik imaluunniit misissuinnermik suliassaminnik naammassinninnissaannut.*

*Imm. 3. Paasissutissat allanut oqaatigeqqunngisat allat imm. 2-mi taaneqartunik pisoqartillugu ingerlatsinermut oqartussaasunut allanut ingerlateqqinneqarsinnaapput taamaallaat paasissutissiinissaq oqartussaasut sulinerannut imaluunniit oqartussaasut aalajangigassaannut annertuumik pingaaruteqarsorinarpat.*

*Imm. 4.....”*

*Aalajangersagaq taanna paasissutissanik ingerlatsivimmi oqartussaasumit ingerlatsivimmi oqartussaasumut allanut ingerlatitseqqinnermut tunngasuuvog.*

*Qulaani immikkoortoq 1.1-imi oqaatigineqarpoq oqartussaasut sorliit suliassat sularineqartarnerat pillugu inatsimmi pineqartunut ilaatinneqarnerat. Tassani oqaatigineqartut nassataraat Kalaallit Nunaanni politiiit naalagaaffiup ingerlatsinerani oqartussaasusut, taamaattumillu suliassat sularineqartarnerat pillugu inatsimmi malittarisassani pineqartunut ilaatinneqanngitsut.*

*Tamatuma kingornatigut apequtaalerpoq paasissutissanik oqartussaasunut suliassat sularineqartarnerat pillugu inatsimmi pineqartunut ilaatinneqanngitsumut ingerlatitseqqinnermi suut atuuttuunersut.*

### *1.3 Paasissutissanik oqartussaasunut suliassat sularineqartarnerat pillugu inatsimmi pineqartunut ilaatinneqanngitsumut ingerlatitseqqinneq.*

*Suliassat sularineqartarnerat pillugu inatsimmi § 28 pillugu oqaaseqaatini paasissutissanik isertuussassanik oqartussaasunut ingerlatsinermit oqartussaasunut ilaanngitsunut ingerlatitseqqittarneq pillugu makku oqaatigineqarput:*

*”...*

§ 27-mi [28-mi] aalajangersakkani paasissutissanik isertuussassanik ingerlatitsinermi oqartussaasunut allanut ingerlatitseqqittarneq kisimi pineqarpoq. Taamaallutik paasissutissanik eqqartuussivinnut aamma Inatsisartut Ombudsmandiannut kiisalu nunani allani oqartussaasunut ingerlatitseqqittarneq aalaja-nger-sakkap taassuma avataaniippoq. Ingerlatitsinermi oqartussaasunit allanut paasissutissanik ingerlatitseqqittoqarsinnaanerani apeqquq manna tikillugu malittarisassanik atuuttunik tunngaveqartussaavoq.

...” (Atorfeqarfimmi nutsigaavoq, aalajangersagaq taanna pillugu oqaaseqaatit kalaallisui nassaassaangimmata)

Ingerlatsiviup paasissutissanik isertuussassanik oqartussat Kalaallit Nunaanni ingerlatitsinermi oqartussaasunit allaasut pineqartillugit ingerlatitseqqinnera matuma kingornatigut suliassat suliarineqartarnerat pillugu inatsimmi § 27-mi aamma pinerluttulerineq pillugu inatsimmi § 29-mi nipangiussisussaataaneq pillugu malittarisassat nalinginnaasut malillugit naliliiffigineqartariaqarpoq.

Paasissutissap qaqugukkut isertuussassaana suliassat suliarineqartarnerat pillugu inatsimmi § 27, imm. 1-ikkut aalajangersarneqarpoq. Aalajangersakkami nr. 1-7-imi pissutsit arlallit paasissutissap isertuussassaana naliliiffigineqaraangat isiginiarneqartussat taaneqarput.

§ 27, imm. 1 imaattunik oqaasertaqarpoq:

”§ 27. Pisortat ingerlatsiviini suliffilik allanut tusarliisussaataaangilaq, tak. pinerluttulerineq pillugu inatsisini § 29, suna ilisimasaq inatsisitigut imaluunniit aalajangersakkakut atortuusukkut allakkut tassaaneragaappat allanut oqaatigeqqungisaq, imaluunniit aamma pisariaqarpat isertuutissallugu pisortat inuinaal-luunniit soqutigisaat pingaaruteqartut pissutigalugit, aamma pingaartumik makku pissutigalugit

1) naalagaaffiup isumannaatsuunissaa illersorneqarnissaaluunniit

...

6) inuit ataasiakkaat imaluunniit ingerlatsiviit namminersortut imaluunniit peqatigiiffiit imminnut tunngasut tamakkununnga ilanngullugit aningaasarsiornermut tunngasut, pillugit paasissutissanik illersuimallutik soqutigisaat, imaluunniit

...”

Aalajangersagaq taanna pillugu oqaaseqaatini ilaatigut makku oqaatigineqarput:

”...

Aammattaq imm. 1-imi isiginiagassat erseqqissumik naliliinerup kingornatigut paasissutissap isertuussassaanaeranik taamalu nipangiusissussaataanermi pineqartumut ilaatinneqarneranik nassataqarsinnaasut taagorneqarput. Taaguinermi isiginiagassat nipangiussisussaataanermik nassataqarsinnaasut amerlanersaasa ilanngunneqarsimanissaat naatsorsuutigisariaqarpoq.

Taamaattorli taaguineq sukummiisuunngilaq.

...” (Atorfeqarfimmi nutsigaavoq, aalajangersagaq taanna pillugu oqaaseqaatit kalaallisui nassaassaangimmata)

Pinerluttulerineq pillugu inatsimmi 29 makkuninnga aalajangersaavoq:



”§ 29. Atorfimmi nipangersimasussaannermik uniuinermut eqqartuunneqassaaq naalakkersuisuni atorfik suliassaqartitaanerluunniit naapertorlugit isertuussassatut paasisaminik, imaluunniit inatsimmi aalajangersakkamiluunniit atortuusumi allami taamaattuuneragaasumik oqaatiginnittoq, imaluunniit pisussaananani taamatut ilisimasaqarnermimik atuisoq, aamma taamatut pineqassaaq atorfini qimareeraluarlugu isertuussassanik atorfimmini ilisimalersimasaminik oqaatiginnittoq pisussaaniluunniit atuisoq.

*Imm. 2. ...”*

*Atuakkami ”Den grønlandske kriminalret”-imi Leif Senholtip atuak- kiaanani atuakkami 1-imi, Favn 1984-imeersumi aalajangersagaq taanna pil-lugu ilaatigut makku qupperneq 156-imi oqaatigineqarput:*

*”Paasisutissat pineqartut isertugaatitut taaneqartarput. Paasisutissat suliner-mut atatillugu ilisimalikkat isertuunneqassanerannut aalajangiisuupput pissutsit pinerluttulerinermik inatsisip avataaniittut.” (Atorfeqarfimmi nutsigaavoq.)*

*Paasisutissap qaqugukkut isertuussassaananeramik naliliinermi suliassat suliarineqartarnerat pillugu inatsimmi § 27, imm. 1 aallaavigineqassaaq. § 27, imm. 1-imi mianerisassat arlallit pisut ataasiakkaarlugit erseqqissumik naliliinikkut paasisutissap isertuussassaananeramik taamalu nipangiussi-maneqartussaananeramik nassataqarsinnaasut taagorneqarput. Taamaattorli taaguineq taanna sukumiisuunngilaq. Tamatuma saniatigut suliassat sulia-rineqartarnerat pillugu inatsimmi paasisutissanik ingerlatitsinermi oqar-tussanut allanut ingerlatitseqqittarneq pillugu § 28-mi aalajangersagaq paasisutissap pineqartup nipangiussimaneqartussaananerata naliliiffigine-qarnerani tunaartarisassaavoq, tassami ilimagisariaqarmat paasisutissat ingerlatitseqqinnermi oqartussaasunut allanut tunniunneqarsinnaanngit-sut allanut aamma tunniunneqarsinnaassanngitsut, assersuutigalugu nam-minersortunut imaluunniit nunani allani oqartussaasunut.*

*Suliassat suliarineqartarnerat pillugu inatsimmi § 27, imm. 1-ip nassa-taraa paasisutissaq isertuussassaasoq, 1) inatsisikkut imaluunniit aalaja-ngersakkakkut atuuttukkut isertuussassatut taaneqaruni, imaluunniit 2) pisortat inuinnaalluunniit soqutigisaat pingaaruteqartut pissutigalugit i-sertuutissallugu pisariaqarpat.*

*Inuit kikkut akileraarutitigut utertoortisiassanik kommunimit pisassa-qarnerat pillugu paasisutissanik kommunit politiinut tunniussisinnaaner-sut apeqqummi paasisutissat pineqartut nipangiussisussaataitaneq pil-lugu malittarisassani pineqartunut ilaatinneqarnerisut aalajangiisuussaaq.*

*Tamatuma kingornatigut apeqqutaalersoq tassaavoq paasisutissat poli-tiit piumallugit kissaatigisaat § 27, imm. 1-imi qulaani taaneqartuni si-ullerni imaluunniit taaneqartut aappaanni pineqartunut ilaatinneqassa-nersut.*

*Kalaallit Nunaanni Politimesterip K Kommunimut allagaaniit 25. feb-ruar 2003-meersunit qulaani issuarneqartunit erserpoq politiit ”inuit*

oqartussaasunit akileraarutitigut utertoortisiassaqtut aqqisa allattorsi-maffiinik” kissaateqartut.

Inuinnaat aningaasaqarnikkut atugaat pillugit paasissutissanut atatil-lugu suliaassat suliarineqartarnerat pillugu inatsimmi § 27, imm. 1, nr. 6 isiginiassallugu soqutiginaateqarsinnaavoq, taannami inuit ataasiakkaat pillugit paasissutissanut tunngasuummat, matumani aningaasaqarnermut tunngasut ilanngullugit eqqarsaatigalugit. Aalajangersagaq taanna siulii-ni issuarneqarpoq.

Aalajangersagaq taanna piareersarlugu suliat § 27, imm. 1, nr. 6 pillugu immikkut oqaaseqaatinik imaqaanngillat.

Suliaassat suliarineqartarnerat pillugu inatsit pillugu oqaaseqaatinik na-linginnaasunit erserpoq Inatsisartut inatsisissaattut siunnersuut qallunaat ingerlatsineq pillugu inatsisaat aallaavigalugu suliarineqarsimasoq. Taa-maattumik qanoq paasinninnissamut nassuiaatinik nassaarniassagaanni qallunaat ingerlatsineq pillugu inatsisaat kiisalu qallunaat ingerlatsineq pillugu inatsisaannut tunngatillugu atuakkiat isiginiassallugit pissusissa-misoorsinnaavoq.

Qallunaat ingerlatsineq pillugu inatsisaat § 27, imm. 1, nr. 6-imi aala-jangersakkamik Kalaallit Nunaanni ingerlatsineq pillugu inatsimmi § 27, imm. 1, nr. 6-ip assinganik aalajangersagartaqarpoq. Atuakkami ”For-valtningsloven”-mi oqaaseqaatitaallimmi John Vogterimit atuakkiarine-qartumi, pingajussaanik naqiterneqarnerani, Jurist- og Økonomforbundet 1999-imeersumi quppernermi 497-imi § 27, imm. 1, nr. 6 pillugu makku oqaatigineqarput:

”§ 27, imm. 1, nr. 6 malillugu inuit ataasiakkaat imaluunniit ingerlatseqatigiiffiit namminersortut peqatigiiffilluunniit pissutsit imminnut tunngasut, matumani ani-ngaasaqarnermut tunngasut ilanngullugit eqqarsaatigalugit, illersorneqarnissaan-nik soqutigisaqarnerannik isiginninnerup nipangiussisussaataitaneq tunngavigisin-naavaa.

Paasissutissap isertuussassatut isigineqarsinnaanerani aalajangiisuusussaasoq tassaasariaqarpoq paasissutissat inuiaqatigiinni nalinginnaasumik paasinnit-tarnek malillugu qanoq ituunerit tunngavigalugu tamanut isertuuttariaqartutut pissuseqarnerannik naliliinneq. Paasissutissat ingerlatsineq pillugu inatsimmi § 28, imm. 1-imi taaneqartutut ittut, pissutsinut inunmut ataasiakkaanut tunngassuteqar-tut, matumani naggueqatigiinnut kikkunmut ilaaneq, upperisaq, ammip qalipaataa, pissutsit naalakkersuineranut, peqatigiiffeqarnermut, atoqatigiinnermut tunngasut pillarneqaataasinnaasullu pillugit paasissutissat kiisalu paasissutissat peqqis-sutsimut, aanngajaarniutinik atornerluineranut assigisaanmullu tunngasut qularutis-saannngitsumik nipangiussisussaataitaneranut pineqartuni ilaatinneqartussaapput. Tamatuma pissuseqataa pissutsinut ilaqutariissutsimut, soorlu saqitsaannernut tun-ngasut pillugit paasissutissanut aamma imminoriarsimaneq ajutoornerillu pillugit paasissutissanut atuuppoq.

...

Tamakkua saniatigut assersuutigalugu isertitat aningaasaatillu pillugit paasis-sutissat, pissutsit suliffeqarnermut, ilinniagaqarnermut atorfeqartitaanermullu tun-ngasut pissutsit qanoq ituunerat aalajangiisuutillugu isertuussassaasussaapput.

*Paasissutissat inunnut tunngasut pisortanili ingerlatsinermik paasitineqarsinnaatitaaneq pillugu inatsit malillugu tunniunneqarnissaat itigartitsissutigineqarsinnaanngitsut isertuussassatut isigineqarsinnaasussaannngillat. Tamanna assersuutigalugu paasissutissanut nalinginnaasunut tunngasunut, soorlu kinaassutsimut uppersaammik passimik, biilersinnaanermut allagartamik, aallaaniarnermut akuersissummik il.il. tunngasunut atuuppoq. ...” (Atorfeqarfimmi nutsigaavoq)*

*Hans Gammeltoft-Hansenip allallu atuakkiaanni ”Forvaltningsret 2”-mi aappasaanik naqitertinneqartumi, Jurist- og Økonomforbundets Forlag, qupperneq 469-imi ”paasissutissat isertuussassat allat” qallunaat ingerlatsineq pillugu inatsisaanni § 28, imm. 3-mi taaneqartut pillugit maku oqaatigineqarput:*

*”Paasissutissat isertuunneqartussat allat tassaasinnaapput paasissutissat, pisortat soqutigisaat pissutigalugit isertuussassaasut, assersuutigalugu naalagaaffiup isumannaallisaavineqarnera, pissutsit naalakkersuinikkut nunanut allanut tunngassuteqartut il.il. pissutigalugit isertuussassaasut, tak. ingerlatsineq pillugu inatsimmi § 27, nr. 1-5-imi taagorneqartut. Paasissutissani taamaattuni pissutsit ataasiakkaanut tunngasut pillugit paasissutissat ”isertuutikannigassat” ilaatinneqarput, tassa imaappoq paasissutissat isertuunneqartussat, § 28, imm. 1-imi pineqartunut ilaatinneqanngikkaluarlutik. Taakku assersuutigalugu tassaasinnaapput peqatigiiffiit ingerlatseqatigiiffiilluunniit namminersortut, teknikkikkut atortulersuutit periaatsilluunniit imaluunniit ingerlatsinermut niueqatigiinnermulluunniit tunngasut paasissutissiissutigineqarnissaminnut illersorneqarnissaannik soqutigisaqarfisaat, tak. § 27, imm. 1, nr. 6-imi aamma 7-imi namminersortutut soqitigissaannik taaguineq. ... Inuit ataasiakkaat aningaasaqarnerat, ineqarnerat, atorfeqarnerat, najugaat, qassinik ukioqarnerat, ilaqutaat assigisaallu pillugit paasissutissat nalinginnaasumik tasaanaviannngillat ”paasissutissat ataasiakkaanut tunngalluinnartut”, tassaaginnassallutilli ”paasissutissat isertuussassat allat”. (Atorfeqarfimmi nutsigaavoq.)*

*Qulaani taaneqartut nassataraat kommuni paasissutissanik politiinut (ingerlatsinermiluunniit oqartussaasunut allaasunut) tunniusseqquneqarpat, paasissutissap pineqartup qanoq ittuussutsini naapertorlugu nipangiussimaneqartussaanaera kommunip naliliiffigisariaqarraa. Kommunip isumaliutersuutimini inuup paasissutissanit pineqartup mianerineqarnissaa aallaavigalugu paasissutissat isertuunneqarnissaat suliani ataasiakkaani naliliinikkut pisariaqarnerasoq pillugu apeqquut ilaattariaqarjaa.*

*Tamatumunnga atatillugu oqaatigaara nipangiussisussaataitaaneq pillugu malittarisassat oqaasertalersoqarnerat malillugu inuup paasissutissanik pineqartup mianerisariaqarneranik paasissutissanillu pissarsiniarluni qinnuteqartup mianerisariaqarneranik imminnut sanilliussilluni oqimaalutaasoqassanngimmat.*

*Taamaalilluni kommunip paasissutissanik politiinut tunniussisinnaaneramik apeqquummi suliassat sularineqartarnerat pillugu inatsimmi nipangiussisussaataitaaneq pillugu malittarisassat malillugit naliliisoqartasaaq, paasissutissanik ingerlatitseqqinnermi oqartussaasumut allamut tunniussisarneq pillugu malittarisassat malillugit naliliisoqarnani.*

2. Qularnaveeqqutitut arsaarininnissamik aalajangiisoqarsimatinnagu imaluunniit pisassarisaqartoq pisassarisaminik allamut tunniussisoqarnissamik akuersisimatinnagu akileraarutitigut utertoortisiassamik politiinut tunniussineq.

Matumani apeqqutaasoq tassaavoq kommunit akileraarutitigut utertoortisiassamik politiit qinnuteqarnerisigut politiinut tunniussinissaminnut pisussaaffeqarnersut, tassa qularnaveeqqutitut arsaarinnittoqarnissamik aalajangiisoqarsimatinnagu, imaluunniit innuttaasoq pineqartoq pisassarisaminik allanut tunniussisoqarnissamik akuersisimatinnagu.

Kalaallit Nunaanni eqqartuussisarneq pillugu inatsit kapitali 7, § 25-mi malittarisassamik imaattumik imaqarpoq:

”§ 25. Eqqartuussummik pinerlunnermik suliassami oqaatigineqartunik akiliisitsissutissanillu akuersisamik arsaarinninnissamilluunniit naammassinninnissaq politiit isumagissavaat.

Imm. 2. Akiliisitsissutit aningaasallu arsaarinnissutit akilersinniarneqarsinnaapput pigisanik qularnaveeqqutissatut arsaarinninnikkut aamma akissarsiasanik aki-liutissanillu allanik ilanngartuinikkut.

Imm. 3. ...”

Eqqartuussisarneq pillugu inatsimmi § 25-p nassataraa pisassarisat aalajangersakkami taaneqartut akissarsianit tunniunneqartussanilluunniit allanit qularnaveeqqutissatut arsaarinninnikkut imaluunniit unerartitsinikkut politiinit akilersinniarneqarsinnaasut.

Kalaallit Nunaanni eqqartuussutininik naammassisitsiniartartut pillugit nalunaarummi nr. 90-imi, 1. marts 1983-imeersumi § 1-imi kina pisassarisanik sunik naammassisitsiniartassanersoq aalajangersarneqarpoq. Aalajangersagaq taanna imaattunik oqaasertaqarpoq:

”§ 1. Piumasanik Kalaallit Nunaanni eqqartuussisarnermik inatsimmi kapitali 7, § 1, stk. 2-mi taaneqartunik akiligassamik akiliisitsiniartartutut pinngitsaaliinikkut naammassisitsiniartassapput.

Imm. 2. Piumasanik allanik politiit pinngitsaaliinikkut naammassisitsiniartassapput.”

Taamaalillutik politiit tassaapput pisassarisanik § 25-mi taaneqartunik pinngitsaaliinikkut naammassisitsiniartartuusut.

Kalaallit Nunaanni pinerluttulerineq pillugu inatsimmi § 90-ip nassataraa akiliisitsissutit naalagaaffiup karsianut nakkartinneqartassasut. Pinngitsaaliinikkut naammassisitsiniarneq qularnaveeqqutitut arsaarinninnikkut unerartitsinikkulluunniit pisinnaavoq.

Kalaallit Nunaanni Politimesterip K Kommunimut allakkamini unerartitsineq pillugu makku oqaatigai:

*”Tamatumunnga atatillugu oqaatigaara politiit unerartitseqqusillutik/ilanngaasseqqusillutik qinnutigisaat kommunimut pinngitsaaliilluni akiliisitsiniartartutut akiliisitsiniaqqusilluni qinnuteqaataaangitsoq, tassaallunili kommunimut akilerartarnermi oqartussaasutut akiligassaqaarfigineqartutullu unerartitseqqusilluni/ilanngaasseqqusilluni qinnuteqaat.”*

### *kiisalu*

*”kiisalu oqaatigaara inuit kikkut akileraarutitigut utertoortisiassaqaarnerat pillugu paasissutissat tassaammata politiit eqqartuussisarneq pillugu inatsimmi kap. 7, § 25, imm. 2, tak. § 12, imm. 1, tunngavigalugu unerartitseqqusiniissamik/ilanngaasseqqusiniissamik aalajangiiniarneranni tunngaviusut – aamma annertoortu-jussuarmik pingaaruteqartut.*

*Qinnutigisaq taamaattoq kommunip malikkumannigippagu politiit pinngitsaaliillutik akiliisitsiniartarnermi oqartussaasutut kommunimut taamatut peqqusiniissaminut inatsisitigut tunngavissaqarput, tak. eqqartuussisarneq pillugu inatsimmi kap. 7, § 25, imm. 2, tak. § 12, imm. 1.”*

*Kalaallit Nunaanni Politimesterip oqaatigisai imatut paasivakka politiit kommuni qinnuigigaat unerartitseqqullugu ilanngaasseqqulluguluunniit, politiit Kalaallit Nunaanni eqqartuussisarneq pillugu inatsimmi pinngitsaaliilluni naammassinninniartarneq pillugu malittarisassat tunngavigalugit suli aalajangiinngitsut. Taamaattumik eqqartuussisarneq pillugu inatsit tunngavigalugu unerartitsineq pineqanngilaq. Taamaattumillu unerartitsinerup/ilanngaassinerup pigisat pillugit inatsiseqartitsinermi tamanan pillugu malittarisassani piumasaqaatit eqqortissimasussaavai.*

*Tamanna pillugu oqaatigaara:*

*Unerartitsineq pillugu apeqqut eqqarsaatigalugu unerartitsisinnaati-taaneq pillugu malittarisassat nassataraat unerartitsisinnaatitaaneq akue-rineqassappat pisassaqaartup (unerartitsisuusup) pigisaq (pisassarisat) tigummissagaa, akitsoqartumit pisassarisaqassasoq kiisalu tigummissap pisassarisallu akornanni erseqqissumik ataqatigiinneqassasoq.*

*Taamaattumik malittarisassaq inatsisitigut aalajangersagaanngitsoq imaattoq aamma atuuppoq, tassalu inuk inuup allap pigisaanik tigummia-qartoq taaneqartumit pisassaqaarpat unerartitsisinnaatitaaneq atorneqar-sinnaasoq, tigummissap pisassarisallu akornanni ataqatigiinneqarpat.*

*Kommunit tassaapput innuttaasunut akileraarutitigut utertoortisiassaqaartunut akileraarutitigut utertoortisiassanik tunniussisartuusut, politiillu (qallunnaat naalagaaffiat) tassaallutik innuttaasumit akiliisitsissutitigut arsaarinnissutitigulluunniit pisassaqaartuusut. Aammattaq pisassarisat akornanni ataqatigiinneqarneq pineqanngilaq, tassami akileraarutitigut utertoortisiassatigut pisassarisat akileraarutinik amerlavallaanik akiliisimaneq pissutigalugu pilersimmamata, akiliisitsissutitigullu imaluunniit arsaarinnissutitigut pisassarisat unerartinneqarnissaat politiit kissaatigisaat pinerluuteqaarnerup nassatarisaanik pilersimasuullutik. Taamaallunni kommuni akileraarutitigut utertoortisiassanik akiliisitsissutit arsaarinnis-*

*sutilluunniit politiit (qallunaat naalagaaffiata) pisassarissaannik unerartitsissappat tamanna unerartitsineq pillugu malittarisassanik nalinginnaasunik unioqqutitsinerusussaavoq.*

*Ilanngaassineq pillugu apeqqut eqqarsaatigalugu oqaatigaara ilanngaassineq pillugu malittarisassat nalinginnaasut nassatarigaat pisassarissat akornanni illua tungeriinneqassasoq. Tassa imaappoq pisassarisanik akiitsoqarfiusoq tassaassoq pisassarisanik tunniussisussaassoq, illua tungaanullu. Qulaani nassuiarpara politiit (qalunnaat naalagaaffiat) tassaasut akiliisitsissutinik arsaarinnissutinilluunniit akiitsoqarfiusut, kommunilu akileraarfigineqartoq tassaalluni akileraarutitigut utertoortisiassanik tunniussisusooq. Taamaattumik paasinninnera malillugu pisassarissat taaku akornanni ataqatigiinneqanngilaq, taamaalillunilu kommuni inatsisinik unioqqutitsissanngikkuni politiit (qallunaat naalagaaffiata) akiliisitsissutitigut arsaarinnissutitigulluunniit pisassarisanut matusissutissanik akileraarutitigut utertoortisiassanit ilanngaassisinnaasussaannngilaq.*

*Taamaattumik paasinninnera unaavoq kommuni qularnaveqqutitut arsaarinnittoqarnissaanik aalajangiinermik imaluunniit innuttaasup pineqartup pisassarissami allamut tunniunneqarnissaannik akuersineranik tungavissaqanngikkuni inatsisinik unioqqutitsinani politiit (qallunaat naalagaaffiata) akiliisitsissutitigut arsaarinnissutitigulluunniit pisassarisaanut matusissutissanik akileraarutitigut utertoortisiassanit ilanngaassisinnaasussaannngitsoq.*

*Kiisalu oqaatigaara politiit inummit akileraarutitigut utertoortisiassami allanut tunniunneqarnissaannik akuersisoqartinnagu inuup pineqartup akileraarutitigut utertoortisiassaanit kommunimut tunniussisumut eqqartuussisarneq pillugu inatsit malillugu unerartitsisinnaaneramik apeqqut isummerfigisimannngikkiga.”*

## 70. Allat

### 1. **Umiarsualivimmut oqartussaanermik isumaginnittussanngortitsineq.**

*Innuttaasumit naammagittaalliortoqarnera pissutigalugu Ombudsmandi aalajangerpoq umiarsualivimmut oqartussaanermik ingerlatsinermut, aktianik piginneqatigiiffinnit Namminersornerrullutik Oqartussanit pigineqartunit marlunnit isumagineqartumut, inatsisitigut tunngavisoq misissuiffiginarlugu. Ombudsmandi isumaqarpoq isumaginnittussanngortitsineq isumaginnittussanngortitsinermik Inatsisartunit inatsisikkut aalajangigaa-sumik tunngaveqartoq, taamaattumillu Ombudsmandip aaqqissuussaqaq atuuttoq pillugu Naalakkersuisut isornartorsiornissaanut tunngavissaqarsorisimangilaa.*

*Kisiannili Ombudsmandi Inatsisartunut Naalakkersuisumullu Ombudsmandi pillugu inatsimmi § 11 naapertorlugu nalunaaruteqarpoq isumaginnittussanngortitsineq inatsimmit toqqartumik ersinngitsoq aammalu suliassap aktiaateqarluni piginneqatigiiffinnut nuunneqarnerani innuttaasut inatsisitigut innarlitsaalisannissaat inatsimmi isummerfigineqarsimangitsoq, taamaammallu isumaginnittussanngortitsinerup innuttaasunut naleqqiusilluni inatsisitigut sunniutai nalornissutigineqalersinnaasut. Ombudsmandip matuminnga naliliinissaq pisariaqarsorinngilaa, Isumaginnittussanngortitsinerup namminersortunut isumaginnittussanngortitsinermut killissarititat nalinginnaasut iluanniitineqarnersoq, Naalakkersuisulli qinnuigalugit ajornartorsiuteqarfiusoq eqqumaffigissagaat.*

*Inatsisini tunngaveqarnissamik apeqqummut attaveqanngitsumik Ombudsmandi isumaqarpoq inatsimmi tunngavissaqarluni umiarsualivimmut oqartussaaneq pillugu nalunaarut atortuulersinneqarsimasoq isumaginnittussanngortitsinerup annertussusia pillugu malittarisassanik (ilisimatitsissutigineqarsimasunik) naammattumik annertussusilimik imaqanngitsoq.*

*Kiisalu Ombudsmandi pillugu inatsimmi § 11 naapertorlugu Ombudsmandi nalunaarutip kalaallisut qallunaatullu oqaasertaasa akornanni naapertuutinnginnerit arlallit pillugit Inatsisartunut Naalakkersuisumullu nalunaarutiginnippoq. (J.nr. 11.73.70.11/028-02)*

Innuttaasoq oqarasuaatikku siunnersorneqarnissani kissaatigalugu 19. marts 2002-mi uannut saaffiginnippoq, tassami Royal Arctic Line A/S-ip umiarsualivimmut oqartussaanini tunngavigalugu umiarsuarminik, talittarfimmi inissiffigisaminit, nooqqusinera naammaginnginnamiuk.

Innuttaasoq isumaqarpoq Royal Arctic Line A/S-ip umiarsuarminik nuussequsimagaani pissutigalugu talittarfimmi inissaq ingerlatseqatigiif-fiup nammineq atussammagu.

Umiarsuup nuunnissaanik peqqussut malikkumangimmagu Royal Arctic Line A/S-ip politiiinut taassuminnga nalunaarutiginnissimanera aammataaq innuttaasuup naammaginnigilaa.

Innuttaasup Ombudsmandeqarfimmut saaffiginninnera pissuteqarpoq innuttaasoq isumaqarmat Naalakkersuisut inatsisit malillugit umiarsualivimmut oqartussaannermik Royal Arctic Line A/S-imut, nammineq umiarsuaalivimmik atuisutut soqutigisaqartuusumut, tunniussisimasinnaavianngitsut.

Innuttaasoq pineqartoq nalunaarfigaara suliap eqqartuussisunut sulasannngortinneqarnissaa utaqqimaarpagu, aammalu tamatumunnga peqatigitillugu umiarsualivimmut oqartussaannerup Royal Arctic Line A/S-imut isumagisassannngortinneqarnerata inatsisit naapertorlugit pisimaneranik apeq-qut saqqummiussinnaappagu eqqortuunerpaasorigiga.

Matuma kingornagut Kalaallit Nunaanni politiiit qullersaat, qularnangitsumik innuttaasup umiarsualiveqarnermut malittarisassanik unioqqutisimasatut unnerluutigineqarumaarnissaanik uppersaasoq, oqarasuaatikkut attaveqarfigaara.

Tamanna ilutigalugu politiiit qullersaata isumaginnittussannngortitsineq pillugu apeqqummik nammineerlunga misissuinissara ajornartorsitissaqartinnigilaa, tassami politiiit taamaassappat suliap pinerluttulerinermut tunngasup uanga oqaaseqaateqareernissama tungaanut unitsikkallarnissaa isumaliutersuutigiumaarmassuk.

Matuma kingornagut isumaqarpunga isumaginnittussannngortitsisimnermut taassumunga inatsisitigut tunngaviusup misissornissaata isumaliutersuutiginnissaanut tunngavissaqartoq.

Ineqarnermut Attaveqarnermullu Pisorta qarfiup allagaasa, matuma kinguliini issuarneqartut, 8. april 2002-meersut tигunerisa kingornagut suliaq aalajangersimasumik suliarilerniarlugu aalajangerpunga.

Ulloq 27. marts 2002-mi pisorta qarfimmud ima allappunga:

”Innuttaasumit, Royal Arctic Line A/S-ip umiarsualivimmut oqartussaananii naapertorlugu talittarfimmi inissamit, ingerlatseqatigiiffiup inissamik nammineq atiussaanera pissutigalugu, umiarsuarminik nuussequsisimaneranik naammaginninngitsumik, oqaasiinnartigut saaffiginnissummik tigusaqarsimavunga.

Innuttaasup pineqartup qinnuigineqarnini malikkumasimannigilaa, taavalu Royal Arctic Line A/S-p pisoq politiiinut nalunaarutigisimavaa.

Suliassap eqqartuussisunut suliassannngortinneqarsinnaajumaarnissaa eqqarsaatigalugu innuttaasoq ilitersorpara Ombudsmandip paasissutissat pigineqartut tunngavigalugit innuttaasup naammagittaalliuutaata suliarinissaa eqqortuusorinnigilaa.

Tamannali ilutigalugu nalilerpara umiarsualivimmut oqartussaannerup Royal Arctic Line A/S-imut isumagisassannngortitaaneranut inatsisitigut tunngaviusoq nalorni-nartoqarsinnaagunartoq.



Taamaattumik aalajangerpunga Ombudsmandip isumagisassanngortitsilluni piginnaatitsinermik pisimasumik nammineerluni sukumiisumik misissuisariaqassaneramik Ombudsmandip naliliigallarnissaanut atugassamik pisortaqarfik pissutsinut matuma kinguliini taagorneqartunut nassuiaateqaqqullugu qinnuiginiarlugu:

Namminersorerullutik Oqartussat umiarsualiveqarfiutaannik sanaartorneq, aserfallatsaaliineq, ingerlatsineq il.il. pillugit Inatsisartut peqqussutaannit nr. 4-mit, 29. oktober 1999-imeersumit imaattut erserput:

“§ 3. Naalackersuisut Namminersorerullutik Oqartussat umiarsualiveqarfiutaanni sanaartukkat, aserfallatsaaliinerup ingerlatsinerullu allaffissornikkut aqunneqarnerat pillugu aalajangersaassapput, matumani umiarsualiviit nunaminertaanik atuinermut akiluteqartitsinnaaneq ilanngullugu eqqarsaatigalugu.

§ 4. Naalackersuisut umiarsualiveqarfimmi oqartussaanerup ingerlanneqarnissaanut aalajangersaassapput, kikkut najukkami suliassatigut umiarsualiveqarfimmi oqartussaaneq ingerlatissaneraat ilanngullugu.”

Inatsisartut peqqussutaanni §§ 1 aamma 4-mut oqaaseqaatigisanit imaattut erserput:

“§ 1-imut.

...

Qitiusumik suliassatigullu umiarsualiveqarfimmut oqartussaanerit immikkoortinneqarput. Qitiusumik umiarsualiveqarfimmut oqartussaasoq tassaavoq Namminersorerullutik Oqartussat maannakkut Ineqarnermut, Attaveqarnermullu Pisortaqarfimmi inissisimasoq. Qitiusumik umiarsualiveqarfimmut oqartussaasoq najukkami suliassatigut umiarsualiveqarfimmut oqartussaasumut peqqussuteqarsinnaatitaavoq. Taamatut peqqussuteqarnissamut piginnaatitaaffik ulluinnarni annertunerusutigut umiarsuaatileqatigiiffiit qullersaqarfii aqutigalugit ingerlanneqartarpoq.

Umiarsualivinni ataasiakkaani najukkami suliassatigut umiarsualiveqarnermut oqartussaaneq Namminersorerullutik Oqartussat KNI-llu taamatullu Royal Arctic Line A/S-ip immikkut isumaqatigiissutaat naapertorlugu ingerlanneqartarpoq imatut:

KNI: ...

Royal Arctic Line A/S: ...

Najukkami umiarsualiveqarnermut oqartussaasup suliassaanut ilaavoq umiarsualivimmiinnermut akiliutit Akileraartarnermi Pisortaqarfik sinnerlugu tamanna pillugu immikkut inatsit naapertorlugu akileqquneqartarnerat.

...

§ 4-mut.

§ 1-imi umiarsualivinnut qitiusumik oqartussaaneq umiarsualivinnilu suliassatigut oqartussaaneq pillugit oqaaseqaatit matumani innersuussutigineqarput. Umiarsualiveqarfinni oqartussaanerup ingerlanneqarnissaa pillugu Namminersorerullutik Oqartussat Royal Arctic Line A/S-imut KNI-mullu isumaqatigiissuteqarput (“Namminersorerullutik Oqartussat umiarsualiveqarfiutaasa ingerlanneqarnerat kiisalu umiarsualiveqarfimmut oqartussaanerup suliassatigut ingerlanneqarnera pillugit isumaqatigiissut”).”

Umiarsualivinni malittarisassaqaartitsineq pillugu Namminersorerullutik Oqartussat nalunaarutaanni nr. 1-imi, 4. januar 2000-imeersumi Naalackersuisut ilaatigut aamma umiarsualivimmut oqartussaanerup ingerlanneqarneranut malittarisassanik

aalajangersaasimapput. Kisiannili kikkut umiarsualivimmut oqartussaasuunissaat pillugu malittarisassanik nalunaarummit ersersoqanngilaq.

Taamaattumik pisortaqarfik qinnuigaara makkununga nassuiaateqaqqullugu:

- Sumiiffimmi umiarsualivimmut oqartussaannermik piginneqatigiiffinnut, pisortat ingerlatsinerata avataaniitnut, isumagisassanngortitsineq pillugu isumaqatigiissutit inatsisissamut piareersaataasuni eqqartorneqartut atatiinnarnissaannut inatsisigtut tunngavissaq suna pisortaqarfiup paasinninnera malillugu Inatsisartut peqqusutaata 1. december 1999-imi atuutilernera tikillugu nassaassaasimanersoq,

- Sumiiffimmi umiarsualivimmut oqartussaasut aalajangiineri pisortaqarfimmut, oqartussaasut qulliunerusut naammagittaalliorfiusinnaasumut, naammagittaalliutigineqarsinnaanersut.

- Pisortaqarfik suliassamik, sumiiffimmi umiarsualivimmut oqartussaasup pisinnaatitaaffigisaata ataaniittumik, naammagittaalliorqarsimatinnagu suliarinnissinnaanersoq,

- Umiarsualivimmut oqartussaanerup ingerlanneqarnerata oqartussaasup atuisut umiarsualivinni soqutigisai apeqqutaatinnagit pisarnissaa pisortaqarfiup qanoq iliorluni allatigut qulakkeerumaneraa.

Tamatununga peqatigitillugu pisortaqarfik qinnuigaara sumiiffimmi umiarsualivimmut oqartussaannermik ingerlatsineq pillugu isumaqatigiissutit isumaqatigiissutigineqareersimasut uannut nassiuteqqullugit.

Politimesterip isumaqatiginera malillugu taanna allakkat ukua assilinerannik nassuissivigaara.”

Pisortaqarfiup 8. april 2002-mi ima akissuteqarfigaanga:

”Ineqarnermut Attaveqarnermullu Pisortaqarfik umiarsualivimmut oqartussaannermik isumaginnittussanngortitsineq pillugu saaffiginnissummik Inatsisartut Ombudsmandiannit tigusaqarsimavoq.

Matumuuna oqaatigineqarsinnaavoq pisortaqarfik nalunaarutissamik, naammassineqaruni apeqqutigineqartunik aaqqiissuteqartussamik, suliarinnilersimasoq. Tamatumali tungaanut ilisimatitsissutigineqassaaq umiarsualivimmut qitiusumik oqartussaaneq ilaatigut aamma tassaammat aalajangiinernut, najukkami suliassatigut umiarsualiveqarfimmi oqartussaasumit aalajangikkanut, naammagittaalliorfissasoq.

Nalinginnaasumik isumaqatigiittoqarpoq, allamik inatsisikkut imaluunniit inatsit tunngavigalugu aalajangiisoqarsimannngikkaangat, oqartussaasut alliuernerusup aalajangiinera pillugu oqartussaasumut qulliunerusumut, naggataagut allaat Naalakkersuisunut ilaasortamut anngullugu, naammagittaalliorsinnaatitsisoqartoq. Taamatut nakkutilliinermik periarfissaqarneq ingerlatsinermi periaaserisatsinni naatsorsuutigineqartussaasariaqarpoq.

Taamatuttaaq qularisassaannngitsumik imaappoq aalajangiinerit, oqartussaasumit isumaginnittussanngortitaaneq tunngavigalugu aalajangiinerit, oqartussaasumut aallaqqaammut pisinnaatitaasumut saqqummiunneqarsinnaasut.

Taamatuttaaq isumaginnittussanngortitsineq oqartussaasup aallaqqaammut pisinnaatitaasup sulianik nammineerluni misissugassanngortitsinissaanut akornusiinngilaq.

Inatsisartut Ombudsmandiata Ineqarnermut Attaveqarnermullu Pisortaqarfimmut allakkamini oqaatigaa

”Innuttaasumit, Royal Arctic Line A/S-ip umiarsualivimmut oqartussaanini naapertorlugu talittarfimmi inissamit, ingerlatseqatigiiffiup inissamik nammineq atui-

sussaanera pissutigalugu, umiarsuarminik nuusseqqusisimaneranik naammaginninngitsumik, oqaasiinnartigut saaffiginnissummik tigusaqarsimavunga.”

Inatsisartut Ombudsmandiat naammagittaalliummut aalajangersimasumut taassumunnga isummerfiginninngilaq, taamaakkaluartorli taanna suliami akuulersillugu. Taamaattumik naleqquttuusoraara umiarsualivimmuq oqartussaasumut pasilliut taanna Inatsisartut Ombudsmandiannit uppersarneqassasoq. Taamaanneraaneq saqqummiunneqartoq taanna eqqortuuppat, Royal Arctic Line A/S-imi oqartussaasnermik pisinnaatitaanertik qaangersimavaat.” (Atorfeqarfimmi nutsigaavoq.)

Ulloq 4. juni 2002-mi pisorta qarfiimmut allappunga:

”Allakkannut 27. marts 2002-meersunut pisorta qarfiup akissutaa 8. april 2002-meersoq tiguara.

Pisoqartarfiup akissuteqarnerata kingorna najukkami umiarsualivimmuq oqartussaanerup KNI-mut aamma Royal Arctic Line A/S-imut isumagisassanngortinneqarsimanerata inatsisinik eqqortitsisuunera erseqqinnerusumik misissuiffiginarlugu aalajangerpunga.

Taamattut aalajangernera allakkanni 27. marts 2002-meersuni issuarneqartut pisorta qarfiup ingerlatseqatigiiffinnut najukkami umiarsualivimmuq oqartussaasnermik tiguisunut peqqusissuteqarsinnaatitaanerata Namminersornerullutik Oqartus-sat umiarsualiveqarfiutaannik sanaartorneq, aserfallatsaaliineq, ingerlatsineq il.il. pillugit Inatsisartut peqqussutaata nr. 4-p, 29. oktober 1999-imeersup piareersar-neqarnerani sulianit erserneranum atattillugu isigineqassaaq.

Kisianni peqqusissuteqarsinnaatitaaneq taanna erseqqinnerusumik sunik imaqar-nersoq peqqussummit ersinngilaq.

Taamaalilluni innuttaasut inatsisitigut innarlitsaaliineqarnerat pillugu qularna-veeqqutaasut pisorta qarfiup atuuttut isumaqarfisai peqqusissuteqarsinnaatitaanerup taassuma iluaniinersut peqqussummit taassumallu piareersarlugu suliarineqarnerani sulianit imaaliillaanaq takuneqarsinnaanngilaq.

Pisorta qarfiup akissummini ingerlatsiviup iluani oqartussaasutsip allamut isumagisassanngortinneqarnerata inatsisitigut sunniutai nassuiarsimavai.

Kisianni pineqartoq tassaavoq ingerlatseqatigiiffiit najukkami umiarsualivimmuq oqartussaasutsinik ullumikkut tiggummissaqartut pisortat ingerlatsiviata avataaniin-nerat.

Taamaattumik pisorta qarfik qinnuigaara najukkami umiarsualivimmuq oqartussaanerup namminersortunut isumagisassanngortinneqarneranum inatsisitigut tunngaviusup naammanneranik apeqqut pillugu oqaaseqaateqaqqullugu.

Pisorta qarfik akissuteqarnerminut atattillugu qinnuigineqarpoq ingerlatsineq pillugu inatsisip najukkami umiarsualivimmuq oqartussaasumut atuutinneqalernissaa kiisalu najukkami umiarsualivimmi oqartussaasup Ombudsmandip nakkutillinerani ilaatinneqartunut ilanngunneqarnissaa pisorta qarfiup pisariaqartut isiginerai nassuiaqqullugu.

Tamatumunnga peqatigitillugu apeqqutit uku allakkanni 27. marts 2002-meersuni apeqqutigisakka akeqqullugit qinnutigisara qalleqqippara:

“- Najukkami umiarsualivimmuq oqartussaasnermik aktiaateqarluni ingerlatseqatigiiffinnut, pisortat ingerlatsinerata avataaniittunut, isumagisassanngortitsineq pillugu isumaqatigiissutit inatsisissamut piareersaataasuni eqqartorneqartut atatiinnar-nissaannut inatsisitigut tunngavissaq suna pisorta qarfiup paasininnera malillugu Inatsisartut peqqussutaata 1. december 1999-imi atuutilerana tikillugu nassaas-saasimanersoq,

- Umiarsualivimmi oqartussaanerup ingerlanneqarnerata oqartussaasup atuisutut umiarsualivimmi soqutigisai apeqqutaatinngit pisarnissaa pisorta qarfiup qanoq iliorluni allatigut qulakkeerumaneraa.”

Aammattaq najukkami umiarsualivimmut oqartussaanermik ingerlatsineq pillugu isumaqatigiissutit isumaqatigiissutigineqareersimasut uannut nassiteqqullugit qinnutigisara eqqaasitsissutigaa.

Kiisalu paasivara innuttaasup saaffignissutaa, oqartussaanermik isumaginnitussanngortitsineq pillugu apeqqummik misissuinissannut pissutissaqalersitsisoq “uppennarsaasissagaa” pisorta qarfiup kissaatigigaa.

Tamanna pillugu oqaatigaara uanga pisortat ingerlatsiviata imaluunniit eqqartuussiviup ilaginngimmannga.

Taamaalilluni allaffissornikkut aqutsinermik misissuineri atugassamik suliaq pillugu uppennarsaasersuinissaq suliassama avataanniippoq.

Aammattaq Royal Arctic Line A/S-ip malittarisassanik atuuttunik unioqqutitsisimasinnaanerani misissuineq suliassama avataanniippoq, tassami eqqartuussiviit tassaammata apeqqutip taassuma aalajangiiviginissaanut kisimik pisinnaatitaasut.

Politimesteri allakkat uku assilinerinik pisorta qarfiullu uannut akissutaata assilinerani nassillugu ilisimatippara umiarsualivimmi oqartussaanerup namminersortunut isumagisassanngortinneqarnerata ilumut inatsisinik unioqqutitsisuunnginneranik apeqqut aalajangersimasumik suliarilerniarlugu aalajanger tunga.”

Pisorta qarfiup 18. juli 2002-mi ima akissuteqarfigaanga:

”Aallaqqaasiullugu pisorta qarfiup malugeqqussavaa nalunaarut nutaaq atuutilersimammat. Umiarsualiveqarnermut oqartussaanerup ingerlanneqarnera pillugu Namminersornerullutik Oqartussat nalunaarutaata nr. 14-ip, 14. maj 2002-meersup Namminersornerullutik Oqartussat umiarsualiveqarfiutaannik sanaartorneq, aserfalletsaaliineq, ingerlatsineq il.il. pillugit Inatsisartut peqqussutaanni nr. 4-mi, 29. oktober 1999-imeersumi § 4-mi Naalakkersuisunut piginnaatitsineq ingerlateqqippaa. Taamaalilluni nalunaarummi taaneqartumi § 1, imm. 1-imi aalajangersarneqarpoq qituisumik oqartussaaneq Naalakkersuisut tigummisarigaat, § 2-milu illoqarfinni sorlarni najukkami oqartussaassuseq tulleriinneri malillugit KNI Pilersuisoq A/S-imit aamma Royal Arctic Line A/S-imit tigummineqarnerasoq oqaatigineqarluni.

Taamaalillutik innuttaasut ataasiakkaat periarfissaqarput umiarsualiveqarnermut oqartussaassutsip ingerlanneqarnera pillugu tunngaviusumik aalajangersakkat nalunaarummi tassani nassaarissallugit.

Umiarsualiveqarnermut najukkami oqartussaanerup ingerlanneqarnerata ingerlatsineq pillugu inatsisip ataaniinneranik oqarneq eqqarsaatigalugu pisorta qarfiup oqaatigisinnaavaa Royal Arctic Line A/S kiisalu KNI Pilersuisoq A/S pillugit malittarisassaliorqarniarloq, A/S Inissiaatileqatigiiffik INI-mi suliassat suliarineqar tarnerat aamma paasitinneqarsinnaatitaaneq pillugu Namminersornerullutik Oqartussat nalunaarutaata nr. 37-p, 19. december 1996-imeersup pissuseqataaniik.”

Allakkani 30. september 2002-meersuni tapertamik tusarniaassummik imaattumik pisorta qarfirmut nassiussivunga:

”Pisorta qarfiup suliame kingullermik akissutaa 19. juli 2002-mi tiguara.

Pisorta qarfiulli apeqqutinnut akissutai tamakkerlugit suli tigunngilakka.

Taamaattumik pisorta qarfik qinnuigeqqippara apeqqutit 28. marts aamma 4. juni 2002-mi allakkani apeqqutikka makkua akeqqullugit:

” - Najukkami umiarsualivimmut oqartussaannermik aktiaateqarluni ingerlatseqa-tigiiffinnut, pisortat ingerlatsinerata avataaniittunut, isumagisassannqortitsineq pil-lugu isumaqatigiissutit inatsisissamut piareersaataasuni eqqartorneqartut atatiinnar-nissaannut inatsisitigut tunngavissaq suna pisortaqarfiup paasinninnera malillugu Inatsisartut peqqussutaata 1. december 1999-imi atuutilerana tikillugu nassaassaa-simanersoq,

- Umiarsualivimmi oqartussaanerup ingerlanneqarnerata oqartussaasup atuisutut umiarsualivimmi soqutigisai apeqqutaatinnagit pisarnissaa pisortaqarfiup qanoq iliorluni allatigut qulakkeerumaneraa.”

Pisortaqarfik qinnuugaara akissuteqarnissaq sapinngisamik tuaviuuteqqullugu.”

Pisortaqarfik 19. november 2002-mi uannut ima akissuteqarpoq:

”Ombudsmandip allagai 30. september 2002-meersut innersuutigalugit Ombuds-mandip apeqqutaanut marlunnut pisortaqarfiup oqaatigissavai makku:

I. Tunniussisinnaanermut tunngavissaq.

Pisortaqarfiup isumaa malillugu tunniussisinnaanermut tunngavissaapput Nam-minersorerullutik Oqartussat umiarsualiveqarfiutaannik sanaartorneq, aserfallat-saaliineq, ingerlatsineq il.il. pillugit Inatsisartut peqqussutaat nr. 4, 29. oktober 1999-imeersoq, aalajangersakkamut tassunga piareersaatit aamma Umiarsualive-qarnermut oqartussaanerup ingerlanneqarnera pillugu Namminersorerullutik Oqar-tussat nalunaarutaat nr. 14, 14. maj 2002-meersoq.

Oqaatigineqassaaq, sukumiinerusumik eqqarsaatigereerlugu, pisortaqarfik isu-maqartoq tunngavissaq taamaaliornissamut naammakkaangat namminersortunut tunniussisoqarsinnaasoq. Pisumi tassani tunngavissaq erseqqissumik inatsisikkut tunngavissaavoq tamatigoruinnaq naammattutut isumaqarfigisariaqartoq. Tunnius-sinermut sumiiffimmi umiarsualiveqarnermut oqartussaaneq (innuttaasunut sullis-sineq) ilaammat pisortaqarfik isumaqarpoq tunniussinissamut tunngavissat naam-mattuusut.

Taamaattumik allakkatsinni 18. juli 2002-meersuni Royal Arctic Line a/s kiisalu KNI Pilersuisoq a/s pillugit inatsisiliulersaartoqarneranik, A/S Inissiaatileqatigiiffik -mi suliassat suliareneqartarnerat paasitinneqarsinnaatitaanerlu pillugit Namminer-sorerullutik Oqartussat nalunaarutaannut nr. 37, 19. december 1996-imeersumut eqqaanartumik, oqaatigisarput pisortaqarfiup isumaa malillugu pisariaqanngilaq.

II. Umiarsualivinni umiarsualivimmut ogartussaannermik ingerlatsineq atuisutut soqutigisaminut oqartussaasup immikkoortitsisinnaanissaa pisortaqarfiup qanoq ilil-luni qularnaarniarpa.

Apeqqtut pisortaqarfiup imatut paasivaa Ombudsmandi paasitinneqarusuttoq sumiiffimmi umiarsualivimmut oqartussaasup umiarsualivimmut oqartussaannermik ingerlatsinermini nammineq soqutigisaminik salliutitsinissaa qanoq iliorluni pisor-taqarfiup pinngitsoortinniarsinnaaneraa.

Aallarniutitut tassunga pisortaqarfiup oqaatigissavaa inuit pisortanit oqartussaaf-filerneqartut illuinaasiuleratarsinnaanerat pinngitsoortinneqarsinnaajuannarunan-ngitsoq. Tamatumunnga illersuutitut atorneqarsinnaavoq pisortani oqartussaasunut qulliunerusunut nalinginnaasumik suliassannqortitsisinnaaneq, naggataatigullu pi-sortat ingerlatsinerminni aalajangiinerisa inatsit tunngaviusukkut qularnaarneqar-tumik eqqartuussisunut suliassannqortinnissaannut periarfissaq.

Suliassami matumani oqaatigineqassaaq umiarsualiveqarnermut pingaarnertut oqartussaasoq sumiiffinni umiarsualivimmut oqartussaasumut ilitersuuteqarnissa-minut piginnaatitaasoq.

Kiisalu pisortaqarfiup innersuutigissavaa Umiarsualivinni malittarisassaqtitsineq pillugu Namminersorerullutik Oqartussat nalunaarutaat nr. 1, 4. januar 2000-imeersaq. Taassuma imarai umiarsuit talinngaffissaannut tunngatillugu tulleriiaarinissamut aammalu umiarsualivimmuut oqartussaasutut suliassanut tunngatillugu i-liuuserineqartussaasut arlalissuit pillugit aalajangersakkat sukumiisut.

Umiarsualivimmuut oqartussaasooq maleruagassanik taakkuninnga unioqquutitsisoq imaluunniit oqartussaaneramik illuinnaasiorluni ingerlatsisoq arlaat isumaqarpat naammagittaalliortoqarnerani sumiiffimmi umiarsualivimmuut oqartussaasumut pisortaqarfik ilitsersuuteqarnissaminut piginnaatitaanerinik atuissaaq. Eqqortussaq pillugu oqaatigineqassaaq periusissaq tamanna innuttaasumut, Ombudsmandip allagai 27. marts 2002-meersut malillugit, oqaasiinnakkut marts 2002-mi Ombudsmandimut saaffiginmissamumut atorneqarsimasinnaagaluartoq.

Eqqortussaq pillugu oqaatigineqassaaq, oqartussaanerup tunniunneqarsimasup qanoq ittuunera eqqarsaatigalugu, pisortaqarfik isumaqartoq atuisut soqutigisaat umiarsualivinni malittarisassatigut aamma pisortaqarfimmuut naammagittaalliuteqarnissamut periarfissaqartitaanikkut tamakkiisumik illersorneqarsinnaasut.

Taamaattumik pisortaqarfik isumaqarpoq suliassaqarfimmi pineqartumi inatsisilioqqinnissaq pisariaqartinneqanngitsoq. Oqartussaanerup arlalinnik suliagarfissaanera (sullissinerit) eqqarsaatigalugu suliassat suliareqartarnerat pillugu inatsisip sullivimmuut pineqartumut atortinneqarnissaa naleqquttuungitsoq pisortaqarfik isumaqarpoq.

Naggasiullugu oqaatigineqassaaq sumiiffimmi umiarsualivimmuut oqartussaaneramik ingerlatsineq pillugu naammagittaalliutinik, Ombudsmandip innersuutigisaata saniatigut, allanik pisortaqarfik ilisimasaqanngitsoq. Taamaattumik pisortaqarfiup naatsorsuutigisariaqarpaa maleruagassiat atuuttut suliassap ingerlannissaanut tunngavissatut naammattut.”

*Matuma kingornagut ima oqaaseqaateqarsimavunga:*

*”Misissuininnik killiliineq.*

*Misissuineq manna Naalakkersuisut umiarsualivimmuut oqartussaaneramik Royal Arctic Line A/S-imut Kalaallit Nunaanni umiarsualivinni 15-ini isumaginittussanngortitsinerannut inatsisitigut tunngaviusumut tunngasuteqarpoq.*

*Naak misissuina innuttaasup, Royal Arctic Line A/S-ip umiarsualivimmuut oqartussaasutut pisinnaatitaanerinik ingerlatsineranik naammagininnngitsup, saaffiginmissuteqarnerata kingornagut aallartissimagaluarlugu misissuina ingerlatseqatigiiffiup taassuma umiarsualivimmuut oqartussaanerata aqunneqarneranik ilaqanngilaq, pissutigalugu suliffiit inuit ataasiakkaat akornanni inatsiseqartitsineq tunngavigalugu pilersinneqarsimasut, Naalakkersuisut suliffiit taakkua ingerlatsinerumut inatsiseqartitsinerimi malittarisassanik attuumaneqarnissaat pillugu malittarisassanik aalajangersaasimannippata, pisinnaatitaanerma avataaneereermata.*

*Aaqqissuussineramik taassuma assinganik, taanna malillugu KNI Pilersuisoq A/S Kalaallit Nunaanni umiarsualivinni allani umiarsualivimmuut oqartussaaneramik ingerlataqarluni, immikkut misissuisimanngilanga. Taamaattorli isumaqarpunga Royal Arctic Line A/S pillugu oqaaseqaamma*

*matumani inerniliinerit oqaatigineqartut pingaarnerit isumaginnittussanngortitsinermut, KNI Pilersuisoq A/S-imut piginnaatinneqarsimasumut, tunngatinneqarsinnaassasut.*

*Namminersortunut isumaginnittussanngortitsineq pillugu isumaliutersuutigisat nalinginnaasut.*

*Nalinginnaasumik oqarluni pisortat ingerlatsineranni allaffissornikkut suliassanik nammineerluni agguaassisinnaasoqarajuttarpoq. Taamaallil-luni ajornannigilaq ingerlatsinermut inatsiseqartitsinermi najoqqutassaal-lutik tunngaviusut nalinginnaasut malinneqarnerisigut ataqqineqarneri-sigullu allaffissornerinnavikkut aalajangersassallugu ingerlatsinermut i-natsiseqartitsineq naapertorlugu suliffimmi ingerlatsinermut oqartussaa-sup sorliup immikkoortulluunniit sorliup (imaluunniit inuup sorliup/kiap) ingerlatsinermut inatsiseqartitsineq naapertorlugu suliassaq aalajangersi-masoq sularisussaanaeraa. Pisortat ingerlatsinerisa iluani suliassanik taa-matut agguataarineq aallaavittut immikkut ittumik inatsisitigut tunngavis-saqarnissamik pisariaqartitsinngilaq.*

*Pisortani oqartussaa-sup suliassanik namminersortut suliffiunut ilaallu ilanngullugit isumagisassanngortitsisinnaanera pillugu apeqqutip akine-qarnerani manna aallaavigisariaqarpara, tamanna pingaarnernik marlun-nik iluseqartillugu pisinnaasoq, tassalu 1) suliassamik namminersortunut isumaginnittussanngortitsineq (tamatumuunakkut suliassaq oqartussaa-sup ataavartumik suliassarissallugu) aamma 2) tamatumani suliassaq pisortat akisussaaffiannit peerneqarluni (namminersortunngorsaaneq), tamatuma-nilu ilimagisariaqarluni suliassaq inuit ataasiakkaat akornanni inatsise-qarnermi killissaritaasunut nuunneqartoq.*

*Umiarsualivimmut oqartussaanermik Royal Arctic Line A/S-imut tun-niussineq oqaatsip isumaginnittussanngortitsinerup ataaniippoq, tassami umiarsualivimmik isumaginnittussanngortitsinerup namminersortut sulif-fiannut tunniunneqaraluaaraangamiluunniit ingerlatsinermut inatsiseqar-titsinerut pissuseqarnini attatiinnartarmagu.*

*Pisortat ingerlatsiviat inatsisitigut immikkut ittumik tunngavissaqarnani suliassanik agguataarisinnaavoq imatut, suliassat ingerlatsivimmik nam-minermut sammisut, assersuutigalugu pisortat illuutaannik teknikkikkullu atortuinik (matumunnga ilanngullugit taamaattut, innuttaasunit imaannaq atorneqarsinnaasut) eqqiaaneq aserfallatsaaliinerlu namminersortunut suliassanngortinneqartarlutik sullissinissamik isumaqatigiissutit nalingin-naasut tunngavigalugit, taakkununnga aningaasartuuteqarsinnaanermut inatsisitigut tunngavissaqartinneqaraangat.*

*Pisortat matuma saniatigut suliassanik namminersortunut isumaginnit-tussanngortitsisinnaalersinnagit piumasarianik sunik piumasaqartoqar-tariaqarneranik naliliinermi pisunut pissutaaqataasut arlallit pingaartillu-git isigimaartariaqarput. Tassani (suliffiup) namminersortup pisortat su-*

liassaataannik suliaqartussap katitigaanini aammalu suliffiup avammut kiinnerneri allat malillugit suliaassap suliarinissaanut piukkunnaateqarneranik oqartussaasullu isumaginnittussanngortitsisup sullissisinnaanermigut inatsisilerinikkullu suliffimmik namminersortumik qanoq annertutigisumik nakkutiginnissinnaaneranik naliliinerit ilaatinneqartariaqarput. Aammattaaq pingaaruteqarpoq ingerlatsinermik suliaqartoq, isumaginnittussanngortitsinermi ilaatinneqartoq taanna innuttaasunut naleqqiussilluni annertuumik naliliiffigineqarsimanersoq, isumaginnittussanngortitsinerlu pisumi naliliineq tunngavigalugu eqqortuullunilu naleqquttuunersoq.

Taamaalilluni namminersortunut isumaginnittussanngortitsinerup qanoq annertutiginnissaata ajornannginnera naliliinissamik annertuumik tunngaveqarpoq.

Kisiannili innuttaasunut tunngasumik aalajangiinissanut ingerlatsinermut inatsiseqartitsineq naapertorlugu pisinnaatitsisoqassappat, tamanna inatsisitigut tunngavissaqarnissamik immikkut erseqqissusilimmik pisariaqartitsivoq.

Tamanna aalajangiisartussaanerup isumaqatigiissuteqartarnermik tunngaveqannginneranik pissuteqarpoq. Inatsisit Tunngaviusut §-iisa 3-ata kingunerisaatut namminersortut ingerlatsinermut pisinnaatitaanermik taamaallaat inatsisiliorsinnaatitaasunit imaluunniit inatsisiliortunit piginnaatitaaneq malillugu ingerlatsivimmit tunniussivigineqarsinnaapput.

Aammattaaq tamatumunnga atatillugu ingerlatsinermut inatsiseqartitsineq naapertorlugu pisinnaatitaanermik namminersortunut isumaginnittussanngortitsinerinnaanngitsumut aammattaaq pisortat isumaginnittussanngortitsinermik taassuminnga namminersortunut pisussaaffitut suliareqqusisinnaaneranunut inatsisitigut tunngavissaqartussaavoq. Inatsisitigut tunngavissaqarnissamik piunasaqaatip immikkoortua kingulleq oqartussaasup isumaginnittussanngortitsisup namminersortup isumaginnittussanngortitsinermik suliaqarnera pillugu ilitsersuusisinnaanissamut nakkutiginnissinnaanissamullu pisariaqartuuvoq, isumaqatigiissuteqarnikkullu naammassineqarsinnaanani.

Aammattaaq isumaginnittussanngortitsineq taamatut pissusilik innuttaasunut nalunaarutigineqassaaq atornerani inatsisilerinermilu sunniuteqarluartumik. Isumaginnittussanngortitsineq matuma malitsigisaanik pissusissaq eqqorlugu nalunaarutiginninnissamik piunasaqaammik ilalik pillugu malittarisassanik atortuulersitsineq pisariaqassaaq. Malittarisassat – isumaginnittussanngortitsinermut inatsisitigut tunngavissaq imminermini tamanna pillugu aalajangersakkanik imaqaanngippat – imaattunik imaqartussaavoq: isumaginnittussanngortitsinermut inatsisitigut tunngaviusooq, isumaginnittussanngortitsinerup annertussusia, piginnaatitsinermik kinarpiaq ingerlatsisuunersoq, ingerlatsinermik suliaqarnermik nakkutilliineq aalajangiinernillu oqartussaasunut qulliunerusunut naammagittaalliuutiginnissinnaatitsineq.



Taamaalilluni ima inerniliisoqarsinnaavoq, ingerlatsinermut inatsiseqartitsineq naapertorlugu aalajangiisinnaatitaanernik namminersortunut isumaginnittussanngortitsinerimi marloriaammik inatsisitigut tunngavissaqarnissamik piumasaqaammik taamatullu nalunaarutiginninnissaq pillugu piumasaqaammik atuuttoqartoq.

Suliini eqqartorneqartunut ilanngunneqassaaq inatsisiliortoq namminersortunut isumaginnittussanngortitsinermik atuinermi, inatsisitigut tunngavissamik erseqqissumik pissarsisoqarsimagaluarpalluunniit, Inatsisini Tunngaviusuni tunngavigisassat pissutigalugit inatsisillu naapertorlugit isumannaatsuutitsinissamut tunngaviusut pissutigalugit arlalitsigut aalajangersimasunik killiliivigineqarsimammat.

Inatsisit naapertorlugit najoqqutassaalluni tunngaviuvoq ingerlatsinermik suliaqarneq periaatsimik, suliamut tunngassuteqanngitsunik pingaartitsilluni aalajangeeratarsinnaanerit tigussaangitsut (tigussaasullu) pinaveersaartinnissaannut piukkunnartumik periaaseqarluni ingerlassasoq. Taamatut tunngaveqarneq Inatsisini Tunngaviusuni § 3-p inatsisinik tunngaveqartussaannermik imaqarneranik pissuteqarpoq, suliami matumani ingerlatsiviup sulinerata inatsiseqartitsinikkut timitalerneqarneranik nasataqartoq.

Qulaani taaneqartut nassataraat ingerlatsivimmi sulineq inunnit suliffinnilluunniit, inuup suliffilluunniit ingerlatsinermik suliaqarnermi mianerisassanik suliamut tunngassuteqanngitsunik soqutigisaanik tigussaangitsunik (tigussaasunilluunniit) piusoqarnera ulorianaateqarpat, ingerlanneqaqqusaanngitsoq. Ingerlatsivimmi sulisorisat eqqarsaatigalugit suliasat suliarineqartarnerat pillugu inatsisip suliami peqataasinnaanngineq pillugu malittarisassartai atuutsinneqarput.

Taamaalilluni namminersortumut inuussutissarsiornermik suliffiutilimmut, taassuma suliffimmut namminermut, sullitarisaanut aamma/imaluunniit inuussutissarsiornermik suliffimmut, suliffiup unammillertigisaanut tunngasumik salliutitsilluni nammakkersuutaasunillu aalajangiisinnaaneranut pisinnaatitaanermik ilaqartinneqartumut, isumaginnittussanngortitsineq tunngaviusutigut matumunnga akerliusussaassaaq.

Misissuininnik killiliinermi Royal Arctic Line A/S-ip Kalaallit Nunaanni umiarsualivinni arlaqartuni umiarsualivimmut oqartussaannermik ingerlataqarneranut inatsisitigut pisariaqartumik tunngavissaqarnerasoq aamalu isumaginnittussanngortitsineq taanna naammattumik ilisimatitsissutigineqarsimanersoq misissussallugit toqqarsimavakka.

Inatsisiliortut ingerlatsinissamut pisinnaatitsinermik namminersortunut isumaginnittussanngortitsinerannut imaluunniit isumaginnittussanngortitsinermik akuersinerannut pisinnaatitaanerisa sumut killeqartivinnissaanik isummerfiginninnermi apeqqutaalluinnarpoq inatsisiliortut namminneq qanoq isummernerat, kisiannili tamanna eqqartuussivinnit misilinneqartinneqarsinnaalluni.

*Aammattaaq Inuttut Piginnaatitaaffiit pillugit Europami Naalagaaffiit Isumaqatigiissutaanni immikkoortut 13-iat (taanna malillugu kinaluunniit piginnaatitaaffimmigut kiffaanngissuseqarnermigullu nikanarsagaasoq inatsisitigut illersuutissanik sunniuteqarluarsinnaasunik atuisinnaatitaasaaq) ingerlatsivimmik nakkutilliinerup qanoq annertutigisumik mattuneqarsinnaaneranut pingaartutigut killiliivoq.*

*Kisiannili inatsisiliortut naliliinerinik misileeqqissinnaatitaanngilanga, taamaammallu inatsisiliarineqartut amigaateqartut paasigaangakkit inatsisiliortut taamaallaat tamanna pillugu nalunaarfigisinnaallugit, tak. Ombudsmandi pillugu inatsimmi § 11. Matumuunakkut pingaartumik pineqarput inatsiseqartitsineri erseqqarlutitsinerit imaluunniit inatsiseqartitsinerup sunniutai, inatsisiliortut siunertarisaannut akerliusorisariaqartut imaluunniit inatsisit sunniutaat, inatsisiliortut inatsisip akuersissutigineqarnerani eqqumaffigisimanngisaa.*

*Soorlu Royal Arctic Line A/S-ip umiarsualivimmuut oqartussaaneramik ingerlatsineranut malittarisassanut tunngaviusumik misissuinermit matuma kinguliini allaaserineqartumit ersissasoq paasinninnera unaavoq, isumaginnittussanngortitsineq pisimasoq qassiitigut piumasarisani, isumaginnittussanngortitsinerup innuttaasunut tunngasumik inatsisitigut sunniuteqarsinnaanerani (inatsisitigut tunngavissaqarneq nalunaarutiginninnerlu), piumasarineqartariaqartumik eqqortitsinngitsoq, taamaattumillu taamaareermat pissutsit taakku pillugit Inatsisit Atortinneqarnerannut Ataatsimiititaliamut Naalakkersuisunullu nalunaarutiginninnissannut tunngavissaqarpunga, tak. Ombudsmandi pillugu inatsimmi § 11.*

*Taamaattumik aammattaaq misissuininni killissarititaasut iluanni nalilissallugu naleqquttuursorisimanngilara isumaginnittussanngortitsineq pisimasoq Inatsisini Tunngaviusuni isumaginnittussanngortitsinermut killissarititaasut killissarititaasullu, Kalaallit Nunaata Inuttut Piginnaatitaaffiit pillugit Europami Naalagaaffiit Isumaqatigiissutaat (immikk. 13) malillugu nunat assigiinngitsut akornanni pisussaaffeqarnerata malitsigisaasa matuma siuliini allaaserineqartut iluanniitinneqarnerisut, naak Inatsisartut apeqqutinik taakkuninnga isummerfiginnissimasorinannikkaluartut.*

*Taamaattorli Naalakkersuisut qinnuigisimavakka pissutsinik, Ombudsmandi pillugu inatsimmi § 11 naapertorlugu nalunaarutiginninnissannut pissutissaqalersitsimasunik, suliarinninnerminni apeqqutit, namminer-sortunut isumaginnittussanngortitsinermut killigititat malitsigisaat, eqqumaffigisagaat.*

### *Inatsisitigut tunngaviusoq.*

*Pilersuineq, angalaneq, angallassineq, allakkerineq il.il. pillugit inatsisikkut nr. 469-ikkut, 6. november 1985-imeersukkut Namminersornerullutik Oqartussat ilaatigut aamma Kalaallit Nunaannut Kalaallit Nunaanniil-lu umiarsuarnik angallanneq Den Kgl. grønlandske Handelimit, 1774-i-miilli*

*umiartorfiginnineq taanna pillugu akuersissummik pigisaqarsimasumit tamannalu ilutigalugu Kalaallit Nunaanni umiarsualivinnik ingerlatsinermik isumaginnittuusimasumit, tiguaat.*

*Taamaalillutik Namminersornerullutik Oqartussat inatsisip §-iisa 4-aanni aalajangersakkakut Kalaallit Nunaannut aamma Kalaallit Nunaannit umiarsuartigut angallannerup ataannartinnissaanut akisussaassuseq tiguaat.*

*Inatsimmi §§ 4 – 6 tunngavigalugit Inatsisartut usinik immakkut Kalaallit Nunaannut assartornermik Inatsisartut peqqussutaat nr. 8, 8. november 1985-imeersoq akuersissutigaat, tamatuma kingornagut usinik immakkut Kalaallit Nunaannut assartuineq taamaallaat Naalackersuisunit akuerineqarnikkut pisinnaalerluni.*

*Inatsisip § 9-ani, imm. 3-mi aalajangersagaq malillugu Namminersornerullutik Oqartussanut aalajangigassanngartinneqarpoq suliassat, inatsisip atortuulersinneqarnerata nalaani Den Kgl. grønlandske Handelimit suliarineqartartut qanoq iliorluni qanoq ilisukkulluunniit isumagineqarnissaat kissaatigineqarnerseq, Namminersornerullutillu Oqartussat suliassat taakku suliarineqarnerannik allanut isumagisassanngartinnissaat pillugu piumasaminnik iliorsinnaatitaasut.*

*Inatsisartut peqqussutaatigut nr. 6, 8. november 1985-imeersukkut Kalaallit Niuerfiat, suliarisartakkanik arlalippassuarnik isumaginnittuullunilu Den Kgl. grønlandske Handelimit tigusinermigut ingerlatitseqqiisseq, matumunnga ilanngullugit aamma umiarsuartigut angallannermik Kalaallit Nunaannilu umiarsualivinnik ingerlatsinermik, Namminersornerullutik Oqartussat suliffiutaattut pilersinneqarpoq.*

*Naalagaaffiup akisussaaffeqarnerani Kalaallit Nunaannut Ministereqarfik Den Kgl. grønlandske Handelimit, ingerlatsinermut inatsiseqartitsinermut isigalugu ministereqarfiup ataani pisortaqarfiusumut, tunngasumik qullersaqarfittut ingerlasimavoq.*

*Namminersornerullutik Oqartussat Den Kgl. grønlandske Handelimit tigusineratigut Niuernermut Angallannermullu Pisortaqarfiup Kalaallit Niuerfianni suliassanik tiguneqarsimasunik ingerlatitseqqiinermt qullersaqarfittut akisussaassuseqarnermt assersuunneqarsinnaasoq tiguaa. Kalaallit Niuerfianni pisortaq assersuutigalugu Naalackersuisunit toqqar-neqartarpoq.*

*Inatsisartut peqqussutaat nr. 14, 30. oktober 1992-imeersoq naapertorlugu ingerlatseqatigiiffiit nutaat sisamat, Kalaallit Niuerfiata sulinernik tigusisut, pilersinneqarput. Peqqussutip § 1-iani aalajangersagaq malillugu Naalackersuisut ingerlatseqatigiiffimmik ataqatigiissitsiviusumik marlunnik tassunga atasunik ingerlatseqatigiiffitalimmik pilersitsipput, KNI Pilersuisoq A/S aamma KNI Pisiffik A/S kiisalu umiarsuaatileqatigiiffik Royal Arctic Line A/S, umiarsuaatileqatigiiffik J. Lauritzen piginneqataasut pingaarnersaralugu.*

*Umiaarsuaatileqatigiiffimmik pilersitsinermi siunertaavoq taassuma Kalaallit Nunaannut Kalaallit Nunaanniillu aammalu Kalaallit Nunaanni illoqarfii akornanni umiaarsuartigut nassiunneqartunik assartuineramik akuersissuteqarfigineqartussaanaera.*

*1993-imi juunip qaammataani Namminersornerullutik Oqartussat aamma Royal Arctic Line A/S-ip akornanni Kalaallit Nunaanni illoqarfinni arlalissuarni najukkami suliassatigut ingerlatsinissaq pillugu isumaqatigiissuteqartoqarpoq.*

*Namminersornerullutik Oqartussat 1994-imi J. Lauritzenip piginneqataassutaanik pisinermikkut Royal Arctic Line A/S-imik kisiartaallutik piginnittuulerput.*

*Umiaarsualivimmuut oqartussaanneramik ingerlatsinermut najoqqutassatigut ullumikkut tunngaviusoq Kalaallit Nunaanni umiaarsualivinnik atuinermut malittarisassanik aalajangersaaneq Namminersornerullutik Oqartussat umiaarsualiveqarfiutaannik sanaartorneq, aserfallatsaaliineq, ingerlatsineq il.il. pillugit Inatsisartut peqqussutaanni nr. 4-mi, 29. oktober 1999-imeersumi imarineqarput:*

*Peqqussut taanna ilaatigut imaattunik imaqarpoq:*

*”Innaallagiasq, imeq kiallu, qatserisartoqarneq, umiaarsualiviit, aqqusernit, nalunaarasuaatikku atassuteqarneq il.il. pillugit Kalaallit Nunaannut inatsimmi nr. 943-mi, 23. december 1986-imeersumi § 3 tunngavigalugu aalajangersarneqarput:*

*§ 1. Inatsisartut peqqussutaat Namminersornerullutik Oqartussat umiaarsualiveqarfiutaasa sanaartorneqarnerannut, aserfallatsaaliineqarnerannut ingerlanneqarnerannullu kiisalu umiaarsualivinnut qitiusumik oqartussaanerup umiaarsualivinnilu suliassatigut oqartussaanerup ingerlanneqarnerannut atuuppoq.*

...

*Namminersornerullutik Oqartussat umiaarsualiveqarfiutaannik sanaartorneq, aserfallatsaaliineq ingerlatsinerlu*

*§ 4. Naalakkersuisut umiaarsualiveqarfimmi oqartussaanerup ingerlanneqarnissaanut aalajangersaassapput, kikkut najukkami suliassatigut umiaarsualiveqarfimmi oqartussaaneq ingerlatissaneraat ilanngullugu.*

...

*§ 6. Inatsisartut peqqussutaat manna 1. december 1999 aallarnerfigalugu atuutilerpoq.”*

*Umiaarsualivinnik atuneq pillugu malittarisassat umiaarsualivinni malittarisassaqartitsineq pillugu Namminersornerullutik Oqartussat nalunaarutaanni nr. 1-imi, 4. januar 2000-imeersumi imarineqarput.*

*Nalunaarut taanna ilaatigut imaattunik imaqarpoq:*

*”Namminersornerullutik Oqartussat umiaarsualiveqarfiutaasa allaffissornikkut aqunneqarnerat pillugu Inatsisartut peqqussutaat nr. xx, uu. qqqq 1999-imeersoq naapertorlugu aalajangersarneqarpoq: (peqqussutip normulerneru ullulerneralu amigaataapput.)*

*Kapitali 1*

*Nalunaarutiginnineq, pulajartorneq pituttornerlu*

...

*Talinngasarfik*

...

*Umiarsuarnik uninngatitanik il.il. peersitsineq*

...

*Pigisanik uninngatitanik peersineq*

...

*Angallanneq qamutinillu uninngatitsisarneq*

...

*Ikisinnaatitaaneq*

...

*Umiarsualivimmuq oqartussaasut*

...

*Pineqaatissiissutit, atuutilerfia il.il.”*

*Umiarsualivimmuq oqartussaaneermik ilaatigut aamma Royal Arctic Line A/S-imut isumaginnittussanngortitsineq umiarsualiveqarnermut oqartussaaneerup ingerlanneqarnera pillugu Namminersornerullutik Oqartussat nalunaarutaatigut nr. 14-ikkut, 14. maj 2002-meersukkut nalunaarutigineqarpoq.*

*Nalunaarummi tassani ilaatigut imaattut aalajangersarneqarput:*

*”Namminersornerullutik Oqartussat umiarsualiveqarfiutaannik sanaartorneq, aserfallatsaaliineq, ingerlatsineq il.il. pillugit Inatsisartut peqqussutaanni nr. 4-mi, 29. oktober 1999-imeersumi § 4 tunngavigalugu makku aalajangersarneqarput:*

*§ 1. Umiarsualiveqarnermut qitiusumik oqartussaaneq Naalakkersuisut ingerlataarat.*

*Imm. 2. Umiarsualiveqarnermik najukkani ataasiakkaani oqartussaaneermi suliassat ingerlanneqarnerat Naalakkersuisut piginnaatitsinerat malillugu pissaaq.*

*Imm. 3. Umiarsualiveqarnermut qitiusumik oqartussaasut najukkani ataasiakkaani oqartussaaneermi suliassanik ingerlatsisunut ilitersuinissaminnut piginnaatitaapput.*

*§ 2. Illoqarfiit Nanortallip, Qaqortup, Narsap, Paamiut, Nuup, Maniitsup, Sisi-miut, Aasiaat, Qasigianguit, Ilulissat, Uummannaq, Upernaviup Tasiilallu umiarsualiviini umiarsualiveqarnermut oqartussaaneermi suliassat Royal Arctic Line A/S-ip ingerlatarei.*

...

*§ 3. Nalunaarut ulloq 15. maj 2002 atuutilerpoq.”*

*Suliassanik Namminersornerullutik Oqartussanit erseqqinnerusumik aalajangersakkanik Royal Arctic Line A/S-imut suliareqqusinermut inatsisitigut tunngavisoq Royal Arctic Line A/S pillugu Inatsisartut peqqussutaanni nr. 5-imi, 6. juni 1997-imeersumi imarineqarpoq.*

*Peqqussut ilaatigut imaattunik imaqarpoq:*

”Pilersuineq, angalaneq, angallassineq, allakkerineq il.il. pillugit Kalaallit Nunaannut inatsimmi nr. 469, 6. november 1985-imeersumi § 4 aamma § 9 malillugit makku aalajangersarneqarput:

§ 1. Peqqussut Royal Arctic Line A/S-imut ingerlatseqatigiiffinnullu aqutaanut atuuppoq.

...

Royal Arctic A/S-ip ingerlatsinera.

§ 2. Ingerlatseqatigiiffiit nalinginnaasumik niuernermik tunngaveqarlutik imaatigut angallassinermut tunngassuteqartuni sulianik taamalu tamatumunnga atasunik sulianik siunertat malittarisassani allassimasut naapertorlugit ingerlatsissapput.

...

Imm. 3. Ingerlatseqatigiiffiit ingerlatseqatigiiffinni aqutani tamakkiisumik ilaanakuusumilluunniit pigisaminni suliffeqarfiit allat suleqatigalugit allanillu ateqartitsillutik ingerlatsinertik ingerlatsisinnaapput (ingerlatissinnaavaat).

Imm. 4. Namminersornerullutik Oqartussat toqqaannartumik toqqaannanngitsumilluunniit aktiaateqarluni ingerlatseqatigiiffiit pillugit inatsimmi § 2-mi taaneqartutut ingerlatseqatigiiffimmu, peqqussummi pineqartumut, attaveqarpata, naalakkersuisut ingerlatseqatigiiffik pisussaatisinnaavaat usinik ilaasunillu angallassinermi pisortat sullissinerat pillugu nalinginnaasumik niuernermik atugas-saqartitsillutik isumaqatigiissuteqarnissaanut.

§ 3. Ingerlatseqatigiiffiit aktiaateqarluni ingerlatseqatigiiffiit piginneqataassuteqarluniluunniit ingerlatseqatigiiffiit pillugit inatsisimut aamma aktiaateqarluni piginneqataassuteqarlunilu ingerlatseqatigiiffiit pillugit inatsisiliornermut allanut Kalaallit Nunaanni atorussanngortinneqarsimasanut ilaatinneqarput. Ingerlatseqatigiiffinni aktiatigut aningaasaliissutitigulluunniit aningaasaatit ingerlatseqatigiiffiit pillugit inatsisini maleruagassat malillugit allanngortinneqarsinnaapput.

...

Ingerlatseqatigiiffiit qilersorsimanatik inissisimanerat.

§ 5. Ingerlatseqatigiiffinnut malittarisassat, ingerlatsineq naatsorsuutitigullu pisutsit imatut aqqissuumneqassapput ingerlatseqatigiiffiit pisortaqaarnermut, ingerlatsinermut, allaffissornikkut aqutsinermut kiisalu allaffissornikkut, aningaasaqarnikkut ingerlatseqatigiiffimmilu naatsorsuutitigut nakkutillineq eqqarsaatigalugit qilersorsimanatik inissisimasussanngorlugit, tamatumuuna ilaatigut isumanarneqassalluni Namminersornerullutik Oqartussanut tunngatillugu ingerlatseqatigiiffiit immikkuullarissumik aningaasaateqarnissaat naatsorsuutinillu ingerlatsinissaat aamma ingerlatseqatigiiffiit ingerlataasa ilaasa pisortanit akiliivigineqartartut ingerlatalu ilaasa ingerlatseqatigiiffiit suliffeqarfinnut allanut unammilleqatigiissutaasa akornanni erseqqissumik immikkoortitsisoqarsinnaajuarnissaa.

Imm. 2. Ingerlatseqatigiiffiit ingerlatsissapput tunngaviit suliffeqarfinnut nalinginnaasumik niurneq tunngavigalugu ingerlatsisunut atuuttut malillugit. Tamannattaq atuuppoq pisortat sullissinerat pillugu ingerlatseqatigiiffiit Namminersornerullutik Oqartussanut imaluunniit pisortat ingerlatsiviisa ilaannut isumaqatigiissuteqarnerisigut ingerlatseqatigiiffinnut suliassiissutaannut.

...

§ 7. Peqqussut atuutilerpoq ulloq 1. juli 1997.”

Isumaginnittussanngortitsinerup imarisai annertussusialu Namminersornerullutik Oqartussat umiarsualiveqarfiinik ingerlatsineq pillugu taamatullu najukkami suliassatigut umiarsualivimmu oqartussaaneq pillugu Namminersornerullutik Oqartussat aamma Royal Arctic Line A/S-ip akor-

nanni isumaqatigiisummi 3. juni 1993-imeersumi ilanngussanik ilalimmi taamatullu tapertaasumik isumaqatigiisummi 23. juni 1999-imeersumi allaaserisaapput.

*Isumaqatigiisut ilaatigut imaattunik imaqarpoq:*

”§ 1

*Royal Arctic Line A/S Namminersornerullutik Oqartussat sinnerlugit Nanortalimmi, Qaqortumi, Narsami, Paamiuni, Nuummi, Maniitsumi, Sisimiuni, Aasianni, Qasiagiannuani Ilulissanilu najukkami suliassatigut umiarsualivimmumt oqartussaarnermik suliartaqartuuvog.*

§ 2

*Isumaqatigiisuttip nassataraa suliassanik taakkuusunik taamatullu annertutigisunik manna tikillugu Kalaallit Niuerfiannut najugaqarfiusuni umiarsualivimmumt oqartussaasutut suliartinneqartarsimasunik suliartaqarneq, tak. isumaqatigiisummut matumunnga ilanngussaq 1.*

*Oqaatigineqassaaq suliassat suussusiat annertussusaallu sumiiffimmiit sumiiffimmut allangorarmata, suliassanillu pingaannginnerusunik, ilanngussami taaneqarsimangitsunik, takkuttoqarsinnaasassamat, tamanna immikkut akilerneqar-nissamik piunasaqarnermik nassataqaataanngitsumik.*

§ 3

*Najukkami suliassatigut umiarsualivimmumt oqartussaaneq umiarsualivimmumt qitiusumik oqartussaasoq, Pisortat sullissinerannut angallannermullu Pisorta-qarfik sinnerlugu taamatullu umiarsualivimmiinnermut akileraarutitip tungaatigut Akile-raartarnermi Pisorta-qarfik sinnerlugu ingerlanneqassaaq.*

*Taamaalilluni umiarsualivimmumt qitiusumik oqartussaasoq najukkami suliassa-tigut umiarsualivimmi oqartussaarnermik ingerlatsinermut atatillugu sutigut tama-tigut umiarsualivimmumt oqartussaasumut ilitersuisinnaatitaavoq. Aammattaaq umiarsualivimmumt qitiusumik oqartussaasoq najukkami suliassatigut umiarsuali-vimmi oqartussaasup ”ingerlatsineranut” naammagittaalliorfittut atorpoq. Umiar-sualivimmumt oqartussaarnermik suliartaqarnermut inatsisilerinikkut akisussaassuseq taamatuttaaq umiarsualivimmumt qitiusumik oqartussaasumiippoq, taamaaliornikkut najukkami suliassatigut umiarsualivimmi oqartussaasumut taarsiisitsigallarsin-naalluni, inatsisitigut maleruqqusat nalinginnaasut malillugit akisussaasuunissa-mut tunngavissaqarpat.*

*Sanaartortitsiviit Pisortat sullissinerannut angallannermullu Pisorta-qarfik sin-nerlugu umiarsualivimmumt qitiusumik oqartussaarnermik ingerlataqarput.*

...  
§ 5

*Umiarsualivimmumt oqartussaaneq Kalaallit Nunaanni umiarsualiveqarnermut malittarisassaqaartitsinermi atuuttumi matumunnga malittarisassaritinneqartut ma-lillugit taamatullu inatsisitigut imaluunniit allaffissornermut aalajangersakkat allat malillugit ingerlanneqartussaavoq, matumunnga ilanngullugu aamma Kalaallit Nunaanni umiarsuit tikittagaanni peqqissutsimik misissuisarneq il.il. pillugu Nalu-naarut.”*

*Isumaqatigiisummut ilanngussami 1-imi ilaatigut aamma imaattut oqaatigineqarput, umiarsualivimmumt oqartussaasoq akuersissuteqartassa-soq, peqqussuteqartassasoq, umiarsuarnik peersisassasoq, umiarsuali-veqarfimmik torersuutitsinissaq isumagissagaa aamma takusaanerni nak-*

*kutilliinernilu suliassat suliaralugit, taarsiivigineqarnissamik piumasaqaatinik saqqummiussissalluni umiarsualivimmiinnermullu akileraarumik akiliisitsissalluni.*

*Piginnaatitsinerup tunniunneqartup annertussusia.*

*Namminersornerullutik Oqartussat umiarsualiveqarfiutaannik sanaartorneq, aserfallatsaaliineq, ingerlatsineq il.il. pillugit Inatsisartut peqqusutaat nr. 4, 29. oktober 1999-imeersoq malillugu umiarsualivimmut oqartussaannermik ingerlatsineq imatut agguataarneqassaaq, najugaqarfiusumi umiarsualivimmut suliassatigut oqartussaaneq Naalakkersuisunit toqqakanit isumagineqarsinnaasunngorlugu.*

*Peqqussutip ileqqussatigut Royal Arctic Line A/S-imut isumaginnittusannngortitsisimanermut inatsisitigut pisariaqartumik tunngavissisinnaneranik naliliinermi, tak. umiarsualiveqarnermut oqartussaanerup ingerlanneqarnera pillugu Namminersornerullutik Oqartussat nalunaarutaat nr. 14, 14. maj 2002-meersoq, Naalakkersuisut Royal Arctic Line A/S-imut piginnaatitsinerisa annertussusianik qanoq ituuneranillu aalajangersaaneq taamatullu Royal Arctic Line A/S-ip qanoq ituuneranik aalajangersaaneq pisariaqarpoq.*

*Tunngaviutinneqartariaqarpoq piginnaatitsineq Royal Arctic Line A/S-ip Namminersornerullutik Oqartussanit isumaqatigiissutaanit ersersoq. Taamaalilluni piginnaatitsinerup ilaatigut imaattut (taaguineq sukumiisuunngilaq, tak. isumaqatigiissutit umiarsualivinnilu malittarisassaqaartitsineq pillugu nalunaarut) ilaapput:*

- A. Umiarsualivik umiarsualivimnullu pulariaa pillugit oqartussaannermik ingerlatsineq. Matumunnga ilanngullugu aamma umiarsualivissinnermi qularnaveeqqusiissummik akileeqqusisoqassaneranik isummerfiginninneq.*
- B. Akuersissutissiornerit.*
- C. Peqqussuteqartarnerit.*
- D. Nakkutilliilluni misissuineq.*
- E. Suliassat akiliisitsinerup tunngasut.*

*Ataatsimut isiginnilluni ingerlatsinermik suliaqarniviup ilaatut aalajangerqarsimanersoq qaqugukkullu ingerlatsinermut inatsiseqartitsineq naapertorlugu aalajangiisoqarsimanersoq eqqoqqissaartumik killilissalugu ajornakusoorsinnaavoq.*

*Kisiannili qularutissaanngilaq pisumi pineqartumi tassani isumaginnittusannngortitsinerup annertussusia imarisaalu aalajangiinissanut pisinnaatitaanernik ilaqartut. Aammattaaq erseqqarippoq aalajangiinerit taaku aningaasaqarnikkut annertuumik pingaaruteqarsinnaasut nalinginnaa-*



sumillu umiarsualivinnik atuisunit annertuumik sunniuteqartutut paasineqartarumaartut.

Taamaattumik pisortaqarfik ugguuna isumaqatigisinnaangilara, umiarsualivimmuut oqartussaaneq umiarsualivinnik atuisunut sullissinertut nalinginnaasumik taaneqarsinnaasoq, soorlumi pisortaqarfiup tamanna allakkamini 19. november 2002-meersuni ilisimatitsissutigisimagaa.

Ingerlatseqatigiiffimmuut isumaginnittussannortitsisimaneq taanna aalajangiinissanut pisinnaatitaanermik ilaqarpoq, taamaattumillu inatsisitigut tunngavissaqarnissamik erseqqissumik piumasaqarfiulluni.

Royal Arctic Line A/S-ip qanoq ittuunera.

Royal Arctic Line A/S tassaavoq ingerlatseqatigiiffik aktiaateqarluni ingerlatseqatigiiffiit pillugit inatsimmuut tamarmiusumut ilaatinneqartoq. Namminersornerullutik Oqartussat kisimiillutik piginnittuupput Royal Arctic Line A/S-ilu pillugu Inatsisartut peqqussutaanni nr. 5-imi, 6. juni 1997-meersumi ingerlatseqatigiiffiup sammisai sulineralu pillugit sukumiinerusunik malittarisassiisoqarluni.

Ingerlatseqatigiiffimmi piginneqataassutit piginnittuata peqqussutillu taaneqartup ingerlatseqatigiiffiup sammisaanik naammattumik annertus-susilimmik aalajangersaaneerat apeqqutaatinnagu Royal Arctic Line A/S ingerlatseqatigiiffiit allat assigalugit inatsisilerinermi inuttut inissisima-voq siunertarisat, ingerlatseqatigiiffiup malittarisassaani taaneqartut, i-ngerlatseqatigiiffiit pillugit inatsisip ataaniittut minnerunngitsumillu inatsimmi tassani ingerlatseqatigiiffiup naatsorsuutaanut, kukkunersiuiner-mut, ingerlatsinermut aningaasaqarnermullu piumasarisaasunik imarisaa-sut naapertorlugit suliffimminik ingerlatsisussa.

Tamanna peqqussummuut piareersaataallutik sulianit aammattaarlumi aamma peqqussutit oqaasertaanit erseqqissumik erserpoq, taassuminnga siunertaasup ilaatigut aamma tassaanera erseqqissarneqassasoq, Royal Arctic Line A/S ingerlatseqatigiiffiusoq tunngavissaasutigut inatsiseqar-titsinermi inuttut inissisimasoq sammisaminik, matumunnga ilanngullugit aamma suliassanik, ingerlatseqatigiiffiup pisortanut niuernerpalaartumik, tassa imaappoq inuit ataasiakkaat akornanni inatsiseqartitsineq tunngavi-galugu, suliarisassaani ingerlatsisusutut pissusilik.

Peqqussutit oqaasertaani Royal Arctic Line A/S pisortat oqartussaaf-fiattut isigineqartussaangilaq, paarlattanilli inatsisilerinermi, matumun-ga ilanngullugu ingerlatsinermut inatsiseqartitsineq naapertorlugu, i-ngerlatseqatigiiffittut namminersortutut Namminersornerullutik Oqartus-sanut attuumassuteqanngitsutut isigineqassalluni. Taamaattorli imaappoq, Naalakkersuisut Royal Arctic Line A/S-ip suliassanik aalajangersimasunik suliqartinnissanut pisussaaffimmik inatsisitigut tunngavissaqartut.

Matumunattaaq oqaatigaara Naalakkersuisut pisortat ingerlatsineran-ni suliassat suliarineqartarnerat pillugu inatsit imaluunniit pisortat inger-

*latsinerat pillugu paasitinneqarsinnaatitaaneq pillugu inatsit tunngavigalugu ingerlatsinermut inatsiseqartitsinermi malittarisassat Royal Arctic Line A/S-ip umiarsualivimmu oqartussaannermik ingerlatsineranut atornerqartussaanagerat pillugu malittarisassanik aalajangersaasimangitsut.*

*Tamatumunnga atatillugu maluginiarpara pisorta qarfiup allakkamini 19. november 2002-meersuni ersersikkaa ingerlatsinermut inatsiseqartitsinermi malittarisassanik Royal Arctic Line A/S-imut atortuulersitsinis-saq isumaliutersuutigineqanngitsaq.*

*Ataatsimut eqikkaallunga isumaqarpunga umiarsualivimmu oqartussaannermik Royal Arctic Line A/S-imut isumaginnittussanngortitsisimaneq, aalajangiinissanut pisinnaatitaanermik ilaqartoq, inatsisitigut tunngavissaqarnissamik erseqqissumik piunasaqarfuiinnarani, tak. inatsisitigut tunngavissaqarnerup imarisassai pillugit matuma siuliini oqaaseqaatigisakka, aammattaarli umiarsualivimmu oqartussaanagerup suliassaqarfuiup, Naalakkersuisut suliassanik Royal Arctic Line A/S-imut suliassaqqusinerisa iluani ingerlanneqarnissaanik piunasaqarfiusaq.*

*Inatsisitigut tunngavissap, Royal Arctic Line A/S-ip umiarsualivimmu oqartussaannermik ingerlatsinissaanik piginnaatitsinermut tunngavissiisup, imarisai.*

*Oqaasertaq isumaginnittussanngortitsinermut tunngavissiisooq tassaavoq Namminersorerullutik Oqartussat umiarsualiveqarfuitaanik sanaartorneq, aserfallatsaaliineq, ingerlatsineq il.il. pillugit Inatsisartut peqqus-sutaanni nr. 4-mi, 29. oktober 1999-imeersumi § 4.*

*”Naalakkersuisut umiarsualiveqarfimmi oqartussaanagerup ingerlanneqarnissaanut aalajangersaassapput, kikkut najukkami suliassatigut umiarsualiveqarfimmi oqartussaaneq ingerlatissaneraat ilanngullugu.”*

*Taamaalilluni isumaginnittussanngortitsinerup namminersortumut tunniunneqarsinnaanera oqaasertaanit erseqqissumik ersernaniluunniit isumaginnittussanngortitsinerup aalajangiinissanut pisinnaatitaanermik ilaqartinneqarnerisooq ersinngilaq.*

*Taamaalilluni peqqussutip oqaasertaa malillugu aalajangiinissanut pisinnaatitaanermik ingerlatsinerup ingerlatseqatigiiffimmu namminersortumut tunniunnissanut pisariaqartumik inatsisitigut tunngavissaqartoqanngilaq.*

*Inatsisitigut tunngavissap, Royal Arctic Line A/S-ip umiarsualivimmu oqartussaannermik ingerlatsinissaanut ileqqussatigut tunngavissiisup, imarisai.*

*Royal Arctic Line A/S pillugu Inatsisartut peqqussutaanni nr. 5-imi, 6. juni 1997-imeersumi § 2, imm. 4-p oqaasertaanit erserpoq:*

*”Namminersornerullutik Oqartussat toqqaannartumik toqqaannangitsumil-luunniit aktiaateqarluni ingerlatseqatigiiffiit pillugit inatsimmi § 2-mi taaneqartu-tut ingerlatseqatigiiffimmut, peqqussummi pineqartumut, attaveqarpata, naalakker-suisut ingerlatseqatigiiffik pisussaatisinnaavaat usinik ilaasunillu angallassinermi pisortat sullissinerat pillugu nalinginnaasumik niuerneramik atugassaqartitsillutik isumaqatigiissuteqarnissaanmut.”*

*Tamatuma nassataraa Naalakkersuisut, Namminersornerullutik Oqar-tussat piginneqataagallartillugit, ingerlatseqatigiiffik pisortat usinik ilaa-sunillu assartuerneramik kiffartuunnissaat pillugu niuernerpalaartumik atu-gassaqartitsilluni isumaqatigiissuteqarfiginninnissaanut pisussaaffilersin-naagaat.*

*Paarlattuanilli aalajangersakkami taaneqanngilaq Royal Arctic Line A/S pisortat oqartussaanerannik (umiarsualivimmut oqartussaaneramik i-ngerlatsineq) suliaqarnissamut pisussaaffeqarnersoq.*

*Umiarsualivimmut oqartussaaneramik ingerlatsineranut inatsisitigut tun-gaviusup oqaasertaa pillugu aamma Royal Arctic Line A/S-imik pilersit-sineq pillugu eqikkaaneq.*

*Namminersornerullutik Oqartussat umiarsualiveqarfutaannik sanaar-torneq, aserfallatsaaliineq, ingerlatsineq il.il. pillugit Inatsisartut peqqus-sutaat nr. 4, 29. oktober 1999-imeersoq imaluunniit Royal Arctic Line A/S pillugu Inatsisartut peqqussutaat nr. 5, 6. juni 1997-imeersoq aalajanger-sakkanik, oqaasertamikkut umiarsualivimmut oqartussaaneramik Royal Arctic Line A/S-imut isumaginnittussanngortitsisimaneranut pisariaqartu-tigut inatsisitigut tunngavissiisinnaasunik imaqanngillat.*

*Piginnaatitsinerup aamma peqqussummi tunngaveqarnerup akornanni pissusiusut.*

*Inatsisartut peqqussutaanni taaneqartuni taakkunani oqaasertat malil-lugit pisariaqartinneqartumik inatsisitigut tunngavissaqartoqanngikka-luarpalluunniit qularnaateqanngilaq umiarsualivimmut oqartussaaneramik annertussutsimigut Namminersornerullutik Oqartussat aamma Royal Arc-tic Line A/S-ip akornanni isumaqatigiissutip imarisaanut naapertuuttumik Royal Arctic Line A/S-imut Naalakkersuisut tunniussisinnaanissaannik ila-qartumik Naalakkersuisut piginnaatinnissaat Inatsisartut siunertarisima-gaat, taamaalillunilu umiarsualivimmut oqartussaaneramik isumaginnittus-sanngortitsineq, Royal Arctic Line A/S pilersinneqarmalli pisimasoq, piu-masarineqartutigut inatsisinut naapertuuttunngortillugu.*

*Taamaalilluni Namminersornerullutik Oqartussat umiarsualiveqarfiu-taannik sanaartorneq, aserfallatsaaliineq, ingerlatsineq il.il. pillugit Inat-sisartut peqqussutissaat pillugu siunnersuummut oqaaseqaatigisanit er-*

*seqqissumik erserpoq, tamatumani nassuiaatini nalinginnaasuni imaattut oqaatigineqarlutik:*

*”Ullumikkut umiarsualiveqarfinnut oqartussaaneq Kalaallit Nunaanni umiarsualivinni malittarisassat 5. maj 1951-imeersut kingusinnerusukkut allangortinneqartut, kingullermik 1979-imi, malillugit ingerlanneqarpoq. Malittarisassat taakku ullutsinnut naleqqukkunnaarput. Peqqussut atuutilersinneqassaaq piginnaatitsissutitut inatsimmi § 3 inatsisitigut tunngavigalugu, tassani aalajangersarneqarmat Namminersornerullutik Oqartussat inatsisartut peqqussutaatigut Kalaallit Nunaanni umiarsualivinnik sanaartorneq ingerlatsinerlu pillugit maleruagassiorsinnaasut.*

*Taamaalluni peqqussutiliornermut tunngavigineqarpoq Namminersornerullutik Oqartussat umiarsualiveqarfiutaasa allaffissornikkut aqunneqarnerisa, aserfallat-saalineqarnerisa ingerlanneqarnerisalu malittarisassaqartitsinikkut aqunneqarnerannut inatsisitigut tunngavissaliinissaq, taamatutaaq nutaanik Kalaallit Nunaanni umiarsualivinni malittarisassaliornissamut periarfissiinissaq.*

*Inatsisartut peqqussutaata allaffissornikkut aningaasatigullu kingunerisassai:*

*Peqqussut taanna immiini Namminersornerullutik Oqartussat umiarsualiveqarfii-nik sanaartornernut, aserfallatsaaliinermut ingerlatsinermullu atatillugu erseqqis-sunik malittarisassaliornermi sinaakkutassiisuunermi saniatigut aqutsinermi allaf-fissornikkut aningaasaqarnikkullu annertuunik imaaliillaanaq kinguneqartus-saangilaq.”*

*Royal Arctic Line A/S pillugu nassuiaatini nalinginnaasuni imaattut im-mikkut oqaatigineqarput:*

*”Royal Arctic Line A/S-ip pilersinneqarneragut umiarsualiveqarnermut oqartus-saaneq siusinnerusukkut KGH/KNI-mi inissisimasoq agguaanneqarpoq, tassa Royal Arctic Line A/S-ip illoqarfinni qulini umiarsuaatileqatigiiffiup allaffeqar-figisaani umiarsualiveqarnermut oqartussaaneermik suliassat tigummagit.*

*1997-imi nunaqarfinnut imaatigut angallassineq Royal Arctic Bygdeservice A/S-imut nuunneqarpoq, tamatumalu kinguneraa Royal Arctic Line A/S-ip illoqarfinni allani suli tallimani umiarsualiveqarnermut oqartussaaneq tigummagu.”*

*Aammattaaq peqqussummi § 1-imut nassuiaatinit imaattut erserput:*

*”Umiarsualivinni ataasiakkaani najukkami suliassatigut umiarsualiveqarnermut oqartussaaneq Namminersornerullutik Oqartussat KNI-llu taamatullu Royal Arctic Line A/S-ip immikkut isumaqatigiissutaat naapertorlugu ingerlanneqartarpoq ...”*

*Kiisalu peqqussutip §-iisa 4-aannut nassuiaatinit erserpoq:*

*”Umiarsualiveqarfinni oqartussaaneq ingerlanneqarnissaa pillugu Nammi-nersornerullutik Oqartussat Royal Arctic Line A/S-imut KNI-mullu isumaqatigiissu-teqarput (”Namminersornerullutik Oqartussat umiarsualiveqarfiutaasa ingerlan-neqarnerat kiisalu umiarsualiveqarfimmut oqartussaaneq suliassatigut ingerlan-neqarnera pillugit isumaqatigiissut”).”*

Taamatutaaq atuuppoq Royal Arctic Line A/S-ip umiarsualivimmut oqartussaannermik isumaqatigiisummi taaneqartutut annertutigisumik ingerlassinissaanik peqqusinerup tungaa. Royal Arctic Line A/S pillugu peqqussummi oqaasertaq inatsisitigut tunngavissamik erseqqissumik imaqanngilaq, peqqussutissamulli piareersaataallutik suliat malillugit qularnaatsumik paasineqarpoq Inatsisartut naatsorsuutigisimagaat ilaatigut aamma suliaasaq taanna ingerlatseqatigiiffiup taassuma siunertarisaasa ilagissagaat.

Royal Arctic Line A/S peqqussutip oqaasertai malillugit najoqqutassatigut namminersortut ingerlatseqatigiiffigaluarpassulluunniit ingerlatseqatigiiffiullu siulersuisui ingerlatseqatigiiffiup suliaasap taassuma suliarinissaanik kissaateqarnera pillugu aalajangiisussaagaluartut, pissusissaa-sullu malillugit matumunnga piumasaqaataasut akornuteqanngitsumik isumaqatigiinniutigisinnaagaluaaraat Namminersornerullutik Oqartussat Royal Arctic Line A/S-ip isumaqatigiisuteqarfigineqarneratigut toqqartuunngitsumik, taamaallaalli eqqartuussisut akunnermiliunnerisigut, ilit-sersuutinik nakkutilliinermillu pinngitsaaliissuteqarsinnaagaluartut, Namminersornerullutik Oqartussat aamma Royal Arctic Line A/S illua tungeriit isumaqatigiisutaanni immikkoortoq taanna pillugu isumaqatigiinngilissagaluarpata pissusiviusut imaapput, Namminersornerullutik Oqartussat kisimiillutik piginnittuusut, ingerlatseqatigiinnut inatsiseqartitsiner-mi malittarisassat tunngavigalugit, ingerlatseqatigiiffik toqqartumik aalajangiiffigisinnaagaat.

Taamaattorli Namminersornerullutik Oqartussat Royal Arctic Line A/S-imik aqutsinerat pingaarnerusoq tassaavoq aningaasanik akuersissutigineqartunik nakkutilliineq ilaatigullu anguniakkamik nakkutilliineq.

Matuma saniatigut toqqartumik nakkutilliineq Naalakkersuisut ingerlatseqatigiiffiullu pisortaasa akornanni inuttut suleqatigiinnermut siulersuisullu ataatsimeersuarnermi taarsernissaannik periarfissaqarnermut kil-liligaavoq.

Ajornartorsiu-teqarfusooq taanna pillugu Carsten Greve-p atuakkiaanut, Styring og demokratisk kontrol af statslige aktieselskaber (Naalagaaffiup ingerlatseqatigiiffiutaanik aqutsineq inuinnaallu oqartussaaqataaffigisaannik nakkutilliineq), Jurist- og Økonomforbundip Naqiterisitsisarfia, 1997, pingaartumik eqikkaanerup ilaa quppernerit 248-anniitooq aamma innersuussutigaa, tassanngalu imaattut issuarnissaat toqqarsimavara:

”Inuinnaat oqartussaaqataaffigisaannik nakkutilliineq pingaartumik politikkikut anguniakkanik piviusunngortitsinikkut akisussaassusernillu inisiinikkut pisar-pooq, kisiannili aqutsinerup aaqqissuunneqarneranit aqutsinermilu periaaserisamit, qinikkanik peqataatitaqarfusumit, (tunngavimmigut) qajannarsisinneqartarluni. Ammasuuneq peqataanerlu ... ingerlatseqatigiiffinnut tunngasumik sallersaatinneqaratik tulleriissaarinermi kingullinngortitaapput, taamaaliornikkut allanngoriar-tornermut samminerusumik nakkutilliinissamut periarfissaqarneq sakkukillisin-neqarluni. Allat aamma niuerner-mik sammisaqarnerat inuinnaat oqartussaaqataaf-figisaannik nakkutillinerup annertussusia ersersippaat. ... ingerlatseqatigiiffiutaan-

nik inuinnaat oqartussaaqataaffigisaannik nakkutillineq najoqqutassaqarfiusunik, inatsisartut suliaannut tunngasumik aqutsisooqatigiiginnaanngitsunit imaluunniit "nakkutilliisooqatigiiginnaanngitsunit", arlalinnit aallaaveqarpoq. Taamaattorli aaqqissuussamik nakkutilliineq ajutoortoqassagaluarpat atuutsinneqartussamut – ministerip naalackersuinikkut akisussaassuseqarneranut ingerlatseqatigiiffimmilu pisortaataatit "ingerlatsinermut" akisussaassuseqarnerannut sammitinneqarneruvoq. "Naalagaaffiup ingerlatseqatigiiffiutaata" ilusilerneqarnerani politikkeriniit ilaatigoortumik anguniakkamik nakkutilliinerusumit ingerlatseqatigiiffiullu anguniakkanik arlaannaannulluunniit atanngitsumik taamaaliornikkullu "pisortat soqutigisaat" isumagalugit suliaqarnissaat tatigalugu naatsorsuutaavoq. Imminut nakkutiginerpiaq taanna annertuumik innunut pisortaataatit ivertinneqartunut tunniunneqarpoq, ilaatigullu Folketingip, ministerip, atorfillit ingerlatseqatigiiffiullu akornanni sunniivigeqatigiinnermik tunngaveqartinneqarluni. Peqataaneq ammasuunerlu annikitsuinnaapput. Peqataaneq atorfileqatigiinnut killeqartinneqarpoq, ammasuunerlu ingerlatseqatigiiffinnut inatsiseqartitsinermi ileqqorsiaasuni sorlaqarpoq, paasissutissiinnaatitaaneq pillugu piumasarisani inuinnaat oqartussaaqataaffigisaannit salliutinneqartumik. Aarlerinartua uaniippoq ileqqussatigut akisussaassuseq piviusuujunnaarlunilu eqqissisaataannaalrpat. Aarlerinartooq alla tassaavoq imminut nakkutigineq qarajallineqalissappat: siulersuisumut ilaasortat qullersaqarfiullu "innuttaaqatigiinnut tunngasuni ataqatigiinneq" paasinngippas-suk" (Atorfeqarfimmi nutsigaavoq.)

Ataatsimut isigalugu naliliinerivara peqqussutini taaneqartuni taakkunani pisariaqarneratut annertutigisumik inatsisitigut tunngavissaqanngikkaluarpalluunniit (tassa imaappoq aalajangersakkat oqaasertaat naapertorlugit isumaginnittussanngortitsisimanermut tunngavissaqanngitsoq), Inatsisartut aaqqissuussap inatsisinik tamakkiisumik tunngavilerneqarluni 1993-imiilli pilersinneqarsimasup atortuutiinnarneqarnissaanut Naalackersuisut piginnaatissimagaat, tamatumani Royal Arctic Line A/S illoqarfinni arlaqaqisuni umiarsualivimmut oqartussaanermik, isumaqatigiissummit 6. juni 1993-imeersumit ersersutut annertutigisumik, ingerlataqarluni.

Ombudsmandi pillugu inatsit naapertorlugu ingerlatsinermik Inatsisartut sinnerlugit nakkutilliisussaavunga. Inatsisitigut tunngavissaqartussaanermik ajornartorsiuteqarneq immikkut ittoq taanna, tamatumani Naalackersuisut – peqqussutit matumunnga attuumassuteqartut oqaasertaanni tamatumunnga tunngavissaqartitsisoqarnani – umiarsualivimmut oqartussaanermik isumaginnittussanngortitsineq pillugu isumaqatigiissutaareersimasunik Inatsisartut kissaataannut naapertuulluinnartumik atatitsiinnarsimallunilu ingerlatitseqqiisimammat, isumaqarpunga uanga tunginnit isornartorsiuiinissamut inassuteqaateqarnissanulluunniit pissutissaqalersitsisinnaanngitsoq.

Aammattaaq paasisariaqarsimavara Inatsisartut umiarsualivimmut oqartussaanermik isumaginnittussanngortitsinermut akuersinerat inatsisitigut qularnaveeqqutissat nalinginnaasut, suliassat suliarineqartarnerat pillugu inatsimmi, paasitinneqarsinnaatitaaneq pillugu inatsimmi aamma

*Inatsisartut Ombudsmandiat pillugu inatsimmi imarineqartut taakku ator-  
tuulersinneqarnissaannik suliniuteqartoqarsimatinnagu pisimasoq.*

*Inatsisitigut qularnaveequtissat taakku pineqartut peqqussutini taakku-  
nunngalu piareersaataallutik suliani eqqartorneqanngivissimapput, tassa  
imaappoq, Inatsisartut tungaannit ersersitsisoqarsimanngitsoq taakku  
ortuutinneqartussaasut.*

*Taamaattumik aamma isumaqarpunga malittarisassat taakku Royal Arc-  
tic Line A/S-imut ortuulersinneqarnissaannik pisariaqannginneraanissa-  
minut pisortaqarfik naatsorsuutiginnissinnaasimanngitsoq.*

*Inatsisitigut isumannaatsuutitsinissap tungaatigut isummat nalingin-  
naasut tunngavigalugit peqqussutip oqaasertaani isumaginnittussanngor-  
titsisimanerup naammassineqarneranut erseqqissumik inatsisitigut tun-  
ngavissaqarnermik paasinninnissamut periarfissaqannginneq ajornartor-  
siutaavoq aalajangiinerup aalajangersimasup, Royal Arctic Line A/S-ip  
umiarsualivimmut oqartussaasut aalajangigaata, atorsinnaassuseqarne-  
ranik imaluunniit atorsinnaassuseqannginneranik naliliinermi aalajangi-  
suulluinnarsinnaasoq.*

*Taamaammatt suliffimmu pisortat ingerlatsinerisa avataanniittumut  
isumaginnittussanngortitsisimanermit inatsisitigut tunngavissap erseqqis-  
sup amigaataanerata nassataraa innuttaasut atortussaatinniarsinnaagaat  
Royal Arctic Line A/S-ip umiarsualivimmu oqartussaaneermik piginnaatin-  
neqarnermik ingerlatsinera atorsinnaassuseqanngitsoq, tassami inatsisi-  
tigut tunngavissaqartitsinnginnerit ingerlatsinermut inatsiseqartitsineq  
malillugu paasininneq aallaavigalugu pingaaruteqartuummata.*

*Qularutissaanngitsuusoraara Inatsisartut Namminersornerullutik  
Oqartussat umiarsualiveqarfiutaannik sanaartorneq, aserfallatsaaliineq,  
ingerlatsineq il.il. pillugit Inatsisartut peqqussutaannik nr. 4-mik, 29. okto-  
ber 1999-imeersumik akuersissuteqarnerminni naatsorsuutigisimagaat  
umiarsualivimmu oqartussaaneq, oqartussaaneq ingerlatsinermu oqar-  
tussaasumit imaluunniit allanit ingerlanneqassagaluarpalluunniit, innut-  
taasunut ortuutinneqassasoq.*

*Taamaattumik isumaqarpunga innuttaasut eqqarsaatigalugit inatsisiti-  
gut tunngavissaqartitsinnginnerup nassatarigaa Inatsisartut Naalakkersui-  
sullu tamanna pillugu nalunaarfigisariaqarikka, tak. Ombudsmandi pillu-  
gu inatsimmi § 11.*

*Isumaqarpunga, aammattaaq tak. aallarniutaasumik oqaaseqaatikka,  
umiarsualivimmu oqartussaaneermik Royal Arctic Line A/S-imut isumagin-  
nittussanngortitsineq ullumikkut naammassineqarsimasoq Inatsisini Tun-  
ngaviusuni killissarititaasup iluanni pisimanersoq aammalu oqartussaa-  
nermik namminersortunut isumaginnittussanngortitsinermu Europamiut  
Inuttut Piginnaatitaaffii pillugit Isumaqatigiissutip iluani pisimanersoq su-  
kumiinerusumik iserfigissallugu pisariaqanngitsoq.*

*Taamaattorli Naalakkersuisut qinnuigaakka suliap nangilluni suliarine-  
qarnerani tamanna eqqumaffigeqqullugu.*

Nalunaarutiginnineq.

*Inatsisitigut tunngaveqarnissaq pillugu eqikkaanerma saniatigut Royal Arctic Line A/S-ip Kalaallit Nunaanni illoqarfinni arlalinni umiarsualivinnut oqartussaanerata nalunaarutiginnissaanik piumasaqaateqartoqarpoq.*

*Namminersornerullutik Oqartussat umiarsualiveqarnermut oqartussaanerup ingerlanneqarnera pillugu nalunaarutaanni nr. 14-imi, 14. maj 2002-meersumi nalunaarutigineqarpoq, Royal Arctic Line A/S-ip Kalaallit Nunaanni najukkami suliassatigut umiarsualiveqarfinni arlalinni oqartussaasuusoq.*

*Kisiannili Royal Arctic Line A/S-ip najukkami suliassatigut umiarsualiveqarfimmi oqartussaasutut pisinnaatitaanerata annertussusianik nalunaarummi ersarissumik taasaqartoqarsimangilaq.*

*Nalunaarutip atuarnernani piumasarisatut tunngaviutittariaqarpoq umiarsualivimmuut oqartussaaneq agguataarneqarsinnaallunilu agguataarneqartussaasoq. Taamaalilluni Royal Arctic Line A/S najukkami suliassatigut umiarsualiveqarfimmi oqartussaaneq ingerlappaa. Kisiannili erseqqarluppoq tamanna qanoq paasineqassanersoq, tassami najukkami suliassatigut umiarsualiveqarfimmi oqartussaaneq oqartussaanginnerlu malit-tarisassani allani, matumunnga ilanngullugu umiarsualivinnik atuineq pillugu nalunaarummi nr. 1-imi, 4. januar 2000-imeersumi nassuiarneqarsimangimmata.*

*Aallaqqaammut isumaqatigiisutaasup 6. juni 1993-imeersup imariisaanik, ingerlatseqatigiiffiup aamma Namminersornerullutik Oqartussat akornanni tapinik assigiinngitsunik tamatuma kingorna tapeqartinneqartunik, tassalu Royal Arctic Line A/S-imut isumaginnittussanngortitsisimanagerup annertussusia aalajangersimasoq innuttaasunit paasineqarsinnaanngortillugu nalunaarutiginnittoqarsimangilaq.*

*Isumaginnittussanngortitsinerup annertussusianik naammangitsumik nalunaarutiginnissimaneq pitsaanngitsuusoraara, inassuteqaatigaaralu Naalakkersuisut isumaginnittussanngortitsinerup annertussusia pillugu malittarisassanik nalunaarutigineqartussanik aalajangersaanissaq suli-sutigissagaat.*

*Tamatumunnga atatillugu manna ilutigalugu paasititsissutigissavara pisortaqarfik, oqaaseqaat manna qanoq iliuuseqarnissamut pissutissaqalersitsissagaluarpat suliamik isumaliutersuutiginninnermini, ima inerniliisariaqassagaluarpat piginnaatitsineq najukkami umiarsualivinnik atuineq pillugu nalunaarut malillugu sutigulluunniit oqartussaaneq pineqassasoq, tamatumuunakkullu "najukkami suliassatigut umiarsualivimmi oqartussaaneq"-rup nassuiarneqarnerani "suliassatigut"-mik oqaasiliorneq ilaatinneqanngiinnarsinnaasoq, taava erseqqissuutitsinissamik inassuteqaateqarnera aalajangiuisimaannassavara.*

*Inassuteqaateqarnermut atatillugu isumaliutersuutigisimavara tamatumunnga peqatigitillugu oqartussaasumut qulliunerusumut naammagittaal-*



liorsinnaatitsisoqarnera nalunaarutigineqassanersoq imatut, Royal Arctic Line A/S-ip aalajangiinerisa pisortaqarfimmut saqqummiunneqarsinnaanerisigut.

Ingerlatsinermi inatsiseqartitsinermi tunngavigisassat nalinginnaasut malitsigaat oqartussaasup alliuernerusup aalajangiineri pillugit oqartussaasumut qulliuernerusumut naammagittaalliortoqarsinnaasoq.

Aalajangiinissamut pisinnaatitaanermik inatsisini tunngavissalimmik isumaginnittussanngortitsinermi piumasarisaavoq oqartussaag isumaginnittussanngortitsisoq taamaaliornermigut qulliuernerulluni oqartussaasusasoq, oqartussaasup suliasamik taassuminnga namminersortumut suliasisinnaaneratigut, aammalu piumasaqaataalluni ilitersuinissamut nakkutilliinissamullu piginnaatitsinerit pisariaqartut piunerat, matumalu kingunerisaanik oqartussaasumut qulliuernerusumut naammagittaalliorsinnaatitsisoqassaartaaq. Aammattaarlumi tamanna Royal Arctic Line A/S-imik isumaqatigiisummit erseqqissumik erserpoq.

Tamanna tunngavigalugu oqartussaasumut qulliuernerusumut naammagittaallorsinnaatitaanerup Royal Arctic Line A/S-ip umiarsualivimmut oqartussaanera pillugu nalunaarutinit saqqummersinneqarsimasunit ersinnginnerata isornartorsiornissaanut pissutissaqanngilanga.

Kisiannili Pisortaqarfiup isumaliutersuutigisassaasut malugeqquara Royal Arctic Line A/S-ip umiarsualivimmut oqartussaanermik ingerlatsineranik aaqqissuussaq ingerlatsinerimut inatsiseqartitsineq naapertorlugu aaqqissuussinerimut ilusilersuinerimullu nalinginnaasumut naleqqiullugu nalinginnaasumit erseqqissumik allaanerummat.

Innuttaasut ingerlatsinerimut inatsiseqartitsinermi tunngavigisassanik nalinginnaasunik ilisimasaqarnissaat naatsorsuutigineqaraluarpalluunniit tamatumani isumaga malillugu mianerisariaqarpoq pisumi tassani oqartussaasunut qulliuernerusunut naammagittaalliorsinnaaneq innuttaasunut erseqqarlussinnaammat, tassami aalajangiinerup ingerlatseqatigiiffimmit, aammattaaq pisuni arlalinni niuernerinnavinnut tunngasuni annertoqisumik inatsisilerinikkut iliuuseqarlunilu aalajangiiffiginnittartumit, aalajangiinerunera eqqarsaatigalugu.

Aammattaaq matuma siuliini eqqartorneqartut eqqarsaatigalugit eqqaamasariaqarpoq, suliasat suliarineqartarnerat pillugu inatsit Royal Arctic Line A/S-ip oqartussaanermik ingerlatsineranut atuutinngimmat, taamaammallu suliasat suliarineqartarnerat pillugu inatsimmut inner-suussilluni atuisut aalajangiinernut atatillugu naammagittaalliorsinnaanissamik ilitersorneqarnissaannik piumasaqaateqartoqarsinnaanani.

Taamaattumik inassuteqaatigaara umiarsualivimmut oqartussaanermik Royal Arctic Line A/S-imut isumaginnittussanngortitsinerup annertussusianik imarisaanillu nalunaarutiginninnissamut pisariaqartumut atatillugu aammattaaq nalunaarutigineqassasoq, Royal Arctic Line A/S-ip aalajangiineri pisortaqarfimmut naammagittaalliuutigineqarsinnaasut.

Umiarsualivinni malittarisassaqtitsineq pillugu Namminersornerullutik Oqartussat nalunaarutaanni nr. 1-imi, 4. januar 2000-imeersumi kukkunerit.

Suliamik suliaqarnerma nalaani umiarsualivinni malittarisassaqtitsineq pillugu Namminersornerullutik Oqartussat nalunaarutaanni nr. 1-imi, 4. januar 2000-imeersumi oqaatsitigut kukkunernik aammalu kalaallisut qallunaatullu oqaasertani naapertuutinnginnernik arlalinnik imaattunik paasisaqpunga:

Nalunaarutip inatsisitigut tunngavissaqarneranut nassuiaatip kalaallisuani paragrafit taaneqartut ulluliinerlu amigaataapput.

Aalajangersakkat ilaanni (§ 7, imm. 6, § 23, § 24) qallunaatut oqaasertani kisitsisit atorlugit nalunaaqutsersuisoqarsimavoq kalaallisullu oqaasertani naqinnerit atorlugit nalunaaqutsersuisoqarsimalluni.

§ 1, imm. 1. oqaaseqatigiit aappaat kalaallisuuani amigaataapput.

§ 1, imm. 2. kalaallisuuani amigaataavoq, tassa imaappoq, qallunaatuani imm. 3. kalaallisuuani imm. 2.-mut naapertuuttoq il.il., § 1-ip sinnerani.

§ 3, imm. 5.-ip qallunaatuua kalaallisuuanut naapertuutinngilaq.

§ 3, imm. 6.-ip qallunaatuua kalaallisuuanut naapertuutinngilaq.

§ 3, imm. 7 aamma imm. 8. Kalaallisut oqaasertat amigaataapput.

§ 11, imm. 3. kalaallisuuani amigaataavoq.

§ 24, imm. 3, nr. 8) aamma 9) taamatullu matuma kingornani imm. 2., imm. 4.-aasussaagaluaq, kalaallisuuani amigaataapput.

§ 26-p kalaallisuuani oqaaseqatigiit pingajui § 26-p qallunaatuani imm. 2.-mut naapertuupput.

§ 27, imm. 4-mi "Det Kommunale Brandvæsen" ima kalaallisunngortinneqarsimavoq "kommunimi annaassiniartartut".

§ 30, imm. 2. qallunaatuani amigaataavoq.

§ 32, imm. 3. qallunaatuani amigaataavoq.

Isumaqarpunga kukkunerit amerlassusiat nalunaarutissamut missi-ngiummik, nalunaarutissavittullu suliarineqarsimasoq pinnagu, nalunaarutiginnittoqarsimasinnaaneranut uparuaassisinnaasoq.

Inatsisartunut Naalackersuisunullu nalunaaruteqarninnut atatillugu, tak. matuma siuliiniittut, kukkunerit taakku matumunnga peqatigitillugit nalunaarutigaakka."

Ineqarnermut Attaveqarnermullu Pisortaqarfiup allakkani 24. november 2003-meersuni akissuteqarfigaanga:

"Allakkavit 9039-mik normullit 07.11.2003-meersut tiguneri matumuuna uppernarsarparput.

Maluginiarparput misissuinerit naammassisoq imatullu inerniliisoqartoq "Naalackersuisut umiarsualivimmuut oqartussaasermik Royal Arctic Line A/S-imut tun-

niussinermikkut Inatsisartut piginnaatitsinerannut killissarititaasut iluanni iliuseqarsimasut”.

Tamatumunnga peqatigitillugu paasivat Namminersornerullutik Oqartussat umiarsualiveqarfiutaannik sanaartorneq, aserfallatsaaliineq ingerlatsinerlu pillugit Inatsisartut peqqussutaat tamannalu naapertorlugu nalunaarummi malittarisassat aalajangersarneqarsimasut annertuunik amigaateqartut.

Aammattaaq paasisimavat umiarsualivinni malittarisassaqaartitsineq pillugu Namminersornerullutik Oqartussat nalunaarutaanni nr. 1-imi, 4. januar 2000-imi kalaallisut qallunaatullu oqaasertat akornanni oqaatsitigut kukkuneqarlunilu naapertuutiningitsoqartoq.

Pissutsit taakku pillugit aaqqiissuteqarnissaq siunertaralugu suliaqarnermik aalartitsisimavugut, suliallu taassuma 2004-mi martsip qaammataani inaarneqarsinnaanissaa naatsorsuutigalugu.” (Atofeqarfimmi nutsigaavoq.)

Ulloq 30. december 2003-mi pisortaqarfimmut ima allappunga:

”Pisortaqarfiup oqaaseqaatiga pillugu oqaaseqaatigallagai 24. november 2003-mi tiguakka.

Maluginiarpara qulaajaanermik pisortaqarfimmi sulineq marts 2004-mi naammassineqassasoq naatsorsuutigineqartoq.

Taamaattumik naatsorsuutigaara pissutsit Ombudsmandi pillugu inatsimmi § 11 tunngavigalugu Inatsisartunut Naalakkersuisunullu nalunaarutigisimasakka aamma oqartussaassutsimik tunniussinerup tamanut nalunaarutigineqarnera pillugu inassuteqaatinnut atatillugu Naalakkersuisut isumaliutersuutaat pillugit nassuiaammik taamanikkut tigusaqarumaarlunga.”

## 88. Kommuninut tikeraarnerit

### 1. Sulianik akiliisitsiniarnermut tunngasunik misissuineq.

*Kommunimut tikeraarsimatilluni paasineqarpoq kommunip suliat pisoqaanerusut amerlangaatsiartut ingerlateqqissimanngikkai, tamannalu kommunip aningaasaqarnermik ingerlatsinera pillugu aqutsinermik inatsisip malittarisassartai pissutigalugit aammalu oqartussaasut aningaasatigut piumasarisat atortuulersinneqarumaarneri pillugit innuttaasunik nalorninartorsior-titsinnginnissaat ingerlatsinermi ileqqorissaarnermut ilaanera pissutigalugu isornartorsiuinissamut pissutissaqalersitsisimavoq. Matuma saniatigut kommunip, kommuninut allanut akiliisitsiniussinerit pisoqalivallaarsimappata, taarsiiviginninnissamut akisussaatinneqaleriataarsinnaanera uparuarneqarpoq. Taakku saniatigut kommunimut tikeraarneq kommunip akiliisitsiniarnermik suliaqarnermi isumaqatigiissutinik atuinera pillugu aammalu kommunimi atorfeqartitat akiitsuunik akissarsiat pingajorararterutaannik unerartitsinikkut akiliisitsineq pillugu kommunip nammineq iluani malittarisassaq pillugu oqaaseqarnissaanut pissutissaqalersitsisimavoq. (J.nr. 11.73.88.73/078-03)*

*Tamanna pillugu oqaaseqaateqarsimavunga:*

”...

***Ataatsimut isigalugu.***

*Akiitsut pisoqaanerusut pillugit sulianut malitseqartitsineq.*

*Sulianik akiliisitsiniarnermut tunngasunik misissuininni paasivara akiitsut pisoqaanerusut pillugit suliani arlalinni, matumani kommuninut allanit akiliisitsiniaqqusissutit ilanngullugit eqqarsaatigalugit, akiliisitsiniarnermi iliuutsinik sunik imaluunniit sulianik suliarinninnermi iliuutsinik sunik kommunip ukiuni kingullerni ingerlatsisimanera pillugu paasissutissat ilaanngitsut.*

*31. maj 2003-mi ataatsimiinnermi kommunip oqaatigaa pisuni arlalinni piviusoq unaasoq kommunimut akiitsunik pisoqaanerusunik akiliisitsiniarneq unitsinneqarsimalluni. Kommunip akiliisitsiniartarfimmi massak-kut pisortaata 1998-imi sulilersimasup akiitsut nutaanerusumik pilersimasut tulleriiaarinnermi siulluutissimavai.*

*Aammataaq 31. maj 2003-mi ataatsimiinnermi oqaatigineqarpoq ingerlatsinikkut annertunerusunik isumakkeerinninneq kommunip massak-kut missingersuutaasa nammassinnaanngikkaat.*

*Kommunik ataatsimeeqateqarninni oqaatigaara akiitsut pisoqaane-rusut pillugit malitseqartitsinnginerup kommuninut tunngaviusumik ajor-nartorsiutit arlallit pilersikkai.*

*Akiitsut ukiut tallimat pisoqaassuseqalernerisa inatsisilerinikkut nassa-tarisaat pingaarnertut tassaasarpog taakku pisoqalisoornerat, kommunip pisoqalisoorneq unitsinniarlugu innuttaasog pineqartoq aningaasat aki-leqqullugit eqqartuussivikkut suliaassanngortissimannippagu, imaluunniit suliap akiliisitsiniarnermut tunngasup suliarineqarnerani innuttaasup a-kiitsoqarnini erseqqissumik akuerisimannippagu.*

*Akiitsut pisoqalisoorsimasut akilersinniarnissaannut kommuni periar-fissaqanngilaq.*

*Akiitsut pisoqalisoorsimasut naleqarunnaartarput, pisassarisallu taamaattut aqutsineq pillugu inatsimmi § 39, imm. 3 tunngavigalugu (ima-luunniit ilassutitut aningaasaliissuteqarnikkut, tak. aqutsineq pillugu inat-simmi 42, imm. 2, tak. imm. 4) missingersuutitigut isumakkeerneqarnissaat kommunimut qularnaatumik pisussaffiuvoq.*

*Aammattaaq ingerlatsiviup innuttaasut suliat ingerlaneri pillugit ilisi-matittassagai ingerlatsinermi ileqqorissaarnerup nassataraa, ingerlatsi-viullu innuttaasut inatsisitigut inissisimanerannik qulaajaasinnaasumik ili-simatittassagai.*

*Kommunik akiitsut akilersinniassaneraik kommunip innuttaasunut ilisi-matitsisanninnera ingerlatsinermi ileqqorissaarnermut assortuuttuvoq. Tamanna pingaartumik kommuni paasissutissanik akiitsut inatsisunik eq-qortitsisuunerannik nalornissutiginnilersitsinnaasunik peqarpat atuup-pog.*

*Pisassarisat taaneqartut kingulliit eqqarsaatigalugit akiitsut ukiut talli-mat qaangiunneranni pisoqalisoortarnerat malillugu pisoqalisuunnginne-ranni pisassarisat taakku atorunnaarsinnaapput, kommunip ilatsiinnar-luni iliuuseqannginnera pissutigalugu.*

*Tassa imaappog pisassarisat pisoqalisoornissaat sioqquaterujussuarlugu suliaq qanoq pineqassanersoq kommunip isummerfigisariaqaraa, tassami suliamik suliarinninnermi iliuuseqannginneq ingerlatsinermi ileqqoris-saarnermut assortuuttuummat, pisassarisallu atorunnaarnerannik kingu-neqarsinnaalluni.*

*Eqikkaallunga isumaqarpunga akiliisitsiniarnermi sulianik pisoqaane-rusunik iliuuseqarfiginninnginnerup nassatarigaa suliat tamarmik malitse-qartitsivigineqarnissaanut kommunip piaarnerpaamik suliniuteqartaria-qalerneru. Akiitsut pisoqalisoorsimasut naatsorsuutitigut isumakkeerne-qassapput. Aamma tamanna taamatut atuuppoq akiitsut kommunip erseq-qinnerusumik naliliiffigereerlugit akilersinneqarsinnaanngitsutut isigisai eqqarsaatigalugit. Kommuninik aqutsineq pillugu inatsimmi § 39, imm. 3-p nassataraa kommunip missingersuutai sutigut tamatigut aningaasartuu-tigisassatut isertinneqartussatullu naatsorsuutigisarpiaasunut nikerartitsi-nernullu allanut takussutissaassasut, tassa imaappog kommunip aningaa-*

*saataanik oqimaqaatigiissitsinermit nikerartitsinerit pissusiviusunik aamma takutitsisuussasut.*

*Sulianik akiliisitsiniarnermut tunngasunik kommuninit allanit tigusaqar-neq aamma kommuninut allanut ingerlatitseqqilluni nassiussineq:*

*Akiitsunik akilersinniarneqartunik kommuni kommunimut allanut nassiussiguni suliamik malinnaaffiginnittuarnissaq kommunip aamma pisussaaffigaa.*

*Akiitsunik kommunimi innuttaasumut akilersinniaqquneqartunik kommunip kommunimit allamit tigusaqarnerani kommuni pisussaaffeqarpoq akiitsut taakku kommunimut imminullusooq akiitsutut akilersinniassallugit. Taamaattorli suliamik akiliisitsiniarnermut tunngasunik kommunimit allamit tigusaqarnermi kommuni pinngitsaaliissutaasunik ilanngaassinissamut killilimmik periarfissaqarpoq, tak. ilanngaassisarneq pillugu kingusinnerusukkut oqaatigineqartut.*

*Taamaalilluni pisassarizat oqartussaasut allat akilersinniaqqusaat eqqarsaatigalugit kommunip oqartussaasumut pineqartumut taarsiissuteqartussaasutut akisussaanera pineqarsinnaavoq, tassa pisassarizat kommunimut akilersinniaqqullugit tunniunneqarnerisa kingorna kommunip iliuuseqannginnera pissutigalugu pisoqalisoorpata.*

*Sulianut akiliisitsiniarnermut tunngasunut pisoqaanerusunut malitse-qartitsisannginnermik paasisaqarnerma pisariaqalersippaa:*

*- kommunip sulianut malitseqartitsinermini suliat kommuninit allaneersut eqqumaffigissagai, tamannalu pisimangippat suliat killiffii ilisimatit-sissutigisassallugit,*

*- suliat kommunip nammineq kommuninut allanut ingerlateqqillugit nassiussani apeqqutigisassagai.*

*Sulianik uppersaasersuineq:*

*Sulianik akiliisitsiniarnermut tunngasunik misissuininni malugisimavara suliat kontot pillugit takussutissianik akiitsulluunniit amerliartornerat/ikiliartornerat pillugu takussutissianik allanik imaqqanngitsut, taamatuttaarlu suliat arlallit uppersaatinik pisassarizat suussusiinik pisariaqarneratut annertutigisumik erseqqissaataasunik imaqqaratik.*

*Tamatumunnga atatillugu kommunimut malugeqqullugu oqaatigaara konto pillugu takussutissiaq qarasaasiami toqqortarineqaraluarpuunniit innuttaasooq apeqquteqaateqarpat kommuni pisussaaffeqartussaasooq innuttaasup kommunimut aningaasatigut akiligassarisaasa nikerarneri naatsorsuutinut nalunaarsorneqarsimasut innuttaasumut nalunaarutigis-sallugit, taamaattumillu kontot pillugit takussutissiat akuttunngitsumik nutarterneqartartut suliami allagaatinut ilaanerat pisariillisaataasorujus-suuvoq.*

*Tamatumunnga peqatigitillugu kommunip naatsorsuutinin ingerlatsinerata akiilisitsiniarnermik suliani iliuserineqartunut ataasiakkaanut imaaliallaannaq sanilliunneqarsinnaanera nakkutilliinermi oqartussaasut kommunip ingerlatsineranik nakkutilliineranni kukkunersuiisullu sulineranni iluaqutaasussaavoq.*

*Taamaattumik inassuteqaatigaara kontot pillugit takussutissiat imaluunniit akiitsut amerliartornerat/ikiliartornerat pillugu arlaatigut takussutissiat suliani akiliisitsiniarnermut tunngasuni allagaatinut ilanngunneqartassasut.*

*Aammattaaq malugaara suliani akiliisitsiniarnermut tunngasuni tamani pisassarisat suut akiliisitsiniarnermut tunngaviunerat imaaliallaannaq takuneqarsinnaasanngitsoq.*

*Kisianni suliap akiliisitsiniarnermut tunngasup suliarineqarnerani kommunip pisassarisaasa makkuninnga tunngaveqarnerat immikkoortisimasallugu pingaaruteqarpoq:*

- 1. Pisassarisat akiliisoqanngippat kommunip qularnaveqqusiussatut arsaarinnissutigisinnaasai imaluunniit akissarsianit unerartitsissutigisinnaasai*
- 2. Pisassarisat akiliisoqanngippat kommunip eqqartuussivikkortumik malersortariaqagai*
- 3. Pisassarisat inuinaat akornanni inatsiseqartitsineq tunngavigalugu pisassarisaasut, tassa imaappoq pisassarisat kommunip ingerlatsinermik suliaqarneratigut pilersimasuunngitsut.*

*Taamaattumik inassuteqaatigaara suliani akiliisitsiniarnermut tunngasuni pisariaqarneratut uppernarsaasersuineq kommunip siunissami isumagissagaa, akiitsunngoreersimasunillu akiliisitsiniarnermut atatillugu immikkoortisimatitsineq taaneqartoq aamma eqqumaffigissagaa.*

*Isumaqatigiissut (forlig):*

*Sulianik akiliisitsiniarnermut tunngasunik misissuininni kommunip akiilisitsiniarnermut ilaatillugu isumaqatigissuteqarnissaq (forlig) toqqartaraa maluginiarsimavara.*

*Aallaqqaasiullugu oqaatigaara pisuni tamanna periarfissaatillugu akiitsut piffissap aalajangersimasup ingerlanerani naafferartumik akilersorneqarnissaat pillugu kommunip isumaqatigiissuteqarnissamik toqqaanisaanut soorunalimi akornutissaqanngitsoq.*

*Kisianni isumaqatigiissutinik taamaattunik (forlig) kommunip atuinera-ta siusinnerusukkutulli massakkut isumaliutersuuteqarnissannut pissutis-saqalersippaanga.*

*Isumaqatigiissut taamaattoq (forlig) isumaqatigiissummit nalinginnaa-sumit annertuneruvoq. Taamatut isumaqatigiissuteqarnek suliaq eqqar-*

*tuussivikkortumik suliarineqartoq inaarlugu suliariniarlugu atorneqartarpoq, eqqartuussumullu taarsiulluni atulersarluni.*

*Pisortat pisassarisaasa suunerat apeqqutaatillugu isumaqatigiissummik (forlig) atuinissaq pillugu isumaliutersuutit assigiinngitsuusarput.*

- *Pisassarisat akiliisoqanngippat kommunip pinngitsaaliinikkut akiliisitsinermik naammassinniffiginnaasai.*

*Isumaqatigiissuteqarnerup (forlig) pisuni arlalinni akiitsunik akiliisitsiniarnermi ilaatillugu atornissaa pisariaqartuunngilaq, kiisalu pisortat innuttaasullu paatsuuinerannut pissutaasinnaalluni. Akiitsut Kalaallit Nunaanni eqqartuussisarneq pillugu inatsit tunngavigalugu pinngitsaaliinikkut akiliisitsinermik imaaliallaannaq naammassinniffiusinnaasut eqqarsaatigalugit kommunip isumaqatigiissuteqarnissaanut pissutissaqartusaanngilaq. Periaaseq inatsimmi atoqquneqartutut allaaserineqartoq kommunip malissavaa.*

*Akiitsut taamaattut eqqarsaatigalugit qularnaveeqqutitut arsaarinnissuteqarnissamut akissarsianilluunniit ilanngaassinissamut piumasaqaatit eqqortinneqarsimanerisa paasineqarneratigut pinngitsaaliinikkut akiliisitsiniartoqarsinnaavoq.*

*Tamanna akiitsut piffissami aalajangersimasumi naafferartumik akilersorneqarnissaannik kommunip innuttaasumut isumaqatigiissuteqarnissaanut soorunalimi akornutaasinnaanngilaq.*

*Taamaalilluni isumaqatigiissut taamaattoq kommunip akiitsunik pinngitsaaliilluni akiliitsiniarnikkut naammassinninnissamut periarfissaa pillugu apeqqummut attuumassuteqarsinnaanngilaq.*

- *Pisassarisat akiliisoqanngippat kommunip eqqartuussivikkoortumik malersortariaqagai.*

*Erseqqissumik paasinninnera unaavoq Kalaallit Nunaanni inatsiseqartitsinermi atuuttumi inatsisitigut innarlitsaalineqarnissamik qularnaveeqqutit innuttaasunut atuuttussanngortinneqarsimasut, matumani suliassat suliarineqartarnerat pillugu inatsit ilanngullugu eqqarsaatigalugu, suliassa qarfinni oqartussaasup pinngitsaaliinikkut akiliisitsiniarnermik naammassinninnissaminut inatsit malillugu oqartussaaffilerneqarfigisimanngisaani oqartussaasup pinngitsaaliinikkut akiliisitsiniarnermik naammassinninnissaanermik isumaqatigiissutit atorlugit pilersitsiniarneranut ataneqatinneqarsinnaanngilaq.*

*Akiitsunilli pinngitsaaliinikkut akiliisitsiniarnermik oqartussaasup imaaliallaannaq naammassinninniarfigisinnaasaanik naafferartumik akilersuinissamik innuttaasup nammineq piumassusia tunngavigalugu kommunip tassunga isumaqatigiissuteqarsinnaanera oqaatigineqartut mattutinnngilaat. Isumaqatigiissutilli taamaattut nassatarisariaqarpaat akiler-*



suinerit piumassuseq tunngavigilluinnarlugu akilersuinerusariaqartut, tamatumalu nassatarissallugu kommunimut akiitsut naatsorsorneqarsimanagerat kukkusuusooq imaluunniit kukkusumik tunngaveqartoq innuttaasup kingusinnerusukkut isummiutissagaluaruniuk – soorlu innuttaasooq aallaqqaataaniilli taamaaliorsinnaasimasooq – kommunip pisassarisaminik eqqartuussutikkut aalajangersaatitsiniartariaqarnera tunngaviginiarsinnaagaa, akilersuininilu eqqartuussutip aalajangersarneqarnissaata tungaanut unitsissinnaallugu.

Kisianni kommunip innuttaasullu akornanni akiitsut pillugit suliamik eqqartuussivik aqutugalugu aalajangersimasumik ingerlatsisoqartillugu pisutsit allaapput. Innuttaasooq eqqartuussivikkortumik suliassanngortinneqarsimappat – eqqartuussivillu isummernermik saqqummiussisimappat taakku malillugit – akiitsut piunerat innuttaasup tamakkiisumik ilaannakortumilluunniit akuerippagit isumaqarpunga suliap eqqartuussivikkortumik isumaqatigiissuteqarnikkut (forlig) inaarlugu sularineqarnissaa ingerlatsinermi ileqqorissaarnermut naapertuuttuunerpaassasooq, tassa imaappooq tassani pisassarisat suut piunerat eqqartuussutinik allattavimmi erseqqissummik allanneqarpat, innuttaasooq eqqarsaatigalugu pisariaqarneratut qularnaatsuutitsinermik pilersitsinissaq siunertarlugu, kiisalu pisassarisat assortuussutigineqarsimasut pinngitsaaliinikkut akiliisitsiniarfigneqarnissaannut periarfissamik eqqartuussutip nalinginnaasumik siunertarisaanik eqquutsitsiniarluni.

- Pisassarisat inuinnaat akornanni inatsiseqartitsineq tunngavigalugu pisassarisaasut, tassa imaappooq pisassarisat kommunip ingerlatsinermik suliaqarneratigut pilersimasuunngitsut.

Pisassarisat inuinnaat akornanni inatsiseqartitsineq tunngavigalugu pisassarisaasut eqqarsaatigalugit pisortani oqartussaasut suliassat sularineqartarnerat pillugu inatsimmi pineqartunut ilaatinneqarneq ajorput, sularlu inuinnartullusooq illua tungiulluni kommunip aallaavittut isumaqatigiinniutigisinnaallugu.

Taamaattorli pisassarisat inuinnaat akornanni inatsiseqartitsineq tunngavigalugu pisassarisaasut pillugit eqqartuussivikkut aalajangiisooqanngikkaluartooq isumaqatigiissutit (udenretlige forlig) isumaqatigiissuteqartarneq pillugu inatsiseqartitsinermi pineqartunut ilaatinneqarnerat kommunip eqqumaffigisariaqarpaa.

### Ilanngaassineq:

Sulianik akiliisitsiniarnermut tunngasunik misissuininni malugisimavara kommunip pisut ilaanni akiitsoqartoq akiliisitsiniarnermut ilaatillugu uppernarsaammik atsiortittarsimagaa, taamaaliornikkut kommuni ata-

*simut isigalugu ilanngaassinissamut pisinnaatinneqartarluni (isumaqatigiissutaasumik ilanngaassineq).*

*Ilanngaassinermi ilanngaassinissap isumaqatigiissutaasimanissaa piumasagaataannilaq. Piumasagaatatit erseqqinnerusut arlallit eqqortinneqarsimappata pisortani oqartussaasut aallaavittut pisinnaatitaapput pinngitsaaliinikkut ilanngaassinissaminnut, tassa imaappoq innuttaasumut isumaqatigiissummik tunngaveqarnani ilanngaassinissamut. Piumasagaatatit taakku makkuupput:*

*Illua'tungeriinneqarneq:*

*Ilanngaassisoqassappat piumasagaataavoq pisassarisanik "akilerneqartunik" pisassarisalik "akiliutigineqartunik" tunniussisussaasasoq. Illua'tungeriinneqarneq taanna ilanngaassisoqarnissaa nalunaarutigineqarpat atuutissaaq.*

*Ilanngaassinissamik nalunaaruteqarneq piffissarlu tassunga tunngasoq:*

*Ilanngaassisoqassappat piumasagaataavoq piffissaq akiitsut akilerneqarfissaat piffissarlu innuttaasup pisassarisaasa tunniunneqarsinnaaffiat nallersimassasut. Aammattaaq ilanngaassinierup kommunip ilanngaassinissamik nalunaaruteqarneratigut aallartinneqarnissaa pisariaqartuuvoq.*

*Tunniunneqartussat aalajangersimasut ilanngaassivigineqarsinnaangillat:*

*Akissarsianit, soraarnerussutisianit, meeqqanut akilersuutinit isumagininnermilu tunniunneqartartunit, aningaasanik tiguisup inuuniarnermini aningaasartuutaasa matuneqarnissaannuinaaq atorneqartussanit aallaavittut ilanngaassisoqarsinnaannilaq.*

*Inatsisitigut atuussinnaassuseqarneq:*

*Pinngitsaaliinikkut ilanngaassisoqassappat piumasagaataavoq pisassarisat "akiliutigineqartut" inatsiseqartitsinikkut pisussaaffiliisuussasut, taamalu pisoqalisoorimasuussanatik.*

*Pisortat ilanngaassinissamut periarfissaasa immikkut taaneqarnerat:*

*Inuinnaat akornanni inatsiseqartitsinerup iluani pisassarisanik ilanngaassinissaq nalinginnaasumik ajornannilaq, ilanngaatigineqartussat akerlilerneqarsimagaluarpataluunniit. Tamatuma kinguneraa eqqartuus-siviup suliap eqqartuussivikkut suliarineqarnerani inuup eqqartuussivikkut suliassannngortinneqartup akerliliissutaannaanut isummerfiginnittussaan-*

nginnera, aammali – tamanna atuutsinniarneqarpat – eqqartussivikkut suliassanngortinneqartup suliassanngortitsisumit allamut tunngatillugu aningaasanngorlugit pisassarisaanik isummerfiginnittussaana. Tamanna inuup pisumi inuinnarnut tunngasumi inummit akiliiumanngitsumit aningaasanik piumasqaateqartup eqqartuussivikkoortumik suliassiisoqarnissaanik suliniuteqartussaanaeranik pissuteqaannarpoq.

Assersuutigalugu suliambut allamut atatillugu aningaasanik akileeqquisumit pisassaqaarneq pissutigalugu piumasqaatip eqqartuussivikkoortumik ingerlanneqartariaqarneranik innersuussinikkut akiliisoqarnissaanik piumasqaatip illua tungilernis-saanut periarfissaq taanna pisortani oqartussaasumut atuutinngilaq. Matumani atuuppoq innuttaasup pisassarisaanit, assersuutigalugu akileraarutitigut utertoortusiassaani, oqartussaasup "akiliutitut" atortinniagai innuttaasup tunngavissaqartumik akerrililerpagit oqartussaasoq innuttaasumut akiliinissani pinngitsoortinniarlugu "akiliutitut piumasqaataasut" aalajangersartinniarlugit eqqartuussivikkoortumik suliassiinissaminut innersuussaasoq.

Taamaalilluni suliambi pineqartumi eqqartuussivikkoortumik suliassanngortitsineq pissutissaqarpat oqartussaasoq eqqartuussivikkoortumik suliassanngortitsinissaq pinngitsoortinniaannarlugu ilanngaassuinermik aallartitsisinnaannilaq.

Ataqatigiinneqarneq imaluunniit isumaqatigiissuteqarnikkut ilanngaassineq:

Ataqatigiinneqarneq tunngavigalugu, tassa pisassarisaat inatsiseqartitsinikkut pissutsimut taannaasumut tunngasuuppata, pinngitsaaliinikkut ilanngaassinissamut piumasqaataasut qulaani taaneqartut annertuutitigut atuutinngillat. Tamatumani assersuutitut taaneqarsinnaavoq innuttaasooq paasissutissanik eqqunngitsunik piaaraluni tunniussisoq tamatuma nassatarisaanik isumaginninnermi tunniunneqartartunik amerlanaarlugit tunineqartoq. Pisortanit tunniunneqartartunit ilanngaassinissamut nalinginnaasumik killiliisoqarsimagaluartoq matumani ilanngaassineq ingerlanneqarsinnaasussaavoq.

Tamanna isumaqatigiissuteqarnikkut ilanngaassinermut aamma atuuppoq. Innuttaasup pisortanut akiitsumi pisortanit pisassarisamigut akilernerqarnissaat nammineq piumasassutini tunngavigalugu akuerippagu tamatuma assigiinnarpaq innuttaasooq aningaasat tunniunneqartussat tigoriarlugit akiliisitsiniartarfimmut saaffiginnippat, akiitsunilu tamakkiisumik ilaannakortumilluunniit akilerpagit. Kisianni isumaqatigiissut taamaattoq erseqqilluinnartuussaaq, tasanilu piumasqaateqartup pisassarisaasa aamma akiitsoqartup illua tungerisaminut piumasqaataasa akornanni atuunneri eqqarsaatigalugit ataqatigiinneqassalluni. Tamanna inuinnaat akornanni inatsiseqartitsinerup iluani aamma atuuppoq. Taamaattumik innuttaasup ilanngaassisoqarnissaanik isumaqatigiissummik atsiuinermigut

*siunissami pisassarilerumaagassaminit sunilluunniit ilanngaassinissamut pisortani oqartussaasut pisinnaatissinnaangilai. Isumaqtigiissuteqartoqarsimagaluarpalluunniit pisumi tassani ilanngaassisoqarsinnaasussaa-voq, pinngitsaaliinikkut ilanngaassisoqarnissaani nalinginnaasumik piumasaaqaataasut eqqortinneqarsimappata.*

*Taamaattumik inassuteqaatigaara akiitsunut atatillugu siunissami killiligaanngitsumik ilanngaassisoqarnissaanik ataatsimut uppernarsaatit/isumaqtigiissutit kommunip atortassanngikkai, tassami taamaattut inatsiseqartitsinikkut atuussinnaassuseqanngimmata, taamaattumillu paatsoortit-sisuusarlutik.*

Erniat:

*Sulianik akiliisitsiniarnermut tunngasunik misissuininni maluginiarsimavara kommuni pisuni ataasiakkaani akiliisitsiniarnermut ilaatillugu ernianik akiliisitsiniarnissaminut imminut pisinnaatittarsimasoq.*

*Inuinnaat pillugit inatsiseqartitsinermik suliassaqarfiup avataatigut akiitsut erniaannik kommuni akiliisitsiniarsinnaatitaanngilaq, taamaalior-nissamut inatsisitigut tunngavissaliisoqarsimanngippat. Taamaalilluni innuttasup akiliisussaataitanera inatsisinik tunngaveqarpat, inuinnaallu pillugit inatsiseqartitsinermik tunngaveqanngippat, ernialersuisarneq pillugu inatsit innersuussutigalugu ernianik akiliisitsiniarnissaminut kom-muni tunngavissaqanngilaq.*

*Tamanna kommunip eqqumaffigissagaa inassuteqaatigaara.*

Akiligassat akilerneqarsimanerannik uppernarsaat:

*Sulianik akiliisitsiniarnermut tunngasunik misissuininni takusinnaasi-manngilara kommuni suliap inaarlugu suliarineqarnerani akiligassat akilerneqarsimanerat uppernarsarlugu nalunaaruteqartarsimanersoq.*

*Akiitsut tamakkerlugit akilerneqarneranni oqartussaasup akiitsoqartu-nut ilisimatitsisarnera ingerlatsinermi ileqqorissaarnerup nassataraa, konto pillugu takussutissiamik tunniussinikkut imaluunniit oqartussaasup akiitsut tamakkerlugit akilerneqarnerannik nalunaaruteqarneratigut.*

*Kommunimut inassuteqaatigaara – kommuni taamaaliulereersimanngippat – tamanna eqqumaffigeqqullugu.*

Kommunimi atorfeqartitaasut akiitsuinik akiliisitsiniarneq pillugu kaajal-laasitaq.

*Allagarsiussaq 24. januar 2002-meersoq imaattoq kommunip allaffia-niippoq:*

*”Akiitsuunik nungusaaniarnej pillugu:*

*Namminersornerullutik Oqartussat kissaateqarnerat tunngavigalugu matumuna erseqqissaatigissavara piumasarineqarmat K Kommunimi sulisut kommunimut akiitsuunik ikilisaaffigineqartariaqarmata.*

*Taamatuttaaq pineqarput sulisut namminersortunik aappaqartut. Tassami taakku ataatsimut akileraartarnermikkut aamma akiitsuut nammaqatigiittarmatigit.*

*Ilanngullugu nassiuppaa Økonomiudvalgip 281092-imi atuuttussanngortitaa. Tassani erseqqissarneqarpoq akiliisitsiniartartoq pisinnaatitaasoq kommunimi sulisut kommunimut akiitsuullit aningaasarsiaat pingajorarterutaanik akiitsuunut nak-kartussanik ilanngaaffigineqarsinnaasut.*

*Allagaq immikkoortortaqarfinnut tamanut agguanneqarpoq.”*

*Aningaasaqarnermut Ataatsimiititaliap aalajangiinera ilanngunneqartoq imaattunik oqaasertaqarpoq:*

*”Økonomiudvalgip 23. oktober 1992 ataatsimiinnermini isumaqatigiissutaa, akiliisitsiniartarfiup kommunep allaffiani suliusut akiitsoqarsimassappata akissarsiasaasa 1/3-ianik ilanngaaffigissagai.”*

*Allagarsiussap taassuma imaattunik oqaaseqaateqarnissannut pissutis-saqalersippaanga:*

*Kommunip innuttaasut kommunimut tatiginissinnaanerannik siuarsaasinnaasumik pissusilersortussaanaera isiginiarlugu kommunimi atorfe-qartitaasut kommunimut akiitsuuisa ikilisarnejarnissaat anguniarlugu kom-munip immikkut ittumik iliuuseqarnissamik anguniagaa isumaqatigaara.*

*Pineqartorli tassaavoq pinngitsaaliinikkut akiliisitsiniartarnermi malit-tarisassat atuuttut, pingaartumillu eqqartuussisarnej pillugu inatsisit, i-lanngaassisarnej pillugu malittarisassat kiisalu pisortanut akiitsuut akiler-sinniarnejartarnerat pinaveersaartinneqarnissaallu pillugit Inatsisartut inatsisaat eqqarsaatigalugit, kommunimi atorfeqartitaasut eqqarsaatiga-lugit saneqqunneqarsinnaannginnerat.*

*Tamatumunnga peqatigitillugu ingerlatsinermik inatsiseqartitsinermi malittarisassat suliassat suliarineqartarnerat pillugu inatsimmi aalaja-ngersarneqarsimasut inatsiseqartitsinermilu tunngaviit inatsimmut tassun-ga naligitinneqarlutik atuuttut kommunip malittussaavai.*

*Aningaasaqarnermut Ataatsimiititaliap aalajangiinera 23. oktober 2002-meersoq pinngitsaaliinikkut akiliisitsiniarnissamut inatsisitigit im-mikkut tunngavissaliisuunngilaq.*

*Tamatuma nassataraa kommunimi atorfeqartitaasut akiitsuunik akili-iisitsiniarnermi ilaatigut malittarisassat uku malissallugit kommunip pisus-saaffeqarnera:*

*Akissarsianit ilanngaassisarnej aallartinneqassappat akiliisitsiniari-aatsip taassuma atornejarnissaanut suliami naammattunik uppernarsaa-tissaqassasoq piumasagaataavoq.*

*Akissarsianit ilanngaassisoqassappat tamatumunnga atatillugu piuma-sagaataavoq suliami pineqartumi akissarsianit ilanngaassineq kommunip*

*atulersaaraa akiitsoqartoq kommunip naammaginantumik akuttussusilimik periariarfissaqartitsilluni ilisimatittarsimassagaa, kiisalu akiitsoqartoq eqqartuussisarneq pillugu inatsimmi kapitali 7, § 21, imm. 3 naapertorlugu pigisanik nalilinnik qularnaveeqqutitut arsaarinnissutigineqarsinnaasunik innersuussuteqarnissaminut periarfissaqarsimassasoq.*

*Tulliulluni pineqartoq tassaavoq akissarsianit ilanngaatigineqartut akissarsiat pingajorarterutaat ataatsit (1/3-it) sinnerlugit amerlassuseqassanngitsut, tak. eqqartuussisarneq pillugu inatsimmi kapitali § 12, imm. 2. Malittarisassap taassuma nassataraa akissarsiat pingajorarterutaannik ataatsimik (1/3-mik) ilanngaassisarneq pinngitsaaliilluni akiliisitsiniartartup periaatsitut saneqqunneqarsinnaanngitsutut atorsinnaanngikkaa. Pinngitsaaliilluni akiliisitsiniartartoq pisut ataasiakkaarlugit suliami pineqartumi akissarsianit ilanngaassinnermit sakkukinnerusumik iliuseqartoqartariaqarnersoq naliliisarnissaminut innersuunneqarpoq.*

*Atorfeqatitaasut aapparisaasa akiitsuinik akiliisitsiniarneq eqqarsaatigalugu oqaatigaara akiitsunik taamaattunik atorfeqartitaasup akissarsiaanit ilanngaassinikkut akiliisitsiniarneq inatsisitigut immikkut itumik tunngavissaqartoqartillugu aatsaat atorneqarsinnaasoq. Inatsisitigut tunngavissat taamaattut ullumikkut pigineqartutuat tassaapput akileraartutitigut akiitsut akilersinniarneqartarnerat eqqarsaatigalugu tassunga tunngasoq (akileraartarneq pillugu inatsimmi § 77) kiisalu ineqarnermut akiliutinut il.il., eqqagassanut, pujoorfimmik paaviaanermut aamma ulluunerani paaqqinniffimmiititsinermut ulluuneranilu angerlarsimaffinni paarsisitsisarnermut akiliutinut akiitsut akilersinniarneqartarnerat eqqarsaatigalugu tassunga tunngasoq (pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni § 6).*

*Eqqartuussisarneq pillugu inatsisip akileraartarnermullu inatsisip atuuffisa avataanni akiitsuinik akissarsianit ilanngaassinikkut akiliisitsiniarneq pisortani atorfeqartitaasut akissarsiaannut sammitinneqartoq ilanngaassisarneq pillugu malittarisassat malillugit ingerlanneqassaaq.*

*Ilanngaassisarneq pillugu malittarisassat malillugit akissarsianit aatsaat ilanngaassisoqarsinnaavoq akiitsuinik atorfeqartitaanermut tunngasunik aallaaveqartumut.*

*Tamakku tunngavigalugit inassuteqaatigaara kommunip atorfeqartitaasut akiitsuinik akiliisitsiniartarnermini periaatsini malittarisassanut qulaani taaneqartunut naapertuuttunngortillugu allannngortissagaa.*

### **Sulianik ataasiakkaanik misissuineq.**

*Tulliuttuni suliat ataasiakkaat tikeraarninni tigulaaralunga immikkoortissimassakka misissorpakka. Taamaattumik suliat taakku pillugit oqaaseqaatikka qulaani oqaaseqaataasunut annertuutitigut innersuussutinik imaqartussaapput.*

*... ApS (kingusinnerukkt A/S-inngortoq), nal. nr. ... .*

*Suliamit erserpoq suliffeqarfik taanna akiliisinnaajunnaarsimasoq, akiliisinnaajunnaartup pigisaanut kommunip akileraarutitigut pisassarisat 617.412 kr.-t 25. februar 1997-imi nalunaarutigisimagai.*

*Eqqartuussissuserisup X-ip kommunimi akiliisitsiniartarfimmut allagai kingulliit 2. september 1999-imeersut ilaapput.*

*Allakkanit taakkunanga erserpoq:*

*"E-mailit 2. august 1999-imeersoq innersuussutigalugu nalunaarutigisimaa-vara ... A/S-ip akiliisinnaajunnaartup naatsorsuutaanut missingiut Kalaallit Nunaata Eqqartuussivianut nassiukkakku, suliallu qaqugu suliarineqarnissaanut apeq-qutaavog akiliisinnaajunnaartup pigisai massakkt tunngavissat atorlugit inaarlugit suliarineqarsinnaanersut, tassami eqqartuussivikkoortumik suliaq ukiuni arla-linni suliarineqartussaq suli ingerlammat." (Atorfeqarfimmi nutsigaavog.)*

*Suliat malitseqartitsivigineqartarnerat eqqarsaatigalugu ataatsimut oqaaseqaatikka innersuussutigaaakka.*

*Tamatuma saniatigut oqaatigaara suliani akiitsulik akiliisinnaajunnaar-simatillugu kommunip akiliisitsiniarnermi suliaataa akiliisinnaajunnaar-tumit kommunip pisassarisaanik nalunaarutiginninnikkut inaarlugu sulia-rineqarsimangitsoq.*

*Akiliisinnaajunnaarnerup kommunip akiliisitsiniarneranut sunniutaa tassaaginnarpoq kommunip akiliisitsiniarnerata pigisanik akiliisinnaajun-naartup pigisaanut aningaasanik nalilinnut ilaatinneqartunik qularna-veeqqutitut kommunip arsaarinnissuteqarneratigut naammassineqarsin-naanginnera, tak. akiliisinnaajunnaarnermik inatsimmi § 31, imm. 1.*

*Kommunip akiliisinnaajunnaartumit pisassarisai suli piupput, kommu-nillu suliamik malitseqartitsiviginninnerminut ilaatillugu akiliisinnaajun-naarnerup suliarineqarnera ingerlaavartumik malinnaaffigisariaqarjaa. Akiliisinnaajunnaarnermik inatsimmi § 156 malillugu kommunip akiitsu-limmit pisassarisani pisassariinnassavai, kommunip pisassarisani akilii-sinnaajunnaarnek aqgutigalugu matussutissarsisimangippagit.*

*Tamatuma saniatigut kommuni akiliisinnaajunnaarnermik inatsimmi a-kiliisinnaajunnaarnermi pigisat pillugit kapitali 13 malillugu periarfisi-saqarpoq akiliisinnaajunnaarnerup suliarineqarnera sunniuteqarfigissal-lugu, tassalu akiliisinnaajunnaartup pigisaasa pisortassaannik imaluunniit akiligassaqarfiusut ataatsimiititaliaannik toqqaanissamik siunnersuute-qarnermigut.*

*B, nal. nr. ... .*

*Suliami allagaatinik imalimmi ilaavog borgmesterip pinngitsaaliilluni akiliisitsiniartartumut allakkiaa 28. oktober 1998-imeersoq, tassanngalu erserluni kommunimi aningaasaqarnermut ataatsimiititaliaq 23. oktober*

1998-imi aalajangiisimasoq X-ip akiitsuisa isumakkeernejarnissaat itigartitsissutigineqassasoq.

Tamatuma saniatigut K-p eqqartuussiviata eqqartuussutinut allattaavianit nuutsitaq 14. juli 1999-imeersoq ilaavoq.

Eqqartuussutinik allattaavimmit nuutsitamit tassannga erserpoq ulloq pineqartoq taanna aningaasat A-p uiginikuusaata X-ip niuernermut tunngatillugu Danmarkimut angalaneranut aningaasartuutaasa kommunip akilersimasaasa utertillugit akilernejarnissaannik kommunip eqqartuussivikkut A-mik suliassanngortitaa pillugu eqqartuussisoqarsimasoq. Aamma eqqartuussutinik allattaavimmit nuutsitamit erserpoq eqqartuussutip saqqummiunneqarnissaa august 1999-imut kinguartinneqarsimasoq.

Ilanngussat taaneqartut kommunip akiliisitsiniarnermi suliaatiminik nalunaarsuisarnera pillugu tunngaviunerusumik oqaaseqaateqarnissannut pissutissaqalersippaanga.

Mappimit suliama allagaatinik imalimmit ersinngilaq B tassaannersoq suliffeqarfik A-p nammineq pigisatut ingerlataa, immaqa X piginneqatigalugu, imaluunniit suliffeqarfik ingerlatseqatigiiffittut ingerlanneqartoq.

Ingerlatseqatigiiffik pineqarpat suliffeqarfiup piginnittuinit sulisuinilluunniit kommunip pisassarisai ingerlatseqatigiiffiup susassarissanngilai, pisassarisallu taamaattut pillugit allagaatit inuit pineqartut pillugit suliama nalunaarsorneqarlutik ilaasariaqarput.

Suliffeqarfik namminersortutut pigisaaq pineqarpat kommunip suliffeqarfimmit pisassarisai pillugit suliama allagaatit piginnittut pillugit akiliisitsiniartarfiup suliaataani nalunaarsorneqarlutik ilaasariaqarput.

Taamaattumik eqikkaallunga paasinninnera unaavoq suliama allagaatit taaneqartut mappimi "B"-mik taaneqartumi allagaatinut ilanngullugit ikineqarsimariaqanngikkaluartut, inassuteqaatigaaralu suliama allagaatit taakku kommunip suliama inummut eqqortumut tunngasumi allagaatit nalunaarsorlugit ilanngutissagai.

Eqqartuussivimmi suliap ingerlaqqissimanagera aamma malinnaavigineqarsimannigitsutut isikkoqarpoq. Tamatumunnga atatillugu ataatsimut oqaaseqaatikka innersuussutigaaqka.

Aningaasat eqqartuussivikkoortumik suliassiissutigineqartut A-p akiliggassarigai eqqartuussutikkut kommunip angusimappagu eqqartuussut tunngavigalugu pisoqalisoorinissamut piffissarititaasoq ukiunik 20-nik sivisususeqarpoq.

Taamaattorli pinngitsaaliinikkut akiliisitsiniarnissaaq pisariaqalerpat kommunip eqqartuussut tunngavigalugu pisassarisaasa politiit aqqutigalugit akilersinniarnissaannut kommuni innersuussaavoq, tassami eqqartuussutit kommunip pinngitsaaliilluni akiliisitsiniartuata naammassitinniarsinnaanngimmagit.



... , inuttut normua ... .

*K1 Kommunip K2 Kommunimut allagai 5. oktober 2001-imeersut suliami allagaatinut ilaapput, allakkatigullu taakkunatigut K1 Kommunip K2 Kommuni qinnuigaa aningaasat 12.967,64 kr.-nik amerlassusillit K1 Kommunip ulluunerani paaqqinniffimmiititsinermut akiliutitut pisassarisai akilersinniaqqullugit.*

*Tamatuma kingorna qanoq pisoqarsimanersoq suliami allagaatinut takuneqarsinnaanngilaq.*

*Sulianik malitseqartitsinissamik ataatsimoortumik oqaaseqaatinnut innersuussivunga.*

*Kommuni K2 Kommunimit tusagaqarsimanngippat suliaq iliuseqarfigeqqullugu kommunip K2 Kommuni nukingisaartariaqarpaa.*

*Aamma oqaatigaara oqartussaasoq alla pinngitsaaliinikkut akiliisitsiniaqqullugu qinnuigineqarpat kommunip akiitsoqartumut immikkut tamatuminnnga ilisimatitsisariaqarnera ingerlatsinermi ileqqorissaarnerup nasatarigaa.*

...

..., inuttut normua ... .

*Akiliisitsiniartarfimmut aggeqqusissut 6. november 1995-imi ullulerneqarsimasoq allagaatinut ilaavoq.*

*Aggeqqusissummit erserpoq ... katillugit 7.006 kr.-nik akiitsoqartoq, qinnuigineqarlunilu akiliisitsiniartarfimmut 13. november 1995-imi nal. 1300 aggeqqullugu, akiitsut akilernissaat oqaloqatiginnissutigiartorlugu.*

*Aallaqqaasiullugu oqaatigaara kommunip innuttaasoq akiitsut akilersornissaat oqaloqatiginnissutigiartorlugu akiliisitsiniartarfimmut aggeqqullugu peqqusinnaanngikkaa.*

*Akiitsut akilerneqarnissaat pillugu innuttaasup oqaaseqaateqarnissaa kommunip kissaatigippagu innuttaasup allakkatigut, oqarasuaatikkut imaluunniit kommunip allaffiani ataatsimiinnermi akissuteqarnikkut pissanersoq nammineq aalajangertussaavaa.*

*Kommunip innuttaasoq pinngitsaaliilluni akiliisitsiniartartup allaffiani akiliisitsiniarnissamut taamaallaat aageqqusinnaavaa eqqartussisarneq pillugu inatsimmi kapitali 7, § 21, imm. 2 malillugu.*

*Aammattaaq pineqartoq tassaavoq suliap kommunimi suliarineqarnerani atugassatut akiliisitsiniartarfiup innuttaasumut oqaaseqaateqartitsinerani oqaaseqaatigineqartut kommunip suliamik suliarinninnerani aat-saat pingaaruteqartillugit isiginiarneqarsinnaasut, akiliisitsiniartarfiup saaffiginnissutaa sumut tunngasuusoq innuttaasup nalornissutigisinnaanngippagu.*

*Akiitsut katillugit 7006 kr.-nik amerlassuseqartut ataatsimut innersuussutigineqarnerat naammannngilaq. Suliap suliarineqarnerani innuttaasup*

*peqataanissaa kommunip piumasaqaatigisinnaassaguniuk akiitsut suut akilersinniarnegarnersut innuttassumut nalunaarutigisariaqarpa.*

*2000-imi ukiumoortumik nalunaarutima kalaallisuani qupperneq 27 qallunaatuuanilu qupperneq 25 aamma innersuussutigaa.*

*Suliami tulliullutik ilaapput pinngitsaaliilluni akiliisitsiniartartup ...-mut allagai uku 10. januar 2001-imeersut:*

*”Matumuuna piumaffigineqarputit ullut 14-it qaangiutsinnagit akiitsut akiligasatit akileqqullugit, taamaaliunngikkuit suliffiit aqququtalugu aningaasat tigu-niarnegassammata.*

*Akiligassat kingusinnerpaamik akilerneqassapput ulloq 25. januar 2001.*

*Akiitsut akilersinnaanngikkukit maanga allaffimmu saaffiginnillutit isumaqa-tigiissusiorsinnaavutit akilersuinissarnik.”*

*Qulaani oqaatigineqartutut akiliitsiniartarfimmit innuttaasumut nukingisaarut akiitsut suut akileqquneqarnerannik paasissutissiinnngitsoq suliap kommunimi suliareqqinneqarnerani tunngaviusinnaanngilaq.*

*Tamatuma saniatigut – aamma tak. kommunip innuttaasunut isumaqatigiissuteqarnissaminut eqqartuussivikkoortitsinissarlun pinngitsoortinniarlugu isumaqatigiissuteqarnissamut (forlig) periarfissai pillugit ataatsimut oqaaseqaatika – pineqartoq tassaavoq akiitsut naafferartumik akilersorneqarnissaannik innuttaasumut isumaqatigiissut pinngitsaaliilluni akiliisitsiniarnermik pinngitsoortitsisoqarsinnaaneranut pinngitsaaliilluni luunniit akiliisitsiniarnermik ingerlatsisoqarsinnaaneranut tunngaviusinnaanngitsoq.*

*Naafferartumik akilersuinermik aalajangersaaneq, naafferartumik akilersuinermik aqqissuussineq innuttaasumit malinneqarpat, pinngitsaaliinikkut akiliisitsiniarnissamik pinngitsoortitsisoq tassaavoq naafferartumik akilersuinermik aqqissuussineq, innuttaasumut isumaqatigiissutit ilusilerneqarsimagaluartoq innuttaasup taassuminnga malinninneratigut pinngitsaaliinikkut akiliisitsiniannnginnissaq pillugu ingerlatsinermik inatsiseqartitsineq tunngavigalugu aalajangiineq.*

*Aamma taamatut innuttaasup naafferartumik akilersuinissamik aqqissuussinermik malinninnginneratigut pinngitsaaliinikkut akiliisitsiniarnerup naammassineqarnissaanik aalajangiineq tassaannngilaq isumaqatigiissutip unioqqutinneqarneratigut kommunip pinngitsaaliissummik akiliisitsiniarnissaanut piginnaatitsissut, tassaallunilu inatsisini piumasaqaatigineqartut eqqortinneqarsimmata aamma pinngitsaaliinikkut akiliisitsiniarnermik naammassinninnissamut paasissutissat naammattut suliami pigineqarmata pinngitsaaliinikkut akiliitsiniarnerup naammassineqarnissaanik ingerlatsinermik inatsiseqartitsineq tunngavigalugu aalajangiiner-mut ersiutaasoq.*

*Taamaattumik inassuteqaatigaara kommunip innuttaasunut allakkamini innuttaasut isumaqalersittassanngikkai pinngitsaaliinikkut akiliisitsiniarnermik naammassinninnerup ingerlanneqarsinnaanera pillugu apeqqu in-*

*nuttaasup kommunillu akornanni isumaqatigiissutaannik tunngaveqarsinnaasoq.*

*Aammattaaq akiliisitsiniartarfimmit ...-mut ...-mullu allakkat 9. august 2001-imi ullulernerqarsimasut ilaapput, taakkunanngalu erserpoq naafferrartumik akilersuinissamik aaqqissuussineq unioqqutinneqarsimammat kommuni pinngitsaaliilluni akiliisitsinialersaartoq.*

*Kommunip innuttaasunut saaffiginnissummini pisassarisat suut kommunip pinerai innuttaasumut paatsoorneqarsinnaajunnaarlugit erseqqissaa-nerata pingaaruteqassusia pillugu qulaani oqaaseqaatikka innersuussutigaakka, taamatuttaarlu akilersuinissamik innuttaasumut isumaqatigiissut tunngavigalugu pinngitsaaliilluni akiliisitsiniarnermik kommunip naam-massinissinnaannginnera pillugu oqaaseqaatikka innersuussutigalugit.*

*... inuttut normua ...*

*Suliami ilaapput allagaatit marluk tamarmik "akiitsunik suliaq pillugu nalunaarut"-mik taaneqartut, tulleriinneri malillugit 24. september 1996-imi aamma 13. december 1996-imi ullulernerqarsimasut.*

*Allagaatini marlunni taakkunani akiitsulik qinnuigineqarpoq ullormi aalajangersimasumi nalunaaqutaq aalajangersimasooq nallertinnagu aki-liisitsiniartarfimmut oqaaseqaateqaqqullugu saaffiginneqqulluguluunniit.*

*Qulaani nassuiaaannit akiitsulik akiliisitsiniartarfimmut ornigutissal-luni pisussaaffeqanngilaq, eqqartuussisarneq pillugu inatsimmi malittari-sassat malillugit aggersarneqarsimanngikkuni.*

*Taamaattumik nalunaaquttamik taasineq pisariaqartuunngilaq.*

*Aamma kommunip ...-mut allagaani 29. oktober 1996-imeersuni tamanna atuuppoq, allakkanimi taakkunani kommunip ... qinnuigimmagu kommunip pisassarisaanut akerliliissutissaqaruni tamatumunnga upper-narsaatit pisariaqartut "nassaqqullugit".*

*Pisumi tassani akiitsulik kommunip allaffianut ornigunnissaminut oqa-tigineqartutut pisussaaffeqanngimmat kommunip pisassarisaanut akerli-liissut akiitsullip uppernarsaatinik "nassataqarneranit" allaanerusumik saqqummiunneqarsinnaavoq.*

*Tulliullutik ilaapput A/S Inissiaatileqatigiiffik INI-p allagai 20. februar 1998-imeersut, taakkunatigullu Inissiaatileqatigiiffiup pinngitsaaliilluni akiliisitsiniartartoq qinnuigalugu ...-p illuliornermut tapersiisarnermut akiitsui akilersinniaqqullugit.*

*Qinnutigisaq taanna kommunip qanoq iliorluni malitseqartitsivigisi-maneraa suliami oqaatigineqarsimanngilaq.*

*Ataatsimoortumik oqaaseqaatikka matumani innersuussutigaaakka.*

*Kiisalu allagaatinut ilaavoq allakkiaq 27. maj 1999-imi ullulernerqarsi-masooq, "nammineq piumassuseq tunngavigalugu isumaqatigiissut (frivil-ligt forlig)"-mik taaneqartoq, tassani ...-p nassuerutigalugu kommuni-mut katillugit 15.919 kr.-nik akiitsoqarluni, tassa akileraarutitut, pujoor-*

*fimmik paaviaanermut eqqagassanillu eqqaanermut, aningaasallu taakku naafferartumik akilersorneqassasut, qaammammut 300 kr.-nik ernialersorlugit.*

*Aammattaaq allakkiamit tassanga erserpoq isumaqatigiissutip unioq-qutinneqarnerata nassatarissagaa ...-p pisortanit pisassarisaanit tamanit kommuni pisassarisaminik ilanngaassisinnaasoq, isumaqatigiissummillu unioqqutitsineq pinngitsaaliilluni akiliitsiniarnerup naammassiniarneqarneranut immini tunngaviusinnaasoq.*

*Allakkiap oqaasertaasa kommunip eqqartuussivikkortumik suliassiinisaq pinngitsoortinniarlugu isumaqatigiissuteqarsinnaanera pillugu oqaaseqaatinnut innersuussinissannut pissutissaqalersippaanna.*

..., inuttut normua ... .

*Kommunip taarsigassarsisitsinermi uppernarsaat tunngavigalugu pisassarisami 3.194,96 kr.-t K2 Kommunip akilersinniaqqullugit qinnutigisaa 22. februar 2001-imeersoq aamma ilaavoq.*

*Taarsigassarsisitsinermi uppernarsaammit erserpoq kommunip ... 1993-imi 11.865 kr.-nik taarsigassarsitissimagaa, nammineerluni illuliamut nammineq akiliutit akilerneqarnissaannut.*

*Kommuni inatsisitigut tunngavigisaaq suna tunngavigalugu taarsigassarsisitsisimanersoq erseqqarluppoq.*

*Taarsigassarsisitsinermit uppernarsaammit erserpoq:*

*”Akilersorneqartussat akilerneqanngitsoorneranni kiisalu taarsigassarsiat akilinngitsoorneqarneranni qularnaveeqqutitut matumuuna uppernarsarpara K1 Kommunip siumut kalerreeqqaarani uannut tunniunneqartussanit suugalanilluunniit sumiluunniit tunniunneqarsinnaasunit 1/3-it unerartissagai akuersaariga.” (Atorfeqarfimmi nutsigaavoq.)*

*Kommunip ilangaassisinnaatitaanera pillugu ataatsimut oqaaseqaatika innersuussutigalugit oqaatigaara killeqanngitsumik ataatsimut ilanngaassinissamut imminut pisinnaatinneq atuussinnaassuseqanngitsoq.*

*K2 Kommuni, K1 Kommunip ...-mit pisassarisai eqqarsaatigalugit akiiitsoqarfiusuunngitsoq, taamaallaat K1 Kommuni sinnerlugu ilanngaassisinnaavoq, tamanna ...-mut immikkut isumaqatigiissutigineqarsimappat, imaluunniit taamaaliornissamut inatsisitigut immikkut tunngavissaqarpat.*

*K1 Kommunip ilanngaassisinnaatitaanerani K2 Kommunip atuisinnaaneranut isumaqatigiissutikkut inatsisitigulluunniit tunngavissaqanngitsoq takuneqarsinnaavoq.*

*Aammattaaq akiitsut sinnerisa pinngitsaaliilluni akiliitsiniarnerup naammassineqartarnera pillugu malittarisassat malillugit eqqartuussisoqareertinnagu akiliitsisiniarnissamut inatsisitigut tunngavissaqanngitsoq takuneqarsinnaavoq.*

*Kommuni pisassarisaminik eqqartuussutikkut aalajangersaasitsinissaminut innersuunneqaraangami pisassarisat attassisinnaassuseqarnerat pillugu erseqqinnerusumik naliliisariaqarpoq.*

*Taamaattumik suliami matumani pisassarisatut naatsorsorneqarsimasut tunngavissaqarnerannik kommunip erseqqinnerusumik misissuisimaneranut uppernarsaatissaqannginnera pitsaanngitsutut isigaara.*

*Qulaani aamma oqaatigineqartutut maluginiarsimavara kommunip K2 Kommuni qinnuigisimagaa akiliisitsiniarneq ingerlateqqullugu.*

*Pissutsit kommunip pisariillisaaniarluni periaaserisaanut tunuliaqutaasinnaasut paasisinnaavakka.*

*Kisianni pisassarisat inuinnarnik inatsiseqartitsineq tunngavigalugu pisassarisaalersimasut akilersinniarneqarneranni ikiuunnissamut kommuninut suleqatigiinneranni inatsisitigut tunngavissaqanngilaq.*

*Taamaattumik ...-mit pisassarisat pineqartut K2 Kommunip akilersinniassagai K1 Kommunip qinnutigisimammagu ajuusaarnartutut isigaara.*

*Tamatumunnga peqatigitillugu inassuteqaatigaara K1 Kommunip K2 Kommunimut qinnutigisani utertissagaa, tamatumalu kingorna akiliisitsiniarnissamut (akiliisitsiniaqqinnissamut) inatsiseqartitsinikkut tunngavissaqarnerisq, tamatumunngalu atatillugu akiliisitsiniartartumik (namminersortumik) atorfinitsitsinnissaq pisariaqartuunerisq misissorlugu.*

... inuttut normua ... .

*Suliami allagaatinut ilaavoq allakkiaq 17. oktober 1996-imeersq, tassanilu pinngitsaalilluni akiliisitsiniartartup kommunip akissarsialeriffianut akissarsianit unerartitseqqusissunni atorunnaarsillugu.*

*Allakkiami tassani allakkiaq alla assaannarmik allataq imaattunik oqaasertaqartoq ilanngunneqarsimavoq:*

*”18.01.97.*

*Ullumikkut oqaasiinnartigut isumaqatigiissutigineqarpoq 500 kr.-nik ilanngaassisarneq 31.01.97-imi aallarteqqissasoq.” (Atorfeqarfimmi nutsigaavoq.)*

*Kommuni akilersueriaatsimik aalajangersimasumik akiitsulimmut isumaqatigiissuteqarpat paasinninnera unaavoq akiitsut suunerat, amerlassusiat akileeriaaserlu kommunip allattortariaqarai.*

*Suliami allagaatini tulliuilluni ... A/S-imut telefaxikkut nalunaarut 12. april 1999-imeersq ilaavoq, tassanilu ... A/S qinnuigineqarluni ”akissarsiat tunniunneqarneranni ilanngaattit 250,- kr.-nit 500,- kr.-nut allanngorteqqullugit.” (Atorfeqarfimmi nutsigaavoq.)*

*18. januar 1997-ip aamma 12. april 1999-ip akornanni suliap ingerlasimanera suliami uppernarsaasersorneqarsimannigilaq, taamalu ... A/S-ip akissarsianit 250 kr.-nik ilanngaassinissaanut taaneqartumut tunngaviusoq pillugu uppernarsaasersuisoqarsimanani.*

*Akissarsianit unerartitsinermik aallartitsinermut tunngaviusup uppernarsaatissartaasa suliami pigineqannginnerat isorisarialittut isigaara.*

*Uppernarsaasersuisoqarsimannginnerata paasinninnera malillugu akissarsianit unerartitsinerup inatsisunik unioqqutitsisuunnginneranik uppernarsaaniarneq kommunimut ajornakusuulersissinnaavaa.*

*..., inuttut normua ... aamma ..., inuttut normua ... .*

*Suliami allagaatit marluk ilaapput 24. september 1998-imi ullulernerqarsimasut, akiliinissamik isumaqatigiisummik taaneqartut, pineqartullu taakkunatigut ilaatigut aningaasat akiitsumik akilernissaannut imminnut pisussaaffilerlutik.*

*Taamaattorli allagaatinut marlunnit taakkunnga akiitsut suut naafferartumillu akilersuineramik aaqqissuussineq suna pineqarnersut takuneqarsinnaanngilaq.*

*Kisianni eqqartuussutip allaqqinneranit suliami pigineqartumit erserpoq isumaqatigiisutit taakku isumaqatigiisutigineqarsimasut kommunimit ...-mik eqqartuussivikkortumik suliassiisutigineqartoq inaaruserniarlugu.*

*Taamaattumik naatsorsuutigaara eqqartuussivikkoortumik suliaq isumaqatigiisutigineqarsimasullu tassaasut aningaasat pinngitsaaliilluni akiliisitsiniartartup akilersinniassallugit inatsisitigut tunngavissaqarfigisimanngisai.*

*Imaattunik oqaaseqaateqarnissannut pissutissaqarpunga, tassalu innuttaasunut isumaqatigiisutit oqaasertalersorneqassasut isumaqatigiisutit imarisai isumaqatigiisutit oqaasertaasigut takuneqarsinnaalersillugit. Suliami matumani isumaqatigiisutaasimasoq imaqaanngilaq.*

*Akiliisitsiniaqqaarsimaneq eqqartuussivimmullu unnerluussissut pillugit uppernarsaatit suliami allagaatinut ilaannginnerat aamma isorisarialerujussuartut isigaara.*

*..., inuttut normua ... .*

*Suliami allagaatinut ilaapput kommunip ... A/S-imut allagai 26. juni 1998-imeersut, ... A/S-ilu allakkatigut taakkunuuna qinnuigineqarluni ...-p ullut 14-ikkaarlugit akissarsiaanit 250 kr.-t unerarteqqullugit.*

*”Nammineq piumassuseq tunngavigalugu isumaqatigiisut (frivilligt forlig)” ilanngunneqartoq innersussutigineqarpoq, tassanngalu erserluni ...-p 15.499,24 kr.-t ullut 14-ikkaarlugit akissarsianit tunniunneqartartunit 250 kr.-nik ilanngaanneqartarnermigut akilersorniarai.*

*Suliat pisoqaaneruset pillugit malitseqartitsisarneq pillugu qulaani oqaaseqaatinnut uiggiullugu oqaatigaara paasisstissiisutigineqartut malillugit ...-p akiitsuni tamaasa qaammatit 31-it missaasa qaangiunneranni akilersimagai.*

*Suliamili tamanna pillugu paasissutissaqannginnera ajuusaarnartorujussuartut isigaara.”*

Kommunip akissutaanik ukiup nalunaarusiuunneqartup naanerani tigu-saqarsimanngilanga.

## 94. Pisortat pillugit inatsiseqartitsineq

### 1. Inuusuttut atugarisaat pillugit apersuinermi immersugassat atorlugit misissuineq.

*Tusagassiuitigut tusarpara Peqqinnissamut Pisortaqarfik illoqarfinni arlaqartuni atuarfinni 11. klasseni atuartut atuaqatigiit akornanni inuusuttut atugarisaat pillugit apersuinermi immersugassanik immersuinikkut misissuinermik piareersaasoq.*

*Misissuinermut tassunga atatillugu atuartut ilaatigut aamma pisutsit namminneq imminermiinnut tunngasut pillugit apeqqutit akisussaavaat.*

*Taava aalajangerpunga misissuineq innuttaasut inatsisitigut isumannaatsuutinneqarnissaannut piumasarisani atuuunik naammassinninnersoq nammineerlunga misissuiffiginiarlugu.*

*Misissuinissap pilersaarutigineqartup isornartorsiornissaanut pissutissarsisimanngilanga.*

*Taamaattorli matuma inassuteqaatiginissaanut pissutissaqar-sorisimavara, misissuinerup atuarfimmi atuartitsinerup nalaani ingerlanneqarnissaa pisortaqarfiup matuminnga tunngaveqartisa-gaa, misissuineq atuarfimmi atuartitsinerup nalaani ingerlanneqartillugu atuartunik nalilersuinermut aammalu atuarnernik atuanngitsoornernilluunniit nalunaarsuinermut malittarisassat nalunaaquttap akunnerini atuartitsiviusuni malinneqassanngit-sut, atuartullu tamanna pillugu sioqqutsisumik ilisimatinneqassa-sut. (J.nr. 11.73.94.30/119-03)*

Apersuinermi immersugassat atorlugit misissuinissaq illoqarfinni arla-linni atuarfimmi atuartunut atuaqatigiinni 11. klassemiittunut sammitinne-qartussaq pillugu A.G.-mi 29. juli 2003-meersumi pingaarnertut allaaseri-saq aviisimullu ilanngussaq itisilerisoq atuarpakka.

Aviisimi imaqaarniliamit erserpoq pisortaqarfiup misissuinermik taama ittumik aallartitsinissaq eqqarsaatigigaa, tamatumani apersorneqartut pis-utsit nammineq imminermiinnut tunngasunut assigiinngitsut pillugit nas-suiaateqaqqullugit qinnuigineqarumaarlutik.

Inatsiseqartitsinermi Kalaallit Nunaannut atuuttumi taamatullu Kalaallit Nunaata nunat assigiinngitsut akornanni inatsisitigut pisussaaffeqarnerani atuuttumi pisortat oqartussaasut paasissutissanik inunnut ataasiakkaanut tunngasutut pissusilinnik innuttaasunit piumasaqarsinnaatitaaneranni arla-linnik killeqartitsisoqarmat isumaliutersuutigisimavara misissuinissap in-nuttaasut inatsisitigut innarlitsaalineqarnissaannut piumasarisat atuuttut isi-giniarlugit ingerlanneqarumaarnissaa naammatsumik isumannaassuseqar-nersoq nammineerlunga misissuiffigisariaqannginneriga.



Taamaattumik pisortaqarfik qinnuigisimavara misissuissamaarnerup pilersaarusiugaanerata allaaserineqarneranik apersuinermilu immersugassamik suliarineqarsimasumik uannut nassiusseqqullugu.

Atortussat inniminnerneqarsimasut misissoreerlugit pisortaqarfimmut ima allappunga:

”Paasinneqqaarnera unaavoq ingerlataq pillugu allaaserinninneq pisortaqarfiup (atuarfiillu misissuinermi peqataasussatut tunngavigineqartut) makku pillugit malit-tarisassanik qanoq iliorlutik eqqortitsinissaat pillugu tamakkiisumik imaqqangitsoq:

- atuarfeqarfiup pisinnaatitaanera,
- innuttaasut paasissutissiisussaatitaanerata,
- paasissutissanik imminnuunnaq tunngasunik innuttaasut oqartussaasunut tunniussineranni periaaseq, aamma
- oqartussaasut paasissutissanik taamaattunik suliarinninnerat.

Taamaattumik apeqqutit taakku pillugit nammineeeluni misissuinermik aallar-titsiniarlunga aalajangerpunga, tak. Ombudsmandi pillugu inatsimmi § 6, imm. 5.

Taamaattumillu pisortaqarfik qinnuigaara makku pillugit nassuiaateqaqqullugu:

Atuarfeqarfiup pisinnaatitaanera.

Ingerlataq pillugu allaaserinninnermit erserpoq misissuineq atuarfinni toqqagaa-suni arlalinni apersuinermi immersugassanik immersuisitsinikkut ingerlanneqartus-satut pilersaarutigineqartoq, atuarfiillu akuersissuteqaqqullugit qinnuigineqarniar-tut.

Meeqqat atuarfiat pillugu Inatsisartut peqqussutaanni nr. 8-mi, 21. maj 2002-meersumi § 17-ikkut, tak. § 2, aalajangersarneqarpoq atuartsineq meeqqat atuarfiata siunertaa naapertorlugu ingerlanneqassasoq, taamatuttaarlu Inatsisartut peqqus-sutaanni § 9-kkut atuartsinerup imarisaa pillugu malittarisassat aalajangersarneqar-lutik.

Aammattaaq Inatsisartut peqqussutaanni § 25-ip nassataraa atuartsinermi peq-qussut tunngavigalugu inatsisitigit tunngavissaqartinneqartumi peqataanissamut taamaallaat pisussaaffeqartoq.

Tamanna tunngavigalugu pisortaqarfik qinnuigaara atuarfiit ataasiakkaat tusar-niaavigineqassamaartut tusaarniaavigineqarnissaat sioqqullugu apersuinermi im-mersugassanik immersuisitsinikkut misissuineq atuarfiup atuartsinerata nalaani i-ngerlanneqassanersoq isummerfiginiarneraa, imaluunniit atuarfiup initaasa teknik-kikkullu atororissaarutaasa kisimik misissuinermi atorineqarnissaat kissaatigi-neqarnerasoq.

Innuttaasut paasissutissiisussaatitaanerata.

Inuit Pisinnaatitaaffii pillugit Europami Isumaqatigiisummi artikel 8, imm. 1, tak. Inuit Pisinnaatitaaffii pillugit Europami Isumaqatigiisutit Kalaallit Nunaannut atortuulersinneqarnera pillugu Kunngip peqqussutaani nr. 814-imi, 18. september 2001-imeersumi § 1, kinaluunniit nammineq inuunermi, ilaqutariittu inuunermi, a-ngerlarsimaffimmi allagarsiamilu ataqqineqarnissaannut pisinnaatitaaffeqarpoq.

Artikel 8, imm. 2 malillugu pisinnaatitaaffik taanna akuliuffigineqassappat taa-maaliornissamut inatsisitigit tunngavissaqarnissaq piumasaqaataavoq.

Taamaalliluni pissutsit innuttaasunut namminernuunnaq tunngasut pillugit paasis-sutissanik pisortani oqartussaasoq innuttaasunit tunniusseqqussissappat inatsisitigit tunngaveqarnissaq piumasaqaataavoq.

Aammattaaq aalajangersakkap taassuma nassataraa pisuni paasissutissanik taa-maattunik pissarsiniarnissamut inatsisitigit tunngavissaqarfiunngitsuni oqartussaa-sup paasissutissanik taamaattunik innuttaasunut (nammineq piumassuseq tunngavi-galugu) saqqummiusseqqulluni kaammattuina saqqummiuttariaqartussaasoq,

taamatut kaammattuineq paasissutissanik piumasarineqartunik tunniussinerup pi-sussaaffiuneranik nalunaarutit innuttaasunit paasineqarsinnaajunnaarsillugu.

Piomasagaat taanna eqqortissagaanni paasissutissat pineqartut oqartussaasunut tunniukkumanerlugit innuttaasut nakkutigineqarnatik isummerniarsinnaaner at pisa-riaqartuuvoq.

Tamatumunnga atatillugu ingerlatamik allaaserinninnermi paasissutissaq una maluginiarsimavara:

”Apersuinnermi immersugassaq qarasaasiani angallattakkani klassini atuartut ki-naaassutsiminnik isertuussisinnaanerannik periarfissaqartitsisumik akuttussusiler-sorlugit iliorarneqarsimasuni toqqaannartumik immersorneqarsinnaavoq.” (Ato-reqarfimmi nutsigaavoq.)

Pisortaqarfik qinnuigaara malittarisassat qulaani taaneqartut periaatsikkut issuar-neqartukkut eqqortinneqarnerat qulakkeerniarlugu pisortaqarfik annertunerusunik iliuuseqarniarnersoq nassuiaqqullugu.

Paasissutissanik imminnuunnaq tunngasunik innuttaasut oqartussaasunut nalu-naaruteqarneranni periaaseq.

Aammataaq Inuit Pisinnaatitaaffii pillugit Europami Isumaqatigiisummi artikel 8-p nassataaa paasissutissanik innuttaasut imminnuunnaq tunngasunik pisortani oqartussaasunut nalunaarutiginninnerat paasissutissanik taakkuninnga oqartussaa-sup pineqartup kisimi ilisimasaqarnissaanik qulakkeerinikkut pinissaa pisortani oqartussaasut isumagissallugu pisussaaffigaa.

Piomasagaat taanna paasissutissanik taamaattunik nalunaarutiginninnerup nam-mineq piumasuseq tunngavigalugu pisussaaffeqarnerluunniit tunngavigalugu pine-ra apequtaatinngagu atuuppoq.

Matumani ingerlataq pillugu allaaserisamit qulaani issugaq aamma innersuus-sutigaara.

Pisortaqarfik qinnuigaara ilinniartitsisut atuarfinnilu sulisut kiisalu atuartut allat atuartut akissutaannik, matumani atuartut akissuteqarsimanersut ilanngullugu eqqar-saatigalugu, paasisaqannginnissat qulakkeerniarlugu pisortaqarfik issuarneqartup saniatigut annertunerusumik iliuuseqarniarnersoq nalunaarutigeqqullugu.

Paasissutissanik isertuunneqartussanik oqartussaasut suliarinninnerat.

Paasissutissat isertuunneqartussat kisitsisinnortitsilluni takussutissiinnissaq kisiat siunertaralugu imaluunniit ilisimatuussutsikkut misissuinnermut ilaatillugit pissar-siarineqarsimasut suliassat suliarineqartarnerat pillugu inatsimmi § 31 malillugu al-latut atugassanngorlugit ingerlatsinnermi oqartussaasumut ingerlateqqeqqusaanngil-lat.

Aammataaq inatsimmi tassani §§-ini 27-mi aamma 28-mi nipangiussisussaati-taaneq pillugu malittarisassat aalajangersarneqarsimapput. Malittarisassat taakku oqartussaasut paasissutissanik isertuunneqartussanik inunnulluunniit ataasiakkaanut tunngalluinnartunik tiguisut imaluunniit toqqortarinnittut paasissutissat taakku su-sassaqaanngitsunit ilisimaneqalinnnginnissat qulakkiissallugu pisussaaffilerpaat.

Tamatumunnga atatillugu pisortaqarfik qinnuigaara makku nassuiaqqullugit:

- apersuinnermi immersugassat immersorneqartut qarasaasiani angallattakkani ataasiakkaani pineqartuni diskettiniluunniit toqqorneqassanersut, imaluunniit pisor-taqarfimmut qarasaasiakkoortumik toqqaannartumik nassiuunneqassanersut,

- immersugassat immersorneqartut taakku (pisortaqarfimmut qarasaasiakkut nas-siunneqanngitsut) atuarfinni ilinniartitsisunit imaluunniit sulisunit allanit toqqor-tarineqarlutillu pisortaqarfimmut ingerlateqqinneqassanersut, imaluunniit akissutit pisortaqarfimmut allatut iliorluni ingerlatinniarnearnersut.

- akissutit taakku, naak akissutit ilaat erseqqissumik nalililneq malillugu taa-maaliornissamut pissutissaqalersitsinnaagaluartulluunniit, assersuutigalugu poli-tiinut, isumaginninnermi oqartussaasunut imaluunniit pisortaqarfup iluani nakorsa-

tut suliatigut oqartussaasunut ingerlateqqinneqannginnissaat siunertaralugu pisortaqarfik erseqqissunik iliuseqarniarnersoq.”

Pisortaqarfiup 25. august 2003-mi ima akissuteqarfigaanga:

”PAARISA Naalagaaffiup Inuit Peqqissusiannik Ilisimatusarfia suleqatigalugu Kalaallit Nunaanni apersuinermi immersugassat atorlugit misissuinermik qarasaasiakkoortitamik misissuisitsinissamik pilersaaruteqarpoq inuusuttut isumalluutaanerininik ajornartorsiutaannillu qulaajaasussamik. Misissuineq inuusuttut ilaqutariinni, atuarfimmi ikinngutimillu akornanni qanoq atugaqarnerannik annertuumik takutit-sisussaavoq, pingaarnermillu aallunneqartussaapput inuusuttut atoqatigiittarnikkut misilittagarisaat – matumunnga ilanngullugu kinguaassiuutitigut atornerluinerup pisarnera.

Siunertarisaq:

Nalinginnaasumik: Kalaallit Nunaanni peqqissutsikkut ilisimasat maanna ukiunik qulingajannik pisoqaassusillit inuusuttut ilaqutariinni, sunngiffimmi atuarfimmil tarnikkut inooqatigiinnikkullu atugarisaat pillugit maannakkorpiaq ilisimasanik ilapittuuserumallugit. Misissuineq inuusuttut isumalluutaanerannik ajornartorsiutaannillu qulaajaasussaavoq, ilaatigullu aamma kinguaassiuutitigut innarliinerit annertussusiannik pissusaannillu aallussinerulluni.

Immikkut ittumik: Kalaallit Nunaanni meeqqat atornerlunneqartarnerisa anner-tussusianik, pissusaanik kingunerisalu sunniutaannik ilisimatusarnermik tunngaveqartumik ilisimasaqalernissaq. Tassa imaappoq meeqqat qassit sorliillu kinguaassiuutitigut atornerlunneqarnermik eqqorneqartarnerisut, atornerlunneqarnerit sumi pisarnerisut, kikkut meeqqanut kannguttaatsuliortarnerisut, taakkulu meeqqat atugarisaannut sutigut kinguneqartarnerisut. Taamatut ilisimasaqarnissaq pinaveersaartitsinissap katsorsaaniissallu tungaatigut siunnerfeqarluni qanoq iliuseqarnissanik kiisalu suliaasaqarfiusumi politikkerisap ineriartortinnissaanik aaqqissuinnissamut pisariaqartuuvoq.

Siunnerfigineqartut:

Illoqarfinni Nuuummi, Qaqortumi, Narsami, Ammassalimmi, Maniitsumi, Sisi-miuni Ilulissanilu 11. klassemi atuartut 15-inik ukioqalereersimasat tamarmik. Tamatuma nassatarissavaa ilutigiit 15-17-inik ukiullit 2/3-iisa miss. atuarfiit akornanni 85 %-it peqataanissaat atuartullu akornanni 25%-it takkutinngitsoornissaat ilimagisariaqartoq.

Tunuliaqutaasoq:

Kalaallit Nunaanni meeqqat inuusuttullu atugarisaat atugarliuutaallu, matumani aamma meeqqat kinguaassiuutitigut atornerlunneqartarnerannik ajornartorsiutaasut ilanngullugit, naalakkersuinikkut taamatullu tusagassiuutinit eqqumaffigineqartorujussuupput. Kisiannili ajornartorsiutaasup annertussusia pissusaalu pillugit ilisimatusarneq tunngavigalugu ilisimasaqarneq amigaataalluni.

Qallunaat Nunaanni 9. klasseni atuatigii 6.203-t akornanni misissuineq tasunga assingusooq, ukioqatigiikkuutaat taakku 11%-iannut naleqquttoq, 2002-p upernaavani naammassineqarsimavoq. Misissuinerup takutippaa inuusuttut nalinginnaasumik atugarissaartut, inuusuttullu 11,3%-ii (niviarsiaqqat 15,9%-ii nukappiaqqallu 6,7%-ii) kinguaassiuutitigut inooqatigiinnermik, inatsit naapertorlugu pillarneqaataasussamik (tassa imaappoq inuusuttut 15-it inorlugit ukioqaraangata) misilittagaqartut. Akissuteqartut 2,8%-iisa namminneq nalilerpaat pissutsit pillarneqaataasussat taakku kinguaassiuutitigut nakuuserfiginninnerusimasat. Misissuinerup takutippaa alliarnermi atugarisat toqqissisimanangitsut aamma kinguaassiuutitigut nakuuserfigineqarnermik misigisaqarnerup akornanni ataqatigiinneqartoq. Inuusut-

tut kinguaassiuutitigit nakuuserfigineqarnermik misigisaqarsimasut akornanni ineriartornikkut ajornartorsiuteqarnerit akulikinnerupput.

1994-imi Kalaallit Nunaanni inunnik amerlanermik peqataaffigineqartumik misissuinermit arnat 7,8%-ii angutillu 3,2%-ii akipput meeraanermi kinguaassiuutitigit nakuuserfigineqarsimallutik. Misissuinerup takutippaa meeraanermi kinguaassiuutitigit nakuuserfigineqarnermik nalaataqarsimasut innuttaasunit allanit annerusumik peqqissutsimikkut arlalinnik ajornartorsiuteqartartut.

Ukioq 2001-imi Qallunaat Nunaanni misiliutitut misissuinermik ajornartorsiuteqarfiusup, matumani ileqqorissaarnermik ajornartorsiutigisat aamma 15-16-inik ukiulinnik misissuiffiginninnermut atassuteqarnerat ilanngullugu, qulaajarnissaanut periaatsinik assigiinngitsunik naliliinissamik siunertalik ingerlanneqarsimavoq.

Misiliutaasumik misissuinerup taassuma paasinarsisippaa ukioqatigiinni taakkunani angajoqqaat akuersiteqqaarnagit kinaassutsimik isertuilluni misissuinerup naammassineqarnissaanut inatsisitigit akornutissaqanngitsoq. Ilisimatusaatitigit ileqqorissaarmissamik ataatsimiititaliaq misissuinermut akeryliliissutissaqarsimanngilaq. Nuna tamakkerlugu misissuinessap naammassisinnaanissaanut piumasat suli allat marluupput. Siullermik atuarfimmik pisortaatat atuarfiullu siulersuisui akuersisuteqassasut. Aappasaanillu inuusuttut namminneq misissuinermit peqataajumanertik kissaatigissagaat.

Tamanna innuttaasuni annertuumik soqutigineqartut oqaatigineqarpoq, meeqqanik kinguaassiuutitigit nakuuserfiginnittarnerup annertussusia pissusaalu pillugit maannakkorpiaq ilisimaneqartut pissarsiarineqassasut. Taamatut ilisimasaqarnek minnerunngitsumik atornerluineq akiormeriarlugu sakkortusisamik suliniarnerup, qallunaat naalakkersuisua ullormut oqaluuserisassanngortissimasata, pilersaarusiorneqarnerani pisariaqartuuvoq. Soqutiginninneq taanna misiliutitut misissuinermit imatut nassataqarpoq atuarfinni pisortat, atuarfintut siulersuisut atuaqatigiinnillu ilinniartitsisut naliliisimasut misissuineq naammassineqartariaqartoq, taavalu taamaaliornissamat akuersissuteqarlutik.

Qallunaat misiliutitut misissuineranni aallaaviusimavoq 15-inik ukiullit utoqqaanerusullu namminneq isummerfigisinnaagaat misissuinermit, ajornartorsiuteqarfiusunik taakkununga namminermut attuumassuteqartunik imaqartumi, kinaassutsimik isertuunneqarnissaata qulakkeerneqarnissaa pisariaqartitsinerlu malillugu siunnersorneqarnissamat periarfissaqarnerup qulakkeerneqarnissaa piumasaralugu peqataajumanerlutik. Atuartut peqataanerisa qisuariaataasalu tamanna uppersarppaat. Pisortaqarfik isumaqarpoq piumasarisat taakku aammattaaq Kalaallit Nunaanni naammassineqarumarnerat pissutissaqarlualuni ilimagisariaqartoq.

Taamaallaat inuusuttut 15-it sinnerlugit ukiullit misissuinermit peqataasussaasapput. Misissuineq angajoqqaat akuersitinnagit, atuartulli namminneq paasisutisinnegareernikkut isumaqataallutik akuersinermiinnik nalunaaruteqarnerat tunngavigalugu, naammassineqassaaq. Tamanna misissuinerup tatiginassuseqarneranut tunngavissaasut isumaqarfigineqarpoq, tassami peqataanissamat angajoqqaat akuersinissaata ilaqutariinni, meeqqanik atornerluinermit pisoqarpiarfiusuni, tunniunneqannginnissaa ilimagisariaqarmat. Qallunaat Nunaanni oqartussaasut susasaqartut naliliisimapput, naak angajoqqaat oqartussaasuseqarnerat pillugu inatsimmi peqqussutigineqaraluartoq meeqqat 18-it inorlugit ukiullit angajoqqaat oqartussaasuseqarnerisa ataanniittut, taamaallilluni misissuinermit pilersaarusiorneqarsimasut itumi angajoqqaat akuersisinniarneqartariaqarlutik, taava tamatumunnga peqatigitillugu illua'tungiusup pisinnaatitaaneramik, 15-17-inik ukiulinnik illua'tungiusutut peqataalersitsisumik tamatumunakkullu aamma soorlu assersuutigalugu apersuinermit immersugassat atorlugit misissuinermit kinaassuseq isertorlugu peqataanissamik neriorsorneqarnek pillugu nammineq aalajangiinissamat pisinnaatitaaneramik, piousoqartoq. Taamaattumik Qallunaat Nunaanni angajoqqaat akuersitinnagit, inuu-

suttulli namminneq akuersinerminnik nalunaarutiginninneratigut, misissuinerup naammassineqarnissaa inatsisitigut tatiginassuseqartut isigineqarpoq. (Taamaatumik Qallunaat Nunaanni misissuineq ministereqarfinnit akuliusimasunit; Isumaginninnermut, Inatsiseqarnermut, Peqqinnissamut, Kultureqarnermut Atuartitsinermullu Ministereqarfinnit kiisalu Meeqqat pillugit Siunnersuisoqatigiinnit taperser-neqarsimavoq).

Kalaallit Nunaanni Naalakkersuisut akuersaarsimavaat misissuineq angajoqqaanit akuersissutitaqanngitsumik naammassineqarsinnaasoq.

Inatsisartut Ombudsmandiat misissuinerup apeqqutinik aalajangersimasunik arlalinnik apeqquteqarpoq.

Taakku matuma kinguliini akissuteqarfigineqarput:

1. Pisorta qarfik qinnuigineqarpoq nassuiaateqarqullugu pisorta qarfiup atuarfinnik ataasiakkaanik tusarniaasoqalinniginnerani isummerfiginiarneraa apersuinerup immersugassat atorlugit apeqqutinik akisineq atuarfimmi atuartitsinerup nalaani naammassineqartussatut kissaatigineqarneris, tassami Inatsisartut peqqussutaata nr. 8-p, 21. maj 2002-meersup §-iisa 25-anni oqaatigineqarmat atuartitsinermi, peqqussummi tunngavissaqartinneqartumi, peqataanissaq taamaallaat pisussaaffuisoq.

Misissuinerup qarasaasiakkoortitamik akissuteqarfigineqarnissaa atuarfimmi atuartullu atuartinneqarnerisa nalaani naammassineqartussatut eqqarsaatigineqarpoq, atuartulli arlaannaasaluunniit misissuinerup peqataaneq pinngitsoornani peqataasus-saanertut isigissanngilaat.

Atuarfinni toqarneqartuni atuarfimmi pisorta atitat atuarfiullu siulersuisui misissuinerup siunertaasoq misissuinerullu ilusissaa pillugu ilisimatinneqarumaarput, misissuinerullu atuarfimmi suliffigisaminni ingerlanneqarnissaanik akuersissuteqarnissaminnik qinnuigineqarumaarlutik. Atuarfimmi pisorta atitat atuarfiullu siulersuisui matumunnga akuersissuteqanngippata misissuineq atuarfimmi pineqartumi ingerlanneqassanngilaq. Pisorta qarfimmi nalunngereerparput pilersaaruisoqqissaar-nissaq ilisarititsinissarluk piumasarineqartut. Taamaaliortoqassaaq suliniunniit sule-qataasut suliffiup avataaneersut misissuineq sioqqullugu inuusuttunut ilisarititsi-nerisigut paasissutissiinerisigullu. Misissuinerup pinngitsoornatik peqataasus-saannginnerminnik inuusuttut erseqqissumik ilisimatinneqarumaarput. Misissuine-rup qarasaasiakkoortitap qulakkeerpa aammattaaq atuartut atuffarissuunngitsut pe-qataasinnaanerat tamatumalu saniatigut manna pitsaaqutigalugu, atuartut paasissu-tissinneqareernikkut isumaqataallutik akuersinerminnik nalunaarutiginninnissaat pillugu piumasaqaat misissuinerup ataatsimut isiginnilluni erseqqissumik aammataarlu taassumani sammeneqartunut assigiinngitsunut isummerfiginninnermik ilaqa-rumaartoq. Taakku saniatigut periaatsip akissutini kinaassutsip isertorneqarlunnar-tussaana qulakkiissavaa aammalu sulit pitsaaqutigissallugu atuartup akissuteqar-nermi ingerlanerani arlaleriarluni naalaarutit siutaasat aqutigalugit misissuinerup tunngavigineqartunik siunnersorneqarsinnaatitaanermillu ilisimatinneqartarnissaa.

Pisorta qarfiup siunnersuutigilersaarpaa misissuineq atuartitsinermi ”inuttut ineriartorneq”-mik taallugu atuartitsissutigineqartup ataanut naleqqussarneqassasoq. Eqimattanit naqisimaneqarsinnaanissaq pinngitsoortinni arlallugit atuartut arfinilinngorlutik eqimattakkuutaartut atuarfimmi inuit immikkut ittumut iserlutik akissu-teqarqullugit qinnuigineqarumaarput. Atuartut peqataanissaminnik kissaatigineqartut atuaqatigiinni innassapput atuartullu allat peqatigalugit atuartitsineq malinnaaf-figalugu. Inersimasut akornanni peqqissuseqarnermik napparsimaqqajaarnermillu misissuinerup siornatigut ingerlanneqartarsimasut inernerisa takutippaat ileqqusoq malillugu immersugassat atorlugit apeqqutinik akisinikkut misissuineq innuttaasut tigulaariffigineqarnerannik aallaaveqartinneqartoq procentimik naammattumik qaf-fasissusilimmik akissuteqarfigineqarnissaa ilimagineqarsinnaassanngitsut, meeraa-

nermi kinguaassiuutitigut nakuuserfigineqartarnerup pisarsimanerata naammaginar-tumik misissoqquissaarnissaanut atugassanik. Misissuinerup atuarnerup nalaani i-ngerlanneqarneratigut ilimagineqarpoq akissuteqarnermi procentiusoq minnerpaa-mik 75%-iussasoq, atuarfimmi atuaqatigiinni napparsimaneq pissutigalugu atuariar-tunngitsoonerit ilanngullugit naatsorsuutigissagaanni. Skema apeqqutinik akisiffis-saq ima ineriartortitaavoq akissuteqarneq tamanut assigiikkannersumik sivisussuse-qassalluni, kinguaassiuutitigut misilittakkatigut misigisat apeqqutaatinngit. Atuar-tut akissutinik suliaqarnissartik sioqqullugu ilisimatinneqassapput kikkut tamarmik apeqqutinik taakkuusunik apeqquteqarfigineqassanngitsut. Taamatuttaaq kinguaas-siuutitigut misilittagaqarneq pillugu apeqqutinut akissuteqaraangamik ilisimatin-neqartassapput Meeqqanut-Inuusuttunut oqarasuaammut sianernikkut ilitsersorne-qarmissamut periarfissaqartoq. Sianerfissap allassimaffia atuartunut ataasiakkaanut agguanneqarumaarpoq.

2. Pisortaarfik qinnuigineqarpoq nassuiaateqaqqullugu innuttaasut paasissutis-sanik namminerminnut tunngasunik saqqummiussinissaannik oqartussaasut kaam-mattuinerat pillugu malittarisassanik malinninnissaq qulakkeerumallugu suliniummi allaaserineqartuninngarnit annertunerusumik sulii alloriartoqassanersoq.

Atuarfiup pisortaanik atuarfullu siulersuisuinik akuersisitsisoqareerpat atuartut attuumaneqartut suliniummi suleqataasumit misissuinerup siunertaa naammassine-qarnissaalu pillugit sukumiisumik paasitinneqarumaarput - matumunnga ilanngul-lugu aamma kinguaassiuutitigut pissuserisat misilittakkallu pillugit apeqquteqarfigi-neqarumaarput. Tamatuma kingornagut atuartup ataasiakkaap isummerfigissavaa peqataannissani kissaatiginerlugu. Aammattaaq atuartut ilisimatinneqarumaarput apeqqutit ataasiakkaat imaluunniit immaqqa immersugassap tamarmiusup, taassuma misissornissaa periarfissaqarfigereerunikku, akinngitsoornissaanut periarfissaqar-nerminnik. Apeqqutinut akissuteqarneq atuartunut tamanut assigiimmik sivisussuse-qassammat piffissaq akissuteqarnermut atornerqartoq tunngavigalugu aalajangerneq ajornarpoq atuartoq ataasiakkaaq qanoq akissuteqarsimanersoq - kammalaatigisa-nut imaluunniit suliniummi suleqataasunut marlunnut taakkununnga, akissuteqarfi-ginninnerup nalaani inimi najuuttutuaasussaasunut.

3. Pisortaarfik qinnuigineqarpoq nassuiaateqaqqullugu pisortaarfik, qarasaas-ianik atuartut akornanni naammaattumik ungasissusilerlugit, kinaassutsimik iser-tuussilluinnarnissamik isumaginnittumik, inissitsiterinerup saniatigut, ilinniartitsi-sut atuarfinnilu sulisut kiisalu atuartut allat atuartut akissutaannik, matumani atuar-tut akissuteqarsimanersut ilanngullugu eqqarsaatigalugu, paasisaqannginnissaat qul-lakkeerniarlugu pisortaarfik issuarneqartup saniatigut annertunerusumik iliuuse-qarniarnersoq nalunaarutigeqqullugu.

Apeqqutinik akisinissamut immersugassat atorlugit misissuineq Ilisimatusarner-mik suliffimmit – Naalagaaffiup Inuit Peqqissusaannik ilisimatusarfiutaanit – inger-lanneqarpoq. Erseqqissarneqassaaq paasissutissat tunniunneqartut inummut kinaas-susersiuutaasinnaangimmata. Ilinniartitsisut atuarfimmilu sulisut allat atuartul-luunniit allat atortussanik alakkaasussaataitaasinnaassanngillat. Taamatuttaaq immer-suiffissaq allaqqinneqarsinnaasussaassanngilaq, taanna qarasaasiami angallat-takkami ataasiakkaami toqqorneqassaaq diskette avataaneersoq suliniummi sule-qataasup kisimi iserfigisinnaasaa atorlugu. Atortut tamarmik Naalagaaffiup Inuit Peqqissusaannik Ilisimatusarfiutaanut tunniunneqassapput tassanilu suliarineqaru-maarlutik.

4. Pisortaarfik qinnuigineqarpoq nassuiaateqaqqullugu apersuinermi immersu-gassat immersorneqartut qarasaasiani angallattakkani ataasiakkaani pineqartuni dis-kettiniluunniit toqqorneqassanersut, imaluunniit pisortaarfimmut qarasaasiakkoor-tumik toqqaannartumik nassiuunneqassanersut.

Immersugassat immersorneqarsimasut qarasaasiami ataasiakkaami diskettemi avataanersumi suliniummi suleqataasut kisimik isersinnaatitaaffigisaanni toqqortarineqartarput.

Immersugassat immersorneqarsimasut pisortaqarfimmut nassiunneqartussaangillat, suliniummili suleqataasunit Naalagaaffiup Inuit Peqqissusaannik Ilisimatusarfiutaanut toqqartumik tunniunneqartussaallutik. Atortussat tassani suliarineqartussaapput, Naalagaaffiup Inuit Peqqissusaannik Ilisimatusarfiutaa atortussanut isertukkanut malittarisassat atuuttut malinneqarnissaannut qularnaveeqqusiisuvoq.

5. Pisortaqarfik qinnuigineqarpoq nassuiaateqaqqullugu immersugassat immersorneqartut taakku (pisortaqarfimmut qarasaasiakku nassiunneqanngitsut) atuarfinni ilinniartitsisunit imaluunniit sulisunit allanit toqqortarineqarlutillu pisortaqarfimmut ingerlateqqinneqassanersut, imaluunniit akissutit pisortaqarfimmut allatut iliorluni ingerlatinniarneqarnersut.

Immersugassamik immersuineq qarasaasiani angallattakkani suliniummi suleqataasunit nassarneqarlutillu inissinneqarsimasuni taamaallaat pisinnaavoq. Kinaluunniillu – suliniummi suleqataasut marluk saniatigut – qarasaasianut angallattakkanut isersinnaatitaassanngilaq. Atortussat pisortaqarfimmut ingerlatinneqassanngillat, Naalagaaffiulli Inuit Peqqissusaannik Ilisimatusarfiutaanut toqqartumik tunniunneqassallutik.

6. Pisortaqarfik qinnuigineqarpoq nassuiaateqaqqullugu akissutit taakku, naak akissutit ilaat erseqqissumik naliliineq malillugu taamaaliornissamut pissutissaqalersitsisinnaagaluartulluunniit, assersuutigalugu politiinut, isumaginninnermi oqartussaasunut imaluunniit pisortaqarfiup iluani nakorsatut suliatigut oqartussaasunut ingerlateqqinneqannginnissaat siunertaralugu pisortaqarfik erseqqissunik iliuseqarniarnersaq.

Immersuineri kinaassutsimik tamakkiisumik isertuinissap qulakkeerneqarnissaa siunertaralugu misissuineq aaqqissuussaavoq – tassa imaappoq, inuusuttut ataasiakkaat akissutaannik kinalunniit ilisimasaqalertussaannngilaq. Tassami akissutit kinaassutsimik tamakkiisumik ilisarnarunnaarsagaammata paasissutissanik inummut kinaassusersiutaasinnaasunik oqartussanut allanut ingerlatitseqqiinissaq ajornartussaavoq, akissummi aalajangersimasoq inuusuttumut aalajangersimasumut inuttarsiutaasinnaanngimmat. Taamaattumik nalunaaruteqartussaaneremut tunngasumik akerleriissuteqartussaasorinannngilaq, inuusuttup nammineerluni kinaassutsimi isertorunnaarnissaa toqqanngippagu.

Meeqqat anginerusut meeqqat pillugit isumaqatigiisummi inuttut namminneq aalajangiisinnaatitaasutut isigineqarput. Taamaattumik Qallunaat Nunaanni nalequttuusorineqarpoq meeqqat namminneq aalajangiinissamut pisinnaatitaanerat pillugu malittarisassat ima paasineqassasut, apeqqutinik akisinermut immersuiffissamik immersuineri kinaassutsimik isertuussiffiusumi peqataanissamut isummerfiginnineq inuusuttumut nammineremut aalajangigassanngortinneqassasoq – atuarfimi oqartussaasut misissuinermik akuerinninnerat tunngavigalugu. Apeqqutinik akisinissamut immersugassanik immersuinikkut 11. klassemi atuaqatigiit akornanni misissuinerup naammassiniarnerani ileqqorissaarnikkut ajornartorsiuteqarfiusut soorunalimi mianerisassanik, minnerpaamik inersimasut akornanni taassuma assinganik misissuineri atuuttunik, mianerinninnissaq piumasaqaataavoq.

Taamaattumik siunertarisaq, periaatsit, pissarsiassanit ilimagisat misissuinermilu nalorninaateqarsinnaasut nuanninngitsunillu nassarisinnaasai pillugit sukumiisumik paasisitsisoqarumaarpoq. Paasisitsisoqarumaarpoq kinaluunniit nammineq iluarisaminik iliorsinnaatitaasoq misissuinermilu peqataanissaminut piumajunnaarsinnaasoq. Peqataasut innarligassaanninnerat ataqqineqarumaarpoq, misissuinerullu inuup innarligassaannngissusianut kinaassusianullu sunniuteqarnera pisariaqarneratut minnerpaanngortillugu annikillisinneqarumaarpoq.

Misissuinerup matuma assinga ilaatigut aamma New Zealandimi ukioq 2001-imi naammassineqarsimavoq. Tassannga misilittakkat takutippaat inuusuttut misissuineq akuersaaraat naleqarluartutullu isumaqarfialugu.

Pisortaqarfimmi isumaqarluinnarpugut aammattaaq kalaallit inuusuttut paasisstissanik, meeqqanik kinguaassiuutitigut atornerluinerup pinaveersaartinnissaanut siunissami siunnerfeqarnerusumik suliaqarnermi ilapittuutaasinnaasunik, paasiniaa-nermi akuersaarlutik peqataajumajumaartut.”

*Tamatuma kingornagut oqaaseqaateqarsimavunga:*

”Tamanut tunngasumik:

*Misissuina misissuinerup inuusuttut, misissuinermi peqataasussat, namminneq inuttut inuunertik pillugu apeqqutinut arlaqartunut akissuteqartussaanerannik aallussinerusimasup tusagassiuutini eqqartorneqarneranik aallaaveqarpoq.*

*Aammattaaq tusagassiuutini eqqartuineq pissutsinut immikkut itumik misissorneqarsimasunut tunngavoq, tassalu apersorneqartut paasisstissanik taakkuninnga piumasaqarfiginissaannut angajoqqaat akuersinissaat pisariaqarnersoq.*

*Matuma kingornagut erseqqarluppoq inatsisit naapertorlugit innarlitsaalineqarnissakkut ajornartorsiutit allat, misissuinerup taamaattup saqqummersitai, pisortaqarfimmit misissuiffiqeqarsimanersut.*

*Taamaattumik aalajangerpunga, tak. pisortaqarfimmut 11. august 2003-mi tusarniaanera, inatsisit naapertorlugit innarlitsaalisaanermi mianerissat pisariaqartut misissuinermut atatillugu malinneqarsimanersut misissuiffiginiarlugu.*

*Tamatumunnga atatillugu pingaartillugu oqaatigaara pisortani oqartussat paasisstissanik inuit ataasiakkaat inuunerannut tunngasunik paasiniaasinnaatitaanerannik killiliinerit paasisstissat inunni inersimasuni atuarfinniluunniit atuartuni imaluunniit inuusuttuni suli inersimasunnorsimanningsuni allani paasinierneqarnerat apeqqutaatinnagu taakkuullutik assigiimmata.*

*Matuma kingornagut misissuininna pissutsit ataasiakkaat pillugit oqaatigaakka:*

*Atuarfeqarfiup pisinnaatitaanera innuttaasullu paasisstissiisussaatitaanerat.*

*Maluginiarpara pisortaqarfiup tusarniaanermut akissutaani oqaatigineqartoq misissuinnissaq atuartitsinerup ilaatut ingerlanniarneqartoq, tamatumalu nassatarisaanik akissutit procentiata qaffasiussuunissaa ilmagineqartoq.*

*Soorlu tusarniaassutinni nassuiarsimagiga Inuttut Piginnaatitaaffiit pillugit Europami naalagaaffiit isumaqatigiisutaanni artikel 8-mi, imm. 2-mi*



tunngaveqarnissamik piumasaqaatip nassataraa ingerlatsinermi oqartussaasut inatsisitigut tunngavissaqarnatik innuttaasut inuttut inuunerat pillugu paasisutissanik piumasaqarfigisinnaanngikkaat, taamatuttaarlu aamma aalajangersakkap nassatarigaa paasisutissanik taamaattunik nammineq piumassutsimik tunniussinissaq pillugu innuttaasunik qinnuiginninnerit imatut saqqummiunneqassasut, innuttaasunit ima paasineqassanani paasisutissiinissaq pinngitsoorani pisussaaffiusoq.

Tamatumunnga atatillugu aammattaaq pisariaqartuuvooq innuttaasut misissuinermi peqataanissaminnik kissaateqarnertik pillugu nakkutigineqanngitsumik isummerfiginnissinnaasut.

Pisortaqarfimmit oqaatigineqartut pillugit isumaqarpunga misissuinerup malittarisassanut, meeqqat atuarfianni atuartitsinermut nalinginnaasumik atuutsinneqartunut, killissarititaasut iluanni naammassineqarnissaa piumasaqaatit taakku eqqortinneqarnissaannut ajornartorsiuteqarfiulersinnaassasut.

Meeqqat atuarfii pillugit Inatsisartut peqqussutaanni § 18, imm. 1 malillugu atuartitsinermut ilaatillugu atuartut ataasiakkaat atuartinneqarnerminnit pissarsiaat ingerlaavartumik nalilerneqartassapput.

Inatsisartut peqqussutaanni § 25, imm. 1 malillugu atuartut meeqqat atuarfianni atuartitsinermi peqataanissaminnut pisussaapput.

Inatsisartut peqqussutaanni taannaasumi § 43, imm. 2 malillugu atuarfiup pisortaa atuarfimi atuartut pillugit aalajangigassat aalajangersimasut tamaasa aalajangiiffigisassavai.

Inatsisissatut siunnersuutip § 43-anut, imm. 2 pillugu oqaaseqaatinit imaattut erserput:

”Atuarfimi atuartut pillugit atuarfiup pisortaata aalajangiinissamut oqartussaassuseqarnerani ilaatigut ilaatinneqartut tassaapput atuartitaasussaatitaanerup eqqortinneqarnissaanut malittarisassat pisuni aalajangersimasuni atuutsinneqannginnissaat pillugu immikkut akuersissuteqartarneq, immikkut atuartinneqarnissamut innersuussisarneq kiisalu pissutissaqanngitsumik atuanngitsoornerit qisuariarfigineqartarneri.”

Aalajangersakkat oqaatigineqartut isumaga malillugu taamatut pinngit-saaliinermik nakkutilliinermillu nassataqarmata apeqqutinut akisassanut immersugassamik immersuinikkut misissuinerup atuartut atuariartortarnerannik nalilersuinermut nakkutilliinermullu malittarisassat qissimigaarlugit naammassineqarnissaa inatsisitigut tunngavissaqassanngilaq.

Tamatumunnga atatillugu tusarniaanermut pisortaqarfiup akissutaa ima paasivara, misissuinerup ima ingerlanneqarnissaa pilersaarusioner-qartoq, atuartut misissuinermi peqataarusuttut inimut immikkut ittumut i-ser-tinneqassasut, sinnerili atuartitsinermi nalinginnaasumi peqataassasut.

Tamanna tunngavigalugu isumaqarpunga inassuteqaatigisariaqarlugu misissuinerup naammassineqarnissaa pillugu pisortaqarfiup atuarfinni pisortanut atuarfiullu siulersuisuinut ataasiakkaanut qinnutigisaminik

*saqqummiussinermigut tunngaviutikkaa nalilersuinnermut aamma atuariatortarnermut malittarisassat atuartitsinerup ilaani, misissuinerup ingerlanneqarfigisaani, atuutsinneqassanngitsut, atuartullu tamatuminna siu-moortumik ilisimatinneqassasut.*

*Tamanna uanga isumaga malillugu atuaqatigiinni, misissuinnermut ilaatinneqartuni, atuartunut tamanut atuuttariaqarpoq, atuartut peqataanis-sartik toqqarpassuk peqataanninnissartilluunniit toqqaraluarpassuk.*

*Akissuteqarnermi periaasiusoq oqartussallu akissutinik suliarinninnerat.*

*Pisorta qarfiup akissutaata pingaarutilinnik oqaaseqarnissannut pissu-tissaqarlersinnngilaanga.*

*Taamaattorli maluginiarpara akissutinik tiguneqartunik kisitsisit atorlu-git nassuiaasiormik ilisimatusateqarnikkullu suliaqarneq pisor-taqarfimmi ingerlanneqarnani kisiannili Naalagaaffiup Inuit Peqqissu-siannik Ilisimatusarfiutaani, Naalagaaffimmi pissutsinut Peqqinnissamullu Ministereqarfiup ataaniilluni ilisimatusarfiusumi, suliarineqarumaartut.*

*Suliassat suliarineqartarnerat pillugu inatsimmi § 31 malillugu paasis-sutissat kisitsisit atorlugit paasissutissiornissamut imaluunniit ilisimatuu-tut misissuinnermut atugassatut pissarsiarineqartut taamaallaat ingerlat-sinermi oqartussaasumut allamut ingerlateqqinneqassapput, tassani ator-neqartussatut.*

*Taamaattumik naatsorsuutigaara tamanna pisorta qarfiup ilisimatusar-fiullu akornanni isumaqatigiisummi imaritinneqartoq imaluunniit imari-tinneqarumaartoq.*

*Aammattaaq pisorta qarfiup uannut akissutaanit erserpoq akissutini ki-naassutsimik isertuinerup nassatarigaa, paasissutissat inummik kinaassu-sersissutaasinnaasut oqartussanut allanut ingerlateqqinnissaat ajornassa-soq.*

*Tamatumunnga atatillugu eqqaasitsissutigaara suliassat suliarineqar-tarnerat pillugu inatsimmi § 31-p aamma nassatarigaa akissutit kinaassut-simik isertuussiffiusut soorlu assersuutigalugu politiinut, inunnik isuma-ginninnermi oqartussanut imaluunniit nakorsat immikkut ilinniagallit oqaasissaqartitaannut, pisorta qarfiup ataaniittunut, ingerlateqqinneqas-sanngitsut, tak. matumani pisorta qarfimmu tusarniaassutiga.”*

*Pisorta qarfiup inassuteqaatigisannut akissutaanik ukiup nalunaarusiuun-neqartup naanerani tigusaqarsimangilanga.*

## **6. Sulianut ukiunut siusinnerusunut nalunaarutini eqqartorneqartunut malitseqartitsineq. Naammagittaalliuitit.**

**Ukiunut 2002-mut ukiumoortumik nalunaarut, immikkoortoq 3, qupp. 32 tullilu.**

**Soraarniuteqarluni qinnuteqaammik suliaqarnermi suliami paasissutissartalersuineq pissutsinik sulisitsisumut tunngasunik tunngavilersuuteqartinneqartoq. (J.nr. 11.03.21.01/105-00)**

Naalakkersuisut Siulittaasuannut 24. januar 2003-mi allappunga:

”Naammagittaalliuummik suliaq qulaani taaneqartoq pillugu 8. marts 2002-mi oqaaseqaateqarpunga.

Oqaaseqaatinni ilaatigut naliliivunga A-p sulisitsisumini pissutsit tunngavilersuutigalugit soraarniuteqarluni qinnuteqaataata akuerisinnaanissaanut pisorta qarfiup tunngaaniit naammattumik misissuisoqarsimanngitsaq.

Taamaattumik suliaq pisorta qarfiup suliareqqissagaa inassuteqaatigisimavara.

Pisorta qarfiup 21. november 2002-mi nalunaarfigaanga suliaq taanna Aqutsiner-mut Pisorta qarfiup suliaassatut tiguneqarsimasoq.

Aqutsiner-mut Pisorta qarfiup allakkatigut 13. januar 2003-meersutigut nalunaarfi-gaanga inassuteqaatiga pisorta qarfiup taassuma piaarnerpaamik isummerfiginiaraa.

Suliaq tamatuma kingorna tusagassiutitigut eqqartorneqartarsimavoq, nalunngi-laralu kingullermik tusagassiutitigut oqaatigineqartoq suliami oqaaseqaateqarner-ma kingorna Namminersornerullutik Oqartussanit taarsiivigeqqunermik piumasa-qaatigisimasani A-p tunuartissimagaa.

Tamatumunnga peqatigitillugu tusagassiuitit allaffeqarfiga ullut kingulliit arlallit ingerlaneranni suliami paasissutissanik pissarsiniarlutik saaffigisarsimavaat.

Tamanna tunngavigalugu isumaqarpunga makku Naalakkersuisunut malugeqqu-sariaqarikka:

Oqaaseqaatinni 8. marts 2002-meersumi oqaatigaara misissuininni ”pisorta qar-fiup suliamik suliaqarsimanerata kingunerinut akuersornanngitsunut taartisariatit-neqarsinnaasut pillugit apeqqummik naliliineq” ilaatinneqanngitsaq.

Taamaalliluni suliamik suliarinninnermi kukkunerit pissutigalugit A-p taarsiivi-geqqulluni piumasaqaateqarsinnaasimanera suliami misissuininni ilaatinneqarsi-mannigilaq.

Oqaatigineqartutulli naliliisimavunga Kultureqarnermut, Ilinniartitaanermut, Ili-simatusarnermut Ilageeqarnermullu Pisorta qarfik suliamik suliarinninnermini kuk-kussuteqarsimasoq A-p ...-tut atorfeqartitajaunnaarnera pillugu suliap suliareqqin-neqarnissaanik inassuteqaateqartariaqarninnut pissutissaqalersitsisunik.

Taamaattumik isumaqarpunga suliamut malitseqartitsinera ingerlatiinnartariaqa-riga, suliamik suliarinninnermi kukkussutit paasisama aqutsisoqarfimmit isummer-figineqarnissaat siunertaralugu.

A Naalakkersuisunut ilaasortatut massakkut qinigaammatt siunissami saaffigin-nissutigisartagassakka Naalakkersuisut Siulittaasuannut ingerlatittarniarpakka, taan-na suliat Naalakkersuisunut ilaasortanut agguataarneqarnerannik isumaginnittuum-mat.

Taamaattumik Naalakkersuisut Siulittaasuut qinnuigaara oqaaseqaatinnut atatil-lugu iliuuserisassat pisariaqartut iliuusereqqullugit.”

Naalackersuisut Allattoqarfiata 3. februar 2003-mi paasissutissippaanga suliaq Aqutsinermut Pisortaqarfimmut akissuteqarfigineqartussanngorlugu tunniunneqarsimasoq.

Aqutsinermut Pisortaqarfik suliami akissuteqarnissaq pillugu 24. september 2003-mi eqqaasippara.

Ukiup nalunaarusiuunneqartup naanerani Aqutsinermut Pisortaqarfimmit suli tigusaqarsimangilanga.

**Ukiuumut 2002-mut ukiumoortumik nalunaarut, immikkoortoq 3, qupp. 35 tullialu.**

**Atorunnaarsitsineq amigaatilik kiisalu tunngavilersuisimanninneq. (J.nr. 11.10.63.01/082-01)**

Kommunip naammagittaalliortumut allagaasa 28. oktober 2002-meersut assilinerannik 9. maj 2003-mi tigusaqarpunga.

Taava K Kommunimut allappunga erseqqissarlugulu kommuni aalajangiivimmik aalajangiinissaminut kiisalu tamatuma naammagittaalliortumut tunngavilersornissaanut pisussaaffeqartoq.

Tamatuma kingornagut 29. september 2003-mi kommuni suliami aalajangiivoq, aalajangiinerlu taanna naammagittaallortumut tunngavilersorlugu.

Tamanna tunngavigalugu kommuni naammagittaalliortorlu nalunaarfigaakka naammagittaalliut pillugu suliami annertunerusumik iliuuseqaq-qinnianningsunga.

**Ukiuumut 2002-mut ukiumoortumik nalunaarut, immikkoortoq 3, qupp. 39.**

**Piffissaq suliap suliarineqarneranut atorineqartoq. (J.nr. 11.10.03.04/064-02)**

Kommunimut 7. april 2003-mi allappunga kommuni A-mut tunngasumik aalajangiisimanersoq pillugu paasissutissiisummik suli tigusaqarsimanningsunga. Taamaattumik kommuni qinnuigisimavara suliamik suliaqarnermi iliuuseqarnerit suut kommunip oqaaseqaatinnik tigusaqartoqarmalli suliarisimanerai paasissutisseqqullunga.

Kommunip 29. april 2003-mi akissuteqarfigaanga kommuni A-p tarnikut nappaatinut tunngasumik nalilerneqarneranik tigusaqareernerup kingornagut aalajangersimasoq A sulisinnaassuseqarnermut misilinneqassasoq, tamatuma kingornagut kommunip isummerfigissallugu A-p siusinaartumik soraarnerussutisiaqartinneqalernissaa akuersissutigineqarsinnaanersoq.

Suliaq 6. august 2003-mi apeqqutilliissutigeqqippara, tassungalu kom-  
muni 27. august 2003-mi nalunaaruteqarpoq A-p naleqquttumik suliffissar-  
sinissaa kommunimut suli iluatsissimangitsoq.

Suliap inaarneqarnera pillugu ukiup nalunaarusiuunneqartup naanerani  
kommunip paasissutissiisutaanik tigusaqarsimangilanga.

### **Ukiunut 2002-mut ukiumoortumik nalunaarut, immikkoortoq 3, qupp. 40.**

#### **Ilagiinni sulisoqarnermik aqutsinerup oqartussaaffigineranik allamut isumagissassanngortitsineq. (J.nr. 11.04.20.01/066-02)**

Kultureqarnermut, Ilinniartitaanermut, Ilisimatusarnermut Ilageeqarner-  
mullu Pisortaqarfiup 10. marts 2003-mi akissuteqarfigaanga:

”Ilisimatitsissutigineqarpoq ..., imaannaq oqaatigissallugu erseqqarluttooq prov-  
stit sulisoqarnermut tunngatillugu oqartussaannersut immikkoortut, imaluunniit prov-  
stit sulisoqarnermik allaffissornikkut aqutsinermi suliassaat ilageeqarneq pillugu I-  
natsisartut peqqussutaanni nr. 15-imi, 28. oktober 1993-imeersumi § 1 naapertor-  
lugu pisortaqarfiup suliassanik aaqii-sarnerata ilaatut ilanngunneqarsimasutut isi-  
gineqartussaannersut.

Pisortaqarfiup paasinninnera malillugu provstit sulisoqarnermut tunngatillugu  
oqartussaasuupput immikkoortut.

Tamanna aammattaaq Ombudsmandimit taaneqartutut ilageeqarneq pillugu Inat-  
sisartut peqqussutaannit toqqartumik ersinngilaaq.

Taamaattorli pisortaqarfiup paasinninnera malillugu provsteqarfinni ataatsimiiti-  
taliat pillugit peqqussutip kapitaliisa pingajuanni periaatsimut taassumunnga taper-  
sersuutaasinnaasunik nassaassaarpoq. § 10, imm. 1-imit ersepoq provstip ilaasor-  
tatut ataatsimiititaliap suliassanik ingerlatsisutut suliassat isumagissagai, aamma §  
15, imm. 3-mit ersepoq provsteqarfimmi ataatsimiititaliap provsti pisinnaatissin-  
naagaa suliassaq aalajangersimasooq suliassalluunniit allat ataatsimiititaliap erseq-  
qinnerusumik aalajangiinera malillugu suliareqqullugit. Matumani oqaatigineqas-  
saaq provsteqarfimmi ataatsimiititaliat provsteqarfiup missingersuusiaanut aninga-  
saqarneranullu tamatigut akisussaammata, tassami Naalakkersuisut tungaanniit  
provsteqarfiit tamarmik immikkut aningaasanik, provsteqarfimmi ataatsimiititalianit  
aqunneqartunik, tunineqartarmata.

Paasinninnermut suli annermik ikorfartuutissaqarneq ilagiinni atorfinitsitsisar-  
nit pillugit Inatsisartut peqqussutaanni nr. 8-mi, 30. oktober 1998-imeersumi nas-  
saassaavoq. § 11, imm. 1-imit ersepoq provsti ajoqinik pattattunillu atorfinitsitsi-  
nermut soraarsitsinerimullu akisussaasoq.

Kiisalu Ombudsmandi isumaqarpoq ajornartorsiuteqarfiusooq paasinarsarniarne-  
qartariaqartoq pisortaqarfillu qinnuigalugu Naalakkersuisut tamanna pillugu qanoq  
iliuuseqassamaarnerannik nalunaaruteqaqqullugu.

Pisortaqarfiup tamanna pillugu ilisimatitsissutigisinnaavaa provstit allaffissor-  
nikkut aqutsinermi pisinnaatitaaneri pillugit ilageeqarneq pillugu peqqussummi § 1,  
imm. 1 naapertorlugu nalunaarummik arlaanni ilusilersuisoqassamaartoq, ilagiinni  
atorfinitsitsisarnerit pillugit nalunaarummik atulersitsisoqarsimaneratut iliorluni.”  
(Atorfeqarfimmi nutsigaavoq.)

Pisortaqarfik 21. marts 2003-mi akissuteqarfigaara, assilineri Inatsisartut Inatsisit Atortinneqarnerannut Ataatsimiititaliaannut Naalakkersuisunullu nassiullugit:

”Provstit sulisoqarnermik aqutsinermi suliassanik sularinnittarnerat pillugu inatsimmi erseqqarluttoqarnera atuuttoq pillugu Ombudsmandi pillugu inatsimmi § 11 malillugu nalunaarutiginninninnut pisortaqarfiup akissutaa 11. marts 2003-mi tiguara.

Pisortaqarfiup akissutaanit erserpoq provstit aqutsinermi oqartussaasutut nammieertut pisortaqarfiup isigigai, naak tamanna ilagiit pillugit Inatsisartut peqqussutaannit toqqaannartumik ersinnigikkaluartoq.

Paasinninneq taanna pisortaqarfiup ilagiit pillugit Inatsisartut peqqussutaanni aamma ilagiinni atorfinitsitsisarneq pillugu Inatsisartut peqqussutaanni aalajangersakkanik arlalinnik tunngaveqartippaa.

Inatsisartut peqqussutaanni taaneqartuni taakkunani provstit aqutsinermi suliassanik arlalinnik suliassaqartitaanerannik pisortaqarfiup oqarnera isumaqatigaara. Tamatuma saniatigut ilagiinni atorfinitsitsisarneq pillugu Inatsisartut peqqussutaanni § 12 tikkuarsinnaavara, taannami malillugu provstit allaffiini sulisunik provstit atorfinitsitsisartuullutillu soraarsitsisartuummata.

Paasinninnerali malillugu suliassaqarfinni allani aqutsinermi suliassanik sularinninnermi provstit aqutsinermi oqartussaasutut nammieertut isigineqarsinnaanerat pillugu apeqqut tamatuma akinngilaa.

Tamatumunnga atatillugu paasinninnera malillugu ilagiit pillugit Inatsisartut peqqussutaanni §§-it 1-3 malillugit Naalakkersuisut suliassaminnik oqartussaasunut ilagiinnik qitiusumik aqutsiviup avataanniittunut tunniussinissaannut inatsisitigut ilumut tunngavissaqarnera pillugu apeqqut saqqummerpoq.

Tamatumunnga atatillugu oqaatigaara ilagiit pillugit Inatsisartut peqqussutissaatut siunnersuut pillugu oqaaseqaatinit nalinginnaasunit ersertoq peqqussutip siuner-tarigaa ilagiinni siulersuinnermut allaffisornikkullu aqutsinermut suliassanut Naalakkersuisunut inissineqartussanut aamma ilagiit anersaakkut siulersorneqarneranni suliassanut Naalakkersuisut suliassarinnigissannut avinneqarnissaat.

Biskoppi tamatumunnga atatillugu aqutsinermi allaffisornikkut suliassanik suli-aqartarunnaarsineqassaaq, ilagiinnillu anersaakkut siulersuinnermi suliassat pingaarnerutillugit isumagissallugit.

Tassani ilanngullugu oqaatigineqarsinnaavoq ilagiit pillugit peqqussummi § 6-imit ersermat provstit biskoppi ilagiinnik anersaakkut siulersuilluni sulinerani ikiusagaat.

Provstit inatsimmi aqutsinikkut suliassanik allanik inatsimmi taaneqarsimasunit allaanerusunik, pisortaqarfiullu allakkamini innersuusutigisimasaanik Naalakkersuisunit suliassinneqartarnissaat ilagiit aqutsinikkut aamma anersaakkut siulersuinnermi suliassanut avinneqarsimaneratigut tamanna periarfissaqarnersoq imaalliallaannaq takuneqarsinnaanngilaq.

Ombudsmandi pillugu inatsimmi § 11 tunngavigalugu aalajangerpunga ajornartorsiti allaaserineqartoq Inatsisartunut Naalakkersuisunullu nalunaarutiginiarlugu, taamaattumillu suliaq Inatsisartut Inatsisit Atortinneqarnerannut Ataatsimiititaliaannut Naalakkersuisunullu saqqummiuppara, allakkat uku assilinerisigut allakkatigullu allatigut.

Pisortaqarfiup akissutaata ajornartorsitu nutaajusortaaq aamma saqqummersippaa, tassalu ilagiit pillugit Inatsisartut peqqussutaannit imaluunniit ilagiinni atorfinitsitsisarnerit pillugit Inatsisartut peqqussutaannit aammalumi peqqussutit taakku piareersarlugit sularineqarsimasunit ersinnigitoq peqqussutini taaneqartuni inatsisi-

tigut tunngavissat tunngavigalugit provstit aalajangiineri Naalackersuisunut naam-magittaalliutigineqarsinnaanersut, imaluuniiit suliani taakkunani oqartussaasumut qulliunerusumut suliassanngortitsisinnaaneq mattunneqassasoq Inatsisartut tunngavigisimaneeraat.

Inatsisartut Naalackersuisullu ajornartorsiummik tamatuminnga nalunaarfigissalugit aamma taamatut tunngavissaqarsimavunga, tak. Ombudsmandi pillugu inatsimmi § 11.

Naalackersuisut suliami isummernissaat matuma kingorna utaqqimaarpara.”

Pisortaqarfiup 10. juni 2003-mi ima akissuteqarfigaanga:

”Provstit sulisoqarnikkut suliassaasigut erseqqarluttoqarnera pissutigalugu Naalackersuisut qanoq iliuuseqalersaernerannik ilisimatinneqarnissamik Ombudsmandip qinnuteqarneratigut Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup allakkani ... 10. marts 2003-meersuni ilisimatississutigisimavaa provstit allaffissornikkut aqutsinermi pisinnaatitaaneri pillugit ilageeqarneq pillugu peqqussummi § 1, imm. 1 naapertorlugu nalunaarummik arlaanni ilusilersuisoqassamaartoq, ilagiinni atorfinitsitsisarnerit pillugit nalunaarummik atu-lersitsisoqarsimaneeratut iliorluni.

Aturfimmut tunngaviliisumut, Sunngiffimmut, Kultureqarnermut Ilageeqarnermullu Immikkoortortaqarfik maanna inatsisilerinikkut sullissisussummik atorfinitsissimavoq, taamaattumik immikkoortortaqarfimmi maannakkut ilimagineqarpoq provstit allaffissornikkut aqutsinermi pisinnaatitaaneri pillugit nalunaarut ukiup affaata tulluup iluani suliarineqarumaartoq.” (Atorfeqarfimmi nutsigaavoq.)

Pisortaqarfik 15. september 2003-mi allaffigaara, assilineri Inatsisartut Inatsisit Atortinneqarnerannut Ataatsimiititaliaannut Naalackersuisunullu nassiullugit:

”Pisortaqarfiup 10. juni 2003-mi ulloq taanna allagarisai, j.nr. ..., tiguakka imatut paasisakka, ilageeqarneq pillugu Inatsisartut peqqussutaanni § 1, imm. 1 malillugu nalunaarummik, kingullerpaamik 21. marts 2003-mi allakkanni malugeqqusannik ersernerluutinik iluarsisuteqartumik, Naalackersuisut ukiup affaata ingerlanerani aalajangersaanissaq ilimagigaat.

Taamaattumik Inatsisartunut aamma Naalackersuisunut apeqqutit taakkua pillugit nalunaarutigisara aallaavigalugu allatigut qanoq iliuuseqaaqqissanngilanga.”

Pisortaqarfiup allakkani 4. december 2003-meersuni ilassutaasunik imaattunik nalunaarfigaanga:

”... provstit allaffissornikkut sulinerannut malittarisassatigut tunngavissamik suliaqarneq pillugu apeqqut ilagii siulersorneqarnerannut malittarisassanik allannguinnissaq pillugu isumaliutersuutiginninnermut atatillugu akuliunneqarumaarpoq. Isumaliutersuutigisat taakku ukiup 2004-p qeqqani inaarneqarnissaat naatsorsuutigineqarpoq, ilageeqarnerlu pillugu peqqussummut allannguutissatut siunnersuutissaasinnaasup UKA 2004-mi saqqummiunneqarnissaa ilimagineqarluni.” (Atorfeqarfimmi nutsigaavoq.)

Allakkani 23. december 2003-meersuni nalunaaruteqarpunga suliami annertunerusumik iliuuseqaqqinniannngitsunga.

**Ukiumut 2002-mut ukiumoortumik nalunaarut, immikkoortoq 5, qupp. 129 tulluilu.**

**01.30-1 Allanut attartortitsigallarsinnaatitaanerup killilernissaa nalunaarummi inatsisitigut tunngavissaqannngitsoq. (J.nr. 11.-01.30.12/051-02)**

Ineqarnermut Attaveqarnermullu Pisortaqarfimmut 23. april 2003-mi allappunga:

”... oqaatigaara peqqusstip nalunaarummit salliuneranik paasinninnikkut innuttaasut inatsiseqartitsinikkut inissisimanerisa qulaajarneqarsinnaanerannik pisortaqarfiup naliliinera isumaqatiginngikkiga.

Malittarisassatigut aporaanneq matumani pineqartoq inissianik attartorneq pillugu Inatsisartut peqqussutaata atuuttup atuutilinginnerani ineqarnermut tunngasut pillugit nalunaarutip Naalakkersuisunit nutarterneqarsimannginneranik pissuteqarpoq, naak Naalakkersuisut taamaaliornissaat Inatsisartut tunngavigisimagaluaaraat.

Isumaqarpunga ineqarnermut tunngasut pillugit nalunaarutip allannortiterneqarneranik suliap tulleriiaarinermi sapinngisamik annertunerpaamik pingaartinneqarnissaa pisariaqartoq.

Ajornartorsiut matumunnga assingusooq pillugu suliami allami<sup>10</sup> pisortaqarfimmut allakkakka 27. marts 2003-meersut innersuussutigaaqka.

Taamaattumik pisortaqarfik qinnuigaara nalunaarutit allannortitat attartorneq pillugu peqqussut atuuttoq malillugu Naalakkersuisut qaqugu aalajangersassagaat pisortaqarfiup naatsorsuutigineraa nalunaarfigeqqullunga.”

Pisortaqarfiup 25. april 2003-mi akissuteqarfigaanga:

”Inatsisartut Ombudsmandiata inissianik attartorneq pillugu malittarisassat qanoq paasineqarnissaat pillugu saaffiginnissutaa 23. april 2003-meersooq Attaveqaqati-giinnermut Ineqarnermullu Pisortaqarfiup tiguaa.

Pisortaqarfiup allakkani 19. marts 2003-meersuni<sup>11</sup> eqqaariigaatut nalunaarutit ataatsimut nutaamik allanneqarnerinik sulineq pillugu pisortaqarfiup Kommunernes Revision, Deloitte & Touche, Kanukoka kiisalu A/S Inissiaatileqatigiiffik INI qanimut attaveqarfigivai. Tamanna maannamut Nalunaarummik nr. 26-mik 27. september 2002-meersumik angusaqarfiuvoq.

Ilisimatitsissutigineqarsinnaavoq pisortaqarfiup nalunaarutit taakku nutaat salliutittorujussuummagit maannalu nalunaarutit tulliat Inissiaatileqatigiiffimmi siuller-

---

10. Nalunaarummi tassani immikkoortoq 5, 20 - A/S Inissiaatileqatigiiffik INI, suliaq 30-1-imi eqqartorneqartoq.

11. Nalunaarummi tassani immikkoortoq 5, 20 - A/S Inissiaatileqatigiiffik INI, suliaq 30-1-imi eqqartorneqartoq.



meertumik tusarniaassutigineqarpoq. Taamaattumik nalunaarutip aasap ingerlanerani atuutilersinnaanissaa Pisortaqarfiup naatsorsuutigaa.”

Ulloq 15. september 2003-mi pisortaqarfimmut allappunga:

”Pisortaqarfiup suliame kingullermik 25. april 2003-mi qallunaatut kalaallisuunngornerinillu 19. juni 2003-mi allagai tigusimallugit uppersarpara.

Suliame j.nr. 11.20.30.01/074-02<sup>12</sup>, 29. august 2003-mi allakkakka innersuustutigalugit ilisimatitsissutitut nalunaarutigissavara, Namminersornerullutik Oqartussat nalunaarutaata nr. 24-p, 10. oktober 2000-imeersup aamma inissianik attartortitsisarneq pillugu peqqussutit atuuttup akornanni isumaqatigiinnigineqarnera pillugu ajornartorsiuteqarneq aallaavigalugu, suliame paasissutissat pigineqareersut tunngavigalugit allatigit iliuuseqaqqissanngitsunga.

Taamaattumik aamma A-p naammagittaalliutaata sularinera naammassisutut isigaara.”

**Ukiumut 2002-mut ukiumoortumik nalunaarut, immikkoortoq 5, qupp. 135 tulluilu.**

**03.51-1 Taartaasartunik (vikarinik) suliffissarsiuussisarfinnik isumaqatigiissutinik paasitinneqarsinnaatitaaneq – paasissutis-sanik ilanngutinngitsuineq. (J.nr. 11.03.55.08/081-02)**

Peqqinnissamat Pisortaqarfiup allakkani 24. marts 2003-meersuni nalunaarfigaanga pisortaqarfiup suliame sularinneqqereernerup kingornagut paasissutissani arlaqartuni allagaatinik paasitinneqarsinnaatitaanissap itigartitsissutigineranik siusinnerusukkut aalajangiinini uteqqissimagaa.

Tamanna pillugu pisortaqarfimmut 13. august 2003-mi allappunga:

”Pisortaqarfiup allakkani 24. marts 2003-meersuni oqaatigaa suliame suliameqqissimallugu, ullorlu taanna aalajangiinermi 15. august 2002-meersumi paasitinneqarnissamik itigartitsinertut, Kattuffiup F-ip uannut naammagittaalliornissaanut pissutissaqalersitsisutut annertutigisumik itigartitsisoqassasoq aalajangiisimalluni.

Suliame sularinninnerup suliame suliameqqinneqarneranut atatillugu pisortaqarfiup ingerlassimasaata assilineru 11. august 2003-mi tiguara.

Pisortaqarfiup suliame sularinneqqinnerata isumaliutersuuteqarnissannut pissutissaqalersissimavaanga pisortaqarfiup aalajangiinera 24. marts 2003-meersoq pillugu misissuisariaqarnersunga.

Nutaamilli misissueqqilinnginnini Kattuffiup F-ip naammagittaalliuteqassaguni naammagittaalliutigumasaata, pisortaqarfiup aalajangiineranit ukioq ataaseq qaangiutinnagu Ombudsmandi pillugu inatsimmi § 6, imm. 2 malillugu tunniunneqarsinnaasup, utaqqimaarneqarnissaa eqqornerpaasutut isigaara. Matumani pingaartillugu isiginiarsimasara tassaavoq paasitinneqarnissaq pillugu aalajangi-

---

12. Nalunaarummi tassani immikkoortoq 5, 20 - A/S Inissiaatileqatigiiffik INI, suliame 30-1-imi eqqartorneqartoq.

nerup inatsisit unioqqutinnagit aalajangiinerunera pillugu naliliinerinnarmik tunngaveqannginnera, aammali qinnuteqaateqartoqarneranik tunngaveqarnera.

Taamaattumik Kattuffiup F-ip paasitinneqarnissamik qinnuteqaateqarsimasup nammineq naliliiffigissavaa pisortaqarfiup aalajangiinera 24. marts 2003-meersoq uannut naammagittaallioqqinnissamut pissutissaqalersitsinersoq.

Taamaattumillu paasissutissat pigineqartut tunngavigalugit suliami annertunerusumik iliuuseqaqqissanngilanga.”

**Ukiunut 2002-mut ukiumoortumik nalunaarut, immikkoortoq 5, qupp. 167 tulluilu.**

**01.56-1 Timmissat illersorneqarnerat pillugu nalunaarummik atulersitsinermut inatsisitigut tunngaviusoq. Piniarneq pillugu Siunnersuisoqatigiinnik pinngitsoorani tusarniaasusaaq. (J.nr. 11.01.57.12/014-02)**

Avatangiisinut Pinngortitamullu Pisortaqarfimmut 6. marts 2003-mi allappunga:

”Pisortaqarfimmut oqaaseqaatinni 19. september 2002-meersumi inassuteqaatigaara timmissat pillugit nalunaarut, tassalu timmissat illersorneqarnerat pillugu nalunaarut nr. 38, 6. december 2001-imeersoq, Naalakkersuisut suliareqqissagaat.

Taamatut inassuteqaateqarninnut pissutaavoq piniarneq aalisarnerlu pillugit Inatsisartut inatsisaanni Piniarneq pillugu Siunnersuisoqatigiit pinngitsooratik tusarniaavigineqartarnissaannik malittarisassap Naalakkersuisunit sumiginnarneqarsimanagera.

Tamatuma kingorna paasivara Inatsisartut ataatsimiinneranni massakkut ingerlanneqartumi piniarneq aalisarnerlu pillugit Inatsisartut inatsisaata allannguutissaatut siunnersuut Naalakkersuisut saqqummiussimagaat, allannguutissatullu siunnersuut taanna inatsisini malittarisassanik ataatsimoortunik Inatsisartut inatsisaanni § 8 malillugu aalajangersaanerit pillugit suliani Piniarneq pillugu Siunnersuisoqatigiit pinngitsooratik tusarniaavigineqartarnissaannik malittarisassamik aamma ima-qartoq.

Taanna aallaavigalugu Naalakkersuisut suliami inassuteqaatigisannik eqqaasip-pakka.”

Pisortaqarfiup allakkani 22. april 2003-meersuni akissuteqarfigaanga:

”Inatsisartut Ombudsmandiata allakkani 6.marts 2003-meersuni Avatangiisinut Pinngortitamullu Pisortaqarfik qinnuigaa Ombudsmandip oqaaseqaammuni 19. september 2002-meersumi timmissat pillugit nalunaarutip suliareqqinneqarnissaanik inassuteqaateqarnerminut atatillugu pisortaqarfiup qanoq iliuuseqassamaarneranik nalunaarfigeqqulluni.

Avatangiisinut Pinngortitamullu Pisortaqarfik tamanna pillugu nalunaaruteqas-saaq timmissat pillugit nalunaarutissamik nutaamik suliaqarneq 2002-mi ukiakkut aallartinneqareersimasoq.

Taamaallillutik siornatigut Naalackersuisuusimasut ilaatigut aamma Ombudsmandip oqaaseqaatigisaa tunngavigalugu nalunaarutissamut nutaamut siunnersuummik, piffissami 2002-mi oktobarip 6-anit novembarip 22-anut tusarniaassutigineqarsimasumik, suliarinnissimapput. Kisiannili qinersisoqartussanngornera pissutigalugu siunnersuut taanna inaarlugu suliarineqarsimanngilaq.

Tusarniaanerup matuma siuliini oqaatigineqartup ingerlanneqarneranut peqatigitillugu Avatangiisinut Pinngortitamullu Pisortaqarfiup siunnersuut Piniarneq pillugu Siunnersuisoqatigiinnut tusarniaassutitut nassiuppa. Piniarnermullu Siunnersuisoqatigiit suliap oqaluuserinissaa imaluunniit 18. oktober 2002-mi ataatsimiinnerminni oqaaseqaammik sumilluunniit saqqummiussinissartik kissaatigisimanngilaat, tassami siunnersuisoqatigiit tusarniaanermut akissutit allat tamarmik Naalackersuisut siunnersuutaannut ilanngullugit suliarineqareerpata aatsaat siunnersuut oqaluuseriniarmassuk.

Maannakkut Naalackersuisuusut 2002-mi ukiakkut missingersuusiap kiisalu tusarniaanermut akissutit takkussimasut ingerlateqqillugit suliarinissaat toqqarsimavaat. Taamaattorli 2003-mi februaarip, martsip aprilillu qaammataanni nalunaarummit atuuttumit immikkut akuersissuteqarfigineqarsinnaanissaq pillugu sulinermik annertuumik naammassinnitoqarsimavoq. Matumani Attaveqatigiinnermut, Avatangiisinut Ineqarnermullu Naalackersuisoq ilaatigut aamma KNAPK-mik Timmiaq-millu ataatsimeeqateqartarsimavoq, taamatuttaarlu aamma Piniarneq pillugu Siunnersuisoqatigiit aamma Tulugaq paasititsiniaanermik suliniutilik tusarniarneqarsimallutik. Kiisalu Inatsisartut Eqqissimatitsinermut Avatangiisinullu Ataatsimiititaliaat isumasioqatigineqarsimavoq.

Naalackersuisut 10. april 2003-mi aalajangerput timmissat pillugit nalunaarummit atuuttumit immikkut ittumik akuersissuteqarniarlutik, tamatumalu pingaarnertut piffissanik timmissat taamaaqatigiit assigiinngitsut arlallit piniagaaffinik allanquineq nassataraa. Naatsorsuutigineqarpoq immikkut ittumik akuersissuteqarneq nalunaarutissap nutaap qanoq ilusilerneqarumaarneranut missingiutaassasoq.

Nalunaarutissamut nutaamut siunnersuutip inaarneqarsimasup Piniarneq pillugu Siunnersuisoqatigiinnut oqaaseqarfigisassanngorlugu 2003-mi juunip aallaqqataata missaani saqqummiunneqarnissaa ilimagineqarpoq.

Soorunalimi Naalackersuisut malittarisassat allassimasut allassimanngitsullu, sulianik suliarinninnernut atuuttut, sissuurlugit nalunaarusiornissamik siunertaqarput, matumunnga ilanngullugit aamma isummat tamarmik nalunaarutissamik suliarinninnermut atatillugu Naalackersuisut isumaliutersuutigisaannut ilanngunneqassasut.

Inatsisartut Ombudsmandiata oqaaseqaataanit 19. september 2002-meersumit oqaaseqatigiit ataasiakkaat tamatumunnga atatillugu pisortaqarfiup oqaaseqarfiginngitsoorusunngilai. Taamaasilluni oqaaseqaammit ilaatigut imaattut erseput: ”Uanga paasinninnera malillugu pitsaanngitsorujussuartut oqaatigisariaqarpoq Naalackersuisut mianerisassanik, timmissat taamaaqatigiit assigiinngitsut arlallit eqqissimatinnissaannut piffissarititanik sivikillisitsinissamut ikorfartuutitut malittarisassanik nutarterinermik suliaqarnermi saqqummiunneqarsimasunik, oqimaatigiisitsinivimmik naliliisimanngimmata”. Aammattaaq oqaaseqaammit tassannga ersepoq: ”Tamatumunnga peqatigitillugu pitsaanngitsorujussuartut isumaqarfigaara Naalackersuisut tusarniaanernut akissutit tiguneqarsimasut ilaat suleqatigiissitaliallu isummernerisa ilaat qaangiinnarniarlugit aalajangersimammata”.

Ombudsmandip oqaaseqaataanit, qupperneq 73-imi, ersepoq naliliineq matuma siuliini taaneqartoq Naalackersuisunut oqallisissiami, timmissat pillugit nalunaarummut tunngaviutinneqartumi, pingaarnertut oqaatsinik arlaqanngitsunik issuakanik imaattunik tunngaveqartoq:

“Timmissanik piniarnermut nakkutilliinermullu killiliinernik sukanganerusunik atortuulersitsinermut tamanut tunngasumik assorujussuaq tapersersuisoqarsimavoq.

Taamaattorli tusarniaanernut akissutini arlalinnik siunnersuuteqartoqarpoq Inatsisartut Naalakkersuisullu suliassaqarfiusumi politikkerisaannut toqqartumik akerliusunik, soorlulu aamma sumiiffinni kissaatigisaqartoqartartoq, naammassineqarsinnaasimanningsunilli.”

Taamaalilluni Inatsisartut Ombudsmandiat Naalakkersuisunut oqallisissiamit matuma siuliini taaneqartumit issuakkat tunngavigalugit pingaarnertut naliliisimavoq isummat ilaat timmissat pillugit nalunaarummik suliarinninnermut atatillugu Naalakkersuisut oqimaatigiiissaarinerinut isumaliutersuutigisaannullu ilaatinneqarsimanningsulluunniit.

Inatsisartulli Ombudsmandiata naliliinera kingulliullugu taaneqartoq pisortaqarfiup paasinninna malillugu isummamik kukkusumik tunngaveqarpoq. Suleqatigiissitaliamik, timmissat pillugit nalunaarutissamut nutaamut siunnersuutiniq saqqummiussisussaasumik, pilersitsinermut atatillugu isummanik arlalinnik saqqummersoqarsimavoq – matumunnga ilanngullugu aamma KNAPK-mit – timmissat pillugit nalunaarutip akuersissutigineqannginnerani tamarmik Naalakkersuisut isumaliutersuutigisaannut ilanngunneqarsimasunik. Taamaalilluni Naalakkersuisunut oqallisissiamit matuma siuliini taaneqartumit erserpoq suleqatigiissitaliat innersuussutigisaat suut nalunaarutissamut siunnersuummi ilanngullugit suliarineqarsimanersut, isummallu suut akuerineqarsimanningsinnermut. Aammattaaq pisortaqarfiup naliliinerivaa Naalakkersuisut taamatuttaaq tusarniaanernut akissutiniq tiguneqarsimasunik isumaliutersuutigisaminni ilanngutititsisimasut.

Taamaalilluni imaappoq isummat Naalakkersuisut isumaliutersuutigisaannut ilanngunneqarsimanersut, allaavorli nalunaarummik suliarinninnermut atatillugu isummat tamarmik ilanngunnissaasa isumaginissaat ajornarsimanningsinnermut. Taamaalilluni aalajangersakkanik suliarinninnermut atatillugu isummat tamarmik mallittarisassatigut tunngavissami akuunissaasa akuerineqarsinnaanissaat ajornarluinnarajuttarpoq, tassami isummat imminnut assortuuttunik imaqarajuttarmata.

Naalakkersuisut oqallisissiaannit 22. november 2001-imeersumit immikkoortorta Inatsisartut Ombudsmandiannit issuarneqartoq imatut paasineqartussaannngilaq isummat tamarmik ilumoorunneqarsimanningsut Naalakkersuisullu isumaliutersuutaanni ilanngutitinneqarnatik. Pingaarutaa imaassimavoq isummat ilaat timmissat pillugit nalunaarummik suliarinninnermi akuerineqarsinnaasimanningsut, ilaatigut aamma politikikkikut killissarititaasut Inatsisartut Eqqissisimatitsinermit Avatanggisinullu Ataatsimiititaliaata periarfissani arlalinni timmissat pillugit nalunaarummut tunngaviusussatut aalajangersarsimasai: tassalu aallaaniarneq/piniarneq nungusaa-taassannngitsoq, piaqqiorfiup nalaani aallaaniartoqassannngitsoq kiisalu mianersuussilluni ingerlatsinermit tunngaveqarneq atorneqassasoq, eqqarsaatigalugit.

Kisiannili timmissat pillugit nalunaarummik atuuttumik suliarinninnermut atatillugu suliamik ingerlatseriaaseq Inatsisartut Ombudsmandianit isornartorsiunermit pissutissaqalersitsisimammatt, soorunalimi tamanna siunissami inatsisiliornermi periaaseqarnissaq pillugu isumaliutersuuteqarnissanut pissutissaqalersitsisariaqarpoq. Taamaattumik pisortaqarfiup nalileeqqissaarumavoq periaaseq qanoq iliorluni pitsanngortinneqarsinnaassanersoq.

Naggataatigut pisortaqarfiup nalunaarutigissavaa timmissat pillugit nalunaarutissaq suliarineqareerpat Inatsisartut Ombudsmandiat paasissutissinneqarumaartoq, taamatuttaarlu soorlu aamma inatsisiliornermi periaaserisap qanoq issimanera pillugu paasissutissiisoqarumaartoq.” (Atorfeqarfimmi nutsigaavoq.)

Inatsisartut Inatsisit Atortinneqarnerannut Ataatsimiititaliaannut ulloq 18. juli 2003-mi allappunga:

”Allakkatigut 19. september 2002-meersutigit Inatsisartunut Naalackersuisu-  
nullu Ombudsmandi pillugu inatsimmi § 11 tunngavigalugu nalunaarutigaa Pini-  
arneq pillugu Siunnersuisoqatigiit pillugit malittarisassatigit tunngavigisaq arla-  
litsigit nalornissutissaqalersitsisoq.

Maluginiarpara Inatsisartut 2003-mi upernaakkut ataatsimiinnerminni piniarneq  
aallaaniarnerlu pillugit Inatsisartut inatsisaata allannguutissaa imaattoq akuerisima-  
gaat:

”Piniarneq aallaaniarnerlu pillugit Inatsisartut inatsisaanni nr. 12-imi, ulloq 29.  
oktober 1999-imeersumi, piniarneq aallaaniarnerlu pillugit Inatsisartut inatsisaata  
allangortinneqarneranik Inatsisartut inatsisaatigit nr. 11-kkut, 12. november 2001-  
imeersukkut allangortinneqartumi, makku allannguutigittinneqassapput:

1. ...

2. § 16 ima oqaasertaqassaaq:

§ 16. Naalackersuisut Piniarneq pillugu Siunnersuisoqatigiinnik pilersitsissapput  
kattuffinnit suliffeqarfinnillu piniarnermit aallaaniarnermillu atorneqartunit ilaasor-  
taaffigineqartumik.

Imm. 2. Naalackersuisut Piniarneq pillugu Siunnersuisoqatigiit inuttalersugaane-  
rat ilaasortaasalu amerlassusiat pillugit malittarisassaliussapput.

Imm. 3. Naalackersuisut pisussaapput suliassani nalinginnaasuni § 2, imm. 3-4, §  
4, § 7, § 8, imm. 1-2 kiisalu §§ 9-10-mut tunngasuni Piniarneq pillugu Siunnersuiso-  
qatigiit tusarniaavigissallugit.

Imm. 4 Taamaatorli Naalackersuisut apeqqutini imm. 3-mut ilaatinneqartuni ki-  
nguartinneqarsinnaanngitsuni Piniarneq pillugu Siunnersuisoqatigiinni ilaasortanik  
tamanik allakkatigit tusarniaatitsisinnaapput. Allakkatigit tusarniaatigineqartas-  
saaq siunnersuisoqatigiit isummerniarlutik ataatsimiissimanngikkaangata.”

Inatsisissatut siunnersuutip aappassaaneerqarnerani Inatsisartut Aalisarnermut,  
Piniarnermut Nunalerinermullu Ataatsimiititaliaata isumaliutissiissutaanit aamma  
erserpoq Naalackersuisut inatsimmik allangortitsinermit atatillugu Piniarneq pil-  
lugu Siunnersuisoqatigiinnut suliassiissutaasut allangortissagaat ataatsimiititaliap  
kaammattutigigaa, taamaaliornikkut Naalackersuisut tusarniaanerinit tamanut Pi-  
niarneq pillugu Siunnersuisoqatigiit akissuteqarnissaminut pisussaaffeqalersillugit.

Tamatumunnga peqatigitillugu inatsisissatut siunnersuutip aappassaaneerqar-  
nerani Aalisarnermut, Piniarnermut Nunalerinermullu Naalackersuisup oqaaseqaa-  
taanit erserpoq Piniarneq pillugu Siunnersuisoqatigiinnut suliassiissutigineqartut  
ataatsimiititaliap kaammattuutaanut naapertuuttunngortillugit Naalackersuisunut i-  
laasortap naleqqussarniarai.

Matuma kingorna Inatsisartunut Naalackersuisunullu nalunaaruteqarninnut ata-  
tillugu annertunerusumik iliuuseqaaqqissanngilanga.”

Ulloq taanna Avatangiisinut Pinngortitamullu Pisortaqarfimmut ima al-  
lappunga:

”Oqaaseqaatinni 19. september 2002-meersumi inassuteqaatinnut pisortaqarfiup  
akissutaa 24. april 2003-mi tiguara.

Maluginiarpara nalunaarutip nalunaarummik oqaaseqaatinni 19. september 2002-  
meersumi pineqartumik taarsiisussap aalajangersarneqarnissaa Naalackersuisut pia-  
reersaraat, Naalackersuisullu nalunaarutip nutaap aalajangersarneqannginnerani  
Piniarnermut Siunnersuisoqatigiit tusarniaaviginiaaraat.

Taamaattumik inassuteqaatinnut atatillugu annertunerusumik iliuuseqaaqqissan-  
ngilanga.

Tamatumunnga peqatigitillugu maluginiarpara pisortaqarfik oqartoq piffissat aalaaniarfiusussatut nalunaarummi atuuttumi aalajangersarneqarsimasut atuutinninnissaat Naalakkersuisut 10. april 2003-mi immikkut akuersissutigisimagaat.

Tamatumunnga atatillugu Naalakkersuisut aalajangiinerat 9. april 2003-meersoq nanoq.gl-ikkut tamanut saqqummiunneqarsimasoq atuqqissaarsimavara.

Tamatuma kingorna imaattunik oqaaseqaateqarnissannut pissutissaqarpunga:

Immikkut akuersissuteqarneq tassaavoq ingerlatsinermik inatsiseqartitsineq tunngavigalugu aalajangeeriaaseq, ingerlatsinermik inatsiseqartitsinermi naliliisarneq suliallu paasisutissartalersorneqarnera pillugit malittarisassat nalinginnaasut aallaavigalugit malittarisassat atuuttut aalajangersimasut saneqqunneqarnissaannut killeqartitaasoq, taamatuttaarlu suliani immikkut akuersissuteqarnermut tunngasuni suliaasut suliarineqartarnerat pillugu inatsimmi malittarisassat malinneqartussaallutik.

Inatsiseqartitsinermi isiginiagassat nalinginnaasut, pingaartumik innuttaasut assigiimmik pineqarnissaat eqqarsaatigalugu isiginiagassat, inatsiseqartitsinermi aqut-sinikkut ataatsimut aalajangersaanernik tamanut ilisimatitsissuteqarnissamut pissaaffik kiisalu inatsisitigut innarlitsaalineqarnissamik qularnaveeqqutit suliani immikkut akuersissuteqarnermut tunngasuni malinneqartussat, ingerlatsinermi ataatsimut aalajangiineriit pillugit suliani nalinginnaasumik tamakkiisumik malinneqarsimasussaannigtsut nassataarat Naalakkersuisut taamaallaat piffissat eqqissisimatitsiviusut ataatsimut ataavannerusumillu saneqqunneqarnissaannut aalajangiinissaminnut inatsisitigut tunngavissaqarnerat, nalunaarutip allannguutaanik imaluunniit nalunaarummik nutaamik aalajangersaanikkut.

Taamaattumik paasinninnera aamma imaappoq nalunaarutip atuuttup suliareq-qinneqarnera sapinngisamik annertunerpaamik siuartinniartariaqartoq, Naalakkersuisut aalajangiinerat 9. april 2003-meersoq apeqqutaatinnagu.

Aammattaq maluginiarpara pisortaqarfiup akissummini paasinninneq una oqaatigigaa, tassalu Naalakkersuisut suliamik suliarinninnerat pillugu isornartorsiuinikka marluk oqaaseqaatinni pineqartut naatsorsuutiginninnermik kukkusumik tunngaveqartut.

Pisortaqarfiup tamanna pillugu oqaaseqaataasa imaattunik oqaaseqaateqarnissannut pissutissaqalersippaanga:

Naalakkersuisut illua'tungeriisillugit isiginiagassat pillugit oqimaalutaanivimik ingerlatsisimanninnerannik isornartorsiuinera mianersortumik ingerlatsinissamik tunngaveqarnerup tullerriarinnermi malittarisassaanninneranik nassuiaatinni oqaaseqaatigisannut ataneqartillugu isiginiarneqassaaq.

Taamaalillutik Naalakkersuisut pissaaffeqarsimapput inuusutissarsiummik ingerlatsineq eqqarsaatigalugu isiginiagassat suleqatigiissitaliamik pilersitsinermut tusarniaanermullu akissutigineqartunut atatillugu saqqummersimasut qanoq pingaaruteqartigitillugit isiginiarneqassanersut erseqqivissumik isummerfigissallugit.

Taamaattumik malittarisassanik aalajangersaanerup nungusaataanngitsumik atuinissamik, timmissat mannilornerisa nalaanni aallaaniarnerup inerteqqutaanissaanik mianersortumillu ingerlatsinermik tunngaveqarnissamik Inatsisartut Eqqissisimatitsinermut Avatangiisinullu Ataatsimiititaliaata kaammattuutai naapertorlugit pinissaanik Naalakkersuisut kissaateqarnerisa illua'tungaatigut inuusutissarsiornermi isiginiagassanik tullerriinnilersuinnermi ataatsimut salliutitsinnginnissaannut pisinnaatinnngilaat.

Isiginiagassat taamaattut tassaapput inatsisinik unioqqutitsisuunngitsut suliamullu atuumassuteqartut, tamatumani tak. piniarneq aallaaniarnerlu pillugit Inatsisartut inatsisaanni § 2, imm. 2 aamma uumasut naasullu assigiinngitsut ikiliartunnginnissaat pillugu isumaqatigiissummi artikel 10.

Taamaattumik isiginiagassat ataasiakkaat Naalakkersuisut aalajangiiniarnerannut tunngavinnut ilaasussat pillugit Naalakkersuisut erseqqissumik naliliisussaasimapput.

Naalakkersuisut isummernissaannut tunngavissiamit pigineqartumit imaluunniit Naalakkersuisut aalajangiinerat pillugu imaqarniliamit ersinngilaq inuussutissarsiutit eqqarsaatigalugit isiginiagassat suliap suliarineqarnerani paasissutissartalersorneqarsimasut Naalakkersuisut erseqqissumik isummerfigisimaneraat.

Taamaattumik isornartorsiui nerma allanngortinnissaanut pissutissaqanngilanga.

Tusarniaanermut akissutit ilaasa isiginiarneqannginnissaannik Naalakkersuisut toqqaasimanerannik isornartorsiui nera, pisortaqarfiup aamma eqqumaffigisaa, Naalakkersuisut isummernissaannut tunngavissiamit 22. november 2001-imeersumit issuakkamik tunngaveqarpoq.

Issuakkami tassani oqaatigineqarpoq tusarniaanermut akissutit ilaat Inatsisartut Naalakkersuisullu naalakkersuinikkut ingerlatsinerannut assortuuttuusut. Naalakkersuinikkut ingerlatsinermi isiginiagassat taamaattut suliassat suliarineqartarnerat pillugu inatsimmi malittarisassanik sanequtsinermut tunngaviusinnaanngillat, soorlu tamanna oqaaseqaatinnit aamma ersertoq.

Naalakkersuisut isummernissaannut tunngavissiami immikkoortoq issuarneqartoq isumaqalersitsinnaavoq suliamik paasissutissartalersuinerup imaluunniit aqutsinikkut ingerlatsinermi naliliinerup naalakkersuinikkut ingerlatsinermi isiginiagasaniit killilersorneqarsimanera pillugu paasissutissiinerusoq.

Taamaattumik tassuunakkut isornartorsiui nera allanngortissallugu aamma pissutissaqanngilanga.

Maluginiarsimavarali pisortaqarfik naliliisoq tusarniaanermi akissutit takkussimasut tamarmik Naalakkersuisut isumaliutersuuteqarneranni ilaatinneqarsimasut.”

## **Ukiumut 2002-mut ukiumoortumik nalunaarut, immikkoortoq 5, qupp. 205 tulluilu.**

### **10.03-1 Soraarnerussutisialinnut meeqqanut tapiutinik aqutsineq. Inatsisitigut tunngavissaqarnermik apeqqut. (J.nr. 11.10.-03.10/007-99)**

Ulloq 13. januar 2003-mi Ilaqutariinnermut Pisortaqarfimmut ima allapunga:

”Soraarnerussutisialinnut meeqqaminnut akilersuisussanngortitaasimasunut meeqqanut tapinik tunniussinissamut inatsisitigut tunngaviusup ajornartorsiutaanera pisortaqarfimmut allakkatigut 29. januar 2002-meersutigut malugeqquara.

Oqaaseqaatigisimavara:

”Taamaalillunga isumaqarpunga malittarisassat atuuttut aaqqissuussinermut kommunip meeqqanut akilersuutinik tigusisinnatitaasumut akilersuisussaataitasoq sinnerlugu meeqqanut akilersuutinik qinnuteqaatitaqanngitsunik akiliisarneranik ingerlataanut inatsisitigut immikkut erseqqissumik tunngaveqarnissamik piума-saqaatinik eqqortitsisuunersut nalorninarqortoq.

Taamaattumik isumaqarpunga aaqqissuussinerup pineqartup atatiinneqarnissaa kissaatigineqarpat inatsisitigut tunngavigisap erseqqissarneqarnissaa pisorta-

qarfiup isumaliutersuutigisariaqaraa. (Immikkoortoq taanna allakkat kalaallisuuanni amigaataavoq)

Taamaattumik pisortaqarfik qinnuigaara qulaani taaneqartut qanoq iliuseqarnisamat pissutissaqalersitsinersut uannut nalunaarutigeqqullugu.”

Pisortaqarfiup allakkatigut 6. september 2002-meersutigut nalunaarutigaa pisortaqarfik tunngavissatut pigineqartut aallaavigalugit isumaqartoq malittarisassat atuuttut periaatsillu kommuninit malinneqartup akornanni naapertuutinnngitsoqanngitsoq, taamaattumillu pisortaqarfik annertunerusumik iliuseqarnissamat pissutissaqarnani isumaqartoq.

Pisortaqarfiup oqaatigaa Inatsisartut peqqussutaat nr. 10, 30. oktober 1998-imeersooq meeqqanut tapinik tunniussisarneq pillugu malittarisassanik erseqqinnerusunik Naalakkersuisut aalajangersaanissaannut inatsisitigut tunngavissamik imaqartoq, aalajangersagarlu taanna meeraq soraarnerussutisiaqartumi najugaqanngippat aningaasat tapinik tigusisinnaataasumut tunniunneqassasut Namminersornerullutik Oqartussat nalunaarutaanni nr. 41-mi, 14. december 2001-imeersumi § 7, imm. 3-kkut aalajangersarneqarsinnaaneranut inatsisitigut tunngaviusooq.

Malittarisassanik aqutsinermi allaffissornikkut aalajangersaanerit suut inatsisikkut ataatsimut tunngavigisaaq tunngavigalugu pisinnaanerit inatsisip tunuliaqutaasup qanoq nalinginnaasumik paasineqarnissaanik paasiniaannikkut aalajangiiffigineqartariaqarpoq. Malittarisassat aqutsinermi allaffissornikkut aalajangersarneqartut suniuteqarnerujartortillugit inatsisitigut tunngavigisaaq tamatumunnga peqatigitillugu qularnaannerujartortariaqarpoq.

Taamaattumik aalajangersakkat annertuumik suniuteqartut aatsaat aalajangersarneqarsinnaapput inatsisitigut tunngavigisaaq taamaaliomissamat erseqqilluinnartumik piginnaatitsippat. Aammattaaq aqutsinermi allaffissornikkut aalajangersakkat inatsiseqartitsinikkut tunngaviusutut akuerisaasunik nalinginnaasunik saneqqutsisut aalajangersarneqassappata inatsimmi inatsisilluunniit piareersarlugu suliarineqarnerani aalajangersimasunik immikkut tunngavissaqarnissaq piumasaqaataavoq.

Taamaattumik piginnaatitsissutitut aalajangersagaq pisortanit pensionisiat pillugit Inatsisartut peqqussutaanni § 20-tut ittoq, aqutsinermi allaffissornikkut malittarisassanik aalajangersaanissamat nalinginnaasumik aalajangersaanissamat ataatsimut piginnaatitsissutitut isikkoqartoq immi inatsimmi malittarisassanut inatsiseqartitsinermilu tunngaviusunut assortuuttumik aqutsinermi allaffissornikkut malittarisassanik aalajangersaanissamat inatsisitigut tunngavissiinnngilaq.

Oqaaseqaatinni oqaatigineqartutut isumaqarpunga aqqissuussineq soraarnerussutisiaqartup akilersuisussaataaneranut meeqqamut tapinut matusissutissanik tunniussisarneq pillugu nalunaarummi aalajangersarneqartoq akilersuisussaataasup akilersuutinillu tigusisartup akornanni inatsiseqartitsinikkut pissutsinut akuliuttoq, tamatumunnga inatsisitigut tunngaviusup Inuit Pisinnaatitaaffii pillugu Europami Isumaqatigiissummut ilassutitut allattuiffimi 20. marts 1952-imi artikel 1-imi inatsisitigut tunngaveqarnissamik piumasaqaataasutut erseqqitsigisumik piumasaqaateqarnissamik kinguneqartumik.

Oqaaseqaatinni 29. januar 2002-meersumi nassuiaallunga oqarpunga Inatsisartut peqqussutaanni nr. 10-mi, 30. oktober 1998-imeersumi § 20 oqaasertani malillugu taassumaluunniit piareersarneqarnerani suliat aqqissuussinermut siusinaartumik pensionisiat, piginnaanngorsaaqqinnermik inummullu tapit il.il. pillugit Namminersornerullutik Oqartussat nalunaarutaanni nr. 3-mi, 10. januar 2000-imeersumi § 16, imm. 3-mi (massakkut siusinaartumik pensionisiat inummullu tapit il.il. pillugit Namminersornerullutik Oqartussat nalunaarutaanni nr. 41-mi, 14. december 2001-imeersumi § 7, imm. 3-mi) aalajangersarneqarsimasumut inatsisitigut tunngavissamik pisariaqarneratut erseqqitsigisumik imaqanngitsoq.



Taamaattumik qulaani taaneqartut qanoq iliuuseqarnissamut pissutissaqalersit-sinerannik nalunaarfigeqqullunga pisortaqarfimmut qinnutigisara uteqqippara.

Inatsisartut peqqussutaanni taannalu tunngavigalugu aqutsinermi allaffissornik-kut aalajangersakkani amigaarteqartoq isumaqarama Inatsisartut Inatsisat Atortinne-qarnerannut Ataatsimiititaliaat allakkat uku oqaaseqaatimalu assilinerinik nassillugu Inatsisartut Ombudsmandiat pillugu Inatsisartut inatsisaanni § 11 tunngavigalugu i-lisimatinniarlugu aalajangersimavunga.

Ulloq taanna Inatsisartut Inatsisat Atortinneqarnerannut Ataatsimiiti-taliaannut ima allappunga:

”Naammagittaalliummik aalajangersimasumik suliaqarninnut atatillugu nalilii-simavunga aaqquissuussinermut siusinaartumik pensionisiat inummullu tapit il.il. pillugit Namminersornerullutik Oqartussat nalunaarutaanni nr. 41-mi, 14. december 2001-imeersumi § 7, imm. 3-mi aalajangersarneqarsimasumut pisortanit pensioni-siat pillugit Inatsisartut peqqussutaanni inatsisitigut naammattumik tunngavissaqar-nersoq nalorninarqartoq.

Taamaattumik Inatsisartut Inatsisat Atortinneqarnerannut Ataatsimiititaliaat ilisi-matinniarlugu aalajangerpunga, tak. Ombudsmandi pillugu Inatsimmi § 11.

/. Suliaq pillugu oqaaseqaatima kiisalu Ilaqutariinnermut Pisortaqarfimmut al-lakkama assilineri ilanngullugit nassiuppakka.

Inatsisat Atortinneqarnerannut Ataatsimiititaliaq nalunaarutinnut atatillugu iliuu-seqarnissamut pissutissaqarluni isumaqarpat Inatsisat Atortinneqarnerannut Ataatsimiititaliaq ataqqinnillunga qinnuigaara tamatuminnga nalunaarfigeqqullunga.”

Ilaqutariinnermut Pisortaqarfik 17. marts 2003-mi allakkatigut ima akissuteqarpoq:

”Meeqqanut tapiutinik meeqqanut akilersuisussaataasunut toqqaannartumik tunniussisarneq pillugu aalajangersakkamut inatsisitigut tunngavigisaq Pisortaqar-fiup naliliiffigeqqippaa.

Nalileeqqinnerup tamatuma nassataraa soraarnerussutisiat pillugit peqqussutissa-tut siunnersuummi upernaakkut ataatsimiinnermi saqqummiunneqartumi meeqqa-nut tapiutit meeqqanut akilersuisussaataasumit pisussaataasumut toqqaannartu-mik tunniussinissamut peqqussummi inatsisitigut tunngavissaqalernera (§ 12, imm. 2).”

Malitsigitillugu Ilaqutariinnermut Pisortaqarfimmut imatut allappunga:

”Ilaqutariinnermut Pisortaqarfiup allagaasa 17. marts 2003-meersut tiguneqarne-rat matumuuna uppersarpara.

Pisortaqarfiup allagai akilersuutinik tigusisinnaatitaasumut meeqqanut tapinik toqqaannartumik tunniussinissamut pisortanit soraarnerussutisiat pillugit Inatsisar-tut peqqussutaanni inatsisitigut tunngavissamik pilersitsisoqarsimanagera isiginiarlugu tusaatissatut tiguakka, suliamilu matuma kingorna annertunerusumik iliuuseqaqqis-sananga.”

**Ukiumut 2002-mut ukiumoortumik nalunaarut, immikkoortoq 5, qupp. 228 tulluilu.**

**10.20-3 Soraarsitsinissamik pilersaarutaasumi suliamik suliarinnineq (J.nr. 11.10.21.01/050-01)**

Kommunimut inassuteqaatinnut 9. juli 2002-meersumut akissutitut kommunip akissutaa 23. december 2002-meersoq pillugu kommunimut 13. januar 2003-mi ima allappunga:

”K Kommunimut 9. juli 2002-mi imatut allappunga:

”Suliaq naammassillugu massakkut suliaara, isumaqarpungalu K Kommuni A-p soraarsinneqarnissaanik aalajangiisimangitsaq.

Isumaqarpunga A-p soraarsinneqarnissaanik isumaliutersuummut atatillugu K Kommunip suliamik suliarinninnera isorisarialerujussuusoq.”

K Kommuni qinnuigaara tamatumaa K Kommuni qanoq iliuuseqarnissamut pisutissaqalersinneraaa nalunaarutigeqqullugu.”

Suliaq allakkatigut 2. september 2002-meersutigut, 24. oktober 2002-meersutigut aamma 16. oktober 2002-meersutigut eqqaasitsissutigaa.

K Kommunip allagai 23. december 2002-meersut 30. december 2002-mi tiguakka K Kommunip allakkamini naammagittaalliut pineqartoq pillugu makku oqaatigai:

”K Kommunip A-mik nunaqarfimmi B-mi, K Kommunimiittumi, eqqiaanermi ikiortitut piffissap ilaannaani sulisartumik soraarsitsinini aalajangiusimavaa. Soraarsitsineq pisuni arlalinni nipangiussisussaataanerup unioqqutinneqarneranik pisuteqarnera erseqqissarneqassaaq.

...” (Atorfeqarfimmi nutsigaavoq.)

Kommunip allagai pissutsinik suliamik paasinninninnik allannortitsinermit pisutaasinnaasunik imaqqanngimmata A-mut aamma Kalaallit Nunaata Eqqartuussivianut ullumikkut allappunga, nalunaarutigalugulu soraarsitsinerup atuussinnaasuseqarnerata eqqartuussivikkoortumik misilinneqarnissaa A-p kissaatigippagu imminut aningaasartuutaanngitsumik eqqartuussivikkoortumik suliaannortitsinissaa akuerineqassasoq kaammattuutigigiga, taamaaliornissamut aningaasaqarnikkut piumasagaataasunik eqqortitsinera eqqortitsinninneraluunniit apeqquataatinnagu.

Tamatununga peqatigitillugu suliaq pillugu oqaaseqaatima aamma kommunip allagaasa 23. december 2002-meersut assilineri Kalaallit Nunaata Eqqartuussivianut nassiuppakka.

Kommunip eqqartuussivikkoortumik suliaannortinneqarnissaa A-p kissaatigippagu tamatuminnga ilisimateqqullunga Kalaallit Nunaata Eqqartuussivia qinnuigaara.

K Kommunip soraarsitsinermi/atorfimmuut atatillugu unioqqutitsinermi mianersoqqussuteqartarnermi tunaartarisassat pillugit oqaatigisai tusaatissatut aamma tiguakka. Tunngavissat pigineqartut aallaavigalugit suliami annertunerusumik iliuuseqqassanngilanga.”

Ulloq taanna Kalaallit Nunaata Eqqartuussivianut imatut allappunga:

”K Kommunip sulisumik suliamik paasinninnera malillugu sulisup pineqartup soraarsinneqarnissaanik kommunip aalajangiiffigisimangisaani soraarsitsinermi-

nik aalajangiusimanninneranut atatillugu sulisup pineqartup, tassalu A-p tamanna Kalaallit Nunaata Eqqartuussisivianut qinnuteqaatigissappagu imminut aningaasartuutaanngitsumik eqqartuussivikkoortumik suliassanngortitsinissaminik nalunaarfineqarnissaa kaammattuutigaara, taamaaliornissamut aningaasaqarnikkut piumasagaataasunik eqqortitsinera eqqortitsinnginneraluunniit apeqquataatinnagu.

Taamaattorli suliap eqqartuussivikkoortumik misilinneqarnissaa A-p kissaatiginneraa massakkut ilisimanngilara.

Suliap tunuliaqutaa imaappoq:

A-p K Kommunit soraarsinneqarsimanini uannut naammagittaalliutigaara, matumanilu ilanngullugu oqaatigalugu sooq soraarsinneqarsimanini paasisimanagu, kiisalu taamaallaat allakkatigut sulisitsisiminut ingerlatinneqarsimasutigut soraarsitsineq pillugu ilisimatinneqarsimalluni.

Suliaq taanna pillugu 9. juli 2002-mi oqaaseqaateqarpunga. Oqaaseqaatip assilinnera ilanngullugu nassiuppara.

Tamatumunnga atatillugu paasinnineq imaattoq saqqummiuppara:

”Suliaq naammassillugu massakkut suliaraara, isumaqarpungalu K Kommuni A-p soraarsinneqarnissaanik aalajangiisimannitsoq.

Isumaqarpunga A-p soraarsinneqarnissaanik isumaliutersuummut atatillugu K Kommunit suliamik suliarininnera isorisarialerujussuusooq.

K Kommuni qinnuigaara tamatuma K Kommuni qanoq iliuseqarnissamut pisutissaqalersinneraaa nalunaarutigeqqullugu.”

Qinnutigisannut kommunit akissummini 23. december 2002-meersumi A-mik soraarsitsineq aalajangiusiumavaa. Allakkat taakku assilineri ilanngullugit nassiuppakka.

Matumuuna Kalaallit Nunaata Eqqartuussivia ataqinnittumik qinnuigaara A kommunit suliassanngortinneqarnissaanik kissaatigarpat, tamannalu qinnutigippagu A-p imminut aningaasartuutaanngitsumik eqqartuussivikkut suliassanngortitsinialuni qinnuteqaataa qanoq aalajangiiffineqarnerisooq nalunaarfineqqullunga.

Kommuni qulaani taaneqartut pillugit allakkatigut allatigut ilisimatippara, taamatuttaarlu A allakkatigut allatigut allakkat uku assilinerinik ilaqartinneqartutigut ilisimatillugu.”

Tamanna peqatigitillugu A-mut imatut allagaqarpunga:

”Allakkannut 24. oktober 2002-meersunut uiggiullugu massakkut nalunaarutigisinaavara K Kommunit allagai 23. december 2002-meersut 30. december 2002-mi tigugikka, tassanilu soraarsinneqarnerit kommunit aalajangiusimaga kommunit nalunaarutigalugu.

Pissutininik suliamik paasinninninnik oqaaseqaatinni 9. juli 2002-meersuni saqqummertumik allannngortitsinissamut pissutaasinnaasunik kommuni nalunaaruteqanngimmat Kalaallit Nunaata Eqqartuussivia ullumikkut nalunaarfigaara soraarsitsinerup atuussinnaassuseqarnerata eqqartuussivikkoortumik misilinneqarnissaa kissaatigigukku ilinnut aningaasartuutaanngitsumik eqqartuussivikkoortumik suliassanngortitsinissat akuerineqassasoq kaammattuutigigiga.

Kalaallit Nunaata Eqqartuussivianut allakkama assilineri ilinnut ilisimatitsissutitut ilanngullugit nassiuppakka.

K Kommuni allakkatigut allatigut qulaani taaneqartunik ilisimatippara. Allakkat taakku assilineri ilanngullugit nassiuppakka.”

Kalaallit Nunaata Eqqartuussivianit ukiup nalunaarusiuunneqartup naanerani tusagaqarsimanngilanga.

**Ukiunut 2002-mut ukiumoortumik nalunaarut, immikkoortoq 5, qupp. 236 tullilu.**

**10.20-4 Soraarsitsineq sioqqullugu suliami illua'tungiusumut tusarniaaneq naammaginngitsoq kiisalu tunngavilersuineq suliamilu uppernarsaasersuineq amigaatilik. (J.nr. 11.10.21.01/059-01)**

Kommuni 2. januar 2003-mi akissuteqarfigaara soraarsitsinermik atuussinnaassuseqanngitsutut naliliinerna allanngortinnissaanut tunngavissaqarsorinngikkiga, kommunip naliliininnut sooq isumaqataannginnerminik itisilerisimannginnera pissutigereerlugu.

Aamma oqaatigaara kommunip 18. december 2002-mi uannut allagai imatut paasigikka, A-p atuussinnaassuseqanngitsumik soraarsinneqarnermut taartisinnissaa siunertaralugu eqqartuussivik aqputiginagu isumaqatigiissuteqarnissaq kommunip siunnerfigigaa. Suliaq pillugu suli ilisimatit-taqqullunga kommuni qinnuigisimavara.

Kommuni 18. marts 2003-mi imaattunik uannut paasissutissiivoq:

”Oqaatigineqassaaq kommunip eqqartuussivik aqputiginagu isumaqatigiissuteqarnissaq arlaleriarluni ujartortarsimagaluaraa, tamannali pineqartumit itigartitsissutigineqartarsimalluni.” (Atorfeqarfimmi nutsigaavoq.)

Tamatuma kingorna A uannut nalunaarpoq suliap eqqartuussivimmut suliassiissutiginnissaa kissaatigalugu, taamaammallu suliamut tunngatillugu allatigut iliuseqaqqinniarnanga A kommunilu 31. maj 2003-mi nalunaarfigaakka.

**Ukiunut 2002-mut ukiumoortumik nalunaarut, immikkoortoq 5, qupp. 247 tullilu.**

**10.20-5 Akissarsianik utertitseqqusineq. Suliamik suliarinninnermut piumasaqaatit. Ingerlatsinermi ileqqorissaarneq. (J.nr. 11.-10.21.01/095-01)**

Allakkani 17. februar 2003-meersuni K Kommuni suliami akissuteqaqqullugu eqqaasippara.

K Kommunip 23. februar 2003-mi akissuteqarfigaanga kommunip suliaq eqqartuussissuserisumit nalilersereeruniuk kommunip akissuteqarnissani uterfigeqqikkumaaraa.

Tamatuma kingornagut kommunip allakkani 10. juni 2003-meersuni akissuteqarfigaanga:

”Inatsisartut Ombudsmandiata oqaaseqaataa 15. oktober 2002-meersoq kiisalu tamatuma kingorna allaffigeqatigiittarsimaneq innersuussutigalugit suliaq K Kommunip matumuuna uterfigissavaa.

Inatsisartut Ombudsmandiata oqaaseqaataa Aningaasaqarnermut Ataatsimiititaliap 14. maj 2003-mi ataatsimiinnerani ataatsimiititaliamut saqqummiunneqarpoq. Aningaasaqarnermut Ataatsimiititaliap ataatsimiinnermini aalajangiivoq utertitsilluni akiliinissamik piumasaqaat tunuartinneqassasoq, ingerlatsiviillu suliap nassatarisaanik qinnuigineqassasut innuttaasunut Ombudsmandimullu saaffiginninnermini ingerlatsinermi ileqqorissaarneq eqqumaffigisaqqullugu.

Suliaq tamatuma kingorna Kommunalbestyresip 21. maj 2003-mi ataatsimiinnerani kommunalbestyrelsimit saqqummiunneqarsimavoq. Aningaasaqarnermut Ataatsimiititaliap aalajangiinera Kommunalbestyrelsip tusaatissatut tiguaa.

Utertitsilluni akiliinissamik piumasaqaatip tunuartinneqarneranik kommunip aalajangiinera A-mut allakkatigut ullumikkumeersutigut nalunaarutigineqarpoq.” (A-torfeqarfimmi nutsigaavoq.)

Allakkani 22. juli 2003-meersuni nalunaaruteqarpunga suliami anner-tunerusumik iliuseqaqqinnianngitsunga.

**Ukiumut 2002-mut ukiumoortumik nalunaarut, immikkoortoq 5, qupp. 286 tulluilu.**

**10.20-6 Misiligummik atorfeqartitamik soraarsitsineq. Suliami up-  
pernarsaasersuineq naammaginngitsoq. Suliap amigaati-  
limmik suliarineqarsimanera. Inatsisitigut pissusiusunut na-  
leqqiussilluni pisimasuiit. Atorsinnaassuseqartitsinnginneq.  
(J.nr. 11.10.21.01/054-02)**

K Kommunimut 2. januar 2003-mi ima allappunga:

”Kommunip allagai 14. december 2002-meersut 23. december 2002-mi tiguakka, taakkunanilu suliamik paasinnerinnera kommunip tusaatissatut tigugaa kommunip nalunaarutigaa.

A-p oqarasuaatikkut 23. december 2002-mi attaveqarfigaanga, oqaatigalugulu kommunimit allagarsisimalluni, taakkunanilu kommunip soraarsitsinissamik siusinerusukkt aalajangiinini atorunnaarsissimallugu, tamatumunngalu peqatigitillugu soraarsinneqarnissaa ilimasaarutigeqqillugu, imaluunniit naalasseriitsuliornermik tjenestemandit pillugit inatsimmi kapitali 5 tunngavigalugu misissuinini aallartin-niarlugu.

Suliaq pillugu oqaaseqaatinni inassuteqaatiga innersuussutigalugu kommuni qin-nuigaara oqaaseqaatima kingunerisaanik kommuni suliami qanoq iliuseqarsima-nersoq nalunaarutigeqqullugu.

A-p uannut oqarasuaatikkut 23. december 2002-mi saaffiginninnerata kinguneri-saanik matumunnga peqatigitillugu kommunimut malugeqqullugu oqaatigaara nali-liinikkut soraarsitsineq naalasseriitsuliornermik misissuinnermut taarsiullugu atorne-qarsinnaanngitsoq.

A-p sulinerminat atatillugu unioqqutitsisimanera tunngavissaqartumik pasitsaasimassallugu pissutissaqartoq kommuni isumaqarpat tjenestemandit pillugit inatsimmi naalasseriitsuliornernik misissuineq pillugu malittarisassat pinngitsoornani atorneqartussaapput, kommuni tamatumunnga peqatigitillugu isumaqarpat pissutsit taakku soraarsitsiniarnermut tunngavissaasut.

Allatut oqaatigalugu kommuni pisumi matumani naalasseriitsuliornernik misissuineq ingerlanneqareersimatinnagu A-mik soraarsitsinissaminut tunngavissaqanngilaq, tak. tjenestemandit pillugit inatsimmi § 27, imm. 3.”

Kommunip allakkani 14. januar 2003-meersuni ima akissuteqarfigaanga:

”Allakkatit nr. 8332 ulloqartut 02-01-2003 innersuusutigalugit, matumuuna nalunaarutigineqassaaq, suliaq inummut qulaani pineqartumut inaarneqarluni suliarineqarmat ulloq 8. januar 2003, taamaattumillu tugitsinnit naatsorsuutigineqartoq matuneqartutut.”

Matuma kingornagut 7. april 2003-mi kommunimut allappunga:

”Kommunip allakkatigut 14. januar 2003-meersutigut nalunaarfigaanga suliaq kommunip inaarlugu 8. januar 2003-mi suliarisimagaa.

Oqaaseqaatinni 29. november 2002-meersumi (kalaallisut 11. december 2002-mi nassiuqqartumi) kommuni qinnuigaara A-p soraarsinneqarnerata kommunip suliamik uppernarsaasersuinerani suliamillu suliarinninnerani amigaatit pissutigalugit atuussinnaassuseqannginera kommunip qanoq iliuseqarmissaanut pissutissaqalersitsinersoq nalunaarfigeqqullunga.

Taamaattumik kommuni qinnuigaara suna tunngavigalugu suliaq 8. januar 2003-mi inaarlugu suliarineqarsimasutut kommunip isigineraa nassuiaqqullugu. Kommuni tamatumunnga atatillugu qinnuigineqarpoq allagaasimasut suliap inaarneqarneranut tunngaviusut assilinerinik nasseqqullunga.”

Kommuni allakkani 25. april 2003-meersuni suliap ingerlaneranut nassuiaateqarpoq.

Matuma kingornagut 12. august 2003-mi kommunimut allappunga:

”Suliap suliareqqinneqarnera pillugu kommunip nassuiaataa 25. april 2003-mi tiguara.

Suliami allagaatit assilinerinut, kommunip nassuiaatitut atugaanit, erserpoq kommunip A 14. december 2002-mi nalunaarfigisimagaa naliliineq tunngavigalugu siusinnerusukkut soraarsitsineq 23. maj 2002-meersoq atuussinnaassuseqanngitsutut kommunip isigigaa, tamatumunngali peqatigitillugu kommunip A naliliineq tunngavigalugu soraarseqqilersaaraa, marts 2003-p naanera aallarnerfigalugu atuutilersumik, suleqatigiinnermi ajornartorsiutit pissutigalugit.

Aamma oqaatigineqarpoq kommuni A-p oqaatigineqartutut soraarsinneqarnissaanik allakkani 30. december 2002-meersuni aalajangiisimasoq.

A-p eqqartuussissuserisuata kommuni allakkatigut 2. januar 2003-meersutigut qinnuigaa soraarsitsineq inatsisitigut tunngavissaqannginneq pissutigalugu uterteqqullugu.

A-p eqqartuussissuserisuata kommunip eqqartuussissuserisua allakkatigut nalunaarfigaa A 2003-mi aprilip naaneranut soraarniuteqarnissaminut piareersimasoq, atugassarititaasut erserqinnerusumik oqaatigineqartut tunngavigalugit.

A allakkatigut ullormit tassangaanneersutigut kommunimut soraarniuteqarluni oqaatigineqartutut qinnuteqarpoq.

Qinnuteqaatip ulloq taanna atsiorneqarneratigut atugassarititaasutut piumasagaatit tunngavigalugit qinnuteqaat kommunip akueraa.

Aalajangiinerup 23. maj 2002-meersup atuussinnaassuseqannginnera kommunip akuerisimammagu, A-llu kommunimi atorfeqartitaanera A-p qinnuteqaateqarneratigut tamatumalu kingorna kommunip aalajangiineratigut 8. januar 2003-meersukut – soraarsitsinissamut aalajangiinerup 30. december 2002-meersup utertinneqarneranik atorunnaarsinneqarneranilluunniit nassataqartariaqartukkut – unitsinneqar-mat suliami annertunerusumik iliuuseqaqqissanngilanga.

Tamanna aamma pissutigalugu isumaqarpunga kommunip soraarsitsinissamik aalajangiinerata, tamatumunngalu atatillugu suliamik suliarinninnerata misissuifigineqarnissaa pisariaqanngitsoq.”

## **Ukiumut 2002-mut ukiumoortumik nalunaarut, immikkoortoq 5, qupp. 345 tulluilu.**

### **10.40-1 Akileraarutinit utertoortissanit ilanngaassisimaneq. Suliap amigaatilimmik paasissutissartalersorneqarsimanera (J.nr. 11.10.42.10/017-01)**

Ulloq 24. marts 2003-mi kommunimut ima allappunga:

”K. Kommuni 19. december 2002-mi allakkatigut imatut inassuteqaateqarfigaara:

”Pisassarisat ilanngaassissutigineqartut ilanngaassinerup nalaani suli akilernerqartussanngorsimanngikkaluartut kommunip ilanngaassisimavoq, naak ilanngaassinissamut piumasagaatit eqqortinneqarsimanngikkaluartut, tamannalu isorisarialittut isigaara.

(...)

A-p akileraarutitigut utertoortisiasaanit ilanngaassisoqarnissaanik aalajangiisoqannginnerani ilanngaassinissamut piumasagaatit eqqortinneqarsimanersut kommunimi akiliisitsiniartarfiup misissorsimanngimmagu isorisariaqartutut isigaara.

(...)

Isumaqarpunga Isumaginninnermi Naammagittaalliuuteqartarfimmut naammagittaalliuutip aalajangiinerup atuutilernissaanik kinguartitsigallarnissamut tunngaviusinnaanera imaluunniit inatsiseqartitsinikkut apeqqutinik nalornissutigineqartunik kommunip akiliisitsiniarnermi oqartussaasutut nammineq isummerfigisinaanngisaanik peqarner-soq kommunip isumminnginnerani suliaq naammattumik paasissutissartalersorneqarsimannngitsoq.

Taamaattumik Isumaginninnermi Naammagittaalliuuteqartarfimmut naammagittaalliuut qanoq iliuuseqarnissamut pissutissaqalersitsinersoq kommunimit isummerfigineqanngitsoq pisassarisanik kommunip ilanngaassisimanera pitsaanngitsutut isigaara.

Suliaq suliareqqinneqassanersoq isummerfigeqqullugu kommunimut inassuteqaatigaara.”

Ombudsmandi akissummik sulii tigusaqanngimmat suliaq matumuuna eqqaasitsissutigaaara.”

Suliaq 25. april 2003-mi eqqaasitsissutigeqqippara.  
Kommunip 30. april 2003-mi ima akissuteqarfigaanga:

”Ombudsmandip allagaasa 19. december 2002-meersut, nr. 7883, tigunerat matumuuna uppernarsarneqarpoq, taamalu kingusitsigisumik akissuteqarneq ajuusaarutiginenarluni.

Matumuuna nalunaarutiginenarpoq kommuni Ombudsmandi, taassuma suliamik paasinninnerani, isumaqatiginngimmagu, kommunillu aalajangiinini aalajaniusimaannaraa.” (Atorfeqarfimmi nutsigaavoq.)

Taava 6. juni 2003-mi kommunimut ima allappunga:

”(…)

Kommunip allagaani pissutsinik suliamik paasinninninnut allannguissamat tunngaviusinnaasunik oqaatigininnittoqanngimmat, ullumi A aamma Kalaallit Nunaata Eqqartuussivia allaffigaakka nalunaarfigalugit, kommuni aalajangiinerata atuutisneqarsinnaanerata eqqartuussivitsigut misilinneqarnissaa A-p kissaatigippagu, suliaassiumut aningaasartuutaanngitsumik suliamik ingerlatsisinnaanermut aningaasaqarnikkut piumasaqaataasut naammassisimanngikkaluarpagillunniit, suliaassiumut aningaasartuutaanngitsumik suliamik ingerlatsinissaa kaammattuutigigiga.

Matumunga peqatigitillugu suliami oqaaseqaatima kommunillu 30. april 2003-mi allagaasa assilinerinik Nunap Eqqartuussivia nassippara.

Nunap Eqqartuussivia qinnuigisimavara A-p kommuni eqqartuussivikkut suliaassitutiginarlugu kissaatigissappagu ilisimatitsissuteqarfigeqqullunga.

Suliamilu allatigut qanoq iliuuseqaqqissanngilanga.”

Kalaallit Nunaata Eqqartuussivianit ukiup nalunaarusiuunneqartup naanerani tusagaqarsimanngilanga.

**Ukiunut 2002-mut ukiumoortumik nalunaarut, immikkoortoq 5, qupp. 370 tulluilu.**

**10.49-2 Inatsisinik unioqqutitsilluni ilanngaassineq. Illua'tungeriin-neqannginneq. Akissarsianit ilanngaassinissamat periarfissaqannginneq. Aqutsinermut Pisortaqarfiup kommuninik sullissinermi suliaasai. (J.nr. 11.10.49.10/068-00)**

Suliaq pillugu Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik oqarasuaatikkut 21. februar 2003-mi eqqaasissimavara, tak. oqarasuaatikkut oqaloqateqarneq pillugu allattukkat:



”Pisortaqarfik suliame akissuteqanngiinnarmat suliap killiffia pillugu pisortaqarfiup suliamek suliarinittua ... ullumi ulloq oqarasuaatikku apequteqarfigaara.

... nalunaarpoq ilanngaassisoqarsimanerata atorsinnaannginneranut pisortaqarfik isumaqataasoq, tamatumunngali peqatigitillugu pisortaqarfik isumaqartoq pisortaqarfik atortunut tunngasumik taarsiivigineqarnissamik inatsisigut piumasaqarsinnaatitaasimasoq.

Taamaattumik psortaqarfiup naatsorsuutigaa pisassarisani aalajangersarneqartik-kumallugit A eqqartuussassatut unnerluutiginiarlugu.

Taamaattorli pisortaqarfiup suli isummerfigisimannigilaa aningaasat inatsisinik unioqutitsilluni ilanngaatigineqarsimasut tunniuteqqinneqassanersut.

Pisortaqarfiup ilimagaa inatsisinik unioqutitsilluni ilanngaassisimaneq taanna pillugu pisortaqarfiup qanoq iliuuseqassamaarneranik aamalu pisortaqarfiup suliame allatigut qanoq iliuuseqarniarneranik Ombudsmandi sapaatip akunnera ataaseq naatinnagu akineqarsinnaajumaartoq.

... nalunaarfigaara Ombudsmandip matuma kingornagut pisortaqarfiup akissutis-saa utaqqimaassagaa, taannalu pineqarpat isummerluni, suliame annetunerusumik iliuuseqartariaqarnerluni.”

### Pisortaqarfiup akissutaanik imaattumik 5. juni 2003-mi tigusaqarpunga:

”Ombudsmandip Aqutsinermut Pisortaqarfimmu allagai 28. maj 2002-meersut akisassat Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup Ilinniartut Ineqarfiisa Allaffeqarfiannit (KAF-imit) tigusimavai. Ombudsmandip allagaasa taama kingusitsigisumik akineqarnerat ajuusaarutigineqarpoq.

Aallaqqaasiullugu oqaatigineqassaaq naammagittaallioruq oqaatigineqartut mallugit ilinniartut ineqarfianni inigisaminik sooq qimatsisimaneq matuersaaserfiullu sooq taarserneqarsimaneq, A-llu pisattanik nutserisunit sooq aggersarneqarsimaneq pisortaqarfiup misissorsimannigikkaa.

Pisortaqarfiup tunngaviutippaa inissiaq paarinerlunneqarsimasoq imaluunniit qimanneqarame iserterfigineqarnermisut issimannigitsoq. Taamaalluni pisortaqarfiup tunngaviutippaa suliame suliarineqartut inissiap iserterfigineqarnermini pissusaatut ilittinneqarnissaa anguniarlugu pisariaqartuusimasut.

Aammattaq pisortaqarfiup tunngaviutippaa Ilinniartut Ineqarfiisa Allaffeqarfiannut allakkani 23. september 1996-imeersuni naammagittaallioruq assortorsimagaa. Pisortaqarfilli isumaqarpoq naammagittaalliuutaanik 23. september 1996-imeersumik KAF-ip A-mut allagaasigut (...) ulluleneqarsimannigitsutigut tunuartsineq kiisalu tamatuma kingorna nukingisaarutit akineqartarsimannigitsut takutikkaat piumasaqaataasoq akuerisimagaa.

Pisortaqarfiup tungaanit Ombudsmandi isumaqatigineqarpoq oqarmat ilanngaassisoqassappat ilaatigut piumasaqaataasoq pisassarisat akornanni illua’ tungeniittoqarnissaa, taamaalluni akiligassaqarfigineqartut pisassarisani pisassarisaminin allanit matusinnaassallugit, suliame lu matumani soorunalimi taamaattoqanngilaq.

Taamaattumik ilanngaassisoqassappat ilanngaassinerup allamik tunngaveqarluni pinissaa piumasaqaataasussaavoq, tamatumanili eqqartuussutit tunngavigineqarnissaa pisariaqanngilaq.

Suliame matumani ilanngaassineq isumaqatigiisummik tunngaveqarpoq, tak. arlaleriaqaluni nukingisaarneqartaraluarluni tamatumunnga qisuariartarsimanniginnera, nukingisaarutillu tamarmik naatsorsuinerup akuerineqartutut isigineqarneranik oqaaseqaatitaqaraluartut, kiisalu akileqquneqartut assortornagit oqarasuaatikku taaffigininnermini qaammammusianit ilanngaataasartut 1.000,00 kr.-nik ikiline-

qarnissaanik isumaqatigiissuteqarsimanera. Taamaallilluni pisortaqarfik isumaqarpoq ilanngaassinermut tunngaviusoq tassaasoq isumaqatigiissut.

Ombudsmandi isumaqatigineqarpoq oqarmat suliassaqarfik taanna Ombudsmandip pisinnaatitaanerata avataaniittoq.

Ilinniartut Ineqarfiisa Allaffeqarfiata tungaanit qanoq iliuseqalersaartoqarnera pillugu oqaaseqaateqartoqarnissaa Ombudsmandip naggasiullugu qinnutigisimavaa.

Qulaani taaneqartunit erserpoq ilanngaassisimaneq inatsisinik unioqutitsinertut isigineqanngitsoq, suliarlu Ombudsmandip pisinnaatitaanerata avataaniittutut isigineqartoq. A eqqarsaatigalugu pisassarisatut piumasaqaataasut sinnerisa isumakkeerneqarnissaa pisortaqarfiup tungaanit pilersaarutigineqarpoq, tamannalu A-mut allakkatigut alatigut nalunaarutigineqarsimavoq.

Tamatuma saniatigut Ilinniartut Ineqarfiisa Allaffeqarfiannut erseqqissarneqarniarpoq inatsisitigut tunngavissaqartinnagu aatsaat ilanngaassisoqartassasoq aningaasaqarneq pillugu inatsiseqartitsinermi malittarisassat eqqortinneqarsimappata, pissutsillu qanoq ittuunerat apeqqutaatillugu tamanna pillugu eqqartuussut imaluunniit isumaqatigiissut pigineqarpata.” (Atorfeqarfimmi nutsigaavoq.)

#### Ulloq 18. september 2003-mi pisortaqarfik ima akissuteqarfigaara:

”Taarsiissutissatut piumasarisanik matusissutissanik ingerlatsiviup A-p akissarsiaanit ilanngaassisisimanera inatsisinik unioqutitsinerusoq pillugu ingerlatsiviup qanoq iliuseqalersaerneranik nalunaarfigeqqullunga qinnutigisannut pisortaqarfiup akissutaanik 5. juni 2003-mi tigusaqarpunga.

Siullermik pisortaqarfiup ilisimatitsissutigaa pisortaqarfiup Ilinniartut Ineqarfiisa Allaffeqarfiata erseqqissaateqarfigiumagaa ilanngaassineq aatsaat matumunnga piumasarisat naammassineqarsimagaangata pilersinneqartussaasoq, tamannalu tusaatissatut tiguara.

Suliamut aalajangersimasumut tunngatillugu pisortaqarfik ilisimatitsivoq pisortaqarfik annertunerusumik iliuseqaqqinnianngitsoq, tassami pisortaqarfiup isumaa malillugu ilanngaassineq isumaqatigiissutigineqarsimasoq tassani pineqarmat.

Matumunnga oqaatigaara Ilinniartut Ineqarfiisa Allaffeqarfiata isuma taanna suliamik suliaqarnerma nalaani atortuutinniarsimannikkkaa, tak. Ilinniartut Ineqarfiisa Allaffeqarfiata tusarniaanermut akissutaa 4. oktober 2000-imeersoq oqaaseqaatinni issuaaffigisimasara.

Aammattaq pisortaqarfiup suliamik naliliinera suliap ingerlanera pillugu paasisutissanik, oqaaseqaatigisara saqqummiukkakku ilisimasaqarfigisimanngisannik, tunngaveqarpoq.

Taamaattumik taamaaremat pisortaqarfiup naliliinera suliami paasininnerma isumaliutersuutigeqqinnissaanut pissutissaqalersinnigilaanga.

Taamaattorli isumaqarpunga oqaatigisariaqarlugu pisortaqarfiup ilanngaassinermik isumaqatigiissutigineqarsimasumik piumasarneranik naliliinera isumaga malillugu attanneqarsinnaanngitsoq.

Ilanngaassinermik isumaqatigiissutigineqarsimasumik piumasarinnaaneranut tunngaviumik piumasaqaataasoq tassaavoq A ilanngaassinissaq sioqqullugu Ilinniartut Ineqarfiisa Allaffeqarfiata nammineerluni taarsiissutissatut piumasaqaammik ilanngaassinikkut akiliisitsiniarsinnaannginneranik ilitserorneqarsimasoq.

Suliami tassani tamanna pineqanngilaq, tassami tamatuma akerlerisaanik Ilinniartut Ineqarfiisa Allaffeqarfiata nukingisaarutitut allagaanik 27. november 1999-imeersumit, aammattaq oqaaseqaatinni issuaaffigisannit, ersermat:

”KAF 12. december 1999 nallertinnagu ilinnit tusagaqanngippat naatsorsuutit qu-laani taaneqartut akuerineqartutut isigineqassapput.

Namminersorerullutik Oqartussat aqutugalugit akissarsiaqaruut akiitsut akissarsianit ilanngaatisassanngorlugit nassiuuneqassapput.”

Aammattaq pisorta qarfiup naliliinera Atorfeqarfimmi inatsisilerinermut pisortaaitannut 21. februar 2003-mi oqarasuaatikkut pisorta qarfiup paasititsissutigisaa-nut naapertuutinnigilaq, tamatumani pisorta qarfik ilanngaassinerup inatsisinut naapertuutinniginneranik paasinninnera isumaqatigalugu, taamatuttaarlu aamma pisorta qarfiup ilisimatitsissutigaa pisorta qarfiup A eqqartuussisutigut suliassiissutigini-araa, piumasarisani aalajangersaavigitikkumallugit.

Taamaammatt suliame killiffiusoq suli imaappoq, ilanngaassinermit inatsisinut naapertuutinnigitsumik, isummerfiginissaa pisorta qarfiup pisussaaffigisaanik, piuso-qartoq.

Pisorta qarfilli piumasarisani aalajangersaavigitikkumallugit A-p eqqartuussisu-tigut suliassiissutiginiarlugu aalajangerpat, taava isumaga malillugu pisorta qarfiup ilanngaassisimanerup kingunerinut immikkut isummerfiginninnissaa pisariaqarun-naassaaq.

Kisiannili pisorta qarfik isumaqartuarpat, pisorta qarfik suliame annertunerusumik iliuuseqaqqittariaqanngitsoq, taava oqaatigineqareersutut tassani pineqassaaq pisorta qarfik inatsisinut akerliusumik ilanngaassisimasoq, kukkunerulli naqqiiviginiar-nissaanut akisussaassutsiminik naammassinnikkumanani.

Taamaattumik ilanngaassisimaneq inatsisinut akerliusoq pillugu qanoq/-sutigut iliuuseqartoqartariaqarneranik pisorta qarfimmut nalileeqqusinera uteqqippara.

Naggataatigut maluginiarsimavara pisorta qarfik isumaqartoq suliaq annertuumik annertussuilimmik uanga pisinnaatitaanerma avataaniittoq.

Pisorta qarfiup tamanna pillugu isumaa paasinngilara.

Taamaattorli ilisimatitsissutigissavara ingerlatsinermit oqartussaasut pisinnaati-taaninnik naliliinerat suliassat suut misissuiffigisinnaanerlugit isummerninnut im-mikkut pingaaruteqanngimmat.”

Ukiup nalunaarusiuuneqartup naanerani pisorta qarfimmit tusagaqarsi-mannngilanga.

**Ukiuumut 2002-mut ukiumoortumik nalunaarut, immikkoortoq 5, qupp. 384 tulluilu.**

**10.49-3 Pilersuisutut akilersuutininik akiliisitsiniarnermut atatillugu kommunit marluk suliamek suliaqarnerat. (J.nr. 11.10.10.01/107-01)**

Taamaalillunga K Kommunip 6. december 2002-mi uannut allagaanut akissutitut K Kommunimut 15. januar 2003-mi allappunga:

”K Kommunip 6. december 2002-mi allagai 17. december 2002-mi tiguakka.

K Kommunip ilisimatitsissutai tusaatissatut tiguakka matumalu kingorna sulia-mi K Kommunimut tunngatillugu iliuuseqaqqissananga.”

Taamatuttaa q suliaq K2 Kommunimut 15. januar 2003-mi eqqaasitsis-sutigaa ra.

Taamaallillunga K2 Kommunimut 18. februar 2003-mi allappunga:

”K2 Kommunimut 27. maj 2002-mi imaattumik inassuteqaateqarsimavunga:

”K2 Kommunianut aamma K Kommunimut inassutigaa ra periaatsit naammagi-nartut kommunit taakku atulissagaat, taamaallilluni pisassarisat akiliisitsiniarnermut tunngaviusut pisassarisaanerat nalornissutigineqarsinnaappat pisassarisat akilersin-niagassanngorlugit nassiunneqartaqqunagit akilersinniarnaqartaqqunagilluunniit.”

Suliaq allakkatigut 27. september 2002-meersutigut eqqaasitsissutigaa ra. Saaf-figinnissummut tassunga akissummik aamma tigusaqannginnama suliaasaq allakka-tigut 21. november 2002-meersutigut eqqaasitsissutigeqqippara.

Qinnutigisannut qulaani taaneqartumut akissummik tigusaqannginnama suliaq allakkatigut 15. januar 2003-meersutigut suli ataasiarlunga eqqaasitsissutigeqqip-para.

Akissummik suli tigusaqanngilanga. Taamaattumik suliaq suli ataasiarlunga eq-qaasitsissutigaa ra.

Inatsisartut Ombudsmandiat pillugu Inatsisartut inatsisaanni § 7, imm. 1 K2 Kommunimut malugeqquara, tassanngami ersermat oqartussaasut "pisussaapput Ombudsmandi paasissutissanik nalunaarfigissallugu aammalu uppernarsaatissanik allattaavinnillu atorfini naapertorlugu piumasarisaanik saqqummiussiffigissallugu".

Qinnutigisakka K2 Kommunip akinngippagit sulinera K2 Kommuni eqqarsaati-galugu ingerlassinnaanngilara, tamannalu K2 Kommunip tungaanit aqutsinermi al-laffissornikkut sumiginnaanerusaaq annertoq, Inatsisartunut nalunaarutigissallugu pisussaaffigisassara.

Taamaattumik malugeqquara K2 Kommuni akissuteqaanngippat K2 Kommuni eqqarsaatigalugu suliannik ingerlatsisinnaannginnera Inatsisartunut Naalackersui-sunullu nalunaarutigissallugu isumaliutersuutiginiariga, tak. Inatsiartut Ombuds-mandiat pillugu Inatsisartut inatsisaanni § 10, imm. 1.

Taamaattumik suliaq suliarineqarnerata sapinngisamik annertunerpaamik nuki-qiunneqarnissaa qinnutigaa ra.”

K2 Kommunimit allakkanik imaattunik 24. februar 2003-mi tigusaqar-punga:

”K2 Kommunip allakkatit 18. februar 2003-meersut ... tiguai, saaffiginnessuti-gisartakkannullu akissutisisimannnginnerit matumuuna ajuusaarutigissallugu.

Sulisoq, saaffiginnessutigisannut akissuteqartussa q, atorfimmi suliaasaqarluni a-ngalanermi maannakkut Danmarkimiiippoq. Suliffimminut 4. marts 2003-mi uter-nissaa naatsorsuutigineqarpoq, taavalu suliamik suliaqarneq sapinngisamik piar-nerpaamik tuaviuunneqalissalluni.” (Atorfeqarfimmi nutsigaavoq.)

K2 Kommunimit akissummik 7. april suli tigusaqannginnama Inatsisar-tut Inatsisat Atortinneqarnerannut Ataatsimiititaliaannut ima allappunga:

”K2 Kommunimut 27. maj 2002-mi imaattumik oqaaseqaateqarpunga:

”K2 Kommunimut aamma K Kommunimut inassutigaa ra periaatsit naammagi-nartut kommunit taakku atulissagaat, taamaallilluni pisassarisat akiliisitsiniarnermut tunngaviusut pisassarisaanerat nalornissutigineqarsinnaappat pisassarisat akilersin-niagassanngorlugit nassiunneqartaqqunagit akilersinniarnaqartaqqunagilluunniit.”

Suliaq K2 Kommunimut 27. september 2002-mi aamma 21. november 2002-mi eqqaasitsissutigaa.

Akissummik tigusaqannginnama suliaq allakkatigut 15. januar 2003-meersutigut eqqaasitsissutigaa.

Saaffiginnissummut tassunga akissummik aamma tigusaqannginnama suliaq allakkatigut 18. februar 2003-meersutigut suli ataasiarlunga eqqaasitsissutigaa. Tamatumunnga peqatigitillugu malugeqqullugu oqaatigaara K2 Kommunian akisuteqanngippat K2 Kommunian eqqarsaatigalugu suliannik ingerlatsisinnaannginera Inatsisartunut Naalakkersuisunullu nalunaarutigissallugu isumaliutersuutiginiariga, tak. Inatsisartut Ombudsmandiat pillugu Inatsisartut inatsisaanni § 10, imm. 1.

K2 Kommunip akissutaanik suli tigusaqanngilanga.

Tamatuma kingorna suliassaq Inatsisartut uannut suliareqqusaat suliarisinnaajunnaarpara. Inatsisartut Inatsisit Atortinneqarnerannut Ataatsimiititaliaat qinnuigaara ataatsimiititaliap suliarnut akuliunnissani kissaatiginneraa nalunaarfigeqqullunga.

Nalunaarutiginninnera allakkat uku assilinerisigut K2 Kommunianut ilisimatississutigaa.

Aammattaaq allakkat uku assilineri Naalakkersuisunut nassiuppakka.”

K2 Kommunimit akissummik imaattumik 14. april 2003-mi tigusaqarpunga:

”Kalaallit Nunaanni Inatsisartunut, Inatsisit Atortinneqarnerannut Ataatsimiititaliamut, allakkavit ...-mik normullit 07/04-2003-meersut assilinerinik kommuni paasissutissinneqarsimavoq.

Saaffiginnissutigisartakkannut siusinnerusuklut akissuteqartoqarsimannginnera kommunip soorunalimi ajuusaarutigissavaa, matumuunali uppernarsassallugu piumasarisat, oqartussat allat aqqutigalugit akilersinniarneqartussanngorlugit nassiunneqartut, nassiunneqarnerminni pisoqalisoorimannginnissaat nakkutigineqartuaanartarsimasoq.

Suliami pineqartumi matumani piumasarisat aallaqqaammut nassiussinermi 1984-imi pisumi qanoq ilillutik inatsiseqartitsinikkut atuussinnaassuseqarsimannut siusinnerusuklut nassuiaateqartoqarsimavoq, taamaattumillu kommuni isumaqarpoq naleqquttumik naatsorsuutigineqarsinnaasoq oqartussaq akiliisitsiniartuq (K Kommuni, Akiliisitsiniartuq) piumasarisat immikkoortitaakkamik nalunaarsorlugit nassiteqqinneqarnissaat 2001-imi qinnutigineqarmata pisoqalisoorneq pisutigalugu unitsitsinissap il.il. tungaatigut pisariaqartunik iliuuseqarsimassoq.

Tamatumunnga atatillugu kommuni isumaqarpoq piumasarisat (inatsiseqartitsinikkut atuussinnaassuseqartut) oqartussamut allamut akilersinniarneqartussanngorlugit nassiunneqaraangata oqartussaq taanna pisussaasariaqartoq piumasarisat inatsiseqartitsinikkut atuussinnaassuseqaannarsinnaaqqullugit pisariaqartunik iliuuseqartariaqartoq, taamaakkaluartorli pisoqalisoornek pisoqarsimappat taakku utertillugit.

Aallaqqaammut taaneqartutut naak nakkutilleeriaatsinik pisariaqartinneqartunik taamaalilluni piusoqareeraluartoq, taakkulu soorunalimi pitsanngorsarniarneqaannaraluartut, nalunngilaq kukkuniviit nungutinneqavinnngisaannartussaammata.” (Atorfeqarfimmi nutsigaavoq.)

K2 Kommuni 16. april 2003-mi ima akissuteqarfigaara:

”K2 Kommunip allagai 10. april 2003-meersut tiguakka. Kommunip akissutaa tusaatissatut tiguara.

Aningaasat akilersinneqarsimasut A-mut utertillugit massakkut tunniunneqarsi-mammata suliami annertunerusumik iliuuseqaqqissanngilanga.”

**Ukiuumut 2002-mut ukiumoortumik nalunaarut, immikkoortoq 5, qupp. 393 tulluilu.**

**10.71-1 Efterskolemiinnermut tapiissutit. Kukkusumik siunnersuisi-manermit akisussaassuseq. (J.nr. 11.10.79.01/056-97)**

Allakkani 28. februar aamma 21. maj 2003-meersuni K Kommuni inas-suteqaatigisannut akissuteqaqqullugu eqqaaseqqittarsimavara.

Kommunip akissutaanik imaattumik 14. juli 2003-mi tigusaqarpunga:

”Suliami saaffignissuteqaqqinneq tunngavigalugu nalunaarutigineqassaaq su-liaq aningaasaqarnermut ataatsimiititaliamut, aningaasat 6.695,00 kr.-nit akiliussi-nikkut akilernerqarsimasut isumakkerneqarnissaannik siunnersuuteqarnermik akuer-sisimasumut, saqqummiunneqarsimasoq.

Suliaq misissorneqaqqissimavoq suliallu arriippallaamik suliarineqarnera taama-nilu suliap suliarineqarsimanera ajuusaarutigineqassaaq. Oqaatigineqassaaq ilinniar-titsisoq siunnersuisartuusimasoq pineqartoq atuarfimmit ilisimatitsissutigineqartut malillugit siusinnerusukkut atorfimmunit tunuarsimasoq.

Atuarfinnik ingerlatsivimmumt erseqqissaatigissavara ingerlatsineq tamarmi pi-ngaartumillu neriorsuuteqarnerit assigiinngitsut allaganngorlugit pigineqartussaa-sut. Oqarasuaatikkut neriorsuuteqarsinnaanerit erngeluni allaganngorlugi upper-narsaammik malitseqartinneqartassapput.

Kommunip suliamik suliarinninneranik Ombudsmandip isornartorsiuinera tu-saatissatut tiguneqarpoq, pisimasorlu kommunip tungaaniit A-p toqkkut qimataa-nik kingornussisussanut qimataasunullu ajuusaarutigineqassaaq.

Allakkat assilineri kingornussassanik aalajangersaanermit eqqartuussivimmumt nassiunneqarput.” (Atorfeqarfimmi nutsigaavoq.)

Ulloq 10. september 2003-mi kommunimut ima allappunga:

”Suliami inassuteqaatigisannut kommunip isummerneru 14. juli 2003-mi tiguara, aallarniutigalugulu malugaara kommuni uannut allakkami assilinerinik A-p toqk-kuq qimataanut nassiussisimasoq.

Kommunip akissummuni oqaatigaa bilitsimut aningaasartuutit akilerallarneqarsi-masut A-p toqkkut qimataanut taarsertillugit akilersinniarnarat kommunip taa-maatiinnarniaraa, kommunillu A-mut tunngasumik suliap suliarineqarsimanera a-juusaarutigigaa.

Tamatuma saniatigut kommunip akissutaa imatut paasivara, A-p panimmi efter-skolemiinnineranumt aningaasartuutigisimasai kommunip A-p toqkkut qimataanut taarserniannikkai.

Immikkoortumut kingullermumt tassunga oqaatigaara, soorlu aamma 20. august 2002-mi oqaaseqaatinni taamatut nassuiaateqarsimasunga, kommunip aningaasar-tuutit taakkununga matussutissiinnissaanumt taarsiiffiginnittarneq pillugu inatsise-qartitsinikkut naliliineq apequtaasoq.

Taarsiiffiginnittarnermut inatsiseqartitsinermut tunngasunik apeqqutit isummerfiginissaat uanga nalinginnaasumik sulinerma avataaniippoq, uangalu isumaga mallillugu suliami tassani apeqqutip, A-p aningaasartuutigisimasaasa taarserneqarnissaat toqukkut qimataasut kissaatigippassuk, eqqartuussivimmi ataavartumik aalajangiivigineqarnissaa toqusup qimataanut iluaqutaanerpaassammat, tamanna pillugu allatigut iliuuseqaqqissanngilanga.

Taamaattumik naatsorsuutigaara toqukkut qimataasut kommuni eqqartuussasatut suliassanngortissagaat, toqukkut qimataasut naliliinerikkut isumaqarunik, kommuni A-mut tunngatillugu taarsiiffigineqarnermik kinguneqartussamik iliuuseqarsimasoq.

Kommunip, oqaatigineqareersutut, suli annermik akiliisitsinissaq taamaatissimammagu suliallu suliarineqarnerani kukkunerit ajuusaarutigalugit, tassalu ilinniar-tisisoq siunnersuisuusimasoq suliap kommunimi suliarineqarneranik ingerlatsisuu-simasoq soraarsimammat, pissussissanillu malinnilluarnissap atortuutinnissaanut akisussaatisiniarneq pineqalersinnaanngimmat, suliami allatigut iliuuseqaqqissanngilanga.

Allakkat ukua assilinerannik A-p toqukkut qimataanut K-p Eqqartuussivia aq-putigalugu nassiussivunga.”

**Ukiumut 2002-mut ukiumoortumik nalunaarut, immikkoortoq 5, qupp. 439 tulliilu.**

**20.35.-2 Allassimasuuteqarnissamut allattuisussaataa-nermullu pi-sussaaftimmik sumiginnaaneq. Pinngitsaaliinikkut akiliisit-siniarnermut inatsisitigut tunngavissap nalornissutigineqar-nera. (J.nr. 11.20.35.30/111-99)**

A/S Inissiaatileqatigiiffik INI-p 28. januar 2003-mi ima akissuteqarfi-gaanga:

”Inissiaatileqatigiiffik Ombudsmandip allagaanik 23. december 2002-meersunik tigusaqarsimavoq, taakkunani Ombudsmandi oqaaseqaateqarluni inissiaatileqati-giiffiup aningaasat, A-mit akilersinneqarsimasut, utertillugit tunniunnissaat isuma-liutersuutigisariaqaraa.

Ombudsmandip allagai tunngavigalugit inissiaatileqatigiiffiup suliaq naliliiffi-geqqissimavaa.

Utertitsilluni akiliinissap qaqugu pinissaanut Ombudsmandip aalajangiinermini tunngavigisai inissiaatileqatigiiffiup naliliinermini atussappagit, taava ima inernilii-soqassaaq, inissiaatileqatigiiffiup aningaasat akilersinneqarsimasut utertillugit aki-lissanngikkai. Taamaalilluni inissiaatileqatigiiffiup paasinninnera malillugu akiler-sinniakkanik akiliisitsinerup nalaani piumasarianik ilanngaassisoqarmasinnaagaluar-poq, taamatuttaarlu aamma suliassamik eqqartuussisutigoortitsinermi piumasa-risami tungaatigut tapersinneqarsimassagaluarluni.

Illup utertillugu tunniinneqarsimasup nalikillinerata A-mut nanertuutaasinnaa-sussaanera, taarsiisuteqarnissamik piumasaqarfigineqarsinnaanera Ombudsman-dip uparuarpa, ”tak. inissialiornermut tapersiisuteqartarneq pillugu Inatsisartut peqqussutaanni § 17, imm. 1, nr. 4”

Inissiaatileqatigiiffiup § 17, imm. 3, nr. 4-p eqqarsaatigineqartoq naatsorsuutigimmagu uppersarnerqarpoq inissiaatileqatigiiffik malittarisassat atuuttut malillugit aqutsimmat aammalu tunniussinernut atatillugu naatsorsuinernik suliarinninnerni nalikillinnermut, illuliornermut tapersiissuteqarnikkut illuliamik illuutilimmut avoqqaarliutigineqarsinnaanngitsumut, taarsiissuteqarnissamik piumasaqassanani.” (Atorfeqarfimmi nutsigaavoq.)

### Ulloq 27. marts 2003-mi inissiaatileqatigiiffimmut allappunga:

”Illuliornermut tapersiissutit atorlugit illuliap B-nr. ..., ...-miuttup Inissiaatileqatigiiffimmit tiguneqarneranut atatillugu Inissiaatileqatigatigiiffiup A-mut 132.900 kr.-nik akileeqquisinissamik aalajangiinini suliareqqittariaqaraa naliliinnimmut Inissiaatileqatigiiffiup isummernissaanik qinnutigisannut Inissiaatileqatigiiffiup akissutaa 28. januar 2003-meersoq 3. februar 2003-mi tiguara.

Inissiaatileqatigiiffiup akissutaa kingulleq imatut paasivara suliaq Inissiaatileqatigiiffiup suliareqqilersaanngikkaa, tassami Inissiaatileqatigiiffik ilaatigut naliliimmat ilanngaassinissamat piumasaqaataasut eqqortinneqarsimasut, Inissiaatileqatigiiffillu A-mik eqqartuussisutigut suliaassanngortitsinermi ajugaasinnaasoq, ilaatigullu Inissiaatileqatigiiffik naliliimmat nalikillieriaat tigusinermi naatsorsuutinit ersertoq A-mut pisuutitsissutigineqarsinnaasoq.

Inissiaatileqatigiiffiup akissutaata kingulliup imaattunik oqaaseqaateqarnissannut pissutissaqalersippaanga:

Aningaasat inatsisinik unioqqutitsilluni akilersinneqarsimasut utertillugit akilernerqarnissaat pillugu apeqqummut:

Inissiaatileqatigiiffiup akissummini oqaatiginngilaa isumaliutersuutit suut aallaavigalugit Inissiaatileqatigiiffik isumaqarnersoq aningaasat ilanngaassinikkut akilersinniarneqarsinnaasimasut Inissiaatileqatigiiffillu eqqartuussivikkoortitsinermi ajugaasinnaasoq.

Taamaattumik Inissiaatileqatigiiffik qinnuigaara paasinninnerminut tunngaviusooq erseqqinnerusumik nassuiaqqullugu.

Inissiaatileqatigiiffiup pisassarisaanik naatsorsuineq pillugu apeqqummut:

Tigusinermi naatsorsuutini amigaataasutut taaneqartut A-mut pisuutitsissutigineqarsinnaanerannik isumaliutersuutit suut aallaavigalugit taamaaliernerluni Inissiaatileqatigiiffiup erseqqinnerusumik oqaatiginngilaa.

Inissiaatileqatigiiffimmut eqqaasitsissutigaa oqaaseqaatinni 7. maj 2002-meersumi oqarama tigusinermi naatsorsuutit pillugit A-p naammagittaalliutaa 11. januar 1998-imeersoq pillugu Inissiaatileqatigiiffiup allakkatigut aalajangiisimannnginerata suliaq inatsisit malillugit aalajangiiffigineqarsimaneranik Inissiaatileqatigiiffiup uppersarnaaniarnissaata ajornakusoortorujussuunissaa nassatarigaa.

Pisortani oqartussaasoq aalajangiineq pillugu allakkatigut naammagittaalliummik tigusaqaruni naammagittaalliut qanoq iliuseqarnissamat pissutissaqalersitsinersoq isummerfigissallugu pisussaaffeqarpoq.

Taamaattumik oqartussaasup naammagittaalliummik isiginninngitsuusaarinnikkumasimanera naammannigilaq.

Inissiaatileqatigiiffimmut allakkakka 23. december 2002-meersut aamma inner-suussutigaa, taakkumanimi malugeqqullugu oqaatigigakku aseruinerit aalajangersimasut suut A-mut pisuutitsissutigineqarsinnaanersut Inissiaatileqatigiiffiup naliliiffigisimanngippagu utertitsilluni akileeqquisoqarnissaanik ingerlatsinermik inatsiseqartitsinermi malittarisassatigut atuussinnaassuseqartumik aalajangiisinaasimanngitsoq.



Tigusinermi naatsorsuutini akinik aalajangersaaneq eqqarsaatigalugu oqaaseqaatinni 7. maj 2002-meersumi oqaaseqaatiga innersuussutigaa, tassalu tigusinermi naatsorsuutini taarsigassarsisitsisup illuliornermut tapersiisarneq pillugu peqqussummi § 17, imm. 3, nr. 4 malillugu taarsigassarsisumit pisassarisai akinik missingineq tunngavigalugu naatsorsorneqarsimappata, missingiutip suliarlu pillugu akiligassiissutip missingiutinit annikinnerusup nikingassutaat Inissiaatileqatigiiffiup taarsigassarsisumut akilissagaa, taamatuttaarlu illua'tungaanut saatsikkaanni aningaasartuuterpiaasut missingiutinit amerlaneruppata akileeqqittoqarnissaa Inissiaatileqatigiiffiup piumasaqaatigisinnaanngikkaa.

Suliami matumani Inissiaatileqatigiiffiup akissummini 24. september 2002-meersumi oqaatigaa ingerlatseqatigiiffiup A-mut akileqqusani 6.200 kr.-nik ikilisimagai, iluarsaassinermi aningaasartuutit pillugit paasissutissat allannguuteqarsimanerat pissutigalugu.

Naatsorsuinerмили tassani Inissiaatileqatigiiffik aningaasartuutaasunut "lino-leumip iluarsaanneqarnera/taarserneqarnera"-nut aamma "erngup aqqutaanik iluarsaassinerit"-mut, akileeqqittoqarnissaanik naatsorsuisimavoq.

Qulaani oqaaseqaatikka isiginiarlugit isumaqarpunga Inissiaatileqatigiiffik aningaasartuutit taakku eqqarsaatigalugit aalajangeeqqaarnerminik allangortitsinnaanngitsaq, A-mut nanertuisuusumik.

Aammattaq illuliornermut tapersiisarneq aqquutigalugu illulianik tigusinerit pillugit suliani nalikillieriaatit aserfallatsaaliinnginnermik pissutsinilluunniit allanik taarsigassarsisumut pisuutitsissutigineqarsinnaasunik pissuteqarnerat Inissiaatileqatigiiffiup uppersaasorsortussaavaa.

Suliami matumani A-p naammagittaalliummini 11. januar 1998-meersumi ilaatigut oqaatigaa iluarsaassinernut arlalinnut akisussaaffik tunngavilersuutit aalajangersimasut erseqqinnerusumik taaneqartut pissutigalugit imminut tutsinneqarsinnaanngitsaq.

Nalikillieriaatit taaneqartut A-mut pisuutitsissutigineqarsinnaanerat uppersaasorsorniarlugu Inissiaatileqatigiiffiup uppersarsinnaasariaqarpaa A-p naammagittaalliuutaani 11. januar 1998-meersumi aseruinerit pissutaasutut taaneqartut eqqunngitsuusut, imaluunniit A-p aserukkanut taakkununga akiliisussaana nassuiarsinnaasariaqarlugu.

Taamaattumik Inissiaatileqatigiiffik qinnuigaara Inissiaatileqatigiiffiup A-mit pisassarisaminik naatsorsuinerit pillugu oqaaseqaatikka isummerfigeqqullugit."

### Inissiaatileqatigiiffiup 2. juni 2003-mi akissuteqarfigaanga:

"Ombudsmandip allagai 27. marts 2003-meersut inissiaatileqatigiiffiup tiguai, taakkunani Ombudsmandip eqqartuussisutigoortumik suliaassissuteqartoqassagaluarpata Namminersornerullutik Oqartussat piumasaqaataannut uppersaasarsimamut inissiaatileqatigiiffiup periarfissaqarnera sammillugu.

Ombudsmandip inissiaatileqatigiiffik assigiinngitsunik apeqquteqarfiga. Taakkununga akissutit apeqquutit tulleriinnilersornerisut tulleriinnilerlugit oqaatigineqassapput:

-Eqqartuussisoqarnermi akuerineqarpoq bs-imik illunik utertillugit tunniunneqarsimasunik/tiguneqarsimasunik naatsorsuinerit pillugit eqqartuussisutigit ingerlatsisoqaraangat inissiaatileqatigiiffik uppersaasnermini uppersaasissanik, naliliinermit immersukkatut il.il. ittunik, atuissasoq teknikkikkut sulisorisami ilisimannittut nalunaajaataat ilanngullugit.

Inissiaatileqatigiiffik isumaqarpoq inissiaatileqatigiiffiup naammagittaalliummut allakkatigut imaluunniit oqaasiinnartigut akissuteqarsimaneq eqqartuussivip

soqutiginvianiנגikkaa, kisiannili inissiaatileqatigiiffik naammagittaalliortumut piumasarisaminut uppersaasatissaqarnersooq.

Aningaasartuutit suut taarsigassarsisumut nanertuutaasinnaanerannik inissiaatileqatigiiffik tamatigit naliliisarpoq.

-Aningaasanik, taarsiissutigineqartussatut ataatsimoortumik nalilerneqarsimasunik taarsigassarsisumut piumasagaatini killilersimaarniarlugit inissiaatileqatigiiffiup allaffissornikkut aqutsinermi periaasiusooq malippaa. Aningaasartuuteqarfiumik annertusisitsineq aningaasartuuteqarfiumik allamik killiliinermik nassataqarajuttassaaq.

-Suliami eqqartuussitigoortitami illua'tungeriit marluullutik pissutsinut atoruttitaminut uppersaasussaapput. Taarsigassarsisooq soorlu assersuutigalugu ima oqortoq, illumik piginnittuuffimmi ingerlanerani inissiaatileqatigiiffik illup ajoquserneranik kinguneqartitsisimasooq, taava tamatumunnga (taamaanneraanerminut) uppersaasussaavoq, soorunalimi inissiaatileqatigiiffik illua'tungerisami taamaanneraanerata/ oqarnerata naqqissornissaanut pisussaaffeqanngilaq.

Inissiaatileqatigiiffiup Ombudsmandi pissutsit imaannerannik eqqaasissavaa, Ombudsmandimut naammagittaalliut suliamik suliarinninnerup sivisunaarnera pillugu naammagittaalliutaammat. Taamaalluni Ombudsmandip allakkiani 30. november 1999-imeersoq atuarsinnaavaa, allakkiamit tassannga erserluni Ombudsmandip illumik naliliineq, missiliuussineq il.il. pillugit naammagittaalliummik suliarinnissinnaanngitsooq.

Tamatumunnga atatillugu oqaatigineqassaaq A-p Ombudsmandimut ilisimatitsisutigisimagaa inissiaatileqatigiiffimmit 28. maj 1997-imili tusagaqarsimanani, kisiannili suliamit aamma Ombudsmandip oqaaseqaataanit erserpoq tamanna eqqortuunngitsooq, tassami allakkanik nassiussisoqarsimammat aammalu immikkoortotaqarfimmi allaffiup A-llu akornanni oqaloqatigiittarsimanerit pillugit paasissutis-sanik assortuussutaanngitsunik peqartoq.

Naammagittaalliuuteqarfiusooq pillugu Ombudsmandip sulinerani inerniliineq inissiaatileqatigiiffiup ujartorpaa/maqaasivaa." (Atorfeqarfimmi nutsigaavoq.)

### Inissiaatileqatigiiffimmut 16. september 2003-mi allappunga:

"Inissiaatileqatigiiffiup allakkannut 27. marts 2003-meersunut akissutaanik 6. juni 2003-mi tigusaqarpunga.

Siullermik maluginiarpara inissiaatileqatigiiffiup ilisimatitsisutigigaa pissutsinik, misissuiffiginiarnagit aallaqqaammut nalunaarutigisimasaraluannik, sammisaqarsimasunga.

Tassunga oqaatigaara naammagittaalliummik tigusaqaraangama suliami pissutsinik sunik misissuisariaqarnerma killilivinnissaa qassiitigut ajornartarmat.

Aammattaarlumi Ombudsmandi pillugu inatsimmi § 6, imm. 4 aamma 5-imi aalajangersagaavoq naammagittaalliut misissuinissamut pissutigissallugu naammanersooq nammineq aalajangissagiga, taamatuttaarlu aamma suliassat apeqqutilluunniit, naammagittaalliummik suliaqarninnut atatillugu paasilersimasakka, nammi-neerlunga misissugassanngortissinnaagikka.

Apeqqutit suut misissortariaqarnerlugit naliliininni annermik pingaartittarpara pissutsinik, tunngavimmikkut ingerlatsinermut inatsiseqartitsinermut imaluunniit inatsisitigut isumannaatsuutinneqarnissamut pingaaruteqalersinnaasunik piusoqarnersooq.

Suliami A-mut tunngasumi naammagittaalliornermi sammineqartorpiaap, inissiaatileqatigiiffiup naammagittaalliummut akissuteqarsimannginneranut tunngasup, saniatigut boligstøttemit taarsigassarsinikkut illulianik utertitsinerni piumasaa-

risanik akileeqquisarnermut piumasaqaatinik utertitsinernilu naatsorsukkanik, inissiatileqatigiiffiup suliarisartagaanik, sammisaqarnissaq naleqquttuusorisimavara.

Aammattaaq inissiatileqatigiiffiup allagai kingulliit ima paasivakka inissiatileqatigiiffik isumaqartoq teknikkikkut naliliinermik misileeqqiisimasunga.

Tamanna eqqunngilaq, tassami inissiatileqatigiiffiup piumasarisaanik naatsorsuineq pillugu isumaliutersuutigisakka inatsisitigut naliliinerummata. Teknikkikkut naliliinermik misileeqqissinnaannginnerma soorunalimi taamatut naliliinermut inatsisitigut killissarititaasunik misileeqqiinissara akornusinngilaa.

Aammattaaq inissiatileqatigiiffiup ilisimatitsissutigaa inissiatileqatigiiffiup piffissamik suliamik suliaqarnerminut atukkaminik sivilisunaarsinera pillugu naammagittaalliuutit inernilerneqarnera inissiatileqatigiiffiup maqaasigaa.

Pissutsit, inissiatileqatigiiffiup piffissamut suliamik suliaqarnerminut atugaanut tunggasut, oqaaseqaateqarninut pissutissaqalersitsisut, taakku oqaaseqaatinni 7. maj 2002-meersumi atuarneqarsinnaapput, ...

Matumunnga atatilugu oqaatigaara suliami naliliinikka allat, soorlumi aamma oqaaseqaatigisannit ersertoq, tassaammata apeqqutit nammineerlunga misissuiffiginissaat isummerfigisariaqarlugit isumaqarfigisakka, tak. Ombudsmandi pillugu inatsimmi § 6, imm. 5. Paatsoormik pisoqaqqunagu oqaatigissavara pissutsit taaneqartut taakku inissiatileqatigiiffimmik isornartorsiuinissannut pissutissaqalersissimanngikkaannga.

Inissiatileqatigiiffiup allakkannut 27. marts 2003-meersunut akissutaanut tunggasumik matuma kingorna imaattut oqaatigaakka:

Maluginiarpara inissiatileqatigiiffik naliliisoq suliami paasissutissat pigineqartut apeqqummik aalajangersimasumik eqqartuussinermi aalajangeeriaaseq atuuttoq malillugu inissiatileqatigiiffiup A-mut piumasarisai pillugit eqqartuussitsisinermi taparserneqarsinnaanissamut naammatut inissiatileqatigiiffiup nalileraa.

Paarlattuanilli inissiatileqatigiiffiup ilisimatitsissutiginnilaa isumaliutersuutigisat suut tunngavigalugit ingerlatseqatigiiffiup ilanngaassinermut piumasarisaasut naammassineqarsimasorinerai.

Taamaattorli inissiatileqatigiiffiup aningaasanik akiliisitsiniartartoq aqqutigalugu (eqqunngitsumik) akilersissimasaanik A-mut utertitsilersaannginnera pillugu anertunerusumik iliuuseqaqqissanngilanga, tassami tamatumunnga peqatigitillugu isumaqarama apeqqummik taassuminnga eqqartuussivimmi (ataavartumik) aalajangiineq A-mut iluaqutaanerpaassasoq.

Taamaattumik immikkut allakkatigut allakkallu matuma assilineratigut A utertivigineqarnissamik piumasaqaatip eqqartuussisuni misilinneqartinnissaanut periarfissaqarnermik ilitersorpara.

Tamatumunnga atatilugu isumaliutersuutigaara inassutigissanerlugu A-p utertivigineqarnissamik apeqqut imminut aningaasartuutaanngitsumik eqqartuussivimmi misilinneqartissagaa.

Taamatut uanga tungninit inassuteqarnissaq matumunnga tunngaveqarpoq, innuttaasut inatsisit naapertorlugit isumannaatsuutinneqarnissaannik sumiginnaanerit anertuut tassani pineqarsinnaasut, suliaq tunngavimmigut maligassiisasoq, apeqqutinik inatsisinut tunngasunik nalorninarluinnartunik piusoqartoq, imaluunniit pissutininik immikkut ittunik allanik, eqqartuussivinni aalajangiivigineqarnissaat pingaarteqartussaasunik piusoqarnersoq.

Suliami pineqartumi matumani annertuumik pineqartoq tassaavoq A-p suliami soqutigisaasa aningaasaqarnermut tunngassuteqarnerat, aammalu inissiatileqatigiiffiup piumasarisaasa eqqortumik naatsorsorneqarsimanerannik aalajangiinermi uppernarsaatissanik nalilileneq annertoorujussuarmik apeqquataassasoq.

Taamaattumik nalilerpara, naak suliaq apeqqutinik tunngavissaanerusunik qassii-nik, isummerfiginissaat pissutissaqarsorisannik imaqaraluartoq, suliaq isikkumigut

A-p imminut aningaasartuutaanngitsumik eqqartuussisitsinissaanik inassuteqarsinnaaninnut naammattumik pissuseqanngitsoq.

Matumanili A-p eqqartuussisitsisoqassagaluarpat taperserneqarsinnaassanerani naliisoqarnera eqqarsaatigineqanngilaq.

Tulliullugu inissiaatileqatigiiffiup allakkannut 27. marts 2003-meersunut akissuteqarneranut tunngasumik oqaatigaara A-p naammagittaalliuutaata oqaasiinnartigut allakkatigulluunniit aalajangiivigineqarsimanerata pingaaruteqannginnerani inissiaatileqatigiiffiup naliliinera isumaqatigisinnaagaluariga.

Kisiannili allassimasuuteqartussaaneq pillugu apeqqut inissiaatileqatigiiffiup naatsorsugaasa A-mut akileeqqusissummut tunngaviutinneqarsinnaanerisa immik-kut pingaaruteqarnerani naliliininni ilanngussimanngilara.

Akerlianili allassimasuuteqannginnerup nassataaa uannut (qularnanngitsumillu aammattaq eqqartuussisunut) nalilissallugu ajornakusoorsorinartoq paasissutissanut tunngavioq, inissiaatileqatigiiffiup aningaasartuutini, A-p naammagittaalliummini 11. januar 1998-imeersumi inissiaatileqatigiiffimmit akisussaaffigineqarnerarlugit inissiaatileqatigiiffimmut oqaatigisaanik, A-mut akileeqqusinermini tunngavigisaa suunersoq.

Tulliullugu inissiaatileqatigiiffiup boligstøttemit taarsigassarinikkut illuliamik piginnittumut taarsiisuteqarnissamik piumasaaqammik tamarmiusumik ”killiliinermik” oqaaserisai imatut paasivakka, ingerlatseqatigiiffiup aningaasat taakku atavartumik killiliussatut ima kinguneqartussatut paasigai, aningaasartuuteqarfiusumik ataatsimik annertusisitsineq aningaasartuuteqarfiusumik allamik millisitsinermik nassataqarsinnaasoq.

Isumaqarpunga taamatut periaaseqarneq inatsisinut tunngasumik attanneqarsinnaanngitsoq, tassami inissiaatileqatigiiffik ingerlatsinermut inatsiseqartitsinermi malittarisassat nalinginnaasut malillugit ilaatigut suliap naammattumik misisso-reerneratigut paasissutissartalorsoreerneratigullu piumasarisaminik naatsorsuissaminut pisussaaffeqarmat, ilaatigullu ingerlatsinermi oqartussaasup aalajangiinerani pineqartumut iluaqtissiisumik tunuartitsineq pillugu malittarisassanut qilersorsimasuummat.

Inissiaatileqatigiiffiup utertitsinermi naatsorsuusiani aningaasartuutit allanneqarsimasut ataasiakkaat tamarmik immikkut nalilernerqartussaapput, tamannalu, soorlu taanna suliami oqaaseqaatinni taasimagiga, aallaavigalugu aningaasat utertitsinermi naatsorsuusiani allanneqarsimasut allannortinnissaat inatsisinut naapertuutissanngilaq, utertitsisumut ajoqutaasumik.

A-p naammagittaalliuutaa pillugu annertunerumik iliuseqaaqqissanngilanga.

Taamaattorli malugeqquara aningaasanik utertitsinermi naatsorsuusiani allasimasunik tunniussisumut ajoqutaasumik allannortitsisoqassappat, tamanna uanga aallaavittut suliasani siunissami suliariumaagassanni kukkunertut isigisarumaa-rikka.”

**Ukiunut 2002-mut ukiumoortumik nalunaarut, immikkoortoq 6, qup-  
perneq 607.**

**Soraarsitsinerni arlalinni suliami illua'tungiusup isumaanik tusar-  
niaasimannginnerit. (J.nr. 11.32.20.0/114-97, 11.32.-20.0./09398 aam-  
ma 11.32.20.0/037-99)**

Suliani 11.32.20.0/114-97-imik aamma 11.32.20.0/093-98-imik journalnormulinni akissuteqarnissaq pillugu kommuni allakkani 10. januar 2003-meersuni eqqaasitsissuteqarfigeqqippara.

Suliaq 11.32.20.0/093-98-imik journalnormulik pillugu kommunip akissuteqarnissaa allakkani 12. februar 2003-mi eqqaasitsissutigeqqippara.

Ulloq 17. februar 2003-mi kommunip suliami 11.32.20.0/037-99-imik journalnormulimmi akissuteqarnissaa eqqaasitsissutigaa. Tamatumunnga peqatigitillugu Inatsisartut Inatsisit Atortinneqarnerannut Ataatsimiititaliaat Naalakkersuisullu kommunip suliami akissuteqarsimanginneranik nalunaarfigaakka.

Ulloq 28. april 2003-mi kommunip suliami 11.32.20.0/114-97-imik journalnormulimmi akissuteqarnissaa eqqaasitsissutigaa. Tamatumunnga peqatigitillugu Inatsisartut Inatsisit Atortinneqarnerannut Ataatsimiititaliaat Naalakkersuisullu kommunip suliami akissuteqarsimanginneranik nalunaarfigaakka.

Naalakkersuisut Allattoqarfiata 18. juni 2003-mi paasissutissippaanga allattoqarfiup kommuni suliami 11.32.20.0/114-97-imik journalnormulimmi sapaatit akunneri sisamat qaangiutsinnagit akissuteqaqqullugu qinnuigisimagaa.

Kommuni 4. juli 2003-mi uannut nalunaaruteqarpoq kommuni suliani pingasuni tamani piaarnerpaamik akissuteqarniarloq.

Nakkutilliisoqarfiup kommuni suliami 11.32.20.0/037-99-imik journalnormulimmi akissuteqarnissaa allakkani 21. august 2003-meersuni nukingisaaruteqarfigaa akissuteqarnissaq sapaatip akunneranik ataatsimik piffissalerlugu.

Kommunip suliamut 11.32.32.20.0/093-98-imik journalnormulimmut akissuteqarnissaa 15. september 2003-mi nukingisaarutigeqqippara.

Suliat 11.32.20.0/114-97-imik aamma 11.32.20.0/037-99-imik journalnormullit pillugit Nakkutilliisoqarfimmut 24. september 2003-mi allagaqarpunga:

”Kommunip allakkani 4. juli 2003-meersuni nalunaarfigaanga kommunimit piaarnerpaamik qisuariaateqarfigineqarumaartunga.

Tamatuma kingornagut kommunimit tusagaqanngilanga.

Tamanna pissutigalugu Nakkutilliisoqarfik qinnuigaara nakkutilliisoqarfiup suliami qanoq iliuseqaqqissamaarneranik nalunaarfigeqqullunga.”

Nakkutilliisoqarfik 26. september 2003-mi akissuteqarpoq:

”... pillugu Ombudsmandip allagai 24.9.2003-meersut

... pillugu Ombudsmandip allagai 24.9.2003-meersut

tunnngavigalugit

...

ilisimatitsissutigineqarsinnaavoq Nakkutilliisoqarfiup Allattoqarfiata piffissani aalajangersimasuni ullut tamangajaasa K Kommuni attaveqarfigisarsimammagu aammalu ataatigit atsiortup kommunaldirektøriugallartoq ... Ombudsmandimit saaffiginnissutigisartakkat pillugit augustip naalernerani attaveqarfigisimagaa. Pe-

riarfissami taassumani kommuni ilisimatissimavarput Ombudsmandip saaffiginnis-sutigisartagai akissuteqarfigissagai.” (Atorfeqarfimmi nutsigaavoq.)

Allakkani 9. oktober 2003-meersuni Nakkutilliisoqarfik qinnuigisima-vara ”kommunip akissuteqarnissaminut pisussaaffeqarnera kommuninik aqutsineq pillugu inatsit tunngavigalugu pinngitsaaliinermi atugassaritin-neqartut malillugit Nakkutilliisoqarfiup naammassitinnialersaarneraa, taamaattoqarpallu Nakkutilliisoqarfik qaqugu taamaaliulersaarnersoq nalu-naarfigeqqullunga.”

Nakkutilliisoqarfik 15. oktober 2003-mi kommunimut allagaqarpoq:

”Nakkutilliisoqarfiup suli ataasiarluni ilisimatitsissutigissavaa kommuni Om-budsmandip saaffiginnissutaanut akissuteqartussaammat.

Nakkutilliisoqarfik Ombudsmandip allagaanik pingasunik tigusaqarsimavoq, taakkunani taanna aperaluni, kommunip akissuteqarnissaminut pisussaaffeqarnera kommuninik aqutsineq pillugu inatsit tunngavigalugu pinngitsaaliinermi atugassa-ritinneqartut malillugit Nakkutilliisoqarfiup naammassitinnialersaarneraa. Naku-tilliisoqarfiup malugeqqussavaa taamatut isumaliutersuuteqartoqarmat.” (Atorfe-qarfimmi nutsigaavoq.)

Suliat pingasut taakku pillugit kommuni 18. oktober 2003-mi uannut al-lappoq:

”Matumuuna K Kommunip matuma kingornagut Ombudsmandip isornartorsuii-nera tusaatissatut tigussavaa nalunaarutigalugulu, kommunip Kanukuka peqatigalu-gu suliani isumaqatigiilluni aaqqiissuteqarnissaq anguniarsimagaa, tamannali ajora-luurtumik maannamut iluatsissimanngitsoq.” (Atorfeqarfimmi nutsigaavoq.)

Kommuni 9. december 2003-mi uannut ima allappoq:

”Ombudsmandeqarfik soraarsitsinerit pillugit naammagittaalliutinik pingasunik K Kommunimeersunik maannakkut suliaqarpoq. Suliat ukiuni arlalinni ingerlanne-qarsimapput, aaqqiissutisarsiffiusimanngitsumik.

Kommunimi kommunaldirektøritut atorfineqqammerpunga, siunissamilu qanin-nerpaami naammagittaalliortut pingasut taakku attaveqarfiginiarpakka suliat inaar-neqarnissaat siunertaralugu.” (Atorfeqarfimmi nutsigaavoq.)

**Ukiumut 2002-mut ukiumoortumik nalunaarut, immikkoortoq 6, qupp. 608 tulliilu.**

**Inissianik attartorneq pillugu Inatsisartut peqqussutaanni erseqqar-luttut. (J.nr. 11.40.10.0/086-98)**

Inigisamit nunnermut atatillugu ilimasaaruteqartarnerup attartortunut ta-manut assigiissunngortinneqarnera pillugu Inatsisartut peqqussutaatigut nr.

3-kkut, 15. april 2003-meersukkut attartorneq pillugu peqqussummik 31. maj 2002-meersumik allanguineq naapertorlugu inatsisitigut pissutsinik pisortaqarfiup ilisimatissuteqarneranik paasissutissiisummi 30. maj 2003-mi tigusaqarpunga.

Tamanna tunngavigalugu pisortaqarfik nalunaarfigisimavara pisortaqarfiup nalunaarutigisaa tusaatissatut tigugiga, taamaammallu suliami anertunerusumik iliuseqaqqissanngitsunga.

**Ukiumut 2002-mut ukiumoortumik nalunaarut, immikkoortoq 6, qupp. 619 tullilu.**

**Meeqqap sunngiffimmi sammisasaqartitsivimmut allamut nuutsinissaanik qinnuteqaateqarnermi suliamik suliaqarneq, matumani aamma suliami illua'tungiusup isumaanik tusarniaanissamut periarfissaqarneq ilanngullugu. (J.nr. 11.10.15.01/044-96)**

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup akissutaanik imaattumik 3. januar 2003-mi tigusaqarpunga:

”Kommunini ulluunerani paaqqinniffinnut/angerlarsimaffinni paaqqinnittunut meeqqanik inissiisarneq pillugu kaajallaasitap nr. 129-p, 11. december 1978-imeersup atorunnaarsinneqarnera pillugu Inatsisartut Ombudsmandiata allagaasa 23.12.02-meersut, journal nr. ..., tigneri Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup (KIIP) matumuuna uppersarpai.

KIIP sinnerlugu nalunaarutigineqarsinnaavoq suliaq matuma siuliini taaneqartoq pillugu suliami allagaatit pisortaqarfimmit, Isumaginninnermut Suliffeqarnermullu Pisortaqarfimmik siornatigut taaguuteqartinneqartumit, suli tiguneqarsimanngimata. Taamaattumik KØ-p allakkani apeqqutigineqartoq ”nalunaarut qaqugu atuutilersussatut naatsorsuutigineqarsinnaanersoq” akisinnaasorinngilaa.

Suliami allagaatit pisortaqarfimmit eqqartorneqartumit KIIP-imut tunniunneqariarpata suliaqarfiusumut malittarisassiuussinermik suliaqarneq aallartinneqasaaq. Tunniussinermi periaasissat pillugit isumaqatigiinniarnert suli ingerlapput.” (Atorfeqarfimmi nutsigaavoq.)

Pisortaqarfiup suliami akissuteqarnissaa 15. april 2003-mi eqqaasitsisutigaara.

Pisortaqarfiup 5. juni 2003-mi akissuteqarfigaanga:

”Nalunaarummik, kommunini ulluunerani paaqqinniffinnut/-angerlarsimaffinni paaqqinnittunut meeqqanik inissiisarneq pillugu kaajallaasitamik nr. 129-mik, 11. december 1978-imeersumik taarsiisussatut naatsorsuutigineqartumik, suliarinninnerup siumukarnera pillugu Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup (KIIP) imaattut nalunaarutigisinnaavai:

\*Nalunaarutissamik suliarinninnermut matuma siuliini taaneqartumut tunngatil-lugu suliami allagaatit tamarmik Ilaqtariinnermut Pisorta qarfirmmit KIIP-imut 05.06.03-mi tunniunneqarsimapput.

\*Ulluunerani paaqqinniffiit, angerlarsimaffinni ulluunerani paaqqinninneq il.il. pillugit Namminersornerullutik Oqartussat nalunaarutissaannut nr. xx-imut, xxx 2003-meersumut missingiut elektronikkikkoortumik KIIP-imi pissarsiarineqarsi-mavoq.

\*Ilaqtariinnermut Pisorta qarfiup suliami illua'tungiusunik pissusissamisoor-tunik tusarniaanini naammassisimangilaa.

Kommunini ulluunerani paaqqinniffinnik, angerlarsimaffinni ulluunerani paa-qqinninnernik il.il. atuisut kommuninilu oqaasissaqartitaasut suliaasaqarfiusup malit-arisassaqartinneqarmissaanik sapinngisamik piaarnerpaamik pisariaqartitsinerat, taamaaliornikkut suliaasaqarfiusumi pissusissamisoortumik allaffissornikkut aqut-sisoqarsinnaaqullugu, nassuerutigalugu KIIP-ip nalunaarutissamat missingiutip nassiuunneqarsimasup aqqinniarnera anguniarlugu ilungersuutigissavaa, kiisalu pis-susissamisoortumik illua'tungiusunik tusarniaaneq naammassiniarlugu, ulluunerani paaqqinniffiit angerlarsimaffinnilu ulluunerani paaqqinninneq pillugit nalunaarutis-satut siunnersuutip qaammatisiutit ukiuata matumap qaammataasa kingulliit pin-gasut ingerlaneranni Naalakkersuisunut saqqummiunneqarnissaa siunertarlugu.” (Atorfeqarfimmi nutsigaavoq.)

Ulloq 22. juli 2003-mi pisorta qarfirmut allappunga, assilineri Inatsisar-tut Inatsisit Atortinneqarnerannut Ataatsimiititaliaannut aamma Naalakker-suisut Allattoqarfiannut nassiullugit:

”Pisorta qarfiup allakkatigut 5. juni 2003-meersutigut nalunaarfigaanga nalunaa-rutissamat missingiutip kaajallaasitamik taarsisussap ukioq manna kvartalimi ki-ngullermi Naalakkersuisunut saqqummiunneqarnissaa pisorta qarfiup naatsorsuuti-gigaa.

Taamaattumik Inatsisartunut Naalakkersuisunullu kaajallaasitaq taanna pillugu nalunaarutiginninninnut atatillugu annertunerusumik iliuuseqaqqissanngilanga.”

**Ukiumut 2002-mut ukiumoortumik nalunaarut, immikkoortoq 6, qupp. 628 tulliilu.**

**Sulisunik aqutsinikkut aalajangiinernut malittarisassatigut tunnga-viusoq inatsisitigullu tunngavik. (J.nr. 11.03.20.12/093-96)**

Allakkani 7. maj aamma 15. oktober 2003-meersuni allakkannut 19. de-cember 2002-meersunut akissuteqartoqarnissaa eqqaasitsissutigisarsima-vara.

Akissummik ukiup nalunaarusiunneqartup naanerani tigusaqarsimanngi-langa.

**Ukiumut 2002-mut ukiumoortumik nalunaarut, immikkoortoq 6, qupp. 632 tullialu.**



**Tjenestemanditut atorfeqartitaanerup inatsisit unioqqutillugit atorunnaarsinneqarnera. (J. nr. 11.32.10.0/064-99)**

Ulloq 3. september 2002-mi allakkannut, ukiumut 2002-mut nalunaarutinni issuarneqarsimasunut, Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup akissuteqarnissaa allakkani 13. februar 2003-meersuni eqqaasitsissutigisimavara.

Allakkani 6. maj 2003-meersuni pisortaqarfik akissuteqaqqullugu eqqaasitsissuteqarfigeqqissimavara.

Pisortaqarfiup allakkani 10. juni 2003-meersuni akissuteqarfigaanga meeqqat atuarfii pillugit Inatsisartut peqqussutaanni § 56 naapertorlugu sunngiffimmi sammisassaqartitsinermik allaffissornikkut aqutsineq pillugu Namminersornerullutik Oqartussat kommunillu akornanni isumaqatigiis-suteqartoqarsimanngitsoq.

Ulloq 25. august 2003 pisortaqarfimmut allappunga:

”Oqaaseqaatinni 15. november 2000-imeersumi Ombudsmandi pillugu inatsimimi § 11 naapertorlugu Inatsisartut Naalackersuisullu nalunaarfigisimavakka sunngiffimmi sammisassaqartitsinermut pisortanik atorfinitsitsisinnaatitaanerup tungaa ersernerlunnertaqartoq.

Maanna maluginiarpara kulturikkut ingerlatsineq sunngiffimmilu sammisassa-qartitsineq pillugit Inatsisartut peqqussutaanni nr. 10-mi, 21. maj 2002-meersumi, 1. juli 2002-mi atuutilersumi, § 2, imm. 3 malillugu kommunalbestyrelsip sulisussat kommunimi kulturikkut sunngiffimmilu sammisassaqartitsinikkut sulinermi ulluinarni ingerlatsisussat pisariaqartut atorfinitsissagai.

Inatsisartut peqqussutaata atortuulersinneqarnera ilutigalugu aalajangersakkat, sunngiffimmi sammisassaqartitsinermut pisortanik atorfinitsitsisinnaatitaanerup tungaanik nalorninarloqalersitsisimasut, atorunnaarsinneqarput.

Taamaattumik suliami allatigut iliuuseqaqqissanngilanga.”

**Ukiumut 2002-mut ukiumoortumik nalunaarut, immikkoortoq 6, qupp. 633 tulliilu.**

**Soqutigisaqqaqatigiiffiup pisassiissutinik agguaanermut sunniuteqarnera. (J.nr. 11.10.57.13/060-96)**

Aalisarnermut, Piniarnermut Nunalerinermullu Pisortaqarfimmit akissummik imaattumik 22. januar 2003-mi tigusaqarpunga:

”Inatsisartut Ombudsmandiata Aalisarnermut, Piniarnermut Nunalerinermullu Pisortaqarfimmut inatsisartut piniarneq aallaaniarnerlu pillugit inatsisaata allannguutissaatut siunnersuut 2002-mi ukiakkut katersuunnermi saqqummiunneqartoq 2003-mi upernaakkut katersuunnermut saqqummiuteqqinniarneqarnersoq apeqqutigalugu allagaa 23. december 2002-meersoq innersuunneqarpoq.

Ombudsmandip allakkamini nalunaarutit allanngortitat kattuffiit soqutiginnittut aalajangiiniarnermi paasiuminartitaannik paasinarnerulersitsisussat qaqugu Naalak-

kersuisunit akuerineqarnissaat naatsorsuutigineqarnersoq Aalisarnermut, Piniarnermut Nunalerinermullu Pisortaqarfimmut nalunaarutigillaqaa.

Inatsisartut piniarneq aallaaniarnerlu pillugit inatsisaata allanngortinnissaanut siunnersuummut tunngatillugu inatsisartut 2003-mi upernaakkut katersuunneranni siunnersuutip Inatsisartut 2002-mi ukiakkut katersuunneranni siullermeerneqarnerani akuerineqartutut iluseqartillugu saqqummiuteqqinneqarnissaa Aalisarnermut, Piniarnermut Nunalerinermullu Pisortaqarfiup Naalakkersuisunut saqqummiunnialersaarppaa.

Arferit angisuut piniarneqarnerannut nalunaarutit allanngortiterneqarnerannut tunngatillugu Aalisarnermut, Piniarnermut Nunalerinermullu Pisortaqarfiup Naalakkersuisunut saqqummiunnialersaarppaa inassutigalugu inatsisip allanngortinneqareerneratigut nalunaarutit akuerineqarnissaat.”

Ulloq 30. april 2003-mi pisortaqarfimmut allappunga:

”Pisortaqarfiup allagai 22. januar 2003-meersut tiguakka, taakkunanilu arfernik angisuunik piniarnermut nalunaarummi malittarisassanik allanngortiterineq piniarneq aallaaniarnerlu pillugit Inatsisartut inatsisaata 2003-mi upernaakkut ataatsimiinnermi Inatsisartunit akuerineqarnerata kingorna suliarineqassasoq naatsorsuutigineqartoq pisortaqarfiup nalunaarutigaa.

Tamanna tunngavigalugu pisortaqarfik qinnuigaara nalunaarummi malittarisassanik allanngortitaluni suliaq sumut killissimanersoq nalunaarutigeqqullugu.”

Ulloq 8. maj 2003-mi pisortaqarfiup akissuteqarfigaanga:

”Inatsisartut ombudsmandiata allagai 30. april 2003-meersut innersuussutigalugit Aalisarnermut, Piniarnermut Nunalerinermullu pisortaqarfimmiit imaattumik akissuteqassaagut.

Piniarneq aallaaniarnerlu pillugit Inatsisartut inatsisaata allanngortinneqarneranik Inatsisartut inatsisissaattut siunnersuutip akuersissutigineqareerneratigut, Pisortaqarfimmiit pilersaarutigineqarpoq Naalakkersuisunut inassuteqaammik ingerlatitsisoqassasoq, inassutigineqassalluni, arfernik angisuunik piniarneq pillugu nalunaarummik piffissami qaninnerpaami akuersissuteqartoqassasoq.

Arfernik angisuunik piniarnermik nalunaarutissamat nutaamut pisortaqarfimmiit erseqqissaatiginiarneqarpoq, kattuffittut soqutigisaqaqatigiit suliaqassap suliarinerani sumi inissisimanagerat, tikaagullinnissamat akuersissutinik suliaqarneq eqqarsaatigalugu.”

Ulloq 22. maj 2003-mi pisortaqarfimmut allappunga:

”Pisortaqarfiup allakkatigut 8. maj 2003-meersutigut nalunaarfigaanga arfernik angisuunik piniarneq pillugu nalunaarutissatut nutaatut siunnersuut pisortaqarfiup suliarinaraa, taamaaliornikkut suliamik suliarinninnermi soqutigisaqaqatigiiffiit qanoq annertutigisumik akuliutsinneqartarnissaat nalunaarummi atuuttumi nalornissutigineqartoq aqqiiviginiarlugu.

Taamaattumik suliami annertunerusumik iliuuseqaqqissanngilanga.”

**Ukiuumut 2002-mut ukiumoortumik nalunaarut, immikkoortoq 6, qupp. 652.**

**Ulloq unnuarlu paaqqinniffimmit Namminersornerullutik Oqartus-sanit pigineqartumit soraarsitsineq atorsinnaassuseqanngitsoq. Oqartussaasup suliami peqataasinnaannginneranik apeqqut. Uppernarsaatissat amigaateqarnerat, suliami illua'tungiusup isumaanik tusarniaasimanninneq inatsiseqartitsinermilu apeqqutip suup pineqarneranik aalajangersaasimanninneq. (J.nr. 11.03.21.01/105-99)**

Ombudsmandi pillugu inatsimmi § 11 naapertorlugu Naalackersuisunut (Inatsisartunullu) nalunaaruteqarninnut akissuteqarnissaq Ilaqutariinnermut Pisortaqarfimmut allakkani, assilineri Inatsisartut Inatsisit Atortinneqarnerannut Ataatsimiititaliaannut nassiunneqartuni, 20. januar 2003-meersuni eqqaasitsissutigeqqippara.

Ilaqutariinnermut Pisortaqarfimmit akissummik 14. januar 2003-meersumik imaattumik 27. januar 2003-mi tigusaqarpunga:

”Ombudsmandip allagaanut 17. december 2002-meersunut akissutitut ilisimatit-sissutigisinnaavara innarluutilinnik sullissineq tamakkerlugu Pisortaqarfiup maanakkorpiaq tunngaviusumik naliliiffiginialermagu.

Pisortaqarfiup naatsorsuutigisimagaluarpa 2002-p ingerlanerani innarluutilinnut susassaarfik tamarmiusoq inatsisinut iluarsiissutinik annertuumik allannguineramik naliliineq taanna inerneqassasoq. Ajoraluartumilli ilimageqqaarneqartumit suliaasaq annertunerusimavoq, taamaattumillu suliaasaqarfimmut tamarmut inatsisit allannguutaat siusinnerpaamik 2004-mi saqqummiunneqarsinnaassallutik. Inatsimmi maannakkut atuuttumi sanngiiffittut tikkuarneqartunik manna peqatigalugu allanngortitsinissani Pisortaqarfiup soorunalimi naatsorsuutigaa.”

Ulloq 11. marts 2003-mi pisortaqarfimmut allappunga:

”Pisortaqarfiup allagai 14. januar 2003-meersut 27. januar 2003-mi tiguakka, taakkunanilu pisortaqarfiup Ombudsmandi pillugu inatsimmi § 11 tunngavigalugu nalunaaruteqarnera aallaavigalugu innarluutilinnut tunngasuni inatsisitigut malittarisassanik atuuttunik allanngortiterineri piffissaritinneqartut naatsorsuutigineqartut nassuiarlugit.

Pisortaqarfiup oqaatigaa inatsisissatut siunnersuummik siusinnerpaamik 2004-mi saqqummiussinissamat periarfissaqartussaasoq.

Pisortaqarfiup nangilluni oqaatigaa inatsisitigut malittarisassani amigaatit nalunaarutigisakka inatsisinik allanngortiterineri aaqiivigineqarniartut.

Pisortaqarfiup akissutaata imaattunik oqaaseqaateqarnissannut pissutissaqaler-seqqippaanga:

Inatsisinik allanngortiterinerup naammassineqarnissata tungaanut, oqaaseqaatinni 24. april 2001-imeersumi nassuiaanittut, nalorniarpoq Inatsisartut pequssutaanni Naalackersuisut oqartussaasutut malittarisassanik aalajangersaasartutut nakkutilliinermilu oqartussaasutut inissisimanerat pillugu malittarisassat Naalackersuisut ulloq unnuarlu paaqqinniffinnut allaffissornikkut pingaarnerusutigut akisussaa-suunerannut sanilliullugu sunik immikkut imaqarnesut.

Aamma oqaatigaara Isumaginninnermut Naalackersuisup uannut allakkamini 14. maj 2001-imeersuni makku oqaatigigai:

”Malittarisassat massakkut atuuttut isornartorsiorneqarnerat Naalackersuisut isumaqatigaat.

Meeqqanik inuusuttunillu ikiorsiisarneq pillugu Inatsisartut peqqussutaata allangortinneqarnissaa siunertaralugu taanna misissorneqarpoq, taamaattumillu Inatsisartut 2002-mi upernaakkut ataatsimiinneranni allannguutissatut siunnersuutininik saqqummiussinikkut isornartorsiuneq illua'tungilerneqarumaarluni.

Allannguut taamaattoq inunnik annertuumik innarluutilinnik ikiorsiisarneq pillugu Inatsisartut peqqussutaanni aamma allannguutigittinneqarumaarpoq.

Allamat atatillugu oqaluserineqarsimavoq ulloq unnuarlu paaqqinniffinnik nakkutillineq Isumaginninnermut Suliffeqarnermullu Pisortaqarfimmu paaqqinniffiit taakku ingerlanneqarnerannik isumaginnittumut attuumassuteqanngitsumit ingerlanneqarpat naleqquttuussasoq. Taamatuttaaq arlaannaannulluunniit attuumassuteqanngitsumik nakkutilliisoqalernissamik siunnersuuteqartoqassappat siunnersuut taamaattoq Inatsisartut 2002-mi upernaakkut ataatsimiinneranni saqqummiunneqarumaarpoq.”

Massakkut maluginiarsimavara Naalackersuisut meeqqanik inuusuttunillu ikiorsiisarneq pillugu Inatsisartut peqqussutissaattut siunnersuutaanni Inatsisartut massakkut ataatsimiinneranni suliarineqartumi meeqqanik inuusuttunillu ulloq unnuarlu paaqqinniffiit eqqarsaatigalugit Naalackersuisut suliassaar pillugit malittarisassat atuuttut allangortinneqarnissaat siunnersuutigineqarsimanngitsoq.

Taamaattumik Naalackersuisut qinnuigaakka nassuiaqqullugu Naalackersuisut innarluutilit pillugit inatsisip allannguutissaatut siunnersuutip saqqummiunneqarneranut atatillugu innarluutilinnik ulloq unnuarlu paaqqinniffiit eqqarsaatigalugit Naalackersuisut suliassaar pillugit malittarisassaat atuuttut Naalackersuisut qanoq iliorlutik allangortinniarneraat.

Allakkat uku assilineri Inatsisartut Inatsisit Atortinneqarnerannut Ataatsimiititaliaannut nassiuppakka.”

Pisortaqarfiup allakkani 17. marts 2003-meersuni akissuteqarfigaanga:

“Isumaginninnermut tunngasunik nakkutillineq pillugu Namminersorerullutik Oqartussat nalunaarutaanni nr. 43-mi, 18. december 2001-imeersumi § 6 aamma 7-imi Naalackersuisut aalajangersaapput isumaginninnermi ulloq unnuarlu paaqqinnittarfinnik Namminersorerullutik Oqartussanit pigineqartunik ingerlanneqartunilluunniit nakkutillineq oqartussaasoqarfiit assigiinngitsunik suliallit suleqatigiiffianit isumagineqassasoq.

Nalunaarummi 1. januar 2002-mi atuutilersinneqarpoq, taamaattumillu oqartussaaffimmik agguataarineq erseqqilluinnalerluni. Taamaattumik Naalackersuisut isumaqarput maannakkorpiaq Naalackersuisut ulloq unnuarlu paaqqinnittarfinnik ingerlatsinnermut akisussaanerisa nakkutilliisutullu oqartussaanerisa akornanni apo-raattoqanngitsoq nakkutilliisussaataaneq oqartussaarfiit assigiinngitsunik suliallit suleqatigiiffianniimmat.”

Allakkani 19. september 2003-meersuni (assilineri Inatsisit Atortinneqarnerannut Ataatsimiititaliamut Naalackersuisunullu nassiuunneqartuni) pisortaqarfik imaattunik akissuteqarfigaara:

”Pisortaqarfik allakkani 17. marts 2003-meersuni nalunaaruteqarpoq pisortaqarfik ima isumaqartoq, Naalackersuisut isumaginninnermi ulloq unnuarlu paaqqinniffinnik ingerlatsinnermut akisussaasutut inissisimanerisa aammalu Namminersorerullutik Oqartussat nalunaarutaata nr. 43-p, 18. december 2001-imeersup (2002-

mi januaarip aallaqqaataani) atuutilernerata kingorna nakkutilliinermik ingerlatsinerup akornanni maannakkut akerleriissuteqartoqanngitsoq.

Tamanna pillugu oqaatigaara nalunaarut imaannaq paasinninnera malillugu ajornartorsiuteqarfiusumik, 2001-imi apriliip 24-ni oqaaseqaateqarninnut atatillugu Ombudsmandi pillugu inatsimmi § 11 naapertorlugu Inatsisartunut Naalackersuisunullu nalunaaruteqarfigisimasannik, aaqqiissuteqarfiginninngitsoq.

Aammattaaq isumaqarpunga nalunaarummi oqaatigineqartumi, pisortaqaarfiup innersuussutigisaani, §§ 6-ip aamma 7-ip inatsisitigut imarisaat erseqqarluttuusut.

Matuma saniatigut isumaqarpunga nalunaarutip §§-iisa 6-iannut 7-iannullu inatsisitigut tunngaviusoq nalorninartuusooq.

Ajornartorsiuteqarfiusoq Inatsisartunut Naalackersuisunullu nalunaaruteqarfigisimasara ima imaqaarpoq, annertuumik innarluutillit ikiorserneqartarnerat pillugu Inatsisartut peqqussutaata §§ 14-iani aamma 15-iani allaaserineqarluni ulloq unnuarlu paaqqinniffinnut allaffissormikkut qulliinerusumik akisussaassuseqarneq Naalackersuisuniitooq, tamannalu ilutigalugu Naalackersuisut ilaatigut aamma paaqqinniffinnik ingerlatsinikkut aningaasaqarnikkullu nakkutilliisuussasut.

Ingerlatsinermut inatsiseqartitsinermi tunngavigisassat nalinginnaasut malillugit Naalackersuisut oqartussaasutut, isumaginninnermi ulloq unnuarlu paaqqinniffinnik Inatsisartunit aqutseqquneqarsimasutut, inatsisit naapertorlugit pisussaaffiliinerungitsunik paaqqinniffinnut oqaaseqaateqarnertigut taakku isumannaatsumik ingerlannissaannut peqataanissaminnut pisussaaffeqarput (pisinnaatitaallutillu). Taamaalilluni imarisanik taaneqartunik nakkutilliisussaataitanermik, Naalackersuisut ingerlatsinermik qulliinerusutut akisussaassuseqarnerisa kingunerisaanik, piousoqareerpoq.

Tamanna ilutigalugu ingerlatsinermut inatsiseqartitsinermi tunngavigisassat nalinginnaasut malitsigaat oqartussaasoq qulliinerusooq oqartussaasunut alliinerusunut immikkut pisinnaatitaaffeqarlunilu pisussaaffeqartoq.

Taamaalilluni oqartussaasup alliinerusup aalajangiineri oqartussaasumut qulliinerusumut naammagittaalliutigineqarsinnaasussaapput, taamatuttaarlu soorlu oqartussaasup qulliinerusup oqartussaasup alliinerusup aalajangiineri naammagittaallioroqarsimannikkaluartoq misileqqissinnaallugillu allannortissinnaagai.

Aammattaaq Naalackersuisut ulloq unnuarlu paaqqinniffiit siulersorneqarnerinut ingerlanneqarnerinullu malittarisassanik aalajangersaanissaminnut Inatsisartut peqqussutaanni pisinnaatitaapput.

Tamanna tunuliaqutaralugu, nakkutilliisussaataitanerup inatsisitigut imarisaat Inatsisartut peqqussutaanni sukumiinerusumik allaaserineqarnatik, erseqqarlulluinnarsorinarpoq suliassat immikkut ittut, Inatsisartut peqqussutaata maleruameqarnissaanut Naalackersuisut oqartussaaffiginnikkut akisussaassuseqarnerannik aammalu Naalackersuisut paaqqinniffiit allaffissorneranni qulliinerusumik inissisimanagerannik malinninngereersut, suut nakkutilliisussaataitanerup imarisussaanagerai.

Ajornartorsiuteqarfiup taassuma saniatigut aammattaaq taaneqartariaqarpoq Naalackersuisut suliassap (pisumi matumani nakkutilliisussaataitanerup) ingerlanneqarnissaanut immikkut suliqartussanik toqqaanermikkut akisussaassusermik, Inatsisartut inatsisikkut Naalackersuisunut akisussaassusiliiffigisaannik, qimarratiginnissinnaanngitsut.

Nalunaarummi §§ 6-ip aamma 7-ip inatsisitigut imarisaat pillugit oqaatigaara aalajangersakkap ulloq unnuarlu paaqqinniffinnik nakkutillineq "oqartussaasoqarfiit assigiinngitsunik suliallit suleqatigiiffiannut" tunniukkaa.

Suleqatigiiffik suna tassani pineqarnerisooq erseqqarluttuusoraara.

Nalunngilara Inatsisartut peqqussutaanni nr. 14-imi, 1. november 1982-imeersumi oqartussaasoqarfiit assigiinngitsunik suliallit kommunini isumaginninnermi suliassat pillugit suleqatigiinnissaannik aalajangersagaqartoq.

Inatsisartut peqqussutaanni oqaatigineqartut malillugit suleqatigiinneq taanna kommunalbestyrelsinit isumagineqartussaavoq.

Inatsisartut peqqussutaanni kingulliullugu taaneqartumi suleqatigiiffiusussap taassuma suliassanik, suliassa qarfiusumi kommunit isumaginnittoqarfimmik aqutsinerisa avataanniittunik, suliassinnissaanut inatsisitigut tunngavissaqarsorinangilaq.

Matuma saniatigut oqartussaasoqarfiit assigiinngitsunik suliallit suleqatigiiffiink immikkut ittunik piusoqarnera ilisimasaqarfiginngilara, taamaattumillu qularutigisariaqarsoraara allamut isumaginnittussanngortitsinissaq nalunaarummi siunnerfigineqartoq taanna ilumut inatsisitigut imaqarnersoq.

Nalunaarummut inatsisitigut tunngavissaq pillugu oqaatigaara nalunaarut isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni tunngaveqartillugu atulersinneqarsimasoq.

Namminersornerullutik Oqartussat inersimasunut ulloq unnuarlu paaqqinniffiutaannik ingerlatsinermut malittarisassat annertuumik innarluutilit ikiorserneqartarnerat pillugu Inatsisartut peqqussutaanni nassaassaapput. Matuma saniatigut komunimi oqartussaasoqarfiit assigiinngitsunik suliallit suleqatigiiffiat pillugu malittarisassat taaneqareersutut Inatsisartut peqqussutaanni immikkut ittumi nassaassaapput.

Isumaqarpunga isumaginnittoqarfiup aqunneqarnera aaqqissuussaanelu pillugit Inatsisartut peqqussutaat pissutsit, immikkut inatsisiliornikkut malittarisassiuunneqarsimasut, pillugit nalunaarutininik atulersitsinertigut tunngaviutinneqarsinnaanngitsoq.

Taamaattumik paasinninnera allakkani 11. marts 2003-meersuni ersersissimasaara aalajangiusimaannarpara, tassalu pisinnaatitsinerni ataasiakkaani, matumunnga aamma nakkutilliisussaataitaaneq ilanngullugu, taakkunani annertuumik innarluutilit ikiorserneqartarnerat pillugu Inatsisartut peqqussutaat malillugu Naalakkersuisut pisinnaatinneqarneriniittuni sorpiaat eqqarsaatigineqarnerat paasisinnaanngikkiga, inatsisit malillugit tunngavigisassat, inatsisitigut aalajangersagaanngitsumik tunngaveqarnermut atuuttut, allaaserineqartut naapertorlugit Naalakkersuisut pisinnaatitaanerisa qanoq paasisariaqarnerinik nassuiaasariaqarnerma saniatigut.

Taamaattumik aammattaq pisorta qarfik qinnuigaara nalunaarfigeqqullunga Naalakkersuisut oqaatsitigut erseqqarlutsitsineq taanna suli inatsimmik allanngiunnikkut paasinarsarniarneraat, soorlumi pisorta qarfik siusinnerusukkut taamatut nalunaarutiginnissimasoq, taamaassappallu inatsisissatut siunnersuutip qaqugu saqqummiunneqarnissaa ilimagineqarsinnaanersoq.”

Pisorta qarfiup suliami akissuteqarnissaa allakkani 20. november 2003-meersuni eqqaasitsissutigaa.

Ukiup nalunaarusiuunneqartup naanerani pisorta qarfimmit tusagaqarsimanngilanga.

**Ukiunut 2002-mut ukiumoortumik nalunaarut, immikkoortoq 6, qupp. 653 tulluilu.**

**Akiliisitsiniarnermik suliaqarneq. Naafferartumik akilersuinissamik aalajangersaanermi periaasiusoq. (J.nr. 11.64.20.8/010-98)**

K Kommuniip akissutaannik imaattumik 10. januar 2003-mi tigusaqarpunga:

”Allakkat ullulerneqarsimasut 20-12-2002 innersuussutigalugit qulaani pineqartup K Kommunimi pilersuisussaatitaanermut akiligassaasa sinneri pillugit, matumuuna nalunaarutigissuarput inunnik isumaginnittoqarfimmiit, pineqartullu siusinaartumik utoqqalinersiuteqarnera pissutigalugu qinnuteqaassunneqarnikummat akiligassat isumakkeerneqarnissaannik.

Qinnuteqaallu akissuteqarfigineqarnikuulluni ukiumi ataatsimi uninngatikkallar-neqarnissaanik, tamannalu tunngavigalugu K Kommunimit tusarnissarput april 2003-p naanissaata missaa utaqeqqaarallartariaqarlutigu qanoq aalingiiffigineqar-nissaa paasereerutsigu suliap qanoq ingerlateqperiarnissaa aalingiiffigissuarput.

Erseqqissaatigissuarput akiliisitsiniartarfimmi suleriaaseqaratta akiligassalik ag-gersarneqaraangat illuatungeriilluta isumaqatigiissusiortarluta akissarsianit ilan-gaasiortortoqassanersoq, imaluunniit nammineq kommunip karsiatigut akilersuiso-qassanersoq.

Ilanggullugu nassiupparput K Kommunip qinnuteqaammut akissutaata assilinera (kopia).”

K Kommuni 17. januar 2003-mi akissuteqarfigaara:

”Kommunip allakkannut 20. december 2002-meersunut akissutaanik 10. januar 2003-mi tigusaqarpunga.

Kommunip akissummini nassuiaateqarfigaa A-p akiligassanut kinguaattoorutininik akilersuinissaminik ukiumik ataatsimik kinguartitsigallarnissaa kommunip akuersis-sutigisimagaa.

Oqaatigaara suliame oqaaseqaatigisanni inassuteqaateqarnera, allakkanni 20. de-cember 2002-meersuni uteqqissimasara, suliamut A-mut tunngasumut immikkut tunngatinneqanngimmat.

Kommunip akiligassanut kinguaattoorutininik naafferartumik akilersuisarneq pil-lugu sulianik suliaqarnerminik imatut aaqqissuinissaanik inassuteqaateqarnera tas-sani pineqarpoq, kommunip akilersuinissamik aaqqiissummik aalajangersaanerup akissarsianit ilanngartuinikkut, nalinginnaasumik akiliinikkut allatulluunniit ilior-luni naammassineqartussaanaera apeqqutaatinnagu aalajangiissasoq.

Taamaalilluni tassani pineqarpoq kommunip piunasaqaatigisinnaanngikkaa aki-lersuinissamik aaqqiissuteqarneq akilersuutit akissarsianit ilanngartuinikkut aki-lerneqassasut.

Taamaalilluni akilersuinissamik aaqqiissummik aalajangersaasoqaraangat aatsaat akissarsianit ilanngartuinissaq eqqartorneqalersinnaavoq.

Taamaattumik kommuni qinnuigeqqippara akiligassanut kinguaattoorutit akissar-sianit ilanngartuinikkut akilersinneqartarnerisa akilersuinissamik aaqqiissummik aa-lajangersaanermik apeqqummut atatillugu naammassineqartannginnissaa siunerta-lugu kommunip qanoq iliuseqalersaarneranik nalunaarfigeqqullunga.”

Kommunip akissutaanik imaattumik 5. februar 2003-mi tigusaqarpunga:

”Allakkat ilissinnit maanngaaniillu uteqattaaginnalerput naafferartumik akiler-suisitsarneq pillugu, naak suleriaatsimik siunnersuinersi suliatsinni ingerlakkippit allakkiatsinni kingullerni 10. januar 2003-meersuni ersersereerippit.

Tassa imaappoq, akiligassalik maanngaaniit allaffigisarpaput akiligassai akileq-qullugit, allakkani akileeqqusissutini ilisimatitsissutigisarpaput akiitsut ataatsikkut akilersinnaanngikkaanni periarfissaqartoq Akiliisitsiniartarfimmut saaffiginnilluni naafferartumik akilersuisinnaaneq. Akiligassalillu saaffiginnikkaangat soorunami isumaqatigiissuteqarnikkut aaliangerneqartarpoq naafferartumik akilersuinissaa sukkut ingerlanneqassanersoq.

Massakkullu akilersueriaatsit assigiinngitsut sisamanngornikuupput, tassa akiligassalik akiliiniaruni/akilersuiniaruni nammineerluni karsikkut akiliisinnaavoq, imaluunniit giro/bankiluunniit aqutugalugu akiliisinnaalluni, aamma akissarsianiit ilanngaatsissinnaavoq, kingullertullu nutaaq atuligarput "Betalingsservice"-ikkut akiligassat akilerneqarsinnaapput."

Akilerartarnermi Pisortaqarfiup allakkakka 9. oktober 2002-meersut 20. februar 2003-mi akissuteqarfigai:

"Ombudsmandip allagaanut ... akissutitut Akilerartarnermi Pisortaqarfiup ilisimatitsissutigisinnaavaa suliami killiffiusoq allangorsimanngitsoq, tassami Akilerartarnermi Pisortaqarfimmut ilisimatitsissutigineqarmat Eqqartuussisoqarneq pillugu Ataatsimiititaliarsuup suliani inaarsimagaa, taamaammatt Kalaallit Nunaanni eqqartuussisarnermik inatsimmut allannguutissatut siunnersuutip inatsissatut siunnersuutip Inatsisartuni, 2004-mi ukiakkut ataatsimiinnermi ilimagineqartumik, politikkikkut oqaluuserineqarnissaa utaqqimaartariaqassavaa." (Atorfeqarfimmi nutsigaavoq.)

Akilerartarnermi Pisortaqarfimmut 29. april 2003-mi allappunga:

"Akilerartarnermi Pisortaqarfiup akissutaa imatut paasivara pisortanit akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaata allannguutissaatut siunnersuutip saqqummiutinnginnerani Kalaallit Nunaanni eqqartuussisarneq pillugu inatsisip allangortinneqarnissaa pisortaqarfiup utaqqimaarniaraa.

Inatsisissatut siunnersuutip Inatsisartunut qaqugukkut saqqummiuttariaqarneranik naliliineq sulininnut sinaakkutassarititaasut avataanniippoq.

Taamaattumik suliami tunngavissaq pigineqartoq tunngavigalugu annertunerusumik iliuuseqaqqissanngilanga.

Taamaattorli pisortaqarfimmut malugeqqullugu oqaatigaara Inatsisartut inatsisaanni § 3 Inatsisartut inatsisaata taassuma allangortinneqarnissata tungaanut pisariaqarfiatigut allakkanni 9. oktober 2002-imeersuni oqaatigisakka naapertorlugit paasisarniariga."

Tamatumunnga peqatigitillugu K Kommunimut allappunga:

"Allakkannut 17. januar 2003-meersunut kommunip akissutaa 5. februar 2003-meersut tiguara.

Kommunip akissutaa imatut paasivara akiitsut naafferartumik akilersorneqarnissaannik aalajangiinnermini naafferartumik akiliutit aalajangersimasumik akilerneqartarnissaat kommunip piumasqaatigisannngikkaa.

Taamaattumik suliami inassuteqaatinnut atatillugu annertunerusumik iliuuseqaqqissanngilanga.



Taamaattorli oqaatigaara naafferartumik akilersuinissaq innuttaasunut isumaqatigiissutitut kommunip aalajangersaraluarpaguluunniit isumaqatigiissutit pillugit inatsiseqartitsinermi malittarisassat atorneqarnerat pineqanngimmat, innuttaasut akiliinissamut pisussaaffeqarnerat inatsisitigut aalajangersagaappat, imaluunniit ”isumaqatigiissut” kommunip akissarsianit unerartitsisinnaanera, qularnaveeqqusiussatut arsaarinnessinnaanera ilanngaassisinnaaneraluunniit pillugu aalajangersakkanik imaqarpat.

Tamatuma paarlattuanik pineqartoq tassaavoq naafferartumik akilersuinissamik aaqqissuussineq, ingerlatsinermik inatsiseqartitsinermi malittarisassatigunnaq aalajangersaavigineqartoq, matumani eqqartuussisarneq pillugu inatsimmi pinngitsaaliissummik naammassinnitarneq pillugu malittarisassat aamma suliassat suliari-neqartarnerat pillugu inatsit ilanngullugit eqqarsaatigalugit.”

**Ukiumut 2002-mut ukiumoortumik nalunaarut, immikkoortoq 6, qupp. 659 tullialu.**

**Suliani tapiissuteqarnermut tunngasuni, qinnuteqareersimanissamik piomasaaqateqarfiumngitsuni, aalajangiinerit ilusissaannut piomasaaqatit. (J.nr. 11.24.20.0/144-98)**

K Kommuni inassuteqaatinnut akissuteqaqqullugu 12. februar 2003-mi nukingisaaruteqarfigaara. K Kommunimit akissummik tigusaqanngiinna-rama allakkatigut 12. maj 2003-meersutigut K Kommuni nukingisaaruteqarfigeqqippara. Tamatumunnga peqatigitillugu malugeqqullugu oqaatigaara kommuni inassuteqaatinnut akissuteqanngippat K Kommuni eqqarsaatigalugu suliannik ingerlatsisinnaannginnera Inatsisartut Inatsisit Atortinneqarnerannut Ataatsimiititaliaannut kiisalu Kalaallit Nunaanni Naalakkersuisunut nalunaarutigissallugu isumaliutersuutiginiariga.

K Kommuni 1. oktober 2003-mi Inatsisartut Inatsisit Atortinneqarnerannut Ataatsimiititaliaannut aamma Kalaallit Nunaanni Naalakkersuisunut nalunaarutigaa. Tamanna ilutigalugu Inatsisartut Inatsisit Atortinneqarnerannut Ataatsimiititaliaat qinnuigaara ataatsimiititaliaap suliannut akuliunnissani kissaatiginneraa nalunaarfigeqqullunga. Aammattaaq Kalaallit Nunaanni Naalakkersuisut qinnuigaakka Naalakkersuisut nalunaarutiginninnera pillugu qanoq iliuuseqassamaarnersut nalunaarfigeqqullunga.

Kalaallit Nunaanni Naalakkersuisut nalunaarutiginninninnut akissuteqarnissaat 15. december 2003-mi nukingisaarutigaa, ullorlu taanna Inatsisartut Inatsisit Atortinneqarnerannut Ataatsimiititaliaat tamatuminnga paasissutissillugu.

**Ukiumut 2002-mut ukiumoortumik nalunaarut, immikkoortoq 6, qupperneq 661.**

**Inuusutissanik nakkutilliinermut atatillugu aalajangiinerup qanoq paasisariaqarnera. Immikkut akuersissuteqartarnermut inatsisitigut tunngavissaqarneq pillugu apeqqut. Nakkutilliinermut allaffissornikkut malittarisassanik naammaginatunik aalajangersaasussaataaneq. (J.nr. 11.52.10.1/066-00)**

Allakkani 2003-mi martsip 13-ianeersuni aamma maajip 21-aneersuni pisorta qarfik qinnuigisimavara inatsisitigut allaffissornikkullu allannguutissatut eqqarsaatigineqartut naammassippata paasissutisseqqullunga.

Pisorta qarfik allakkani 28. maj 2003-meersuni ilaatigut imaattunik nalunaaruteqarpoq:

”...

Matumuuna neriorsorpatsigit tamanna piniariarpat ilisimatinneqarumaartutit.

Maannakkorpiaq suliap killiffia tassaavoq allaffissornikkut allannguutit qangali naammassereersimallutik, taamaasilluni aalajangiinerit tamarmik naammagittaalliorsinnaanermut allakkamik ilitersuutitaqartinneqartarlutik kalaallisut qallunaatullu. Inatsisitigut allannguutissat oqaasertaliorneqareerput nutserisoqarfimmilu nutsigassanngortinneqarlutik. Nalunaarummut allanngukkamut siunnersuut kalaallisut qallunaatullu naammasseriarpata attuumassuteqartunut tamanut tusarniaassutigalugu nassiussuunneqassaaq, kingornatigullu Naalakkersuisunut saqqummiunneqassalluni akuerineqarnissaanik inassutitalerlugu.

Naalakkersuisut allannguummik akuersissuteqareerpata, tamanna pillugu ilisimatinneqarumaarputit.” (Atofeqarfimmi nutsigaavoq.)

Ukiup nalunaarusiuunneqartup naanerani pisorta qarfiup ilisimatitsisutaanik tigusaqarsimanngilanga.

**Ukiunut 2002-mut ukiumoortumik nalunaarut, immikkoortoq 6, qupp. 663 tulliilu.**

**Nunagisaq qimannagu ilinniartitsisunngorniarfimmi ilinniartunngornissamat atugassarititaasunik inatsisinik unioqputitsisunik aalajangersaasimaneq pillugu apeqqut. Ilinniartitaanissamik qinnuteqaateqartunut Namminersorerullutik Oqartussat pisussaaffii. (J.nr. 11.03.75.01/072-99)**

Kultureqarnermut, Ilinniartitaanermut, Ilisimatusarnermut Ilageeqarnermullu Pisorta qarfiup 2002-mi maajip 29-ni aamma septembarip 3-ani saaffiginnissutigisartakkannut akissuteqarnissaa 28. februar 2003-mi eqqaasit-sissutigeqqippara.

Akissummik tigusaqanngiinnarama allakkani 20. maj 2003-meersuni Inatsisartut Inatsisit Atortinneqarnerannut Ataatsimiititaliaat matuminnga nalunaaruteqarfigaakka.

Pisorta qarfiup 26. maj 2003-mi akissuteqarfigaanga:

”Allakkatit nr. 8765 20. maj 2003-imeersut Naalakkersuisunut ingerlatinneqarsimasut Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup tiguai.

Allakkanni saqqummiuppat isumaqarlutit ilinniartitsisunngorniarnermi siammartitami malittarisassani amigaatitit isigineqarsinnaasoq kommunit timelærerinik atorfinitsitsinnaasutut oqartussaaffiat ilinniartunngorsinnaanermut piumasaqaatinut ataqatigiissarneqarsimanngimmat, kommunimmi ullumikkut taamaalillutik innuuttaasunik ilinniagaqarnerminnut atatillugu ilinniarfiup siunertaanut attuumasuteqanngitsunik timelærerinngorniartunik inatsisunik unioqqutitsinatik itigartitsinnaassammata. Taamaattumik Naalakkersuisut nalunaaruteqaqquatit tamanna qanoq iliuuseqarnissamat pissutissaqalersitsinersoq.

Pisortaqarfiup oqaatigissavaa Meeqqat atuarfianni ilinniartitsisussanik ilinniartitsineq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, ulloq 31. maj 2001-imeersumi malittarisassani ersarisumik allassimammat ilinniartitsisussatut ilinniarnissamat siammartitamut ilinniartunngortitaanissamat piumasaqaataammat qinnuteqartup ilinniarnermi nalaani meeqqat atuarfianni timelæreritut atorfeqarnissani qularnaarsimassagaa. Tamanna § 3, imm. 1 nr.-imi nutaami takuneqarsinnaavoq. Tamanna aamma Namminersornerullutik Oqartussat nittartagaanni Sunngumi takuneqarsinnaavoq.

Taamaalilluni pisortaqarfiup isumaa naapertorlugu siunissami nalaanneqarsinnaassanngilaaq inuk ataaseq ilinniartitsisunngorniarnermi siammartitami ilinniartunngortoq, kisiannili ilinniarnini ingerlassinnaanagu, pineqartoq timelæreritut atorfinitsinneqarsinnaannginnini pissutigalugu.

Pisortaqarfik isumaqarpoq meeqqat atuarfianni timelærerit ilinniartitaanerat pilugit inatsisartut peqqussutaanni allannguinerup kingorna annertunerusumik qanoq iliuuseqartoqarnissaanut pissutissaganngitsoq.”

Ulloq 11. september 2003-mi pisortaqarfimmuut aallappunga, assilineri Inatsisit Atortinneqarnerannut Ataatsimiititaliaannut nassiullugit:

”Ombudsmandi pillugu inatsimmi § 11 malillugu 18. december 2001-imi oqaaseqaatinni Inatsisartut Naalakkersuisullu nalunaarfigaakka ”najugaq qimannagu ilinniartitsisunngornianik ilinniartitsineq pillugu malittarisassat nassatareratarsinnaagaat pissutsit ilinniarnermut attuumasuteqanngitsut pissutigalugit ilinniagaqartut ilinniarnermik naammassinnissinnaajunaarnerat”.

Nalunaarutiga ima isumaqarnerup kinguneraa, najugaq qimannagu ilinniartitsisunngornianik ilinniartitsinermut akissussaassuseq Ilinniarfissuarmiittoq, akerlianili ilinniartunik atorfinni, ilinniarnermut ilaasutut ilaatinneqartuni, atorfinitsitsinermut pisinnaatitaaneq kommunalbestyrelsiniittoq.

Oqaaseqaatinni paasivara taamatut ilusiliilluni isuma meeqqat atuarfiini ilinniartitsisussanik ilinniartitsineq pillugu Inatsisartut peqqussutaata allanngortinneqarneranik Inatsisartut peqqussutaanni nr. 2-mi, 31. maj 2001-imeersumi atatiinnarneqarsimasoq.

Pisortaqarfiup 26. maj 2003-mi allakkatigut akissuteqarfigaanga inatsimmik 2001-imi allannguineq, kialuunniit timelæreritut atorfinitsinneqannginneq pissutigalugu najugaq qimannagu ilinniartitsisussatut ilinniartinneqarnermik naammassinninngitsuisinnaajunnaarsinneqarneranik nassataqartoq, eqqarsaatigalugu pisortaqarfik isumaqartoq allatigut iliuuseqarnissamat tunngavissaqanngitsoq.

Innuttaasut ilinniartitsisussatut ilinniartitaanermut ilinniartussatut tiguneqarsimasut inatsisip allanngortinneqarnerata kingornagut ilinniarnerp sulinertaata naam-

massineqarsinnaannginneranik eqqorneqannginnissaannik pisortaqarfiup isumaqarnera isumaqatigisinnaagaluarpara.

Kisiannili ilinniartitaanermi ilinniartussatut tigutinnissamut timelæreritut atorfinitsinneqarnerup atugassarititaalernerata kinguneraa, kommunit aalajangiisinnaalernissaat timelæreritut atorfirmut qinnuteqaateqartut (inatsisunik unioqutitsinerunngitsumik) atorfinitsinniarnagit, pineqartup ilinniartitaanermi ilinniartussatut tiguineqarsinnaannginneranik kinguneqartumik.

Taamaattumik inatsisitigut pissusiusut, Inatsisartunut Naalakkersuisunullu nalunaarutinni allaaserisimasakka, eqqarsaatigalugit ajornartorsiuteqarfiusoq ilumut allanngunngitsutut oqaatigisariaqarpoq.

Tamatumunnga peqatigitillugu atuarfik pillugu Inatsisartut peqqussutaat nr. 8, 21. maj 2002-meersoq aqutigalugu meeqqat atuarfiannik aqutsineq pillugu malittarisassat nutaat atuutilersinneqarnerat pineqarpoq.

Inatsisartut peqqussutaanni § 38, imm. 2 malillugu kommunalbestyrelserip meeqqat atuarfianni ilinniartitsisut atorfinitsittussaavai, Namminersornerullutik Oqartus-sanut qulliunerullutik oqartussaasunut naammagittaalliutiguineqarsinnaanngitsumik.

Inatsisartut peqqussutaanni § 32 malillugu kommunit atuarfirmik ingerlatsinerannik Naalakkersuisut nakkutilliisuupput. Nakkutilliisuunissamut pisussaaffik, peqqussutissap piareersarneqarluni suliarineqarnerani erseqqinnerusumik allaaserineqarsimannitsoq, ingerlatsineq pillugu inatsiseqartitsinermi nakkutilliineq pillugu nalinginnaasumik malittarisassat malillugit paasineqartariqarpoq.

Taamaattumik ullumikkut ajornartorsiuteqarfiusoq imatut eqikkarneqarsinnaavoq, Naalakkersuisut (tamatumani aamma Ilinniarfissuaq) ilinniartitsisunngorniar-tunik ilinniartitsisunermut akisussaasuusutut, najugaq qimannagu ilinniartitsisunngor-niarnermut ilinniartussatut qinnuteqaateqartut ilinniarnermut tigutinnissamut pis-ariaqartumik timelæreritut atorfinitsinneqarsinnaanerata namminneq nakkutigissallu-gu suliaasaqarfisamittut isiginngikkaat (isigiunnaaraat).

Meeqqat atuarfianni ilinniartitsisussanik ilinniartitsineq pillugu Inatsisartut peq-qussutaata maannakkut oqaasertaqartinneqarnera eqqarsaatigalugu, isumaqarpunga qinnuteqaateqartunut ataasiakkaanut ilinniartitsisutut atorfinnik isumaginninnissa-mut Naalakkersuisut taamatut pisussaaffeqarnissaata Inatsisartunit naatsorsuutigi-neqarsimanissaa isummerfigissallugu inatsisitigut naammattumik tunngavissaqan-ngitsoq.

Meeqqat atuarfiat pillugu Inatsisartut peqqussutaanni kommunit ilinniartitsisunik atorfinitsisunermut oqartussaanerata pillugu malittarisassat ilinniartitsisunngorniar-lutik ilinniartussanik tigooraasarneq pillugu malittarisassanut ataqatigiissunngortit-tariaqarnersut matuma kingornagut politikkikkut apequtaalerpoq, isummerfiginis-saa uanga sulininni susassarisama avataaniittoq.

Kisiannili Naalakkersuisut Ilinniarfissuarlu ilinniartitsisunngorniar-tunik ilinniar-titsisunermut qulliullutik suli akisussaasuummata, isumaqarpunga qularnaateqanngit-soq Naalakkersuisut tamanna tunngavigalugu suliap isummerfiginissaanut pisus-saaffeqartut, nuna tamakkerlugu imaluunniit tamanut tunngatillugu timelæreritut atorfinnik kommuninut ataasiakkaanut pisariaqartitanik pissarsiniarneq ajornartor-siuteqarfifulissappat, najugaq qimannagu ilinniartitsisunngornianik ilinniartitsineq piuviusunngortikkumallugu.

Tamatumunnga peqatigitillugulu pineqartoq tassaavoq kommunit ilinniartitsisu-nik atorfinitsisunermut ingerlatsinerata Naalakkersuisunit nakkutigineqarnera.

Kingulliullugu oqaatigineqartup nassataraa Naalakkersuisut pisariaqaleraangat nakkutilliisuulluni oqartussaanerup killissarititaasa iluanni kukkunerup aaqqinniar-nissaanut pisussaaffeqartut, Naalakkersuisut kommuni inatsisinut akerliusunik

timelærerit ut atorfirmut qinnuteqaateqartup atorfinitsinnissaanik itigartitsisoq paasissagaluarunikku.

Naalakkersuisut meeqqat atuarfianni ilinniartitsisussanik ilinniartitsineq pillugu Inatsisartut peqqussutaannut innersuussillutik pisussaaffik taanna naammassinngitsoorsinnaassanngilaat.

Tamatuma kingornagut Naalakkersuisut pisussaaffiit taaneqartut eqqortissagaat naatsorsuutigakku, suliame allatigut iliuuseqaqqissanngilanga.”

## **Ukiumut 2002-mut ukiumoortumik nalunaarut, immikkoortoq 6, qupp. 674 tullililu.**

### **Akileraarutit sinneqartoorutaannit, aappariit ataatsimut akileraarussikkat pisassaannit, pinngitsaaliinikkut akiliisitsiniarsinnaatitaanermik apeqqt (J.nr. 11.10.42.10/065-00)**

Allakkani 11. februar 2003-meersuni Akileraartarnermi Pisortaqarfiup 3. september 2002-mi allakkannut akissuteqarnissaa eqqaasitsissutigisimavara.

Pisortaqarfiup allakkani 17. februar 2003-meersuni akissuteqarfigaanga:

”Ombudsmandip allagaanut 11. februar 2001-meersunut akissutitut Akileraartarnermi Pisortaqarfiup ilisimatitsissutigisinnaavaa inatsisiliornissamik suliniuteqarsinnaanissaq sulii isummerfigineqarsimanngitsoq, ajornartorsiuteqarfiusulli akileraarutini aqqissuusseqqinnissaq Naalakkersuisunit ilimasaarutigineqartoq pillugu politikikkikkut isumaliutersuutigisanut ilaatinneqarnissaa naatsorsuutigineqartoq.” (Atorfeqarfimmi nutsigaavoq.)

Akileraartarnermi Pisortaqarfimmut 24. september 2003-mi allappunga:

”Uiusup/nuliaasup akileraartartup akiitsuinik akileraarutinit utertoortissanit ilanngaassinnaatitaaneq pillugu inatsisitigut maleruagassanik aalajangersaasoqas-saneranik apeqquummik akileraarutini iluarsaaqqiinerme pisussami naliliisoqarumaaneranut atatillugu pisortaqarfiup paasissutissiissutaanik 20. februar 2003-mi tigusaqarpunga.

Ilisimatitsissutigineqartut tusaatissatut tiguakka, matumalu kingornagut suliame annertunerusumik iliuuseqaqqissanngilanga.

Taamaattorli ilisimatitsissutigigaara inatsisitigut pissusiusut inatsisiliornermik sullisutiginninnikkut imaluunniit eqqartuussinerme apeqquummik aalajangersimasumik aalajangeeriaatsikkut erseqqissisinneqarsinnaalernissaasa tungaannut manna aallavigisarumaariga, uiusup/nuliaasup akileraarutinit utertoortissaani akiliisitsiniartarnerup inatsisinut naapertuussuseqarneranut aalajangiisuujumaartoq akileraarutit utertoortissat ilaat pineqartut uiusup/nuliaasup aningaasarsiaanut tunngatinneqarsinnaanerat uppernarsarneqarsinnaanersoq.”

## **Ukiumut 2002-mut ukiumoortumik nalunaarut, immikkoortoq 6, qupp. 678 tullialu.**

**Isumaqatigiissutinik isumaqatigiinniuteqarnernut atatillugu suliamik suliaqarnermi sivilisunaarsineq. (J.nr. 11.32.10.1/052-01)**

Atuartitsisunut sulinerup sivilisussusissaanik isumaqatigiissummut nutaamut missingersuummik pisorta qarfiup Aqutsinermut Pisorta qarfimmu nassiussisimanera pillugu pisorta qarfiup 16. oktober 2002-mi oqarasuaatikkut paasisutissiissuteqarnera tunngavigalugu pisorta qarfiup suliami paasisutissiissuteqarnissaa allakkani 13. marts 2003-meersuni eqqaasitsisutigisimavara.

Aammattaaq pisorta qarfiup oqarasuaatikkut paasisutissiineri ilisimatitsisutigaa pisorta qarfiup isumaliutersuutigisaanut pissutsit, isumaginninnermi sunnersortinnornianik ilinniartitsinerup 2003-p aallartinnerani inuussutissarsiutinik ilisimatusaateqarnermik ilinniartitaaninngorlugu allanngortitsiniarnermut tunngasut ilaasut. Tamatumunnga atatillugu atuartitsisunut atorfeqartitanut taakkununnga sulinerup sivilisussusissaanik isumaqatigiissut nutaarlunnaq, allanngortitsinerumullu naleqqussagaq suliarineqartussaavortaaq.

Allakkani 21. maj 2003-meersuni pisorta qarfik akissuteqarnissamik eqqaasissimavara.

Pisorta qarfiup 30. maj 2003-mi ima akissuteqarfigaanga:

”...

Pisorta qarfiup paasisitsisutiginnaavaa ISI-mi atuartitsisutut atorfeqartunut sulineri piffissaq atugassaat pillugu isumaqatigiissut sulit Aqutsinermut Pisorta qarfiup Isumaqatigiissutinut immikkoortortaqarfianiimmat.

Inunnik isumaginninnermi sunnersortinut ilinniarnep bachelorit ilinniarnep allanngortinneranut tunngatillugu oqaatigineqarsinnaavoq, allanngortiterinermik suliaq maanna ima siuartigisimammal nalunaarummut nutaamut sunnersuut maani pisorta qarfimmi 5. juni 2003-mi ataatsimiinnissami suliffeqarfinni pisortanut attuumassuteqartunut saqqummiunneqartussaalluni. Naatsorsuutigineqarpoq nalunaarutip suliarineqarnera tamatuma kingorna piaarnerpaamik naammassineqassasoq.” (Atorfeqarfimmi nutsigaavoq.)

Allakkani 17. juni 2003-meersuni pisorta qarfiup akissuteqarnissaa eqqaasitsisutigaa, tassami ilaatigut ima allakkama:

”...

Malugeqqullugu oqaatigaara 11. oktober 2001-imi oqaaseqaatigisara tunngavigalugu isumaqartunga piffissaq suliffiususaaq pillugu isumaqatigiissutip nutaap isumatigiinniutigineqarnerata pisorta qarfimmi ilinniartitsisut isumaqatigiissummit eqqorneqartussat atorfeqarfigisaannit allaasumi ingerlanneqarsinnaanera isumaqatigiinniarnissamut pinnaatitaanerup isumaqatigiinniarnissamullu pisussaaffeqarnerup aalajangersarneqarnerannut attuumassuteqanngitsoq.

Suliat oktober 1997-imi illi ingerlasimanera isiginiarlugu inassuteqaatigaara Kultureqarnermut, Ilinniartitaanermut, Ilisimatusarnermut Ilageeqarnermullu Pisorta qarfiup Aqutsinermut Pisorta qarfik isumaginninnermi sunnersortinnornianik ilinniartitsineri ilinniartitsisut piffissaq suliffigisassa at pillugu isumaqatigiissutip

nutaap pissarsiarineqarnissaa eqqarsaatigalugu piaarnerpaamik akissuteqaqqullugu nukingisaassagaa.”

Allakkani 1. juli 2003-meersuni Aqutsinermut Pisortaqarfimmut nukingisaarutitut allakkami assilinerinik pisortaqarfiup paasissutissippaanga.

Allakkani 9. oktober 2003-meersuni pisortaqarfiup suliami akissuteqarnissaa eqqaasitsissutigeqqippara.

Pisortaqarfiup akissutaanik ukiup nalunaarusiuunneqartup naanerani tigusaqarsimanngilanga.

## **7. Sulianut ukiunut siusinnerusunut nalunaarutini eqqartorneqartunut malitseqartitsineq. Suliat nammineerluni misissugassanngortitat.**

**1998-imi ukiumoortumik nalunaarut, immikkoortoq 4, qupp. 40 tul-liilu.**

### **4-3 Meeqqanut akilersuutit siumoortumik tunniukkallarneqartarnerat pillugu malittarisassat kiisalu Kalaallit Nunaanni kommunit aqutsinikkut periaaserisaata akornanni naapertuuttoqarneranik nammineerluni misissuiffigininneq. (J.nr. 11.73.10.30/060-98)**

Kommunimut 30. december 2003-mi imatut allappunga:

”Meeqqanut akilersuutit siumoortumik tunniunneqartartut tunniunneqarnissaanik qinnuteqaatinut atatillugu suliat pingasut tunngavigalugit nammineerluni misissuineramik suliaq 1998-imi aallartippara.

Misissuinermi siunertaasoq tassaavoq meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaanni malittarisassat kommuninit qanoq aqunneqarnerisa qulaajarneqarnissaat, tamannalu peqqussut naapertorlugu pisarnersoq.

Naammagittaalliummik suliap j.nr. 11.24.20.7/029-98 (pisorta qarfiup j. normua ...) suliarineqarnissaa 26. maj 1998-imi itigartitsissutigisara, malitseqartitsivigeneralu 29. november 2001-imi inaarutaasumik suliarisara tunngavigalugu nammineerluni misissuineramik suliaq unitsinniarlugu aalajangerpunga.

Isumaginninnermut Suliffeqarnermullu Pisorta qarfik naammagittaalliuut pillugu suliami 31. juni 1998-imi aperaara pisorta qarfik isumaqarnersoq periaatsinik meeqqanut akilersuutit kommunimit siumoortumik tunniunneqarnissaannut periarfissamik oqartussaasut suliami peqataasut akilersuutitik tiguisinnaatitaasumut nalunaaruteqartarnissaannik qulakkeerisut aalajangersarnissaannut pissutissaqartoq.

Pisorta qarfiup isumaliutersuuteqareerluni allakkatigut 9. november 2001-imeersutigut nalunaarutigaa pisorta qarfik isumaqartoq ilitersuutivimmik suliarinninnissaq pisariaqartinneqanngitsoq, tassami pisorta qarfiup paasinninnera malillugu kommunit meeqqanut akilersuutit siumoortumik tunniunneqartarnerat pillugu aalajangersakkat nalunngilluinnarmatigut peqqussullu naapertorlugu aqutsillutik, matumani pilersuisoq ataasiinnaatillugu kommunip tapiissuteqarnissamat pisussaaffeqarnera ilanngullugu eqqarsaatigalugu. Pisorta qarfiup akissutaa tamatuma kingornatigut tusaatissatut tiguara, naammagittaalliummillu suliap suliarineqarnera tamatuma kingornatigut unitsillugu.

Nammineerluni misissuineq manna nangeqqissanerlugu tamatuma kingornatigut isumaliutersuutigisimavara.

Ilaatigut naammagittaalliummik suliaq qulaani taaneqartoq, ilaatigullu meeqqanut akilersuutitik tunniussineq pillugu naammagittaalliuutitik taamanimiilli tigusaqarsimanninnera tunngavigalugit aalajangerpunga meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaanni malittarisassanik kommunit aqutsinerannik misissuinerma unitsinniarlugu.



Matuma kingornatigut annertunerusumik iliuuseqaqqissanngilanga, tamannalu kommuninut allakkat uku assilinerisigut ilisimatitsissutigineqarpoq.”

**Ukiumut 1999-imut ukiumoortumik nalunaarut, immikkoortoq 4, qupp. 37.**

**Kommuninut angalanernut atatillugu suliat nammineerluni misissuiffigisassat allat.**

**Sulianik akillitsiniarnermut tunngasunik misissuineq. (J.nr. 11.73.-88.73/103-99)**

Suliaq oqaaseqaatissaqarfiginagu inaarlugu suliaaraa.

**Ukiumut 2001-imut ukiumoortumik nalunaarut, immikkoortoq 4, qupp. 30.**

**Innuttaasup isumaginninnikkut inissiamik inissaqartinneqarnissami-nik qinnuteqaateqarneranut atatillugu kommunip suliamik suliarinninnera. (J.nr. 11.73.20.9/043-01)**

Suliamik suliarinninnera naammassivara, suliallu tamarmiulluni immikkoortup 5-ip ataani ilanngunneqarnissaanut pissutissaqarsimananga. Oqaaseqaatimali ilaasa issuarneqarneri ilaatigut immikkoortoq 1.3-mi, ilaatigullu immikkoortoq 3-mi suliatut nr. 3-4-tut atuarneqarsinnaapput.

**Ukiumut 2001-imut ukiumoortumik nalunaarut, immikkoortoq 4, qupp. 31.**

**Kommunip qaammatikkaartumik naatsorsuutininik nassiussinermut atatillugu innuttaasunut ilitsersuinnera. (J.nr. 11.73.20.7/075-01)**

Suliaq kommunimut 28. april 2003-mi eqqaasitsissutigaa. Suliaq 30. maj 2003-mi eqqaasitsissutigeqqippa.

Kommunip akissutaa imaattoq 5. juni 2003-mi tiguara:

”Ombudsmandip allagaasa 8312-imik normoqartut 27/01-2003-meersut, 8704-mik normoqartut 28/04-2003-meersut aamma 8812-imik normoqartut 30/05-2003-meersut tiguneqarsimanerat matumuuna uppersarsarneqarpoq, taaneqartullu siulliit marluk taama kingusitsigisukkut akineqarnerat ajuusaarutigineqarluni.

Ombudsmandip allakkani 8312-inik normoqartuni isumaliutersuutai kommunip tusaatissatut tiguai, sulili isumaqarluni ”tunuata oqaasertaani” allannguutissatut

siunnersuutigineqartut aqqutigalugit taanna akiliisitsiniarnermut tunngasuni tamani malittarisassanut naapertuuttunngortinneqassasoq.

Oqaasertat allannguutaat sapinngisamik piaarnerpaamik piuviusunngortinniarneqarput, kommunillu suliaq matuma kingornatigut inaarlugu suliarineqartutut isigaa.” (Atorfeqarfimmi nutsigaavoq.)

Kommuni 30. juni 2003-mi imatut akivara:

”Kommunip qaammammoortumik naatsorsuusiaani oqaasertaliussat allanngortinneqarnissaat pillugu kaammattuutikka kommunip malilersaanngikkai maluginiarpara.

Taamaattumik apeqqut taanna pillugu siunnissami suliaajumaartussani kommunip qaammammoortumik naatsorsuusiaasa oqaasertalersugaanerat amigaaqartooq tunngaviutittarniarpara.”

Suliap inaarnera nalunaarummi immikkoortoq 3-6-imi atuarneqarsinnaavoq.

**Ukiumut 2001-imut ukiumoortumik nalunaarut, immikkoortoq 4, qupp. 34.**

**Siusinaartumik soraarnerussutisiaqartinneqalernissaq pillugu sulianik tulleriissaarinera. (J.nr. 11.73.03.12/111-01)**

Mississuinerma inerneru immikkoortumi 3-imi, suliatut 3-7-itut eqqartorneqarpoq.

**Ukiumut 2001-imut ukiumoortumik nalunaarut, immikkoortoq 4, qupp. 34.**

**Ineqarnermut akiliutit qaffanneqarnissaannik siumut ilimasaarineq. (J.nr. 11.73.29.01/116-01)**

Suliaq inaarlugu suliarineqarpoq, oqaatigigakku A/S Inissiaatileqatigiif-fik INI-p ineqarnermut akiliutinik qaffaanissamik siumut ilimasaaruteqarnermi attartorneq pillugu malittarisassat malillugit periaatsit pillugit malittarisassanik malinninnermi saniatigut ingerlatsineq pillugu inatsiseqartitsiner-mi malittarisassat ineqarnermik akiliutit qaffanneqarnerannut tunngavilersuiner-mut atuuttut aamma malissagai.

Suliap uannut paasissutissartalersorneqarnera malillugu inissianik attartorneq pillugu Inatsisartut peqqussutaanni nr. 3-mi, 13. juni 1994-imeer-sumi missingersuusiordermi aamma ineqarnermut akiliutinik qaffaanermi malittarisassat Inissiaatileqatigiiffiup malissimanerai naliliiffigisinnaannginnakku apeqqut taanna isummerfiginngilara.

Kiisalu oqaatigaara ineqarnermut akiliutit qaffaataasa ilaat suut aningaa-sartuutitut sorlernut tunngatinneqarsinnaanersut, naatsorsuinerillu suut inissiani ataasiakkaani aningaasartuutit agguataarneqarnerannut tunngaviu-nersut Inissiaatileqatigiiffiup ilimasaarnermi allagaanit ersertariaqartoq.

Nalunaarummi immikkoortoq 5 innersuussutigineqarpoq, suliarimi tar-marmiuulluni tassani eqqartorneqarmat.

**Ukiumut 2002-mut ukiumoortumik nalunaarut, immikkoortoq 3, qupp. 31.**

**Isumaginninnikkut inissianik innersuussinermi naliliineri killiliine-rit inatsisinut akerliusut. Utaqqisut allattorsimaffiinik atuineq. (J.nr. 11.73.01.01/054-99)**

Kommuni allakkani 11. februar 2003-meersuni, 21. maj 2003-meersuni aamma 28. august 2003-meersuni suliaq pillugu akissuteqaqqullugu eqqaasippara.

Ukiup nalunaarusiuunneqartup naanerani kommunip akissutaanik sulitigusaqarsimanngilanga.

**Ukiumut 2002-mut ukiumoortumik nalunaarut, immikkoortoq 3, qupp. 35.**

**Tjenestemandip allamik atorfeqartinneqalerneranut atatillugu taarsigassarsisarfimmumut paasissutissiinissaminut Aqutsinermut Pisortaqarfiup pisussaaffeqarneranik apeqqu. (J.nr. 11.73.20.17/032-01)**

Aqutsinermut Pisortaqarfik suliaq pillugu akissuteqaqqullugu allakkatigit 24. april 2003-meersutigut, 30. september 2003-meersutigut aamma 18. november 2003-meersutigut eqqaasippara.

Ukiup nalunaarusiuunneqartup naanerani Aqutsinermut Pisortaqarfim-mik sulitigusaqarsimanngilanga.

**Ukiumut 2002-mut ukiumoortumik nalunaarut, immikkoortoq 3, qupperneq 36 tulluilu.**

**Kommunini atorfeqartitat akissarsiaannik aqutsineq. (J.nr. 11.73.20.-10/057-02)**

K Kommuni allakkatigit 27. februar 2003-meersutigut makkuninnga eqqaasippara:

”Oqaaseqaatinni 21. november 2002-meersuni kommunimut imaattunik inassuteqaateqarpunga:

Akissarsisitsineq 04/00, 27. april 2000-imi tunniussiviusoq pillugu:

- akissarsianit ilanngaassinerit taamaattut inatsisitigut tunngavissaqanngitsut pisannginnissaat kommunip qulakkiissagaa.

Akissarsisitsineq 08/00, 31. august 2000-imi tunniussiviusoq pillugu:

- akissarsisitsineq 08/00 kommunip naatsorsoqqissagaa, atorfimmillu atorfimmu allamut nuunnerup kingunerisaanik akissarsiat aaqqiissutaasa inernerat pillugu immikkut nassuiaat kommunip A-mut tunniutissagaa.”

Kommuni allakkatigut 24. september 2003-meersutigut suliaq pillugu eqqaaseqqippara.

Ukiup nalunaarusiuunneqartup naanerani kommunip akissutaanik sulii tigusaqarsimanngilanga.

#### **Ukiuumut 2002-mut ukiumoortumik nalunaarut, immikkoortoq 4, qupp. 41 tullialu.**

#### **Illuliornermut tapersiisarfirmmit taarsigassarsisitsinermit atatillugu A/S Inissiaatileqatigiiffik INI-p pisinnaatitaanera. (J.nr. 11.73.35.05/004-02)**

Inissiaatileqatigiiffiup 12. februar 2003-mi nalunaarfigaanga qinnuteqarnermi immersugassami taaneqartumi piumasaqaatit taaneqartut piffissamit illuliornermut tapersiisarnerup naalagaaffimmit suliassaagallarnerata nalaanit ingerlateqqitaasut, tamatumunngalu peqatigitillugu Grønlands Tekniske Organisation taamani tassaasimalluni Kalaallit Nunaanni illoqarfiit nunaqarfiillu amerlanersaanni kisiartaalluni entreprenøritut suliffeqarfiusoq. Inissiaatileqatigiiffiup aamma oqaatigaa piumasaqaatit taaneqartut taakku taamaalillutik piviusunik ullumikkut imaqanngitsut, Inissiaatileqatigiiffimmi sanasunik atorfeqartitaqanngimmat. Kiisalu Inissiaatileqatigiiffiup 14. februar 2003-mi nalunaarfigaanga qinnuteqarnermi immersugassami piumasaqaatit taaneqartut taakku Inissiaatileqatigiiffiup atorunnaarsimagai.

Inissiaatileqatigiiffik nalunaarfigaara tamatuma kingornatigut suliami annertunerusumik iliuuseqarnissannut pissutissaarullunga isumaqartunga.

#### **Ukiuumut 2002-mut ukiumoortumik nalunaarut, immikkoortoq 4, qupp. 42 tullialu.**

#### **Kommunit allaffissianik assigiissaakkanik akiliisitsiniartarnermi atui-nerannik Akileraartarnermi Pisortaqarfiup nakkutilliinera. (J. nr. 11.73.49.30/012-02)**

Allakkat assigiissaartunik oqaasertalersugaasut Akileraartarnermi Pisortaqarfiup misissorsimasani misissugassanngorlugit uannut 22. maj 2002-mi nassiuppai.

Kommunit akiitsunik eqqartuussisarneq pillugu inatsit tunngavigalugu akiliisitsiniartarnerannut inatsisitigut tunngavigisaq misissoreerlugu Naalagaaffiup Kalaallit Nunaani Sinniisaanut 30. september 2003-mi imatut allappunga:

”Kommunit akiliisitsiniarnermik suliaqarnermi immersugassanik assigiissaakanik atuinerannik Akileraartarnermi Pisortaqarfiup nakkutilliinera maannakkut misissuiffigaara.

Misissuininnut atatillugu maluginiarsimavara eqqartuussutininik naammassisitsiniartarnerup politiit kommuninilu akiliisitsiniartartut akornanni agguataagaanera pillugu malittarisassanut tunngasumik erseqqarlunnertaqarsinnaasoq.

Kalaallit Nunaanni eqqartuussutininik naammassisitsiniartartut pillugit Kalaallit Nunaannut Ministereqarfiup nalunaarutaani nr. 90-imi, 1. marts 1983-imeersumi § 1, imm. 1 malillugu piumasanik Kalaallit Nunaanni eqqartuussisarnermik inatsimmi kapitali 7, § 1, imm. 2-mi taaneqartunik akiligassanik akiliisitsiniartartut pinngitsaaliinikkut naammassisitsiniartassapput.

Kalaallit Nunaanni eqqartuussisarnermik inatsisip allannguutai pillugit inatsimmi nr. 476-imi, 12. juni 1996-imeersumi, imm. 3 nutaaq kapitali 7, § 1-imi ivertinneqarpoq, tamatuma kingornagut pisassarisaq aammattaq pinngitsaaliinikkut naammassisinniarneqarsinnaalerluni, tamanna suliaasaqarfiit Namminersornerullutik Oqartussanut atasuusut pillugit Inatsisartut inatsisaatigut imaluunniit Inatsisartut peqqussutaatigut aalajangersarneqarsimappat.

Inatsisip allannguutaani taannaasumi kapitalit 7-anni § 23 a nutaaq ilanngunneqarpoq, taanna malillugu Namminersornerullutik Oqartussat suliaasaqarfiit, Namminersornerullutik Oqartussanut atasuusut, iluanni pisassaannik akiliisitsiniartarneq pillugu pisariaqartinneqartutut, ilassutitut aalajangersakkanik aalajangersaasinnaalutik.

Eqqartuussutininik naammassisitsiniartartut pillugit nalunaarutip eqqartuussisarnermik inatsimmi 1996-imi allannguutininut naleqqiunneratigut imaannaq paasinninera unaavoq, imaattut pillugit nalornisoortoqarsinnaasoq:

-Pisassarisaq, eqqartuussisarnermik inatsimmi kapitali 7, § 1, imm. 3 malillugu pinngitsaaliinikkut naammassisinniarneqarsinnaasut, pinngitsaaliinikkut politiit naammassisinniarneqartussaappat ? aamma

-Pisassarisaq eqqartuussisarnermik inatsimmi kapitali 7, § 1, imm. 3-mi taaneqartut akiliisitsiniartartut pinngitsaaliinikkut naammassisinniarneqarsinnaaneratt pillugu malittarisassanik Namminersornerullutik Oqartussat Inatsisartut inatsisaatigut imaluunniit Inatsisartut peqqussutaatigut aalajangersaasinnaappat (imaluunniit Naalakkarsuisut malittarisassanik aalajangersaaqqullugit piginnaatissinnaavaat)?

Tamanna pissutagalugu Naalagaaffiup Sinniisaa inussiarnersumik qinnuigaara apeqqutit taagorneqartut akinissaannut ikioqqullunga.

Naalagaaffiup Sinniisaata imaluunniit Inatsiseqarnermut Ministereqarfiup tunngaaniit eqqartuussutininik naammassisitsiniartartut pillugit malittarisassat allanngortinnissaasa isumaliutersuutigineqarnissaannut tunngavissaqartitsisoqarpat tamanna pillugu paasissutissinneqarnissara iluarissavara.”

Ukiup nalunaarusiuunneqartup naanerani Naagalaaffiup Sinniisaanit akissummik suli tigusaqarsimanngilanga, taamaattumillu misissuinerma 2003-mi inaarlugu suliarinissaanut periarfissaqarsimananga.

**Ukiutum 2002-mut ukiumoortumik nalunaarut, immikkoortoq 5, qupp. 43.**

**Umiarsualivimmut oqartussaannermik isumagisassanngortitsineq. (J. nr. 11.73.10.11/028-02)**

Misissuinerma inerera immikkoortoq 5-imi tamarmiulluni ilanngunneqarsimavoq.

**Ukiutum 2002-mut ukiumoortumik nalunaarut, immikkoortoq 4, qupp. 44 tullialu.**

**Ilinniartunut inissiani ineqarnermut akiliutinik naatsorsuisarneq. (J. nr. 11.73.77.12/062-02)**

Ukiup nalunaarusiuunneqartup naanerani suliamik suliarinninnera suli naammassisimanngilanga, tassami Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfimmit akissummik suli tigusaqarsimannginnama.

Pisortaqarfiup saaffiginnissutinnut suli akissuteqarsimannginnera Inatsisit Atortinneqarnerannut Ataatsimiititaliamut aamma Naalakkersuisunut allakkani 10. december 2003-meersuni nalunaarutigaa.

**Ukiutum 2002-mut ukiumoortumik nalunaarut, immikkoortoq 5, qupp. 45 tullialu.**

**Nuunnermut atatillugu akiligassiissut. (J.nr. 11.73.32.12/075-02)**

Nalunaarutip immikkoortuanut 5-imut innersuussisoqassaaq, tassani suliaq tamarmiulluni ilanngunneqarsimammat.

**Ukiutum 2002-mut ukiumoortumik nalunaarut, immikkoortoq 4, qupp. 46.**

**Isertitat annertussusiat najoqqutaralugu kommunip meeqqeriviinik angerlarsimaffinnilu paaqqinniffinik atuisut akiliisarnerannut malit-tarisassanut inatsisitigut tunngavigisaq. (J.nr. 11.73.12.12/085-02)**

Suliamik suliarinninnera ukiup nalunaarusiuunneqartup naanerani suli naammassisimangilara.

**Ukiumut 2002-mut ukiumoortumik nalunaarut, immikkoortoq 4, qupp. 46 tulliilu.**

**Pisortat inissiaataanni attartortittakkani ineqarnermut akiliutit naat-sorsorneqartarnerannut tunngaviusoq. (J.nr. 11.73.29.12/090-02)**

Misissuina ukiup nalunaarusiuunneqartup naanerani naammassisimangilara.

**Ukiumut 2002-mut ukiumoortumik nalunaarut, immikkoortoq 5, qupp. 498 tulliilu.**

**Palasimik kalaallimik Danmarkimi atorfinitsitsineq. Tjenestemandimik atorfinitsitsinermi atugassarititaasunik allannqortitsisinnaaneq. Tunngaviusumik Inatsisip atorfeqarfiusumik aalajangersaavigininnera. (J.nr. 11.73.20.30/031-01)**

Aqutsinermut Pisortaqarfiup allakkani 10. januar 2003-meersuni imatut akivaanga:

”Inatsisartut Ombudsmandiata allagaasa 4. oktober 2002-meersut, taakkunuuna suliaq eqqaasitsissutigineqarluni, ilissinni suliaq nr. 11.73.20.30/031-01, tiguneqar-simanagerat Aqutsinermut Pisortaqarfiup uppersarpaa.

Tamanna pissutigalugu allakkatigut qulaani taaneqartutigut aammalu 31. maj 2002-meersutigut Inatsisartut Ombudsmandiata saqqummiussaanut pisortaqarfiup isumaata saqqummiunnissaa Aqutsinermut Pisortaqarfiup allakkakkut matumuuna kissaatigaa.

Apeqqutit assigiinngitsut pingasut Inatsisartut Ombudsmandiata uparuarpai, taakku tamarmik tjenestemandit Kalaallit Nunaanni imaluunniit Danmarkimi atorfeqartit pillugit inatsimmut atuuttumut attuumassuteqarput.

Inatsisartut Ombudsmandiat isumaqarpoq;

1. Kalaallit Nunaanni Namminersornerullutik Oqartussani kommunenilu tjenestemandit pillugit Inatsisartut inatsisaanni nr. 5, 14. maj 1990-imeersumi atorfeqartitaaffiup inatsimmi sumiiffimmut atuuffia aamma Naalakkersuisut oqartussaaffigisaata tamarmiusup Inatsit tunngaviusumi § 27-mi imm. 3-mut naapertuunna n-lorninartoqartoq.

2. atorfeqartitaaffiup inatsimmi sumiiffiata, tak. Namminersornerullutik Oqartussani Danmarkimi tjenestemandit atorfilinnut akissaatit soraarnerussutisiallu pillugit Inatsisartut inatsisaat nr. 20, 17. december 1985-imeersoq, avataaniinneranik Naalakkersuisut kisimiillutik aalajangiisinnaaneratt nalorninartoqartoq.

3. Kalaallit Nunaanni Namminersornerullutik Oqartussat Danmarkimi tjenestemandiinut tunngatillugu naligiimmik pinninnissaq eqquutsinneqarsimanersoq nalorninartoqarsinnaasoq.

Apeqquutit ataasiakkaat aallaavigalugit Aqutsinermut Pisortaqarfiup pissutsinut isummani nassuiaateqarfigalugillu patsisilersussavai.

1-imut) Tjenestemandit pillugit inatsisip § 13-ia Inatsisartut Ombudsmandiata innersuutigaa, tassani tjenestemandit sumiiffimmi atorfeqartitaanerat aalajangersarneqarpoq.

Aalajangersakkap oqaasertai imaapput, "Tjenestemandit inatsit una najoqqutalugu atorfinitsinneqartut atorfeqarfigisaat tassaapput Kalaallit Nunaanni tjenestemandit atorfii".

Aqutsinermut Pisortaqarfik isumaqarpoq sumiiffik atorfeqartitaaffik aalajangersakkami aalajangersarneqarsimagaluartoq imaluunniit sumiiffik atorfeqartitaaffik Kalaallit Nunaannut tamarmut aalajangersagaagaluartoq tamatuma nassatarinngikkaa aalajangersakkap Inatsit tunngaviusumi § 27, imm. 3-mut naapertuutinnignera.

Taamatut isummernermut Inatsit tunngaviusumi § 27-mi imm. 2 aamma 3, aamma tjenestemandit pillugit inatsisiliornepup piareersarneqarnera aammalu tjenestemandit pillugit inatsimmi § 15 tunngaviupput.

Inatsisartut Ombudsmandiata oqaatigisaatut Aqutsinermut Pisortaqarfik aamma isumaqarpoq Inatsit tunngaviusumi § 27, imm. 2, taanna malillugu inatsisiliortut kisimik pisinnaatitaapput nuutsitsinerit pillugit maleruagassaliornissamut, tamatuma peqatigisaanik inatsisiliortut pisinnaatitaanngitsut maleruagassanik Inatsit tunngaviusumi § 27, imm. 3 naapertorlugu tjenestemandit illersorneqarnissaannut akornutaasunik aalajangersaanissamut, tassa sulisitsisup kisimiilluni aalajangiineratigut tjenestemandit atorfeqartitaaneri allannortinneqarsinnaanngitsut.

Inatsit tunngaviusumi § 27, imm. 3 malillugu tjenestemandit inatsisitigut illersugaapput, taanna malillugu tjenestemandit akuersiseqqaarneqaratik aatsaat nuutinneqarsinnaapput tjenestemandit atorfeqarnerminnut atatillugu aningaasarsiamikkut annaasaqaateqassanngikkunik, tamatumalu peqatigisaanik nuutsitaanissaminnik imaluunniit soraarnerussutisiaqarlutik soraarnissaminnut qinigassinneqassallutik. Inatsit tunngaviusumi § 27, imm. 1 malillugu inatsisip § 27-a taamaallaat atuuppoq tjenestemandinut kunngimmit atorfinitsitaasunut. Taamaakkaluartoq isumaqarpoq taanna aamma tjenestemandinut allanut atuuttoq. Inatsit Tunngaviusumi § 27, imm. 3-mi nuutsitaasinnaanermut killiliussaq, aalajangersakkakkut toqqaanartumik nassuiarneqanngitsoq, aalajangersagarli malillugu taamaattoq, tjenestemandit pillugit inatsimmi nassuiarneqartussaasoq isumaqarfigineqaaqarpoq. Ullumikkummi aamma isumaavoq nuutsitaanissamut killiliussaq tjenestemandit pillugit inatsimmi, tassa tjenestemandit pillugit Danmarkimi kalaallit nunaannilu inatsisini, atorfii allanngorneri pillugit aalajangersakkani nassuiarneqareersoq.

Qaqugukkut nuutsitsisoqarsimanerata nalilivigineqarnissaani aallaaviussapput pissutsit assigiinngitsut pisuni ataasiakkaani oqimaalutarneqartussat. Pissutsit oqimaalutagassat ilaatigut tassaapput allannguineq sioqqullugu kingoqqullugulu atorfimmi pissutsit, atorfiup allaaserineqarnera allannguinerillu tjenestemandimmit takorlorneqarsinnaareersimanersut. Tjenestemandit pillugit inatsisip § 15-ia malillugu atorfiup allanngornera nuutsitsinertut iluseqassanngilaq atorfimmik allannguineq atorfeqarnerup qanoq issusianik allannortitsinngippat aammalu atorfiup tjenestemandimut naleqqukkunnaarneranik nassataqanngippat.

Aqutsinermut Pisortaqarfik isumaqanngilaq tjenestemandit pillugit inatsimmi sumiiffiup atorfeqartitaaffiup Kalaallit Nunaannut tamarmut aalajangersagaanera inatsisiliortut ingerlatsisuminnut Inatsit Tunngaviusumi § 27, imm. 3 naapertorlugu ingerlatsisinnaatitsinerat mattukkaa, tamannami tjenestemandit pillugit inatsimmi § 15-imi nassuiarneqarmat. Tamatumunnga patsisaavoq atorfimmi allannguinertigut tjenestemandit pillugit inatsimmi nuutsitsinermut killiliinerup nassuiarneqareersup kingunerisaanik atorfinitsitsisoq naliliissammat atorfimmik allannortitsisoqarnerisooq imaluunniit nuutsitsisoqarnerisooq, matumanittaaq atorfeqarnerup qanoq issusia



allangortinneqarner-soq aammalu atorfik tjenestemandimut naleqqukkunnaarner-soq. Sumiiffimmik atorfeqarfimmik allanguineq matumanittaaq naliliiner-mi tun-gaviit ilagissavaat.

Taamaattorli qulaani allanneqartut naapertorlugit Aqutsiner-mut Pisortaqarfiup Inatsisartut Ombudsmandiat ilalerpaa tjenestemandit pillugit inatsimmut atuuttumut nassuiaatit tamakkiisuunngimmata, oqaatigineqassaarlu tjenestemandit pillugit inatsisissamut nutaamut siunnersuummi tamanna naatsorsuutigineqareersoq. Siunnersuummi §-inut 13 aamma 15-imut nassuiaatini oqaatigineqarpoq suliassami aalajangersimasumi qulaani taaneqartut naapertorlugit naliliisoqassasoq aammalu sumiiffik atorfeqartitaaffik naliliiner-mi ilaassasoq.

2-mut) Aqutsiner-mut Pisortaqarfiup ilisimavaa Namminersornerullutik Oqartus-sani Danmarkimi tjenestemandit atorfimmut akissaatit soraarnerussutisiallu pillu-git Inatsisartut inatsisaanni nr. 20, 17. december 1985-imeersumi sumiiffik atorfeqartitaaffik aalajangersarneqartoq inatsisip summiiffimmut atuuffiata avataaniit-toq.

Inatsimmi pineqarput tjenestemandit Namminersornerullutik Oqartussani Dan-markimi atorfeqartitaasut, tjenestemandinullu taakkununga ikittuinnarnut inatsit naapertorlugu sumiiffik atorfeqartitaaffik Danmarkimiillunilu Kalaallit Nunaanniis-saaq.

Taamaakkaluartoq atorfeqartitaaffiup inatsisip sumiiffik atuuffiata avataaniin-nera Aqutsiner-mut Pisortaqarfiup ajornartorsiutaasorinngilaa, tassa tjenestemandit Dan-markimi atorfeqartitat Kalaallit Nunaanni atorfeqartitat nuuttut Kalaallit Nunaanni Namminersornerullutik Oqartussani kommunenilu tjenestemandit pillugit Inatsisartut inatsisaanni nr. 5, 14. maj 1990-imeersumi pineqartunut ilaalissammata.

Inatsimmut piareersaatit qiviaraanni atuarneqarsinnaavoq tjenestemandit Dan-markimi najugaqartut suliassanik Namminersornerullutik Oqartussat tiguserisigut naalagaaffimmi atorfeqartitaanerminniit Namminersornerullutik Oqartussani atorfeqartitat nuuttut inatsisitigut tunngavissaasa pisariaqarneratut qularnaarneqarnis-saa inatsisikkut siunertarineqartoq. Salliuillugu Den Kongelige Grønlandske Han-delip nuunneqarnera eqqarsaataavoq, kisianni suliassaqarfiit allat naalagaaffimmiit Namminersornerullutik Oqartussanut kingusinnerusuk-kut nuunneqartut aamma eqqarsaataapput.

Suliassaqarfiit ullumikkut naalagaaffimmit susassaqarfigineqartut tjenestemandi-nillu atorfeqarfisut kingusinnerusuk-kut Kalaallit Nunaannut nuunneqarneranni tjenestemandit nooqataajumaartut qularnaarunniarlugit atorfeqartitaaffiit marluk atorneqarnissaat pisariaqarsimavoq. Tamanna Aqutsiner-mut Pisortaqarfiup aamma ajornartorsiutaasorinngilaa, tassa atorfeqartitap atorfimmut sinneqarnerminiilli ilisi-mammagu atorfeqartitaanini Danmarkimut aamma Kalaallit Nunaannut atuuttoq.

3-mut) Oqaatigineqassaaq naligiimmik pinninnissaq pisortat ingerlatsineranni nalinginnaasumik tunngavissaammat ingerlatsiner-mut tunngasuni ingerlatsiviup aalajangiinerinut atuuttoq. Naligiimmik pinninnissamik tunngavik inatsisilerineq eqqarsaatigalugu tassaanngilaa inatsisiliortup oqartussaaffiinut akuliunneq, taamaattumillu inuit akornanni immikkoortitsisumik inatsisiliornissamut akornutaanani. Inatsisiliortut naligiimmik pinninnissamut toqqaannartumik pituttugaasimas-sappata naligiimmik pinninnissaq Inatsit tunngaviusumi ilanngunneqarsimasaria-qarpoq.

Inatsiliortulli arajutsissanngilaat Inuit piginnaatitaaffii pillugit Europamiut isu-maqatigiissutaanni art. 14 malillugu immikkoortitsinissamut inerteqquteqar-neq, tak. inatsit nr. 285, 29. april 1992-imeersoq.

Kalaallit Nunaanni Namminersornerullutik Oqartussani kommunenilu tjeneste-mandit pillugit Inatsisartut inatsisaat nr. 5, 14. maj 1990-imeersoq aamma Nammi-nersornerullutik Oqartussani Danmarkimi tjenestemandit atorfimmut akissaatit

soraarnerussutisiallu pillugit Inatsisartut inatsisaat nr. 20, 17. december 1985-imeersoq tjenestemandit akissaataat sulinermilu atugassarisaat pillugit aalajangersakkanik assigiinngitsunik, Namminersornerullutik Oqartussat ataanni Kalaallit Nunaanni Danmarkimiluunniit atorfeqarnerat apeqqutaalluni, imaqarnerat nalominartoqanngilaq.

Assigiinngissutit taamaattut eqqortuunersut aalajangiiffigiinarlugu inatsisit, inatsisit siunertaat inatsisillu piareersaavigineqarnerat qiviartariaqarpagut.

Atorfeqartitaanermi atugassarititaasut, naalagaaffeqatigiit marluk akornanni assigiinngissutinik patsiseqanngitsut, assigiinngissuteqarnerisa eqqortuunnginneranik Inatsisartut Ombudsmandiat isumaqarmat Aqutsinermut Pisortaqarfiup isumaqatigaa. Kisiannili inatsisini taakkunani marlunni atorfeqartitaanermi atugassarititaasut assigiinngissutaat naalagaaffeqatigiit marluk akornanni assigiinngissutinik patsiseqarpiarput. Matumani taaneqarsinnaavoq Kalaallit Nunaanni pissusiviusut atorfinitsitsinermi aaqquissuussinerit Danmarkimi atorfinitsitsinermi pisariaqartinneqartuniit pitsaanerusariaqarnerat pisariaqartimmassuk. Uani oqaatigineqassaaq tjenestemandit Namminersornerulutik Oqartussani Danmarkimi tjenestemandit atorfilinnut akissaatit soraarnerussutisiallu il.il. pillugit Inatsisartut inatsisaat nr. 20, 17. december 1985-imeersoq naapertorlugu atorfinitsinneqartut tassaanerummata Danmarkimeersut sulisussarsiarineqarlutillu atorfinitsinneqartut.

Naggasiutitut oqaatigineqarsinnaavoq tjenestemandit Namminersornerullutik Oqartussani Kalaallit Nunaanni Danmarkimilu atorfeqartitaasut inuttut assigiinnek atugaqartutut isigineqarsinnaanersut oqallisigineqarsinnaasoq. Danmarkimi atorfinitsinneqarnermi tjenestemandit naalagaaffimmi tjenestemandit atorfinitsinneqararneranni soraarnerussutisariaqartinneqararnerannilu atugassarititaasut assiginik atugassaqartillugit atorfinitsinneqartarput, taamaallitutillu tassaalersarlutik inuit atorfeqartitaanermi imminnut assingusunik atugassaqartitaallutik atorfeqartitat.”

Pisortaqarfik allakkatigut 2. april 2003-meersutigut akivara, allakkat asilineri Inatsisartut Inatsisit Atortinneqarnerannut Ataatsimiititaliaannut nassiullugit:

”Suliaq nuutsitsinermut oqartarnermut atatillugu aamma Namminersornerullutik Oqartussat Danmarkimi atorfinitsittagaannut atatillugu tjenestemandinut atatillugu naligiissitsinermik tunngavik pillugu apeqqummut atatillugu tjenestemandit pillugit inatsimmi atorfinitsitsiviusartunik atuneq pillugu oqaaseqaatinni 31. maj 2002-meersumi (kalaallisuaa 18. juni 2002-mi nassiunneqarpoq) oqaaseqaatigisannut pisortaqarfiup allakkamigut 10. januar 2003-meersutigut (pisortaqarfiup j. normua ...) akissuteqarfigisaa massakkut uterfigaara.

Inatsisartut upernaq manna ataatsiminneranni tjenestemandit pillugit inatsisissatut siunnersuutip nutaap Inatsisartuni suliarisassatut saqqummiunneqarneranut atatillugu paasinninnera pillugu Naalakkersuisut oqaaseqaateqarfignissimanerannik pissuteqartumik pingaarnersutigit oqaaseqaatinik arlalinnik aallaqqaasiillunga saqqummiussinissannut pissutissaqarpunga.

Oqaaseqaatinni oqaatigaara atorfinitsitsiviusartut nunap ilaanut atuuffiata Inatsisartut inatsisaata atuuffiata Naalakkersuisullu oqartussaaffiata assingisa Inatsisartut inatsisaanni nr. 5-imi, 14. maj 1990-imeersumi aalajangersarneqarnerat Tunngaviusumik Inatsimmi § 27, imm. 3-mut ataneqartinneqarsinnaanersoq nalominartuu-soq. Ombudsmandi pillugu inatsimmi § 11 malillugu Inatsisartut Naalakkersuisullu tamatuminna naluunnaarfigaakka, Naalakkersuisullu qinnuigalugit tamanna qanoq iliuuseqarmissamut pissutissaqalersitsinersoq nalunaarfigeqqullunga.

Taamani tjenestemandit pillugit inatsisissatut siunnersuummik nutaamik atorfinitsiviusartup nunamut sumut atuunnera pillugu aalajangersakkap ilaaffigisaanik saqqummiussinissartik Naalakkersuisut isumaliutersuutigigaat ilisimasimangilara.

Tamatuma kingorna inatsisissatut siunnersuut Inatsisartut 2002-mi ukiakkut ataatsimiinneranni immikkoortut UKA 2002/64-tut saqqummiunneqartoq ilisimalerpara.

Paasivara Naalakkersuisut inatsisissatut siunnersuutip saqqummiunneqarnerani Inatsisartunut oqaatigigaat oqarsimasunga inatsisissatut siunnersuummi § 13 Tunngaviusumik Inatsimmi § 27, imm. 3-mut ataneqartinneqarsinnaassanngitsoq.

Inatsisissatut siunnersuut pillugu nalinginnaasumik oqaaseqaatini Naalakkersuisut paasinninninnut isumaqataannnginnertik tunngavilersorpaat.

Tamatumunnga atatillugu oqaaseqaatinit erserpoq:

”Naalakkersuisut Inatsisartut Ombudsmandiata saaffiginnissutaa malippaat ...”

Taamaattorli inatsisissatut siunnersuummi § 13 pillugu oqaaseqaatinut peqatigitillugu – siunnersuutip Inatsisartut Inatsisiliornermi Teknikkileriffianni misissor-neqareernerata kingorna – erseqqissarsimavaat nuutsitsineq inatsimmi atorfinitsitsisarfiup nunap ilaanut sumut atuunneranik nassuiarneqartup iluani pisinnaasoq.

Inatsisartut Inatsis Atortinneqarnerannut Ataatsimiititaliaannut allakkanni 10. oktober 2002-meersuni, assilineri ilisimatitsissutitut ilanngullugit nassiusanni Inatsis Atortinneqarnerannut Ataatsimiititaliaq nalunaarfigaara inatsisissatut siunnersuummut isummerfiginnissimaninnik Naalakkersuisut Inatsisartunut paasissutissiisutigisaat eqqunngitsoq, Naalakkersuisullu uannut isumaqataannnginnerminnik uanga akissuteqarnissamut periarfissaarutsillunga saqqummiussinerat ajornartorsiu-taasutut aamma isigigiga.

Suliami oqaaseqaatinnut Naalakkersuisut akissutaat 13. januar 2003-mi tiguara.

Inatsisissatulli siunnersuut taanna allanngortinnagu Naalakkersuisut upernaaq manna ataatsimiinnermi saqqummiuteqqissimavaat, tassanilu saqqummiussissutikut inatsillu pillugu nalinginnaasumik oqaaseqaatitigut oqaatigeqqissimallugu inatsisissatut siunnersuut isummerfigisimagiga.

Inatsisissatut siunnersuut pillugu oqaaseqaateqarsimannngitsunga Inatsisartut Inatsis Atortinneqarnerannut Ataatsimiititaliaata Naalakkersuisunut malugeqqullugu oqaatigisimavaa, Inatsisillu Atortinneqarnerannut Ataatsimiititaliaq Naalakkersuisut tamatumunnga atatillugu qinnuigisimallugit oqaaseqaatinnut akineqarsimaner-sunga nalunaarutigeqqullugu.

Inatsis Atortinneqarnerannut Ataatsimiititaliaq Naalakkersuisut imatut akisimavaat:

”Suliap aalajangersimasup Inatsisartut Ombudsmandiata 18. juni 2002-meersumik nalunaaruteqarneranut pissutaasup akissuteqarfigineqarnerani Aqutsinermut Pisorta qarfiup oqaatigaa aalajangersakkap imaatut maannakkut inatsisissatut siunnersuummut nassuiaatini allassimasutut isumaqarfigigini.

Aqutsinermut Pisorta qarfik Inatsisartut Ombudsmandiata akissuteqarnermut akissutaanik suli tigusaqarsimangilaq.”

Oqaaseqaammi 18. juni 2002-meersumi naliliinera Inatsisartut tjenestemandit pillugit inatsisissatut nutaatut siunnersuummik suliarinninneranni Naalakkersuisut massakkut ilanngussimammassuk Naalakkersuisut isummernerat pillugu annertunerumik isummernissannut mattunneqarsimavunga.

Ombudsmandi pillugu inatsimmi § 4, imm. 1-imi, kiisalu Tunngaviusumik Inatsimmi § 55-imi, aalajangersarneqarsimasutut, apeqqut Inatsisartuni suliarineqartoq pillugu isummissagaluaruma tamanna sulininnut tulluartaussanngilaq.

Taamaattumik isumaqarpunga suliamik suliarinninnera pillugu Naalakkersuisut Inatsisartunut taamatut paasissutissiinerat eqqunngitsuusoq Naalakkersuisut taamaallaat malugeqqullugu oqaatigisinnaallugu.

Tamatumunnga atatillugu Naalakkersuisunut malugeqqullugu oqaatigaara, soorlu Inatsisit Atortinneqarnerannut Ataatsimiititaliap tamanna aamma tikkuarsimagaa, inatsisissatut siunnersuut manna pillugu sukkulluunniit isummersimannngitsunga.

Tamatuma paarlattuanik pineqartoq tassaavoq oqaaseqaatiga qanoq iliuuseqarnisamat pissutissaqalersitsinersoq uannut akissutigeqqaarnagu Naalakkersuisut i-natsisissatut siunnersuut (siullermik 2002-mi ukiakkut ataatsiminnermi) Inatsisartunut saqqummiussimagaat.

Taamaattumik aamma eqqunngilaq Naalakkersuit Inatsisit Atortinneqarnerannut Ataatsimiititaliamut akissumminni oqaatigimmassuk Aqutsinermut Pisortaqarfiup malittarisassat ullumikkut atuuttut (tjenestemandit pillugit inatsit 1990-imeersoq) inatsisissatut siunnersuummi massakkut ersertut pillugit paasinninnini uannut nalunaarutigisimagaa.

Tamatuma paarlattuanik pineqartoq tassaavoq Aqutsinermut Pisortaqarfiup siunnersuutip Inatsisartunut saqqummiunneqarnerata kingorna aatsaat akisimagaanga.

Tamatuma saniatigut pisut ingerlasimanerannik allaaserinninnerup pissutissaler-sippaanga oqaatigissallugu Naalakkersuisut immikkut eqqumaffigisariaqaraat pissetsimik misissuineramik ingerlatsinersunga, Naalakkersuisut pineqartoq pillugu (i-natsisissatut siunnersuummut atatillugu) Inatsisartut isummeqqullugit qinnuteqannginneranni.

Taamaattorli misissuineramik inaarlugi suliarinnissimannnginnerma immini Naalakkersuisut suliap taassuma Inatsisartunut saqqummiussinissaannut akornuser-tariaqanngilai.

Taamaalilluni apeqqutip uanga misissuininna paasisat utaqeqqaarnagit Inatsisartuni oqaluserinninneq isumaqatigiinni amerilluunniit aqutugalugit suliarineqarnis-saanik pisariaqarpallu aaqinneqarnissaanik Naalakkersuisut kissaateqarnerat pissetissaqarluinnarsinnaavoq.

Naalakkersuisulli suliami (annertunerusumik) misissuinnissannut mattunneqarnis-sara eqqumaffigialuarlugi, tamatumunngalu peqatigitillugu apeqqutip naalacker-suinikkut qulaajarneqarnissaa kissaatiginagu naatsorsuutigingalunniit, suliaq I-natsisartunut saqqummiuppasuk tamanna inatsisiseqartitsinnermi tunngaviullunnar-tunut erseqqissumik assortuuttuusssaavoq.

Malugeqqullugu aamma oqaatigaara Ombudsmandip sulineranik inatsisinik unioqutitsilluni akornusiineq taamaattoq pisut qanoq ittuunerat tunngavigalugu an-nertuumik kukkunerusussaasoq, tak. suliaq Tamilinut tunngasoq pillugu Danmar-kimi misissuisussatut eqqartuussiviup pilersinneqarsimasup nalunaarutaa 10. juli 1990-imeersoq. Tamatumani Folketingip Ombudsmandiata inatsisinik misissuineran-ut Inatsisinik Atortitsinermut Ministereqarfiup akuliunna pillugu misissuinermi naliliineq erseqqissumik innersuussutigaara, taannalu uani ilanngunneqarsimavoq: Jens Peter Christensen, Ministeransvar, Jurist- og Økonomiforbundets Forlag 1997, qupperneq 311 tulluuttullu.

Pisumi matumani pineqartoq tassaavoq Tunngaviumik Inatsimmi § 27-p Ka-laallit Nunaanni tjenestemandit pillugit inatsisaanni atorneqarsinnaanera pillugu apeqqutip Inatsisartuni qulaajarneqarnissaa Naalakkersuisut uanga paasinninnera malillugu naatsorsuutigisinnaanngikkaat, tassami inatsisip Tunngaviumik Inat-simmuut naapertuuttuuneranik aalajangiineq eqqartuussiviit suliasarimmassuk.

Taamaattorli tamatumunnga peqatigitillugu paasinninnera unaavoq inatsisissatut siunnersuummi Naalakkersuisut oqaaseqaataat paasinninnermik (kukkusuusumik) uannga aallaaveqartut, tassalu inatsisissatut siunnersuut Inatsisartunut saqqummiun-neqarsimasoq oqaaseqaateqarfigisimagiga.

Taamaattumik Naalakkersuisut oqaaseqaatinnut 18. juni 2002-meersumut akis-suteqarnerat eqqarsaatigalugu annertunerumik iliuuseqarnissannut erseqqissumik pissetissaqarnanga isumaqarpunga.

Tamatuma kingorna pisortaqarfiup akissutaa 10. januar 2001-imeersoq pillugu oqaatigaara:

Inatsisartut inatsisaannut nr. 5-imut 14. maj 1990-imeersumut sanilliullugu Tunngaviusumik Inatsimmi § 27, imm. 3 pillugu apeqqut pillugu:

Qulaani oqaatigineqartutut apeqqut taanna tjenestemandit pillugit inatsisissatut nutaatut siunnersuutit saqqummiunneqarneranut atatillugu Inatsisartunut saqqummiunneqarsimavoq.

Taamaattumik pisortaqarfiup paasinninnera pillugu annertunerusumik oqaaseqaateqarsinnaanngilanga.

Taamaattorli paasivara Naalakkersuisut inatsisissatut siunnersuummi § 13 pillugu oqaaseqaatiminni erseqqissaraat nuutsitsineq pissutsit qanoq ittuunerat apeqqutaatillugu inatsit malillugu nunap ilaani atorfinitsitsiviusartut iluanni aamma atorineqarsinnaasoq.

Danmarkimi Namminersornerullutik Oqartussani tjenestemandit atorfilinnut akissaatit soraarnerussutisiallu il.il pillugit Inatsisartut inatsisaat nr. 20, 17. december 1985-imeersoq malillugu atorfinitsitsiviusartoq.

Oqaatigaara tjenestemandit nunap ilaani aalajangersimasumi inatsisip atuuffiata avataaniittumi atorfinitsinneqartartut eqqarsaatigalugit ajornartorsiuteqarsinnaanerani naliliinera Tunngaviusumik Inatsimmi § 27, imm. 3 pillugu oqaaseqaatinnut ataneqartillugu isigineqartariaqartoq.

Atorfiup allannortinneqarnerata – nunap ilaani sumiinnerup saniatigut – tjenestemandip inatsimmut isumaqatigiissummullu allamut nuunneraniq nassataqartup paasinninnera malillugu pisut qanoq ittuunerat apeqqutaatillugu Tunngaviusumik Inatsimmi pineqartutut nuutsitsineq kingunerisinnaavaa.

Kalaallit Nunaanni Namminersornerullutik Oqartussani kommuninilu tjenestemandit pillugit inatsisissatut siunnersuummut massakkut saqqummiunneqartumut oqaaseqaatini nuutsitsineq pillugu apeqqut Tunngaviusumik Inatsimmi tamanna pillugu tunngaviusoq naapertorlugu naliliiffigineqarniartoq Naalakkersuisut oqaatigisimammassuk pisortaqarfik qinnuigaara paasinninneq taamaattoq Namminersornerullutik Oqartussat Danmarkimi tjenestemandiisa atorfiinik allannortitsinermi aamma taamatut tunngaviutinniarneqarnerasoq, imaluunniit Inatsisartut inatsisaata allannortinneqarnissaa Naalakkersuisut isumaliutersuutiginiarneraat nalunaarfigeqqullunga.

Naligiissitsinermik tunngaveqarneq pillugu apeqqut.

Namminersornerullutik Oqartussat Danmarkimi tjenestemandii eqqarsaatigalugit naligiissitsinermik tunngaveqarnerup malinneqarsimanera qularalugu oqarsimanga pisortaqarfiup oqaatiginninnera eqqunngilaq.

Tamatuma paarlartuanik tikkuarpara Naalakkersuisut Namminersornerullutik Oqartussat Danmarkimi tjenestemandiinik sulisoqarnikkut aqutsinermi Kalaallit Nunaanni tjenestemandinik aqutsinermiit allaasumik ingerlatsissanngitsut, assigiinngitsumik pinninneq naalagaaffiup ilaani marlunni taakkunani assiginngiissutinik tunngavilersorneqanngippat. Tamanna Naalakkersuisut tjenestemandit pillugit inatsisit marluk taakku tunngavigalugit isumaqatigiissuteqarnerannut aamma atuuppoq.

Tunngaviup taassuma saneqqunneqarnissaa Inatsisartut siunertarisimagaat inatsisinit atuuttunit ersinngilaq.

Taamaattumik suli isumaqarpunga Naalakkersuisut Namminersornerullutik Oqartussat Danmarkimi tjenestemandiinik aqutsinermi tjenestemandit taakku Kalaallit Nunaanni tjenestemandiit tamaattunit ajornerusumik misinneqannginnissaat eqqumaffigisariaqaraat, Danmarkimi atorfinitsitsinermi namminermi assigiinngitsumik pineqarnissaa piumasaqaataanngippat.”

Pisortaqarfik allakkatigut 20. juni 2003-meersutigut akissuteqaqqullugu eqqaasippara.

Pisortaqarfiup 21. juli 2003-mi imatut akivaanga:

”Aqutsinermut Pisortaqarfiup qulaani allassimasut pillugit Inatsisartut Ombudsmandiata allagaa 2. april 2003-meersoq kiisalu eqqaasitsissutitut allagaa 20. juni 2003-meersoq tigusimallugit uppersassavaa.

Aqutsinermut Pisortaqarfiup kingusinaartumik akissuteqarnini ajuusaarutigaa.

Aqutsinermut Pisortaqarfiup aallaqqaasiullugu Inatsisartut Ombudsmandiannut ilisimatitsissutigissavaa Kalaallit Nunaanni Namminersornerullutik Oqartussani kommuninilu tjenestemandinut inatsisissatut siunnersuut saqqummiunneqartoq Inatsisartut Ombudsmandiata allakkani 2. april aamma 20. juni 2003-meersuni inner-suusutigisaa tunuartinneqassamat. Siunnersuulli nutaaq malitsigisillugu UKA 2003-mi saqqummiunneqartussaavoq. Inatsisissatut siunnersuummi nutaami aalajangersakkanik imaluunniit aalajangersakkanut ataasiakkaanut nassuiaatini allanngortitsisoqassanngilaq, allanngortinneqartutuaassapput siunnersuummut nalinginnaasumik nassuiaatiniittut.

Allakkami 2. aprilimeersumi Inatsisartut Ombudsmandiata Aqutsinermut Pisortaqarfik qinnuigaa Danmarkimi Namminersornerullutik Oqartussani tjenestemanditut atorfilinnut akissaatit soraarnerussutisiallu pillugit Inatsisartut inatsisaat nr. 20, 17. december 1985-imeersoq malillugu atorfeqarfiit pillugit apeqqutinut akissuteqaqqullugu.

Aqutsinermut Pisortaqarfiup Inatsisartut Ombudsmandiannut ilisimatitsissutigisavaa maannakkut Naalakkersuisut pilersaaruteqanngimmata Danmarkimi Namminersornerullutik Oqartussani tjenestemanditut atorfilinnut akissaatit soraarnerussutisiallu il.il. pillugit Inatsisartut inatsisaat nr. 20, 17. december 1985-imeersup allanngortinneqarnissaanut siunnersuummik saqqummiussaqaassallutik.

Aqutsinermut Pisortaqarfiup uppersassavaa pisortaqarfiup tjenestemandinut Danmarkimi Namminersornerullutik Oqartussani atorfilinnut tunngatillugu atorfinnik allanngortitsisoqassatillugu Tunngaviusumik inatsimmi § 27, imm. 3 naapertorlugu nuutsitsisoqarnissaanik apegqut naliliivigisassamagu. Taamaalluni Aqutsinermut Pisortaqarfiup suliani taamaattuni Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisissaannut siunnersuummi nutaami allassimasussat assingi nassuiaatitut atortassamaarpai.”

Pisortaqarfimmu 1. september 2003-mi imatut allappunga, allakkat asilineri Inatsisartut Inatsisit Atortinneqarnerannut Ataatsimiititaliaannut nassiullugit:

”Pisortaqarfiup allakkannut kingullernut 20. juni 2003-meersunut, taakkunatigut pisortaqarfik allakkanni 2. april 2003-meersuni apeqqutigisannut akissuteqarnissaa eqqaasitsissutigisimallugu, akissutaa 22. juli 2003-mi tiguara, tassalu Naalakkersuisut tjenestemandinut Danmarkimi Namminersornerullutik Oqartussani tjenestemanditut atorfilinnut akissaatit soraarnerussutisiallu il.il. pillugit Inatsisartut inatsisaat nr. 20, 17. december 1985-imeersoq malillugu atorfeqartitaasunut tunngasumik sulianik nuutsitaanermut tunngasunik aqutsiuanersut, inunnik ataasiakkaanik nalililneq pillugu Inatsisini Tunngaviusuni § 27, imm. 3-mi piumasarisallutik aalajangersakkat naapertorlugit.

Aallaqqaataasumik maluginiarpara Naalakkersuisut Inatsisartullu ukiakkut ataatsimiinnissaminni Kalaallit Nunaanni Namminersornerullutik Oqartussani kommu-

nenilu tjenestemandit pillugit Inatsisartut inatsisissaannut nutaamut siunnersuummik saqqummiussilersaartut, aammalu inatsisissatut siunnersuutip § 13-ianut oqaaseqaatigisanit ersersoq tjenestemandit Inatsisartut inatsisaanni eqqartorneqartut taakku nuutsitaasarnerat pillugu apeqqut inunnik ataasiakkaanik naliliineq malillugu aalajangiivigineqartarumaartoq.

Tulliullugu maluginiarpara Namminersornerullutik Oqartussat Danmarkimi tjenestemandiisa nuutsitaasarnerannik apeqqut taamatutaaq Naalakkersuisut inunnik ataasiakkaanik naliliineq malillugu aalajangiiviginiaraat.

Kalaallit Nunaanni Namminersornerullutik Oqartussani kommunenilu tjenestemandit pillugit Inatsisartut inatsisaanni nr. 5-imi, 14. maj 1990-imeersumi aamma Danmarkimi Namminersornerullutik Oqartussani tjenestemandit atorfimmut akissaatit soraarnerussutisiallu il.il. pillugit Inatsisartut inatsisaanni nr. 20-mi, 17. december 1985-imeersumi atorfinitsiffsartunik paasinnineq pillugu, Ombudsmandi pillugu inatsimmi § 11 naapertorlugu, Inatsisartunut Naalakkersuisunullu 18. juni 2002-mi nalunaaruteqarsimanera matuma kingornagut annertunerusumik iliuuseqarfigeqqissanngilara.”

## **Ukiumut 2002-mut ukiumoortumik nalunaarut, immikkoortoq 5, qupp. 523 tulliuttullu.**

### **Isumaqatigiissut naapertorlugu atorfeqartitamik soraarsitsineq. (J.nr. 11.73.21.01/101-98)**

K Kommunip 1. april 2003-mi imatut akivaanga:

”Allakkani 10.03.99-meersuni normulerneqarsimasunilu 990186 A-p soraarsineqarsimaneranut tunngavigineqarpoq, politikkikkut aaliagerneqarsinammatt, Innuttaasut illuat atorneqarfimminut atorunnaassasoq aammalu tassani ingerlanneqarsimangaluartut, sunngiffimmi inuusuttunullu susassaqtitsinermut aammalu kingusinnerusukkut atuarnep nalaani meeqqanut paaqqinnittarfittut atorneqassasoq, taamaattumillu Innuttaasut illuanni pisortatut atorfik pisariaqarunnaarsinneqarsimalluni.

K Kommunip kukkusumik A soraarsissimavaa, tassami illuatungeriinnik tusarniaasoqaaqarsimannngimmat, soraarsitsinnginnermi. Kisiannili A akissarsiaqartinneqarsimalluni, taamaatinnerminiit 01.06.97 tikillugu. K Kommuni assut taamatut kukkusumik soraarsitsisimanerminik utoqqatserpoq, siunissamilu taamatut kukkusumik soraarsitsinerit pinngitsoorniassallugit.

K Kommunip ilanngullugu ... KANUKOKA-meersoq atassuteqarfiginiaarpaa.”

K Kommunimut 23. april 2003-mi imatut allappunga:

”Oqaaseqaatiga 17. juli 2002-meersoq pillugu kommunip akissutaa 14. april 2003-mi tiguara.

Kommunip akissutaata imaattunik oqaaseqaateqarnissannut pissutissaqalersippaanga:

Innuttaasut illuanni pisortatut atorfiup atorunnaarsinneqarnissaanik kommunip aalajangiinera kommunip suliamik suliarinninneranik naliliinnut sunniuteqarsimannngilaq, tassami A-p soraarsinneqarnissaanik kommunip aalajangiinera 18. april 1997-imeersoq kommunimit paasissutissiissutigineqartoq malillugu pissutsinik

kommunip A-mut avoqqaarliutigisaanik tunngaveqarsimammat, atorfiullu atorunnaarsinneqarnissaanik aalajangiineq aatsaat kingusinnerusukkut pisimalluni.

Kommunip akissutaa aamma imatut paasivara A suliameq illua'tungiusutut isumaanik tusarniaaveqqaarnagu kukkusumik soraarsinneqarsimasoq kommunip nasuerutigigaa.

Eqqaasitsissutigaaara aamma isumaqartunga suleqatigiinnikkut ajornartorsiutit tunngavigineqartutut taaneqartut kommunip naammattumik erseqqissarsimangikkai. Tamatumunnga atatillugu oqaatigaara suleqatigiinnermi ajornartorsiutit soraarsitsinermut kommunip tunngaviutinnaassappagit piumasaqaatit makku eqqortinneqarsimasussaasut:

Piumasaqaatigineqarpoq suleqatigiinnermi ajornartorsiutit atorfinitsinneqarfimmi pineqartumi suliassat suliaripeqarnerannut annertuumik sunniuteqarsimassasut. Aammattaq suleqatigiinnermi ajornartorsiutit aamma inuup soraarsinniarneqartup akornanni erseqqissumik ataqatigiinneqassaaq, taamatuttaarlu ajornartorsiutit pilernerannut pisuussutit annersaat soraarsinniarneqartumit allaasumut tutsinniarneqarsinnaassanngilaq. Ingerlatsineq pillugu inatsiseqartitsinermi pisumut naapertuumik iliuuseqartarnissamik nalinginnaasumik tunngaviusup nassataara suleqatigiinnermi ajornartorsiutit soraarsitsinermik iliuuseqarnermit annikinnerusumik iliuuseqarnikkut aaqiiviginiarneqarnissaat oqartussaasumit soraarsitsissuusumit anguniarlugit iliuuseriniarneqarsimassasut. Tamatumunnga peqatigitillugu soraarsitsinissamik aalajangiinerup ilungersunartuunera pissutigalugu suleqatigiinnikkut ajornartorsiutit soraarsitsinermut tunngaviusut pigineqarnerannut uppernarsaatitut tunngaviusooq immikkut qularnaatsuusussaavoq.

Tamatuma saniatigut oqaaseqaammi oqaatigaara soraarsitsinissamik aalajangiinnermi kommunip tunngavilersuisimanginnera kukkunerusoq soraarsitsinerup atuussinnaassuseqannginneranik immini nassataqartoq.

Naliliininni oqarpunga tunngavilersuisimanginneq suleqatigiinnermilu ajornartorsiutaasutut oqaatigineqartunik naammattumik erseqqissuseqartumik allaaserinnissimanginneq kiisalu suliameq illua'tungiusup isumaanik tusarniaasimanginneq soraarsitsinerup atuussinnaassuseqannginneranik nassataqartut.

Soraarsitsinerup atuussinnaassuseqannginnera pingaartumik isumaqarpoq aalajangiineq kommunip atuutsinniarsinnaanngikkaa.

Taamaattumik A-p innuttaasut illuanni pisortatut suliunnaarnerata kingorna kommunip aamma A-p akornanni inatsiseqartitsinermut tunngasut qulaajarniarlugit kommunimut pisariaqartuusaaq A-p kommunimi atorfeqartitaanera piffissamit sumit piumasaqaatillu suut piumasaqaatigalugit atorunnaarsinneqarsimanersoq aalajangersassallugu.

Taamaattumik A-mik soraarsitsinerup atuussinnaassuseqannginnera qanoq iliuuseqarnissamut pissutissaqalersitsinersoq isummerfigeqqullugu kommunimut inassuteqaatiga qalleqqillugu inassuteqaatigaara.

Tamatumunnga peqatigitillugu kommunip inuit ataasiakkaat isumaqatigiissuteqarfigalugit atorfinitsitsinermi atorfeqarnerup qaqugu atorunnaarmissaanik qulakkeerinnittarnissaanik inassuteqaatiga kommunimut eqqaasitsissutigaaara.”

Kommuni allakkani 24. september 2003-meersuni suliaq pillugu eqqaasippara.

Ukiup nalunaarusiuunneqartup naanerani kommunimit suli tusagaqarsimangilanga.



**Ukiumut 2002-mut ukiumoortumik nalunaarut, immikkoortoq 5, qupp. 531 tulluilu.**

**Kommunimi sulisumik soraarsitsineq. Suliami illua'tungiusup isumaanik tusarniaasarneq pillugu malittarisassanik paasinnineq. Suliap amigaatilimmik paasissutissartalersugaanera amigaatilimmillu tunngavilersugaanera. (J.nr. 11.-73.21.01/074-01)**

K Kommunimut 24. marts 2003-mi imatut allappunga:

”23. april 2002-mi oqaaseqaatinni kommuni qinnuigaara, kommunip A-mik soraarsitsineranik atuussinnaassuseqanngitsutut isiginninnera sumut tunngavissiiner-soq nalunaarfigeqqullunga.

3. oktober 2002-mi allakkatigut suliaq eqqaasitsissutigaa.

K Kommunip tamanut tunngatillugu allakkami, faxikkut 15. oktober 2002-mi tigusanni, nalunaarfigaanga kommunip piffissami qaninnerpaami ”suliap aammaarlugu misissoqqinneqarnissaa” isumaginiaraa.

Matuma qulaani taaneqartumik qinnutigisamat akissummik suli tigusaqannginama, suliaq eqqaasitsissutigeqqinneqarpoq.”

Kommuni allakkatigut 24. september 2003-meersutigut suliaq pillugu eqqaaseqqippara.

Ukiup nalunaarusiuunneqartup naanerani kommunip akissutaanik suli tigusaqarsimannilanga.

**Ukiumut 2002-mut ukiumoortumik nalunaarut, immikkoortoq 5, qupp. 542 tulluilu.**

**Kommunip sunngiffimmi sammisassaqtitsinermut pisortamik soraarsitsinera (J.nr. 11.73.21.01/038-02)**

K Kommunip akissutaa imaattoq 21. august 2003-mi tiguara:

”...

Ombudsmandip allagaani qupperneq 12-ip qulerpiaani (kalaallisuuani qupp. 13 aamma 14) apeqqutit aappaat pingajuallu ima oqaasertaqartinneqarput:

\* Paasissutissanik atorfeqartitaanermi pioreersumi imminut ajoqusiisunik atorfeqartitaasup tunniussinissaanik kommunip piumasaqaateqarnera pillugu apeqqut, apeqqullu taanna Europami Inuit Pisinnaatitaaffii pillugit Isumaqaatigiissummi artikel 6, imm. 1-ip nassatarisaanik pinerluuteqarsimaneq pillugu imminut pasisassanngortitsinissamik inerteqquteqarnermut atatillugu pinngitsoorani isiginiarneqartariaqarpoq.

\* Atorfeqartitaasup soraarsitsinermut tunngaviusumik ilisimasaqarnissaminut pisinnaatitaaffia periarfissaalu pillugit apeqqut.

Ombudsmandip apeqqutaanik suliaqarnermi matuma uparuarnissaa pingaaruteqartorujussuuvoq, Ombudsmandi nassuiaammini tjenestemanditut aamma isumaqaatigiissutit malillugit atorfeqartitat akornanni ataqatigiinnerni arlaqartuni immikkoor-

titsisariaqartoq. Malittarisassat imaluunniit aalajangersakkat sorliit atorfinitsitseriaatsinut marlunnut taakkununga ataatsimut atuunnersut, aammalu malittarisassat aalajangersakkallu sorliit atorfeqartitanut taakkununga immikkut tamanut immikkut ittumik atuunnersut kommunip tulliuuttuni saqqummiukkumavai.

Ombudsmandip apeqqutinut akissuteqarnera quppernerit 25-ata aterpiaanit aalartippoq.

Europami Inuit Pisinnaatitaaffii pillugit Isumaqatigiissummi artikel 6, imm. 1 imaluunniit nammineq pisuusutut imminut isigineq pillugu aalajangersakkat taasuminnga aallaaveqartut pissutsinut taakkununga atorneqarnersut Ombudsmandip misileqqinnngilluinnarpaa. Kommunip isumaa malillugu nammineq pisuusutut imminut isigineq pillugu aalajangersakkat artikel 6-imit aallaaveqartut pissutsini, sulisorisap pinerluttulerinermut inatsiseqartitsineq malillugu periaaserisami pissuserisai pillugit paasissutissinneqarnissaminik qinnuteqarfigisaani, atorneqarneq ajorput.

Uparuarneqassaaq taamatut paasissutissiinerup sooq sulisorisamut nammineq imminermut pisuutinnartuusinnaanera pillugu nassuiaasoqarnissaa allatulluunniit iliorluni paasissutissanik nutaanik ujartuineq kommunip qinnutiginnimgimagu. Sulisorisap toqqarsinnaavaa suliap imarisai pillugit nipangiussiinnarumalluni, kisiannili kommunip suliap pinerluttulerinermut inatsiseqartitsineq malillugu periaaserisami pilersimanera pissutigalugu sulissutiginnissinnaajumaarnissat naliliiffigisinnaajumallugit tunggavissaqartariaqarpoq. Taamatut isumaqarnermi naatsorsuutigisariaqarpoq pissutsinik, sulisorisap qanorluunniit iliorluni sulinermi avataatigut akuliuffigisimasaanik piusoqartoq. Pissutsinut sulisorisap sulisilluni iliuuserisimasaanut matuma kinguliini allaaserineqartut innersuussutigineqarput.

Pissutsit atorfinitsitaanermut tunggasut pissutsillu atorfinitsitaanermut tunggasut atorunnaarsinneqarnerat pinerluttulerinermut inatsiseqartitsinermi tunggavimmut, artikel 6-ip atorneqarnissaanut pingaarnersaasumut, tungganngilaq. Kommunip paasinninnera malillugu inatsisitigut tunggavissaq naleqquttoq tassaavoq tjenestemandinut tjenestemandit pillugit inatsisaanngikkuni isumaqatigiissutit malillugit atorfeqartitanut isumaqatigiissuteqartarneq pillugu inatsiseqartitsineq malillugu tunggavigisassat. Suliassat suliarineqartarnerat pillugu inatsit naleqquttumik annertussusilimmik akuliutitinneqarsinnaavoq. Oqaaseq sulisorisap matuma kinguliinniittuni atorneqarpat, taanna tjenestemandinut taamatullu isumaqatigiissutit malillugit atorfeqartitanut tunggatinneqarluni atuuppoq.

Sulisorisap pissutsinut pinerluttulerinermi inatsiseqartitsinerimut tunggasunut, pasineqarnermut, unnerluutigineqarnermut imaluunniit eqqartuussinermi aalajangiinnermut tunggasunut politit misissuisitsinerat pillugu nalunaaruteqarnissamut pissaaffeqarnersoq kommunip paasinninnera malillugu ilumuunnginnerarlugu ilu-moornearluguluunniit akissuteqarfigineqarsinnaanngilaq.

Sulisorisap kommunimi atorfia, pissutsit pinerluttulerinermut inatsiseqartitsineq naapertorlugu suut suliami akuliutitinneqarsimanerannut tunggasumik pingaarutilerujussuaq, aalajangiisuujuumaarpoq. Sulisorisap ilisimatitsisariaqarnera imaluunniit suliap suliarineqarnera pillugu kommunimut paasissutissiissariaqarnera pillugu tamanna ilaatigut kommunip tungaanit naliliineruvoq ilaatigullu sulisorisap tungaanit naliliinerulluni. Kommunip aallaavigisaa unaanngilaq sulisorisap pisuni taamatut ittuni paasissutissavinnik paasissutissiissasoq imaluunniit nassuiaateqassasoq, kommunilli pingaaruteqartuusoraa – pisariaqartutut nalilerneqarpat - pissutsit suliami pisut naatsumik ilisimaneqassasut suliamillu suliaqarnerup killiffia taamaakkajut-tuusumik politiiiniittoq.

Tamatuma qaninnerulernissaa ajornakusoortuuvooq, tunggavissaasutigullu kom-muni isumaqarpoq sulisorisap pissutsit pingaarutillit, sulisorisap atorfimmi sulias-sanik isumaginninneranut pingaaruteqarsinnaasut, pillugit kommunip ilisimatinnis-saanut pissaaffeqartoq.

Suliami pineqartumi A tjenestemandiuvoq. Biilimik ingerlatitsisinnaanermut allagartaminik arsaarneqarsimavoq nuliaminillu unataasimasutut unnerluutigineqarsimalluni, taakkulu pillugit kommuni ilisimatissimanagu.

A kommunimi pisortatut nuimasumik inissisimaffeqalersimavoq, kommunillu biiliutaa atorfirmut atatillugu atugassaq atorfirmut atasumik siunertarisanut ingerlattarsimallugu. Kommunip isumaa malillugu A-p atorfirmimi suliasanik isumaginninnini pissutigalugu pissutsinik pineqartunik kommuni ilisimatissimasariaqarualarpaa. Kommuni suli isumaqarpoq A ataqinassuseqartumik tatiginassuseqartumillu pissusilersornermik saneqqutsisimasoq, soraarsitsinermut tunngaviusoq qinnuteqaataannngitsumik/nalilereernikkut soraarsitsinerugaluarpalluunniit. Tamanna killisiuineramik siulersuisup nalunaarusiaata kinguneraa.

Atorfik apequtaatinnagu sulisorisap sulisorisap atatillugu biileqartinneqartup biilimik ingerlatitsisinnaanermut allagartamik arsaarneqarsimanerminik imaluunniit unnerluutigineqarnerminik imaluunniit aalakoornu biilimik ingerlatitsisimasutut, tamatumani biilimik ingerlatitsisinnaanermut allagartamik utaqqiisaa atugassamik tunniussisoqarsimalluni, unnerluutigineqarnerminik kommuni ilisimatittussavaa.

K Kommuni isumaqarpoq naliliineq tassaasoq sulisorisap atorfiata aamma pissutsit pinerluttulerinermi inatsiseqartitsinermut tunngasut il.il., suliami akulititinneqarsimasut, akornanni ataqatigiissitsineq. Pissutsinik atorfirmik ingerlatsinermut atatillugu pisimasoqarpat, kommunip pissutsit misissorumavai, kommunilli naatsorsuutigaa sulisorisap pisumi tassani suliap paasinarsinneqarnissaanut peqataajumaartoq. Sulisorisap pisimasut pillugit oqaaseqarumanngippat kommunillu kingusinnerusukkat paasippagu pissutsinik, sakkortuunik pineqaatissinerminik nasataqarsinnaasunik - matumani aamma pissutsit pinerluttulerinermi inatsiseqartitsinermut tunngasut politiiunat nalunaarutigineqartariaqartut ilanngullugit – piusoqarpoq, taava sulisorisamat tatiginninneq amerlanertigut peerussimassaaq. Atorfinitiserialaaseq apequtaatillugu kommunip nalilersussavaa isumaqatigiissutit malillugit atorfeqartitaanunat tunngasumik peersitsinissamat tunngavissaqarnersoq, imaluunniit tjenestemandi pineqarpat, tjenestemandinut inatsiseqartitsinermi pineqaatisserialaaseq atorneqassanersoq.

Kommuni paasissutissiisummik tigusaqarpat suliasap qanoq iliorluni suliarineqarnissaanik nalilersuisoqassaaq. Suliap killiffigisaa apequtaatillugu arlalinnik periarfissaqarpoq. Siullermik sulisorisap maannamat atorfigisaminiiginnarsinnaavoq, allamik suliaqalersinneqarsinnaalluni, sulinnikkallartinneqarsinnaalluni imaluunniit suliffimmi pissusiusunik ajornarsisitsilluinnarpat – aammalu isumaqatigiissutit malillugit atorfeqartitap allamat ataavartumik inissinneqarnissaa ajornarpat – isumaqatigiissutit malillugit atorfeqartitap pissusissamisoortumik siumut ilisimatitsilluni soraarsinnissaa kommunip isumaliutersuutigisinnaavaa. Pisuni taamaatuni tjenestemandinut tunngasumik immikkut ittunik malittarisassaqarpoq.

Suliami eqqartuussuteqartoqareerneratut eqqartuussumillu nangitseqqusinissamat piffissarititaasup qaangiunneratut annertussusilerlugu kommuni nalilersuisinnaatinniarpoq pineqaatissiinissanik nalunaaruteqarnissamat tunngavissaqarnersoq, matumani aamma atorfeqartitaanermik atorunnaarsitsineq ilanngullugu.

Kommunip aamma isumaqatigiissutit malillugit atorfeqartitap akornanni pissutsit atorfinitsitaanermut tunngasut isumaqatigiissuteqartarneq pillugu inatsisinik, ilaatigut isumaqatigiissummik iluarsiviginnittartunik, ilaatigut pisassanik piumasaqarnermut inatsiseqartitsinerminik tunngavigisassanik qassiinik ilaatigullu naalagaaffiup naalakkersugaaneranut aamma ingerlatsinermut inatsiseqartitsinerminik malittarisassanik qassiinik immikkut ittunik tunngaveqarput. Pissutsinik pinerluttulerinermi inatsiseqartitsinermut tunngasunik sulinerup nalaani avataanilu pisimasut qassiit pillugit isumaqatigiissutit malillugit atorfeqartitaasoq pillugu paasissutissiisoqarpat i-

lungersunartut nalilerneqartunik aammalu suliffimmut pineqartullu atorfimminik ingerlatsineranut sunniuteqartunik, taava pineqartumut saaffiginnikkut pissutsit paasinarsisinniarneqassapput. Isumaqatigiissutit malillugit atorfeqartitap oqaaseqaateqarnissaminik kissaateqannginneratut annertutigisumik matuma kingornagut kommuniq isummerfigisariaqarpaa paasissutissat suut suliami tunngaviutinnissaat ajornannginnersoq.

Taamaalluni kommuniq isumaqatiginngilaa eqqartuussisitsinermik ingerlatsineq isumaqatigiissutit malillugit atorfeqartitamut ajoqusiiisumik sunniuteqassanngitsoq, isumaqatigiissutit malillugit atorfeqartitaq suliffimmut tunngasumik paasissutissanik pingaarutilinnik isumaqatigiissutit malillugit atorfeqartitap atorfimminik ingerlatsineranut tunngasunik pigisaqarpaa paasissutissanilla taakkuninnga paasissutissiumanngippat pisimasorluunniit pillugu paasissutissiumanngippat. Tamanna amerlaqisutigut kommuniq isumaqatigiissutit malillugit atorfeqartitamik tatiginninnermik pisariaqartumik tatiginnigunnaarsissavaa. Tamanna aammattaq amerlanertigit tjenestemandinut atuuttassaaq, tjenestemandilli – siusinnerusukkut taaneqaareersutut – sulianut atorfimmi naalasseriitsuliornermut tunngasunik suliarinninnermut immikkut ittunik malittarisassaqarput.

Tjenestemandinut malittarisassat immikkut ittut

Tjenestemandit pillugit inatsimmi § 30-mik eqqartuineq aallaavittut atorlugu Ombudsmandip aalajangersarpaa suleqataasoq – taassuma tjenestemandiunera apeqqutaatinnagu – pineqartup suliassiissummi pillaatissartalimmi pasisaanera pillugu atorfeqarfisami tusarlernissaanut pisussaaffeqanngitsoq. Aallarniutaasumik kommuniq paasinninnini matuma suliini eqqartorneqartoq innersuussutigisavaa, tamatumani eqqartorneqarluni apeqqut oqimaqatigiissaagaanerusumik akissuteqarfigineqarnissamik piumasaqarfiusoq.

Taamaattorli Ombudsmandip inatsimmik atuinera kommuniq tupigusuutigaa. Tjenestemandit pillugit inatsimmi § 30 pillugu Ombudsmandip quppererit 33-ata qulaani (kalaallisuani qupp. 39) oqaatigaa: “Taamaattorli maani erseqqissarneqassaaq aalajangersagaq imatut paasineqartariaqartoq taanna taamaallaat atorneqarsinnaasoq tjenestemandip iliuuseqarneq pineqartoq iliuuserisimagaa oqartussaasup qularutiginnippagu, assersuutigalugu taamatut iliuuseqarsimaneq tjenestemandip nassuerutigisimappagu. Aammattaq pillaatissiiniarluni suliaq inaarlugu suliarineqarsimanngippat iliuuseqarsimanermit pisuuneq oqartussaasup immikkut naliliiffigisavaa, pisariaqartinneqartutullu paasissutissalersuineq taamatut naliliinnaalersitsisoq suliarissallugu.”

Ombudsmandip qupp. 33-ata ataani nangilluni oqaatigai: “Aammattaq isumaqarpunga tjenestemandi iliuuseqarsimanermik nassuerutiginnikkaluartoq pillaatissiiniarluni suliap ingerlanera ingerlatsivimmi oqartussaasup aalajangiinnerminut tunngavilersuutigippagu pisuussuteqarneq pillugu apeqqummik immikkut suliarinnereersimasariaqartoq naliliiffiginnereersimasariaqarlunilu, pisuussuteqarneq pillugu apeqqutip oqartussaasumit qularutigineqannginneranik tunngaviliisumik.”

Matuma kinguliini kommuniq tjenestemandinut, atorfimminik unioqqutitsisimasutut unnerluutigineqartunut, malittarisassat eqqartussavai. Taakku pingaarnerusutigut atorfimmit peersitaagallarneq aammalu atorfimmi naalasseriitsuliorneq pillugu suliassanngortitaaneq pillugit tjenestemandit pillugit inatsisip kapitaliisa 5-annit erserput.

Siulliullugu kommuniq uparuassavaa tjenestemandit pillugit inatsimmi § 30 tjenestemandit pisuni tamani soraarsinnerini atorneqartartoq, tassa imaappoq naliliinnermik taamatullu pineqaatissinermik pissuteqartunik soraarsitsinerni. § 30 – Ombudsmandimit oqaatigineqartutut – tjenestemandip pisuunini nassuerutigaluarpaguluunniit atorneqarsinnaanngilaq. Tamanna tjenestemandit pillugit inatsimmi §

27, imm. 2-p malitsigaa, tamanna matuma kinguliini sukumiinerusumik allaaserineqarpoq.

Tjenestemandit pillugit inatsimmi § 20, imm. 1-imit erseerpoq tjenestemandi atorfirmmit peersitaagallarsinnaasoq allanilluunniit suliasinneqarallarsinnaalluni pisutilimmik pasilligaaguni atorfiup isumagineranut atatillugu tatigineqarunnaarutigisaminik imaluunniit tamanna pissutigalugu maannamut suliaminik ingerlatsiinnarnissaa nalorninarsippat. § 20, imm. 2-mit erseerpoq pissutsit pinerluttulerinermut inatsiseqartitsineq naapertorlugu suliasnngortitsissutaanngippata, atorfirmmi naalasseriitsuliortoqarneranik misissuinikkut malittarisassat tjenestemandit pillugit inatsisip §§ 21-27-niittut malillugit suliarineqartassasut.

Tamatuma nassataraa Ombudsmandip kommunip paasinninnera malillugu tjenestemandit pillugit inatsimmut akerliusumik oqaatigigaa kommuni nammineerluni suliami paasissutissanik pisariaqartinneqartunik paasissutissartalersuisinnaasoq. § 20, imm. 2 naapertorlugu pissutsit pinerluttulerinermi inatsisit naapertorlugit imaluunniit atorfirmmut tunngasumik killisiuinikkut suliarineqartussaapput.

Suliaq eqqartuussissutigineqartussanngortinneqarpat eqqartuussisut pisuunermik apeqqut isummerfigiumaarpaat. Atorfirmmut tunngasumik killisiuisoqartillugu suliami uppersaasoqarnissaa pillugu killisiuisoq aalajangiissaaq, killisiuisullu nassuiaataa tassaavoq suut uppersarsarneqarsimasutut isigineqarsinnaanerannut aallaaviusussaasoq, tamatumuunakkullu aamma tjenestemandimut pineqaatissiissutisap isummerfiginissaanut. Tjenestemandit pillugit inatsimmi § 27, imm. 2-p malitsigaa atorfirmmut tunngasumik killisiuinissaq pisariaqanngitsoq pineqaatissiineq tassaappat qaammammut akissaatit 1/25-iat qaangerlugu akiliisitaaneq suliamullu allamut nuutsitaaneq, tjenestemandi pisuunini nassuerutigalugu nangaassuteqanngilluinnarluni allakkatigut nassueruteqarsimanngippat. Tamatuma saniatigut pineqaatissiinerit - assersuutigalugu atorfirmmut minnerusumut pisitaaneq imaluunniit soraarsitaaneq – aatsaat pissutsit eqqartuussutikkut aalajangersarneqarsimagaangata imaluunniit atorfirmmut tunngasumik killisiuisoqarsimagaangat aalajangiivigineqarsinnaapput, tak. tjenestemandit pillugit inatsimmi § 27, imm. 3.

Isumaqatigiissutit malillugit atorfeqartitanut tunngasumik immikkut ittut

Isumaqatigiissutit malillugit atorfeqartitanut tunngasumik pissutsit allaanerulaarput. Sulisoq isumaqatigiissutit malillugit atorfeqartitaasoq kommunimi sulinermini pinerluttulerinermi inatsiseqartitsinermut akerliusumik iliuuseqarsimappat, tamatumani kommunip peersitsinerup pineqaatissiissutitut atornissaa kissaatigalugu, peersitsinermut tunngaviusup uppersarsaatissaqartinneqarneranik misiliineq misiliine-russaaq pinerluttulerinermut inatsiseqartitsineq naapertorlugu misilinneqarnermut qanittuararsuaq. Taamaattorli tamatumunnga atatillugu matuma malugineqarnissaa pingaartuuvooq, pineqaatissiineq pinerluttulerinermi inatsiseqartitsinermut tunnganngitsoq, kisiannili isumaqatigiissuteqartarneq pillugu inatsiseqartitsinermi tunngavigisassanik aallaaveqartoq, tamatumunngalu ilanngunneqassapput suliap aalajangiivigineqarnissaanut suliasat suliarineqartarnerat pillugu inatsiseqartitsinermi tunngavigisassat nalinginnaasut.

Pissutsinut pinerluttulerinermi inatsiseqartitsinermut tunngasunut isumaqatigiissutit malillugit kommunip atorfeqartitaasut sulinermik avataatigut iliuuserisimasaannut tunngasumik pisuunermik apeqqummut isummerfiginnittoqarniannilaq, pissutsit eqqartuussutikkut aalajangersarneqarsimanngippata eqqartuussummillu nangitsinnaanermmut piffissarititaq qaangiussimanngippat. Imaassinnaavoq pasillit, unnerluussut imaluunniit eqqartuussut isumaqatigiissutit malillugit atorfeqartitap kommunillu akornanni tatigeqatigiinnermik sunniisinnaasoq, taamaammallu kommunip pisumi tassani isumaqatigiissutit malillugit atorfeqartitamik soraarsitsinialersooq.

Suliffigisami pisimasoq suliffiup isumaqatigiissutit malillugit atorfeqartitaq pineqartoq ilagalugu ingerlasinnaanera pillugu naliliineq kommunip aallaavittut tungavigisussaavaa, taamaattoqanngippallu soraarsitsisoqarnialinnginnerani allamut nuutsitsinissamut periarfissaasinnaasut nalilersorneqartussaallutik. Kommunip paasinninnera malillugu tamanna Europami Inuit Pisinnaatitaaffii pillugit Isumaqatigiissummi artikel 6-imut akerliusssaavoq, pisuunermik apeqquut pissutsimigut pinerluttulerinermi inatsiseqartitsinermut naapertuuttoq kommunimi sulinerup avataatigut piliarineqarsimasoq kommunip nammineerluni misilikkaa.

Taamatut akissuteqarluni kommunip neriutitigaa suliaq naammassisoq.”

Ukiup nalunaarusiuunneqartup naanerani kommunip allagai isummerfigisimangilakka.

### **Ukiumut 2002-mut ukiumoortumik nalunaarut, immikkoortoq 5, qupperneq 567 tulluilu.**

#### **Ineqarnermut akiligassanut kinguaattoorutitut naafferartumik akilersuinissamut periaatsimik allannguinermit aviisitigut ilanngussinik-kut nalunaaruteqarneq. (J.nr. 11.73.39.12/118-01)**

Ineqarnermut Attaveqatigiinnermullu Pisortaqarfiup allakkani 5. februar 2003-meersuni imatut akivaanga:

”Nalunaarut qulaani taaneqartoq pillugu Ineqarnermut, Attaveqarnermut Pilersuinerullu Pisortaqarfik Inatsisartut Ombudsmandiannit saaffiginissummik 16. december 2002-meersumik tigusaqarpoq.

Soorlu Ombudsmandip A/S Inissiaatileqatigiiffik INI-mut allakkamini eqqaareeraa, Ineqarnermut, Attaveqarnermut Pilersuinerullu Pisortaqarfiup siusinnerusukkut oqaatigisimavaa nalunaarut inissianik attartortarneq pillugu peqqussut naapertorlugu paasineqassasoq. Taamaalilluni ineqarnermut akiliinngitsoornerup kingunerisaanik attartornerup atorunnaarsinneqarsinnaaneraniq naliliinissamut pisortaqarfiup nalunaarut killiliisutut isiginngilaa. Pisortaqarfiup aamma pingaaruteqartut killeqartitsisutut isiginngilai, matumanimi pingaaruteqassusermik naliliineq nalinginnaasoq atorneqassammat taamaalillunilu aamma ingerlatsinermi tungaviusut atuuttut atorneqassallutik. Inatsisit atortinneqarnerat malillugu ineqarnermut akiliinngitsoortarneq attartornermik isumagatigiissummik sumiginnaanerujussuujuuannarpoq.”

Pisortaqarfimmut 10. september 2003-mi imatut allappunga:

”Akiligassanut kinguaattooruteqarneq paasineqaraangat attartornerup atorunnaarsinneqarnera pillugu tamatigut aalajangiisoqarsinnaaneraniq (imaluunniit aalajangiisoqartussaaneraniq) nalunaarutip paasinerluinermit pissutaalersinnaanera pillugu Ombudsmandi pillugu inatsimmi § 11 naapertorlugu nalunaaruteqarninnut pisortaqarfiup akissutaa 6. februar 2003-mi tiguara.

Pisortaqarfiup akissutaa ima paasivara pisortaqarfik isumaqartoq attartukkamut akiliisoqannginneratigut attartortuujunnaarsitsisinnaatitaanermik tamatigut piusooqartussaasoq, tassami akiliisimanginneq eqqartuussinermi apeqquummik aalaja-

ngersimasumik aalajangeeriaseq malillugu tamatigut pisussaaffimmik sumiginnaan-  
nerummat annertoq.

Pisortaqarfiup akissutaata imaattunik oqaaseqarnissannut pissutissaqalersip-  
paanga:

Namminersorerullutik Oqartussat kommunillu ineqarnermik aqutsinerisa tu-  
ngaat pillugu inatsisitigut tunngavissaqarnermik piumasaqaammik sukannerneru-  
sumik imaluunniit marloriaammik piosoqarnera annertuumik eqqartorneqarsinnaa-  
voq.

Taamaalilluni tassani pineqarpoq attartornermut inatsiseqartitsinikkut malittari-  
sassat inuinnarnut inatsiseqartitsinertut pissusillit taakku, attartukkanut inuinnaat  
taamatullu pisortat attartortitaannut atorneqartartut, malinneqartussaasut.

Kisiannili pisortat oqartussaasui ineqarnermik aqutsisuusut attartortitsinermut i-  
natsiseqartitsinermi malittarisassat taakku kisiisa tunngavigisinnaanngilaat.

Matuma saniatigut Namminersorerullutik Oqartussat kommunillu inissiaataan-  
nik attartortittakkanik aqutsinermut malittarisassanik immikkut ittunik annertuumik  
imaluunniit attartorneq pillugu peqqusummik tunngaveqartunik aalajangersaaso-  
qarsimanagera tassani pineqarpoq, oqartussaasut inissanik aqutsisuusut ingerlatsiner-  
mut inatsiseqartitsinermi malittarisassanik piviusunnortitsissasut, matumunnga  
aamma ilanngullugit suliassat suliarineqartarnerat pillugu inatsimmik aammalu i-  
ngerlatsinermut inatsiseqartitsinermi tunngavigisassanik, Kalaallit Nunaanni oqar-  
tussaasut qilersorsimaffigisaannik, inatsisiliortut matumunnga allaassuseqartitsiner-  
nik toqqartunik erseqqissunillu aalajangersaasimannikkaangata.

Ingerlatsinermut inatsiseqartitsinermi pissutsinut naapertuuttumik tunngave-  
qarneq atuuppoq, aammalu ingerlatsiviup suliap naammattumik paasisutissartal-  
sornissaanut akisussaassuseqarneranik tunngaveqarneq atuulluni.

Attartukkap akilernissaanut pisussaaffimmik sumiginnaanerup suqaluartulluun-  
niit malunnaateqarneranik tunngaveqarneq inuinnaat/namminersortut pillugit inatsi-  
seqartitsinermi malittarisassanut, inissanik aqutsinermi tunngavigineqartunut, ilaa-  
voq. Tunngavigisaq siunertaqarpoq attartortitsisoq, attartornermut akiliut piffissaq  
eqqorlugi akilerneqanngippat, attartornermik atorunnaarsitsisinnaasoq, atorunnaar-  
sitsisussaanani. Tunngavissaq taanna kalaallit inatsiseqartitsineranni, attartorneq  
pillugu peqqusutip §-iisa 53-ianni, ilanngunneqarsimavoq.

Paarlattuanilli pissutsinut naapertuuttumik tunngaveqarneq tassaavoq pisortat i-  
ngerlatsinerannut inatsiseqartitsinermi tunngaviusoq matumunnga nassataqartoq, i-  
ngerlatsivik innuttaasunik nammackersuinerup tungaatigut siunertarisami oqaatigi-  
neqartunit annerusumik ingerlaqqeqqusaanngitsoq, tamannalu suliami mianeris-  
sanik assigiinngitsunik oqimaaqatigiissaarineq tunngavigalugu toqqartumik nalili-  
nermik tunngaveqarpoq. Assersuutissatut innersuussutigaara Hans Gammeltoft-  
Hansenip il.il. atuakkiaat, Forvaltningsret (Ingerlatsinermut inatsiseqartitsineq),  
aappassaanik naqitertitaq, Jurist- aamma Økonomforbundip naqiterisitsisarfia,  
2002, qupperneq 372 tulliilu.

Taamaammatt pisortat oqartussaasuata akiliinissamik sumiginnaanerup suuga-  
luartulluunniit malunnaateqarnera tamatumuunakkullu atorunnaarsitsisissamik tun-  
ngaveqartinneqarnera pillugu attartornermut inatsiseqartitsinermi malittarisassamut  
innersuussiinnarluni pisunik ataasiakkaanik naliliineq, pissutsinut naapertuuttumik  
tunngaveqarnerup nassatarisaa, akornusersinnaanngilaa.

Taamaattumik aalajangiusimavara Namminersorerullutik Oqartussat kommu-  
nillu inissiaataanni attartortittakkani attartortuujunnaarsitsisarneq pillugu Nammi-  
nersorerullutik Oqartussat nalunaarutaannut nr. 8-mut, 2. april 2002-meersumut  
tunngavissaqarnissaq pillugu imaluunniit nalunaarummi § 1-ip eqqortumik nassuiar-  
nissaa pillugu taamatut nalornissuteqartoqarmat, pissutsit Inatsisartunut Naalakker-  
suisunullu nalunaarutigisariaqarlugit, tak. Ombudsmandi pillugu inatsimmi § 11.

Aammattaaq tamatuma nassataraa pisorta qarfik qinnuigeqqikkiga tamanna qanoq iliuseqarnissamut sutigut pissutissaqalersitsinersoq isumaliutersuutigeqqullugu.

Naalakkersuisut nalunaarummi malittarisassap maannakkut iluserisaatigut malittarisassap allangortinnissaanut tunngavissaqalersitsinissamut pissutissaqarsorinaguluunniit taassuma qanoq paasisariaqarneranik nalornissuteqarnerup oqartussaa-sunik inissanik aqutsisunik ilitersuussinikkut ikiorsernissaanut pissutissaqarsorin-gippassuk, isumaqarpunga ilisimatitsissutigisariaqarlugu ilimagineqartariaqartoq apeqqut suliamut aalajangersimasumut atatillugu pingaaruteqalissagaluarpas, akili-simanninneq pissutigalugu attartormik atorunnaarsitsineq kukkunertut anner-tuutut isigiumaariga, tamanna pillugu aalajangernermut tunngavittut atorunnaar-sitsinerup pissutsinut naapertuuttumik tunngaveqarneranik immikkut naliliineq naleqquttumik annertussuilimmik ilaatinneqanngippat.”

Pisorta qarfiup allakkani 29. september 2003-meersuni imatut akivaanga:

”Inimik attartormer-mut akiliuteqartarsimanninneq pissutigalugu inimik attartor-tuujunnaarsitsinissaq pillugu Ombudsmandip allagaa 10. september 2003-imeersoq, j.nr. 11.73.39.12/118-01, Ineqarnermut Attaveqarnermullu Pisorta qarfiup tiguaa.

Pisorta qarfiup ilinnut ilisimatitsissutitut nalunaarutigisinnaavaa, ininik attartor-tarneq pillugu Inatsisartut peqqussutissaattut siunnersuut iluarsaassaq Inatsisartut upernaakkut 2004-mi ataatsimiinnissaanni saqqummiunneqassamat, tamatumani nalunaarummi nr. 8-mi, 2. april 2002-meersumi § 1-imut erseqqinnerusumik tun-gavissaliisoqassalluni.

Pisorta qarfilli isumaqarpoq, ineqarnermut akiliuteqartannginneq inatsisit atuut-sinneqartut naapertorlugit tassaamat inimik attartormer-mut isumaqatigiissummik annertuumik sumiginnaaneq, tamannalu pissutigalugu attartortitsisup inimik attarto-runnaarsitsisarnissaq pisussaaffigaa.”

Ukiup nalunaarusiuunneqartup naanerani pisorta qarfiup allagai kingul-liit suli akinngilakka.

**Ukiumut 2002-mut ukiumoortumik nalunaarut, immikkoortoq 5, qupp. 582 tulluilu.**

**Akileraarutitigut utertoortissanit pinngitsaaliinikkut akiliisitsiniar-nermi inatsisitigut tunngaviusoq. Akileraartarnermi Pisorta qarfiup innuttaasunik ilitersuussinera. (J.nr. 11.73.49.19/079-02)**

Akileraartarnermi Pisorta qarfimmu 31. marts 2003-mi imatut allap-punga:

”Oqaaseqaatinni 17. december 2002-meersumi inassuteqaatigaara pinngitsaali-nikkut akiliisitsiniarnerni akileraarutitigut utertoortisiassanut sammitinneqartuni periaaseq eqqortoq pisorta qarfiup najukkani ataasiakkaani akileraartarnermi oqar-tussaasunut ilitersuussutigissagaa.

Inassuteqaateqarnera pisorta qarfiup tusagassiuutitigut allagarsiussisimanerani immikkoortutigut arlalitsigut isornartorsiuinissannut pissutissaleqarsitsisumik tun-gaveqarpoq.



Tamatuma kingorna pisortaqarfimmit tusagaqarsimanngilanga, taamaattumillu suliaq eqqaasitsissutigaa.

K Kommunitum qanittukkut tikeraarninnut atatillugu aamma paasisimavara kommuni taanna pisortaqarfiup allagarsiussaata imarisaasa isornartorsiuinissannut pissutissaqalersitsisut assinginik imalimmik tamanit takuneqarsinnaasumik allagarsiussimasoq.

Kommunip aningaasaqarnermut ingerlatsivia aperaara oqaasertaliunneqartut K Kommunip nammineq oqaasertaliussarinera.

Ingerlatsiviup oqaatigisinnaavaa oqaasertaliussat Akileraartarnermi Pisortaqarfimmit suliarineqarsimasut, sinerissamilu akileraaruseriffinnut akiliisitsiniartarfinnullu tamanut agguanneqarsimallutik, pisortat pisassarisaannik pinngitsaaliillutik akiliisitsiniartartut innuttaasut akileraarutitigut utertoortisiassaannit pinngitsaaliillutik akiliisitsiniarneranni atugassatut.

Ingerlatsivik ilisimatippara allagarsiussaq taannarpiaq Akileraartarnermi Pisortaqarfiup tusagassiuutitigut saqqummiussimasaa pillugu 2002-mi oqaaseqaateqarsimasunga, Inatsisartut Ombudsmandiata Nalunaarutaani 2002-imeersumi ilanngunneqartumik.

Kommunip allagarsiussaa pisortaqarfimmut malugeqqullugu oqaatiginiariga kommuni ilisimatippara.

Taamaattumik pisortaqarfik qinnuigaara oqaasertaliussat isornartorsiuinissannut pissutissaqalersitsisimasut atorineqarnerat pillugu kommuninut ilitsersuisimanera qanoq iliuuseqarnissamut pissutissaqalersitsinersoq nalunaarfigeqqullunga.”

Akileraartarnermi Pisortaqarfiup allakkani 3. april 2003-meersuni imatut akivaanga:

”Ombudsmandi Akileraartarnermi Pisortaqarfimmut allakkamini 31. marts 2003-meersuni imatut allappoq:

”...”

Tamanna pissutigalugu Ombudsmandi nalunaarfigneqassaaq pisortaqarfiup Ombudsmandimut allakkamini 4. november 2002-mi ullulerneqarsimasuni ilaatigut makku oqaatigimmagit:

”Ombudsmandip inatsilerinerneqarsimasut pisortaata annonce pineqartoq imatut paasilugu atuarsimammagu Akileraartarnermi Pisortaqarfiup paasinninnera unaasoq akiitsoqartut ataasiakkaat eqqarsaatigalugit ilanngaassinissamik, qularnaveeqqutitut arsaarinninnissamik tigusinissamilluunniit aalajangiinngitsoortoqarsinnaasoq, annoncep oqaasertaasa siunissami paatsoorneqarsinnaajunnaarlugit aqqissuunneqarsinnaat Akileraartarnermi Pisortaqarfiup isumaginiarpaa.”

Ukiumi isertitaqarfiusumi 2002-mi akileraarutitigut utertoortisiassanit ilanngaassinermi, qularnaveeqqutissatut arsaarinninnermi tigusinermiluunniit atugasatut oqaasertat nutaat Akileraartarnermi Pisortaqarfiup aasap ingerlanerani suliariniarpei, tamatumunngalu peqatigitillugu periarfissaq taanna atorniarlugu najukkani ataasiakkaani akileraartarnermi oqartussaasunut malugeqquniarlugu akileraarutitigut utertoortisiassanut sammitinneqartumik pinngitsaaliilluni akiliisitsiniarnermi suna eqortumik periaasiusutut Ombudsmandip isigigaa.” (Atorfeqarfimmi nutsigaavoq)

Pisortaqarfik allakkani 29. april 2003-mi imatut akivara:

”Allakkannut 31. marts 2003-meersunut pisortaqarfiup akissutaa 8. april 2003-mi tiguara. Pisortaqarfiup akissummini oqaatigaa allagarsiussap oqaasertai suliami paasinninninnut naapertuuttunngortillugit pisortaqarfiup aasap ingerlanerani aaqqis-suunnirai.

Taamaattumik suliami annertunerusumik iliuuseqaqqissanngilanga.”

## **Ukiumut 2002-mut ukiumoortumik nalunaarut, immikkoortoq 5, qupp. 591 tulluilu.**

### **Kommunip akiliisitsiniartartumik atorfinitsisisimanninnera. (J.nr. 11.73.49.30/069-00)**

Kommunimut 27. marts 2003-mi imatut allappunga:

”6. juni 2002-mi oqaaseqaatinni inassutigisannut kommuni allakkakkut nr. ..., 27. november 2002-meersukut akissuteqarpoq.

Kommunip paasisitsissutigaa akiliisitsiniartarfimmi akileraaruserivimmilu pisortatut atorfiup qanittukut inuttalerneqarnissaa kommunip naatsorsuutigigaa.

Kommuni qinnuigaara kommunalbestyrelsi akiliisitsiniartartumik eqqartuussisarneq pillugu inatsimmi kapitali 7, § 18, imm. 1 naapertorlugu toqqaasimanersoq paasisitsissutigeqqullugu.

Aammalu oqaatigaara oqaaseqaatinni aamma inassutigigakku akiliinissamut pi-sussaaffeqarneq inatsitigut aquataatillugu aammalu akiitsut eqqartuussinertaqanngit-sumik pinngitsaaliinikkut akilersinniarneqarsinnaasut pillugit innuttaasunik akiitsu-nik naafferartumik akilersuinissaq kommunip innuttaasunut isumaqatigiissuteqaati-gisassanngikkaa.

Taamaattoqartillugu naafferartumik akilersuineq ingerlatsinermut inatsiseqartit-sinermi malittarisassat malillugit aalajangiinertut kommunimit aalajangersarneqar-tassaaq.

Inassuteqaammut tamatumunnga kommuni akissuteqanngimmat, tamanna pillu-gu kommuni eqqaasitsissuteqarfigaara.”

Kommunip allakkani 15. april 2003-meersuni imatut akivaanga:

”Allakkatit 27. marts 2003-meersut innersuussutigalugit nalunaarutigineqassaaq kommunip akiliisitsiniartarnermi akileraartarnermilu pisortaq 1. januar 2003 aal-larnerfigalugu atorfinitsissimagaa, taannalu allaffimmi fuldmægtigimik atorfinitsi-sisimalluni, taamaalillunilu kommunimi akileraartarnermut akiliisitsiniartarner-mullu tunngasut tamanut toqqissisimanarnerulersimaqalutik, tassami pineqartoq kommunimi maani pisortat pisassarisaannik akiliisitsiniarnissamut aamma pigin-naatitaammat. Taamaalillutik piffissami kingullermi akiitsulippassuit namminneq pi-umassusertik tunngavigalugu isumaqatigiissuteqarsimapput, taakkumi isumaqa-tigiissuteqarumangippata taakku pisassarisaannit malittarisassat atuuttut tunngavi-galugit unerartitsisoqalissammat.

Taamaattorli Akileraartarnermi Pisortaqarfimmik suleqateqarnerput manna tikil-lugu aalajangiusimavarput, taamaaliornikkut kommunimi akileraartarnermi teknik-kikkut sulianik suliarinnineq sapinngisamik pitsaanerpaaq qulakkeerlugu.” (Ato-rfeqarfimmi nutsigaavoq.)

Kommunimut 18. juli 2003-mi imatut allappunga:

”Allakkannut 27. marts 2003-meersunut kommunip akissutaa 15. april 2003-meersoq 28. april 2003-mi tiguara, allakkanilu qulaani pineqartuni kommuni qinnui-gaara kommunimut akiitsut ikilisinneqarnissaat qulakkeerniarlugu isumaqatigiissu-tinik kommunip atuinermik killilersimaarinnissaanik inassuteqaatinnut akissuteqaq-qullugu.

Oqaaseqaatinni ... inassuteqaatinni pineqartoq tassaavoq kommunip allakkiani assigiissaartunik oqaasertalersugaasut (periaatsinilu) naleqqussartariaqarai, taamaaliornikkut akilersuinissat pillugit innuttaasunut isumatigiissutaasut pinngitsaa-liilluni akiliisitsiniartartup sulineranut, eqqartuussisarneq pillugu inatsit malillugu pinngitsaaliilluni akiliisitsiniarnermik suliaasumut, attuumassuteqartinnagit isuma-qatigiissutigineqartalersillugit.

Taamaaliilluni kommunip akiliisitsiniarnermini innuttaasunut isumaqatigiissutit eqqartuussisarneq pillugu inatsimmi periaatsit atoqquneqartumut taarsiullugit atorsinnaangilai. Allatut oqaatigalugu imaappoq kommunip innuttaasullu akor-nanni isumaqatigiissut innuttaasup pisortanut akiitsuinik pinngitsaaliilluni akilii-sitsiniarnermi akissarsianik ilanngaassinermut allatulluunniit pinngitsaaliilluni aki-liisitsiniarnermut tunngavittut atornerqarsinnaangitsoq.

Taamaattumik inassuteqaatiga qalleqqillugu inassuteqaatigaara, tassalu kommu-nip akiliisitsiniarnermik ingerlatsinini piareersartassagaa, taamaaliornikkut akiit-sunik naafferartumik akilersuinissat aalajangersarneqarnissaannik apeqqutit pinngit-saaliilluni akiliisitsiniartartumit aalajangiiffigineqarnatik kommunimi sulisunit al-lanit aalajangiiffigineqartalersillugit.

Paatsoortoqaqqunagu oqaatigaara pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni nr. 3-mi, 2. maj 1996-imeersumi akiitsoqartup pinngitsaaliillunilu akiliisitsiniartartup akornanni isumaqa-tigiissutit § 3-mi taaneqartut tassaangimmata akiitsut qaqugu akilerneqarnissaannik isumaqatigiissutit, tassaallutilli naafferartumik akilersuinermik aqqiissuussinerup aalajangersarneqareersimasup innuttaasup pineqartup akissarsiaanit ilanngaassi-sarnikkut ingerlanneqarnissaa pillugu isumaqatigiissutit.

Aamma maluginiarpara kommunip uannut akissutimini oqaatigigaa kommuni pinngitsaaliilluni akiliisitsiniartartussamik toqqaasimasoq.”

Kommuni akissuteqaqqullugu allakkani 22. september 2003-meersuni eqqaasippara.

Ukiup nalunaarusiuunneqartup naanerani kommunimit suli tusagaqarsi-mannngilanga.

**Ukiumut 2002-mut ukiumoortumik nalunaarut, immikkoortoq 6, qup-perneq 614 tulluilu.**

**Napparsimasunut tarnimikkut nappaatilinnut eqqartuunneqarner-mikkut inissinneqarsimasunut tunngasumik Namminersornerullutik Oqartussat kommunillu akisussaaffeqarnerat pisinnaatitaanerallu. (J.nr. 11.73.01/96)**

Folketingip Ombudsmandiata 7. januar 2003-mi ilisimatippaanga Statsministereqarfimmut ulloq taanna imatut allassimalluni:

”Inatsisartut Ombudsmandiat allakkani 18. december 2002-meersuni, assilineri Statsministereqarfiup tigusimasaani, Atorfeqarfiup sulisuisa aamma Naalackersuisut Allattoqarfiata, Peqqissutsimut Pisortaqarfiup aamma Isumaginninnermut Suliffeqarnermullu Pisortaqarfiup sinniisaasa 2. december 2002-mi ataatsimiissimane-rat pillugu ilisimatippaanga. Inatsisartut Ombudsmandiata ilisimatitsinnermut tassu-nga atatillugu oqaatigaa angerlartitsiniarnermi inissanik (naleqquttunik) pissarsiso-qarsimanninneratigut pissutsit qanoq ittuunerat tunngavigalugu Inuit Pisinnaati-taaffii pillugit Europami Isumaqatigiissummi artikel 5 unioqqutinneqarsimasinnaa-soq. Ombudsmandip tamatumunnga atatillugu suliaq aalajangersimasoq Inuit Pi-sinnaatitaaffii pillugit Europami Eqqartuussiviup suliarisimasaa innersuusstutigi-simavaa. Inatsisartut Ombudsmandiata paasinninnera unaavoq qallunaat naalagaaffiat aamma Kalaallit Nunaanni Namminersornerullutik Oqartussat pissutsit qanoq ittu-nerat tunngavigalugu inuit pisinnaatitaaffiinik innarliisimasutut akisussaatinneqar-sinnaasut.

Inatsisartut Ombudsmandiata paasinninnera malillugu Naalackersuisut massak-kut iliuseqarnissaat utaqqimaarneqartariaqarpoq.

Uanga paasinninnera malillugu suliap taassuma ukiut arfineq pingasut missaanni ingerlasimasup sapinngisamik piaarnerpaamik qulaajarneqarnissaa pingaarutileru-jussuuvoq. Piffissap sivilisunngitsup ingerlanerani Kalaallit Nunaanni Namminersor-nerullutik Oqartussanit qallunaat naalagaaffianni oqartussaasut peqatigalugit aq-qiiisutissaq anguniarlugu suliniuteqartoqanngippat suliniuteqarneq Statsministere-qarfimmit aallaaveqqassasoq Statsministereqarfimmut inassuteqaatigaara.

Inassuteqaatima qanoq iliuseqarnermut pissutissaqalersitsineranik kingusinner-paamik 1. marts 2003-mi ilisimatinneqarnissara qinnutigaa.

Allakkat uku assilineri Inatsisartut Ombudsmandiannut tunniunneqarput.

Aammattaq isumaqarpunga – Inuit Pisinnaatitaaffii pillugit Europami Isumaqa-tigiissummi artikel 5-p unioqqutinneqarsimasinnaanera pillugu oqaatigineqartut aamma innersuusstutigalugit – allakkat uku assilineri aamma Inatsisartut Ombuds-mandiata allagaasa 18. december 2002-meersut assilineri Folketingip Inatsiseqar-titsinnermut Ataatsimiititaliaanut nassiuttariaqarlugit.” (Atorfeqarfimmi nutsigaa-voq)

Naalackersuisut Allattoqarfiata allakkani 10. marts 2003-meersuni imatut akivaanga:

”19. april 2000-imi allagaqarluni Inatsisartut Ombudsmandiata nassiuppaa oqaa-seqaat, tassani pineqarluni kalaallit napparsimasut napparsimavimmiiit naammassil-lugit katsorsarneqarsimasutut nalilerneqartut (taamanikkut) Vordingborg Amtshos-pitaliminngaaniit nunatsinnut nuutsinneqartarnissaat pillugu Kalaallit Nunaanni oqartussaasut peqataanissaminnut pisussaaffeqarnerat.

Ombudsmandip isumaa malillugu ullumikkut pisortatigoortumik inatsisitigut tunngavissaqanngilaq Namminersornerullutik Oqartussanik kommuninillu pisussaa-titsisumik tarnimikkut napparsimasut eqqartuunneqarsimasut Danmarkiminngaaniit utertissinnaajumallugit inissiisarfiit, katsorsaasarfiit ikiorsiisarfiillu allat pissarsiari-nissaannut tunngavissiisumik.

Tamanna tunngavigalugu Ombudsmandip Naalackersuisunut inassutigaa Naa-lackersuisut isummerfigissagaat tarnimikkut napparsimasut eqqartuunneqarsimasut

Namminersornerullutik Oqartussat akisussaaffigissaneraat, Namminersornerullutillu Oqartussat akisussaappata Naalakkersuisut danskit naalagaaffiat isumaqatiginiartariaqaraat namminersornerulerneq pillugu inatsimmi §§ 4 imaluunniit 5 pisariaqarpallu 18 naapertorlugit.

Statsministereqarfiup 2. september 2002-mi Inatsisartut Ombudsmandiat nalu-naarfigaa Namminersornerullutik Oqartussat inatsisikkut pisinnaatitsissutikkut tapiissutillu pillugit inatsisikkut tassunga atasukku Statsministereqarfiup isumaa malillugu Kalaallit Nunaanni inunnik isumaginninnermut akisussaaneq tigusi-magaat (1980-imi) aammalu Kalaallit Nunaanni peqqinnissaqarfimmut akisussaaffik tigusi-mallugu (1992-imi). Tunniussineq pisimavoq namminersornerulerneq pillugu inat-simmi § 5 malillugu. Tarnimikkut napparsimasunik katsorsaanerup pilersaarusi-orneranut ingerlanneqarneranullu – tamatuma Kalaallit Nunaanni Danmarkimiluunniit pinera apeqqutaatinnagu - akisussaaffik tamatumunnga ilanngullugu ataatsimoor-tumik tapiissutitalerlugu Namminersornerullutik Oqartussanut tunniunneqarsi-mavoq.

Tamanna tunngavigalugu Statsministereqarfiup suliassaqarfiit taakku tunniun-neqarnissaat pillugu namminersornerulerneq pillugu inatsimmi § 4 imaluunniit 5 malillugit danskit naalagaaffiata isumaqatiginiarnissaanut tunngavissaqarsorinngi-laa. Nunami namminer-mi pissutsinut ministereqarfik peqqinnissamullu ministere-qarfik peqqinnissaqarfiup Namminersornerullutik Oqartussanut tunniunneqarnera-nut tunngatillugu inatsimmut pisinnaatitsissummut susassaarlutik oqartussaasut taamatuttaaq isumaqarput.

1996-imi tarnikkut napparsimasut eqqartuunneqarsimasut tarnimikkullu napparsimasunik inersimasunik katsorsaanerup Danmarkimut Kalaallit Nunaannut nuun-neqarnissaa pillugu siunniussamik oqaaseqaat Inatsisartut akuersissutigaa. Suleqa-tigiissitaliortoqarpoq, taassumalu ”Tarnikkut napparsimasut eqqartuunneqarsimasut Kalaallit Nunaannut utertinneqarnissaat pillugu nassuiaat” 1998-imi saqqummersip-paat. Nassuiaammik inernilunneqarpoq tarnikkut napparsimasut eqqartuunneqarsi-masut tarnimikkullu napparsimasut inersimasut immikkoortumi matoqqasumi nakor-sartariaqartut Kalaallit Nunaannut utertinneqannginneranni piumasaqaatit arlallit naammassineqarsimasariaqartut, tamatumani ilanngullugit inissaqartitsineq, inatsi-siliorneq, ilinniartitsineq, najukkani psykiatriip piorsagaanera.

Tamanna tunngavigalugu Inatsisartut 1998-imi aalajangerput tarnimikkut napparsimasut eqqartuunneqarsimasut tarnimikkullu napparsimasut inersimasut nakor-sarneqarnerata tiguneqarnissaa ukiunik pingasut-tallimanik kinguartinneqassasoq, kisiannili Kalaallit Nunaata piaartumik aallartissagai tarnimikkut napparsimasut nakorsarneqarnerata utertinnissaanut piareersaatissat pisariaqartut arlallit aallartin-neqarnissaat.

Ilaqutariinnermut Pisortaqarfik aamma Peqqissutsimut Pisortaqarfik taakkualu ataanniittut ingerlatsinermik paaqqinniffiit piffissap ingerlanerani Naalakkersuisut aalajangiussaat malinnaaviginiarlugu suliniutinik arlalinnik suliarsimapput. Ila-qutariinnut Pisortaqarfiup taamaalilluni Aaqap allineqarnissaa sulissutigisimavaa, annertunerusumik tarnimikkut napparsimasut ilaatigut tarnimikkut napparsimasut eqqartuunneqarsimasut inaarlugi katsorsarneqareersimasut tassunga nuutsinneqar-tussat inissaata allineqarnissaa siunertaralugu. Aaqap ataaniittumik immikkoortor-tamik pilersitsinissamut ingerlanneqarnissaanullu aningaasanut inatsimmi aningaa-sallisoqareerpoq. Piffissami 2001 — 2003-mi 7 millioner kr. sanaartugassanut im-mikkoortinneqarsimapput. 2002-llu ingerlanerani suliariumannittussarsiuussinermi paasineqarpoq aningaassallissutigineqarsimasunit tunniunneqarsimasunit sanaar-torneq akisunerussasoq taamaattumillu sanaartornissaq kinguartinneqarluni ukiorlu manna aatsaat aallartisarneqarniarluni.

1998-imi nalunaarusiap kingornatigut Peqqinnissamut Pisortaqarfiup makkunatigut suliniutit arlallit aallartissimavai: ilinniartitaaneq, tamatumani ilanngullugu ilinniaqqittarneq, najukkani psykiatri, 1999-ip qiteqqunnerani aallartinneqartut Danmarkimi katsorsartittarfiit pineqartut suleqatigalugit, (Århus Amtimi Psykiatri, sior-natigut Storstrøms Amt), immikkoortumik illersukkamik 24. august 2001-imi atul-ersumik pilersitsineq, eqqarsartaatsikkut nakkutiginnilluni misissuineq, tassani napparsimasut unitsinneqanngikkaluarlutik nakorsarneqarsinnaasutut nalilerneqar-tut tamarmik 1999-ip qiteqqunneraniit Kalaallit Nunaanni nalilerneqartarlutik, aam-malu psykiatri pillugu inatsisiliorneq.

Naalakkersuisut 20. juni 2002-mi aalajangerput Nunami namminer-mi pissutsinut Peqqinnissamullu ministeriaqarfik qinnuviginiarlugu Kalaallit Nunaannut psykiatri pillugu inatsisip nutarterneqarnissaanik. Tamatuma peqatigisaanik Naalakkersuisut aalajangerput nunatsinni atituumik inuttalersukkamik malinnaasussamik suleqatigi-liorniarlutik.

Namminersornerullutik Oqartussat siusinnerusukkat anguniakkatut oqaatigereer-simammassuk tarnikkut nappaatillit napparsimavitsigut suliarineqartarnerat piffis-saq ungasinnerusoq eqqarsaatigalugu nunatsinniinaq ingerlanneqartalissasoq, Naa-lakkersuisut maanna pissusissamisoor-tut akisussaaffigalugu akueraat qulakkeer-niarlugu nunatsinni innuttaasut ilai tarnikkut nappaatillit eqqartuussaaneq pissuti-galugu Danmarkimi nakorsarneqartussanngortitaasimasut nunatsinnut uternissamin-nut tunngavissaasa naapertuuttut pitsaasumillu qulakkeernissaat, inuup pineqartup nakorsarneqarnini naammassisimappagu.

Taamaalilluni Namminersornerullutik Oqartussat utertitsinissamut ajornartor-siutip pissusissamisoor-tut akueraat peqatigitillugulu paasilugu ulluinnarni pis-sutsigit, aningaasatigut nukissatigullu aamma sulisussarsior-nikkut annertuumik aporfissaqartoq.

Naalakkersuisut ulloq 20. februar 2003 aalajangerput, Ilaqutariinnut Peqqis-sutsimullu Naalakkersuisoq suleqatigiinnik pilersitsinissamik suliniuteqassasoq peqataatillugit politiit, eqqartussiveqarfiit, pinerluuteqarsimasunik isumaginnit-toqarfik, KANUKOKA, Danmarkimi Kalaallit Illui aamma Ilaqutariinnut Peqqis-sutsimullu Naalakkersuisoqarfik.

Suleqatigiissitap suliassarissavaa suliarissallugu inatsisissatut siunnersuut tarni-mikkut napparsimasunut eqqartuunneqarsimasunut inaarlugu katsorsarneqareersi-masunut kalaallit oqartuussaasuinut aqutissiuunneqarnissaa, kiisalu tunngavissius-sallugu danskit kalaallillu oqartuussaasuisa akuliusimasut ataqatigiiaakkamik suliniu-teqarnissaat.

Namminersornerullutik Oqartussat ilisimavaat suliaq tuaviortuusooq suleqatigiis-sitalllu isumaliutaata inernera siunnersuutillu 2003-mi Ukiaanerani ataatsimiinnissa-mut saqqummiunneqarnissaa anguniarneqartariaqartoq. Suliniutaasinnaasut, Inatsi-sartunit akuerineqaaqartuussaannngitsut immaqaluunniit aningaasaliivigineqartus-saannngitsut, periarfissaqalerpat aallartinneqarsinnaapput.

Naalakkersuisut aamma aalajangerput apeqqutit aningaasanut tunngasut danskit oqartuussaasui peqatigalugit qulaajarneqassasut. Imaappiarpormi ataatsimoortumik tapiissuteqaraluartoq Kalaallit Nunaanni ajornartorsiutit aaqqinnissaannut nukissa-tigut aningaasatigullu aamma inuttassaqarniarnikkut ajornartorsiuteqarmat.

Statsministeriaqarfiup aamma Namminersornerullutik Oqartussat akornanni ul-loq 24. februar 2003 ataatsimiinneranni Kalaallit Nunaanni politimesterimit aamma Nuummi pinerluuteqarsimasunik isumaginnittoqarfiup pisortaanit peqataaffigine-qartumik, politiit pinerluuteqarsimasunillu isumaginnittoqarfiup nalunaarutigaaat suleqatigiissitami peqataajumallutik Statsministeriaqarfimullu nalunaarutigaa, im-mikkut ilisimasalinnik sulisussaqaartitsisinnaassallutik. Kalaallit Nunaanni eqqar-tuussisuunerup tamatuma kingorna nalunaarutigaa eqqartuussiveqarfik aamma

peqataarususinnaasoq. Naggataagullu suliniutigineqassaaq Risskovimi Psykiatrisk Hospitalimiit aamma suleqatigiinni peqataasoqarnissaa.

Kalaallit Nunaanni Politimesterip ataatsimiinnermi ilisimatitsissutigaa 90'-ikkut qiteqqunneranni kalaallit napparsimasut inaarlugu katsorsarneqareersimasut Danmarkimi katersuinnarneqalersimagaluartut, kisianni napparsimasunik nuussuisarneq massakkut ajornannginnerungaartumik ingerlanneqartartoq. Ataatsimiinnermi Statsministereqarfik ilisimatitsissuteqarpoq kalaallinik tarnimikkut napparsimasunik eqqartuunneqarsimasunik inaarlugu katsorsarneqarsimasunik utertitsinertigut ajornartorsiuteqartoqanngitsoq. Massakkut kalaallit tarnimikkut napparsimasut Danmarkimi psykiatrisk hospitalimiittut arfineq pingasuupput. Uagut nammineq paasisutissat katersorsimasagut naapertorlugit, siunissami qaninnerusumi inaarlugu katsorsartinnissaat naatsorsutigineqanngilaq.

Namminersornerullutik Oqartussat neriupput kalaallinik tarnimikkut napparsimasunik eqqartuunneqarsimasunik inaarlugu katsorsartereersimasunik angerlartitsisarnep ajornartorsiutigeqqinneqannginnissa suligasuartartussat suleqatigiit tungavissiuutissagaat.”

Folketingip Ombudsmandiata allakkani 26. marts 2003-meersuni ilisimatippaanga Statsministereqarfiup akissutaa imaattoq 21. marts 2003-mi tigusimagini:

”Folketingip Ombudsmandiata Statsministereqarfimmut allagaanut 7. januar 2003-meersunut atatillugu suliaq tulliuuttuni eqikkarlugu allaaserineqassaaq, kiisalu Kalaallit Nunaanni Naalakkersuisut sinniisaannik Nuummi 24. februar 2003-mi oqaloqatiginninnerup inernera pillugu nassuiaateqartoqassalluni.

Ajornartorsiu:

Folketingip Ombudsmandiata ukioq 1995 pillugu nalunaarutaanit erserpoq Folketingip Ombudsmandiata Amtshospitali Vordingborgimiittoq 16. maj 1995-imi pulaarsimagaa, nassuiaammilu 23. februar 1996-imeersumi kalaallit napparsimasut katsorsarneqartussat eqqartuussaasimasut Amtshospitalimit naammassillugit katsorneqartut nalilerneqartut Kalaallit Nunaanni oqartussaasut pineqartunik tigusinnaannginnerminnik isumaqarnerat kisiat tungavilersuutigalugu Amtshospitalimit angerlartinneqarsinnaannginnerat naammaginngitsorujussuartut isigisimallugu.

Eqikkaaneq:

1. Kalaallit Nunaanni Inatsisartut Ombudsmandiat tamanna tungavigalugu aalajangerpoq suliaq suliarilerniarlugu, misissuinilu tungavigalugu Kalaallillu Nunaanni Naalakkersuisunut nassuiaammuni 19. april 2000-imeersuni oqaatigisimallugu ”Namminersornerullutik Oqartussat kommunillu kalaallit napparsimasut, tarnimikkut nappaatillit eqqartuunneqarnermikkut inissinneqarsimasut Qallunaat Nunaanniit angerlartinneqarsinnaanissaannut inissiiffissaqarnikkut, katsorsaanissap ikiorsiinissallu tungaasigut killissarititaasunik pilersitsinissaminnut pisussaafeqarnerannut tungaviusussamik erseqqissumik ullumikkut piusoqanngitsoq.

Tamanna Namminersornerullutik Oqartussat peqqinnissaqarfimmik isumaginnittoqarfimmillu tigusinermut tamatumalu kingornagut suliaasaqarfinnut taakkununnga malittarisassanik aalajangersaanermut atatillugu napparsimasut tarnimikkut nappaatillit eqqartuunneqarnermikkut inissinneqarsimasut Kalaallit Nunaannut uter- nissaat pillugit sulianik suliaqarnermut akisussaassutsip oqaluuserineqarsimannginneranut attuumassuteqarpoq.”

Inatsisartut Ombudsmandiat tamanna tungavigalugu Kalaallit Nunaanni Naalakkersuisunut imaattumik inassuteqaateqarpoq:

Tarnikkut napparsimasunut katsorsagassanngortillugit eqqartuussaasimasunut akisussaaffik Namminersornerullutik Oqartussat tigungmissaneraat Naalakkersuisut isummerfigisagaat, akisussaaffik Namminersornerullutik Oqartussaniippat Naalakkersuisut, Namminersornerulluni Oqartussaaneq pillugu inatsimmi §§-it 4 imaluunniit 5 pisariaqarpallu 18 naapertorlugit qallunaat naalagaaffiannut isumaqatigiin-niuteqarneq aallarnissagaat.

2. Inatsisartut Ombudsmandiata nassuiaataa ilaatigut Statsministereqarfimmut ilisimatitsissutitut nassiunneqarsimavoq. Statministereqarfiup suliameq qanoq pisoqarsimanera qinnuigineqarmini malillugu Folketingip Ombudsmandianut ingerlaavartumik ilisimatitsissutigisarsimavaa. Tamanna Statsministereqarfiup aamma Sundhedsministereqarfiup suliaq pillugu allagaani 15. juni 2000-imeersuni, 23. oktober 2001-imeersuni aamma 4. september 2002-meersuni akisussaaffimmik naalagaaffiup Kalaallillu Nunaata akornanni agguataarineq pillugu nalornissutit pillugit apeqqutit isumaqatigineqannginnerat pillugu oqaaseqaataannit ersertussaavoq.

Naalagaaffimmi oqartussaasut tungaannit tungaviutinniarnearpoq kalaallinik tarnikkut napparsimasunik katsorsaaneqarup pilersaarusiorneqarneranut ingerlanneqarneranullu – katsorsaaneqarup Kalaallit Nunaanni Danmarkimiluunniit ingerlanneqarnera apeqqutaatinnagu – Namminersornerullutik Oqartussat oqartussaaffigigaat, Peqqinnissaqarfiup 1992-imi ataatsimoortumik tapiissutit tunniunneqarnerisigut Namminersornerullutik Oqartussanut nuunneqarsimasoq.

Kalaallinut tarnikkut napparsimasunut eqqartuunneqarluutik katsorsarneqartus-sanngortinneqarsimasunut Kalaallit Nunaanni eqqartuussivinnit Danmarkimi tarnikkut napparsimasunut napparsimmavimmi inissinneqartussat katsorsarneqartussa-tulluunniit eqqartuunneqarsimasunut akisussaaffimmi tamanna aamma atuuppoq.

Namminersornerullutik Oqartussat siunissaq ungasinnerusooq eqqarsaatigalugu anguniagassatut oqaatigisimavaat tarnikkut napparsimasut eqqartuunneqarsimasut napparsimmavinnut inissinneqartarnerat taamaallaat Kalaallit Nunanni pisinnaasoq.

Anguniagaq taanna anguneqanngikkallartillugu Kalaallit Nunaanni pinerluttu-lerineq pillugu inatsimmi § 113 malillugu Danmarkimi napparsimmavimmut inissii-nissamat periarfissaq atuuttussaavoq. Kalaallit Nunaanni Namminersornerullutik Oqartussat 1. januar 2003-mi atuutilersumik Århus Amtimut isumaqatigiisuteqarsi-mapput tarnikkut napparsimasut eqqartuunneqarsimasut katsorsarneqarnerat manna tikillugu Storstrøms Amtip Amtshospitaliani Vordingborgimiittumi ingerlanneqarsi-masoq Psykiatrisk Hospitalimut, Risskovimut nuunneqassasoq.

Statsministereqarfiup piviusutut oqaatigaa Kalaallit Nunaanni peqqinnissaqarfik peqqinnissaqarfimmi sulisunik ilinniarsimasunik sulisussarsiniarnermini ajornartor-siuteqartoqartoq. Tamatumunnga atatillugu Kalaallit Nunaata tassuunakkut immi-nut pilersulerneratigut peqqinnissakkut Danmarkimi katsorsaaneqarnerit suugaluartul-luunniit qaqugu pinngitsoorneqarsinnaalissanerannik isumaliutersuuteqarnissaq kis-saatigineqanngilaq.

Suliami matumani naalagaaffimmi oqartussaasut saqqummiussaataat tarnikkut napparsimasunik katsorsagassatut eqqartuunneqarsimasunik Risskovimi isumaginnin-nerup pingaartinneqarnissaanut sammitinneqarpoq, taamaallit taakku Danmar-kimi katsorsarneqarnermik kingornatigut Kalaallit Nunnaanni inuunermt nakkuti-gineqaraluarluni nalinginnaasumut utersinnaaleqqullugit.

Eqqartuunneqarsimasumik napparsimmavimmi katsorsaaneq naammassineqartu-tut oqaatigineqaraangat Kalaallit Nunaannut angerlartitsiniarneq Kalaallillu Nu-naanni peqqinnissakkut isumaginninnikkullu oqartussaasut suleqatigalugit napparsimmavimmi uninnganngikkaluarluni katsorsaaniarneq aallartinneqarpoq, amer-lanertigut pineqarluteqarsimasunik nakkutillisoqarfimmit naalagaaffiup oqartus-saaffeqarfigisaanit aamma nakkutigineqartumik.



Suleqatigiinnermi tassani sakkussatut pingaaruteqartut napparsimmaviup (Vordingborgip, massakkulli Risskovip) inuit ataasiakkaat inissinneqarneranni (inissinneqarnissamik aamma katsorsarneqarnissamik eqqartuussut tunngavigalugu) killiffik pillugu takussutissiaq oqartussaasunut akuusunut qaammammoortumik nassuttarparaa, eqqartuussutit allanngortinneqarnissaa qinnutiginneqarsimappat taanna pillugu oqaaseqaammik kiisalu inuit ataasiakkaat pillugit iliuusissanut pilersaarusiannik ilaqqartillugu.

Statsministereqarfiup Kalaallit Nunaanni pinerluttulerineq pillugu inatsimmi § 113 pillugu allakkiaa 25. februar 2003-meersaq innersuussutigineqarpoq.

3. Folketingip Ombudsmandiata allagaanut 7. januar 2003-meersunut atatillugu Statsministereqarfik napparsimasut Vordingborgimi Amtshospitalimi katsorsarneqartussatut inissinneqartut, nakorsalli naliliinerat malillugu napparsimmavimmi naammassillugit katsorsarneqarsimasutut isigineqartut Kalaallit Nunaannut angerlartinneqarnissamut utaqqisut piffissaq utaqqiffigisartagaat eqqarsaatigalugu misilitakkat pillugit Storstrøms Amtimi tarnikkut nappaatinik katsorsaanermik immikkut ilisimasaqartut suliffiannit oqaaseqaammik pissarsiniarsimavoq.

Oqaaseqaat 20. februar 2003-meersaq ilanngullugu nassiunneqarpoq. Eqikkaalunilu inerniliisoqarpoq ukiut kingulliit pingasut ingerlaneranni tarnimikkut napparsimasut eqqartuunneqarsimasut taamaattut Kalallit Nunaannut uternissaannut utaqqisoqarneq ajortoq, ersersinneqarlunilu taamaaliorneq Kalaallit Nunaanni oqartussaasut akuusut suleqataanissaat qulakkeerniarlugu napparsimmaviup tungaanit anertuumik suliniuteqartoqartarnissamik piumasaqaateqarfiusoq.

Kalaallit Nunaanni Naalakkersuisunik oqaloqateqarnerit inernerat.

Folketingip Ombudsmandiata saaffiginnissutaanut 24. februar 2003-meersumut atatillugu Statsministereqarfiup Kalaallit Nunaanni Naalakkersuisut Allattoqarfiata Kalaallillu Nunaanni peqqinnissaqarfimmi isumaginnittoqarfimmilu oqartussaasut, kiisalu Kalaallit Nunaanni pinerluuteqarsimasunik nakkutilliisoqarfiup sinniissaat kiisalu Kalaallit Nunaata Eqqartuussisua politimesterilu ataatsimeeqatigisimavai, kalaallit tarnimikkut napparsimasut eqqartuunneqarsimasut nakorsat naliliinerat malillugu Kalaallit Nunaanni napparsimmavimmi uninnganngikkaluarlutik katsorsarneqarnissamut nakkutigineqarnissamullu angerlartinneqarsinnaasut pillugit ajornartorsiutit qulaajaniarlugit, kiisalu ajornartorsiutaasinnaasut taamaattut iluarsiivigineqarnissaannut Namminersornerullutik Oqartussat isummernerat oqaloqatigiissutiginiarlugu.

Kalaallit Nunaanni ataatsimiinnerit pillugit imaqarniliaq ilanngullugu nassiunneqarpoq.

Tassannga erserpoq,

- massakkut Risskovimi tarnikkut napparsimasunik eqqartuunneqarsimasunillu napparsimmavimmit naammassillugit katsorsarneqarsimasunik peqanngitsoq. Taamaallutik napparsimasut arlaannaalluunniit Kalaallit Nunaannut napparsimmavimmiinngikkaluarluni katsorsarneqarnissamut pisariaqarpallu pinerluuteqarsimasunik nakkutilliisoqarfimmit nakkutigineqarnissamut angerlartinneqarnissaminnut massakkut utaqqisoqanngitsoq,

- napparsimasut taakku Kalaallit Nunaannut angerlartinneqarnerannut peqataanissamut akisussaaffeqarnerit Kalaallit Nunaanni Namminersornerullutik Oqartussat nassuerutigigaat,

- Kalalalit Nunaanni Namminersornerullutik Oqartussat 1995-imiilli, tassalu Folketingip Ombudsmandia Vordingborgimi Amtshospitalimut pulaarnerata kingornatigut, isumaginnittoqarfiup peqqinnissaqarfimmi ataanni arlalinnik suliniuteqarsimasut, taamaattut angerlartitsinnermi peqataaniarlutik,

- nassuerutigineqartoq napparsimasunik taamaattunik angerlartitsiniarnermi ajornartorsiutit kommunimi, imaluunniit Namminersornerullutik Oqartussat paaqqinniffiutaat Aaqa ulikkaartoorpat, pileqqissinnaasut,

- taamaattumik Kalaallit Nunaanni Naalakkersuisut 20. februar 2003-mi aalajangertertut suleqatigiissitaliamik pilersitsisoqassasoq, ajornartorsiutinik oqaloqatigiissutigineqarsimasunik erseqqinnerusumik misissuisussamik, matumani paaqqinniffeqarnikkut tunngaviit piumasaqataasariaqartut, tamatumunngalu atatillugu aningaasartuutit allaaserineqarnerat naatsorsorneqarnerallu ilanngullugit eqqarsaatigalugit,

- Statsministereqarfiup tungaanit suleqatigiissitaliami tassani Namminersornerullutik Oqartussat aningaasanit inatsisissaannut allannguutissatut siunnersuuteqarsinnaaneq Inatsisartullu ukiakkut ataatsimiinneranni oqaluuserinninnissaq eqqarsaatigalugu suliarnik kingusinnerpaamik august 2003-mi naammassinnissimasussami naalagaaffimmi oqartussat peqataanissaat neriorsuutigineqartoq.

Kalaallit Nunaanni ataatsimiinnerup kingornatigut Naalakkersuisut Allattoqarfiata suleqatigiissitaliap pilersinneqarnera Statsministereqarfimmut allakkatigut 26. februar 2003-meersutigut uppenarsarpaa, suleqatigiissitaliamullu suliassiussut imaattoq allaaseralugu:

”Suleqatigiissitaliap suliassarissavaa tarnikkut napparsimasunut eqqartuunneqarsimasunut naammassillugit katsorsarneqarsimasunut atatillugu Kalaallit Nunaanni oqartussaasut suliassaasa naammassineqarnissaat pillugu siunnersuusiornissaq, matumani qallunaat kalaallillu oqartussaasa akuusut ataqatigiissaarivigineqarnissaannut tunngavissap sularineqarnera ilanngullugu eqqarsaatigalugu.” (Atorfeqarfimmi nutsigaavoq)

Folketingip Ombudsmandiata Statsministereqarfik tamatumunnga peqatigitillugu allakkatigut 26. marts 2003-meersutigut qinnuigaa suleqatigiissitaliap sulinerata inerneru pillugu ilisimatequlluni.

Naalakkersuisut Allattoqarfiannut 24. april 2003-mi imatut allappunga:

”Suleqatigiissitaliamik naalagaaffiup, Namminersornerullutik Oqartussat Kaalallillu Nunaanni kommunit sinnissaannik ilaasortaartumik massakkut pilersitsisoqarsimaneranik Naalakkersuisut ilisimatitsissutaat 10. marts 2003-mi tiguara, suleqatigiissitaliallu taassuma Inatsisartut ukiaru ataatsimiinnginnerani makku sularissallugit:

”... suliassarissavaa tarnikkut napparsimasunut eqqartuunneqarsimasunut naammassillugit katsorsarneqarsimasunut atatillugu Kalaallit Nunaanni oqartussaasut suliassaasa naammassineqarnissaat pillugu siunnersuusiornissaq, matumani qallunaat kalaallillu oqartussaasa akuusut ataqatigiissaarivigineqarnissaannut tunngavissap sularineqarnera ilanngullugu eqqarsaatigalugu”.

Folketingip Ombudsmandiata suliarni ajornartorsiutit suleqatigiissitaliap sulineratigut aaqinneqarnissaannik naatsorsuutiginnittup ilisimatitsissutaa 31. marts 2003-mi tiguara.

Tamatumunnga atatillugu oqaatigaara naatsorsuutigigiga suleqatigiissitaliap sulineru suliniutinik kalaallit tarnimikkut napparsimasut eqqartuussaasimasut inarlugu katsorsarneqareersimasut siunissami tarnimikkut napparsimasunut qallunaat napparsimmaviinit piffissap akuerineqarsinnaasup iluani angerlartinneqarsinnaanerannik qulakkeerinnissamat pisariaqartunik inerneqassasoq.

Tamatumunnga peqatigitillugu oqaatigaara paasininnera suli unaasoq napparsimasut angerlartinneqarnissaannut tunngaviup qulakkeerneqarnissaanik naalagaaffeqatigiinnerup iluani oqartussaasut sorliit isumaginnittussaanerat Namminersorne-

rullutik Oqartussat naalagaaffullu akornanni suliassanik agguataarineq pillugu inatsisitigut aalajangersakkanit takuneqarsinnaanngitsoq.

Tamatumunngali peqatigitillugu Folketingip Ombudsmandianut allakkanit 18. december 2002-meersunit ersertutut paasinninnera unaavoq napparsimasut Inuit Pisinnaatitaaffii pillugit Europami Isumaqatigiissutip innarlerneqarneranit eqqorneqannginnissaat naalagaaffeqatigiinnerup pingaarnerusutigut akisussaaffigaa.

Tamanna isiginiarlugu naatsorsuutigaara napparsimasut kingusinaartumik angerlartinneqartarnerannik ajornartorsiutip aaqqiissutissaasa naalagaaffeqatigiinnerup iluani nammagassat suliassallu agguataarneqarnerat pillugu oqallinnermit ikkarli-saartinneqannginnissaat anguniarlugu suleqatigiissitaliaq pilersinneqarsimasoq ilungersuuteqassasoq.

Naalakkersuisut qinnuigaakka suleqatigiissitaliaq sulinermini angusarisaanik matuma kingorna ilisimateqqulunga.”

Folketingip Ombudsmandiata 16. september 2003-mi ilisimatippaanga akissut imaattoq Statsministereqarfimmit 15. september 2003-mi tigusimagini:

”Kalaallit Nunaanni Naalakkersuisunik 24. februarimi ataatsimeeqateqarnerup inernera pillugu Statsministereqarfiup Folketingip Ombudsmandianut allagaanut 26. marts 2003-meersunut malitseqartitsinertut suleqatigiissitaliaami Naalakkersuisut pilersinniarlugu 20. marts 2003-mi aalajangiiffigisimasaanni sulineq pillugu ilisimatit-sisoqarnissaa Naalakkersuisunut maanngaanniit allakkatigut oqaasiinnartigullu qin-nutigineqartarsimavoq.

Suleqatigiissitaliaq ulloq taanna pilersinneqarnera, suleqatigiissitaliaqmut sulias-siissutigineqartoq tamatumalu kingunerisaanik sulinermi piffissaliunneqartup niki-nera pillugit Namminersornerullutik Oqartussani pisortaanerup ilisimatitsissutaa al-lakkatigut 7. august 2003-meersutigut ilanngullugit nassiunneqartutigit tiguneqar-poq. Suleqatigiissitaliaq taama kingusitsigisumik aallartinneranut pissutaasut oqa-tigineqartutut tassaapput Namminersornerullutik Oqartussat namminneq iluanni pis-sutsit.

Taamatut ingerlatsineq tusaatissatut tiguneqartariaqartutut maanngaanniit isuma-qarfigineqarpoq.

Suliassiissummi nutaami siunertap allaasserineqarnera erseqqippoq, tassalu nap-parsimasut naammassineqartumik katsorsarneqarsimasut tiguneqarnerannut atatil-lugu Kalalalit Nunaanni oqartussaasut pisussaaffiisa naammassineqarnissaannut si-unnersuusiorneq ... taamaalilluni napparsimasut taakku katsorsarneqarnermik ki-ngornatigut Kalaallit Nunaanni inuiaqatigiinnut uternissaminnut naleqquttumik pit-saasumillu tunngavissalernissaat qulakkeerneqassalluni.

Taamatut ingerlasoqartillugu Namminersornerullutik Oqartussat aningaasanut i-natsisaatigut nutaanik aningaasaliiffigineqarnissamut periarfissaq 2005-mi aningaa-sanut inatsimmut kinguartinneqarpoq. Taamaattorli isumaginninnermi tarnikkut napparsimasunik paaqqinniffiup Aaqap inissanik qulingiluanik allilerneqarnera aal-lartinneqarsimavoq (taamaalillutik Inatsisartut 2003-mi aningaasaliissutaat ator-neqaaqilersimapput), 2004-milu ator-neqalersinnaalluni.

Oqaatigineqarpoq napparsimasoq katsorsarneqarnera naammassingajalersoq paaqqinniffiup Aaqap allissutaanut taanna 2004-mi atulerpat inissinniarneqarsima-soq, napparsimasullu amerlanerusut piffissami qaninnerpaami naammassillugit kat-sorsarneqarnissaat naatsorsuutigineqanngitsoq.

Napparsimasut taakku tigusissaannut pisussaaffeqarnermik Namminersornerul-lutik Oqartussat nassuerutiginninnerat ataatsimut pitsaasutut isigineqarpoq. Taama-

tuttaaQ Aaqap allilerneqarnerata piviusunnqortinneqarnera ilorraap tungaanut allo-riarneruvoq, tassami paaqqinniffimmi tassani inissaaleqisitsineq napparsimasut naammassillugit katsorsarneqarsimasut angerlartinniarneqarnerannut akornutaamat.

Suleqatigiissitaliap sulinerata immikkoortuani siullermi taamatut angerlartitsiner-  
mut atatillugu Kalaallit Nunaanni oqartussaasut suliassaannik Naalakkersuisut allaa-  
serinninnerat sularineqassaaq, tamatumalu kingornatigut nassuiaat Inatsisartut u-  
kiakkut ataatsimiinneranni 2003-mi oktoberimi aallartinneqartussatut novemberillu  
ingerlanerani naammassineqartussatut ilimagineqartumi saqqummiunneqassasoq  
naatsorsuutigineqarpoq.

Suliat Inatsisartuni sularineqarnera maangaanniit malinnaaffigineqarniarpoq,  
Folketingip Ombudsmandianut illisimatitsissuteqarnissaq siunertaralugu.” (Atorfe-  
qarfimmi nutsigaavoq)

Statsministereqarfiup Folketingip Ombudsmandianut allagai Nammi-  
nersornerullutik Oqartussat pisortaanerata Statsministereqarfimmut alla-  
gaasa 7. august 2003-meersut imaattut assilinerannik ilaqartinneqarpoq:

”Allakkatigut 4. april 2003-meersutigut aamma 17. juni 2003-meersutigut nap-  
parsimasut eqqartuussaasimasut naammassillugit katsorsarneqartut angerlartin-  
neqarnissaat pillugu suleqatigiissitaliami Namminersornerullutik Oqartussat isuma-  
liutersuutaannik ilisimatinnegarnissaat qinnutigisimavat, qinnuigalungalu suleqati-  
giissitaliap piffissaliunneqartutut tunngavigineqartup iluani angusaqarsimanera up-  
pernarsaqqullugu.

Oqaatiginnaavarali napparsimasoq massakkut ataasiinnaammat naammassilluni  
katsorsarneqangajalersoq, taannalu Kalaallit Nunaanni isumaginninnermi tarnik-  
kullu nappaatinik katsorsaanermi ulloq unnuarlu paaqqinniffimmi katsorsarneqar-  
nini nangikkiartorlugu najugaqariartorlunilu angerlartinneqarsinnaasussaasoq, Ka-  
laallit Nunaanni inissaqartinneqaruni. Napparsimasoq taanna Sungiusarfik Aaqamut  
inissanik qulingiluanik massakkut allilerneqartumut inissinniarneqarsimavoq, Aa-  
qallu allissutaa 2004-mi atorneqalissasoq naatsorsuutigineqarpoq. Napparsimasut  
amerlanerusut siunissami qaninnerpaami naammassillugit katsorsarneqarnissaat  
naatsorsuutigineqanngilaq.

Taamaattorli ajuusaarutigeqalugu nassuerutigisariaqarpara piffissaliussatut naat-  
sorsuutigineqartup iluani angusaqartoqanngitsoorsimasoq. Tamatumunnga pissu-  
taassut tassaapput Namminersornerullutik Oqartussat namminneq iluanni pissutsit.

Killiffik tassaavoq suleqatigiissitaliamut suliassiissut piffissaliussarlu Naalakker-  
suisunit aatsaat ullumikkut akuerineqarsimasut. Suliassiissut ilisimatitsissutitut ilan-  
ngullugu nassiunneqarpoq.

Suliassiisummit takuneqarsinnaasutut suliame illua’ tungiusut susassaqartut ta-  
marmik aallaqqaataaniilli peqataatinniarneqarsimapput, taamaalioniikkut suleqati-  
giissitaliap sulinerani sapinngisamik atorluarneqarsinnaanerpaasumik angusaqarto-  
qarsinnaaqqullugu. Aaqqiissutissarlu pillugu sapinngisamik oqartussaasut assigiin-  
ngitsut amerlasuut suleqatigiinnissaat anguniarneqarpoq.

Nalunngilara angusaq taanna naammaginangitsusoq. Suliarli sukumiisumik  
sularineqartariaqarpoq, suleqatigiissitaliallu sulineru nukingiuunniarneqaraluarpat  
tamatumu angusanut tamarmiusunut sunniuteqarnerlunnissaa annilaanngatigaara.”  
(Atorfeqarfimmi nutsigaavoq.)

Naalakkersuisunut 10. oktober 2003-mi imatut allappunga:

”Naalakkersuisut suleqatigiissitaliamik ilaqutariinnermut peqqissutsimullu naalakkersuisumut 20. februar 2003-mi pilersitseqqusinerisa kingornagut Naalakkersuisut Statsministereqarfimmik allaffigeqatiginnittarsimanagerat pillugu Folketingip Ombudsmandiata paasisutissiisutaanik 18. september 2003-mi tigusaqarpunga.

Taamaalluni ersepoq Statsministereqarfiup allakkani 2003-mi aprilip 4-aaneersuni aamma junip 17-ianeersuni suleqatigiissitaliap isumaliutersuutigisaanik piffissallu suleqatigiissitaliap sulinerata killiffissaatut naatsorsuutigineqartup eqqortinneqarsinnaanerani paasisutissinneqarnissani qinnutigisimagaa.

Aammattaaq ersepoq Namminersornerullutik Oqartussani qullersaalluni pisortap allakkani 7. august 2003-meersuni Statsministereqarfik akissuteqarfigisimagaa piffissaq suleqatigiissitaliap sulinerata killiffissaatut naatsorsuutigineqartoq eqqortinneqarsinnaanngitsaq, tassami Naalakkersuisut suleqatigiissitaliap suliassai sulineranullu piffissarititaq aatsaat 7. august 2003-mi akuerimmatigit.

Namminersornerullutik Oqartussani qullersaalluni pisortap kinguaattoornermut pissutaasut tassaanerapai ”pissutsit suliffiup iluani pisunut tunngasut”.

Suleqatigiissitaliap suliassaasa maanna akuerineqareernerisa kingorna suleqatigiissitaliap ajornartorsiuteqarfiusut pineqartut taakku 2004-mi maajip tungaanut allaaserissavai aaqqiissutissatullu siunnersuutininik aalajangersimasunik saqqumiussilluni.

Naatsorsuutigineqarpoq aningaasaliissutissanik akuersissuteqarfigineqarnissamik pisariaqartitsisinnaanerit ukiumut 2005-imut Inatsisartut Aningaasanut Inatsisissaannut siunnersuummi ukiut missingersuusiorfiusut ilanngullugit ilanngunneqassasut.

Suliap ingerlanerata taaneqartup paasinninnermut, Folketingip Ombudsmandianut allakkani 18. december 2002-meersuni nalunaarutigisimasannut aammalu Naalakkersuisut Allattoqarfiannut allakkani 24. april 2003-meersuni uteqqissimasannut, innersuussinissamut pissutissaqalersippaanga, taanna malillugu kalaallit tarnimikkut napparsimasut eqqartuunneqarnermikkut inissinneqarsimasut Inuit Pisinnaatitaaffii pillugit Europami Isumaqatigiissut malillugu pisinnaatitaaffiisa inarlerneqannginnissaat naalagaaffeqatigiit akunnerminni pingaarnersutigit akisusaaffigalugu.

Aaqqiissutissanik, kalaallit napparsimasut katsorsarneqareerlutik tarnikkut napaatilinnut napparsimmavimmit Qallunaat Nunaanniittumit angerlatinneqarsinnaanissaannik qulakkeerisunik, pilersitsisoqareersimatinnagu pisunik, Inuit Pisinnaatitaaffii pillugit Europami Isumaqatigiissummi artikel 5-imik unioqutitsisinnasunik, nutaanik pilersoqarnissaa aarlerinaateqassaaq.

Taamaattumik oqartussat malittarisassanik aalajangersaasartut akuersisartullu immikkut akisussaaffeqarput napparsimasunik katsorsarneqareersimasunik kingusinaartumik angerlartitsisarnerit, soorlumi sionatigit taamaattoqartarsimasoq, sapinngisamik pinaveersaartinnissaat aammalu ajornartorsiutip aatsaat ajornartorsiut saqqumilaaqqilerpat saqqumilaaqqilissappallu aaqqiissutissarsiniarnissaata pinaveersaartinnissaa qulakkiissallugu.

Matuma saniatigit suliap ingerlanera ima misigisimalersitsivoq, Naalakkersuisut imaluunniit Naalakkersuisut Siulittaasuata (namminersornerulernerimik inatsimmi § 3, oqaaseqatigiit aappaat malillugu suliassat naalakkersuisut ilaasortaannut agguannissaannut akisussaasoq) suleqatigiissitaliamik pilersitsisoqarnissaanik Naalakkersuisut aalajangerat 20. februar 2003-meersoq malitseqartissimannikkaa.

Taamaattumik Naalakkersuisut qinnuigaakka suleqatigiissitaliamik pilersitsinisaaq pillugu Naalakkersuisut ilaqutariinnermut peqqissutsimullu naalakkersuisumut 20. februar 2003-mi peqqussuteqarsimanagerisa, soorlumi Naalakkersuisut uannut Statsministereqarfimmullu taama nalunaaruteqarsimasut, 7. august 2003 sioqqul-

lugu naammassineqarsimasorinanginneranut pissutaasumik nassuiaateqaqqullugit.”

Naalakkersuisut Allattoqarfiata akissutaa imaattoq 4. december 2003-mi tiguara:

”Ombudsmandip allakkatigut 10. oktober 2003-meersutigut Naalakkersuisut qin-nuigai suleqatigiissitaliamik Ilaqutariinnermut Peqqissutsimullu Naalakkersuisoq pilersitseqqullugu Naalakkersuisut 20. februar 2003-mi peqqusissutaata aatsaat 7. august 2003-mi piviusunngortinneqarsimaneranut pissutaasoq pillugu nassuiaate-qaqqullugit.

Statsministereqarfimmut 7. august 2003-mi nalunaarutigisattut ajuusaarutigeqa-lugu nassuerutigisariaqarpara piffissaliussatut naatsorsuutigineqartup iluani angusa-qartoqanngitsoorsimasoq.

Statsministereqarfimmut nalunaarutigaara tamatumunnga pissutaassut tassaasut Namminersornerullutik Oqartussat namminneq iluanni pissutsit.

Suliap ingerlanera imaassimavoq:

Statsministereqarfik 24. februar 2003-mi ajornartorsiutip aaqqiussutissaa pillugu ataatsimeeqatigineqarpoq.

Naalakkersuisut 6. marts 2003-mi aalajangerput tarnikkut napparsimasut eqqar-tuunneqarsimasut Danmarkimiittut pillugit suliap Ilaqutariinnermut Peqqissutsi-mullu Pisortaqarfiup tigussagaa.

Naalakkersuisut Allattoqarfiata 2003-mi aprilip qiteqqunnerani suliap qanoq i-ngerlanera Ilaqutariinnermut Pisortaqarfimmut apeqquteqaatigaa. Ilaqutariinnermut Pisortaqarfik oqarpoq suleqatigiissitaliap inuttalersuganera, suleqatigiissitaliamut suliassiissut piffissaliussarlu pillugit Naalakkersuisut isummernissaannut tunngavis-siaq sularineqartoq. Isummernissamut tunngavissiaq paskip kingunitsianngua naammassineqarsimassasoq naatsorsuutigineqarpoq.

Suliap Naalakkersuisut Aallattoqarfiata Ilaqutariinnermut Pisortaqarfimmut 2003-mi junip naanerani eqqaasitsissutigaa.

Naalakkersuisut isummernissaannut tunngavissiamut missingiut Ilaqutariinner-mut Pisortaqarfiup Naalakkersuisut Allattoqarfiannut 28. juli 2003-mi tunniuppa. Pisortaqarfiup tamatumunnga atatillugu oqaatigaa suliap arlalitsigut ajornartorsi-utissaqartitsisimasoq. Ilaatigut sulisussaaleqineq pissutigalugu inuup piukkunnaatil-lip suleqatigiissitaliamik aqutsisussap nassaariniarnera ajornakusoorsimavoq.

Tarnikkut napparsimasut eqqartuunneqarsimasut naammassillugit katsorsarne-qarsimasut pillugit suleqatigiissitaliamut suliassiissut sulinissamullu piffissaliussa-q Naalakkersuisut 7. august 2003-mi akueraat, suleqatigiissitaliami ilaasortat toq-qarneqarnissaat Ilaqutariinnermut Peqqissutsimullu Naalakkersuisunut isumagisas-sanngortillugu.

Ilaqutariinnermut Pisortaqarfik ukiumi qaangiuttumi suliassanit ajornakusoortu-nit arlalinnit sulisussaaleqinermillu nanertugaasimavoq. Suliap matuma tullerriaari-nermi naammattumik pingaartillugu salliutinneqarsimannginnera tamatuma kingu-nerisimavaa. Taamanikkut Ilaqutariinnermut Peqqissutsimullu Naalakkersuisu-sup Naalakkersuisut isummernissaannut tunngavissiaq kinguaattuungaatsiarluni Naalakkersuisunut aatsaat saqqummiussimavaa, naak Naalakkersuisut Allattoqarfia apeqquteqaateqartarsimagaluortoq.

Suliap pingaaruteqassusia Ilaqutariinnermut Peqqussutsimillu Naalakkersu-isumut nutaamut Pisortaqarfimullu massakkut erseqqissarneqarsimavoq, taakkulu tullerriaarinermi allanngortiterinerit pisariaqartut tamanna tunngavialugu sularisi-

mavaat, atugassiissutillu pisariaqartut suliassamut immikkoortissimallugit.” (Atorfeqarfimmi nutsigaavoq)

Ukiup nalunaarusiuunneqarnertup naanerani Naalakkersuisut Allattoqarfiata akissutaa suli isummerfigisimanngilara.

**Ukiuumut 2002-mut ukiumoortumik nalunaarut, immikkoortoq 6, qupp. 640 tulliilu.**

**Siornatigut naalakkersuisunut ilaasortaasimasumut inissiamik inner-suussineq. (J.nr. 11.73.10.7/056-00)**

Naalakkersuisut Allattoqarfiat allakkannut 23. december 2002-meersunut akissuteqartoqarnissaanik 1. maj 2003-mi eqqaasippara.

Ineqarnermut Attaveqatigiinnermullu Pisortaqarfiup 6. juni 2003-mi imatut allaffigaanga:

”Ombudsmandip allagai 8726-mik normoqartut 1. maj 2003-meersut, Naalakkersuisut Allattoqarfiannut nassiuunneqarsimasut, Ombudsmandip suliamik ataani taaneqartumik eqqaasitsissutigisai Ineqarnermut Attaveqatigiinnermullu Pisortaqarfiup 30. maj 2003-mi tiguai.

Ombudsmandip Naalakkersuisut Allattoqarfiannut allakkamini 23. december 2002-meersuni inissianik attartorneq pillugu peqqussummi kiisalu peqqusuttip kingusinnerusukkt allannguutaani inissianit tamarmiusunit inissianik ataasiakkaanik siunertanut immikkut ittunut atugassatut immikkoortitsinissamik inatsisitigut tungavissaqarnerseq nalorninarortoq oqaatigisimavaa.

Malittarisassat siunnersuutip saqqummiunneqartup nassatarisaanik inissianik attartorneq pillugu Inatsisartut peqqussutaanni nr. 3-mi, 15. april 2003-meersumi erseqqisarneqarput. Inissianik inner-suussisarneq pillugu malittarisassat erseqqinnerusut peqqussummi § 3-miippat.

Ajornartorsiuut Ombudsmandip nammineerluni misissuiffigilersimasaa peqqusutip allannguutaatigut 15. april 2003-meersukkt aaqinneqarsimavoq, taamaallil-lunilu suliaq inaarlugu suliarineqarsimasutut pisortaqarfimmit isigineqarluni.” (Atorfeqarfimmi nutsigaavoq)

Pisortaqarfik 26. juni 2003-mi uannut imatut allappoq:

”Inatsisartut Ombudsmandiata Namminersornerullutik Oqartussat Inatsisileriffiannut allakkatigut 11.73.10.7/056-00-imik normoqartutitigut 1. maj 2003-meersutitigut inissianik attartorneq pillugu Inatsisartut peqqussutaat pillugu nammineerluni misissuiffigininnermik suliaq eqqaasitsissutigisimavaa.

Allakkat taakku Inatsisileriffiup Ineqarnermut Attaveqatigiinnermullu Pisortaqarfimmut kiisalu Aqutsinermut Pisortaqarfimmut suliareqqitassanngorlugit nas-siussimavai.

Inissianit tamarmiusunit inissianik ataasiakkaanik siunertanut immikkut ittunut immikkoortitsisarneq pillugu Ombudsmandip allagaanut pisortaqarfik imaattunik oqaaseqaatissaqarpoq.

Inatsisartut 2003-mi upernaakkut ataatsimiinneranni inissianik attartorneq pillugu Inatsisartut peqqussutaata allannguutaatut Inatsisartut peqqussutaat nutaaq nr. 3,

15. april 2003-meersoq akuerineqarpoq. Peqqussummi nutaami tassani § 3, imm. 1, nr. 6-imi aalajangersagaq nutaap ikkunneqarsimavoq, tassanilu aalangersarneqarpoq Namminersornerullutik Oqartussat kommunillunniit inissiaataanni inissiat inoqanngitsut siunertanut immikkut ittunut immikkoortinneqarsinnaasut.

Pisortaqarfik isumaqarpoq aalajangersagaq taanna Naalakkersuisut inissianik siunertanut assigiinngitsunut immikkut ittunut immikkoortitsisinnaanerannut inatsisitigut tunngavissaasoq naammattoq, taamaattumillu inatsisitigut tunngavissaqannginermik ajornartorsiut aqqinneqarsimasussaalluni.” (Atofeqarfimmi nutsigaavoq)

Pisortaqarfimmut 12. august 2003-mi imatut allappunga:

”Pisortaqarfiup allakkatigut 6. juni 2003-meersutigut, ...-mik j. normoqartutigut aamma allakkatigut 26. juni 2003-meersutigut, ...-mik j. normoqartutigut oqaatigaa pisortaqarfiup paasinninnera unaasoq inissianik attartorneq pillugu Inatsisartut peqqussutaat pillugu Inatsisartut peqqussutaanni nr. 3-mi, 15. april 2003-meersumi § 3, imm. 1, nr. 6 inatsisitigut tunngavigalugu Naalakkersuisut inissianik attartorneq pillugu peqqussummi taagorneqarsimasut saniatigut siunertanut allanut massakkut inniminniinnaalersut.

Inatsisartut peqqussutaata allannguutaa taassumalu piareersarneqarnerani suliat misissoreerpakka, isumaqaaqqaanerullungalu aalajangersagaq pisortaqarfiup innersuussutigisaa Naalakkersuisunut siusinnerusukkut ilaasortaasimasumut inissiamik tunniussisimanermik misissuinissannut pissutissaqalersitsisumut attuumassuteqanngitsaq.

Oqaaseqaatinni 31. oktober 2000-imeersumi oqaatigisattut pineqartoq tassaavoq Naalakkersuisunut siusinnerusukkut ilaasortaasimasumut inissiamik tunineqarnissaminut pisinnaatitaanngitsumut inissiamik tunniussineq tassaasoq sulisunut inissiatut attartukkanik atorunnaarsitsisarneq pillugu malittarisassat saneqqunneqarnissaannik aalajangiineq.

Taamaattumik pineqartoq tassaangilaq inissiap pineqartup siunertanut aalajangersimasumut ”inniminnerneqarnera”.

Tamatumunnga peqatigitillugu isumaqarpunga attartorneq pillugu peqqussutit nutaap pisuni suni Naalakkersuisut inissianik attartorneq pillugu peqqussummit iluortitsisinnaanerannut taamalu peqqussummi innersuussisarneq pillugu malittarisassanik saneqqutsisinnaanerannut periarfissinnerai takuinnarlugu erseqqarluttuusoq.

Taamaattumik pisortaqarfik qinnuigaara aalajangersakkap kingulliup pisortaqarfiup paasinninnera malillugu inissianit ataatsimoortunit inissianik taakku atugasarititaasut attartorneq pillugu peqqussummi malittarisassat (assersuutigalugu inissianik innersuussisarneq pillugu malittarisassat) nassatarisaannit allaasut atorlugit attartortinneqarnissaat siunertaralugu Naalakkersuisut immikkoortitsisinnaanerannut periarfissinnerai, taamaalillunilu immikkoortitsisinnaatitaaneq taanna malittarisassat atuutinneqannginnissaannik immikkut akuersissuteqartarnermut ataatsimut inatsisitigut tunngavissavinngornersoq nassuiaqqullugu.

Pisortaqarfik tamatumunnga atatillugu aamma qinnuigaara inissiat attartorneq pillugu peqqussummi § 3 tunngavigalugu innersuunneqarsimasut inissianit ataatsimoortunit § 1, imm. 2 tunngavigalugu immikkoortinneqarsinnaasut pisortaqarfiup paasinninnerineraa nassuiaqqullugu.”

Pisortaqarfiup 27. august 2003-mi imatut akivaanga:



”Ombudsmandip apeqquteqaataa 14. august 2003-meersoq 11.73.10.7/056-00-imik normoqartoq Ineqarnermut Attaveqatigiinnermullu Pisorta qarfiup tiguaa, tassani pisorta qarfik qinnuigineqarluni nassuiaqqullugu Inatsisartut peqqussutaanni nr. 3/2003-mi § 1, imm. 2 inissianit tamarmiusunit Naalakkersuisut inissianik immikkoortitsisinnaanerannut periarfissiinersoq, inissianik attartorneq pillugu peqqussummi malittarisassani atugassarititaasunit allaasunik atugassaqtitsilluni attartortinneqarnissaat siunertaralugu.

Pisorta qarfiup tamanna pillugu oqaatigisinnaavaa Inatsisartut peqqussutaanni nr. 3/2003-mi, § 1, imm. 2. inatsisitigut tunngavigalugu Naalakkersuisut inissianik Namminersornerullutik Oqartussat inissiaataannit tamarmiusunit immikkoortitsisinnaasut. Tassa imaappoq Naalakkersuisut inissiap suussusianik ingerlaavartumik allanngorartitsisinnaatitaasut. Qulaani taaneqartut Inatsisartut peqqussutissaattut siunnersuut pillugu oqaaseqaatinit erserput, taakkunanilu imaattunik allassimasoqarpoq:

”Naalakkersuisut inissianit attartortittakkanit inissianik immikkoortitsisinnaapput. Inissiat taakku taamaalillutik attartortarneq pillugu peqqussummi malittarisassanik malinniffiussanngillat. Naalakkersuisut inissianut taakkununnga innersuussisinnaatitaapput kikkunnullu innersuussinissamik qanorlu piumasaqateqarnissamik aalajangiisuussallutik.”

Aammattaaq pisorta qarfik qinnuigineqarpoq inissiat inissianik attartorneq pillugu peqqussummi § 3 malillugu innersuunneqarsimasut § 1, imm. 2 malillugu inissianit tamarmiusunit immikkoortinneqarsinnaanersut nassuiaqqullugu.

Inatsisartut peqqussutaanni 3/2003-mi § 1, imm. 2 malillugu Naalakkersuisut inissianit tamarmiusunit inissianik immikkoortitsisinnaapput, tassanilu inissiat inissianit tamarmiusunit § 3 malillugu innersuunneqarsimasut pineqartunut aamma ilaattinneqarput.

Naalakkersuisut immikkoortitsisinnaatitaanerat ingerlatsineq pillugu inatsiseqartitsinermi tunngavitsigut soorunalimi killissaqartinneqarpoq, tassuunalu malittarisassat piumasaannarmik aqunneqarnissaat akornuserneqarluni.” (Atofeqarfimmi nutsigaavoq)

Ukiup nalunaarusiuunneqartup naanerani pisorta qarfiup akissutaa kingulleq suli isummerfigisimanngilara.

## 8. Oqaatsinik ujarliutit.

### A

Aalajangiinermik utertitsineq 99  
 Akileraarutigut utertoortisiassat 391, 442, 486, 516, 543  
 Akiliisitsiniarneq 41, 59, 128, 223, 234, 254ff, 307, 391, 435ff, 490, 510, 523  
 Akissarsianik ilanngaassineq 444, 546  
 Allakkat assigiissaartumik oqaasertalersukkat 376  
 Allakkatigoortitsineq 363ff, 494  
 Allangortitsineq 155, 541  
 Allattuisussaatitaaneq 66, 222, 363ff, 494  
 Ataqinassuseqartumik tatiginassuseqartumillu pissusilersorneq 538  
 Atorfimmi naalasseriitsuliorneq 102, 485  
 Atorfimmik allanguineq 102ff, 526ff  
 Atorfimmit nuutsitaaneq 102, 341, 529ff  
 Atorfimmut atatillugu ileqqorissaarnissamik piumasaqaat 101  
 Atorfinititsinermi atugassarititaasut 9, 234ff, 526  
 Atortussanngortitsineq 155  
 Atortuujunnaarsitsineq 153  
 Attartukkamik atorunnaarsitsineq 49, 274, 295ff, 307ff  
 Aqutsinermi malittarisassat 152, 344, 513  
 Aqutsinermi naliliineq 118, 346  
 Aqutsinermi periaaseq 9

### I

Ilanngaassineq/Unerartitsineq 391ff, 435ff, 486f  
 Illua'tungiusumik tusarniaaneq 43, 120, 363, 483, 499, 502, 506, 534, 536  
 Iiitersuisussaatitaaneq 220  
 Immikkut akuersissuteqarneq 47, 54, 57, 154, 477, 513  
 Immikkut Ikiorsiisarnermi Ataatsimiititaliaq 163ff  
 Inatsisitigut tunngaveqartussaaneq 416  
 Inatsisitigut tunngavik 39, 55, 60, 91, 154f, 186f, 246, 285ff, 301, 307ff, 383, 406ff, 443ff, 464, 471, 473, 478f, 489, 494, 503, 513, 526, 542  
 Ineqarnermut tapiissutit 59, 201ff, 296ff  
 Ingerlatsinermi ileqqorissaarneq 49, 54, 69ff, 245, 305, 363, 435ff, 484  
 Ingerlatsinermik suliaqarnivik 423  
 Inissiamik innersuussineq 51, 58, 285, 558  
 Inissiamik paarlaateqatigiinneq 285ff  
 Inuit aqqi 172  
 Inuit Pisinnaatitaaffii pillugit Europami Isumaqatigiissut 350ff, 463, 536, 547ff  
 Inussiarnersoq 49, 305

Isumagisassanngortitsineq 406ff, 468, 525  
 Itigartitsineq 40, 47, 51, 163ff, 340

## K

Kommunimut piginnaatitsissut 144, 266  
 Kommuninut tikeraarnerit 8, 57, 64, 435, 544  
 Kommunit imminnut aquttuunerat 266

## M

Meeqqanik inuusuttunillu ikiorsiisarneq 190, 350ff, 507  
 Meeqqanut akilersuutit 223, 519  
 Misissuisussaatitaaneq 59, 153

## N

Naalasseriitsuliornermik malersuineq 119  
 Naammagittaalliornissamik killiliineq 61, 201  
 Naammagittaalliornissamut piffissarititaq 154  
 Naliginnaasumik iluarsaassineq 383  
 Naliliineq 55, 99, 188, 334, 343, 365, 415, 445, 497, 522  
 Nalunaarut 159  
 Nammineq kissaatigisamik nuunneq 50, 275, 285  
 Nipangiussisussaatitaaneq 49, 53, 391ff

## O

Oqartussanut qulliunerusunut naammagittaalliorneq 56, 128ff, 183, 205

## P

Paasissutissanik tunniussineq 58, 391ff  
 Paasissutissanik ingerlatitseqqinneq 391ff  
 Paasissutissat isertuussassat 399, 401  
 Paasissutissiisussaatitaaneq 201, 463, 522  
 Paasitinneqarsinnaatitaaneq 44, 159ff, 472  
 Periaaseq 9, 285, 445, 519, 541  
 Periaatsimik sangutitsineq 120  
 Peqqusissut 300, 325ff  
 Pinngitsaaliilluni akiliisitsiniartartoq 445ff, 545  
 Pinngitsaaliilluni naammassisitsineq 392ff, 439ff, 543  
 Pisortat ingerlatsinerat pillugu inatsit 392, 399  
 Pisolalisoorneq 435ff  
 Pisunik imminnut naapertuuttuutitsinermik tunngavik 331, 542

## Q

Qarasaasiakkut allattuineq 67  
 Qinnuteqaat 16, 40, 69, 159, 195, 201, 252, 285

Qinnuteqaataasumik soraarsitaaneq 56, 247  
 Qinnuteqaataanngitsumik soraarsitsineq 46, 110  
 Qinnuteqartumut akuersaartumik aalajangiineq 69ff, 184f,

## S

Sanaartorfigissaaneq 151f  
 Siunnersortip nalunaarusiaa 102ff  
 Siusinaartumik soraarnerussutisiat 42, 211ff, 479  
 Suliap suliareqqitassanngorlugu utertinneqarnera 155  
 Suliap uppernarsaasersorneqarnera paasissutissartalersorneqarneralu 42,  
 102ff, 123ff, 210, 219, 223ff, 302, 363, 437, 466, 483, 486, 484, 536  
 Sulinnngiffeqartarnek pillugu inatsit 37, 54, 86ff

## T

Tunngavilersuut 43, 51, 62, 153, 234, 252, 282, 304, 307, 331, 341,  
 376 ff, 467,483

## U

Uppernarsaatissaqarnissaq 54, 122ff, 211ff, 247ff, 444ff, 506

ISSN 1600-2563

Schultz Grafisk København